

林莺啼到无声处 青草池塘独听蛙



# 六爻古籍经典合集

## 书籍目录

《增删卜易》 .....	2
《卜筮正宗》 .....	292
《卜筮全书》 .....	529
《易林补遗》 .....	977
《易冒》 .....	1119
《易隐》 .....	1240
《火珠林》 .....	1412

## 《增删卜易》

清·野鹤老人

说 明 .....	8
增删卜易序.....	8
卷之一 .....	12
八卦章.....	12
占卦法章.....	13
八宫六十四卦卦名 .....	14
八宫章.....	15
赛锦囊秘法 .....	22
浑天甲子章 .....	24
六亲歌章.....	25
世应章.....	26
动变章.....	26
用神章.....	27
用神、元神、忌神、仇神章 .....	28
元神、忌神、衰旺章.....	29
五行相生章 .....	33
五行相克章 .....	33
克处逢生章 .....	35
动静生克章 .....	35
动变生克冲合章 .....	36
四时旺相章 .....	37
月将章.....	38
日辰章.....	42
六神章.....	43
六合章.....	45
三合章.....	49
六冲章.....	51

三刑章.....	55
六害章.....	56
暗动章.....	56
动散章.....	57
卦变生克墓绝章 .....	57
反伏章.....	61
旬空章.....	65
生旺墓绝章 .....	69
各门类题头总注章 .....	70
各门类应期总注章 .....	71
归魂游魂章 .....	72
<b>卷之二 .....</b>	<b>72</b>
月破章.....	72
飞伏神章.....	75
进神退神章 .....	81
随鬼入墓章 .....	90
独发章.....	93
两现章.....	96
星煞章.....	98
增删《黄金策 - 千金赋》 .....	99
<b>卷之三 .....</b>	<b>133</b>
天时章.....	133
身命章.....	155
终身财福章 .....	155
终身功名有无章 .....	165
寿元章.....	169
趋避章.....	174
父母寿元章 .....	180
兄弟章.....	183

夫妇章.....	185
子嗣章.....	187
学业章.....	191
治经章.....	192
延师章.....	193
求名章.....	195
童试章.....	195
岁考科考章.....	196
占廩章.....	198
考遗才章（凡告考同例）.....	198
发案挂榜章.....	198
廷试章（与会场兼断）.....	198
乡试会试章.....	199
升选候补章.....	203
升迁何方章.....	206
在任吉凶章.....	207
援例章（凡用财图名者同此）.....	209
武试章（亦可与文试参看）.....	210
投麾效用，入武从军章.....	211
署印谋差章.....	211
面圣、上书、叩阍、献策、条陈、劾奏章(凡占文书亦须采用).....	211
防参劾、虑大计、及已有事尚未结案者章.....	214
养亲、告病、辞官章.....	216
修陵修河，一切营造公务防患章.....	216
僧官、道纪、医官、杂职、阴阳等官章.....	217
功名到何品级章.....	217
子占父功名章.....	218
求财章.....	220
<b>卷之四 .....</b>	<b>223</b>

谒贵求财章 .....	223
为贵人奔走效力求财章 .....	225
开店开店及各项铺面章 .....	225
投行损益章 .....	226
囤货卖货章 .....	226
卖货宜守宜动章 .....	229
往何方买卖章 .....	230
买何货为吉章 .....	230
借贷章 .....	231
放债索债章 .....	231
买卖六畜章 .....	232
博戏章 .....	232
请会摇会章 .....	233
行险求财章 .....	233
婚姻章 .....	233
此婚子嗣有无章 .....	239
此婚有宜于父母否章 .....	239
纳宠章 .....	240
配仆章 .....	240
取离妇跳娼妇章 .....	240
胎孕章 .....	241
产妇安危章 .....	242
产期章 .....	243
婴儿否泰章 .....	243
出行章 .....	243
舟行章 .....	244
同舟共行章 .....	244
行人章 .....	244
防非避讼章 .....	252

斗殴争竞章.....	252
兴词举讼章.....	253
已定重罪章.....	253
疾病章.....	253
痘疹章.....	262
病源章.....	263
鬼神章.....	263
延医章.....	264
医占往治章.....	266
家宅章.....	271
盖造、买宅、赁宅章.....	272
创造宫室章.....	273
修方动土章.....	273
迁居过火章.....	273
归宅入火章.....	274
入宅六亲吉凶章.....	274
马房猪圈章.....	275
旧宅章.....	276
同居章.....	279
盖造官衙章.....	280
衙宇章.....	280
盖造寺院章.....	281
莹葬章.....	281
寻地章.....	281
占地形势章.....	284
得地于何时章.....	286
得地于何方章.....	286
占地师章.....	287
点穴章.....	287

---

谋地偷葬章 .....	288
祖莹旧冢章 .....	288
因何事所伤章 .....	289
修补秘法章 .....	290
再占修补吉凶章 .....	290
新亡附葬祖墓章 .....	290

## 说 明

1、此书在清末影响极大，其最大特点为分类占断，卦例解析详尽，便于入门提高，且有他书不传之秘（断占诀窍）

2、这次所据本子，为民国三十年上海锦章书局版，书名为《考证增删卜易》。书中保留了楚江李坦我平鉴定与湖南李文辉觉子增删按语原貌。

3、本书是学易者必读之作，另外，此书对以往奉为经典的易卜理论与经验的争议点及流传讹讹之处均作了考证，并配以实例论证，大有拨乱反正之功。

4、本书共分四卷二百余章；总序为入门导引，卷一为筑基之学；卷二为深造之论；卷三卷四为精进之术。是初学者从熟知易到深入占卜提高过程的桥梁，是现占卜家必修之书。

整理情况：

- 1、补编了《起卦章》
- 2、补写了原书遗漏卦象。
- 3、纠正了原书卦象错误尽百处。
- 4、对全书进行了断句标点。

5、考订了通假字、异体字，纠正了原书笔误，多达数十处，或句玄提要；或发挥精义；或启示后学；或点拨诀窍。按语是作者数年研卜易的心血，决非草率编书者能比。与后学读通此书大有裨益。所以此书现名为《增删卜易校评》。

校评人笔名是——乾元亨

此书用了三个本子，一是同盟校对的《野鹤老人占卜全书》，该书虽是错误较少，卦例也相对较多，但断语中的叙事部分，大部份被省略掉，有些则被合并简化掉，这样一来，却显得呆板，失去了好多生动活泼处。另两本是“虎易”的校对版和“乾元亨”的《增删卜易校评》，这两个本子有不少错漏，而且很多标点符号也标得很乱。为便于学习，故此一次性将三个版本合较而成。（注：有些内容还摘录了“鼎升”先生的“增删校对手记”。）

各位易友倘有善本，发现错误，烦请告知，余将对此书进行更新，不胜感激。

网名：拈花微笑

二零零六丙戌岁于秋月

## 增删卜易序

**野鹤曰**：卜易之道，乃伏羲、文王、周公、孔子四大圣人之心法也。得其精者，可以参天量地；粗知其理，亦可趋吉避凶。凡学卜者，可以深求，亦可浅学。浅学者，只要先学装卦，知道动、变，及卦之六冲、卦变六冲，看熟《用神章》中占何人、占何事，以何爻为用神；再看何为旬空、月破，及春夏秋冬四时衰旺、生克冲刑，即知决断祸福。

假令占功名，若得旺官持世，或日月、动爻作官星生合世爻，求名如拾芥耳；倘遇子孙持世，或子孙动于卦中，不拘占入场、占升迁，悉如水中捞月。占求财，若得财星持世，或日月、动爻作子孙生合世爻，或官鬼持世，财动生之，或父母持世，财动克世，皆许求财之易，为长者以折枝耳；若遇兄弟持世，及兄弟爻动于卦中，或世临旬空、月破，何须缘木求鱼。

如占一年月令，现任官者，宜官星持世，财动生之，皆许吉庆；若遇官鬼相克，日月、动爻作子孙冲克世爻，或作官鬼冲克世爻，或世空、世破，官破、官空，或世动化回头克，及子孙持世，皆为凶兆。

士民而占月令者，最喜财爻及子孙爻持世，管许一岁亨通，若遇官鬼持世，得日月、动爻作财星生合世爻者，更主吉利；若无财动生合世爻，而官鬼持世者，必见灾非，倘世破、世空，及鬼动克世，多见凶灾，兄动克世，口舌破财。

以上官府、士民占流年者，合世之月则吉，冲世之月则凶。皆不宜世爻变鬼，及化回头之克，定见凶危；又不宜财动化父，父化财爻；鬼化父母，必有长上之灾；弟兄变鬼，鬼变弟兄，防手足之厄；财化鬼，鬼化财，财化兄，兄化财，主伤克妻妾婢仆；子化鬼，鬼化子，父化子孙，子孙化父，小口有伤；青龙天喜持世、生世而有喜，虎、鬼发动主孝服，螣蛇、朱雀临兄、鬼动而克世者，须防口舌。玄武临兄、鬼动而克世者，防贼盗及阴人。

如占避讼防非、仇人为害，及行江漂海、深入险地、旅店孤眠、穷乡僻壤、投寺宿庙，或营中贸易、错买盗物，或见邻家火起，或闻瘟疫流行，防虎狼、防盗寇，或夜行早起，或逾险偷关，或已入是非之场，心忧祸患，或欲管闲事，恐惹灾非，或入病家，以防沾染，或误服毒物，恐致伤生，或已定重罪而盼赦，或已得险病而防危，或问此物此药可以服否，或问歹人烈马伤害我否，凡遇一切防灾虑患者，但得子孙持世，及子孙动于卦中，或世动变出子孙，或世动化回头相生，或官鬼动以相生，即使身坐虎口，管许安如泰山，惟忌官鬼持世，忧疑不解，鬼克世，灾祸必侵，世动化鬼，及化回头克者，祸已及身，避之无及，惟世爻空者无忧，世爻破者不利。

占病者，如自占病，若得世爻旺相，或日月、动爻生合世爻，或子孙持世，或子孙动于卦中，不拘久病、近病，或求神、或服药，立保安康。

近病者，世值旬空，或世动化空，或卦逢六冲，及卦变六冲，不须服药，即许安痊。

久病者，官鬼持世，遇休囚，或遇日月、动爻克世，或世值旬空、月破，世动化空、化破，或卦逢六冲，卦变六冲，或世动化鬼，及化回头克者，速宜救治，迟者扁鹊难医。

占父母病，以父母爻为用神。若得父爻旺相，或日月、动爻生父母，或父动化旺，不拘久病、近病，求神、服药立见安宁。

近病者，父爻值旬空，父动化空，或卦逢六冲，不药而痊。

久病者，父爻值旬空、月破，或父动化空、化破，父动化财，财化父母，卦逢六冲，卦变六冲，或父爻休囚，又被日月、动爻冲克，为子者须宜急急求医，亲尝汤，勿远离也。

占兄弟病者，若得兄爻旺相，或临日月，或日月、动爻相生，或兄动化旺、化生，不拘病之远近，立许全安。

近病者，兄爻值旬空，及动而化空，卦逢六冲，卦变六冲，服药即愈。

久病者，兄爻值旬空、月破，及动而化空、化破，卦逢六冲，卦变六冲，兄动化鬼，鬼化兄爻，或兄爻休囚，被日月、动爻冲克，急急服药求神，迟则难调理。

占子孙病者，子孙爻旺相，或临日月，或日月、动爻生合，或子孙爻化回头生、化旺，不拘病之新久，服药求神即愈。

近病者，子孙爻值旬空，及动而化空，卦逢六冲，卦变六冲，不药而愈，出痘者不宜六冲。

久病者，子孙逢旬空、月破，及动而化空、化破，卦逢六冲，卦变六冲，子孙动而化鬼，鬼化子孙，父化子，子化父，及日月、动爻冲克者，速宜服药，迟则难于治矣。

占妻妾病者，以财爻为用神。财爻旺相，或临日月，或日月、动爻相生，或财爻化子孙，及化帝旺者，不拘久病、近病，治之即愈。

近病者，妻财逢旬空，及动而化空，或爻逢六冲，卦变六冲，何须服药，即许灾除。

久病者，财爻逢旬空、月破，及动而化空、化破，卦逢六冲，卦变六冲，或财动化鬼，鬼化财爻，兄动化财，财化兄弟，世有卢医，亦难取效。

凡占三党六亲，及官长、师生、婢仆诸人之病，皆于用神章内以取用神。

占朋友、外人，以应爻为用神，理之常也。往往多有不验者，何也？疑因不甚关切，不诚之故耳。

**野鹤曰**：客有问于予曰，据尔之言，占卜极易事也。即如占功名，得旺官持世以成名，子孙持世而失望；占疾病，近病逢冲、逢空，不药而愈，久病逢冲、逢空，灵丹莫救。如若得此显然者，自是不难知矣。倘占疾病不逢六冲，用神不遇旬空，旺不旺而衰不衰，凶不凶而吉不吉；又如占功名，官与子孙皆不持世，六爻乱动，财父同兴，何以决之？

予曰：尔若垂廉卖卜，每日数卜之占，未必尽得显而易见之卦。凶中藏吉，吉处藏凶者有之，必须奥理深求，细心参悟。尔欲自知趋避者，必然卦不乱占，心无杂念，每遇一事，即刻卜之，神不欺人，占名而名成者，即得官星持世，而不成者，子孙即动于卦中。如若间有卦之恍惚，次早洁诚再卜，再遇恍惚，还可卜之，自然响应。只不可心怀两事而占，一念之诚则应，若连占两三事者，则不灵也。又如占疾病，更容易耳！一人有病，一家俱可代占。若是近病，但有一卦，爻逢六冲或卦变六冲，或用神值旬空，及用神动而化空者，即愈之疾，久病而逢此者，难治之灾也。又如防灾虑患，但得子孙持世，便与霹雳同居，管许安然无恙，有何难耶？

客曰：占有渎之，不敢再三，何敢连占几日？

予曰：因此一语，误尽卜卦之人！岂不闻：“三人占，听二人之言”，一事既可三处而占，何妨再渎？然亦有不可再渎者，以此一事，一刻而连占也，须于次日再卜可也。又有连日亦不可而再渎者有之。即如占功名，已得子孙持世，我心不悦，必欲求其官鬼持世而后已，此则谓之再三渎也。然予亦有见其再三渎者，未见神之不应也。予因少年辨复功名，占过七次，竟有六次而得子孙持世，此乃神不厌我多问，屡问而屡报也。又有厌予多问者，如我问求财，卦已明现有财，我心已知矣，我再问之，神不告矣，而又以我未占之事而告我也。如一日占求财，旺财持世，是我明知辰日得财。次日再占一卦，果于辰日得财否？卦得申金兄动而不得，是何说耶？及至辰日得财，至申日因他事而破财。始悟辰日之得财者，神已告我，我已知矣。次日而再问之，神不告矣，报我申日而破财也。故知再三渎者，神亦不见其责，而又报我未问之事也，此事极多。予著此书，传后贤之秘法者，无他法也，教浅学者，凡遇卦之恍惚，心若未明，多占无碍。倘卦中已明现矣，不可再渎。至于占病者，一人有病，一家俱可代占，自有显然之卦。再者，遇事即占，乘此心而未乱，不可多积事情于心，事多心乱，即非一念之诚也。教其深学卜者，后有分占之法，及予所辟诸书之谬，与增其奥，宜细味之。此皆予四十余年，终食不违，须臾不离以得之也，实先贤之所未传。须宜通前彻尾，细心详悟，自然巧夺天工，欲参天地之化育，测鬼神之隐微而不难矣！

**觉子曰**：倘遇急事，卦之恍惚者，一刻亦可连占三、五卦。

---

〔乾按〕鹤老此序以积四十余年易占之心法，为后学阐奥指迷，参悟卦理，不入歧途，道尽占卦之机要。若读此书，不可不先读此序；欲学易占，亦不可不通解此序。

全篇先授学卜入门之道，深求浅学皆宜；次解各类占断之要诀，趋吉避凶自明；后论卦遇恍惚何处？此于处学者最为紧要，若能悟尽参透，则登堂入室为时不远。

---

〔居士按〕此书我看过数十遍，真是百看不厌。序篇基本上把占断要领通讲一遍。初学略读两遍即可。因为基本知识不掌握，读多了也是糊涂。先学初步，慢慢领会。等书中所教一切基本知识熟练掌握之后，再回过头来看此序，定能长进许多。我的学习方法是，先背六十四卦，直至滚瓜烂熟，再把八宫世应记住。四季五行旺相休囚、生克冲合、月将日建、用神元神忌神仇神分清记牢，最主要的是，多占卦，不要怕错，积累经验最重要。俗话说，拳不离手，曲不离口，好脑子不如个勤笔头。只有天天不断，进步就显而易见。

## 卷之一

### 八卦章

乾三连 坤六断 震仰盂 艮覆碗

——单 — 一拆 — 一拆 ——单

——单 — 一拆 — 一拆 — 一拆

——单 — 一拆 ——单 — 一拆

天 地 雷 山

离中虚 坎中满 兑上缺 巽下断

——单 — 一拆 — 一拆 ——单

— 一拆 ——单 ——单 ——单

——单 — 一拆 ——单 — 一拆

火 水 泽 风

乾为父 震长男 坎中男 艮少男

—— — — — —

—— — — — —

—— —— — — —

坤为母 巽长女 离中女 兑少女

— — —— —— — —

— — —— — — ——

— — — — —

[乾按] 此卦象图以“三连”、“六断”、“仰盂”、“覆碗”、“中满”、“中虚”、“上缺”、“下断”、喻指卦象爻画特点，极为形象。且两两相对相反，知前即能推后，初学者由此记忆最为快捷。

[注] 原增删有卦象图章，其只有文字，无卦象之图，今排出卦画，利于初学者理解和记忆。

占卦法章

占卦法：用钱三文（以乾隆通宝铜钱为佳）

占卦时，首先将三个铜钱平入于手心，两手合扣，问事之人要集中意念，脑子只准专想所要预测之事，反覆摇动手中铜钱，然后将铜钱掷于盘中，看铜钱的背和字的情况。

一个背，两个字，称作“单”，画作“ ’ ”为少阳。

两个背，一个字，称作“拆”，画作“ ” ”为少阴。

三个背，没有字，称作“重”，画作“ O ”为老阳，是变爻。

三个字，没有背，称作“交”，画作“ X ”为老阴，是变爻。

共摇六次，第一次为初爻，画在卦的最下面，依次上升，第六次为第六爻，画在卦的最上边。如遇有X、O，再画出变卦来。

现摇一卦为例：第一次摇得一背，画作‘；二次得两背，画作”；三次得三背，画作“O”；四次得三字，画作“X”；五次得三背，画作“O”；六次得两背，画作”；画法如下。

	六爻			— —
上三爻为外卦	五爻	O	坎为水	— O
	四爻	X		— — X
	三爻	O		— O
下三爻为内卦	二爻		离为火	— —
	初爻	/		—

即得“水火既济”卦 “水火既济”

[注] 左边为正统的六爻点卦法，初学者对O、X不易懂，今在箭头右侧加上另一种排卦方式，初学者可对照理解，而后卷之卦象均按此排。下例同。

初学点卦时，见到一点，二点容易理解，见到O、X时，可能一时不明白符号的意义，须要细心、慢想。现以上卦为例，把前卦第三爻“O”改为“ ”，成为离中虚卦，为内卦。把第四爻“X”

改作“||”，第五爻“○”又改作“/”，成为坎中满卦，为外卦。因为离卦为火，坎卦为水，所以此卦成为水火既济。因为点卦时，由下至上，排卦名时，是由上往下排，此卦上卦为坎，为水，下卦为离，为火，所以此卦卦名为“水火既济卦”。

再排一卦：

第一次得两背为“拆”，画作“ ”“ ”，二次得三背为“重”，画作“○”，三次得两背为“拆”，画作“ || ”，四次得一背为“单”，画作“ / ”，五次得三了为“交”，画作“ X ”，六次得一背为“单”，画作“ / ”。

/	——
X	- - -X
/	——
	- - -
○	——○
	- - -

上三爻外卦“X”仍算两点，即是离中虚，离为火。

下三爻内卦“○”仍算一点，既是坎中满，坎为水。

火在上，水在下，卦名为“火水未济”。

〔乾按〕此章占法初看难以明白，读时须将点卦式文字并行看过方能理解。如：第六次，得两背，点两点。若第五次得三背者，画一圈。若第四次得三字者，打上一X。此上卦即坎，坎为水，余者同理类推。此外须知一点为阳，两点为阴；○儿为阳动标记，X儿为阴动标记。动则生变，阳动变阴，阴动变阳。阴阳互变之理，卦中尤为紧要，初学者须详参之。

## 八宫六十四卦卦名

**乾宫八卦：(俱属金)**

乾为天、天风姤、天山遁、天地否、风地观、山地剥、火地晋、火天大有。

**坎宫八卦：(俱属水)**

坎为水、水泽节、水雷屯、水火既济、泽火革、雷火丰、地火明夷、地水师。

### 艮宫八卦：(俱属土)

艮为山、山火贲、山天大畜、山泽损、火泽睽、天泽履、风泽中孚，风山渐。

### 震宫八卦：(俱属木)

震为雷、雷地豫、雷水解、雷风恒、地风升、水风井、泽风大过，泽雷随。

### 巽宫八卦：(俱属木)

巽为风、风天小畜、风火家人、风雷益、天雷无妄，火雷噬嗑，山雷颐，山风蛊。

### 离宫八卦：(俱属火)

离为火，火山旅，火风鼎，火水未济，山水蒙，风水涣，天水讼、天火同人。

### 坤宫八卦：(俱属土)

坤为地，地雷复，地泽临，地天泰，雷天大壮、泽天夬，水天需，水地比。

### 兑宫八卦：(俱属金)

兑为泽，泽水困，泽地萃，泽山咸，水山蹇，地山谦，雷山小过，雷泽归妹。

## 八宫章

初学点卦，不会装卦者，须将所摇的卦照此全图装世、应、五行。

编者注：以下图略

**野鹤曰**：昔者吾友宦游时，以此全图相送。友曰：我不知五行，焉能断卦？予曰：先学点卦，点出卦象看是何卦，即在全图内寻出此卦，照样装排世、应、五行、六亲，不用念卦书，即不知五行生克之理，亦能决断四宗大事，不管卦中动与不动，即照此全图内单看世爻。

如占防忧虑患者，若得子孙持世，无忧；官鬼持世，忧疑难解。须宜加意防之。占功名者，若得官鬼持世，即许成名；子孙持世，且宜待时；占求财者，妻财持世，必得，兄弟持世者，难求。占疾病者，若得六冲卦，近病不药而愈，久病妙药难调。

友曰：何以谓之子孙持世？

予曰：子孙与世字同在一爻者，即是子孙持世；倘得官鬼与世字同在一爻者，即是官鬼持世。其余兄弟、妻财持世皆同此说。

或曰：何谓六冲卦？

予曰：要知何谓六冲卦者，乾为天、兑为泽、离为火、震为雷、巽为风、坎为水、艮为山、坤为地、此八宫第一卦，皆是六冲卦，再者天雷无妄、雷天大壮，亦是六冲卦，一共十卦，其余不是。

或问曰：求官者，若得官鬼持世，求名必成；求财者，若得妻财持世，求财必得。倘若官鬼爻与妻财爻或值旬空、月破、或被卦中子孙发动以伤官，兄弟发动以伤财，虽遇官鬼持世、妻财持世有何益也？

予曰：尔知五行之理，神早知之，所得之卦，若非凶中藏吉，定是吉中藏凶。此乃神圣引人以知其奥，自然要看旬空、月破、生克、冲刑，今吾友不知五行之理，神亦早知。如若求名，祷于神曰：“功名若成，赐我官鬼持世；倘若无望，赐我子孙持世。”如占防忧患，祷于神曰：“目下若有祸者，卦得官鬼持世，若能免祸逃灾者，赐我子孙持世。”所得之卦，自然显而易见，若有隐微者，即是神亦欺人，何以为神？况余作此一段简易之法，单教世之全不知五行之理者，只要学会点卦，即照此全图装排，就知决断四宗大事。倘若稍知五行之理者，不可以此为法，务必细读此书后卷，何谓空而不空、破而不破；何谓墓而不墓、绝而不绝；何谓真反吟、假反吟；何谓进不进、退不退；何谓回头克者生、何谓回头克者死；何处可看用神，何处不看用神；何谓占此而应彼，何谓占远而应近；何谓得其法者百占百灵；何谓不得其法者屡占不验；何谓元神有力不生用神，何谓忌神无力能害用神；何处辟诸书之谬，何处增巧验之奇。细参种种秘法，方能决事如神。

或又问曰：假令占防灾虑患，若得子孙持世，自是无忧，若得官鬼持世，惊惶必见，若卦中并不现者，何以决之？

予曰：一卦不见，再占一卦，再若不见，次日又占，昔人泥其不敢再读，所以无法预见。易经有云：“三人占，听二人之言。”古人一事既可决于三处，今人何妨再读？予生平以来，稍得其奥者，全赖多占之功也。事之缓者，迟迟再占，事之急者，歇歇又占。不拘早晚，不必焚香，深更半夜亦可占之，只要单为一事而占，不可又占他事。但有心怀两三事而占卦者，非一念之诚，决无灵验。假令占功名，或是官鬼持世，或是子孙持世，得其一者，得失已知，不必占矣！不必厌其子孙持世，务必求官鬼持世而后已，此非理也。如占求财，或是妻财持世，或是兄弟持世，得其一者则止，不必再占。倘一事而与众人同其祸福者，各占一卦决之更易。即如行舟遇风暴，家中防火烛，人人俱可占之。

但有一卦若得子孙持世，皆同无患。又如占疾病，病人自占，若不得六冲卦者，一家俱可代占，

但有一人得六冲之卦，或系近病，或系久病，吉凶自了然矣！

告吾友曰：世人凡有疑难，开口则说求神问卜。可见欲知未来之吉凶，除卜之外，无他法矣。予习周易有年，所卜之事，感应之现，就如神圣开口说话，真令人毛骨悚然。因尔不知周易之妙，不念卦书，不得不送此秘诀，试去行之，尔见其灵，从此自肯念书学卜，此法甚善尔。尔亦可以传人，缙绅、士民、行商、坐贾，无人不可用。须要全不知五行生克之人，方用此法。倘若稍知五行者，神必现隐微之卦，须要先念“浑天甲子六亲歌”，占出卦来，会装五行六亲，再学变动，卦中既有动爻，动则必变。即知动变，然后再看用神、元神、忌神，知此者，即如入周易之门也。再看四时旺相章、五行生克章、五行冲合章、旬空月破生旺墓绝章，又如升进周易之堂矣。再看后卷各门各类，占何事，以何法断之，渐渐由浅入深，自得其奥。不须半载工夫，得予数十年之真学矣。今予先点一卦，教尔学看用神及五行生克旺衰之理。

凡问事者，先写年月日辰，再照六神章中，写出六神，然后占卦。

假如：占得“乾为天”卦

乾宫：乾为天(六冲)

父母壬戌土 — 世

兄弟壬申金 —

官鬼壬午火 —

父母甲辰土 — 应

妻财甲寅木 —

子孙甲子水 —

自占吉凶者，以世爻为用神，此卦世临戌土，即以此戌土为自己之身。宜于旺相，最怕休囚。宜逢巳午之火相生，忌寅卯之木而相克，又不宜世爻落空，更不宜世爻临月破。此世爻戌土，有四处生克冲合。

### 月建能生克冲合一也。

此卦世爻戌土，若在寅卯月占卦，被寅卯之木伤克，即为世爻受伤。自占吉凶者，谓之休囚不利。若在辰月占卦，辰冲戌土，戌为月破，此谓之世爻逢月破。即如自己身子如破格也，百无所用。若在巳午月占卦，巳午之火乃是官鬼，能生戌土，谓之火旺土相，世爻逢旺相，诸事可为。若在未丑月占卦，此两月土旺之时，亦能帮扶戌土，此世爻戌土亦谓之旺相，亦以为吉。若在戌月占卦，世爻戌土而为月建，此乃旺相以当时也，自占吉凶，诸事享通。若在申酉亥子月占卦，此戌土皆为

泄气之时，谓之世爻休囚无力。此谓之：月建能生、克、冲、合世爻戌土之用神也。要知何以谓之用神者，自占吉凶用世爻为主，不曰世爻而曰用神，如占父母，以父母爻为用神。

### 日辰能生克冲合二也。

此卦世爻戌土，若在寅卯日占卦，寅卯之木能克戌土，此世爻受日辰伤克，不利之象。若在辰日占卦，辰冲戌土，谓之世爻暗动。若在巳午日占卦，巳午之火即是官鬼，能生戌土。此谓之世爻逢官鬼而生旺，诸事皆吉。若在未丑日占卦，土遇土而帮扶，此戌土亦为得助。若在戌日占卦，谓之世爻临日建，当令得权。若在申酉亥子日占卦，此戌土无克无生。此谓之：日建能生、克、冲、合用神也。

### 卦中之动爻能生克冲合三也。

此卦世爻戌土，倘卦中第二爻寅木发动，能克戌土；第四爻午火官鬼发动，能生戌土；第三爻辰土发动，能冲戌土。此谓之：卦中之动爻能生、克、冲、合用神。

### 世爻发动变出之爻能回头生、克、冲、合四也。

世爻发动，动而必变；变出巳午之火，谓之回头生世；变出寅卯之木，谓之回头克世；变出辰土，谓之回头冲世；变出卯木，谓之回头合世。此谓之：用神发动，变出之爻能生、克、冲、合用神也。

以上四处，若得全来生合用神者，诸占全吉。倘有三处相生，一处相克，亦以吉断。若有两处克，两处生者，须看旺衰；生用神之神旺相者，则以吉断，克用神之神旺相者，可作凶推。倘遇三处相克，一处相生，若得相生之爻旺相者，亦可谓之克处逢生，凶中得解。若值休囚者，有生之名，无生之实，与四处俱来克者同断，诸占大凶。

或问曰：此卦世爻戌土，并无变出寅卯巳午之理？

予曰：他爻多有变出回头生克，不过借此以为法尔。

又问曰：卯木能克戌土，又与戌合，还是以之为克？还是以之为合？

予曰：五行相合章注解极明。

又问曰：此卦乾为天，卦中午火作官星是也，如何午月午日占卦，亦以此午火作官星，何也？

予曰：不拘占得何卦，卦内若以巳午火作官星者，如遇巳午月日占卦，此巳午月日亦作官星。卦中若以巳午之火作财星者，而巳午月日亦作财星。余仿此。

旺相休囚者，四时旺相章查之。空破者，旬空月破章查之。冲合者，五行相冲、五行相合章查之。生克者，五行相生、五行相克章查之。元神者，元神章查之。用神者，在用神章查之。暗动者，在暗动章查之。回头生、回头克者，动变生克章查之。日辰月建者，在日辰月将章查之。

占父母者，以卦中之父母爻为用神。此卦辰、戌两爻俱是父母，若两爻俱动，或俱不动，择其旺者为用神。倘一爻动者，择其动者为用神。父母即临辰戌二土，即以土为父母。宜火相生，怕木相克。忌临旬空、月破。亦有四处生克冲合，宜以生多克少为吉。与前世爻参看。占宅舍、舟车、文书、奏章、皆以父母爻为用神，须在用神章细看。

占他人者，以应爻为用神。此卦应临辰土，欲其吉者，宜四处以生合；欲其衰者，宜四处以冲克。

占兄弟者，以兄弟爻为用神。此卦申金兄弟即为用神。宜土相生，怕火相克，忌临月破、旬空。亦有四处生克，俱以生多克少为吉，克多生少为凶。

按：兄弟爻乃劫财之神。如占兄弟姐妹之否泰者，宜其生旺，不宜临月破旬空。如占妻妾、婢仆及财物者，最宜多克少生，更喜逢空逢破，使其不能劫我之财，克我之妻妾、婢仆。

占妻妾、婢仆及占财物者，以妻财爻为用神。此卦寅木妻财即是用神。忌临旬空、月破，宜水相生，怕金相克。亦有四处生克，多生少克为吉，克多生少为凶。凡占金银、买卖，皆以妻财爻为用神，须在用神章中细看。

占子孙者，以子孙爻为用神。此卦初爻子水即是用神。忌临月破、旬空，喜金相生、怕土相克。亦有四处生克，宜克少生多，忌克多生少。

占他事者，以子孙爻为用神者颇多，在用神章中查之。

占功名者，以官鬼爻为用神。此卦午火官星即是用神。最忌逢空、逢破，宜木相生，怕水相克。亦有四处生克，吉凶与前同看。占鬼祟、妖邪、乱臣、贼盗，亦以官鬼爻为用神，须在用神章细看。

以上所论诸事，后卷俱有细法。恐尔初学不得其门而入，故写此以为纲领，引尔以入门也。知此纲领，再细详后卷各章，由浅入深，自入佳境。

前八宫全图皆是静爻，然卦必有动，动则必变，后篇虽有动变章，恐尔不明，再排一变卦为例，尔宜细详。卦有“○”变出，“○”为重，重为阳，阳动变阴。卦有“×”变出，“×”为交，交为阴，阴动变阳。

假如：占得“泽天夬”变出“天风姤”卦

坤宫：泽天夬

乾宫：天风姤

兄弟丁未土 — — × → 兄弟壬戌土 —

子孙丁酉金 — 世	子孙壬申金 —
妻财丁亥水 —	父母壬午火 — 应
兄弟甲辰土 —	子孙辛酉金 —
父母乙巳火 官鬼甲寅木 — 应	妻财辛亥水 —
妻财甲子水 — O→	兄弟辛丑土 - - 世

泽天夬，上三爻外卦乃是兑卦，兑为泽。下三爻内卦乃是乾卦，乾为天。

泽在上，天在下，即是泽天夬卦。即从全图内寻出泽天夬卦，照样装出世、应、五行、六亲，然后再看动爻。

上三爻兑卦，上爻“交”动，“X”变为“—”爻，即是兑卦变乾卦，为乾为天。

下三爻乾卦，初爻“重”动，“O”变为“- -”爻，即是乾卦变巽卦，为巽为风。

天在上，风在下，即为天风姤卦。再从全图内寻出天风姤卦，以姤卦初爻之丑土，写在前卦初爻发动子水之旁，谓之子水变出丑土。以姤卦第六爻之戌土，写在前卦第六爻发动之旁，即是未土变出戌土。余爻不动不变，不必写出。

安装六亲者，姤卦之丑土、戌土原是父母，今俱写兄弟者，何也？六亲须照前卦而安也。前卦泽天夬，土为兄弟，所以变卦之丑、戌二土亦写兄弟。余卦仿此。

#### [乾按]

1、此章实为初学占卦入门之指南，点化断卦奥秘之要诀。取准用神，会看世应，明察四处生克冲合，乃入门筑基之功夫，此章内详之又详，细读精思，必能由浅入深，渐入佳境。

2、最妙之处为查图而占，不必懂五行生克即知祸福吉凶之法，虽限于四宗大事，亦道尽易占天机。有心者俱此法入门，不失为终南捷径。

3、习变卦之法，即举泽天夬变天风姤之卦式中，天风姤卦之六亲应与泽天夬卦一致，原书卦图仍按爽姤卦写出，与下文说明不符，读时宜须注意。

#### [居士按]

此章讲解详尽，并举例说明，多看几遍自然会悟。其中在动变之法时说，卦爻有动，变出之爻写在动爻之旁，余爻不动不变，并不必写出。我看现在许多占卦者不但不变之爻写出，而且还跟着生克本卦之爻，实对六爻占卜之法之盲知。这点一定要注意，邵氏所著《周易与预测学》一书就如此讲法，令老一辈易卜先生大跌眼镜，此一初级错误，误导后学，害人非浅。

#### [蓝按]

对于这个问题，大家可以参考“刘汶德”先生的“卦技二十法——无中生有”，现摘录如下：

## 无中生有——变出式

大部分的六爻筮书，都以动爻为神机所现，故只写出动爻，古书中只有《断易大全》《断易天机》把变卦六个爻全部写出来。现在的筮书中，邵伟华先生亦如此作法，不管几个爻动。把变卦的几个爻尽数写出。大多数后来的学易者受此影响，亦如法作业。所以现在用六爻预测的易学爱好者形成了“两派”，一则只标出动爻，二则将变爻全部标出。

我看过一本六爻函授教材，那位作者用非常动感情的语言尖锐批评“变卦标出派”，不能说没有一点道理，但是标出变卦是另有一番妙用的，至于有些信息的处理方式要看我们怎么去把握。标出变卦的好处可以使我们发现因为动爻所带出的其他爻变的信息。“一石激起千层浪”，我们所看到的不应该只是动爻这“一石”，还要看到所带发的其它几个爻的“千层浪”。此即变出式的“无中生有”方式。

比如本卦没有财，动爻也没有变出财，而当把变卦全部写出以后，就发现在其他爻中“变”出了财，也可以有财论，但这个财来得不是那么直接，这就是关键。

如下卦：亥年 丑月 甲辰日（旬空：寅卯），占开店，得“涣之坎”

	离宫：风水涣		坎宫：坎为水（六冲）
玄武	父母辛卯木 ——— ○→	官鬼戊子水 - - - 世	
白虎	兄弟辛巳火 ——— 世	子孙戊戌土 ———	
螣蛇	妻财己酉金 子孙辛未土 - - -	妻财戊申金 - - -	
勾陈	官鬼己亥水 兄弟戊午火 - - -		
朱雀	子孙戊辰土 ——— 应	（下卦不必写出变卦）	
青龙	父母戊寅木 - - -		

这个卦开店显然很不利；兄弟持世，父临玄武空亡，全卦无财，动爻本身也没变财。但是随着父爻发动之后，外卦变坎变出申财，兄弟变子孙，子孙变财爻；其关键的一看就是因为父变官，然后才有外卦全部状况的改变。“牵一发而动身”，世界上的事往往如此。

所以可断为：明年（子年）这个店要有官方的人员参与合作。然后再投资进货，（兄弟爻为花钱，在此作投资理解），然后耗的货（子孙）才能变成申的财利，可赚钱 18 万。在这卦中，申的财原本是没有的，这个店直接也获不了这个利，所以通过先变子，然后才谈得上未的变申，显然这未是间接地变为申的。假如卯不发动，这“未”字还不是静未一个！

由此我们可以悟及“变出式”的真正妙用。“窍”贵在悟，悟出个“柳暗花明”，才能进入“又一村”的境界。

## 赛锦囊秘法

余还有秘法，一并教人。凡关一己之祸福者，只宜暗中卜之，照前决断，不可令人在傍。占过之时，吉凶自知，切不可将此卦又问识者。尔若安心问人，神亦早知，所得之卦，定有深奥。宁可存此卦帖，待事过之后然后问人。

前说占防灾虑患及占功名、占求财，仍系堤头，初学之士，恐不知何事当占，今余细写始末，使人凡遇后事，照此卜之。

### 1、占防灾虑患秘法

占防忧虑患者，或为国计民生，陈言献策；或为条陈将相，谏诤君非。恐其事不行，祸先及己。

或为行江飘海，前途虑贼盗风波；或见远方火起，恐其延及本家；或为瘟疫流行，恐为我害；或见飞蝗遍野，虑害我苗。

或孤行无伴、或庙宿旅眠、或家防火烛、或宅见妖邪、或随营贸易、或逾险越关；或已入是非之场，心忧祸患；或欲管闲事，恐惹灾非。

或入病房，以防沾染；或误服毒物，恐至伤生；或服人参药饵，有无益我；或驭野兽劣马，恐致惊伤。

或已定重罪而望赦、或已得重病以防危、或见远处有可疑之舟、或见外来有可疑之辈，或买官房公地有无后患、或买山场墓地有无是非。

或错觊盗物、或身居险地，或见邻家有兽头照壁，冲射我宅，能为害否？或见邻山新葬及开窖盖庙，犯先茔否？

以上皆系防灾虑患，但得子孙持世，安如泰山，当行即行，有吉无凶；若得官鬼持世，忧疑不解，加意防止，即使当行，亦宜罢止。惟陈言谏诤者，又当别论。若果真正为国计民生，捐躯报主，即使官鬼持世，亦宜行之。

前说诸事，以子孙持世而吉，官鬼持世为忧。此二者卦若不现，仅可再占，但有一现者，不必占矣。然事有缓急之不同，假令江海开舟，倘得官鬼持世，岂有永不开行之理？殊不知早开一日逢凶，迟去半时免祸，倘若今日占得官鬼持世，且莫开舟，明日再占，后日又占，但遇子孙持世，即便开行。事之有相似者，仿此。

### 2、占功名秘法

占功名者，不拘文武，或已仕未仕，但官鬼持世，望升即升，候选即选，入场必中，单试必取。罢误者，官职犹存；黜名者，前程可复；林下久居，定蒙起用；考职考艺，必取其名。纳粟者，名登仕籍；开垦者，加等即升；问缺者，此缺必得；立功者，必建奇勋。但不宜子孙持世，一切功名，目前失望，待有机会，下次再占。

余又以占卜秘法，再行教人。曰：防灾虑患及占功名，只可自己决疑，不可代人占卜。自占防患者，独萌一点防患之心；占功名者，止有一点功名之念，自然灵验。恐人人不知子孙与官鬼之理，既有虑祸之心，复有求名之念，便难决断。

譬如上书谏言，此人若无官者，未必不欲借此以求名，而防祸之心亦所不免；有官爵者，既快功名之有失，又虑言出而祸随；又如身有前程者，或已仕，或未仕，目今罢误，事尚未结，既虑失官，又防获罪，此三种人皆谓之“心怀二念”，卦中倘得子孙持世，欲许其无事，又恐神报失名；若断其功名有碍，又恐神报无忧，故曰：“自占必验，代卜不灵，非卦不灵，他心不专于一也。”

又如在任，占地方之警变，及早劳灾荒，此即谓之防灾虑患。若子孙持世，盗息民安；安鬼持世，诸灾必见。但不可占远年，只可占本岁。虽占本岁，亦不可将此数事一卦而占，须宜每事另占一卦。

又如已见警变，惟恐罢误，此即谓之虑功名之有失，持世最喜官鬼，不宜子孙。

又如在任，无事之时，祷于神曰：“我莅此任，将来升否？”若得官鬼持世，一定高迁；子孙持世，必然罢误。

又如未远之士，占我终能成名否？官鬼持世，食禄有期；子孙持世，终无可望。

又如或有祖荫，或已援例，或已立功，凡系已有部札批文委牌等事，问我将来终能出仕否？官鬼持世，一定飞腾；子孙持世，安心株守。

又如士子先占一卦，问今科中否？若官鬼持世，金榜标名；子孙持世，即知今科失望也。改日再占下科中否？倘又得子孙持世，又知下科不能。另择一日，再占终身可能中否？若得官鬼持世，终能奋发，仍得子孙持世，改业他图。孝廉占会试，童生占入学，皆同此法。

以上皆秘法也，占事者，全在节节问去，卦无不灵。若未卜目下，先问终身久远之事，殊不知神报近事者多，世人不识此理，胸中如许未决之事，先问终身，而神止报眼下之疑，断卦者亦不能知此神意，竟以终身决之，岂非天坏耶？

### 3、占财秘法

占财者，问钱粮可能征收足额否？领钱粮可能全额否？妻财持世丰足，兄弟持世包赔。

问买卖经营、开张店面，及远处求财，或见贵求财，妻财持世宜行，兄弟持世速止。

占经商贸、开张店面，若已行久矣，问将来兴废否？妻财持世，愈久愈丰；兄弟持世，由期衰败。

占囤货者，妻财持世可买，兄弟持世休收。

占放债者，妻财持世，始终两好；兄弟持世，有借无还。

占取债者，妻财持世，即目下不得，至底偿还；兄弟持世，另日再占。若屡占而仍兄弟持世者，终成画饼；屡占而得官鬼持世者，必要经官。

占开矿及煤窖礮山，及买山、伐木、园林、盐池、鱼沼，凡系山岗、江海以取利者，妻财持世，物阜财丰，兄弟持世破财折本。

占炼汞烧丹，世无此理，卦不必占，念亦莫起，即使卦得妻财持世，亦应另处之财也。曾有人占烧丹，卦得戌土财爻持世，午火子孙发动相生，只谓戌月一定成丹。岂知九月妻妾子女由数千里而来，异乡团聚。戌土妻财者，应妻妾；午火子孙者，应子女。此乃占此应彼也，易为君子谋，岂不信哉？故非理之求，神不报此而应彼也。

占地下忽见光彩异物，或现黄白奇形，疑其有财者，若妻财持世，必有金银；兄弟持世，不独无财，且有破财之事；倘官鬼持世者，必是妖邪。

余习周易有年矣，凡占感应如神，因念人有不知易理之录，不曾习念卦书，所以说此一段秘法，人见其灵，自然学卜。此法不独自用，兼可传人，绅士商民，俱宜学习。

但此法原为全不知五行生克者而设也，倘稍知五行者，神必现隐微之卦，或吉里藏凶，或凶中带吉，非看用神、生克、制化、月破、旬空，并详后卷求名、求财，及病疾诸章断例，而欲求验者，犹之欲行而却步也夫。

## 浑天甲子章

乾在内卦，子水、寅木、辰土；乾在外卦，午火、申金、戌土。

坎在内卦，寅木、辰土、午火；坎在外卦，申金、戌土、子水。

艮在内卦，辰土、午火、申金；艮在外卦，戌土、子水、寅木。

震在内卦，子水、寅木、辰土；震在外卦，午火、申金、戌土。

巽在内卦，丑土、亥水、酉金；巽在外卦，未土、巳火、卯木。

离在内卦，卯木、丑土、亥水；离在外卦，酉金、未土、巳火。

坤在内卦，未土、巳火、卯木；坤在外卦，丑土、亥水、酉金。

兑在内卦，巳火、卯木、丑土，兑在外卦，亥水、酉金、未土。

假如：占得“天风姤”卦：

天风姤

父母戌土 ——

兄弟申金 ——

官鬼午火 —— 应

兄弟酉金 ——

子孙亥水 ——

父母丑土 - - 世

点卦由下至上，故装卦五行亦由下而往上。余仿此。

〔乾按〕此章即装卦纳甲之法，熟记会用，即闯装卦一大难关。会装纳甲，余如世应，六亲自然有章可寻。

## 六亲歌章

生我者为父母，我生者为子孙，我克者为妻财，克我者为官鬼，比和者为兄弟。

乾兑金兄土父传，木财火鬼水子源。（乾兑两宫，八卦俱属金）

坎宫木子兄属水，金父火财土为鬼。（坎宫属水）

坤艮土兄火为父，木鬼水财金子路。（坤艮两宫，八卦俱属土）

离宫木父土子孙，水鬼金财火弟兄。（离宫属火）

震巽木兄水父母，金鬼火子财是土。（震巽两宫，八卦俱属木）

如占得“乾为天卦”

乾宫：乾为天

父母戌土 —— 世

兄弟申金 ——

官鬼午火 ——

父母辰土 —— 应

妻财寅木 ——

子孙子水 ——

此系乾宫卦，即照“乾兑金兄土父，木财火鬼水子”装之。所以辰戌二土为父母，申金为兄弟，

午火为官鬼，寅木为妻财，子水为子孙也。余卦仿此。

〔乾按〕此章即卦中六亲定法，学者也可据卦中五行生克之理排定六亲：生我者为父母；我生者为子孙；克我者为官鬼；我克者为妻财；比和者为兄弟。依此法推求，以不变应万变，妙不可言。

## 世应章

乾为天：世在六爻；天风姤：世在初爻；天山遁：世在二爻；火地晋：世退在四爻；  
天地否：世在三爻；风地观：世在四爻；山地剥：世在五爻；火天大有：世退在三爻；  
隔世爻两位，即是应爻。余卦仿此。

〔乾按〕学会纳甲法后，寻世认官即为第二难关，学者若熟记此章按世应之规律，即可不查卦象全图，也可排出所占之卦，动变分明，颇为神速。

## 动变章

六爻静则不变，动则必变。

阳动变阴，○为阳，动则变— —；阴动变阳，X为阴，动则变——。

假如乾卦初爻动，则变为巽卦：

```

——    ——
——    ——
—— ○ — —

```

假如乾卦上下爻动，则变为坎卦：

```

—— ○ — —
——    ——
—— ○ — —

```

假令占得“泽天夬”卦变出“天风姤”卦。

坤宫：泽天夬		乾宫：天风姤
兄弟丁未土 — —	X →	兄弟壬戌土 ——
子孙丁酉金 —— 世		子孙壬申金 ——
妻财丁亥水 ——		父母壬午火 —— 应
兄弟甲辰土 ——		子孙辛酉金 ——

官鬼甲寅木 —— 应      妻财辛亥水 ——  
 妻财甲子水 ——      ○ →      兄弟辛丑土 - - 世

左“泽天夬”为正卦，所变“天风姤”为之卦。以姤卦初爻之丑土，写在夬卦初爻发动子水之傍，谓之子水变出丑土；以姤卦第六爻之戌土，写在夬卦六爻发动未土之傍，即是未出变出戌土。余爻不动不变，不必写出。

安六亲者，姤卦之丑土戌土原是父母，今俱写兄弟者，盖六亲须照前卦之生克而安也，前卦泽天夬，土为兄弟。所以变卦之丑戌二土，亦写兄弟。余卦仿此。

〔乾按〕爻动卦必变，变卦中六亲须按正卦而推。初学者往往照图而写，则大错特错，断卦必难准确。万望慎而又慎。

## 用神章

**父母爻：**占父母，即以卦中之父母爻为用神。祖父母、伯、叔、姑、姨父母，凡在我父母之上，或与我父母同辈之亲，及师长、妻父母、乳拜认之父母、三父、八母，或仆占主人，皆以父母爻为用神。占天地、城池、墙垣、宅舍、屋宇、舟车、衣服、雨具、绸缎、布匹、杂货、及章奏、文书、文章、书馆、文契，亦以父母爻为用神。物类亦多，在人通变，一切庇荫我身者是也。

**官鬼爻：**占功名、官府、雷霆、鬼神、妻占夫，皆以官鬼爻为用神。占乱臣、贼盗、邪崇，亦以官鬼爻为用神。物类亦多，一切拘束我身者是也。

**兄弟爻：**占兄弟、姐妹、族中兄弟、姑姨、姐丈、妹夫、及结拜弟兄，皆以兄弟爻为用神。

兄弟乃同类之人，彼得志则欺陵，见财则夺，所以占财物，以此为劫财之神，占谋事，以此为阻隔之神，占妻妾、婢仆，以此为刑伤克害之神。

占姐丈、妹夫，以世爻为用神，予屡得验。占表兄弟，以兄弟爻为用神而不验，还以应为用神。

**妻财爻：**占妻妾、婢仆、下役，凡我驱使之人，皆以财爻为用神。占货财、珠宝、金银、仓库、钱粮，一切使用之财物、什物、器皿，亦以财爻为用神。

**子孙爻：**占子孙、占女、女婿、侄、甥、门徒，凡在我子孙辈中，皆以子孙爻为用神。占忠臣、良将、医士、医药、僧、道、兵、卒，皆以子孙爻为用神。占六畜、禽兽，亦以子孙爻为用神。

子孙为福德之神、为制鬼之神、为解忧之神、又为剥官、引职之神，故谓之子孙乃是福神，诸事见之为喜，独占功名者忌之。

〔乾按〕用神者，实为卦中所占事之六亲标志也。用即取用，神指阴阳二气之变化也。取准用神与测占灵验至关紧要，倘用神错取，则百无一用矣。

## 用神、元神、忌神、仇神章

用神者，即前各类之用神。元神者，生用神之爻，即为元神。忌神者，克用神之爻也，即为忌神。仇神者，克制元神不能生用神，反生忌神而克害用神，即为仇神。假令金为用神，生金者土也，土为元神；克金者火也，火为忌神；克土生火者木也，木为仇神。余仿此。

不拘占何事，先看何爻为用神。既得用神，须看旺相否？有元神动而生扶否？有忌神动而克害否？

如：曾于巳月 甲寅日（旬空：子丑），占往营中贸易。得“巽之涣”卦

	巽宫：巽为风(六冲)	离宫：风水涣
玄武	兄弟辛卯木 —— 世	兄弟辛卯木 ——
白虎	子孙辛巳火 ——	子孙辛巳火 —— 世
螣蛇	妻财辛未土 - -	妻财辛未土 - -
勾陈	官鬼辛酉金 —— 应○→	子孙戊午火 - -
朱雀	父母辛亥水 ——	妻财戊辰土 —— 应
青龙	妻财辛丑土 - -	兄弟戊寅木 - -

断曰：不可往，必有仇人为害。或曰：应爻酉金，克世为忌神，何谓仇人？余曰：世为自己，应为他人。应爻生世，即为恩人；应克世，非仇而何？后果被仇人陷害。勿以仇神即仇人也。

又如：寅月 丙子日（旬空：申酉），占防害。得“坎之师”卦

	坎宫：坎为水(六冲)	坎宫：地水师(归魂)
青龙	兄弟戊子水 - - 世	父母癸酉金 - - 应
玄武	官鬼戊戌土 —— ○→	兄弟癸亥水 - -
白虎	父母戊申金 - -	官鬼癸丑土 - -
螣蛇	妻财戊午火 - - 应	妻财戊午火 - - 世
勾陈	官鬼戊辰土 ——	官鬼戊辰土 ——
朱雀	子孙戊寅木 - -	子孙戊寅木 - -

此人因仇人诈害占之。余曰：世为自己属子水，应为仇人属午火。水能克火，乃是你去克他，这也无妨，但不宜间爻动出土鬼而克水，间爻者，乃中间之小人也，反是此人为害。彼曰：然何法治之？余曰：戌鬼虽动，有月建制之；世爻虽衰，幸临日建。目下有一势利之人助尔之仇人生鬼，尔去访寻，若得见势利之人，知尔理直，不肯助他，则事散矣。彼曰：何以知之？余曰：日辰冲动午火，日辰乃势利之人也。彼又曰：即使见此势利之人，未必听我之言。余曰：不妨，世爻子水与日辰相比，彼此一定相投。果依此行，戊寅日消释。应寅日者，戌土原神被寅木克制，今又见寅木，木旺土衰则息矣。

又如：辰月 戊申日（旬空：寅卯），占父近病。得“乾之小畜”

	乾宫：乾为天(六冲)	巽宫：风天小畜
朱雀	父母壬戌土 —— 世	妻财辛卯木 ——
青龙	兄弟壬申金 ——	官鬼辛巳火 ——
玄武	官鬼壬午火 —— ○→	父母辛未土 - - 应
白虎	父母甲辰土 —— 应	父母甲辰土 ——
螣蛇	妻财甲寅木 ——	妻财甲寅木 ——
勾陈	子孙甲子水 ——	子孙甲子水 —— 世

一人执此卦而问余曰：“此卦系六冲，近病逢冲即愈，但父之病甚重，君看愈于何日？”余曰：此卦辰土、戌土、未土，三重父母爻，当择其旺者而用之。今辰土父母临月建，即用辰土为用神。目下病重者，乃因申日冲寅木而暗动，木动以克辰土之故也。彼问：“卦中午火发动，寅木虽则暗动，反生午火而生土，卜书云：‘忌神与元神同动，得两生也。’今只曰寅木克辰土，不曰午火生辰土，何也？”余曰：午火虽动，化出未土，午与未合，午火贪合不生辰土，所以此辰土单受寅木之克，不得午火之生，故此病体沉重耳。须待丑日冲去未土，而午火无合可贪，午火生土，其灾退矣。果于丑日起床。

〔乾按〕用神、元神、忌神、仇神的变化，正是占卦易遇恍惚之处。此章卦例解析极明极切，初学者若能悟得其中奥理，则于一日之间，即会大有进境。

## 元神、忌神、衰旺章

元神虽生用神，须要旺相，方能生得用神。

**元神能生用神者有五：**

元神旺相，或临日月，或得日月动爻生扶者，一也。

元神动，化回头生，及化进神者，二也。

元神长生、帝旺于日辰，三也。

元神与忌神同动，四也。

元神旺动，临空、化空，五也。

此五者，乃有力之元神也，诸占皆吉。

按：古以临空、化空为无用，非也。殊不知动不为空，待冲空、实空之日，而为有用。

如：酉月 辛亥日（旬空：寅卯），占谒贵求财，得“兑之解”

	兑宫：兑为泽（六冲）	震宫：雷水解
螣蛇	父母丁未土 - - 世	父母庚戌土 - -
勾陈	兄弟丁酉金 ——— ○→	兄弟庚申金 - - 应
朱雀	子孙丁亥水 ———	官鬼庚午火 ———
青龙	父母丁丑土 - - 应	官鬼戊午火 - -
玄武	妻财丁卯木 ———	父母戊辰土 ——— 世
白虎	官鬼丁巳火 ——— ○→	妻财戊寅木 - -

断曰：甲寅日得见，财亦如心。彼曰：“卯木财爻，空而且破，又被金克，初爻巳火官虽生世，亥日冲散，又化旬空，何以为吉？”余曰：神兆机于动，余从来不言散，正因巳火化空，所以目下不见，待甲寅日出空而相见矣。寅木之财以生官，官来生世，故断甲寅日见，财亦如心。后果于寅日得见，本日获财。

### 无用之元神：元神呈现，又有不能生用神者有六：

元神休囚不动，或动而休囚，又被伤克，一也。

元神休囚，又逢旬空、月破，二也。

元神休囚，动化退神，三也。

元神衰而又绝，四也。

元神入三墓，五也。

元神休囚，动而化绝、化克、化破、化散，六也。

以上元神见生不生，无力生用神，乃无用之元神也，虽有如无。

### 有力之忌神：忌神动而克害用神者有五：

忌神旺相，或遇日月动爻生扶，或临日月，一也。

忌神动，化回头生、化进神，二也。

忌神旺动，临空、化空，三也。

忌神长生帝旺于日辰，四也。

忌神与仇神同动，五也。

以上乃有力之忌神，势同斧钺，诸占大凶。

### 忌神动不克用神：忌神虽动，又有不能克用神者有七：

忌神休囚不动，动而休囚，被日月动爻克，一也。

忌神静，临空破，二也。

忌神入三墓，三也。

忌神衰，动化退神，四也。

忌神衰而又绝，五也。

忌神动，化绝、化克、化破、化散，六也。

忌神与元神同动，七也。

以上乃无力之忌神也，诸占化凶为吉。

按：上论元神、忌神之有力、无力者，亦要用神有气。倘若用神无根，谓之元神有力亦难生，忌神无力亦休喜。

例一：用神无根：如：巳月 乙未日（旬空：辰巳），自占病。得“大过之鼎”

	震宫：泽风大过(游魂)		离宫：火风鼎
玄武	妻财丁未土 - - X→		子孙己巳火 ——
白虎	官鬼丁酉金 —— O→		妻财己未土 - - 应
螣蛇	子孙庚午火 父母丁亥水 —— 世		官鬼己酉金 ——
勾陈	官鬼辛酉金 ——		官鬼辛酉金 ——
朱雀	兄弟庚寅木 父母辛亥水 ——		父母辛亥水 —— 世
青龙	妻财辛丑土 - - 应		妻财辛丑土 - -

自占病，世爻亥水为用神，被未土忌神动而克水，幸得元神酉金亦动，忌神未土反生元神之酉金，金生亥水，接续相生，化凶而为吉矣。岂知亥水月冲日克，值月破而被克，虽有生扶，奈何生之不起，如树无根，寒谷不回春也。果卒于癸卯日。应卯日者，冲去元神之日也。此谓之用神无根，

元神有力亦难生。

例二：元神入墓：又如：丑月 戊子日（旬空：午未），自占病。得“同人之旅”

	离宫：天火同人(归魂)	离宫：火山旅(六合)
朱雀	子孙壬戌土 —— 应	兄弟己巳火 ——
青龙	妻财壬申金 —— O→	子孙己未土 - -
玄武	兄弟壬午火 ——	妻财己酉金 —— 应
白虎	官鬼己亥水 —— 世	妻财丙申金 ——
螣蛇	子孙己丑土 - -	兄弟丙午火 - -
勾陈	父母己卯木 —— O→	子孙丙辰土 - - 世

自占病，世为用神，世爻亥水，子日拱之，又得申金，元神动而相生，乃不死之症。独疑申金墓于丑月，其不能生乎？

请伊母再占一卦，得“离之大有”

	离宫：离为火(六冲)	乾宫：火天大有(归魂)
朱雀	兄弟己巳火 —— 世	兄弟己巳火 —— 应
青龙	子孙己未土 - -	子孙己未土 - -
玄武	妻财己酉金 ——	妻财己酉金 ——
白虎	官鬼己亥水 —— 应	子孙甲辰土 —— 世
螣蛇	子孙己丑土 - - X→	父母甲寅木 ——
勾陈	父母己卯木 ——	官鬼甲子水 ——

母占子，子孙为用神。丑土子孙，虽逢月建，不宜动化寅木回头之克，目下无妨，交春木旺土衰，必死。又合前卦亥水世爻，得申金元神相生，寅月冲去申金，则危矣。果卒于交春之日。

大凡占病，一家俱可代占，合而决之，生死之月日可知矣。故卦宜多占，断祸福而更稳。

前卦申金元神，动而生世，当许申日退灾。因见后卦丑土子孙变寅木之克，寅月必危，始悟寅月冲去申金则危矣。

〔乾按〕本章所论，条分缕析，且卦例典型，曲尽动变之妙，宜反复研读，必受益无穷。

〔居士按〕此篇章节我认为初学者和有一定功底者都要反复琢磨研究。往往有人断卦犹疑不决，不知是旺是衰，此章节细分元神忌神之有力无力，有用无用，及身无根一并告之，毫无保守可言。野鹤老人真正大师也，此书可谓精品。

## 五行相生章

金生水，水生木，木生火，火生土，土生金。

凡用神、元神，宜于逢生，有月建生、日建生、动爻生、动化回头生。

例一：回头相生：如：卯月 己卯日（旬空：申酉），弟占兄已得重罪，母叩问能救否？得“复之雷”

	坤宫：地雷复(六合)	震宫：震为雷(六冲)
勾陈	子孙癸酉金 — —	兄弟庚戌土 — — 世
朱雀	妻财癸亥水 — —	子孙庚申金 — —
青龙	兄弟癸丑土 — — 应 X →	父母庚午火 — —
玄武	兄弟庚辰土 — —	兄弟庚辰土 — — 应
白虎 父母乙巳火	官鬼庚寅木 — —	官鬼庚寅木 — —
螣蛇	妻财庚子水 — — 世	妻财庚子水 — —

兄弟爻为用神，丑土兄动，日月克之，明现大罪难脱，幸兄爻丑土化午火父母回头相生。断曰：速速行之。化父母生兄爻，相生为吉，神告显然，后果蒙恩免死。

例二：父母持世：又如：巳月 丙申日（旬空：辰巳），占病，得“姤卦”

	乾宫：天风姤
青龙	父母壬戌土 — —
玄武	兄弟壬申金 — —
白虎	官鬼壬午火 — — 应
螣蛇	兄弟辛酉金 — —
勾陈 妻财甲寅木	子孙辛亥水 — —
朱雀	父母辛丑土 — — 世

医者执此卦问曰：“其人得病，固是危灾，予命病人占药可能救否？此卦月建巳火，应爻午火生世，病必可救，如何服药无灵？”余曰：卦甚明，乃君错看也。夫占药，以子孙为用神，父母为忌神。此卦亥水子孙月破无根，申日生之而不起，世父克子，所谓父母持世，妙药难医，服药如何望效？

## 五行相克章

金克木，木克土，土克水，水克火，火克金。

凡忌神、仇神，宜于逢克。有月克、日克、动爻克、用神动化回头克。此四者，用神、元神但逢一克，他处不见生扶者，即为凶兆，占吉事，乐极生悲；占凶事，须宜急急回避。

例一：有克无生：如：卯月 戊辰日（旬空：戌亥），占父官事，已拟重罪。得“萃之同人”

	兑宫：泽地萃	离宫：天火同人（归魂）
朱雀	父母丁未土 - - X→	父母壬戌土 —— 应
青龙	兄弟丁酉金 —— 应	兄弟壬申金 ——
玄武	子孙丁亥水 ——	官鬼壬午火 ——
白虎	妻财乙卯木 - - X→	子孙己亥水 —— 世
螣蛇	官鬼乙巳火 - - 世	父母己丑土 - -
勾陈	父母乙未土 - - X→	妻财己卯木 ——

外卦未土父母，卯月克之，内卦亥卯未合成木局，又相克制，月克日刑，全无救助，果被重刑。

例二：克处逢生：同日（卯月 戊辰日）妹占兄官事，同前一案，亦拟重罪。得“否之讼”

	乾宫：天地否（六合）	离宫：天水讼（游魂）
朱雀	父母壬戌土 —— 应	父母壬戌土 ——
青龙	兄弟壬申金 ——	兄弟壬申金 ——
玄武	官鬼壬午火 ——	官鬼壬午火 —— 世
白虎	妻财乙卯木 - - 世	官鬼戊午火 - -
螣蛇	官鬼乙巳火 - - X→	父母戊辰土 ——
勾陈	子孙甲子水 父母乙未土 - -	妻财戊寅木 - - 应

申金兄弟爻为用神，巳火鬼动，刑克申金，重罪定矣。幸喜辰日冲动戌土父母，暗动生申，克处逢生，若有父母，可以救之。后因父年八旬，援例告留免死。

例三：人口不安：又如：卯月 癸亥日（旬空：子丑），因新迁住宅，人口不安，占得“需之乾”

	坤宫：水天需（游魂）	乾宫：乾为天（六冲）
白虎	妻财戊子水 - - X→	兄弟壬戌土 —— 世
螣蛇	兄弟戊戌土 ——	子孙壬申金 ——
勾陈	子孙戊申金 - - 世 X→	父母壬午火 ——
朱雀	兄弟甲辰土 ——	兄弟甲辰土 —— 应
青龙	父母乙巳火 官鬼甲寅木 ——	官鬼甲寅木 ——
玄武	妻财甲子水 —— 应	妻财甲子水 ——

申金子孙持世，化午火回头之克，乃自身与子孙同受克也。上爻子水财动，又化土克，财为妻妾、婢仆，乃一家受害之象，速宜迁居。彼曰：“另改门户何如？”余曰：不能免也，回头克我，至夏季火旺，必遭凶厄。岂知彼之宅近黄河，卜后，日欲迁而不果。至午月，河决，一家九口，俱逐浪随波矣。夫应午月者，午火当权，克世克子，又冲子水妻财，所以全室罹害也。

圣人作易，原令人趋吉避凶。未卜而不知者，是大数也。卜之而神不告，亦是大数也。既已卜之，神已告之，明知而故犯者，可尽委之于数乎？

〔乾按〕五行相生相克，乃卦理之大道要义，言其简明即简明，深奥即深奥。真通其旨者即可参天量地，预见人事。浅尝辄止，仅得皮毛者难入其门，学者宜慎之。

## 克处逢生章

受此处之克，得彼处之生，即为克处逢生。大凡用神、元神，以克少生多为吉；忌神，以生多克少为凶。故忌神宜克不宜生。

如：辰月 丙申日（旬空：辰巳），兄占弟痘症，业已临危，得“既济之革”

	坎宫：水火既济	坎宫：泽火革
青龙	兄弟戊子水 — — 应	官鬼丁未土 — —
玄武	官鬼戊戌土 —	父母丁酉金 —
白虎	父母戊申金 — — X →	兄弟丁亥水 — 世
螣蛇	妻财戊午火 兄弟己亥水 — 世	兄弟己亥水 —
勾陈	官鬼己丑土 — —	官鬼己丑土 — —
朱雀	子孙己卯木 —	子孙己卯木 — 应

月建辰土，虽克亥水兄弟，赖申日以生之，又得动爻相生，临危有救。果于本日酉时，得名医疗治而救活也，至己亥日以全生。

〔乾按〕卦遇克处逢生犹入柳暗花明之境，最易恍惚难断。验与不验，一言可决生死，如本章卦例之解析，尤为鲜明。学者细细参悟，尽得真传矣。

## 动静生克章

六爻安静，旺相之爻，可以生得休囚之爻，亦可以克得休囚之爻。盖旺相者，如有力之人也。

假令春季寅卯月，占得“坤卦”

坤宫：坤为地（六冲）

子孙癸酉金 — — 世

妻财癸亥水 — —

兄弟癸丑土 — —

官鬼乙卯木 — — 应

父母乙巳火 — —

兄弟乙未土 — —

如占父母，巳火为父母，三爻之卯木，当春旺相，能生巳火，即为父母旺相。巳火父母，既逢春木相生，父旺能克子孙，如占子孙，子孙衰矣。春木当令，能克丑未二土，土临兄弟，如占兄弟，谓之休囚无气。余仿此。

卦有动爻，能克静爻，即使静爻旺相，亦不能克动爻，盖静者，如坐如卧；动者，如行走之人也。

假令寅月，占得“兑之归妹”

兑宫：兑为泽(六冲)

兑宫：雷泽归妹(归魂)

父母丁未土 — — 世

父母庚戌土 — — 应

兄弟丁酉金 ———— ○→

兄弟庚申金 — —

子孙丁亥水 ————

官鬼庚午火 ————

父母丁丑土 — — 应

父母丁丑土 — — 世

妻财丁卯木 ————

妻财丁卯木 ————

官鬼丁巳火 ————

官鬼丁巳火 ————

酉金发动，虽则休囚，动而能克旺相之卯木。卯木当令，能克丑未二土，今既木被金伤，亦难克土。余仿此。

〔乾按〕动则变，动则克，动则生。卦中玄机尽在动中，非独动静生克也。

## 动变生克冲合章

卦有动爻，动而必变。夫变出之爻，能生克冲合本位之动爻，不能生克他爻，而他爻与本位之动爻，亦不能生克变爻。

假令子月卯日，占得“坤之晋”

坤宫：坤为地(六冲)

乾宫：火地晋(游魂)

子孙癸酉金 — — 世 X→

父母己巳火 ————

妻财癸亥水 - -	兄弟己未土 - -
兄弟癸丑土 - - X→	子孙己酉金 — 世
官鬼乙卯木 - - 应	官鬼乙卯木 - -
父母乙巳火 - -	父母乙巳火 - -
兄弟乙未土 - -	兄弟乙未土 - - 应

酉金发动，酉为动爻，变出巳火，巳为变爻，变爻之巳火能回头克本位之酉金，并不能生克他爻。四爻之丑土，动而能生世爻之酉金，不能生变出之酉金；而变出之酉金，亦不能生克他爻。

然则变爻谁能制之？惟日月能生之、克之、冲之、合之，何也？日月如天，能生克动爻、静爻、飞爻、伏爻、变爻，而诸爻皆不能伤日月。《黄金策》曰：“爻伤日，徒受其名。”即如此卦。子水月建，能克世爻变出之巳火，卯木为日建，能冲变出之酉金是也。余仿此。

〔乾按〕本章所论，为动变生克冲合之条件与节制，学者不可忽视，卦中幽微之处即在此间，须熟记法诀，深思熟虑，方保用时不出差错。

〔居士按〕野鹤老人所论生克冲合、动静旺相休囚之条件，乃积四十年之经验而得出。非一般卦师所能比。而今有些断卦者，卦爻不动亦论生克冲合，卦有六爻，必有旺相休囚，皆可为用，如何断事？取准用神看爻之动静，方可论生论克。已补上此缺。谢谢指正。

## 四时旺相章

正月建寅，寅木旺，卯木次之；二月建卯，卯木旺，寅木次之。正、二月，木旺生火，火为相，其余金、水、土，俱作休囚。

三月建辰，辰土旺；丑未之土次之。土生金，金为相，木虽不旺，犹有余气，其余水、火，俱作休囚。

四月建巳，巳火旺，午火次之；五月建午，午火旺，巳火次之。四、五月，火旺生土，土为相，其余金、木、水，俱作休囚。

六月建未，未土旺，辰戌之土次之。土生金，金为相，火虽衰矣，犹有余气。其余木、水，俱作休囚。

七月建申，申金旺，酉金次之；八月建酉，酉金旺，申金次之。七、八月，金旺生水，水为相，其余木、火、土，俱作休囚。

九月建戌，戌土旺，丑未之土次之。土生金，金为相，其余木、火、水，俱作休囚。

十月建亥，亥水旺，子水次之；十一月建子，子水旺，亥水次之。十、十一月，水旺生木，木

为相，其余金、土、火，俱作休囚。

十二月建丑，丑土旺，辰戌之土次之。土生金，金为相，水虽衰，犹有余气。其余木、火，俱作休囚。

〔乾按〕解得四时旺相之理，方能明了卦逢生旺死地，此为断卦依据之首要，不可不熟习之。

## 月将章

月将即是月建，又为月令。月将掌一月之权，司三旬之令。一月三十日内，当权得令。

操持万卜之提纲，巡查六爻之善恶，能助卦爻之衰弱，能挫爻象之旺强，制服动变之爻，扶起飞伏之用。月建乃当权之主帅，万卜以之为纲领。爻之衰弱者，能生之、合之、比之、拱之、扶之，衰而亦旺；爻之强旺者，能冲之、克之、刑之、破之，旺而亦衰。

卦有变爻克制动爻者，月建能制服变爻；卦有动爻克制静爻者，月建亦能制服动爻；用神伏藏，被飞神压住者，月建能冲克飞神，生助伏神，以之为用。

爻逢月合而有用，爻逢月破以无功。月建合爻，则为月合，乃有用之爻也。月建冲爻，即为月破，乃无用之爻也。月建不入爻，亦为有用，月建一入卦，愈见刚强。卦无用神，即以月建为用神，不必寻取伏神。月建入卦，动而作元神者，为福更大；动而作忌神者，为祸更深；不入卦者，缓之。

爻值月建，旺相当权，逢空不空，逢伤无害。古有此说，余试不然，在旬内者，毕竟为空。

如：寅月 庚戌日（旬空：寅卯），占求财，得“火天大有”

乾宫：火天大有（归魂）

螣蛇 官鬼己巳火 —— 应

勾陈 父母己未土 - -

朱雀 兄弟己酉金 ——

青龙 父母甲辰土 —— 世

玄武 妻财甲寅木 ——

白虎 子孙甲子水 ——

寅木财爻为用神，财爻克世，此财必得，但目下尚空，要到甲寅日，出空方得。果于甲寅日得之。古以逢空不空，非也，若在旬内，还作空亡，必待出旬，始不为空。

逢空亦空，非落底之空；逢伤亦伤，却有待时之用。用神逢空，勿即指为不空，毕竟为空，但此空者乃目下旬内之空，待至出空之日，则不空也。作忌神者，仍出而为祸；作元神者，仍出而为福。非比休囚之真空，到底而为空也。爻值月建，乃为旺矣。

或被它爻所克，即谓之逢伤。占病者，目下不愈；占事者，目下不成。待至冲去伤爻之日，则不受其伤矣！病者必愈，图事必成，故曰：逢伤亦伤，却有待时之用。

如：酉月 丙寅日（旬空：戌亥），占谒贵，得“蛊之蒙”

	巽宫：山风蛊(归魂)	离宫：山水蒙
青龙	兄弟丙寅木 —— 应	兄弟丙寅木 ——
玄武 子孙辛巳火	父母丙子水 - -	父母丙子水 - -
白虎	妻财丙戌土 - -	妻财丙戌土 - - 世
螣蛇	官鬼辛酉金 —— 世○→	子孙戊午火 - -
勾陈	父母辛亥水 ——	妻财戊辰土 ——
朱雀	妻财辛丑土 - -	兄弟戊寅木 - - 应

世临月建之官，定得面见。但被午火回头之克，须待子日，冲去午火，方得拜谒。果得见于丙子日。故曰：逢伤亦伤，却有待时之用。

日绝、日冲、日克，须察别位有生扶；化绝、化墓、化克，又怕他爻增克制。

爻值月建，其绝墓于日，及日建冲克者，可以敌之，无吉无凶之象。倘得他爻又动而生扶者，更为吉兆。只恐他爻又来克制，用爻虽临月建，亦难敌矣。

如：寅月 丙申日（旬空：辰巳），占官之升迁，得“艮之颐”

	艮宫：艮为山(六冲)	巽宫：山雷颐(游魂)
青龙	官鬼丙寅木 —— 世	官鬼丙寅木 ——
玄武	妻财丙子水 - -	妻财丙子水 - -
白虎	兄弟丙戌土 - -	兄弟丙戌土 - - 世
螣蛇	子孙丙申金 —— 应○→	兄弟庚辰土 - -
勾陈	父母丙午火 - -	官鬼庚寅木 - -
朱雀	兄弟丙辰土 - - X→	妻财庚子水 —— 应

寅木官星持世，临月建而旺相，虽被申日冲克，喜申子辰合成水局以生世，不独无害，定然三月高迁。果于三月升任云南。夫应即升者，乃因又得水局以生扶也。应三月者，辰土出空之月也。应云南者，世与官星，皆在六爻之故耳。

又如：辰年 午月 丁未日（旬空：寅卯），占弟被论，吉凶何如？得“困之恒”

	兑宫：泽水困(六合)	震宫：雷风恒
青龙	父母丁未土 - -	父母庚戌土 - - 应

玄武	兄弟丁酉金 ——— ○→	兄弟庚申金 — —
白虎	子孙丁亥水 ——— 应	官鬼庚午火 ———
螣蛇	官鬼戊午火 — — X→	兄弟辛酉金 ——— 世
勾陈	父母戊辰土 ———	子孙辛亥水 ———
朱雀	妻财戊寅木 — — 世	父母辛丑土 — —

酉金兄爻为用神，午月克之，未日生之，可以相敌。但不宜又动出午火相克，正所谓最怕他爻增克制。彼问：“有大害否？”余曰：午火为月建，动于卦中，谓之“入卦者，更见刚强”，又谓之“月建作忌神，得祸不浅，大凶之象。”又问：“凶在何时？”余曰：酉金兄弟化退神，今岁辰年，太岁相合，自是无妨，恐退至申年而无路矣！”果于本年下狱，至申年而被重刑。

大象吉者，由斯而泰，大象凶者，出月遭殃。克少生多者，大象吉也；克多生少者，大象凶也。大象固凶，在月内还许不碍，出此月定受其殃。用神遇之，得福不轻；忌神逢之，受祸不浅。此言用神临月建，并无他爻以伤克者，凡占皆吉。忌神临月建，而用神休囚无救者，诸占大凶。

生扶忌神，乃助恶而为虐；克制元神，为邀路以截粮。忌神克害用神，得月建克制忌神者，名为有救。若月建反生忌神者，乃助恶而为虐也。如用神得元神之生，月建又生元神，吉而又吉。倘月建若克制元神者，如梟神以夺食也。

物穷则变，器满则倾。用神衰者，遇时则发，即如用神临火，冬占不旺，等到交春则旺矣，故谓之物穷则变。又如正月占卦，用神临寅木月建，谓之太旺，若到交秋遇金冲克，不无破败，故谓之器满则倾。

如：寅月 辛酉日（旬空：子丑），占开铺面，得“艮之明夷”

	艮宫：艮为山（六冲）	坎宫：地火明夷（游魂）
螣蛇	官鬼丙寅木 ——— 世○→	子孙癸酉金 — —
勾陈	妻财丙子水 — —	妻财癸亥水 — —
朱雀	兄弟丙戌土 — —	兄弟癸丑土 — — 世
青龙	子孙丙申金 ——— 应	妻财己亥水 ———
玄武	父母丙午火 — —	兄弟己丑土 — —
白虎	兄弟丙辰土 — — X→	官鬼己卯木 ——— 应

世临寅木，得令当时，目下开张，可许热闹。独嫌日辰克世，世又化回头之克，生少克多，又是六冲卦，六冲不久。彼曰：“伙伴不同心乎？或是别有他故？”余曰：鬼在身边，预防疾病，恐伙伴亦从此变心，必受其累。后果于六月痢症，至八月未愈，伙伴盗财几尽。鸣之于官，分文不获，

此谓之“当时旺相无伤，过时受害”。夫应六月者，木墓于未；伙伴变心者，应爻申金，秋天当令而冲克世爻；财被盗尽者，因子水财落空亡也。

逢绝不绝，逢冲不散，日生日克，兼看生扶，日克月生，还查冲克。

月将当权，岂能衰绝？旺相如刚，岂能冲散？月克日生，遇帮扶而愈旺，月生日克，逢克制而亦衰。

如：午月 戊辰日（旬空：戌亥），占妹临产吉凶，得“火地晋”

乾宫：火地晋（游魂）

朱雀	官鬼己巳火	——
青龙	父母己未土	- -
玄武	兄弟己酉金	—— 世
白虎	妻财乙卯木	- -
螣蛇	官鬼乙巳火	- -
勾陈	子孙甲子水	父母乙未土 - - 应

酉金兄爻为用神，月令克之，日建生之，许之无碍，明日卯时必生。果于次日卯时生，母子平安。应卯时者，酉金与辰日相合。《黄金策》曰：“若逢合住，必待冲开，此月克而日生，无增克制或帮扶也。”

又如：未月 甲午日（旬空：辰巳），占子痘症，得“履之中孚”

艮宫：天泽履

艮宫：风泽中孚（游魂）

玄武	兄弟壬戌土	——	官鬼辛卯木	——
白虎	妻财丙子水	子孙壬申金 —— 世	父母辛巳火	——
螣蛇	父母壬午火	—— ○→	兄弟辛未土	- - 世
勾陈	兄弟丁丑土	- -	兄弟丁丑土	- -
朱雀	官鬼丁卯木	—— 应	官鬼丁卯木	——
青龙	父母丁巳火	——	父母丁巳火	—— 应

申金子孙为用神，月生日克，可以相敌，但不宜爻中动出午火又来克之。幸午与未合，目下不碍，防丑日冲去未土，火来伤金则危矣。果卒于丑日。

**李我平日**：诸书皆以月将当权，逢空不空，遇伤无害。此书以增克制，空亦为空，伤亦为害，明彻之极，实堪为法。《易冒》以日克月生，得生之八；月克日生，得生之七。七分八分，何以决疑？即如此章所存占验。占产，不增克制，危而即安；占痘，叠见逢伤，命之不保。一死一生，七

耶八耶？

〔乾按〕本章论月建生克帮扶，紧要之处有三：一曰逢空亦空终非落底之空，逢伤亦伤却有待时之用；二曰卦中天象吉凶，当看月建作用；三曰逢绝不绝，逢冲不散，决于月建生克冲合。学者宜反复研读，详审卦例，自不难领会其中曲折难断之处。

## 日辰章

子水，丑土，寅木，卯木，辰土，巳火，午火，未土，申金，酉金，戌土，亥水。

日辰为六爻之主宰，司四时之旺相。日辰即本日之日辰，又为日建。前章言：月令司三旬之令，令于春则生，令于秋则杀，春夏秋冬，各令其时。独日辰不然，四时俱旺，操生杀之权，与月建同功。

冲旺相之静爻，即为暗动，冲衰弱之静爻，则为日破。爻之旺而静者，冲之则为暗动，愈得其力；爻之衰而静者，冲之则为日破，愈加无用。

冲空即起，冲合即开。爻之衰弱，能生扶拱合，如时雨以滋苗；爻之强旺，能克害刑冲，似秋霜之杀草。爻遇旬空，日辰冲起而为用，谓之冲空则实；爻逢合住，遇日建以冲开，谓之合处逢冲。但凶神合处喜逢冲，吉神合住又不宜冲也。

爻之衰弱者，日辰能生之、合之、旺之；同类者，比之、扶之；爻之强旺者，能刑之、冲之、克之、绝之、墓之。

按：旺之者，爻之帝旺于日也。比之者，爻与日月同也。扶之、拱之者，爻与日月同类也。墓之、绝之者，爻墓绝于日也。

爻旺而动，冲之愈动，爻衰而动，冲之则散。卜书云：爻逢月建，日冲而不散，是明知当令不畏日冲矣。及讲论祸福，不拘旺相休囚，概以散论。又最重者散，独余屡试绝不应乎散，因知神兆机于动，动则必验，何尝见其散也。旺相者，冲之愈强，休囚无气者，间或有散，亦百中仅一二也。

逢月破而不破，遇冲克以无伤。爻临日建，月冲不破，月克无伤，逢动爻之克，亦不为害，化回头之克，亦不为殃。似此之强，如山如陵，似与月建同权，中天日丽，旺相之极。

生多克少，锦上添花；生少克多，寡难敌众。爻临日建，卦中又有动爻生扶者，似锦上添花。爻临日建，而月建动爻同来克者，如寡不敌众。即如酉月卯日占卦，爻临卯木，谓之“逢破不破”，假设爻中又动出申酉之金，或卯爻动化申酉，此之谓“寡不敌众”，破亦为破，伤亦为伤。余仿此。

如：申月 戊午日（旬空：子丑），自占病，得“遁之姤”

乾宫：天山遯

乾宫：天风姤

朱雀	父母壬戌土 —	父母壬戌土 —
青龙	兄弟壬申金 — 应	兄弟壬申金 —
玄武	官鬼壬午火 —	官鬼壬午火 — 应
白虎	兄弟丙申金 —	兄弟辛酉金 —
螣蛇	妻财甲寅木 官鬼丙午火 - - 世 X→	子孙辛亥水 —
勾陈	子孙甲子水 父母丙辰土 - -	父母辛丑土 - - 世

世爻午火临日辰，本主旺相，但不宜申金月建生亥水回头克世，应卒于亥月。

又如：巳月 丁亥日（旬空：午未），占仆何日回，得“夬之履”

	坤宫：泽天夬	艮宫：天泽履
青龙	兄弟丁未土 - - X→	兄弟壬戌土 —
玄武	子孙丁酉金 — 世	子孙壬申金 — 世
白虎	妻财丁亥水 —	父母壬午火 —
螣蛇	兄弟甲辰土 — O→	兄弟丁丑土 - -
勾陈	父母乙巳火 官鬼甲寅木 — 应	官鬼丁卯木 — 应
朱雀	妻财甲子水 —	父母丁巳火 —

亥水财爻为用神，亥为月破，虽日值日建破而不破，但不宜四重土动以伤之。谚云：“双拳不敌四手。”不独难望归期，犹防不测。果于午月卯日得信，中途已被害矣。

此章当与月建章参看。[李我平曰](#)：《易冒》以爻临日辰，莫能散之，莫能空之，谓逢散而不散，逢空而不空也。然动逢日冲谓之散，既作日辰，岂又有日辰来冲乎？旬空者，乃旬内之所无也。既是旬空，岂又有临日辰之事？故知读书之不足据如此。

〔乾按〕本章当与月建章同看。月建、日建决卦气之盛衰，定用神之旺相，不可不用功研习之。

## 六神章

甲乙	丙丁	戊日	己日	庚辛	壬癸
玄武	青龙	朱雀	勾陈	螣蛇	白虎
白虎	玄武	青龙	朱雀	勾陈	螣蛇
螣蛇	白虎	玄武	青龙	朱雀	勾陈
勾陈	螣蛇	白虎	玄武	青龙	朱雀
朱雀	勾陈	螣蛇	白虎	玄武	青龙

青龙 朱雀 勾陈 螣蛇 白虎 玄武

诸书无不以青龙为吉，白虎为凶。如《天玄赋》曰：身旺龙持多喜庆。《碎金赋》曰：龙动家有喜，虎动家有丧。《卜筮元龟》曰：螣蛇白虎忧尊长。《卜筮大全》曰：畏衔刀之白虎，喜戏水之青龙。《阐奥歌章》占疾病曰：螣蛇主死，白虎主丧。此皆不以五行，竟以六神而断生死者也。惟《千金赋》曰：虎兴而遇吉神，不害其吉；龙动而逢凶曜，难掩其凶。此正理也。

然则六神竟而不验耶？非也，乃附和之神耳。卦之吉者，逢青龙而更吉；卦之凶者，逢蛇虎而更凶。且玄武主盗贼，朱雀主是非，无有不验。至于家宅坟茔，尤不可少。

如：戊子日（旬空：午未）占生产，得“剥之观”

		乾宫：山地剥		乾宫：风地观
朱雀		妻财丙寅木 ——		妻财辛卯木 ——
青龙	兄弟壬申金	子孙丙子水 - - 世 X→		官鬼辛巳火 ——
玄武		父母丙戌土 - -		父母辛未土 - - 世
白虎		妻财乙卯木 - -		妻财乙卯木 - -
螣蛇		官鬼乙巳火 - - 应		官鬼乙巳火 - -
勾陈		父母乙未土 - -		父母乙未土 - - 应

子孙子水，化绝变鬼，主本日落草而亡。却是青龙临子孙，亦可谓之喜耶？

又如：申月 甲辰日（旬空：寅卯），占兄病，得“屯之震”

		坎宫：水雷屯		震宫：震为雷（六冲）
玄武		兄弟戊子水 - -		官鬼庚戌土 - - 世
白虎		官鬼戊戌土 —— 应 O→		父母庚申金 - -
螣蛇		父母戊申金 - - X→		妻财庚午火 ——
勾陈	妻财戊午火	官鬼庚辰土 - -		官鬼庚辰土 - - 应
朱雀		子孙庚寅木 - - 世		子孙庚寅木 - -
青龙		兄弟庚子水 ——		兄弟庚子水 ——

子水兄爻为用神，卦中忌神、元神同动。土动生申金，申金动而生子水，月建又生子水，主戊申日沉痾复起，岂可谓之蛇动主死，虎动主丧耶？

又如：辰月 己巳日（戌亥空），占会试，得“观之否”

乾宫：风地观	乾宫：天地否（六合）
--------	------------

勾陈	妻财辛卯木 —	父母壬戌土 — 应
朱雀	兄弟壬申金 官鬼辛巳火 —	兄弟壬申金 —
青龙	父母辛未土 - - 世 X →	官鬼壬午火 —
玄武	妻财乙卯木 - -	妻财乙卯木 - - 世
白虎	官鬼乙巳火 - -	官鬼乙巳火 - -
螣蛇	子孙甲子水 父母乙未土 - - 应	父母乙未土 - -

青龙加未土，文章持世，动化回头之生，日建五位作官星，共来生世，首唱无疑。

又如：未月 戊辰日（旬空：戌亥），占官事罪之轻重，得“巽之涣”

	巽宫：巽为风(六冲)	离宫：风水涣
朱雀	兄弟辛卯木 — 世	兄弟辛卯木 —
青龙	子孙辛巳火 —	子孙辛巳火 — 世
玄武	妻财辛未土 - -	妻财辛未土 - -
白虎	官鬼辛酉金 — 应 O →	子孙戊午火 - -
螣蛇	父母辛亥水 —	妻财戊辰土 — 应
勾陈	妻财辛丑土 - -	兄弟戊寅木 - -

世临卯木，既墓于未月，又遇酉金鬼动，冲克世爻，加临白虎，谓之白虎刀，主罪之凶极。彼问：“凶在何时？”余曰：酉金化午火，目下无碍，秋后防之，果至秋典刑。

以上二卦，所谓逢龙更吉，遇虎加凶也。

〔乾按〕六神排列须从下至上看，装卦时亦如此。因甲乙为木，故青龙属木；丙丁日为火，故朱雀属火。余类推。断卦参照六神不可拘泥，亦不可疏漏，明察动时轻重缓急即应验如神。

## 六合章

子与丑合。寅与亥合。卯与戌合。辰与酉合。巳与申合。午与未合。

**相合之法有六：**

日月合爻者一也。如丑月占得坎卦，世爻子水与月建作合是也。

爻与爻合者二也。如占得天地否卦，世应两爻俱动，卯与戌合是也。但有一爻不动，亦不为合。

爻动化合者三也。如占得天风姤卦，世爻丑动，化出子水作合是也。

卦逢六合者四也。如占得天地否卦，内外六爻自相和合者是也，不动亦是。

六冲卦变六合者五也。如占得乾为天卦，乃八纯六冲之卦，若外卦三爻俱动，变为乾之泰卦，

谓之六冲而变六合是也。

六合卦变六合者六也。如占得火山旅卦变山火贲卦是也。

爻之合者，静而逢合，谓之合起；动而逢合，谓之合绊；爻与爻合，谓之合好；爻动化合，谓之化扶。爻静，或与日月动爻合者，得合而起，即使爻值休囚，亦有旺相之意。爻动，或与日月动爻合者，谓之动逢合而绊住，反不能动之意。爻动与动爻相合，乃得他来合我，与我和好相助之意。爻动，化出之爻回头相合者，谓之化扶，得他扶助之意。

凡得诸合，诸占皆以为吉。占功名成，占利利就，占婚必成，占身发迹，占宅兴旺，占风水聚气藏风，占求谋遂心合意。然必用神有气相宜，用若失陷无济。卜书云：万事若得三六合，诸事必得久远，有始有终。然吉事逢之，事之必就，凶事逢之，事之难结。

如：丑月 戊申日（寅卯空），占岁考，得“坎之困”

	坎宫：坎为水（六冲）	兑宫：泽水困（六合）
朱雀	兄弟戊子水 — — 世	官鬼丁未土 — —
青龙	官鬼戊戌土 —	父母丁酉金 —
玄武	父母戊申金 — — X→	兄弟丁亥水 — 应
白虎	妻财戊午火 — — 应	妻财戊午火 — —
螣蛇	官鬼戊辰土 —	官鬼戊辰土 —
勾陈	子孙戊寅木 — —	子孙戊寅木 — — 世

世爻子水，丑月合之，申日作父母而生世，卦中之申金又动，兼是六冲变六合，卦称全美，上誉无疑。果考一等，即于子科高发。后探之，前试考过四等，此以六冲变合，先否后泰之象也。

又如：戌月 丁卯日（旬空：戌亥），占讼事，得“地天泰”

	坤宫：地天泰（六合）
青龙	子孙癸酉金 — — 应
玄武	妻财癸亥水 — —
白虎	兄弟癸丑土 — —
螣蛇	兄弟甲辰土 — 世
勾陈	父母乙巳火 官鬼甲寅木 —
朱雀	妻财甲子水 —

此卦虽爻逢六合，但不宜戌月冲世、卯日克世，而应爻暗动，月建生之，彼之得志，官事必输。已而被杖。被杖者，卯木克世之故耳。用神受克，六合有何益哉？所以凡得诸合，若世爻失陷者，

难以吉断。

又如：申月 丙子日（旬空：申酉），占出行，得“明夷之小过”

	坎宫：地火明夷（游魂）		兑宫：雷山小过（游魂）
青龙	父母癸酉金 — —		官鬼庚戌土 — —
玄武	兄弟癸亥水 — —		父母庚申金 — —
白虎	官鬼癸丑土 — — 世 X →		妻财庚午火 ——— 世
螣蛇	妻财戊午火 兄弟己亥水 ———		父母丙申金 ———
勾陈	官鬼己丑土 — —		妻财丙午火 — —
朱雀	子孙己卯木 ——— 应 O →		官鬼丙辰土 — — 应

世动，被子日合住。余曰：合住必有事绊，不能动身。彼问：因何而阻？余曰：卦中子动变鬼，防儿女不安。彼曰：“正因小女多病，男家催促成婚，今欲往外求取财物，以备妆奁。”余曰：所得何病？彼曰：血枯成癆。余曰：卯木子孙，申月绝之，子日刑之，且又动而变鬼，令媛恐嫁之不及矣。后因病重，此人未去，女死辰日。夫应不去者，世动而逢合也。女死辰日者，卯木子孙变辰土鬼也。以上乃爻之遇合，卦逢六合之验也。

余又验其六冲卦变六合者，如未月丁巳日（旬空：子丑），占已悔婚，还可成否？得“离之旅”

	离宫：离为火（六冲）		离宫：火山旅（六合）
青龙	兄弟己巳火 ——— 世		兄弟己巳火 ———
玄武	子孙己未土 — —		子孙己未土 — —
白虎	妻财己酉金 ———		妻财己酉金 ——— 应
螣蛇	官鬼己亥水 ——— 应		妻财丙申金 ———
勾陈	子孙己丑土 — —		兄弟丙午火 — —
朱雀	父母己卯木 ——— O →		子孙丙辰土 — — 世

此卦从来难以吉断，因得屡验，六冲变合，散而复聚，离而必合，此婚一定还成。果于次年三月仍复成婚。

按：诸合皆以用神旺者为吉，独此六冲卦变六合者，不看用神，竟以吉断。占婚姻，先吴越而后朱陈；占夫妻，先参商而终合好；占功名，始则艰难，终须荣显；占求谋，先难后易；占身命，先否后泰；占风水，巧处奇逢；占家宅，先衰后盛；占妻儿，抛散者终须会合；占田园，卖出者，仍旧归来。

爻逢六合，已为吉兆，动而又变六合，终始佳祥。

占风水，百代簪缨；占宅舍，千秋基业；占婚姻，白头相守；占伙计，管鲍雷陈；占功名，仕路亨通；占财帛，聚积如山；占兄弟，累世同居；占学艺，始终成就；占修炼，指日丹成。

宜合吉，不宜合凶。以上诸占，用神旺临日月者，吉而又吉。惟占讼狱不利，冤仇难解；及犹疑怪事，终不开心。占孕胎安，占产难生。再若用神受克，更为凶兆。

如：卯月 甲寅日（旬空：子丑），占风水，得“困之节”

	兑宫：泽水困(六合)	坎宫：水泽节(六合)
玄武	父母丁未土 - -	子孙戊子水 - -
白虎	兄弟丁酉金 ——	父母戊戌土 ——
螣蛇	子孙丁亥水 —— 应○→	兄弟戊申金 - - 应
勾陈	官鬼戊午火 - -	父母丁丑土 - -
朱雀	父母戊辰土 ——	妻财丁卯木 ——
青龙	妻财戊寅木 - - 世X→	官鬼丁巳火 —— 世

余曰：占祖茔，必有其故，自葬后何事不亨？今日之念因何而问？明以告我，方敢决断。彼曰：“自葬后，功名屡困，年近五旬，尚无子息，是以问之，因此茔之有碍否？”余曰：龙自右脉而来，水亦从左而绕，源流水不归漕之故耳。彼曰：“何以知之？”余曰：亥水子孙，化申金生之，申为源流，寅日冲之。若能使水归源，不至旁流者，明年起用，再拜丹墀，申岁必生麟种。彼问：“长久安泰否？”余曰：六合化六合，万载安然。

古法子与丑合，丑中有土，土克子水，谓之合中带克，克三合七。巳与申合，巳火克申金，谓之克七合三。

右非通论，余得验者，子丑作合，若于辰戌丑未月日占之，而子水并无他处生扶者，即言克不言合，若有生扶，仍以合论。所以子水逢丑月、戌土遇卯月、申金逢巳月，再遇动爻克者，克而又克，何能言合耶？其克三合七、克七合三之说，有问凶吉者，以此答之，何以决人之疑？

如：丑月 庚辰日（旬空：申酉），占子病，得“剥卦”

	乾宫：山地剥
螣蛇	妻财丙寅木 ——
勾陈	兄弟壬申金 子孙丙子水 - - 世
朱雀	父母丙戌土 - -
青龙	妻财乙卯木 - -
玄武	官鬼乙巳火 - - 应

白虎

父母乙未土 — —

子水子孙，与月建作合，卦无生扶，言克不言合也。又加日辰克制辰日又冲动戌土，以克子水，只恐难过辰时。果如期而卒，此乃合中遇克，病之不救，岂可谓之克三合七耶？

### 三合章

申子辰合成水局。巳酉丑合成金局。寅午戌合成火局。亥卯未合成木局。

**此三合者有四：**

一卦之内，有三爻动而合局者，一也。

两爻动，一爻不动，亦成合局者，二也。

有内卦初爻、三爻动，动而变出之爻成三合者，三也。

有外卦四爻、六爻动，动而变出之爻成三合者，四也。

余按：此三合局者，有凶有吉。

如占功名，合成官局，谓之官旺；倘合成财局，谓之财旺生官；倘合成子孙局者，乃伤官之神也。占求财，如合成财局，谓之财库；合成子孙局者，谓之子孙局生财；倘合成兄弟之局，乃破败、耗财、阻隔之神也。占祖茔、家宅，宜父母爻而合局；占婚姻、夫妇，宜财官旺而合局。占久远喜庆之事，宜于成局，永远坚牢；若占官讼、忧疑事而合局者，终身锢结其心，难于消释。

但三合其局者，用神旺，则无不为吉，尤要世爻在局为美。若世爻不在局内，亦须局生世爻，始以吉断。倘局克世爻，则以凶推。至于日建月建，但有一在局中，谓之局旺，更吉。三爻若只两爻动，不为成局。须待后来之月日补凑，合成其局，谓之虚一待用。一爻明动，一爻暗动，亦作两爻动。三合局中，有一值空破者，待填实之日月成之。有一爻入墓者，待冲开之日成之。

更有当知者：如占功名，三合官局而生世者，利于我；生应者，利于他。占财，财局生世，利于我；财局生应，利于他。占出行，用神在三合之内，被合而留。占行人，用神在三合之内，被合不返。

又有内卦外卦而成三合者，须分内外。如占家宅，若居内宅，不宜外卦克内，若居外宅，须宜内卦生外。如占彼此之形者，内卦为我，外卦为他，外卦合局而生内卦者为吉，克内卦者为凶。

如：卯月 丁巳日（旬空：子丑），上下两村，因争田水相打，占得“离之坤”

离宫：离为火（六冲）

坤宫：坤为地（六冲）

青龙 兄弟己巳火 — 世○→

妻财癸酉金 — — 世

玄武 子孙己未土 — —

官鬼癸亥水 — —

白虎	妻财己酉金 ———— ○→	子孙癸丑土 - -
螣蛇	官鬼己亥水 ———— 应○→	父母乙卯木 - - 应
勾陈	子孙己丑土 - -	兄弟乙巳火 - -
朱雀	父母己卯木 ———— ○→	子孙乙未土 - -

断曰：内卦为我村，亥卯未合成木局；外卦为他村，巳酉丑合成金局。金来克木，彼赢我负之象，幸衰金不克旺木，不足畏也。况系六冲卦变六冲，有人解散，必不成非，后果劝散。

或问：彼此之势，必以世应为主，此如何不言世应？余曰：若无内外合局者，须看世应，今彼此两村，即内外两卦，人众同心，彼此合局，神之妙用，妙验显然，故舍世应而不用也。若非卦化六冲，未有不成非也。

又如：巳月 丁酉日（旬空：辰巳），占功名，问此缺得否，得“乾之需”

	乾宫：乾为天(六冲)	坤宫：水天需(游魂)
青龙	父母壬戌土 ———— 世○→	子孙戊子水 - -
玄武	兄弟壬申金 ————	父母戊戌土 ————
白虎	官鬼壬午火 ———— ○→	兄弟戊申金 - - 世
螣蛇	父母甲辰土 ———— 应	父母甲辰土 ————
勾陈	妻财甲寅木 ————	妻财甲寅木 ————
朱雀	子孙甲子水 ————	子孙甲子水 ———— 应

旺官生世，此缺必得。只因寅午戌三合官局，内少寅字，须待寅日方妥。果于寅日递呈，特简题用，应虚一以待用也。

又如：寅月 丙辰日（旬空：子丑），占选期，得“乾之小畜”

	乾宫：乾为天(六冲)	巽宫：风天小畜
青龙	父母壬戌土 ———— 世	妻财辛卯木 ————
玄武	兄弟壬申金 ————	官鬼辛巳火 ————
白虎	官鬼壬午火 ———— ○→	父母辛未土 - - 应
螣蛇	父母甲辰土 ———— 应	父母甲辰土 ————
勾陈	妻财甲寅木 ————	妻财甲寅木 ————
朱雀	子孙甲子水 ————	子孙甲子水 ———— 世

此卦若以古法断，午火官星一爻独发，当许午月。如以动而逢合，必待冲开，当许子丑之月。今余不以此断。午火明动，戌爻暗动，三合而少寅字，借月建以成三合，本月必选。果于本月

选于阍中。夫应选阍地者，因世爻动于六爻，又是官临午火之故耳。此乃明动暗动，合成局也。

又如：辰月 丁亥日（旬空：午未），占辨复，得“萃之革”

	兑宫：泽地萃		坎宫：泽火革
青龙	父母丁未土 — —		父母丁未土 — —
玄武	兄弟丁酉金 — 应		兄弟丁酉金 —
白虎	子孙丁亥水 —		子孙丁亥水 — 世
螣蛇	妻财乙卯木 — — X→		子孙己亥水 —
勾陈	官鬼乙巳火 — — 世		父母己丑土 — —
朱雀	父母乙未土 — — X→		妻财己卯木 — 应

内卦，亥卯未合成财局，生世爻巳火之官。世爻巳火，驿马加临，亥日冲之而暗动，须莫惜费，未月定蒙题允，还得美缺。后于未月果得题复，补楚中。应未月者，乃实空之月也。

〔乾按〕卦中六合，三合成局，合中有吉，合中有凶，且与日辰月建，动爻静爻，内卦外卦，主卦变卦，关系甚紧，变化微妙，解此章者，尤应逐项牢记，参考卦例，悟出通变之处，方可言解。

## 六冲章

子午相冲、丑未相冲、寅申相冲、卯酉相冲、辰戌相冲、巳亥相冲。

**相冲之法有六：**

日月冲爻者，一也。

卦逢六冲者，二也。

六合卦变六冲者，三也。

六冲卦变六冲者，四也。

动爻变冲者，五也。

爻与爻冲者，六也。

冲者，散也。凡占凶事，宜于冲散；占吉事，则不宜。亦必兼用神而言，用神若旺，虽冲不碍；用神失陷，凶而又凶。至六合卦变六冲者，用神纵旺，亦始吉终凶，图事虽成，有头而无尾也。

爻冲有五：爻遇月冲，为月破；静爻旺遇日冲，为暗动；休囚而遇日冲，谓日破；动爻自化回头冲，如逢仇敌；爻遇爻冲，谓之相击。

如：亥月 壬子日（旬空：寅卯），占子与人相打，可遇害否？得“大壮之泰”

坤宫：雷天大壮(六冲)	坤宫：地天泰(六合)
-------------	------------

白虎	兄弟庚戌土 — —	子孙癸酉金 — — 应
螣蛇	子孙庚申金 — —	妻财癸亥水 — —
勾陈	父母庚午火 ——— 世○→	兄弟癸丑土 — —
朱雀	兄弟甲辰土 ———	兄弟甲辰土 ——— 世
青龙	官鬼甲寅木 ———	官鬼甲寅木 ———
玄武	妻财甲子水 ——— 应	妻财甲子水 ———

六冲变六合，必有人劝解。父爻持世而克子，乃父责子也，不受他人之害。顷之，有人相请论理，其子理亏，父执棍欲击，被劝而止。夫厮打不成者，乃六冲之变合也。父击子而被劝者，乃因日辰子水冲克世爻，故不能以击子也。

他书最重者，动而逢冲曰散。散犹空也，如全无之象，纵有生扶，不可救也。今试看此卦，午火世动，冬令休囚之极，动遇子日冲这，何尝见散，何尝全无。世爻发动，身已动矣。父动克子，已击子矣。余恒论神兆机于动，动则必验，惟看旺衰以分轻重，不可以散而遂言如无也。

如：巳月 戊戌日（旬空：辰巳），占财，得“风雷益”

巽宫：风雷益

朱雀	兄弟辛卯木 ——— 应
青龙	子孙辛巳火 ———
玄武	妻财辛未土 — —
白虎	官鬼辛酉金 妻财庚辰土 — — 世
螣蛇	兄弟庚寅木 — —
勾陈	父母庚子水 ———

辰土财爻持世，因值旬空，戌日冲空则实，本日即得。已如其卜。

又如：午月 丙辰日（旬空：子丑），占出外经贸贸易，财喜何如？得“恒之豫”

震宫：雷风恒

震宫：雷地豫（六合）

青龙	妻财庚戌土 — — 应	妻财庚戌土 — —
玄武	官鬼庚申金 — —	官鬼庚申金 — —
白虎	子孙庚午火 ———	子孙庚午火 ——— 应
螣蛇	官鬼辛酉金 ——— 世○→	兄弟乙卯木 — —
勾陈	兄弟庚寅木 父母辛亥水 ——— ○→	子孙乙巳火 — —
朱雀	妻财辛丑土 — —	妻财乙未土 — — 世

世爻酉金，化卯相冲，乃反吟之卦。幸辰日合之，冲中逢合，又得戌土为财，暗动生世，虽则反复不常，却有财利。果然此人去而复反者三次，尽在中途发货。前曰：“爻动化冲，如逢仇敌。”乃是化回头之克也。此卦世爻酉金，化卯冲世而不克世，又得辰日冲动戌财生世，所以为吉。

又如：酉月 庚子日（旬空：辰巳），占文书，得“讼之睽”

	离宫：天水讼（游魂）	艮宫：火泽睽
螣蛇	子孙壬戌土 —	兄弟己巳火 —
勾陈	妻财壬申金 — ○→	子孙己未土 - -
朱雀	兄弟壬午火 — 世	妻财己酉金 — 世
青龙 官鬼己亥水	兄弟戊午火 - -	子孙丁丑土 - -
玄武	子孙戊辰土 —	父母丁卯木 —
白虎	父母戊寅木 - - 应 X→	兄弟丁巳火 — 应

寅木父母爻为文书，动而生世，文书必妥。但嫌申金财动，冲克文书，须待寅日冲去申金，文书必发。果寅日得领。古以爻冲爻，亦谓之散，旺相之爻，能冲散衰弱之爻，此卦申值秋时，不为不旺，旺金冲寅而寅木何尝散耶。

又如：子月 己巳日（旬空：戌亥），占以财搏艺，得“坤卦”

	坤宫：坤为地（六冲）
勾陈	子孙癸酉金 - - 世
朱雀	妻财癸亥水 - -
青龙	兄弟癸丑土 - -
玄武	官鬼乙卯木 - - 应
白虎	父母乙巳火 - -
螣蛇	兄弟乙未土 - -

世克应，乃为我胜。但因巳日冲动亥水之财，反生应爻，艺虽精，不能取胜，幸卦逢六冲，必不终局果因他事而散，所负无机。

古以六冲卦，诸占不吉。余屡试之，用神失陷，实不为吉，用若得地，须以用神断之。惟占病，有远近之分，不用用神，近病逢冲即愈，久病逢冲则死。及占风水，六冲主飞砂走石，亦非久远之象。其余必兼用神而言。

如：酉月 乙未日（旬空：辰巳），占子久出不归，生死何如？得“坤卦”

坤宫：坤为地（六冲）

玄武 子孙癸酉金 — — 世  
 白虎 妻财癸亥水 — —  
 螣蛇 兄弟癸丑土 — —  
 勾陈 官鬼乙卯木 — — 应  
 朱雀 父母乙巳火 — —  
 青龙 兄弟乙未土 — —

世临子孙，以临月建，未日生之，虽是六冲之卦，然而子必归。果于子年建功，卯年得意而回，此应静而逢冲之年也。

又如：巳月 甲寅日（旬空：子丑），占延师训子，得“否之乾”

	乾宫：天地否（六合）	乾宫：乾为天（六冲）
玄武	父母壬戌土 — 应	父母壬戌土 — 世
白虎	兄弟壬申金 —	兄弟壬申金 —
螣蛇	官鬼壬午火 —	官鬼壬午火 —
勾陈	妻财乙卯木 — — 世 X →	父母甲辰土 — 应
朱雀	官鬼乙巳火 — — X →	妻财甲寅木 —
青龙	子孙甲子水 父母乙未土 — — X →	子孙甲子水 —

此卦以应为用神，世应相合，应临戌父，巳月生之，乃饱学之士。独嫌卦变六冲，合而变冲，不久之兆。彼问：“因何事而不久？”余曰：子水子孙值旬空，卦中未土父动，防子孙灾变。后两月余，其子得病，辞师未久，而子亦亡矣。

凡得六合变六冲者，诸占先合后离，先亲后疏，先浓后淡，先荣后悴，初好后迟，先亨后否，得而复失，成而复败，事就而又变也。惟占官非、盗贼、结绝事者最宜。

如：午月 丙子日（旬空：申酉），占开典铺，得“大壮之巽”

	坤宫：雷天大壮（六冲）	巽宫：巽为风（六冲）
青龙	兄弟庚戌土 — — X →	官鬼辛卯木 — 世
玄武	子孙庚申金 — — X →	父母辛巳火 —
白虎	父母庚午火 — 世 O →	兄弟辛未土 — —
螣蛇	兄弟甲辰土 —	子孙辛酉金 — 应
勾陈	官鬼甲寅木 —	妻财辛亥水 —
朱雀	妻财甲子水 — 应 O →	兄弟辛丑土 — —

世临午火，月建当时，日冲不散，又化未土，乃为化合，得助得扶，堪称吉卦，但嫌六冲变六冲，用神虽旺，必开不久。已而如卜。

凡得六冲变冲，乃内外变动，交相冲击，必主上下不和，至亲反目，彼此怀奸，始终不就。若用神再受克者，大凶之兆，纵用神旺相，亦不久长。

如：申月 乙卯日（旬空：申酉），父子七人俱行拿问，得“巽之坤”

	巽宫：巽为风(六冲)		坤宫：坤为地(六冲)
玄武	兄弟辛卯木 — 世○→		官鬼癸酉金 - - 世
白虎	子孙辛巳火 — ○→		父母癸亥水 - -
螣蛇	妻财辛未土 - -		妻财癸丑土 - -
勾陈	官鬼辛酉金 — 应○→		兄弟乙卯木 - - 应
朱雀	父母辛亥水 — ○→		子孙乙巳火 - -
青龙	妻财辛丑土 - -		妻财乙未土 - -

此系卦变，巽木化坤土，名为化去，化去不克，当主无妨。只因世爻变鬼，卯木化酉金，木被金伤，巳火子孙又化亥水，父子两爻皆被其伤，六冲变冲，乱冲乱击，极凶之卦，果俱受刑。

按古法，皆以六冲卦宜于官事，喜其冲散。然而必须看事之大小，又宜兼看用神而言。如此卦，六冲变六冲，不可曰官事逢冲而散耶。

〔乾按〕六冲当与六合同看。冲中亦有吉有凶，六冲变六冲，化去乃非常卦例。宜细审之。若遇冲中有合，合处有冲，更须着意解析，方能断准卦中幽微之处。

## 三刑章

寅刑巳，巳刑申，申刑寅，子刑卯，卯刑子。丑戌相刑，戌未相刑。又云：辰午酉亥，谓之自刑。夫三刑者，余屡试之，或因用神休囚，再兼他爻之克，内有兼犯三刑者，则见凶灾。若只独犯三刑，得验者少，占过数十年来，只验一卦。

如：寅月 庚申日（旬空：子丑），占子痘症，得“家人之离”

	巽宫：风火家人		离宫：离为火(六冲)
螣蛇	兄弟辛卯木 —		子孙己巳火 — 世
勾陈	子孙辛巳火 — 应○→		妻财己未土 - -
朱雀	妻财辛未土 - - X→		官鬼己酉金 —
青龙	官鬼辛酉金 父母己亥水 —		父母己亥水 — 应

玄武	妻财己丑土 - - 世	妻财己丑土 - -
白虎	兄弟己卯木 ——	兄弟己卯木 ——

巳火子孙，既当春令，子孙旺相，许之可治。后死于寅日、寅时，始悟：月建在寅，日建在申，与巳爻子孙共作三刑故耳。无他爻之伤而得验者，独此一卦，至于子卯、辰戌丑未，亦有验者，然皆附和而为凶者也。

〔乾按〕三刑得验者少，皆因三刑俱全者少。学者亦再作测验，留意考证，若以其验者甚少而疏漏，则谬矣。

〔居士按〕三刑得验确有卦例，通观全卦生克冲合，积累经验，自然神通。不因少见而不用，不因刑全而乱断，须看用神之吉凶。

## 六害章

六害全无应验，删之不录。

## 暗动章

静爻休囚，日辰冲之，为日破；静爻旺相，日辰冲之，为暗动。暗动者，有喜有忌。用神休囚，得元神暗动以相生；忌神明动于卦中，得元神暗动以生用神，皆谓之喜。用神休囚无助，若遇忌神暗动，克害用神者，则谓之忌。

古以暗动，福来而不知，祸来而不觉。又曰：吉凶之力则半，迟速之应则缓。究竟何尝不知不觉，又何尝缓耶。

即如：寅月 乙未日（旬空：辰巳），占女痘，得“坤之师”

	坤宫：坤为地（六冲）	坎宫：地水师（归魂）
玄武	子孙癸酉金 - - 世	子孙癸酉金 - - 应
白虎	妻财癸亥水 - -	妻财癸亥水 - -
螣蛇	兄弟癸丑土 - -	兄弟癸丑土 - -
勾陈	官鬼乙卯木 - - 应	父母戊午火 - - 世
朱雀	父母乙巳火 - - X→	兄弟戊辰土 ——
青龙	兄弟乙未土 - -	官鬼戊寅木 - -

酉金子孙，虽则春令休囚，得日辰生之，二爻巳火动而克金，得未日冲动丑土，火动生土，土动生金，花虽密而无妨，彼曰：目下甚危。余曰：不防，今日未申时有救。果于申时得明医救治。

此何尝缓也？

〔乾按〕暗动必旺相之静爻受日建相冲方动，休囚之爻无暗动也。暗动之妙有喜忌，更宜细察。

## 动散章

古以日辰冲动爻，谓之冲散，又以爻动冲爻，亦能冲散。余屡试之，旺相者，冲之不散；有气者，冲之不散；休囚者，间有冲散，亦千百中之一二耳。其故何也？盖神兆机于动，动必有因，虽则今日受制，后逢值日而不散也。

如：丑月 丁酉日（旬空：辰巳），占父出外，一载无音，得“涣之坎”

	离宫：风水涣	坎宫：坎为水(六冲)
青龙	父母辛卯木 —— ○→	官鬼戊子水 - - 世
玄武	兄弟辛巳火 —— 世	子孙戊戌土 ——
白虎 妻财己酉金	子孙辛未土 - -	妻财戊申金 - -
螣蛇 官鬼己亥水	兄弟戊午火 - -	兄弟戊午火 - - 应
勾陈	子孙戊辰土 —— 应	子孙戊辰土 ——
朱雀	父母戊寅木 - -	父母戊寅木 - -

卯木父爻，动而生世，又化子水回头生，许之在外平安，世空者速至，交春即归。果于二月，得意而回。此非卯动酉日冲之乎？何尝散耶？

**李我平曰**：《黄金策》以空亡为重，冲散为轻。《易冒》最重冲散，细阅其疾病章中，有卯月丙寅日，占子病，得渐之观。占病遇子孙而变鬼，百无一生，明系申金子孙变鬼，误作寅日冲散。又如进退章中，申月占卦，酉爻发动，遇卯冲之，亦谓之散，往往错误如此。

〔乾按〕爻动逢日冲为冲散，爻动冲爻亦为冲散。然散与不散亦有例外，不可一概而论。本章论述极明，宜细读之。

## 卦变生克墓绝章

卦之变者，有变生、变克、变墓、变绝、变比和，余得验者，凡遇卦化克者，不论用神之衰旺，皆以凶推。

如：巽木变坎水

巽宫：巽为风(六冲)	坎宫：坎为水(六冲)
兄弟辛卯木 —— 世○→	父母戊子水 - - 世

子孙辛巳火 ——	妻财戊戌土 ——
妻财辛未土 - -	官鬼戊申金 - -
官鬼辛酉金 —— 应○→	子孙戊午火 - - 应
父母辛亥水 ——	妻财戊辰土 ——
妻财辛丑土 - -	兄弟戊寅木 - -

巽木变坎水，谓之化生，水回头以生木也，即以吉断。

如：震木变乾金

震宫：震为雷(六冲)	乾宫：乾为天(六冲)
妻财庚戌土 - - 世X→	妻财壬戌土 —— 世
官鬼庚申金 - - X→	官鬼壬申金 ——
子孙庚午火 ——	子孙壬午火 ——
妻财庚辰土 - - 应X→	妻财甲辰土 —— 应
兄弟庚寅木 - - X→	兄弟甲寅木 ——
父母庚子水 ——	父母甲子水 ——

震木变乾金，谓之化克，金回头以克木也，即以凶推。

又有化克而不克者，不可不知。

如：兑金变震木

兑宫：兑为泽(六冲)	震宫：震为雷(六冲)
父母丁未土 - - 世	父母庚戌土 - - 世
兄弟丁酉金 —— ○→	兄弟庚申金 - -
子孙丁亥水 ——	官鬼庚午火 ——
父母丁丑土 - - 应	父母庚辰土 - - 应
妻财丁卯木 —— ○→	妻财庚寅木 - -
官鬼丁巳火 ——	子孙庚子水 ——

兑金变震木，谓之化去。正卦为我，我去克他，不为凶也，此则谓之化克而不克。

如：震木变兑金

震宫：震为雷(六冲)	兑宫：兑为泽(六冲)
------------	------------

妻财庚戌土 - - 世	妻财丁未土 - - 世
官鬼庚申金 - - X→	官鬼丁酉金 ——
子孙庚午火 ——	父母丁亥水 ——
妻财庚辰土 - - 应	妻财丁丑土 - - 应
兄弟庚寅木 - - X→	兄弟丁卯木 ——
父母庚子水 ——	子孙丁巳火 ——

震木变兑金，谓之化来。他来克我，回头之克，即为凶兆，诸占大凶。

如：卯月 辛巳日（旬空：申酉），来人不言何事，占得“巽之乾”

	巽宫：巽为风（六冲）	乾宫：乾为天（六冲）
螣蛇	兄弟辛卯木 —— 世	妻财壬戌土 —— 世
勾陈	子孙辛巳火 ——	官鬼壬申金 ——
朱雀	妻财辛未土 - - X→	子孙壬午火 ——
青龙	官鬼辛酉金 —— 应	妻财甲辰土 —— 应
玄武	父母辛亥水 ——	兄弟甲寅木 ——
白虎	妻财辛丑土 - - X→	父母甲子水 ——

问之所占何事，彼曰：“代卜长辈功名。”余曰：功名须要亲占，代占难取用神，从不敢断。幸此卦显而易见，巽木化乾金，即为化来，回头来克，为绝卦也，不必问名，寿亦不久。果于午月削职，七月而终。

又如：午月 丙寅日（旬空：戌亥），占主病，得“离之坎”

	离宫：离为火（六冲）	坎宫：坎为水（六冲）
青龙	兄弟己巳火 —— 世O→	官鬼戊子水 - - 世
玄武	子孙己未土 - - X→	子孙戊戌土 ——
白虎	妻财己酉金 —— O→	妻财戊申金 - -
螣蛇	官鬼己亥水 —— 应O→	兄弟戊午火 - - 应
勾陈	子孙己丑土 - - X→	子孙戊辰土 ——
朱雀	父母己卯木 —— O→	父母戊寅木 - -

离火变坎水回头来克，目下午月火旺，冬令危矣！果卒于九月丁亥日。此皆不看用神之衰旺也。

按：古以占家宅坟墓大事者忌之，尽属揣摩，非留心于占验之论，余存四十年之占验，无一卦而不关心，如占得有疑之卦，虽数年，亦存意探之。

卯月 乙酉日(旬空：午未)，占索房价，得“坎之坤”

	坎宫：坎为水(六冲)	坤宫：坤为地(六冲)
玄武	兄弟戊子水 — — 世	父母癸酉金 — — 世
白虎	官鬼戊戌土 ———— O→	兄弟癸亥水 — —
螣蛇	父母戊申金 — —	官鬼癸丑土 — —
勾陈	妻财戊午火 — — 应	子孙乙卯木 — — 应
朱雀	官鬼戊辰土 ———— O→	妻财乙巳火 — —
青龙	子孙戊寅木 — —	官鬼乙未土 — —

卦变回头之克，房价事小，今年诸事，须宜谨慎。后于巳月，覆舟而死。占此应彼，神预告之，令人早知趋避也。古以占大事忌之，此卦岂非占小事而应大凶耶？！

**李我平曰**：《易冒》墓绝章云：“日月当令非真。”殊不知凶事将来，神机早兆，日月当时虽旺，过时则有亏消，即如此篇，占主病，午月得离变坎，目今夏火虽炎，冬令岂能不绝耶。再《易冒》反伏章云：“日月从往则非，空破从往则重。”又曰：“半从往，半从来，半凶半吉。”种种议论，皆非经验。

夫卦体，如人之根本，卦变克绝，如树连根出土，目前枝叶虽青，能保长不凋落乎？当时固旺，过时而衰，空破虽虚，添实则应，其半凶半吉之论，难作后人之法。

此书只以回头克者为凶，余见《易冒》反伏章中之占验，明是回头之克，误作反伏休囚。

有：寅月 甲子日(旬空：戌亥)，占母病，得“坤之巽”

	坤宫：坤为地(六冲)	巽宫：巽为风(六冲)
玄武	子孙癸酉金 — — 世 X→	官鬼辛卯木 ———— 世
白虎	妻财癸亥水 — — X→	父母辛巳火 ————
螣蛇	兄弟癸丑土 — —	兄弟辛未土 — —
勾陈	官鬼乙卯木 — — 应 X→	子孙辛酉金 ———— 应
朱雀	父母乙巳火 — — X→	妻财辛亥水 ————
青龙	兄弟乙未土 — —	兄弟辛丑土 — —

坤土化巽木，乃回头之克，而彼书则曰：虽化旬空、休囚之反吟亦凶。既曰空破则重，又曰亦凶，且更牵扯亥水冲破巳火，故凶。殊不知既得卦变，只观卦象，不看用神，以其即使爻吉，泉竭根枯，岂能久乎。

又有：寅月 癸酉日(旬空：戌亥)，占长子病，得“震之兑”

	震宫：震为雷(六冲)		兑宫：兑为泽(六冲)
白虎	妻财庚戌土 - - 世		妻财丁未土 - - 世
螣蛇	官鬼庚申金 - - X→		官鬼丁酉金 ——
勾陈	子孙庚午火 ——		父母丁亥水 ——
朱雀	妻财庚辰土 - - 应		妻财丁丑土 - - 应
青龙	兄弟庚寅木 - - X→		兄弟丁卯木 ——
玄武	父母庚子水 ——		子孙丁巳火 ——

震木化兑金，亦是回头之克。彼乃以震为长男，占长子，所以不吉。殊不知卦变回头之克，少女亦终难保乎。

此二卦，前系土遭木克，后为木被金伤，竟未看出，何也？

〔乾按〕本章所论卦变即主卦变卦之后，两卦所属五行之生克关系。变卦生主卦为变生；变卦与主卦所属五行相同为比和；变卦克主卦为变克。凡变生、变比和为吉，变克为凶，变墓变绝未论。

## 反伏章

卦有卦变，爻有爻变。卦变者，内外动而反吟，同一卦也。

如：乾变坤

乾宫：乾为天(六冲)		坤宫：坤为地(六冲)
父母壬戌土 —— 世○→		兄弟癸酉金 - - 世
兄弟壬申金 —— ○→		子孙癸亥水 - -
官鬼壬午火 —— ○→		父母癸丑土 - -
父母甲辰土 —— 应○→		妻财乙卯木 - - 应
妻财甲寅木 —— ○→		官鬼乙巳火 - -
子孙甲子水 —— ○→		父母乙未土 - -

爻变者，内外动而反吟，非同一卦也。

如：升变观

震宫：地风升		乾宫：风地观
官鬼癸酉金 - - X→		兄弟辛卯木 ——
父母癸亥水 - - X→		子孙辛巳火 ——

妻财癸丑土 — — 世	妻财辛未土 — — 世
官鬼辛酉金 ———— O→	兄弟乙卯木 — —
父母辛亥水 ———— O→	子孙乙巳火 — —
妻财辛丑土 — — 应	妻财乙未土 — — 应

又有外卦反吟，而内卦不动者。

如：观变坤

乾宫：风地观	坤宫：坤为地(六冲)
妻财辛卯木 ———— O→	兄弟癸酉金 — — 世
官鬼辛巳火 ———— O→	子孙癸亥水 — —
父母辛未土 — — 世	父母癸丑土 — —
妻财乙卯木 — —	妻财乙卯木 — — 应
官鬼乙巳火 — —	官鬼乙巳火 — —
父母乙未土 — — 应	父母乙未土 — —

又有内卦反吟，而外卦不动者。

如：巽变观

巽宫：巽为风(六冲)	乾宫：风地观
兄弟辛卯木 ———— 世	兄弟辛卯木 ————
子孙辛巳火 ————	子孙辛巳火 ————
妻财辛未土 — —	妻财辛未土 — — 世
官鬼辛酉金 ———— 应 O→	兄弟乙卯木 — —
父母辛亥水 ———— O→	子孙乙巳火 — —
妻财辛丑土 — —	妻财乙未土 — — 应

## 一、反吟。

内卦反吟，内则不安；外卦反吟，外则不宁；内外反吟，内外不安之象。皆主成而败、败而成，有而即无、无而即有，得而失、失而得，来而去、去而来，散而聚、聚而散，动而思静、静而思动。

占功名，用爻旺相，迁而又迁，升往他处，仍复升来。用神失陷，或降或升，或得或失。占财

物，聚散不常，买卖经营，兴废往来不定。占坟茔宅舍，欲迁不迁，或迁之而再迁，或目下就有迁移之事。占已经久远之事，目前即有变动。占天时，晴而即雨，雨而又晴。占婚姻，反复难成。占疾病，愈而又病。占盗贼、官非，见而又见。占出行，行至中途而亦返，即使到彼，而事无成。占行人，外卦反吟者，用神旺相必归，不然亦移他处。居外之人而占家宅者，内卦反吟，家庭人口不安。占彼此之形势者，内卦反吟，我乱他定；外卦反吟，他乱我定。

以上用神旺相，不变冲克者，虽则反伏，事亦必成，只恐用神化回头之冲克者，即如卦变，大凶之象。

如：卯月 壬申日（旬空：戌亥），占随官上任，得“比之井”

	坤宫：水地比（归魂）	震宫：水风井
白虎	妻财戊子水 - - 应	妻财戊子水 - -
螣蛇	兄弟戊戌土 ——	兄弟戊戌土 —— 世
勾陈	子孙戊申金 - -	子孙戊申金 - -
朱雀	官鬼乙卯木 - - 世 X→	子孙辛酉金 ——
青龙	父母乙巳火 - - X→	妻财辛亥水 —— 应
玄武	兄弟乙未土 - -	兄弟辛丑土 - -

断曰：世临官星，值月建而旺，必能随往，但内卦反吟，定有反复，又不宜世爻绝于申日，复又化回头冲克，主此行不吉，不去为上。后因官掣签，所得之缺近贼营，辞而不去。及至官赴任后，忽因他故，仍行随往。至七月，贼破城，与官一同被害。与官同被害者，世爻与官鬼同受酉金之冲克也，已辞而复去者，卦得反吟之故也。

又如：卯月 己亥日（旬空：辰巳），占升迁，得“临之中孚”

	坤宫：地泽临	艮宫：风泽中孚（游魂）
勾陈	子孙癸酉金 - - X→	官鬼辛卯木 ——
朱雀	妻财癸亥水 - - 应 X→	父母辛巳火 ——
青龙	兄弟癸丑土 - -	兄弟辛未土 - - 世
玄武	兄弟丁丑土 - -	兄弟丁丑土 - -
白虎	官鬼丁卯木 —— 世	官鬼丁卯木 ——
螣蛇	父母丁巳火 ——	父母丁巳火 —— 应

断曰：世临卯木，月建之官，又长生于亥日。世与官星同临旺地，许之即升。果于本月由江西升任山东，未及一载，复任江西。应本月升者，卯官而值月令也；升山东者，官临卯木也；复任江

西者，外卦反吟，去而复返也。

## 二、伏吟：

伏吟卦者，有内外伏吟，

如无妄变大壮

巽宫：天雷无妄(六冲)

坤宫：雷天大壮(六冲)

妻财壬戌土 ———— O→

妻财庚戌土 - -

官鬼壬申金 ———— O→

官鬼庚申金 - -

子孙壬午火 ———— 世

子孙庚午火 ———— 世

妻财庚辰土 - - X→

妻财甲辰土 ————

兄弟庚寅木 - - X→

兄弟甲寅木 ————

父母庚子水 ———— 应

父母甲子水 ———— 应

内外伏吟者，内外忧郁呻吟之象。又有内卦动变伏吟，则内呻吟；外卦动变伏吟，则外不宁。

占名者，久困宦途，淹留仕路；占利者，财源耗散，本利消乏；占坟墓宅舍，欲迁而不能，守之而不利；占婚姻，忧而不乐；占疾病，久病呻吟；占口舌官非，事难归结；占出行，艰于动转；占行人，在外忧愁；占彼此之形势者，内卦为我，外卦为他，内伏吟，我心不开；外伏吟，他意不安。

按：伏吟较之反吟，反吟有冲有克，用神受克，得祸匪轻。伏吟之卦，用神旺相，冲开之年月，其志则伸；用神休囚，冲开之年月，忧郁而已。

如：申月 癸巳日(旬空：午未)，占父外任平安否，得“姤之恒”

乾宫：天风姤

震宫：雷风恒

白虎 父母壬戌土 ———— O→

父母庚戌土 - - 应

螣蛇 兄弟壬申金 ———— O→

兄弟庚申金 - -

勾陈 官鬼壬午火 ———— 应

官鬼庚午火 ————

朱雀 兄弟辛酉金 ————

兄弟辛酉金 ———— 世

青龙 妻财甲寅木 子孙辛亥水 ————

子孙辛亥水 ————

玄武 父母辛丑土 - - 世

父母辛丑土 - -

断曰：巳火日辰生父母，当主在任平安。但外卦伏吟，为不宁之象，在任必有不得意事以呻吟也。彼问：闻地方苗獐之变，可有妨碍否？余曰：日建生父，他事无虞。又问：何时归来？余曰：

伏吟欲归而不能，辰年可盼。

后知苗獐作祟，地方不宁，惊险异常。寅年占卦，辰年裁缺而归，午年又补西蜀（四川）。应辰年者，戌父化戌父，冲开戌父之年也。应裁缺者，巳日冲起亥水，暗动以克官也。应午年又补官者，占时遇巳日，拱起午火之官，当日亥水克之而不尽，今年火官星值年，依然旺也。

**李我平曰**：《易林补遗》有曰，爻有伏吟不吉，术者未闻，卦有反吟最凶，卜家谁觉？是不看用神之衰旺，竟以反伏为畏途也。今野鹤此论，以比之井卦，世逢冲克，事反伏，身受其殃。临之中孚，世官得地，虽反伏，官连迁转。教人之法，何等透彻明快。

**〔乾按〕**反伏者，反吟也。为卦变相冲、相克之象。或内反，或外反，或内外卦动同反。伏吟者，为卦变而六爻地爻五行不变。事有反复，则卦兆有反伏。卜之神机如此，能识此者，即入深层境界矣。

## 旬空章

甲子旬中，戌亥空。 甲戌旬中，申酉空。 甲申旬中，午未空。

甲午旬中，辰巳空。 甲辰旬中，寅卯空。 甲寅旬中，子丑空。

何谓旬空？如甲子至癸酉日为一旬，此十日之内，并无戌亥，所以爻逢戌亥为空亡，又名旬空。余仿此。

旬空之法，诸书之论太繁，有真空、假空、动空、冲空、填空、援空、无故自空、有故而空、墓空、绝空、害空、安空、破空。

**野鹤曰**：旺不为空，动不为空，动而化空，伏而旺相，皆不为空，有日建动爻生扶者，亦不为空，月破为空，有气不动亦为空，伏而被克亦为空，真空为空。（真空者：春土、夏金、秋是木，三冬逢火是真空。）

余初学卜，凡遇旬空，茫然莫辨，欲断为到底全空，却又应乎填实之日而不空，以之为不空，却又到底全空。后得多占之法，凡遇旬空，命之再占，卦吉者，许之出旬而不空；卦凶者，许之空矣。

如：辰月 乙卯日（旬空：子丑），占求财，得“家人之贲”

	巽宫：风火家人	艮宫：山火贲（六合）
玄武	兄弟辛卯木 ——	兄弟丙寅木 ——
白虎	子孙辛巳火 —— 应○→	父母丙子水 - -
螣蛇	妻财辛未土 - -	妻财丙戌土 - - 应

勾陈	官鬼辛酉金	父母己亥水 —	父母己亥水 —
朱雀		妻财己丑土 - - 世	妻财己丑土 - -
青龙		兄弟己卯木 —	兄弟己卯木 — 世

丑土财爻持世，遇旬空，虽有巳火之生，巳火又化回头之克，不能生丑土之财，此财既无生扶，当主难求。又因三月之丑土，财还有气，古法有气不为空，不敢竟断，命之再占。

得“睽之损”

	艮宫：火泽睽	艮宫：山泽损
玄武	父母己巳火 —	官鬼丙寅木 — 应
白虎	妻财丙子水	妻财丙子水 - -
螣蛇	兄弟己未土 - -	兄弟丙戌土 - -
勾陈	子孙己酉金 — 世○→	兄弟丁丑土 - - 世
朱雀	兄弟丁丑土 - -	官鬼丁卯木 —
青龙	官鬼丁卯木 —	父母丁巳火 — 应

因得此卦，合前卦而决之，竟断曰：财无气矣，不必劳心。彼问：何故？余曰：前卦丑财虽空有气，后卦子水财空伏于五爻未土之下，伏而又空，空而被克，知其无财而无疑也。后果毫厘未获。

又如：子月 辛亥日（旬空：寅卯），占远行求财，得“大畜”

	艮宫：山天大畜
螣蛇	官鬼丙寅木 —
勾陈	妻财丙子水 - - 应
朱雀	兄弟丙戌土 - -
青龙	子孙丙申金 兄弟甲辰土 —
玄武	父母丙午火 官鬼甲寅木 — 世
白虎	妻财甲子水 —

世逢寅木，子月亥日，俱作财神而生世，又喜应爻为地头，世应相生，乃全美之卦。独世值旬空，若执古法断，无故自空，乃大凶之兆，今敢许之远去耶？命之再占。

又得“明夷之丰”

	坎宫：地火明夷（游魂）	坎宫：雷火丰
螣蛇	父母癸酉金 - -	官鬼庚戌土 - -
勾陈	兄弟癸亥水 - -	父母庚申金 - - 世

朱雀	官鬼癸丑土 - - 世X→	妻财庚午火 ——
青龙 妻财戊午火	兄弟己亥水 ——	兄弟己亥水 ——
玄武	官鬼己丑土 - -	官鬼己丑土 - - 应
白虎	子孙己卯木 —— 应	子孙己卯木 ——

断曰：此卦与前卦相同，此行大有所得。世爻丑土化午火回头相生，目下月破，君到地头，已出月矣，出月不为破。以前卦断，开春寅卯月，正世爻出空之期，逢子亥财生，美心如愿。彼问：去得成否？余曰：甲寅日，世爻出空之后，决行无疑。果于乙卯日起程。后至彼处，寅卯月间，诸事遂心，满载而归。

**野鹤曰**：多占之法，能消除许多疑惑，不然，只以前卦决断者，无故自空，如入深渊大壑。实则旺财生世，当征腰缠万贯，许之去耶？阻之勿去耶？

又如：寅月 辛卯日（旬空：午未），占父何日回，得“观之否”

	乾宫：风地观	乾宫：天地否(六合)
螣蛇	妻财辛卯木 ——	父母壬戌土 —— 应
勾陈 兄弟壬申金	官鬼辛巳火 ——	兄弟壬申金 ——
朱雀	父母辛未土 - - 世X→	官鬼壬午火 ——
青龙	妻财乙卯木 - -	妻财乙卯木 - - 世
玄武	官鬼乙巳火 - -	官鬼乙巳火 - -
白虎 子孙甲子水	父母乙未土 - - 应	父母乙未土 - -

此卦，父遇真空，日月伤克，虽则动不为空，疑其伤之太重，余不敢断，问其去几时矣。彼曰：父开店所，离此三百余里，时常往来，昨有信云这两日要到，不知曾起身否？余命之再占。

得“履之中孚”

	艮宫：天泽履	艮宫：风泽中孚(游魂)
螣蛇	兄弟壬戌土 ——	官鬼辛卯木 ——
勾陈 妻财丙子水	子孙壬申金 —— 世	父母辛巳火 ——
朱雀	父母壬午火 —— O→	兄弟辛未土 - - 世
青龙	兄弟丁丑土 - -	兄弟丁丑土 - -
玄武	官鬼丁卯木 —— 应	官鬼丁卯木 ——
白虎	父母丁巳火 ——	父母丁巳火 —— 应

此卦又是父动逢空，幸得日月生父，较前卦不同。更喜父动克世，克世者速至，许其甲午、乙

未日必到。果于未日返舍。或曰：此卦日月生父，许之必来，是也。至于前卦真空，何以无凶？神无二理，此卦若是，前卦则非矣。余曰：前卦何尝不是？未父持世，目下旬空，出空而见父也。

夫决课之人，要识来人之念，若彼父远涉江湖，存亡未审，彼必存吉凶之念而问，若遇真空，自不归矣。今不过往来熟道，所问者何日回耳，凑至未日必到也。犹彼问我父何日归家？犹神告曰：尔父未日即至。虽然我初见前卦殊亦动疑，故命之再占，若再得凶卦，即以凶推。既得吉卦，合而决之，已悟神意，故所断如此。

余曾于午月己丑日占阴晴，得临之师卦，初爻巳火父动，应巳日必雨。及至巳日早，满天红日，值友人知易者在座，令其卜今日雨否？

午月 癸巳日（旬空：午未），得“既济之革”

	坎宫：水火既济	坎宫：泽火革
白虎	兄弟戊子水 — — 应	官鬼丁未土 — —
螣蛇	官鬼戊戌土 —	父母丁酉金 —
勾陈	父母戊申金 — — X→	兄弟丁亥水 — 世
朱雀 妻财戊午火	兄弟己亥水 — 世	兄弟己亥水 —
青龙	官鬼己丑土 — —	官鬼己丑土 — —
玄武	子孙己卯木 —	子孙己卯木 — 应

余曰：今日申时有雨。友曰：申父虽动，日月克之，况巳与申合，合住父爻，不雨，雨从何来？余曰：不然，定有大雨。果至申酉时，雷雨交作。

次日，友问不以月伤日合而断大雨，何其神乎？余曰：非独昨日之卦也，丑日占过，原应巳日必雨，犹我问神，前卦应今日雨，今果雨否？犹神答今日申时有雨，乌在乎克与合也。

前卦断行人，亦犹彼问我父何日回？亦犹神答未日必至，不在乎空而真也。凡卜者，必与鬼神合其机，切勿刻舟以求剑，余得多占之法，虽未能合鬼神之机，亦能参悟鬼神之机矣。

**李我平曰**：空亡之说，鬼神不测之妙也。似有又无，似无又有，实有到底全空，亦有填实不空，此以多占两卦，合而决之，可谓泄尽造化之微矣。

夫天地之理，皆从空而生，故谓之“悬空以待”。凡占遇空，不可即以为空，须视其所占之事，或近或远。如在旬内，固为空矣，然又有冲空之日、实空之时；如远在一旬之外，许应于出空之日；若占远大之事，尚无定期，非出旬可以成者，须看大象。大象不吉，始可谓到底之空；大象若吉，太岁、月建亦可填之，然总不如多占两卦为妙法也。

〔乾按〕本章要旨只在空不为空处，详读篇末之论，则得其要领也。

## 生旺墓绝章

长生、沐浴、冠带、临官、帝旺、衰、病、死、墓、绝、胎、养

余得验者，只验生旺墓绝，其余不验，不必用也。

金长生在巳，旺在酉，墓在丑，绝在寅。

木长生在亥，旺在卯，墓在未，绝在申。

火长生在寅，旺在午，墓在戌，绝在亥。

水、土长生在申，旺在子，墓在辰，绝在巳。

且如主事爻属木，若在亥日占卦，即是主事爻长生于亥日；若在卯日占卦，木旺于卯；若在未日占卦，木墓于未；若在申日占卦，木绝于申。余仿此。又如主事爻属木，卦中动出亥爻者，亦谓之主事爻遇长生；动出未爻者，谓之主事爻入动墓；动出申金者，谓之主事爻逢绝；动出卯爻者，谓之主事爻值旺。余仿此。又如主事爻属木，动而变出亥水者，谓之化长生；动而变出卯木者，谓之化旺；动而变出未土者，谓之化墓；动而变出申金者，谓之化绝。余仿此。

**觉子曰**：金虽长生在巳，须宜金爻旺相，或日月动爻生扶，再遇巳日占卦，或是卦中动出巳爻，或是金爻动而化出巳火，皆谓之遇长生。倘若金爻休囚无气，再遇巳午火多者，烈火煎金，则论克不论生。金爻虽墓于丑，若得未土冲动，或卦中土多生金，则论生不论墓。

土爻虽绝于巳，必须休囚无气，又逢巳者，方谓之绝。若土爻旺相，或得日月动爻生扶，再遇巳爻者，巳火反能生土，则论生不论绝。

巳爻虽长生于寅，倘若日月动爻及变出之爻，又逢申字者，谓之三刑，则论刑不论生。

古以土爻长生在申，又曰土长生在寅，无处考证。余以天时考之，每见土临父母，有申日雨者，亦有子日雨者；又见土临子孙，有申日晴者，亦有子日晴者，故知土长生于申，旺于子也，则土寄生于申之说，实无可疑矣。

曾于：午月 己卯日（旬空：申酉），占妻病，得“震之丰”

	震宫：震为雷（六冲）	坎宫：雷火丰
勾陈	妻财庚戌土 - - 世	妻财庚戌土 - -
朱雀	官鬼庚申金 - -	官鬼庚申金 - - 世
青龙	子孙庚午火 ——	子孙庚午火 ——
玄武	妻财庚辰土 - - 应 X →	父母己亥水 ——
白虎	兄弟庚寅木 - -	妻财己丑土 - - 应

螣蛇 父母庚子水 ——

兄弟己卯木 ——

辰土财爻为用神，近病逢冲即愈，许之辰日当愈，不然酉日必愈。后因连日昏沉，竟于子日起床。夫断辰日愈者，辰土逢值之日也；断酉日者，辰与酉合，动而逢合之日也；今愈子日者，辰土财爻旺于子也。

**李我平日**：生旺墓绝之论，金生在巳、木生在亥、水生在申、火生在寅，四大长生，理之正也，唯土寄生，未得实考。法云：“火土长生寅上排，明知子上是胞胎。”此即土寄生于寅。今五行家戊土生寅、巳土生酉，而《易冒》亦曰：“唯土之长生不一，申中有坤，土生于申，若分阴阳，则戊土生于寅，巳土生于酉。”然总未得其实据，何若此专以天时考证，以土寄生于申者为万古之不易之论乎。

〔乾按〕生旺墓绝主看日建，亦看动变。论生论克，论墓论绝，宜变通，不宜拘泥。此即断卦细微处，亦是易出恍惚处。能明察生旺墓绝，则工夫又进一层也。

## 各门类题头总注章

后章分门各类，当用字样，恐其繁多，不能全写，只用题头者，今注于左，以便观览。

用神宜旺：不可指定旺于四时，但得用临日月，或遇日月动爻变爻生扶，或用爻遇长生、逢帝旺，皆谓之旺。

用神化吉：凡用神元神，动化回头生、化长生、化帝旺、化比助、化日月，皆为化吉。

用神化凶：凡用神元神，动化回头克、化绝、化墓、化空、化鬼、化退神，皆为化凶。

岁君：即当年太岁。

岁五：岁者，太岁；五者，卦之第五爻也。

五位：每卦之第五爻为君位。易曰九五之尊者是也。

身：古用卦身、世身，余试不验而不用，凡后所遇身字，即是世爻，非卦身、世身也。

三墓：非古法之世墓、身墓、命墓也，乃用爻入日墓、入动墓，动而化墓。

主象、主事爻：古法以卦中世爻为主象，又名主事爻。占父母、兄弟，即父母、兄弟为主事爻。余仿此。

老阴而成少阳，谓之变；老阳而成少阴，谓之化：古言变者，如物之消而长，退而进也；化者，犹物之成而败，进而退也。余试不验，化进神，化生旺者，虽化亦吉；变鬼、受回头克者，虽变亦凶。后各章凡言变者，即是化爻；化者，即是变爻。

〔乾按〕此章所注实为以后各卷卦例解析中惯用语之解释。宜须熟知其含义，不然以后各章难

以明解。

## 各门类应期总注章

静而逢值、逢冲：且如主事爻临子水不动，后逢子日、午日应之。余仿此。

动而逢合逢值：且如主事爻临子水发动，后遇子日丑日应之。余仿此。

太旺者，逢墓、逢冲：如主事爻临午火，又遇巳午月日占卦；或卦中巳午爻太多，后逢亥子日应之，又有戌日应之，乃火之入墓也。余仿此。

衰绝者，遇生、遇旺：如主事爻属金，占卦于巳午月日，即是休囚无气。后逢土月日，或至秋令当时，则旺矣。余仿此。

入三墓，俱喜冲开：如主事爻临午火，火墓于戌，后逢辰日则应之。余仿此。

遇六合，亦宜相击：如主事爻与日月作合，或动与爻合，或动而化合，或凶，或吉，必待冲开之月日应之。即如主象临子，与丑作合，后逢午未日应之是也。余仿此。

月破喜逢填合：如子月占卦，主事爻临午火，乃为月破，后逢未日应之，谓之破而逢合。又有逢午日应之，填实之日则不破矣。余仿此。

旬空最爱填冲：详旬空章。

大象吉而受克，须待克神受克：如用神临辰土，得日月动爻生扶，乃为大象吉也。倘被寅卯克害，后逢申酉日，冲克克神则吉。余仿此。

大象凶而受克，须防克者逢生：即如前说，用神临辰土，既无日月动爻生扶，乃为大象凶也。再逢寅卯克制者，后逢寅卯亥日则凶。

元神来助来扶，贵看用神衰旺：忌神来冲来克，须观元气兴衰：详元神忌神章。

化进神，逢值逢合：如申动化酉乃为进神。为福为祸，有应申月日者，有应巳月日者。余仿此。

化退神，忌值忌冲：如酉动化申乃为退神。为凶为吉，有应申月日者，有应寅月日者。余仿此。

间有应于独发独静：详独发章。

间有应于变爻动爻：如爻临戌土，变出酉金，其吉凶有戌日应者，有酉日应者。余仿此。

勿谓爻之不验，远近当分：远事，定之于年月；近事，应之于日时。再间有占远应近、占近应远、占月应年、占日应时者，亦所当知。

倘遇卦之不明，再占是法：卦有恍惚者，再占一卦，不可妄断。

世空元动，须待元神逢值：如甲辰旬占求财，得困之坎，主亥日得财。余仿此。

世衰元静，必须元气逢冲：如秋占图谋，得困卦，后逢巳日成事。余仿此。

〔乾按〕断卦功夫过硬，全在应期准确。本章总注乃各门类应期断法之集成。宜须牢记深思，多加测验总结，洞察隐微，明辩曲折，权衡轻重缓急，方能决断应期，斩钉截铁，出神入化，了然于胸。

## 归魂游魂章

游魂卦为各宫之第七卦。如乾宫中之火地晋，坤宫中之水天需。余仿此。

归魂卦为各宫之第八卦。如乾宫中之火天大有，坤宫中之水地比。余仿此。

古以游魂行千里，我行此事而欲久者，游魂而不能久，心无定向，迁改不常。占身命，一生无安家乐业之所；占行人，游遍他乡；占出行，行止无定；占家宅，迁变不常；占坟茔，亡灵不能安妥。**野鹤曰**：须以用神为主，然后以此参之。若舍用神，执此而断者，谬也。归魂不出疆，诸事拘泥不行，与游魂卦相反而断之可也。

**野鹤曰**：亦须以用神为主。

〔乾按〕遇归魂、游魂之卦，占断出行、行人至关紧要，然决断亦须慎审，以看用神为主，不可妄断。

卷一至此章完结，占卦之基本知识多汇于此卷中。若能熟读精思，融会贯通，精益求精，据此即可登堂入室，预测祸福，趋吉避凶。学者宜自勉、勤习、勿怠。

## 卷之二 月破章

正申，二酉，三戌，四亥，五子，六丑，七寅，八卯，九辰，十巳，十一午，十二未。

月建冲之为月破，逐月之破日，是也。

诸书皆以用神临月破，谓之“悖时”，如枯根朽木，逢生生之不起，逢伤伤者更重。虽现于卦，有亦如无；伏于卦中，终难透露。即有日辰之生，亦不能生。动而作忌神者，亦不能为害，作变爻者，亦不能伤克动爻。

**野鹤曰**：余得其验，动则能伤于爻，变则能伤于动，何也？神兆机于动，事之无吉无凶则不动矣。既动，则有祸福之基。目下虽破，出月则不破。今日虽破，实破之日则不破，逢合之日则不破，近应日时，远应年月。惟静而不动，又无日辰动爻生助，实则到底而破矣。

如：亥月 己丑日（旬空：午未），占将来有官否？得“兑之讼”

兑宫：兑为泽（六冲）

离宫：天水讼（游魂）

勾陈	父母丁未土 - - 世X→	父母壬戌土 ——
朱雀	兄弟丁酉金 ——	兄弟壬申金 ——
青龙	子孙丁亥水 ——	官鬼壬午火 —— 世
玄武	父母丁丑土 - - 应	官鬼戊午火 - -
白虎	妻财丁卯木 ——	父母戊辰土 ——
螣蛇	官鬼丁巳火 —— O→	妻财戊寅木 - - 应

此卦官动而生世，世动化进神，显然有官之象。但官逢月破，世遇旬空，然此空犹有日辰相冲，冲空则实，不为空矣。而此破又无日辰动爻之生，古以日建亦生之不起，况无动爻日建以生乎？余疑之，既无所用，何故动而生世？命之再占。

又得“水地比”

坤宫：水地比(归魂)

勾陈	妻财戊子水 - - 应
朱雀	兄弟戊戌土 ——
青龙	子孙戊申金 - -
玄武	官鬼乙卯木 - - 世
白虎	父母乙巳火 - -
螣蛇	兄弟乙未土 - -

命若无官，如何得官来生世，及官星以持世也？今既前卦动官相生，后得官临世位，食禄王家，终须有日。彼问应在何年？余曰：前卦官临月破，定在实破之年。果于巳年承袭长房世职。若以月破为百无所用，岂不失之千里？

又如：辰月 戊子日（旬空：午未），占父何日归，得“乾之夬”

乾宫：乾为天(六冲)

坤宫：泽天夬

朱雀	父母壬戌土 —— 世O→	父母丁未土 - -
青龙	兄弟壬申金 ——	兄弟丁酉金 —— 世
玄武	官鬼壬午火 ——	子孙丁亥水 ——
白虎	父母甲辰土 —— 应	父母甲辰土 ——
螣蛇	妻财甲寅木 ——	妻财甲寅木 —— 应
勾陈	子孙甲子水 ——	子孙甲子水 ——

父母持世，破而化空，既无日生，又无动助，以古法断，作用神无气，其父不能归也。余不以

此断，竟决以朱雀临父，动而持世，卯日有信，午未日必归。果于卯日得信，乙未日抵家。得信于卯日者，破而逢合之日也；归于未日者，父化未土旬空，出空之日而到也。

古法进神之论，谓之动逢月破，我位既失，化月建，亦为退之不及，此卦父爻破而化空，竟退以归家。

又如：午月 癸卯日（旬空：辰巳），占后运功名，得“艮之观”

	艮宫：艮为山（六冲）	乾宫：风地观
白虎	官鬼丙寅木 —— 世	官鬼辛卯木 ——
螣蛇	妻财丙子水 - - X→	父母辛巳火 ——
勾陈	兄弟丙戌土 - -	兄弟辛未土 - - 世
朱雀	子孙丙申金 —— 应○→	官鬼乙卯木 - -
青龙	父母丙午火 - -	父母乙巳火 - -
玄武	兄弟丙辰土 - -	兄弟乙未土 - - 应

寅木官星持世，被申金动而克之，今年七月必有凶非。彼问：看因何事？余曰：应动而克世，必系仇家。又问：“于功名碍否？”余曰：若非子水动摇，去位必矣，幸有子水接续相生，降级离任而不免耳。次日呼余入署，有幕客知易理而问曰：“既知子水接续相生，卜书有曰：忌神与元神同动，官与世爻得两生也。今冬高升之兆，如何反说离任？”余曰：子水破而化空，卜书有曰：“虽有若无。”作元神而无用。余今不以古法断者，盖神兆机于动，动必有因，所以只断之降调而已。依在下之断，若在冬至月，始有此验，倘在他月，子水而未实破，还不可知。果于七月，彼此揭参而成大非，至冬至月事结，降级调用，余彼时已往他省，复来呼唤至彼处，而又卜之。

寅月 丙辰日（旬空：子丑），占得“地泽临”

	坤宫：地泽临
青龙	子孙癸酉金 - -
玄武	妻财癸亥水 - - 应
白虎	兄弟癸丑土 - -
螣蛇	兄弟丁丑土 - -
勾陈	官鬼丁卯木 —— 世
朱雀	父母丁巳火 ——

余曰：近闻士民保留，恐不允，必待子年仍以原品起用。知易理幕客在座而问：“六五亥水生官，如何不允？”余曰：六五来生，今被日克，将来子年，亥水旺于子也，又合前卦，五爻之子水

值太岁而不破，起用无疑。果于甲子年巳月，仍以原品起用，连补两任，卯年而开督府。

余劝辞荣。彼曰：何也？余曰：仍以前卦决之耳。向因申金克世，子水虽动，临破化空，不能生世生官，所以成非构怨。及至子月，虽则实破，其力尚微，虽不至于削职，犹有降调之事。后值子岁，乃实破之年也，值太岁当权，是以起用。明年辰岁，又是子水入墓之年，太岁克去子水，申金仍复克世，有克无生，较昔年之祸更重。不听，果于辰年三月条陈，虽留万世芳名，而得罪解任矣。

以上之辨月破者，乃因破而动也，不动，勿以此断。

**李我平曰**：《易冒》之论月破，动作忌神而无害，动作元神而无用，日辰生之而不起，百无所用之卦也。《易林补遗》也曰：如临月破之爻，不拘衰旺，概作凶推。逢生不生，遇克能伤，亦曰虽有如无也。观此艮之观卦，占时而值月破，不能接续相生。王庭构讼，值月建以填实，其力尚轻，犹有降罚之事。值太岁而当权，仍以原品而起用。至辰年而入墓，得祸匪轻。半生凶吉，关乎一爻之月破。岂可谓之有亦如无，毫无所用耶？！

〔乾按〕月破多以无用推，然不可一概而论。须看用神旺衰，须看远事近事。本章所析卦例，专论月破有用而不泥于古法，其求索之精神可佳，后学者，不可不效法也。

〔居士按〕这一章要仔细阅读，其中妙处不止月破，多种答案均在其中。用神有用无用，动变之爻关乎应期，入墓之神何时凶何时吉，千变万化，不离生克冲合及旺相休囚，仔细揣摩，细心解卦，必有所获。

## 飞伏神章

凡卦，用神不现者，即以日月为用神。倘日月非用神，须于本宫首卦寻之。盖本宫之首卦六亲俱全之故耳。

假令占得“天风姤”卦

乾宫：天风姤

父母壬戌土 ——

兄弟壬申金 ——

官鬼壬午火 —— 应

兄弟辛酉金 ——

妻财甲寅木 子孙辛亥水 ——

父母辛丑土 - - 世

如占妻财，取财爻为用神。此姤卦，系乾宫之卦，以寅卯木爻为妻财，今六爻并无寅卯，即用神不上卦。如在寅卯月日占者，则以日月为用神，倘非寅卯月日，须在本宫首卦之乾为天卦内寻之。

按：乾卦寅木妻财在二爻，即以此寅木妻财伏于姤卦亥水之下，姤卦二爻之亥水为飞神，寅木即为伏神，亥水而生寅木，谓之“飞来生伏得长生”。此乃用神不现，寻得伏神而遇生扶，无用亦为有用，便作吉断。余仿此。

又如：占得“天山遁”卦

乾宫：天山遁

父母壬戌土 ——

兄弟壬申金 —— 应

官鬼壬午火 ——

兄弟丙申金 ——

妻财甲寅木 官鬼丙午火 - - 世

子孙甲子水 父母丙辰土 - -

如占子孙，取子孙爻为用神。此遁卦，系乾宫之卦，以亥子水爻为子孙。今六爻并无亥子，即用神不现，倘在亥子月日占者，即以日月为用神，若非亥子月日，须在本宫首卦之乾为天卦内寻之。

按：乾卦子水子孙在初爻，即以此子水子孙伏于遁卦辰土之下，遁卦初爻之辰土，即是飞神，子水便是伏神，辰土而克子水，谓之“飞来克伏遭克害”，名为伏神受制，有用亦无用矣，即以凶推。余仿此。

### 伏神有用者六：

伏神得日月生者，一也。

伏神旺相者，二也。

伏神得飞神生者，三也。

伏神得动爻生者，四也。

伏神得遇日月动爻冲克飞神者，五也。

伏神得遇飞神空破休囚墓绝者，六也。

此六者，皆有用之伏神也，虽曰不现，亦如现矣。

《黄金策》曰：空下伏神，易于引拔。此论近理，但又不独飞神空亡而伏神得出，但得飞神临破、临绝、休囚、入墓，而伏神皆易出也。何也？伏神在下，飞神在上，飞神既逢破墓衰空，虽有

如无，所以伏神易于出现。

### 伏神终不得出者五：

伏神休囚无气者，一也。

伏神被日月冲克者，二也。

伏神被旺相之飞神克害者，三也。

伏神墓绝于日月飞爻者，四也。

伏神休囚，值旬空月破者，五也。

此五者，乃无用之伏神也，虽有如无，终不能出。

《黄金策》曰：伏居空地，事与心违。余得验者，非此论也，凡用神旺相而遇旬空，出空之日则出矣。

如：卯月 壬辰日（旬空：午未），占候文书何日得领？得“山火贲”卦

艮宫：山火贲（六合）

白虎	官鬼丙寅木	——
螣蛇	妻财丙子水	- -
勾陈	兄弟丙戌土	- - 应
朱雀	子孙丙申金	妻财己亥水 ——
青龙	父母丙午火	兄弟己丑土 - -
玄武	官鬼己卯木	—— 世

午火父母为用神，空而伏于二爻丑土之下，压之难出，许甲午日出空必得。果领于甲午日。

又如：辰月 丁巳日（旬空：子丑），占逃仆，得“水山蹇”

兑宫：水山蹇

青龙	子孙戊子水	- -
玄武	父母戊戌土	——
白虎	兄弟戊申金	- - 世
螣蛇	兄弟丙申金	——
勾陈	妻财丁卯木	官鬼丙午火 - -
朱雀	父母丙辰土	- - 应

占仆，以财爻为用神。而卯木财爻伏于二爻午火之下，午火为飞神，卯木为伏神。断曰：蹇卦申金持世，克制卯木，终不能逃。但因伏在午火之下，伏去生飞，名泄气，盗去财物，尽废于炉火

之家，许甲子日拿获。果于子日得信，窝赌于铁匠之家，申时擒获，连铁匠送官。夫应子日者，子水冲克午火之飞神，生起卯木之伏神故也。

《黄金策》曰：“伏无提掣终徒尔，飞不推天亦枉然。”此之谓也。

余疑飞神午火即如铁匠，伏神卯木即是逃仆，至子日冲午而刑卯，所以二人皆被杖责。

又如：酉月 丙辰日（旬空：子丑），占子病，得“地风升”

震宫：地风升

青龙	官鬼癸酉金	— —
玄武	父母癸亥水	— —
白虎	子孙庚午火	妻财癸丑土 — — 世
螣蛇	官鬼辛酉金	——
勾陈	兄弟庚寅木	父母辛亥水 ——
朱雀	妻财辛丑土	— — 应

《黄金策》曰：空下伏神，易于引拔。此卦午火子孙伏于丑土之下，丑土旬空，伏神易出，许午日子孙出现必愈。果于午日起床。

以上用神不现，皆在本宫首卦寻之。古法又有凡得八纯首卦，用神若值空破，又在他宫寻之。比如占得乾为天，内有用神空破衰绝者，往坤宫寻之，谓之“乾坤来往互换”。《易林补易》又以归魂卦取亲宫第四卦也。**野鹤曰**：何必如此？用神空破衰绝，祸福已知八九，何不再占一卦合而决之，自有用神。余尝不待用神衰绝，但逢不现，虽有伏神，亦不用之，再占两卦，用神自现。

一日到一宅上，见医者满座，卯月 丙辰日（旬空：子丑），占父病，得“地雷复”

坤宫：地雷复（六合）

青龙	子孙癸酉金	— —
玄武	妻财癸亥水	— —
白虎	兄弟癸丑土	— — 应
螣蛇	兄弟庚辰土	— —
勾陈	父母乙巳火	官鬼庚寅木 — —
朱雀	妻财庚子水	—— 世

父母用神不现，明知巳火父母伏于二爻寅木之下，旺木以生巳火，飞来生伏，必愈之症。

余不以此断，令再卜之，占得“山泽损”

艮宫：山泽损

青龙	官鬼丙寅木	—— 应
玄武	妻财丙子水	- -
白虎	兄弟丙戌土	- -
螣蛇	子孙丙申金	兄弟丁丑土 - - 世
勾陈	官鬼丁卯木	——
朱雀	父母丁巳火	——

巳火父母明现于初爻，春占，木旺火相，断之即愈。彼因病势甚危，犹豫未决，次子又占，得：

	艮宫：风山渐(归魂)	巽宫：巽为风(六冲)
青龙	官鬼辛卯木 —— 应	官鬼辛卯木 —— 世
玄武	妻财丙子水 父母辛巳火 ——	父母辛巳火 ——
白虎	兄弟辛未土 - -	兄弟辛未土 - -
螣蛇	子孙丙申金 —— 世	子孙辛酉金 —— 应
勾陈	父母丙午火 - - X→	妻财辛亥水 ——
朱雀	兄弟丙辰土 - -	兄弟辛丑土 - -

余疑前两卦俱当即愈，如何此卦亥水回头克父母？忽悟曰：是矣，前两卦巳火父旺，不受伤克，乃应目前之愈，此卦亥水克父，冬令难延。即到床前令病人自占。

得“遁之姤”

	乾宫：天山遁	乾宫：天风姤
青龙	父母壬戌土 ——	父母壬戌土 ——
玄武	兄弟壬申金 —— 应	兄弟壬申金 ——
白虎	官鬼壬午火 ——	官鬼壬午火 —— 应
螣蛇	兄弟丙申金 ——	兄弟辛酉金 ——
勾陈	妻财甲寅木 官鬼丙午火 - - 世 X→	子孙辛亥水 ——
朱雀	子孙甲子水 父母丙辰土 - -	父母辛丑土 - - 世

此卦竟与前卦相同。再令其妻卜之，仍得遁之姤卦。余连见三卦，毛骨悚然。有神乎？无神乎？子占父，亥水回头克父；自占，则亥水克世；妻占夫，亥水克官。三卦雷同，如一手推出，冬令之危，扁鹊也难为矣！余且不言，只以前卦断目前之愈。问诸医曰：“卦中不得见，依列位之见何如？”曰：“病势甚险，遂公议一方，对症便好。不然只看阴功德行耳。”内有一位冷笑不言，余请问姓，答曰：姓寿。因私而问曰：“此公之恙何如？”彼曰：“我可治之，不服我药奈何。”余暗嘱其子曰：

“太翁之病，须用姓寿者治之。”次早寿姓来谢，余问将来何如？寿曰：“目下不妨，今冬难保。”余曰：“公言与数相合，真神医也。”果绝于亥月。

余之不取伏神，多占几卦，决吉凶而更稳，既知目前之生，且知将来之死，非多占之力耶！！

**李我平曰**：古法用伏神虽则有验，然伏神之衰旺休囚、刑冲克害、月破旬空，亦有难于把握者。此言多占两卦，自有用神，真秘法也。以此之秘，急欲传世，真婆心也！或曰：多占两卦，虽有洩之，不敢再三。然而亦有再占者，何为秘诀？余曰：既知再占，何必用神不现而寻伏神，伏神无用又寻互卦，互之不得又寻干化？况《易冒》变互章中所存占验，未免牵强，且错误颇多。

有：戊申日（旬空：寅卯），占子病，得“晋之剥”

	乾宫：火地晋（游魂）	乾宫：山地剥
朱雀	官鬼己巳火 ——	妻财丙寅木 ——
青龙	父母己未土 - -	子孙丙子水 - - 世
玄武	兄弟己酉金 —— 世○→	父母丙戌土 - -
白虎	妻财乙卯木 - -	妻财乙卯木 - -
螣蛇	官鬼乙巳火 - -	官鬼乙巳火 - - 应
勾陈	子孙甲子水 父母乙未土 - - 应	父母乙未土 - -

彼断曰：飞伏变象，皆无用神，互出水地比卦，外见坎水，即为子孙，酉金动爻生之，后亥日而痊。

余断曰：《海底眼》云：“用神伏，元神摇，占病不死。”此卦不独元神摇于四位，而又有日建之生。《大全》曰：“用神伏，日月生之即出。”此卦子水子孙伏于初爻，虽有飞神压住，即得日辰生扶，至十月，亥水当令，子孙出而逢生，明之极矣，何用互卦。

又有：子月 戊寅日（旬空：申酉），占官，得“困之兑”

	兑宫：泽水困（六合）	兑宫：兑为泽（六冲）
朱雀	父母丁未土 - -	父母丁未土 - - 世
青龙	兄弟丁酉金 ——	兄弟丁酉金 ——
玄武	子孙丁亥水 —— 应	子孙丁亥水 ——
白虎	官鬼戊午火 - -	父母丁丑土 - - 应
螣蛇	父母戊辰土 ——	妻财丁卯木 ——
勾陈	妻财戊寅木 - - 世X→	官鬼丁巳火 ——

彼断曰：飞爻午火之官，已临破矣，巳官伏神，长生于寅，至孟春反得升迁。

余断曰：《黄金策》云：“飞爻变爻，俱无用神者，始寻伏神。”此卦初爻寅木，变出巳火官星，孟春官遇长生，财爻独发生官，何故不言变出之官而言伏神？幸此卦变爻、伏神皆巳火也，倘后人遇他卦象，执此为法，用变爻乎？用伏神乎？非传世教人之法也。又见干化章中之占验，更为可笑。

辛卯年 丙申月 丙子日（旬空：申酉），占子存亡，得“观之萃”

	乾宫：风地观	兑宫：泽地萃
青龙	妻财辛卯木 ——— ○→	父母丁未土 - -
玄武 兄弟壬申金	官鬼辛巳火 ———	兄弟丁酉金 ——— 应
白虎	父母辛未土 - - 世 X→	子孙丁亥水 ———
螣蛇	妻财乙卯木 - -	妻财乙卯木 - -
勾陈	官鬼乙巳火 - -	官鬼乙巳火 - - 世
朱雀 子孙甲子水	父母乙未土 - - 应	父母乙未土 - -

彼断曰：水为子孙，不现，却得丙月辛年，丙辛化水，后至亥月甲辰日，申子辰合成水局，亥月而归。

余断曰：世爻未土发动，化出亥水子孙，是亥月即见子也。世与子孙，亥卯未三合成局，明明父子相逢，何故而取干化？即卦中亥水不现，子水日建亦作用神，叠叠用神不取而取干化，左支右吾，以取于化，是误后人，非教后人也。

## 进神退神章

进退神者，爻之动而化也，化进化退，吉凶祸福，有喜忌之分。所喜者，宜化进神；所忌者，宜化退神。

进神：亥化子，寅化卯，巳化午，申化酉，丑化辰，辰化未，未化戌，戌化丑。

退神：子化亥，卯化寅，午化巳，酉化申，辰化丑，未化辰，戌化未，丑化戌。

进神者：由此而前进也，如春木之荣，有源之水，久远长久之象；

退神者：由此而渐退也，如秋天花木，渐渐凋零。

如：申月 癸卯日（旬空：辰巳），占乡试，得“恒之大过”

	震宫：雷风恒	震宫：泽风大过（游魂）
白虎	妻财庚戌土 - - 应	妻财丁未土 - -
螣蛇	官鬼庚申金 - - X→	官鬼丁酉金 ———
勾陈	子孙庚午火 ———	父母丁亥水 ——— 世

朱雀	官鬼辛酉金 — 世	官鬼辛酉金 —
青龙 兄弟庚寅木	父母辛亥水 —	父母辛亥水 —
玄武	妻财辛丑土 - -	妻财辛丑土 - - 应

酉金官星持世，旺相当时，卯日冲之而暗动，又得五爻官化进神，拱扶帮助，不独今秋折桂，明春定占鳌头。后果得联捷。

又如：酉月 庚戌日（旬空：寅卯），占何年生子，得“屯之节”

	坎宫：水雷屯	坎宫：水泽节(六合)
螣蛇	兄弟戊子水 - -	兄弟戊子水 - -
勾陈	官鬼戊戌土 — 应	官鬼戊戌土 —
朱雀	父母戊申金 - -	父母戊申金 - - 应
青龙 妻财戊午火	官鬼庚辰土 - -	官鬼丁丑土 - -
玄武	子孙庚寅木 - - 世 X→	子孙丁卯木 —
白虎	兄弟庚子水 —	妻财丁巳火 — 世

寅木子孙持世而化进神，寅木旬空，卯木空而且破，许之寅卯年，实空实破，一定连生。此人年未三十，妻无所出，婢女极多，于子年占卦，及至寅卯年，妻婢同生，自三十一以至四十五岁，连生九子。古以动日月而化空破，且许不进，此卦旬空化空破，亦能进也。

又如：卯月 乙丑日（旬空：戌亥），占求婚成否？得“噬嗑之比”

	巽宫：火雷噬嗑	坤宫：水地比(归魂)
玄武	子孙己巳火 — O→	父母戊子水 - - 应
白虎	妻财己未土 - - 世 X→	妻财戊戌土 —
螣蛇	官鬼己酉金 — O→	官鬼戊申金 - -
勾陈	妻财庚辰土 - -	兄弟乙卯木 - - 世
朱雀	兄弟庚寅木 - - 应	子孙乙巳火 - -
青龙	父母庚子水 — O→	妻财乙未土 - -

财爻持世化进神，巳火子动而生世，但因巳火化子水回头之克，必待午日冲去子水，午火又合世爻，其婚必成。果于午日允婚。或曰：间爻酉金鬼动，岂无阻耶？余曰：鬼化退神，虽有破阻，然而无力也。

此卦世爻未土财化旬空，古以财化旬空谓之动日月而化空，且不能进。此处未土无力，动散而化空，亦能进矣。

又如：酉月 甲辰日（旬空：寅卯），因被论，占自陈何如？得“师之明夷”

	坎宫：地水师（归魂）	坎宫：地火明夷（游魂）
玄武	父母癸酉金 - - 应	父母癸酉金 - -
白虎	兄弟癸亥水 - -	兄弟癸亥水 - -
螣蛇	官鬼癸丑土 - -	官鬼癸丑土 - - 世
勾陈	妻财戊午火 - - 世 X→	兄弟己亥水 ——
朱雀	官鬼戊辰土 —— O→	官鬼己丑土 - -
青龙	子孙戊寅木 - - X→	子孙己卯木 —— 应

世化回头之克，官化退神，子孙化进神，三爻俱非吉象，大凶之兆，果于次年二月革职拿问。古以动日月化空破，谓之不退，此卦官动临日辰；又曰动日月化空破，谓之不进，此卦子孙动休囚而化空破。进者进，而退者竟退。

又如：丑月 丙戌日（旬空：午未），占父有信至，已在任起程，我往迎可能遇否？得“蹇之旅”

	兑宫：水山蹇	离宫：火山旅（六合）
青龙	子孙戊子水 - - X→	官鬼己巳火 ——
玄武	父母戊戌土 —— O→	父母己未土 - -
白虎	兄弟戊申金 - - 世 X→	兄弟己酉金 —— 应
螣蛇	兄弟丙申金 ——	兄弟丙申金 ——
勾陈	妻财丁卯木 官鬼丙午火 - -	官鬼丙午火 - -
朱雀	父母丙辰土 - - 应	父母丙辰土 - - 世

父化退神，父已归矣，世化进神，尔欲往也，父爻生世，一定相逢，必相会于未日。果得遇于未日。应未日者，戌父化未又破又空，至未日，乃实空实破之日也；若执古法，动日月而化空破，谓之不退，其父岂有归来之日耶？

如：戌月 癸巳日（旬空：午未），占本年冬令得官差否？得“节之需”

	坎宫：水泽节（六合）	坤宫：水天需（游魂）
白虎	兄弟戊子水 - -	兄弟戊子水 - -
螣蛇	官鬼戊戌土 ——	官鬼戊戌土 ——
勾陈	父母戊申金 - - 应	父母戊申金 - - 世
朱雀	官鬼丁丑土 - - X→	官鬼甲辰土 ——
青龙	子孙丁卯木 ——	子孙甲寅木 ——

玄武 妻财丁巳火 —— 世 兄弟甲子水 —— 应

丑土官动化进神，许丑月而必得。后果得于丁丑月。古以动日月化空破，谓之不进，此卦动非日月而化破，亦能进也。

又如：未月 丁卯日（旬空：戌亥），占功名终得出仕否？得“同人之革”

离宫：天火同人（归魂）

坎宫：泽火革

青龙 子孙壬戌土 —— 应 ○ →

子孙丁未土 - -

玄武 妻财壬申金 ——

妻财丁酉金 ——

白虎 兄弟壬午火 ——

官鬼丁亥水 —— 世

螣蛇 官鬼己亥水 —— 世

官鬼己亥水 ——

勾陈 子孙己丑土 - -

子孙己丑土 - -

朱雀 父母己卯木 ——

父母己卯木 —— 应

若以古法断者，子孙动而克官，终身而无官也。余许辰年出仕，何也？戌土子孙虽动，幸化退神，不克官也，辰年冲去戌土，是以许之。果于辰年得选。岂可谓之动空化日月而不退耶？

又如：申月 辛卯日（旬空：午未），占病，得“夬之大壮”

坤宫：泽天夬

坤宫：雷天大壮（六冲）

螣蛇 兄弟丁未土 - -

兄弟庚戌土 - -

勾陈 子孙丁酉金 —— 世 ○ →

子孙庚申金 - -

朱雀 妻财丁亥水 ——

父母庚午火 —— 世

青龙 兄弟甲辰土 ——

兄弟甲辰土 ——

玄武 父母乙巳火 官鬼甲寅木 —— 应

官鬼甲寅木 ——

白虎 妻财甲子水 ——

妻财甲子水 —— 应

此公因抱危症。余曰：子孙持世，明日辰日，必遇良医。果于次日用针而愈。或曰：子孙化退神，何以用药亦效？余曰：动变皆属秋金，当权得令，占近事岂可曰退？若占久远之事，待休囚之时而退者是也。

古以动破散而化日月，无阶无路，谬也。

又如：丑月 癸卯日（旬空：辰巳），占妻病，服药可愈否？得“临之泰”

坤宫：地泽临

坤宫：地天泰（六合）

白虎 子孙癸酉金 - -

子孙癸酉金 - - 应

螣蛇 妻财癸亥水 - - 应

妻财癸亥水 - -

勾陈	兄弟癸丑土 - -	兄弟癸丑土 - -
朱雀	兄弟丁丑土 - - X→	兄弟甲辰土 — 世
青龙	官鬼丁卯木 — 世	官鬼甲寅木 —
玄武	父母丁巳火 —	妻财甲子水 —

兄动化进神，灵丹莫救。其妻死于辰日。此乃兄动临月建而化旬空，也可谓之不进耶？

又如：戌月 癸未日（旬空：申酉），占病，得“乾之夬”

	乾宫：乾为天(六冲)	坤宫：泽天夬
白虎	父母壬戌土 — 世○→	父母丁未土 - -
螣蛇	兄弟壬申金 —	兄弟丁酉金 — 世
勾陈	官鬼壬午火 —	子孙丁亥水 —
朱雀	父母甲辰土 — 应	父母甲辰土 —
青龙	妻财甲寅木 —	妻财甲寅木 — 应
玄武	子孙甲子水 —	子孙甲子水 —

久病逢冲莫治，又是父爻持世，妙药难医。虽化退神，非病退也，乃精神命脉渐渐消枯之象也。

防丑月冲破未土而无路矣！果卒于丑月。

又如：戌月 己卯日（旬空：申酉），占母血崩一年有余，得“同人之解”

	离宫：天火同人(归魂)	震宫：雷水解
勾陈	子孙壬戌土 — 应○→	子孙庚戌土 - -
朱雀	妻财壬申金 — ○→	妻财庚申金 - - 应
青龙	兄弟壬午火 —	兄弟庚午火 —
玄武	官鬼己亥水 — 世○→	兄弟戊午火 - -
白虎	子孙己丑土 - - X→	子孙戊辰土 — 世
螣蛇	父母己卯木 — ○→	父母戊寅木 - -

卯木父母，值临日建，应爻戌土以生申金，申金生亥水，丑土化破。若非丑土化进神，以塞亥水，则此父母爻得兹接续相生，灾难除而何碍？今父母木爻既乏水养，且化退神，精血大败，淹至丑月，旺土以绝其源，当防危笃。果卒于丑月。此乃父临日建，不化空破，而亦能退也。

又如：卯月 癸酉日（旬空：戌亥），占父近病，得“萃之否”

	兑宫：泽地萃	乾宫：天地否(六合)
白虎	父母丁未土 - - X→	父母壬戌土 — 应

螣蛇	兄弟丁酉金 — 应	兄弟壬申金 —
勾陈	子孙丁亥水 —	官鬼壬午火 —
朱雀	妻财乙卯木 - -	妻财乙卯木 - - 世
青龙	官鬼乙巳火 - - 世	官鬼乙巳火 - -
玄武	父母乙未土 - -	父母乙未土 - -

未土父母动化进神，戌值旬空，近病逢空即愈，许次日退灾。果于甲戌日出空而痊，此乃父爻休囚而化空也。若以古法，动日月化空破，尚且不进，今休囚而化空，能即愈耶？

又如：辰月 癸丑日（旬空：寅卯），占病，得“困之解”（同盟校对版为“占流年”）

	兑宫：泽水困（六合）	震宫：雷水解
白虎	父母丁未土 - -	父母庚戌土 - -
螣蛇	兄弟丁酉金 — O→	兄弟庚申金 - - 应
勾陈	子孙丁亥水 — 应	官鬼庚午火 —
朱雀	官鬼戊午火 - -	官鬼戊午火 - -
青龙	父母戊辰土 —	父母戊辰土 — 世
玄武	妻财戊寅木 - - 世	妻财戊寅木 - -

世爻寅木，而值旬空，酉金忌神，摇于五位，古法谓之避空，余不以此断，此时逢空，出空一定遭伤，后卒于六月。应未月者，乃因上爻未土，为世爻之墓，已被丑日冲开，谓之开墓以待也，被克而入墓，宁有不亡者乎？或曰：酉金化退神，如何克木？余曰：三土生酉金，旺而不退。

又如：辰月 乙丑日（旬空：戌亥），占妻母病，得“随之否”

	震宫：泽雷随（归魂）	乾宫：天地否（六合）
玄武	妻财丁未土 - - 应 X→	妻财壬戌土 — 应
白虎	官鬼丁酉金 —	官鬼壬申金 —
螣蛇	子孙庚午火 父母丁亥水 —	子孙壬午火 —
勾陈	妻财庚辰土 - - 世	兄弟乙卯木 - - 世
朱雀	兄弟庚寅木 - -	子孙乙巳火 - -
青龙	父母庚子水 — O→	妻财乙未土 - -

子水父爻动，化未土回头克父母，而上爻未土又化进神以克父，须防戌日。果卒于甲戌日，乃戌土出空之日也。古法散如无也，此卦未土发动，被丑日冲之，又化旬空月破，竟不见其散也。

又如：申月 乙卯日（旬空：子丑），占出行，得“屯之节”

	坎宫：水雷屯	坎宫：水泽节(六合)
玄武	兄弟戊子水 — —	兄弟戊子水 — —
白虎	官鬼戊戌土 ——— 应	官鬼戊戌土 ———
螣蛇	父母戊申金 — —	父母戊申金 — — 应
勾陈 妻财戊午火	官鬼庚辰土 — —	官鬼丁丑土 — —
朱雀	子孙庚寅木 — — 世 X→	子孙丁卯木 ———
青龙	兄弟庚子水 ———	妻财丁巳火 ——— 世

世临寅木动而化进神，合当就行，因系月破，目下未必能行，出月方可。后至亥月方行，由燕至粤，次年八月归来。余曰：途中安否？彼曰：往来托庇平安。余以子孙化进神，知其平安，故问之耳。夫应亥月出行者，破而逢合之月也。此乃动破化日辰，岂可谓之不能进耶？

又如：辰月 己未日（旬空：子丑），占兄归期，得“履之兑”

	艮宫：天泽履	兑宫：兑为泽(六冲)
勾陈	兄弟壬戌土 ——— O→	兄弟丁未土 — — 世
朱雀 妻财丙子水	子孙壬申金 ——— 世	子孙丁酉金 ———
青龙	父母壬午火 ———	妻财丁亥水 ———
玄武	兄弟丁丑土 — —	兄弟丁丑土 — — 应
白虎	官鬼丁卯木 ——— 应	官鬼丁卯木 ———
螣蛇	父母丁巳火 ———	父母丁巳火 ———

兄动化退，已有归志，但因戌逢月破，在外诸事未遂，六月可望。后至戌月方回，乃应实破之月也。此乃动破而变日月，岂可谓之退不及耶？

又如：辰月 乙未日（旬空：辰巳），占子病，得“大有之睽”

	乾宫：火天大有(归魂)	艮宫：火泽睽
玄武	官鬼己巳火 ——— 应	官鬼己巳火 ———
白虎	父母己未土 — —	父母己未土 — —
螣蛇	兄弟己酉金 ———	兄弟己酉金 ——— 世
勾陈	父母甲辰土 ——— 世 O→	父母丁丑土 — —
朱雀	妻财甲寅木 ———	妻财丁卯木 ———
青龙	子孙甲子水 ———	官鬼丁巳火 ——— 应

同时祖又占孙，亦得此卦，如出一手，父母临月建化退神，此子死于次日。

又如：卯月 丙申日（旬空：辰巳），衙役占官府可升否？得“解之困”（原为“丙寅日”）

	震宫：雷水解	兑宫：泽水困(六合)
青龙	妻财庚戌土 - -	妻财丁未土 - -
玄武	官鬼庚申金 - - 应X→	官鬼丁酉金 ——
白虎	子孙庚午火 ——	父母丁亥水 —— 应
螣蛇	子孙戊午火 - -	子孙戊午火 - -
勾陈	妻财戊辰土 —— 世	妻财戊辰土 ——
朱雀	父母庚子水 兄弟戊寅木 - -	兄弟戊寅木 - - 世

官动而化进神，秋来得令必迁。后报升于巳月。应巳月者，动而逢合之月也，申金又长生于巳，此乃动日月而化空破，岂可谓之不进耶？

又如：酉月 乙丑日（旬空：戌亥），占乡试中否，得“兑之讼”

	兑宫：兑为泽(六冲)	离宫：天水讼(游魂)
玄武	父母丁未土 - - 世X→	父母壬戌土 ——
白虎	兄弟丁酉金 ——	兄弟壬申金 ——
螣蛇	子孙丁亥水 ——	官鬼壬午火 —— 世
勾陈	父母丁丑土 - - 应	官鬼戊午火 - -
朱雀	妻财丁卯木 ——	父母戊辰土 ——
青龙	官鬼丁巳火 —— O→	妻财戊寅木 - - 应

世爻未土化进神，巳火官动而生世，吉兆显然，坐以待报。果于戊寅日揭榜，中第八名。古法动破散化日月，尚不能进，此卦动散化空，亦能中矣。

又如：未月 丁丑日（旬空：申酉），占母路隔千里，何时方来？得“大有之井”

	乾宫：火天大有(归魂)	震宫：水风井
青龙	官鬼己巳火 —— 应O→	子孙戊子水 - -
玄武	父母己未土 - - X→	父母戊戌土 —— 世
白虎	兄弟己酉金 —— O→	兄弟戊申金 - -
螣蛇	父母甲辰土 —— 世	兄弟辛酉金 ——
勾陈	妻财甲寅木 ——	子孙辛亥水 —— 应
朱雀	子孙甲子水 —— O→	父母辛丑土 - -

初爻子水化出丑父，子与丑合，被合不来；未父化进神，亦应不来。幸得未土生起酉金兄爻，

兄化退神而合世，母必不来，兄弟必来。彼曰：“有妹无弟。”果于次年三月，妹至。此乃兄弟爻空化空，亦能退也。

又如：未月 辛未日（旬空：戌亥），占开金银器皿铺，得“噬嗑之屯”（虎易版为“辛丑日”）

	巽宫：火雷噬嗑		坎宫：水雷屯
螣蛇	子孙己巳火 ——— ○→		父母戊子水 - -
勾陈	妻财己未土 - - 世 X→		妻财戊戌土 ——— 应
朱雀	官鬼己酉金 ——— ○→		官鬼戊申金 - -
青龙	妻财庚辰土 - -		妻财庚辰土 - -
玄武	兄弟庚寅木 - - 应		兄弟庚寅木 - - 世
白虎	父母庚子水 ———		父母庚子水 ———

财爻持世化进神，乃久远丰盛之象，余曰：“代尔择甲戌日开张，管许大发。”果开市于戌日，至今此铺兴盛丰隆。此乃动日月而空，岂可谓之不进耶？

### **野鹤曰：**

#### **夫进神之法有四：**

- 动旺相而化旺相，乘势而进，一也；
- 动休囚而化休囚，待时而进，二也；
- 动爻变爻有一而值休囚，亦得旺相之日而进，三也；
- 动爻变爻有一而值空破，待填实之日而进，四也。

#### **退神之法亦有四：**

- 动旺相而化旺相，或有日月动爻生扶，占近事，得时而不退，一也；
- 动休囚而化休囚，及时而退，二也；
- 动爻变爻有一而旺相，待休囚之时而退，三也；
- 动爻变爻有一而逢空破，待填实之日而退，四也。

**李我平曰：**初阅《易冒》，有大进、不进、不能进，只谓近理，后见“动日月而化空破，无阶无路，谓之不进”，而后知其谬也。夫动爻既临日月，逢空不空，逢破不破，况化空破耶？日月如天，虽化破空，知浮云之掩日，待实空实破之期，即云开雾散，依然司令当权矣，何以谓之不进？

又云：动值破散而变日月，谓我位既失，何以得前？殊不知既动而破，自有实破之期，既动而散，自有填实之日。况化日月，名为化旺，后日填实，愈强愈旺，何以谓之不前？

伊存格式：如申月 卯日，占兄弟，得“兑之丰”

兑宫：兑为泽(六冲)

坎宫：雷火丰

父母丁未土 — — 世

父母庚戌土 — —

兄弟丁酉金 ———— O→

兄弟庚申金 — — 世

子孙丁亥水 ————

官鬼庚午火 ————

父母丁丑土 — — 应 X→

子孙己亥水 ————

妻财丁卯木 ———— O→

父母己丑土 — — 应

官鬼丁巳火 ————

妻财己卯木 ————

酉爻兄弟被卯日冲散，虽化申为月建，亦不及退。夫不退者，是也，谓不及退者，谬也。

且彼之月将章云：爻临月将，逢散不散。此七月之酉金，虽非月将，难曰不旺，况化月建，动变俱属坚金，帮助拱扶，如山如岗，卯日焉能冲散耶？他章俱存占验，独此章只存数式，余知其为揣摩之说，非经验而得者也。

〔乾按〕进神退神本章讨论甚详，篇末总结进神之法有四，退神之法有四，皆宜熟记慎思，进退之法有章可循，而卦中变化恍惚难测，一言而定吉凶，实非易事。学者宜勤加占验，证其争议之处，而不可妄加揣摩，泥古不化也。

## 随鬼入墓章

古有日墓、动墓、化墓，谓之三墓。又世爻随鬼入墓、本命随鬼入墓、卦身随鬼入墓、世身随鬼入墓。

**觉子曰**：执此数论，若逢辰戌丑未之日，竟不敢占卦矣！非世临鬼，即卦身临鬼，非世身临鬼，即本命临鬼。然又不独辰戌丑未日，而他日亦不敢占，何也？十卦之中，不免有二三墓爻发动，非世命而入即二身而入，及动而化墓，非世爻动化即二身动化，再不然，难保其本命不化墓也。

是一卦之中，不必看刑冲克害、破散绝空，凡占疾病凶危之事，只以随鬼入墓，即知吉凶矣。

余屡于疾病之占，卦卦留神，见用神旺者，二身随鬼入墓而不死也，本命随鬼入墓而不死也，化墓不死，动墓亦不死也，存而留验，不验又试，试之不验，而再试之，一而十，十而百，全不验者，始尽弃之。总是世爻、用爻随鬼而入日墓、入动墓，或动而化墓，亦必休囚无气，始见凶危，若旺而有扶，仍有救解。

如：申月 戊辰日（旬空：戌亥），占夫病，系癸亥命，得“同人之离”

离宫：天火同人(归魂)

离宫：离为火(六冲)

朱雀	子孙壬戌土 — 应	兄弟己巳火 — 世
青龙	妻财壬申金 — O→	子孙己未土 - -
玄武	兄弟壬午火 —	妻财己酉金 —
白虎	官鬼己亥水 — 世	官鬼己亥水 — 应
螣蛇	子孙己丑土 - -	子孙己丑土 - -
勾陈	父母己卯木 —	父母己卯木 —

妻占夫，亥水官鬼为用神，墓于辰日，乃夫星、夫命皆入墓于辰日也，古法断之必死。余断不惟不死，明晨即愈，何也？辰日冲动戌土，以生申金，因世爻亥水空亡，不受其生，明日己巳，冲起亥水，得遇金生，其病如失矣，果于次日大愈。

又如：戌月 甲寅日（旬空：子丑），占会试能联捷否？得“小过之艮”

	兑宫：雷山小过（游魂）	艮宫：艮为山（六冲）
玄武	父母庚戌土 - - X→	妻财丙寅木 — 世
白虎	兄弟庚申金 - -	子孙丙子水 - -
螣蛇	子孙丁亥水 官鬼庚午火 — 世 O→	父母丙戌土 - -
勾陈	兄弟丙申金 —	兄弟丙申金 — 应
朱雀	妻财丁卯木 官鬼丙午火 - -	官鬼丙午火 - -
青龙	父母丙辰土 - - 应	父母丙辰土 - -

世爻随官入三墓，动墓、化墓、入月建之墓。明岁辰年，冲开墓库，发榜之期，又逢辰月，冲开三墓，不独联捷，定然鼎甲，缘日月合成官局，旺相当时，卦之全美，如玉无暇，果然传胪三唱。

又如：申月 己丑日（旬空：午未），占病，系壬申命，得“雷风恒”

	震宫：雷风恒
勾陈	妻财庚戌土 - - 应
朱雀	官鬼庚申金 - -
青龙	子孙庚午火 —
玄武	官鬼辛酉金 — 世
白虎	兄弟庚寅木 父母辛亥水 —
螣蛇	妻财辛丑土 - -

此卦申命随鬼入墓，世爻随鬼入墓，世身又落旬空，卦身又临月破，若执古法断之，百无一生。余因世爻旺相，许愈于未日。果于未日起床。应未日者，冲开丑墓之日而出也，古法以墓为沉滞昏

迷之象，此说近理。此人病中不思汤药，昏昏沉沉，至末日忽然甦醒，不药而愈。岂可一概谓之随鬼入墓耶？

又如：未月 戊辰日（旬空：戌亥），占已定重罪，可蒙赦免否？得“蛊之损”

	巽宫：山风蛊(归魂)	艮宫：山泽损
朱雀	兄弟丙寅木 —— 应	兄弟丙寅木 —— 应
青龙 子孙辛巳火	父母丙子水 - -	父母丙子水 - -
玄武	妻财丙戌土 - -	妻财丙戌土 - -
白虎	官鬼辛酉金 —— 世○→	妻财丁丑土 - - 世
螣蛇	父母辛亥水 ——	兄弟丁卯木 ——
勾陈	妻财辛丑土 - - X→	子孙丁巳火 ——

世爻随鬼入动墓，又动而化墓，古以为凶，余以吉断。日月生世，丑墓月破，破罗破网，容易而出，明岁酉年定蒙赦宥。果于次年辰月，蒙赦而出。

余因屡试而得验者，只验世爻入墓有三：一世爻随鬼入日墓，一世爻入动墓，一世爻动而化墓。此三墓者，自占看世爻，世爻旺相者非真；代占看用神，用神旺相者非真。惟世爻、用爻休囚被克，而又入墓者为是也，墓神被日月动爻冲破者，亦不为真。盖，墓破即如破网，容易而出也。

占功名，世旺得地，冲开墓库之年月成名；世若休囚空破，始终难成之象。

占身命，世旺得地，冲开墓库之年月发迹；世爻休囚空破，一生寂寞，如日月之无光也。

占出仕出行，世旺得地，冲开墓库之月日遂心，世若空破休囚，多见去而不返。

占求财图利，世旺者，冲墓之月日而成；空破休囚者，终无成日。

占婚姻，世旺得地，及财爻有气而生世者，冲墓之月日而成；空破休囚者，断难许允。

占疾病，世旺得地，冲开之月日而愈；休囚空破，冲开之月日而危；近病者，空则无妨，出空即愈。

占狱讼者，世旺脱离，休囚空破者，不免于凶。

占行人，用神化墓，或入动墓者，用神旺必归；用神空破休囚，非病于他乡，即流落于异境。

占胎产，财爻、子孙爻入动墓、化墓者旺，则冲墓之月日即生；财爻空破休囚，妻遭产厄；子孙空破休囚，子必危亡。

占入公门，世旺得地，则冲墓之年月如心；空破休囚，常遭锁枷刑狱。

占家宅，世旺者，或得财爻生世，冲开之年月兴家；空破休囚者，身衰家破。

占祖茔者，与占家宅同推；占新茔未葬者，休囚不宜，旺相亦不宜。

占偷关逾险者，世爻旺相，又得生扶，虽则无危，忧心难释，乃鬼在身边之故耳。

占讼事，世旺者得理，空破休囚被克者，必遭刑狱。

诸占，世爻若旺，墓爻而值空破者，待墓爻填实之月日而吉，世爻空破休囚者，又在世爻填实之月日而凶。

古以世临破鬼，如占防患，祸必潜消；余以为非，月破既为大白虎鬼，目下虽则无妨，实破之年月非吉。

如：申月 己未日（旬空：子丑），占贼来否？得“大畜之泰”

	艮宫：山天大畜	坤宫：地天泰(六合)
勾陈	官鬼丙寅木 —— ○→	子孙癸酉金 - - 应
朱雀	妻财丙子水 - - 应	妻财癸亥水 - -
青龙	兄弟丙戌土 - -	兄弟癸丑土 - -
玄武 子孙丙申金	兄弟甲辰土 ——	兄弟甲辰土 —— 世
白虎 父母丙午火	官鬼甲寅木 —— 世	官鬼甲寅木 ——
螣蛇	妻财甲子水 ——	妻财甲子水 ——

彼时土贼兴发，常去常来，乡人了无宁日。一日忽报贼至，此人携妻而避，因小女未随，复去抱女，同遭贼害。夫应自身之死者，世临破鬼而入日墓；女之死者，上爻鬼变子孙之故耳。岂可谓之世临破鬼，祸患潜消耶？鬼临月破而不动者不验。

**李我平曰**：此论随墓，令人刮目。夫，每卦之动墓、化墓，多有见之，倘再遇辰戌丑未之日，叠叠墓爻，若再兼世命二身，非此即彼以入墓也，何暇他论哉？况诸书竟不言及旺衰，概以随墓不吉断，若占功名，旺官临身，岂可曰履仕途而不反？占防患，世临月破，又随鬼入墓，岂可竟曰无忧？颠倒吉凶，不得不为正之。

〔乾按〕本章详论入墓。墓者，库也，为蓄气之所，故入墓有吉有凶。蓄生气者，开墓之时必生扶用神；蓄凶气者，开墓之时克害用神更凶。入墓吉与不吉全看与用神有益无益，用神旺相者多益，用神休囚无生扶者多害。

## 独发章

五爻俱动，一爻不动，谓之独静；五爻不动，一爻独动，谓之独发。事之成败，由乎用神，应期迟速，亦由乎用神。独发独静，古有验之，余试亦有验也，皆在事应之后，始会神机，非初遂敢执以断祸福与应期也。况卦得独静虽少，而独发者多，如舍其用神，执以决事者则不然。

曾于：辰月 甲午日（旬空：辰巳），占请迎父王灵枢允否？得“大有之离”

	乾宫：火天大有(归魂)		离宫：离为火(六冲)
玄武	官鬼己巳火 — 应		官鬼己巳火 — 世
白虎	父母己未土 - -		父母己未土 - -
螣蛇	兄弟己酉金 —		兄弟己酉金 —
勾陈	父母甲辰土 — 世		子孙己亥水 — 应
朱雀	妻财甲寅木 — O→		父母己丑土 - -
青龙	子孙甲子水 —		妻财己卯木 —

彼有门客知易，谓寅木一爻独发，化出丑父，乃应正月得见父灵。余曰：“此隔靴而搔痒也。卦中父爻持世，被寅木克制，乃身不能动，父灵亦不能动也，欲身动而见父灵，必待冲开寅木之年月。迟旬余，再请一卦，合而决之。”

巳月 丁卯日（旬空：戌亥），得“革之既济”

	坎宫：泽火革		坎宫：水火既济
青龙	官鬼丁未土 - -		兄弟戊子水 - - 应
玄武	父母丁酉金 —		官鬼戊戌土 —
白虎	兄弟丁亥水 — 世 O→		父母戊申金 - -
螣蛇	妻财戊午火 兄弟己亥水 —		兄弟己亥水 — 世
勾陈	官鬼己丑土 - -		官鬼己丑土 - -
朱雀	子孙己卯木 — 应		子孙己卯木 —

余曰：此卦正与前卦相合，前卦应冲开寅木者，申也，此卦世化申金回头生，亦应申月。世临虎动，因丧事而行。卯日冲动九五，又来生世，今年申酉月，必蒙恩允，目下月破，断然不能。后应申年请准，酉年迎灵而归。此两卦俱是独发，可执之耶？

又如：午月 甲申日（旬空：午未），防水涨冲麦，何日始晴？占得“同人之革”

（断语有“昨日丙戌”疑其是“丁亥日”）

	离宫：天火同人(归魂)		坎宫：泽火革
玄武	子孙壬戌土 — 应 O→		子孙丁未土 - -
白虎	妻财壬申金 —		妻财丁酉金 —
螣蛇	兄弟壬午火 —		官鬼丁亥水 — 世
勾陈	官鬼己亥水 — 世		官鬼己亥水 —

朱雀 子孙己丑土 - - 子孙己丑土 - -

青龙 父母己卯木 —— 父母己卯木 —— 应

友人执此而问余曰：戌土子孙，一爻独发，昨日丙戌，定应大晴，如何迄今犹雨？余曰：尔忧麦被水冲，神以子孙发动，克去身边之鬼，令尔勿忧，非应晴也。虽然目下未晴，决不至于涨水，即以此卦决阴晴，亦在卯日方大晴也。或曰：何也？余曰：动而逢合之日也。果于卯日大晴。

又如：辰月 甲午日（旬空：辰巳），占开煤窖，得“家人之益”

巽宫：风火家人

巽宫：风雷益

玄武 兄弟辛卯木 ——

兄弟辛卯木 —— 应

白虎 子孙辛巳火 —— 应

子孙辛巳火 ——

螣蛇 妻财辛未土 - -

妻财辛未土 - -

勾陈 官鬼辛酉金 父母己亥水 —— O→

妻财庚辰土 - - 世

朱雀 妻财己丑土 - - 世

兄弟庚寅木 - -

青龙 兄弟己卯木 ——

父母庚子水 ——

丑土财爻持世，午日生之，许之可开。问应何时见煤？余曰：丑土财静，未月冲开，应在六月。及至六月，竟不见煤。歇而开，开而歇，未年占卦，至亥年辰月，始得见煤。此乃应于独发。亥水化辰土，年月俱应，事后始会神机，断卦之时，谁敢以亥年辰月而断耶？

居士感悟：知之为知之，不知为不知。这才是真正做学问的态度。野鹤老人断应期尚且如此，而且实话实说，不误后学，真圣贤也。而今某些大师，自创理论似是而非，分格局，立从旺从衰，个个刚牙铁口，舍我者谁！而其徒则遵循师误怡然自得，奉为经典，可悲可叹！

又如：寅月 庚戌日（旬空：寅卯），占女病，得“未济之蹇”

离宫：火水未济

兑宫：水山蹇

螣蛇 兄弟己巳火 —— 应 O→

官鬼戊子水 - -

勾陈 子孙己未土 - - X→

子孙戊戌土 ——

朱雀 妻财己酉金 —— O→

妻财戊申金 - - 世

青龙 官鬼己亥水 兄弟戊午火 - - 世 X→

妻财丙申金 ——

玄武 子孙戊辰土 —— O→

兄弟丙午火 - -

白虎 父母戊寅木 - -

子孙丙辰土 - - 应

古有以独静之爻而断应期者，譬如此卦，寅木独静，若不看用神，断寅日生耶？断寅日死耶？余以此卦，土为子孙，虽则休囚，得巳火、午火动而生之，未土子孙化进神，辰土子孙化回头生，

许之寅日当愈。然犹不敢竟断。

命其母再占一卦，得“姤之无妄”

	乾宫：天风姤	巽宫：天雷无妄(六冲)
螣蛇	父母壬戌土 ——	父母壬戌土 ——
勾陈	兄弟壬申金 ——	兄弟壬申金 ——
朱雀	官鬼壬午火 —— 应	官鬼壬午火 —— 世
青龙	兄弟辛酉金 —— ○→	父母庚辰土 - -
玄武 妻财甲寅木	子孙辛亥水 —— ○→	妻财庚寅木 - -
白虎	父母辛丑土 - - 世 X→	子孙庚子水 —— 应

亥水子孙化寅木空亡，近病逢空即愈，出空之日，亦寅日也。与前卦相合，余曰：寅日大愈。目下病虽重，无妨。果于寅日，沉痾复醒。此虽应前卦一爻独静，然必因用神旺相，再得后卦明显，方敢以寅日决之也。

**李我平曰**：《易冒》以吉凶之生由乎动，所以，重于动而轻于用神。事应之来，不验于用神，而验于卦象。此教人重于独静，独静不用用神者明矣。又曰：虽不离用，而亦不执用爻也。此又教人用用神、不用用神也。又曰：独发、独静可定时日，吉凶须审用爻。此又教人重于用爻也。留书传世，须一字开后人之茅塞，一言破千古之疑团，即曰用用神，又曰不用用神，主既无定，何以为法？得此可以醒世。

[ 乾按 ] 本章所论独静独发之断法，虽持论不一，然都有可取之处，学者宜兼听兼用，不可偏执一法。卦遇独静独发，如何决断，仍须全面分析，既看用神旺相休囚，又看独静独发动变生克，多方验证，再作判断，方保不出谬误。

## 两现章

用神两现者，如占父母，卦中有两父母爻者，是也。

按古法，舍其休囚而用旺相，舍其静爻而用动爻，舍其月破而用不破，舍其旬空而用不空，舍其被伤而用不伤。然余得验者，多有应乎旬空月破，故常舍其不空而用旬空，舍其不破而用月破。

如：未月 庚子日（旬空：辰巳），占求财，得“风天小畜”

	巽宫：风天小畜
螣蛇	兄弟辛卯木 ——
勾陈	子孙辛巳火 ——

朱雀 妻财辛未土 - - 应  
 青龙 官鬼辛酉金 妻财甲辰土 ——  
 玄武 兄弟甲寅木 ——  
 白虎 父母甲子水 —— 世

应临月建之财以克世，许之必得。彼问：何日到手？余以次日辛丑冲动未土，必得。后却得于辰土出空之日，此乃舍其不空而用旬空也。

如：未月 甲午日（旬空：辰巳），占升迁，得“师之涣”

	坎宫：地水师(归魂)	离宫：风水涣
玄武	父母癸酉金 - - 应 X →	子孙辛卯木 ——
白虎	兄弟癸亥水 - - X →	妻财辛巳火 —— 世
螣蛇	官鬼癸丑土 - -	官鬼辛未土 - -
勾陈	妻财戊午火 - - 世	妻财戊午火 - -
朱雀	官鬼戊辰土 ——	官鬼戊辰土 —— 应
青龙	子孙戊寅木 - -	子孙戊寅木 - -

断曰：世爻极旺，既临日建，又得月令作官星而合世，但卦中两现官星，一空一破，至辰年，辰土之官出空，一定高擢。然反吟于外卦，每得验者，去而复来。寅年占，果于辰年调迁于河南，五月因他故，又调回楚，十月而升督府，一年两调一升，皆应实空之年也。

如：亥月 丙午日（旬空：寅卯），母占子何时脱厄？得“豫之归妹”

	震宫：雷地豫(六合)	兑宫：雷泽归妹(归魂)
青龙	妻财庚戌土 - -	妻财庚戌土 - - 应
玄武	官鬼庚申金 - -	官鬼庚申金 - -
白虎	子孙庚午火 —— 应	子孙庚午火 ——
螣蛇	兄弟乙卯木 - -	妻财丁丑土 - - 世
勾陈	子孙乙巳火 - - X →	兄弟丁卯木 ——
朱雀	父母庚子水 妻财乙未土 - - 世 X →	子孙丁巳火 ——

余见卦中子孙三现，俱生世爻，午爻逢日建而静，二爻巳火逢月破，许巳年脱厄，乃实破之年也。果脱厄于巳年，此乃卦中用神三现，而用月破之爻也。

**野鹤曰**：余竟以月破而断年者，非只此一卦也。因此位老夫人之长公携印弃封疆而归。本人自身占过，申金子孙发动，动而逢合，当应巳年；其弟又占兄，申金兄动，亦应巳年。今此卦母占子，

巳火子孙动化回头生世，虽逢月破，合前二卦，故敢竟许以巳年。所以卜易者一则全其灵机达变，二则卦要留神记之。若不留心记得前卦，则此卦午火日建生世，何不许其午年？况午岁又是合世之年，何敢许其巳年？许巳年者，因合前卦而断也。

〔乾按〕用神两现如何取舍？古法以取旺相。取动爻、取不破、取不伤而论。本章却验证其取空、取破之经验，此并非论古法之错，而旨在明晓卜易“全其灵机达变”之心法也。取空取破验在实空实破，此中奥理宜细详之。易之不易而变易，变易而简易，亦由此可窥一斑矣。

## 星煞章

太乙贵人：甲戌庚牛羊，乙巳鼠猴乡，丙丁猪鸡位；壬癸兔蛇藏，六辛逢马虎，此是贵人方。

假令：甲戌庚日占卦，爻中见丑未者，即是贵人。余仿此。

禄神：甲禄到寅，乙禄到卯，丙戊禄在巳，丁己禄居午，庚禄居申，辛禄在酉，壬禄在亥，癸禄居子。

假令：甲日占卦，爻中见寅为禄神；乙日占卦，爻中见卯为禄神。余仿此。

驿马：申子辰马在寅，巳酉丑马在亥，寅午戌马在申，亥卯未马在巳。

假令：子日、申日、辰日占卦，爻中见寅，即为驿马。余仿此。

天喜：春戌，夏丑，秋辰，冬未。

假令：春季正、二月占卦，爻中见戌，即为天喜；三月虽以戌为天喜，又为月破，若发动于卦中，扶助旺相之用神者，以之为喜，不以为破。余仿此。

诸书星煞最多，余留心四十余载，独验贵人、禄神、驿马、天喜。然亦不能独操祸福之权，用神旺者，见之愈吉，用神失陷，虽有如无。

**李我平曰**：伏羲观奇偶以判阴阳，文王以爻辞而断凶吉，周公之后，决祸福于五行，易道穷矣！今兼吉凶星煞，不知起自何人，丧门、大杀，险语惊人，往往全无应验。

《易冒》疾病章云：“卜卦不死，星煞不死，用神生者必生，用神死者必死。”出尔反尔，后学何从？即如此书，只验贵人、禄神、驿马、天喜，亦必附和用神之旺相，以为吉兆，既不能独操祸福之权，余亦以为不用亦可。刘诚意《千金赋》曰：“吉凶神煞之多端，何如生克制化之一理。”一言以蔽之矣。

〔乾按〕本章论神煞之用。卜书神煞多至数十种，本章只取四种验之，且不能独操祸福之权，必附和用神而用。据此神煞之用明矣。学者宜自参之。

## 增删《黄金策 - 千金赋》

**动静阴阳，反复变迁。详前卷动变章。**

太过者，损之斯成。旧注：主事爻重叠太多，事不专一，故宜损之。且如土为主事爻，爻中多逢辰戌丑未，谓之太过，须待寅卯月日克制土爻，然后成事。或占时得遇寅卯月日者，亦妙。

**野鹤曰**：不独后逢寅卯月日，即后逢辰月辰日，亦许成事。何也？辰乃土之墓库，谓之用爻重叠，须墓库以收藏是也。余仿此。

**不及者，益之则利。**何谓不及？若主事爻只有一位，又不旺相，谓之不及，其事难成。且如金为主事爻，若在夏季占得，即为休囚无气，倘得日辰动爻生之，或后来逢生助之月日，皆有利益，其事亦成。余以此论得理，但要主事爻原有根蒂，衰而逢生者，如旱苗之得雨也，勃然而兴，故谓之有助有扶，衰弱休囚亦吉。惟虑衰弱无根，休囚失陷，虽逢生合，亦难生矣！正所谓制中弱主，难以维持也。

**生扶拱合，时雨滋苗；克害刑冲，秋霜杀草。**已见五行生克章、三合六合章、月将日辰三刑章。

**长生帝旺，争如金谷之园；死墓绝空，乃是泥犁之地。**详生旺墓绝章、空亡章。

**日辰为六爻之主宰，月将乃万卜之提纲。**解前日辰月将章。

**最恶者岁君，宜静而不宜动。**岁君乃当年之太岁，或明动暗动冲克世爻，占官事者，必于朝廷；占年运者，一年挠括；乡会试、仕宦，及面圣、上书、叩阊、诤谏、请封请荫等事，皆宜太岁生合世爻，动而生世更吉，最忌刑冲克世。除此数占之外，皆与他爻等也，何也？太岁虽司一年之令，尊而不亲，高而难仰，吉凶皆不及乎日月，古以太岁不理家庭琐事，此理是也。所以，太岁冲爻，而为岁破，不以为凶；合爻为岁合，不以为吉。爻之衰者，太岁不能生之；爻之强旺者，太岁不能制之；遇月破者即破；逢旬空者即空，非比月建日建之力也。

**野鹤曰**：作当年之祸福，不以为重，作后时之凶吉，其实不轻，且如主事爻属木，爻中申酉金动，谓之木被金伤，纵使木旺金衰，目前可保无虞，后遇申年酉岁，难免其殃。

如：巳月 壬子日（旬空：寅卯），占乡试，得“水地比”

坤宫：水地比(归魂)

白虎 妻财戊子水 —— 应

螣蛇 兄弟戊戌土 ——

勾陈 子孙戊申金 ——

朱雀 官鬼乙卯木 —— 世

青龙 父母乙巳火 ——

玄武 兄弟乙未土 — —

巳火父爻当月建，文星旺矣！独嫌官星持世，卯木旬空，许之卯科方能得意。子年占，果于卯年登科。应卯年者，太岁填实而不空也。

**不验者身位，宜删而不宜存。**旧文：最要者身位，喜扶而不喜伤。原注有云：古用世身而不验，故用卦身。**野鹤曰**：卦身亦不验，只用世爻。或曰：间有验者。余曰：间有之验，不过偶然凑合耳，不足为法，何如用世爻这百发而百中也。

**世为己，应为人，大宜契合。**世为自己，应是他人，凡占彼此之事，则兼而用之。欲他扶助我者，喜应爻生合世爻；我欲代他而谋事者，宜世爻生应，非占彼此者不用。

如：卯月 辛巳日（旬空：申酉），占自陈何如？得“恒之升”

	震宫：雷风恒	震宫：地风升
螣蛇	妻财庚戌土 — — 应	官鬼癸酉金 — —
勾陈	官鬼庚申金 — —	父母癸亥水 — —
朱雀	子孙庚午火 ———— ○→	妻财癸丑土 — — 世
青龙	官鬼辛酉金 ———— 世	官鬼辛酉金 ————
玄武 兄弟庚寅木	父母辛亥水 ————	父母辛亥水 ————
白虎	妻财辛丑土 — —	妻财辛丑土 — — 应

余曰：酉官持世，破而且空，又动出午火相克，不独削职，须防五六月还见凶灾。或曰：幸得世应相生，又变升卦，须相救解。余曰：自占自陈，与应何干？此迂腐之论也。果于五月下狱。

**动为始，变为终，最怕交争。**动爻，为事之始；变爻，为事之终，宜生合，不宜冲克。

**应位遭伤，不利他人之事；世爻受制，岂宜自己之谋。**自占者，宜世爻旺相，或临日月，或日月动爻扶助，或动而化吉，诸占如意。占他人，以应爻为用神，喜他旺者，宜临旺相之地，又宜日月动爻以生扶，喜他衰者，宜临墓绝空破之乡，及日月动爻以冲克。

**世应俱空，人无准实。**世空，自己不真；应空，他人不实；世应俱空，彼此皆无真实。谋事有阻，事属荒唐。

**内外竟发，事必翻腾。**卦中动爻少者，吉凶自有条理，容易剖决。若内卦外卦，纷纷乱动，则凶吉靡常、人情不定，事体反复，全无准诚之象，须再占一卦，合而决之。

**世或交重，两目顾瞻于马首；应如发动，一心似托于猿攀。**旧注：世应皆不宜动，动则反复不常，如马首而不定，似猿意以无宁。

**野鹤曰**：余不敢以之为是，亦不敢以之为非，此乃用神不旺，大象不成之说也。若用爻得地，

大象当成，世动不受克制，应动生合世爻，图事成之更速。

**用爻有气无他故，所作皆成；主象徒存更被伤，凡谋不遂。**用爻及主象，即主事之爻也，或旺相，或有生扶，或有气，并无他爻克制，事之必成。倘衰弱无力，又逢克制，虽则出现亦无用矣。

**空逢冲而有用，合遭破以无功。**爻遇旬空，得遇日辰冲者，谓之冲空则实，不但不空，反为有用。倘动而空者，日辰冲之而更实。旧注：爻逢相合，如两人同心，事必克济。若日月动爻冲克者，又为合处逢冲，须防小人挑唆，和好中反生疑忌。如占自为之事者，亦被旁人间阻，我事难成。

余得验者，凡三合六合，虽不宜目下日月动爻冲克，又宜后来之月日冲开，正所谓如逢合住，冲破成功。且如爻中寅与亥合，若在申巳月日占者，申冲寅、巳冲亥，名为合处逢冲；若非申巳月日占者，必待后时逢申巳之月日，方成其事。余仿此。

**动空化空，皆成凶吉。**旧文：必成凶咎。余得验者，动不为空，动而化空，亦不为空，吉凶皆应于冲空、实空之日，余故更之。

**刑合克合，终见乖淫。**旧注：合者，和合也，见之为吉。殊不知合中有刑有克，毕竟不合，如用午字为财爻，未字为福神，因午字而带自刑，名为刑合，不以为合而以为刑也。

**野鹤曰**：午既自刑，乃自有刑害之祸，得福神而作合，是救解其祸也，反不为吉者，非也。余尝得验，世爻午火化未相合，已定重刑，后竟得释放，免于灾祸。

**动逢合而绊住。**旧注：忌神动，逢日月相合，则不成凶；元神动，逢日月合住，则不济事。此也有理。但余得验者，后逢冲开之月日，吉凶依然应也。

如：未月 庚寅日（旬空：午未），占官运，得“革之既济”

	坎宫：泽火革	坎宫：水火既济
螣蛇	官鬼丁未土 - -	兄弟戊子水 - - 应
勾陈	父母丁酉金 ——	官鬼戊戌土 ——
朱雀	兄弟丁亥水 —— 世○→	父母戊申金 - -
青龙 妻财戊午火	兄弟己亥水 ——	兄弟己亥水 —— 世
玄武	官鬼己丑土 - -	官鬼己丑土 - -
白虎	子孙己卯木 —— 应	子孙己卯木 ——

断曰：世临亥水，今岁子年，太岁拱扶，九五酉金，虽不发动，亦含生世之意，世爻又化回头之生，又得日辰相合，上爻未土官星，当权得令，仕途平坦，如顺水行舟也。惟疑权操两省，不为不富，但兄爻持世，财伏被克，有此美中之不足耳。公问：日后何如？余曰：防巳年太岁冲亥刑申，不无蹭蹬，荣归之日，只落得四海一空囊耳！果于巳年被论，宦囊如洗。此乃世逢合而绊住，逢

冲之年月则开也。

**静逢冲而暗兴。**详暗动章。

**入墓难克。**旧注：墓者，滞也。忌神入墓，不克用神。且如木为用神，金为忌神，若在丑日占者，金入墓矣，焉能克木。更卦中动出丑爻，及金爻动化丑字，俱同此推。余仿此。

**野鹤曰**：是则是矣，然余屡见后逢冲开墓库之日，依然木被金伤。

**带旺匪空。**旺者，乃旺相之爻而遇旬空，不作空论。倘遇本日之日辰冲者，谓之空逢冲而有用，遇日后之日辰冲者，谓之冲起，过此一句而出空者，谓之填实，俱不为空。倘若发动，更不为空。

**有助有扶，衰弱休囚，亦吉。**此指主事爻而言也。且如主事爻无气，本为不美，若得日辰与动爻生扶、拱合，即为得助，与前“不及者，益之则利”同。

**贪生贪合，刑冲克害，皆忌。**此亦指主象而言也。且如主象临卯木，遇申爻动而克之，卦中又动出亥水，申金贪水之生，不来克木，此乃贪生忘克。又如主事爻临子水，遇卯木动而相刑，若得傍爻动出戌字，卯与戌合，不来刑子，此乃贪合忘刑。又如世临巳爻，卦中动出寅字，本是寅来刑巳，却得寅木生巳火，谓之贪生忘刑。又如用爻临巳字，卦中动出亥水，冲克巳火，若得卯未同动，亥卯未合成木局，反来生火，亦谓之贪合而忘克冲。余皆仿此，按类推详。

**别旺衰以明克合，辨动静以定刑冲。**衰旺克合，见前“五行生克”及“四时旺相”章；动静刑冲，见前“动变”章。

**并不并，冲不冲，因多字眼；刑非刑，合非合，为少支神。**旧注，卦爻既成，未免有刑冲并合，然多一字，不成其名；少一字，亦不成其刑冲并合之名也。且如子日卜卦，卦中有一子字，则谓之并，若有二子字，则分开而太过也，名虽为并，其实不能并之。二午则不冲，二丑则不合，二卯则不刑，二巳则不克，此多一字不成刑合克害之名也。

**野鹤曰**：若是爻中一子不合二丑，名为姤合，不成合者，亦有理也。若以日辰不能并爻中之二子，不能冲爻中之二午者，非也。日月如天，无处不沾雨露，不然，何以谓之巡察六爻之善恶耶？

即如：丑月 壬子日（旬空：寅卯），占讼，得“天山遁”

乾宫：天山遁

白虎 父母壬戌土 ——

螣蛇 兄弟壬申金 —— 应

勾陈 官鬼壬午火 ——

朱雀 兄弟丙申金 ——

青龙 妻财甲寅木 官鬼丙午火 - - 世

玄武 子孙甲子水 父母丙辰土 - -

断曰：世临午火，子日冲之，休囚为日破，不为暗动，今日若审，必有责罚。果于本日见官，被杖二十。此乃卦见二午，岂可谓之一子不冲二午耶？

彼旧注又曰：寅巳申为三刑，若有寅巳二字，而无申字，或只有寅申两字，而无巳字，但少一字不成三刑。又曰：亥卯未为之三合，卦有其二，内少一字者，不成三合。

**野鹤曰**：以上二说，殊欠深细，竟不知虚一待用，候后时之月与日可以填之也。

如：巳月 己未日（旬空：子丑），占久病，得“困之兑”

	兑宫：泽水困(六合)	兑宫：兑为泽(六冲)
勾陈	父母丁未土 - -	父母丁未土 - - 世
朱雀	兄弟丁酉金 ——	兄弟丁酉金 ——
青龙	子孙丁亥水 —— 应	子孙丁亥水 ——
玄武	官鬼戊午火 - -	父母丁丑土 - - 应
白虎	父母戊辰土 ——	妻财丁卯木 ——
螣蛇	妻财戊寅木 - - 世 X →	官鬼丁巳火 ——

断曰：世爻寅木，化出巳火，寅能刑巳，三刑少申字，防申日之危。果卒于申日申时。此乃少一字，待后来申日补之也，岂可谓少一字不成三刑耶。

如：酉月 乙巳日（旬空：寅卯），占升迁，得“萃之否”

	兑宫：泽地萃	乾宫：天地否(六合)
玄武	父母丁未土 - - X →	父母壬戌土 —— 应
白虎	兄弟丁酉金 —— 应	兄弟壬申金 ——
螣蛇	子孙丁亥水 ——	官鬼壬午火 ——
勾陈	妻财乙卯木 - -	妻财乙卯木 - - 世
朱雀	官鬼乙巳火 - - 世	官鬼乙巳火 - -
青龙	父母乙未土 - -	父母乙未土 - -

巳火官星持世，又临日建，卜书曰：“官临日月即升。”且巳日冲动亥爻，与发动之未爻欲成三合，因少卯字，明年卯月必升，此乃虚一待用也。果升于卯月。岂可谓之少一字不成合耶？

**爻遇令星，物难我害。**见“日辰月将”章。

**伏居空地，事与心违。**伏，伏神也，伏而又空，诸事难成之象。

旧存占验有：丙申日（旬空：辰巳），占文书，得“地天泰”

坤宫：地天泰(六合)

青龙	子孙癸酉金	- - 应
玄武	妻财癸亥水	- -
白虎	兄弟癸丑土	- -
螣蛇	兄弟甲辰土	—— 世
勾陈	父母乙巳火	官鬼甲寅木 ——
朱雀	妻财甲子水	——

彼断曰：以父母爻为用神，此卦六爻无父母，巳火父母伏于二爻寅木之下，又遇旬空，所以文书不成也。**野鹤曰**：伏而又空，事之不成者是矣。但此卦文书之不成者，非因空也，乃因飞神在寅，伏神在巳，与申日作三刑之故耳。何也？申日冲动寅木以生巳火，谓之飞来生伏得长生。伏神既得长生，则为有气不空，不然，何以谓之飞不冲开亦枉然。余故曰：非因空也，因三刑也。

**伏无提挈终徒尔，飞不推开亦枉然。**凡用神不现，伏于卦中，须宜日辰月建冲开飞神，生合扶起伏神，而伏神方为有用。

假如：占文书，得“山火贲”

艮宫：山火贲(六合)

	官鬼丙寅木	——
	妻财丙子水	- -
	兄弟丙戌土	- - 应
子孙丙申金	妻财己亥水	——
父母丙午火	兄弟己丑土	- -
	官鬼己卯木	—— 世

以父母为用神，午火父母伏于丑土兄爻之下，可断有人把住文书，若在未月日占者，冲去丑土飞神，合起午火伏视，则断为文书有用；若在寅卯月日占者，克去丑土，生起午火，亦断作文书有用。余仿此。

**空下伏神，易于引拔。**伏神不空而飞神空者，伏神易于出现，何也？飞神既空，乃上无压住之爻也，而伏神再得日辰月建生扶拱合，则脱然出矣。

**制中弱主，难以维持。**用爻休囚，再加以月建日辰而制伏之，纵遇生扶，亦不济事。

如：辰月 丙辰日（旬空：子丑），占地下忽起五色之光，疑有古窖，得“睽之蛊”

艮宫：火泽睽

巽宫：山风蛊(归魂)

青龙	父母己巳火 —	官鬼丙寅木 — 应
玄武	妻财丙子水 兄弟己未土 - -	妻财丙子水 - -
白虎	子孙己酉金 — 世○→	兄弟丙戌土 - -
螣蛇	兄弟丁丑土 - - X→	子孙辛酉金 — 世
勾陈	官鬼丁卯木 —	妻财辛亥水 —
朱雀	父母丁巳火 — 应○→	兄弟辛丑土 - -

余曰：“财伏而空，全无影响。”伊曰：“既是无财，何故有五色之光？”余曰：“乃妖气耳。”彼时人人望财，议论纷纷。有难者谓：子动爻中，兄弟交重偏有望，此卦兄动生子，子动生财，又是内卦合成金局，金生水旺，何曰无财？余曰：尔知其一，不知其二，今子孙固旺，难生无蒂之财，且妻财子水伏而又空，又被日月飞神克制，财从何来？后竟掘之，惟掘得破缸一口，内贮瓦屑泥土而已。

**日伤爻，真罹其祸；爻伤日，徒受其名。**日月如天如君，六爻如臣民万物，日辰能刑冲克害乎卦爻，而卦爻不能刑冲克害乎日月。

**墓中人，不冲不发。**旧注：大抵用爻入墓，诸事费力难成，苦多阻滞，须得日辰动爻冲破，或克破其墓，方有力也。

如：戊寅日，占财，得“同人之乾”

	离宫：天火同人(归魂)	乾宫：乾为天(六冲)
朱雀	子孙壬戌土 — 应	子孙壬戌土 — 世
青龙	妻财壬申金 —	妻财壬申金 —
玄武	兄弟壬午火 —	兄弟壬午火 —
白虎	官鬼己亥水 — 世	子孙甲辰土 — 应
螣蛇	子孙己丑土 - - X→	父母甲寅木 —
勾陈	父母己卯木 —	官鬼甲子水 —

用爻入墓，喜得日辰克破，得财无疑。若以用空入墓，许以无财者，非也。盖空而遇冲，冲空则实，墓而克破，破墓则开也。

**野鹤曰**：此极有理，屡试屡验，但要用神有气，方可许之，倘若用神休囚无援，虽遇冲开之日，亦难发矣。

如：未月 戊辰日（旬空：戌亥），占年运，得“复之谦”

坤宫：地雷复(六合)	兑宫：地山谦
------------	--------

朱雀	子孙癸酉金 - -	子孙癸酉金 - -
青龙	妻财癸亥水 - -	妻财癸亥水 - - 世
玄武	兄弟癸丑土 - - 应	兄弟癸丑土 - -
白虎	兄弟庚辰土 - - X→	子孙丙申金 ——
螣蛇 父母乙巳火	官鬼庚寅木 - -	父母丙午火 - - 应
勾陈	妻财庚子水 —— 世○→	兄弟丙辰土 - -

世爻子水，虽是申子辰三合水局，而不宜日月克世，世爻化墓，又化回头之克，动爻辰土又克，此乃世爻休囚而无气也，年运不利之征。卯年占，卒于午年。夫应午年者，世临岁破之年也，此亦可谓之墓中人不冲而不发耶。

**身上鬼，不去不安。**诸占最怕克世，独官鬼持世，若非职役之人，最宜日月动爻来相冲克，反为吉兆，何也？非克世爻，乃克去身边之鬼耳。

如：午月 癸丑日（旬空：寅卯），占妻病，得“萃之比”

	兑宫：泽地萃	坤宫：水地比(归魂)
白虎	父母丁未土 - -	子孙戊子水 - - 应
螣蛇	兄弟丁酉金 —— 应	父母戊戌土 ——
勾陈	子孙丁亥水 —— ○→	兄弟戊申金 - -
朱雀	妻财乙卯木 - -	妻财乙卯木 - - 世
青龙	官鬼乙巳火 - - 世	官鬼乙巳火 - -
玄武	父母乙未土 - -	父母乙未土 - -

问来人病得几时？彼曰：“三月病起。”余曰：“卯日财空，明日出空，必定退灾。”彼曰：“医家不下药矣。”余曰：“不妨，此卦亥水子孙独发，克去世爻之鬼，应在明日寅日，寅与亥合，合起子孙之日，尔无忧也。”果于次日退灾，不药而愈。也不独此，又因卯木财空，次日出空而退灾。

曾于：辰月 戊子日（旬空：午未），占小舟过关恐盘阻，得“比之咸”

	坤宫：水地比(归魂)	兑宫：泽山咸
朱雀	妻财戊子水 - - 应	兄弟丁未土 - - 应
青龙	兄弟戊戌土 ——	子孙丁酉金 ——
玄武	子孙戊申金 - - X→	妻财丁亥水 ——
白虎	官鬼乙卯木 - - 世X→	子孙丙申金 —— 世
螣蛇	父母乙巳火 - -	父母丙午火 - -

勾陈 兄弟乙未土 — —

兄弟丙辰土 — —

世爻之鬼，乃满腹犹疑之象，幸叠叠申金，克去身边之鬼，则无忧也。占后，于卯日过关，并无阻滞。

**德入卦，无谋不遂。**旧注：德者，得也，与天地合其德也。即如主事爻与世爻，天干地支上下相合是也，存有占验。

戌月 己酉日（旬空：寅卯），占文书，得“小畜之蛊”

	巽宫：风天小畜	巽宫：山风蛊(归魂)
勾陈	兄弟辛卯木 —	兄弟丙寅木 — 应
朱雀	子孙辛巳火 — ○→	父母丙子水 — —
青龙	妻财辛未土 — — 应	妻财丙戌土 — —
玄武 官鬼辛酉金	妻财甲辰土 —	官鬼辛酉金 — 世
白虎	兄弟甲寅木 —	父母辛亥水 —
螣蛇	父母甲子水 — 世 ○→	妻财辛丑土 — —

彼谓五爻动出丙子文书，与世爻变出辛丑，干支相合，应戊子日成其文书。

**野鹤曰**：此为多事之论也。鬼谷三才论舍爻辞，以五行而定祸福者，乃用地支。既用地支，不得不以天干为配，未闻以天干而定吉凶，以天干配地支者，欲全用周天甲子，卦又止于四十八爻，不得不分晰焉。

所以乾之内卦用甲，坤之内卦用乙，乃十干之首；乾之外卦用壬，坤之外卦用癸，皆十干之尾。乾立内卦用子，与坤之外卦相合；坤之内卦用未，与乾之外卦相合。二老上下相媾，阴阳磨荡，中包六子。甲乙之次者丙丁，用之于少男少女，艮与兑也；戊己用之于中男中女，坎与离也；庚辛用之于长男长女，震与巽也，以全上下干支。此乃配偶之法也，故谓之浑天甲子。

而，祸福吉凶，皆地支生克制化、克合刑冲以判之。今若以天干而判休囚，则每卦皆宜用也，何独于此？况此小畜之蛊，五爻朱雀为文书，动临巳火，变出子水文书，而世爻又临子水父母，又为文书，酉日生之，化丑合之，叠叠文书，旺动于卦中，即非干支相合，亦难说无成。余故曰：此多事之论也。

**忌临身，而多阻无成。**忌，即忌神也，凡占不宜持世。如占官，子孙即为忌神，子孙持世，求名不成；占财，兄爻为忌神，兄爻持世，求财不获之类是也。

**野鹤曰**：此论极是，然余亦有验者，兄爻持世，化出财爻，而得财；世临财爻，化出父母，而见父。

如：巳月 丙申日（旬空：辰巳），占财，得“未济之鼎”

	离宫：火水未济	离宫：火风鼎
青龙	兄弟己巳火 —— 应	兄弟己巳火 ——
玄武	子孙己未土 - -	子孙己未土 - - 应
白虎	妻财己酉金 ——	妻财己酉金 ——
螣蛇 官鬼己亥水	兄弟戊午火 - - 世 X→	妻财辛酉金 ——
勾陈	子孙戊辰土 ——	官鬼辛亥水 —— 世
朱雀	父母戊寅木 - -	子孙辛丑土 - -

此乃忌临世位，化出酉财，即于酉日得财。

又如：申月 戊午日（旬空：子丑），占领文书，得“益之家人”

	巽宫：风雷益	巽宫：风火家人
朱雀	兄弟辛卯木 —— 应	兄弟辛卯木 ——
青龙	子孙辛巳火 ——	子孙辛巳火 —— 应
玄武	妻财辛未土 - -	妻财辛未土 - -
白虎 官鬼辛酉金	妻财庚辰土 - - 世 X→	父母己亥水 ——
螣蛇	兄弟庚寅木 - -	妻财己丑土 - - 世
勾陈	父母庚子水 ——	兄弟己卯木 ——

此亦忌临世位，却于亥日而得文书。同日，子占父，亦得此卦，亦于亥日而见父，其故何也？疑是动爻不克变爻之故乎？然亦无多见者。余既得验，不得不以告人耳，非教后人为法也。诸占，必以忌神持世，多阻无成者为是。

又如：午月 己酉日（旬空：寅卯），占求财，得“未济之睽”

	离宫：火水未济	艮宫：火泽睽
勾陈	兄弟己巳火 —— 应	兄弟己巳火 ——
朱雀	子孙己未土 - -	子孙己未土 - -
青龙	妻财己酉金 ——	妻财己酉金 —— 世
玄武 官鬼己亥水	兄弟戊午火 - - 世	子孙丁丑土 - -
白虎	子孙戊辰土 ——	父母丁卯木 ——
螣蛇	父母戊寅木 - - X→	兄弟丁巳火 —— 应

凡占求财，最忌兄爻持世。此卦忌临世位，当主无财，幸寅木父母动而生世，然父母爻者，非

金银也，乃货物耳，求金银则不能，货物必得。果于寅日得匹缎等物。应寅日者，父爻出空之日也。

**卦遇凶星，避之则吉。**旧注，凡值用神空亡，遇日月动爻冲克者，谓之避空，反不遭其冲克之害。昔存有占验：

如：未月 壬申日（旬空：戌亥），占子病，得“姤之大过”

	乾宫：天风姤	震宫：泽风大过（游魂）
白虎	父母壬戌土 ———— O→	父母丁未土 - -
螣蛇	兄弟壬申金 ————	兄弟丁酉金 ————
勾陈	官鬼壬午火 ———— 应	子孙丁亥水 ———— 世
朱雀	兄弟辛酉金 ————	兄弟辛酉金 ————
青龙 妻财甲寅木	子孙辛亥水 ————	子孙辛亥水 ————
玄武	父母辛丑土 - - - 世	父母辛丑土 - - - 应

彼谓父母旺动，用爻亥水子孙而无气，本为凶兆，喜得用爻值旬空而避之，至丙子日而愈。盖丙子者，则前面已过，又是亥水子孙值子日以临帝旺之故耳。

**野鹤曰**：此论非理。诸占，最恶者忌神，既动于卦中，祸已萌矣。用神静者，逢冲之日遭害；用神动者，逢值合之日遭伤；用神破者，实破之日而遇；用神空者，出空之日相逢，是乃未曾出空，可以避之，出空必遇其害，岂可日出空则前面已过，反不受其祸，此说悖也，谬也。

余得其验者，元神动于卦中，用神空者，出空之日得福；忌神动于卦中，而用神空者，出空之日逢殃，屡占屡验，独近病逢空不论。

凡占近病，用神得遇旬空者，不拘日月动爻克害，用神出空之日即愈，独此一事论空不论克也，他占皆忌。此姤之大过，定是占于近病，不悟近病逢空即愈，而曰诸事皆可避之也，此误后人也，宜删之。

**爻逢忌杀，敌之无伤。**旧注，忌爻发动，凡事不利，若得日月动爻帮助用爻，可以敌之，不弱于彼，事亦可成。余以此论是理，但彼所存占验欠当。

如：申月 乙未日（旬空：辰巳），占脱役，得“损之节”

	艮宫：山泽损	坎宫：水泽节（六合）
玄武	官鬼丙寅木 ———— 应 O→	妻财戊子水 - -
白虎	妻财丙子水 - - - X→	兄弟戊戌土 ————
螣蛇	兄弟丙戌土 - - -	子孙戊申金 - - - 应
勾陈 子孙丙申金	兄弟丁丑土 - - - 世	兄弟丁丑土 - - -

朱雀	官鬼丁卯木 ——	官鬼丁卯木 ——
青龙	父母丁巳火 ——	父母丁巳火 —— 世

彼谓世临丑土，而子水财动生助寅木之鬼，动而克世，喜得日辰未土，而五爻上又变出戌土，扶助世爻，可以敌其寅木之鬼，不能伤身。

**野鹤曰**：以此作后人之法者，也误人也，何也？夫一重未土扶世，岂能敌其助鬼伤身之恶煞耶？殊不知寅木鬼动，被月建破之、未日墓之，以此寅木之鬼破而入墓，其子水虽生，不能生无根之木，况子水又化回头之克，水木皆枯，后保无事者，此耳，彼误作戌未二土帮扶者，错也。况变爻戌土，从不帮助正卦之爻，余有一例，可以比之。

[居士按]变卦不能帮扶正卦之爻，此是正理；现在不少易者依此变卦帮扶正卦之爻为不易之理，曲为强解，误导后学，学者不可为法。

如：辰月 乙未日（旬空：辰巳），占月令，得“泰之丰”

	坤宫：地天泰（六合）	坎宫：雷火丰
玄武	子孙癸酉金 — — 应	兄弟庚戌土 — —
白虎	妻财癸亥水 — —	子孙庚申金 — — 世
螣蛇	兄弟癸丑土 — — X→	父母庚午火 ——
勾陈	兄弟甲辰土 —— 世	妻财己亥水 ——
朱雀 父母乙巳火	官鬼甲寅木 —— O→	兄弟己丑土 — — 应
青龙	妻财甲子水 ——	官鬼己卯木 ——

世爻辰土，月建助之，丑土动而化回头之生又来比助，虽则寅木鬼动，而世爻旺相，有助有扶，可以相敌，然后至辛丑日，恐又见凶非。后果因一言触怒上官，几被重谴，幸得解救而息。夫应解救者，因得日月之土帮扶也。

**主象休囚，怕见刑冲克害。**主象旺相，尚难敌乎刑冲克害之爻，况休囚耶！前篇所云：克害刑冲，秋霜杀草者，是也。

**用爻变动，忌遭死墓绝空。**旧注：死墓绝空，乃陷阱之地，若用爻动而化墓、化绝、化空、化死者，不问公私大小之事，皆主不成，占病逢之，必死无疑。

余得验者，化墓、化绝，若动爻旺相，或临日月，或日月帮扶，亦无大害。化墓者，冲开之月日而成；化绝者，逢生旺之月日而就。至于化空之说，更得多验，占谋事，实空之日必成；占近病，出空之日即愈。

**用化用，有用无用。**旧注：既有用爻，不可动而又化出来，谓之化去，或傍爻化出，皆不济事。

故虽有用，即如无用爻一般，占病尤忌。

**野鹤曰**：此论未当。夫用爻化出用爻，若化进神，诸占皆吉，即使他爻动出者，更得比助帮扶，何谓无用？岂不知太过者损之斯成！又曰：用爻重叠，得墓库以收藏，如果用神太多，待至伤损之日、墓库之日，成之更稳，反曰无用，非也。此宜删之。

**空化空，虽空不空**。余得验者，不独空化空不为空；动，即不为空矣。为祸为福，冲空、实空之月日必应。

**养主狐疑，墓多暗昧**。此亦长生沐浴十二位之星是也，余得验者，只用生、旺、墓、绝，其余不验，今之化出者，亦验生、旺、墓、绝。墓者，滞也，用神动而化墓者，近病、久病遇之，皆主昏迷之象。用神旺者，冲开墓库之日则安；用神休囚者，而又被刑冲克害，则主难愈。逢空者，近病者愈，久病者凶。捕获遇之，深藏难觅；身命遇之，愚蒙不振；失脱遇之，暗藏不见；婚姻遇之，迟滞难成，大抵皆暗昧不明之象也。

如若动爻化墓，而墓神回头克动爻，勿以暗昧昏滞而论，乃凶兆也，忌回头之克我者是也。如若墓神为鬼，回头克用，更凶。化养、化病、化胎及化沐浴，俱不验，已尽删矣。

**化生旺兮，祸福有三**。生者，动爻化长生也。如亥水动化出申金，既化长生，又曰化回头之生；化酉金者，不曰化沐浴，而亦曰化回头之生。此二生者，动爻有气，化爻旺相，诸占皆吉。

旺者，长生之第五位者是也，金木水火而化旺，即是化进神。且如申金化酉金，亥水化子水，寅木化卯木，巳火化午火，凡占，无不亨吉。惟土寄生于申，旺于子，不为进神。辰戌未土，动而化出子爻者，乃为化旺；丑土化出子爻者，既为化旺，又为化合，凡占皆吉。

**化官鬼兮，吉凶有二**。动爻变出官鬼，吉凶有二，何也？占功名者，世爻旺相，或临日月，或日月生扶，动而变出官星，又无破损，乃为得官之兆。世若休囚被克，动而变出官星者，乃为变鬼，不且艰于食禄，须忧大限将临。

如：戌月 甲寅日（旬空：子丑），占候选何时得缺？得“益之蹇”

	巽宫：风雷益	兑宫：水山蹇
玄武	兄弟辛卯木 —— 应○→	父母戊子水 - -
白虎	子孙辛巳火 ——	妻财戊戌土 ——
螣蛇	妻财辛未土 - -	官鬼戊申金 - - 世
勾陈 官鬼辛酉金	妻财庚辰土 - - 世X→	官鬼丙申金 ——
朱雀	兄弟庚寅木 - -	子孙丙午火 - -
青龙	父母庚子水 —— ○→	妻财丙辰土 - - 应

世临月破，寅日伤克，又上爻动出卯木克之，有克无生，世爻变出官星，乃为变鬼，竟未得缺，而卒于次年寅月矣。犹神告曰：命限当危，功名不必望矣。

又如：巳月 壬申日（旬空：戌亥），占开店贸易，得“坤之剥”

	坤宫：坤为地(六冲)	乾宫：山地剥
白虎	子孙癸酉金 - - 世 X→	官鬼丙寅木 ——
螣蛇	妻财癸亥水 - -	妻财丙子水 - - 世
勾陈	兄弟癸丑土 - -	兄弟丙戌土 - -
朱雀	官鬼乙卯木 - - 应	官鬼乙卯木 - -
青龙	父母乙巳火 - -	父母乙巳火 - - 应
玄武	兄弟乙未土 - -	兄弟乙未土 - -

占生意，看财爻。此卦财临月破，虽然子动生财，而生之不起，况世与子孙一同变鬼，不惟营运难图，今秋必因子女以致官非。果于八月，因子赌博送官，子受杖刑而死，此应酉金子孙变鬼也。

**忌回头之克我。**爻动而化克者，如金爻动，变火克金，木爻动，变金克木，谓之回头克我也。余仿此。**觉子曰**：余存占验，凡见回头之克，占病、占寿、占年运者得之，十有九死。亦有占名利，或占家庭细务而得之者，亦见危亡，其故何也？

盖其人大限已至，自己无知，而犹有名利之求，如神告曰：尔不知尔数已尽，何用他求？警戒勿贪，庶不蹈于罗网，即使不能回避，亦可保其正终，疑神之告，或此意乎。

**野鹤曰**：官鬼持世，化子孙回头之克，验之有四：现任官得之，有应伤子者，有应削职者，有应夭寿者；士庶得之，有应自身损寿者，有应伤子者。凡得此卦，必须命之再占，合而决之，方可一言定断。惟占防患者相宜，倘化出子孙，克去身边之鬼，必无忧也。

凡占六亲，最忌化回头之克。即如占父母，父临巳午火，若化亥子水，回头克父，乃父母不寿之片。

如：酉月 己丑日（旬空：午未），占师尊官事何如？得“屯之震”

	坎宫：水雷屯	震宫：震为雷(六冲)
勾陈	兄弟戊子水 - -	官鬼庚戌土 - - 世
朱雀	官鬼戊戌土 —— 应 O→	父母庚申金 - -
青龙	父母戊申金 - - X→	妻财庚午火 ——
玄武	妻财戊午火 官鬼庚辰土 - -	官鬼庚辰土 - - 应
白虎	子孙庚寅木 - - 世	子孙庚寅木 - -

螣蛇

兄弟庚子水 ——

兄弟庚子水 ——

断曰：申金父母爻为用神，已入墓矣，又化回头之克，目下已定重罪矣，彼问：能减等否？余曰：不独减等，且必不遭刑，今岁辰年，岁、五相生而不克，况父爻又遇青龙，决非刑究。但午火旬空，防午年出空，必得善终。

又出命贴看之：

壬 戊 戊 甲

辰 申 寅 寅

余曰：乃食神制杀格。今年交丙运，乃梟神夺食之运，幸七月坚金，丙运焉能熔化？须防丙年丙月烈火煎金，正合前卦午火实空之年。

后闻已定重罪，蒙改缓决，至丙午年丙月丙日得肺疾，痰厥而终，正是午火实空之岁。此乃代占六亲忌回头之克，又是命卦合成一理。

**勿反德以扶人。**古法：相生须要他生我，相克还宜我克他。如占彼此两家之事者，宜应爻而生世；如占财者，宜财生世；如占官者，宜官生世。若世去生助他爻，则泄尽自己之气矣。

**恶曜孤寒，怕日辰之并起。**刑冲克害之爻，即为恶曜，非诸星之凶煞也。凡见此爻动而冲克用神者，若此星孤立无助，或休囚无力，虽则伤害用神，而用神旺相者，可以相敌，必然无碍，有祸亦轻。最怕日辰动爻助之为虐，彼必狐假虎威，倚势作恶，得祸不浅矣。与前“月将日辰”章内“最怕他爻增克制”之意同。

**用爻重叠，喜墓库以收藏。**旧注：用爻重叠，若无日辰动爻损之，必须得墓库收藏，方于凡占有济。

昔存占验。如：丁丑日（旬空：申酉），占财，得“益之萃”

	巽宫：风雷益	兑宫：泽地萃
青龙	兄弟辛卯木 —— 应○→	妻财丁未土 - -
玄武	子孙辛巳火 ——	官鬼丁酉金 —— 应
白虎	妻财辛未土 - - X→	父母丁亥水 ——
螣蛇 官鬼辛酉金	妻财庚辰土 - - 世	兄弟乙卯木 - -
勾陈	兄弟庚寅木 - -	子孙乙巳火 - - 世
朱雀	父母庚子水 —— ○→	妻财乙未土 - -

彼断曰：卦有两财，而初爻、上爻又化出两财，日辰又是财，本为太过，喜得世爻上有辰字，乃为财库，谓之财有库以收藏，后主得财。余以此论极其得理，屡试屡验，但不必卦中有库无库，

常见后来逢库之月日，亦成其事。

如：午月 戊午日（旬空：子丑），占何日雨，得“升之恒”

	震宫：地风升	震宫：雷风恒
朱雀	官鬼癸酉金 - -	妻财庚戌土 - - 应
青龙	父母癸亥水 - -	官鬼庚申金 - -
玄武 子孙庚午火	妻财癸丑土 - - 世 X→	子孙庚午火 ——
白虎	官鬼辛酉金 ——	官鬼辛酉金 —— 世
螣蛇 兄弟庚寅木	父母辛亥水 ——	父母辛亥水 ——
勾陈	妻财辛丑土 - - 应	妻财辛丑土 - -

友人持此卦问余曰：今日占雨，父母不动，而丑土之财又化出午火回头之生，竟是大旱之年。余曰：壬戌日必雨。友曰：父临月建，阴雨连旬，今子孙临月建，亦同此意，如何得雨？余曰：午火子孙临日月，旺之极矣，乃为用爻重叠，逢墓库以收藏，故知戌日必雨也。果于戌日申时雨。

又如：丑月 丙申日（旬空：辰巳），有富室子年仅十七，占终身功名，得“既济之泰”

	坎宫：水火既济	坤宫：地天泰(六合)
青龙	兄弟戊子水 - - 应	父母癸酉金 - - 应
玄武	官鬼戊戌土 —— O→	兄弟癸亥水 - -
白虎	父母戊申金 - -	官鬼癸丑土 - -
螣蛇 妻财戊午火	兄弟己亥水 —— 世	官鬼甲辰土 —— 世
勾陈	官鬼己丑土 - - X→	子孙甲寅木 ——
朱雀	子孙己卯木 ——	兄弟甲子水 ——

予得此卦，知其天寿而不便明言，惟云功名尚早，重重鬼动克世，连年还有病灾，过二十岁脱此鬼厄再问功名。顷之，其业师问曰：既问终身功名，何缘多鬼克世？余曰：神报寿夭，故不以功名告也。问防于何时？余曰：今年太岁在丑，难过十九辰年。彼又问：辰年冲去戌土之鬼，如何不利？余曰：非也，辰乃土鬼之墓，鬼太旺，必须墓库收藏，已而死于辰年戌月。

**事阻隔兮间发。**旧注：世应中间两爻谓之间爻，动则事多阻隔。谓此两爻，居世应之中，动阻两家之事，使彼此不能相通也。又曰：世应中间两间爻发动，所求多阻隔。

**觉子曰**：以此两爻作为间爻，试之果验。须看所占何事，惟彼此两家之事，始可用之。如婚姻，以之为媒妁；词讼，以之为中说；买卖，以之为牙行；借贷成交，以之为中保；舟车，以之为附载；交游，以之为帮闲；胎产，以之为收生保母。

**野鹤曰**：世为己，应为人，彼此欲相亲者，若遇间爻发动，不可概以阻隔断之，若得动而生合世应，反得此辈之力。近世爻者，帮我之人也。近应爻者，扶彼之人也。生我者，我当亲之；克我者，我宜远之。独忌克乎世应，事必难成。

克我者，坏我之事，我被其愚；克应者，坏彼之事，他为所诱。若持史动，其害犹小，破阻其事，不过耗财而已；若持鬼动，定受其累而为祸不浅也。

如：巳月 庚辰日（旬空：申酉），占买宅，得“临之大壮”

	坤宫：地泽临	坤宫：雷天大壮（六冲）
螣蛇	子孙癸酉金 — —	兄弟庚戌土 — —
勾陈	妻财癸亥水 — — 应	子孙庚申金 — —
朱雀	兄弟癸丑土 — — X→	父母庚午火 ——— 世
青龙	兄弟丁丑土 — — X→	兄弟甲辰土 ———
玄武	官鬼丁卯木 ——— 世	官鬼甲寅木 ———
白虎	父母丁巳火 ———	妻财甲子水 ——— 应

世爻卯木，应爻亥水，乃是世应相生，必成之象。但嫌亥临月破，不能生世，况间爻三重丑土发动，乃成群之小人从中破事，难许成交。彼曰：已付样银，因彼用人与说合者多索偏费，未遂其次，故伊悔言不卖。余曰：应爻破而被克，今即多许之，亦不成也。

后果不成，退回样银。此公大怒，洩当道亲友赴理，尽叱其非，彼亦甘受。余详卦中之间爻三重土动，近应爻者，即如卖主身畔之人也；克应爻者，破阻卖宅不成而无财也；近世爻之土，亦克应爻者，即是卖主央去亲友，众叱其非也。

**觉子曰**：凡遇间爻动者，若得日月冲克，可解。

**心退悔兮世空**。旧注：自占，世为主象，若无日月动爻伤克，而世爻无故自空者，必主自心懒惰，不肯向前。**野鹤曰**：此论极是。前曰无故自空如入深渊大壑，凡占大凶者，非也。**觉子曰**：《易林补遗》有云：世应皆空，两下目前退悔，主宾皆动，二边日后更张。所以不独世不宜空，应亦不宜空也，故曰世应皆空，事无准实。至于凡动而空者，不以此论。

**卦爻发动，须看交重**。旧注：交动，主未来事；重动，主过去事。余亦多试，间有验者，但大凡爻象，有一定而不可移者，始可以为准绳，其间有验者，乃偶然凑合耳，不可执以为法也。

**动变比和，当明进退**。见“进退”章。

**杀生身，莫将吉断；用克世，勿作凶推**。盖生中有刑害之两防，合处有克伤之一虑。

杀生世者，是日月动爻作忌神而生世也，非凶煞也，不以吉断者，何也？谓忌神既旺，用神衰

矣，世虽逢生，究竟有何益哉？

如：戌月 丙子日（旬空：申酉），占父任云南，何时得信？得“地泽临”

坤宫：地泽临

青龙 子孙癸酉金 — —  
 玄武 妻财癸亥水 — — 应  
 白虎 兄弟癸丑土 — —  
 螣蛇 兄弟丁丑土 — —  
 勾陈 官鬼丁卯木 — 世  
 朱雀 父母丁巳火 —

占信者，朱雀巳火父母为用神。日辰子水克巳火，即为忌神；戌月，乃巳火之墓，亦为忌神。此巳火月墓、日克，音信杳无之兆也，而世爻卯木，虽遇日生月合，何益于事？杀生身，勿将吉断，此之谓也。占后，迟四年得信，知而父遇害矣。

**觉子曰**：用克世，乃用神来克世也。勿作凶看者，据旧注：主事爻动来克世，乃为是事来就我，事必易成，我虽见克，亦何伤哉？故云克世者不以为凶。余以此论未为全是。余之得验者，如占求财，财为用神，财爻克世者必得；占行人，用神克世者即归；占医药，子孙为用神，子孙克世者即愈。外此数占，俱不宜用神而克世也。若占功名，官鬼克世，非祸即灾，不得概曰勿作凶看也。

如：丑月 庚子日（旬空：辰巳），占关差得否？得“泰之明夷”

坤宫：地天泰(六合)

坎宫：地火明夷(游魂)

螣蛇	子孙癸酉金 — — 应	子孙癸酉金 — —
勾陈	妻财癸亥水 — —	妻财癸亥水 — —
朱雀	兄弟癸丑土 — —	兄弟癸丑土 — — 世
青龙	兄弟甲辰土 — 世	妻财己亥水 —
玄武	父母乙巳火 官鬼甲寅木 — — ○→	兄弟己丑土 — —
白虎	妻财甲子水 —	官鬼己卯木 — 应

占关差，以官鬼为用神。此卦辰土持世，寅木官鬼克之，因世爻空，即于壬寅日得差，次年三月，死于中途。岂可谓之：用克世，勿作凶看，得耶？

又如：午月 丙辰日（旬空：子丑），占伙居吉否？得“谦之明夷”

兑宫：地山谦

坎宫：地火明夷(游魂)

青龙	兄弟癸酉金 — —	兄弟癸酉金 — —
----	-----------	-----------

玄武	子孙癸亥水 — — 世	子孙癸亥水 — —
白虎	父母癸丑土 — —	父母癸丑土 — — 世
螣蛇	兄弟丙申金 —	子孙己亥水 —
勾陈	妻财丁卯木 官鬼丙午火 — — 应	父母己丑土 — —
朱雀	父母丙辰土 — — X →	妻财己卯木 — 应

占宅舍，以父母爻为用神。此卦辰土父母动而克世，不宜徙居。彼曰：业已成矣，奈何？余曰：目前不妨，秋时不利。盖因辰土动化卯木，至秋，木被金伤，辰土来克世矣。不听，至七月，地震，房屋倾倒，人眷被伤，此可谓之用克世不以为凶耶？

**刑害不宜临用。**主事爻与日月动爻作三刑者，占事不成，占物不佳，占病必死，占人有忧患，占妇人不贞节，占文书有破绽，占讼必有罪责，动而化刑者，亦然，惟临死者不验，故不注。

**死绝岂可持世。**用爻世爻绝于日辰，或化绝者，旧注：凡事不利。余以休囚被克而又绝者是也，旺相则无妨。

**动逢冲而事散。**见“六冲章”。

**绝逢生而事成。**大凡世与用神，或绝于日辰，或化绝，若得日月动爻生者，谓之绝处逢生。且如寅日占卦，酉为用神，酉绝于寅，若在辰戌丑未之月，或爻中动出辰戌丑未，以土生酉金，皆谓之绝处逢生也。余仿此。

**如逢合住，须冲破以成功，若遇休囚，必旺相而成事。**详“应期”章。

**速则动而克世，缓则静而生身。**此独占行人用之，他占不用。**野鹤曰**：用神动而克世者，行人回速也；用神静而生世者，行人归缓也。且如占父母何时回？以父母为用神，父母动而克世者，许之即归。余仿此。

**父亡而事无头绪，福隐而事不称情。**古法曰：卦中无父母，事无头绪，卦无子孙不喜悦。**野鹤曰**：此多事之论也。凡占事者，如用神、元神、仇神、忌神，克害刑冲、空绝破墓、日月飞伏，许多事例，尚无折衷之论，还敢寻不当用之爻耶？正恐枝叶多而头绪乱也。

**鬼虽灾祸，伏犹无气。**《天玄赋》中无鬼论，虽则有理，实亦多事。余生平以来，占官、占鬼、占疾病，当用者则用，不当用者则不用。

**子虽福德，多反无功。**

**觉子曰**：以之为忌神者，实不宜多；以之为用神者，多则何害？岂不闻损之斯成，逢墓库以收藏乎。

**虎兴而遇吉神，不害其为吉；龙动而逢凶曜，难掩其为凶。**此为得理，“六神”章内已解明矣。

**玄武为盗贼之事，亦必官爻；朱雀为口舌之神，必须兄弟。**此论欠当。玄武、朱雀、勾陈、螣蛇，动而不克世者，无碍；动而克世者，皆以为凶，何事分兄弟官鬼耶？

**吉凶神煞之多端，何如生克制化之一理。**此至言也，学者宜深味之。

**除恶未尽，死灰须防复燃。**刑冲克害之神，若得日月动爻克制者，须尽其根，若除之不尽，将来遇生扶之年月，仍复为祸。

如：卯月 甲申日（旬空：午未），占病，得“谦之蹇”

	兑宫：地山谦	兑宫：水山蹇
玄武	兄弟癸酉金 — —	子孙戊子水 — —
白虎	子孙癸亥水 — — 世 X →	父母戊戌土 — —
螣蛇	父母癸丑土 — —	兄弟戊申金 — — 世
勾陈	兄弟丙申金 — —	兄弟丙申金 — —
朱雀 妻财丁卯木	官鬼丙午火 — — 应	官鬼丙午火 — —
青龙	父母丙辰土 — —	父母丙辰土 — — 应

断曰：亥水子孙长生于申日，世遇日建之生，虽化戌土之克，春令土衰，卯月克制有救，无妨。果于丁亥日全愈。岂知卯木虽克戌土，却有相合之意，亥水虽遇长生，而戌土亦得长生于申，后至巳月，亥逢月破，巳火生助戌土，谚云：“斩草不除根，萌芽依旧发。”仍复旧病而死矣。

**伤害不重，枯木犹有逢春。**世与用神有气，若被日月动爻冲克者，目下虽遇克伤，他日逢生则再发矣。

如：子月 丁亥日（旬空：午未），占自陈，得“归妹之解”

	兑宫：雷泽归妹(归魂)	震宫：雷水解
青龙	父母庚戌土 — — 应	父母庚戌土 — —
玄武	兄弟庚申金 — —	兄弟庚申金 — — 应
白虎 子孙丁亥水	官鬼庚午火 — —	官鬼庚午火 — —
螣蛇	父母丁丑土 — — 世	官鬼戊午火 — —
勾陈	妻财丁卯木 — —	父母戊辰土 — — 世
朱雀	官鬼丁巳火 — — O →	妻财戊寅木 — —

巳火官星，冬令休囚之极，子月亥日，重重冲克，功名难保。彼问：革职乎？降调乎？余曰：若革职者，此巳火之官则不动矣，即动而化生，克之不尽，为功名有根也。况月建合世，官伤而身不动，降级留任有之。果于寅月革职留任。此乃日月冲克官星，害之不重耳。卯年占，巳年仍复原

职，岂非逢春再发之验耶。

**水木须要寻根。**凡占身命、家宅、功名、坟茔、贸易等事，欲其久远者，用神虽则为重，而元神必须兼看。盖，用神为事之体，元神为事之根，用神虽旺，而元神若被伤克者，即如木之无根、水之无源，乌能久远乎？金火土俱同此推。

如：午月 庚寅日（旬空：午未），占掣签得何处？得“大畜之中孚”

	艮宫：山天大畜	艮宫：风泽中孚（游魂）
螣蛇	官鬼丙寅木 ——	官鬼辛卯木 ——
勾陈	妻财丙子水 - - 应 X →	父母辛巳火 ——
朱雀	兄弟丙戌土 - -	兄弟辛未土 - - 世
青龙 子孙丙申金	兄弟甲辰土 —— O →	兄弟丁丑土 - -
玄武 父母丙午火	官鬼甲寅木 —— 世	官鬼丁卯木 ——
白虎	妻财甲子水 ——	父母丁巳火 —— 应

断曰：世临寅木官星，必得东缺，非广东即山东。独嫌子水月破，动而化绝，恐不能到任。彼问：何也？余曰：财为养命之源，又为朝廷之禄，今财临绝地，是无财无禄，世爻寅木无水滋生，实为凶兆。彼曰：改日虔诚再占一卦。余曰：可也。

又于：午月 甲午日（旬空：辰巳），得“临之节”

	坤宫：地泽临	坎宫：水泽节（六合）
玄武	子孙癸酉金 - -	妻财戊子水 - -
白虎	妻财癸亥水 - - 应 X →	兄弟戊戌土 ——
螣蛇	兄弟癸丑土 - -	子孙戊申金 - - 应
勾陈	兄弟丁丑土 - -	兄弟丁丑土 - -
朱雀	官鬼丁卯木 —— 世	官鬼丁卯木 ——
青龙	父母丁巳火 ——	父母丁巳火 —— 世

余曰：此与前卦卦名虽殊，其理一也，又是亥水财爻被回头之克，不独难以到任，还防秋令危灾。

此公于隔岁续弦，由南娶至都中，腊月有故而未成婚，改期四月，不意父为条陈下狱，不便成婚，午月己丑日占应何月成婚，得火泽睽卦，余许不是姻缘，竟无成婚之日。后欲上言代父之罪，余曰：公占功名，不能到任；又占婚姻，不能合婚。今欲行此，虽是孝念，秋里危灾，许多不便。幸信余言而止。

后果于七月先得泻疾，服药稍愈，因多服补剂参附，每服用至一两。想食冰水，医者嘱家人点水不与，渴极捶胸，竟至渴死。无水之验，以致如此。

**动爻何妨空破。**此论殊是。余得验者：

如：戌月 己巳日（旬空：戌亥），余占南行，得“大有之大壮”

	乾宫：火天大有(归魂)	坤宫：雷天大壮(六冲)
勾陈	官鬼己巳火 — 应 ○→	父母庚戌土 - -
朱雀	父母己未土 - -	兄弟庚申金 - -
青龙	兄弟己酉金 —	官鬼庚午火 — 世
玄武	父母甲辰土 — 世	父母甲辰土 —
白虎	妻财甲寅木 —	妻财甲寅木 —
螣蛇	子孙甲子水 —	子孙甲子水 — 应

余以应爻官星动而生世，为官贵相生，虽则可喜，但嫌巳火墓于戌月而又化墓，生我之官爻既入墓矣，乌能生我？兼是六冲之卦，疑为不吉。

至亥月 甲辰日（旬空：寅卯）又占，仍得“大有之大畜”

	乾宫：火天大有(归魂)	艮宫：山天大畜
玄武	官鬼己巳火 — 应	妻财丙寅木 —
白虎	父母己未土 - -	子孙丙子水 - - 应
螣蛇	兄弟己酉金 — ○→	父母丙戌土 - -
勾陈	父母甲辰土 — 世	父母甲辰土 —
朱雀	妻财甲寅木 —	妻财甲寅木 — 世
青龙	子孙甲子水 —	子孙甲子水 —

余疑又得此卦，巳火虽则生世，又为月破，破则不能生我，去之何益！况间爻酉金兄动，乃阻隔耗财之神，疑之，不行。

及至亥月 甲寅日（旬空：子丑）又占，复得“大有之大壮”

	乾宫：火天大有(归魂)	坤宫：雷天大壮(六冲)
玄武	官鬼己巳火 — 应 ○→	父母庚戌土 - -
白虎	父母己未土 - -	兄弟庚申金 - -
螣蛇	兄弟己酉金 —	官鬼庚午火 — 世
勾陈	父母甲辰土 — 世	父母甲辰土 —

朱雀 妻财甲寅木 —— 妻财甲寅木 ——  
 青龙 子孙甲子水 —— 子孙甲子水 —— 应

连得三次，余始悟曰：此行至明年三四月，必定如心。巳火之官动而生世，目下虽破衰入墓，明年三月冲开戌墓，巳火得出，而至巳月，当令得时，不空不破，旺相而生世矣。即于巳日起程，行至中途，遇旧识，其母新故，又遭回禄，资斧缺乏，意欲附行，余始悟第二卦间爻酉金兄动，乃附载同行之人也，数已早定，余许之同行。行未数日，又遇知己，道及某处有奇门一部，乃系抄本，命余同去买之，可绕道两日。余卜一卦，又得大有之大壮，余向友曰：“此卦得之四次，非令我买书，乃促我之行也。竟行，后至地头，时已二月矣。一日于将军府中，将军问曰：江南其抚军，功名将来何如？余曰：向于酉年占得艮之观卦，即许酉年离任，又许今年三四月，仍以原品起用。

随有一人卯月戊戌日，占目下功名升否？

于：卯月 戊戌日（旬空：辰巳），占目下功名升否？得“离之震”

	离宫：离为火(六冲)	震宫：震为雷(六冲)
朱雀	兄弟己巳火 —— 世○→	子孙庚戌土 - - 世
青龙	子孙己未土 - -	妻财庚申金 - -
玄武	妻财己酉金 ——	兄弟庚午火 ——
白虎	官鬼己亥水 —— 应○→	子孙庚辰土 - - 应
螣蛇	子孙己丑土 - -	父母庚寅木 - -
勾陈	父母己卯木 ——	官鬼庚子水 ——

余曰：离变震卦，六冲而变六冲，世爻化墓入墓，亥水官星动化回头之克，大凶之兆，勿望升迁，且防刑狱。将军曰：此吾侄也，昔在二十九岁，曾于都门向尔占过，许之四十九岁有险。今年四十九岁，有何险处？余曰：既是卦之前后照应，目下诸事更宜慎之。一日于藩司署中，藩台问余曰：此系本府府尊，因事误得罪制台，已为辩护，尔看何如？

于：卯月 庚子日（旬空：辰巳），占得“渐”卦

	艮宫：风山渐(归魂)
螣蛇	官鬼辛卯木 —— 应
勾陈	妻财丙子水 父母辛巳火 ——
朱雀	兄弟辛未土 - -
青龙	子孙丙申金 —— 世
玄武	父母丙午火 - -

白虎 兄弟丙辰土 — —

断曰：子孙持世，官临应爻，禄位已属他人矣，难于复职。藩台曰：令尔报喜，如何此说？余曰：有喜则报，此卦无喜可报也。府尊曰：今日恐不诚，明早请到敝处，诚意卜之。

卯月 辛丑日（旬空：辰巳），占得“晋”卦

乾宫：火地晋（游魂）

螣蛇 官鬼己巳火 —  
勾陈 父母己未土 — —  
朱雀 兄弟己酉金 — 世  
青龙 妻财乙卯木 — —  
玄武 官鬼乙巳火 — —  
白虎 子孙甲子水 父母乙未土 — — 应

余曰：今日之卦，与昨日相同，世爻破而入墓，官星两现皆空，辨复殊难。彼不服。余曰：何妨再卜一数。彼因诚敬祝之，又得“恒之大过”

震宫：雷风恒

震宫：泽风大过（游魂）

螣蛇	妻财庚戌土 — — 应	妻财丁未土 — —
勾陈	官鬼庚申金 — — X→	官鬼丁酉金 —
朱雀	子孙庚午火 —	父母丁亥水 — 世
青龙	官鬼辛酉金 — 世	官鬼辛酉金 —
玄武 兄弟庚寅木	父母辛亥水 —	父母辛亥水 —
白虎	妻财辛丑土 — —	妻财辛丑土 — — 应

余曰：恭喜！此地爵位虽已失矣，速行援例，再任西方。彼曰：何所见而云然？余曰：持世官星，破而入墓，所以知其失之就矣。幸五爻官化进神，明是再任之官也。

余在彼地，二月占过数卦，尚无应验。及至三月，将军之侄因昔年临阵不前，部中有人报出行文拿问；而都司王公于三月初六叫人针灸，错针筋脉，痛至十八而死；及至四月，道台老夫人全愈；又见邸报，江南抚军果以原品起用，又因本府府尊命下，不准复职，后援例，果于巳年补陕西庆阳府。时又有宪副在省，于

卯月 甲辰日（旬空：寅卯），占母病，得“夬之大壮”

坤宫：泽天夬

坤宫：雷天大壮（六冲）

玄武 兄弟丁未土 — — 兄弟庚戌土 — —

白虎	子孙丁酉金 — 世○→	子孙庚申金 - -
螣蛇	妻财丁亥水 —	父母庚午火 — 世
勾陈	兄弟甲辰土 —	兄弟甲辰土 —
朱雀	父母乙巳火 官鬼甲寅木 — 应	官鬼甲寅木 —
青龙	妻财甲子水 —	妻财甲子水 — 应

巳火父母伏于寅木之下，飞来生伏，月建又作父母之元神，太夫人已遇良医矣，今日酉时必有喜信，巳月全安。果于酉时，家人报有送来医者，服药对症、包治，许四月大愈。应酉时得信者，酉金子孙持世，酉时闻信而喜悦也。已而如所占焉。又有都阍，于

卯月 丁未日（旬空：寅卯），占官事，得“既济之屯”

	坎宫：水火既济	坎宫：水雷屯
青龙	兄弟戊子水 - - 应	兄弟戊子水 - -
玄武	官鬼戊戌土 —	官鬼戊戌土 — 应
白虎	父母戊申金 - -	父母戊申金 - -
螣蛇	妻财戊午火 兄弟己亥水 — 世○→	官鬼庚辰土 - -
勾陈	官鬼己丑土 - -	子孙庚寅木 - - 世
朱雀	子孙己卯木 —	兄弟庚子水 —

余曰：官事且缓，病灾甚危，三月须防不测。彼曰：我占官事，并非占病，况我无病，因足疾难于行动，所以未起，汝疑为病耶？

余漫应曰：公虽占官事，犹神意谓疾病之险，较官事为重，故神以重大者先告之也。既得此卦，无论有病与否，止观此世爻休囚之极，日神克之，动而变鬼，又为化墓，又化回头之克，即使健旺无疾，亦虑凶危。后果于三月初六日，令人针足，错针筋脉，疼至十八日而死。

又于：卯月 庚戌日（旬空：寅卯），占开铅矿有否？得“益之中孚”

	巽宫：风雷益	艮宫：风泽中孚（游魂）
螣蛇	兄弟辛卯木 — 应	兄弟辛卯木 —
勾陈	子孙辛巳火 —	子孙辛巳火 —
朱雀	妻财辛未土 - -	妻财辛未土 - - 世
青龙	官鬼辛酉金 妻财庚辰土 - - 世	妻财丁丑土 - -
玄武	兄弟庚寅木 - - X→	兄弟丁卯木 —
白虎	父母庚子水 —	子孙丁巳火 — 应

兄爻旺相，动而克世劫财，非大破其财而不止。彼曰：已开两月余矣，所费不貲，若无铅，予即止矣。余曰：兄动化进神，正是破耗之时，恐欲罢不能也。后闻此商开矿，直至水泉涌出而止。

余于彼处，三四五月了无宁日，始悟前火天大有之卦，连得四次，以巳火之官而生世爻，应巳月官贵以相生也，须知神报吉凶之月日，全在人之通变，不可依样而画符。虽然余之粗能稍悟者，总因多占之力耳。若非连得四次，余亦未必有此一行，余既验之，不吝谆谆以告。

大匠诲人，必以规矩；学者决断，全在灵机。古圣先贤，教人占卜，先教人以动静衰旺、生扶拱合、刑冲克害、破墓绝空，种种宜繁处，断不可草草放过，所以书宜熟读，理要细参，久之，自能触类旁通，随机应变，爻象一成，吉凶了如指掌矣。其用者重之，不用者去之，如是而犹有不验者，未之有也。若夫浮气精心及刻舟求剑者，不卜亦可。

**筮必诚心，子曰不忌。**天下事无不从心而生，心动求神，必须至诚，故曰：诚则形，形则聚，聚则明。心诚求之，卦之吉凶显而毕现矣。古有子不问卜之说，惟《黄金策》曰：只在诚与不诚，不在子与不子。诚哉是言也！

**占勿二念，早暮何妨。**一念之诚，可格天地；二簋之用，可享鬼神。若有心怀两三事而占者，念既不专，应何能一？念多心乱，即是不诚，故曰：遇事即占，不拘早晚，慎勿二念，二念不灵。曾有人先占求财，后占妻父之病者，于

辰月 乙丑日（旬空：戌亥），占求财，得“随之否”

	震宫：泽雷随(归魂)	乾宫：天地否(六合)
玄武	妻财丁未土 - - 应 X →	妻财壬戌土 —— 应
白虎	官鬼丁酉金 ——	官鬼壬申金 ——
螣蛇 子孙庚午火	父母丁亥水 ——	子孙壬午火 ——
勾陈	妻财庚辰土 - - 世	兄弟乙卯木 - - 世
朱雀	兄弟庚寅木 - -	子孙乙巳火 - -
青龙	父母庚子水 —— O →	妻财乙未土 - -

又占妻父病，得“水山蹇”

	兑宫：水山蹇
玄武	子孙戊子水 - -
白虎	父母戊戌土 ——
螣蛇	兄弟戊申金 - - 世
勾陈	兄弟丙申金 ——

朱雀 妻财丁卯木 官鬼丙午火 - -

青龙 父母丙辰土 - - 应

若依其祈祷之次序而断，先占是求财，满盘俱是财星，其财必获；后占是为妻父之病，父母临日月而不死。却不知二事皆由此人之念而出，神乃以前卦应占病，财动克父，丈人病死于辰日。应辰日者，财爻属土，辰乃土之墓也。

后卦反应求财，兄爻持世而不得。若非留神，前后参悟，以前卦断求财，以后卦而断丈人之病者，宁不令人喷饭？余故曰：“一念只占一事，不妨早占晚占，但心怀两事者，静夜求神，亦有错矣，此一道理，当预告占者。”

我事不可命人。我有心事，不可叫他人代我去占，盖我之一念，他又一念，是二念也！如何有效？曾有现任官，命家人代占防害。

于：卯月 戊戌日（旬空：辰巳），占主人目下有灾晦否？得“比之咸”

坤宫：水地比(归魂)

兑宫：泽山咸

朱雀 妻财戊子水 - - 应

兄弟丁未土 - - 应

青龙 兄弟戊戌土 ——

子孙丁酉金 ——

玄武 子孙戊申金 - - X→

妻财丁亥水 ——

白虎 官鬼乙卯木 - - 世 X→

子孙丙申金 —— 世

螣蛇 父母乙巳火 - -

父母丙午火 - -

勾陈 兄弟乙未土 - -

兄弟丙辰土 - -

此卦若以本人之念占防害者断之，最喜子孙克世，克去身边之鬼而无忧也。若以家人占主，以父母为用神，又以官爻而兼用，今巳火父爻旬空，空而墓于戌日，卯官虽临月建，难挡叠叠之金，目下虽则无妨，秋来岂无险厄？岂知此卦竟应本官自己之占，世爻为用神，子孙克世以解其忧，至申日，闻信云：有人往上司揭告，被人劝阻，讼之未成。若以家人占主而断之，如天远矣！

然又不可执此卦以为定法也，其间亦有不应主人之念，而应家人之念者，故曰：“我事务要亲占，命他人而代占者，难取用神，未能必验也。”

彼具诚心，特欲问神，让我先占，恐神不让，我发虔心，早已举念，迺他先卜，神必应吾。

曾于辰月癸未日，有人先欲占功名，因有长者在座，让彼先占子病，得“姤之涣”

干支：辰月 癸未日（旬空：申酉）

乾宫：天风姤

离宫：风水涣

白虎 父母壬戌土 ——

妻财辛卯木 ——

螣蛇	兄弟壬申金 —	官鬼辛巳火 — 世
勾陈	官鬼壬午火 — 应○→	父母辛未土 - -
朱雀	兄弟辛酉金 — ○→	官鬼戊午火 - -
青龙 妻财甲寅木	子孙辛亥水 —	父母戊辰土 — 应
玄武	父母辛丑土 - - 世	妻财戊寅木 - -

本人占功名，得“天泽履”

艮宫：天泽履

白虎	兄弟壬戌土 —
螣蛇 妻财丙子水	子孙壬申金 — 世
勾陈	父母壬午火 —
朱雀	兄弟丁丑土 - -
青龙	官鬼丁卯木 — 应
玄武	父母丁巳火 —

若以前卦断子病者，其子必死。何也？亥水子孙，日月伤克，世爻暗动，又伤子孙，元神酉金又被午火克坏，谓之“忌神旺而元神衰”，宁有全生之理？岂知本人举念在前，前卦而应乎功名。午火官动而生世，世动官兴，主丑月荣迁。后卦仍应父占子病，申金子孙，日月生之，应次日即愈。

又：巳月 辛巳日（旬空：申酉），有人占父病，偶遇官长至，让之先占，得“井之升”

震宫：水风井

震宫：地风升

螣蛇	父母戊子水 - -	官鬼癸酉金 - -
勾陈	妻财戊戌土 — 世○→	父母癸亥水 - -
朱雀 子孙庚午火	官鬼戊申金 - -	妻财癸丑土 - - 世
青龙	官鬼辛酉金 —	官鬼辛酉金 —
玄武 兄弟庚寅木	父母辛亥水 — 应	父母辛亥水 —
白虎	妻财辛丑土 - -	妻财辛丑土 - - 应

此卦乃官因目下缺出，而人四缺三，问我能得否而占也。断曰：申酉之官，俱逢空地，又被日月之克，空而被克，时下不能；幸得戌土生官，秋季方能有望。岂知此卦乃应前人占父病之卦也，戌土财动而克世，亥水父母日破、月破；元神空而被克，死于戌日。及官去，本人占之，得“乾之家人”

乾宫：乾为天(六冲)

巽宫：风火家人

螣蛇	父母壬戌土 —— 世	妻财辛卯木 ——
勾陈	兄弟壬申金 ——	官鬼辛巳火 —— 应
朱雀	官鬼壬午火 —— O→	父母辛未土 - -
青龙	父母甲辰土 —— 应	子孙己亥水 ——
玄武	妻财甲寅木 —— O→	父母己丑土 - - 世
白虎	子孙甲子水 ——	妻财己卯木 ——

此卦火局生父母，若断占父病，岂得死乎？殊不知应前官占功名也。寅午两爻，财官俱动，三合世爻而成官局，缘世在六爻，得粤东肇庆缺焉。

按此二卦何尝不灵，无奈人让而神不从，其所得之卦，仍视举意之次序何。

**他事由他动念，慎勿提他。**他之心事，未曾动念而占，我提醒他，叫他占之，乃我之念也。曾有父令子占功名。

于：午月 辛酉日（旬空：子丑），占功名，得“萃之遁”

	兑宫：泽地萃	乾宫：天山遯
螣蛇	父母丁未土 - - X→	父母壬戌土 ——
勾陈	兄弟丁酉金 —— 应	兄弟壬申金 —— 应
朱雀	子孙丁亥水 ——	官鬼壬午火 ——
青龙	妻财乙卯木 - - X→	兄弟丙申金 ——
玄武	官鬼乙巳火 - - 世	官鬼丙午火 - - 世
白虎	父母乙未土 - -	父母丙辰土 - -

此子年仅十五，其父叫他占将来有功名否？若以官星持世，夏火当令，未土父爻为文章，父化进神，功名有望。岂知父叫子占，乃父之念也，此卦圣意，故仍作父占子也。父动克子，兄动伤妻，妻死于申月，子卒于未年。未年死子者，未土父动，值未年以克子；七月伤妻者，卯木财爻绝于申之故也。

**野鹤曰：**余今亦曾叫人而占，然另有一法，先向其人曰：“尔之某事，须占一卦，以识吉凶。但目下念由我起，尔且莫就占，待少刻忘怀，尔忽自想起，另起念而占之，即为尔之念矣，则必无两岐之虑。”试之屡验。

**我占必以直告，切莫昧己。**此等极多，难以枚举。有为婚姻而故占月令；有为功名而故卜流年；有现任之官欲谋他人之缺，因不便明言，而故占在任之凶吉；有孝廉不显说卜会试，而混问功名；有已革职，止混问功名，而讳言起复；有已生子而故问有子与否？

如：未月 癸亥日（旬空：子丑），占流年，得“艮”卦

艮宫：艮为山（六冲）

白虎 官鬼丙寅木 —— 世  
 螣蛇 妻财丙子水 - -  
 勾陈 兄弟丙戌土 - -  
 朱雀 子孙丙申金 —— 应  
 青龙 父母丙午火 - -  
 玄武 兄弟丙辰土 - -

此人已往军前援例，故占流年，意谓命有功名，而流年必现。却不知占功名，以官为官，最喜官星持世；占流年，以官为鬼，不宜官鬼持世。余以此理告之，彼方曰：烦人援例，不知成否？余曰：此卦官星持世，长生于亥日，业已成矣！亥水为财，明是财旺生官也。至申日，文书实收果到。应申日者，寅木官星持世，静而逢冲之日也。若以流年作鬼断者，不验之咎，其谁任之？

又如：子月 乙酉日（旬空：午未），占现任吉凶，得“水天需”

坤宫：水天需（游魂）

玄武 妻财戊子水 - -  
 白虎 兄弟戊戌土 ——  
 螣蛇 子孙戊申金 - - 世  
 勾陈 兄弟甲辰土 ——  
 朱雀 父母乙巳火 官鬼甲寅木 ——  
 青龙 妻财甲子水 —— 应

此公因本省有缺出，讳言得否，故以现任之吉凶而问也，只谓卦吉，缺必能得。宁晓周易之理，问缺之得否？子孙持世而绝望；问现任之凶吉，子孙持世而休官。余明告此理，公曰：问升迁。余始断曰：此缺不可得也。果不得。若以之占现任之吉凶者，乃休官之兆也，不大相迳庭耶？

又如：午月 辛丑日（旬空：辰巳），有商人因母抱恙而故问流年，得“益之无妄”

巽宫：风雷益

巽宫：天雷无妄（六冲）

螣蛇	兄弟辛卯木 —— 应	妻财壬戌土 ——
勾陈	子孙辛巳火 ——	官鬼壬申金 ——
朱雀	妻财辛未土 - - X →	子孙壬午火 —— 世
青龙	官鬼辛酉金 妻财庚辰土 - - 世	妻财庚辰土 - -

玄武	兄弟庚寅木 — —	兄弟庚寅木 — —
白虎	父母庚子水 —	父母庚子水 — 应

贸易者，流年之占，以财爻为重。此卦旺财持世，未土之财又动，当许发财。若以问母病断者，最忌财爻发动，财动克母，其母死于甲辰日，应辰土出空之日也。后贤凡遇卜流年月令者，不妨以此理晓之，两无误矣。今此卦若以发财而断，保无谤乎。

**占远应近，务必留心。**天下之理生于动，有机则动矣。凡来占者，事临目前，神专情迫，而起课之人，精神亦聚，两心相感，立现吉凶。若事尚无机，或占后运，或占不关切之事，甚有作戏谈而问者，占卦之人不得已而应之，两心毫无相摄，卦亦茫然。故卦之成者，或以远占而报近事，或以远事而报近占也。

如：未月 丙辰日（旬空：子丑），占财，得“咸之大过”

	兑宫：泽山咸	震宫：泽风大过（游魂）
青龙	父母丁未土 — — 应	父母丁未土 — —
玄武	兄弟丁酉金 —	兄弟丁酉金 —
白虎	子孙丁亥水 —	子孙丁亥水 — 世
螣蛇	兄弟丙申金 — 世	兄弟辛酉金 —
勾陈 妻财丁卯木	官鬼丙午火 — — X →	子孙辛亥水 —
朱雀	父母丙辰土 — —	父母辛丑土 — — 应

此人因家中常见白人，疑有古窖，故尔闲问何时得财？余曰：卦中鬼变子孙，目下子女大有不利。彼曰：小女正在出痘。余曰：须防亥日。其女果死于亥日。应亥日者，午火鬼化亥水子也。彼问何年得财？神告目下死女，岂非占远应近之证耶？

又如：酉月 甲辰日（旬空：寅卯），占本月月令，得“遁之姤”

	乾宫：天山遯	乾宫：天风姤
玄武	父母壬戌土 —	父母壬戌土 —
白虎	兄弟壬申金 — 应	兄弟壬申金 —
螣蛇	官鬼壬午火 —	官鬼壬午火 — 应
勾陈	兄弟丙申金 —	兄弟辛酉金 —
朱雀 妻财甲寅木	官鬼丙午火 — — 世 X →	子孙辛亥水 —
青龙 子孙甲子水	父母丙辰土 — —	父母辛丑土 — — 世

世爻午火，动化亥水回头之克，辰年占卦，在午年子月而死，占月令而现寿元，此亦占近而应

远也。

又如：申月 戊辰日（旬空：戌亥），占贸易，得“比之井”

	坤宫：水地比(归魂)	震宫：水风井
朱雀	妻财戊子水 - - 应	妻财戊子水 - -
青龙	兄弟戊戌土 ——	兄弟戊戌土 —— 世
玄武	子孙戊申金 - -	子孙戊申金 - -
白虎	官鬼乙卯木 - - 世 X→	子孙辛酉金 ——
螣蛇	父母乙巳火 - - X→	妻财辛亥水 —— 应
勾陈	兄弟乙未土 - -	兄弟辛丑土 - -

此人尝往外方贸易，偶尔间问明岁利于何方？卦得世爻卯木，动化酉金冲克，七月占而八月死，犹神告尔数已终，何必来年之问？

**占此应彼，必须详察。**大凡占出卦象，必要详查。卦内每有不应所问，而反应所未问之事，盖神尝舍小事而报大事，舍小吉而报大凶；舍此应彼，舍彼应此；占我应他，占他应我。其何故也？乃因其旦夕祸福将临，机之一动，卦随现之耳，故曰：“知几其神”，此之谓也。

如：巳月 己未日（旬空：子丑），占小厮病，得“比之蹇”

	坤宫：水地比(归魂)	兑宫：水山蹇
勾陈	妻财戊子水 - - 应	妻财戊子水 - -
朱雀	兄弟戊戌土 ——	兄弟戊戌土 ——
青龙	子孙戊申金 - -	子孙戊申金 - - 世
玄武	官鬼乙卯木 - - 世 X→	子孙丙申金 ——
白虎	父母乙巳火 - -	父母丙午火 - -
螣蛇	兄弟乙未土 - -	兄弟丙辰土 - - 应

余曰：此卦不应小厮之病，而应今秋功名有碍。彼问：何也？余曰：世临卯木之官，化申金子孙回头之克，是以知之。彼曰：我问小厮，如何应在功名？余曰：神之机，常常如此，舍小事而报大凶，神之警公，诸事须宜慎之。果于七月，被论革职。此占他而应我也！

又如：申月 戊寅日（旬空：申酉），占身病，得“坤之比”

	坤宫：坤为地(六冲)	坤宫：水地比(归魂)
朱雀	子孙癸酉金 - - 世	妻财戊子水 - - 应
青龙	妻财癸亥水 - - X→	兄弟戊戌土 ——

玄武	兄弟癸丑土 - -	子孙戊申金 - -
白虎	官鬼乙卯木 - - 应	官鬼乙卯木 - - 世
螣蛇	父母乙巳火 - -	父母乙巳火 - -
勾陈	兄弟乙未土 - -	兄弟乙未土 - -

断曰：世爻酉金，虽绝于寅日，幸秋时旺相，自身无碍，九、十月须防妻妾之危，因亥水财爻化戌土回头之克也。彼曰：我病甚重。余曰：卦中子孙持世，不药可痊。自占后，病遂日减而愈，而妻于九月谢世矣，此又占我而应彼也。

又如：卯月 丙午日（旬空：寅卯），占小人口舌，得“乾之需”

	乾宫：乾为天(六冲)	坤宫：水天需(游魂)
青龙	父母壬戌土 —— 世○→	子孙戊子水 - -
玄武	兄弟壬申金 ——	父母戊戌土 ——
白虎	官鬼壬午火 —— ○→	兄弟戊申金 - - 世
螣蛇	父母甲辰土 —— 应	父母甲辰土 ——
勾陈	妻财甲寅木 ——	妻财甲寅木 ——
朱雀	子孙甲子水 ——	子孙甲子水 —— 应

余讶曰：既占口舌，如何得此吉卦？公问：何也？余曰：青龙天喜文书持世，午火官星临日建而生世，今年太岁在巳，岁君又生世爻，定有非常之喜不出十日应之。后问口舌成非否？余曰：疑神之报大喜之日即小人潜伏之时乎！果于戊申日报起用，群小慑避矣。应申日者，寅木财空，申日冲起寅木，以成三合之故耳，若不细加详察，而以口舌断，未有不误者也。

又如：未月 丁亥日（旬空：午未），占母病，得“坤之剥”

	坤宫：坤为地(六冲)	乾宫：山地剥
青龙	子孙癸酉金 - - 世×→	官鬼丙寅木 ——
玄武	妻财癸亥水 - -	妻财丙子水 - - 世
白虎	兄弟癸丑土 - -	兄弟丙戌土 - -
螣蛇	官鬼乙卯木 - - 应	官鬼乙卯木 - -
勾陈	父母乙巳火 - -	父母乙巳火 - - 应
朱雀	兄弟乙未土 - -	兄弟乙未土 - -

断曰：此卦不显母病，而主子女有灾。彼曰：何也？余曰：母之近病，今卦得六冲即能痊，可无庸忧也。惟爻中不宜子孙变鬼，故主子女有灾耳。彼曰：有小儿，生两月余矣。余曰：须防八月。

占后至八月，其子惊风，又来卜之。

于：酉月 丁卯日（旬空：戌亥），占子病，得“既济之革”

	坎宫：水火既济	坎宫：泽火革
青龙	兄弟戊子水 — — 应	官鬼丁未土 — —
玄武	官鬼戊戌土 —	父母丁酉金 —
白虎	父母戊申金 — — X→	兄弟丁亥水 — 世
螣蛇	妻财戊午火 兄弟己亥水 — 世	兄弟己亥水 —
勾陈	官鬼己丑土 — —	官鬼己丑土 — —
朱雀	子孙己卯木 —	子孙己卯木 — 应

断曰：卯木子孙临月破，又动出申金伤克，虽值日辰，难过酉日卯日。彼问：还有救否？余曰：向占母病，已应八月死子。今又得此凶象，何以救之？果死于卯日。应卯日者，乃实破之日也。

又如：向有好友贫乏，余揣银数两往赠，彼未知也，即浼占求财，约得二十余金方能了目前之局，不知得否？

于：丑月 甲申日（旬空：午未），占得“同人之离”

	离宫：天火同人（归魂）	离宫：离为火（六冲）
玄武	子孙壬戌土 — 应	兄弟己巳火 — 世
白虎	妻财壬申金 — O→	子孙己未土 — —
螣蛇	兄弟壬午火 —	妻财己酉金 —
勾陈	官鬼己亥水 — 世	官鬼己亥水 — 应
朱雀	子孙己丑土 — —	子孙己丑土 — —
青龙	父母己卯木 —	父母己卯木 —

日建作财以生世，此财必得。问得于何日？余曰：今日即得。彼曰：尚未说合，如何就得？余忽悟曰：是也，我欲赠他，他尚未知，必神告曰：目下就见财矣，何事他问也？余随出而与之，命其再占，得离卦，兄爻持世，卦得六冲。余曰：先得之卦，应我之赠，后卦绝无影响，果不得。此乃占彼而应此也。

**李我平曰**：《黄金策？千金赋》，乃诚意先生所著，昔人曰：有能易一字者，予以千金。因名之。时因盛行此书，射利者速而不工，以致钁板舛错，以讹传讹，遂非金璧。不意野鹤老人前后增删，直探理窟，另作解注，以还本来面目，真希世之奇编也。

〔乾按〕本章实乃卷一卷二之总复习，学者若对卷一卷二入门知识小有造诣，再读本章益莫大

焉！更难得者，内有野鹤老人增删解注之心得，数十年占卜之经验，对初学者析疑解惑，指点蹊径，犹如登高望远，大观则大见，小观则小见，精心研读，必能少走弯路，事半功倍。

## 卷之三

### 天时章

**天道旱涝不时，卦理阴晴可测。**古以晴雨之占，不可以自试其术而轻渎鬼神，如旱则求雨，涝则求晴，始可卜之。余曰：不然，正可以此自试其术也。夫卦之微妙，初学难知，以人事而试者，取验不速，以天时而试者，目前见效。天时之阴晴，人间之祸福，皆不离乎五行，天时得验，人事验矣。余初学卜，皆赖天时之巧应，而得其玄奥之旨趣也。

**子孙为日月星斗，动则万里晴光。**《黄金策》以财动者，八方咸仰晴光，非也。子孙发动，万里无云，子孙为财之元神，财动虽晴，倘若子孙休囚空破，或现而不动者，必不能大晴，当有浮云薄雾。

如：卯月 甲午日（旬空：辰巳），占晴，得“大壮之夬”

	坤宫：雷天大壮（六冲）	坤宫：泽天夬
玄武	兄弟庚戌土 — —	兄弟丁未土 — —
白虎	子孙庚申金 — — X →	子孙丁酉金 — 世
螣蛇	父母庚午火 — 世	妻财丁亥水 —
勾陈	兄弟甲辰土 —	兄弟甲辰土 —
朱雀	官鬼甲寅木 —	官鬼甲寅木 — 应
青龙	妻财甲子水 — 应	妻财甲子水 —

申金子动，化进神，申酉日大晴。或曰：凡存占验，当录巧验奇征，此卦显而易见，何故录之？余曰：使初学者易知耳，故先录之。

**父母为雨雹雪霜，发则八方润泽。**凡求晴雨，须要分占，念专于一而神告矣。又宜分请求于何地神曰：域内雨否？晴否？或城或乡，指其地而占之。不然，天下何日不晴？何日不雨耶？古法以父母为天地，天地闭塞，而日月掩藏，此亦近理。余以父母为浓云重雾，父动伤子，掩其日月也，所以，父爻发动，云雾迷天，日月掩藏而雨矣。

如：巳月 甲戌日 卯时（旬空：申酉），因连日大晴，本日卯时占何日雨，得“小过之旅”

	兑宫：雷山小过（游魂）	离宫：火山旅（六合）
玄武	父母庚戌土 — — X →	官鬼己巳火 —

白虎	兄弟庚申金 - -	父母己未土 - -
螣蛇 子孙丁亥水	官鬼庚午火 — 世	兄弟己酉金 — 应
勾陈	兄弟丙申金 —	兄弟丙申金 —
朱雀 妻财丁卯木	官鬼丙午火 - -	官鬼丙午火 - -
青龙	父母丙辰土 - - 应	父母丙辰土 - - 世

辰时起云，辰未巳初，雷雨交作。应辰时者，戌日冲辰父而暗动；雷雨交作者，戌化巳火鬼也。

**财动天气晴明。**财动克父，而使子孙不受父母之克，所以主晴。

如：酉月 乙巳日（旬空：寅卯），占本日阴晴，得“升之恒”

	震宫：地风升	震宫：雷风恒
玄武	官鬼癸酉金 - -	妻财庚戌土 - - 应
白虎	父母癸亥水 - -	官鬼庚申金 - -
螣蛇 子孙庚午火	妻财癸丑土 - - 世 X→	子孙庚午火 —
勾陈	官鬼辛酉金 —	官鬼辛酉金 — 世
朱雀 兄弟庚寅木	父母辛亥水 —	父母辛亥水 —
青龙	妻财辛丑土 - - 应	妻财辛丑土 - -

此卦丑土财动，化出午火子孙，上半日虽晴，常有浮云掩日，至午时之后，满天红日无云矣。故财爻虽主晴明，不免无云，必至午时而见子孙，始大晴也。

**官鬼雷霆雾电。**官鬼，乃父母之元神，动则生父，故主雷霆雾电。或为黑云，或应雷电，不拘春夏秋冬，不可执以为雷霆雾电看，浓云黑雾者亦是。

如：巳月 丁卯日（旬空：戌亥），占何日雨，得“恒之大过”

	震宫：雷风恒	震宫：泽风大过(游魂)
青龙	妻财庚戌土 - - 应	妻财丁未土 - -
玄武	官鬼庚申金 - - X→	官鬼丁酉金 —
白虎	子孙庚午火 —	父母丁亥水 — 世
螣蛇	官鬼辛酉金 — 世	官鬼辛酉金 —
勾陈 兄弟庚寅木	父母辛亥水 —	父母辛亥水 —
朱雀	妻财辛丑土 - -	妻财辛丑土 - - 应

世爻酉鬼暗动，申鬼明动化进神，本日申时，霹雳惊人，远方大雨，本处洒来数点耳。或曰：因父爻月破乎？余曰：非也，父爻若动，虽临月破，亦有大雨。

**应乃太虚，逢空，雨晴难定；世为大地，受克，天变非常。** 觉子曰：占雨用父爻，占晴用子孙及财爻，与世应何干？余尝占雨占晴，一卦不现，再占两卦，六爻不动者，务必求其动而验之，何必曰雨晴难定耶？假使有人问吉凶趋避者，亦可答曰我难定乎？至世爻受克而天变者，系偶然凑合一两卦耳，何得以之为法？余常占得官父兄爻克世者不少，然未见天变，此二句宜删之。

**若论风云，全凭兄弟。** 兄弟发动，虽主风云，乃风轻云淡之景，非晴非雨之天，故每见兄动而日月于云中穿走，乍隐乍现也。

如：午月 丁亥日（旬空：午未），占本日阴晴，得“遁之否”

	乾宫：天山遯	乾宫：天地否(六合)
青龙	父母壬戌土 ——	父母壬戌土 —— 应
玄武	兄弟壬申金 —— 应	兄弟壬申金 ——
白虎	官鬼壬午火 ——	官鬼壬午火 ——
螣蛇	兄弟丙申金 —— ○→	妻财乙卯木 - - 世
勾陈 妻财甲寅木	官鬼丙午火 - - 世	官鬼乙巳火 - -
朱雀 子孙甲子水	父母丙辰土 - -	父母乙未土 - -

或曰：兄动为风云，今日还是阴天。余曰：申时见日。彼问：何也？余曰：申金兄爻为云，化出卯木财爻，是由云雾中变出日色之象也。果一日阴云，申时而见日，次日卯时大晴。

**更详四季推寻，须配五行参决。**《黄金策》曰：父爻四时主雨，若临金水，雨大而不止；若临火土，雨小而不久。

觉子曰：此系不论衰旺，四时皆以父临水则雨大，临火则雨小。既不论旺衰，何后章又曰父持月建，必然阴雨连旬？设巳午未月，火土当令，正大雨施行之际，倘值父临火土而发动，若以旺衰而断者，父旺当主阴雨连旬。若以五行参决论，火土者又当断为雨小矣，古法之错，何以不删？更可笑者，旧注云：冬令以子孙为霜雪，夫既以子孙为霜雪，若冬令占晴，以何爻为用神？明昔贤悖理之缪，当时而不省悟者，何也？

如：子月 己亥日（旬空：辰巳），因连日雪，占何日晴，得“观之比”

	乾宫：风地观	坤宫：水地比(归魂)
勾陈	妻财辛卯木 —— ○→	子孙戊子水 - - 应
朱雀 兄弟壬申金	官鬼辛巳火 ——	父母戊戌土 ——
青龙	父母辛未土 - - 世	兄弟戊申金 - -
玄武	妻财乙卯木 - -	妻财乙卯木 - - 世

白虎	官鬼乙巳火 - -	官鬼乙巳火 - -
螣蛇	子孙甲子水 父母乙未土 - - 应	父母乙未土 - -

两爻火鬼暗动，今日仍是阴天，卯财化出子水子孙，明日卯时必晴。果于次日卯时，云开日出。此子水者，既临月建，又有亥日拱之，旺之无比，若以之为霜雪，不惟不晴，犹当雪深十尺矣。所以，占天时不论旺衰，亦未有以子孙为霜雪者也。

**晴或逢官，为烟为雾。**旧注卦得晴兆，爻中又有鬼动者，必有重雾浓云，或恶风晦暗，冬或大寒，夏或大热，必非风和日丽之天。余按此论有理，但宜分别时辰。

即如：辰月 己卯日（旬空：申酉），占本日阴晴，得“屯之临”

	坎宫：水雷屯	坤宫：地泽临
勾陈	兄弟戊子水 - -	父母癸酉金 - -
朱雀	官鬼戊戌土 — 应○→	兄弟癸亥水 - - 应
青龙	父母戊申金 - -	官鬼癸丑土 - -
玄武	妻财戊午火 官鬼庚辰土 - -	官鬼丁丑土 - -
白虎	子孙庚寅木 - - 世X→	子孙丁卯木 — 世
螣蛇	兄弟庚子水 —	妻财丁巳火 —

寅木子孙化进神，今日大晴，五爻戌土鬼动，戌亥时黑云必起。果于戌时，星斗无光。若以一日之烟雾断者，错也。

**雨而遇福，为电为虹。**谓卦得有雨之象，而子孙亦动者，非有闪电，则有彩虹，余以为非。

如：辰月 丙辰日（旬空：子丑），因连雨，占本日晴否？得“困之比”

	兑宫：泽水困(六合)	坤宫：水地比(归魂)
青龙	父母丁未土 - -	子孙戊子水 - - 应
玄武	兄弟丁酉金 —	父母戊戌土 —
白虎	子孙丁亥水 — 应○→	兄弟戊申金 - -
螣蛇	官鬼戊午火 - -	妻财乙卯木 - - 世
勾陈	父母戊辰土 — ○→	官鬼乙巳火 - -
朱雀	妻财戊寅木 - - 世	父母乙未土 - -

二爻土父既持月日，化巳火生之，有雨之兆，而亥水子孙亦动化申生，余不以虹电断，断申时天开，亥时晴霁。果于亥时万里无云，足证子孙为日月星斗，非为电为虹也。

**三合成财，问雨难堪八卦。**三合财局、子孙局者，主晴；三合父局，主雨；三合鬼局，黑雾迷

空，或电雷闪烁；三合兄局，主风。

**五乡连父，求晴怪杀临空。**旧注谓“父爻空而无雨，子孙及财爻空而不晴”。然余尝试之，父母休囚不动，实难雨，若值空者，不得谓无望也。故余每得父爻动而逢空不应，冲空之日即应。即应填实之期，百决百验。其子孙与财爻空者，亦同此断。

**财化鬼，晴明不久。**旧文“财化鬼，阴晴未定”，非也。

如：巳月 甲寅日（旬空：子丑），因久晴，占何日雨，得“既济之蹇”

	坎宫：水火既济	兑宫：水山蹇
玄武	兄弟戊子水 - - 应	兄弟戊子水 - -
白虎	官鬼戊戌土 ——	官鬼戊戌土 ——
螣蛇	父母戊申金 - -	父母戊申金 - - 世
勾陈 妻财戊午火	兄弟己亥水 —— 世	父母丙申金 ——
朱雀	官鬼己丑土 - -	妻财丙午火 - -
青龙	子孙己卯木 —— O→	官鬼丙辰土 - - 应

若以财化鬼阴晴未定 则此卯木子孙化辰土鬼 岂可曰阴晴未定耶？殊不知卯木子孙 卯日晴，辰土鬼，辰日则变而阴矣。余断此卦：辰日天阴，巳日必雨。何以知其巳日雨也？因申金父爻暗动，动而逢合之日也。果于辰日天变，巳日雨矣。故曰：子孙爻、财爻变鬼，晴之不久；父动化子化财，乃雨之不久，非阴晴难定也。

**父化兄，风雨靡常。**父化兄，父化鬼，或卦中父动兄动，皆主风雨交作。若以次序，则动先而变后。如兄化父，先风后雨；鬼化父，春夏占者先雷后雨。

**觉子曰**：鬼动，虽为雷电，应雷者少，黑云者多。不必拘泥。

**母化子，雨后晴明；弟化孙，云开日出。**旧文“母化子，雨后长虹垂蟒螭”，非也。

如：午月 乙卯日（旬空：子丑），因连日雨，本日亦雨，占何日晴，得“明夷之艮”

	坎宫：地火明夷（游魂）	艮宫：艮为山（六冲）
玄武	父母癸酉金 - - X→	子孙丙寅木 —— 世
白虎	兄弟癸亥水 - -	兄弟丙子水 - -
螣蛇	官鬼癸丑土 - - 世	官鬼丙戌土 - -
勾陈 妻财戊午火	兄弟己亥水 ——	父母丙申金 —— 应
朱雀	官鬼己丑土 - -	妻财丙午火 - -
青龙	子孙己卯木 —— 应 O→	官鬼丙辰土 - -

余曰：今日酉时，必见红轮西坠，明朝仍是阴天。彼问：何也？余曰：上爻酉父化子，故今日酉时见日；初爻卯木化辰鬼，明朝辰日，必是阴云。果于酉时忽尔见日天开，次日密云不雨。

**父持月建，必然阴雨连旬。**旧注：父母临月建而动者，雨必不止。**野鹤曰**：此以旺衰而言，余试不验。

如：午月 丙午日（旬空：寅卯），占何日雨，得“大壮之升”

	坤宫：雷天大壮(六冲)	震宫：地风升
青龙	兄弟庚戌土 - -	子孙癸酉金 - -
玄武	子孙庚申金 - -	妻财癸亥水 - -
白虎	父母庚午火 —— 世○→	兄弟癸丑土 - - 世
螣蛇	兄弟甲辰土 ——	子孙辛酉金 ——
勾陈	官鬼甲寅木 ——	妻财辛亥水 ——
朱雀	妻财甲子水 —— 应○→	兄弟辛丑土 - - 应

又如：申月 丙辰日（旬空：子丑），占何日雨，得“坎之困”

	坎宫：坎为水(六冲)	兑宫：泽水困(六合)
青龙	兄弟戊子水 - - 世	官鬼丁未土 - -
玄武	官鬼戊戌土 ——	父母丁酉金 ——
白虎	父母戊申金 - - X→	兄弟丁亥水 —— 应
螣蛇	妻财戊午火 - - 应	妻财戊午火 - -
勾陈	官鬼戊辰土 ——	官鬼戊辰土 ——
朱雀	子孙戊寅木 - -	子孙戊寅木 - - 世

前卦午火父动，未时大雨，酉时即晴；后卦申金父动，庚申日雨，辛酉日半阴半晴，至亥日大晴。按：前卦父持月建，兼临日辰；后卦父持月建，又辰日生之，如此之旺，且无风雨连旬，而况他乎？余试天时，旺衰不论。

**兄坐长生，拟定狂风累日。**余以为非也。

如：辰月 戊申日（旬空：寅卯），占本日阴晴，得“中孚之小畜”

	艮宫：风泽中孚(游魂)	巽宫：风天小畜
朱雀	官鬼辛卯木 ——	官鬼辛卯木 ——
青龙	妻财丙子水 父母辛巳火 ——	父母辛巳火 ——

玄武	兄弟辛未土 - - 世	兄弟辛未土 - - 应
白虎 子孙丙申金	兄弟丁丑土 - - X→	兄弟甲辰土 ——
螣蛇	官鬼丁卯木 ——	官鬼甲寅木 ——
勾陈	父母丁巳火 —— 应	妻财甲子水 —— 世

丑土兄动化进神，临月令，又长生于申日，若论衰旺，旺之极矣，并不见狂风累日，惟一日阴云而已。或问：兄动化进神，而不见狂风者，究以何爻而主狂风？余曰：木动化进神乃狂风也。

**父财无助，旱涝有常。**旧注：官鬼空伏，父母无气，而财爻旺动者，必旱；子孙空伏，妻财无气，而父爻旺动者，必涝。再遇日月动爻生扶者，必至浸没。

**觉子曰**：若重旺衰，此论何尝无理？但余存数十余年之占验，天时无日不占，时当涝者，官鬼动亦雨，兄弟动亦雨，父鬼休囚无气者，动亦有雨。时当旱者，即父持月建，亦不过浓云重雾，微雨沾尘而已。故章后云：竟发父官，连朝风雨。凡卦中遇父鬼乱发，而雨水连绵不止矣。

**福德带刑，日月必蚀。**此乃特占日月之论也，不可以占阴晴之卦，偶尔凑合者，遂妄断之。

**雨嫌妻位以逢冲。**占雨，倘父爻不动，而妻财暗动者，还主晴明；占晴，若子孙妻财不动，而父母暗动者，仍为有雨。

**晴利父官而化退。**旧文“晴利父爻之入墓”，谓父爻入墓，或动而化墓，必主晴霁，余以为非。父爻入墓，冲开之时则雨，何得利于占晴？惟父动化退神，则必晴也。

如：丑月 戊辰日（旬空：戌亥），久雪占晴，得“随之震”

	震宫：泽雷随(归魂)	震宫：震为雷(六冲)
朱雀	妻财丁未土 - - 应	妻财庚戌土 - - 世
青龙	官鬼丁酉金 —— O→	官鬼庚申金 - -
玄武 子孙庚午火	父母丁亥水 ——	子孙庚午火 ——
白虎	妻财庚辰土 - - 世	妻财庚辰土 - - 应
螣蛇	兄弟庚寅木 - -	兄弟庚寅木 - -
勾陈	父母庚子水 ——	父母庚子水 ——

鬼化退神，雪将止矣。果晴于酉时。凡得父化退神，雨将止；兄化退神，云欲开；子孙财爻化退神，晴不久。

**子伏财飞，淡云薄雾。**旧文“子伏财飞，曝夫犹抑郁”，谓财动虽主晴明，若子孙休囚空伏，乃阴晴之象。余以此论为是。故此章首句“妻财发动，八方咸仰晴光”改为“子孙发动，万里晴光”者，实此意也。

**父衰鬼旺，少雨浓云。**占雨，以父爻为主。若父爻不动，又不暗动，而官鬼动者，主云浓而雨少也。倘爻中变出父母者，不拘衰旺，皆主有雨。

**卦值暗冲，虽空有望。**父母官鬼，静而逢空，日建冲之，主雨；子孙财爻，静而逢空，日建冲之，主晴；木临兄鬼，静而逢空，日建冲之，主风；兄弟临空，日建冲之，主微风薄雾。

如：巳月 己卯日（申酉空），占何日晴，得“离卦”

离宫：离为火（六冲）

勾陈	兄弟己巳火	——	世
朱雀	子孙己未土	- -	
青龙	妻财己酉金	——	
玄武	官鬼己亥水	——	应
白虎	子孙己丑土	- -	
螣蛇	父母己卯木	——	

酉财旬空，本日建冲动，次日即晴，乃应动而逢合之日。

**福兴被克，冲则成功。**子孙爻动，而化回头克，或被动爻克，须待冲去克神之日，则晴。父母爻、财爻动化克者，同此断之。

如：丑月 甲戌日（旬空：申酉），占何日雨，得“震之豫”

震宫：震为雷（六冲）

震宫：雷地豫（六合）

玄武	妻财庚戌土	- -	世		妻财庚戌土	- -
白虎	官鬼庚申金	- -			官鬼庚申金	- -
螣蛇	子孙庚午火	——			子孙庚午火	—— 应
勾陈	妻财庚辰土	- -	应		兄弟乙卯木	- -
朱雀	兄弟庚寅木	- -			子孙乙巳火	- -
青龙	父母庚子水	——		○→	妻财乙未土	- - 世

子水父动，被未土回头克住，丑日当雨。夫应丑日者，冲去未土，合起子水父母而雨也。

**觉子曰：**旧文“爻逢合住，纵动无功”，非也。夫合住父爻，冲开之日必雨；合住财爻，冲开之日必晴。何谓无功，故删之。

**木动生风，风伯肆虐。**旧有兄弟木兴系巽风，冯夷肆虐。余以为木动生风，不在乎震与巽也。临子父、值财官，皆主有风，不在乎临于兄弟也。惟化进神则风大，否则风小，亦不在乎化水、化火也。

**金空则响，电母施威。**金鬼动而逢空，若遇本日建相冲，或后遇冲空、实空之日，必然雷动，谓之金空则响。金化金者，雷鸣迅疾；火鬼动者，电掣金蛇。此虽屡试屡验，然当决于雷作之时，勿断于收声之后。

**动而合，静而冲，勿临月破。**父母主雨，官鬼主浓云雷电，子孙财爻主晴。凡动者，应逢值逢合之日。静者，应逢值逢冲之日，若静而逢月破者，则不应之。若动而破者，仍应实破之日。

如：辰月 癸卯日（旬空：辰巳）因晴占何日雨，得蹇卦：

兑宫：水山蹇

白虎	子孙戊子水	- -
螣蛇	父母戊戌土	——
勾陈	兄弟戊申金	- - 世
朱雀	兄弟丙申金	——
青龙	妻财丁卯木	官鬼丙午火 - -
玄武	父母丙辰土	- - 应

或曰：卦中辰戌父爻，月建又是父爻，明日辰日，冲动戌父，必然有雨。余曰：戌临月破，如何有雨？阴云而已。果于次日常见阴云。

**冲则应，填则实，最喜动空。**或以为空则无功，殊不知动而空者，占晴占雨，若不应冲空之日，定应填实之朝。

如：未月 丙午日（旬空：寅卯），占何日雨，得“离之旅”

离宫：离为火（六冲）

离宫：火山旅（六合）

青龙	兄弟己巳火	—— 世	兄弟己巳火	——
玄武	子孙己未土	- -	子孙己未土	- -
白虎	妻财己酉金	——	妻财己酉金	—— 应
螣蛇	官鬼己亥水	—— 应	妻财丙申金	——
勾陈	子孙己丑土	- -	兄弟丙午火	- -
朱雀	父母己卯木	—— ○→	子孙丙辰土	- - 世

卯木父动，临于旬空，不雨于己酉日，必雨于卯日。或曰：如何不定一准日？余曰：不难，尔再占一卦。又得离卦，不动。余曰：此卦与前卦同，尔再占一卦，得“艮之谦”

艮宫：艮为山（六冲）

兑宫：地山谦

青龙	官鬼丙寅木	—— 世○→	子孙癸酉金	- -
----	-------	--------	-------	-----

玄武	妻财丙子水 - -	妻财癸亥水 - - 世
白虎	兄弟丙戌土 - -	兄弟癸丑土 - -
螣蛇	子孙丙申金 — 应	子孙丙申金 —
勾陈	父母丙午火 - -	父母丙午火 - - 应
朱雀	兄弟丙辰土 - -	兄弟丙辰土 - -

断曰：甲寅日阴云，乙卯日定雨，辰日而又晴矣。彼问：何以知之？余曰：此卦寅木鬼动，值旬空，出空之日，必定天变。前卦卯木父，变辰土子孙，故知卯日必雨，辰日必晴。果于寅日密云，卯日大雨，辰日大晴。所以动则不为空也。

**雨遇财兴，欲雨须得财墓绝。**占雨，须宜父动、鬼动，倘父、鬼不动，又见财与子孙动者，必待财子爻入墓之日，及临绝之日，方得有雨。占晴，须宜财动、子动，倘父母又动，须待父爻临墓绝之日，方能得晴。

如：戌月 丙午日（旬空：寅卯），占何日雨，得“坎之井”

	坎宫：坎为水(六冲)	震宫：水风井
青龙	兄弟戊子水 - - 世	兄弟戊子水 - -
玄武	官鬼戊戌土 —	官鬼戊戌土 — 世
白虎	父母戊申金 - -	父母戊申金 - -
螣蛇	妻财戊午火 - - 应 X →	父母辛酉金 —
勾陈	官鬼戊辰土 —	兄弟辛亥水 — 应
朱雀	子孙戊寅木 - -	官鬼辛丑土 - -

或曰：占雨而动财爻，定当无雨。余曰：非也。午火财爻，化出酉父，酉日本宜有雨，但因日建又是午火，必待戌日，午火入墓，方能有雨。果酉日天变，戌日而雨，午火财爻墓于戌也。

**晴逢子动，望晴只待子逢生。**占晴，得子孙财动；占雨，得父动，后逢长生之日应之。

如：卯月 丁巳日（旬空：子丑），占何日雨，得“涣之坎”

	离宫：风水涣	坎宫：坎为水(六冲)
青龙	父母辛卯木 — O →	官鬼戊子水 - - 世
玄武	兄弟辛巳火 — 世	子孙戊戌土 —
白虎	妻财己酉金 子孙辛未土 - -	妻财戊申金 - -
螣蛇	官鬼己亥水 兄弟戊午火 - -	兄弟戊午火 - - 应
勾陈	子孙戊辰土 — 应	子孙戊辰土 —

朱雀 父母戊寅木 — — 父母戊寅木 — —

卯木父动，当应雨于卯戌日，而却应长生亥日雨是也。

**竟发父官，连朝猛雨。**卦中父鬼重叠，又或鬼变父、父变鬼，父化兄、兄化父，或连日占，并不见子孙、财爻发动者，一定连旬风雨。

如：午月 乙卯日（旬空：子丑），占何日晴，得“晋之归妹”

乾宫：火地晋（游魂） 兑宫：雷泽归妹（归魂）

玄武 官鬼己巳火 ———— O→ 父母庚戌土 — — 应

白虎 父母己未土 — — 兄弟庚申金 — —

螣蛇 兄弟己酉金 ———— 世 官鬼庚午火 ————

勾陈 妻财乙卯木 — — 父母丁丑土 — — 世

朱雀 官鬼乙巳火 — — X→ 妻财丁卯木 ————

青龙 子孙甲子水 父母乙未土 — — 应 X→ 官鬼丁巳火 ————

父鬼叠见，乃连朝风雨之象。次日又占，又是鬼父同兴，果雨四十余日。

**多逢财子，累日晴明。**

如未月 甲午日（旬空：辰巳），占何日雨，得“屯之中孚”

坎宫：水雷屯 艮宫：风泽中孚（游魂）

玄武 兄弟戊子水 — — X→ 子孙辛卯木 ————

白虎 官鬼戊戌土 ———— 应 妻财辛巳火 ————

螣蛇 父母戊申金 — — 官鬼辛未土 — — 世

勾陈 妻财戊午火 官鬼庚辰土 — — 官鬼丁丑土 — —

朱雀 子孙庚寅木 — — 世 X→ 子孙丁卯木 ————

青龙 兄弟庚子水 ———— 妻财丁巳火 ———— 应

卦中父爻不动，子孙重迭化进神，疑其木爻入墓之日必雨耶。随令他人再占，又得财与子动。

次日又占，并无父动、鬼动，知其旱兆矣。果两月不雨。

**卦得反吟，晴雨终须反复。**

如：辰月 庚寅日（旬空：午未），占何日晴，得“观之升”

乾宫：风地观 震宫：地风升

螣蛇 妻财辛卯木 ———— O→ 兄弟癸酉金 — —

勾陈 兄弟壬申金 官鬼辛巳火 ———— O→ 子孙癸亥水 — —

朱雀	父母辛未土 - - 世	父母癸丑土 - - 世
青龙	妻财乙卯木 - - X→	兄弟辛酉金 ——
玄武	官鬼乙巳火 - - X→	子孙辛亥水 ——
白虎	子孙甲子水 父母乙未土 - - 应	父母辛丑土 - - 应

卯木财现，明日必晴。但卦得内外反吟，主晴而还雨。果于次日晴，晴而又雨矣。

**爻逢伏象，旱涝必待冲开。**伏吟卦，动如不动。子财动者，冲开之日必晴；父爻动者，冲开之日必雨。

如：辰月 甲戌日（旬空：申酉），占雨，得“大壮之震”

	坤宫：雷天大壮（六冲）	震宫：震为雷（六冲）
玄武	兄弟庚戌土 - -	兄弟庚戌土 - - 世
白虎	子孙庚申金 - -	子孙庚申金 - -
螣蛇	父母庚午火 —— 世	父母庚午火 ——
勾陈	兄弟甲辰土 —— O→	兄弟庚辰土 - - 应
朱雀	官鬼甲寅木 —— O→	官鬼庚寅木 - -
青龙	妻财甲子水 —— 应	妻财庚子水 ——

父爻不动，兄鬼同动，木动生风，有风而无雨也。即于本日申时冲开寅木，狂风大作。

**合父鬼冲开，有雷则雨，合财兄克破，无风不晴。**父母合住，本主不雨，若遇鬼动冲开，必待雷震而后有雨。卦中若无鬼爻动，而他爻冲动者，亦必有雨。他爻又无冲动者，须待冲开之日有雨。财子两爻被合，亦同此推。

**觉子曰：**合父鬼冲开，冲开之日必雨。合财、合子，冲克之日必晴。有雷有风者，仍偶然耳，不必拘泥。

**半晴半雨，卦中财父同兴。**旧注财父同兴，或子鬼同动，必然半雨半晴。余以为非也，彼不知各应其时耳。

如：酉月 癸未日（旬空：申酉），占何日晴，得“讼之兑”

	离宫：天水讼（游魂）	兑宫：兑为泽（六冲）
白虎	子孙壬戌土 —— O→	子孙丁未土 - - 世
螣蛇	妻财壬申金 ——	妻财丁酉金 ——
勾陈	兄弟壬午火 —— 世	官鬼丁亥水 ——
朱雀	官鬼己亥水 兄弟戊午火 - -	子孙丁丑土 - - 应

青龙	子孙戊辰土 ——	父母丁卯木 ——
玄武	父母戊寅木 - - 应 X →	兄弟丁巳火 ——

此卦子孙父母同兴，寅木父化巳火兄，又是一日阴雨，直到戌时晴霁。应戌时晴者，戌土子孙而值时也。

### 又雨又晴，爻上父子皆动。

如：巳月 丙申日（旬空：辰巳），占何日雨，得“临之蒙”

	坤宫：地泽临	离宫：山水蒙
青龙	子孙癸酉金 - - X →	官鬼丙寅木 ——
玄武	妻财癸亥水 - - 应	妻财丙子水 - -
白虎	兄弟癸丑土 - -	兄弟丙戌土 - - 世
螣蛇	兄弟丁丑土 - -	父母戊午火 - -
勾陈	官鬼丁卯木 —— 世	兄弟戊辰土 ——
朱雀	父母丁巳火 —— O →	官鬼戊寅木 - - 应

卦中父子同动，因巳火父空，亥日冲空则实，应亥日雨，而即于亥日酉时晴。应酉时者，上爻动出酉金子孙之故耳。余按：前卦父与子孙同动，戌土子孙，应本日戌时晴。后卦父与子孙同动，应他日之雨及晴之时也。**觉子曰**：即此两卦而论之，阴晴各有其时，岂可谓之半阴半晴耶！

### 知得占远应近，可赞为神。

如：酉月 初五戊子日（旬空：午未），占中秋雨，得“小过之丰”

	兑宫：雷山小过（游魂）	坎宫：雷火丰
朱雀	父母庚戌土 - -	父母庚戌土 - -
青龙	兄弟庚申金 - -	兄弟庚申金 - - 世
玄武	子孙丁亥水 官鬼庚午火 —— 世	官鬼庚午火 ——
白虎	兄弟丙申金 ——	子孙己亥水 ——
螣蛇	妻财丁卯木 官鬼丙午火 - -	父母己丑土 - - 应
勾陈	父母丙辰土 - - 应 X →	妻财己卯木 ——

卦中辰父发动，当许中秋有雨，殊不知应在初九壬辰日即雨。

即于：酉月 壬辰日（旬空：午未），又占中秋晴否？得“小畜之中孚”

	巽宫：风天小畜	艮宫：风泽中孚（游魂）
白虎	兄弟辛卯木 ——	兄弟辛卯木 ——

螣蛇	子孙辛巳火 ——	子孙辛巳火 ——
勾陈	妻财辛未土 - - 应	妻财辛未土 - - 世
朱雀 官鬼辛酉金	妻财甲辰土 —— O→	妻财丁丑土 - -
青龙	兄弟甲寅木 ——	兄弟丁卯木 ——
玄武	父母甲子水 —— 世	子孙丁巳火 —— 应

癸巳日又占，得“屯之中孚”

	坎宫：水雷屯	艮宫：风泽中孚(游魂)
白虎	兄弟戊子水 - - X→	子孙辛卯木 ——
螣蛇	官鬼戊戌土 —— 应	妻财辛巳火 ——
勾陈	父母戊申金 - -	官鬼辛未土 - - 世
朱雀 妻财戊午火	官鬼庚辰土 - -	官鬼丁丑土 - -
青龙	子孙庚寅木 - - 世 X→	子孙丁卯木 ——
玄武	兄弟庚子水 ——	妻财丁巳火 —— 应

前卦财动，后卦子动，父鬼并静，知其必晴也。果于中秋夜，月明星稀。

**识得卜日应时，方探其奥。**

辰月 癸巳日（旬空：午未），占甲午日竖造，此日有雨否，得“遁之咸”

	乾宫：天山遁	兑宫：泽山咸
白虎	父母壬戌土 —— O→	父母丁未土 - - 应
螣蛇	兄弟壬申金 —— 应	兄弟丁酉金 ——
勾陈	官鬼壬午火 ——	子孙丁亥水 ——
朱雀	兄弟丙申金 ——	兄弟丙申金 —— 世
青龙 妻财甲寅木	官鬼丙午火 - - 世	官鬼丙午火 - -
玄武 子孙甲子水	父母丙辰土 - -	父母丙辰土 - -

彼以父动有雨。余曰：每见占日应时，且看今日申戌时无雨，则来朝实有雨也。果本日申时雨。

彼又曰：如何申时雨？余曰：戌土长生在申也。又问：雨久否？余曰：父化退神，不久也，次日必晴。果于次日大晴。

**野鹤曰**：或问有动而逢合、逢值，可能实知其一曰乎？

余曰：昔人不晓多占之法，亦且不明此理，错断者有之，天机未宜全泄，全在人之变通。圣人

立教，设此天时，教人以验人事。即如子孙持世发动，占天时者，皓日当空，及至墓绝之日，黑暗无光；占身命者，得志峥嵘，后逢衰墓之年，灾迺叠至。故余首言教人以天时而验人事，取效之速也，今欲实知一日者不难。曾因一宦被论，有性命之忧，缘占得子孙持世，劝之勿惧，必蒙赦宥。彼疑之，欲自尽。余设一法，时

酉月 丙子日(旬空：申酉)，占何日雨，得“蒙之临”

	离宫：山水蒙	坤宫：地泽临
青龙	父母丙寅木 —— O→	妻财癸酉金 - -
玄武	官鬼丙子水 - -	官鬼癸亥水 - - 应
白虎 妻财己酉金	子孙丙戌土 - - 世	子孙癸丑土 - -
螣蛇	兄弟戊午火 - -	子孙丁丑土 - -
勾陈	子孙戊辰土 ——	父母丁卯木 —— 世
朱雀	父母戊寅木 - - 应 X→	兄弟丁巳火 ——

初、上爻寅木父兴，明知雨于寅日。

再令人占何日雨，又得“大壮之泰”

	坤宫：雷天大壮(六冲)	坤宫：地天泰(六合)
青龙	兄弟庚戌土 - -	子孙癸酉金 - - 应
玄武	子孙庚申金 - -	妻财癸亥水 - -
白虎	父母庚午火 —— 世 O→	兄弟癸丑土 - -
螣蛇	兄弟甲辰土 ——	兄弟甲辰土 —— 世
勾陈	官鬼甲寅木 ——	官鬼甲寅木 ——
朱雀	妻财甲子水 —— 应	妻财甲子水 ——

前卦寅木父动，当应寅日雨。此卦午火父动，火长生于寅，亦应寅日雨。

又令人占得“随之屯”

	震宫：泽雷随(归魂)	坎宫：水雷屯
青龙	妻财丁未土 - - 应	父母戊子水 - -
玄武	官鬼丁酉金 ——	妻财戊戌土 —— 应
白虎 子孙庚午火	父母丁亥水 —— O→	官鬼戊申金 - -
螣蛇	妻财庚辰土 - - 世	妻财庚辰土 - -
勾陈	兄弟庚寅木 - -	兄弟庚寅木 - - 世

朱雀 父母庚子水 —— 父母庚子水 ——

又见亥水父动，知寅日必雨无疑。何也？盖亥水父动，动而逢合之日，亦应寅日雨也。

又至：寅日五鼓（更），又占本日何时雨，得“睽之履”

干支：酉月 戊寅日（旬空：申酉）

	艮宫：火泽睽	艮宫：天泽履
朱雀	父母己巳火 ——	兄弟壬戌土 ——
青龙 妻财丙子水	兄弟己未土 - - X→	子孙壬申金 —— 世
玄武	子孙己酉金 —— 世	父母壬午火 ——
白虎	兄弟丁丑土 - -	兄弟丁丑土 - -
螣蛇	官鬼丁卯木 ——	官鬼丁卯木 —— 应
勾陈	父母丁巳火 —— 应	父母丁巳火 ——

余以前三卦俱应寅日雨，此卦未土兄弟动变申金子孙，此应一爻独发也，知未时必雨，申时大晴。清晨往彼处安慰曰：卜公之卦，子孙持世无忧，公不肯信，试看今日，未时雨，申时晴。公知我卦之灵，从此不须忧也。彼留於家，见午未未初雨从西南而来，未时大雨，申时云散天开。合家喜曰：真神卦也！余曰：既知天时，何难知人事耶？公宜宽心。占后半月，果蒙恩赦矣。

或曰，未土兄兴，何以指定未时必雨？余曰：神已前报寅日雨矣，今日再问，又报晴时耳？不然，目下已是晴天，如何又现申金子孙申时晴耶？故善卜者，贵机变。

辰月 丙子日（旬空：申酉），因雨占晴，得“巽之姤”

	巽宫：巽为风(六冲)	乾宫：天风姤
青龙	兄弟辛卯木 —— 世	妻财壬戌土 ——
玄武	子孙辛巳火 ——	官鬼壬申金 ——
白虎	妻财辛未土 - - X→	子孙壬午火 —— 应
螣蛇	官鬼辛酉金 —— 应	官鬼辛酉金 ——
勾陈	父母辛亥水 ——	父母辛亥水 ——
朱雀	妻财辛丑土 - -	妻财辛丑土 - - 世

又令人占，得“姤之乾”

	乾宫：天风姤	乾宫：乾为天(六冲)
青龙	父母壬戌土 ——	父母壬戌土 —— 世

玄武	兄弟壬申金 ——	兄弟壬申金 ——
白虎	官鬼壬午火 —— 应	官鬼壬午火 ——
螣蛇	兄弟辛酉金 ——	父母甲辰土 —— 应
勾陈	妻财甲寅木 子孙辛亥水 ——	妻财甲寅木 ——
朱雀	父母辛丑土 - - 世 X →	子孙甲子水 ——

又令人占，得“天雷无妄”

巽宫：天雷无妄(六冲)

青龙	妻财壬戌土 ——
玄武	官鬼壬申金 ——
白虎	子孙壬午火 —— 世
螣蛇	妻财庚辰土 - -
勾陈	兄弟庚寅木 - -
朱雀	父母庚子水 —— 应

三卦合而决之，知癸未日必大晴。前卦未土财化出午火子孙，古法谓之合住财爻不晴，余每验冲开之日必晴。况此卦子日占之，子水已冲开午火，而未土不能作合，故知未日必晴。

二卦，丑土父母为雨，化出子水子孙为晴，亦应未日冲开丑土，而子水子孙不能与丑作合，亦当晴于未日。三卦，午火子孙，子日冲之而暗动，动而逢合之日，亦应晴于未日。至癸未日，果无片云翳日。

又如：寅月 癸酉日（旬空：戌亥），因连雨，占何日晴，得“坎之节”

坎宫：坎为水(六冲)

坎宫：水泽节(六合)

白虎	兄弟戊子水 - - 世	兄弟戊子水 - -
螣蛇	官鬼戊戌土 ——	官鬼戊戌土 ——
勾陈	父母戊申金 - -	父母戊申金 - - 应
朱雀	妻财戊午火 - - 应	官鬼丁丑土 - -
青龙	官鬼戊辰土 ——	子孙丁卯木 ——
玄武	子孙戊寅木 - - X →	妻财丁巳火 —— 世

寅木子孙独发，亥日不晴则寅日必晴。许亥日者，动而逢合之日也；许寅日者，寅木而值日也。但亦不能实指一日，又命之占，得“夬之需”

	坤宫：泽天夬	坤宫：水天需(游魂)
白虎	兄弟丁未土 — —	妻财戊子水 — —
螣蛇	子孙丁酉金 — 世	兄弟戊戌土 —
勾陈	妻财丁亥水 — O→	子孙戊申金 — — 世
朱雀	兄弟甲辰土 —	兄弟甲辰土 —
青龙 父母乙巳火	官鬼甲寅木 — 应	官鬼甲寅木 —
玄武	妻财甲子水 —	妻财甲子水 — 应

前卦寅木子孙动而主晴，尝有应在动而逢合之亥日，亦有应在寅日；此卦亥水财动，故知亥日无疑，况亥值旬空，亦应实空之日。果亥日大晴。

又如：申月 己卯日（旬空：申酉），因清晨天阴，占今日雨否，得“夬之大壮”

	坤宫：泽天夬	坤宫：雷天大壮(六冲)
勾陈	兄弟丁未土 — —	兄弟庚戌土 — —
朱雀	子孙丁酉金 — 世 O→	子孙庚申金 — —
青龙	妻财丁亥水 —	父母庚午火 — 世
玄武	兄弟甲辰土 —	兄弟甲辰土 —
白虎 父母乙巳火	官鬼甲寅木 — 应	官鬼甲寅木 —
螣蛇	妻财甲子水 —	妻财甲子水 — 应

因天阴而问雨，神不报雨，而报酉时水晴，余疑神意谓雨已至矣，雨则不久，酉时即晴。果于午未时小雨，申时云开，酉时大晴。此卦恒多，后贤须宜会意，要知雨已来矣，神不报雨而报晴。

或曰，酉金爻动，动而逢冲谓之散，又化退神，如何亦晴？余曰：旺金如何得散？申金月建，如何为退？

又如：卯月 甲辰日（旬空：寅卯），天阴占雨，得“艮之乾”

	艮宫：艮为山(六冲)	乾宫：乾为天(六冲)
玄武	官鬼丙寅木 — 世	兄弟壬戌土 — 世
白虎	妻财丙子水 — — X→	子孙壬申金 —
螣蛇	兄弟丙戌土 — — X→	父母壬午火 —
勾陈	子孙丙申金 — 应	兄弟甲辰土 — 应
朱雀	父母丙午火 — — X→	官鬼甲寅木 —
青龙	兄弟丙辰土 — — X→	妻财甲子水 —

从今日阴起，有思日不晴，或问今日晴否？余曰：辰土兄化子水财，子水长生于申，申酉时必晴。明日巳日，或晴或雨，午未日必有大雨，申日大晴。或问故。余曰：自初爻辰土一动，连动四爻，父化鬼、兄化父，乃连朝之不晴也，五爻子水财化申金子，故知申日必晴。已而连日或阴、或雨、或晴，直至申日大晴。

又如：巳月朔日 庚辰日（旬空：申酉），占一月阴晴，得“坤之师”

	坤宫：坤为地(六冲)	坎宫：地水师(归魂)
螣蛇	子孙癸酉金 - - 世	子孙癸酉金 - - 应
勾陈	妻财癸亥水 - -	妻财癸亥水 - -
朱雀	兄弟癸丑土 - -	兄弟癸丑土 - -
青龙	官鬼乙卯木 - - 应	父母戊午火 - - 世
玄武	父母乙巳火 - - X→	兄弟戊辰土 ——
白虎	兄弟乙未土 - -	官鬼戊寅木 - -

或曰，巳火父爻动。父持月建，阴雨连旬，此卦巳火父动，又是父化兄，风雨靡常，此月必涝。余曰：书中固有此说，余试不验，明日巳日必雨，他日未必。果于次日小雨。所以前篇余辟其阴雨连旬之谬也，后贤不可不察之。

又如：巳月 辛卯日（旬空：午未），占次日阴晴，得“遁之咸”

	乾宫：天山遯	兑宫：泽山咸
螣蛇	父母壬戌土 —— O→	父母丁未土 - - 应
勾陈	兄弟壬申金 —— 应	兄弟丁酉金 ——
朱雀	官鬼壬午火 ——	子孙丁亥水 ——
青龙	兄弟丙申金 ——	兄弟丙申金 —— 世
玄武	妻财甲寅木 官鬼丙午火 - - 世	官鬼丙午火 - -
白虎	子孙甲子水 父母丙辰土 - -	父母丙辰土 - -

或曰，戌父化未父，明日必有大雨。余曰：每见神报近而不报远，且看今日未戌时若无雨，明日必雨，果于本日未时小雨，申戌时大雨，亥时即晴。

又如：酉月 丙戌日（旬空：午未），因连日阴雨，占何日晴，得“小过之贲”

	兑宫：雷山小过(游魂)	艮宫：山火贲(六合)
青龙	父母庚戌土 - - X→	妻财丙寅木 ——
玄武	兄弟庚申金 - -	子孙丙子水 - -

白虎	子孙丁亥水	官鬼庚午火	—— 世○→	父母丙戌土	- - 应
螣蛇		兄弟丙申金	——	子孙己亥水	——
勾陈	妻财丁卯木	官鬼丙午火	- -	父母己丑土	- -
朱雀		父母丙辰土	- - 应X→	妻财己卯木	—— 世

卦中父鬼乱动，今日必有大雨，幸初爻辰土父化卯木财，上爻戌土父化寅木财，明日寅卯时必晴。次日寅卯时果晴。

又如：卯月 癸巳日（旬空：午未），因连雨，占何日晴，得“比之革”

	坤宫：水地比(归魂)	坎宫：泽火革
白虎	妻财戊子水 - - 应	兄弟丁未土 - -
螣蛇	兄弟戊戌土 ——	子孙丁酉金 ——
勾陈	子孙戊申金 - - X→	妻财丁亥水 —— 世
朱雀	官鬼乙卯木 - - 世X→	妻财己亥水 ——
青龙	父母乙巳火 - -	兄弟己丑土 - -
玄武	兄弟乙未土 - - X→	官鬼己卯木 —— 应

卦中父鬼乱动，连日还有大雨，幸申金子孙化出亥水财爻，申日必晴。卒之申日大晴。

又如：卯月 癸卯日（旬空：辰巳），占何日雨，得“小过之遁”

	兑宫：雷山小过(游魂)	乾宫：天山遯
白虎	父母庚戌土 - - X→	父母壬戌土 ——
螣蛇	兄弟庚申金 - - X→	兄弟壬申金 —— 应
勾陈	子孙丁亥水 官鬼庚午火 —— 世	官鬼壬午火 ——
朱雀	兄弟丙申金 ——	兄弟丙申金 ——
青龙	妻财丁卯木 官鬼丙午火 - -	官鬼丙午火 - - 世
玄武	父母丙辰土 - - 应	父母丙辰土 - -

戌父化戌父，申兄化申兄，乃是伏吟卦，明日辰日必雨。伏吟必要冲开，果次日辰巳时得雨。

又如：子月 甲申日（旬空：午未），因连日大雪，占何日晴，得“损之临”

	艮宫：山泽损	坤宫：地泽临
玄武	官鬼丙寅木 —— 应○→	子孙癸酉金 - -
白虎	妻财丙子水 - -	妻财癸亥水 - - 应
螣蛇	兄弟丙戌土 - -	兄弟癸丑土 - -

勾陈	子孙丙申金	兄弟丁丑土 — — 世	兄弟丁丑土 — —
朱雀		官鬼丁卯木 —	官鬼丁卯木 — 世
青龙		父母丁巳火 —	父母丁巳火 —

寅木鬼动，木动生风，变出酉金子孙，今日亥时必起大风，来朝酉日则晴矣。卒如占。

又如：巳月 丁亥日（旬空：午未），因连雨，占何日晴，得“屯之噬嗑”

		坎宫：水雷屯	巽宫：火雷噬嗑
青龙		兄弟戊子水 — — X→	妻财己巳火 —
玄武		官鬼戊戌土 — 应○→	官鬼己未土 — — 世
白虎		父母戊申金 — — X→	父母己酉金 —
螣蛇	妻财戊午火	官鬼庚辰土 — —	官鬼庚辰土 — —
勾陈		子孙庚寅木 — — 世	子孙庚寅木 — — 应
朱雀		兄弟庚子水 —	兄弟庚子水 —

外卦父化父、鬼化鬼，还有连朝风雨，上爻子水化出巳财，须至巳日方晴。或曰：鬼旺而化退，父衰而化退，何以断之？余曰：父化父、鬼化鬼，乃神告我连日之风雨也，何论旺衰？要知神意既欲报我连朝之雨，又要报我巳日之晴，非此爻象，难尽此意，今又以旺衰进退言之，非知通变者。

又如：申月 丁未日（旬空：寅卯），连日雨，占何日晴，得“复之既济”

		坤宫：地雷复(六合)	坎宫：水火既济
青龙		子孙癸酉金 — —	妻财戊子水 — — 应
玄武		妻财癸亥水 — — X→	兄弟戊戌土 —
白虎		兄弟癸丑土 — — 应	子孙戊申金 — —
螣蛇		兄弟庚辰土 — — X→	妻财己亥水 — 世
勾陈	父母乙巳火	官鬼庚寅木 — —	兄弟己丑土 — —
朱雀		妻财庚子水 — 世	官鬼己卯木 —

辰土兄化亥水财，亥日必晴，但晴之不久耳。盖因五爻亥水财又变戌土兄故也。果于亥日天开，至申酉戌时而又雨矣。

又如：卯月 壬寅日（旬空：辰巳），占何日雨，得“否之观”

		乾宫：天地否(六合)	乾宫：风地观
白虎		父母壬戌土 — 应	妻财辛卯木 —
螣蛇		兄弟壬申金 —	官鬼辛巳火 —

勾陈	官鬼壬午火 ————	○→	父母辛未土 - - 世
朱雀	妻财乙卯木 - - 世		妻财乙卯木 - -
青龙	官鬼乙巳火 - -		官鬼乙巳火 - -
玄武	子孙甲子水 父母乙未土 - -		父母乙未土 - - 应

或曰：午鬼化未父，当雨之兆，只因午与未合，必待子丑日冲开其合，方能有雨。余曰：今日子丑时亦可冲开。果于半夜大雨。

又于：未月 庚子日（旬空：辰巳），因祈雨而占雨，得“困之噬嗑”

	兑宫：泽水困(六合)	巽宫：火雷噬嗑
螣蛇	父母丁未土 - - X→	官鬼己巳火 ————
勾陈	兄弟丁酉金 ————	父母己未土 - - 世
朱雀	子孙丁亥水 ———— 应	兄弟己酉金 ————
青龙	官鬼戊午火 - -	父母庚辰土 - -
玄武	父母戊辰土 ————	妻财庚寅木 - - 应
白虎	妻财戊寅木 - - 世 X→	子孙庚子水 ————

内卦辰土父动，又化寅木之财，辰日有雨而不大，酉兄化出未土父，未父又化巳火鬼，必待未日方有大雨。果于辰日小雨，未日大雨。

又如昔有友约余游春，余辞以雨雪。友曰：今早占得亥水孙动，亥日必晴，余所约亥日也，勿庸辞。余即卜之。

寅月 甲申日（旬空：午未），占何日晴，得“豫之震”

	震宫：雷地豫(六合)	震宫：震为雷(六冲)
玄武	妻财庚戌土 - -	妻财庚戌土 - - 世
白虎	官鬼庚申金 - -	官鬼庚申金 - -
螣蛇	子孙庚午火 ———— 应	子孙庚午火 ————
勾陈	兄弟乙卯木 - -	妻财庚辰土 - - 应
朱雀	子孙乙巳火 - -	兄弟庚寅木 - -
青龙	父母庚子水 妻财乙未土 - - 世 X→	父母庚子水 ————

余曰：子日方晴，亥日未必。友曰：我占亥水子孙，兄占子水子孙，必是亥、子日俱晴。余曰：非也。兄占亥水子孙者，旺于子也，亦应子日晴，非亥日也。果于亥日犹雪，子日大晴。

（注：此卦当有问题，卦中并无亥水子孙与子水子孙。）

## 身命章

诸书占身命，谓妻财子禄，一卦能包，寿夭穷通，六爻兼断。殊不知，父子财官兄弟，各有相忌相伤，若以一卦而兼断之，即如父母旺相，双庆之征，又曰：父旺伤子，岂世之有父母者，皆无子嗣之人耶？又曰：见兄则财莫能聚，又为克妻之神，又曰：兄弟爻兴，紫荆并茂，倘值旺兄持世，克妻耶？耗财耶？手足无伤耶？又《易林补遗》曰：“兄动妻亡财耗散”，执此论者，则世之贫人寒士，尽皆失偶之人耶？至于财官子孙，皆同此论，不暇细辨。必兼而断者，即先贤犹在，执此问之，恐亦无从置喙。

**觉子曰**：余今得其法者，乃分占之法也。占父母、占兄弟，各占一卦。占终身财福何如？占终身功名有无？占夫妻偕老否？占终身子嗣及寿元，俱宜分占。

〔提要〕本章所论占身命之法，只宜分占，不可通览，实为经验之谈。盖因八卦六亲、阴阳五行相生相克，相互制约，若要一卦而断，必无所适从，谬误百出矣。初学者万勿忽视。

## 终身财福章

**福财旺相，钟鸣鼎食之家。**

旧文：既富且寿，世爻旺相无伤。

**觉子曰**：占财，宜于财旺；占寿，独重世爻。未闻财福不旺，而世爻独旺，即许富与寿也。执此论者，则多寿者皆富贵之人乎？

凡占终身财福者，世爻、财爻、子孙爻，三爻无一失陷，定是家殷户足，福禄绵长；财世旺相，而福神不旺者，乃先富后贫之人也。何也？子孙者，财之源也，水无源流，终须枯竭，谓之财旺福空，荣华不久。世与福爻旺相，而财爻不旺者，乃无财享福之人也。既曰无财，焉能享福？或有现成之产业，只知坐享，不知生发；或是财托他人而掌管，只知花费，不识艰难。财与福爻旺相，而世爻不旺者，乃富屋之贫人也。

**觉子曰**：以上之论不旺，所包者广，无气失陷谓之不旺；得地无气亦谓之不旺；空破墓绝，亦谓之不旺。财福旺，世爻不旺而有气者，后逢生旺之年，仍复旺相，故曰：财福司权，荣华有日。财福两旺，而世爻无气者，不为吉也，虽则丰衣足食，不免喑哑痴聋，或遭疾病官非，或系吝啬鄙俗。财福两旺，而世爻失陷者，更为凶也，总有万斛金珠，难买长生药石。

**野鹤曰**：前论财与福神，虽则不旺，亦宜有气，若失陷者，俱为凶兆。故曰：财福失陷，立见倾家。惟动空及动而破者不妨，定应实空、实破之年月也。

**财世休囚，灶釜生尘之宅。**

世爻、财爻、福爻，三者无气，或空破墓绝，或动而变凶，乃无衣乏食之辈。世爻得地，而财、福失陷者，主身强力健，或小有技谋，亦可支撑度日。

世爻、福爻有气，而财爻无气者，虽曰贫寒，欣安清福。

世爻、财爻有气，而福爻无气者，虽无积蓄，手头常过金银，或代人掌管财帛，若再得日月动爻生扶，亦许小成。

如：卯月 甲申日（旬空：午未），占终身财福，得“复之颐”

	坤宫：地雷复(六合)	巽宫：山雷颐(游魂)
玄武	子孙癸酉金 - - X→	官鬼丙寅木 ——
白虎	妻财癸亥水 - -	妻财丙子水 - -
螣蛇	兄弟癸丑土 - - 应	兄弟丙戌土 - - 世
勾陈	兄弟庚辰土 - -	兄弟庚辰土 - -
朱雀 父母乙巳火	官鬼庚寅木 - -	官鬼庚寅木 - -
青龙	妻财庚子水 —— 世	妻财庚子水 —— 应

五爻亥水财，世爻子水财，皆长生于申日，虽不当令，却得日建之生，独嫌酉金福神，破而化绝，生平衣禄不少，难于积蓄成家。果此人自三十七岁入典铺，掌柜、财东更换者三，此人依然在柜，活至七旬之一，每年工食养家，此应财爻持世遇长生也。

生四子二女，若执古法而兼断，卦中子孙破而化绝，乃无子也。

**觉子曰**：《黄金策》有云：“世位休囚，非贫即夭。”余不以为然。贫者，须观财福；夭者，单用世爻。非夭即贫，岂卜易之理。

**世居空位，终身做事无成。**旧注：大忌世空，一生百事无成。余以此论近理，但未分出旺与动耳。世爻旺而空者，谓之“带旺匪空”，动而空者，动不为空，遇日建冲者，冲空则实。卦中若是财福得地，冲空、实空之年勃然发迹矣，岂曰无成？

如：戌月 辛亥日（旬空：寅卯），占终身财福，得“比之观”

	坤宫：水地比(归魂)	乾宫：风地观
螣蛇	妻财戊子水 - - 应 X→	官鬼辛卯木 ——
勾陈	兄弟戊戌土 ——	父母辛巳火 ——
朱雀	子孙戊申金 - -	兄弟辛未土 - - 世
青龙	官鬼乙卯木 - - 世	官鬼乙卯木 - -

玄武 父母乙巳火 - -

父母乙巳火 - -

白虎 兄弟乙未土 - -

兄弟乙未土 - - 应

断曰：世爻虽空，月建合之，亥日生之，子水财爻动而生世，卯年一定成家。丑年占卦，果至卯年立业成家。彼时定鼎之初，云贵才平，此人于川中带出附子黄连药材数担，勃然家蓄数千余金，从此立业成家，连年丰足，此岂可谓终身作事无成耶？

酉月 辛未日（旬空：戌亥），占终身财福，得“山雷颐”

巽宫：山雷颐（游魂）

螣蛇 兄弟丙寅木 ——

勾陈 子孙辛巳火 父母丙子水 - -

朱雀 妻财丙戌土 - - 世

青龙 官鬼辛酉金 妻财庚辰土 - -

玄武 兄弟庚寅木 - -

白虎 父母庚子水 —— 应

断曰：财爻持世，虽有未日扶拱，不宜旬空。且卦中无火生助，占身命之最忌也，难许成家。此人自二十五岁至五十多岁，东奔西走，一事无成。后因贫极，从戎外出，不知所止。如此者，谓之生平作事无成，可也。

**身入墓乡，到老求谋多戾。**世爻有三墓，但有一墓者，若休囚无气，主其人如痴如醉，不伶不俐，动静行藏，心不爽快，凡为不遂。

**觉子曰**：世爻若得临于日月，或日月生扶，或动而化吉、不逢冲墓之年，果然颠倒昏迷，及逢墓库冲开，如苗获雨。谚云：“福至心灵”，爻中再有财福相生，或财福旺相者，陡然富足。故曰：墓中人逢冲之年而发，岂可谓到老而多戾耶？

如：午月 丙戌日（旬空：午未），占终身财福，得“水泽节”

坎宫：水泽节（六合）

青龙 兄弟戊子水 - -

玄武 官鬼戊戌土 ——

白虎 父母戊申金 - - 应

螣蛇 官鬼丁丑土 - -

勾陈 子孙丁卯木 ——

朱雀 妻财丁巳火 —— 世

此人旺财临世，平素手有余钱，但世入戌墓，目下欠利。果此人酷好痴赌，后至巳年，忽而回头，因开铅矿，连开赫穴，富冠一乡。**野鹤曰**：古法，当应冲开戌墓之岁，此卦乃应值世之年。

**卦宫衰弱根基浅，爻象丰隆命运高。**爻象兴隆，占身命最重。世爻、财爻、福爻得遇生扶，自然命运高强，惟卦宫之衰弱者不验。余每见根基浅薄之人，卦宫极旺，不可为法。

**若问成家，嫌六冲之为卦。**旧注：凡遇六冲，必主其人做事有始无终。前卦六冲，前三十年生涯淡泊；后卦六冲，三十年后家业凋零。余曰：非也，若只以两卦六冲，断六十年之休咎，而世与财、福置于何地？若世、福、财爻无气，再遇六冲卦者是矣。

如：寅月 乙巳日（旬空：寅卯），占财福，得“雷天大壮”

坤宫：雷天大壮（六冲）

玄武	兄弟庚戌土	— —
白虎	子孙庚申金	— —
螣蛇	父母庚午火	—— 世
勾陈	兄弟甲辰土	——
朱雀	官鬼甲寅木	——
青龙	妻财甲子水	—— 应

余见此卦世旺、官旺、父旺，又见其人才品异常，问曰：“近来所作何事？”彼曰：“在庠。因家寒，意欲行医，不知财福何如？”余曰：卦中官父两旺，寅年必有机遇，午未年定登金榜。彼曰：“予知不能，竟无此念。”余曰：“尔虽以财为问，而神告将来可成名。”后果于寅年医好富翁，厚赠读书，午年一榜，富翁及亲友又赠，援例县令，未几丁艰，及至补缺，未几罢误而归，囊篋萧然。

应寅年者，寅年而实空也；应午年发者，世爻而值年也；功名反复而不久者，六冲之卦也；宦囊萧索者，子水财爻绝于日也。

**要知创业，喜六合以成爻。**旧注：占身命得六合卦，主其人春风和气、善于交游、谋事多遂，若前合后合，主一生利达，百事如心。余以主其人善于交游，春风和气有之，若以百事如心，则恐不然，必以用神兼之。爻象吉者，吉之又吉；爻象凶者，合亦何益。

**动身自旺，独力撑持。**旧注：世爻不遇日辰动爻生扶，而自强自旺，其人必白手成家。此果屡验，但须财爻持世而自强自旺者，多自成家，若兄父官鬼持世，未必成家，仅可撑持而已。

如：申月 壬子日（旬空：寅卯），占终身财福，得“泰之临”

坤宫：地天泰（六合）

坤宫：地泽临

白虎	子孙癸酉金	— — 应	子孙癸酉金	— —
----	-------	-------	-------	-----

螣蛇	妻财癸亥水 — —	妻财癸亥水 — — 应
勾陈	兄弟癸丑土 — —	兄弟癸丑土 — —
朱雀	兄弟甲辰土 ——— 世○→	兄弟丁丑土 — —
青龙 父母乙巳火	官鬼甲寅木 ———	官鬼丁卯木 ——— 世
玄武	妻财甲子水 ———	父母丁巳火 ———

世临辰土，旺于子日，并无冲克刑伤，亦无生扶，真可谓之自强自旺。此人原来稍有家业，因赌致贫，问将来还有发旺否？余曰：兄爻持世，永无发福之秋，且世爻逢退，难许长年。后此人贫极，从戎当夫头，至丑年而死。

**衰世遇扶，因人创立。**此果屡验。世爻无气，得遇日月动爻有一而生扶者，必遇好人提拔，但亦要财爻持世，或日月动爻作财以生世，因人照拂成家。若父兄持世，仅堪度日而已。

**野鹤曰：**屡见日月生世，贵人生世，每得官贵垂青。

如：丑月 丙辰日（旬空：子丑），占终身财福，得“未济之睽”

	离宫：火水未济	艮宫：火泽睽
青龙	兄弟己巳火 ——— 应	兄弟己巳火 ———
玄武	子孙己未土 — —	子孙己未土 — —
白虎	妻财己酉金 ———	妻财己酉金 ——— 世
螣蛇 官鬼己亥水	兄弟戊午火 — — 世	子孙丁丑土 — —
勾陈	子孙戊辰土 ———	父母丁卯木 ———
朱雀	父母戊寅木 — — X→	兄弟丁巳火 ——— 应

断曰：兄爻持世，乃耗财之神，虽得寅木相生，而财终不聚。彼曰：作何事可以成家？余曰：木生火旺，木火通明，胸中灵巧，况朱雀临父，笔砚可以谋生。后因叔父为吏，命之贴写，深得上人之意，然仅可度日，而财不聚。叔父提携者，应寅木父爻生世，又是笔砚营生。

**日時合助，一生偏得小人心；岁月冲克，半世未沾君子德。**世爻不论旺衰，但得岁、月、日建，有一而生扶者，仕者君恩宠爱，君子相亲，下人忠敬；平人，必得贵客扶持。世爻有气，或被日、月有一而冲克者：仕者上位相凌，同僚不睦，小人毁谤；若太岁五爻冲克者，君恩失宠，世若休囚者更甚。平人而得此者，官贵欺凌，亲朋妨忌，下辈欺侮，世若休囚更甚。又曰：父来生，得父辈之恩；兄来克，受兄之累。此间有验者，非定法也。

**遇龙子而无气，纵清高亦是寒儒。**此亦屡验，凡得青龙子孙持世，必然立志高远，不慕富贵。即子孙无气，亦主绝俗超群，甘心寒薄。

如：酉月 癸丑日（旬空：寅卯），占终身，除功名之外，何事可为？得“姤之遁”

	乾宫：天风姤	乾宫：天山遯
白虎	父母壬戌土 ——	父母壬戌土 ——
螣蛇	兄弟壬申金 ——	兄弟壬申金 —— 应
勾陈	官鬼壬午火 —— 应	官鬼壬午火 ——
朱雀	兄弟辛酉金 ——	兄弟丙申金 ——
青龙 妻财甲寅木	子孙辛亥水 —— ○→	官鬼丙午火 - - 世
玄武	父母辛丑土 - - 世	父母丙辰土 - -

断曰：财星伏于二爻，又值空亡，正所谓“内外无财伏又空，财莫能聚”。且喜子孙独发遇青龙，虽不持世，亦主清高廉介，生平非义不取，不以富贵关心。彼曰：祖有恩荫，让舍弟承袭，今欲挟技遍游，取乐山水，可能如愿否？余曰：亥水子孙变鬼，财爻又空，子死妻空，绝俗离群之辈，如有此志，此卦验之极矣。彼曰：余年四十有三，自二十一岁妻亡之后，竟未续弦，子女皆无。余曰：卦既相合，必遂尔愿。后闻此人游川广滇黔，及至十余载之后，致书于家，竟入华山，不知所终。

**觉子曰**：余因父子兄财官鬼各有相忌，难以一卦决之，是以分占得理。然亦有不占财福，卦中现出旺财；不问功名，爻象现出官旺。目下刑妻克子，不待另占，卦内先现刑伤，尤当详细查之。

或曰，既云分占，何又言兼断？

余曰：此理难同俗人而言。来人欲占事者，其机动矣！人之至亲，莫过于骨肉；人之得意，莫过于财名。神不告已问之事，而告未问之事者，以重大者而先告也。即如此卦，福遇青龙，清高之客；子孙变鬼，绝后之人；兼之财伏而空，乃是离尘绝俗。依此数事，正合‘福遇青龙，清高之客也’。似此显而易见，何须另卜再占？不然，此财爻者，以之为财帛空耶？以之为妻妾空耶？

**逢虎妻而旺强，虽鄙俗偏为富客。**旧注谓：白虎临财持世，其人虽不知礼义，而必家计殷实，此果有验。又谓：旺财若有制服，亦主粗知文墨，此则非理。夫旺财逢制，乃应将来之破败也，岂得以文墨言乎？

如：午月 丙子日（旬空：申酉），占财福，得“明夷之丰”

	坎宫：地火明夷(游魂)	坎宫：雷火丰
青龙	父母癸酉金 - -	官鬼庚戌土 - -
玄武	兄弟癸亥水 - -	父母庚申金 - - 世
白虎	官鬼癸丑土 - - 世 X→	妻财庚午火 ——

螣蛇	妻财戊午火	兄弟己亥水 —	兄弟己亥水 —
勾陈		官鬼己丑土 - -	官鬼己丑土 - - 应
朱雀		子孙己卯木 — 应	子孙己卯木 —

世临白虎，化出旺财生世，果此人目不识丁，鄙俗不堪，农生尽可度日，人丁六畜丰盛。戌年占，值子年，田被蝗虫食尽，全家瘟疫，六畜亦瘟。应子年者，占时原是子日冲其午火，因午火值月建，可以相敌，今遇子年，增其冲克，所以破败也。

**父持身，辛勤劳碌；鬼持世，疾病缠绵。遇兄，则财莫能聚；遇子，则身不犯刑。**

《黄金策》自此以后，皆非理也。夫父官持世，竟可以劳碌疾病断耶？更旧注云：“贵人占者，勿以此断。”彼占身命，焉知不是贵人耶？便实知不是贵人，焉知将来不贵耶？

曾有人于：酉月 壬辰日（旬空：寅卯），占财福，得“雷风恒”

震宫：雷风恒

白虎	妻财庚戌土 - - 应
螣蛇	官鬼庚申金 - -
勾陈	子孙庚午火 —
朱雀	官鬼辛酉金 — 世
青龙	兄弟庚寅木 父母辛亥水 —
玄武	妻财辛丑土 - -

问曰：尔适间祷告，曾问功名乎？彼曰：生意人，何有功名之念？余曰：此卦财生官旺，竟可问名。彼曰：天有落下来之官，亦不到我头上。命之再占功名，得“噬嗑之否”

巽宫：火雷噬嗑

乾宫：天地否（六合）

白虎	子孙己巳火 —	妻财壬戌土 — 应
螣蛇	妻财己未土 - - 世 X →	官鬼壬申金 —
勾陈	官鬼己酉金 —	子孙壬午火 —
朱雀	妻财庚辰土 - -	兄弟乙卯木 - - 世
青龙	兄弟庚寅木 - - 应	子孙乙巳火 - -
玄武	父母庚子水 — O →	妻财乙未土 - -

余曰：世爻未土之财，变出申金之官，明明以财而变官。前卦财旺生官者，因世临月建之官，辰日冲动戌土之财，暗动生世，虽可许名，然不敢定以年月。后卦世临未土，动而逢空，实空之年，定然出仕。果于卯年，援例入监，巳年初，任兵马司，即加纳县令，未年再任江南。

旧注：‘官鬼持世，疾病缠绵，若是贵人，勿以此断。’此人原非贵人，岂可谓之疾病缠绵耶？

巳月 己丑日（旬空：午未），占终身财福，得“归妹之临”

	兑宫：雷泽归妹(归魂)	坤宫：地泽临
勾陈	父母庚戌土 - - 应	兄弟癸酉金 - -
朱雀	兄弟庚申金 - -	子孙癸亥水 - - 应
青龙 子孙丁亥水	官鬼庚午火 ———— ○→	父母癸丑土 - -
玄武	父母丁丑土 - - 世	父母丁丑土 - -
白虎	妻财丁卯木 ————	妻财丁卯木 ———— 世
螣蛇	官鬼丁巳火 ————	官鬼丁巳火 ————

余曰：卦中财福不旺，而官父两旺，如何不问功名？彼曰：功名之念已灰。余曰：世临日建、月建生身，必主显贵荐举，巳午年，富贵逼人矣。果于午年保举，身非科甲，而为科甲之官，此岂可谓“父母持身，辛勤劳碌”耶？

**父母临身，贫寒劳碌。**或曰，《黄金策》乃卜筮之宗，未有占身命，而以父子财官兼断之理？余曰：既不为信，试看父母持身之注解即知矣。谓占身，不可见父兄官鬼持世，世爻遇父，则克伤子女，一生劳碌，不得安逸，岂非父为克子之神，又为一生劳碌之神耶？执此论者，但遇父爻持世，不独一生劳碌，抑且无子，世之无子者，悉皆劳碌之人乎？

**觉子曰**：占功名，父母持世，以之为诗书文馆；如占财福，以之为劳碌辛勤。官不旺而父旺者，虽不见用于朝廷，名盛文传；衰而又逢冲克者，即欲寄食于公门，凶多吉少。

如：子月 乙未日（旬空：辰巳），占终身财福，得“兑”卦

	兑宫：兑为泽(六冲)
玄武	父母丁未土 - - 世
白虎	兄弟丁酉金 ————
螣蛇	子孙丁亥水 ————
勾陈	父母丁丑土 - - 应
朱雀	妻财丁卯木 ————
青龙	官鬼丁巳火 ————

卯木之财，而入未日之墓，巳火之官，休囚无气，名不能成，利不能就。惜乎旺父临身，才愈高而和愈寡，况卦遇六冲，一事无成之象。后见屡逢显贵聘之，才高气傲，皆不待瓜期而辞归矣。目击十余载，贫寒淡泊，后随表弟升任云南，不知所终。

又如：午月 壬寅日（旬空：辰巳），占终身财福，得“雷火丰”

坎宫：雷火丰

白虎 官鬼庚戌土 - -

螣蛇 父母庚申金 - - 世

勾陈 妻财庚午火 ——

朱雀 兄弟己亥水 ——

青龙 官鬼己丑土 - - 应

玄武 子孙己卯木 ——

古以占财者，喜财克世，殊不知占目下之财，财克世者必得；占终身之财福，财克世者，乃生平受财之累，因财之害也。此卦，财既克世，更嫌父母持身，一生劳苦休囚；又遇日冲而为日破，如蜂酿蜜，谁苦谁甜？果此人原系贫农，苦耕致富，后因其子赌博成讼，产业一空，气愤而死。探之亡于午年，乃因世爻申金午月克之、寅日冲之，故逢火克而死。

**兄爻临世，财耗贫寒。**旧系“遇兄，则财莫能聚”。解注有云：“世遇兄爻，必克妻妾，一生必不聚财。”既以为克妻，又以为破耗，执此而论，世之伤妻者，皆贫困之人也。假使贫者偕老，富者断弦，何以决之？故余以分占为得理。

**觉子曰：**凡占财福，兄爻持世，虽不许之富足，亦看旺衰。旺则贫而好义，衰则多疾病官非；得日月生扶，贫而乐；得日月作财而合世，富而骄。旺临虎蛇玄武，奸盗诈伪之徒；衰遇勾陈朱雀，背负肩挑之穷汉。受克受制，下贱隶卒；得合得扶，上人抬举。全在人之活变，观其轻重而决之。

**官衰无破，公门异术资生。**官鬼持世，休囚无气者，乃缠绵疾病，残废之人也；若有气者，或入公门，或挟术行道，再遇日月动爻贵人扶助，皆得贵客相亲，从此成家立业。财若无气，空有虚名而已。

**财弱有扶，商贾百工事业。**财爻、福爻本来旺相者，或商或贾或农，乃生成之富足，乐享丰饶。倘遇衰财持世，或得日月动爻生扶合助者，爆发兴家；守农庄，年时丰稔；习匠艺，巧夺天工。

**慕道修行，皆为子孙持世。**子孙乃恬淡之神，如持世爻，孤立无助，又遇财爻失陷者，若有高尚之志，许之为道为僧，若无出家之念，则不宜妄断。余以为见子孙，则身不犯刑，许之生平不犯官刑可也。

**家倾名丧，乃因官鬼伤身。**凡遇官鬼克世，世爻旺者，一生多招刑宪，或招嫉妒、或小人暗害、或残疾缠身；若鬼旺身衰，乃身伤家倾之兆，劝之不必以财福为问，速寻趋避之法可也；如世爻动而变鬼克世，及日月作鬼克世者，更凶。

如：辰月 甲寅日（旬空：子丑），占终身财福，得“中孚之节”

	艮宫：风泽中孚（游魂）	坎宫：水泽节（六合）
玄武	官鬼辛卯木 —— O→	妻财戊子水 - -
白虎 妻财丙子水	父母辛巳火 ——	兄弟戊戌土 ——
螣蛇	兄弟辛未土 - - 世	子孙戊申金 - - 应
勾陈 子孙丙申金	兄弟丁丑土 - -	兄弟丁丑土 - -
朱雀	官鬼丁卯木 ——	官鬼丁卯木 ——
青龙	父母丁巳火 —— 应	父母丁巳火 —— 世

世爻临未土，辰月助之，亦作有气，但嫌日建伤身。上爻卯木之鬼，化出子水之财，正谓之助鬼以伤身也，休问财福，当卜凶灾。彼问：能避否？余曰：今年九、十月，不可出门，可以避之。果于九月奉官差，此人请人代顶而去，中途遇害。似此祸，未尝不可避也。

如：卯月 癸未日（旬空：申酉），占终身财福，得“革之家人”

	坎宫：泽火革	巽宫：风火家人
白虎	官鬼丁未土 - - X→	子孙辛卯木 ——
螣蛇	父母丁酉金 ——	妻财辛巳火 —— 应
勾陈	兄弟丁亥水 —— 世 O→	官鬼辛未土 - -
朱雀 妻财戊午火	兄弟己亥水 ——	兄弟己亥水 ——
青龙	官鬼己丑土 - -	官鬼己丑土 - - 世
玄武	子孙己卯木 —— 应	子孙己卯木 ——

外卦，世与日月同为三合，堪称吉卦，但不宜世爻变鬼，又化回头之克，上爻未土又克，目下无妨，今年巳月，冲开其合，或是酉月，冲开卯木，须防不测。果于巳月生恶疮，酉月而卒。

**财化退神，不利于己。**财爻持世，化进神，或动而生世者，事业渐进，家道渐丰；若化退神，家业渐退，日剥月削，渐生萧条；若世爻再被刑冲克害者，非渐退也，主灾非即见，家覆财倾。

**世逢合住，受制于人。**世临财爻，或被日月动爻合住，虽则丰衣足食，定然受制于人，事不由己。世爻若临父兄者，而得日月动爻合住，衣食仅可度日，难许丰足。世爻无气而被合，财福无气，兄动卦中，乃奔走受制之下贱人也。

〔乾按〕测占终身财福，首要子孙财源旺相，次要财爻旺相，子动生财又得日月动爻生扶者，财源滚滚，不可限量，再要世爻旺相，世爻若衰弱，财多自身难守或无福安享也。

## 终身功名有无章

### 官父兴隆，文章见用。

凡得旺父持世，官动生之；或官星持世，父爻旺动；或官星父爻旺动，生合世爻；或日月做官星、父母，生合世爻，皆主成名之象。学成文武艺，货与帝王家。

### 鬼财摇发，纳粟成名。

官星持世，财动相生；或世临官动化财；或世临财动化官；或财星、官星，动而生合世爻；或日月做财星、官星，生合世爻。皆主纳粟以奏名也。

如：辰月 乙未日（旬空：辰巳），占终身功名有无，得“明夷之丰”

	坎宫：地火明夷(游魂)	坎宫：雷火丰
玄武	父母癸酉金 - -	官鬼庚戌土 - -
白虎	兄弟癸亥水 - -	父母庚申金 - - 世
螣蛇	官鬼癸丑土 - - 世 X→	妻财庚午火 ——
勾陈 妻财戊午火	兄弟己亥水 ——	兄弟己亥水 ——
朱雀	官鬼己丑土 - -	官鬼己丑土 - - 应
青龙	子孙己卯木 —— 应	子孙己卯木 ——

此公原是武荫，已任卑官，因病告退，即无官矣。问将来还有功名否？此卦丑土官星持世，化出午火，财旺生官之兆。卯年占，巳年援例，连连加纳，官至府佐。未年出仕，戌年升任黄堂。古法以动而逢冲谓之散，此系未冲世爻之丑土，竟不见其散也。

又如：戌月 壬子日（旬空：寅卯），占终身功名有无，得“困之兑”

	兑宫：泽水困(六合)	兑宫：兑为泽(六冲)
白虎	父母丁未土 - -	父母丁未土 - - 世
螣蛇	兄弟丁酉金 ——	兄弟丁酉金 ——
勾陈	子孙丁亥水 —— 应	子孙丁亥水 ——
朱雀	官鬼戊午火 - -	父母丁丑土 - - 应
青龙	父母戊辰土 ——	妻财丁卯木 ——
玄武	妻财戊寅木 - - 世 X→	官鬼丁巳火 ——

寅财持世，化出官星，终身功名以财而得，但六合变六冲，有始无终之象，恐不能出仕。占后援例考职，双目失明。

**独旺于官，立功建业。**凡卦中财、父两爻皆不得地，而官星独旺；或日月做官星而生世；或虎

临世动；或虎临金鬼动，而生合世爻，皆主立功以成名也。

如：戌月 戊辰日（旬空：戌亥），占终身功名有无，得“山风蛊”

巽宫：山风蛊(归魂)

朱雀 兄弟丙寅木 —— 应

青龙 子孙辛巳火 父母丙子水 - -

玄武 妻财丙戌土 - -

白虎 官鬼辛酉金 —— 世

螣蛇 父母辛亥水 ——

勾陈 妻财辛丑土 - -

日月作财生世，白虎临金官持世，若入文途，必以援例；若入武途，可以立功。彼问：“有功名否？”余曰：“官星持世，日月生之，岂曰无官？”后此人也未食粮，竟随营破寨，奋勇当先，主帅嘉之，即以职官。不出五载，连建奇功，官至元戎将军。

又如：辰月 己巳日（旬空：戌亥），占已经考职，因缺少人多，将来能出仕否，得“豫之萃”

震宫：雷地豫(六合)

兑宫：泽地萃

勾陈 妻财庚戌土 - -

妻财丁未土 - -

朱雀 官鬼庚申金 - - X→

官鬼丁酉金 —— 应

青龙 子孙庚午火 —— 应

父母丁亥水 ——

玄武 兄弟乙卯木 - -

兄弟乙卯木 - -

白虎 子孙乙巳火 - -

子孙乙巳火 - - 世

螣蛇 父母庚子水 妻财乙未土 - - 世

妻财乙未土 - -

五爻申官化进神，长生于巳日，辰月生之，但嫌不来生合世爻，疑是应于独发，请再占之，彼曰：改日再卜。

又于：辰月 丁未日（旬空：寅卯），占得“晋之姤”

乾宫：火地晋(游魂)

乾宫：天风姤

青龙 官鬼己巳火 ——

父母壬戌土 ——

玄武 父母己未土 - - X→

兄弟壬申金 ——

白虎 兄弟己酉金 —— 世

官鬼壬午火 —— 应

螣蛇 妻财乙卯木 - - X→

兄弟辛酉金 ——

勾陈 官鬼乙巳火 - - X→

子孙辛亥水 ——

朱雀 子孙甲子水 父母乙未土 — — 应 父母辛丑土 — — 世

余因此卦，参悟前卦之官化进神，动于五位，不临世、合世者，明非分内之官也。此卦内得反吟，巳火之官被亥水冲去，明现出分内之官已冲坏矣，将来功名，另有寄处，非此考定之职也。彼问：何也？余曰：前卦官摇五位，官出特恩；此卦未土日建动于五位，化长生而生世，定被敕旨而立军功。

彼又问：兄持世，如何有官？余漫应曰：若非世值兄爻，何得五位之文书而生世？盖官旺化进，前卦已定就矣。彼复问：意欲随征，何方为利？余曰：前卦申官化酉，此卦世又临酉，西行大利。卒西行，建奇功，遂跻显爵。

**岁五生世，平步登云。**凡得太岁及五爻生世，或日月入爻，动而生世，皆为庶民食禄，平步登云。须要太岁入爻，又宜发动，或五爻生世，亦要发动，而世与官星亦要旺相，方可断之，古有存验。

丙戌年 戌月 乙卯日（旬空：子丑），闻驾至，占吉凶何如，得“比之坤”

	坤宫：水地比(归魂)	坤宫：坤为地(六冲)
玄武	妻财戊子水 — — 应	子孙癸酉金 — — 世
白虎	兄弟戊戌土 ———— ○→	妻财癸亥水 — —
螣蛇	子孙戊申金 — —	兄弟癸丑土 — —
勾陈	官鬼乙卯木 — — 世	官鬼乙卯木 — — 应
朱雀	父母乙巳火 — —	父母乙巳火 — —
青龙	兄弟乙未土 — —	兄弟乙未土 — —

占者，乃庶民也，闻驾至，率众迎之，爵以将军。此非太岁与五爻月建动而合世，世卯之官又临日建之征乎。

**福德动摇，岂是庙廊之客。**凡得子孙持世，或卦中子孙发动，终非庙廊之贵客。

如：戌月 丁卯日（旬空：戌亥），占终身功名有无，得“水天需”

	坤宫：水天需(游魂)
青龙	妻财戊子水 — —
玄武	兄弟戊戌土 ————
白虎	子孙戊申金 — — 世
螣蛇	兄弟甲辰土 ————
勾陈	父母乙巳火 官鬼甲寅木 ————

朱雀 妻财甲子水 —— 应

断曰：子孙持世，休问功名。彼问：“作何事可以成名？”余曰：“任尔才能倚马，力能举鼎，终身不许成名。”但此人功名之念切甚。读书苦胜囊萤，文章当时竟未游泮。后从戎二十余载，或立军功，或援例纳粟，奔驰于名利之场，皓首无成。此子孙克官之验也。

**破空临世，终须白屋之人。**世静而临旬空月破，官逢月破旬空，皆主不得成名。惟世与官星空破而动者，勿以此断。

又如：巳月 乙卯日（旬空：子丑），占终身功名，得“火山旅”

离宫：火山旅（六合）

玄武 兄弟己巳火 ——

白虎 子孙己未土 - -

螣蛇 妻财己酉金 —— 应

勾陈 官鬼己亥水 妻财丙申金 ——

朱雀 兄弟丙午火 - -

青龙 父母己卯木 子孙丙辰土 - - 世

断曰：虽是爻逢六合，嫌其子孙持世，官逢月破，休想成名。彼曰：“业已援例矣。”余曰：“黄金费尽，终难食禄。”后子年得病，丑年得蛊病而终。

愚按：占终身功名，止知其有无耳，若卦中现有功名，再问或文或武，或入公门，任其本念指其事而占之，其验如乡。若以一卦之中，遂能断为文武者，乃欺人妄语也。曾有武荫，于

卯月 戊子日（午未空）占终身功名，即现在之功名终其身乎？抑另有功名乎？得“大过之井”

震宫：泽风大过（游魂）

震宫：水风井

朱雀 妻财丁未土 - -

父母戊子水 - -

青龙 官鬼丁酉金 ——

妻财戊戌土 —— 世

玄武 子孙庚午火 父母丁亥水 —— 世○→

官鬼戊申金 - -

白虎 官鬼辛酉金 ——

官鬼辛酉金 ——

螣蛇 兄弟庚寅木 父母辛亥水 ——

父母辛亥水 —— 应

勾陈 妻财辛丑土 - - 应

妻财辛丑土 - -

断曰：另有功名。卦中西官已临破矣，即现今之官破而无用也，幸世爻化出申官，回头生世，申乃今年太岁，将来另有显爵，出自特恩。彼问：何也？余曰：玄武临亥水，父爻发动，必因息盗安民事而得之也。彼问：应在何时？余曰：寅年得官，申年出仕。后果因首叛逆有功，寅年议叙，

先授武爵，复改文职，申年出仕。余于子年至彼公署，又占：

卯月 辛丑日（旬空：辰巳），卜后运功名，得“归妹之震”

	兑宫：雷泽归妹(归魂)	震宫：震为雷(六冲)
螣蛇	父母庚戌土 - - 应	父母庚戌土 - - 世
勾陈	兄弟庚申金 - -	兄弟庚申金 - -
朱雀 子孙丁亥水	官鬼庚午火 ——	官鬼庚午火 ——
青龙	父母丁丑土 - - 世	父母庚辰土 - - 应
玄武	妻财丁卯木 —— ○→	妻财庚寅木 - -
白虎	官鬼丁巳火 ——	子孙庚子水 ——

余曰：卦内如何有退休之兆？彼问：何也？余曰：月建之财，现于卦象，克世克父，虽无虎动，难免长上之灾，世亦逢伤，自身须虞险厄。果寅年丁艰，卯年至中途病歿，乃因丑土父母持世，叠叠卯木相克故也。

〔乾按〕测占终身功名，要在官财父爻皆旺必得。官爻旺相得生扶，不受克制，值年必显达。官爻有气，财爻旺相者，财动而能生官。父爻旺相持世又得官爻之生，必因文而见用。最忌子孙持世，发动，官名难望。然子孙持世而旺相者，再得青龙朱雀之临身世，一生清高安闲自在，必是名流异士，胸怀奇术之人。官鬼克世休望官来寻我，而是受官之克制，或是疾病缠身，终生难得安逸。

## 寿元章

**世爻旺相，永享长年；身位休囚，须防夭折。**凡占寿元，独以世爻为根本。世爻或旺或相，或临日月，或得日月生扶，及动爻生扶，或动而化生、化旺、化回头生者，乃大寿之征。

若世爻休囚，防之于冲克之年；再有刑伤克害者，动而逢合、逢值之年，静而逢值、逢冲之年，皆在应期章内断之。休囚随鬼入墓、衰逢助鬼之伤，皆为凶兆。世动化退、化鬼，及化回头克、化绝、化墓、化破、化空，夕阳无限好，只恐不多时。亦皆于应期章内断之。

如：辰月 乙巳日（旬空：寅卯），占寿，得“风泽中孚”

	艮宫：风泽中孚(游魂)
玄武	官鬼辛卯木 ——
白虎 妻财丙子水	父母辛巳火 ——
螣蛇	兄弟辛未土 - - 世

勾陈 子孙丙申金 兄弟丁丑土 - -  
 朱雀 官鬼丁卯木 ——  
 青龙 父母丁巳火 —— 应

世临未土，巳日生之，月建扶之，遂儿孙期颐之祝，必享长年。彼问：“看在何时？”余曰：“古以初爻管五年，二爻管五年，共作三十年，再占一卦，又作三十年。余试四十余载，并无应验，欺人之法，余不为之。止以世爻旺衰，而断长短。依此卦象，过二十载再占。”此人占卦之时已五十三矣，后至七旬之一，遇而问曰：“向年所占寿元，还可记否？”余曰：“占得中孚卦，原许二十年后再占。”彼笑而再占：

于：申月 己卯日（旬空：申酉），占寿，得“损之复”

	艮宫：山泽损	坤宫：地雷复(六合)
玄武	官鬼丙寅木 —— 应○→	子孙癸酉金 - -
白虎	妻财丙子水 - -	妻财癸亥水 - -
螣蛇	兄弟丙戌土 - -	兄弟癸丑土 - - 应
勾陈 子孙丙申金	兄弟丁丑土 - - 世	兄弟庚辰土 - -
朱雀	官鬼丁卯木 —— ○→	官鬼庚寅木 - -
青龙	父母丁巳火 ——	妻财庚子水 —— 世

余曰：适问若是一爻鬼发，公之寿则不久矣，今见多鬼摇发，反为不碍。今年太岁在子，还享八年之福，至未年是其时也。彼问：“何也？”余曰：“盖未年者，鬼多入墓，又是世逢年破耳。果终于未年七月。”

又如：巳年 己酉日（旬空：寅卯），占寿，得“大畜之泰”

	艮宫：山天大畜	坤宫：地天泰(六合)
勾陈	官鬼丙寅木 —— ○→	子孙癸酉金 - - 应
朱雀	妻财丙子水 - - 应	妻财癸亥水 - -
青龙	兄弟丙戌土 - -	兄弟癸丑土 - -
玄武 子孙丙申金	兄弟甲辰土 ——	兄弟甲辰土 —— 世
白虎 父母丙午火	官鬼甲寅木 —— 世	官鬼甲寅木 ——
螣蛇	妻财甲子水 ——	妻财甲子水 ——

世临寅鬼，晚景多灾。世值休囚，又逢日克，本年太岁在辰，可保无妨，当虑申年，木绝于申也，后未年得疾，交春之日而死，可称奇验。

〔居士按〕前篇有曰：用爻太旺，墓库以收藏。学者看后不忘前，方能运用不出差错。为用神，收藏之年月得吉，为忌神，收藏之年月应凶。

**元神宜于安静。**占寿，世为根本，元神为滋生之物，宜旺而静，不宜动摇，其故何也？夫占他事，宜元神动者，动则而有力也；占寿不宜发动者，动则已有限期矣。非元神值绝墓之年，即在元神被冲克之岁。

如：亥月 丁卯日（旬空：戌亥），占寿，得“姤之小畜”

	乾宫：天风姤	巽宫：风天小畜
青龙	父母壬戌土 ——	妻财辛卯木 ——
玄武	兄弟壬申金 ——	官鬼辛巳火 ——
白虎	官鬼壬午火 —— 应○→	父母辛未土 - - 应
螣蛇	兄弟辛酉金 ——	父母甲辰土 ——
勾陈 妻财甲寅木	子孙辛亥水 ——	妻财甲寅木 ——
朱雀	父母辛丑土 - - 世X→	子孙甲子水 —— 世

世临丑土，化子水合之，应爻午火生之，乃是世爻得地，长寿之征，然反不宜火动生土，犹恐子年冲去午火，殊为不美。果卒于子年，应子年者，世爻动而逢合之年也，又是冲去午火，不能生世也。

又如：辰月 乙卯日（旬空：子丑），占寿，得“中孚之睽”

	艮宫：风泽中孚（游魂）	艮宫：火泽睽
玄武	官鬼辛卯木 ——	父母己巳火 ——
白虎 妻财丙子水	父母辛巳火 —— ○→	兄弟己未土 - -
螣蛇	兄弟辛未土 - - 世X→	子孙己酉金 —— 世
勾陈 子孙丙申金	兄弟丁丑土 - -	兄弟丁丑土 - -
朱雀	官鬼丁卯木 ——	官鬼丁卯木 ——
青龙	父母丁巳火 —— 应	父母丁巳火 —— 应

世爻未土，月拱日克，可以敌之，反不宜巳火动而生世，今年太岁在申，恐亥年不利。后卒于戌年，应戌年者，巳火入墓之年也。

〔居士按〕看野鹤老人所举卦例，从不以精确无差错而自欺欺人。应期最难把握，吾辈非鬼神，安能泣鬼神？大师的真处在此。

**忌神最怕兴摇。**忌神不动，自是平安，动则已有限期矣，非应逢合之年，必应逢值之岁。

如：寅月 己酉日（旬空：寅卯），占寿，得“剥之无妄”

	乾宫：山地剥	巽宫：天雷无妄(六冲)
勾陈	妻财丙寅木 ——	父母壬戌土 ——
朱雀 兄弟壬申金	子孙丙子水 - - 世 X→	兄弟壬申金 ——
青龙	父母丙戌土 - - X→	官鬼壬午火 —— 世
玄武	妻财乙卯木 - -	父母庚辰土 - -
白虎	官鬼乙巳火 - - 应	妻财庚寅木 - -
螣蛇	父母乙未土 - - X→	子孙庚子水 —— 应

断曰：世化申金回头之生，不宜寅月冲破，又嫌戌未二土动而克水，所谓有克而无生，须防卯岁。果卒于卯年，此乃应戌土逢合之年而克世也。

又如：酉月 癸亥日（旬空：子丑），占故里，得“泰之明夷”

	坤宫：地天泰(六合)	坎宫：地火明夷(游魂)
白虎	子孙癸酉金 - - 应	子孙癸酉金 - -
螣蛇	妻财癸亥水 - -	妻财癸亥水 - -
勾陈	兄弟癸丑土 - -	兄弟癸丑土 - - 世
朱雀	兄弟甲辰土 —— 世	妻财己亥水 ——
青龙 父母乙巳火	官鬼甲寅木 —— O→	兄弟己丑土 - -
玄武	妻财甲子水 ——	官鬼己卯木 —— 应

寅木鬼动而克世，当应寅年、亥年不测，却卒于辰年，应世爻所值之年也，乃是世爻辰土逢辰年而遭鬼克之故耳。

又如：子月 乙亥日（旬空：申酉），占终身财福，得“节之中孚”

	坎宫：水泽节(六合)	艮宫：风泽中孚(游魂)
玄武	兄弟戊子水 - - X→	子孙辛卯木 ——
白虎	官鬼戊戌土 ——	妻财辛巳火 ——
螣蛇	父母戊申金 - - 应	官鬼辛未土 - - 世
勾陈	官鬼丁丑土 - -	官鬼丁丑土 - -
朱雀	子孙丁卯木 ——	子孙丁卯木 ——
青龙	妻财丁巳火 —— 世	妻财丁巳火 —— 应

余曰：勿以财问，问寿可也。夫巳火世爻日月冲克，何当子水又加克之，逢丑年须防水厄。彼

问：何也？余曰：坎宫属水，日辰月建是水，又动出子水，是故当防之也。占后，于

丑年 卯月 辛卯日（旬空：午未）

	兑宫：兑为泽(六冲)	震宫：泽雷随(归魂)
螣蛇	父母丁未土 - - 世	父母丁未土 - - 应
勾陈	兄弟丁酉金 —	兄弟丁酉金 —
朱雀	子孙丁亥水 —	子孙丁亥水 —
青龙	父母丁丑土 - - 应	父母庚辰土 - - 世
玄武	妻财丁卯木 — ○→	妻财庚寅木 - -
白虎	官鬼丁巳火 —	子孙庚子水 —

断曰：今年六月，若非水中之险，定逢竹木之灾。卦中日月克世，二爻寅卯又克，目下世空无碍。六月，世爻出空，逢群木以伤之，难保无危。彼曰：向占曾言不利，今又如此，果低乎？

余曰：数与数合，非仅低也。后果于六月随主避暑园林。二十九日向人而言曰：某人说我六月必死，今日廿九，饭吃七碗，如何得死？少刻持裤往塘内，在独木船上洗之。忽而船已离岸，岸上一人叫曰：无惧乎？某人说你死于水中，今船离岸，不死何为？其人心忙，以手划船而船不动，竟下水欲以一手扳船一手划之，岂知船轻，连人而覆，既死于木，又死于水。少刻，主人随命家人岸干船水，叫两人翻船，竟翻不过，岂非数耶？

按《黄金策》曰：卦遇凶星，避之则吉。此卦忌神动摇，世爻空亡，岂可避耶。

**觉子曰**：古法占流年，财克世者，以财断之，予竟以木多克世，防木为害。

又如：午月 己丑日（旬空：午未），占寿，得“否之遁”

	乾宫：天地否(六合)	乾宫：天山遯
勾陈	父母壬戌土 — 应	父母壬戌土 —
朱雀	兄弟壬申金 —	兄弟壬申金 — 应
青龙	官鬼壬午火 —	官鬼壬午火 —
玄武	妻财乙卯木 - - 世 X→	兄弟丙申金 —
白虎	官鬼乙巳火 - -	官鬼丙午火 - - 世
螣蛇	子孙甲子水 父母乙未土 - -	父母丙辰土 - -

此卦不敢定寿，世与妻财同化回头之克，间有应于伤妻者，须再占一卦，又得

	坤宫：水地比(归魂)	坎宫：水雷屯
勾陈	妻财戊子水 - - 应	妻财戊子水 - -

朱雀	兄弟戊戌土 ——	兄弟戊戌土 —— 应
青龙	子孙戊申金 - -	子孙戊申金 - -
玄武	官鬼乙卯木 - - 世	兄弟庚辰土 - -
白虎	父母乙巳火 - -	官鬼庚寅木 - - 世
螣蛇	兄弟乙未土 - - X→	妻财庚子水 ——

此卦世爻随鬼入墓，故知前卦乃应自身之寿也。但不敢竟断应期，因卦中之年月难定。盖世爻卯木，有应逢值者，有应逢冲者，有应木绝于申者，有应木墓于未者，请再占，为君决其应期。又得

	离宫：山水蒙	坤宫：地泽临
勾陈	父母丙寅木 —— O→	妻财癸酉金 - -
朱雀	官鬼丙子水 - -	官鬼癸亥水 - - 应
青龙 妻财己酉金	子孙丙戌土 - - 世	子孙癸丑土 - -
玄武	兄弟戊午火 - -	子孙丁丑土 - -
白虎	子孙戊辰土 ——	父母丁卯木 —— 世
螣蛇	父母戊寅木 - - 应 X→	兄弟丁巳火 ——

余曰：此卦得应期矣。上下寅木动而克世，木墓之年，乃在未岁。彼问：有凶事否？余曰：前卦木被金伤，恐有非常多厄。后于申年死于盗，乃应木绝于申也。

[ 乾按 ] 测占寿元之法，尤重世爻旺衰。世旺而得地必高寿，世衰而休囚必早夭，与他占之异又在元神旺而不动为吉，动则寿限已明，则不喜矣，宜慎之。

## 趋避章

**野鹤曰**：圣人作易，原令人趋吉避凶，若使吉不可趋，凶不可避，圣人作之何益？世人卜之何用？或曰：年灾月祸，可以避之，死生如何能避？余曰：安于正寝者，虽有可避之方，亦不须避。康节先生临终，呼弟子沐浴更衣，群弟子哭曰：先生何不祭神辟谷，以乐天年？先生曰：不怕二程夫子笑，要作神仙不甚难。故曰：可避而不避也。若夫占得死于水者，莫近河边；死于刑者，不可犯法，未有不化凶而为吉也。

曾于汉口，有人欲渡江索债，因屡取不得，欲与之厮闹。问得财否？成非否？

于：卯月 壬寅日（旬空：辰巳），占得“益之中孚”

巽宫：风雷益

艮宫：风泽中孚（游魂）

白虎	兄弟辛卯木 — 应	兄弟辛卯木 —
螣蛇	子孙辛巳火 —	子孙辛巳火 —
勾陈	妻财辛未土 - -	妻财辛未土 - - 世
朱雀 官鬼辛酉金	妻财庚辰土 - - 世	妻财丁丑土 - -
青龙	兄弟庚寅木 - - X→	兄弟丁卯木 —
玄武	父母庚子水 —	子孙丁巳火 — 应

余见此卦，本日辰动，化进神克世，因世爻落空，辰时出空，被日月动爻之克，必有危亡之祸。留之早膳，过此时辰去亦不迟，彼必欲去，余苦留之。饭后去到江边，忽而跑回，向余拜谢活命之恩。余曰：“此其何故？”彼曰：“今早四只大船摆渡，行至江心，忽起暴风，尽行覆没，此时尸满长江。若不蒙君苦留，已在江中矣。”余曰：“依数全无救星，定是兄之德行，我有何功？”此非谓之避之则吉也？

**最忌官鬼持世。**凡占防患，克世者，皆不为吉，而鬼爻克世者，更凶。

火鬼，防火灾；木鬼，防木害；水鬼，有沉溺之忧；土鬼，虑岩墙之厄；金鬼，剑刀斧钺；虎玄，盗贼兵戈；蛇雀，官非兼防火烛；勾陈，田土又系监牢；青龙固吉，克世亦凶，或因酒色亡身，兼缘喜中起祸。

既以五行六神而定，再以八卦参之：乾兑为寺庙，又属金形；坎为水灾，勿执弓弩；离是火灾，又为蟹鳖；震有舟车之寇；巽防妇女之奸；坤艮郊野山林，又为老妇妖童之感。诸类多门，在人通变。

如：丑月 戊子日（旬空：午未），占梦浑身有血，入河洗之，吉凶何如，得“益之中孚”

	巽宫：风雷益	艮宫：风泽中孚（游魂）
朱雀	兄弟辛卯木 — 应	兄弟辛卯木 —
青龙	子孙辛巳火 —	子孙辛巳火 —
玄武	妻财辛未土 - -	妻财辛未土 - - 世
白虎 官鬼辛酉金	妻财庚辰土 - - 世	妻财丁丑土 - -
螣蛇	兄弟庚寅木 - - X→	兄弟丁卯木 —
勾陈	父母庚子水 —	子孙丁巳火 — 应

余曰：“血乃财也，洗去者，破财之兆也。此卦螣蛇发动化进神，克世克财，不独劫财，更防身遭木害。巽宫属木，又系木动克世，木害须防。”彼问：“何以避之？”余曰：“世与木爻，皆在内卦，出外可避。巽为少女（注：长女），忌贪幼妇。”又问：“应在何时？”余曰：“交春即宜避之。”

彼曰：“年近岁逼，如何远去？”不料于正月亥日，宿于妾房，被贼入室，席卷一空，身受木器所伤。若不宿于少妇之室，或者扒墙而出，未必身受其伤。

### 独宜福德随身。

占梦兆	占漂洋过江	占偷关逾险	占防瘟疫
占防病	占误食毒物	占远邻火起	占防仇害
占避难	占贼盗生发	占孤身夜行	占宿店庙
占入山	占仇人讹诈	占已定大罪	占入不毛

大凡一切犹疑、惊恐、防灾、防患者，皆宜子孙持世，或动于卦中。古法曰：“但得子孙乘旺动，飞殃横祸化为尘。”

如：午月 丁亥日（旬空：午未），占梦前夫唤去，已随去矣，得“既济之临”

	坎宫：水火既济	坤宫：地泽临
青龙	兄弟戊子水 — — 应	父母癸酉金 — —
玄武	官鬼戊戌土 ———— O→	兄弟癸亥水 — — 应
白虎	父母戊申金 — —	官鬼癸丑土 — —
螣蛇 妻财戊午火	兄弟己亥水 ———— 世 O→	官鬼丁丑土 — —
勾陈	官鬼己丑土 — — X→	子孙丁卯木 ———— 世
朱雀	子孙己卯木 ————	妻财丁巳火 ————

世爻亥水虽临日辰，难当重重土克，今冬危甚。果九月小产成痼，十二月而死。

又如：戌月 戊申日（旬空：寅卯），占梦亡母唤去，已随去矣，得“风山渐”

	艮宫：风山渐(归魂)
朱雀	官鬼辛卯木 ———— 应
青龙 妻财丙子水	父母辛巳火 ————
玄武	兄弟辛未土 — —
白虎	子孙丙申金 ———— 世
螣蛇	父母丙午火 — —
勾陈	兄弟丙辰土 — —

凶梦相同，生死各别。前卦世爻变鬼，死于腊月。后卦子孙持世，竟无凶灾。觉子曰：子孙持世固吉，若值月破，许出月无忧；临旬空，出旬无患，未至出旬之日，尽属空忧虚惑。

如：巳月 庚辰日（旬空：申酉），占防患，得“泽天夬”

坤宫：泽天夬

螣蛇 兄弟丁未土 - -  
 勾陈 子孙丁酉金 —— 世  
 朱雀 妻财丁亥水 ——  
 青龙 兄弟甲辰土 ——  
 玄武 父母乙巳火 官鬼甲寅木 —— 应  
 白虎 妻财甲子水 ——

世临子孙值旬空，事犹不能结局，因终日忧煎。

又于：巳月 乙酉日（旬空：午未），占得“天雷无妄”

巽宫：天雷无妄（六冲）

玄武 妻财壬戌土 ——  
 白虎 官鬼壬申金 ——  
 螣蛇 子孙壬午火 —— 世  
 勾陈 妻财庚辰土 - -  
 朱雀 兄弟庚寅木 - -  
 青龙 父母庚子水 —— 应

世临午火子孙，又值旬空，事仍反复不结。

又于：巳月 己酉日（旬空：寅卯），占得“节之坎”

坎宫：水泽节（六合）

坎宫：坎为水（六冲）

勾陈	兄弟戊子水 - -	兄弟戊子水 - - 世
朱雀	官鬼戊戌土 ——	官鬼戊戌土 ——
青龙	父母戊申金 - - 应	父母戊申金 - -
玄武	官鬼丁丑土 - -	妻财戊午火 - - 应
白虎	子孙丁卯木 ——	官鬼戊辰土 ——
螣蛇	妻财丁巳火 —— 世○→	子孙戊寅木 - -

余曰：甲寅日则事结矣。彼问：何也？余曰：世下巳火，变出寅木子孙，又值旬空，幸得卦遇六冲，所以结也。果结于甲寅日。

**克在内，世在外，宜于外避。**

克神若在内卦，动而克世，宜出外避之。克神若在外卦，动而克世，宜在家避之。

如：寅月 丁卯日（旬空：戌亥），占流年，得“噬嗑之睽”（注：虎易校对版为益之睽，日建丁卯，同盟校对版为益之中孚，日建丁未，此处“噬嗑之睽”摘自鼎升的增删校对手记）

	巽宫：火雷噬嗑	艮宫：火泽睽
青龙	子孙己巳火 ——	子孙己巳火 ——
玄武	妻财己未土 - - 世	妻财己未土 - -
白虎	官鬼己酉金 ——	官鬼己酉金 —— 世
螣蛇	妻财庚辰土 - -	妻财丁丑土 - -
勾陈	兄弟庚寅木 - - 应 X →	兄弟丁卯木 ——
朱雀	父母庚子水 ——	子孙丁巳火 —— 应

余曰：寅木动爻临月建，化进神克世，此时木盛贪荣，不来克世，六、七月衰墓之时，防土木之厄。彼问：可避否？余曰：宜往外方可避。又问：何方为吉？余曰：目下去者，宜往西方，六、七月去者，宜往东方。何也？六七月木衰矣，所以反宜于东。此人竟未出门，捱至七月初七，又得凶梦，初八即往东行，二十八，地震房塌，人口被伤，独伊得免。

世在外，克在外，宜于家居。世爻与忌神皆在外卦者，不可出行，宜家居可避；世爻与忌神皆在内卦者，不可家居，宜出外可避。

出行章云：路上有官休出外，宅中有鬼莫家居。同此意耳。

如：未月 丙子日（旬空：申酉），占仆人能祸否？得“解之震”

	震宫：雷水解	震宫：震为雷(六冲)
青龙	妻财庚戌土 - -	妻财庚戌土 - - 世
玄武	官鬼庚申金 - - 应	官鬼庚申金 - -
白虎	子孙庚午火 ——	子孙庚午火 ——
螣蛇	子孙戊午火 - -	妻财庚辰土 - - 应
勾陈	妻财戊辰土 —— 世 O →	兄弟庚寅木 - -
朱雀	父母庚子水 兄弟戊寅木 - - X →	父母庚子水 ——

此公知仆役变心，意欲处治，尚无实迹，故占之。此卦若执奴仆为财则愚矣。盖彼既防患，只看忌神，今世临辰土，两重寅木伤之。余曰：不独此人，还有附从者。彼问：何法处之？余曰：彼实无迹，如何处之？但未月乃木之墓，七月乃木之绝，此两月是彼败露之月也，公宜出外避之，自能免祸。果依数而行，往坟庄上住过半月，家中两仆逃矣，一妇随去，一妇未去。未去之妇曰：彼二人原欲害主而逃，今因主出外，不能相害。故机泄而逃耳。

**避患于生世之方，趋吉于福神之地。**凡避兵、避盗、避瘟、养病、避是非，皆宜避于“生世”之方及“子孙”之方为吉。子孙若发动于卦中，不拘克世、生世、持世俱吉。

如：巳月 戊辰日（旬空：戌亥），占防流兵能为我害否？得“临之睽”

	坤宫：地泽临		艮宫：火泽睽
朱雀	子孙癸酉金 - - X→		父母己巳火 ——
青龙	妻财癸亥水 - - 应		兄弟己未土 - -
玄武	兄弟癸丑土 - - X→		子孙己酉金 —— 世
白虎	兄弟丁丑土 - -		兄弟丁丑土 - -
螣蛇	官鬼丁卯木 —— 世		官鬼丁卯木 ——
勾陈	父母丁巳火 ——		父母丁巳火 —— 应

彼时流兵为害，到处遭殃，有知易者，占得此卦，终日焦虑。余问：此卦何以忧也？彼曰：巳酉丑合成金局而克世，世爻又临蛇鬼，数在劫中，万万莫能逃矣。余笑曰：尔与兵贼同居，保尔无事。彼曰：何也？余曰：子孙合成金局，克去身边之鬼，夫复何忧？彼曰：酉金子孙，旺于巳月，又化巳火，论克，如何论生？余曰：酉金得丑辰二土以相生，如何论克？果屡次遇兵变，此人或避，或不避，皆有惊无险。自癸未年占得此卦，直至庚寅年地方大定，向余曰：子孙为福神，信乎有验，世之看书不到，论理不彻，以吉为凶，以凶为吉者，不独我一人而已。

如通乡于：巳月 丙戌日（旬空：午未），占避乱，得“乾之大有”

	乾宫：乾为天(六冲)		乾宫：火天大有(归魂)
青龙	父母壬戌土 —— 世		官鬼己巳火 —— 应
玄武	兄弟壬申金 —— O→		父母己未土 - -
白虎	官鬼壬午火 ——		兄弟己酉金 ——
螣蛇	父母甲辰土 —— 应		父母甲辰土 —— 世
勾陈	妻财甲寅木 ——		妻财甲寅木 ——
朱雀	子孙甲子水 ——		子孙甲子水 ——

众以子孙属水，金动生之，北方为吉。余曰：非也。兄动化进神，乃破财之象，午火得令而生世，住南避之为吉。众信余之言，皆从南避。后果贼从北来，放火烧村而去，房屋稻谷尽成灰烬，乃申金兄动破财之故耳。所以生方为吉，子孙之方亦吉。又当以旺衰分别，火虽鬼方，生我何碍。

**世遇生扶，百年正寝；身遭克害，五类推详。**

凡占终身结果如何，但得世爻旺相，或有动爻日月相扶，或动而化吉，皆许无疾而终。

如世逢克制、刑冲，须以五行兼六神而断。受五行之克，以疾病而言；如兼六神之凶，即以横亡而断。

火若伤金，肺经之病；土来刑水，肾受其伤；水克火，以伤心；金克木，而肝疾；脾虚胃弱，皆因木旺刑冲。

肠损腰伤，乃为仇神独发，兼螣蛇以心惊，带青龙而酒色，勾陈肿胀，朱雀颠狂，虎必血灾，玄因气恼。虎玄金鬼，难免盗贼、兵戈；水鬼龙玄，宜远江湖池井；蛇雀木鬼犯官刑，临火须防焚害；蛇木又言缢绞，勾陈土鬼牢狱，谚云：“一样之生，百样之死。”卦如神见，理宜细详。

如：未月 癸亥日（旬空：子丑），占定何罪，得“中孚之临”

		艮宫：风泽中孚（游魂）		坤宫：地泽临
白虎		官鬼辛卯木 ——— ○→		子孙癸酉金 — —
螣蛇	妻财丙子水	父母辛巳火 ——— ○→		妻财癸亥水 — — 应
勾陈		兄弟辛未土 — — 世		兄弟癸丑土 — —
朱雀	子孙丙申金	兄弟丁丑土 — —		兄弟丁丑土 — —
青龙		官鬼丁卯木 ———		官鬼丁卯木 ——— 世
玄武		父母丁巳火 ——— 应		父母丁巳火 ———

木鬼临白虎，绞罪定矣！但幸世临月建，木鬼虽动，又被酉金回头之克，外卦反吟，事必反复，虽定绞罪，终有改移。果议绞罪，后蒙驳审从减（驳番拨活罪）。

〔乾按〕趋吉避凶乃易占之本意，凡占一切忧虑惊恐，如遇子孙持世旺相得地，或子孙爻动于卦中者，皆主无碍。若遇鬼兄克世，定然遭遇祸患。如何趋避，全凭自身谨慎，世身休囚无气之时，万勿轻举妄动。宜外避者，去生世或子孙旺相之方。宜内避者，家居即可免灾。今之人往往占时虔诚在意，过后漠然淡忘，及至祸发，已避之不及矣。据此即言难避，实为自误也。

## 父母寿元章

凡占祖父、祖母、父母，俱宜分占，按古以阳爻为父，阴爻为母，余试不验。

**父临日月，椿庭晚岁荣华；母逢破空，萱草残年憔悴。**

父母爻，或旺或相，或临日月，或日月动爻生扶，及动而化吉，长享遐龄。父母爻休囚，不遇刑害伤克，晚年多病，还保无伤；休囚又被刑冲，或日月动爻之克，及动而变凶，承欢宜早。

如：丑月 庚子日（旬空：辰巳）先占父寿，得“天风姤”

乾宫：天风姤

螣蛇	父母壬戌土	——
勾陈	兄弟壬申金	——
朱雀	官鬼壬午火	—— 应
青龙	兄弟辛酉金	——
玄武	妻财甲寅木	子孙辛亥水 ——
白虎	父母辛丑土	- - 世

次占母寿，得“大壮之升”

	坤宫：雷天大壮(六冲)	震宫：地风升
螣蛇	兄弟庚戌土 - -	子孙癸酉金 - -
勾陈	子孙庚申金 - -	妻财癸亥水 - -
朱雀	父母庚午火 —— 世○→	兄弟癸丑土 - - 世
青龙	兄弟甲辰土 ——	子孙辛酉金 ——
玄武	官鬼甲寅木 ——	妻财辛亥水 ——
白虎	妻财甲子水 —— 应○→	兄弟辛丑土 - - 应

断曰：前卦两现父母，取月建丑土为用神，旺于子日，又与日合，蒂固根深，大椿永茂。后卦午火父母，动被日冲，初爻子水又动，此午火有克无生，因初爻子水，化出丑土，贪合不来克火，防丙子年，加以太岁冲之，是其时也。癸酉年占，至乙巳年三十余载，复遇其人而问曰：尊翁健否？答曰：甚健。问其高堂，答曰：果卒于子年。若以古法阳为父、阴为母，前卦丑戌两现，俱以旺断者，宁不误哉。

又如：卯月 庚寅日（旬空：午未），占母寿，得“蹇之谦”

	兑宫：水山蹇	兑宫：地山谦
螣蛇	子孙戊子水 - -	兄弟癸酉金 - -
勾陈	父母戊戌土 —— ○→	子孙癸亥水 - - 世
朱雀	兄弟戊申金 - - 世	父母癸丑土 - -
青龙	兄弟丙申金 ——	兄弟丙申金 ——
玄武	妻财丁卯木 官鬼丙午火 - -	官鬼丙午火 - - 应
白虎	父母丙辰土 - - 应	父母丙辰土 - -

卦中两现父母，取戌土动爻为用神，春占休囚，虽则卯与戌合，嫌日月同克，论克不论合也。

占后，至戌年辰月而终。应戌年者，动而逢值之年，应辰月者，冲戌之月也。

又如：酉月 庚申日（旬空：子丑），占祖母寿，得“蒙之涣”

	离宫：山水蒙	离宫：风水涣
螣蛇	父母丙寅木 ——	父母辛卯木 ——
勾陈	官鬼丙子水 - - X→	兄弟辛巳火 —— 世
朱雀 妻财己酉金	子孙丙戌土 - - 世	子孙辛未土 - -
青龙	兄弟戊午火 - -	兄弟戊午火 - -
玄武	子孙戊辰土 ——	子孙戊辰土 —— 应
白虎	父母戊寅木 - - 应	父母戊寅木 - -

寅木父母，秋卜凋零，逢绝、逢冲、逢克，五爻子水，独发相生，无根之木，生亦不久，防午年冲去子水，为子者勿远游也。果终于午年。此应冲去原神之年也。

又如：巳月 乙酉日（旬空：午未），占父寿，得“巽之姤”

	巽宫：巽为风(六冲)	乾宫：天风姤
玄武	兄弟辛卯木 —— 世	妻财壬戌土 ——
白虎	子孙辛巳火 ——	官鬼壬申金 ——
螣蛇	妻财辛未土 - - X→	子孙壬午火 —— 应
勾陈	官鬼辛酉金 —— 应	官鬼辛酉金 ——
朱雀	父母辛亥水 ——	父母辛亥水 ——
青龙	妻财辛丑土 - -	妻财辛丑土 - - 世

亥水父临月破，又被未土相伤，虽则酉日冲动卯木克土，土旺木衰，不惟不许长年，且无长月。果卒于本年冬月子日。应子日者，冲去午火，而未土以克亥水也。

又如：卯月 丙寅日（旬空：戌亥），占祖母寿，得“风泽中孚”

	艮宫：风泽中孚(游魂)
青龙	官鬼辛卯木 ——
玄武 妻财丙子水	父母辛巳火 ——
白虎	兄弟辛未土 - - 世
螣蛇 子孙丙申金	兄弟丁丑土 - -
勾陈	官鬼丁卯木 ——
朱雀	父母丁巳火 —— 应

断曰：巳火父母，日月生之，当享大寿。彼曰：“家父为祖母拜天，许拜七年。我因家父劳于公事，停妻未娶，代为礼拜。”余曰：“可见乔梓大孝，感格天心。此卦日月相生，勿谓非神之力。”戌年占，及至次年，偶因祖母痰堵，此子又来卜之。

丑月 庚子日（旬空：辰巳），占得“归妹之震”（原为“归妹之复”）

	兑宫：雷泽归妹(归魂)	震宫：震为雷(六冲)
螣蛇	父母庚戌土 - - 应	父母庚戌土 - - 世
勾陈	兄弟庚申金 - -	兄弟庚申金 - -
朱雀 子孙丁亥水	官鬼庚午火 ——	官鬼庚午火 ——
青龙	父母丁丑土 - - 世	父母庚辰土 - - 应
玄武	妻财丁卯木 —— ○→	妻财庚寅木 - -
白虎	官鬼丁巳火 ——	子孙庚子水 ——

卦未装毕，家人来曰：“老太已去世矣。”此子急去。余详察此卦，丑土父母，既临月建，又有午火暗动相生；虽则木动克土，但化退神，又贪生忘克（原为“绝于申日”），岂无救耶？随即赶到其家。北人土俗，临终不肯停床，已抬于门板之上。痰壅于喉，稍有微息。余以白生矾三钱，滚水化开，掀牙灌之，忽而叫曰：“冷甚。”随即复移烧热炕。又活十有三载。

〔乾按〕测占父母寿元，宜一卦一占。主看世爻旺衰。世爻旺相得地，又得日月生扶，卦无动爻，必为高寿。若世爻休囚无气，又受忌神之克制，必在墓绝之年或受克之年月日为大限矣。

## 兄弟章

凡占弟兄，须宜问明，或因兄弟不睦，将来和好否？或因兄弟多而能得济否？或问将来有兄弟否？或占兄弟寿元，便于决断。

**兄爻旺相遇生扶，紫荆并茂。**

兄弟爻，或旺或相，或临日月，或日月动爻生扶，及动而化吉者，主手足和睦。

**弟位休囚兼受制，雁序分飞。**

兄弟爻休囚者，问得济，虽有若无；问将来有否，从此绝望；问寿元，有限春秋。倘休囚又逢空破，及日月动爻刑克，或动而化凶者，凡占皆为不吉。

如：申月 丙辰日（旬空：子丑），占兄弟和好得济否？得“大有之乾”

	乾宫：火天大有(归魂)	乾宫：乾为天(六冲)
青龙 官鬼己巳火 —— 应	父母壬戌土 —— 世	

玄武	父母己未土 - - X→	兄弟壬申金 ——
白虎	兄弟己酉金 ——	官鬼壬午火 ——
螣蛇	父母甲辰土 —— 世	父母甲辰土 —— 应
勾陈	妻财甲寅木 ——	妻财甲寅木 ——
朱雀	子孙甲子水 ——	子孙甲子水 ——

兄弟临月建，未土父动以相生，又化出兄爻，余曰：弟兄固多，只有一属猴者得济。彼问何故？余曰：神兆基于动，动而变出以临月建，自是超群拔类。彼曰：果有一弟属猴，去年已叨乙榜矣，余三人皆从别业。可见数之灵验如此，后一年又登甲榜。

又如：卯月 戊辰日（旬空：戌亥），占弟兄同爨，将来和睦久远否？终有反目否？当分居否？得“震之兑”

	震宫：震为雷（六冲）	兑宫：兑为泽（六冲）
朱雀	妻财庚戌土 - - 世	妻财丁未土 - - 世
青龙	官鬼庚申金 - - X→	官鬼丁酉金 ——
玄武	子孙庚午火 ——	父母丁亥水 ——
白虎	妻财庚辰土 - - 应	妻财丁丑土 - - 应
螣蛇	兄弟庚寅木 - - X→	兄弟丁卯木 ——
勾陈	父母庚子水 ——	子孙丁巳火 ——

断曰：此卦大凶，爻凶卦凶，大有不测之祸。内卦兄弟化进这时，金鬼于外卦亦化进神，动而冲克，震木变兑金，亦化回头之克，凶之极矣。后因寇乱，甲申年，弟兄同时被害，妻孥悉陷贼营，应申年者，木绝于申也。

又如：未月 辛酉日（旬空：子丑），占还有弟否？得“既济之革”

	坎宫：水火既济	坎宫：泽火革
螣蛇	兄弟戊子水 - - 应	官鬼丁未土 - -
勾陈	官鬼戊戌土 ——	父母丁酉金 ——
朱雀	父母戊申金 - - X→	兄弟丁亥水 —— 世
青龙	妻财戊午火 兄弟己亥水 —— 世	兄弟己亥水 ——
玄武	官鬼己丑土 - -	官鬼己丑土 - -
白虎	子孙己卯木 ——	子孙己卯木 —— 应

余曰：弟兄虽有，必不得济。亥水兄爻持世，申父动而生之，此一位得济之弟尚未生也，应爻

之子水，虽则出现，已值旬空，故曰必不得济。彼曰：果有一弟已得颠狂之症，所以再问有无也。余曰：必有，乃异母所生。彼问：何也？余曰：父母化出之爻也，是以知之。又问：子水之兄弟临空而不得力是矣，而亥水持世之兄爻亦不得济，何也？余曰：第四爻申金化出之亥水，即是此爻，此卦之微妙，尔岂得知？后果异母有出，父亡而扶之。余曰：“抚其成人，后事尔志。”古法“卦无父母，而有兄弟，胞于异母”，余未得试。

〔乾按〕占兄弟者以兄弟爻为用神占问何事须一念专一，用神兄弟爻宜旺相遇生扶，必能和睦相济。若休囚无气，又受日月动爻克制，不论占何事，皆难遂心。

## 夫妇章

夫妇之占，亦须分别，或占妻寿，或占夫妻偕老否？或占夫妻和睦否？或占妻有刑伤破败否？占妻、占妾、占婢，一卦只占一人，不可统问。

**财福生身，可遂唱随之愿；应爻合世，堪为附和之神。**《黄金策》专以应爻为妻者，其何故也？盖因其身命章中，父子、弟兄、妻财、官鬼，一卦而兼断之，正恐屡以财为妻者，又以何爻为财帛？不得不以应而为妻位，不顾验与不验，竟以应爻为妻。虽然以应爻为妻者，也兼看财爻，不是完全无理。占妻者，财爻为重，应爻次之。财爻旺相，应爻空破，仍以吉断；应爻旺相，财爻空破，即以凶推。应旺财旺，吉之更吉；应破财破，凶而又凶。故以应爻为附和也。**觉子曰**：财爻或旺、或相、或临日月、或日月动爻生扶、及动而化吉，又与世爻相生合者，如占偕老，定然白头相守；若占和睦，定然举案齐眉；如占妻命之好否，入夫门，夫家随旺。占妾占婢，指而问者，亦同此断。

**财动化凶，失履遗簪之叹。**兄弟持世，鼓盆蓂踞之悲。财动化凶者，乃化鬼、化回头克、化退神、化绝、化墓、化破、化空之类，不拘何问，玉碎珠沈。兄弟持世，或兄爻动于卦中，或日月临兄弟以伤财，或兄化财爻，不拘问妻问妾，皆不长年。

**财旺兄衰，终须反目；克财财退，必主生离。**兄爻持世而财爻旺者，不能克妻，终乖琴瑟，相见如仇；兄爻持世，财化退神者，亦同此意，非反目则生离。

如：酉月 辛巳日（旬空：申酉），占夫妇将来和好否？得“地天泰”

坤宫：地天泰（六合）

螣蛇	子孙癸酉金 — — 应
勾陈	妻财癸亥水 — —
朱雀	兄弟癸丑土 — —
青龙	兄弟甲辰土 — 世

玄武 父母乙巳火 官鬼甲寅木 ——

白虎 妻财甲子水 ——

兄爻持世，以克妻财，辛亥水财爻，酉月生之，财旺，难于克害。彼曰：目下不睦，将来好否？余曰：巳日冲动亥水，又临驿马，妻财临马而暗动，心去难留，生离之象也。此人自此之后，为此事而占过十余次，若非兄爻持世，定是财化退神，后竟生离。

《黄金策》云：“世为一生之本，应为百岁之妻。”似此，则此卦世应相生，何以有生离之事耶！

又如：戌月 癸卯日（旬空：辰巳），占夫妇何如？有刑克否？得“旅之蹇”

	离宫：火山旅(六合)	兑宫：水山蹇
白虎	兄弟己巳火 —— O→	官鬼戊子水 - -
螣蛇	子孙己未土 - - X→	子孙戊戌土 ——
勾陈	妻财己酉金 —— 应O→	妻财戊申金 - - 世
朱雀	官鬼己亥水 妻财丙申金 ——	妻财丙申金 ——
青龙	兄弟丙午火 - -	兄弟丙午火 - -
玄武	父母己卯木 子孙丙辰土 - - 世	子孙丙辰土 - - 应

不独世应相生，而且世与财合，当许百年相守，奈何世爻空而且破，是欲合而不能合也，再加财化退神，决有生离之事。果自娶之后，憎嫌反目，竟休之。

**应财受制，结发断难偕老；动妻旺相，续弦堪许白头。**卦中财爻多现，若分正庶者，自当以应爻临财而作正妻之位也，倘被日月动爻冲克，及动而化凶，乃结发之妻有伤也。若得他爻之财旺相，或动而化吉，及他爻变出之财旺相，生合世爻者，乃再娶之妻反遂白头之愿。如若财爻不临于应，又以正卦之财为正妻，变爻之财为再娶。

**妻若克身，非刑伤，必然妒悍。**妻财克世，世若空破休囚，或墓绝，或动而变凶，或随鬼入墓，但逢一者，夫命夭亡。若旺财克世，世爻得地者，固无刑伤，必遭悍妇。

**应财生世，非内助，即获外财。**卦中遇财爻生合世爻，亦不可只以和美断之，间有应在得妻家之财力者，否则内君必善于持家。

如：巳月 丁未日（旬空：寅卯），占夫妻偕老否？得“无妄之观”

	巽宫：天雷无妄(六冲)	乾宫：风地观
青龙	妻财壬戌土 ——	兄弟辛卯木 ——
玄武	官鬼壬申金 ——	子孙辛巳火 ——
白虎	子孙壬午火 —— 世O→	妻财辛未土 - - 世

螣蛇	妻财庚辰土 - -	兄弟乙卯木 - -
勾陈	兄弟庚寅木 - -	子孙乙巳火 - -
朱雀	父母庚子水 — 应○→	妻财乙未土 - - 应

满盘俱是财爻，世爻变出之未土与世爻相合，此未土之财，乃正妻也，临日建，遇月生扶，不独偕老，且许贤比周南。果此公美妾十余，正夫人贤而不妒，夫妻同庚而生，妻活八旬有一，夫年八十二岁。此卦若以世应相冲相克而断之，岂不谬哉。

[乾按] 测占夫妻偕老，卦逢世官应财，财官相生相合最吉，《黄金册》中“应为百岁之妻”即此意也。除此外，不可以应爻为财而断。最忌兄弟持世，兄弟发动必破财伤妻，难作白头伴侣。财爻旺相来克世，世若休囚无气，须防刑伤，世若得地而受克，妻必不贤而妒悍。

## 子嗣章

凡问子嗣，须明告之，或已有子占后还生否？或问现在之子可保长年否？或从不生育，占终有子否？决不可含糊而问。

盖易告未来，不示已往，假令求嗣者已经有子，意问后来还可生否？而不明晰告之，设后不再生，神必现无子之卦，是不报以前之有，乃现后来之无也，而断卦者不知，自依卦断之，占者岂服耶？又有现虽得子而将来不存者，神亦现无嗣之卦，尔固曰有，神告曰无，神肯妄谏耶？

即如：寅月 癸亥日（旬空：子丑），占子嗣多少，得“坤之艮”

	坤宫：坤为地(六冲)	艮宫：艮为山(六冲)
白虎	子孙癸酉金 - - 世X→	官鬼丙寅木 — 世
螣蛇	妻财癸亥水 - -	妻财丙子水 - -
勾陈	兄弟癸丑土 - -	兄弟丙戌土 - -
朱雀	官鬼乙卯木 - - 应X→	子孙丙申金 — 应
青龙	父母乙巳火 - -	父母丙午火 - -
玄武	兄弟乙未土 - -	兄弟丙辰土 - -

断曰：鬼变子孙、子孙变鬼，遇一者，即为无子，此卦两显无子之兆。彼曰：少年艰于子嗣，自五旬之外，连得四子，长子已六岁矣。余曰：依此卦象，恐俱难存。彼甚不悦。岂知婢妾甚多，占后不三五年，生过九子，并无一存，临终过侄立嗣，承袭世职。

**福德旺隆，育儿贤俊。**福德，即子孙爻也，若旺遇生扶，或临日月，或帝旺长生于日，或动而化吉，必产贤儿。

**子孙衰弱，生子痴愚。**子孙爻衰弱，必生愚痴之子。衰而被克、休囚无气，或墓绝空破，或动而化凶，或日月动爻冲克，或父化子、子化父、鬼变子孙，或父母持世，皆主生而不存。若子动逢空不碍，必得子于冲空实空之年。

**觉子曰：**《黄金策》云：子化兄，生儿不肖，殊不思化兄乃回头之生，如何不肖？注解又云：化鬼亦不肖，化鬼者，百无一活，岂不肖而已耶？

申月 辛卯日（旬空：午未），占子嗣，得“地雷复”

坤宫：地雷复（六合）

螣蛇	子孙癸酉金	— —
勾陈	妻财癸亥水	— —
朱雀	兄弟癸丑土	— — 应
青龙	兄弟庚辰土	— —
玄武	父母乙巳火	官鬼庚寅木 — —
白虎	妻财庚子水	—— 世

断曰：身带吉而子扶，喜闻鹤和。此卦申金月建，作子孙以生世，有子之兆也。上爻酉金子孙，日辰冲动以生世，定有远方之子来家之象。彼喜曰：我于三十七岁有子，已十八矣，因乱失散，至今并无所出。余曰：恭喜！明现子从六爻动来生世，此子必归。彼问：何时得见？余曰：明岁甲辰，与酉金相合，定得意而归。果于次年六月父子相逢。

**财化子，可辨正出庶出。**卦有财而无子孙者，须看变出之爻，变爻子孙，乃庶出也，即断曰：“正无所出，定得偏生。”卦有子孙，变爻亦有子孙，又非此论，即以变爻之子为晚子也。倘若正庶俱已生子，而问贤愚者，又以正卦之子为正出，变爻之子为庶出也。

如：巳月 己酉日（旬空：寅卯），占生子不存，将来存否？得“贲之无妄”

艮宫：山火贲（六合）

巽宫：天雷无妄（六冲）

勾陈	官鬼丙寅木	——	兄弟壬戌土	——
朱雀	妻财丙子水	— — X→	子孙壬申金	——
青龙	兄弟丙戌土	— — 应 X→	父母壬午火	—— 世
玄武	子孙丙申金	妻财己亥水 —— O→	兄弟庚辰土	— —
白虎	父母丙午火	兄弟己丑土 — —	官鬼庚寅木	— —
螣蛇	官鬼己卯木	—— 世	妻财庚子水	—— 应

余曰：克过正妻否？彼曰：仍是结发。余曰：伤过正妻，方能存子。盖以内卦亥水之财，即为

正妻，破而被克；五爻子水之财，乃为再娶，变出申金子孙，必生子也。但五爻子水，亦被戌土之克，虽化长生，而兼酉日之生，不免多病。卯年占，巳年而正妻死，即于冬月续娶，申年得子，而因产成疾矣。

**子化子，须知本宫他宫。** 子孙化子孙，得验者二：

少年无子，得此者，应多生子也；现有子，得此者，乃应多子而多孙也。

若夫老年无子，得此者，乃抚他人之子而为子，须宜分别。化出他宫者，立异姓之子；化出本宫者，立族中孙侄。

如：子月 戊戌日（旬空：辰巳），占现已有子，现能生否？得“屯之节”

	坎宫：水雷屯	坎宫：水泽节(六合)
朱雀	兄弟戊子水 — —	兄弟戊子水 — —
青龙	官鬼戊戌土 — 应	官鬼戊戌土 —
玄武	父母戊申金 — —	父母戊申金 — — 应
白虎 妻财戊午火	官鬼庚辰土 — —	官鬼丁丑土 — —
螣蛇	子孙庚寅木 — — 世 X →	子孙丁卯木 —
勾陈	兄弟庚子水 —	妻财丁巳火 — 世

子孙化子孙，又逢月建相生，不惟多子，抑且多孙。彼问：命应几子？余曰：古有此法，因不合理，不敢以之欺人也。彼问：古法亦错乎？余曰：古以水一、火二、木三、金四、土五，数止于五，假使文王百子，何以定之？余以占多寡者，旺相者多；占贤愚者，另占一卦，旺相者贤，屡试屡验。余今以聪明断之，看后验否？

动爻寅木子孙，乃现在之子，化出卯木子孙，乃将来之子也。目下现有几子？彼曰：有四。余曰：还有四子。后过十余载，果得四子。余至其家，见眇一目者，问之，属兔。余曰：此子必贵。前卦变出卯木子孙，与月建相刑，与日辰相合，刑中带合，既带破相，自然荣显。后此子官至参政。

又：如：干支：巳月 丁酉日（旬空：辰巳）

	离宫：火水未济	坎宫：水泽节(六合)
青龙	兄弟己巳火 — 应 O →	官鬼戊子水 — —
玄武	子孙己未土 — — X →	子孙戊戌土 —
白虎	妻财己酉金 — O →	妻财戊申金 — — 应
螣蛇 官鬼己亥水	兄弟戊午火 — — 世	子孙丁丑土 — —
勾陈	子孙戊辰土 —	父母丁卯木 —

朱雀 父母戊寅木 - - X→ 兄弟丁巳火 —— 世

内卦辰土子孙空而被克，乃无子也，幸外卦未土化出子孙，劝之早继螟蛉。彼曰：意继妻侄可乎？余曰：离宫化出他宫，原应异姓子也。

又如：亥月 庚子日（旬空：辰巳），占子嗣有无，得“屯之节”

	坎宫：水雷屯	坎宫：水泽节(六合)
螣蛇	兄弟戊子水 - -	兄弟戊子水 - -
勾陈	官鬼戊戌土 —— 应	官鬼戊戌土 ——
朱雀	父母戊申金 - -	父母戊申金 - - 应
青龙 妻财戊午火	官鬼庚辰土 - -	官鬼丁丑土 - -
玄武	子孙庚寅木 - - 世 X→	子孙丁卯木 ——
白虎	兄弟庚子水 ——	妻财丁巳火 —— 世

此公年逾六旬，并无所出。自知易理，得此卦甚喜。以为世爻子孙，又化子孙，月建合之，日辰生之，多子之兆。余曰不然，子孙化子孙，非己出也。次年三月终于任，后立侄孙为承嗣。

**父占子，知其易养；子临贵，难日成名。**父占子，只知易养，难断富贵。子孙旺相，克制官星，子若休囚，焉能食禄？所以易养否，不难知也。

子孙旺相，或动而化吉，或临日月，或日月动爻生扶，或长生帝旺，皆许成人；如休囚空破，动而变凶，风灯水泡。至于子孙之富与贵者，旺相又遇生扶，自然富贵，若以科甲而断者，乃欺人之法也。

《黄金策》云：“子带贵人，自有登天之目。”又云：“禄贵临爻，童年拜相。”以贵禄临子孙而化鬼者，不为化鬼，而为化官，即许登天拜相。余查天乙贵人临爻，并无禄到，贵人临马，只有丁巳日，见亥水子孙，乃为贵人与马同宫，余皆不是。有禄者，并无贵人与马，此皆未尝经验，不过信笔书之耳。况余屡占子女而遇子孙变鬼者，万无一活。

如：亥月 丙辰日（旬空：子丑），占子易养否？得“姤之旅”

	乾宫：天风姤	离宫：火山旅(六合)
青龙	父母壬戌土 ——	官鬼己巳火 ——
玄武	兄弟壬申金 —— O→	父母己未土 - -
白虎	官鬼壬午火 —— 应	兄弟己酉金 —— 应
螣蛇	兄弟辛酉金 ——	兄弟丙申金 ——
勾陈 妻财甲寅木	子孙辛亥水 —— O→	官鬼丙午火 - -

朱雀

父母辛丑土 — — 世

父母丙辰土 — — 世

亥水子孙临月建，五爻兄动以相生，旺莫旺于此也。若以吉神论之，丙日以亥为贵人，贵莫贵于此也。岂知子孙变鬼，死于次年五月。

**觉子曰**：《黄金策》云：“官鬼无伤，曹彬取印终封爵。”余以为此官鬼无伤者，必是子孙爻被伤被克，休囚无气，所以不能伤克官鬼。然既是如此衰弱之子孙，又岂能封官爵耶？

又云：“父身有气，车胤显名。”尤为不轻。夫父占子，父为忌神，或动或旺，必于克子，救死不暇，何得显名？或疑为婴儿自占也。夫婴儿，乃无知无识之孩童，占富占贵，全在人之一念，三五岁之婴孩，可知富贵而动念耶？况身命后章有曰：若卜婴儿之造化，非代占之一证乎。

**代占六亲，不宜世爻化鬼。**占父母、兄弟、妻妾、儿孙，先看世爻，虽占六亲，常有带出自身之凶者。世爻化鬼、化回头克、休囚化空破墓绝，及随鬼入墓、日月同克，休问他人，且忧自天。

**虽问父母，亦有兼应儿孙。**每见占父母之卦，爻中带出刑伤兄弟、儿孙、妻妾者，亦有占儿孙，兼应父母、兄弟、妻妾者，不可不知也，此谓之“占此而应彼”，此论前已详说，今复谆谆告之者，因余屡占屡见故也。

**李我平曰**：《黄金策》身命章，父子官鬼兄弟妻财，虽不当概论，其理犹细，惜乎悖谬者多，明镜微尘，不宜有也。《易冒》虽有分占之意，论理太粗。如问寿夭，而曰破散冲空之天，存有占验：戌子命，亥日占，后行午限，绝于亥，是以终也。倘占非亥日，何处而寻限绝耶？如果占验有灵，何不多存一二以为后法乎？！嗟乎，生死事大，一二言何能尽之？尚谓推之深者。虽日时可知，予不信也。又如问我贵乎？龙为文翰，虎为龙卫，以龙虎而定文武，周易之理，如此易耶？又曰三为守牧，五为台省，初二爻竟不知是何职也。又云：问子忌子虚，问财忌财陷。空与陷，便足断其无子无财耶？

夫学者，得其精妙，原赖前人传授之有方，问者能以趋避，全凭卜人识理之入细。对人作易，以前民用，后人问卜，无过命身，身命之外，夫复何求？似此浮泛无当，恐不堪训世也，如此书身命，较他章愈加微奥，反复通透，真卜书中之宝笈也。

〔乾按〕占测子嗣，可看有无，可看易养，可看成才，可看嫡庶，可看过继。均须一念之专，一卦一占，不可概问。宜子孙爻旺相得地得扶助，不宜休囚无气，墓破空绝，动而化凶。子孙爻衰弱化鬼百无一活。得此要诀，余者不难知也。

## 学业章

**儒业者，父母世爻同旺，终须变化成龙，日月动爻相生，定是王家储器。**世爻、父母爻皆宜旺

相，或动而变吉，或父母持世，日月动爻生合世爻，攀龙附凤，指日可期。

**财动卦中，青灯不久；子孙持世，皓首无成。**财动克文章，读书中道而废；子动无官之象，皓首必不成功名。

**九流者，财兴官旺，道重人钦；兄动世衰，有毁无誉。**财持世、官持世，财官世爻皆宜得地；兄动卦中，兄爻持世，只可糊口，难许成家。

**觉子曰**：古以九流皆以官鬼为吉，殊不知天师家，及驱邪治鬼家、师巫医家，必以子孙持世及子孙发动为吉，盖皆以子旺能于治鬼也。

**百工皆以财为用神，子孙为元神，最忌兄爻持世，及兄爻旺动者，劳碌终身。**余以求财章同断。以上皆不宜世爻空破墓绝休囚，诸事无成。世若休囚，而又随鬼入墓，及受日月动爻冲克，或动而化鬼、化绝、化克者，不唯学业难成，还防不测。

[ 乾按 ] 测占学业，以世与父母爻同旺为吉，若再得日月动爻生扶，必为栋梁大器之才。不宜财动克父，学业必废。子孙持世克官鬼，一生难得官名、然子孙持世旺相得地，又遇日月动爻生扶，必是学者名流，高人异士。

## 治经章

**觉子曰**：古以金作春秋、木作毛诗、水作书经、火为礼记、土为易经，占者不可概问，须指定一经祈于神曰：“我习此经何如？”后视所得之卦象而决其可否？始无错误。

**文旺官兴，王家栋梁；世空子动，蓬荜寒儒。**官持世、父动相生，（疑为父持世、官动相生。）或日月临父母生世，或官爻旺相，父爻持世，及世爻动而化吉，皆主飞腾变化之兆。世空世破，及动而变凶，或子孙财爻持世，父母官鬼空破，须宜另习一经，虔诚再卜。

如：酉月 丙子日（旬空：申酉），占本经能发否？得“益之观”

	巽宫：风雷益	乾宫：风地观
青龙	兄弟辛卯木 —— 应	兄弟辛卯木 ——
玄武	子孙辛巳火 ——	子孙辛巳火 ——
白虎	妻财辛未土 - -	妻财辛未土 - - 世
螣蛇 官鬼辛酉金	妻财庚辰土 - - 世	兄弟乙卯木 - -
勾陈	兄弟庚寅木 - -	子孙乙巳火 - -
朱雀	父母庚子水 —— O→	妻财乙未土 - - 应

断曰：卦中旺官合世，不宜初爻、朱雀子水文章，皆被未土回头之克，宜于改经。彼问：宜改

何经？余曰：古法有之，余占不验，意欲何经，再占一卦。

即卜易经，得“天火同人”

离宫：天火同人(归魂)

青龙 子孙壬戌土 —— 应

玄武 妻财壬申金 ——

白虎 兄弟壬午火 ——

螣蛇 官鬼己亥水 —— 世

勾陈 子孙己丑土 - -

朱雀 父母己卯木 ——

旺官持世，虽以为吉，但父临月破，还当再更。

又占书经，得“丰之离”

坎宫：雷火丰

离宫：离为火(六冲)

青龙 官鬼庚戌土 - - X→ 妻财己巳火 —— 世

玄武 父母庚申金 - - 世 官鬼己未土 - -

白虎 妻财庚午火 —— 父母己酉金 ——

螣蛇 兄弟己亥水 —— 兄弟己亥水 —— 应

勾陈 官鬼己丑土 - - 应 官鬼己丑土 - -

朱雀 子孙己卯木 —— 子孙己卯木 ——

旺父持世，官动生之，只因今日子日，冲动午火伤金，此经相宜，下科壬子，冲去午火，管许高发。果于子科中魁。

〔乾按〕此类占断，今之人于治学定向而参决，必有益矣。然古有五经，今必有相应之学科，此中蹊径尚望后学以辟之。

## 延师章

**父爻旺相，就而正焉。**父母爻，既为师长，又为诗书。延师受教，即以此爻为用神。宜旺相，或临日月，及动而化吉，可式可矜。如若休囚、空破、墓绝、及动而化凶，有素食之讥，无师资之益。

**世位相生，博约善诱。**父旺生合世爻，成人有德；若克世爻，而世爻得地者，有责成人之功。世若休囚，必受师尊之累。

**父入墓中，懒于教训。**父爻入三墓，及临绝者，若非偷安懒惰，定是师不授教。

**财临世上，懦弱不严。**财爻持世乃我克父母，若非师教不严，定是我师畏凌。

**鬼化文书克世，讼由乎学。**鬼动化父母，冲克世爻，异日必主争讼。能使日月动爻制服鬼爻，也不相宜，此何故也？神兆机于动。目前虽可制服，他日鬼逢生旺，必见灾非。不唯鬼动化父，但系鬼动克世，或世动变凶，皆不宜从。

月扶世爻，日助生世，青出于蓝。

世爻旺相，或父母持世，或官星持世、日月动爻生扶，及世爻动而化吉，必有进益，青出于蓝。

动衰变旺，先惰后勤；动旺变衰，后勤后怠。

父爻衰，而化生、化旺、化日月、化进神，皆主后勤；父爻旺，而化空破墓绝、化退神，皆主后怠。父化父而殊经，父化财而多病。父化鬼显贵之交；父化兄贪财嗜利。

**三合连年受教，六冲半载难留。**

世与父爻，兼日月作三合者，情同父子，必受连年之教，门墙始终成就。卦得六冲，或世克父爻，及父爻克世者，彼此不投，难收一岁之功。

父为子而延师者，应为西席，世乃东家，宜世应相生相合，不宜相克相冲。应生世，我得其益；应空破，延之不来；应动，他心有变；世空，我意不专。

**觉子曰：**虽以世应为主，父爻必不可缺，父旺与子孙相合，名实兼收。父动伤克子孙，无益有损；子动化克，不宜延请；子动化鬼，当速谢辞。

如：寅月 戊午日（旬空：子丑），占子从师，得“旅之离”

	离宫：火山旅(六合)	离宫：离为火(六冲)
朱雀	兄弟己巳火 ——	兄弟己巳火 —— 世
青龙	子孙己未土 - -	子孙己未土 - -
玄武	妻财己酉金 —— 应	妻财己酉金 ——
白虎 官鬼己亥水	妻财丙申金 ——	官鬼己亥水 —— 应
螣蛇	兄弟丙午火 - -	子孙己丑土 - -
勾陈 父母己卯木	子孙丙辰土 - - 世 X →	父母己卯木 ——

子动化克，不宜从之。不听，后因师责，逃至桥头，跌折左足。

[乾按] 此类占断宜父母旺相得地，得日月动爻生扶，必遇良师教授有方，后必青出于蓝。父子爻相合，卦逢六合，师生情深如父子。教必营心，学必有成。不宜财动克父，不宜父动化衰，化克化兄皆主不利。今之人为子延师者，不可不先测后请，以助选择决断也。

## 求名章

**野鹤曰**：或问凡占小考，尝见卜得吉卦，后竟道考无名者，何也？余曰：神每应近而不应远，已吉卦者，乃应府县之有名也，故凡占小考者，必须先占县考，再占府考，又占道考，俱得吉卦者，许之榜上有名。内有一卦而不吉者，勿望道考而成名也。

[ 乾按 ] 此章所论，实为要诀。若以一卦而断数考必大谬也。

## 童试章

**父旺官兴，堪期首选，官衰父发，亦许抡收。**官星持世，得日月动爻相生相合，首选无疑。父爻持世，得日月动爻生合者，必要官星有气，始许成名。

**子兴财发于卦中，难游泮水。**子动克官，财动克父，或持于世爻者，皆为不宜。

**世破身空兼墓绝，再奋芸窗。**世爻空破墓绝，或被日月动爻冲克，及动而变凶者，不能遂志。

**文旺遭伤，收而复弃，冲中逢合，弃而仍收。**父母旺相，若化休囚、空破、墓绝，化回头克，及被冲克者，始取终弃。世与父爻，动而逢冲，若得日月动爻相合者，谓之冲中逢合，定获续取。

**父衰变旺，愈出愈奇；文化退神，日长日短。**父衰，动而化旺，及化回头生、化进神，文章得意，后胜于前，皆不宜化退神。旺化退神者，前篇稍遂，后劲不力；衰化退神者，及化克、化空破墓绝，或化回头克者，窗下千日之长，临场一日之短。

如：亥月 丙戌日（旬空：午未），占道考，得“丰之革”

	坎宫：雷火丰		坎宫：泽火革
青龙	官鬼庚戌土 - -		官鬼丁未土 - -
玄武	父母庚申金 - - 世 X →		父母丁酉金 ——
白虎	妻财庚午火 ——		兄弟丁亥水 —— 世
螣蛇	兄弟己亥水 ——		兄弟己亥水 ——
勾陈	官鬼己丑土 - - 应		官鬼己丑土 - -
朱雀	子孙己卯木 ——		子孙己卯木 —— 应

父母持世化进神，日建作官而生世，文章愈出愈奇，后胜于前，定然首取。后果取案首。

又如：卯月 壬子日（旬空：寅卯），占道考，得“风天小畜”

	巽宫：风天小畜
白虎	兄弟辛卯木 ——

螣蛇 子孙辛巳火 ——  
 勾陈 妻财辛未土 - - 应  
 朱雀 官鬼辛酉金 妻财甲辰土 ——  
 青龙 兄弟甲寅木 ——  
 玄武 父母甲子水 —— 世

子水父母临日建，旺文持世，佳作定然得意，但不宜酉金官星临月破，伏藏不露，幸得辰土作飞神，破而逢合，若在三月考之，必取。果考于三月，取之。

又如：辰月 丁巳日（旬空：子丑），占续案能取否？得“革之既济”

	坎宫：泽火革	坎宫：水火既济
青龙	官鬼丁未土 - -	兄弟戊子水 - - 应
玄武	父母丁酉金 ——	官鬼戊戌土 ——
白虎	兄弟丁亥水 —— 世○→	父母戊申金 - -
螣蛇 妻财戊午火	兄弟己亥水 ——	兄弟己亥水 —— 世
勾陈	官鬼己丑土 - -	官鬼己丑土 - -
朱雀	子孙己卯木 —— 应	子孙己卯木 ——

世爻亥水，月克日冲，幸化回头之生，续取无疑。果续取之。前说父衰变旺为吉，此其验也。

〔乾按〕若测占考试，必要父旺官兴，父旺者文旺，官兴者名旺，官父相生，又得日月动爻生扶，考场得意无比，夺魁势成必然。最忌子兴财发，或子财持世，遇此皆难有望，名落孙山而已。

## 岁考科考章

**文宜旺相，最忌休囚；官要生身，不宜克世。**父与世爻旺相，又得日月动爻生扶，及动而化吉，全无破绽者，定考超等。若父世旺而逢生，上等；旺而无生，相而遇扶，无刑冲克破者，次之；父母有一而遇刑冲者，又次之；世爻受克，教刑不免，世父同受克者，劣等无疑。

**野鹤曰：**此法是也，亦要人之通变。观其父世两爻轻重而言之。世父同旺，有生扶又无刑克者，全美之卦，卷之上上也。以此挨次查之，或有生扶，而得六冲变冲、反吟伏吟、变克化绝，即是破绽。父爻受克而无救，难免勾涂；世爻受克而有扶，尚蒙姑恕。

**觉子曰：**此以父世之旺衰，而分等第者，是确论也。《易冒》谓：卦得进神，考上等；退神，而考下等。假使卦无进退之神，何以定之？

如：申月 乙巳日（旬空：寅卯），占岁考，得“大过之鼎”

	震宫：泽风大过(游魂)	离宫：火风鼎
玄武	妻财丁未土 - - X→	子孙己巳火 ——
白虎	官鬼丁酉金 —— O→	妻财己未土 - - 应
螣蛇	子孙庚午火 父母丁亥水 —— 世	官鬼己酉金 ——
勾陈	官鬼辛酉金 ——	官鬼辛酉金 ——
朱雀	兄弟庚寅木 父母辛亥水 ——	父母辛亥水 —— 世
青龙	妻财辛丑土 - - 应	妻财辛丑土 - -

断曰：财动克父，乃不通变之论也，此卦乃亥水父爻持世，申月生之，文旺而身亦旺，巳日冲之为暗动，未土财爻虽动，喜其生助酉金。酉官生世，名曰“接续相生”，一定篇篇锦绣，财生官旺，优等帮粮。果取一等补廪。

**野鹤曰**：大凡卦得六冲变冲，及六爻乱动者，设文旺世旺，还考平等，倘文衰受刑克，及世爻休囚被克，及变凶者，劣等无疑。

**飞神无助身无克，荣辱无施。**父爻出现，不旺不衰，虽无生扶，亦无克制，而世爻不被冲克者，可保平等。

**伏藏旺相世遭伤，赏罚并见。**

如：午月 乙卯日（旬空：子丑），占岁考，得“地天泰卦”

	坤宫：地天泰(六合)
玄武	子孙癸酉金 - - 应
白虎	妻财癸亥水 - -
螣蛇	兄弟癸丑土 - -
勾陈	兄弟甲辰土 —— 世
朱雀	父母乙巳火 官鬼甲寅木 ——
青龙	妻财甲子水 ——

午火月建为父母，而卦中之巳火伏藏于寅木之下，旺而又遇飞神之生，爻逢六合，堪称吉卦，独嫌日辰克世，未为全美。发落之日，果宗师面叱，念字仿古帖，姑置三等。后悟此巳午之火，非文旺也，乃字佳也，但此卦虽多逢，事确少见，存之为法。

**觉子曰**：以上总而言之，父与世爻旺相遇生扶为上，略有欠缺者次之；刑伤有救者又次之；刑伤无救而轻者又次之；世父被刑冲克破而重者，劣等必矣。善卜者，须以卦之吉凶兼用神衰旺之轻重，通变而断之。

〔乾按〕研习此章之占法，与童试章大同小异，篇末之结论为占断之要，宜精思而熟记之。

## 占廩章

**觉子曰**：占廩若不得其决，而望验者，未之有也。盖占廩用财，财乃文章之忌神，不知其法，卜岁考而兼问廩，财爻若旺，父母受伤，财若休囚，如何得廩？余有法焉，先占岁考之吉凶，另卜一卦而问廩，即其秘也。

廩以财爻为用神，财爻持世，或动而生世为吉，与求财章同断。

有廩而恐失者，忌兄弟持世，兄爻发动，及财逢空破墓绝，动而变凶，皆有失也。如官鬼兄爻克世者，轻则革粮，重则追罚，倘卦中三合兄局者，亦主革廩。

〔乾按〕本章占法之秘诀，觉子之言已明。今之人测占进修学业，又望得获助学奖学之资者宜用之，先占看父母，后占看财爻，不可只占一卦而概问之。

## 考遗才章（凡告考同例）

**官爻持世生世，我必蒙收；父母空破墓绝，他不见用。**如世爻受克，及空破墓绝，或动而化凶，或子孙持世，或子孙动于卦中，皆主不录。父母持世生世者，皆吉；休囚空破者，皆凶。

〔乾按〕此类占断亦看官父旺相得地，生世者吉，忌子孙持世发动，必不见用。

## 发案挂榜章

父母为用神，衰者，于生旺之日；旺而静者，逢值逢冲之日；动而逢值逢合之日；空与入墓，必待冲开；破与旬空，须期填实。

余又得验：心有忧惧者，若得子孙持世，值子孙之日而发案；心有欢喜者，若得官星持世，逢官鬼之日而挂榜。

〔乾按〕此类占断只在应期，发案挂榜亦属文书之事，故亦看重父爻。而子孙持世/官星持世之应期又成别例，宜慎验之。

## 廷试章（与会场兼断）

官星为用，父母次之。若持世爻，得日月岁五生合者，定蒙首拔；官父世爻三合，必受殊恩。世与官爻，有一而逢空破、墓绝、克害、刑冲，及动而变凶者，不祥之兆；岁五官鬼冲克世爻者，不测之灾。

〔乾按〕此类占断主看官父世爻，官父两爻旺而得地吉，世爻得日月岁五生合，官父世爻得三合化局为平步青云之兆，反之必凶。

## 乡试会试章

**父旺官兴，名标虎榜。**父官持世而旺相，或临日月，或日月动爻生扶，及动而变吉者，名登金榜。

**子摇财动，名落孙山。**子孙财爻持世，及动于卦中，定然下第。

**兄弟乃夺标之恶客。**俗传兄弟爻兴难上榜，故凡兄爻持世，及动者，皆以不吉断，殊不知有喜有忌。所喜者，卦中财父同兴，喜得兄动以制财也；卦中父官两动者，又喜兄弟持世，父动以生世也；兄弟持世，若临日月，或旺相，再得官文两旺；或官动生父、父动生世，必能中式，但不能抡元而夺魁也，故以兄弟乃夺标之客。

**觉子曰：**卦中官鬼子孙同动，官临旺相遇生扶，子孙衰弱而被克，再宜父动，最怕兄兴。

**日月为制煞之将军。**官星、父母、世爻，有一而被动爻克制，或化回头之克，若得日月冲制克神，亦许得意，故谓之制恶煞之将军。又如世爻旺相，而官父两爻若有一而伏藏不现，倘得日月冲制飞神，提出伏神者，亦许高发。又如官、父、世爻，有一而不旺者，若得日月生扶，亦同此例。

**三合无冲，联登甲第。**官、父、世爻，合成父局、官局，不遇日月冲破者，定许联登。倘若合成兄局，得遇日月生扶，官星亦旺者，亦许得意。惟忌合成子孙局者，不为吉也；合成财局，虽不为美，然亦有验于吉者。

如：卯月 甲申日（旬空：午未），占会试，得“艮之益”

	艮宫：艮为山(六冲)	巽宫：风雷益
玄武	官鬼丙寅木 —— 世	官鬼辛卯木 —— 应
白虎	妻财丙子水 - - X→	父母辛巳火 ——
螣蛇	兄弟丙戌土 - -	兄弟辛未土 - -
勾陈	子孙丙申金 —— 应○→	兄弟庚辰土 - - 世
朱雀	父母丙午火 - -	官鬼庚寅木 - -
青龙	兄弟丙辰土 - - X→	妻财庚子水 ——

寅木旺官持世，申日冲之暗动，又得日辰会成财局，不惟不克世爻，反来生世，一定高捷。果得及第。

**六爻竟发，空赴科场。**旧系：六爻竟发，功名恍惚以难成，此论是理。余见占功名必中者，卦

象一成，若非旺父生身，定是旺官持世。功名若无成者，不是子孙持世，即是子孙财爻发动，或是世破世空，或是六爻乱动，功名必无成。

**出现无情，难遂青云之志。**父与官星虽则出现，若不生合世爻，或不持世，或世爻空破，亦属无成。父与官星生合世爻，若又被日月动爻冲坏者，亦作无情之喻。

**伏藏有用，终辞白屋之人。**官父有一而不现，须看伏神。若伏而旺相，或得日月冲去飞神，生起伏神，必然中式。

**太岁作官星，终登黄甲。**太岁，乃人君之爻，官临太岁，动而生合世爻，乃人臣面君之象，当主君臣契合，联捷无疑。

余按：太岁必要入爻，入爻亦要发动，生合世爻，或持世爻，始能如此说也。

**日月冲克世，且守青灯。**卦中官文虽旺，而世爻休囚、空破墓绝，及动而变凶，或日月冲克世爻者，是我位既失，何以成名？盖求名原在我也。

卦遇六冲，此去难题雁塔；爻逢六合，这回必占鳌头。

如：午月 丙辰日（旬空：子丑），占乡试，得“兑卦”

兑宫：兑为泽（六冲）

青龙	父母丁未土	— —	世
玄武	兄弟丁酉金	—	
白虎	子孙丁亥水	—	
螣蛇	父母丁丑土	— —	应
勾陈	妻财丁卯木	—	
朱雀	官鬼丁巳火	—	

旧注卦逢六冲，冲之即散，余见此卦虽系六冲，世父皆逢旺地，不敢决之，请再占一卦：

又得“临之师”

坤宫：地泽临

青龙	子孙癸酉金	— —	
玄武	妻财癸亥水	— —	应
白虎	兄弟癸丑土	— —	
螣蛇	兄弟丁丑土	— —	
勾陈	官鬼丁卯木	—	世
朱雀	父母丁巳火	—	○→

坎宫：地水师（归魂）

子孙癸酉金	— —	应
妻财癸亥水	— —	
兄弟癸丑土	— —	
父母戊午火	— —	世
兄弟戊辰土	—	
官鬼戊寅木	— —	

此卦官星持世，虽则不旺，而初爻官生文旺，与前卦相合，许之必发。果得中式。

**野鹤曰**：凡得六冲卦，官、父、世爻俱旺者，不必再占，竟决必发。如欠旺者，须宜再占，再得吉者，以吉断；再得凶者，以凶推。凡得六合卦，亦要官、父、世爻得地，有一失陷，不遇生扶者，即六合亦无益矣。

**父旺官衰，终须下第。**父爻旺相，官临空破、墓绝，及动而变凶、变克者，虽满腹珠玑，终难一第。

**父衰官旺，堪许登科。**官爻旺而生世、持世，而父爻不旺者，谓之文不齐而福齐，反能遂志。

**应合日生，必资荐荐。**官文两旺，而世爻不旺，或得日月扶助，又得应爻动而生合世爻者，必得推荐之力。

**动伤日克，还守鸡窗。**应爻、动爻虽来生合世爻，而应爻、动爻又被日月冲克者，荐亦无功。

**世动化官、化克，蝶梦堪忧。**旧有：身官化鬼月扶，蟾宫连步；又曰：身兴变鬼，来试方成；又曰：身动化空用旺，豹变翻成蝶梦。此皆以卦身而言者也，余试不难，惟验于世爻。

而世爻化鬼，亦有两验，卦中父母旺相，而世爻化出官星者，若回头克世，乃为变官，今科即中，何待来科？世若休囚被克，动而化出官星者，乃为化鬼，不惟不中，且见危灾，化出鬼爻克世者，更凶。

如：卯月 戊辰日（旬空：戌亥），占乡试，得“离之既济”

	离宫：离为火(六冲)	坎宫：水火既济
朱雀	兄弟己巳火 — 世 ○ →	官鬼戊子水 - - 应
青龙	子孙己未土 - - X →	子孙戊戌土 —
玄武	妻财己酉金 — ○ →	妻财戊申金 - -
白虎	官鬼己亥水 — 应	官鬼己亥水 — 世
螣蛇	子孙己丑土 - -	子孙己丑土 - -
勾陈	父母己卯木 —	父母己卯木 —

**觉子曰**：旧注身官化鬼月扶，则蟾宫连步，谓卦身如得官父临之，必有成望。若得出现发动，化出官爻，又得月建生合者，必主联捷。如此卦巳为卦身，又是世爻变出子水官星，又得月建生合，正合前说，竟未见其连捷。不唯不能连捷，且难保其长年。其故何也？因变出子水之鬼，回头克世故耳。后客死于途中。

如：酉月 丁巳日（旬空：子丑），占乡试，得“小过之泰”

兑宫：雷山小过(游魂)      坤宫：地天泰(六合)

青龙	父母庚戌土 — —	兄弟癸酉金 — — 应
玄武	兄弟庚申金 — —	子孙癸亥水 — —
白虎	子孙丁亥水 官鬼庚午火 ——— 世○→	父母癸丑土 — —
螣蛇	兄弟丙申金 ———	父母甲辰土 ——— 世
勾陈	妻财丁卯木 官鬼丙午火 — — X→	妻财甲寅木 ———
朱雀	父母丙辰土 — — 应X→	子孙甲子水 ———

**觉子曰**：旧以世动化空用旺，豹变翻成蝶梦。此卦世爻午火官星，化出丑土文章，官文两旺，因丑父旬空，午岁乡试入，丑年甲榜先登，此宁非世动化空耶。止见其占鳌头，而未见其成蝶梦，所以化空者，必应实空之年也。

**身兴化旺、化生，龙池变化。**世爻旺相，动而变官星，回头生合世爻者，不作变鬼，乃为化官。

如：干支：卯月 乙未日（旬空：辰巳）

	乾宫：风地观	艮宫：天泽履
玄武	妻财辛卯木 ———	父母壬戌土 ———
白虎	兄弟壬申金 官鬼辛巳火 ———	兄弟壬申金 ——— 世
螣蛇	父母辛未土 — — 世X→	官鬼壬午火 ———
勾陈	妻财乙卯木 — —	父母丁丑土 — —
朱雀	官鬼乙巳火 — — X→	妻财丁卯木 ——— 应
青龙	子孙甲子水 父母乙未土 — — 应X→	官鬼丁巳火 ———

未土父母临日建而持世，化出午火官星回头生世，二爻己火又生世爻，初爻未土又来扶拱，许之高发。果中会魁。

**世退、官星化退，窗下囊萤。**世与官父俱旺，内有一而化进神者，名姓高悬，占乡试，定然联捷。独不喜化退神。世化退，若非临场之阻，必无勇往之心；父化退，学问日颓，文章渐腐；官化退，仕途却步，皓首无成。当于进退章中参考。

**财临白虎持身，帏前枕块。**旧文：财临白虎必丁忧，然亦不惟临虎，凡遇财爻持世，及财动卦中，父母又值休囚空破，及财动化父、父动化财，皆枕块之兆。

乾卦如天，亦要官文两旺；雷声如震，犹有空破为嫌。古以乾、震之卦，即以为吉，余试务必官文两旺，始以吉断，否则未为吉也。

**衰旺克冲，轻重须宜细玩。**

凡遇用神，衰要有根，旺宜中和，克要有救，冲要逢合。

凡占，无不以应期为问，故应期章句宜熟记之，自能触类旁通而决矣。

〔乾按〕此类占断，亦最重官父两旺而持世又遇生扶，必然高中连捷，若遇兄动必有竞争阻隔，忌见日月之冲用神，喜见三合官局父局，然财局生官、生世不为克父不吉，父旺官衰而落第，官旺父衰而有名，只因旺官能生衰父也。官父爻喜见化进神，但逢化退必沉沦。卦中无官爻，伏藏有气出现有望，若见官爻克世，不为官运来寻我，须防自身遭不测。

## 升选候补章

**官爵荣身，须宜持世；养廉财禄，最喜生身。**

旺官持世，及日月动爻作官星生合世爻，或世动化官生世，皆为吉兆。又曰：“财动生官得美缺，官临日月必超迁。”

**子孙持世，休望荣升；官位破空，勿思升选。**

子孙持世，或动于卦中，升选无期；官临空绝墓破，及动而变凶，补升尚早。

**雨露承恩，合中逢合。**

世与官星三合官局、财局，或局生世、或世在局中，或官星持世与日月动爻相合，得逢六合卦，及动变六合者，皆主承恩之日。

如：申月 乙亥日（旬空：辰巳），占缺得否？得“井之节”

	震宫：水风井	坎宫：水泽节(六合)
玄武	父母戊子水 — —	父母戊子水 — —
白虎	妻财戊戌土 — 世	妻财戊戌土 —
螣蛇 子孙庚午火	官鬼戊申金 — —	官鬼戊申金 — — 应
勾陈	官鬼辛酉金 — — O→	妻财丁丑土 — —
朱雀 兄弟庚寅木	父母辛亥水 — 应	兄弟丁卯木 —
青龙	妻财辛丑土 — — X→	子孙丁巳火 — 世

断曰：内卦巳酉丑合成官局，不生世而生应，正所谓“出现无情”也，此缺不得。彼问：如何不得？余曰：官生应，如何能得？后果另选他人。

**风云未际，冲上逢冲。**世官不旺，又得六冲，或官被日月相冲，或六冲变冲，乃风云未际之时。

**元神衰静，泄气爻摇，问升选则无期。**如官爻属木，水爻衰而不动，火爻发动是也。余以类推。

**世爻发动，官化进神，望荣升而在即。**世爻发动，或动而化吉，或禄马贵人临世，及官动化吉生合世爻，皆可束装以待。

**世官破而休望，世福空而亦升。**世临月破，纵官星持世，亦不能升，而犹防他变。子孙持世值旬空，亦不当升。若占两三日之内者，许之必得，其故由子孙尚未出空，不克官也。余占过三人，俱皆得官，得后随死。

如：申月 戊寅日（旬空：申酉），占得差否？得“泽天夬”

坤宫：泽天夬

朱雀	兄弟丁未土	- -
青龙	子孙丁酉金	—— 世
玄武	妻财丁亥水	——
白虎	兄弟甲辰土	——
螣蛇	父母乙巳火	官鬼甲寅木 —— 应
勾陈	妻财甲子水	——

子孙持世，此差不得；世空，亦不能得。岂知不出三日得差，行至中途而死。寻其故，盖三日之内而得差者，子孙未出空也；中途而死者，世爻空也。

又：寅月 庚辰日（旬空：申酉），占得缺否？得“水天需”

坤宫：水天需（游魂）

螣蛇	妻财戊子水	- -
勾陈	兄弟戊戌土	——
朱雀	子孙戊申金	- - 世
青龙	兄弟甲辰土	——
玄武	父母乙巳火	官鬼甲寅木 ——
白虎	妻财甲子水	—— 应

子孙持世遇旬空，与前卦同，亦是只在三两日命下之事。又悟前占卦之差，余竟许之，果得缺，不出两月而亡。

又：辰月 丁丑日（旬空：申酉），占起用，已列名矣，得“渐之观”

艮宫：风山渐（归魂）

乾宫：风地观

青龙	官鬼辛卯木	—— 应	官鬼辛卯木	——
玄武	妻财丙子水	父母辛巳火 ——	父母辛巳火	——
白虎	兄弟辛未土	- -	兄弟辛未土	- - 世
螣蛇	子孙丙申金	—— 世○→	官鬼乙卯木	- -

勾陈	父母丙午火 — —	父母乙巳火 — —
朱雀	兄弟丙辰土 — —	兄弟乙未土 — — 应

此与前二卦大同小异，前二卦子孙持世遇旬空，未曾发动，此卦动而变官，况亦系两三日内事，子孙尚未出空，竟许必得。果得起用，行六日而家内子死，抵任八阅月而疾终。身死子亡者，乃是世与子孙同变鬼也。余于后二卦之得验者，实因前卦点差，时刻留心故耳！今人占过即忘，何由精奥。

### 随官入墓，世旺者官升。助鬼伤身，身衰者祸至。

古以随官入墓、助鬼伤世，皆以为凶。余屡试之，世旺者竟升；世衰者不吉；助鬼伤身，元神同动者，其官必升；世若休囚者，必有祸至。

如：寅月 乙未日（旬空：辰巳），占升，得“比之观”

	坤宫：水地比(归魂)	乾宫：风地观
玄武	妻财戊子水 — — 应 X →	官鬼辛卯木 —
白虎	兄弟戊戌土 —	父母辛巳火 —
螣蛇	子孙戊申金 — —	兄弟辛未土 — — 世
勾陈	官鬼乙卯木 — — 世	官鬼乙卯木 — —
朱雀	父母乙巳火 — —	父母乙巳火 — —
青龙	兄弟乙未土 — —	兄弟乙未土 — — 应

卯木旺官持世，子水财动相生，虽曰墓于未日，幸世爻得助，无妨，果升于亥月。

又如：戌月 辛酉日（旬空：子丑），占何月补官？得“蹇之需”

	兑宫：水山蹇	坤宫：水天需(游魂)
螣蛇	子孙戊子水 — —	子孙戊子水 — —
勾陈	父母戊戌土 —	父母戊戌土 —
朱雀	兄弟戊申金 — — 世	兄弟戊申金 — — 世
青龙	兄弟丙申金 —	父母甲辰土 —
玄武	妻财丁卯木 官鬼丙午火 — — X →	妻财甲寅木 —
白虎	父母丙辰土 — — 应 X →	子孙甲子水 — 应

寅木财爻生助午火之鬼，火鬼克世，乃为助鬼伤身，幸辰土生申金，午火贪生忘克，今年冬月必升。果得升于冬月。应冬月者，辰土化子水空亡，至十一月则不空矣。

**野鹤曰**：古以晋、升为吉，屯、蹇为凶，余于晋升二卦，果得屡验，亦要世爻得地，若失陷，

亦不为吉。屯蹇二卦，世爻旺者何妨。

前篇亥月丙寅日之占验，世爻旺者，竟得超升，岂非屯卦耶？

[提要] 升选候补谋差，俱要官爻、财爻二者旺相，求之必得。官星持世，不受冲克亦佳。逢三合官局、财局，更是锦上添花。官星休囚，元神旺动生之，亦可如愿。遇墓遇空，只要官星有气，冲墓实空之日，升迁有望。最忌子孙持世，子孙动克官爻，不唯无望，且防不测。三合官局，合在应方，他人必得，自身落空。今世之测工作调动，职务升迁，俱同本章测法。

## 升迁何方章

官金而应西土，木官必应东方，水北火南，土升中土。**野鹤曰**：此古法也。余之得验：木官而应山东，亦有应广东者；金官应山西，亦有江西、广西者；又有以住处而分东西南北者。

如：未月 己巳日（旬空：戌亥），在京师占地方，得“归妹之解”

	兑宫：雷泽归妹(归魂)	震宫：雷水解
勾陈	父母庚戌土 - - 应	父母庚戌土 - -
朱雀	兄弟庚申金 - -	兄弟庚申金 - - 应
青龙 子孙丁亥水	官鬼庚午火 ——	官鬼庚午火 ——
玄武	父母丁丑土 - - 世	官鬼戊午火 - -
白虎	妻财丁卯木 ——	父母戊辰土 —— 世
螣蛇	官鬼丁巳火 —— ○→	妻财戊寅木 - -

彼时有山东、真定两缺，此卦巳火官星，许得真定。彼曰：何也？余曰：巳火官星乃南方也，真定乃都门之南故耳。果得真定。

**初爻为内地，五六为边方。**

**野鹤曰**：应初爻者，世与官星皆在初爻者是也；应五六爻者，或世在五爻、官在六爻，或世在六爻，官在五爻，或官星持世，同在五六爻上是也。若在二、三、四爻，仍以五行决之。

如：丑月 癸亥日（旬空：子丑），占升于何方？得“山风蛊”

	巽宫：山风蛊(归魂)
白虎	兄弟丙寅木 —— 应
螣蛇 子孙辛巳火	父母丙子水 - -
勾陈	妻财丙戌土 - -
朱雀	官鬼辛酉金 —— 世

青龙 父母辛亥水 ——

玄武 妻财辛丑土 - -

此卦酉官持世，许任西方。至次年，临期见选。

又于：寅月 甲戌日（旬空：申酉），占升何地？得“震卦”

震宫：震为雷（六冲）

玄武 妻财庚戌土 - - 世

白虎 官鬼庚申金 - -

螣蛇 子孙庚午火 ——

勾陈 妻财庚辰土 - - 应

朱雀 兄弟庚寅木 - -

青龙 父母庚子水 ——

余犹忆前卦酉金持世曾许西方，今此卦仍是金官，西方必矣，但世在六爻，必是边缺。彼曰：有庆阳。余曰：即此缺。果升庆阳。

**野鹤曰**：大概问其地方，虽则有验，然不如指其地而问之，此缺我得否？我得词林否？我得部属否？我得科道否？我得正印否？

如官星持世者、官动生合世爻者、三合官局而生世者，皆主必得；世空世破、官破官空、子孙持世、子孙发动、官临应爻、三合官局而生应爻，皆主不得。

**野鹤曰**：指其缺而问之，不失为便捷之法。指其缺即已知其缺在何方，而不必多此一举也。今人测占工作调动，职务升迁何方亦可仿此。

〔提要〕本章测升迁何方，古法不可拘泥，只可参考变通而论。

## 在任吉凶章

**官旺财兴，仕途显赫；子摇兄动，减俸休官。**官旺遇生扶，或动而化吉，世旺财旺，或财动生世，皆主兵民颂德，宦海无波。官临日月，生合世爻，三合官局生合世爻，或官星持世，日月生扶，岁五又相生合，近君者，必蒙异宠。大位者，不久超升；外任者，必为卓异。

兄弟持世，兄爻发动，若非破耗财物，定然罚俸除粮；子孙持世，及子动爻中，有剥官削职之忧。倘得官星休囚而有扶，子孙发动而有制，降级而已。

**官旺兄兴，清风两袖；父发鬼旺，雨露三加。**兄动，虽为耗财减俸之神，然亦不必泥之。若得官星旺相，乃是为官清正，非义不取也，非无财也。官星旺相，财临空破者，亦同此断。旺父临世，

官动临岁五，或日月生扶，外任者，必蒙上官推荐；近君及大位者，三赐荣加。

**兄鬼安宁，地方少事。**兄鬼若乱动于卦中，旱涝兵荒，地方不宁之兆。

**日月冲克，诽谤多招。**日月克官，或克世爻，及朱雀、螣蛇克世、世爻休囚者，得祸不浅；世爻旺相有救者，多招是非，须宜检点，政事勤慎，以免愆尤；官鬼克世、世旺官衰者，亦主诽谤；世衰鬼旺，若临蛇雀，必挂弹章。

**化进神，冲变合，加官晋爵。**世爻旺相，官化进神；官星旺相，世化进神；及世官得地，财化进神者，皆进爵之征也。

**爻反吟，入三墓，反复昏庸。**卦得反吟，虽是身动不宁，若得世与官爻旺相，一定升迁；若世与官星衰者，必遭降罚，降后还虑焦灼；惟畏世官被冲被克者，定有不测之祸。世爻休囚被克、化墓、入墓者，立见灾非；世爻有气、化墓、入墓者，朦胧昏聩而已。

**世破鬼空，居官不久；身衰化鬼，命尽当危。**世破世空、官破官空，在任不能多日，世衰动而化鬼，及化回头克者，须防寿命不坚牢。

**世化官而遇官，政权多摄。**世爻旺相，化出官星生合、比助世爻者，得权摄之济；世爻旺相，化出官星刑世、克世者，反受权摄之害；化出官星泄世爻之气者，因权摄以赔累；官星持世而旺，爻中又动出官星拱扶、比合者，亦主政权多摄。

**世临官而遇马，差遣烦劳。**官星持世，明动暗动加临驿马者，必有差遣；日月动爻作财而生扶者，差中得利；卦中兄爻发动，日月动爻刑克世爻者，辛苦赔财。心有望于差遣者，不待驿马加临，但遇世动即有差矣。

**官合龙兴，恩命至。**青龙官星持世，或世临日月，或日月动爻生合世爻，或世临岁五之爻，或岁五生合世爻，或世官三合，皆为吉兆。大位者，皇恩特用；平位者，加级超升。

**财临虎动，讣音来。**财爻持世及卦中财动，或父母爻休囚空破者，若有尊亲，切勿以财断之，须防孝服。

如：寅月 壬午日（旬空：申酉），占在任平安否？得“颐之噬嗑”

	巽宫：山雷颐（游魂）	巽宫：火雷噬嗑
白虎	兄弟丙寅木 ——	子孙己巳火 ——
螣蛇	子孙辛巳火 父母丙子水 - -	妻财己未土 - - 世
勾陈	妻财丙戌土 - - 世 X →	官鬼己酉金 ——
朱雀	官鬼辛酉金 妻财庚辰土 - -	妻财庚辰土 - -
青龙	兄弟庚寅木 - -	兄弟庚寅木 - - 应

玄武 父母庚子水 —— 应 父母庚子水 ——

有人出此卦而问余曰：“今岁占在任之流年，世爻变鬼，我甚忧之。”余曰：世爻戌土，虽则休囚，得午火生之，自身无碍，须防孝服。彼曰：财非临虎，如何主孝服？余曰：不然，午日冲动子水父母，被戌土财爻之克，世化官空，八九月必见。果至八月丁艰。

又如：辰月 己丑日（旬空：午未），占在任吉凶，得“中孚之损”

	艮宫：风泽中孚（游魂）	艮宫：山泽损
勾陈	官鬼辛卯木 ——	官鬼丙寅木 —— 应
朱雀 妻财丙子水	父母辛巳火 —— ○→	妻财丙子水 - -
青龙	兄弟辛未土 - - 世	兄弟丙戌土 - -
玄武 子孙丙申金	兄弟丁丑土 - -	兄弟丁丑土 - - 世
白虎	官鬼丁卯木 ——	官鬼丁卯木 ——
螣蛇	父母丁巳火 —— 应	父母丁巳火 ——

官鬼克世，幸而不动，在任可保无凶。但不宜兄爻持世，丑日冲动，今冬身必动摇，身动则耗费不小。彼问：因何事而动？余曰：火被水伤，冬令须防孝服，恐因此而动也。不意六月公署遭回禄，科月闻讣音。回禄者，兄爻持世暗动破财；伤父者，巳火父化子水克也。

〔提要〕在任吉凶仍须官财两旺，不受克制为好，官爻受日月、动爻、岁五之爻生扶，贵不可言。若遇子孙爻克制，兄动鬼动难保安宁。日月忌神动而克制，多有是非灾祸。此为本章要点，然除此还有变化莫测之处，学者宜细详之。兄动并非皆凶，鬼动并非皆吉，财临虎动尊长须防孝服，可通用也。

## 援例章（凡用财图名者同此）

**财旺官空，且自堆金于白屋。**财旺世旺，而官临月破旬空，或被日月冲克，及动而变凶，官如朽木枯枝，虽有旺相之财，生之不起，终属白屋之富翁，难食王家之天禄。

**妻摇鬼旺，定然执玉拜丹墀。**

世与官星、财星，三者不可一陷，若财官两旺，而世爻失陷者，终使得官，无福安享；若官世两旺，财星失陷者，乃有例无财。

如：丑月 乙卯日（旬空：子丑），占援例，得“豫之否”

	震宫：雷地豫（六合）	乾宫：天地否（六合）
玄武	妻财庚戌土 - - X→	妻财壬戌土 —— 应

白虎	官鬼庚申金 - - X→	官鬼壬申金 ——
螣蛇	子孙庚午火 —— 应	子孙壬午火 ——
勾陈	兄弟乙卯木 - -	兄弟乙卯木 - - 世
朱雀	子孙乙巳火 - -	子孙乙巳火 - -
青龙	父母庚子水 妻财乙未土 - - 世	妻财乙未土 - -

财动生官，不宜世临月破，破而被克，有官不能享也。后竟纳之，名成而身丧矣。

又如：戌月 癸丑日（旬空：寅卯），占捐复，得“困之兑”

	兑宫：泽水困(六合)	兑宫：兑为泽(六冲)
白虎	父母丁未土 - -	父母丁未土 - - 世
螣蛇	兄弟丁酉金 ——	兄弟丁酉金 ——
勾陈	子孙丁亥水 —— 应	子孙丁亥水 ——
朱雀	官鬼戊午火 - -	父母丁丑土 - - 应
青龙	父母戊辰土 ——	妻财丁卯木 ——
玄武	妻财戊寅木 - - 世 X→	官鬼丁巳火 ——

世爻休囚，动而变鬼，不可行也。不听。余曰：明年秋令甚低，名成亦不能出仕。果捐复，至次年正月得瘧疾，七月而终。

**财静子飞空用意。**子孙持世，财爻动与不动，皆不可行；财临空破，亦不可行。子财官同动者，又可行之，其故以子动生财，财动以生官也。

**兄兴财动枉劳心。**兄弟爻持世，或兄爻发动，乃是破耗之神，枉费其财，名终不就。若与官同动者，又可行之，以鬼而制兄也。

**野鹤曰：**卦中官星不动，但遇兄弟持世、兄爻发动，及财爻持世化兄，百无一成，即使成后，必有他故，终食禄无地也。

〔提要〕用财图取官名，必世/官/财爻皆旺相方能成事遂心。切忌兄动劫财，父动生兄，百无一成。本章所论，亦据八卦六亲中财官相生之义，卦理即世理也！自古财能生官，官可生财，财破官衰……易占之参天量地，中测人事者，此中可悟其妙矣。

## 武试章（亦可与文试参看）

**文试者，官文两重；武试者，首重官爻。**武场虽不以父为重，余每得验。官文两旺者，竟得抡元。

**世破官空休指望，官兴财旺亦堪图。**世与官星，有一而逢空破者，不须指望。然又有财动生官竟得中者，何也？或其中有隐事乎？

**空赴武闾，皆为子孙持世。**子孙持世，子孙发动，即使力能扛鼎，百步穿杨，亦无益于事矣。

**试期病阻，乃因官鬼伤身。**官克世、日月动爻克世、世动化鬼化克，非临场病阻，即灾祸临身。

〔提要〕武试重官爻，然官父两旺仍可夺魁者，皆因官父相生，官鬼为父母元神，官旺父必旺矣。

## 投麾效用，入武从军章

**官宜旺相，不宜空破休囚，财世两爻，怕见刑冲克坏。**世与官星，皆宜旺而化吉，财为禄养，岂宜日月刑冲？世爻失陷，及动而变凶，身尤难保。官星失陷，及动而变凶，难许成名。财爻失陷，及动而变凶，乏粮无禄，即使官旺，厨灶无烟。惟喜官星持世，财动相生、财爻持世、官动相合，或官世临乎日月，及岁月日建相生，或世动化吉，将来封拜可期，岂惟百夫长而已耶。

**觉子曰：**以此断者，虽无不验，但要识来人之意。彼若以名利而问，以此而决者是也。如若未见用，占问可能收用否？又以官星为收用之官；官来生合世爻者，必收；官爻克世，及空破者，不录。如不知此诀，竟以此官星断为彼人自己之功名者，如天远也。

〔提要〕本章所论要点俱在世旺官生，世旺乃自身须强，官生为知遇之幸，再有难断之处，篇末“觉子”之言可详参之。

## 署印谋差章

财与官星，不可有一而不旺；子孙兄弟，不可有一而动摇。世陷财空，不如守己；官空世破，且让他人。用财而图者，与援例同推。

衰世随鬼入墓，世动化克化鬼，子孙兄弟持世，谋署营差，自投罗网。

〔提要〕本类推断仍以求官名同理，须财官世三者皆旺必得，不可有一失陷，最忌子孙兄弟动而持世，衰世随鬼入墓大凶之兆。

## 面圣、上书、叩闾、献策、条陈、劾奏章(凡占文书亦须采用)

**旺父持世，宜日月岁五以维持。**父母为文书、奏章，持世、合世，奏必见准，再得岁五及日月动爻生合者，见用无疑。

**兄弟临身，喜父母化吉而拱合。**兄弟持世，日月生之，或世爻、父母爻动而化吉，或世化父以

生世，以上皆得喜动龙颜，因文见用。

**财爻持世破文书。**财爻持世、财爻发动，克破文书，无益之奏。倘得父母持世，财官同动者而又喜之，其故以财动而生官，官动而生世也。

**子福临身防降罚。**子孙为克官之神，有职之官而陈奏者，不宜见之，或持世，或发动，轻则降罚，重则休官。无职之人而陈奏者，有两论，须察来人之念；彼行此事，原为求名者，见之必不成名；彼行此事，恐其有祸者，见之必无祸。

**世临空破，难以回天。**世临旬空、月破，及临绝、化绝，及入三墓者，不蒙见准，宜早知机。世动变凶，或岁五日月动爻冲克世爻者，不惟难以回天，且防不测之祸。

**子动临身，力能折槛。**野鹤曰：或疑前说子动克官，不宜见之，此喜子孙持世者，何也？殊不知须看事之大小耳。有职之官，行此事者，预料此事，设不准行，定然革职。

子孙者，即为克官之神也。欲保全功名，子孙发动，切勿行之。倘若条陈将相，诤谏君非，若得准行，名垂青史；如不见准，祸及其身。此处则以子孙为福神矣，所以反喜子孙持世，即使面折庭诤，可保无祸。古以子发乾宫为吉，非也。夫子孙为制鬼之福神，未闻独在乾宫而为福神也。

如：巳年 巳月 丁卯日（旬空：戌亥），占劾奏，得“旅卦”

离宫：火山旅（六合）

青龙	兄弟己巳火	——
玄武	子孙己未土	- -
白虎	妻财己酉金	—— 应
螣蛇	官鬼己亥水	妻财丙申金 ——
勾陈	兄弟丙午火	- -
朱雀	父母己卯木	子孙丙辰土 - - 世

占者问曰：我欲劾奏权奸，恐其根固，反受其害，尔详此卦何如？余曰：彼虽根深蒂固，今已坏矣。问：何以知之。余曰：应爻酉金，长生于巳年巳月，岂非根固耶？今被岁月克之、卯日冲之，有伤无救，所以知其权势自此衰矣。又问：我有害否？余曰：子孙持世，何害之有？果蒙准行，奸势大败。

**最忌官爻克世，犹嫌助鬼伤身。**官鬼克世，已兆凶征，再加财动而助鬼者，其祸难免。世爻变鬼，动化回头之克，随鬼入墓，卦得反吟，卦变绝，世被冲克者，事非重大，急宜止之。

**岁五生身防受制，六爻恍惚且休行。**太岁生世，必要入爻，不在爻中，不能生世。如今岁子年，须看卦中有子爻者是也。至以五爻生世为吉者，亦防受克及空衰破绝，有生之名而无生之实。

如：申月 戊辰日（旬空：戌亥），占上书，得“中孚之损”

	艮宫：风泽中孚(游魂)	艮宫：山泽损
朱雀	官鬼辛卯木 ——	官鬼丙寅木 —— 应
青龙	妻财丙子水 父母辛巳火 —— O→	妻财丙子水 - -
玄武	兄弟辛未土 - - 世	兄弟丙戌土 - -
白虎	子孙丙申金 兄弟丁丑土 - -	兄弟丁丑土 - - 世
螣蛇	官鬼丁卯木 ——	官鬼丁卯木 ——
勾陈	父母丁巳火 —— 应	父母丁巳火 ——

断曰：五位巳火生世，吉矣！而不宜巳火受克，此书宜止。问曰：有害否？余曰：巳火虽则不能生世，而卦中幸无克世之爻，利与害皆无也。后此人上书，惟不准行而已。

**野鹤曰**：凡上书劾奏，果有兴利除害，有益于国者，舍身而为国，虽赴汤蹈火而不辞，何用占卜？如果事无关系，或因忿而抱不平、或以直而报怨，事在两可之间者，必得世与父爻皆无刑冲克破，及岁五日月相生，方可行之。倘爻中乱动，而用神元神非旺非衰，或克多生少，六爻恍惚者，即宜止之，言出祸随，得不慎乎？

**父旺官生，叨蒙赠爵；旺官持世，平步青云。**

旺父持世，官动生之；旺官持世，日月生之；官则官上加官；士则身登台阁；平人得者，立见平步登云。

**野鹤曰**：断卦者，最重来人之一念。此行有为人己者；有为父母自身而雪怨者；有为保全人己之功名者；有为财利而行者；有为免自己之赔累，或辨下属之赔累者；为类固多，在人通变。夫士民上书，虽则亦有忠心为国者，然亦有借作阶梯而求名者，倘得官旺而文不旺，亦可许之赠职封官，其故盖因彼之初念原为得官，文乃敲门之瓦耳，所以重官而不重父。

**我念为名，忌子孙之发动；我念为利，忌兄弟而临身。**

如：午月 丙辰日（旬空：子丑），出具文伸枉，保全功名，得“大壮之夬”

	坤宫：雷天大壮(六冲)	坤宫：泽天夬
青龙	兄弟庚戌土 - -	兄弟丁未土 - -
玄武	子孙庚申金 - - X→	子孙丁酉金 —— 世
白虎	父母庚午火 —— 世	妻财丁亥水 ——
螣蛇	兄弟甲辰土 ——	兄弟甲辰土 ——
勾陈	官鬼甲寅木 ——	官鬼甲寅木 —— 应

朱雀 妻财甲子水 —— 应 妻财甲子水 ——

父母持世，月建文书极旺，但不宜子动伤官，七八月申金得令之秋，功名坏矣！果蒙上司题保，未蒙准行，八月削职，此乃为名者，文旺亦属无益。

又如：卯月 辛丑日（旬空：辰巳），占具文辨悬开销，得“讼之履”

	离宫：天水讼（游魂）	艮宫：天泽履
螣蛇	子孙壬戌土 ——	子孙壬戌土 ——
勾陈	妻财壬申金 ——	妻财壬申金 —— 世
朱雀	兄弟壬午火 —— 世	兄弟壬午火 ——
青龙 官鬼己亥水	兄弟戊午火 - -	子孙丁丑土 - -
玄武	子孙戊辰土 ——	父母丁卯木 —— 应
白虎	父母戊寅木 - - 应 X →	兄弟丁巳火 ——

旺文虽则生世，不宜兄弟持世，上司之章奏定行，我财终是要破，后题请，不准开销。

## 防参劾、虑大计、及已有事尚未结案者章

**世旺官旺，忧心冰解，旺官持世，喜映双眉。**

世与官星旺相，何虑何忧？再得日月动爻生扶，或得世爻、官爻临于日月，及动而变吉，防参劾者何虑？已参而未结案者无忧，虑大计者，不且无忧，定蒙卓异。凡得旺官持世，亦同此推。

如：未月 戊申日（旬空：寅卯），占因迟误军粮，已被参劾，得“丰之旅”

	坎宫：雷火丰	离宫：火山旅（六合）
朱雀	官鬼庚戌土 - - X →	妻财己巳火 ——
青龙	父母庚申金 - - 世	官鬼己未土 - -
玄武	妻财庚午火 ——	父母己酉金 —— 应
白虎	兄弟己亥水 ——	父母丙申金 ——
螣蛇	官鬼己丑土 - - 应	妻财丙午火 - -
勾陈	子孙己卯木 —— O →	官鬼丙辰土 - - 世

断曰：世临日建，月建生之，动出戌官又来相生，官爵无恙。彼不以为然，岂知因获奇功，保本随至，功名仍复保全。或曰：卯木子孙发动，如何不克官？余曰：木绝于申，所以有救。

**福世孙摇身化子，官空鬼破变爻伤。**

子孙持世、子孙动于卦中、世动化子孙、官破官空，及动而化回头之克，皆主罢职休官。

如：寅月 丁巳日（旬空：子丑），占虑计典，得“旅之明夷”

	离宫：火山旅(六合)	坎宫：地火明夷(游魂)
青龙	兄弟己巳火 ———— O→	妻财癸酉金 — —
玄武	子孙己未土 — —	官鬼癸亥水 — —
白虎	妻财己酉金 ———— 应O→	子孙癸丑土 — — 世
螣蛇	官鬼己亥水 妻财丙申金 ————	官鬼己亥水 ————
勾陈	兄弟丙午火 — —	子孙己丑土 — —
朱雀	父母己卯木 子孙丙辰土 — — 世X→	父母己卯木 ———— 应

此公素行不检，颇藉势要，生平不信易数。偶占之，余断曰：子孙持世，虽化回头之克，世亦受克，所以外卦巳酉丑纵成金局以生伏神之官，亦无用矣。果落职。

**子动财空，减禄罚俸。**兄弟持世，兄弟发动，或财破财空，及财动化凶，倘得官爻旺相，罚俸而已；官若失陷，则利名俱丧也。

**身衰鬼克，贬责凌呵。**世衰不遇生扶，又有岁五日月动爻刑冲克世，或官动克世，或世随鬼入墓，世动化鬼、化克，及虎蛇刑克世爻者，轻则贬罚，重则刑狱。

或曰：何以为之轻重？余曰：轻者，乃世爻之有救也；重者，乃世爻休囚，又被刑伤冲克也。

**世静世空官又陷，终须林下作闲人。**世空者，退休之兆，官又空破休囚者，削职无疑。

世陷逢生，煞兴何碍。古有：身空煞动，避祸之征，余以为非也。盖忌神动于卦中，世爻空者，待世爻出空之月日，必遭其害，何能避之？惟世空逢元神动而相生，卦中虽有忌神发动亦无碍矣，以其待世爻出空之日，忌神反生元神而生世也。

**官隆世陷，身辱官存。**古有：身边伏鬼若非空，官职犹在。谓凡遇凶兆，若得官爻持世，或官伏世下而旺，虽见责罚，而官职犹存。

**野鹤曰：**世遇五爻之克，若得官旺生合世爻，及旺官持世，虽则逢辱，仍复有官。

如：丑月 戊辰日（旬空：戌亥），占防参劾，得“井之中孚”

	震宫：水风井	艮宫：风泽中孚(游魂)
朱雀	父母戊子水 — — X→	兄弟辛卯木 ————
青龙	妻财戊戌土 ———— 世	子孙辛巳火 ————
玄武	子孙庚午火 官鬼戊申金 — —	妻财辛未土 — — 世
白虎	官鬼辛酉金 ———— O→	妻财丁丑土 — —
螣蛇	兄弟庚寅木 父母辛亥水 ———— 应	兄弟丁卯木 ————

勾陈

妻财辛丑土 — — X → 子孙丁巳火 — 应

断曰：此卦甚奇，世空而逢日冲不为空矣，世不受克而暗动，虽无参论，恐要离任。彼曰：既无参论，如何离任？余曰：世爻暗兴，必主动摇，且内卦巳酉丑合成官局以生应爻，故知此位已属他人矣。后因裁他处之缺，上司题留他处之官顶此公之位，换此公回京另补，此亦少经见之事甚矣，知几者神哉！

**身实官陷，位去身安。**世爻旺相不受伤克，官破官空，及被刑冲克害，或动而变凶者，官禄虽失，身不逢伤。

〔提要〕此类占断，均宜官父两旺为吉，更宜官爻生世，文书必准。能得岁五生世者，必有官贵扶助。“喜动龙颜，因文见用。”今测文书之事，如投稿、上书之类亦可仿此。父旺者文旺，官旺者名旺，财旺者可得文书之利。不宜忌神、仇神相克相刑，不宜官父财世爻化空化破及休囚衰绝。

## 养亲、告病、辞官章

**子世子兴，必能遂愿；官克官世，总不如心。**子孙持世，子孙发动，乃无官之累，必能遂我偷闲。若官星持世、及官动克世合世者，难脱利名缰锁。

**告假不忌反吟，休致须宜化退。**告病及养亲，乃暂归之事，得反吟卦者，乃应将来再任，故不忌之。惟辞官者，不宜见之，非目下屡辞不获，乃将来还入留台；若得伏吟，必不能行。官化退，世爻化退，告假辞官，皆得遂意。世与官星而化进神者，王事羁身，难以歇手。

〔提要〕此类占断正与求官求名者反，喜忌神仇神旺相，喜官退官空，不喜官克官世。卦遇反吟，告假不忌，辞官不宜。若逢墓绝克刑，还须慎断吉凶。

## 修陵修河，一切营造公务防患章

**福摇子动无忧，鬼克兄冲有患。**子孙持世，子动卦中，事无忧虑，有始有终。官鬼克世而受累，兄克兄动而赔财，鬼兄持世者同推。

**父世官生，因公加爵。**父母持世，官星动而生合世爻者，必因公事加官。

**财兴官旺，利获名荣。**旺官持世，财动相生，不惟因公得利，还许名荣。旺财持世，世动化财生世，皆同此断。

**六冲不久，六合坚牢。**工程皆以父爻为用神，用神不旺，或受冲克，又得六冲卦者，必不坚久，化冲者亦然。又看世爻旺否，世若休囚被克，将来终遭其害，惟喜父爻旺相，又得六合卦者，永远坚牢。

**野鹤曰**：凡占公务，初入工程而防患者，宜子孙动摇，子动无忧。倘若已见疏虞而防患者，必有功名之虑矣，子动则伤官也。岂曰：子动而无忧乎？

**觉子曰**：初入工程，兄动则虑赔财；已见疏虞，兄兴则防罚俸。

[提要] 本章所论宜分别而断，宜一念一占。如看工程顺利否，宜子动福摇，若鬼克兄动，定有破财祸患。看工程坚固否，宜父旺而遇六合。若看工程与己之吉凶，父世宜官生，财旺宜生官，忌神仇神旺相而克世，必遭责罚。篇末野鹤之论可谓经验之谈。

## 僧官、道纪、医官、杂职、阴阳等官章

**僧官医官，亦喜官文发动。**旧文：岂可文书发动。谓僧道医官之占功名，以子孙为用神，不宜父动而克子也？余以为非也。若他人占僧道医人，则以子孙为用神；子孙旺相，道业高强；父母兴隆，庸愚懦弱。若僧道医家自占道术，亦以子孙为用神，子孙旺相，鬼服魔降。

今自占功名，子动则克官矣，如何反为用耶？当仍看官爻。官星持世，或日月动爻以相生；父母持世，或得旺官而相生，其名必成。

**阴阳杂职，俱以子动为嫌。**

子孙动、子孙持世，皆许必不成名，余则以俗家求名同断。

如：丑月 丙辰日（旬空：子丑），僧官因官事，恐革退僧官而卜之，得“屯之既济”

	坎宫：水雷屯	坎宫：水火既济
青龙	兄弟戊子水 — —	兄弟戊子水 — — 应
玄武	官鬼戊戌土 — 应	官鬼戊戌土 —
白虎	父母戊申金 — —	父母戊申金 — —
螣蛇	妻财戊午火 官鬼庚辰土 — — X→	兄弟己亥水 — 世
勾陈	子孙庚寅木 — — 世	官鬼己丑土 — —
朱雀	兄弟庚子水 —	子孙己卯木 —

子孙持世，克官之神，官又临于应爻，此官已属他人矣。后果退职。

[提要] 此章所论，亦宜区分所占何人，所占何事，不然难取用神，用神取错则全盘皆错。篇末野鹤之论甚详，宜细参阅。

## 功名到何品级章

水一、火二、木三、金四、土五，官临火者，官居二品，官星属水，一品之尊。

**野鹤曰**：右古法也。但水止一数，位至公侯者，何以定之？官设九品，数止于五、六、七品者，何以定之？余有指占之法在，我能公侯将相否？我能一品八座否？旺官临日月，指日可期；官破及刑冲，终身失望；子孙持世，犹如止渴望梅；官动生身，恰似探囊取物。

如：巳月 乙卯日（旬空：子丑）曾有邑宰，问将来官至方面否？占得雷山小过卦：

兑宫：雷山小过（游魂）

玄武	父母庚戌土	- -
白虎	兄弟庚申金	- -
螣蛇	子孙丁亥水	官鬼庚午火 — 世
勾陈	兄弟丙申金	—
朱雀	妻财丁卯木	官鬼丙午火 - -
青龙	父母丙辰土	- - 应

午火官星持世，后果官至仞事。

又有子月乙亥日，官至方伯，问将来能于开府否？连占三卦，子孙持世，后果降调而归。又因占会试，许之必中，又问：能鼎甲否？余曰：须再占一卦：

于：卯月 甲申日（旬空：午未），得“节之蹇”

坎宫：水泽节（六合）

兑宫：水山蹇

玄武	兄弟戊子水	- -	兄弟戊子水	- -
白虎	官鬼戊戌土	—	官鬼戊戌土	—
螣蛇	父母戊申金	- - 应	父母戊申金	- - 世
勾陈	官鬼丁丑土	- - X→	父母丙申金	—
朱雀	子孙丁卯木	— O→	妻财丙午火	- -
青龙	妻财丁巳火	— 世 O→	官鬼丙辰土	- - 应

断曰：古以蹇为不吉，余惟重用神。此卦世临巳火，卯月生之，申日合之。青龙持世，中鼎甲而无疑。但非今科之鼎甲也。公曰：何也？余曰：世爻变出辰土之官，乃辰年之鼎甲也。公曰：此数暗含我机。我少年得一预兆，亦应辰年。场毕即回，至甲辰科殿试，果得首唱传胪。所以此教人指其事而占者，无不验也。何必谆谆执古法而猜之。

〔提要〕本章所论，野鹤之言极是。然古法也有可参照之处，学者可验之而后定论。

## 子占父功名章

父旺官动相生，日月作官星而生父母，父旺化官，父官动而化吉，皆许成名。

财克父、子动伤官、父官动而变凶、日月克官克父，或父爻、官爻衰墓破绝，皆主无益。

如：卯月 壬辰日（旬空：午未），占父何时起用，得“涣之夬”

	离宫：风水涣	坤宫：泽天夬
白虎	父母辛卯木 ——— ○→	子孙丁未土 - -
螣蛇	兄弟辛巳火 ——— 世	妻财丁酉金 ——— 世
勾陈	妻财己酉金 子孙辛未土 - - X→	官鬼丁亥水 ———
朱雀	官鬼己亥水 兄弟戊午火 - - X→	子孙甲辰土 ———
青龙	子孙戊辰土 ——— 应	父母甲寅木 ——— 应
玄武	父母戊寅木 - - X→	官鬼甲子水 ———

内卦寅木父母旺而化出子水之官，许寅年起用。果应于寅年，仍以原品起用，后终于未年。又以此卦悟出初爻寅木父母，寅年而起用，上爻卯木父母动化未墓，墓于未年。占时未墓爻空，谓之“空墓以待”，所以终于实墓之年。又因用神重叠，逢墓库以收藏也。

[居士评] 此卦外三合父母文书，父临月建，何等之旺。若以墓于未年而终，似有牵强，其枢纽在于，官爻元神墓于日建，元神失陷，生用无力虽为三合，外强中干。子孙未土空而随鬼入墓，墓空以待时，卯木父母动化空墓，寅年父临太岁，仍以原品起用。未年而终，填实之期。

又如：辰月 戊申日（旬空：寅卯），占父在京候补，得“观之涣”

	乾宫：风地观	离宫：风水涣
朱雀	妻财辛卯木 ———	妻财辛卯木 ———
青龙	兄弟壬申金 官鬼辛巳火 ———	官鬼辛巳火 ——— 世
玄武	父母辛未土 - - 世	父母辛未土 - -
白虎	妻财乙卯木 - -	官鬼戊午火 - -
螣蛇	官鬼乙巳火 - - X→	父母戊辰土 ——— 应
勾陈	子孙甲子水 父母乙未土 - - 应	妻财戊寅木 - -

未土父母持世，巳火官动生之，许即得缺。果补于四川。巳月归里赴任，巳火生世之故耳。

**李我平日**：问何时，问何地，须要分占。若据一卦而兼断，假令官值申金，必升于七月。论分野，则申乃西晋之地，岂七月之升迁必西方之缺耶？此古法之谬也。又以八宫，如离南坎北之类；又以二十八宿，以定分野。又云食禄于此土，以禄定方；又曰游魂远而归魂近。

《易冒》以五行六神八宫为经，诸星为纬以参之，此可说而不可行也。夫五行八宫及二十八宿，

优为近理。若以六神而兼星煞，使丁日占得“雷风恒”卦，酉官持世，必掌兵权；神得螣蛇，蛇乃驰驱差遣之吏；丁以酉为文昌，文昌为翰苑。以彼法而断，酉官为经，螣蛇、文昌为纬，定是掌兵权之翰苑、听差遣之词林矣！宁非妄谈乎。

〔提要〕此类占断，要在官父相生，不受克制不失陷必有功名重官爻父母爻者，父爻为用神，官爻为元神也。

## 求财章

诸书之论求财，无过《黄金策》，理真论确，屡试屡验，惜乎未经分别。今以前段为总论，以后段分门类，使人易晓。内有屡试而不验者删之，余另得其验者增之。

**财旺福兴，公私称意；财空福绝，上下违心。**上至国课，下至营谋，无不以财为用，公占私卜，皆以财为用神。子孙者，乃生助财爻之元神也，俱宜旺而化吉，又宜生合世爻，公私皆得如意。若逢衰墓绝空、刑冲克害、动而变凶、日月冲破者，上下皆违心矣。

**有福无财，兄弟交重偏有望。**兄弟乃劫财之神，占财之最忌也。财兄同动，必主阻隔破耗。假设财静及不现者，倘得子孙与兄弟同动，又为可喜，以兄动生子孙也，故曰有望。若财爻、兄爻、子孙爻俱动于卦中者，更为可喜，盖兄动生子、子动生财，其利甚厚，且主财有根源，利能久远也。

**兄兴财振，官爻发动亦堪求。**兄财同动，而官鬼亦动者，亦许得财，以官鬼克制兄爻之故耳。

**财福俱无，莫若守株而待兔。**财与子孙爻俱不现，或现而又值休囚、空破、墓绝，或被克害刑冲，须宜株守，图则无益。**觉子曰**：倘得日月为财，或伏而旺者，亦可求也。

**父兄爻动，无殊缘木以求鱼。**父动克福神，兄动克财爻，此二爻动于卦中，凡图无济。

如：酉月 戊午日（旬空：子丑），占求财，得“泽火革”

坎宫：泽火革

朱雀	官鬼丁未土	--	—
青龙	父母丁酉金	—	
玄武	兄弟丁亥水	—	世
白虎	妻财戊午火	兄弟己亥水	—
螣蛇	官鬼己丑土	--	—
勾陈	子孙己卯木	—	应

断曰：卦中财爻不现，亥水兄爻持世，父临月建，生助兄爻，如缘木以求鱼也。

**多财反覆，必须墓库以收藏。**卦中财临日月，谓之太旺，或动变俱是财爻，日月又作财星，谓

之重叠，若要求谋遂心，须待财爻入墓。且如水作财神，辰日而得，余仿此。

**无鬼分争，又怕交重而阻滞。**兄弟，乃争夺、阻隔、耗财之神，宜鬼动而制之，以免分争之患。

**觉子曰：**兄爻发动，喜鬼动以制之，倘兄爻安静，又不宜鬼动，鬼动反泄财爻之气也，且有口舌。

**兄如太过，反不克财。**旧注，卦中一位兄动最忌，若兄弟多动者，反不劫财。**觉子曰：**余以为兄爻多者，待兄爻入墓之日，及损克兄爻之日，必劫其财，谓之太旺者，损之斯成。

如：巳月 丙辰日（旬空：子丑），占放印子钱，得“未济之归妹”

	离宫：火水未济	兑宫：雷泽归妹(归魂)
青龙	兄弟己巳火 —— 应○→	子孙庚戌土 - - 应
玄武	子孙己未土 - -	妻财庚申金 - -
白虎	妻财己酉金 ——	兄弟庚午火 ——
螣蛇 官鬼己亥水	兄弟戊午火 - - 世	子孙丁丑土 - - 世
勾陈	子孙戊辰土 ——	父母丁卯木 ——
朱雀	父母戊寅木 - - X→	兄弟丁巳火 ——

断曰：此卦月建世爻，动变之爻，俱是兄弟，占时顺遂，至九月，兄爻入墓，因奸破耗，岂可谓之兄爻太过反不劫其财耶？！

**世遇兄临，必难求望。**古以卦身临兄爻，难于求望。余因卦身不验，只以世爻为主，兄爻持世，难遂求谋。**野鹤曰：**全在人之通变。兄弟而持世者，虽则为忌，亦有不当忌者。

如：未月 丁卯日（旬空：戌亥），占借贷，得“晋”卦

	乾宫：火地晋(游魂)
青龙	官鬼己巳火 ——
玄武	父母己未土 - -
白虎	兄弟己酉金 —— 世
螣蛇	妻财乙卯木 - -
勾陈	官鬼乙巳火 - -
朱雀 子孙甲子水	父母乙未土 - - 应

断曰：兄爻持世，固曰无财，但喜卯日，即是财星。古以财爻克世、冲世者必得；况应爻未土旺而生世，明日必获。果得于辰日。应辰日者，世动逢合之日也。

又如：巳月 丁巳日（旬空：子丑），占求财，得“既济之涣”

坎宫：水火既济	离宫：风水涣
---------	--------

青龙	兄弟戊子水 - - 应 X →	子孙辛卯木 ——
玄武	官鬼戊戌土 ——	妻财辛巳火 —— 世
白虎	父母戊申金 - -	官鬼辛未土 - -
螣蛇	妻财戊午火 兄弟己亥水 —— 世 O →	妻财戊午火 - -
勾陈	官鬼己丑土 - - X →	官鬼戊辰土 —— 应
朱雀	子孙己卯木 —— O →	子孙戊寅木 - -

断曰：若占久远之财，则无财也。若问目下之财，明日戊午必得。其故何也？盖兄临世爻，日破月破，不克变出之财，况日月俱作财来冲世，只因应爻逢空，明日冲实，定送财来。果于次日送来。

又如：巳月 戊寅日（旬空：申酉），占何日得财？得“离之丰”

	离宫：离为火(六冲)	坎宫：雷火丰
朱雀	兄弟己巳火 —— 世 O →	子孙庚戌土 - -
青龙	子孙己未土 - -	妻财庚申金 - - 世
玄武	妻财己酉金 ——	兄弟庚午火 ——
白虎	官鬼己亥水 —— 应	官鬼己亥水 ——
螣蛇	子孙己丑土 - -	子孙己丑土 - - 应
勾陈	父母己卯木 ——	父母己卯木 ——

酉财不动，明日己卯冲动财爻，明日必得。或疑兄持世者。余曰兄动化墓，不克财爻也。果次日得之。

**野鹤曰**：余于此书，务必屡试屡验者，方存为法，非如他书，以偶合者即为式也。故凡占得兄爻持世，而世值月破、旬空、化墓，及日月作财冲世、克世，或世爻兄弟变出财爻，皆许得财者，俱屡占得验，始敢告之。若世持兄弟，非此类，不得以此例决之也。

**财来就我终须易，我去求财定是难。**旧注，凡遇财爻生世、合世、克世、持世，皆谓之财来就我。若卦中虽有财动，不来生合世爻，亦非我之财也。**野鹤曰**：亦不可拘执此说。总之，善断者贵乎通变，以参其理，久之自能触类而悟，即如前二卦，兄弟持世，何尝财来生合耶？

**福变财生，利源滚滚。**财得子动生之，如财之有源也，其利丰厚。倘得子动化财、财动化子者，皆同此断。

**兄伤鬼克，口舌纷纷。**财持世而兄亦动者，不独劫财，还防伤己。若更鬼动克世者，更凶。

**觉子曰**：《黄金策》云：兄连鬼克，口舌难逃。谓兄动变鬼冲克世爻者，不独无财，还防口舌。

殊不知兄动变鬼，即是兄化回头之克，自顾不暇，又焉能冲克世爻耶？

如：酉月 丙午日（旬空：寅卯），占贸易有利否，得“师之坎”

	坎宫：地水师(归魂)	坎宫：坎为水(六冲)
青龙	父母癸酉金 - - 应	兄弟戊子水 - - 世
玄武	兄弟癸亥水 - - X→	官鬼戊戌土 ——
白虎	官鬼癸丑土 - -	父母戊申金 - -
螣蛇	妻财戊午火 - - 世	妻财戊午火 - - 应
勾陈	官鬼戊辰土 ——	官鬼戊辰土 ——
朱雀	子孙戊寅木 - -	子孙戊寅木 - -

午财持世，兄动劫之，幸水化戌土，兄爻被克，不来劫财，许之可行，必有利息。果得利。后于九月，其胞弟得急症而死，乃悟此卦亥水兄弟变鬼故也。如此问财而现丧弟者，余屡见之，后学不可不留心也。

**财局合福德，百倍利源可许。**世与财爻，或与子孙爻三合成局，诸占物阜财丰。

**野鹤曰**：须要在局中，或是合成财局、子孙局生世，方为全美。倘合成父局，辛苦劳碌；合成兄局，破耗多端；合成鬼局，灾非口舌；克世者更凶。

**岁君逢劫煞，一年生意无聊。**劫煞者，乃兄弟之爻也，兄临太岁，一年破耗。

[提要] 求财卦中须有财，然后可求。财爻伏藏有气者，冲飞逢值之日可得；财爻入墓，冲墓之日可得；若逢财来克世，为财来寻我，德之更易；财爻旺相看日月建/动爻/元神之生助，生扶多者财更旺，卦遇三合财局，子孙局，世爻合在局内，更是财利滚滚，旺不可言。求财最喜子孙发动，子孙财爻持世，最忌兄弟发动，兄弟持世。若遇兄动持世，非但无财可求，还须慎防破财。以上为求财之大要也，然亦有灵机通变之处，篇中野鹤之论宜详参之。

## 卷之四

### 谒贵求财章

**世克官，官生世，须宜谒见；财临破，鬼克世，枉费奔驰。****野鹤曰**：见贵有两问，为名者用官，为利者用财。皆宜持世及生合世爻为吉，如逢空破墓绝，及动而变凶者，徒劳奔驰耳。倘若世爻化鬼化克，及随墓助伤者，更不宜行，若非到彼逢凶，定在中途遇祸。占谒贵者，亦同此断。

世动遇空，身兴遇破。世动化空破者，勿曰不吉，乃应到彼之月日也。

如：申月 丁卯日（旬空：戌亥），占出行谒见贵人，得“天火同人”

离宫：天火同人(归魂)

青龙 子孙壬戌土 —— 应

玄武 妻财壬申金 ——

白虎 兄弟壬午火 ——

螣蛇 官鬼己亥水 —— 世

勾陈 子孙己丑土 - -

朱雀 父母己卯木 ——

断曰：官星持世而空，亥日出空得见，财利如心。果于出空之日见官，财利得意。乃月建财爻生世之故也。

官持世，财动相生；财持世，官无缺陷；再得日月照临，彼此缘投有幸。日月照临者，乃日月生世、生财，或世爻、财爻而临日月是也。

**为名宜父动，因利忌兄兴。**凡占谒贵，既得世与官星相生相合，必然得见。若为名利，须宜另占，不可即以此卦断之。盖为名者，宜父官两旺；为利者，宜财福两旺也。

如：申月 甲辰日（旬空：寅卯），占谒贵求题荐，得“火雷噬嗑”

巽宫：火雷噬嗑

玄武 子孙己巳火 ——

白虎 妻财己未土 - - 世

螣蛇 官鬼己酉金 ——

勾陈 妻财庚辰土 - -

朱雀 兄弟庚寅木 - - 应

青龙 父母庚子水 ——

求题荐全仗文书，卦中财爻持世，父母受克，难许如心。彼曰：如果得财，亦不负此一行。余曰：非此论也，汝来意原为求名，此持世之财，乃破文书之忌神也。非许汝以求财也。

**觉子曰**：每见人断如此之卦，竟以此财爻决为有财，殊不知财爻持世破文书，求荐举而不得也，误作虽不成名必得其利者，岂不大谬。

**六合六冲须看用，反吟化退枉奔劳。**爻逢六合，亦要用神旺相，或世与财官相合，乃为吉兆。卦遇六冲，必须用神受克失陷，始作凶征。卦得反吟，及世动化退，多见难于行动，勉强而去，素手空归。

**贵人谒贵，宜世应以相生；平人见贵，宜官贵而相合。**贵人谒贵人，宜世应相合相生；平人见

贵人，宜官贵相合相生及官星持世。觉子曰：有心而问见贵求名者，官星持世、生世，必得功名。有心问谒贵人者，官星生世、合世而得见也，切勿以此所见贵人之官星，误作成名而断也。野鹤曰：贵人谒贵，世应若相冲克，财伏而空，去之何益？官鬼克世、世变鬼变克，更凶。平人见贵，官克世、世变鬼变克，勿去，去则须防不测。财官生世、持世为吉。

按：出行谒贵求财，与出行章参看。

[乾按] 测占谒贵求财，务必世旺官生，必能见贵如意。若遇世破空墓绝或官破空墓绝，或官来克世，卦得六冲反吟，必往返空驰。求财还须卦中财旺方可求得，但遇兄动，非但无财，还须破耗。贵人见贵则与平人见贵断法有异，须详审本章卦例而习其法。

## 为贵人奔走效力求财章

**最重财官两旺，不宜世应皆空。**世遇财、应临福，我益他损；应临官、世逢破，他益我损。兄持世，不如闲处安身；应克世，防患他人反目。

**世遇财星，官星临应，无不遂也。**世逢空破墓绝，及动而变凶者，皆非吉也。应克世、兄克世，见灾犹浅。鬼克世、世化鬼，得祸不轻。

[乾按] 本章占法仍以世旺得地，财官相生而合世，生世为吉，所求无不遂意。切忌兄动克财，切忌世逢空破墓绝，必然徒劳无功。世逢鬼兄之克，慎防灾祸。

## 开行开店及各项铺面章

**世为己，应为人，大宜相合；财为本，福为基，最喜同兴。**觉子曰：古法，应为伙计，又为下顾之客。《黄金策》曰：开行定主有人投，余以为须在占者之念。彼若一意而问伙计，则应为伙计。若得世应相生相合，彼此同心；应生世，他益于我；世生应，我益于他。相克相冲，两情有变，应克世，我被他瞒；世克应，他从我愿。应临玄武兄爻，暗中盗骗；应临官鬼克世，明降灾非。世财应兄，受他之累；世财应子，得他之力；世应空合，彼此有虚诈之心。

如一意而重在买卖者，则以应爻为下顾之客。应爻生世、合世，生客来交成故旧；世应相冲相克，熟人终久变成仇。

**鬼作灾非须忌动，财为活计畏刑冲。**鬼动招非，克世最忌。法云：鬼现爻中，是非日有；鬼摇克世，灾祸连绵。须看鬼值何神克世，当于家宅章内详之。财为资本，忌衰墓空破，及动而变凶，或日月刑冲克害，更忌世与财空，俱开不成。

**鬼兄发动，有制何妨；随墓助伤，多凶少吉。**鬼动招非，若得子孙制鬼，或日月冲克鬼爻，谓

之有制。**觉子曰**：凡遇兄鬼同动者，不可概曰鬼动招非，盖鬼动能制兄爻不劫财也。兄弟又为阻隔破耗之小人，得此鬼动可以制服。独不宜世随鬼入墓，或世动而变凶，皆凶兆也。

凡占贸易，虽宜财动，若遇鬼爻克世，又不相宜，乃为助鬼以伤身也。

**卦得反吟多反复**。卦得反吟，欲行不行，行而又止，或开而又闭，闭而又开，倘店已开久，遇此一定更迁。

**冲中变合再重兴**。爻逢六合，及六冲卦变六合，或世与财爻、子孙共成三合，定是闭后重兴。惟六合变冲，则不宜也，眼前热闹，终久萧条。

**合伙不嫌兄弟，乏本内外无财**。世应临兄不吉，兄爻发动亦不吉。倘世临兄弟，日月作财星冲克世者，反为吉也。内外无财，伏而又空，必然乏本，屡试屡验。

〔乾按〕开店开行经营铺面，重看世应相合。世克应爻为吉，应生世爻最佳。遇此卦象则生意通达，财源茂盛。最忌卦逢反吟，反复无常多受劳心。须防鬼兄动摇，鬼动有灾非，兄动必破财。若看经营前途，还须卦中财旺子兴兄不动。财伏而不上卦且难出现者，必然亏本破产。若要看久远，宜卦逢合不宜逢冲。

## 投行损益章

**官若兴隆，行主可千金之托；应如空破，牙人无毫忽之能**。官旺应旺，生合世爻者，其人可托。如静衰空破，即是奸险小人，若交财，定遭欺骗。

**世被应伤，遭他陷害；财逢兄克，虑彼相瞒**。应克世，帐目难清；兄克财，已入局套。

兄动，货难脱卸；子兴，物宜交关。兄动阻隔，货难尽脱，子与财旺，利息丰隆。

**兄雀并摇，难逃口舌；武鬼同发，须虑穿窃**。雀临兄，鬼动而克世者，口舌官灾；武临兄，鬼动而克世者，须防窃盗。

〔乾按〕本章所论为委托成交。宜世应相合，应来生世。若遇应空必是难以成交，皆因对方不实之故。应若克世，必中圈套。卦中六冲不可忽视，玄武为盗贼，朱雀主口舌，动者更凶。须结合卦爻六亲仔细推断。

## 囤货卖货章

**财爻衰者宜停脱，妻位当时可脱之**。积货卖货，皆忌财逢空破，及动而变克。财衰宜囤，财旺宜脱。如春时占得财爻属木，谓之旺，宜速发卖；若临金水土者，宜堆积也；临火为相，亦不宜堆积。此论四时之衰旺也。**觉子曰**：衰虽可买，须要查其根蒂。衰若有根，则将来再发；如无根蒂，

到底难于出脱。断卦者所当知也。

如：寅月 己亥日（旬空：辰巳），占收货，得“颐”卦

巽宫：山雷颐（游魂）

勾陈	兄弟丙寅木	——
朱雀	子孙辛巳火	父母丙子水 - -
青龙	妻财丙戌土	- - 世
玄武	官鬼辛酉金	妻财庚辰土 - -
白虎	兄弟庚寅木	- -
螣蛇	父母庚子水	—— 应

古以财爻衰者宜收货，此卦辰戌之财，衰而不遇生扶，谓之无根，将来终不得价，不可收买。不听，后堆积四年，朽坏大半矣，大亏其本。

**货有定时，须凭时令；物无定者，指利而占。**定时者，有贵贱之时也，如麻葛得价于夏令，花棉得价于冬天。又如木料、绸缎之类无定时也。

财化进神，其价正涨；兄爻持世，破败之端；财化进神，价正涨，不可收积；化退者，价将落，有货速宜脱卸。兄爻持世，及兄动卦中，破财之兆。

**觉子曰**：算甚命？问甚卜？亏人是祸，饶人是福。财将义取者，神告显然。财之不义者，神不告矣。昔有一人亏损伙计，独得其利，人人知而詈骂，因占货当卖否，卦得兄爻持世，又占不卖何如，又是兄爻持世，占过又占，不离兄动，余亦知其此人亏损伙计，而得货抑买，素行不端。余悟兄动者破财之兆也，有利无利，神不告之，后此人不卖者，其价一日贱似一日，不得不卖，及至急急卖毕，其价大长，折本漂流，难回故里，所以丧心之人何须占卜！

**财值旺衰墓绝，自有得令之秋；妻逢破克伏空，岂无乘除之日。**财太旺者，得利于墓库之月；休囚者，出脱于生旺之时。入墓必待冲开，遇绝宜逢生旺。月破者，填实之候；被克者，冲去克神之秋；伏藏者，得价于出现之时；旬空者，冲空、实空之月。财逢合住，亦待冲开。

如：子月 己丑日（旬空：午未），占货何时得价？得“归妹之兑”

兑宫：雷泽归妹（归魂）

兑宫：兑为泽（六冲）

勾陈	父母庚戌土	- - 应	父母丁未土	- - 世
朱雀	兄弟庚申金	- - X→	兄弟丁酉金	——
青龙	子孙丁亥水	官鬼庚午火 ——	子孙丁亥水	——
玄武	父母丁丑土	- - 世	父母丁丑土	- - 应

白虎	妻财丁卯木 —	妻财丁卯木 —
螣蛇	官鬼丁巳火 —	官鬼丁巳火 —

断曰：卯木财爻，子月生之，财有根蒂，目下不得价者，被申金动而克制之故也，待寅月冲去申金，其价必涨。果于正月勃然大涨，此乃财爻被克，冲去克神之月也。

又如：巳月 戊申日（旬空：寅卯），占买台连纸有利否？得“复之颐”

	坤宫：地雷复(六合)	巽宫：山雷颐(游魂)
朱雀	子孙癸酉金 — — X→	官鬼丙寅木 —
青龙	妻财癸亥水 — —	妻财丙子水 — —
玄武	兄弟癸丑土 — — 应	兄弟丙戌土 — — 世
白虎	兄弟庚辰土 — —	兄弟庚辰土 — —
螣蛇 父母乙巳火	官鬼庚寅木 — —	官鬼庚寅木 — —
勾陈	妻财庚子水 — 世	妻财庚子水 — 应

断曰：子水财爻持世，日辰生之，酉金动而生之，但嫌金水逢于夏令，元神用神俱值休囚，秋冬必长，有纸多收。果于堆时每块九钱，后卖至三两六七，此乃财值休囚，出脱于生旺之时也。

卯月 乙未日（旬空：辰巳），占卖货，得“家人之小畜”

	巽宫：风火家人	巽宫：风天小畜
玄武	兄弟辛卯木 —	兄弟辛卯木 —
白虎	子孙辛巳火 — 应	子孙辛巳火 —
螣蛇	妻财辛未土 — —	妻财辛未土 — — 应
勾陈 官鬼辛酉金	父母己亥水 —	妻财甲辰土 —
朱雀	妻财己丑土 — — 世 X→	兄弟甲寅木 —
青龙	兄弟己卯木 —	父母甲子水 — 世

断曰：丑财持世，月克日冲，又化回头之克，不独财爻被克，而世爻亦被冲伤，六月世临月破，不独破财，且防不测。果于六月回禄，货成灰烬，身被火伤，阅七日而死。

**觉子曰**：归妹与小畜两卦皆是财爻受克，前卯木之财有子月之生，谓之有根，所以逢寅月冲去克神而得财；后卦丑财并无生扶，谓之无根，所以财命两伤，岂可亦许冲去克神之月而旺耶？所以断卦贵乎周详通变也。

**财逢合而当遇**。合者，有应动而逢合之月而得价者，亦有财爻衰静，占时得遇日月生合，其价目下正及时者。

如：寅月 己酉日（旬空：寅卯），占脱货于何时？得“山火贲”

艮宫：山火贲（六合）

勾陈	官鬼丙寅木	——
朱雀	妻财丙子水	- -
青龙	兄弟丙戌土	- - 应
玄武	子孙丙申金	妻财己亥水 ——
白虎	父母丙午火	兄弟己丑土 - -
螣蛇	官鬼己卯木	—— 世

断曰：亥水财爻，酉日生之，寅月合之，目下正及时也。但因世爻暗动，身动方可脱卸。彼曰：“我闻某处得价，正欲移货去卖，不知可否？”余曰：“卦已明现，速宜行之。”果去不数日，得价倍余。此乃爻逢六合，财逢月合，及时而脱货也。

**财逢冲而当起。**财旺而静，或旺而空，得占日之日辰冲者，其价渐渐涨矣。倘静而休囚，日冲则为破也，勿以此断。

〔乾按〕求脱货于何时，求囤货能否得价，其法大有不同。脱货重看财爻旺衰，旺者可脱，衰者难脱。囤货为收买，财爻衰时价必贱。财爻衰而无根者必大亏损。财爻衰而有根者，待时而旺，必有财利也。二者同为求财，断法大异。

## 卖货宜守宜动章

**内财衰而外财旺，宜往他乡。**外卦财旺，生合世爻及持世者，宜往他乡。倘财不生合世爻，及世动化凶者，他乡花似锦，我去不逢春。

**应财外而世财内，须查动静。**应爻临财宜外，财爻持世宜内，然必要应爻动而生合世爻，不然，应财虽旺，与己何干？

**六冲须要别图，六合还宜坐守。**卦得六冲，虽宜改图，余屡试之，财旺者无须更改，财衰者改也无益。**野鹤曰**：凡得此象，须令其再占，问更改何如？卦得财世两旺，许之改图；再逢衰者，且须耐守。卦得六合，亦看财爻衰旺。财持世而动者，不可坐守；衰而静者，守待旺时。

**财衰变旺，先屈后伸；财旺变衰，先金后土。**谓财爻动而变也。财衰动变旺相，目下虽贱，而将来必长；财旺动变衰绝，如若卖货，宜于急卖；如果收货，切不可收。买货与卖货相反，财爻旺而可卖，财爻衰而宜买。内卦财衰，宜于外卖；世爻财旺，近地相宜。财化进神，宜往外方发卖；世爻化退，宜回近地出脱。

[ 乾按 ] 卖货宜守宜动，须看世应财爻，应财生世合世，宜往应方，世财旺相，宜守不动。卖货求财分内外。外卦财旺亦在外，内卦财旺宜坐守。若逢六冲六合卦，宜动宜静仍须看财爻旺衰而断。

## 往何方买卖章

**野鹤曰**：古法有之，屡试不验，须指其方而卜之。

如：午月 戊子日（旬空：午未），占往楚买豆，得“地泽临”

坤宫：地泽临

朱雀	子孙癸酉金	— —
青龙	妻财癸亥水	— — 应
玄武	兄弟癸丑土	— —
白虎	兄弟丁丑土	— —
螣蛇	官鬼丁卯木	—— 世
勾陈	父母丁巳火	——

断曰：亥水财爻，休囚于外，楚豆必贱，子水日建而生世爻，必得厚利，宜速行之，但嫌间爻兄弟月生日合，耗费者多。后果牙人作弊，鸣之于官，迟误一月，花费些须。幸到地头，其价大涨，得厚利而归。此乃指地而占，无有不验者如此。

[ 乾按 ] 此卦之神妙，在于指其地而占也。可与求财占断同看。应财生世，日建又合，必有财利可求。不宜兄爻旺而多阻隔，然迟误一月即到申月，水相得地，为得财之时也。

## 买何货为吉章

**野鹤曰**：古以金财而像珠宝玉石，水财以类鱼盐，火财陶冶果实，木财竹木，土财五谷。青龙木利，又兼喜庆之用；白虎金财，丧仪屠宰之物；玄武水利；朱雀火宜；螣蛇利于出入；勾陈利于农工。

余以为此乃揣摩五行之论，非经验者也，屡试不验，间有验者，亦偶尔凑合耳，不可为法，必须意属何类，指其事而占之，方能有效。

如：未月 戊申日（旬空：寅卯），占往东粤探亲，可带何货归来得利？得“火山旅”

离宫：火山旅（六合）

朱雀	兄弟己巳火	——
----	-------	----

青龙 子孙己未土 — —  
 玄武 妻财己酉金 — 应  
 白虎 官鬼己亥水 妻财丙申金 —  
 螣蛇 兄弟丙午火 — —  
 勾陈 父母己卯木 子孙丙辰土 — — 世

断曰：爻逢六合，世应相生，此行遂意。如问应买何物，余无此法，不敢相误，但喜既得吉卦，任尔冬月卖扇，夏天卖毡，亦得厚利。后此人买檀香翠羽而归，俱获大利。若执古法而断者，则此卦酉金为财，可买珠宝玉石耶？财临玄武，可买水利鱼盐耶？

〔乾按〕此类占断不可拘守，只须指其事而占之，应方财旺，卦逢六合，世应相生，进货必得厚利。

## 借贷章

**世逢兄，何须开口；应空破，难遂我心。**财如空破休指望，子兴财发可相求。世应两爻，皆不宜月破旬空；兄弟一爻，断不可临身及动。

如：未月 丁卯日（旬空：戌亥），占借贷，得“兑之震”

	兑宫：兑为泽(六冲)	震宫：震为雷(六冲)
青龙	父母丁未土 — — 世	父母庚戌土 — — 世
玄武	兄弟丁酉金 — — ○→	兄弟庚申金 — —
白虎	子孙丁亥水 —	官鬼庚午火 —
螣蛇	父母丁丑土 — — 应	父母庚辰土 — — 应
勾陈	妻财丁卯木 — — ○→	妻财庚寅木 — —
朱雀	官鬼丁巳火 —	子孙庚子水 —

断曰：兑卦属金，变震卦属木，金克木为财，卯木财爻化退，酉金兄动亦化退，幸得财临日辰，旺而不退，明日辰日合住酉爻，必得。果得于辰日，此乃酉金兄爻得辰日合住，不能克其财也。

## 放债索债章

**兄临世，放则无还；应临兄，索则不获。**应鬼克身防负义，应财生世定怀忠。古以世应同人，放债必然连本折，谓不独世临兄弟忌之，即应临兄弟亦忌。官鬼克身，美意终成恶意。

〔乾按〕放债忌兄临世，劫财阻隔，放则无归。若遇应财生世合世，定然有借有还。此类占

断须重解析世应之关系也，宜慎而辨之。

## 买卖六畜章

**山野兽禽，须寻福德；家畜牛犬，亦看子孙。**不拘家禽野兽，皆以子孙为用神，兼看财爻。

财持世，子动生之，或日月生助，或财动化子，乃吉象也，无分买卖畜养，多多益善，大有利益。子孙持世，财爻合世，亦有利益。独防鬼变子孙、子孙变鬼、父化子、子化父、父兄持世、财临空破，必有损害。

如：丑月 丁卯日（旬空：戌亥），占买马往南地贩卖，得“鼎之大有”

	离宫：火风鼎	乾宫：火天大有(归魂)
青龙	兄弟己巳火 ——	兄弟己巳火 —— 应
玄武	子孙己未土 - - 应	子孙己未土 - -
白虎	妻财己酉金 ——	妻财己酉金 ——
螣蛇	妻财辛酉金 ——	子孙甲辰土 —— 世
勾陈	官鬼辛亥水 —— 世	父母甲寅木 ——
朱雀	父母己卯木 子孙辛丑土 - - X→	官鬼甲子水 ——

断曰：内卦子孙虽临月建，不宜动而变鬼；外卦未土子孙又临月破，不宜买也。幸而间爻酉财暗动生世，马虽多死，财不致于大耗。后果买马七十余匹，一路多死，仅存二十八匹，幸而得价，不致大亏其本。

〔乾按〕买卖六畜而求财，首要子孙旺相得地，方可为之。子动生财必能得利，最忌父兄持世，须防子孙变鬼，鬼变子孙；父化子，子化父，皆为耗损不吉之兆。

## 博戏章

**有技斗、力斗，首重世应，若以财斗者，兼用财爻。**世喜临于日月，财宜日月生扶，世爻动而化吉，应带财而生世，皆我胜也；反此者，必系他赢。兄动卦中，破财之兆；鬼爻克世，灾祸相侵。

有禽鸟斗者，专重子孙，子孙旺者，必胜；休囚空破，或被克害刑冲，及卦中父动者，多被其伤。

如：巳月 戊申日（旬空：寅卯），占斗鹌鹑，得“渐之巽”

	艮宫：风山渐(归魂)	巽宫：巽为风(六冲)
朱雀	官鬼辛卯木 —— 应	官鬼辛卯木 —— 世

青龙	妻财丙子水	父母辛巳火 ——	父母辛巳火 ——
玄武		兄弟辛未土 - -	兄弟辛未土 - -
白虎		子孙丙申金 —— 世	子孙辛酉金 —— 应
螣蛇		父母丙午火 - - X→	妻财辛亥水 ——
勾陈		兄弟丙辰土 - -	兄弟辛丑土 - -

断曰：子孙持世，以临日辰，父爻虽动，亥水制之，独不宜亥为月破，难于制火，今日巳午时，切不可斗。彼问：何也？余曰：巳午时，午火父母得令，必克子孙，果于早斗得胜，午时又斗，大败，输数金焉。

〔乾按〕此类占断首重世爻旺相得地，必胜。又有财爻生世合世，得财无疑。最忌兄弟持世，官鬼相克，必有破财之患，灾祸相侵。若斗禽鸟，亦专看子孙爻，旺胜衰败，不宜父动克子，兄兴破财。

## 请会摇会章

**请会须宜财旺，更宜世应相生。**卦遇六冲，财虽旺而不久；六冲变合、世应相克，亦成；六合变冲，有始无终；财逢破绝，宜速止之。

摇会得否？旺财持世必得。如占得在何时？财破财空，填实之月日；财若伏藏，出现之月日；财太旺者，逢墓之月日；财衰绝者，逢生旺之月日；倘财化回头之克，及衰静而逢破空，又遇六冲者，会场必散，终无得会之期矣。

〔乾按〕此类占断主看世应与财爻，三者旺而相生合，必定称意。得会之时，决断应期，本章所论甚明，大可按图索骥，亦看“各门类总断应期章”而断。

## 行险求财章

**觉子曰**：古以青龙财爻为吉。余以此非营生之本，必丧心之事也。行此丧心之事，也敢告之于神耶？既告之于神，而神若以吉凶而告者，乃神之教人而作丧心之事也。可谓大道之易卦耶？可谓之伏羲大圣之神耶？然不独此，凡占非礼非义之事，不忠不孝之谋，一念之恶，恶神随之。即不告之于神，也遭天谴。《尚书》曰：“惠迪吉，从逆凶，何须问卜？”所以卜亦不验，故不注。

〔乾按〕行险求财勿作不仁不义之事，勿取不明不白之财，觉子之言堪为警戒。

## 婚姻章

**觉子曰**：男家占女，以财为用；女家占男，以官为用；不拘父母亲朋代占，悉皆同之。用官者，官有生扶；用财者，财爻旺相，即许成婚。今按古今诸书，又以财旺伤克父母，余不知宜财之旺而为吉乎？抑宜财不旺而为吉乎？

或曰：《黄金策》云：翁姑不睦，皆因妻位交重；《海底眼》云：财动丧双亲；《易冒》亦云：妻财动，父母参商。俱以财动则伤克父母，未言旺也。

余曰：动则能伤父母，旺则不能伤乎？假令春天占卦，财爻属木，谓之女命旺而可取，但父母爻定然属土，如此当权得令之财爻，有不克休囚之父母爻者乎？何必曰动？殊不知昔人言动而不言旺者，正虑后人驳议，故讳言其旺，不得已而言动也，岂知亦被看破耶？

或曰：据尔之论，则何以为法？

余曰：今分占之法也，先要财官旺相，既得吉卦，再占妨克父母否，是其法也。又按《黄金策》专以应为妻位，《易冒》亦以应为妻，欲其旺相，乃为发福贤良之女。又以应为女家父母，谓之应爻旺相，必是富贵之家；应若休囚，必主贫寒之宅。执此论之，则旺相贤良之女，必皆出于富贵之家耶？种种悖谬，千百年来何竟无一人拈出。

### 男卜女姻财要旺，女占男配鬼宜兴。

男家代占女，专以财为用神，以应爻为女家；财宜旺相，动而化吉；应爻不宜空破及克世爻。

女家代占男，专以官为用神，以应爻为男家；宜官星旺相、动而化吉；应爻不宜空破墓绝，不宜克世。

男子自占妻者，亦以财爻为用，兼以应爻为女身；财与应爻，皆以生世、持世、合世为吉，最忌破墓绝空；财旺生身，应值破空，亦取；应爻生世，财爻破绝，休求。

**野鹤曰**：财爻、应爻同来生合世者，更吉。大抵以财为重，应为附和耳。《黄金策》曰：应为百岁之妻，重应而不重财，谬也。

即如：子年 未月 己未日（旬空：子丑），自占婚，得“明夷之丰”

	坎宫：地火明夷（游魂）	坎宫：雷火丰
勾陈	父母癸酉金 — —	官鬼庚戌土 — —
朱雀	兄弟癸亥水 — —	父母庚申金 — — 世
青龙	官鬼癸丑土 — — 世 X →	妻财庚午火 — —
玄武 妻财戊午火	兄弟己亥水 — —	兄弟己亥水 — —
白虎	官鬼己丑土 — —	官鬼己丑土 — — 应
螣蛇	子孙己卯木 — — 应	子孙己卯木 — —

断曰：丑官持世，虽临月破日破，幸得动化财爻回头之生，目下虽破，终有不破之时。明岁丑年，定逢佳偶。果次年四月得配良姻。应丑年者，世爻实破之年也，此非财爻生世，应爻克世耶？

又如：子月 癸酉日（旬空：戌亥），自占婚，得“恒之鼎”

	震宫：雷风恒	离宫：火风鼎
白虎	妻财庚戌土 - - 应X→	子孙己巳火 ——
螣蛇	官鬼庚申金 - -	妻财己未土 - - 应
勾陈	子孙庚午火 ——	官鬼己酉金 ——
朱雀	官鬼辛酉金 —— 世	官鬼辛酉金 ——
青龙 兄弟庚寅木	父母辛亥水 ——	父母辛亥水 —— 世
玄武	妻财辛丑土 - -	妻财辛丑土 - -

断曰：酉官持世，戌土财爻动而生之，又得世应相生，戌土虽值旬空，动不为空，明日出空之日，求之必允。果于次日巳时允婚，夫妇白头相守，儿女成行。

又如：寅月 丙午日（旬空：寅卯），女家代占婚，得“临之既济”

	坤宫：地泽临	坎宫：水火既济
青龙	子孙癸酉金 - -	妻财戊子水 - - 应
玄武	妻财癸亥水 - - 应X→	兄弟戊戌土 ——
白虎	兄弟癸丑土 - -	子孙戊申金 - -
螣蛇	兄弟丁丑土 - - X→	妻财己亥水 —— 世
勾陈	官鬼丁卯木 —— 世O→	兄弟己丑土 - -
朱雀	父母丁巳火 ——	官鬼己卯木 ——

**觉子曰**：女家占男，以官为用，以应爻为男家，此古法也，亦死法也，断卦之时，须宜活变。夫所得之卦，岂皆显而易见者哉？即如此卦，女家占男，卯木旺官持世，其婚必成，而应爻受克，又为男家不允，似此，何以决之？要知财官为重，世应为轻，虽是女家占男，亦要财爻不致于失陷。此一卦也，关乎男女二人，财被回头克，又逢丑土之克，如何能生卯木之官？男女不能相合相生，婚姻虽成，亦当有变。后果聘定于四月，未及成婚，被贼兵于四月内劫去，应巳月者，亥水逢月破也。（居士注：此不止亥逢月破之时，乃月建寅木合住亥水，冲开之月。）

**财值休囚破散，终非举案之俦；官逢衰墓绝空，难遂齐眉之愿。**财爻官爻，不宜墓绝空破，又不宜动而化破化散、化克化鬼，乃夭折贫寒之命。男占，忌财爻犯之；女占，忌官爻犯之；男女自占，世爻忌犯，勉强成婚，参商立见。

**世静空亡兴化退，终须失望。**动而空者，实空之月日必成；静而空者，终不成也；世动，化进必就，化退难成。应爻静而空破，及化退神，亦同此推。

**应静旬空财化进，夙有良缘。**应空他人不实，若动而化退，必有反悔之心。若得财动化进而生世者，虽见退悔，终是良缘；若世应动而破者，亦应实破之时。

**世应皆空徒费力，反吟多变事难成。**世应俱空，事无准实；反吟卦变，翻覆难成。

**野鹤曰：**倘得空而逢旺，财鬼相生，先虽不允，后终还成。

如：巳月 戊子日（旬空：午未），占婚允否，得“恒之晋”

	震宫：雷风恒	乾宫：火地晋（游魂）
朱雀	妻财庚戌土 - - 应 X →	子孙己巳火 ——
青龙	官鬼庚申金 - -	妻财己未土 - -
玄武	子孙庚午火 ——	官鬼己酉金 —— 世
白虎	官鬼辛酉金 —— 世 O →	兄弟乙卯木 - -
螣蛇 兄弟庚寅木	父母辛亥水 —— O →	子孙乙巳火 - -
勾陈	妻财辛丑土 - -	妻财乙未土 - - 应

内卦反吟，翻覆更变，允而复悔之象。彼曰：诚如所断，将来成否？余曰：应爻临财，动而生世，八九月间必成。果于酉月成之，乃应世爻值月，又冲去卯木之月也。

**男占兮，兄动卦中非配偶。**兄持世，或兄爻发动，乃伤妻阻隔之神，婚必难成；已成之婚遇此者，刑伤不免。**觉子曰：**予得验者，兄持世，财爻合世，必成；世临兄而化出财爻者，亦成。

**女卜兮，官爻持世是良缘。**女占男，不宜子孙持世，子孙发动，子孙乃克夫之神，未成者不成，已成者伤夫再嫁。惟官星持世、合世、生世、旺相者，不且姻缘必就，犹许举案齐眉；卦中官星重叠者，亦主两度新人。

**财官世应冲刑，夫妻反目。**

如曾有妇人，于巳月 乙亥日（旬空：申酉），占夫妻不和，将来和好否？得“需之大过”（注：虎易版为己亥日）

	坤宫：水天需（游魂）	震宫：泽风大过（游魂）
玄武	妻财戊子水 - -	兄弟丁未土 - -
白虎	兄弟戊戌土 ——	子孙丁酉金 ——
螣蛇	子孙戊申金 - - 世 X →	妻财丁亥水 —— 世
勾陈	兄弟甲辰土 ——	子孙辛酉金 ——

朱雀 父母乙巳火 官鬼甲寅木 —— 妻财辛亥水 ——  
 青龙 妻财甲子水 —— 应○→ 兄弟辛丑土 - - 应

断曰：妻占夫，不宜子孙持世，子孙乃克夫之神也。今幸寅木子水相生，不能伤克，所以不和，又兼应爻为夫，应逢子丑作合，尊夫已有外遇，水木相生，两人情如蜜矣。彼曰：果然，后来何如？余曰：汝夫妇不是姻缘，虽则不能死别，生离必矣。果于次年寅月休其妻，六月娶其情好者矣！应寅月者，夫临寅木而冲世也；应未月者，未土冲开初爻丑土，子水来生寅木也。

**旺相爻逢六合，彼此同心。**爻逢六合，占婚最宜，更要财官旺相为吉，男忌财逢破墓，女防官位克绝。六冲变六合者尤吉，求婚者，目下不允，久必成之，已成不睦者，终须和美。惟忌六冲卦，若无财官两旺，切不可成，即使勉就，若非死别，即是生离；六合变六冲，先允而后更张，已成者而终拆枕。

如：戌月 庚申日（旬空：子丑），占已娶有夫之妇，夫回成讼，断离否，得“困之兑”

	兑宫：泽水困(六合)	兑宫：兑为泽(六冲)
螣蛇	父母丁未土 - -	父母丁未土 - - 世
勾陈	兄弟丁酉金 ——	兄弟丁酉金 ——
朱雀	子孙丁亥水 —— 应	子孙丁亥水 ——
青龙	官鬼戊午火 - -	父母丁丑土 - - 应
玄武	父母戊辰土 ——	妻财丁卯木 ——
白虎	妻财戊寅木 - - 世X→	官鬼丁巳火 ——

财爻持世，美姻缘也。但凋零寅木被日辰冲散，且又六合变冲，不惟断离，须防有罪。彼曰：业已状告奸谋，不知何如？余曰：世爻，变爻与日辰共作三刑，汝两人俱难免杖责。后审出奸娶，男女皆杖而离之。

古用咸临节泰，忌逢睽革解离。**觉子曰**：《易冒》云：卦得咸临节泰，若不遇合冲变冲，虽财官衰陷，随墓助伤，皆不为凶，睽革解离则为凶兆，虽用神全备而化合，亦不为吉，此言用神未胜于卦验也。

曾于：巳月 丁卯日（旬空：戌亥），占婚于何时，得“地天泰”

	坤宫：地天泰(六合)
青龙	子孙癸酉金 - - 应
玄武	妻财癸亥水 - -
白虎	兄弟癸丑土 - -

螣蛇 兄弟甲辰土 — 世

勾陈 父母乙巳火 官鬼甲寅木 —

朱雀 妻财甲子水 —

余见此卦，兄爻持世，亥财临月破旬空，子水之财，世爻克之、日辰刑之，古虽以泰卦为吉，究不敢以人之婚姻大事而试卦也。

令其再占，又得“坤卦”

坤宫：坤为地(六冲)

青龙 子孙癸酉金 — — 世

玄武 妻财癸亥水 — —

白虎 兄弟癸丑土 — —

螣蛇 官鬼乙卯木 — — 应

勾陈 父母乙巳火 — —

朱雀 兄弟乙未土 — —

世爻休囚为日破，亥水财爻临月破，卦遇六冲，大凶之兆，故知前得泰卦，非为吉也，仍用财官世应者为是。然亦不可竟以为是，凡有所疑，勿执古法而断，须以再占之卦决之。后卦吉，即以吉断，后卦凶，则以凶推，神不欺人，彼此两无误矣。

**财化财，未必婚姻两度；鬼化鬼，难曰相守百年。**

《黄金策》曰：财爻叠叠，重作新人。余屡试之：

男家占女，财爻重叠，旺相生合世爻者，多主贤妻美妾；财化财者，或应双娶，或应婢妾同来，或应妻妾之众，或应妆奁丰厚。惟忌爻中兄动及日月冲克财爻，花烛重重所不免耳。

女家占男，得遇财化财，财爻重叠生世者，必主百两盈门，千金作聘，不宜鬼动化鬼，必主夫亡，鬼爻重叠克世，若非争婚夺娶，定然反复灾非。男占遇之，亦主更变，克世者，即宜止之；世爻化鬼者，更宜止之。

**兄临玄武防劫骗，鬼临白虎遇凶丧。**兄鬼动临玄武，防局中奸诈骗财，纵使世应相生，财官无害，亦须大费。鬼临虎动，或未过门，或过门不久，必见丧事。

**应财世鬼，夫唱妇随；应鬼世财，夫权妻夺。**世持鬼，应持财，谓之阴阳得位，必然鸾凤齐鸣；鬼临应，财持世，定是牝鸡司晨，妻夺夫权。惟赘婿得之反吉。

〔乾按〕婚姻之占喜合忌冲，喜财官相生相合；喜卦逢六合；喜六冲变六合者。遇之皆许美满长久。若看世应，必须世官应财无一失陷，不受刑冲克害，可谓花好月圆。最忌子孙、兄弟持世

或动于卦中，皆主难成，成亦不久。

## 此婚子嗣有无章

子孙旺相，或休囚而动，及动而化吉，皆主有子；子化进神，化回头生，有子必多。如逢子孙墓绝，动而变鬼，鬼变子孙，父化子、子化父、父动克子，皆因我命无儿，成此婚与否，亦无子也。惟多积阴德以培之。

如：申月 丁丑日（旬空：申酉），因多妾，占何命者有子，得“革之夬”

	坎宫：泽火革	坤宫：泽天夬
青龙	官鬼丁未土 — —	官鬼丁未土 — —
玄武	父母丁酉金 —	父母丁酉金 — 世
白虎	兄弟丁亥水 — 世	兄弟丁亥水 —
螣蛇 妻财戊午火	兄弟己亥水 —	官鬼甲辰土 —
勾陈	官鬼己丑土 — — X →	子孙甲寅木 — 应
朱雀	子孙己卯木 — 应	兄弟甲子水 —

断曰：卯木子孙，绝于申月，鬼变子孙，又逢月破，公命无子，与女命无干也。即出八字观之：甲寅、甲戌、甲子、戊辰，余曰：“八字虽奇，纯阳包阴，兵权显赫。但嫌平头煞重，叠叠魁罡，亦主无子。”公曰：“有何法耶？”余曰：“多积阴德以培之。”公曰：“不孝有三，无后为大。”嗣后施济贫寒，全人夫妇，修桥砌路，舍药施棺，遂连生二子。临终嘱其子曰：“我非阴功，不能有尔，尔若成人，多宜积德。”

〔乾按〕此占重看子孙。子孙爻旺相得地，必有子。子孙爻旺动得生扶，有子必多。子孙爻伏藏有气，逢值逢生旺之年必有子。但遇父动克子，子爻变鬼，子爻休囚无气，皆主无子。

## 此婚有宜于父母否章

专以父母为用神，父母或旺或衰，皆所不忌，所忌者，财爻发动，必此婚之有妨也。如财化父、父化财、鬼化父、父动化墓绝空破，及回头克，动而破散，或日月克父母，乃桑榆暮景之秋，不成此婚亦难免也。

〔乾按〕此类占断重看父母爻。财爻不动亦无妨。父母爻旺相得地遇生扶，财爻发动受克制亦无妨，变通之处多矣，宜细详之。

## 纳宠章

为子嗣者，以子孙为用神，与前占子嗣同断，否则专看财爻，与占婚同断。

〔乾按〕此占专看财爻。财爻旺相得地合世，皆有益于我，反之不吉。配仆亦于妻财爻同看者，皆因仆同妻财，为我所用也。

## 配仆章

财爻为用。财爻持世，或动而生合世爻，动而化进化生，财化财，皆得忠诚效力；散破绝空，非懒即病；财爻克世、冲世，负义忘恩之辈；财化鬼、化绝、化墓、化克，及鬼化财爻，贫穷夭折之流。

〔乾按〕此类占断亦与婚姻章同看。唯防患宜子孙旺相，子孙发动而吉。最忌兄摇鬼动而持世，皆主灾非难免。

## 娶离妇跳娼妇章

**防患者，用子孙。**子孙持世，子孙发动，无忧也；财爻持世，子动相生者，更吉；鬼兄克世、随墓助伤、鬼爻持世，婚姻虽就，祸患随生；财克世，兄持世，落人之局，必人财两失。

**防拦阻者，兄动不成，鬼动有祸。**兄爻持世，到底难成；财动相生，不谋而就。六冲变冲为凶，三合六合者吉。六合变冲，成而不久；六冲变合，终必有成。强夺婚、遂私约，非礼非义，勿告于神。

**出妾休妻，原非所欲，有不得已而出者，必去难留。**

**李我平日：**古法占婚，不言正理，多尚浮辞，议论多而凭据少，不知先贤何以指人之迷也？《黄金策》曰：夫若才能，官占长生之位；妻如丑拙，财落墓库之乡。此犹近理。《易冒》以八宫而推容貌，六神而定才情，则不可也。

假令卯月戊日，得“否”卦，旺财持世，推容貌以八宫者，此卦财在乾宫，乾为天，谓仪容端正，性质聪明，配天德之淑女也。然财临白虎，若兼六神而断，白虎乃悖逆之星，成婚之后，配天德之良女而悖逆者，未之有也，是以容貌才情，无事卜之，岂不闻在德不在色。

婚姻有一定之缘，财旺官兴，定遂唱随之好；相生相合，自有悦己之容，吉者求之，凶者弃之，用财官兼世应而断足矣。必欲两命不宜入墓、六亲俱不相妨、父母不可沦、子孙不可溺、财爻不宜动、官鬼不宜没、夫妇勿二、阴阳莫悖，事事求全，不惟世无此十全之女，即六十四卦之中，亦无此十全之卦也，浮辞欺世，实误后人。

## 胎孕章

卜胎之虚实、占孕之安危、问产妇之吉凶、测胎中之男女，各宜分卜，亲占、代占，皆用子孙，惟子占母孕，以兄弟为用神。

**福神旺相遇生扶，麟儿兆瑞；子孙休囚逢破散，胞孕空虚。**子孙临日月，或遇日月动爻生扶，或动而化吉，皆许成孕。若临空破散绝，或被克害刑冲，或动而变鬼，化绝、化破，或鬼变子、父变子、子化父，水泡风灯。惟动而空者，不妨。

**子化子，双生有准。**子动化子，或卦中子孙多动，或已有旺相之子孙动者，而他爻又变出旺相之子孙，皆主双胎。《卜筮元龟》云：子孙两旺，定是双胎。**觉子曰**：两动两旺者之断是也，内有一衰者，一死一生；一阴一阳者，一男一女；两现而有一不动者，非也。

**阳变阴，男女可辨。**六爻安静，先看卦包。阴包阳，生女，坎、大过、小过、咸、恒卦是也；阳包阴，生男，离、中孚、颐、损四卦是也，其余俱非。若六爻静而无卦包者，须看子孙，值阳为男，值阴为女。若卦有动爻者，虽有子孙、卦包而不用。盖神兆机于动，先看动爻：一爻动者，阳动为女，阴动为男；两爻动者，看上爻；三爻动者，看中爻；卦中多动者，来意不诚，另日再占，刻下连占亦不验也。

如：辰月 戊辰日（旬空：戌亥），占孕男女，得“小过之豫”

	兑宫：雷山小过(游魂)	震宫：雷地豫(六合)
朱雀	父母庚戌土 — —	父母庚戌土 — —
青龙	兄弟庚申金 — —	兄弟庚申金 — —
玄武 子孙丁亥水	官鬼庚午火 — 世	官鬼庚午火 — 应
白虎	兄弟丙申金 — — O→	妻财乙卯木 — —
螣蛇 妻财丁卯木	官鬼丙午火 — —	官鬼乙巳火 — —
勾陈	父母丙辰土 — — 应	父母乙未土 — — 世

余曰：汝之来意，是问妻孕平安，还是问孕之男女？彼曰：两事俱问。余曰：日后须宜分占，不可同问，幸此卦两事俱现，兄爻虽动，不克变出之财，孕妇分娩无虞；卦中阳动变阴，必然生女。彼曰：小过卦谓之阴包阳，如何生女？余曰：神兆机于动，先重动爻也。果于壬申日生女，产母平安。

**觉子曰**：占妻平安及占男女，原宜分卜，彼若问于闲时兼问者，还可同断，问于临产危急之时，切不可断男女。

如：辰月 戊子日（旬空：午未），妇自卜孕，得“艮之剥”

	艮宫：艮为山（六冲）	乾宫：山地剥
朱雀	官鬼丙寅木 —— 世	官鬼丙寅木 ——
青龙	妻财丙子水 - -	妻财丙子水 - - 世
玄武	兄弟丙戌土 - -	兄弟丙戌土 - -
白虎	子孙丙申金 —— 应○→	官鬼乙卯木 - -
螣蛇	父母丙午火 - -	父母乙巳火 - - 应
勾陈	兄弟丙辰土 - -	兄弟乙未土 - -

此妇已生产一日夜矣，余断明日申时得生。彼夫问故。余曰：卦中申金子孙，一爻独发，自占者，官鬼持世，明日申时，子孙当时出现，克去身边之鬼而无忧也。或问：何不于今日申时？余曰：近日子日冲动午火克金，今日不能。又问：是男是女？余曰：而不知易理，此卦如何定得男女？神随人念，占此应此，占彼应彼。若问于遐时，必有男女之念，今性命须臾，只祈离身保命足矣，故神现生产安危，不报男女也。果生男于次日申时，此卦若以阳动变阴，牵扯兼断者，可谓知易理者乎？

〔乾按〕占胎孕古法虽多，然卦中变化玄奥，不可妄断。此中秘诀，还须后贤来破解也。

## 产妇安危章

**坐草临盆嫌鬼动，胎前产后忌兄摇。**财临绝破妻难保，鬼化妻财命不牢。问产妇，夫占代占，皆以财为用神，虽则不宜鬼动，倘遇兄动克财，又宜鬼动制服兄爻也。惟不宜财变鬼、鬼变财、兄化财、财化兄，及妻逢月破、墓绝休囚、化绝化墓，或日月冲克，皆为凶兆。

**觉子曰**：问胎问妇，固贵分占，亦有不待分占而卦中先现者，亦须留心详审。

如：子月 乙亥日（旬空：申酉），占妻孕平安，得“丰之小过”

	坎宫：雷火丰	兑宫：雷山小过（游魂）
玄武	官鬼庚戌土 - -	官鬼庚戌土 - -
白虎	父母庚申金 - - 世	父母庚申金 - -
螣蛇	妻财庚午火 ——	妻财庚午火 —— 世
勾陈	兄弟己亥水 ——	父母丙申金 ——
朱雀	官鬼己丑土 - - 应	妻财丙午火 - -
青龙	子孙己卯木 —— ○→	官鬼丙辰土 - - 应

断曰：午火妻财临月破，又被亥日克之，冬天之火休囚被克，全无生扶，命之难保。彼曰：卯木子孙，动而生火，何谓全无生扶？余曰：卯木子孙动而变鬼，神曰：母子皆丧。非生火之卯木也。断卦者须以知机，会神之意。彼又曰：财虽不旺，卯木子孙得子月亥日以生之，何谓子孙亦难保？余曰：变鬼之子孙，纵临日月亦无益矣。

**卦得六冲，子旺财强终是喜；爻逢六合，财空子破亦为忧。**

〔乾按〕此类占断最喜财爻旺相得助，必平安顺遂。若逢兄动，必生忧患。若兄鬼同动，鬼能制兄，亦许无妨。无论卦逢六合六冲，皆以子旺财兴为吉。最忌财化兄、兄化财，财化鬼，鬼化财，财爻休囚无气又入墓，皆主产妇难安。凶者必有性命之忧，宜慎断之。

## 产期章

**产期有远近之分，远则应月，近则应日。**子孙动者，逢值逢合之日；子孙静者，逢值逢冲之日；空者，冲空实空之日；破者，实破逢合之日；虎兄动，值日而生；子孙临绝，待生旺之日而生。又有子遇长生胎养之日而生，伏藏者，遇出现之日而生。

〔乾按〕此占功夫在应期也，断法虽详明，而断准亦非易事，全在灵机通变耳！

## 婴儿否泰章

身命子孙章中同断

## 出行章

**人为名利奔驰，道路风波不测。占卜当先。**

**世爻旺相宜行，应若空亡且止。**世为出行之人，生旺有气则吉，动而化吉，及化子孙者，更吉；如休囚空破、动而化凶，则不宜行也。应为地头，又为傍倚之人，若空破墓绝，或动而变鬼、变绝、化回头之克，去亦无益。

**世伤应位，不拘远近皆宜；应克世爻，公私皆主不利。**我去克他，所向通达；应来刑冲克世，不可行也。

**八纯乱动，在处皆凶；两间齐空，独行则吉。**六冲卦，及动而变冲、世爻休囚被克者，终不能去，有始无终，去亦诸般不就。两间爻，为同行附载之人，动而克世，定遭其害；动临兄爻，必破我财；生合我者则吉。倘两间齐空，若非中途有阻，定然无伴单行。

**静遇日冲必去，动逢合住而留。**世爻暗动者，必去；世旺静者，逢冲之日必去；世爻动而化合，

或被日月动爻合者，必有事故，阻滞不行。**觉子曰**：予尝得验，亦有应在冲开之日而行者。

**官鬼交重灾祸重。**武鬼动，忧盗贼，朱鬼发，防讼非；虎鬼疾病淹缠；蛇鬼风波惊险；勾鬼动而事勾连；青鬼动而戒嫖赌。鬼发震乾，车马患，鬼发兑坎，虑风波；坤艮之鬼，山间岭野逢殃；离巽之官，火厂林窖被难。余详趋避章中。

**福神发动患殃消。**出行，得遇子孙发动、子孙持世、世化子孙，程途万里，百祸潜消。子孙克世者亦吉。

**父克世爻，风雨舟车行李。**父母持世而动，或被父动冲克世爻，余得验者，有应舟车行李之累，有应淋漓风雨之愁，世旺者无妨，最怕休囚而化凶也。

**兄冲世位，花月耗破灾非。**财持世，兄爻冲克者，有应月夕花朝，无端浪费；有应奸徒小辈，暗骗明欺，以致酿成灾非，破耗百出。

**反吟化退中途返，六冲随墓始终凶。**卦得伏吟，世动者，冲开之月日必行；卦得反吟，去到中途亦返；世逢冲克，大凶；六冲卦，世静世空，断不能行；随鬼入墓，世若休囚，不返之兆。

**六合化冲不吉，六冲化合方亨。**六合卦变六冲，及卦变克绝者，在家亦恐凶危。

## 舟行章

登舟问何日到者，世爻发动，合日、值日而到；若得子孙持世，及子孙他爻发动者，值日而到；世化退，及反吟卦，中途而返。

舟行问平安否，子孙持世、克世、生世、合世，一路无虞；官鬼持世，忧郁惊恐；官鬼冲克世爻，灾非必见；兄动破财。

舟行风阻者，勿以兄弟为风云，乃以子孙为顺风，动而逢合逢值之日，静而逢冲之日，空逢冲实之日，皆与天时章阴晴同断。

## 同舟共行章

同行共处应为尊，同路同舟一样论。应伤世位遭他害，墓空绝破负吾恩。

只宜生合相扶助，永赖维持如至亲。三合同途皆遂意，六冲半路便灰心。

起居为害摇兄鬼，水睦清平动子孙。

占他人，以应为我；占亲戚，看所用用神。不宜兄鬼动而克世，最宜相合相生。

## 行人章

问行人之归期，有远有近，近则应日，远则应月；亦有去久，目下当归者，又止以日断之。问行人之否泰，宜另占，不可一卦兼断。

**世克用兮人未动，用爻克世必然归。**占亲人，看所用用神；疏者，以应爻为用神。世克用，且无归志；用克世，指日回家。余试果验。

**墓绝空破，归信杳然；暗动明摇，归鞭发矣。**伏藏者，出现之日；动者，逢合之日；动化进神不返，用神化退必归；动逢合，有事阻隔；动化鬼，在外危灾。最忌动而化克，还防卦变反吟。

**世爻空者，行人即至；用神静，逢休囚空破者，且不思回。**动空旺空者，归于实空冲空之月日，惟恐卦变克绝，及反吟、用神被冲被克者，皆难望其回也。

用神三合，冲开之月日而来；卦逢六冲，行人无定而不返。用爻静者，冲动之日；用爻墓者，开墓之期。

**用爻无病，可断归期；用爻有病，在外不安。**

**野鹤曰：**用神墓绝空破受伤，谓之有病。来人问行人在外平安否？须看有病无病；若问归期，只看卦象而断来与不来也。

如：酉月 戊申日（旬空：寅卯），占母在外何时来？得“旅之艮”

	离宫：火山旅(六合)	艮宫：艮为山(六冲)
朱雀	兄弟己巳火 ——	父母丙寅木 —— 世
青龙	子孙己未土 - -	官鬼丙子水 - -
玄武	妻财己酉金 —— 应○→	子孙丙戌土 - -
白虎 官鬼己亥水	妻财丙申金 ——	妻财丙申金 —— 应
螣蛇	兄弟丙午火 - -	兄弟丙午火 - -
勾陈 父母己卯木	子孙丙辰土 - - 世	子孙丙辰土 - -

此卦若问母平安否，父母卯木日月动爻冲克，必不安矣！今问来否，不以此断，只可断用神伏藏受克而不来，六合变冲亦不来，后果不来，在外平安。

又如：亥月 甲子日（旬空：戌亥），占仆人何日回？得“革之夬”

	坎宫：泽火革	坤宫：泽天夬
玄武	官鬼丁未土 - -	官鬼丁未土 - -
白虎	父母丁酉金 ——	父母丁酉金 —— 世
螣蛇	兄弟丁亥水 —— 世	兄弟丁亥水 ——
勾陈 妻财戊午火	兄弟己亥水 ——	官鬼甲辰土 ——

朱雀	官鬼己丑土 - - X→	子孙甲寅木 —— 应
青龙	子孙己卯木 —— 应	兄弟甲子水 ——

此卦若问仆人在外吉凶，必不归矣！何也？午火财爻伏而被日月之克也。今问归期，不以此断，断曰：世空者速至，此人来矣，己巳日必到。应巳日者，冲空之日也，巳火又是财爻，果到于巳日。

又如：未月 戊戌日（旬空：辰巳），占伯何日来，得“屯之随”

	坎宫：水雷屯	震宫：泽雷随(归魂)
朱雀	兄弟戊子水 - -	官鬼丁未土 - - 应
青龙	官鬼戊戌土 —— 应	父母丁酉金 ——
玄武	父母戊申金 - - X→	兄弟丁亥水 ——
白虎 妻财戊午火	官鬼庚辰土 - -	官鬼庚辰土 - - 世
螣蛇	子孙庚寅木 - - 世	子孙庚寅木 - -
勾陈	兄弟庚子水 ——	兄弟庚子水 ——

父母为用神，克世者速至，七月必到。后于亥月方到，应亥月者，父母化出之爻也。

又如：丑月 庚午日（旬空：戌亥），占父远行何日始回？得“天泽履”

	艮宫：天泽履
螣蛇	兄弟壬戌土 ——
勾陈 妻财丙子水	子孙壬申金 —— 世
朱雀	父母壬午火 ——
青龙	兄弟丁丑土 - -
玄武	官鬼丁卯木 —— 应
白虎	父母丁巳火 ——

今日是午日，午火为父母克世，今日必到。果于本日申时到。

如：寅月 癸亥日（旬空：子丑），占主人何日回？得“大畜之小畜”

	艮宫：山天大畜	巽宫：风天小畜
白虎	官鬼丙寅木 ——	官鬼辛卯木 ——
螣蛇	妻财丙子水 - - 应 X→	父母辛巳火 ——
勾陈	兄弟丙戌土 - -	兄弟辛未土 - - 应
朱雀 子孙丙申金	兄弟甲辰土 ——	兄弟甲辰土 ——
青龙 父母丙午火	官鬼甲寅木 —— 世	官鬼甲寅木 ——

玄武 妻财甲子水 —— 妻财甲子水 —— 世

仆占主人，以父母为用神，此卦子水财爻化出巳火父爻，动爻不克变爻，巳日必到。果于巳日到。

又如：辰年 未月 丁丑日（旬空：申酉），占父何时来？得“大有之井”

乾宫：火天大有(归魂) 震宫：水风井

青龙	官鬼己巳火 —— 应○→	子孙戊子水 - -
玄武	父母己未土 - - X→	父母戊戌土 —— 世
白虎	兄弟己酉金 —— ○→	兄弟戊申金 - -
螣蛇	父母甲辰土 —— 世	兄弟辛酉金 ——
勾陈	妻财甲寅木 ——	子孙辛亥水 —— 应
朱雀	子孙甲子水 —— ○→	父母辛丑土 - -

初爻丑父与子作合，不来；五爻未化父进神，不来；须午年方来。果于午年戌月到。应午年者，未爻父动，午岁合之，动而逢合之年也。又因初爻子与丑作合，合要冲开，午年以冲开也。

又如：寅月 庚寅日（旬空：午未），占主人往楚平安否？迁往他省否？得“观”卦

乾宫：风地观

螣蛇	妻财辛卯木 ——
勾陈	兄弟壬申金 官鬼辛巳火 ——
朱雀	父母辛未土 - - 世
青龙	妻财乙卯木 - -
玄武	官鬼乙巳火 - -
白虎	子孙甲子水 父母乙未土 - - 应

父母遇真空，不详之兆，不敢竟断，再令亲人卜之。

于：同日，占兄得“中孚之临”

艮宫：风泽中孚(游魂) 坤宫：地泽临

螣蛇	官鬼辛卯木 —— ○→	子孙癸酉金 - -
勾陈	妻财丙子水 父母辛巳火 —— ○→	妻财癸亥水 - - 应
朱雀	兄弟辛未土 - - 世	兄弟癸丑土 - -
青龙	子孙丙申金 兄弟丁丑土 - -	兄弟丁丑土 - -
玄武	官鬼丁卯木 ——	官鬼丁卯木 —— 世

白虎 父母丁巳火 —— 应 父母丁巳火 ——

前卦仆占主，父母为用神，父母真空；此卦弟占兄，兄弟为用神，又落真空，大凶之兆。再命亲人占之。

于：次日辛卯（旬空：午未），家人又占，得“坎之困”

	坎宫：坎为水（六冲）	兑宫：泽水困（六合）
螣蛇	兄弟戊子水 —— 世	官鬼丁未土 ——
勾陈	官鬼戊戌土 ——	父母丁酉金 ——
朱雀	父母戊申金 —— X→	兄弟丁亥水 —— 应
青龙	妻财戊午火 —— 应	妻财戊午火 ——
玄武	官鬼戊辰土 ——	官鬼戊辰土 ——
白虎	子孙戊寅木 ——	子孙戊寅木 —— 世

余曰：得此卦，今为尔释然矣。彼问：何也？余曰：前两卦用神真空，乃凶亡之兆，今此卦申父生世，四月必归。彼问：若此，则前父兄真空何也？余曰：因此公大寿无多，故神报未年之死，不言目下之事耳。彼又问：何以知死未年也？余曰：占主，父临未土；占兄，兄临未土，俱被日月克害，因在旬空，所以无祸，未年出空，被日月之伤，得不危乎？辰年占，果未年死。

**野鹤曰**：连占两卦，俱报未问之事，第三卦方报目前所问，因叹前贤以一卦竟断吉凶，不知将此占远应近、占近应远之卦错断如许矣。既不能悟出，尚牵强辩论，留作后人这法，何哉？

亥月 甲子日（旬空：戌亥），占夫在外，还往他省去否？得“大壮之大过”

	坤宫：雷天大壮（六冲）	震宫：泽风大过（游魂）
玄武	兄弟庚戌土 ——	兄弟丁未土 ——
白虎	子孙庚申金 —— X→	子孙丁酉金 ——
螣蛇	父母庚午火 —— 世	妻财丁亥水 —— 世
勾陈	兄弟甲辰土 ——	子孙辛酉金 ——
朱雀	官鬼甲寅木 ——	妻财辛亥水 ——
青龙	妻财甲子水 —— 应○→	兄弟辛丑土 —— 应

妻占夫，官为用神，申动克之，寅木夫爻受克，不往他处矣，目下必回。彼问：何以知其回也？余曰：日月生官，官生世爻，必有归志。彼问：应何日到？余曰：巳日必到。应巳日者，合住申金之日也，果于巳日到。

或曰：用爻有病，莫问归期，此卦申金化进，以克寅木，如何许回？余曰：彼问平安，则断以

不利，今问往他处否？夫爻受克，不往他乡，断卦者各有取用耳。

辰月 丙申日（旬空：辰巳），占差家人取书得否？何日回？得“渐之剥”

	艮宫：风山渐(归魂)	乾宫：山地剥
青龙	官鬼辛卯木 —— 应	官鬼丙寅木 ——
玄武 妻财丙子水	父母辛巳火 —— O→	妻财丙子水 - - 世
白虎	兄弟辛未土 - -	兄弟丙戌土 - -
螣蛇	子孙丙申金 —— 世O→	官鬼乙卯木 - -
勾陈	父母丙午火 - -	父母乙巳火 - - 应
朱雀	兄弟丙辰土 - -	兄弟乙未土 - -

仆人今日酉时必到，书不得。彼问：何以知之？余曰：巳父化回头之克，不得书矣。申子持世化卯鬼，人不到，必有忧，今日酉时冲去卯木，则无忧也。果酉时到，而书不得。

酉月 癸酉日（旬空：戌亥），占兄何日回？得“师之临”

	坎宫：地水师(归魂)	坤宫：地泽临
白虎	父母癸酉金 - - 应	父母癸酉金 - -
螣蛇	兄弟癸亥水 - -	兄弟癸亥水 - - 应
勾陈	官鬼癸丑土 - -	官鬼癸丑土 - -
朱雀	妻财戊午火 - - 世	官鬼丁丑土 - -
青龙	官鬼戊辰土 ——	子孙丁卯木 —— 世
玄武	子孙戊寅木 - - X→	妻财丁巳火 ——

亥兄旺相而空，出空之日必至。彼曰：后日即是亥日，前有信，约今日起身，但二千余里，三日如何能到？余曰：不独亥日出空，凡卦中子孙持世，及动而生合世爻，皆是喜悦之神，许亥日归者，寅与亥合，又是合起子孙之日也，亥日必归无疑。岂料由水路，遇顺风，日夜行，竟归于亥日。

**觉子曰**：泛常占风，兄动为风，木动生风，唯舟行占风，以子孙为风。盖行舟风逆，我心忧也，子孙发动之日，乃得顺风之日，风顺，我无忧矣，此亦未传之秘。

余曾于：戌月 丙戌日（旬空：午未），由江右登舟，占一路平安否，得“蛊之巽”

	巽宫：山风蛊(归魂)	巽宫：巽为风(六冲)
青龙	兄弟丙寅木 —— 应	兄弟辛卯木 —— 世
玄武 子孙辛巳火	父母丙子水 - - X→	子孙辛巳火 ——
白虎	妻财丙戌土 - -	妻财辛未土 - -

螣蛇	官鬼辛酉金 — 世	官鬼辛酉金 — 应
勾陈	父母辛亥水 —	父母辛亥水 —
朱雀	妻财辛丑土 - -	妻财辛丑土 - -

余疑酉金鬼爻持世，一路忧疑之象，初不知应风阻也，及至戊子日，风雨大作，舟泊南康，始悟此卦子水父动，子日之风雨也，见其化出巳火子孙，即知巳日方晴。果舟停五日，巳日天开，得顺风矣，自此始悟子孙乃行舟之顺风也。

又于：辰月 甲戌日（旬空：申酉），行舟占顺风，得“升之恒”

	震宫：地风升	震宫：雷风恒
玄武	官鬼癸酉金 - -	妻财庚戌土 - - 应
白虎	父母癸亥水 - -	官鬼庚申金 - -
螣蛇	子孙庚午火 妻财癸丑土 - - 世 X →	子孙庚午火 —
勾陈	官鬼辛酉金 —	官鬼辛酉金 — 世
朱雀	兄弟庚寅木 父母辛亥水 —	父母辛亥水 —
青龙	妻财辛丑土 - - 应	妻财辛丑土 - -

午子回头生世，今日午时，必得顺风，但嫌今日戌日，午火子孙入墓之日，风必不久。果于午时子孙当令，顺风扬帆，至未时而风止矣。

至：次日 乙亥日（旬空：申酉），命船家占风，得“丰之大壮”

	坎宫：雷火丰	坤宫：雷天大壮（六冲）
玄武	官鬼庚戌土 - -	官鬼庚戌土 - -
白虎	父母庚申金 - - 世	父母庚申金 - -
螣蛇	妻财庚午火 —	妻财庚午火 — 世
勾陈	兄弟己亥水 —	官鬼甲辰土 —
朱雀	官鬼己丑土 - - 应 X →	子孙甲寅木 —
青龙	子孙己卯木 —	兄弟甲子水 — 应

变爻寅木子孙，克制丑土之鬼，必至寅日而得顺风。已于戊寅日寅时，果得顺风而开舟矣。

又如：亥月 癸亥日（旬空：子丑），占顺风，得“未济之艮”

	离宫：火水未济	艮宫：艮为山（六冲）
白虎	兄弟己巳火 — 应	父母丙寅木 — 世
螣蛇	子孙己未土 - -	官鬼丙子水 - -

勾陈	妻财己酉金 ———	○→	子孙丙戌土 - -
朱雀	官鬼己亥水	兄弟戊午火 - -	世 X→ 妻财丙申金 ——— 应
青龙		子孙戊辰土 ———	○→ 兄弟丙午火 - -
玄武		父母戊寅木 - -	子孙丙辰土 - -

有由淮回杨者，余附载之，登州，彼即占风，余曰：明日辰时，得顺风，戌时即抵杨矣。彼问：何其速也？余曰：二爻辰土子孙，乃得顺风之喜悦也；四爻戌土子孙，到家之喜悦也。果如所占。

又余于：戌月 戊子日（旬空：午未），舟中占风，得“坤之震”

	坤宫：坤为地(六冲)	震宫：震为雷(六冲)
朱雀	子孙癸酉金 - - 世	兄弟庚戌土 - - 世
青龙	妻财癸亥水 - -	子孙庚申金 - -
玄武	兄弟癸丑土 - - X→	父母庚午火 ———
白虎	官鬼乙卯木 - - 应	兄弟庚辰土 - - 应
螣蛇	父母乙巳火 - -	官鬼庚寅木 - -
勾陈	兄弟乙未土 - - X→	妻财庚子水 ———

酉子持世，必应静而逢冲之日，卯日必有顺风。

至：次日己丑日（旬空：午未），又占，得“泽天夬”

	坤宫：泽天夬
勾陈	兄弟丁未土 - -
朱雀	子孙丁酉金 ——— 世
青龙	妻财丁亥水 ———
玄武	兄弟甲辰土 ———
白虎	父母乙巳火 官鬼甲寅木 ——— 应
螣蛇	妻财甲子水 ———

仍是酉金子孙持世，果至卯日风顺。

又：戌月 壬辰日（旬空：午未），占风，得“大畜之泰”

	艮宫：山天大畜	坤宫：地天泰(六合)
白虎	官鬼丙寅木 ———	○→ 子孙癸酉金 - - 应
螣蛇	妻财丙子水 - - 应	妻财癸亥水 - -
勾陈	兄弟丙戌土 - -	兄弟癸丑土 - -

朱雀	子孙丙申金	兄弟甲辰土 —	兄弟甲辰土 — 世
青龙	父母丙午火	官鬼甲寅木 — 世	官鬼甲寅木 —
玄武		妻财甲子水 —	妻财甲子水 —

上爻寅鬼化出酉金子孙，明日酉时有风。

至：次日癸巳日（旬空：午未），又占风，得“姤之小畜”

	乾宫：天风姤	巽宫：风天小畜
白虎	父母壬戌土 —	妻财辛卯木 —
螣蛇	兄弟壬申金 —	官鬼辛巳火 —
勾陈	官鬼壬午火 — 应○→	父母辛未土 - - 应
朱雀	兄弟辛酉金 —	父母甲辰土 —
青龙	妻财甲寅木 子孙辛亥水 —	妻财甲寅木 —
玄武	父母辛丑土 - - 世×→	子孙甲子水 — 世

或问：昨说今日酉时有风，而今日之卦如何不现？余曰：神谓我已知矣，不再报也。然今日酉时固然有风，而必不大。神报明日之大风也。盖子水子孙与世爻相合，若逢和住，须冲破以成功。明日午时，顺风必大。果于次日风顺帆饱，舟行三百余里。

**测占出行须牢记：不宜官鬼持世，官鬼发动必生灾非。**不宜兄弟持世，发动者更凶，必有破财之患。宜子孙持世，子孙发动更吉，一路顺风，安然无恙。出行谋事者，更须看世应；世克应，应生世，去必遂心；世生应，应克世，空劳往返。此为出行卦之大要。除此，卦中财宜旺，世宜强，再遇元神吉神生助，出行必大称意也。然卦变多端，其中恍惚难断之处颇多，全凭通变、见多验广。学者须勉力而为之。

## 防非避讼章

忧虑官司，却喜官居空破，最宜子动、子孙持世，无非；鬼雀同兴，口舌不免；蛇鬼克世，灾患相侵；玄武鬼，必因盗贼阴人；白虎鬼，定有伤痕见血；世动克应，我兴词；应克世爻，他有讼。

子孙动、子孙持世，必不成非；鬼持世、鬼克世、应动克世，定然成讼。

〔乾按〕本章可与趋避章同看，且重于六神之动变，占有占验此类宜慎之。

## 斗殴争竞章

彼此相争寻世应，不宜冲克喜相生，日月克身，我必受辱；动爻克应，他必遭刑；应克世他胜，

世克应我赢。世空世破、世动化退，我心怯焉；应动应旺、应化进神，他得势矣。卦遇六冲必散，卦逢六合必成。

总不离乎子孙爻，子发动、子持世，争斗不成；日月动爻宜于克应，不宜克世；世宜旺动克应及动而化吉，官事必赢。

〔乾按〕 此类占断重看世应而断。世为自己，应为他人世旺得助则胜，应旺世衰则失利。若知其中曲折变化还须参看六爻六神互卦变卦而详之。

## 兴词举讼章

**官父同兴，公庭有理，父官克世，受屈含冤。**世化退神、世空世破、卦变六冲、世被刑冲，终不成讼；财与子孙同动，克破文书官鬼，亦主不成。

〔乾按〕 此类占断重看官父兴旺而生世合世者必赢，反之必不成讼。

## 已定重罪章

**福宜旺相，最忌官兴。**子孙持世，子孙发动，已赴法场，终必赦免。官鬼克世、或官鬼持世，又被日月动爻冲克，或世动化凶，虽定轻罪拟改重。

〔乾按〕 此占常人少遇。要诀详明，若逢占验，依法而断可矣。

## 疾病章

**野鹤曰：**人有七情，致生百病，急于问卜以慰其心，奈何卜筮诸书舛错悖谬，令人反无定见，既取用神，又用卦身、世身，兼用本命，又有不看身命用神，单看卦验，卦得明夷、大过、观、贲、蛊、夬、丰、同人、大畜、需者，断之必死。又云：本命临死气丧门，衾棺早备。又云：蛇动主死，虎动主丧。以星煞六神而断生死，独不思恶煞凶神已临身命，而用神世身倘若旺相者，断之生耶？死耶？余试多年，或生或死，全凭用神，余皆不验。内有不看用神而断生死者，惟卦变六冲而已。

**六冲变冲，久病难于调治。**久病者，卦逢六冲，卦变六冲，不论用神之衰旺，乃不治之症也。近病逢之，不药而愈。

**卦变绝克，新疾亦主危亡。**卦变者，亦是六冲而变六冲，何其近病亦危也？乃因化回头克耳。如巽木变乾金、艮坤变震巽，皆谓之回头相克，虽非墓绝，亦主危亡；若化比和、化克去，及化回头生，近病吉，久病凶，六冲之故也。除此冲克之外，必看用神。

**用遇寻空，近病何须忧虑；用逢月破，久病难许安宁。**

自占病，世为用；占父母兄弟，以父母兄弟为用。余皆在用神章内详之。

近病者，用神动静，而值旬空及化空者，若无日月动爻冲克，许冲空、实空之日即愈；倘逢冲克，病虽重而不死。若值月破，须看用神之衰旺，旺则愈于实破之日，及出月而愈；衰而受克者，必危。久病者，用神值旬空月破者，即使用神旺相，亦无法医治之。

**野鹤曰**：《海底眼》、《黄金策》皆云：主空无救，中道而殁，不分近病久病，非经验之说也。

**觉子曰**：予得验者，近病值旬空，若逢三合六合者，必成久病而终。

**用化鬼、鬼化用，慎防不测；忌化用，用化忌，最难调治。**自占病，不宜世爻变鬼，及化回头克；占弟兄、妻子，皆不宜鬼变弟兄、妻子，及弟兄、妻子而变鬼。又不宜兄变财、财化兄、父化子、子化父。**野鹤曰**：鬼，乃父母之元神，父动化鬼，乃为化生，轻病者即愈；久病者，鬼化父、父化鬼，则皆主危亡。或曰：用化鬼即为凶兆，假使又值旬空，近病者何以断之？余曰：曾有占验，请试详：

如：申月 庚寅日（旬空：午未），占子近病，得“恒之解”

	震宫：雷风恒	震宫：雷水解
螣蛇	妻财庚戌土 - - 应	妻财庚戌土 - -
勾陈	官鬼庚申金 - -	官鬼庚申金 - - 应
朱雀	子孙庚午火 ——	子孙庚午火 ——
青龙	官鬼辛酉金 —— 世○→	子孙戊午火 - -
玄武 兄弟庚寅木	父母辛亥水 ——	妻财戊辰土 —— 世
白虎	妻财辛丑土 - -	兄弟戊寅木 - -

断曰：鬼变子孙，夭折之兆，幸子孙临旬空，近病即愈，恐其难过午年。果在出空之日而愈。辰年占卦，至午年痘症而死。

动墓绝、化墓绝，须逢生旺；日月克、动爻克，最怕休囚。用神逢墓绝，及动而化墓、化绝，全看旺衰，用神旺者何须虑，用神衰者实堪忧。日月动爻冲克者，亦须看用神旺衰，旺相者，冲去克神之日而愈，衰弱者，生助克神之日而危。

**散破无援脱气，忌摇元动仇兴。**用神临散、遇破，及全无生扶、或脱气，此四者若无根蒂，少吉多凶。忌神动克用神，若有元神发动，许之有救，只恐仇神又动，当主凶危，宜于元神章内详之。

**鬼持世，病虽轻而难疗。**此有两说：

①自占病，官鬼持世，其病难痊，虽得子动，克去身边之鬼，目下虽愈，终不断根，不然，复生他病；此之谓：病不离身，身不离药。若官鬼持世，而临帝旺长生者，必得久远疾病。

②代占六亲之病，若见官鬼持世，乃忧郁之状，惟喜子孙发动，克去我之忧郁，即使用神衰弱，管许平安。

如：申月 壬子日（旬空：寅卯），占子病，得“天山遁”

乾宫：天山遁

白虎	父母壬戌土	——
螣蛇	兄弟壬申金	—— 应
勾陈	官鬼壬午火	——
朱雀	兄弟丙申金	——
青龙	妻财甲寅木	官鬼丙午火 - - 世
玄武	子孙甲子水	父母丙辰土 - -

断曰：令郎今日即愈。彼问：何以知之？余曰：官鬼持世，尔之忧也，今日子日，冲去忧心，管许立愈。果愈于本日。

**觉子曰**：占自身及弟兄子妻者，此法为是；倘占父母之灾，官鬼为父母之元神；妻占夫病，鬼为用神，岂宜子孙动以伤耶？不惟不能解忧，反添忧矣。

**身临福德，势虽险而堪医。**亦有两说：

①自占病：子孙持世，不药而痊；临空破者，实空、实破之日而愈。

②代占六亲之病：不必看用神之衰旺，即知其安，何也？盖子孙乃喜悦之神，只要旺相，若动于卦中者，亦为吉庆。

如：寅月 乙卯日（旬空：子丑），占妻病，得“屯之节”

坎宫：水雷屯

坎宫：水泽节（六合）

玄武	兄弟戊子水	- -	兄弟戊子水	- -
白虎	官鬼戊戌土	—— 应	官鬼戊戌土	——
螣蛇	父母戊申金	- -	父母戊申金	- - 应
勾陈	妻财戊午火	官鬼庚辰土 - -	官鬼丁丑土	- -
朱雀	子孙庚寅木	- - 世 X →	子孙丁卯木	——
青龙	兄弟庚子水	——	妻财丁巳火	—— 世

断曰：未日即愈。彼问：妻财不上卦，何言即愈？余曰：子孙化子孙，乃喜悦之神，嫌其太旺，许未日愈者，木墓于未，未日而喜悦也，尊正若不全安，何喜之有？果午日退灾，未日大愈。

**觉子曰**：占父母病，子孙持世而动者，克去父母之元神；妻占夫病，子动伤夫，皆非喜悦之神

也，须宜通变观之。

**鬼化长生忌化进，须虑添灾。**鬼爻发动，病势必重，若长生于日辰，或动化长生，病势必增。克用神者为忌神，若动化进神，亦同此意；忌神化退，其病渐减。

**觉子曰：**鬼乃父母之元神，占父母者，其病即愈；鬼乃妇占夫之用神，占夫者亦主即愈。

**福摇化克卦反吟，病必反复。**自占病及占弟兄病，若得子孙动者，制服官鬼，其病即愈。倘子孙动而化克，即使病愈，愈后还发，反复之象。卦得反吟者，亦同此断。

**用绝逢生，危而有救，主衰得助，重亦何妨。**用爻受克制、刑冲，但得日月动爻有一而生扶者，乃为绝处逢生，临危有救。用神不宜太弱，太弱则体虚，卒难痊愈，但得生扶拱合，虽得重病，亦不至死。**觉子曰：**用神亦不宜太旺，易理贵乎中庸，过犹不及。

如：巳月 戊午日（旬空：子丑），自占病，得“未济之睽”

	离宫：火水未济	艮宫：火泽睽
朱雀	兄弟己巳火 —— 应	兄弟己巳火 ——
青龙	子孙己未土 - -	子孙己未土 - -
玄武	妻财己酉金 ——	妻财己酉金 —— 世
白虎 官鬼己亥水	兄弟戊午火 - - 世	子孙丁丑土 - -
螣蛇	子孙戊辰土 ——	父母丁卯木 ——
勾陈	父母戊寅木 - - X→	兄弟丁巳火 —— 应

此公寿逾八旬，占病得此，或曰：世临日辰，当权得令，又有寅木生之，应不药而愈。余曰：过十八壬戌日，则无碍矣。已果卒于壬戌日寅时。

或问：卦旺极，何所见而断其戌日之危也？余曰：正为旺极耳，器满则倾，理之常也，衰极之老人而得全胜之卦，如日将坠而见霞，灯将烬而放亮，岂能久乎？断壬戌日者，旺火而入墓也，今死寅时者，逢三合也。

**用临日月休寻伏。**卦无用神，得日月作用神者，不必寻伏神，许之即愈。

**伏神衰弱再宜占。**凡用神不现，当再占之，前卷伏神章已详注矣。

如：申月 癸亥日（旬空：子丑），占友痔病，得“火水未济”

	离宫：火水未济
白虎	兄弟己巳火 —— 应
螣蛇	子孙己未土 - -
勾陈	妻财己酉金 ——

朱雀 官鬼己亥水 兄弟戊午火 - - 世  
 青龙 子孙戊辰土 ——  
 玄武 父母戊寅木 - -

应为用神，月刑日冲，已知亥月不利，未敢竟断，令伊亲人再占。

同日，子占父病，得“泽天夬”

坤宫：泽天夬

白虎 兄弟丁未土 - -  
 螣蛇 子孙丁酉金 —— 世  
 勾陈 妻财丁亥水 ——  
 朱雀 兄弟甲辰土 ——  
 青龙 父母乙巳火 官鬼甲寅木 —— 应  
 玄武 妻财甲子水 ——

前卦应临巳火，月刑日克，此卦又是巳父伏于寅木之下，破木不生无焰之火，应十月必危。果卒于亥月，以亥水冲破无焰之巳火也。

又如：申月 丙子日（旬空：申酉），自因久病占此药能去病否？得“升之渐”

震宫：地风升

艮宫：风山渐（归魂）

青龙	官鬼癸酉金 - - X→	兄弟辛卯木 —— 应
玄武	父母癸亥水 - - X→	子孙辛巳火 ——
白虎	子孙庚午火 妻财癸丑土 - - 世	妻财辛未土 - -
螣蛇	官鬼辛酉金 ——	官鬼丙申金 —— 世
勾陈	兄弟庚寅木 父母辛亥水 —— O→	子孙丙午火 - -
朱雀	妻财辛丑土 - - 应	妻财丙辰土 - -

巳午火为子孙，乃变爻也，变爻不能生正卦之世爻，无药可医，况嫌外卦反吟，病多反复，再命亲人占之。

同日子占父病，得“益之渐”

巽宫：风雷益

艮宫：风山渐（归魂）

青龙	兄弟辛卯木 —— 应	兄弟辛卯木 —— 应
玄武	子孙辛巳火 ——	子孙辛巳火 ——
白虎	妻财辛未土 - -	妻财辛未土 - -

螣蛇	官鬼辛酉金	妻财庚辰土 - - 世 X →	官鬼丙申金 — 世
勾陈		兄弟庚寅木 - -	子孙丙午火 - -
朱雀		父母庚子水 — O →	妻财丙辰土 - -

前卦日辰合世，此卦父值日辰，目下无碍，但嫌土动伤水，又是风雷合卦，震为棺，巽为椁，棺椁俱全矣，然年月未敢定也。再令亲人占之。

同日女占父病，得“雷天大壮”

坤宫：雷天大壮(六冲)

青龙	兄弟庚戌土 - -
玄武	子孙庚申金 - -
白虎	父母庚午火 — 世
螣蛇	兄弟甲辰土 —
勾陈	官鬼甲寅木 —
朱雀	妻财甲子水 — 应

前卦占药，巳午子孙为药，至冬令水旺之时，无药可医。二卦子水化辰土回头之克，子月逢之而无救，后卦午火，子月冲克，东至月是其时矣。果卒于冬至月。

又如：丑月 辛卯日（旬空：午未），占子痘症，得“大壮之乾”

坤宫：雷天大壮(六冲)

乾宫：乾为天(六冲)

螣蛇	兄弟庚戌土 - - X →	兄弟壬戌土 — 世
勾陈	子孙庚申金 - - X →	子孙壬申金 —
朱雀	父母庚午火 — 世	父母壬午火 —
青龙	兄弟甲辰土 —	兄弟甲辰土 — 应
玄武	官鬼甲寅木 —	官鬼甲寅木 —
白虎	妻财甲子水 — 应	妻财甲子水 —

六冲变六冲，花未发而先谢，又是伏吟之卦，皆为凶兆，子孙虽遇生扶，难保其吉也。

命再占之，又得“艮之升”

艮宫：艮为山(六冲)

震宫：地风升

螣蛇	官鬼丙寅木 — 世 O →	子孙癸酉金 - -
勾陈	妻财丙子水 - -	妻财癸亥水 - -
朱雀	兄弟丙戌土 - -	兄弟癸丑土 - - 世

青龙	子孙丙申金 — 应	子孙辛酉金 —
玄武	父母丙午火 - - X→	妻财辛亥水 —
白虎	兄弟丙辰土 - -	兄弟辛丑土 - - 应

午火父动克子，虽有制服，但嫌鬼变子孙，须防寅日。已而卒于寅日。夫应寅日者，午火父爻长生于寅也，又应前卦申金子孙化伏吟，寅日而冲申也。

又如：戌月 庚辰日（旬空：午未），占父近病，得“离为火”

离宫：离为火（六冲）

螣蛇	兄弟己巳火 — 世
勾陈	子孙己未土 - -
朱雀	妻财己酉金 —
青龙	官鬼己亥水 — 应
玄武	子孙己丑土 - -
白虎	父母己卯木 —

断曰：近病逢冲即愈，彼问应期，余曰：尔再占之，又得“大过之困”

震宫：泽风大过（游魂）

兑宫：泽水困（六合）

螣蛇	妻财丁未土 - -	妻财丁未土 - -
勾陈	官鬼丁酉金 —	官鬼丁酉金 —
朱雀	子孙庚午火 父母丁亥水 — 世	父母丁亥水 — 应
青龙	官鬼辛酉金 — O→	子孙戊午火 - -
玄武	兄弟庚寅木 父母辛亥水 —	妻财戊辰土 —
白虎	妻财辛丑土 - - 应	兄弟戊寅木 - - 世

乙酉日全愈。酉鬼逢空，出空之日而生亥水，果甲申日起床，乙酉日大愈。

**野鹤曰**：以上数卦，教人多占之法也，以数卦合而详之，吉凶之月可知矣。

丑月 丙戌日（旬空：午未），自占近病，得“比之革”

坤宫：水地比（归魂）

坎宫：泽火革

青龙	妻财戊子水 - - 应	兄弟丁未土 - -
玄武	兄弟戊戌土 —	子孙丁酉金 —
白虎	子孙戊申金 - - X→	妻财丁亥水 — 世
螣蛇	官鬼乙卯木 - - 世 X→	妻财己亥水 —

勾陈 父母乙巳火 - - 兄弟己丑土 - -

朱雀 兄弟乙未土 - - X→ 官鬼己卯木 —— 应

官鬼持世，申金动而克去身边之鬼，及世化亥水回头之生，当许其愈，但世爻虽鬼入墓又值三合，恐成久病，令亲人再占：

同日，妻占夫近病，得“中孚之兑”

艮宫：风泽中孚(游魂)

兑宫：兑为泽(六冲)

青龙 官鬼辛卯木 —— O→ 兄弟丁未土 - - 世

玄武 妻财丙子水 父母辛巳火 —— 子孙丁酉金 ——

白虎 兄弟辛未土 - - 世 X→ 妻财丁亥水 ——

螣蛇 子孙丙申金 兄弟丁丑土 - - 兄弟丁丑土 - - 应

勾陈 官鬼丁卯木 —— 官鬼丁卯木 ——

朱雀 父母丁巳火 —— 应 父母丁巳火 ——

卯官为用，化未土空亡，近病化空即愈，但两卦俱值三合，恐成久病而终。彼问期。余曰：未墓空而且破，若占防忧虑患，则破网破罗，脱之极易；今占病，值三合而难痊，明年未月，犹恐填实其墓也。已如期而卒。存此式者，使人知近病逢空、化空即愈，若值三合，必成久病而终也。

又如：寅月 乙酉日（旬空：午未），占甥久病，得“坤之乾”

坤宫：坤为地(六冲)

乾宫：乾为天(六冲)

玄武 子孙癸酉金 - - 世 X→ 兄弟壬戌土 —— 世

白虎 妻财癸亥水 - - X→ 子孙壬申金 ——

螣蛇 兄弟癸丑土 - - X→ 父母壬午火 ——

勾陈 官鬼乙卯木 - - 应 X→ 兄弟甲辰土 —— 应

朱雀 父母乙巳火 - - X→ 官鬼甲寅木 ——

青龙 兄弟乙未土 - - X→ 妻财甲子水 ——

久病逢冲必死，矢引 六冲变六冲乎？三月必危。果卒于三月。应三月者，酉子为用神，动而逢合之月也，又是冲去戌土，酉金无以为生也。

又如：子月 丙寅日（旬空：戌亥），自占瘟病，得“节之中孚”

坎宫：水泽节(六合)

艮宫：风泽中孚(游魂)

青龙 兄弟戊子水 - - X→ 子孙辛卯木 ——

玄武 官鬼戊戌土 —— 妻财辛巳火 ——

白虎	父母戊申金 - - 应	官鬼辛未土 - - 世
螣蛇	官鬼丁丑土 - -	官鬼丁丑土 - -
勾陈	子孙丁卯木 ——	子孙丁卯木 ——
朱雀	妻财丁巳火 —— 世	妻财丁巳火 —— 应

断曰：子水克世，月建克世，大凶之兆，幸有寅日相生，若肯避瘟于南方，夜卧南床，使火旺而水枯，可保无虞。果依此行，亥日病势危急，得遇良医，寅日而愈。彼时瘟疫流行，家家传染，一人同日亦得此卦，余亦传此法以避之。因此人病重，又信旁言病人不可移床，未肯迁移，卒于亥日。

**野鹤曰**：存前卦者，使知久病逢冲，用神虽临月建，又有戌土之生，亦不能活也；存后卦者，使知趋避之法也。

又如：丑月 乙未日（旬空：辰巳），占子发热，是痘否？得“兑为泽”

兑宫：兑为泽(六冲)

玄武	父母丁未土 - - 世
白虎	兄弟丁酉金 ——
螣蛇	子孙丁亥水 ——
勾陈	父母丁丑土 - - 应
朱雀	妻财丁卯木 ——
青龙	官鬼丁巳火 ——

法以官鬼旺者，是花痘也。余试不验，乃揣摩之说耳，只看子孙之衰旺而已，子孙旺者，是花何碍。此卦日月世爻克子孙，卦得六冲，花未开而先谢，不祥之兆，明早诚敬再占，

丙申日又占，得“大过之涣” 干支：丑月 丙申日（旬空：辰巳）

震宫：泽风大过(游魂)

离宫：风水涣

青龙	妻财丁未土 - - X→	兄弟辛卯木 ——
玄武	官鬼丁酉金 ——	子孙辛巳火 —— 世
白虎	子孙庚午火 父母丁亥水 —— 世○→	妻财辛未土 - -
螣蛇	官鬼辛酉金 —— ○→	子孙戊午火 - -
勾陈	兄弟庚寅木 父母辛亥水 ——	妻财戊辰土 —— 应
朱雀	妻财辛丑土 - - 应	兄弟戊寅木 - -

父爻发动，虽有制服，而鬼又变子，此子须请高明手治之，彼问：何处医人为吉？余曰：古以

子孙爻为医人，今既占子病，又不得以子孙爻为医药也。须再占之，又得“临之师”

	坤宫：地泽临	坎宫：地水师(归魂)
青龙	子孙癸酉金 — —	子孙癸酉金 — — 应
玄武	妻财癸亥水 — — 应	妻财癸亥水 — —
白虎	兄弟癸丑土 — —	兄弟癸丑土 — —
螣蛇	兄弟丁丑土 — —	父母戊午火 — — 世
勾陈	官鬼丁卯木 ——— 世	兄弟戊辰土 ———
朱雀	父母丁巳火 ——— ○→	官鬼戊寅木 — —

巳火父动克子，北方医人可治，如言请之，至庚子日痘变，又占：得“解之归妹”

丑月 庚子日 (旬空：辰巳)

	震宫：雷水解	兑宫：雷泽归妹(归魂)
螣蛇	妻财庚戌土 — —	妻财庚戌土 — — 应
勾陈	官鬼庚申金 — — 应	官鬼庚申金 — —
朱雀	子孙庚午火 ———	子孙庚午火 ———
青龙	子孙戊午火 — —	妻财丁丑土 — — 世
玄武	妻财戊辰土 ——— 世	兄弟丁卯木 ———
白虎	父母庚子水 兄弟戊寅木 — — X→	子孙丁巳火 ———

子日冲动午火子孙，遇寅木生之，此卦与前卦不同，已有生机矣。彼曰：今日痘变，意欲延北门一杨姓之医，再占一卦何如？余曰：杨字有木，卦中寅木生火，是此人也，不必再占。果此人治之而愈。此乃教人延医之法也。

〔乾按〕 本章占病重看愈与不愈，愈在何时也。占测此类时，首要选准用神，分清自占还是代占，然后依法而断，神机妙算功夫全在断准应期。近病逢冲而愈，久病逢冲而死。子孙持世发动皆能不药而愈。官鬼持世，鬼动克世，卦变反吟皆为难愈之象。执此要法再详曲折隐晦之处乃须通变，篇中“觉子”之言实为难得之心法也。

## 痘疹章

**平时，问男女何时出花者，以鬼爻为用。**鬼爻静者，逢值逢冲；鬼爻动者，逢值逢合；鬼爻衰者，逢生旺之年；鬼旺鬼多者，逢墓库之岁；鬼空鬼破者，在填实之时；鬼若伏藏者，在出现之岁。

见花而问吉凶者，卦忌六冲，兼忌子孙化鬼，及鬼化子、父化子、子化父、子孙伏而空破，皆

非吉兆。

问花之疏密者，鬼爻旺临日月及动爻生扶，花必稠密；如值空破、休囚墓绝，痘当疏朗。鬼动乾宫，多生头上；鬼摇坤卦，腹上多丛；艮宫多于手；兑宫多于口；坎离上身，震巽下身。火鬼，其色紫红；金鬼，其色虚白；水鬼，须防黑陷；木鬼杂细；土鬼肿大。

以上所问，当分占，不可一卦而兼断，大抵全在子孙爻也。子孙临日月及日月动爻生扶，动而化吉，不受刑伤冲克，爻不乱动者，花虽密，可以全生；痘虽陷，仍收功效。

〔乾按〕古以出花为重症，故多问吉凶。今之人亦多无此忧矣。然参阅此章节对测占研习人体表里之密大有裨益，不可不详读。

## 病源章

火属心经，发热、咽干、口燥；水归肾部，恶寒、盗汗、遗精；金肺、木肝；土乃病侵脾胃；衰轻旺重，动则煎迫身躯。腾蛇心惊，青龙则酒色过度，勾陈肿胀，朱雀则言语颠狂。白虎有损伤，女子则血崩血晕。玄武忧郁，男人则阴症阴虚。

**野鹤曰**：此《黄金策》占疾病之首论，余以为撞门槌也。对俗人而言，不得不以此而断之。若知分占之法，另占一卦，以定吉凶，庶有后验，若即以此卦而兼断死生，乃曰灵应，吾不信也。要来问病者，原欲求问吉凶，及是何所犯，何以治之也，而我且以发寒发热等语妄猜之，猜得着者哄此一时。夫病人既不得趋避之指，问卦何益？今此章俱是单言病症，并不言及何法治之，如果心经发热，来人岂不知也？请问治其热者是何法也？无益之论，故悉删之。

余法，凡人问病，先命占祈凶吉。卦吉者，许以调理即愈，不必服药求神；卦凶者，命之延医；卦得鬼动克用神者，命之再占鬼神，或占家宅，或占坟茔，务必求其是何所犯，何法治之，庶不负来人之问也。

〔乾按〕占病源者，古法之论有失过于简约，若依法而断，必胧统暧昧也。然易理博大精深，易占包罗万象，测病之法终必详明，愿后学诸君尽心求索之。

## 鬼神章

**觉子曰**：凡占鬼神，卦中鬼值休囚，及空破墓绝，皆非鬼神之害也。

鬼临金，旺相者，武神及西方之神；衰弱休囚者，刀剑身亡之鬼。

鬼临木，旺相者，文神及东方之神；衰弱休囚者，依草附木之妖，或是刑杖悬梁之鬼。

鬼临水，旺相者，河海及北方之神；衰弱休囚者，池井江湖水死之鬼。

鬼临火，旺相者，火神及南方之神，雷公电母，窖灶之神；衰弱休囚者，汤火焚烧之鬼。

鬼临土，旺相者，土神及中央之神，及掌管山川社稷之神；衰弱休囚者，墙倒屋塌土死之鬼。

按，古以五行而分其神，如金官，谓之天将、关公、金刚、伍公、岳公，诸武神，余以为非也。夫武神，有敕封者，有未封者，有各方土俗之不同，书之未载者更多，岂能庙庙而祭之？然则奈何？须问病人，或于某武神庙中许愿未酬乎？或于何庙污秽作践乎？凡心有所疑者，则指其神而占之。鬼爻或旺或动，是此神也；如不上卦，再占他处之神可耳。其鬼值木火水土者，皆同此法。如既得罪于正神者，以香花纸马祭之；勾惹邪祟之鬼者，用浆纸钱，夜静之时，金鬼者向西送之，水鬼者向北送之。余仿此。

**野鹤曰**：凡得时灾疫瘴，照此法而祭送者，余屡验之。倘若是疯癘气蛊，既失调于前，酒色伤身，又失慎重于后，与鬼神何干？祭之送之皆无益矣。惟节饮食、远色欲、息气养神，其病自减。余游遍江湖，曾至滇黔蜀粤，见彼病不服药，专信鬼神。先用三牲五牲，后至杀牛宰马，一次不愈，甚至二三十次。因病致穷者多矣。殊不知害彼命而救命，其罪愈彰。所以屡见害性命之多者，终不能救而死，可不戒与？今下路读书人也信此邪神者，余实不解。神农尝百草，遗救生灵。未闻有何圣贤，教人宰牲命以救命也。

**李我平曰**：《易冒》以鬼临金者为关帝、岳王。《易林补遗》又以青龙为关圣，却不知关岳以前，金官与青龙是何神也？又曰：祭者降之以福，不祭者降之以灾。若此，乃作威福之邪神也，而谓正直之神，何得有此？悖甚。此书通前彻后，无一不合于理，惟疾病章中，亦言鬼神之事，何也？疑因今人问病，开口先问鬼神，不得不从俗耳，知者察之。

〔乾按〕 此篇论及鬼神之事，然犹问“与鬼神何干？”实为鬼神之事不足信也！易道以阴阳五行之生克变化兆示人事祸福吉凶，天人感应而合一，感应即变化，变化即神机，何必鬼神来参与！篇末李我平之言亦中肯。

## 延医章

**野鹤曰**：有人而问余曰：问卜求神，延医服药，有是理乎？余曰：若无此理，伏羲神农，开天大圣人，画卦尝药可为乎？彼曰：然则每有不效者，何也？余曰：有二说焉，一在术之不精，精则无有不效者；一人之疾，要分有根无根。有根者可以救之，无根者则不能也。人之星辰过宫，或是交运脱运，谓之移花接木之年，移其有根之花木者，上则遮盖，下宜浇溉，自能渐活，不浇不盖，见日亦枯，有病而求神服药者，即此意也；若使无根之木，无蒂之花，虽浇之盖之，亦无益矣，故尝有求神服药而弗效者。此天地之至理也，人不识此，一不效，而不信神药焉，岂不冤哉！

**鬼作忧神休妄动，福为喜悦要生扶。**自占代占，鬼乃犹疑之神也，若持世，及动于卦中，得子孙动而制之，此医可请，手到成功。若得子孙临应爻者，乃明医也，其故何也？子孙乃制鬼之神，非治邪魔之鬼也，乃克去忧神，我无忧也。

**应作医人，不宜破空墓绝。**自占求医，代六亲求医，皆以应爻为医人。应爻若空破墓绝、休囚衰弱，或旺相而被日月动爻冲克，或动而化鬼、化绝、化回头克，药不见效。

**子孙制鬼，最喜旺相生扶。**子孙临世应，或发动于卦中，亦要旺相，不受刑冲克害，不逢破墓绝空，药必见效；子动化鬼化克，其药不精；子动化空，实空之日有效；子动化生、化旺、化进神者，其药更灵。古以子动化子，其药必杂，非也！子动化子孙而旺相者，另改药品，即比仙丹。

**医克用爻，近病即愈。**自占病，应爻克世者，克制我之病也；应爻克用神，亦如此断。惟不宜乎久病及体弱之人，非独克病，身亦受其伤矣。应爻临兄鬼而克用神，及克世爻者，不拘久病近病，必遭其害。

**父爻持世，妙药难调。**自占病，父持世，药不见功，宜于静养，远色欲，息气恼，可也；兄持世，有子孙动于卦中者，医可延之，惟嫌鬼旺鬼兴，主误服药饵；财爻持世，切勿误食肥甘。旺相遇生扶，良医有觅；休囚逢冲克，无药可医。

**子不代父以占药，妻不代夫以卜医。**子占父，宜父爻旺相，占药占医，又以子孙为用神，父旺以伤子。一爻不能两用也；妻占夫，宜官鬼旺相，占医占药，亦以子孙为用神，子旺又能伤夫，所以不可代占医药也。

延医于子孙之方，治病以应爻为定。

卦中子孙爻旺者，延医于子孙之方，且如午火子孙，或旺或动，请南方之医是也。余仿此。

卦中子孙休囚空破者，又看应爻旺否，若得应爻旺相，生合用神，即于应爻之方请之，且如应爻临申金，名医必在西南。余仿此。

卦中有一爻独发而生用神者，即以此方而延医，以五行而定名姓。如水爻动，点水之姓名；火爻动，姓名象火；木爻动，草头木旁之姓名；土爻动，姓名有土；金爻动，姓名有金。且如占妻病，妻爻属水，得申金动而相生，请钱姓之医以治之。余仿此。

**不起之症，卦中不见其医；立愈之灾，爻中不报用药。**屡见占医之卦，无药可医之症者，神不现其医矣。若用神化鬼、鬼化用神，忌神化六亲、六亲化忌神，及用神化绝、化克、化墓，久病逢冲逢空，随鬼入墓者，皆无药可医之症也，故神不现其医。立愈之疾，神亦不现其医；近病者，若非卦得六冲，即现用值旬空，或用神化回头生；自占者，子孙持世，此皆不药而愈也。

〔乾按〕 此章所论只在有病可医不可医，请医何方之间，以当今之医疗条件而言，亦无须依

法——测占。然若遇疑难绝症而占之，则神效立见，未雨而绸缪，善莫不焉，亦可与疾病章同看而决之。

## 医占往治章

大抵与医卜相仿，世为己，应为病人，若得世爻旺相、子孙财爻持世、世生应爻、世动化进、化回头生、日月动爻临财星子孙而生世者，皆主手到病除。近病者，应值旬空，或动而化空、化回头生、化旺、化退，或日月动爻生应，及卦逢六冲、卦变六冲者，皆宜速往救，莫让他人先到以成功也。久病者，应爻旺相，或逢日月动爻相生，或动而化生化旺、应临子孙、应临财爻、动而生世，虽然久病，我必除根。除此之外，皆勿往治，徒损盛名。

**野鹤曰**：诸书无不以官为鬼为病，应为医人，子孙为药，理固然也，但此官鬼者，非鬼非病，乃忧神耳。占子病者，父母爱子之心，未病惟恐疾忧，况已病乎？自占病者，性命在呼吸之间，且一人不起，举室惊惶，谁不忧乎？故此官鬼者，即一家之忧神也，解此忧者，惟凭子孙爻也。

如：午月 甲寅日（旬空：子丑），曾有一人，病在危笃，医家不治，迎余到宅。见有三十余人，至亲泪眼不干，密友愁容可掬，此非一家之忧乎？及至弟占兄病，得“屯之中孚”

午月 甲寅日（旬空：子丑），弟占兄病，得“屯之中孚”

	坎宫：水雷屯	艮宫：风泽中孚（游魂）
玄武	兄弟戊子水 — — X→	子孙辛卯木 —
白虎	官鬼戊戌土 — 应	妻财辛巳火 —
螣蛇	父母戊申金 — —	官鬼辛未土 — — 世
勾陈 妻财戊午火	官鬼庚辰土 — —	官鬼丁丑土 — —
朱雀	子孙庚寅木 — — 世 X→	子孙丁卯木 —
青龙	兄弟庚子水 —	妻财丁巳火 — 应

余即笑而言曰：“列位放心，今日半夜退灾，明日卯日即起床矣。”举家大小一门愁容变喜。此卦中之子孙爻者，是药耶？是解忧之神耶？许即愈者，何也？盖此人虽是险症，其实乃近病，子水兄爻值旬空，近病逢空即愈，值半夜子时而不空也。或曰：“近病逢空，何不许冲空之午日，实空之子日？”余曰：“因子水兄爻化卯木子孙，世爻又临寅木子孙，而化卯木子孙，次日即是卯日，正一家解忧释疑之时，所以许半夜实空之时也。”果于子时退灾，次日起床。此何尝用药而制鬼耶？

余再取舟中阻风之例言之，而子孙为解忧之神，愈可知矣。

曾过洞庭阻风，同行者于：卯月 辛丑日（旬空：辰巳），占何日顺风，得“剥之观”

	乾宫：山地剥	乾宫：风地观
螣蛇	妻财丙寅木 ——	妻财辛卯木 ——
勾陈 兄弟壬申金	子孙丙子水 - - 世X→	官鬼辛巳火 ——
朱雀	父母丙戌土 - -	父母辛未土 - - 世
青龙	妻财乙卯木 - -	妻财乙卯木 - -
玄武	官鬼乙巳火 - - 应	官鬼乙巳火 - -
白虎	父母乙未土 - -	父母乙未土 - - 应

彼断曰：若论风云，全凭兄弟。又云木动生风，卦中寅卯不动，幸而旺相，兄爻申金伏于世下，今日申时出而冲动寅木，必有顺风，不然明日寅日冲出申金兄爻，一定开舟。

余笑曰：此时大风大雨，何尝无风？彼曰：我问者，顺风也。余曰：似此断法，正没把鼻。夫占天时之旱涝，以木爻兄爻为风云，今已登舟，岂可执此为法？尔问我阻风于此，焦心如焚，能解我辈之忧者，乃子孙之爻耳，此卦子孙持世而化空，连朝风雨。只待出空而后晴，子孙出空之日，开船解我之忧矣。果于乙巳日大晴，风恬浪静，尚无顺风。次日丙午，一日顺风，竟过湖矣。顺风顺水，畅饮开怀，得非子孙之力，释我之忧耶？彼曰：卜书从来无此论，必有秘传。余曰：昔亦以木兄而断，屡试不验，因见子孙值日以开舟而风顺者，比比皆然，遂悟出此理耳。彼又问：子水子孙化已空，已日已开舟矣，何故至丙午日而始得顺风？余曰：此卦占于丑日，子水到巳日虽则出空，还被日辰合住，故必待丙午日冲开，方遇顺风也。此子孙者，不犹夫疾病之篇以子孙为解忧之神者，理一而已。

又如一日，时值初更，叩门入曰：“家小主有病，相迎占卜。”余问得病源，自山东方回，顷刻得病。余即自占一卦。于未月 壬子日（旬空：寅卯），占此行有益否？得“节之比”

	坎宫：水泽节（六合）	坤宫：水地比（归魂）
白虎	兄弟戊子水 - -	兄弟戊子水 - - 应
螣蛇	官鬼戊戌土 ——	官鬼戊戌土 ——
勾陈	父母戊申金 - - 应	父母戊申金 - -
朱雀	官鬼丁丑土 - -	子孙乙卯木 - - 世
青龙	子孙丁卯木 —— O→	妻财乙巳火 - -
玄武	妻财丁巳火 —— 世O→	官鬼乙未土 - -

巳火财爻持世，子动生世，子孙乃喜悦之神，此行有益。及到达伊家，值医检药，其父卜之。

未月 壬子日（旬空：寅卯），占子病，得“解之坎”

	震宫：雷水解	坎宫：坎为水(六冲)
白虎	妻财庚戌土 - -	父母戊子水 - - 世
螣蛇	官鬼庚申金 - - 应 X→	妻财戊戌土 ——
勾陈	子孙庚午火 —— O→	官鬼戊申金 - -
朱雀	子孙戊午火 - -	子孙戊午火 - - 应
青龙	妻财戊辰土 —— 世	妻财戊辰土 ——
玄武	父母庚子水 兄弟戊寅木 - -	兄弟戊寅木 - -

余见此卦生疑，近病化六冲，不死之症，却是子孙变鬼，必死之症，不敢断之，再请亲人卜之。

叔占侄病，得“坤为地”

	坤宫：坤为地(六冲)
白虎	子孙癸酉金 - - 世
螣蛇	妻财癸亥水 - -
勾陈	兄弟癸丑土 - -
朱雀	官鬼乙卯木 - - 应
青龙	父母乙巳火 - -
玄武	兄弟乙未土 - -

又得六冲，知之不死矣，问有旧病否？彼曰：“从无病根，便自山东一路而来，亦无病起。适间日落之时，忽而满床乱滚，口不能言。”余曰：既无旧病，余敢保之即愈。

再令医者卜之，得“井之明夷”

	震宫：水风井	坎宫：地火明夷(游魂)
白虎	父母戊子水 - -	官鬼癸酉金 - -
螣蛇	妻财戊戌土 —— 世 O→	父母癸亥水 - -
勾陈	子孙庚午火 官鬼戊申金 - -	妻财癸丑土 - - 世
朱雀	官鬼辛酉金 ——	父母己亥水 ——
青龙	兄弟庚寅木 父母辛亥水 —— 应 O→	妻财己丑土 - -
玄武	妻财辛丑土 - - X→	兄弟己卯木 —— 应

应为病人，世克应爻还不妨，乃是克制病人之病也。但不宜应爻化回头之克，定是用药有误。余问东家：药曾吃否？答曰：“未热。”问医者曰：“所得何病？所下何药？”伊曰：“三伏天途中受暑，不过解暑之凉药耳。”余私对东家曰：“令郎不死，却得必死之卦，恐此药未必对症，再请复看。”

医者曰：“床上乱滚，不能把脉。”随以家人问途中何如，家人言曰：“到家热极，移床于此有风之处，再用大冰二块，安于凉床之下，命侄女掌扇。一觉睡熟，忽然醒来呼唤几声，即不言矣。”余想：热极之人，卧冰临风，空旷之夫，使姻掌扇，其病可知。医者亦曰：“适看病已扶入房矣，不知此节事，看来寒药实不可服。”余曰：竟用附子、肉桂，方可治之。再命伊父占之：

壬子曰（旬空：寅卯），占用附子可否？得“大有之大畜”

	乾宫：火天大有(归魂)	艮宫：山天大畜
白虎	官鬼己巳火 —— 应	妻财丙寅木 ——
螣蛇	父母己未土 - -	子孙丙子水 - - 应
勾陈	兄弟己酉金 —— ○→	父母丙戌土 - -
朱雀	父母甲辰土 —— 世	父母甲辰土 ——
青龙	妻财甲寅木 ——	妻财甲寅木 —— 世
玄武	子孙甲子水 ——	子孙甲子水 ——

子孙临日辰，酉金兄动以相生。服用一剂，保管立愈。医家先用干姜汤试之，少刻开言，肚疼之甚。余曰：“何如？快服此药。”医家加减调理一夜，次日早愈。此人之不死也。因我出门，子孙发动一卦而断定矣。厥后连占数卦，合而参之，方敢用大热之剂，起死回生。不然，一剂凉药，寒上加寒，能于治耶？

**觉子曰**：此卦酉金兄动以生子孙，服此热药而病愈者，若使前贤见之，又以酉金兄爻而为药矣。

**李我平曰**：凡卜药，亦有当卜之道，或医家治临危之症，欲投此药，可以起死回生，惟恐一失，关系不小。得子孙动者，必喜悦也，即可用之，用而必效。

或泛海行舟，或长途穷旅，无处寻医，有人传一奇方，占得子孙动者，其方必效。或半夜更深，延医不及，检点古方及家藏药散，实对此症，不敢擅用，不可不占，皆以子孙为用神，但得子孙持世，子孙发动，服之立可解忧。

此诸占之子孙者，不拘金木水火土也，或旺或动，即为喜悦之神，盖用此方，见效而喜，不效，何喜之有？切不可又以金临子孙而用针，火属子孙而用灸，反致错误。

一日到一府中，众客告曰：“老先生昨日在后园仆倒，扶起口出狂言，至今不知人事。适间诸位医者，有曰：不服人参不能提气。有曰：幸无痰上，若吃人参，痰上则难治矣。”余曰：“就卜人参吃得否。”

寅月 丁卯日（旬空：戌亥），子占父病，人参吃得否？得“萃之否”

兑宫：泽地萃

乾宫：天地否(六合)

青龙	父母丁未土 - - X→	父母壬戌土 —— 应
玄武	兄弟丁酉金 —— 应	兄弟壬申金 ——
白虎	子孙丁亥水 ——	官鬼壬午火 ——
螣蛇	妻财乙卯木 - -	妻财乙卯木 - - 世
勾陈	官鬼乙巳火 - - 世	官鬼乙巳火 - -
朱雀	父母乙未土 - -	父母乙未土 - -

占人参，必以子孙为用神，若不通变，只以卦中父动克子而论，不过曰人参不可服也已，病愈与否，弗顾也，余不以此断。子占父病，父爻为用神，未父化戌父，戌父值旬空，人参可勿用，药亦可不服，明日辰日，冲空即愈。果于鸡鸣时苏醒，次日不药而愈。

又如一日在席间，忽而东翁口歪眼斜，痰涎长流，余亦在座，其子即问余：“家有牛黄，但不知可服否？”余命占之。

亥月 辛酉日（旬空：子丑），子占父病，服牛黄丸可否？得“泽天夬”

坤宫：泽天夬

螣蛇	兄弟丁未土 - -
勾陈	子孙丁酉金 —— 世
朱雀	妻财丁亥水 ——
青龙	兄弟甲辰土 ——
玄武	父母乙巳火 官鬼甲寅木 —— 应
白虎	妻财甲子水 ——

余曰：“灌服此丸，可保立愈。”服之果醒。盖喜子孙持世也。或曰：同是子占父药，一卦用父爻，一卦用子孙，其故何也？余曰：前卦父爻发动，神兆基于动，故以父母断之；后卦子孙持世值日辰，子孙乃喜悦之神，父病即安，则喜悦矣。故用子孙也，卦无不灵，在人通变。

又如：有生杨梅疮者，于申月 癸卯日（旬空：辰巳），占医人好否？得“履之否”

艮宫：天泽履

乾宫：天地否(六合)

白虎	兄弟壬戌土 ——	兄弟壬戌土 —— 应
螣蛇	妻财丙子水 子孙壬申金 —— 世	子孙壬申金 ——
勾陈	父母壬午火 ——	父母壬午火 ——
朱雀	兄弟丁丑土 - -	官鬼乙卯木 - - 世
青龙	官鬼丁卯木 —— 应○→	父母乙巳火 - -

玄武

父母丁巳火 ——— ○→ 兄弟乙未土 — —

断曰：此医不可用之。虽系子孙持世，应为医人，但不宜初爻巳火动克申金，又有卯木生火，世爻虽旺，巳日一定添灾。不听，竟延此医治之。卯辰日服药，还保平安，巳日忽然变症，遍身疼痛难当。病人着急而问余曰：可伤命否？余曰：世值月建，如何伤命？速服解药，过此巳午日则止疼矣。即服解药，至申日，其病如常。

**野鹤曰**：前篇俱言子孙持世，其病即愈，然必要子孙不受克方可，后贤不可不知。

**李我平曰**：此论官鬼为忧神，子孙为喜悦解忧之神，虽系古法，然用之甚当，非合鬼神之机，不能幻想至此。然又有不以鬼作忧神者，全在来人念之所指。

彼若问病之凶吉，倘鬼爻持世、鬼动卦中，则为忧神；子持世、子动卦中，则为解忧喜悦之神。彼若问病犯是何鬼神，倘卦现金鬼，必冲犯于武神；水鬼，必获罪于河神之类。彼若问病源，卦现火鬼，必属心经；水鬼，必居肾部。

子孙旺而动者，不药而愈，非教人以此子孙为治病之药也，往往前贤见此子孙旺动，占病病愈，占医医良，遂以此子孙爻为治病之药。金生子孙者，断用针；火持子孙者，断用灸。殊不知子孙若旺，其病自痊，何用针灸？子孙若值空破，用针灸而何益？

诸书又皆曰：“火鬼忌热，水鬼忌寒，水鬼若居生旺之地，须大热之药以治之；火鬼旺者，宜大寒之剂以攻之。”余不知从何所见。假使用神属土，及子占父病，父爻临土，若得火鬼发动，乃生用爻之元神也，岂可用大寒之药而治元神耶？又如妻占夫病，鬼为用神，假使夫临水鬼，又可以大热之药以攻夫爻之用神耶？每见穷乡僻壤，无处觅医，只谓《周易》乃大圣大贤之书，遵之必灵，而卜者以此大寒大热之药胶柱决之，不知坑陷如许之命，言及发指。此书一出，而寒热之药不敢轻用，从此泉下无怨鬼矣。

〔乾按〕 此章所论乃医病用药之决断也。子孙为喜神、为医药之辨已明，切勿蹈复辙，泥古而铸大错矣！

## 家宅章

**野鹤曰**：诸书皆曰一卦之中，可决一家休咎；六爻之内，能分六事吉凶。以卦中之父母爻为屋宇，又以父母爻为双亲，既为双亲，又以五爻为父，四爻为母，如此悖谬糊涂，尚有刊传为法，余实不解。

假令：戌月 丙午日（旬空：寅卯），占得“乾之小畜”

乾宫：乾为天（六冲）

巽宫：风天小畜

青龙	父母壬戌土 — 世	妻财辛卯木 —
玄武	兄弟壬申金 —	官鬼辛巳火 —
白虎	官鬼壬午火 — O→	父母辛未土 - - 应
螣蛇	父母甲辰土 — 应	父母甲辰土 —
勾陈	妻财甲寅木 —	妻财甲寅木 —
朱雀	子孙甲子水 —	子孙甲子水 — 世

古法有云：“卦无父母，不免堂上之忧”。此卦不独有父母，而戌父更临月建，午官动以相生，即父母双庆之祥也。若又以五爻为父，四爻为母而断，则鬼临四位，老母多灾，执此问之，老母多灾耶？堂上无恙耶？

又云：“何爻受克，即此逢伤。”此卦五爻申金，被午火鬼克，此又老父以生灾耶？又云：“鬼动乾宫，老父之咎。”此卦鬼动乾宫，又为老父之咎？又云：“火鬼动以防回禄，白虎鬼为丧服之忧。”又云：“世逢生旺，宅旺家安。”此卦世已旺矣，而火鬼临于虎动，可谓之回禄乎？丧服乎？抑家兴宅旺乎？

又以官鬼为厅堂，谓之官旺，主屋宇轩昂；又云：“鬼旺鬼兴，为灾为咎。”此卦鬼临日辰旺动，屋宇轩昂乎？为灾为咎乎？又云：“财兴官旺，热闹门庭。”又云：“财爻发动，父母遭伤。”岂门庭热闹之家，皆无父母之家耶？

又云：“兄爻旺相，紫荆并茂于堂前。”又云：“兄爻持世，再理琴弦。”岂雁行济济者，皆失履遗簪之宅耶？种种悖谬，难以枚举，恐后人无所适从，余不得已而正之。

〔乾按〕 本章所论非言古法皆错，为驳一卦之中可决一家吉凶之法也。若占此类，且记一念一事一卦而占断之，必无悖谬也。

## 盖造、买宅、赁宅章

**父旺持世，此处清安宜久住。**父爻旺相，持世、生世、合世，及世动化父相生，或得日月作父母，生合世爻，皆为发福之第。

**财爻发动，他方仁里另宜求。**财动以克父爻，另于他处图之。

**爻逢六合，终见亨通；卦遇反吟，多于愁叹。**世爻、父爻旺相，又得六合卦者，图之必成，成而久远。最忌六冲，不久之兆；卦遇反吟，倘若世被冲克，大凶之象。

**世动而化进，绵长百代；父兴不化退，增置千间。**世动化退，勉强成之，终须退悔；世动而化进者，成后永远兴隆，名高利厚。父动化退，成后凋零破败；倘得化进，重置千间。

**最忌随官入墓，须防鬼动伤身。**世爻随鬼入墓、财爻助鬼克世，及世爻动而变凶，或日月动爻克世，皆不宜成之；父动克世，及世爻、父爻空破墓绝，亦不宜成。

**野鹤曰：**凡盖造、买宅、赁宅，世与父爻旺相，不犯冲克者，即宜成之，自渐荣华昌盛。如问一家之凶吉，虽要分占，亦待迁居入火之时，择其吉日而占之，告于神曰：今择某日迁居，有碍于父母妻子否？如有妨碍，须宜另择一日，不然，或令所碍之人，另择一时以入门可也。朝廷颁历，以便民用者，此也；若盖造买宅，占问一家俱宜吉庆，假如家有百口，欲使人人合其吉者，百年亦买不成矣。

[ 乾按 ] 此章所论乃盖造买宅赁宅之宜与不宜，依法而行可矣。篇末野鹤之言中肯，求大同存小异即可行，不可孜孜以求全，惴惴于小隙，如此则百无一成。

## 创造宫室章

兴工创造，卦忌六冲，鬼动为忌，克世最凶，随鬼入墓，祸事多逢。

父爻旺相，世位兴隆；世父两爻动化吉，人安宅盛事亨通。

[ 乾按 ] 此章亦与前章同法，宜参而验之。

## 修方动土章

**世临福德最相宜，官鬼交重有祸基；世旺逢生宜化吉，世衰受克且停工。**子孙之方宜起手，官鬼之位莫挑泥。譬如子孙属水，起手动土，宜于北方；官鬼属火，不可动土于南方；鬼在辰戌丑未，此方切忌动土。拆旧岂嫌财象发，兴新偏忌父爻虚；造成屋宇忧冲散，父爻旺相久长居。

[ 乾按 ] 此章所论唯趋喜避忧也，只宜参阅。农工之人日日与田土打交道，如何趋避？只论起手第一天也。

## 迁居过火章

内三爻为现居之宅，外三爻为未住之房；内克外者，外宅不利，不宜迁居；内生外者，外宅兴隆，速迁为吉。

**野鹤曰：**此古法也，余不以为善。宅已盖造买成，今欲入火，假使占得外宅不吉，而不迁耶？既有新宅成，旧宅或已弃矣，倘若占得内宅吉者，岂可仍居旧宅耶？

**觉子曰：**此法也有使处。有人来问：欲弃旧宅而买新宅者可乎？用此法者宜也。

[ 乾按 ] 此法只宜参考，还望后学验而证之。

## 归宅入火章

宅之凶吉，已于盖造买宅卦中卜就之矣，今择入火之日，须将父母、兄弟、妻儿各为分占，宜于此日者用之，不宜此日者改之。或改日，或另择一时以入门，皆可化凶为吉。

〔乾按〕 此章之法可参阅下章而验之。

## 入宅六亲吉凶章

择于某日入宅，宜于父母否？再占一卦，宜于兄弟否？再占一卦，宜于妻儿否？占父母，父母宜于旺相；占兄弟、妻儿，亦皆旺相而遇生扶，不宜变动化鬼及克制刑冲。卦得吉者，即于此日入宅；卦之凶者，令此人另改一日入门可耳。假如数卦之中，或弟兄、或妻儿，内有一卦不利者，即令另择一日，或另择一时俱可。

**野鹤曰**：余得周公克制之法，凡六亲所犯之神，令之趋避，无一不验。比如：木临父母，金爻财动以伤之，父母入宅，须择克制金爻之日；安父母之床榻，宜设克制金爻之方，试之屡验。

如：子月 丁酉日（旬空：辰巳），占选某日入宅，有碍父母否？得“泽地萃”

兑宫：泽地萃

青龙	父母丁未土	- -
玄武	兄弟丁酉金	—— 应
白虎	子孙丁亥水	——
螣蛇	妻财乙卯木	- -
勾陈	官鬼乙巳火	- - 世
朱雀	父母乙未土	- -

此日入宅，卯木暗动以克父母也。彼曰：即烦另改一日。余曰：不必改日，此日寅卯时吉，申时亦吉，父母于申时入宅，汝于寅卯时入宅，保尔清静吉祥。彼问：何也？余曰：申时者，卯木绝于申也，父母未土又长生于申，是以吉也，入宅之时，宜安父母床于西南。后依此行之，余目其平安一十七载。

又如：卯月 丁卯日（旬空：戌亥），占某日入宅，子女安否，得“革之丰”

	坎宫：泽火革		坎宫：雷火丰
青龙	官鬼丁未土	- -	官鬼庚戌土
玄武	父母丁酉金	—— O→	父母庚申金
			- - 世

白虎	兄弟丁亥水 — 世	妻财庚午火 —
螣蛇	妻财戊午火 兄弟己亥水 —	兄弟己亥水 —
勾陈	官鬼己丑土 - -	官鬼己丑土 - - 应
朱雀	子孙己卯木 — 应	子孙己卯木 —

父动克子，幸子孙临日月，父母又化退神，宜于亥子日迁居，安子女之床榻于南房，将来必然贵显。果依此行之，其长子于卯岁登科。

大凡占宅，无不以一家安乐为吉，所以父母、兄弟、妻妾、子女，自当分占，各有相忌相伤，不可一卦而决。然又常得验者，初习房时，不待另占，如有刑伤骨肉之事，卦中早现之者，亦所当知。

如：申月 辛卯日（旬空：午未），占买此宅吉否，得“革之夬”

	坎宫：泽火革	坤宫：泽天夬
螣蛇	官鬼丁未土 - -	官鬼丁未土 - -
勾陈	父母丁酉金 —	父母丁酉金 — 世
朱雀	兄弟丁亥水 — 世	兄弟丁亥水 —
青龙	妻财戊午火 兄弟己亥水 —	官鬼甲辰土 —
玄武	官鬼己丑土 - - X→	子孙甲寅木 — 应
白虎	子孙己卯木 — 应	兄弟甲子水 —

此宅宜买，申金月建生世，卯日又冲动父爻生世，人宅相宜，管许必发，但嫌二爻鬼变子孙，须防克子。彼曰：如此买之何益？余曰：此非宅之故也，即使不买此宅，亦恐难保。子孙临月破，鬼动化出，危险极矣。彼弃之不买，其子于八月死于痘；十月，仍买此宅。

〔乾按〕此占实为选择气场也。天地有阴阳五行之气，人体亦有。合者生者皆吉，遇克逢冲即凶。卦例所言父母受木气之克，寅卯时木气正旺，自然不宜入宅宜避之。待申酉时金气上升木气衰绝，自然宜于入矣。安放床榻即同此理。

## 马房猪圈章

**子孙须宜旺动，父母切忌兴隆。**凡作牛棚马房，鸡窝羊栏，亦要分占，一切六畜皆以子孙为用神，不拘猪羊牛马，悉忌父母发动，动则六畜受伤，又忌子孙空破墓绝，及被日月动爻刑冲克害，及子孙动化空破墓绝、化鬼、化父、化回头之克，皆主刑伤，此地不宜用之。或更换地方，或另改一日，其改日、改地方者，再行占之。

**生相必须兼用，日月更喜相生。**六畜虽以子孙为用神，又宜兼于生相，假令作马房，子孙不被冲克，乃为吉也，假如子孙是子水，又宜午爻亦不临鬼，及动而变鬼，余仿此。凡占六畜，最宜日月生扶，谓之卦得日月生扶，六畜必然繁盛；倘若受日月冲克，牲口绝种无根。

〔乾按〕 此章所论乃为气场之选择也，可与入宅六亲章参看，其理相通，然又以子孙爻旺相得地为吉，须区别记之。

## 旧宅章

**野鹤曰：**以前之卜宅者，乃卜盖造买宅之新居也，常见来人而占久住之家宅。古法亦以一卦而兼决诸般之吉凶。先论官鬼，次论八宫，以十二生肖定六畜之灾，午鬼主失良马，丑鬼应丧耕牛。又以之定人口之厄，午爻临鬼，马命者殃；巳鬼爻兴，蛇命有难。假使午爻临鬼，是马死耶？还是属马之人不禄耶？悖谬不堪，难以数说。余不知昔人之卜者何以答来人之问也。所以贵知来占之意：

或因连年破耗，疑家宅之不安者；或因屡科不第；或因有子求名，疑此宅能兴旺子孙否者，此须子孙亲卜之。或因官不升者；或因子女不存者；或因官灾火盗者；或因父母六亲多病者；或因前后左右他人盖造，疑冲犯我宅者；或因家有响声，鬼祟显形者，当问来人而判也。

曾有官十载不升，疑其家宅有碍而占者，余曰：若以一卦而断全家之事者，余则不能，须指其所疑之事而卜之，其应如响。公曰：何也？余曰：卦中不过地支五行，虽有现出，难以直指一处，即如火鬼动为灶神，府上二百余间，其灶不少，谁知何灶而不安？又如木鬼动，为门户不安，古以四爻为门，尊府门户不少，即以六爻全为门户，不过定得六座，难知何门而不利。所以，指其所疑之处而占之，无不响应。公曰：余疑院内不宜有井，占问是否。

于：酉月 戊寅日（旬空：申酉），因官不升，疑院内不宜有井是否，占得“师之临”

	坎宫：地水师(归魂)	坤宫：地泽临
朱雀	父母癸酉金 — — 应	父母癸酉金 — —
青龙	兄弟癸亥水 — —	兄弟癸亥水 — — 应
玄武	官鬼癸丑土 — —	官鬼癸丑土 — —
白虎	妻财戊午火 — — 世	官鬼丁丑土 — —
螣蛇	官鬼戊辰土 —	子孙丁卯木 — 世
勾陈	子孙戊寅木 — — X→	妻财丁巳火 —

余曰：子孙发动，非此井也。公曰：大门对向不利，意欲改之，可否？

彼又占一卦，得“同人”卦：

离宫：天火同人(归魂)

朱雀 子孙壬戌土 —— 应  
 青龙 妻财壬申金 ——  
 玄武 兄弟壬午火 ——  
 白虎 官鬼己亥水 —— 世  
 螣蛇 子孙己丑土 - -  
 勾陈 父母己卯木 ——

断曰：官鬼持世，是此门也，速宜改之，须再占一卦，改门之后功名何如。

又得“小过之剥”卦

兑宫：雷山小过(游魂)

乾宫：山地剥

朱雀	父母庚戌土 - - X→	妻财丙寅木 ——
青龙	兄弟庚申金 - -	子孙丙子水 - - 世
玄武 子孙丁亥水	官鬼庚午火 —— 世○→	父母丙戌土 - -
白虎	兄弟丙申金 —— ○→	妻财乙卯木 - -
螣蛇 妻财丁卯木	官鬼丙午火 - -	官鬼乙巳火 - - 应
勾陈	父母丙辰土 - - 应	父母乙未土 - -

断曰：午火官星持世，寅日生之，外卦三合官局，明岁巳年及午年，当许连升大位。果于次年一岁两升，午年又升。官至二品。

**福德动摇，不是此方之祸。**子孙持世，或动于卦中，或官鬼不动，及六爻安静，皆非此处之祸。

**官鬼发动，得于此处之妖。**官鬼持世、克世，及动于卦中，实因此处有害。

**野鹤曰：**占得果是此处不利，即宜修补，再占一卦，看修补之后何如？问功名者，功名章内断之；求财者，求财章内断之；防患者，防患章内断之；疾病者，疾病章内断之。

曾有士人才重当时，屡科不第，卜家宅何如。余曰：“虽则为名而占，贵宅有疑相犯之处否？”

彼曰：“疑宅后有庙冲射本宅。”于巳月 己丑日（旬空：午未），占得“大有之乾”

乾宫：火天大有(归魂)

乾宫：乾为天(六冲)

勾陈	官鬼己巳火 —— 应	父母壬戌土 —— 世
朱雀	父母己未土 - - X→	兄弟壬申金 ——
青龙	兄弟己酉金 ——	官鬼壬午火 ——
玄武	父母甲辰土 —— 世	父母甲辰土 —— 应

白虎	妻财甲寅木 ——	妻财甲寅木 ——
螣蛇	子孙甲子水 ——	子孙甲子水 ——

断曰：世为本宅，应为庙宇，世应相生，如何有犯？庙前另有一物，故未土发动刑世，乃此故耳。彼曰：庙前有一照壁，照壁之后有一株大树，数百年矣。余曰：即此物也，汝用大兽头安于屋脊，张口对树则吉。

再占一卦，看修补之后如何。得“归妹之豫”卦：

	兑宫：雷泽归妹(归魂)	震宫：雷地豫(六合)
勾陈	父母庚戌土 - - 应	父母庚戌土 - -
朱雀	兄弟庚申金 - -	兄弟庚申金 - -
青龙 子孙丁亥水	官鬼庚午火 ——	官鬼庚午火 —— 应
玄武	父母丁丑土 - - 世	妻财乙卯木 - -
白虎	妻财丁卯木 —— O→	官鬼乙巳火 - -
螣蛇	官鬼丁巳火 —— O→	父母乙未土 - - 世

断曰：修补之后，包汝今科必中，此卦财动生官，官动生世，大吉之兆。果中经魁，下科胞弟又发。

或曰：古人以一卦而兼断，后人遵之，君必分占，其不能乎？余曰：无难也。

曾有人于：亥月 戊午日（旬空：子丑），占家宅，得“比之蹇”

	坤宫：水地比(归魂)	兑宫：水山蹇
朱雀	妻财戊子水 - - 应	妻财戊子水 - -
青龙	兄弟戊戌土 ——	兄弟戊戌土 ——
玄武	子孙戊申金 - -	子孙戊申金 - - 世
白虎	官鬼乙卯木 - - 世 X→	子孙丙申金 ——
螣蛇	父母乙巳火 - -	父母丙午火 - -
勾陈	兄弟乙未土 - -	兄弟丙辰土 - - 应

余曰：占家宅者，若依古法，此卦虎鬼动，主丧服；木鬼兴，忌栽种；鬼持世，自身有刑杖枷锁之厄；鬼在坤宫，坟墓有碍；鬼临卯，兔命者危。又曰：三爻为弟位，今鬼在三爻，兄弟必有病险；卦中子水财爻，暗兴助鬼，以克未兄，亦主兄弟危亡；世为宅长，卯化申克，十月死气在卯，虎临死气于世爻，家长必有刀剑之害。更有许多神煞，不暇细数，此宅凶极，右依古法之断如斯。汝实因何事而占，当实告知，如不灵，则我之过。彼曰：向母病，今妻又病，疑家宅有碍，故占之。

余曰：近病逢空即愈，今日午日，冲动妻财，病人逢冲则起，今晚即当退灾。但三爻卯木鬼动，尔家曾另安一门否？彼曰：有右门，近改于左矣。余曰：庚申日，仍改于右，妻病必于甲子日全安。自此之后，家宅安矣。夫应门户者，鬼临卯也；申日改者，金制木也。妻果子日大愈。家宅从此平安。

以此观之，以古法而遍猜可不可？以来意而判决是耶非？

**福德临身，转灾为福；旺财持世，宝藏兴焉。**凡因宅中响动，或见妖祟而占者，倘子孙持世、子孙发动者，神藏鬼没，即有活鬼出现，可保平安。旺相之财持世，财动生世、合世，必有古窖。若问在于何方，财来寻我，我莫寻他，是我之财，自然出现。若问何日可得，即以此财爻于应期章断之。

**鬼动爻中，真妖实祟。**鬼临白虎，必有伏尸；鬼临玄武，山魃水怪；腾主虫蛇为患；雀主火盗官非；勾陈鬼伤身牢狱；青龙鬼色欲而丧。

亥子鬼投河溺井之魂，或因池沼沟渠之患；辰戌丑未之鬼，墙倒屋塌，或因墙垣兽头之犯；寅卯鬼悬梁自缢，又为门户栋梁；巳午鬼火伤害死，兼为炉灶不安。鬼临申西方，刀剑亡身之魄，或金铁为怪，或狐狸为精。

鬼在变爻，冤家债主；鬼临日月，供养正神，克世者，必受其殃；生世者，反得其济。

古法制鬼：于庚申日、甲子日，或于除夕日，用黄钱数张，浆水一碗，卦现金鬼者，向西送之；水鬼者，向北送之，木、火、土各按其方，人静往送门外，屡验平安。

**觉子说**：余有泊云之法，一正可压百邪。见怪不怪，其怪自灭。

**官克世位，为祸为灾。**鬼动克世，或世爻随鬼入墓，及世动变鬼克世，乃是冤家债主，难免祸殃，宜修德作福，自然改祸为祥。

财动克父、财化父、父化财，堂上之忧；父动克子、鬼化子、子化鬼，膝前有损；兄弟变鬼、鬼变兄弟、鬼动克兄、妻财变鬼、鬼变妻财、兄动化财、财化兄弟，既防手足刑伤，又主分袂拆枕。

〔乾按〕旧宅有祟，乃气场变化与己不利也。如本章所析二例，大树为患，门位有错均源于此因。修补之法为改变气场之方位，使之利己生己，自然门户清洁。

## 同居章

与六亲同居，用六亲，宜世与用神相生，不宜相冲相克；与外人同居，看应爻，世为己、应为人，世应相合相生，日月动爻生合世应者，彼此俱祥；克世我遭伤，克应他遭害；世克应，他畏于我；应克世，我被他欺。刑冲者同。

〔乾按〕 此类占断，重在取准用神，只看相生相合有助即吉，反之即凶。

## 盖造官衙章

官自占，世与官星皆宜旺相；若子孙持世，及子孙动者，且勿盖造；卦变克绝，反招奇祸；六冲化合，必获奇祥。

〔乾按〕 此章所论与一般盖造不同，重官爻而忌子孙，喜六冲化合，应注意区别

## 衙字章

**野鹤曰**：凡占旧衙署者，与占旧家宅者同断。有因人口多病，有因连任伤官，有因久不得升迁，有因鬼祟现形，皆可指其所疑者而卜。

曾因衙署，连任不利于官长，若非怪刑，即见凶亡，疑官衙有不利。迎余于府中，卜过半月，但有所疑，俱曾占过，皆不现爻，又卜后沟从后流宜否。

于：戌月 己亥日（旬空：辰巳），占得“火风鼎”

离宫：火风鼎

勾陈	兄弟己巳火	——
朱雀	子孙己未土	- - 应
青龙	妻财己酉金	——
玄武	妻财辛酉金	——
白虎	官鬼辛亥水	—— 世
螣蛇	父母己卯木	——
	子孙辛丑土	- -

余曰：即此处也，速宜改向东流。后开沟，见许多尸骸白骨，余始悟：白虎鬼持世，是以有之。

再请占一卦：修沟之后何如？得“噬嗑之无妄”

巽宫：火雷噬嗑

巽宫：天雷无妄（六冲）

勾陈	子孙己巳火	——		妻财壬戌土	——
朱雀	妻财己未土	- - 世 X →		官鬼壬申金	——
青龙	官鬼己酉金	——		子孙壬午火	—— 世
玄武	妻财庚辰土	- -		妻财庚辰土	- -
白虎	兄弟庚寅木	- - 应		兄弟庚寅木	- -
螣蛇	父母庚子水	——		父母庚子水	—— 应

断曰：未土财化申金官，未年一定高迁。后于申年升任，应申年者，值官之年也。

〔乾按〕此占与旧宅同法。宜细参卦例中变化之妙，即有得也。

## 盖造寺院章

大抵与家宅同推，最忌六冲变冲、卦变墓绝，及反吟伏吟。住持与山主占者，皆宜世旺，日月动爻相生，宜子孙爻动，忌官鬼爻兴。兄爻持世，多费无益之财；官鬼持世，疾病灾殃之累；兄动克世，欲造福反成祸胎；财官生世，虽钱少自有增助；子孙旺相而化进，多招徒弟；财爻休囚而化退，有始无终。

**李我平曰**：卜筮诸书，二十余种。所论家宅，理不归一。何以示人？如《卜筮大全》之初井、二灶、三床、四门、五爻为人、六爻栋宇；《黄金策》之初爻宅基、二爻房屋、三爻为门、四爻父母、五爻兄弟、六爻为妻；《易冒》以初爻为幼、二爻为妻、三爻为弟、四爻为母、五爻为父、上爻为老。又云：“鬼动于内，宅舍之灾；鬼动于外，人丁之咎。”夫既以二爻为妻，三爻为弟，假令内爻鬼动，宅舍之灾乎？弟妻之咎乎？至于五行之鬼、八宫之鬼，既以之定官灾火盗，又以之定头目手足病灾，彼谓火鬼主回禄，鬼在乾宫，主头目之患，若以一卦兼断，岂失火盗之家必染头目之病耶？又云：合为门，冲为路，不论卦内之有无，但有暗冲与暗合，也应作数。假使有冲无合，有合无冲，岂有有门无路，有路无门之家耶？殊不知占家宅之趋避，愿人口之清安，财福旺则宅兴，鬼兄静则家泰，如斯而已耳，何必多生枝叶，乱人耳目乎。

〔乾按〕此章要义在李我平语。古法所论纷纭，理不归一。所论侧重不同，角度有异，不可一卦兼断，不可泥于古法，总以通变为高。

## 莹葬章

**野鹤曰**：卜莹卜穴，古法之谬，与家宅相同，后贤考诸书自晓也。余因求验之法，每逢拜扫之时，步至各家坟上，令伊占之，或知其觅地，则就而卜之，如此多年，方得其秘。

〔乾按〕以易占卜莹穴，又兼容风水堪舆，野鹤此法不可不习。

## 寻地章

**世爻旺相，祖父魂安；福德兴隆，子孙绵祀。**古以二爻为穴，内卦为穴，螣蛇为穴者，屡试不验。余验者，世为穴也，世宜旺相，或临日月，或日月动爻生扶者，乃吉地也。子孙，乃主祭祀之裔，宜于持世，或子孙在他爻旺相，振振蠡斯。

**三合六合，聚气藏风；世冲六冲，飞沙走石。**卦逢六合，或世与子孙爻作六合，乃藏风吉穴，代代兴隆；若卦得六冲，或六冲变六冲，或世应相冲，冲者散也，必无气脉。

**六冲变合，地已去而复来；六合变冲，形已成而复失。**此有两说：

①六冲变合者，或先求此地而不得，后复得之；或地运已衰，真龙早去，今复重来。凡得六冲变合，再得世与子孙旺相者，急宜用之。余曾验数占，俱获绵绵科甲。

②六合变六冲者，或是已得之地而复失，或地运将衰而龙将去，不宜用之。

**世旺而化绝破，吉处藏凶；世衰而化合生，凶中有吉。**世爻虽旺，不宜化破，及化墓绝、化回头克，主先得佳地，后有破绽，若非将来下葬不得吉日，定是葬后被人伤损，吉变为凶之象。世若衰弱，动而化回头相生、化长生帝旺、化日月、化合、化进者，先否后泰之兆，目下视其形势，虽是不宜下葬之地，将来地运兴隆，变成大富大贵之区矣。

如：寅月 戊午日（旬空：子丑），占地，得“颐之无妄”

		巽宫：山雷颐（游魂）		巽宫：天雷无妄（六冲）
朱雀		兄弟丙寅木 ——		妻财壬戌土 ——
青龙	子孙辛巳火	父母丙子水 - - X→		官鬼壬申金 ——
玄武		妻财丙戌土 - - 世 X→		子孙壬午火 —— 世
白虎	官鬼辛酉金	妻财庚辰土 - -		妻财庚辰土 - -
螣蛇		兄弟庚寅木 - -		兄弟庚寅木 - -
勾陈		父母庚子水 —— 应		父母庚子水 —— 应

断曰：世爻戌土，春令休囚，化出午火子孙回头生世，日、月、世爻共成三合，青龙戏水以化长生，水源极远，只因申为月破，戌土克子水，又被日辰冲散，春夏有水，秋冬必干。彼曰：正是如此。余曰：不妨，不可求全责备。卦中日月世与子孙共成三合，亡者安而生者乐，子孙昌盛，何愁不发？后竟葬之，辰年下葬，酉年孙中亚魁，及至子年，次孙又登乡榜。

**世化进神，千秋绵远；福德化进，百代兴旺。**世宜旺相，化进神、化日月、化回头生、化合、化长生帝旺，龙安水聚，地脉源长；子孙旺相，化进神，或化合化生、化日月、化旺相，孙贤子贵，列满朝堂。世化退神，终须迁改；子孙化退，代代陵夷。

**日月直生福德，动爻不可伤身。**世与子孙爻，宜日月动爻生扶，不宜日月动爻冲克。

**旺世临虎，棺上加棺；旺福逢龙，寅葬卯发。**世临白虎鬼爻，或是随鬼入墓，皆主地有伏尸；世爻旺相，又遇生扶，乃是棺上加棺，曾有两家葬者，后俱大发，休囚者则不可耳。子孙旺相，又遇日月生扶，又逢青龙，即为吉地，寅年葬而卯年发者，言其发旺之速也。

又如：申月 戊子日（旬空：午未），占茔地，得“剥”卦

乾宫：山地剥

朱雀	妻财丙寅木	——
青龙	兄弟壬申金	子孙丙子水 - - 世
玄武	父母丙戌土	- -
白虎	妻财乙卯木	- -
螣蛇	官鬼乙巳火	- - 应
勾陈	父母乙未土	- -

断曰：子孙持世，遇日辰申月生之，青龙戏水，水由左旋，旺相必近大河，不然亦有长流之水；白虎卯木，子卯相刑，爪牙埋伏；应为向山，火逢水克，向山不高；戌为案山，戌土克水，案山略高。彼曰皆是。余曰：宜速葬之，今冬即发。果于八月安葬，十月次子加升，次年四月，长子向无所出，竟生一孙。

又：卯月 壬寅日（旬空：辰巳），占寻地，得“革之既济”

坎宫：泽火革

坎宫：水火既济

白虎	官鬼丁未土 - -	兄弟戊子水 - - 应
螣蛇	父母丁酉金 ——	官鬼戊戌土 ——
勾陈	兄弟丁亥水 —— 世○→	父母戊申金 - -
朱雀	妻财戊午火 兄弟己亥水 ——	兄弟己亥水 —— 世
青龙	官鬼己丑土 - -	官鬼己丑土 - -
玄武	子孙己卯木 —— 应	子孙己卯木 ——

父母为用神，申金父母回头生而生亥水，世爻虽则休囚，逢生为旺，只嫌寅日冲去申金，必至今秋七月当令始得其地；父临申酉，地在西南，所得者，乃财丁之地；至申年，龙兴运至，发旺不小；世衰而化生，凶中有吉。果七月得地于西南，卯年安葬，酉年子孙大发。

**散墓绝空，世与子孙勿见；化克化鬼，弟兄妻子休逢。**世爻、子孙爻，不宜休囚墓绝空破，不宜动逢破散，及化破散、化绝、化墓、化鬼、化退、化回头克，但逢一者，皆非吉地。六亲不宜化鬼、父化子、子化父、鬼化子、子化鬼、兄化鬼、鬼化兄、兄化财、财化兄、财化鬼、鬼化财，此不宜于兄弟、妻儿；有父母在堂，亦不宜鬼化父、父化财、财化父。

**应冲世，合处逢冲，流移迁徙；反伏卦变化克，洪泛陵夷。**择地，不独不喜六冲卦，应冲世者，亦非吉也；倘世应相合、爻逢六合、世应子孙三合成局，即为美地。卦得伏吟，遇冲开之年月必迁；

卦得反吟，遇冲年冲月必变；内外反吟者，乃卦变也，如巽变乾、坤变震之类，名为化绝化克，得此卦者，重则冲决，轻则迁徙。

如：卯月 戊子日（旬空：午未），占地，得“巽之升”

	巽宫：巽为风(六冲)	震宫：地风升
朱雀	兄弟辛卯木 — 世○→	官鬼癸酉金 - -
青龙	子孙辛巳火 — ○→	父母癸亥水 - -
玄武	妻财辛未土 - -	妻财癸丑土 - - 世
白虎	官鬼辛酉金 — 应	官鬼辛酉金 —
螣蛇	父母辛亥水 —	父母辛亥水 —
勾陈	妻财辛丑土 - -	妻财辛丑土 - - 应

世为穴，世临月建，日辰生之，是为吉矣，但不宜外卦反吟，世被酉金冲克，子孙被亥水冲克，此地不宜用。彼曰：“已买成矣。”余曰：“不葬何妨。”又曰：“地师以为美地。”后竟葬之。辰年葬后，四年之内，二男一女，相继而亡；自身又得半身不遂之疾。愚人不怨于己，反怨祖父，起材暴露而不葬；至酉年而死，一同暴露竟至没。遂致绝嗣。应酉年者，谓之再冲之年。

**父化父，儿孙夭折；子化子，儿女成行。**卦中不宜父动，父动化父更凶；子孙化子孙，不逢伤克，代代儿女成行，决不单传抱险。

〔乾按〕寻地之法仍须世旺相，福德兴为吉。宜生扶，宜化合。然世既为穴，龙、砂何在？风、水怎识？此必看下章方可明白。

## 占地形势章

**世旺遇长生，来龙甚远；世衰逢应克，对案山欺。**两间旺而明堂宽，龙虎衰而左右陷。左山旺，头角峥嵘；右山衰，爪牙埋伏。朱雀遇刑冲，前山杂乱；玄武遇破散，后脉空虚。龙虎世爻合局，虎踞龙蟠；水土世应相合，山环水绕。水口不固，上爻一定逢空；道路参差，螣蛇必然破散。

世爻当令，又长生帝旺于日辰，来龙远大；倘若应爻冲克世爻者，必因对山高耸，或因临葬错对向山，如应爻受克者无碍，改向可也。世应中间两间爻以为明堂，旺相者，明堂宽大；休囚者，明堂斜陷。近世之爻为案山，亦不宜克世。

龙为左山、虎为右山，两山旺者，有环抱之势，俱衰者，不能环抱。大抵青龙宜旺宜扶，头角轩昂；虎山宜克宜衰，爪牙埋伏。

朱雀遇刑冲克散，及破墓绝空者，前山杂乱；玄武逢刑冲克散，及破墓绝空者，后脉空虚；若

得世应、龙虎、子孙共成三合者，乃虎踞龙蟠之大地也。第六爻为上爻，若逢空破，水口不固；逢绝者，水涸泉枯。

看河道之水者，非论水口，须看卦中之水爻：休囚被克，涨退不常；逢生化生，源远流长；再遇青龙，源长而秀。螣蛇为路，如逢冲散，小路必多；旺相者，定有官道。勾陈为田坡，旺相则有，衰破则无。

如：丑月 庚申日（旬空：子丑），占地形势，得“泽山咸”

兑宫：泽山咸

螣蛇 父母丁未土 — — 应

勾陈 兄弟丁酉金 —

朱雀 子孙丁亥水 —

青龙 兄弟丙申金 — 世

玄武 妻财丁卯木 官鬼丙午火 — —

白虎 父母丙辰土 — —

青龙持世，日辰临世，来龙由左而至，旺相有气，左右皆无伤克，龙虎环抱，向山未土虽临月破，朱雀亥水为前山，申日生之，必有朝水，或是带水，水有其源；螣蛇为路，上爻为水口，俱临月破，道路参差，水口散乱；两间爻旺相，明堂宽大。彼曰：“果一无错，此地吉否？”余曰：此乃占地穴之形势耳，非关吉凶祸福也。

余笑前贤，以一卦而断父子兄弟、妻财官禄，余岂效颦耶？若问功名，再占一卦，祷于神曰：安葬此地，我名成否？以官禄章中断之。发财否？以求财章内断之。子孙旺否？伤克父母兄弟妻妾否？皆在身命章中，父母兄弟章内断之。

若以占形势之卦，兼断六亲及名利者，即如此卦。兄弟持世，乃贫乏破耗克妻之神，况卯木财爻伏于午火之下，泄气之木又被金伤，若兼断之，乃丧妻死妾、克奴害婢、贫乏艰难无衣而乏食者矣，请试思之，夫既得如此佳地，若使家徒壁立，抱衾孤眠，也可谓之吉地乎？故余得分占之法，实则可以醒世，作千古不易之法也。

或问：前云父不宜旺、不宜父动化父，何也？余曰：占地，以世爻、子孙爻为主，父动克子，如何不忌？

又问：前云化克化鬼，兄弟妻子休逢，何也？余曰：凡占地者，世与子孙爻旺，即可以用之，至于父母、兄弟、妻子、名利，须宜另占一卦，不可兼断；倘若所得之地凶者，不俟另占，即此占地之卦内必先现出：六亲化鬼、鬼化六亲，便是刑伤之地耳，只看六亲动而化克化鬼，不必看旺衰

空破刑冲。神兆机于动，动而化凶，显告我也，我可弃之不看又另占耶？

〔乾按〕本章论看地形势，断法明切，若再通堪舆之学，合而论之，更为明切。此行势卦只看形势吉凶，不可兼断其他。然吉者益，凶者损必为大势。再有地吉凶而论其他，分占可也。野鹤老自诩“分占之法，千古不易”，实不为过。

## 得地于何时章

世为用神，静者逢冲逢值，动者逢值逢合；世空者，冲实之秋；世破者，填实之候；逢合入墓，须待冲开；独静独发，值之而遇；世若休囚须旺相，若逢旺相待休囚。

世为茔地，静者，逢冲、逢值之年月，即如世值子水，静者，应在子午年月；动者，应在丑年月，亦有应子年月。余仿此。

空者，冲空、实空之年；世破者，实破之年；世逢三合、六合，或世爻化合，或墓于日辰，或化墓，皆应冲开之日。卦中一爻独发，一爻独静，亦应逢值之年。动逢合、静逢冲，即如卦中子爻独动，应在子丑年，如子爻独静，应在子午年。余仿此。

又如：辰月 乙卯日（旬空：子丑），占何时得地，得“复之屯”

	坤宫：地雷复(六合)	坎宫：水雷屯
玄武	子孙癸酉金 — —	妻财戊子水 — —
白虎	妻财癸亥水 — — X →	兄弟戊戌土 — 应
螣蛇	兄弟癸丑土 — — 应	子孙戊申金 — —
勾陈	兄弟庚辰土 — —	兄弟庚辰土 — —
朱雀 父母乙巳火	官鬼庚寅木 — —	官鬼庚寅木 — — 世
青龙	妻财庚子水 — 世	妻财庚子水 —

亥水财爻独发，扶拱世爻，被戌土回头克制，今为月破，九月实破，戌土更旺，交冬水旺而得矣。彼问：得在何方？余曰：占此应此，占彼应彼，如问何方，须当另卜。

〔乾按〕此章之法甚明，取准用神，按五行而断即是。然无卦例可验，还望后学验而证之。

## 得地于何方章

**野鹤曰**：卜得地于何时，还以世爻为用；卜得地于何方，当以父爻为用也；已葬之后，皆以父爻为用可耳。父值亥子，北方自有吉穴；父临巳午，东南必获牛眠。父值土爻，得地于辰戌丑未之方；父爻临木，东北寅卯堪寻；父临申酉，地在西南可问。间有验于墓方者，即如父爻属木，得地

于未方；父爻属金，得地于丑方是也。余仿此。

## 占地师章

应为用神，旺相生合世爻，愚亦可用；休囚冲克世位，贤亦不宜；世应俱空莫访，应临空破非奇。应爻旺相，与世爻相生相合，或与世爻作三合，不论应临财鬼兄父，人毁其无术，我喜之有缘；休囚冲克世爻者，纵使应临官父，他有博学，我被他愚；世应皆空，彼此无缘；应逢空破，无才无德。

〔乾按〕占地师仍以看世应为主，生合吉，旺相生合更吉。不宜空破，不宜冲克。此法亦紧要，不然，即有美地未有良师识之，虽有如无。

## 点穴章

世在初二爻，穴宜下；在五六爻，穴在于上；三四爻，穴宜中。水持世爻，穴近于水，或是坑窝之地；世临土者，即于高堆点穴；世临于寅木，丛草盛木之方；申酉持世，石块石堆；火乃枯焦、红泥、焦土，及草木枯瘁之处。

如：未月 乙巳日（旬空：寅卯），占点穴，得“大壮”卦

坤宫：雷天大壮（六冲）

玄武	兄弟庚戌土	— —
白虎	子孙庚申金	— —
螣蛇	父母庚午火	—— 世
勾陈	兄弟甲辰土	——
朱雀	官鬼甲寅木	——
青龙	妻财甲子水	—— 应

此地经过法眼者，皆言其吉。久占此地，亦许其吉。因屡掘逢石，无处导穴，央余到坟下，得此卦。余曰：“世在四爻，穴在中段。”因午火持世，即往中段观看，见有一处草木枯焦，有几朵红色野花，别处皆无。余曰：“即此穴也，掘之必逢土穴。”东家尚疑。余曰：“我有一法，将钱一文点记红珠，乱入数百钱内，公可设下香案，祷告于天，得红珠钱者，即其穴也。”令人遍地洒之，果得珠钱于红花之下。掘之，周围仅有丈余皆泥土也，余皆石块。此公次年开府，两公郎五年之内俱登甲榜。

〔乾按〕此法甚明而易断，所举验例亦神妙。然穴在午火中段，朱钱可试，若非如此时，试何

法也？还须后学研习验证，再得他法可也。

## 谋地偷葬章

**觉子曰**：谋地偷葬，乃损人利己之事。以此丧心之为，而问于神，卦若有灵，是神教人而作丧心之事也。殊不知先有心地，而后得遇阴地。昔有人恃财倚势，期陷贫人，谋夺其地以葬亲，后遇识者曰：“此地不发，必无地理；此地若发，必无天理。”既有天理循环之报，能久远昌盛者，未之有也。

[乾按] 觉子之言甚善。如此伤天害理之事，不占甚好；占必言：“先有心地而后得遇阴地”可也！

## 祖莹旧冢章

祖莹之墓，或葬多年，或葬尚未久，如来卜者，必有其因，须宜问明，方可决断。有因连年贫苦，疑坟莹之不利者；有因屡科不发，或有子入场，卜此风水可能发科甲否者？（此为己者，宜自占，为子孙者，命子孙亲占。）有因仕途淹蹇，连岁不升，疑风水有碍者；有因子孙不存，疑其风水相关者；有因六亲中，父母、兄弟、妻儿，或自身多生疾病，疑因风水所致者；有因连年官非火盗，疑风水而然者；有因风水被伤，卜其何法而修补者；有因闲问祖莹有地脉否者；有问祖莹有伤损否者；皆以父母为用神。

**卦遇六冲，全无地脉；卦变化绝，势若倒悬。**爻遇伏吟，欲迁不遂；反吟卦现，不迁亦迁。卦变六冲龙已去，子孙有凌替之危；冲中变合运将来，后代有兴隆之象。

正卦六冲，变卦六冲，全无脉气；卦变化克，如倒悬之势，危之急矣，立见凶灾。伏吟卦，地脉全无，虽有迁意而不能迁；卦得反吟，心不欲迁而终迁矣。卦变六冲，有龙已去，子孙从此衰颓；六冲变合，先无地脉，目今地运将兴，后代从此发矣。

**父爻旺相，祖墓安然；墓绝休囚，后裔零落。**已葬之地，父母为用神，宜旺相，或日月动爻生扶，或动而化生、化日月、化比助、化进神，乃吉地也，儿孙兴发之象，亡者安，而生者乐。旺而又遇帝旺、长生者，来龙久远，世代兴隆。不宜墓绝破空，及动而破散、化破散、化退神、化绝墓、化回头克、化旬空，乃凶象也，亡者不安，生者寥落。

**世爻变鬼，占者不祥；鬼化六亲，各属不吉。**世爻变鬼，及随墓助伤，所占之人不吉；兄弟、妻子动而化鬼，鬼化兄弟、父母、妻子者，按其所犯而断之。又有子命化鬼，鼠命者殃，午命变鬼，马命不利。余仿此。**野鹤曰**：古以父爻不宜旺相，父旺父动，子孙不安。余以为非，占旧冢，以父

为用神，父母旺相，及动而化吉，祖父安然。又妄谓伤克子孙者，是宜旺耶？不宜旺耶？惟子孙动而化鬼，及父动化子孙者，乃不利于儿孙也。

〔乾按〕占祖莹旧坟，全以父母为用神。宜旺相，宜生合，反之不吉。切忌世爻变鬼，鬼化六亲，与所属不祥。切记此类占断只看父母，若以父母旺即克子孙论则大谬也。

## 因何事所伤章

**野鹤曰**：须宜另占，不可以前卦兼断。专看冲克父母之爻为忌神，如得六爻安静，父母有气，久后自安，不必修补。

克神临火，或临朱雀，祸必起于窖灶。倘临土动，或兼玄武，定因偷葬相伤；金虎因受其惊，木龙有蟠根之害，克神而带螣蛇，蛇蚁为巢；土鬼勾陈，挖掘动土；玄武临水，水浸衾棺。克神临火，恐近处作灶开窖，或因火烛之事。土克父母兼玄武者，必有偷葬；临勾陈螣蛇者，筑墙盖屋，以致相伤。金虎地震山摇，木虎砍伐树木；木逢龙动，穴下有竹木根伤；火与蛇兴，冢内有蛇蚁为害；玄武水爻克父母，穴中黑水相侵。

父母被冲，地风水浸；金克父母，石块山岗；水冲克者，低洼泉涌；木爻克父，树木相伤；火克者，穴藏蛇蚁；土动者，盖造墙垣。父母爻被日月动爻冲克，及卦动化冲，如在艮坤之宫，坤得亥卯未合成木局克父，必有地风冲歪棺椁；如在离宫，卦得申子辰水局克父者，穴中水涌，水泛棺歪；如在震巽之宫，金局冲克者，山岗石块；如在乾兑之宫，逢火局冲克父者，定因窖火雷惊。爻中水动，地洼水浸；卦得木动，竹木根藤；火主虫蛇，土因土动。果有犯者，速宜修补。

**爻无乱动，须观五行之有无；卦如安逸，又看地支之缺陷。**六爻安静，并无冲克父母之爻者，又看五行之所少也。卦中无土，须筑墙垣；卦无金星，石碑可立；火星缺现，可立烟灶，或安看守坟之宅舍；水爻不现，可凿池塘及开河道；木爻不现，多栽树木。此言五行之所少者，非独不上卦也，即现于爻，而空破墓绝无气者，亦如无也。

如：未月 己巳日（旬空：戌亥），占祖冢如何不发科甲？得“萃之明夷”

	兑宫：泽地萃		坎宫：地火明夷（游魂）
勾陈	父母丁未土 — —		兄弟癸酉金 — —
朱雀	兄弟丁酉金 — 应○→		子孙癸亥水 — —
青龙	子孙丁亥水 — — ○→		父母癸丑土 — — 世
玄武	妻财乙卯木 — — X→		子孙己亥水 — —
白虎	官鬼乙巳火 — — 世		父母己丑土 — —

騰蛇 父母乙未土 — — X→ 妻財己卯木 — 应

余曰：树根已损棺矣。彼问治法。余曰：于坟侧挖小坑探之，果有，则于远处挖一大坑，令人入之，再横挖一坑至坟傍，以利铲轻轻去之，仍命道安坟则吉，下科太岁在午，拱起世爻巳火之官，管许高发。

## 修补秘法章

因窑灶而伤者，命道祭火神，设火醮以安之。偷葬及动土相伤者，命道设醮以安土神。因受惊而伤者，命道设醮以安坟。或因有竹木蟠根及石块相伤者，须于坟旁挖坑三尺以探之，轻轻去其竹木石块，作命道安坟则吉。因蛇蚁为巢者，多栽苦楝树，其蛇蚁自散；勿信人以焚之其巢穴，伤损性命。余曾亲见两家见蛇为巢，用火焚之，后子孙衰败不堪。倘若穴中因水淹没者，若有消水之处，设法以消之，如地洼终无消水之法，不得不择地而迁也。或因地风吹歪棺木者，前后挖坑二三尺，以探之，后歪者，移归于正向，命道安坟则吉。

## 再占修补吉凶章

**子孙持世，子孙动摇，修之则吉。**既问修补之吉凶，则以世爻为用也，子孙持世、子孙发动，修之必获清安。

**官鬼克世父爻空，迁则获福。**鬼克世，我必有害；父爻空破墓绝，再被日月动爻伤克者，乃因所伤者重，修补无益，当速迁之。

**觉子曰**：古以迁茔之说，谓父母之墓受伤，鬼孙一体之感，致生灾祸，理之有也，迁茔改葬，不得行；观世人富者不贵，改祖墓以求荣；有子不富，迁父冢以求富；将父母之遗体为市井之贷利，不意天理难容，身之未荣，家产荡尽；财之未发，绝减儿孙。余之见者不可胜数，附此戒之。

## 新亡附葬祖墓章

六冲变冲，卦变绝克，父母受伤；内外反吟，须宜他葬；世爻受克，随墓助伤，世动化克化鬼，附葬不宜。父母、兄弟、妻儿，动而化鬼化克，俱有刑伤伤害，惟喜世及六亲不逢变克，卦静六合，必得存亡之安。

如：子月 丙申日（旬空：辰巳），占以父柩附葬祖茔，得“复之坤”

坤宫：地雷复（六合）

坤宫：坤为地（六冲）

青龙

子孙癸酉金 — —

子孙癸酉金 — — 世

玄武	妻财癸亥水 — —	妻财癸亥水 — —
白虎	兄弟癸丑土 — — 应	兄弟癸丑土 — —
螣蛇	兄弟庚辰土 — —	官鬼乙卯木 — — 应
勾陈	父母乙巳火 官鬼庚寅木 — —	父母乙巳火 — —
朱雀	妻财庚子水 — 世○→	兄弟乙未土 — —

世爻被克，不宜附葬之。后仍附葬。数月后疾病不断，曰：“腰疼欲死，欲迁其坟。”余曰：“坟不必迁，卦中世爻被克，幸而旺相，土来克水，命道安土神则吉。”果于安坟而愈。余曰：“目下虽不迁改，终有迁改。”彼曰：“何也？”余曰：“卦化六冲，不久之象。”果于子年死母，起此冢于他处合葬焉。

**李我平曰**：《海底眼》云：一世二世出王侯，世在五六爻出孤独，市井语耳，何事刊于大道之书？《易冒》曰：子孙旺而官文得地者，主贵；子孙旺临财者，主富；子孙旺临帝旺者，多男旺；遇白虎羊刃者，主武夫；子孙衰破者，必出残疾；子孙临空，必出僧道。疑此为代代单传者而设也，倘子孙十有余人，有富有贵，有文有武，有天有寿，有多男，有乏嗣，有残疾者，予以为六爻全是子孙，亦难分别，揣摩之论，何足为法。夫周易讲理，因理远数，因数穷理，理数相推，能事毕矣，何事纷纷聚讼为？

## 《卜筮正宗》

清·王洪绪

作者简介.....	298
原序 .....	298
卜筮正宗凡例 .....	299
卜筮格言.....	300
启蒙节要.....	300
一、六十甲子纳音歌.....	300
二、十天干所属 .....	300
三、十二地支所属 .....	301
四、五行相生相克 .....	301
五、六亲相生相克 .....	301
六、天干地支八卦方位之图 .....	301
七、天干相合 .....	301
八、地支相合相冲 .....	302
九、五行次序 .....	302
十、八卦次序 .....	302
十一、八卦象例 .....	302
十二、八宫所属 .....	302
十三、以钱代蓍法 .....	302
十四、六十四卦名 .....	302
十五、纳甲装卦歌（从下装起） .....	303
十六、安世应诀 .....	303
十七、六兽歌 .....	303
十八、六兽起例 .....	303
十九、安月卦身诀 .....	304
二十、三合会局歌 .....	304
二十一、长生掌诀 .....	304
二十二、禄马羊刃歌.....	304

二十三、贵人歌诀 .....	304
二十四、三刑六害歌.....	305
二十五、八宫诸物 .....	305
二十六、八宫诸身 .....	305
二十七、定间爻歌 .....	305
二十八、年上起月法.....	305
二十九、日上起时法.....	305
三十、定寅时法 .....	305
三十一、通玄赋 .....	305
三十二、碎金赋 .....	306
三十三、诸爻持世诀.....	306
三十四、世应生克空亡动静诀 .....	307
三十五、卦身喜忌诀.....	307
三十六、飞伏生克吉凶歌.....	307
三十七、断易勿泥神煞.....	307
三十八、六爻安静诀.....	307
三十九、六爻乱动诀.....	307
四十、忌神歌 .....	307
四十一、原神歌 .....	307
四十二、用神不上卦诀.....	308
四十三、用神空亡诀.....	308
四十四、用神发动诀.....	308
四十五、日辰诀 .....	308
四十六、六亲发动诀.....	308
四十七、六亲变化歌.....	308
四十八、六兽歌断 .....	309
四十九、日月建传符.....	309
五十、八卦相配 .....	309
五十一、六甲旬空起例.....	309

五十二、月破定例 .....	309
<b>卦爻呈象并飞伏神卦身定例.....</b>	<b>310</b>
<b>十八论 .....</b>	<b>332</b>
一、用神分类定例 .....	332
二、世应论用神 .....	332
三、用神问答 .....	333
四、原忌仇神论 .....	333
五、飞神正论 .....	334
六、伏神正传 .....	334
七、六兽评论 .....	334
八、四生逐位论 .....	334
九、月破论 .....	335
十、旬空论 .....	335
十一、反吟卦定例 .....	335
十二、伏吟卦定例 .....	335
十三、旺相休囚论 .....	336
十四、合中带克论 .....	336
十五、合处逢冲、冲中逢合论 .....	336
十六、绝处逢生、克处逢生论 .....	336
十七、变出进退神论.....	337
十八、卦有验不验论.....	337
<b>辟诸书之谬.....</b>	<b>337</b>
一、辟《增删卜易》之谬.....	337
二、辟《易林补遗》伏神之谬 .....	338
三、辟《易林补遗》胎养衰病之谬.....	338
四、辟《卜筮全书》世身之谬 .....	338
五、辩天医星之谬 .....	339
六、辟妄论本命之谬.....	339
七、辩《卜筮全书》神煞之谬 .....	339

八、辩贵人禄马之谬.....	339
九、辩《易林补遗》应为他人之谬.....	340
十、辟《易林补遗》月破旬空之谬.....	340
十一、辩互卦.....	340
十二、辟《易林补遗》终身大小限之谬.....	341
十三、辟《易林补遗》家宅之谬.....	342
十四、辟《易林补遗》婚姻嫁娶之谬.....	343
十五、辩六爻诸占之谬.....	344
<b>黄金策.....</b>	<b>344</b>
一、《黄金策》总断《千金赋》直解.....	344
二、天时.....	357
三、年时.....	362
四、国朝.....	365
五、征战.....	368
六、避乱.....	371
七、身命.....	375
八、求师.....	384
九、求名.....	386
十、仕宦.....	389
十一、婚姻.....	392
十二、孕育（附老娘乳母）.....	397
十三、进人口.....	402
十四、新增痘疹.....	405
十五、病症.....	409
十六、病体.....	412
十七、医药.....	415
十八、种作.....	419
十九、蚕桑.....	422
二十、六畜.....	424

二十一、商贾 .....	427
二十二、学馆 .....	432
二十三、娼家 .....	435
二十四、词讼 .....	437
二十五、逃亡 .....	440
二十六、失脱（附盗贼、捕盗、捉贼） .....	443
二十七、家宅 .....	447
二十八、新增家宅搜精分别六爻断法（附船家宅章） .....	455
二十九、坟墓 .....	459
三十、鬼神 .....	465
三十一、出行 .....	468
三十二、行人 .....	471
三十三、舟船 .....	474
<b>赋文三篇 .....</b>	<b>475</b>
一、何知章 .....	475
二、妖孽赋 .....	476
三、搜鬼论 .....	476
<b>十八问答附占验 .....</b>	<b>477</b>
第一问 三传克用 .....	477
第二问 回头之克 .....	479
第三问 生用神者 .....	483
第四问 三合成局 .....	485
第五问 反吟之凶 .....	489
第六问 伏吟之凶 .....	491
第七问 爻遇旬空 .....	493
第八问 月破之爻 .....	498
第九问 用神不现 .....	501
第十问 进神喜忌 .....	503
第十一问 冲中逢合、合处逢冲 .....	505

第十二问	四生墓绝吉凶 .....	509
第十三问	六冲六合 .....	514
第十四问	三刑六害 .....	518
第十五问	独静独发 .....	519
第十六问	尽静尽发 .....	522
第十七问	用神多现 .....	524
第十八问	诚明不验 .....	526

## 作者简介

王维德(1669—1749)，字洪绪，又字林洪、澹然，别号林屋山人，又号洞庭山人、定定子，江苏吴县洞庭西山人，中医外科全生派创始人，是世代外科医家。其曾祖若谷，留心疡科，治痈疽反对凭经分治，主张论阴阳，辨虚实，以效方笔之于书，传为家宝。维德综其遗法，又兼通内、妇、儿科之病理，施治数十年，济人多多，誉重医林。寿至八十一岁。王氏著有《外科证治全生集》五卷，世称全生派。王洪绪喜欢地方历史文化，尤其是对地方志有研究，于康熙五十二年(1713)编撰成《林屋民风》12卷，详细记载了洞庭西山的地理、历史、名胜、古迹、人物、物产、风俗，成为后人研究西山以及太湖历史的重要文献。

“维德兼通阴阳家言，著《永宁通书》、《卜筮正宗》。”《清史稿·列传》对王洪绪在筮法上的成就介绍仅寥寥数语，而《卜筮正宗》却是一本在筮学发展上具有重要影响的的占卜书，是六爻预测学的集大成之作。书中系统地总结、发展、完善了六爻占卜法，驳斥了泥于神煞、古法、定例的谬误，强调六爻占卜术应该以“阴阳、动静、生克制化之理而圆神活变”，从而使六爻占卜法在千余年过程中的种种迷误，一一澄清，使得理论更加精深，更加完备。起到了正本清源、继往开来的作用。再加上阐述和实例的结合，点睛式的解说，使得此书犹为珍贵，在存世的同类著作中脱颖而出，首屈一指。

王洪绪在《卜筮正宗》内的“辟《易林补遗》终身大小限之谬”一篇中，对自占的终身成败卦进行了印证。据篇载占卦之年为戊辰年推知，此卦为康熙二十七年(1688年)王洪绪20岁时所占。从其篇中所自述的内容来看，似乎可以对其生平事迹补充如下：

王洪绪幼年、青年时期家境富裕，祖业丰隆。年青时抱负远大，也曾妄想功名富贵。谁知婚后家道渐衰，于康熙三十年(1691年)23岁时丧父得子，26岁时又得一子，是年家业已渐废，王洪绪不得已卖卜为生。29岁时又得一子，次年即夭，31岁时王洪绪出门远行谋生，次年其妻在家又生一子。此时王洪绪已远游在外，直至34岁时归家，其妻却已故去。归家两年后，王洪绪的生活方才始渐安稳。此后王洪绪垂帘卖卜，著书立说，于康熙四十八年(1709年)王洪绪41岁时，著完《卜筮正宗》一书，并版刻成册。

## 原序

自古卜筮之说，莫神于《左氏春秋》。紫阳朱子谓：三代如太卜、太筮，职有专官，故其业精而其验神；后世既废其官，而占验之书亦不传，故鲜有神而明之者。然近代如《黄金策》诸篇，始有以穷夫阴阳之阖奥、造化之机缄，但其间诠释未谛，宗之占验者未能无讹，以至有传书而古人之

精意不必与之尽传，苟有多学深思神明其故者，不难自为其书，以与之发微阐幽也。林屋王山人垂帘于吴郡治之东偏，与余居密迩，有疑则往叩焉，素验不爽，如烛照数计，远近咸颂之为神。而山人辞其名不受曰：数有所受也，新安杨广含先生吾师之，所受占验一册，为坊刻群书所未及，比年以来增益删杂，编成卷帙，付之梨枣。余序之曰：夫圣贤之理不言数，而大易实为卜筮之书；所谓吉凶悔吝可以前知者，以数测而实以理断也。今山人之书具在，其精搜妙验固为数之独神，而苟非贯彻于阴阳变化五行生克之理，亦何以为数学哉！故是为言数之书，而实为言理之书也。由是而极深研几，虽古卜筮之神而明之者，亦何以加焉。时

光绪乙巳岁仲夏中浣英蓉主人书

## 卜筮正宗凡例

一、卜筮一道，导愚解惑，教人趋吉避凶。六爻既立，变化斯呈，莫不有至当不易之理。世人胸无成见，不能推究精微，只以惑世诬民，深可哀也。是书一宗正理，不敢妄执臆说，贻误后学，因名之曰“正宗”。

二、自鬼谷以来，以钱代蓍而易之道一变。其所重者用神、原神、忌神、仇神、飞神、伏神、进退神、反吟、伏吟及旬空、月破等类，皆为卦内之纲领，不容草草忽过。余故定为《一十八论》，升堂入室无出范围，读者幸细参之。

三、古书论飞伏神，有“乾坤来往换”之语，《易林补遗》更有爻之有伏有飞之说，讹以承讹，习而不察。余于是书逐书逐卦分别为飞伏定例，庶学者一目了然，疑团自释矣！

四、卜筮之书如《天玄赋》、《易林补遗》、《易隐》、《易冒》、《增删卜易》诸刻，虽各有搜精标异然其间非执偏见，即自相矛盾，读者不无遗憾。唯《黄金策》为刘诚意所著，洵足阐先天之秘旨，作后学之津梁，而《千金赋总论》一篇，尤包蕴宏深。惜姚际隆之注纰缪甚多，反失庐山面目。余于此颇费苦心，细加订正，知我罪我，亦听之而已。

五、余幼研易理，历有年所，后遇新安杨广含先生，因得以志其所学。是书十三、十四卷有《十八问答》，皆吾师所授及余所占验。学者熟此，始知《启蒙节要》之法与《十八论》及《辟诸书之谬》一理融贯，天地间秘密深藏，尽泄于是矣！

六、余垂帘市肆，应酬纷如，拟异日返故山，结庐林屋，尽谢人事，聿著成书，藏之石室，不欲向外人道也。奈从游日至，相与讲论之余，手定是编，蠡测管窥之讥或所不免四方。高明君倘不弃而教之，余则幸甚！

## 卜筮格言

夫卜筮之道，通于神明，所以断吉凶，决忧疑。辨阴阳于爻象，察变化之玄机，此其意为至精，而其事为至大。圣经曰：“至诚之道，可以前知”，故问卜者不诚不格，占卦者妄断不灵，此二语实定论也。每见世之人遇事辄卜，而诚之一字昧焉罔觉，或饮酒茹荤，或邪淫不洁，迨至临时祷告，遂欲感格神明，不亦惑乎？更有富贵之人，视卜为轻，或托亲朋，或委奴仆，不亲至其困扰，故卜而不应，占验无灵，遂委罪于卜筮之家，而不自知诚有未至，此问卜者之过也。至于卜筮者流心存好利，借卜为囿，即如疾病一节，为问卜莫大之事，乃有丧心之辈勾通僧尼道观，讲定年规节礼，三七二八常例，妄断求利，看卜者之贫富为判断之多寡，妄断某寺某观礼忏几部，某庵某庙诵经几日，卜者心慌意乱，无不依从。在富者费用犹易，其贫者至于典衣揭债，弃产卖物，一时有手足无措之苦，以冀其病之痊可。究竟礼忏未完而病者已死，诵经甫定而病者告殂，则何益哉？此串通僧道之害也。更有初学医生，脉理未谙，囑令引荐，令卜医者指明住处姓名祷告，因而荐举不知。卜者所得不过年规节礼之微，而病者顿遭庸医杀人之害，此串通医生之祸也。二者郡城恶套，处处皆然。予垂帘街前，遂有若辈来相蛊惑，予誓绝之，一一照卦细断，无不响应。此非课学之精，实无妄断之失也。今幸学稍有得，偶辑《卜筮正宗》一书请教高明，而犹恐问卜者有不诚不格之误，占验者有误断不灵之害也，故首识之。

## 启蒙节要

### 一、六十甲子纳音歌

甲子乙丑海中金，丙寅丁卯炉中火，戊辰己巳大林木，庚午辛未路旁土，  
壬申癸酉剑锋金，甲戌乙亥山头火，丙子丁丑涧下水，戊寅己卯城头土，  
庚辰辛巳白腊金，壬午癸未杨柳木，甲申乙酉井泉水，丙戌丁亥屋上土，  
戊子己丑霹雳火，庚寅辛卯松柏木，壬辰癸巳长流水，甲午乙未沙中金，  
丙申丁酉山下火，戊戌己亥平地木，庚子辛丑壁上土，壬寅癸卯金箔金，  
甲辰乙巳佛灯火，丙午丁未天河水，戊申己酉大驿土，庚戌辛亥钗钏金，  
壬子癸丑桑柘木，甲寅乙卯大溪水，丙辰丁巳沙中土，戊午己未天上火，  
庚申辛酉石榴木，壬戌癸亥大海水。

### 二、十天干所属

甲乙东方木，丙丁南方火，戊己中央土，庚辛西方金，壬癸北方水。

### 三、十二地支所属

子水鼠；丑土牛；寅木虎；卯木兔；辰土龙；巳火蛇；午火马；未土羊；申金猴；酉金鸡；戌土狗；亥水猪。

### 四、五行相生相克


金生水，水生木，木生火，火生土，土生金。

金克木，木克土，土克水，水克火，火克金。

### 五、六亲相生相克

生我者为父母，我生者为子孙，克我者为官鬼，我克者为妻财，比合者为兄弟。

### 六、天干地支八卦方位之图



### 七、天干相合

甲与己合，乙与庚合，丙与辛合，丁与壬合，戊与癸合。

## 八、地支相合相冲

子与丑合，寅与亥合，卯与戌合，辰与酉合，巳与申合，午与未合。

子午相冲，丑未相冲，寅申相冲，卯酉相冲，辰戌相冲，巳亥相冲。

## 九、五行次序

水一、火二、木三、金四、土五。

## 十、八卦次序

乾一、兑二、离三、震四、巽五、坎六、艮七、坤八。

## 十一、八卦象例

乾三连，坤六断，震仰盂，艮覆碗，

离中虚，坎中满，兑上缺，巽下断。

## 十二、八宫所属

乾属金，坎属水，艮属土，震属木，巽属木，坤属土，兑属金。

## 十三、以钱代蓍法

以钱三文熏于炉上，致敬而祝曰：“天何言哉，叩之即应；神之灵矣，感而遂通。今有某姓有  
事关心，不知休咎，罔释厥疑，唯神唯灵，若可若否，望垂昭报。”祝毕掷钱；一背为单画“、”，  
二背为拆画“、、”，三背为重画“O”，三字为交画“X”，自下装上。三掷内卦成。再祝曰：“某  
宫三象，吉凶未判，再求外卦三爻，以成一卦，以决犹疑。”祝毕复如前法再掷，合成一卦而断吉  
凶，至敬至诚无不感应。诀曰：两背由来拆，双眉本是单，浑眉交定位，总背是重安；单单单曰乾，  
拆拆拆曰坤，单拆单曰离，拆单拆曰坎，余卦仿此。三背为重，三字为交，交重之爻谓之发动。重  
作单属阳，交作拆属阴。凡动爻有变，重变拆，拆变单。余爻仿此。

## 十四、六十四卦名

乾为天，天风姤，天山遯，天地否，风地观，山地剥，火地晋，火天大有（乾宫八卦皆属金）。  
坎为水，水泽节，水雷屯，水火既济，泽火革，雷火丰，地火明夷，地水师。（坎宫八卦皆属水）。

艮为山，山火贲，山天大畜，山泽损，火泽睽，天泽履，风泽中孚，风山渐（艮宫八卦皆属土）。  
震为雷，雷地豫，雷水解，雷风恒，地风升，水风井，泽风大过，泽雷随（震宫八卦皆属木）。  
巽为风，风天小畜，风火家人，风雷益，天雷无妄，火雷噬嗑，山雷颐，山风蛊（巽宫八卦皆属木）。

离为火，火山旅，火风鼎，水火未济，山水蒙，风水涣，天水讼，天火同人（离宫八卦皆属火）。  
坤为地，地雷复，地泽临，地天泰，雷天大壮，泽天夬，水天需，水地比（坤宫八卦皆属土）。  
兑为泽，泽水困，泽地萃，泽山咸，水山蹇，地山谦，雷山小过，雷泽归妹（兑宫八卦皆属金）。

## 十五、纳甲装卦歌（从下装起）

乾金甲子外壬午；子寅辰午申戌。  
坎水戊寅外戊申；寅辰午申戌子。  
艮土丙辰外丙戌；辰午申戌子寅。  
震木庚子外庚午；子寅辰午申戌。  
巽木辛丑外辛未；丑亥酉未巳卯。  
离火己卯外己酉；卯丑亥酉未巳。  
坤土乙未外癸丑；未巳卯丑亥酉。  
兑金丁巳外丁亥；巳卯丑亥酉未。

## 十六、安世应诀

八卦之首世六当，以下初爻轮上应，游魂八宫四爻立，归魂八卦三爻详。

## 十七、六兽歌

甲乙起青龙，丙丁起朱雀，戊日起勾陈，己日起螣蛇，庚辛起白虎，壬癸起玄武（从下装起）。

## 十八、六兽起例

今以甲乙丙丁日附载为式，余仿此：

	甲乙日例	丙丁日例
六爻	玄武	青龙
五爻	白虎	玄武
四爻	螣蛇	白虎
三爻	勾陈	螣蛇
二爻	朱雀	勾陈
初爻	青龙	朱雀

## 十九、安月卦身诀

阴世则从午月起，阳世还从子月生，欲得识其卦中意，从初数至世方真。

卦身之爻为所占事之主，若无卦身则事无头绪，倘卦身有伤，其事难成矣。

## 二十、三合会局歌

申子辰会成水局，巳酉丑会成金局，寅午戌会成火局，亥卯未会成木局。

## 二十一、长生掌诀

长生；沐浴；冠带；临官；衰；病；死；墓；绝；胎；养。

假如火长生在寅，从寅上起顺行，卯上沐浴，辰上冠带，依次顺行；木长生在亥，从亥上起。余可类推。

## 二十二、禄马羊刃歌

甲禄在寅，卯为羊刃；乙禄在卯，辰为羊刃；丙戊禄在巳，午为羊刃；丁己禄居午，未为羊刃；庚禄居申，酉为羊刃；辛禄到酉，戌为羊刃；壬禄在亥，子为羊刃；癸禄在子，丑为羊刃。

申子辰马居寅，巳酉丑马在亥，寅午戌马居申，亥卯未马在巳。

右禄马羊刃从日辰上起，凡卜家宅终身者，从本人本命上起亦是。

## 二十三、贵人歌诀

甲戌兼牛羊，乙巳鼠猴乡，丙丁猪鸡位，壬癸兔蛇藏，庚辛逢马虎，此是贵人方。

如甲戌日卜卦，见丑未爻即是日贵人；又如甲戌生人，见之为命贵人。

## 二十四、三刑六害歌

寅刑巳，巳刑申，丑戌相刑未并臻，子刑卯，卯刑子，辰午酉亥自相刑。

六害：子未不堪亲，丑害午兮寅巳真，卯害辰兮申害亥，酉戌相穿转见深。

## 二十五、八宫诸物

乾为马，坤为牛，震为龙，巽为鸡，坎为豕，离为雉，艮为狗，兑为羊。

## 二十六、八宫诸身

乾为首，坤为腹，震为足，巽为股，坎为耳，离为目，艮为手，兑为口。

## 二十七、定间爻歌

世应当中两间爻，忌神发动莫相交，元辰与用当中动，生世扶身事事高。

## 二十八、年上起月法

甲己之年丙作首，乙庚之岁戊为头，丙辛之位从庚上，丁壬壬位顺行流，戊癸之年何方法，甲寅之上的好追求。

## 二十九、日上起时法

甲己还加甲，乙庚丙作初，丙辛从戊起，丁壬庚子居，戊癸何方法，壬子是顺行。

## 三十、定寅时法

正九五更二点初，二八五更四点歇，三七平光是寅时，四六日初寅无别，五月日高三丈地，十月十二四更二，仲冬才到四更初，便是寅时君须记。

## 三十一、通玄赋

易爻不妄成，神爻岂乱成？体象或既成，无者形忧色。始须论用神，次必看原神，三合会用吉，禄马最为良。爻动始为定，次者论空亡，六冲主冲并，刑克俱主伤，世应俱发动，必然有改张，龙动家有喜，虎动主有丧，勾陈朱雀动，田土与文章。财动忧尊长，父动损儿郎，子动男人滞，兄动

女人殃。出行宜世动，归魂不出疆；用动值三合，行人立回庄。占宅财龙旺，豪富冠一乡；父母爻兴旺，为官至侯王。福神若持世，官讼定无妨；勾陈克玄武，捕贼不须忙。父病嫌财杀，财兴母不长。无鬼病难疗，鬼旺主发狂，请看考鬼历，祷谢得安康。占婚兼克用，占产看阴阳。若要问风水，三四世吉昌。长生墓绝诀，卦卦要审详。万千言不尽，略举其大纲，分别各有类，无物不包藏。

## 三十二、碎金赋

子动生财不宜父摆，兄动克财子动能解；财动生鬼切忌兄摇，子动克鬼财动能消；父动生兄忌财相克，鬼动克兄父动能泄；鬼动生父忌子交重，财动克父鬼动能中；兄动生子忌鬼摇扬，父动克子兄动无妨；子兴克鬼父动无妨，若然兄动鬼必遭伤；财动克父兄动无忧，若然子动父命难留；父动克子财动无事，若是鬼兴其子必死；鬼兴克兄子动可救，财若交重兄弟不久；兄兴克财鬼兴无碍，若是父兴财遭克害。

本文皆言生克制化之理，以明凶中藏吉，吉内藏凶耳。如金动本生水也，使火动则制金，而金不能生水矣。如火动可克金也，得水动则制火，而火不能伤金矣。如金逢火动则受克也，得土动则火贪生于土，忘克于金，名为贪生忘克，金反吉也。如火动克金而土爻安静，更逢木动助火克金，必凶也。学者宜按五行生克制化推之，吉凶了然矣。

## 三十三、诸爻持世诀

世爻旺相最为强，作事亨通大吉昌，谋望诸般皆遂意，用神生合妙难量，旬空月破逢非吉，克害刑冲遇不良。

父母持世主身劳，求嗣妾众也难招，官动财旺宜赴试，财摇谋利莫心焦，占身财动无贤妇，又恐区区寿不高。

子孙持世事无忧，求名切忌坐当头，避乱许安失可得，官讼从今了便休，有生无克诸般吉，有克无生反见愁。

鬼爻持世事难安，占身不病也遭官，财物时时忧失脱，功名最喜世当权，入墓愁疑无散日，逢冲转祸变成欢。

财爻持世益财荣，兄若交重不可逢，更遇子孙明暗动，利身克父丧文风，求官问讼宜财托，动变兄官万事凶。

兄弟持世莫求财，官兴须虑祸将来，朱雀并临防口舌，如摇必定损妻财，父母相生身有寿，化官化鬼有奇灾。

### 三十四、世应生克空亡动静诀

世应相生则吉，世应相克则凶，世应比合事却中，作事谋为可用。应动他人反变，应空他意难同，世空世动我心慵，只恐自家懒动。

### 三十五、卦身喜忌诀

身临福德不见官，所忧必竟变成欢，目前凶事终须吉，紧急还来渐渐宽。  
身临原用与青龙，定期喜事入门中，若逢驿马身爻动，出路求谋事事通。  
身爻切忌入空亡，作事难成且守常，刑伤破绝皆为忌，劝君安分守家邦。

### 三十六、飞伏生克吉凶歌

伏克飞神为出暴，飞来克伏反伤身，伏去生飞名泄气，飞来生伏得长生。爻逢伏克飞无事，用见飞伤伏不宁，飞伏不和为无助，伏藏出现审来因。

### 三十七、断易勿泥神煞

易卦阴阳在变通，五行生克妙无穷，时人须辨阴阳理，神煞休将定吉凶。

### 三十八、六爻安静诀

卦遇六爻安静，当看用与日辰，日辰克用及相刑，作事宜当谨慎。更在世应推究，忌神切莫加临，世应临用及原神，作事断然昌盛。

### 三十九、六爻乱动诀

六爻乱动事难明，须向宫中看用神，用若休囚遭克害，须知此事费精神。

### 四十、忌神歌

看卦先须看忌神，忌神宜静不宜兴，忌神急要逢伤克，若遇生扶用受刑。

### 四十一、原神歌

原神发动志扬扬，用伏藏兮也不妨，须要生扶兼旺相，最嫌化克及逢伤。

## 四十二、用神不上卦诀

正卦如无变爻无，就将首卦六亲攻，动爻生用终吉，若遇交重克用凶。

## 四十三、用神空亡诀

发动逢冲不谓空，静空遇克却为空，忌神最喜逢空去，用与原神不可空。春土夏金秋树木，三冬逢火是真空，旬空又值真空象，再遇爻伤到底空。

## 四十四、用神发动诀

用爻发动在宫中，纵值休囚亦不凶，更得生扶兼旺相，管教作事永亨通。

## 四十五、日辰诀

问卦先须看日辰，日辰克用不堪亲，日辰与用相生合，作事何愁不趁心。

## 四十六、六亲发动诀

父动当头克子孙，病人无药主昏沉，姻亲子息应难得，买卖劳心利不存，观望行人书信动，论官下状理先分，士人科举登金榜，失物逃亡要诉讼。

子孙发动伤官鬼，占病求医身便痊，行人买卖身康泰，婚姻喜美是前缘，产妇当生子易养，词讼私和不到官，谒贵求名休进用，劝君守分听乎天。

官鬼从来克兄弟，婚姻未就生疑滞，病困门庭祸祟来，耕种蚕桑皆不利，出外逃亡定见灾，词讼官非有囚系，买卖财轻赌博输，失脱难寻多暗昧。

财爻发动克文书，应举求名总是虚，将本经营为大吉，亲姻如意乐无虞，行人在外身将动，产妇求产身脱除，失物静安家未出，病人伤胃更伤脾。

兄弟交重克了财，病人难愈未离灾，应举夺标为忌客，官非阴贼耗钱财，若带吉神为有助，出路行人便未来，货物经商消折本，买婢求妻事不谐。

## 四十七、六亲变化歌

父母化父母，进神文书许，化子不伤丁，化官鬼迁举，化财宅长忧，兄弟为泄气。

子孙化退神，人财不称情，化父田蚕败，化财加倍荣，化鬼忧生产，兄弟谓相生。

官化进神禄，求官应疾速，化财占病凶，化父文书遂，化子必伤官，化兄家不睦。  
妻财化进神，钱财入宅来，化官忧戚戚，化子笑哈哈，化父宜家长，化兄当破财。  
兄弟化退神，凡占无所忌，化父妾奴惊，化财财未遂，化官弟有灾，化子却如意。

## 四十八、六兽歌断

发动青龙附用通，进财进禄福无空，临仇遇忌都无益，酒色成灾在此中。  
朱雀交重文印旺，煞神相并漫劳功，是非口舌皆因此，动出生身却利公。  
勾陈发动忧田土，累岁连遭为忌逢，生用有情方是吉，若然安静不迷蒙。  
螣蛇鬼克忧萦绊，怪梦阴魔暗里攻，持墓落空休道吉，逢冲之日莫逃凶。  
白虎交重丧恶事，官司病患必成凶，持金动克妨人口，遇火生身便不同。  
玄武动摇多暗昧，若临官鬼贼交攻，有情生世邪无犯，仇忌临之奸盗凶。

## 四十九、日月建传符

日建加青龙，财禄喜重重，朱雀宜施用，勾陈事未通，螣蛇多怪异，白虎破财凶，玄武阴私扰，应在时日中。月建如临此，断法亦相同。

## 五十、八卦相配

乾为老父（属阳），坤为老母（属阴），震为长男（属阳），巽为长女（属阴），坎为中男（属阳），离为中女（属阴），艮为少男（属阳），兑为少女（属阴）。

## 五十一、六甲旬空起例

甲子旬中戌亥空，甲寅旬中子丑空，甲辰旬中寅卯空，甲午旬中辰巳空，甲申旬中午未空，甲戌旬中申酉空。

假如甲子日至癸酉十日为一旬，旬内无戌亥，故曰戌亥空。又如甲寅日至癸亥，旬内无子丑，故曰子丑空。余旬如例。

## 五十二、月破定例

立春正月建寅破申，惊蛰二月节建卯破酉，清明三月节建辰破戌，立夏四月节建巳破亥，芒种五月建午破子，小暑六月节建未破丑，立秋七月节建申破寅，白露八月节建酉破卯，寒露九月节建

戌破辰，立冬十月节建亥破巳，大雪十一月节建子破午，小寒十二月节建丑破未（凡月建所冲之爻名为月破）。

## 卦爻呈象并飞伏神卦身定例

### 乾宫八卦（属金）：

乾为天

——父母壬戌 世

——兄弟壬申

——官鬼壬午

——父母甲辰 应

——妻财甲寅

——子孙甲子

乾者健也，乾宫之首卦，名曰八纯，财官父兄子俱全，为本宫下七卦之伏神也。

天风姤

——父母壬戌

——兄弟壬申

——官鬼壬午 应 （卦身）

——兄弟辛酉

（伏妻财寅木）——子孙辛亥

——父母辛丑 世

姤者遇也，卦中独缺妻财，以乾卦第二爻寅木伏于本卦第二爻亥水之下。木长生在亥，亥水是飞神，水生木谓之飞来生伏得长生。

天山遯

——父母壬戌

——兄弟壬申 应

——官鬼壬午

——兄弟丙申

( 伏妻财寅木 ) - 官鬼丙午 世

( 伏子孙子水 ) - 父母丙辰

遯者退也，卦中缺妻财子孙。以乾卦第二爻寅木伏于本卦第二爻午火之下，午火是飞神，寅木是伏神，木生火，谓之伏去生飞，名为泄气；以乾卦子水伏于本卦初爻辰土之下，水墓在辰，谓之伏神入墓于飞爻也。

### 天地否

——父母壬戌 应

——兄弟壬申 ( 卦身 )

——官鬼壬午

- 妻财乙卯 世

- 官鬼乙巳

( 伏子孙子水 ) - 父母乙未

否者塞也，卦缺子孙，以乾卦初爻子水子孙伏于本卦初爻未土之下，未土是飞神，子水是伏神，土克水，谓之飞来克伏。

### 风地观

——妻财辛卯

( 伏兄弟申金 ) ——官鬼辛巳

- 父母辛未 世

- 妻财乙卯

- 官鬼乙巳

( 伏子孙子水 ) - 父母乙未 应

观者观也，卦中缺兄弟子孙。以乾卦申金兄弟爻伏于本卦第五爻巳火之下，巳火是飞神，申金是伏神，金长生在巳，谓之伏下长生遇引即出；以乾卦初爻子水子孙伏于本卦初爻未土之下，未土是飞神，子水是伏神，土克水，谓之飞来克伏。

### 山地剥

——妻财丙寅

- ( 伏兄弟申金 ) - 子孙丙子 世
- 父母丙戌 ( 卦身 )
  - 妻财乙卯
  - 官鬼乙巳 应
  - 父母乙未

剥者落也,卦中缺兄弟,以乾卦第五爻申金伏于卦第五爻子水之下,子水是飞神,申金是伏神,金生水,谓之伏去生飞,名为泄气。

### 火地晋

- 官鬼己巳
- 父母己未
- 兄弟己酉 世
- 妻财乙卯 ( 卦身 )
- 官鬼乙巳

- ( 伏子孙子水 ) - 父母乙未 应

晋者进也,乃乾宫第七卦,名曰游魂。卦内缺子孙,以乾卦初爻子水子孙伏于卦初爻未土之下,未土是飞神,子水是伏神,土克水,谓之飞来克伏。

### 火天大有

- 官鬼己巳 应
- 父母己未
- 兄弟己酉
- 父母甲辰 世
- 妻财甲寅 ( 卦身 )
- 子孙甲子

大有者宽也,乃乾宫之末卦,名曰归魂。卦中财官父兄子俱全,不须寻伏。

### 坎宫八卦 ( 属水 ):

坎为水

- -兄弟戊子 世
- 官鬼戊戌
- -父母戊申
- -妻财戊午 应
- 官鬼戊辰
- -子孙戊寅

坎者隐也，乃坎宫之首卦，名曰八纯，卦内财官父兄子俱全，为本宫下七卦之伏神也。

#### 水泽节

- -兄弟戊子 (卦身)
- 官鬼戊戌
- -父母戊申 应
- -官鬼丁丑
- 子孙丁卯
- 妻财丁巳 世

节者止也，卦中财官父兄俱全，不须寻伏。

#### 水雷屯

- -兄弟戊子
- 官鬼戊戌 应
- -父母戊申
- (伏妻财午火) - -官鬼庚辰
- -子孙庚寅 世
- 兄弟庚子

屯者难也，卦中缺妻财，以坎卦第三爻午火伏于本卦第三爻辰土之下，辰土是飞神，午火是伏神，火生土谓之伏去生飞，名曰泄气。

#### 水火既济

- -兄弟戊子 应

——官鬼戊戌

- -父母戊申

(伏妻财午火) ——兄弟己亥 世

- -官鬼己丑

——子孙己卯 (伏卦身：子孙寅木)

既济者合也，卦中缺妻财，以坎卦第三爻午火伏于本卦第三爻亥水之下，亥水是飞神，午火是伏神，火绝在亥，谓之伏神绝于飞爻也。

### 泽火革

- -官鬼丁未

——父母丁酉

——兄弟丁亥 世

(伏妻财午火) ——兄弟己亥

- -官鬼己丑

——子孙己卯 应 (卦身)

革者改也，卦中缺妻财，以坎卦第三爻午火伏于本卦第三爻亥水之下，亥水是飞神，午火是伏神，为绝在亥，谓之伏神绝于飞爻也。

### 雷火丰

- -官鬼戊戌 (卦身)

- -父母戊申 世

——妻财戊午

——兄弟己亥

- -官鬼己丑

——子孙己卯 应

丰者大也，卦中财官父兄子俱全，不须寻伏。

### 地火明夷

- -父母癸酉 (卦身)

- -兄弟癸亥
- -官鬼癸丑 世
- ( 伏妻财午火 ) ——兄弟己亥
- -官鬼己丑
- 子孙己卯 应

明夷者伤也，乃坎宫之第七卦，名曰游魂。卦中缺妻财，以坎卦第三爻午火伏于本卦第三爻亥水之下，亥水是飞神，午火是伏神，火绝于亥，谓之伏神绝于飞爻也。

地水师

- -父母癸酉 应
- -兄弟癸亥
- -官鬼癸丑 ( 伏卦身：父母申金 )
- -妻财戊午 世
- 官鬼戊辰
- -子孙戊寅

师者众也，乃坎宫之末卦。名曰归魂，卦中财官父兄子俱全，不须寻伏。

### 艮宫八卦全图 ( 属土 ):

艮为山

- 官鬼丙寅 世
- -妻财丙子
- -兄弟丙戌
- 子孙丙申 应
- -父母丙午
- -兄弟丙辰

艮者止也，乃艮宫之首卦，名曰八纯，卦内财官父兄子俱全，为本宫下七卦之伏神也。

山火贲

- 官鬼丙寅

— 妻财丙子 (卦身)

— 兄弟丙戌 应

(伏子孙申金) — 妻财己亥

(伏父母午火) — 兄弟己丑

— 官鬼己卯 世

贲者饰也，卦中缺父母子孙，以艮卦第二爻午火父母伏于卦第二爻丑土之下，丑土是飞神，午火是伏神，火生土，谓之伏去生飞，名为泄气；以艮卦第三爻申金子孙伏于本卦第三爻亥水之下，亥水是飞神，申金是伏神，金生水，谓之伏去生飞，名为泄气。

### 山天大畜

— 官鬼丙寅

— 妻财丙子 应

— 兄弟丙戌

(伏子孙申金) — 兄弟甲辰

(伏父母午火) — 官鬼甲寅 世

— 妻财甲子

大畜者聚也，卦中缺父母子孙。以艮卦第二爻午火伏于本卦第二爻寅木之下，寅木是飞神，午火是伏神，木生火，火长生于寅，谓之飞来生伏得长生；以艮卦第三爻申金子孙伏于本卦第三爻辰土之下，辰土是飞神，申金是伏神，土生金，谓之飞来生伏。

### 山泽损

— 官鬼丙寅 应

— 妻财丙子

— 兄弟丙戌

(伏子孙申金) — 兄弟丁丑 世 (伏卦身：子孙申金)

— 官鬼丁卯

— 父母丁巳

损者益也，卦中缺子孙，以艮卦第三爻申金子孙伏于本卦第三爻丑土之下，丑土是飞神，申金是伏神，谓之伏神入墓于飞爻也。

# 火泽睽

——父母己巳  
 ( 伏妻财子水 ) - -兄弟己未  
 ——子孙己酉 世  
 - -兄弟丁丑  
 ——官鬼丁卯 ( 卦身 )  
 ——父母丁巳 应

睽者背也，卦中缺妻财，以艮卦第五爻子水妻财伏于本卦第五爻未土之下，未土是飞神，子水是伏神，土克水谓之飞来克伏。

# 天泽履

——兄弟壬戌  
 ( 伏妻财子水 ) ——子孙壬申 世  
 ——父母壬午  
 - -兄弟丁丑  
 ——官鬼丁卯 应  
 ——父母丁巳 ( 伏卦身：兄弟辰土 )

履者礼也，卦中缺妻财，以艮卦第五爻子水妻财伏于本卦第五爻申金之下，申金是飞神，子水是伏神，金生水，水长生于申，谓之飞来生伏得长生。

# 风泽中孚

——官鬼辛卯  
 ( 伏妻财子水 ) ——父母辛巳  
 - -兄弟辛未 世  
 ( 伏子孙申金 ) - -兄弟丁丑  
 ——官鬼丁卯  
 ——父母丁巳 应

中孚者信也，乃艮宫第七卦，名曰游魂，卦中缺妻财子孙。以艮卦第五爻子水妻财伏于本卦第

五爻巳火之下，巳火是飞神，子水是伏神，水绝在巳，谓之伏神绝于飞爻也；以艮卦申金子孙伏于本卦第三爻丑土之下，丑土是飞神，申金是伏神，金墓在丑，谓之伏神入墓于飞爻也。

### 风山渐

——官鬼辛卯 应 （伏卦身：官鬼寅木）

（伏妻财子水）——父母辛巳

— —兄弟辛未

——子孙丙申 世

— —父母丙午

— —兄弟丙辰

渐者进也，乃艮宫之末卦，名曰归魂。卦中缺妻财，以艮卦第五爻子水伏于本卦第五爻巳火之下，巳火是飞神，子水是伏神，水绝在巳，谓之伏神绝于飞爻也。

### 震宫八卦全图（属木）：

#### 震为雷

— —妻财庚戌 世

— —官鬼庚申

——子孙庚午

— —妻财庚辰 应

— —兄弟庚寅

——父母庚子

震者动也，乃震宫之首卦，名曰八纯。卦中财官父兄子俱全，为本宫下七卦之伏神也。

#### 雷地豫

— —妻财庚戌

— —官鬼庚申

——子孙庚午 应 （卦身）

— —兄弟乙卯

— —子孙乙巳

( 伏父母子水 ) - 妻财乙未 世

豫者悦也，卦中缺父母，以震卦初爻子水父母伏于本卦初爻未土之下，未土是飞神，子水是伏神，土克水，谓之飞来克伏。

### 雷水解

- 妻财庚戌  
- 官鬼庚申 应  
—— 子孙庚午  
- 子孙戊午  
—— 妻财戊辰 世

( 伏父母子水 ) - 兄弟戊寅

解者散也，卦中缺父母，以震卦初爻子水父母伏于本卦初爻寅木之下，寅木是飞神，子水是伏神，水生木，谓伏去生飞，名曰泄气。

### 雷风恒

- 妻财庚戌 应  
- 官鬼庚申  
—— 子孙庚午  
—— 官鬼辛酉 世

( 伏兄弟寅木 ) —— 父母辛亥 ( 伏卦身：兄弟寅木 )

- 妻财辛丑

恒者久也，卦中缺兄弟，以震卦第二爻寅木伏于本卦亥水之下，亥水是飞神，寅木是伏神，水生木，木长生在亥，谓之飞来生伏得长生。

### 地风升

- 官鬼酉金 ( 卦身 )

- 父母亥水

( 伏子孙午火 ) - 妻财丑土 世

—— 官鬼酉金 ( 卦身 )

(伏兄弟寅木)——父母亥水

— —妻财丑土 应

升者进也，卦中缺兄弟子孙。以震卦第二爻寅木兄弟伏于本卦第二爻亥水之下，亥水是飞神，寅木是伏神，水生木，木长生在亥，谓之飞来生伏得长生；以震卦第四爻午火子孙伏于本卦第四爻丑土之下，丑土是飞神，午火是伏神，火生土，谓之伏去生飞，名为泄气。

### 水风井

— —父母戊子

——妻财戊戌 世

(伏子孙午火) — —官鬼戊申

——官鬼辛酉 (伏卦身：妻财辰土)

——父母辛亥 应

(伏兄弟寅木) — —妻财辛亥

井者静也，卦中缺兄弟子孙。以震卦第二爻寅木兄弟伏于本卦第二爻亥水之下，亥水是飞神，寅木是伏神，水生木，木长生在亥，谓之飞来生伏得长生；以震卦第四爻午火子孙伏于本卦第四爻申金之下，申金是飞神，午火是伏神，火克金，谓之伏克飞神为出暴。

### 泽风大过

— —妻财丁未

——官鬼丁酉

(伏子孙午火) ——父母丁亥 世

——官鬼辛酉

(伏兄弟寅木) ——父母辛亥

— —妻财辛丑 应

大过者祸也，乃震宫第七卦，名曰游魂，卦中缺兄弟子孙。以震卦第二爻寅木兄弟伏于本卦第二爻亥水之下，亥水是飞神，寅木是伏神，水生木，木长生在亥，谓之飞来生伏得长生，以震卦第四爻午火子孙伏于本卦第四爻亥水之下，亥水是飞神，午火是伏神，火绝在亥，谓之伏神绝于飞爻。

### 泽雷随

- 妻财丁未 应  
 ——官鬼丁酉 (伏卦身：官鬼申金)  
 (伏子孙午火) ——父母丁亥  
 - 妻财庚辰 世  
 - 兄弟庚寅  
 ——父母庚子

随者顺也，乃震宫之末卦，名曰归魂。卦中缺子孙，以震卦第四爻午火伏于本卦第四爻亥水之下，亥水是飞神，午火是伏神，火绝在亥，谓之伏神绝于飞爻也。

### 巽宫八卦全图（属木）：

巽为风

——兄弟辛卯 世  
 ——子孙辛巳 (卦身)  
 - 妻财辛未  
 ——官鬼辛酉 应  
 ——父母辛亥  
 - 妻财辛丑

巽者巽也，乃巽宫之首卦，名为八纯，卦内财官父兄子俱全，为本宫下七卦之伏神也。

风天小畜

——兄弟辛卯  
 ——子孙辛巳  
 - 妻财辛未 应  
 (伏官鬼酉金) ——妻财甲辰  
 ——兄弟甲寅  
 ——父母甲子 世 (卦身)

小畜者塞也，卦中缺官鬼，以巽卦第三爻酉金伏于本卦第三爻辰土之下，辰土是飞神，酉金是伏神，土生金，谓之飞来生伏。

# 风火家人

——兄弟辛卯  
 ——子孙辛巳 应  
 - -妻财辛未 (卦身)  
 (伏官鬼酉金) ——父母己亥  
 - -妻财己丑 世  
 ——兄弟己卯

家人者同也，卦中缺官鬼，以巽卦第三爻酉金伏于本卦第三爻亥水之下，亥水是飞神，酉金是伏神，金生水，谓之伏去生飞，名为泄气。

# 风雷益

——兄弟辛卯 应  
 ——子孙辛巳  
 - -妻财辛未  
 (伏官鬼酉金) - -妻财庚辰 世  
 - -兄弟庚寅 (卦身)  
 - -父母庚子

益者损也，卦中缺官鬼，以巽卦第三爻酉金伏于本卦第三爻辰土之下，辰土是飞神，酉金是伏神，土生金，谓之飞来生伏。

# 天雷无妄

——妻财壬戌 (伏卦身：兄弟卯木)  
 ——官鬼壬申  
 ——子孙壬午 世  
 - -妻财庚辰  
 - -兄弟庚寅  
 ——父母庚子 应

无妄者天灾也，卦内财官父兄子俱全，不须得寻伏。

# 火雷噬嗑

——子孙己巳

— —妻财己未 世

——官鬼己酉

— —妻财庚辰

— —兄弟庚寅 应

——父母庚子

噬嗑者啮也，卦内财官父兄子俱全，不须寻伏。

# 山雷颐

——兄弟丙寅

( 伏子孙巳火 ) — —父母丙子

— —妻财丙戌 世

( 伏官鬼酉金 ) — —妻财庚辰 ( 伏卦身：官鬼酉金 )

— —兄弟庚寅

——父母庚子 应

颐者养也，乃巽宫第七卦，名曰游魂，卦中缺子孙官鬼。以巽卦第三爻酉金官鬼伏于本卦第三爻辰土之下，辰土是飞神，酉金是伏神，土生金，谓之飞来生伏；以巽卦第五爻巳火子孙伏于本卦第五爻子水之下，子水是飞神，巳火是伏神，水克火，谓之飞来克伏。

# 山风蛊

——兄弟丙寅 应 ( 卦身 )

( 伏子孙巳火 ) — —父母丙子

— —妻财丙戌

——官鬼辛酉 世

——父母辛亥

— —妻财辛丑

蛊者事也，乃巽宫之末卦，名曰归魂。卦中缺子孙，以巽卦第五爻巳火伏于本卦第五爻子水之下，子水是飞神，巳火是伏神，水克火，谓之飞来克伏。

## 离宫八卦全图（属火）：

离为火

——兄弟己巳 世 （卦身）

- - 子孙己未

——妻财己酉

——官鬼己亥 应

- - 子孙己丑

——父母己卯

离者丽也，乃离宫之首卦，名八纯，卦内财官父兄子俱全，为本宫下七卦之伏神也。

火山旅

——兄弟己巳

- - 子孙己未

——妻财己酉 应

（伏官鬼亥水）——妻财丙申

- - 兄弟丙午 （卦身）

（伏父母卯木）- - 子孙丙辰 世

旅者客也，卦中缺父母官鬼。以离宫初爻卯木父母伏于本卦初爻辰土之下，辰土是飞神，卯木是伏神，木克土，谓之伏克飞神为出暴；以离卦第三爻亥水官鬼伏于本卦第三爻申金之下，申金是飞神，亥水是伏神，金生水，水长生在申，谓之飞来和伏得长生。

火风鼎

——兄弟己巳

- - 子孙己未 应

——妻财己酉

——妻财辛酉

——官鬼辛亥 世

（伏父母卯木）- - 子孙辛丑 （卦身）

鼎者定也，卦中缺父母，以离卦初爻卯木父母伏于本卦初爻丑土之下，丑土是飞神，卯木是伏神，木克土，谓之伏克飞爻为出暴。

### 火水未济

——兄弟己巳 应

- -子孙己未

——妻财己酉

( 伏官鬼亥水 ) - -兄弟戊午 世

——子孙戊辰

- -父母戊寅

未济者失也，卦中缺官鬼，以离卦第三爻亥水官鬼伏于本卦第三爻午火之下，午火是飞神，亥水是伏神，水克火，谓之伏克飞神为出暴。

### 山水蒙

——父母丙寅

- -官鬼丙子

( 伏妻财酉金 ) - -子孙丙戌 世 ( 伏卦身：妻财酉金 )

- -兄弟戊午

——子孙戊辰

- -父母戊寅 应

蒙者昧也，卦中缺妻财，以离卦第四爻酉金妻财伏于本卦第四爻戌土之下，戌土是飞神，酉金是伏神，土生金，谓之飞来生伏。

### 风水涣

——父母辛卯

——兄弟辛巳 世

( 伏妻财酉金 ) - -子孙辛未

( 伏官鬼亥水 ) - -兄弟戊午

——子孙戊辰 应 ( 卦身 )

— —父母戊寅

涣者散也，卦中缺妻财官鬼。以离卦第三爻亥水官鬼伏于本卦第三爻午火之下，午火是飞神，亥水是伏神，水克火，谓之伏克飞神为出暴；以离卦第四爻酉金妻财伏于本卦第四爻未土之下，未土是飞神，酉金是伏神，土生金，谓之飞来生伏。

天水讼

——子孙壬戌

——妻财壬申

——兄弟壬午 世

( 伏官鬼亥水 ) — —兄弟戊午

——子孙戊辰

— —父母戊寅 应 ( 伏卦身：父母卯木 )

讼者论也，乃离宫第七卦，名曰游魂。卦中缺官鬼，以离卦第三爻亥水官鬼伏于本卦第三爻午火之下，午火是飞神，亥水是伏神，水克火，谓之伏克飞神为出暴。

天火同人

——子孙壬戌 应

——妻财壬申

——兄弟壬午

——官鬼己亥 世

— —子孙己丑

——父母己卯

同人者亲也，乃离宫之末卦，名曰归魂。卦中财官父兄子俱全，不须寻伏。

坤宫八卦全图 ( 属土 ):

坤为地

— —子孙癸酉 世

— —妻财癸亥 ( 卦身 )

— —兄弟癸丑

- 官鬼乙卯 应
- 父母乙巳
- 兄弟乙未

坤者顺也，乃坤宫之首卦，名曰八纯。卦内财官父兄子俱全，为本宫下七卦之伏神也。

### 地雷复

- 子孙癸酉
- 妻财癸亥
- 兄弟癸丑 应
- 兄弟庚辰
- ( 伏父母巳火 ) - 官鬼庚寅
- 妻财庚子 世 ( 卦身 )

复者返也，卦中缺父母，以坤卦第二爻巳火父母伏于本卦第二爻寅木之下，寅木是飞神，巳火是伏神，木生火，火长生在寅，谓之飞来生伏得长生。

### 地泽临

- 子孙癸酉
- 妻财癸亥 应
- 兄弟癸丑 ( 卦身 )
- 兄弟丁丑 ( 卦身 )
- 官鬼丁卯 世
- 父母丁巳

临者大也，卦中财官父兄子俱全，不须寻伏。

### 地天泰

- 子孙癸酉 应
- 妻财癸亥
- 兄弟癸丑
- 兄弟甲辰 世

(伏父母巳火)——官鬼甲寅 (卦身)

——妻财甲子

泰者通也，卦中缺父母，以坤卦第二爻巳火父母伏于本卦第二爻寅木之下，寅木是飞神，巳火是伏神，木生火，火长生在寅，谓之飞来生伏得长生。

雷天大壮

— —兄弟庚戌

— —子孙庚申

——父母庚午 世

——兄弟甲辰 (伏卦身：官鬼卯木)

——官鬼甲寅

——妻财甲子 应

大壮者志也，卦中财官父兄子俱全，不须寻伏。

泽天夬

— —兄弟丁未

——子孙丁酉 世

——妻财丁亥

— —兄弟甲辰 (卦身)

(伏父母巳火)——官鬼甲寅 应

——妻财甲子

夬者决也，卦中缺父母，以坤卦第二爻巳火父母伏于本卦第二爻寅木之下，寅木是飞神，巳火是伏神，木生火，火长生在寅，谓之飞来生伏得长生。

水天需

— —妻财戊子 (伏卦身：子孙酉金)

——兄弟戊戌

— —子孙戊申 世

——兄弟甲辰

( 伏父母巳火 ) ——官鬼甲寅  
——妻财甲子 应

需者须也，乃坤宫之第七卦，名曰游魂。卦中缺父母，以坤卦第二爻巳火父母伏于本卦第二爻寅木之下，寅木是飞神，巳火是伏神，木生火，火长生在寅，谓之飞来生伏得长生。

水地比

- -妻财戊子 应  
——兄弟戊戌  
- -子孙戊申 ( 卦身 )  
- -官鬼乙卯 世  
- -父母乙巳  
- -兄弟乙未

比者和也，乃坤宫之末卦，名曰归魂。卦中财官父兄子俱全，不须寻伏。

### 兑宫八卦全图 ( 属金 ):

兑为泽

- -父母丁未 世  
——兄弟丁酉  
——子孙丁亥 ( 卦身 )  
- -父母丁丑 应  
——妻财丁卯  
——官鬼丁巳

兑者悦也，乃兑宫之首卦，名曰八纯。卦内财官父兄子俱全，为本宫下七卦之伏神也。

泽水困

- -父母丁未  
——兄弟丁酉  
——子孙丁亥 应  
- -官鬼戊午 ( 卦身 )

——父母戊辰

- -妻财戊寅 世

困者危也，卦中财官父兄子俱全，不须寻伏。

泽地萃

- -父母丁未 (卦身)

——兄弟丁酉 应

——子孙丁亥

- -妻财乙卯

- -官鬼乙巳 世

- -父母乙未

萃者聚也，卦中财官父兄子俱全，不须寻伏。

泽山咸

- -父母丁未 应

——兄弟丁酉

——子孙丁亥

——兄弟丙申 世

(伏妻财卯木) - -官鬼丙午

- -父母丙辰

咸者感也，卦缺妻财，以兑卦第二爻卯木妻财伏于本卦第二爻午火之下，午火是飞神，卯木是伏神，木生火，谓之伏去生飞，名曰泄气。

水山蹇

- -子孙戊子

——父母戊戌 (伏卦身：兄弟酉金)

- -兄弟戊申 世

——兄弟丙申

(伏妻财卯木) - -官鬼丙午

— —父母丙辰 应

蹇者难也，卦中缺妻财，以兑卦第二爻卯木妻财伏于本卦第二爻午火之下，午火是飞神，卯木是伏神，木生火，谓之伏去生飞，名为泄气。

### 地山谦

— —兄弟癸酉

— —子孙癸亥 世

— —父母癸丑

——兄弟丙申

( 伏妻财卯木 ) — —官鬼丙午 应

— —父母丙辰

谦者退也，卦中缺妻财，以兑卦第二爻卯木妻财伏于本卦第二爻午火之下，午火是飞神，卯木是伏神，木生火，谓之伏去生飞，名为泄气。

### 雷山小过

— —父母庚戌

— —兄弟庚申

( 伏子孙亥水 ) ——官鬼庚午 世

——兄弟丙申

( 伏妻财卯木 ) — —官鬼丙午 ( 伏卦身：妻财卯木 )

— —父母丙辰 应

小过者过也，乃兑宫第七卦，名曰游魂，卦中缺妻财子孙。以兑卦卯木妻财伏于本卦第二爻午火之下，午火是飞神，卯木是伏神，木生火，谓之伏去生飞，名为泄气；以兑卦第四爻亥水子孙伏于本卦第四爻午火之下，午火是飞神，亥水是伏神，水克火，谓之伏克飞神为出暴。

### 雷泽归妹

— —父母庚戌 应

— —兄弟庚申 ( 卦身 )

( 伏子孙亥水 ) ——官鬼庚午

— 父母丁丑 世

—— 妻财丁卯

—— 官鬼丁巳

归妹者大也，乃兑宫之末卦，名曰归魂。卦中缺子孙，以兑卦第四爻亥水子孙伏于本卦第四爻午火之下，午火是飞神，亥水是伏神，水克火，谓之伏克飞神为出暴。

以上逐卦伏神及卦身定例，因《易林补遗》有阳伏阴、阴伏阳，《卜筮全书》有乾坤来往换等法之误，故以逐卦细陈，以便后学。如六爻安静及动变之爻之无用神者，当推此例；如卦中变爻有用神及卦身者，已有用神不必再查伏神矣。假如天山遁卦安静缺妻财，以乾卦二爻寅木伏遁卦二爻午火之下，如遁卦初爻发动变成天火同人卦，初爻丙辰父母即变出己卯妻财，当以卯木妻财为用神，不必看寅木矣。余仿此。

## 十八论

### 一、用神分类定例

凡占祖父母、父母、师长、家主、伯叔、姑姨，与我父母同辈与父母年若之亲友，及墙城、宅舍、舟车、衣服、雨具、求雨、细布、毡货、章奏、文章、馆室，俱以父母爻为用神。

凡占功名、官府、雷电、鬼神、丈夫、夫之兄弟同辈及夫之相与朋友，乱臣、盗贼、邪崇、忧疑、病症、尸首、逆风，俱以官鬼爻为用神。

凡占兄弟姊妹、姊妹丈夫、妻之兄弟、世兄弟、结盟同寅及知交朋友，俱以兄弟爻为用神。

凡占嫂与弟妇、妻妾及友人之妻妾婢仆，物价、钱财、珠宝、金银、仓库、钱粮、什物、器皿及问天时晴明，俱以妻财爻为用神。

凡占儿、女、孙、侄、女婿、门生、忠臣、良将、药材、僧、道、六畜、禽鸟、顺风、解忧避祸，及问天时日月星斗，俱以子孙爻为用神。

### 二、世应论用神

凡卦中世应二爻，世为自己，应作他人。世应相生相合，是云宾主相投，世应相克相冲，可见两情不睦。凡占自己疾病，或问寿数，或问出行吉凶，诸凡损益自身者，以世爻为用也。凡占无尊卑之称呼、未曾深交之朋友、九流术士、仇人、敌国，或指实某处地头，或指此山、此水、此寺、此塔等类，俱以应爻为用神也。

如占自己有一地可造坟否，则世为穴场，应为对案。如将买他人之地而欲造坟，问此地若葬益利我家否，以应作穴场，世是我家也。

### 三、用神问答

或曰：“仆占主人以父母爻为用神，主人占仆不以子孙爻为用神，何也？”答曰：“一切抚养庇护我身者，以父母爻为用神，即如城垣、宅舍、舟车、衣服等类是也；金银、物件、婢仆等一切驱使之类，以财爻为用神是也。”

又曰：“占兄弟之妻、妻之姊妹以财爻为用，占夫之兄弟以官爻为用，何也？”答曰：“兄弟之妻、妻之姊妹与妻同类人也，既夫占妻以财爻为用，皆是财爻为用矣；夫之兄弟与夫同辈人也，既妻占夫以官爻为用，皆是官爻为用矣。”

又问：“古书俱载兄弟为风云，今以官鬼之爻为逆风，子孙之爻为顺风，何也？”答曰：“贵人以官为官星，庶人以鬼为祸祟；贵人以子孙之爻为恶煞，庶人以子孙之爻为福神。官乃拘束之星，鬼乃忧疑阻滞之宿。如连日风雨，或遇逆风，疾病缠染，官司扰害，盗贼忧虞，人心岂畅？福神能制官鬼，善解忧愁，故为之用也。”

### 四、原忌仇神论

凡占卦要知原神。先看用神何爻，生用神之爻即是原神也。如用神旬空、月破、衰弱，或伏藏不现，得原神动来生之，或日辰月建作原神生之，必待用神出旬出破得令值日，所求必遂矣。如用神旺相，原神休囚不动，或动而变墓、变绝、变克、变破、变退，或被日辰月建克制，皆不能生用，是用神根蒂被伤矣，不唯无益，而反有损也。

凡占卦要知忌神。亦先看用神，克用神之爻即是忌神也。如忌神动来克用，而用爻出现不空，则受克也。倘卦中又动出一爻原神生用，则忌神反生原神，是名贪生忘克，则用神根蒂深固矣，其吉更倍矣。如忌神独发而用爻旬空，谓之避空，如伏藏不现，谓之避凶，如月建日辰生用谓之得救，如是等仍为吉兆，夫亦何嫌何疑哉！如忌神变回头之克，或日辰月建克冲之，或动爻制忌之，谓之贼欲害我是贼先受害也，我又何伤？如日辰月建生扶忌神，或忌神叠叠克用，即使用神避空伏藏者，至出空出透时便受其毒，难免其灾也。

凡占卦要知仇神。先看制克原神生扶忌神者即是仇神也。如卦中仇神发动，则原神被伤，用神无根，忌神倍力，其祸可胜道耶？

## 五、飞神正论

飞神有六：凡卦既有伏神，伏神之上者飞神一也；六兽五类，飞神二也；他宫五类赘入本宫，取财官父兄子，飞神三也；一卦中上下两爻一类，内静外兴外飞内，飞神四也，外静内兴内飞外，五也；内外皆兴飞去，六也。

## 六、伏神正传

夫伏神者，谓卦之有缺用神，才看用神伏于何爻之下。既有用神现，即使旬空月破动静生克冲合者，皆由机关之所发，是有病处必以药医之。故空要值日，破要填合，伏待出露，冲待合，合待冲，此乃物穷必变，器满则倾。若以破空为无用，以乾为坤之伏，大有五类俱全又扯否卦为伏，又爻爻有伏之说，岂非病失医药？其传谬矣！至于学者无门可入。今陈一定不易之理，以便学者易于升堂。且乾坤艮兑坎离震巽乃八宫之首卦，其象备官父子财兄，本卦下七卦如缺一者，即以首卦为伏。假令姤遯无财，须向乾卦借寅木；遯否晋观缺水，移乾子水伏初爻；观剥少金，乾卦申金为伏。今以乾卦为法，他宫他卦皆是以本宫首卦为下七卦之伏神也。

## 七、六兽评论

青龙最喜悦而多仁，附忌神凡谋不利。白虎最凶勇而好杀，生用神诸为则吉。朱雀克身口舌是非常有，如来生用，文书音当回。勾陈属土，空则田园欠熟；刚强克世，公差牵扯拘迟。螣蛇怪异虚惊。玄武私情盗贼。白虎血神，生产偏宜发动。午官朱雀化水，何忌大灾。螣蛇木鬼欺身，恐自缢难逃枷锁。玄武官生静世，交小人莫虑干连。世克静青龙，巡捕戏场酒肆上。鬼动勾陈，论祈祷速酬太岁，问病原肿胀黄浮。略举六神取用，莫将六兽推尊，遇吉神般般云吉，持凶宿件件称凶。

## 八、四生逐位论

火生于寅也，金生于巳也，水土生于申也，木生于亥也；火库于戌绝于亥，金库于丑绝于寅，水土库于辰绝于巳，木库于未绝于申。此长生墓绝定例，卦卦必用者长生，爻爻须究者墓绝，除三者之余，卦中俱弗重也。假令火之沐浴于卯为相生，火之冠带于辰、衰于未、养于丑为泄气，巳火临官于巳为伏吟，午火临官于巳为退神，巳火帝旺于午为进神，午火帝旺于午为伏吟，午火衰于未者为相合，午火病于申、巳火死于酉者为仇神，巳火病于申者为相合，胎于子者为相克，午火胞胎于子为克为冲为反吟。由此观之，余神奚足重哉！

## 九、月破论

凡卦中月破之爻，乃关因之所现也。动者亦能生克他爻，变者亦能生克本爻——目下虽破，出月不破矣；今日虽破，值日不破矣。月破最喜逢合填实，远应年月近应日时。如破而安静，而值旬空衰弱，遇动爻、月建、日辰克害，此等月破，谓之真破，到底破矣！

## 十、旬空论

凡卦中爻遇旬空，乃神机发现于此也。如旺相旬空，或休囚发动，日辰生扶，动爻生扶，动爻变空，伏而旺相，此等旬空到底有用，不过待其出旬值日。有合空、冲起、冲实、填补之法，后卷占验注明。如休囚安静，或日辰克，动爻克，伏而被克，静逢月破，值此等旬空者，谓之真空，到底空矣！

## 十一、反吟卦定例

反吟卦有二，有卦之反吟，有爻之反吟。卦有反吟，卦变相冲也；爻之反吟，爻变相冲也（爻变相冲者一，卦中唯有坤变巽、巽变坤）。乾卦坐于西北，乾右有戌，乾左有亥，巽卦坐于东南，巽右有辰，巽左有巳，两卦相对，有辰戌巳亥相冲，故乾为天卦变巽为风卦，巽卦变乾、天风姤变风天小畜、小畜变姤，此乾巽二卦相冲，反吟卦也。坎卦坐于正北，坎下坐子，离卦坐于正南，离下坐午，两卦相对有子午相冲，故坎为水卦变离、离为火卦变坎、水火既济变未济、水火未济变既济，此坎离二卦相冲，反吟卦也。艮卦坐于东北，艮右有丑，艮左有寅，坤卦坐于西南，坤右有未，坤左有申，二卦相对，有丑未寅申相冲，故艮为山卦变坤、坤为地卦变艮、山地剥卦变谦、地山谦卦变剥，此艮坤二卦相冲，反吟卦也。震卦坐于正东，震下坐卯，兑卦于正西，兑下坐酉，两卦相对有卯酉相冲，故震卦变兑、兑卦变震、雷泽归妹变随、泽雷随变归妹、此震兑二卦相冲，反吟卦也。子变午、午变子、丑变未、未变丑、寅变申、申变寅、卯变酉、酉变卯、辰变戌、戌变辰、巳变亥、亥巳，亦以此变出相冲，乃爻之反吟也。

## 十二、伏吟卦定例

伏吟卦有三：乾卦变震，震变乾，无妄变大壮，大壮变无妄，此子寅辰复化子寅辰，午申戌复化午申戌，内外卦之伏吟，一也。

姤卦变恒，恒变姤，遁变小过，小过变遁，否变豫，豫变否，丰变同人，同人变丰，履变归妹，归妹变履，解变讼，讼变解，此午申戌外卦之伏吟，二也。

大有卦变噬嗑，噬嗑变大有，屯卦变需，需变屯，大畜变颐，颐变大畜，随变夬，夬变随，小畜变益，益变小畜，泰变复，复变泰，此子寅辰复化子寅辰，内卦之伏吟，三也（伏吟唯乾变震、震变乾，查他卦无伏吟也）。

### 十三、旺相休囚论

春令木旺火相，夏令火旺土相，秋令金旺水相，冬令水旺木相，四季之月土旺金相，此八者旺相也。春土金兮，夏金水兮，秋木火兮，冬火土兮，此八者休囚也。凡卦中旺相之爻，倘被日辰及动爻克制，目下贪荣得令，过时仍受其毒，此旺相者暂时之用也。凡卦中休囚之爻，如得日辰及动爻生扶，目下虽不能逞志，遇时仍然得意，此休囚者待时之用也。

### 十四、合中带克论

凡卦中子爻变丑、戌爻变卯，此子与丑合、卯与戌合，合中带克，合三克七之分。如旺相得日月生扶帮比，或卦中动爻生之，是作合论也；如休囚失合，被月日克之，或卦动爻克之，是作克论也。唯申金化巳火者，即无日月与动爻相生，不作克论，乃作合化长生也。倘寅月日占之是三刑会聚，申被寅冲则不可以吉论矣。

### 十五、合处逢冲、冲中逢合论

合处逢冲有三：凡得六合变六冲，一也；日月冲爻，二也；动爻变冲，三也。

冲中逢合亦有三：凡得六冲变六合，一也；日月合爻，二也；动爻变合，三也。

合处逢冲，谋虽成而终散；冲中逢合，事已散而复成。

### 十六、绝处逢生、克处逢生论

金绝于寅，木绝于申，水绝于巳，火绝于亥。譬如寅日占卦，金爻绝于寅，如卦中有土爻动而生之，是绝处逢生也；申日占卦木爻则绝于申，如卦中有水爻动而生之，是绝处逢生也；巳日占卦，水爻则绝于巳，如卦中有金爻动而生之，是绝处逢生也；亥日占卦，火爻则绝于亥，如卦中有木爻动而生之，是绝处逢生也。唯巳日占卦，土爻绝于巳，如月建生扶帮比，土爻不可谓绝也，谓之日生；如土化出巳，有日月帮比不云化绝，乃云回头生也；如日月制土，则是绝于日也，则是化绝于爻也。

如酉日占卦，寅爻被克，卦中有水爻动而生之，是克处逢生矣，余例如之。

大凡绝处逢生，寒谷逢春；克处逢生，凶后见吉也。

## 十七、变出进退神论

凡卦中亥变子、丑变辰、寅变卯、辰变未、巳变午、未变戌、申变酉、戌变丑，乃进神也。进神者，吉凶倍增其势也。

凡卦中子变亥、戌变未、酉变申、未变辰、午变巳、辰变丑、卯变寅、丑变戌，乃退神也。退神者，吉凶渐减其威也。

## 十八、卦有验不验论

凡人问卦，唯致诚可以感格神明。故齐庄戒谨，指占一事，神前祝告而后卜之，则是用是原是忌是仇，动静生克合冲变化，旬空月破月建日辰，研究其理无不验也。如卜者不审其本来之心而妄断之，则理有不通不验也；兼问几事，则数有不逮不验也；如奸盗邪淫之事，则天有不容不验也；或乘便偶占，毫无诚敬不验也；又如与人代占，必先说明是何名份，方可就其亲疏上下，分别用神以为占验，庶无差误。假如奴仆代主来占，则以父母爻为用神，今乃有人自顾体面，不说实情，假托亲戚，以致用神看差，虽占无益，不验也。更或来卜之人心虽诚敬，或阻于他事令人代卜，而代卜之人心或不诚，不验也。又或一事而今日占之，明日又占之，或一人连占四五卦，是“再三渎，渎则不告”，不验也。

## 辟诸书之谬

### 一、辟《增删卜易》之谬

夫人因事有忧疑，唯卜可决，必致诚求卜神，必以吉凶相告，当以生克制化动静之理，细推无不应验。岂李文辉作《增删卜易》一书，首章云此书有十二篇秘法，单教世之全不知五行生克之士，亦不必念卦书，只要学会点课就知决断吉凶，知功名之成败，知财物之得失，知疾病之生死，知祸福之趋避；种种诸事概不必念卦书，则知决断，乃吾师野鹤老人苦心于世之秘法，万两黄金无处求等语。阅其秘法曰：求名以官爻为用神，以子孙爻为忌神，不必念卦书，不要看生克制化动静冲合，只要装卦，对神祷告曰：我若有功名，求赐官爻持世。卜一卦官爻不临世再卜，再卜又无再再卜，或明日再卜。倘得官爻持世，因知有名，倘得子孙持世固知无名；求财见财爻持世则有，见兄弟爻持世则无；卜病见有用神持世则生，见有忌神持世则死；诸卜皆以用神持世断吉，忌神持世断凶；如无用神忌神持世，必要卜见方止。予想李文辉又愚也。何不以筮柄告圣阴阳为吉凶断？更捷径于

此法也。今之丢筮者，岂不值万万两黄金乎？总之，李文辉侮圣人之易，迷后世之途，予故辟之。

## 二、辟《易林补遗》伏神之谬

凡卦中用神不出现，查变爻有，不必寻伏神矣。倘变爻又无，然后查用神伏于何爻之下，看有提拔没有，提拔以定吉凶，无不应验其法。譬如坤宫为地卦，六爻五类备全，假使爻旬空月破刑冲克害，即就其本爻有病者论吉凶。如复、临、泰、大壮、夬、需、比七卦，倘正卦与变卦皆无用神，即将坤为地卦内用神为伏本卦某爻之下，此法乃万古一定不易，岂如张星元《易林补遗》总断所云：

“飞伏在二仪交换，定然阳伏阴而阴伏阳，乾坤来往换，辰巽两边求，艮兑相抽取，坎离递送留”等语哉！若据彼将天风姤卦为地雷复卦之伏神，不知地雷复所缺者文书爻，应将本宫首卦为伏，取坤之二爻巳火文书伏复卦二爻寅木之下，寅木为飞，巳火为伏，谓之飞来生伏，如占文书长辈事屡验已日。若据张星元以天风姤卦为复卦之伏，取姤卦第四爻午火伏复卦第四爻丑土下，妄将午火伏丑土泄气之下为凶，竟不以巳火伏长生之下为吉。又如天山遯卦缺子孙，必以乾卦初爻子水子孙伏遯卦初爻辰土之下，水库居辰，谓之入墓于飞爻也，看有提拔者吉，无提拔者凶。此亦万古不易之法，而张星元竟将地泽临卦第五爻癸亥水伏遁卦第五爻申金之下，则日用神伏长生之下吉，是扯张甲当李乙，妄论吉凶。又言用神上卦如遇旬空月破刑冲克害即当寻伏，又言归魂卦皆将本宫第四卦为伏。据称大有卦初爻子水子孙值旬空，该将天地否卦为伏神，而否卦六爻之内并无子孙。还是以出现旬空者凶乎？还是以伏卦中没有用神无吉无凶乎？略辟其伏神一二之谬，以示后学。

## 三、辟《易林补遗》胎养衰病之谬

凡卜卦，爻遇长生、沐浴、冠带、临官、帝旺、衰、病、死、绝、胎、养，卦中所重者长生、墓、绝，其沐浴、冠带等七件，各有合冲生克扶拱进退神分别，假如申酉金沐浴于午，金化午乃回头克也，或午日占乃日辰克也。如申化酉日进神，如酉化申日退神，如金化未戌土日回头生，如酉化卯日反吟，申化辰日回头生，酉化辰日化合也。生克制化合冲之间，神机报在，岂长星元以胎养半吉之祥，以衰病半凶之祸，若以胎养半吉之祥，假令巳午火长生于寅，胎于子，寅卯木胎于酉，子亥水养于未，还是化胎养半吉之祥，还是化回头克没有半吉？如金爻为用，动化戌土是回头生，凡占全吉，若据张星元说，衰病半凶之祸。又如午火化未土是化合，诸占欲散者得之见阻，欲成者得之可成。半凶半吉之谬误人不浅矣，故辟之。

## 四、辟《卜筮全书》世身之谬

《卜筮全书》以“子午持世身居初，丑未持世身居二，寅申持世身居三，卯酉持世身居四，辰戌持世身居五，巳亥持世身居六”。其注云，持世之辰是子，即以初爻安世身；如世爻旬空、月破、日辰刑冲克害，不必看也，当察身爻，以身爻代世爻之劳，如身爻吉则言吉，身爻凶则言凶。今人宗之，大误于事，不知卦中所重者生克制化空破刑冲动静。如占自己吉凶，理当推世，以世为我以定吉凶是也。倘世爻逢凶，身爻逢吉，还是在于世之凶乎，还是在于身之吉乎？由此观之，而“子午持世身居初爻”诸谬甚矣！

## 五、辩天医星之谬

凡占延医用药，以应爻为医生，以子孙爻为药石，此系万古不易之理。今术家不察应爻之有用无用，不看子孙爻之动静旺衰，竟查天医星之有无，则曰：天医星上卦服药有效，医生可用，或查天医星不上卦，服药无效，医生不可用。倘天医不上卦而应临子孙发动，有气克鬼生身，竟断医生不明，服药无效，有失先天之妙旨。况医生可寄死生，有关人命，故予辩之。

## 六、辟妄论本命之谬

大凡占病，当推用神，用神即父占子病吉凶，以子孙爻为用神类是也。今术家竟不参究用神生克制化之理，而以病人之本命论吉凶死活，则曰本命上卦断之生，本命不上卦断之死。且如用神受伤无救而本命上卦，还是断他用神受伤无救必死耶？还是断他本命上卦不死耶？后学不可以病人之本命妄断吉凶也。

## 七、辩《卜筮全书》神煞之谬

昔京房作卦书，以神煞断卦。如出行忌往亡，疾病忌丧车、沐浴、哭声等煞，医药看天医，求财忌劫煞，词讼看官符，种种星煞难以枚举；以致后学宗之，不执定五行生克制化，一味以神煞为凭。至明刘伯温先生作《千金赋》云：“自古神煞之多端，何如生克制化之一理”，断易之法始得归于正宗矣。

## 八、辩贵人禄马之谬

今人多以贵人之爻为官宦，以禄爻为俸禄，以驿马为来人，概以此论，不知贵人禄马临原神用神，当以吉断。如卜终身，白虎临官爻持世，得贵人临之，当以武之功名许之；如无贵人并临，当以病患强暴断之。若贵人之爻临忌神动来克害，不可以贵人为吉；如贵人临官鬼爻持世，不可以官

鬼爻为祸患言凶。且如卜行人，当察用神，如用神临驿马动，归期可定；如驿马动而用爻受伤，不可以驿马断其来。凡问俸禄当以财爻为用神是也，若弃财爻之吉凶，而独以禄爻为俸者，亦谬矣。禄系丰足之神，马系行动之宿，贵人不过分别人品清高微贱之神，此三者临吉神是吉，临凶神是凶，学者不可概推。

## 九、辩《易林补遗》应为他人之谬

凡占交疏之常人，当以应爻为他人，以应爻为用神也。若异姓之兄弟或父叔之友、子孙之友，必分别称呼老幼取用神是也，不可概曰我占他人以应爻为用神。予因张星元不论父友子友，皆以应爻为用神，甚至奴仆、妻婢、弟兄、父母、叔伯、邻长，概曰我代他占，皆以应为用神。今据张星元作《妻妾奴仆去留章》云：“代卜他人看应爻，若临月破最难逃，遇冲遇克身难救，逢旺逢生病必消，生应原神宜发动，克他忌象怕重交，卦身有气还须吉，应位逢官祸必招”；《斗欧争竞章》云：“以世应为主，生克为凭”。假如子侄与人斗欧争竞，唯恐受亏，故云岂可不看子孙爻生克，竟以世爻为主，生克世应为凭乎？又有《词讼章》云：“以官爻为主，父爻为凭”，文词相诉至公庭，须看官爻父母兴，倘然官父二爻动来克我，还是以官父二爻动说有主有凭是吉乎？还是克害我者是凶乎？今之术家凡遇代占，则不论尊卑，概以应爻为用，凡为词讼独用官爻，总不论用神生克制化，予不得不辩之。

## 十、辟《易林补遗》月破旬空之谬

凡卦中月破之爻，发动旺相或遇动爻生合、日辰生合，或化回头生合，不过在月内不能为吉凶，出月值日合补亦能吉能凶。张星元言月破无可解救，概以凶推。凡卦中旬空之爻，或旺相安静，休囚发动，日辰生合冲之，或变出者，或伏而有提拔者，屡试屡验应在出旬。不意张星元言，旬空之爻犹如卦中无此一爻也，唯月建临之，则日月建不作旬空，日辰不为月破，致后学一见月破无可解救，一见旬空没有此爻。又日月建不作旬空，注曰全空半空，凡阳日遇阳爻、阴日遇阴爻皆作全空，阳日遇阴爻、阴日遇阳爻皆作半空。试问如人占病或得全空者，因知其必死，倘得半空者，还是病人死一半活一半耶？其谬极至此，不得不辟之。

## 十一、辩互卦

古大圣以蓍草演成一卦，推体象、用象、互象、爻辞定事之吉凶，体象为我，用象为事。卦有内三爻外三爻，世坐之处为体，应坐之处为用。譬如天地否卦，世居内坤第三爻，应居外乾第六爻，

即以内宫坤卦为体象，以外宫者卦为用象。内坤属土，外乾属金，谓之体去生用不吉。再者互卦，互卦之法亦以否卦为例；除上六爻单，除下初爻拆，从第二爻起至第四爻见拆拆单，即内宫互成艮卦，从第三爻至五爻见拆单单，即外宫互成巽卦。艮卦属土，巽卦属木，木为乾宫否卦之财，如求妻财者得之，谓之用来克体吉。爻辞者，爻见单属阳曰九，爻见拆属阴曰六。即乾卦初爻，易曰：“初九潜龙勿用”；又如否卦初爻，易曰：“初六拔茅茹以其江，贞吉亨”；否之四爻曰：“九四有命无咎，畴离祉”。

鬼谷子仙师因易理浩荡深远，恐后人不能参透，以钱代蓍卜，定财官父兄子生克制化，分别原用仇忌四神，刑冲克害生扶拱合动静空破之法，使后学易觉，吉凶易剖。自后以蓍演易者不察互体、用象、爻辞而不灵，以钱卜卦者用之则不验，学者宜知蓍演钱卜断法不同。

## 十二、辟《易林补遗》终身大小限之谬

或为功名而卜终身有无，或因贫贱而卜终身富贵，或为无子而卜终身有无，或卜寿夭，或习艺业而卜终身可赖，或卜行道而卜终身可行，或为弟兄子侄终身如何，种种卜者各有用神，诸书唯《增删卜易》有野鹤论分占终身之法甚妥。大总概言，卜终身吉凶宜向六亲生克制化、刑冲克合、动静空破之间是问，神必以吉凶之机现于爻，以成败之机现于卦。

忆予于戊辰年辰月丙辰日卜自己终身成败，得旅之蛊卦：

青龙 丶、兄弟巳火

玄武 丶、子孙未土

白虎 丶、妻财酉金 应 子孙戌土

螣蛇 丶、妻财申金 （伏官鬼亥水）

勾陈 丶、兄弟午火 官鬼亥水

朱雀 丶、子孙辰土 世 （伏父母卯木）

彼时宜业丰裕，妄想富贵，此卦子孙朱雀持世，官爻入墓于日，显然功名不可问也。文书爻伏于世爻阴象之下，显然早年失慈。卦得六合，财福得合，显然祖业盈厚。此皆卦前之事也。方上有严君，新婚未几，后来兴废刑伤自然有验。孰知辛未年丧父得子，是年父爻入墓之年也；五爻为长房，持未土子孙，果得长子。甲戌年生次子，予语一友曰：“奇哉！此卦五爻持未，长子属羊，四爻化戌，次子属犬，初爻持辰，必末子属龙矣！”友曰：“土主五数，该有五子。”予曰：“非也！一重土数主五，以衰旺为之增减，今子孙多现，理当见一有一。”后至丁丑年生一子。友曰：“汝言后子属龙，今属牛者何来？”予曰：“虽得此子，不在数中，恐难养耳！”果于次年即夭，至庚辰年果

得子。自甲戌岁予年二十六，家业渐废，己卯远行，壬午二月归，妻已故矣！节年颠沛，竟以卖卜为生。或曰：“因何二十六岁颠沛起？”予曰：“交甲戌年应财值年旬空，财临白虎化月破，世位逢冲之年，谓合处逢冲也；卯年冲应上财爻，以至夫妻远别，妻死不面，妻财爻又受午年之克也，卯月妻财爻又逢月建冲之。至于卖卜为业，朱雀持世，卦属离宫，斯文之象。次子无成，白虎戌土子孙值年、月、日三破。甲申年始得安稳。”

由此卦观之，《黄金策》云：“若问成家，嫌六冲之为卦；要知创业，喜六合之成爻”，予之先成后败者，此也。若以《易林补遗》初爻起每爻各管五年是大限，初爻起每爻各值一年是小限，予廿一岁至廿五岁大限在五爻，临未土子孙，廿三岁何致父故？三十一岁至三十五岁大限在初爻，临辰土子孙，三十四岁何致克妻？大限如是，小限可知矣。又曰变卦管三十岁后，何至于廿六岁已破家？三十五岁至四十岁大限在第二爻兄弟勾陈处，何以得安稳？若以互卦，内见巽为文书，外见兑金为妻财，而卦中既互有文书妻财，何至双亲早丧，中年失偶？若依张星元之法，不过惑人；曰终身卦要如是推算大限小限，不比寻常小卦，酬谢宜多，究竟祸福吉凶，并无丝毫之应验。后人若卜终身者，当知兴废大局报于卦，刑伤克害、际遇机缘报于爻。若年年如是，月月照常，而爻中不及报应，妄推无准，莫若名利、祸福、寿夭逐件分点，便可显而见也。学者当用意推详之。

### 十三、辟《易林补遗》家宅之谬

断家宅之谬者，唯《易林补遗》之说，即如其以卦分旺相死没，立春后艮旺震相，巽胎离没，坤死兑囚，乾休坎废，春分后震旺巽相等说。又云凡看人宅六事，内外二卦皆临旺相，爻内纵无财官也主兴隆；如临死囚休废，纵有财官、青龙、天喜亦无佳兆。试问倘立春后卜得颐、小过、蛊、渐、恒、益等卦，俱值旺相胞胎，必断其富贵无穷之好？如卜得晋、明夷、临、萃、比、师等卦，必断其败坏不止之凶？由此论之，生克制化之理乌有，竟为吉凶祸福捷径之法，其谬犹可，其大谬者以官爻为家主之爻，又以五爻为家主之爻，倘遇官爻坏五爻好，则家主之吉凶何分？据云子孙动则广进家资，此一句系古法也，虽则不谬，然以官鬼为主，则子孙不可动，动则克伤官爻矣！若据张星元之论，欲要进家业者，反欲克伤其父乎？据云初为儿女、鸡鹅、井泉、基地，试问初爻逢凶，儿女、鸡鹅、井泉、基地概凶矣，岂死鸡鹅之家儿女亦必死乎？井必颓乎？墓必破乎？二言妻妾兼猫犬、灶及华堂，试问二爻逢凶，妻妾、猫犬、灶与华堂概凶矣，岂死猫犬之家妻妾亦必至于死乎？死妻妾之家乃因灶与华堂之碍乎？只陈两爻之谬，其余不及尽述。凡卜家宅当以用神分别明白，后卷有家宅六爻分断，学者详之，庶无误矣。

## 十四、辟《易林补遗》婚姻嫁娶之谬

婚姻嫁娶，唯《易林补遗》之说最谬，以内外卦世应爻为主，以阴阳财鬼爻为凭，凡男卜女家，内卦为夫外卦为妇；又以世为夫应为妇，凡女卜男家，外卦为夫内卦为妇，世爻为妇应爻为夫等说，使后学无定见。假如男家卜婚姻，或遇外卦凶而应爻吉，此婚姻亦好亦不好，竟可配不可配耶？今人宗之，不问父母叔伯为卜子侄女婿，不问兄弟母舅为卜甥弟女婚，一概以世应论夫妇，官鬼妻财为夫妇，不以用神生克制化之理定其夫妇之吉凶，大失先天之妙旨。孰知世应财官各有分别。世爻为我家，应爻为彼家，女人自卜嫁此郎为夫，当以官爻为夫，世为自己，官世相生相合，官阳世阴，此谓之得地。男人自卜娶此女为妻，当以财为妇，世为自己，财世相生相合，财阴世阳，亦谓之得地。或父母尊长辈为子孙婚，欲配某家女为媳，以子孙为用神，世上子孙或阳象，子孙皆指我家之男也，应上子孙或阴象，子孙皆指言彼之女也。无冲破有生合，自然可配，夫妇和谐，无生合有冲克，自然夫妇不睦，或休囚或受克自然不寿。如父为子婚，世位而受伤者，自然悖逆而刑翁，财爻而受生者，自然孝顺而益。或为弟娶妹嫁者，皆以兄弟爻为用神也。

曾有午建乙卯日父为女择婿，得否卦安静；

/ 父母戌土 应

/ 兄弟申金

/ 官鬼午火

、 、妻财卯木 世

、 、官鬼巳火

、 、父母未土

一人执此卦问予曰：“世阴应阳，官星旺合，卦得六合，日辰持财，财官相生，六爻安静，是必佳偶乎？”予曰：“若依张星元论，是佳偶也，子孙伏而旬空，是必无子息也；据予断，子水子孙伏阴爻未土之下，唯恐令爱不寿耳。”其人不然而去，后成婚不久，此女病故。

又一人，申月甲午日，父为子择媳得复之噬嗑卦：

X 子孙酉金      父母巳火

、 、妻财亥水

X 兄弟丑土 应    子孙酉金

、 、兄弟辰土

、 、官鬼寅木

、 、妻财子孙 世

予曰：“应爻合成子孙局生世，不仅嫁资丰厚，更可享其孝顺之福。后至巳年完婚，果孝顺贤淑，赠嫁不凡。若据张星元之说，官为夫，此卦寅木夫星月破，又被金局克，是必克夫，何完婚已二十年，翁姑在堂，夫妇和谐，不唯子多，已近得孙矣！后学当如是断，庶无弃吉就凶，以至误人婚配也。

## 十五、辩六爻诸占之谬

《天玄赋》以六爻定诸占之例，唯占国事以五爻为天子之位，家宅以二爻为宅，五爻为人坟墓，以五六爻为气绝之位。此三者稍近乎理，然亦宜以用神生克制化断之。其天时、孕育、行人、田禾、求谋、疾病、买卖、词讼、盗贼、斗殴、蚕桑、六畜、出行、鬼神等种种定位，概不以用神生克制化之理推断，唯以定例而决事之吉凶，大失先天之妙。即就其对天时以六爻为日，以五爻为雨，试问晴雨不以子孙父母爻推之，竟以五爻六爻为，可决乎？又如初爻为产母，二爻为胎孕，试问产母不看用神，胎孕不察子孙，竟以初爻二爻为，可决吉凶乎？其余种种之谬，难以尽辩，望后学详之。

## 黄金策

### 一、《黄金策》总断《千金赋》直解

**动静阴阳，反复迁变**——动就是交重之爻，静就是单拆之爻，交拆之爻属阴，重单之爻属阳。若爻是单拆，这谓之安静，安静的爻没有变化的理。若是交重，这谓之发动，发动的爻然后有变。故此交交交原是坤卦属阴，因它动了就变作单单单是乾卦属阳了。大凡物动就有个变头。为什么交就变了单，重变了拆？该把那个“动”字当作一个“极”字的意思解说。古云物极则变，器满则倾，假如天气热极，天就作起风云来，倘风雨大极就可晴息了。故古注譬以谷舂之成米，以米炊之成饭，若不以谷舂，不以米炊，是不去动它了，到底谷原是谷，米原是米，岂不是不动则不变了？发动之内，也为变好，亦有变坏。阳极则变阴，阴极则变阳，这个意思就是“动静阴阳，反复迁变”了。

**虽万象之纷纭，须一理而融贯**——此一节只讲得一个理字，那“象”字当作“般”字解。理就是中庸之理。卦中刑冲、伏合、动静、生克制化之间，有一个一定不易之理在里头，拿这个卦理评到中庸之极至处，虽万般纷纭论头，一理可以融贯矣。

**夫人有贤不肖之殊，卦有过不及之异，太过者损之斯成，不及者益之则利**——贤不肖之殊，人生之不齐也，过不及之异，卦爻之不齐也。人以中庸之德为主，卦唯中和之象为美；德主中庸则

无往而不善，象至中和则无求而不遂。故卦中动静、生克、合冲、空破、旺衰、墓绝、现伏等处，就有太过不及的理在焉。大凡卦理只论得中和之道，假如乱动就要搜独静之爻，安静就要看逢冲之一日，月破要出破填合，旬空要出旬值日，动待合，静待冲，克处逢生、绝处逢生、冲中逢合、合处逢冲，这些法则就是“太过者损之斯成，不及者益之则利”。旧注以用神多现为太过，以用神只一位不值旺令为无气，谓不及，其意浅矣！不知卦中无不有太过不及者，就是动静、生克合冲、旬空月破、旺衰墓绝、伏藏出现，个个字可以当它太过，亦可以当它不及。此活泼之中自有玄妙，学者宜加意参之。

**生扶拱合，时雨滋苗**——生我用爻者谓之生，扶我用爻者谓之扶，拱我用爻者谓之拱，合我用爻者谓之合。生者即金生水类，五行相生也。扶者即亥扶子、丑扶辰、寅扶卯、辰扶未、巳扶午、未扶戌、申扶酉。拱者即子拱亥、卯拱寅、辰拱丑、午拱巳、未拱辰、酉拱申、戌拱未。合有二合、三合、六合，二合者即子与丑合类，三合者即亥卯未合成木局类，六合者即六合卦也。此节亦承上文而言，不及者宜益之耳。倘若用神衰弱冲破，得了生扶拱合，就如旱苗得雨，则苗勃然兴之矣！倘若卦中忌神衰弱冲破，得了生扶拱合，谓之助纣为虐，其祸愈甚矣！学者宜别之，下三条仿此。

**克害刑冲，秋霜杀草**——克者相克，即金克木类是也。害者六害，即子害未、丑害午、寅害巳、卯害辰、申害亥、酉害戌是也。刑者即寅巳申等类是也。冲者子午相冲等类是也。此亦接上文而言，倘用神衰弱，并无生扶拱合，反见克害刑冲，故喻之秋霜杀草也。大凡刑冲克三者卦中常验，六害并无应验，尤当辨焉。

**长生帝旺，争如金谷之园**——长生即火长生于寅类也，帝旺即火帝旺于午类也，用神遇之，虽衰弱者亦作有气论，故以金谷譬焉。此节论用神长生帝旺在日辰上头，不言长生帝旺于变爻里边，若以变爻遇帝旺而言误矣。假如午火又化出午火来，这是伏吟卦了，有什么好处？安得以金谷喻之？大凡用神帝旺于日辰上主速；长生于日辰上主迟。盖长生犹人初生，长养以渐，帝旺犹人壮时，其力方锐，所以长生迟而帝旺速也。

**死墓绝空，乃是泥犁之地**——死、墓、绝皆从长生上数起，空是旬空；死者亡也，犹人病而死也；墓者蔽也，犹死而葬于墓地；绝者魔绝也，犹人死而根本断绝也；空者虚也，犹深渊薄冰之处，人不能践履也。泥犁，地狱名，言其凶也。这四者与克害刑冲意思相仿，又引有过不及之意。

倘用神无生扶拱合，反遇死墓绝空，故以泥犁喻之。大凡卦中爻象，只讲得长生、墓、绝三件，向日辰是问，就是变出来的也要看，唯沐浴、冠带、临官、帝旺、衰、病、死、胎、养不可向变出之爻是问。若化出来的，当以生克冲合、进神退神、反吟伏吟论也。

**日辰为六爻之主宰，喜其灭项以安刘**——日辰乃卜筮之主，不看日辰则不知卦中吉凶轻重了。盖日辰能冲起、冲实、冲散那动、空、静、旺的爻象，能合能填月破之爻，衰弱的能扶助帮比，强旺的能抑挫制伏，发动的能去克得，伏藏的能去提拔，可以成得事，可以坏得事，故为六爻之主宰也。如忌神旺动，用神休囚，倘得日辰去克制那忌神，生扶了用神，凡事转凶为吉，故曰：“灭项兴刘”。

**月建乃万卦之提纲，岂可助纣而为虐**——月建乃卜筮之纲领，月建亦能救事坏事，故言万卦之提纲。若是卦中有忌神发动克伤用神，倘遇月建生扶那忌神，这是助纣为虐了。倘忌神克用神，如遇月建克制忌神，生扶那用神，就是救事了。凡看月建只论得生克，与日辰相同。太凡月建的祸福不过司权于月内，不能始终其事，而日辰不论久远，到底有权的。就是长生、沐浴、冠带这十二神与日辰固有干系，与月建上不过只论得月破，休囚旺相生克。今有人说衰病死墓于月建上不好，长生帝旺于月建上好，种种误传不可信也。

**最恶者岁君，宜静不宜动**——即本年太岁之爻曰岁君，系天子之象，既能最恶，岂不能最善？既宜安静，岂不宜发动乎？若是太岁那一爻，临忌神发动，来冲克世身用象，主灾厄不利，一岁之中屡多驳杂，故曰最恶，故宜安静。此言岁君若临忌辰则宜静而不宜动也，若是太岁那一爻动来生合世身之象，主际遇频加，一岁之中连增喜庆，当言最善，亦宜发动。若用神临之，其事必干朝廷，若日辰动爻冲之，谓之犯上，毋论公私，皆宜谨慎可也。

**最要者身位，喜扶而不喜伤**——身即月卦身也，“阳世则从子月起，阴世还从午月生”，其法见《启蒙节要》篇内。大抵成卦之后，看卦身现与不现，与月建、日辰、动爻有无干涉，则吉凶便知。占事为事体，占为为人身，唯喜生扶拱合，不宜克害刑冲。凡占卦以身为占事之主，故曰“最要”也。

**世为己应为人，大宜契合；动为始变为终，最怕交争**——交重为动，动则阳变为阴，阴变为

阳，卦中遇此，当以动爻为事之始，变爻为事之终。发动之爻变克变冲，谓之交争。凡世应宜生合用神，怕变克冲也。

**应位遭伤，不利他人之事，世爻受制，岂宜自己之谋**——应位者，该当一个用神解说。如占他人亦各有用神分别，或占交疏之人及无尊卑之人，是应为他人也；倘占父友、家主、师傅辈，这是父母爻为用神了；子孙之友，这是子孙爻为用神了，妻妾奴婢，这是妻财爻为用神了。那父友、自友及子孙之友，虽是他人，当分别老幼称呼名份取用，不可一概以应位误断。如卜损益自己之事，以世爻为自己也，世若受制，岂宜自己之谋乎？

**世应俱空，人无准实**——此节亦引上文而言世应也。但凡谋事，势必托人，世空则自己不实，应空则他人不实，若世应皆空，彼此皆无准实，谋事无成。或世应空合，谓之虚约而无诚信。如托尊长辈谋事而得父母爻生合世爻，托之自然有益，倘或应空，总得长辈之力，而那一边不实，亦难成事也。

**内外竞发，事必翻腾**——竞者冲克也，发者发动也。凡占的卦内外纷纷乱动，乱冲乱击，是人情不常，必主事体反复翻腾也。

**世或交重，两目顾瞻于马首，应如发动，一心似托于猿攀**——马首是瞻，或东或西；猿攀攀木，自心靡定。世以己言，应以人言。书曰：“应动恐他人有变，世动自己迟疑”，皆言其变迁更改，不能一其思虑耳。此引上文世应彼我之意，又引竞发有翻腾而言。其事之吉凶，总不外乎生扶拱合克害刑冲空破间耳。

**用神有气无他故，所作皆成；主象徒存更被伤，凡谋不遂**——用神者，如占文书、长辈，以父母爻为用神之类是也。主象者亦即用神也。“故”字该作“病”字解。何谓之病？凡用神同刑冲克害就是病了。如卦中用神旺相遇了病，可待去病日期，亦能成事；如旺相而又无刑冲克害等病，凡谋必从心所欲，无不可成矣。倘用神衰弱无气，而又遇月建日辰刑冲克害，犹如一个天元不足、瘦弱不堪的人，岂可再加以病乎？故爻弱而又受刑冲克害者，凡事枉费心力，终无可成之理。盖用爻虽然出现，别无生助，而卦中又无原神，纵有而值空破坏者，谓之主象徒存，徒存者徒然出现也，谋事焉能遂意哉！

**有伤须救**——伤，伤克用神之神也；救，救护用神之神也。如申金是用神而被午火发动来克，则申爻有伤矣。若得日辰是子，或动爻是子，子去冲克午火，或亥日亥爻制伏午火，则午火有制，而申金岂非有救乎？倘月建冲克用神，得日辰去生合用神，又或日辰去克用神，卦中动出一爻生它，这便是有伤得救了。凡遇有伤得救，每事先难后易，先凶后吉，用神得救乃为有用耳。

**无故勿空**——故者，谓受伤的意思，“勿”字该当它“不”字解说。大凡旬空之爻，安静又遇月建日辰克制，这是有过之空了，即使出旬值日，亦不能为吉为凶，这样旬空，到底无用之空矣。若旬空之爻发动，或得月建日辰生扶拱合它，或日辰冲起它，或动爻生合它，这是无故之空，待其出旬值日得合之时，仍复能事，故曰无故之空爻，勿以为空也。虽值旬空而没有受月建日辰克伤的，不可当它真空论。又如用神化回头克，又见会局来克，来克太过，岂不是有伤了？若是日月不伤它，用神一空则不受其克，亦称“无故”矣。古有避凶之说，亦近乎无故之理。旧注误以无伤克之爻不可空，日月二建克它又宜空，大失先天之妙旨，又失是篇之文理矣。

**空逢冲而有用**——凡遇卦爻旬空，今人不拘吉凶，概以无用断之，殊不知见日辰冲亦有可用之处。盖冲则必动，动则不空，所以“空逢冲而有用”也。

**合遭破以无功**——此节独言合处逢冲。盖卦爻逢合，如同心协力，事必克济，凡谋望欲成事者，得之则无不遂矣。倘合处遇冲刑破克，唯恐奸诈小人两边破说，必生疑惑猜忌之心。如寅与亥合，本相和合，若见申日或遇申爻动来冲克寅木，则害了亥水矣。故曰：“合遭破以无功”。合者成也，和好之意；破者散也，冲开之意。凡遇成事而得合处逢冲之卦者，事必临成见散；凡欲散之事而得合处逢冲之卦者，必遂意也。冲中逢合者反是。

**自空化空，必成凶咎**——自空者，用爻值旬空也；化空者，亦言用爻化值旬空也；凶咎，言不能成事。此节亦引上文谋望之事，倘用爻空或用爻动化空，则动有更变，空有疑惑，事必无成，故曰“凶咎”也。

**刑合克合，终见乖淫**——合者和合也，凡占见之无不吉利。然人不知合中有刑有克；合而有克，终见不和合，而有刑终见乖戾。且如用神未字为财爻，午字为福爻，午与未合，然午带自刑，

名为刑合。又如子字为财爻，子与丑合，丑土能克子水，谓之克合。如占妻妾，始合终背，诸事终乖戾也。

**动值合而绊住**——大凡动爻不遇合然后为动，若有合则绊住而不能动矣。既不能动，则不能生物克物矣。如日辰合子，须待冲其本爻日至，可应事之吉凶；如旁爻动来合之，须待冲那旁爻之日至，可应事之吉凶矣。假如用丑土财而子日合之，待未应事，子爻合之待午日应事。又如子孙爻动而被日辰合住，则不能生财，待冲动子孙期至，方有财也。余仿此。

**静得冲而暗兴**——大凡不发动的爻，不可言之安静，若被日辰冲之，则虽静亦动，谓之暗动。犹如人卧而被人呼唤，既不能安然而睡，即是卦中发动的能冲得安静的爻。且爻遇暗动者，犹人在私下作事也，暗动之爻生扶我，定叨私下一人帮衬；倘或克害我，定被一人在私下谋损。其理深微，应事在于合日。

**入墓难克，带旺匪空**——入墓难克者，言动爻入墓不能去克他爻也，又言他爻入墓不受动爻所克也。假如寅木发动本去克土，倘遇未日占卦，那木入墓于未日，或化出是未，是入墓于未爻也。则不能去克土矣。又如寅动克土，而土爻遇辰日则入墓于日辰，或化辰爻入墓于变爻，皆不受寅木之克，故曰入墓难克。旺相者即如春令木旺火相，夏令火旺土相，秋令金旺水相，冬令水旺木相，四季之月土旺金相。古谓当生者旺，所生者相是也。此爻空亡不作空论。又云旺相之爻过一旬，过旬仍有用，故曰“匪空”。

**有助有扶，衰弱休囚亦吉**——此节独指用神而言也。且如春天占卦，用爻属土是衰弱休囚，本为不美，倘得日辰动爻生扶拱合，虽则无气，不作休囚论，譬如贫贱之人而得贵人之提拔也。忌神倘无气，则不宜扶助也。

**贪生贪合，刑冲克害皆忘**——此节亦指用神而言也。倘用神遇刑冲克害，皆非美兆，若得旁有生爻合爻，则被贪生贪合，自不为患矣，故曰忘冲忘克。假如用神是巳，卦中动出寅字来，寅本刑巳，但寅木能生巳火，故巳火贪其生而忘其刑也。又如卦中动出亥字来冲克巳火，又得动出卯字来，则亥水贪生于卯而忘克于巳也；如寅字动，则亥水贪合于寅而忘冲于巳也。此乃忘克、忘冲、忘刑之例，余皆仿此，详推可也。

**别衰旺以明克合，辨动静以定刑冲**——此节分别衰旺、动静、生克制化阴阳之理。若独别衰旺不辨动静，则胶于所用矣。如旺爻本能克得衰爻，若安静，纵旺而不能去克衰爻了。衰爻本不能去克旺爻，若发动了就克得旺爻了。盖动犹人之起，静犹人之伏；虽则旺相不过一时目下旺，虽则衰弱亦不过目下一时衰，俟旺者退气，衰者得扶，而衰爻可克旺爻矣。如旺爻动克衰爻而无日辰救护者，立时受其克也。唯是日辰能冲克得动静之爻，即如动爻生克不得那日辰，若是月建载在卦中，那动爻也能克得它了。如此则衰旺动静之理明矣。

**并不并，冲不冲，因多字眼**——并者，谓卦中之爻日辰临之也，冲者，谓卦中之爻日辰冲之也。“不”字言所并之爻不能并，所冲之爻不能冲也。何谓不能并？假如子日占卦，卦中见有子爻作用神，日辰并之，倘子爻衰弱，已有日辰并之，便作旺论。然亦不可子爻化墓、化绝、化克，此谓日辰变坏，不能谓善于爻，而凶反见于本日也，故曰并不能并也。何谓不能冲？又如子日占卦，卦中见有午字作用神，日辰冲之，如子爻在卦中动来冲克午爻，若得子爻化墓、化绝、化克，此谓日辰化坏，不能为害于午，而其吉反见于本日也。故曰冲不能冲也。此二者皆因子日占卦，卦中多这个子爻变坏了，所以如此。余如此例。

**刑非刑，合非合，为少支神**——刑，三刑也；合，合局也。如寅巳申为三刑，丑戌未为三刑，子卯为二刑，辰午酉亥为自刑。假如卦中有寅巳二字而无申，有寅申二字而无巳，有巳申二字无寅，为少一字而不成刑也。如亥卯未为三合，申子辰为三合，巳酉丑为三合，寅午戌为三合，假如有亥卯而无未，有未卯而无亥，有亥未而无卯，为少一字而不成合也。三合三刑之法必须见全，有两爻动则刑合得一爻起，如一爻动则刑合不得两爻起了。如卦中刑合俱见全，倘俱安静便不成刑合了。如此占验就明白晓畅矣！

**爻遇令星，物难我害**——令星者，月建之辰也，物者，指卦中动爻而言。倘用神是月建之辰，而月建乃健旺得令星也，即使动爻来伤，何足惧哉！故曰物难为我之害也。

**伏居空地，事与心违**——伏者，伏神也。六爻之内无缺用神，当查本宫首卦用神为伏，卦上六爻为飞，飞为显，伏为隐。若六爻之中并无用神，而伏神又值旬空，倘无提拔者，谋事决难成就，故曰“事与心违”。

**伏无提拔终徒尔，飞不推开亦枉然**——亦引上文之意。伏者，言用神不现而隐伏于下也，如无日月动爻生扶拱合，谓之伏无提挈。飞者，是用神所伏之上显露神也。推者，冲也，言冲开飞神使伏神要出也。

**空下伏神易于引拔**——言伏神在旬空飞爻之下。盖本爻既空，犹于拦绊，则伏神得引拔而出也。引者是拱扶并之神，拔者亦生扶拱合，冲飞引伏之意。

**制中弱主难以维持**——制者，言月建日辰制克也；弱主者，指衰弱之爻也。如用神衰弱而又被日月二寻制克，纵得动爻生之亦不济事，盖衰弱之爻再遇日月克者，如枯枝朽树，纵有如膏之雨，难以望其生长新根。此指用神出现而言也，如伏神如是，纵遇并引亦无用矣。

**日伤爻真罹其祸，爻伤日徒受其名**——日辰为六爻主宰，总其事者也；六爻为日辰臣属，分治其事者也。是以日辰能刑冲克害得卦爻，卦爻不能刑冲克害于日辰也。月建与卦亦然。

**墓中人不冲不发**——大抵用爻入墓则多阻滞，诸事费力难成，须待日辰动爻冲之，或冲克其墓爻，方有用也。古书云：“冲空则起，破墓则开”。

**鬼上身不去不安**——“身”，借用而言世也。但凡官鬼持世爻上，如自己若非职役之人，以官鬼为忧疑阻滞之神，须得日辰动爻冲克去之，方可安然无虑矣。或忌神临于世上亦然，但不可克之太过，恐我亦伤。先圣曰：“人而不仁疾已甚，乱也”，唯贵得其中和耳。

**德入卦而无谋而不遂，忌临身而多阻无成**——德，合也，和合中自有恩情德义。故凡谋为，一神动来合世，或用神化得生合，或日辰临用合世，或日辰生合用爻，皆德入卦中，而无谋不遂矣。但合处逢冲恐有更变。倘忌神如是，则多阻而无成矣。

**卦遇凶星避之则吉**——凶星即是忌神。凡用爻被月建日辰伤克，不论空伏，始终受制，无处可避。如无月日伤克，独遇卦爻中忌神发动来伤，若用爻值旬空伏藏不受其克，谓之避，待冲克忌神之日，其凶自散也。如用爻出现不空便受其毒，难免其伤也，故曰：“避之则吉”。

**爻逢忌杀敌之无伤**——爻者用爻也，如求财以财爻为用之类是也。“敌”，救护之意，譬如求财，卦中财爻属木，倘有金爻动来克财，凶也，或得火爻发动克金，则金爻自治不暇，焉能克木？木爻无患矣！故曰：“敌之无伤”。

**主象休囚，怕见刑冲克害，用爻变动，忌遭死墓绝空**——主象亦言用神也，如值休囚，已不能为事矣，岂可再见刑克？如用神发动，犹人勇往直前，岂可自化墓绝？

**用化用有用无用，空化空虽空不空**——用神化用神，有有用之用神，有无用之用神。有用者，用神化进神；无用者，用神化退神并伏吟卦也，故以“有用无用”分别之。空爻安静则不能化空，爻发动则能化，既发动，动不空也，化出之空亦因动而化。凡动爻值空，或动爻变空，皆不作真空论，出旬有用矣。

**养主狐疑，墓多暗昧，化病兮伤损，化胎兮勾连**——长生、沐浴、冠带、临官、帝旺、衰、病、死、墓、绝、胎、养，此十二神，卦中唯是长生、墓、绝三件，卦卦看，爻爻要查，其余沐浴、冠带、临官、帝旺、衰、病、死、胎、养各神，俱各有生克冲合、进神退神、伏吟反吟论，不可执疑于养主狐疑，病主伤损，胎主勾连。《十八论》内已明论之，学者宜自详辨。

**凶化长生，炽而未散**——用爻化入长生者吉；如凶神化入长生者，则其祸根始萌，日渐增长也，必待墓绝日始锄其势。

**吉连沐浴，败而不成**——沐浴，其名败神，又称沐浴煞，乃无廉无耻之神，其性淫败，然而有轻重之分别。即如金败于午，败中兼克；寅木败于子，败中兼生；卯木败于子，败中兼刑；水败于酉，败中兼生；土败于酉，败中兼泄气；火败于卯，败中兼生。唯占婚姻最宜忌之。倘夫择妻姻，得财爻而化沐浴兼生者，必败门风，兼克者，因奸杀身。即如诸占，倘世爻化之，生者因色坏名，克者因奸丧身，有救者险里逃生。故曰吉神不可化沐浴也。

**戒回头之克我，勿反德以扶人**——回头克乃用神自化忌神，如火爻化水之类是也。诸占世爻、身爻、用爻遇之不吉也。凡用神动出生合世爻，是有情于我，谋为易成也；或用神发动不来生合世

身，而反生合应爻及旁爻者，皆谓反德扶人，凡占遇之，所求不易，是损己利人之象也。

**恶曜孤寒，怕日辰之并起**——“恶曜”，指忌神言也；“孤”，孤独无生扶拱合也；“寒”，衰弱无气也。凡占遇忌神孤寒，则永无损害我矣。唯怕日辰并起，而孤寒得势，终不免其损害，如值月建，真可畏也。

**用爻重叠，喜墓库之收藏**——如卦中用爻重叠太过，最喜用神之墓持临身世，谓之归我收藏也。

**事阻隔兮间发，心退悔兮世空**——间爻者，世应当中两爻是也。盖此二爻居世应之中，隔彼此之路，动则有人阻隔。要知何等人阻隔，以五类推之，如父母动即尊长之辈是也。凡世爻旬空其人心怠意懒，不能勇往精进以成其事，故曰“心退悔兮世空”。

**卦爻发动须看交重，动变比和当明进退**——凡卦发动之爻须看交重，交主未来，重主已往。如占逃亡，见父母并朱雀发动，若爻是交，当有人来报信，如值重爻，则信已先知，他仿此。动变比和者，指言进退二神也，如寅木化卯是进神，卯变寅是退神，《十八论》内详明。进主上前，退主退后。

**煞生身莫将吉断，用克世勿作凶看，盖生中有刑害之两防，合处有克伤之一虑**——煞者，忌神也；生者，合也；身者，如自占以世而言也。如卦中忌神发动，则有伤于用神矣，既使生合我，有何益哉？况生合之中有刑、有害、有克，如忌神生世兼有刑克者，不但谋事无成，所求不得，恐因谋而致咎。即如一人乡试于辰月癸酉日，卜得节之坎卦，世爻巳火化寅木忌神，生中带刑，又卯木忌神暗动生世，后至临场病。此是忌生身也，生中带刑也。害者相同，克者尤重。又如用神动来克世，谓之物来寻我，凡谋易就，勿因克我当作凶看，得用神克世本是吉也，不宜又去生合应爻，谓之厚于彼而薄于我，则虽用神克世，亦作凶看，不可不知也。

**刑害不宜临用，死绝岂可持身**——凡用神、身、世遇日辰相刑，必主不利，占事不成，占物不好，占病沉重，占人有病，占妇不贞，占文卷必破绽，占讼有刑害。动爻不过坏事，大概相仿，化者亦然，须推衰旺生克，分其轻重详之。死绝于日辰之爻临持世身用神者，诸占不利，变动化入

者亦然。然有绝处逢生之辨，学者宜知。

**动逢冲而事散**——盖冲之一爻不可一例推之。如旬空安静之爻，逢冲曰起；旬空发动之爻，逢冲曰实；安静不空之爻，逢冲曰暗动；发动不空之爻，逢冲曰散，又曰冲脱。凡动爻而逢冲散脱者，吉不成吉，凶不能成凶也。

**绝逢生而事成**——大凡用神临于绝地，不可执定绝于日辰论之，用神化绝皆是也，倘遇生扶，乃凶中有救，大吉之兆，名曰“绝处逢生”。

**如逢合住，须冲破以成功**——卦中用神忌神遇日辰合，或自化合，或有动爻来合，不拘吉凶，皆不见效，须待冲破日期可应事之吉凶。假如用爻动来生世，凡事易成，若遇合住，则又阻滞，须待冲之日，事始有成。此下皆断日期之法也。

**若遇休囚，必生旺而成事**——断日期之法不可执一，当以活法推之，庶无差误。如用爻合住，因以冲之日期断矣。或用爻休囚，必生旺之期能成其事，故无气当以旺相月断之。如用爻旺相不动，则以冲动月日断之。如用爻有气发动，则以合日断之。或有气动合日辰，或日辰临之动，或日辰临之动来生合世身，即以本日断之。若用爻受制，则以制煞日月断之。若用多得时旺动，而又遇生扶，此为太旺，当以墓库日月断之。若用爻无气发动而遇生扶，即以生扶月日断之。若用爻入墓，当以冲墓冲用月日断之。若用爻旬空安静，即以出旬逢冲之日断之。若用爻旬空发动，即以出旬值日断之。若用爻发动旬空被合，即以出旬冲日断之。若用爻旬空安静被冲，即以出旬合日断之。若用爻旬空发动逢冲，谓之冲实，即以本日断之。以上断法撮其大矣，其中至妙之理，学者自当融通活变，分其轻重，别其用忌，断无差矣。

**速则动而克世，缓则静而生身**——此亦断日辰之法也。如来人定其迟速，若用神动而克世，来期甚速；如动而生世则迟；如静而生世则又迟矣。更宜以衰旺动静推验；则万无一错。如衰神发动克世，比旺动来克者又缓矣，余仿此。

**父亡而事无头绪，福隐而事不称情**——此一节指言公事，当看文书，文书即为父母爻也。凡占功名、公门、公事，以父母爻为头绪，当首赖文书，次尊官鬼，如文书爻空亡，恐事未的确。故

曰：“父亡而事无头绪”。凡占私事以子孙爻为解忧喜悦之神，又为财之本源，岂可伏而不现？故曰“福德隐而事不称情”也。

**鬼虽祸灾，伏犹无气**——官鬼一爻，虽言其祸灾之神煞，然六爻之内亦不可无，宜出现安静，不宜藏伏，藏伏了谓之卦中无气，况那官爻诸占皆有可赖之处，故此要它。即如占名以官为用，占文书以官爻为原神，占讼以官爻为官，占病以官爻为病，占盗贼以官爻为盗贼，占怪异以官爻为怪异，占财以无官爻恐兄弟当权不无损耗。

**子虽福德，多反无功**——“多”，多现；“反”，受克。唯占名子孙为恶煞，除此皆以子孙之爻为福德神也。占药以子孙之爻为用神，若卦中多现，必用药杂乱，服之无功。如占求财遇子孙爻受伤，不唯无利，恐反致亏本。

**究父母推为体统，论官鬼断作祸殃，财乃禄神，子为福德，兄弟交重，必至凡谋多阻滞**——此虽概言五类之大略，然亦有分别用之。假如占终身，以父母爻论其出身，如临贵人有煞，是官家之后，如临刑害无气，乃贫贱之儿。如占祸殃，当推官鬼附临何兽，或值玄武即盗贼之殃。财乃人之食禄，故曰“禄神”；子孙可解忧克鬼，故曰“福德”。兄弟为同辈劫财，动则克神争夺，故曰“凡谋多阻滞”也。

**卦身重叠，须知事体两交关**——卦身即月卦身也，其法“阳世还从子月起，阴世还从午月生”，《启蒙节要》论明矣。凡卦身之爻为所占事之体也，若六爻中有两爻出现，必是鸳鸯求事，或事于两处。若带兄弟必与人同谋，兄弟克世或临官鬼发动，必有人争谋其事也。卦中不出现，事未有定向，出现生世、持世、合世，其事已定。宜出现不宜动，动则须防有变，如变坏则事变坏矣！若持世，知此事自可掌握；若临应，知此事权柄在他。或动他爻变出者，即知此人亦属其事。如子孙为僧道子侄辈类。或伏于何爻之下，亦依此类推详。如六爻飞、变、伏皆无卦身，其事根由未的，空亡墓绝者诸事难成。大抵卦身当作事体看，不可误作人身看。若占人相貌美恶，以卦身看可知矣。凡遇身克世则事寻我吉，世克身则凶，若得身爻生合世爻更吉。

**虎兴而遇吉神，不害其为吉；龙动而逢凶曜，难掩其为凶；玄武主盗贼之事亦必官爻；朱雀本口舌之神然须兄弟；疾病大宜天喜，若临凶煞必生悲；出行最怕往亡，如系吉神终获利。是故吉凶**

**神煞之多端，何如生克制化之一理**——大抵卜易当执定五行六亲，不可杂以神煞乱断。盖古书神煞至京房先生作易，乱留吉凶星曜以迷惑后学，如天喜、往亡、大煞、大白虎、大玄武之类皆是。今人宗之无不敬信，然神煞太多岂能辨用？合以六兽而言其法，莫不以青龙为吉，以白虎为凶，见朱雀以为口舌，见玄武以为盗贼，不分临持用神、原神、忌神、仇神，概以六兽之性断之，大失先天之妙旨。何则？白虎动固凶也，若临所喜之爻，生扶拱合于世身，则何损于吾？故曰凶不害其为吉。青龙动固吉也，若临所忌之爻刑冲克害乎用神，则何益于事？故曰虽吉而难掩其为凶。朱雀虽主口舌，然非兄弟并临，则不能成口舌也。玄武虽主盗贼，若非官爻并临，则不能称盗贼也。盖六兽之权依于五行六亲生克故也。又如天喜吉星也，占病遇之虽大象凶恶，竟不以死断，因天喜故也，若临忌神，我必以为悲而不以为喜。往亡，凶煞也，出行遇之，虽大象吉利，竟断其凶，因死之故也，若临所喜之爻动来生扶拱合世身用爻者，吾必以为利而不以为害也。盖神煞之权轻而五行之权重故也。由是观之，遇吉则吉，遇凶则凶，系与此而不系于彼，有验于理而验于煞，何必徒取幻妄之说哉！不然，吾见其纷纷繁剧，适足以害其理而乱人心，岂能一一中节耶？盖神煞无凭，徒为断易之多歧，而不若生克制化之一理为妥，能明其理则圆神活变，自有条理而不惑矣。六亲本也，六兽末也，至于天喜、往亡、天医、丧车吉神凶煞末中之至末也。欲用之者唯六兽可也，必当急于本而缓其末。然六兽但可推其性形状，至于吉凶得失，当专以六亲生克为主。学能如此，则本末兼赅，斯不失其妙理而一以贯之矣！

**呜呼！卜易者知前则易**——世人卜易皆泥古法，能变通鲜矣。故有龙虎推其悲喜，水火断其雨晴，空亡便以凶看，月破皆言无用，身位定为人事，应爻概称他人，凡此之类，难以枚举。刘伯温先生作是书，取理之长，舍义之短，阐古之幽，正今之失，凡世之执迷于前法者，亦莫不为这条解。有志是术者苟能究明前说，自知能变之道矣，其于易也何有？

**求占者鉴后则灵**——推占者固当通变，而求占者亦不可不知求卜之道也，后诚心是也。

**筮必诚心**——圣人作易，幽赞神明，以其道合乾坤故也。故凡卜易，必须真诚敬谨，专心求之，则吉凶祸福自无不验，今人求卜多有科头跣足，短衫露体，甚至有不焚香不洗手者，更有富贵自骄，差家人代卜，或烦亲友代卜，孰不知自虽发心而代者未必心虔？忽略如此而欲求神之咸格者，未之有也，可不慎欤？

**何妨子曰**——阴阳历书中有“子不问卦”说，故今人多忌此日。刘国师谓吉凶之应皆感于神明，神明无往不在，无时不格，能格其神，自无不验矣。故凡卜易唯在人之诚不诚，不在日之子不子也。

以上全篇总说断易之法，乃通章之大旨，不如此则诸事难决，有志于是者当先观此篇，若能沉潜反复，熟读玩解，此理既明，则事至物来，迎刃而解矣！其于卜易也何有？

## 二、天时

**天道杳冥，岂可度斯夫旱潦？易爻微妙，自能验彼之阴晴。当究父财，勿凭水火**——《天玄赋》、《易林补遗》皆以水火为晴雨之主，而不究六亲制化，盖执一不通之论也。且如以水爻为雨，其言旺动骤雨，休囚微雨，然水居冬旺则雨，雨岂独骤于秋冬而轻微于春夏耶？知乎此不攻自破矣？凡卜天时，当看父财，勿论水火也。

**妻财发动，八方咸仰晴光，父母兴隆，四海尽沾雨泽**——以父母爻为雨，财动则克制雨神，所以主晴。

**应乃太虚，逢空则雨晴难拟**——占天时，应空则雨晴难拟，须凭父财及日辰断之。

**世为大块，受克则天变非常**——应为天，万物之体也；世为地，万物之主也。若世受动爻刑克，必有非常之变。

**日辰主一日之阴晴**——如父母爻动被日辰克制者，不雨；倘父母爻动，日辰生扶，主大雨；财爻动，日辰生扶，主烈日。日辰为主也。

**子孙管九天之日月**——阳象子孙为日，阴象子孙为月，旺则皎洁，衰则暗淡，空伏蒙蔽，墓绝暗晦。墓宜逢冲，绝宜逢生。

**若论风云，全凭兄弟**——风云当看兄弟爻，以旺动衰静论风云大小浓淡。若问顺风逆风莫看兄弟，以子孙为顺风，以官鬼为逆风。

**要知雷电，但看官爻**——官鬼在震宫动有雷，旺相霹雳，化进神亦然。或卦无父母，虽雷不雨，父母值日方有雨也。

**更随四季推详**——此节引上文而言，冬令不可以雷断矣。

**须配五行参决**——五行各有时旺，春令多霜雪冰雹，夏秋多雷电朝露。

**晴或逢官，为烟为雾**——卦得晴兆，官鬼若动，有浓烟重雾，恶风阴晦，冬或大寒，夏或大热。

**雨而遇福，为电为虹**——卦得雨兆，子孙若动，有闪电彩虹，盖子孙主彩色，虹与电亦有其象，故以类而推之。

**应临子孙，碧落无瑕疵之半点**——凡应临子孙动者，日必皎洁，或财临应动化福亦然。

**世临土鬼，黄沙多漫散于干村**——或父母爻空伏而世临土鬼发动，是落沙天也，待父爻出空出透日，方有雨也。

**三合成财，问雨那堪八卦**——卦有三合成财局，有彩霞无雨，三合父局有雨。

**五乡连父，求晴怪杀临空**——五乡者，金木水火土五行也，唯父爻为雨，以财爻为忌煞。若求晴最怪财爻旬空。

**财化鬼阴晴未定**——财主晴明，鬼主阴晦，如遇财鬼互化，或鬼财皆动，必主阴晴不定。

**父化兄风雨靡常**——父主雨，兄主风，两爻互化或俱发动，皆主风雨交作。凡论先后，当以动为先，变为后，俱动则以旺为先，衰为后。

**母化子孙，雨后长虹垂带练；弟连福德，云中日月出蟾珠**——日月虹霓皆属子孙，若遇父爻化出，必然雨后见虹，兄爻化出则是云中见日。

**父持月建，必然阴雨连旬**——如求晴岂宜父持月建，若无子孙同财爻齐发，是必连旬阴雨也。

**兄坐长生，拟定狂风累日**——长生之神，凡事从发萌之始。如父爻逢之，雨必连朝；兄爻逢之，风必累日；官爻逢之，阴云不散；财爻逢之，雨未可望。须至墓绝日，然后雨可止，风可息，云可开，阴可晴也。

**父财无助旱潦有常**——官鬼父母无气而财爻旺动者必旱，子孙妻财无气而父母旺动者必潦。遇此最怕日月动爻来生扶，则潦必至淹没，旱必至枯槁。如父财二爻虽旺动，却有制伏，又无扶助，纵旱有日，纵潦有时。

**福德带刑日月必蚀**——子孙带刑化官鬼，或官鬼动来刑害，或父带螣蛇来克，皆主日月有蚀；阳爻日，阴爻月。

**雨嫌妻位之逢冲**——占雨若财爻暗动，则父受其暗伤，雨未可望。

**晴利父爻之入墓**——发动父爻入墓，而无日辰动爻冲开墓库，则雨止。

**子伏财飞，檐下曝夫犹抑郁**——财爻主晴，不主日，得子孙出现，发动旺相，然后有日。倘无子孙则财爻无根，官鬼必专权，非久晴之兆也。

**父衰官旺，门前行客尚趑趄**——雨以父为主，得官爻旺动有雨，如父爻居空地，仍为无雨，必密云凝滞不散之象，父爻出旬逢冲当有雨也。

**福合应爻，木动交而游丝漫野**——子孙乃旷达之神，若临木动应交合，或在应上生合世身，必是风和日暖，游丝荡飏之天也。

**鬼冲身位，金星会而阴雾迷空**——鬼临金爻，动来冲克世身，或冲克应爻，或临应上发动，皆主有浓烟重雾蔽塞效野之象。

**卦值暗冲，虽空有望**——如占雨父空，占晴财空，若日辰冲之，则冲空不空，欲定日期，出旬有望。

**爻逢合住，纵动无功**——父动雨，财动晴，理固然也，若被日辰合住，虽动犹静，待日辰冲父之日可雨，冲财之日可晴也。

**合父鬼冲开，有雷则雨，合财兄克破，无风不晴**——如动爻合住父爻，得官爻去冲动父爻，先雷后雨；财被动爻合住，得兄弟克破动爻，无风则不晴。

**坎巽互交，此日雪花飞六出**——坎巽者，指言父兄两动，在冬令占，有风雪飘扬之象。

**阴阳各半，今朝霖雨慰三农**——阴晴者，言官父二神也，如求雨见官父皆旺动而无冲合伤损，当日有雨。

**兄弟木兴系巽风，而冯夷何其肆虐**——遇兄弟属木，在巽宫旺动刑克世爻，当有飓风之患，如父亦旺动，主风雨交作也。

**妻财发动属乾阳，而旱魃胡尔行凶**——财爻发动，或变入乾卦，而又遇月建日辰生扶合助者，必主大旱。

**六龙御天，只为蛇兴震卦**——震为龙象，若见青龙或辰爻在此宫旺动者，必有龙现。从父化辰先雨后龙，如辰化父先龙后雨。父爻安静或空伏，龙呈现而无雨，化财亦然。

**五雷驱电，盖缘鬼发离宫**——有声曰雷，无声曰电。若鬼在离宫动，当以五雷驱电断之，盖离为彩色之象故也，火鬼亦然。

**土星依父，云行雨施之天；木德扶身，日暖风和之景**——土主云，父主雨。故土临父动有云行雨施之象。木主风，财主晴，故木临财动有日暖风和之景。

**半晴半雨，卦中财父同兴**——妻财父母俱动，必然半晴半雨；父衰财旺晴多雨少，父旺财衰雨多晴少。

**多雾多烟，爻上财官皆动**——财动主晴，鬼动主阴，官旺财衰，大雾重如细雨，鬼衰财旺，烟迷少顷开晴。

**身值同人，虽晴而日轮含曜；世持福德，纵雨而雷鼓藏声**——凡兄弟持世，动则克财，财若旺相，亦非皎洁天气；子孙持世，动则克官，官若发动，虽雨必无雷声。

**父空财伏，须究辅爻。克日取期当明占法**——辅爻者即原神也。占雨以父母爻为用神，以官鬼爻为原神；占晴以财爻为用神，以子孙爻为原神。如用神空伏、衰旺、动静、出现、墓绝、合冲、月破，当以病药之法决断日期。今以用神为法，原神之例如之。即如用神伏藏；俟用神出透之日应事；如用神安静，俟冲静之日应事；如用神旬空安静，俟出旬逢冲之日应事；如用神静空逢冲，谓之冲起，俟出旬逢合之日应事；如用神静空逢合，俟出旬逢冲之日应事；如用神发动而无他故者，俟逢合之日应事；如用神旬空发动逢冲，谓之冲实，本日应事；如用神发动逢合、动空逢合及静而逢合者，皆俟冲日应事；如用神入墓于日辰者，俟冲用神之日应事；如用神自化入墓者，俟冲开墓库之日应事；如用神被旁爻动来合住，或自化出作合，俟冲开合我之爻之日为应事；如用神月破，俟出月值日或逢合之日应事；如用神绝于日辰，或化绝于爻者，俟长生日应事；如原神会局来生，而用神伏藏，俟出透之日应事；如旬空，俟出旬之日应事。故合待冲、冲待合、绝待生、墓待开、破待补、空出旬、衰待旺等法，远断月日，近断日时，故曰：“克日取期当明占法”也。雨宜察父爻之空不空，晴宜察财爻之伏不伏。既知用神，还宜兼察原神，故曰“父空财伏须究辅爻”。“须”字当作“兼”字解，而古注疑以占雨而父空，不必宗父爻，当以辅爻推之，占晴而财爻伏，不必宗财爻，当以辅爻断，以词言义，故予琐陈。

**要知其详，别阴阳可推晴雨；欲知其细，明衰旺以决重轻**——此节言其大略而已。“阴阳”，动变之意；“重”，大也，“轻”，小也，以旺衰决雨之大小也。

能穷易道之精微，自与天机而吻合。

### 三、年时

**阴晴寒暑天道之常，水旱兵灾年时之变，欲决祸福于一年，须审吉凶于八卦**——年时，一年中四时事也，国家、官府、天道、人物皆在六爻内也。

**初观万物，莫居死绝之乡；次察群黎，喜在旺生之地**——万物属初爻，临财福吉，临官鬼凶；二爻为人民之位，遇子孙四时安乐，逢官鬼一岁多灾。

**三言府县官僚，兄动则征科必迫；四论九卿宰相，冲身则巡警无私**——三爻以有司官断，生合世爻有仁民爱物之心；若临子孙，清廉正直；若临官鬼，残酷不仁；临兄弟发动克世，征科急迫。若九卿上司，皆看四爻，临子孙生合世身，必然治国忧民，正直无私。

**五为君上之爻，六为皇天之位**——五爻为天子之位，最不宜动来刑克世爻，其年必受朝廷克剥。若临财福生合世爻，必有君恩，化出父母当有赦宥；空动有名无实。六爻为天，若空，其年必多怪异事，盖天无空脱之理，所以主有变异也。

**应亦为天，克世则天心不顺；世还为地，逢空则人物多灾**——应爻又作外郡，世爻又作本境看。

**太岁逢凶乘旺，有温州之大腿**——太岁乃一年主星，唯遇子孙妻财为吉，其他皆非所利。如临兄动，其年多风，克世必有风灾。

**流年直鬼带刑，成汉寝之轰雷**——太岁临官鬼动，多雷多灾，六爻无官，年月不带或衰绝皆吉。

**发动妻财，旱若成汤之日；交重父母，潦如尧帝之时**——若止占年时水旱，妻财临太岁发动而父爻衰弱者，必主亢旱；若父持太岁发动，子孙衰弱者，主大水。

**猛烈火官，回禄兴灾于照应**——火鬼发动主有火灾，若与世无干而与应爻有关碍者，邻人被灾也。以内外论远近耳。

**汪洋水鬼，玄冥作祸于江淮**——水鬼发动主有水灾，在外卦动他处淹没，在内卦动近处河决，若不克世虽溢无事。

**尤怕属金，四海干戈如鼎沸**——金鬼发动恐刀兵，冲克应爻、生合五爻是朝廷征讨；如在外卦又属他官，克五爻或克太岁，是外番侵犯中华。或两鬼具动，必非一处作乱；或化回头克，月建日辰动爻克制，虽反叛不妨。如休囚动，乃是盗贼。

**更嫌值土，干门疫厉苦祸同**——土鬼发动或临白虎，皆主瘟疫，若克世人多病死，有制不妨。

**逢朱雀而化福爻，财动则旱蝗相继**——鬼带朱雀动，刑克身世，主有蝗虫之灾，盖朱雀能飞故也。

**遇勾陈而加世位，足兴则饥谨相仍**——勾陈职专田土，官鬼逢之，必非大有之年，持世克世定是歉收之岁；财化兄或与鬼俱动，则当饥谨相仍。

**莽兴盗起，由玄武之当官**——鬼加玄武动克世爻，其年必多盗贼；若临金冲克岁君或五爻者，谋动干戈，扰乱四海以犯上也。

**灾沴异多，因螣蛇之御世**——螣蛇乃怪异之神，在第六爻上动，虽非官鬼，主有变异；鬼在六爻上动，虽非螣蛇，亦主变异也。

**若在乾宫，天鼓两鸣于元末**——螣蛇官鬼动，若在乾宫，主有天鼓鸣之异。以五类分别，如金爻子孙或化入兑卦者，有星月之异。余仿此。

**如当震卦，雷霆独异于国初**——螣蛇动在震宫，有雷霆之异，如夏秋间无云雨雷霆震也。震

卦为龙，若临辰或化辰，主有龙现之象。

**艮主山崩，临应则宁都有五石之陨**——螣蛇鬼在坤宫动者，主有地震，逢金则有声，带刑则崩裂。坤卦为牛，鬼临丑动必有牛异。乾坤二卦是人有异事，非物也，如妇生须，男孕子，元未有此异。

**坎化父爻，雨血雨毛兼雨土**——坎卦螣蛇鬼动化父爻，皆以雨断。雨血雨毛雨土，皆元未之异事也。

**巽连兄弟，风红风黑及风施**——螣蛇鬼动巽宫化兄，主有异风，元顺帝时有黑风。若不化兄，勿作风断，是草木禽兽之异，春秋时六鹢退飞、唐库中金钱化蝶类。

**日生黑子，宋恭惊离象之反常**——螣蛇鬼动离宫，主有日异，如宋恭帝时日中有黑子。若临午爻有火异也，如大德间火从空降燃烧禾稼。

**沼起白龙，唐玄遭兑金之变异**——兑为泽，主井池沼，若螣蛇鬼在宫动者，如唐玄宗时沼中白龙腾空而起。元顺帝太子寝殿后新瓮一井中有龙出，光焰烁火，变幻不测，宫人见之莫不震慑。

**发动空亡，乃验天书之诈**——已上螣蛇发动，不临空化空，其怪异或者有之。如遇冲遇空，是诈说非真，如宋真宗时天书下降之类。

**居临内卦，定成黑眚之妖**——螣蛇鬼在本宫内卦，妖怪见于家庭，宋徽宗时有黑眚见掖庭之类。

**欲知天变于何方，须究地支而分野**——凡遇变异之象，须看见于何方，以所伤之方定之。如子为齐域，丑为吴城，寅为燕城之类。

**身持福德，其年必获休详**——子孙为福德，生财克鬼神也，若得旺动，年必丰熟，国正民安，官清太平，万物咸亨之象。

**世受刑伤，此岁多遭惊怪**——世乃年时主爻，三农百姓、五谷六畜皆系于此，临财福旺相，必然称意，如受岁、月、日及动爻克，必多惊险。

**年丰岁稔，财福生旺而无伤**——子孙得地，财爻有气不空，兄鬼衰静，必是丰年熟岁。

**冬暖夏凉，水火休囚而莫助**——以财父爻看水旱，水火爻看寒暑。若水居空地冬必暖，火居死绝夏必凉；若旺动克世，暑必酷，寒必严也。

**他宫伤克，外番侵袭**——他宫为外番，无他宫则看外卦，若来伤克本宫，其年外番必来侵犯，外生内卦必多进贡。

**本卦休囚，国家衰替**——本宫为国家，无本宫则看内卦，旺相国家强盛，无气则国家衰替。

**阴阳相合，定然雨顺风调**——凡遇世应相生，六爻相合，其年必主雨顺风调；更得安静，财福不空，必是丰登之岁。

**兄鬼皆亡，必主民安国泰**——兄弟乃克剥破败之神，官鬼系祸殃之主，二者空亡或不上卦，必主国泰民安。

**推明天道，能知万象之森罗，识透玄机，奚啻一年之休咎！**

## 四、国朝

**君恕则臣忠，共济明良之会；国泰则民乐，当推祸福之原。虽天地尚知共始终，况国家岂能无兴废？本宫旺相，周文王创八百年之基；大象休囚，秦始皇遗二世之祸**——如臣卜以本宫为国朝，以太岁为君爻，岁合为后爻，月建为臣爻，日建为东宫，子孙为黎庶，父爻为国。卜得本宫旺相，如周文王子孙享国八百年之久；若本宫休囚，大象又凶，则如秦始皇二世亡国。

**九五逢阳，当遇仁明之主；四爻值福，必多忠义之臣**——五爻为君位，逢阳象遇青龙财福，

是仁明之君。四爻为臣位，临旺福乃敢谏直臣，临兄鬼乃阿谀佞臣也。

**岁克衰宫，玉树后庭花欲谢**——本宫衰弱遇太岁克，国有乱亡之兆。陈后主选宫女，曲有“玉树后庭花”，君臣酣歌，旦夕为常，后为隋所灭。

**年伤弱世，鼎湖龙去不多时**——以下指言国君自卜。如太岁刑冲克害世爻，主疾病或内难将作。

**世临沐浴合妻财，夫差恋西施而亡国**——皆指言帝自卜也。如世临沐浴合财爻、应爻或沐浴动克合世，必是好色，如夫差恋西施之美，为越所灭。

**应带咸池临九五，武后革唐命而为周**——君自卜以应爻为皇后，若带咸池，其后必淫，更居九五尊位克世，如唐武后废中宗为庐陵王，革唐命为周。

**游魂遇空，虞舜南巡不返**——卦遇游魂不宜迁都巡狩，若加凶煞克世，或世爻动化墓绝，如虞舜南巡崩于苍梧之野。

**归魂带煞，始皇返国亡身**——若归魂卦遇动爻克世身，如始皇求仙海上，返国崩于沙丘。

**子发逢空，张子房起归山之计**——他宫子孙为臣，若逢空动被世克害，必是君欲害臣，如汉张良弃职从赤松子游也。

**将星被害，岳武穆抱吁天之冤**——将星，寅午戌日卜，午爻为将星，其余类推。若将星临财子，必得忠职智勇，值官鬼白虎，必强悍之将。若将星持鬼克害世爻，恐有造谋之变；若将星被动爻克害，如岳武穆遇秦桧之害也。

**应旺生合世爻，圣主得椒房之助**——应为皇后，若旺相合世爻，更临财福，主后智略仁慈，导君以善，如汉马后、宋宣仁，为女中尧舜是也。

**日辰拱扶子位，东宫摄天子之权**——若本宫子孙生旺，更得日辰扶助，欲传位太子，当国摄天子事也。

**世克福爻，唐玄宗有杀儿之事**——若世克本宫之墓绝子孙，太子遇谗被害，如唐玄宗信李林甫谱，将太子、英鄂五瑶、光王琚皆废，复赐死。

**子伤君位，隋杨广有弑父之心**——本宫子孙旺动克害世爻，乃太子有篡位之兆，如隋杨广弑父自立为帝。

**一卦无孙，宋仁宗有绝嗣之叹**——卦中无子孙或子孙休囚动入墓绝，必是国无太子，如宁仁宗无子而叹。

**四爻克子，秦扶苏中赵相之谋**——四爻乃臣位，若旺动伤克本宫子孙，则如秦太子扶苏被赵高矫诏赐死。

**身值动官，唐太宗禁庭蹀血**——身世持官带杀旺动，必至杀克兄弟，如唐太宗伏兵玄武门，射死建臣元吉，血流禁庭马蹀践也。

**世安空弟，周泰伯让国逃荆**——世持空弟，与应爻合，有吉神动克，是兄弟推让天位之象，如周泰伯托为采药逃之荆，蛮让位季历也。

**凶神生合世爻，玄宗信林甫之佞**——若鬼煞动来生合世爻，必是佞臣阿谀，人君信任，如唐玄宗信任李林甫一十九年，养成天下大乱。

**君位克伤四位，商纣害比干之忠**——四爻为臣，持财子而被君爻克伤，如比干之尽忠，而被纣王之诛也。

**离宫变入坎宫，带凶煞而徽钦亡身于漠北**——卦象凶，世又遭克，或动入墓绝，乃死亡之兆。离南坎北，离化坎由南入北，如宋徽钦被金所掳，死于漠北。

**乾象化为巽象，有吉曜而孙刘鼎足于东南**——乾变巽宫，大象皆凶，若有吉曜，如刘玄德与吴魏三国鼎足而立也。

**国之治乱兴衰，卦理推详剖决。**

## 五、征战

**医不执方兵不执法，堪称大将才能？谋事在人成事在天，当究得先师妙论。观世应之旺衰，以决两家之胜负，将福官之强弱，以分彼我之军师**——世为我，应为彼，世旺克应则胜，应旺克世则负。子为我之将，鬼彼之师。

**父母兴隆，主望旌旗之蔽野；金爻空动，侧听金鼓之喧天**——父母为旌旗；金动则闻金鼓声，金空则响故也。

**财为粮草之本根，兄乃伏兵之形势**——财为粮草，旺多衰少，空为无粮；兄为伏兵，又为夺粮之神，不宜旺动。

**水兴扶世，济川宜驾乎轻舟；火旺生身，立寨必安于胜地**——水若动来生扶世身，或水爻子孙动，宜乘舟决战以取胜；火若旺动生扶世身，结寨必得形胜之地也。

**父母兴持，主帅无宽仁之德，子孙得地，将军有决胜之才**——父母持世动，乃主帅不恤士卒，上下离心，若带兄弟官鬼，须防自变；若子孙持世旺动，将军必决胜千里。

**水爻克子子孙强，韩信背水阵而陈余被斩**——世持水动或水爻克子孙，若子孙亦动，得日月生扶，可效韩信背水战而反胜也。

**阴象持兄克应，李愬雪夜走而元济遭擒**——兄为伏兵，在内象动克应爻，乃我之伏兵也；克世是他人之伏兵。若在阳象宜日间伏，在阴象宜夜间伏，如唐宪宗朝李愬雪夜衔枚，直捣蔡城以擒吴元济也。

**世持子而彼伤，可效周亚夫坚壁不战**——世持子孙，将必才能，可以克敌。若被动克宜固守，不宜速战，如汉景帝时七国反，帝使周亚夫屯细柳以攻之，中夜军惊，扰乱至帐下，亚夫坚卧不起，深沟高垒，数日乃定，遂破七国之兵。

**应临官而遭克，当如司马懿固垒休兵**——应持官旺，彼将才能，我难与敌，虽有子孙动不能大胜，如三国时司马懿自料不能如孔明，甘受巾帼，坚壁不战也。

**世持衰福得生扶，王翦以六十万众而胜楚**——身世虽持子孙，衰弱亦难胜，若得月建日辰生扶，可效始皇时王翦以六十万人而成胜楚之功。

**卦有众官临旺子，谢玄以八千之兵而破秦**——官父虽多而安静，子孙虽少而旺动，必寡可胜众也，如晋谢玄、刘牢以八千兵破秦王苻坚九十万众也。

**两子合世扶身，李郭同心而兴唐室**——卦有两子旺动生世，主有二将合谋胜敌，如唐李弼、郭子仪二人，同心以忠义自厉，终能靖乱复兴唐室。

**二福刑冲化绝，钟邓互隙而丧身家**——两重子孙旺动皆化入死墓绝空，虽胜敌将，必争权夺宠，两相残害，如晋钟会、邓艾领兵平蜀，蜀平而嫌隙互生，乃至自相屠戮，身家俱丧。

**子化死爻，曹操丧师于赤壁**——子孙为我军卒，若动入死墓绝败，应临鬼父动伤身世，必致损兵折将，如曹操为周瑜黄盖火攻所败。

**世逢绝地，项羽自刎于乌江**——世为国主、三军之帅，宜旺动克应，若衰世而被应爻刑冲克害，动入死墓空绝者，如项羽自刎于乌江也。

**水鬼克身，秦苻坚有淝水之败**——水鬼旺动伤克世身，敌兵必得舟楫渡江之利，如秦苻坚败于谢玄八千渡江之兵也。

**火官持世，汉高祖遇平城之围**——火官带鬼，贼寨必近，火爻持世，须防困围。子孙旺动被围得胜，若子衰官旺，如汉高祖被围平城七日乃解。

**应官克世卦无财，张睢阳食尽而毙**——应爻持鬼冲世，卦中无财，乃食尽死亡之象，如张巡被围睢阳城也。

**世鬼兴隆生合应，吕文焕无援而降**——旺鬼持世，乃困围之象，卦爻又无财，子孙又弱，世又生合应爻，乃兵少食尽降敌之兆。宋吕文焕守襄阳，元兵围久，贾似道隐蔽不援，城中食尽遂降。

**外宫子动化绝爻，李陵所以降虏**——子在外宫动，世被应克，终必有败，又化绝爻，不免降虏，如汉武帝时李陵之事也。

**内卦福兴生合应，乐毅所以背燕**——子孙发动反去生合应爻，伤克身世，是我将卒有背主降敌之兆，如燕将乐毅背燕投赵是也。

**鬼虽衰而遇生扶，勿追穷寇**——官爻虽衰，若遇动爻日辰生扶拱合，是敌兵虽少，必有救援。

子虽旺而遭克制，毋急兴师——子孙虽旺，若被日辰动爻克害，彼必有计，不可急攻，攻之必被摧折，虽不大败，亦损军威。宜缓图之。

**鬼爻暗动伤身，吴王被专诸之刺**——旺官暗动克害世身，如吴王被专诸之刺；世克暗动之鬼或子动来救，如荆轲刺秦王不中，自反被诛也。

**子化官爻持世，张飞遭范张之诛**——子孙化官鬼生合应爻，反来克害身世者，是我兵卒杀主降敌，如后汉张翼德被部卒范疆、张达之刺帐下，因之而投孙权也。

**要试用兵之利器，五行卦象并推详**——土为炮石，金为刀箭，水木为舟，火为营寨；又乾兑为刀，震巽为弓马，火为枪，坤为野战类。若有克应之神，宜用此器敌之，如应爻克世，须防敌人用此器也。

仁智勇严之将岂越于此？攻守克敌当审于时。

## 六、避乱

**人有穷通，世有否泰。自嗟薄命，运当离乱之秋，每叹穷途，聊演变通之《易》。因录已验之卦爻，为决当今之贼寇——**官鬼之方并官鬼所克之处，休往；子孙之方并生我之处，宜去。如占守旧处，得子孙独发生我，止于惊恐，占往处亦然。此一篇之大旨也。

**鬼位兴隆，贼势必然猖獗；官爻墓绝，人心始得安康——**官鬼旺相发动，贼必猖獗；若得休囚安静，日辰动爻制它，则安卧无惊。

**路上如逢休出外，宅中如遇勿归家——**内卦为宅，外卦为路，鬼在外动，出外必遇，宜守家中；若内动，宜遁于外。

**动来刑害，总教智慧也难逃；变入空亡，若被勾留犹可脱——**若鬼动不伤世，任彼猖獗，不遭其祸；如被刑冲克害，必难逃避；若官爻变入死墓空绝，则是虎头蛇尾，虽有凶无咎之兆。

**日辰制伏，何妨卦里刑伤；月建临持，勿谓爻中隐伏——**官鬼动来刑克世爻，固是凶兆，若得日辰动爻克制冲散之，皆谓有救，必不为守。唯怕月建日辰带鬼刑克世爻，虽卦中无鬼，不免遭害。

**所恶者提起之神，所赖者死亡之地——**鬼爻伏藏固吉，若被动爻日辰冲开，飞神提起，伏神仍被其害；如鬼爻真空真破，方许无灾。

**自持鬼墓，坟中不可潜藏；或值水神，舟内犹当仔细——**官鬼墓库之爻动来刑克或持世是也，凡遇此象，不可避于坟墓内；木鬼不可避于草丛中；水鬼不可避于舟船，金鬼不可避于寺观，火鬼不可避于窑冶而已。

**子爻福德北直行，午象官爻南勿往——**官鬼所临之方，乃寇出入之墟，宜避之；子孙所临之地，乃贼不到之处，宜往之。

**鬼逢冲散，何须克制之乡；福遇空亡，莫若生扶之地**——子孙之方固吉，以其制鬼故也，若发动则取之可也。若福静官动，而卦内有冲散官爻者，即以冲散之方为吉，其为得用之神故也。若子孙空伏，衰静受制，而鬼爻又无冲散者，宜取生世合世之方为吉。

**旺相内卦，终来本境横行**——凡占贼寇来我境否，若官在本宫内卦发动，必来；在他宫外卦，则不侵境也。若持世临内卦，直到我家；临外卦持应，虽来不入我室。卦身亦忌临之。

**动化退神，必往他乡剽掠**——官爻发动，若化退神，将往他处劫掠也；如化进神，寇必速到，宜急避之。

**官运旺福合生身，反凶为吉**——官爻发动克世，必遭毒手，若得化出子孙制鬼，或动子财反来生合世身者，必然因祸致福。

**阳化阴财刑克世，弄假成真**——官爻发动不伤世爻，而被动财反伤世爻者，必因贪得财物而惹祸也。

**贼兴三合爻中，必投陷井**——最怕动会鬼局，必主贼寇四边合来，虽欲避之，前遭后遇不能脱离。卦有两鬼俱动克世，亦欲三合兄局，身虽无事，财物失散；三合父局小儿仔细；三合财局生合世爻，则主父母失散；三合子孙局克制鬼爻，为最吉也。

**身在六旬空处，终脱樊笼**——身世空亡，避之为吉。

**官鬼临身，任尔潜踪犹撞见**——官爻持世乃是寇贼临身，如何可避？如至捉去而占，亦不能脱彼而回。

**子孙持世，纵然对面不相逢**——子孙持世，不动亦吉，发动尤妙。若临月建或带日辰，或在旁爻旺动，皆吉，卦中虽有鬼动，不足畏也。

**兄变官爻，窃恐乡人劫掠**——卦中无鬼而遇兄动变出者，须防邻人乘机劫盗财物，非真贼寇也；兄在内卦，是近邻，在外卦，远方人也。

**财连鬼煞，须防臧获私藏**——卦中无鬼，财变官爻者，是奴婢假盗贼劫物，或在乱中被其藏匿也；若在外卦乃邻里妇人。

**日辰冲克财爻，妻孥失散；动象刑伤福德，儿女抛离**——官动必有惊险，不拘日辰动爻被其伤处即不太平。如冲克财爻，主妻孥扶散；冲克子孙，必主儿女抛离。

**火动克身，恐有燎毛之苦；水兴伤世，必成灭顶之灾**——卦中火鬼动来克世，主有火烧之祸；若水鬼克世，主有水患。

**父若空亡，包裹须防失脱；妻如落陷，财物当虑遗亡**——父爻空亡，非包裹失脱，须防父母有不测之忧；财空防失财物，否则妻妾有殃；子孙空则忧小口。愿推之。

**五位交重，两处身家无下落**——凡遇五爻发动，东奔西走，避乱不暇，身宅两处，更遇日辰动爻冲散世爻，必无安身下落之所。

**六爻乱动，一家骨肉各西东**——六冲卦及六爻乱动者，主父母冲散，兄弟夫妇骨肉各自逃命，不能聚于一处。

**福德鬼位刑冲带煞，则官兵不道**——子动固是吉兆，若带刑害虎蛇而又变出官鬼者，乃是官兵乘乱劫掠。

**官变兄爻克合伤财，则妻妾遭淫**——官动刑克世爻，合住财爻，则身被擒，妻遭淫污；如不伤世而但合财爻者，自身虽无事，妻被辱也；更化兄爻，被奸而难望放回。

**妻去生扶，只为贪财翻作祸**——鬼动最喜衰绝，若有财动生扶，必因贪财惹祸。世以己方，应以人言。

**子来冲动，皆因儿哭惹成灾**——鬼静最吉，若被子孙冲动，必有小儿啼叫，因而知觉，乃被其害，福旺官衰不妨。

**得值六亲生旺，虽险何妨；如临四绝刑伤，逢屯即死**——用爻遭克必有灾咎。若受伤之爻如值生旺，不致伤命，唯怕临于绝地；若遇衰弱，一克即倒，而必致丧命也。

**世遇乱离，既已逐爻而决矣；时遭患难，亦当随象以推之**——平居无事，何暇占卜？或刑罚所加，户投所累，或官府捉拿，仇家报复，或祸起于无辜，殃生于不测，苟不避之，终为所害，是以不能无避害之占也。然大概与避乱相似，故并附列之。

**最怕官爻克世，则必难回避**——凡脱祸避祸，遇鬼动伤世，皆不能避，持世亦然。若鬼空绝静，如伏于世下者，日下无事，后当令恐复发觉。

**大宜福德临身，则终可逃生**——子孙能制鬼，为解神，若临身世或在旁爻发动，或值月建日辰，虽遇官鬼亦不妨事，大怕空亡墓绝受制。

**官化父冲，必有文书挨捕**——旺爻发动，名已入册，或有官批在外。鬼爻亦动，事体紧急。父化官、官化父刑克世爻者，必着公差挨捕。

**日冲官散，必多亲友维持**——官动固难逃避，若得日辰动爻冲散克制之，必有心腹亲友与我周旋解释。

**鬼伏而兄弟冲提，祸由骨肉**——官伏而被兄弟冲飞提拔者，或兄弟冲动官鬼来刑克者，是自家骨肉搜踪捕迹，恐难逃避也。

**官静而旁爻刑克，事出吏书**——鬼静而卦中爻动刑克世爻者，乃是下役及仇家陷害也；若化兄爻，彼欲索诈财物。

**应若遭伤当累众**——官鬼伤克应爻，必然累及他人，月建日辰亦然。

**妻如受克定伤财**——如遇兄动，必主破费财物。

**偏喜六爻安静**——六爻不动，官爻无冲并者，患难可避，户役可脱。

**又宜一卦无官**——无官鬼则主事必平安，空亡亦吉。

**或身世之逢空**——世身空亡，百事消散，虽有鬼动亦不妨事。

**或用神之得地**——用神旺相而无刑冲克害，不化死墓空绝，皆为吉兆。

**天来大事也无妨，海样深仇何足虑**——此二句总上文四节，总结而言，卦中有一吉神，决然无事也。

**事有百端，理无二致，潜心玩索，若能融会贯通，据理推占，自得圆神不滞。**

## 七、身命

**乾坤定位，人物肇生。感阴阳而化育，分智愚于浊清。既富且寿，世爻旺相更无伤；非夭即贫，身位休囚兼受制**——人生一世，贵贱高低，欲知何等人物，但看世爻为主。旺相又得日辰动爻生合，必主其人富贵福寿，若休囚无气而被日辰动爻克制，其人非贫即夭。

**世居空地，终身做事无成；身入墓爻，到老求谋多戾**——凡占身命，大忌世身空亡，主一生做事无成；如世身入墓，主其人如醉如痴，不伶不俐，诸谋少就。

**卦宫衰弱根基浅，爻象丰隆命运高**——盖人之根源系于卦，命之凶吉依于爻，故卦宫无气根基薄，爻象得时命运高。

**若问成家，嫌六冲之为卦，要知创业，喜六合之成爻**——遇六冲卦，必主作事有始无终；得

六合卦，为人交游谦善，基业开拓。冲中逢合后成，合处逢冲后败。

**动身自旺，独立撑持，衰世遇扶，因人创立**——世爻不遇生扶，而自强旺发动者，必白手成家，无人帮助；若无气而遇日月动爻生扶，有人帮忙。

**日时合助，一生偏得小人心；岁月克冲，半世未沾君子德**——世爻遇年月日生合，得贵人亲爱，小人忠敬，如见冲克，不免欺凌，如父来合定得父荫，兄来克受兄弟累。

**遇龙子而无气，纵清高亦是寒儒**——青龙子孙持世，必然立志高远，不慕功名富贵，如邵康节、陶渊明等辈。子孙无气，是超群绝俗之寒士也。

**逢虎妻而旺强，虽鄙俗偏为富客**——白虎临旺财持世，其人虽不知礼仪，然必家道殷实，如李澄、萧宠之徒；旺财有制伏，亦粗通文墨也。

**父母持身辛勤劳碌，鬼爻持世疾病缠绵，遇兄则财莫能聚，见子则身不犯刑**——父母持世主辛勤劳碌，动则克伤子孙。官为祸殃，遇之则主带疾病或招官讼，若贵人并临则贵。兄乃破败之神，克妻破耗多端，一生难聚财物。遇子孙不能求名，一生官刑不犯，安闲自在，衣禄丰盈，大怕休囚。

**禄薄而遇煞冲，奔走于东西道路**——以财为禄，若临死绝无气则禄薄，而世爻又被恶神冲动，无吉神救助，是至下之命。

**福轻而逢凶制，寄食于南北人家**——子爻若遇死墓绝空，谓之福轻，而世爻又被克制，是受制于人，必主依靠寄食于他人也。

**子死妻空，绝俗离尘之辈**——以福为子，财为妻，而爻若临死墓绝空之地，乃是刑丧妻子之兆，必绝俗离尘辈也。

**贵临禄到，出将入相之人**——贵人禄马旺临身世，而官鬼父母又来扶助，或月建日辰生合，必是将相之兆，富贵非常之人。

**朱雀与福德临身合应，乃梨园子弟**——子孙是喜悦之神，朱雀又善言语，若临身世，生合应爻，是合欢于他人，故为梨园子弟之兆，不然伶俐人也。

**白虎同父爻持世逢金，则柳市屠人**——父母属金，带白虎持世，是宰猪羊之辈，盖白虎临金为刀，而父母又克子孙之神，子孙为六畜，故曰屠人。

**世加玄武官爻，必然梁上君；身带勾陈父母，定为野外农夫**——玄武鬼主盗贼，如临身世乃梁上君子也；勾陈职专田土，加父母勤苦之神持世者，乃耕种耘耨之事也。

**财福司权荣华有日，官兄秉政破财无常**——若得财福二爻旺相发动，纵目下淹塞，终须发达；若见兄官当权旺动，虽目下亨利，亦有破败贫穷之时。

**卦卜中年，凶煞幸无挫折；如占晚景，恶星尤怕攻冲**——如卜中年运或问财福，必须财福二爻旺相，如发动生身或持世，得日月生合，又无动爻刑冲克害身世，是必妻财子孙无刑克破耗也。倘占中年功名运，不可子孙发动，世持官爻并无日月动爻冲克害，得日月动爻生扶拱合，又得九五之爻生合，是必官上加官也。如占生子，不宜子孙爻空伏墓绝、日月动爻克之。如有日月动爻生扶提拔，即断其生扶提拔之年生子，后卷占验著名，兹不细述。如占晚景结局，最怕世爻休囚，被日月动爻克冲。如得子孙动来生世，当主晚年有子有孙，享孝敬之福。如财爻相合无冲，许夫妇和谐。如子孙克世，世爻旺相，纵有寿而子孙悖逆。如子孙空绝无救，财爻无气，老年孤独不堪也。如问寿数，生世之爻为寿；如生世之爻被何年刑冲克害，又看何年月伤克世爻，即此年寿数止矣。《易林补遗》定大小二限，小限一爻管一年，正卦管前三十年，之卦管后三十年，互卦又互管六十年后，余屡卜无验，敢说其谬以示后学者。

**正卦不利，李密髫龄迍邅**——正卦者，卜卦前之事，如正卦兄，以前多苦。

**之卦有扶，马援期颐矍铄**——之卦者，变卦也，管卜卦后事，如变出生扶，将来旺健享福也。

**一卦合同，张公艺家门雍睦**——占身得六爻安静，无冲破克害，相生相合，则家门欢好，如

张公艺九世同居，上和下睦也。

**六爻同出，司马氏骨肉相残**——六爻乱动，卦又冲克，或三刑六害者，必主亲情不和，骨肉相残，如晋司马氏八王树兵，俱遭诛戮。

**闵子骞孝孚内外，父获生身；孔仲尼父友家邦，兄同世合**——父母爻为生我之亲，若世能生合父母爻，如闵子骞之孝父母也。若世爻与兄弟生合，如孔仲尼之内和兄弟，外信朋友也。兄爻在本宫以兄弟言，在他宫以朋友言，看内外应爻以别亲疏。

**世应相生，汉鲍宣娶桓氏少君为妇；悔贞相克，唐郭曦招升平公主为妻**——世是一生之本，应为百岁之妻子，若见生合，必然夫唱妇随，若见冲克，必然琴瑟不调。

**僦居鼓盆歌，世伤应位**——世持虎蛇临兄弟，乘旺发动，刑害应爻，应爻临无气之地，必主克妻，如春秋时庄子，妻死鼓盆而歌。

**河东狮吼，应制世爻**——应爻克冲世爻，其人凭妻言语，如宋陈季常河东狮子吼之事也。

**世值凶而应克，顾听鸡鸣**——倘世爻自带兄官虎蛇等凶神者，反喜应来克世，谓之克我之凶，去我之病，主有贤妻，如齐襄公荒怠慢政，得陈贤妃，有夙夜警戒相成之道，故诗有《鸡鸣篇》。

**身带吉而子扶，喜闻鹤和**——带吉神旺动，子孙又来生扶者，主有贤子共成事业，以济其美，《易》曰：“鹤鸣在阴，其子和之”。

**福遇旺而任王育子皆贤**——子孙若旺相不空及无伤害者，主有贤子，如任遥之子方、王浑之子戎，见称于阮籍诸贤。

**子化兄而房杜生子不肖**——子孙动变月破，官鬼与兄弟爻相合，或动临玄武，或与玄武官合，其子必不肖。盖兄弟乃破败之神，官鬼多灾祸之宿，玄武好险盗贼之星，月破无成之神故也。李英尝曰：“房杜平生辛苦，又皆生子不肖”。

**伯道无儿，盖为子临空位；卜商哭子，皆因父带刑爻**——子孙若临空地，必主无子，如邓伯道弃子而不生；若父带虎蛇动克子孙，如子夏哭子丧明也。

**父如值木，窦君生丹桂五枝芳**——若问子多少，当以五行生成数论之，若父爻属木，则子孙属土，土数五，如窦燕山生五子。

**鬼或依金，田氏聚紫荆三本茂**——如鬼爻属金，则兄弟属木也，主有兄弟三人，如田真、田广、田庆。

**兄持金旺，喜看荀氏之八龙；弟依水强，惊睹陆公之双璧**——六亲类当以生成数推之，然不可不别衰旺，如逢生旺者倍加，休囚者减半。故兄持金旺，如荀淑子兄弟八人，以八龙似之；若临水旺相，如陆伟与弟陆恭之双璧。若旺相有制，休囚有扶，又当以本数断。余仿此。

**若用爻重叠，须现在以推详**——若卦中只有一位，可以五行数推，如两重三重，则以现在几爻断其二位、三位几位是也。

**财动克亲于早岁，兄衰丧偶于中年**——财动伤父母，兄动则克妻财。

**化父生身，柴荣拜郭英为父**——卦有父母，又化出父母来生合世身者，必重拜父母，身为他入子，如五代时柴世宗之于周太祖也。

**化孙合世，石勒养季龙为儿**——卦有子孙，又外宫化出子孙，与身世生合者，主其人必有螟蛉之子，如晋时后赵石勒之子季龙是也。

**世阴父亦阴，贾似道母非正室**——父与世皆属阴者，必是偏生庶出，如宋贾似道是也。

**身旺官亦旺，陈仲举气不凡庸**——官爻旺相，身世亦旺相，又逢贵人禄马，文书生合世爻者，必主异日金榜题名，如陈仲举为不凡之器。

**子化合财，唐明皇有禄山之子**——子从他宫化出，乃螟蛉子也，若与财爻相合，带咸池玄武，必与妻妾有情，如安禄山与杨贵妃之通也。

**内兄合应，陈勃常有孺子之兄**——兄爻在内卦，乃兄弟，非朋友也，若与应爻或财爻相合，其妻必与兄弟相通，如陈平之盗嫂也。

**应带勾陈兼值福，孟德耀复产于斯时**——勾陈主黑丑诚实，子孙主贤淑，应爻为妻，旺相临之无伤损者，妻如孟光，貌虽不扬而德甚美也。

**财逢玄武更逢刑，杨太真重生于今日**——玄武乃淫乱之神，若临财爻，妻子不贞洁，发动与应爻相合，或与他爻相合，如杨贵妃污行尤甚。

**合多而众煞争持，乃许子和之钱树**——应位财爻见合过多，再加玄武刑害临持者，乃娼妓也，如许子和为妓，临死谓其母曰“钱树子倒也”是也。

**官众而诸象皆避，如隋炀帝之采花**——凡日月动变，见官鬼爻太过合财，而财爻不临玄武等煞者，必主其妇重婚再醮，如隋炀帝西苑剪采为花也。若本宫官鬼冲克财爻者，乃生离活别之兆，非夫死再嫁者也。

**白虎刑临，武后淫而且悍**——白虎乃强暴之神，妇人见之必然凶悍，更加刑害临财爻，如武则天凶悍且淫也。

**青龙福到，孟母淑而有慈**——青龙主仁慈，子孙主清正，若财临青龙化子，或子临青龙生财，其妇自慈祥恺悌，贤德如孟母也。

**逢龙而化败兄，汉蔡琰聪明而失节**——财遇青龙本主聪明，如化兄弟及沐浴，皆主不贞洁兼不寿，如蔡琰文章绝世，失节胡人。

**化子而生身世，鲁伯姬贤德而无疵**——财动化出子孙生合世身者，必有懿德，如鲁庄公夫人伯姬，言行皆善，无可议之也。

**合而遇空，窦二女不辱于盗贼**——若他爻动来相合，或玄武咸池动来克合，若财爻值空，如唐奉天窦氏二女被盜劫，投崖宁死不受辱也。

**静而冲动，卓文君投奔于相如**——咸池玄武持财，若衰空不动者无碍，若日辰动爻冲之，如相如以琴挑动，卓文君夜奔相如，后当炉卖酒。

**福引刑爻发动，卫共姜作誓于柏舟**——子孙旺动主克夫，然子乃贞洁之神，主守节之象，如卫共姜作柏舟诗，以死自誓也。

**身遭化鬼克刑，班婕妤好感伤于秋扇**——如卦象六合而世爻化官鬼刑克，以动爻为始，以变爻为终，如汉班姬于成帝始亲爱后疏远，所以见秋扇而感伤，作词以寓其凄楚之意。

**二鬼争权水父冲，钱玉莲逢汝权于江湖**——若有二鬼发动，俱来生合财爻，又遇水父来冲，而财爻值空者，必有两夫争权之象，父母逼勒之兆，自有守节之操，故入于空，如孙汝权之于钱玉莲类也。

**六爻竟合阴财动，秦弱兰遇陶谷于邮亭**——男带合则俊秀聪明，女带合则娇浮淫逸。若六合卦而财爻又属阴者，不动尤可，动则淫滥无耻，如秦弱兰遇陶学士也。如财爻与世相合，不可此断。如女人自卜，以世为自己，发动合旁爻亦此断。

**鬼弱而未获生扶，朱淑贞良人愚蠢**——凡女人身命，以鬼为夫星，不宜旬空，空则难为夫主；又不宜弱，弱则招夫不肖。若衰弱而无生扶合助，兼带勾陈螣蛇等煞者，必如朱淑贞之夫，愚蒙不正，人物侏儒，因有断肠之时。

**官强而又连龙福，吴孟子夫主贤明**——若鬼爻临量，遇青龙、禄马、贵人，主有贵显贤明之夫，如吴孟子得鲁昭公为夫也。若衰弱而逢生助亦然。

**若卜婴孩之造化，乃将福德为用爻**——凡卜小儿生长难易，所喜兄弟兴隆，最忌父母旺动；若父母旺动则伤克，兄弟动则生扶，盖有生扶则易养。

**随官入墓，未为有子有孙，助鬼伤身，不免多灾多病**——若见子孙入墓，或化官入墓，或化官鬼，必死。故曰“未为有子有孙”。若遇鬼伤克兄弟爻，致子孙爻无根，必然多病难养。财动助鬼克兄，或鬼持世临身，亦主多病。

**胎连官鬼，曾经落地之关**——子孙之胎爻临鬼，或化出鬼爻，或鬼来冲克者，临盆时绝而复苏，俗所谓落地关是也。

**子带贵人，自有登天之日**——子爻若临禄马贵人，主此子他日必然贵显。

**遇令星如风摇干，逢绝地似雨倾花**——凡父母动克子，若得子孙值日辰月建，虽见小晦，犹微风摇干无妨；若逢墓绝有克战，如骤雨倾花有损。

**子孙化鬼，孝殇十月入冥途；禄贵临爻，拜住童年登相位**——子孙休囚化鬼化父，皆死之兆，似汉殇帝生才十月即亡；若临贵人禄马旺相，如元拜住年十四即为相。

**凶煞未攒震卦，李令伯至九岁而能行**——震为足，若遇官鬼凶神行克，走必迟，如李魏公九岁方能行，盖为凶神缠足也。

**吉神皆聚乾宫，白居易未周年而识字**——乾为八卦首，属金卦，数一，纯阳之象。阳主上达，金主聪明，一则数之始也。若遇龙德及子孙在此宫者，必然幼敏如白乐天，生甫七月便识“之”、“无”二字。

**八纯顽劣，晋食我狼子野心**——八纯卦六爻相冲，小儿见之，必主顽劣性悍，如晋食我心野不驯，犹狼之子也。

**六合聪明，唐李白锦心绣口**——大抵六合卦必然阴阳相半，小儿遇之聪明智慧，他日文章必有掷地有声之妙，如李白之文才也。

**阳象阳宫，后稷所以岐嶷**——阳主高明上达之象，子临阳宫阳爻，如年稷生于姜塬，克岐克嶷也。

**阴卦阴爻，晋惠所以憨騃**——阴主卑污下达之象，子临阴宫阴爻主痴愚，如晋惠帝闻蛙声曰：为公乎？为私乎？见人饥死曰：何不食肉糜？故史以憨騃识之。

**龙父扶身，效藏灯于祖莹**——青龙为吉神，父母为诗书学馆，若临身世或生合世身福德者，主此儿好学，如祖莹八岁枕书，父母恐其成疾禁之，乃密藏火，待父母寝，复燃灯读也。

**岁君值福，希投笔于班超**——岁君乃君象也，子孙临之，此儿必志大，如汉班超为儿时，尝投笔叹曰：“大丈夫当立功异国，安久事笔砚乎？”后出使西域，果卦万里侯。

**官鬼无伤，曹彬取印终卦爵**——岁君值福固有大志，然官鬼受制或落空亡，则志虽大而终莫能遂。官鬼无伤斯能称意，如曹彬周岁时提戈取印，后出将入相，终卦爵也。

**父母有气，车胤囊萤卒显名**——龙父扶身，固知好学，然身世用神及官父临墓绝，徒取辛勤，必有气方有成望，如车胤勤学卒以成业也。

**金爻动合啼必无声**——五行中唯金有声，五脏中唯肺有声，故以金爻为入之声音。或冲或空，声必响亮，如动被合，啼哭无声也。

**父母静冲儿须缺乳**——若子孙旺相乳必多，休囚空破乳必少；最怕父母动，或静而逢冲，若非缺乳定克子也。

**用旺儿肥终易养，主衰儿弱必难为**——子孙旺相无伤，儿肥易养；子孙休囚有克，多灾瘦弱难养。

**身临父母，莫逃鞠养之辛劳**——父母持世儿多空晦，故鞠育之劳所以不免。盖父母为辛勤劳碌之神，故为小儿之恶煞。

**世遇子孙，终见其劳之报效**——子孙持世儿必孝顺，故勤劳之恩必然报效。盖子孙临于世者，以其有亲亲之义也。

**若问荣枯，全在六亲之决断，要知寿夭，须另卜以推详**——一卦六爻，管人一生之荣枯得失，可将财官父兄子决断。如卜寿夭，须另占一卦可知，后卷占验注明。

## 八、求师

**捐金饌食，教养虽赖乎严君，明善复初，启发全资夫先觉。凡求师付，先究文章**——文书既父母，父爻为书籍，为学馆，为学分。

**用居弱地，必不范不模；若在旺乡，则可矜可式**——所请之师，无尊卑称呼者，以应爻为用神也，如有尊卑名分，不可看应爻，当以名分论之。如门人卜投师，不论老幼，皆以父母爻为师长。如用神休囚，其师必然畏惧局促，不能为人之模范；旺相有气，则魁梧雄伟，堪为学者矜式仪矣。

**临刑临害，好施夏楚之威**——夏楚，倣顽杖也，若带刑害白虎，其师性暴少慈，必好倣撻，旺动尤甚。

**逢岁逢身，业擅束修之养**——用爻卦身或持太岁，其师专以严训为业，务得束修以养家者。

兑金震巽，杂学堪推；离火乾坤，专经可断——凡推师之专经杂学者，当以父母在震、巽、艮、坎、兑五卦为杂学，离、乾、坤三宫为专经。

**本象同乡，在内则离家不远；他宫异地，在外则隔属须遥**——用象在本宫而居外卦，是本处人，其住居必远；在他宫而居内卦，是外郡人，其居住却近也。

**与世相生，非亲则友**——与世爻生合，必有亲道；若与世爻不同宫者，是相识朋友。

**与官交变，不贵亦乐**——用化官爻，其师异日必贵；如白虎带刑害，则是有病之人；如持月建更加青龙，必有前程在身。

**静合福爻，喜遇循循之善诱；动加龙德，怕逢凛凛之威严**——用神与子孙作合最吉，必能博文约礼，循循善诱，甚得为师之道，必主师徒契合。唯怕父动则克子孙，更加白虎刑害，必然难为子弟，主其师严毅方正，凛然而不可少犯。

**父入墓中，边孝先爱眠赖读**——父爻入墓，其师唯爱安逸，赖于教训，学分欠通，逢空化墓皆然。若日辰冲破墓爻，又主聪察。

**文临身上，李老聃博古通今**——凡求师，以父为师之才学，六爻无父必欠学问，若得静临卦身或居生旺之地，其师才学非常。

**母化子孙，必主能诗能赋**——父化福，其师善作杂文；带刑害病败等爻，虽能作文，必多破绽。子带月建又加青龙，必然出口成章；与父作合，其师或有小儿带来。

**鬼连兄煞，定然多许多奸**——凡遇兄动化鬼，鬼动化兄，皆主奸诈；刑克世爻，必有是非口舌。

**口是心非，临空亡而发动**——用爻宜静不宜动，宜旺不宜空，动空不诚实，静空懒教训，化空亦然。

**彼迁此请，持世应而兴隆**——世应俱动，主有家延请，两爻俱空，必然俱不能成。

**母值应而世生，须知假馆**——父临应上，而世爻动来生合者，必馆于他家，而欲附学也。

**父在外而福合，必是担囊**——凡卜求师，若子弟自占，以世为徒，不看福爻；父兄来占，以子弟为徒，不看世爻。若父在外卦，又系他宫，安静而子孙动去相会，必游学他方，担囊从事也。

**鬼化文书克世，则讼由乎学**——鬼动若化出父母刑克世爻，异日必主争论；父化鬼爻，或官爻皆动有伤世者，亦然。

**月扶福德日生，则青出于蓝**——须得子孙有气不空，又遇月日动爻生合，则学有进益；若用爻反衰，则弟子反胜于师，如青出于蓝也。

**刑克同伤父子，必罹其害。合生为助官鬼，莫受其扶**——父卜延师训子，以世为自，以子孙为儿，以应为师。如世与子孙皆受刑克，日后父子必遭其害。如官爻动来刑克世爻子孙，不可又加财动生合助之。

**或击或冲，父母逢之不久**——父母虽要有气，然不宜动变，动变则伤克子孙，必不能久。

**或空或陷，世身见之不成**——世应身爻空亡冲克，皆见难成之象。

**财化父爻，妻族荐之于不日**——若卦有父母，遇本宫财爻有化出一重者，不日间妻家又荐一师来也；兄弟化出，则朋友来荐。动爻是重，已荐过矣；动爻是交，将荐来也。

**母藏福德，僧家设帐于先年**——如父爻伏在子孙爻下，其师必前年设帐于僧房道观；父伏世下，乃是旧师。

**搜索六爻，无过求理，思量万事，莫贵读书**——凡求师，不可专指道学之师，如欲投学百工技艺及拜僧道为师类皆是。但师之主象，自占不以父母；而学者主象，自占当以世爻看之。如隔手来占，须问是何人，如朋友兄弟则以兄弟为主之类。皆要师弟相生相合则吉，相冲相克则凶。

## 九、求名

**读书五车，固欲置身于廊庙，胸藏万卷，肯甘遁迹于丘园？要相国家，当详易卦。父爻旺相，其文掷地金声，鬼位兴隆，家报泥金捷喜**——凡占功名，以父爻为文章，鬼为官职，二者一卦之主，伤一则不成。若父爻旺相，文章必佳，官鬼得地，功名有望，泥金报喜。总言金榜题名，功成

名就之意，非以鬼为音信也。学者志之。

**财若交重，休望青钱之中选；福如发动，难期金榜之题名**——唯卜功名，以财福反为恶煞，盖财能克父，子能克鬼故也。如官爻持世，若得财动来生，而财无忌也；子孙固为忌客。

**兄弟同经，乃夺标之恶客**——同类者为兄弟，求名见之，乃是与我同经之人，如遇发动，或月建日辰俱带兄弟，则同经者多，必能夺我之标，纵大象可成，名亦落后。

**日辰辅德，实劝驾之良朋**——如父母官鬼无气，若得日辰扶起，克制恶煞，仍旧有望，故曰辅德。或世爻衰静空亡，得日辰生扶冲实，主有亲友资助盘费，辅其前往求名也。

**两用相冲，题目生疏而不熟**——以官爻为用爻，喜合而不喜冲，若见官爻相冲，主出题生涩不熟也。

**六爻竞发，功名恍惚以难成**——六爻皆喜安静，只要官鬼有气不空，月建日辰不来伤克，则吉；凡动则有变，变出之爻又有死墓绝空刑克等论，皆为破败。故凡乱动卦，其大概不吉可知矣。

**月克文书，程式背而不中**——父旺而得动爻日辰生合，其文字字锦绣；妻财伤克，必多破绽；月建冲克，其文必不中试官之程式也。

**世伤官鬼，仕途窒而不通**——世乃求名之人，若持官鬼或得官鬼生合，功名有望；若临子孙，则克制官鬼，是仕途未通，徒去求谋无济。

**妻财助鬼父爻空，可图侥幸**——父母空亡，若得财爻发动生扶官鬼，侥幸可成；若财官两动而父爻旬空，反不宜用，父爻不空可望。

**福德变官身位合，亦忝科名**——正卦无官，若得子孙变出官鬼，与世身生合，得文书有气，功名有望，但不能高中也。

**出现无情，难遂青云之志**——卦中官父若不持临身世，反而临应爻，或发动而反生他爻，不来生合世身，或破坏墓绝，皆谓出现无情，虽在卦中，与我无益，所以难遂青云之志也。

**伏藏有用，终辞白屋之人**——官爻不现，但观其所伏何处，如得有用之官爻，俟值年当辞白屋矣。

**月建克身当被责，财如生世必帮粮**——月建若在身爻，发动刑克世爻，而官爻失时者，必遭杖责；卦中官爻持世，而财爻发动生合世爻者，必有帮粮之喜。

**父官三合相逢，连科及第**——卦有三合会成官局者，必主连科及第，会成父局亦吉。

**龙虎二爻俱动，一举成名**——青龙白虎俱在卦中，动来生合世爻，必中魁选；若持官父或持身世尤妙。

**杀化生身之鬼，恐发青衣**——以子孙为煞，乘旺发动必遭斥退，若得化鬼爻生世，终不脱白，无过降青衣而已。卦有财动合住子孙，可用资财谋能干旧职。

**岁加有气之官，终登黄甲**——太岁之爻最喜有情，若临鬼爻，是人臣面君之象，更得生旺有气，必然名姓高标。

**病阻试期无故，空临于世位**——动爻日辰来伤世爻，而世爻落空，大凶之象。试前占去不成，强去终不利，轻则病，重则死。

**喜添场屋有情，龙合于身爻**——若大象既吉，更得龙动生合世身，不但名成，必然别有喜事；空动，出空之月日见喜。

**财伏逢空，行粮必乏**——六爻无财，伏财又居空地，必乏行粮，盘缠欠缺。

**身兴变鬼，来试方成**——卦遇不成之兆，而得身世爻变官鬼有气，而父母不坏者，下帷可中

也。

**卦值六冲，此去难题雁塔；爻达六合，这回必占鳌头**——占功名，得六冲卦必难成，得六合卦必易得也。

**父旺官衰，可惜刘蕡之下第；父衰官旺，堪嗟张爽之登科**——父母官鬼皆宜有力无损，功名可成。若父母爻旺相，官鬼空亡，或不上卦，文字虽好不能中式，如刘蕡之锦绣文章，竟不登第；若父爻衰弱，得官爻旺动扶起文书，文字虽平常，可许成名，如张爽之文章，虽欠精美，反登高第也。

**应合日生必资鸛荐，动伤日克还守鸡窗**——父官化绝，名必不成，若应爻、动爻或月建日辰扶起官鬼，必须浼入推荐，或用财资求可成。

**世动化空用旺，则豹变翻成蝴蝶**——若得必中之卦，如遇世爻发动变入墓绝，恐成名之后不能享福。游魂死于途中，归魂卦到家而死，墓绝爻本太岁，逾年而死也。

**身官化鬼月扶，则鹏程连步蟾宫**——卦身为事体，功名尤宜见之，怕临财福。如得官爻临之，必有成望，更若发动化官爻，而得月建生合者，必主连科及第。

**更详本主之爻神，方论其人之命运**——本主者，本人之主爻也，自占以世爻论，占子侄看子孙爻类，此爻最怕伤克变坏。如此搜索吉凶自应。

**虽赋数言，总论穷通之得失，再将八卦，重推致用之吉凶。**

## 十、仕宦

**为国求贤，治民为本；致身辅相，禄养为先。旺相妻财，必得干钟之粟；兴隆官鬼，定居一品之尊**——未仕求名，不要财爻，已仕贵人，要见财爻，盖有爵必有禄，未有无俸而居官者。故凡占官星，得此爻旺相，俸禄必多；若财爻休囚，或空或伏，未得俸禄；财动逢冲，因事减俸；或日辰月建冲财，而刑害世爻及官爻者，恐有停俸罢职之患。官鬼旺相，官高爵大，休囚死绝，官小职

卑。若发动生合世爻，得月建日辰生扶，必有荐擢。

**子若交重，当虑剥官削职**——子孙若在卦中发动，所谋必不遂意，已任者，恐有褫职之祸。

**兄如发动，须防减俸除粮**——兄弟发动，不免费财多招诽谤；如与子孙同发或化子孙，必有除粮减俸之事。持身临世皆不吉利。

**父母空亡，休望差除宣敕**——父母爻为印绶、文书、诰牒、宣敕、奏书、表章，卦中不可无，宜旺不宜衰，扶世最吉。若持太岁有气，生合世爻，主有朝廷宣召，如加月建，乃上司奖励之类；若空亡则休望也。

**官爻隐伏，莫思爵位升迁**——官爻临持身世，或动来生合世爻，不受月建日辰冲克者，凡有谋望，必能称意。

**月建生身，当际风云之会；岁君合世，必承雨露之恩**——太岁乃君象，月建是执政之官，若得生合世爻者，必是风宪之职；太岁加父母扶出官爻及世爻者，必有天恩，更得生旺尤美。

**世动逢空，居官不久**——若是出巡之职，世动逢空反利己任；遇日辰动爻相冲，必不久任政事。

**身空无救，命尽当危**——世临无救之空，不拘已任来任，必有大难甚至死亡；若欲求谋于事，则主不成。

**鬼化福冲当代职**——出巡官宜鬼爻发动，牧守官宜官爻安静，若鬼动化子，必有别官代替。

**财临福动必忧丁**——凡占官不可无财，亦不可发动，若鬼爻无气而得财动扶起，必须用财谋干，方得升迁；若父母衰弱，而遇此爻加临白虎旺动者，必有忧丁之事。

**日辰冲克，定然诽谤之多招**——日辰刑冲克世，必遭诽谤。依五类推之，如带兄弟，因贪酒

好游怠于政事；带父母，因政事繁剧不能料理；带官鬼，非酷刑则同僚不协。若世临月建，虽有诽谤不能为害。

**鬼煞伤身，因见灾殃之不免**——官鬼动来生合世者为用神，如动来克伤世爻者为鬼煞。生扶合世，必有进取之兆，刑冲克世，必有凶祸。

**兄爻化鬼无情，同僚不协**——兄弟为僚属，卦中鬼动化出兄弟冲克世爻，主同僚不和，或兄弟刑害伤世皆然；世克兄爻是我欺他也。

**太岁加刑不顺，贬谪难逃**——太岁动伤世爻，必遭贬谪，更加刑害虎蛇，必有锁拘擒拿之辱。

**卦静世空，退休之兆，身空煞动，避祸之征**——已任世爻空亡，若六爻安静，日月岁君未伤，乃是休官之象；若动鬼同日月岁君伤克世爻者，如世爻旬空，急宜避之，可免祸也。

**身边伏鬼若非空，头上乌纱终不脱**——或得鬼爻临身持世，或本官鬼伏世下，虽见责罚，官职犹在；若不临持身世，或不伏于世下，或虽伏仍遇空亡者，必遭黜革。

**财空鬼动，声名震而囊篋空虚**——凡官动生合世爻，日月动爻又无冲克者，为官必有声名闻望；更得财爻生扶合助，则内实贪赂，外不丧名；若世爻空伏，财爻死绝，声名虽有，贿赂却无也。

**官旺父衰，职任高而衙门冷落**——父母旺相衙门必大，休囚则衙门必小。若官旺父衰，又非小职，乃闲静冷落衙门；官父俱衰，职卑衙小。

**职居风宪，皆因月值官爻**——官鬼不临月建，定非风宪之职；若临月建，又得扶出世爻，决是风宪之任，必非州县之官。如带白虎刑爻，主镇守边陲，职掌兵权。

**官在二司，只为鬼临傍位**——官临子午卯酉是正任官也，官临寅申巳亥乃佐二职官，临辰戌丑未乃杂职官，如临月建日辰，乃掌印之官也。

**抚绥百姓，兄动则难化愚顽**——凡任牧民之官，要财爻旺而不动，父母扶而不空，方是善地。若财爻空绝，父爻受刑，则地脊民贫，父母动临世上，政必繁剧；兄弟持世，财赋不起，或贫民难治。

**巡察四方，路空则多忧惊怪**——钦差出巡，怕世爻逢空。若世在五爻空，须防日月刑克，恐途中有患难莫测之祸害。

**出征剿捕，福德兴而寇贼歼亡**——凡任将帅之职，或征讨之官，平居卜问，不宜子孙发动，主有降调；如临事问，则喜子孙发动，必成剿捕大功；更得岁君月建生合世爻，主有升赏。官鬼不作爵位，当作寇贼论。世克应亦吉。

**镇守边陲，卦爻静而华夷安泰**——镇守地方，不拘文武官职，皆宜六爻安静，日辰月建不相冲克，则安然无惊；若遇官鬼发动，世应冲克，必多骚扰。用宜通变推之。

**奏陈谏诤，哪堪太岁冲刑**——凡遇奏对、陈疏、上章、谏诤及赴召面君类，皆忌动爻冲克，并忌太岁刑克世爻。若太岁月建生合世爻，必见谕允；如来冲克，须防不测之祸。

**僧道医官，岂可文书发动**——僧道医官皆以子孙为用，如父动则伤僧道医官，则用药不灵，反为不美。克冲须防是非。

**但随职分以推详，可识仕途之否泰。**

## 十一、婚姻

**男女婚契于前定，朱陈缔结分在夙成。然非月老，焉知夫妇于当时？不有密羲，岂识吉凶于今日？欲谐伉俪，须定阴阳**——阳奇阴偶，配合成婚。如男家卜，宜世属阳应属阴，用神阴阳得位；女家卜，宜世阴应阳。

**阴阳相得，乃成夫妇之道；阴阳交错，难期琴瑟之和鸣**——如男卜女，遇世阴应阳，世阴财阳者，是阴阳交错，后主夫妻欺凌，终朝反目。

**内外互摇，定见家庭之挠括**——占婚姻卦宜安静，安静则家庭雍睦无争。若财动则不和公姑，鬼动则不和妯娌，父动则不和子侄，兄动则不和妻妾。加月建日辰，不唯不和，更有刑克。

**六合则易而且吉，六冲则难而又凶**——六合之卦，一阴一阳配合成象，世应相生，六爻相合，占主得之，必主成而又吉。六冲卦非纯阳则纯阴也，其象犹二女同居，两男并处，志必不合，占者得之，必主难成，纵成亦不利。

**阴而阳阳而阴，偏利牵丝之举**——世与用宜阳反阴，应与财宜阴反阳，占娶妻多为不利，唯入赘最吉。

**世合应应合世，终成种玉之缘**——男家卜，世为男家，应女家，若得相合是两愿之象，必主易成，后亦吉利。

**欲求庚帖，不宜应动应空；若论聘仪，安可世蛇世弟**——欲求庚帖，须得应爻安静生合世爻者，必然允许；若应爻发动，或空或冲，皆主不允。世临蛇弟，主男家吝啬，礼必不多；应爻临之，主女家妆淡薄。如旺动主克妻也。

**应生世悦服成亲，世克应用强劫娶**——应爻生合世爻，主女家贪求其男，则易成；若世爻生合应爻，主男家贪求其女。如旺世克衰应，乃恃富欺贫，用强劫娶也。

**如日合而世应比合，因人成事**——世应比合，得日辰合世应者，或间爻动来合世应者，是赖媒人之力也。

**若父动而子孙墓绝，为嗣求婚**——若因无子而娶，遇父旺动或子孙墓绝，主无子息，父持身世者亦然。

**财官动合，先私而后公**——夫占以财为妇，世与动合，是必先通而后娶，财与世爻动合亦然。财爻动与旁爻合，与他人有情，财遇合多亦然。

**世应化空，始成而终悔**——世动生合应爻，男家愿成，应动生合世爻，女家愿嫁，皆易成之象，但怕变入空空亡，必有退悔之意也。

**六合而动象刑伤，必多破阻；世冲而日辰扶助，当有吹嘘**——世应逢生主吉，若遇动爻日辰冲克，两边必有阻隔难成。世应冲克本凶，若遇动爻日辰生合两边，必有吹嘘可成。要知吹嘘破破阻之人，依五类推之，如父母为伯叔尊长类；外官他卦以外人而言。

**鬼克世爻，果信绿窗之难嫁；用合身位，方知绮席之易婚**——如鬼煞克世，不独不愿为婚，更防祸殃。如用神用合世位，不但易成，后必恩爱。

**财鬼如无刑害，夫妻定主和谐**——财鬼刑冲克害，夫妻必然不睦，如无此象，到老和谐。

**文书若动当权，子嗣必然萧索**——父母旺动，子孙旬空反可得子，至子孙出空之年亦难免克；若不空现受其伤，主无子息。

**若在一宫，当有通家之好；若加三合，曾叨会面之亲**——世应生合比和，财鬼又同一宫，是亲上亲也。不带三合，虽亲未认，若带三合，必曾会过矣。

**如逢财鬼空亡，乃婚姻之大忌；苟遇阴阳得位，实天命之所关**——夫卜女以财爻，女卜夫以鬼爻，为卜婚姻之用神也，若值空亡，必不吉利，然不可执法推。财空妻失，鬼空夫亡，盖男占女以财为主，鬼空不妨，女占男以鬼为主，财空不妨。如父母伯叔卜子侄女婚姻，必看子孙爻何如；若兄占弟婚，必看兄弟，爻遇吉则吉，逢凶则凶。当从用神断，不可一概而言之也。

**应财世鬼，终须夫唱妇随；应鬼世财，不免夫权妻夺**——世持鬼应持财，如男自占是阴阳得位之象，必然夫秉男权，妻操妇道，能夫唱于前，妇随于后。若应持鬼世持财，是阴阳失位也，必然夫权妻夺，唯赘婿反吉。

**妯娌不合，只为官爻发动，翁姑不睦，定因妻位交重**——夫占婚以兄为妯娌，父为翁姑。卦

有官动则克兄弟，主妯娌不和，有财动则克父母，主公姑不睦。若旺而无制，父爻衰弱不能敌，与亲有刑克也矣。

**父合财爻，异日有新台之行；世临妻位，他日无就养之心**——占婚遇财父二爻带玄武动合者，有翁淫子媳之事；若财临世身，玄武不动合者，其妇必不善事公姑。

**空鬼伏财，必是望门之寡妇；动财值虎，定然带服之婆娘**——卦中财爻伏于空鬼之下，其女先曾受聘，未婚夫死，俗谓之望门寡。若加白虎发动，则已嫁而夫死带孝。若鬼伏财下不空者，必是有夫妇女。如被日辰动爻提起刑克世爻者，后防争讼。

**世应俱空，难遂百年之连理**——世空自不欲成，应空彼不欲成，勉强欲成，终不遂意。

**财官叠见，重为一度之新人**——男占女卦有两财，女占男卦有两鬼，必是再娶再嫁，重为一度新人。两鬼发动，必有两家争娶；财伏鬼下，男必有妻在家；鬼伏财下，女必有夫在身。鬼不空而动爻日辰冲克妻财，必是生离改嫁矣。

**夫若才能，官位占长生之地；妻如丑拙，财爻落墓库之乡**——要知男妇情性容貌，财鬼二爻取之，旺者身肥，衰者瘦弱。如虎蛇勾陈玄武属土火，貌丑；如青龙属木金，貌美。衰而有扶，丑有才能；旺而入墓，美偏愚拙。

**命旺则荣华可拟，时衰则发达难期**——命者，即求卜人之本命爻是也。旺衰二字，古法以四季论之，谬也。倘本命人择于春秋占，必发达乎？岂富贵贫贱由人自取耶？予之屡验者，为本命爻临财福、青龙、贵人等吉宿，或遇日辰动爻生扶拱合者，固荣华有日；如命临兄、鬼、白虎等凶神，或遇日辰动爻刑冲克害者，固发达无期。如命临父母主好技艺，若加青龙主好诗礼，临兄弟则爱赌好费，临财福必善作家，临官鬼带凶神，主疾病官刑，不加凶神乃公门人役，带贵人则贵。学者宜以类推。

**财合财一举两得，鬼化鬼四复三番**——占婚遇财化进神，有婢卜同来，谓之赠嫁，遇冲终必走失。财化子有儿女带来，谓之他有名，逢空虽来不寿。如化退神逢冲，日后背夫改嫁，或退母家。

大抵鬼化鬼不论进退神，凡事反复不定。

**兄弟动而爻临玄武，须防劫骗之谋**——兄弟临玄武腾蛇来刑冲世身者，须防其中奸诈，设计骗财。若世应生合，阴阳得位，亦必大费而可成。

**应空而卦伏文书，未有执盟之主**——父母为主婚人，若不上卦或落空亡，必无主婚。如卦身临财，乃其妇自作主张。

**两父齐兴，必有争盟之象；双官俱动，斯为竞娶之端**——卦中动变见有两重父母，主有两人主婚，不然主两家庚帖。若两鬼俱动，则有两家争婚多变。若卦中见有父化官，官化父，父官皆动，恐有争讼之患；兄临朱雀必有口舌。

**日逢父合，已期合登于三星**——日辰与父爻作合，或日辰自带文书，主成婚日期已选定。

**世获财生，终得妆奁于百两**——凡占妆奁，当看财爻，若财爻生合世爻，又得日辰动爻扶助，必有妆奁；如临勾陈，必有奁田。

**欲通媒妁，须论间爻**——占庚帖以间爻为媒人；如独指媒人占，又非间爻论，必以应爻为媒妁是也。

**应或相生，乃女家之瓜葛；世如相合，必男室之葭莩**——间爻与世生合，言我家亲，与应生合言彼家亲，与世应俱生合，两家皆有亲也。旺相新亲，休囚旧眷，本宫至亲，他宫外亲。

**先观卦象阴阳，则男女可决**——阳男媒，阴女媒，以衰动旺静取之是也。

**次看卦爻之动静，则老幼堪推**——交重二爻或衰弱者是老年人，单拆二爻或旺相者是少年人。

**论贫富当究身命，决美丑可验性情**——男问妇看财爻，女问夫看鬼爻，女问男家、男问女家皆看应爻。若应旺财衰，女家虽富，女貌不扬。余类推。

**雀值兄临，惯在其中得利**——间爻如值螣蛇、朱雀及兄弟者，其人惯赖媒妁获利。

**世应冲合，洩他出以为媒**——间爻安静被世应冲合起，及时辰冲并起者，其人无心作伐，必央他说合也。间爻自动者勿如此断。

**两间同发，定多月老以争盟；二间俱空，必无通好以为礼**——两间俱动，必有两媒，须看衰旺及有制无制，可知哪个执权。

**世应不合，仗冰言而通好**——世应相冲相克，若得间爻生合动世动应，须赖媒人两边说合方成。

**间爻受克，纵绮语亦无从**——欲求亲必得应爻生合间爻，必然听信媒言；如间爻反被应爻冲克，虽甜言亦不从。

**财官冲克，反招就里愆尤**——间爻若被日辰动爻或财官冲克，其媒必然取怨于两家，世爻克冲男家有怨，应爻克冲女家有怨。

**世应生扶，必得其中厚惠**——间爻遇世应日辰带财福生合，其媒必有两家酬。旺相多，休囚少，世旺男家多，应旺女家多。

**一卦凶吉，须察精微委曲，百年夫妇，方知到底团圆**——此章唯论男卜女婚，女卜男姻之意，今术家不辨其详，凡择婿择媳嫁妹娶嫂，竟不以用神断，概以官为夫财为妇，大误于人。况章内有云：“妯娌不合只为官爻发动，翁姑不睦定因妻位交重”，此二句可征矣。学者当凭用神吉凶推断，不可概论财官是也。

## 十二、孕育（附老娘乳母）

**首出混沌，判乾坤而生人物；继兴太昊，制嫁娶以合夫妻。**迄今数千百年化生不绝，虽至亿万世络绎不绝。盖得阴阳交感，方能胎孕相生，先看子孙，便知男女。阳为男子，掌中探见一枝新，

**阴是女儿，门右喜看孤蛻设**——子孙为占产用神，旺相单重为阳爻，是男，休囚交拆为阴爻，是女也。

**主星生旺，当生俊秀之肥儿；命曜休囚，必产委靡之弱子**——子孙生旺，子必肥大，异日主俊秀不凡；休囚无气，子必弱小，异日主委靡不振。

**如无福德，莫究胎爻**——用神不出现，查伏于何爻之下，当以伏神吉凶断之也。

**双胎双福必双生，一克一刑终一梦**——卦有两重子孙爻，又有两重胎爻，纵不发动亦主双生。若子化子又见胎化胎者，如化退神，主双胎不收。阴阳动静可定男女，一动一静一阴一阳一男一女类。卦无子，若胎爻又被月建、日辰、动爻刑克，大凶之兆，一场春梦，言其子必亡也。子孙衰弱受克者亦然。

**胎临官鬼，怀妊便有采薪忧；财化子孙，分娩即当勿药喜**——鬼临胎爻主孕妇有疾，或财合福爻，则分娩安泰。

**妻财一位喜见持持，胎福二爻怕逢伤害**——夫占妻，财为产母，胎为胞胎，福为儿女，三者皆喜月建、日辰、动爻生扶合助，则产母安，胎胞稳，子易养；若见刑冲克害，产母多灾，胞胎不安，生子难养，发化入死墓空绝亦然。

**虎作血神，值事交重胎已破**——白虎为血神，若临子孙或临胎爻发动，其胎已破，临财动亦然。

**龙为喜气，遇胎发动日将临**——占产以青龙为喜，若在胎福财爻上动者，生期已速，必然当日临盆也。

**福遇龙空，胎动乃堕胎虚喜**——福临青龙空亡受制，又见胎爻发动或被日辰动爻冲动者，乃堕胎虚喜。

**官当虎动，福空乃半产空妊**——白虎临官发动，或临财化官，或临鬼动空化空，或被冲散者，当小产，其子不育之象。

**福已动而日又冲胎，儿必预生于膝下**——福神发动而日辰冲胎者，其子已生膝下矣。

**福被伤而胎仍化鬼，子当屈死于腹中**——子孙墓绝，又被日月动爻刑冲克害者大凶；或胎临官鬼，动化鬼，必是死胎。如财爻受伤，防母子有难。

**兄动兮不利其妻，父兴兮难为厥子**——兄动则克妻财，父动则克子孙。如夫卜妻产，见兄动则产母不安，见父动则难为厥子。

**用在空亡逢恶煞，何妨坐草之虞**——父爻发动本为克子，如福爻有月建日辰生扶，或避空不受克，故云无虞。

**妻临玄武入阴宫，果应梦兰之兆**——巽离坤兑属阴，如财子二爻皆属此象，必生女。如财临玄武，或与玄武应爻旁爻作合，是野合得孕。

**克世克身诞生日迫**——得子孙胎爻冲克身世，生期以速，当以日時断之。

**不冲不发产日時迟**——胎福不动又无暗冲者必然迟缓，须待冲月日時方分娩也。

**胎福齐兴官父合，临产难生**——胎福二爻发动本主易生，若被官鬼父母动爻合住，或日辰合住，皆主临产难生，待冲破日時方得分娩。

**子财皆绝日辰扶，将危有救**——如遇子财二爻在墓绝之地固凶，若得日辰动爻生扶，此乃老娘收生之力。

**官空官伏，定然遗腹之儿**——如旁人及孕妇来占，遇卦无官鬼，或在真空墓绝之处，主产妇之丈夫已死，是遗腹子也。如官爻伏而旺相，有提拔者，其父远出，乃背生儿也。

**游魂卦官鬼空亡，乃背爹落地**——卦遇游魂官鬼值空，若非过月，定主其夫出外而产，谓之背生也。若其夫自占，勿论官爻，以世爻言之；如世爻空遇游魂，主出门后生产。

**发动爻父兄刑害，必携子归泉**——父兄爻若当权旺相，动来刑克妻财子孙，而财福二爻又无救助者，主母子俱凶。

**官化福胎前多病，财化鬼产后多灾**——鬼化出子孙，主胎前有病；财化官鬼，恐产后多灾。

**三合成局儿缺乳，六冲遇子父安然**——卦有三合成兄弟局者，生子必然乳少，夫占更防克妻。若得福神发动，或安静得日辰冲动，则财有生气，所以产母安然也。

**应若逢空，外家无催生之礼物**——以应为外家，若逢空必无催生礼物。

**世如值弟，自家调理绝之肥甘**——兄值世衰，则家贫而少将息，产妇必难强健。

**阳福会青龙，无异桂庭之秀子；阴孙非月建，何殊桃洞之仙姬**——子孙临月建青龙，或月建带青龙生合子孙者，必是男喜，后主俊秀聪明；如子孙爻不是月建日辰，又无月建日辰生之，临阴象阴爻者，必是女。

**若卜有孕无孕，须详胎伏胎飞**——凡占胎孕有无，专取胎爻为主，不看子孙。如卦中六爻上下及年月日时皆无胎爻者，俱主无孕卦中有动爻化出者，目下无胎，后必有胎。唯遇胎爻出现便为有胎。

**出现空亡，“𦵏”而复散；交重化绝，既孕而不成**——“𦵏”，音胚，凝血也。𦵏者阳精阴血凝聚成胎之谓，盖未成形曰“𦵏”，已成形曰“孕”。胎爻出现如遇空亡，主虽有胎，不能成形而散。若得发动，其胎已成，惧怕变入墓绝，则胎孕虽至成形，不能孕育，是亦不成而已矣。

**姘必逢官，媼必遇虎**——“姘”，音半，孕伤也。胎临官或被官爻、月建、日辰刑冲克害，皆

主胎孕有伤。娠妇既孕，月事又通曰“嫉”。若未及月胎临白虎，必是漏胎；如遇煞冲，或发动化鬼者，必小产。

**带令星而获助，存没咸安**——凡胎爻旺相，又有生合扶助，不临官鬼、父母及空亡者，其胎必成，临阳爻则生子易养。

**有阴地而无伤，缓急非益**——胎爻临阴休囚，而得月建、日辰、动爻生合，再无凶神刑克者，其胎亦成，但生女，故曰：“缓急非益”也。

**如逢玄武，暗里成胎，若遇文书，此前无子**——胎临玄武，所受之胎非夫妻正受也。若临父，主此前未曾有子，今始成胎也。

**孕形于外，只因土并勾陈；胎隐于中，端为临龙合德**——胎临勾陈，怀胎显露，胎临青龙，其胎不露，更逢三合必隐。

**若问收生之妇，休将两间而推；如占代养之娘，须以一财而断**——如占胎产，以卦中间爻为老娘也。今人独占老娘吉凶，概以间爻论者，则失于理矣。故凡单占老娘及乳母，俱以妻财一爻为用神，不可又以间爻推之是也。

**兄动兮手低，乳母须防盗物**——兄弟发动，占老娘乳母，则主此妇见财起意，又主贪食；临玄武必滥。

**父兴兮乳少，老娘窃恐伤胎**——父母发动加刑害，儿必为其所害，切不可用，如占乳母亦然。

**子孙发动乳多，手段更高能**——子孙旺相发动，不受制伏，生扶财爻，老娘手段必高，乳母必主乳多也。

**兄鬼交重祸甚，事机犹反复**——官鬼发动必有祸患，不伤身世，虽凶亦浅，一遭克害，祸不可言。

**财合福爻善能调护，身生子位理会维持**——卦身与财合子孙最吉，占老娘惯能救死回生，占乳母主其妇善抚小儿，乳亦必多也。

**如逢相克相冲，决见多灾多咎**——子孙被财与卦身刑冲克害最忌，儿亦必被其所害。

### 十三、进人口

**独夫处世，休言无子即忘情；君子治家，难道一身兼作仆？必须便嬖，乃足使令于前；若不螟蛉，焉继宗支于后**——老而无子曰“独”，过继他人之子曰“螟蛉”，如诗所谓“螟蛉有子，蜾蠃负之”是也。

**须别来占，方知主用**——过继小儿以子孙为主，买妾婢童仆及收留迷失之人皆以财为主。若窝藏有难之人则看其人与我如何相识，如朋友以兄弟为主，尊长以父母为主，妇人以妻财为主类。

**用不宜动，动必难留**——用爻发动其人难托，若遇游魂或化入游魂，异日主逃窜，若来生合世爻不致连累。

**主不可伤，伤须夭折**——主象衰弱，而被日辰动爻乘旺来刑伤克害，更无解救者，必然夭折。

**衰入墓中，拟定萎靡不振；旺临世上，决然干蛊有成**——用爻入墓，其人性慵懒；衰弱无气空绝，主萎靡不振。若得旺相临身持世，或生合世爻者，乃大吉兆也。

**动化空亡，有始无终之辈；蛇合官鬼，多谋少德之人**——用爻发动变入空亡，主其人有头无尾；若临螣蛇动合官鬼，其人虽多谋，然奸诈不实，妇人不贞节。

**临玄武而化兄爻，门户须防出入；遇青龙而连福德，资财可付经营**——用临玄武动化兄弟，主其人贪财好色，莫用出入。用临青龙动化子孙，生合世爻，主其人至诚忠厚，托以财物则守而不失，使之经营则利归于主也。

**若逢太过及空亡，反主少诚兼懒惰**——卦中用爻见有三四重，或旬空者，其人暗藏机巧，反复不实。

**用爻生合世爻，必得其力；主象克冲身象，难服其心**——用爻生合世爻，其人可用，凡有事干必然用心；大怕合处逢冲。

**财化子携子偕来，世合身终身宠用**——凡占妻婢，财爻化出子孙，有小儿带来；若动财生合世爻，而化子反来刑克者，其婢可使，子必玩劣。卦身一爻，占事为事之体，占人为人之身，若遇世爻生合，主其人必得宠用也。

**受动变之伤，向后终难称意；得日月之助，他日定见如心**——月建日辰动爻克世，其为不可用，世爻衰必被其害；若得变动日月生扶合助，然后为吉也。

**世与卦身，以和为贵**——世身二爻相合、相生、比合为吉，相克、相冲、刑害为凶。

**兄弟官鬼，唯静为佳**——兄动为破财口舌，官动为祸患疾病，故二爻皆不宜动，静心称意。

**兄鬼交重，诚恐将来成讼；三合绊住，须知此去徒劳**——兄与官爻发动，或官与文书互变，主日后兴词成讼，纵遇合住，日后亦成徒劳之事也。

**若在间爻，乃是牙人作鬼**——买卖交易以间爻为本，行人若临兄弟官鬼发动，必是牙人作鬼为谋。

**如居空地，不过卖主争财**——官鬼一爻空动，而与应爻相合，必卖主牙人作鬼论财。

**卦象两官两父，须知事系两头**——卦中父母官鬼俱有两爻，恐重叠交易。

**兄鬼一动一冲，切莫财交一手**——卦遇应爻克世，而兄官发动，须防设谋诓骗。

**应生世他来就我，世生应我去求人**——占买雇奴婢托人等事，以应为主，如生合世，是他来就我，成事最易，若世生应，我去求他，成事难也。

**和合易成，最怕日辰冲破**——如得应来生合世爻，凡事易成；若合处逢冲克坏，主人有破阻。要知何等人，以破合之爻定之。

**相冲难就，偏宜动象生扶**——世应相冲相克，凡事难成；若得动爻日辰生扶合助，必有贵人维持，事亦可成。

**兄爻发动，为诈为虚，卦象纷乱，多更多变**——兄弟为反复不定之神，乱动则事不定，故多更变。

**六爻无父，定无主事之人**——以父母为文书主契之人，若六爻皆无父母，必无主契之人；若动爻变出者，则旁边有人作主。

**两间俱空，未有作中之子**——间爻为媒人，如空，须浼人居间。

**世获间生，喜媒人护向**——间爻生世合世，媒人必然向我，如临子孙，即系子侄辈人也。

**生扶递出，防卖主之合谋**——如是鬼动克世爻，而应爻又来冲克刑害我者，则是间来生合，假意合谋，非真心也。

**父化兄契虚事假**——凡遇父母化兄弟者，决主事体不直，文契不实，卦无父母而从兄弟化出者亦然。

**兄持世财散人离**——兄弟持世，必然徒费钱财，事亦干众，一应托人买婢不行力，更带凶神旺动，必主人离财散。

**应若空亡，我欲成交徒费力；世如发动，彼来谋合亦难成**——应空则他意难同，世动则自多

更变，故不成也。

**弟因财乏鬼必疑心**——兄弟持世者，必因资财欠缺；鬼爻持世，则自心多疑，或进退不定，故难成也。

**四复三番事机不定，千变万化卦象无常，能求不见之形，自喻未来之事**——凡占收留遗失子女，最怕鬼临玄武发动，必是盗贼；用临玄武或化出鬼爻亦然，刑克世爻必被其害。

## 十四、新增痘疹

**六气司天，寒暑灾祥之感应；五行迭运，痘疹疮疹之流行。欲问安危，须凭易卦。先察用旺衰，次究神动静。生扶拱合，痘长灵根；克害刑冲，花遭毒雨。父动则护持乎兄弟，儿孙安得云宜；兄兴则为难于妻奴，子侄喜其相遇。最吉者官安用旺，最凶者鬼旺忌兴**——凡卜痘疹，必先分别用神原神衰旺，次究忌神仇神动静。如卜兄弟出花，以兄弟爻为用神，父母爻为原神，动而生之则吉。倘卜子侄，以子孙爻为用神，父动则克子是凶。如卜妻奴婢妾，以财爻为用神，兄动则克财，亦不宜也。凡卜子侄喜遇兄弟动也。官鬼为痘花，不宜伤损，亦不宜动，动恐变坏；如遇刑冲克害伏藏等象，是险逆之症也。即勉强起发，亦难收成。用神旺相，官鬼安静而得生扶拱合者，是顺症而无忧虑也。

**用得长生，百年之内保无虑**——用神长生于日辰或化长生者，虽百年之内无忧，目下何必虑之。

**原临死绝，一月之外终有害**——如用神休囚再受伤克，又遇原神居于死绝之处，旦夕难延；若用神出现旺相，而原神静逢死绝，或动化伤克者，目下得令虽见收功，出月退气仍有不测之害也。

**官强而痘难开朗，福旺则花必稀疏**——官鬼爻为痘症，宜静不宜动，动则有变。静而衰者痘稀，旺而动者痘密。父神为痘花之主，亦宜安静有气，最忌动化伤克；若得福旺官衰，痘花定然稀朗，必好收功也。

**墓库不宜临用**——痘喜起发，既发又喜神清，若用神入墓库，初难起发，后必神思昏倦，主难收功也。

**休囚岂可持身**——出花之人宜于体旺，则易收功，如用神休囚，必是体弱，再无原神日月生扶者，后亦有变。

**卦现官多，防贼痘之为害**——官鬼不宜多，鬼多则痘分粗细，如无子孙出现，恐痘密之中间有毒痘，其名曰贼痘，如不去之，则害一身痘矣。

**爻临福众，虑进补以招殃**——子孙之爻不宜多现，只要旺相有气，如多现不宜用补药食补物，若用补反恐有害也。

**乱动皆非吉，伏吟亦是凶**——诸卦皆怕乱动，何况于痘花？凡占皆畏伏吟，岂独痘症乎？

**子孙发动，当勿药而自痊；父母交重，纵延医而难治**——如子孙发动，不遇日月动变伤克者，倘卜用药，当许立效，故喻之不药而能愈也。

**财动卦中宜调脾胃**——财为饮食，宜旺不宜空，空则不思饮食；宜静不宜动，动则生助官鬼。恐因多食而伤脾胃，故须调养。

**兄兴象内须理胸怀**——财为调理之物，兄为气闷之神，如遇兄弟爻发动，则伤克财爻，主饮食少进或乏于调理。如在间爻，宜宽胸理气；如临朱雀，必感怒而不思饮食。

**食口腹而增忧，多为帮官伤世**——财爻发动则生官鬼，若卦中又见官鬼发动而克世身主象者，必因贪口腹以致增病，或未出痘之前已停食也。

**爱滋味而进食，定因助福生身**——兄弟本是克财，动则不思饮食，若得子孙亦动，动来生世身用象者，谓之助福生世，主出痘之人初不思食，因爱一味引开胃口，始能进食也。

**卦遇六冲难起发，爻逢六合好收功**——凡卜近病喜遇六冲，谓之冲散灾殃，唯卜痘症则不然，谓之花逢冲则败，犹如妨雨侵花，初难起发，后不收功。如遇六合卦，或用神逢生合，则易起发定然，必好收功也。

**闷而不发，皆缘用伏加伤；发而不浆，只为官空增制**——用神出现，不遇日月动爻刑冲克害，是大吉之兆；如用神伏藏，再受日月动爻刑冲克害者，必是闷痘，难过四五朝者屡验。如官爻旬空月破，又遇日辰动爻克害者，痘虽起发，在七八朝之内恐不上浆，难于收功也。须仔细而推详。

**原神若坏，纵用现兮不祥；主象受伤，得救护兮无碍**——原神者，生用神之爻也，如原神旬空，若伏藏而夫伤克者，主症虚体弱，非补不能起发，既起发主发无力灌浆。若原神值真空真破，或伏而受伤太过，或化回头克伤，谓之原神受伤，用神无根，焉能得生？非吉祥之兆也。如主象逢伤克，而遇原神临月建日辰动爻救护者，痘症虽险，可断不妨。学者宜变通。

**福鬼若值青龙，方宜种痘**——或子孙爻临青龙，或官鬼爻临青龙，不遇日月动爻刑冲克害者，如卜种痘为大吉之兆；如官爻旬空或伏藏，福神不值青龙，虽种痘亦不出也。

**用煞如临白虎，且慢栽花**——或用神临白虎，或忌神临白虎，用神受日月动爻刑冲克害者，不宜种痘，恐反被害耳。

**玄武冲世冲身，污妇冲魔而作变**——玄武临财爻动来冲世身用象者，主因污妇冲魔致痘花作变。如玄武临应爻动来冲世身主象，被外人闯魔作变也。

**白虎临官临用，火毒甚而未清**——白虎是血神，如临官鬼或临用神，而遇日月动爻刑冲克害，若非生痰，定是结毒。如在乾宫毒结头面，坤腹、震足、巽股、艮手、离目、坎耳、兑口等类推之。

**身上虎须向五行言带疾**——大凡卦身一爻，主痘人始终之事，若临福德吉神，主无痘毒；如临官鬼，必有结毒成疾之处。如遇金鬼，系肺经火毒未消，鼻孔内生疮或右耳带疾；如临木鬼，系肝经火毒未消，主两目内出痘或右耳带疾。如遇水鬼，系肾经火毒未消，主两耳干枯，嘴唇带疾；如官鬼属火，系心经火毒未消，舌上干焦，主带目疾；如官鬼属土，系脾经火毒未清，主口如鱼口，

鼻梁带疾。己土官鬼凡属临持卦身，如值休囚，见福神发动者用药可愈；如无福神克制反加白虎附持，则有损失，乃终身之疾也。

**爻中煞当凭八卦论终身**——如虎鬼居乾宫，则带疾在头；如居兑象，则带疾在面；如居震卦，带疾在足；如居巽卦，带疾在股；如居坎卦，带疾在耳；如居离卦，带疾在目；如居艮卦，带疾在手；如居坤卦，带疾在腹。以上八宫所值鬼爻，如遇福神克制，则医治易愈，如再加白虎持临，乃终身之疾也。学者依理而推。

**金为肺腑，增疼增嗽非宜；火属心经，发疮发斑大忌**——官鬼属金，毒发肺部，主身体作痛或咳嗽，须防鼻偏；如官鬼属火，毒发心经，乃火毒之症，起初防发斑，继之防发疮及舌头宿硬。衰静者轻，旺动者尤重。

**木鬼乃风邪未表，水宫而寒食尚停**——木能生风，故主风邪，如官爻属木，必因未表风寒，肝经受毒，防呛喘发痒及两目直视；如官爻属水，毒发肾经，防腰疼及两耳焦干，尚有寒食停积，发热宿浆。

**麻面官乘四土，破碎遇三冲**——官鬼为痘花，如临辰戌丑未四土，土属脾经，主痘粗扁多密，故云麻面，防口如鱼口；如官爻遇年月日二建冲者，灌浆后防破碎泄气。

**玄武主阴虚黑缩，勾陈应胀闷黄浮**——玄武临官爻，或临忌神及阴虚之症，防缩浆黑陷；勾陈如附鬼爻，主胀闷黄浮。

**螣蛇木摆似惊风，朱雀火炎真血热**——螣蛇临木爻官鬼，主初起未见点时似乎惊风；若卦中官鬼属火，又临朱雀，是血热火毒之症，须用大黄、黄连等剂，必清火泻毒方能有救，如迟服则斑甚，痘隐焦黑，不能挽回也。

**白虎同忌煞交重，哭声将至**——白虎临忌神发动克伤用神，又无原神持护者，立见其危。

**青龙会恩星发动，庆贺齐来**——青龙临原神发动，生合用神，痘必收功也。

**定死活于五行生克之中，决轻重于六神临持之上**——生死全凭生克轻重，兼看六神，此节乃一章之大旨也。

**儿孙满目未出花，耽许多忧虑；金玉满堂失教训，枉费尽心机。**

## 十五、病症

**人孰无常？疾病无常；事孰为大？死生为大**——凡占疾症，以官鬼爻为轻重；得病根由，独发之爻亦可推之。

**火属心经，发热咽干口燥；水归肾部，恶寒盗汗遗精；金肺木肝，土乃病侵脾胃。衰轻旺重，动则煎迫身体**——鬼爻属火，心经受病，其症必发热、咽干、口噪类；属水肾经受病，其症必恶寒、盗汗、或遗精白浊类；属金肺经受病，其症必咳嗽、虚怯或气喘痰多类；属木肝经受病，其症必感冒风寒，或四肢不和类；属土脾经受病，其症必虚黄、浮肿或时气瘟疫类。或鬼爻衰弱则安卧，发动则烦躁之类也。

**坤腹、乾头，兑必喉风咳嗽；艮手、震足，巽须瘫痪肠风**——鬼在坤宫，腹中有病，火鬼必患腹疾；水鬼腹中疼痛；动化财或化水鬼必泻痢；土鬼则是食积痞块或痧胀蛊症；木鬼绞肠痧痛，或大肠有病；金鬼肋肋疼痛，在上胸痛，在下腰痛。此鬼在坤宫断，余卦类推之。

**螣蛇心惊，青龙则酒色过度；勾陈肿胀，朱雀则言语颠倒；白虎损伤，女子则血崩血晕；玄武忧郁，男人则阴症阴虚**——螣蛇鬼则坐卧不安，心神不定；青龙鬼则酒色过度，虚弱无力；勾陈鬼胸满肿胀，脾胃不和；朱雀鬼狂言乱语，身热面赤；白虎鬼跌打闷，伤筋损骨，女人血崩血晕，产后诸症，盖白虎血神故也；玄武鬼色欲太过，郁闷在心，在本宫主阴虚，化子孙男子阴症阴虚，盖玄武暗昧之神故也。断宜通变。

**鬼伏卦中病来莫觉，官藏世下症起如前**——遇官鬼不出现必隐藏，得症不知何由；官鬼伏在世下，必是旧症复发。

**若伏妻财，必是伤饥失饱；如藏福德，定然酒醉耽淫。父乃劳伤所致，兄为食气相侵——**鬼伏财下，必是伤食，或因财物起因，或因妇女得病。鬼伏子下，必是酒醉过渡，或恣行房事，夏或过于风凉，冬或多着裘帛，或过服补药所致。鬼伏父下，必是劳心劳力，忧虑伤神，或因动土所致，或因尊长得病。鬼伏兄下，必因口舌争竞，停食感气，或有咒诅得病。

**官化官新旧两病，鬼化鬼迁变百端——**卦中现有官爻而又变出官爻，主新旧两病也。又如官爻化进神则病增，或退神则病减。

**化出文书在五爻，则途中遇雨；变成兄弟居三位，则房内伤风——**化出父母，必在修造之处得病，若在五爻属水，则在途中冒雨而得也。如化兄弟，必因口舌呕气或是伤食；若在三爻，必房中脱衣露体感冒风寒。若化子孙，则是在僧道寺院或渔猎游戏。化财伤食，或因妻奴或因买卖。以上六亲化出官鬼爻，亦依此断。

**本宫为在家得病，下必内伤；他卦为别处染灾，上须外感——**鬼在本宫，家中得病，在下三爻，必是内伤症候。官在外宫外方得病，更在上三爻，必是外感风邪。上下有鬼，内伤兼外感，症得不一。

**上实一空，夜轻日重——**鬼在内宫，病必夜重；鬼在外卦，病必日重。若卦有二鬼，一旺一空或一动一静，必日轻夜重也。

**动生变克，暮热朝凉——**凡动爻为始，变爻为终，若动爻生扶用爻，而变爻刑克用爻者，必朝凉暮热，日轻夜重。动生变克反此断。

**水化火，火化水，往来寒热——**水化火，火化水，不拘鬼爻，但有干犯主象者，皆是寒热往来之症，卦有水火二爻俱动亦然。水旺火衰，寒多热少，倘水受伤，火得助，则常热乍寒也。坎宫火动，内寒外热，离宫水动，皮寒骨热；若带日辰，必是虐疾。

**上冲下，下冲上，内外感伤——**上下有鬼，病必内外两感；俱动俱静者，一同受病；二鬼自冲者，适感而适愈也。

**火鬼冲财上临，则呕逆多吐**——火性炎上，财为饮食，故占病遇火鬼动克外财，必是呕吐，重则反胃不食。

**水官化土下直，则小便不通**——水官化出回头克，在本宫初爻是小便不通，属阴是大便不通；阳官阴象，阴官阳象，二便俱不通。若加白虎阳爻，是尿血，阴爻是泻血，白虎血神故也。带刑害是痔漏症。

**若患牙疔，兑鬼金连火煞**——鬼在兑宫，口中有病，若金鬼化忌神，或忌神化金鬼，必患牙疔，不化忌神则是齿痛。静鬼逢冲齿必动摇。

**如生脚气，震宫土化木星**——鬼在震宫，病在足，加勾陈足必肿，加白虎必折伤破损。土鬼化木则患脚气，木鬼酸痛麻木，水鬼是湿气，火鬼必生疮毒，金鬼是脚趺膝痛、骨痛或刀刃所伤类。

**鬼在离宫化水，痰火何疑；官来乾象变木，头风有准；震遇螣蛇仍发动，惊悸颠狂；艮逢巳午又交重，痛疽疮毒**——离宫鬼化水爻，痰火症候，水动化鬼亦然。乾宫鬼化木爻，头风眩晕，木动变鬼亦然。震在外卦勿以脚断，可言其病坐卧不宁，心神恍惚，盖震主动故也。更加螣蛇发动，必是颠狂惊痫之病，小儿乃惊风也。逢冲则有逾墙上屋之患。艮逢火鬼必生痛疽，若遇变出土鬼，可言浮肿蛊胀等症。余可类推。

**卦内无财，饮食不纳**——财主饮食，若遇空亡，饮食不纳，若不上卦，不思饮食。

**间中有鬼胸膈不宽**——世应中间即病入胸膈处也，官鬼临之，必然痞塞不通。金鬼胸膈骨痛，土官饱闷不宽，木鬼心痒嘈杂，水鬼痰饮填塞，火鬼多是心痛。若化财爻或财爻化鬼，必是宿食未消，以致胸膈不利。

**鬼绝逢生，病体安而复作**——官鬼逢绝，其病必轻，如遇生扶，谓之绝处逢生，其病必将复作。

**世衰入墓，神思困而不清**——世爻入墓，病必昏沉。旺相有气，则懒于行动，衰则不言不语，是怕明喜暗，不思饮食，爱眠怕起，懒开目，更坐阴宫必是阴症。用爻入墓、鬼墓临用、原神入墓，皆依此法断。

**应鬼合身，缠染他人之症**——应临官鬼刑克合用爻，必因探访亲友病而缠染也。鬼爻属土，是时行疫症；用爻临应，必然病卧他家。

**世官伤用，重发旧日之灾**——大抵官爻持世，必然原有病根，伤用必是旧病复发，否则必难脱体。卦身持鬼，亦是旧病。

**用受金伤，肢体必然酸痛；主遭木克，皮骨定遭伤残；火为仇则喘咳之灾；水来害则恍惚之症**——如金动来克，则木爻受伤，支节酸痛；木动来克，则土爻受制，皮骨伤损。余可类推。

**空及第三，此病须知腰软**——第三爻如值旬空，为腰软；或旺相而生，为腰痛。不空而遇动爻日辰官鬼冲克者，乃闪腰痛也，动爻亦然。鬼在此爻者，亦主腰痛。

**官伤上六，斯人当主头疼**——不唯官鬼克伤上六而头疼，即如官鬼所临之处，亦有病也。如官鬼克间爻，或临间爻，皆主胸膈不利，忌神亦然。余可类推。

**财动卦中非吐则泻**——财爻动临上卦主吐，动临下卦主泻，若逢合住，则欲吐不吐、欲泻不泻。

**木兴世上，非痒即疼**——寅卯二爻属木，寅木主痛，卯主痒。

## 十六、病体

**既明症候，当决安危，再把爻神搜索；个中之玄妙，重加参考，方穷就里之精微。先看子孙，最喜生扶拱合**——子孙能克制鬼煞，古人谓解神，又名福德。占病又为医药，卦中无此财鬼无制，服药无效验，祷神不灵，所以先宜看此。推占父母丈夫病不宜子孙发动，动则伤克夫星，又克伤父母之原神也。

**次观主象，怕逢克害刑冲**——主象即用神也，如占夫以官为用神，占妻以财为用神类。如遇刑冲克害，即病人受病磨折，故怕见之。克害处若得生扶，必不至死。

**世持鬼爻，病纵轻而难疗**——占自病怕鬼持世，必难脱体。

**身临福德，势虽险而堪医**——月卦身乃一卦之体，子孙临之，决然无虞，纵然病势凶险，用药可以痊愈。

**用壮有扶，切恐太刚则折**——凡用神临月建，又得日辰生扶拱合，再遇动爻生扶者，乃太刚则折之兆，最怕原神又值月建，必凶；若有日辰动爻刑克，则不嫌其旺矣。所谓“太过者损之斯成”也。

**主空无救，须防中道而殁**——非独指空而言也。凡主象墓绝空破，有救者无妨，无救者必死。救者，生扶拱合也。

**禄系妻财，空则不思饮食；寿属父母，动则反促天年**——占病以妻财为食禄，卦若无财或落空亡，乃是不思饮食。父母爻动，占病所忌，以其克制福神，官煞能肆其虐故也，主服药无效，故云反促天年。占兄弟病反宜动也。

**主象伏藏，定主迁延乎岁月**——用爻不上卦，纵有提拔扶引者，必待其值日出露，或久病必待其值年值月方愈，故曰定主迁延日月也。

**子孙空绝，必乏调理之肥甘**——子孙固为药，又为酒肉，若临死绝，或在空亡，或不上卦，病中必无肥甘调理。或日辰或应爻带子孙生合用爻者，必有人馈送食物资养。

**世上鬼临，不可随官入墓**——凡占自己病，若世上临鬼入墓于日辰，或化入墓库于爻，固非吉兆，世爻持鬼墓发动亦凶。

**身临福德，岂宜父动来伤**——占病以子孙为解神，身临之大吉之兆。如父母动来克伤，仍为不美，如父母有制无妨。

**鬼化长生，日下正当沉重**——鬼爻发动，病势必重，若鬼化入长生，乃一日重一日之象。

**用连鬼煞，目前必见倾危**——“连”字当作“变”字解。今术家以用神变出官鬼者，断其病必死，是以词害义矣。孰知鬼煞者是忌神也，用连鬼煞，即指用化回头克耳。用神变回头克，而无日月动爻解救者，目前立见其危也。

**福化忌爻，病势增加于小愈**——子孙发动制伏官鬼，其病必减，若化回头克坏子孙，必因病势小愈不能谨慎，以致复加沉重，子孙化官爻亦然。

**世持兄弟，饮食减省于平时**——兄弟持世，饮食必减，其病亦因多食而得。

**用绝逢生，危而有救**——凡用爻逢绝，如得卦中动爻相生，谓之绝处逢生，凶中回吉之象，虽危有救。用神不宜太弱，弱则病人体虚，力怯难痊。若得日辰动爻生合扶助最吉，纵有十分重病，亦不致死也。

**主衰得助，重亦何妨**——用神不宜太弱，弱则病人体虚力怯难痊，若得日辰动爻生合扶助，最吉，纵有十分重病，亦不致死。

**鬼伏空亡，早备衣冠防不测**——此两句唯言父母、官府、丈夫病，如遇官爻伏而又空者，须防不测。

**日辰带鬼，亟为祈祷保无虞**——如日辰带官鬼生合世爻或用爻者，当为祈祷，看其生合者是何等神。如生合青龙父母，是花幡香愿，勾陈则土地城隍，朱雀则香灯口愿，螣蛇则百怪惊神，白虎则伤司五道，玄武则玄帝北阴。阳象阳爻是神，阴象阴爻是鬼。今陈大略，后有《鬼神章》尽细，阅之照断方是，切不可妄断！

**动化父来冲克，劳役堪忧**——卦中父母爻动来冲克用爻，或用爻动变父母不冲克者，宜自减少劳碌，不然病即反复，又加沉重矣。

**日加福去生扶，药医则愈**——日辰临子孙生扶拱合用爻，必得药力而愈。

**身上飞伏双官，膏肓之疾**——身者卦身及用神也。如身爻上已临官鬼，又他爻动而飞入身上来者，或身之前后夹有官鬼，或用爻前后夹有官鬼，或世上有鬼而身上又有鬼，皆谓之双官夹用夹身，大象不死，亦是沉困考终之疾也。即如子病吉凶，得恒卦，三五爻皆是官爻，午火子孙居其四爻，鬼之中是也。余仿此。

**命入幽冥两墓，泉世之人**——以卦看有鬼墓，以世看有世墓，以用神看有主墓，凡遇此三墓出现卦中者，人皆见之，其墓为明；变入墓中者，人所不见，其墓为幽。不拘明幽，病主危困。或世爻用爻被官鬼两头夹之，或见有两重鬼墓夹身者，必死。得日辰动爻冲破墓爻，庶几无事。

**应合而变财伤，勿食馈来之物**——应爻动来生合用爻，当有问安之人，带财福必有馈送，兄弟则清访而已。若应虽生合，而用爻或变妻财，或被财爻刑冲克害用神者，倘馈送切宜忌食，否则反生伤害。若占长辈，尤宜忌之。

**鬼动而逢日破，何妨见险之虞**——官爻发动，或忌神发动，其祸成矣。若得日辰动爻冲之，谓已冲散，主其病虽凶而不死。

**欲决病痊，当究福神之动静；要知命尽，须详鬼煞之旺衰**——读是篇者不可以词害义。福神者，其义轻于子孙而重于原神也；鬼煞者，其理在于忌神而不在于官鬼也。凡占病，如遇原神旺动，即使用神空破伏藏者，其病可愈；如遇忌神旺动，即使用神出现不空破者，禄命当尽矣！

## 十七、医药

**病不求医全生者寡，药不对症枉死者多，欲择善者而从之，须就著人而问也。应作医人，空则瞶亡而不遇；子为药饵，伏则扞格以无功**——凡卜医药，以子孙爻为药饵，以应爻为医生。如子孙受伤或墓绝，或官爻生旺，是药不对症，必不能去病。如应爻旬空，医生非它出不来，定用药无

效。

**鬼动卦中，眼下速难取效**——占药要鬼爻安静无气，若发动，虽有妙药时，难以取效，待鬼爻墓绝日用药，方始有效。

**空临世上，心中强欲求医**——世爻空亡，必得专心求医，或自不相信他，虽请彼看，亦不用其药石。

**官临福衰，药饵轻而病重**——官爻无气，子孙旺相，药能胜病，服之有效。若子孙休囚，官爻旺相者，乃是药轻病重，服之无功。

**应衰世旺，病家富而医贫**——世为病家，应为医家，相合相生，非亲即友。若应旺世衰，病家贫乏，医必富，应衰世旺反此断。

**父母不宜持世，鬼煞岂可临身**——卦身与世爻皆不宜临官临父，遇之则药不效。

**官化官病变不一，子化子药杂不精**——此言官爻化进神症候不一，或病势不定，化退神反此断。子孙乃占药用神，如子孙化进神而药有效，如化退神及伏吟卦，不可服此剂。

**福化忌爻，误服杀身之恶剂**——盖有动则有变，变出父母回头来克，难伤官鬼，必致用药伤命。

**应临官鬼，防投增病之药汤**——应临官鬼，必非良医，更来刑克身世用神，须防误药损人。或临忌爻，或化官鬼，皆不宜用此人之药。

**鬼带日辰定非久病**——鬼带日辰动出卦中者，必是日下暴病；若日辰虽是官爻，不现卦中则不然，可言其病眼下正炽，必须过此方可用药。

**应临月建必是官医**——应持太岁必世医，持月建日辰必是官医，更待月日临子孙，用药神效。

应临子孙乃专门医士，可托之。

**世下伏官子动，则药虽妙而病根常在**——大抵自占病遇鬼伏世下，或占他人病遇鬼伏用爻下，其病不能断根，日后恐再发也。

**衰中坐鬼身临，则病虽轻而药力难扶**——卦身虽临衰弱之鬼，缠绵难愈之象，或主象身临官墓者亦然。

**父基伏藏，名虽医而未谙脉理**——卦中父动，子孙不能专权固非吉，然又不可无，宜静不宜动，何也？盖人气脉皆属父母，故占医或无此爻，必是草泽医人，虽然用药，而脉理未明也。

**鬼不出现，药纵用而不识病源**——官鬼为病，出现则易受克制，用药有效。或不上卦，其病隐伏，根因不知，症候莫决，率意用药，亦难取效。

**主绝受伤，卢医难救**——主象若遇休囚墓绝，或变入墓绝，再有克伤者，虽良医不能救也。

**父兴得地，扁鹊无功**——父母发动子孙受伤，药必不效。若得子孙有气，日辰动爻克父母，必须多服有功。

**察官爻而用药，火土寒凉**——火土官爻，其病必热，宜用凉药攻之；金水官爻，其病多寒，必温热之剂治之，如水必寒、土必凉、火必热、金必温等剂是也。又如火鬼在生旺之地，又遇生扶，必用大寒之药攻之；水鬼在生旺之地，又遇合住者，须用大热之药；如火鬼在阴宫阴爻，乃是阴虚火动之症，可用滋阴降火之药；火鬼在阳宫内卦，乃是血气虚损之症，可用补中益气之药。宜通变，余仿此。

**验福德以迎医，丑寅东北**——凡占服药，须看子孙何爻，便知何处医人可治。如在子爻宜北方医人，丑爻东北方医人类。又如寅爻子孙五行属木，其医是木旁草头姓名，或是虎命者，虽非东方，皆能医治，余仿此。

**水带财兴，大忌鱼鲜生冷**——财为饮食，资以养生，然动则生助鬼爻，反为所害。若更属水，必忌鱼鲜生冷等物，药治见功。如值木爻，忌食动风之物，值火忌炙炊热物，值金忌坚硬咸物，值土忌油腻滑物。财如不动，不可妄言。又忌鬼爻生肖物，如丑忌牛、酉忌鸡类。余仿此。

**木加龙助，偏宜舒畅情怀**——青龙为喜悦之神，更临木爻生合世爻主象，病人必抛却家事，放宽怀抱，然后服药有功。

**财合用神居外动，吐之则愈**——财在外宫主吐，若得生合用爻，以药吐之则愈。

**子逢火德离离宫，灸之则痊**——子孙属火，又在离宫，宜用热药疗之，或用艾灸则愈。

**坎卦子孙必须发汗，木爻官鬼先要疏风**——子孙属水或在坎宫发动，皆宜表汗，官鬼属木，先散风邪用药有效。

**用旺有扶休再补，鬼衰属水莫行针**——用爻休囚墓绝，必补药方有效；若用爻得时旺相，又有生扶合助，须用克伐之药治之，若再补则反害矣。子孙属金，利用刀针；鬼爻属水而用刀针，则金能生水，反助病势。土鬼忌用热药，木鬼忌用寒药，火鬼忌用风药，金鬼忌用丸药。

**福鬼俱空，当不治而自愈；子官皆动，宜内补而外修**——占病子官二爻俱空，乃吉兆也，或俱衰静无冲无并者，其病自愈，不用服药。若二爻俱动，此非药不对病，乃是神祟作祸，故曰无功，必须祈祷服药方得病痊，俗所谓外修内补也。

**卦动两孙，用药须当间服**——卦有二爻子孙发动，用药不必连服，以其分权故也。或用两般汤药，间服之则效矣。

**鬼伤二间，立方须用宽胸**——官鬼动来冲克间爻，或鬼在间爻动，必然胸膈不利，须用宽胸之药。逢兄弟发动，则是气逆，治宜调气。

**父合变孙，莫欲闭门修养**——卦中福官衰静，若有父母动来生合世身主象者，不须服药，宜

居僻静，闭门修养。

**五兴化福，可用路遇医人**——如卦中第五爻变出子孙，不须选医服药，不如路遇草医能治。若子孙不现，而日辰临子孙生合者，意外自有医生可治也。

**世应比和无福德，须用更医**——世应比和，卦无福德，此药无损无益，须更换医人方可得痊。

**财官发动子孙空，徒劳服药**——财官俱动，其势已凶，子孙又空，服之无益。

凡占医药者，须诚心默祷，用何人药有效无效，不必说明姓氏。卜家据此章而断，自无荐医之弊，则诚无不格，卦无不验矣，岂非彼此安心乎？

## 十八、种作

**农为国本，食乃民天；五谷不同，孰识异宜？而布种一年关系，全凭卦象以推详。旺相妻财，丰登可卜**——妻财为农家之本，凡占种作，先看财爻现与不现，有伤无伤，便知吉凶。然此一爻虽不可无，亦不宜动，动则官鬼有气，终有损耗。若变出福爻则吉。

**空亡福德，损耗难凭**——子孙为原神，最喜生旺发动为吉，若遇空亡则财无生气，官鬼当权，定多损耗。

**父母交重，耘籽徒知费力**——父母为辛勤劳苦之神，动则必主费力，收成亦减分数。

**兄爻发动，年时莫望全收**——兄弟劫财，大怕发动；倘得子孙亦动，反许全熟年时。如子孙之爻衰静，莫望全收，又主工本欠缺。

**鬼在旺乡，遇水神而禾苗淹腐**——鬼爻发动，若临水爻冲克身世，禾苗必为淹腐，更逢月建日辰动爻生扶，当有洪水横流之灾。

**官居生地，加火煞而稼穡焦枯**——鬼在生旺之地而临火爻动者，必主缺水；冲克刑克，恐有

焦禾杀稼之祸。若有制伏，虽旱无妨。

**土忌克身，水旱不周之岁**——土鬼发动，必主水旱不调，又主里社兴灾，否则田禾欠熟。

**金嫌伤世，螟蝗交括之年**——金鬼发动克世，主有蝗虫，若不伤身伤世，财爻静旺者不为害也。

**木则风摧，静须谷秕，生扶合世，主许无虞**——木爻发动伤克世身，所种之物必遭恶风摧挫；若化水爻，或与水兴同发，当有风潮颠没之患。木鬼不动亦主虚秕，盖木爻乃五谷主星，更若福静财衰，必主秀而不实，财福动空化空，俱是虚秕空好看之象也。

**二爻坐鬼，必难东作于三春；五位逢官，定阻西成于八月**——二爻为内卦之主，五爻为外卦之主，内卦有官，种作时多阻，外卦有官，收成时多阻。若二五爻日辰刑伤，更看何爻受伤，便知何事阻节，如兄弟为口舌，如官爻为官讼疾病。

**初旺则种籽有余，四空则耕牛未办**——初爻旺相，种籽有余，空则欠缺。四爻旺相，牛必强壮，衰空则无，动空化出子孙，或化丑爻而与应爻作合，俱佃他人之牛也。

**应爻生合世，天心符合人心**——当以应为天，以世为地。阴爻生合世爻，治田遇好天；冲克世爻，则凡有所作，非风即雨。

**卦象叠财爻，多壅争如少壅**——卦中财爻重叠太过，不宜多加壅壅；财爻不空、兄弟不动而遇子孙发动者，多壅则多收也。

**日带父爻，一倍工夫一倍熟**——父母若临日辰或坐世上，必主辛勤劳苦，若非勤作决作决然少收，盖一倍工夫则有一倍熟也。

**财临帝旺，及时耕种及时收**——凡遇财在生旺爻上，不宜种作太迟，迟则少收。

**要知始终吉凶，但看动爻变化**——动爻变财福吉，变兄鬼凶；父化兄鬼辛勤不熟，父化财爻福辛勤有收。财化兄、子化官，始则畅茂，终则空虚；兄化财、官化子，先遭伤损，后必如意。若然财旺化子孙，五谷丰登也。

**欲识栽培可否，分详子位持临**——凡卜种植，当指定种籽分占。得子孙持临身世，财爻无刑伤克害，此种是必多收；如官鬼持身世，或父动，或财爻动变兄鬼，定主此种无收。

**世值三刑，农须带疾**——世为治田之人，被日辰动爻刑冲克害最为不利。若带白虎三刑，农夫必然带疾，世持官爻亦然。如朱雀恐涉是非，持兄弟必欠工本，或种作不精。持财福或得财生福合，皆在欢喜。

**爻逢两鬼，地必同耕**——凡卦有两鬼出现，或鬼临应上动来作合，或日辰带鬼爻合世，或被兄弟合并，皆是包揽与人同种也。

**父在外爻水辅地，虽高而潮湿；父居内卦日生田，固小而膏腴**——父母为田，在外卦其田必高，在内卦其田必低；生旺田肥，墓绝田瘦；临木田形必长，临土田形必短；临火是干旱地，临水是潮湿地；临金是白沙地，日辰冲克，人不顾恋；日辰生合，必是好田。

**父化父一丘两段**——卦有两父，或化出父爻见两重，或卦身出现重叠，皆出两处耕种。

**冲井冲七坎八坑**——日辰动爻冲克父爻，其田必不平坦，非七高八低，或六畜伤损，或行人践踏。

**阳象阳爻，此地必然官科则**——父母在阳宫阳爻，是官田科则也。

**或空或动，其田还恐属他人**——父母空亡田种不成，否则必非已产。临世发动，其田必有变更，化入空亡或空合应爻，当卖与人。世临勾陈动，亦主田有更变。

**坐落胎养开辟未久**——胎养言其衰弱也。如父母安静，若遇衰弱之爻动来冲者，乃是新辟之

田，父爻自值衰弱动者亦然，或是新置者。若父母持太岁月建，乃是祖遗产业；卦无父母从世化出，自己续置；若财化出者，乃妻家奁田；从兄弟化出，合户之田；从鬼化出，官家田地，不然乃官科则也。应爻化出，必是他人之田。

**变成福德沟洫分明**——父母化出福财，必然沟洫分明，其地亦善，必得高价。化兄田不值钱，或未分析，或与他家之田合段，若系卦身则是与人合种，化官其田不美。

**若是坎宫，必近江湖之侧**——父在乾宫，其田必高，纵在内卦，亦非下低田；父在坎宫田必傍江湖；父在离宫田边遭旱；父在震巽宫田边必有树木；父在坤宫田在郊外，田心之田也；父在兑宫田边有官沟，或近池沼。

**若伏兄弟，乃租乡邻之田**——此指种租而言。若父爻出现，看父爻则知何人家之田；卦无父母，须看伏在何爻，如伏兄下是邻家之田；若无父而动爻有化出者，是即其人之田也；如财爻化出是妇人之田。余仿此。

## 十九、蚕桑

**既言种植，合论蚕桑。禾饲辛苦，只为丝绵。而养育吉凶悬惑，因凭卜于著龟**——诸家以水爻为忌，以火爻为用，孰知卜蚕以子孙为蚕，卜丝以财爻为丝，卜叶以财爻为叶价，至于水火，何忌何喜之有？倘财爻临应，或合应，或与动爻相合之财，皆为养蚕妇女，非丝非价也。宜变通。

**初论子孙得地，则蚕苗必利**——凡占蚕，独以子孙为用，如子孙旺相得地，无刑冲克害，必蚕苗盛利也。

**次凭财位当权，则丝茧多收**——凡占丝茧，独以财爻为用，如财爻旺相，有生合无冲克，自然丝茧多收。

**福德要兴，更喜日辰扶助**——子孙为蚕身，旺相发动，蚕必兴旺。若衰弱，偶得日辰生扶拱合，大吉之象。唯怕父爻及日辰伤克，蚕必有损。

**妻财怕绝，尤嫌动象刑克**——凡占丝绵，如财爻休囚死绝，或日辰动爻刑冲克害，必无好茧亦无好丝；若得生旺有气，不受伤克，可喜大吉也。

**兄弟临身，叶费而丝还微薄**——卦身如临兄弟，必主多费桑叶；克世伤世，必然缺饲，丝绵少收。

**父母持世，心劳而蚕必难为**——父母为子孙为忌神，若临身世，虽或安静，必费收拾，倍加勤劳，然后可望，故言蚕必难为。日月不宜值之。

**五行如遇官爻，必遭伤损**——官鬼发动属金，主有雾露，以至蚕多僵死；属木，主门窗不谨，蚕冒风寒；属水；主食湿叶，以致蚕泄；属火克世，须防火灾，不然火仓太热，不通风气；属土，寒暖失宜，饲叶不均，眠起不齐，或分台迟缓，致蚕沙发热蒸伤等类。

**一卦皆无鬼煞，方始亨佳**——凡卜蚕一事，一卦无官，眠起无变，故云亨佳。

**日主冲身，切忌秽人入室**——遇日辰相冲身世，或应爻动克，须防秽污人带魔入室，解犯蚕花，以致变坏。

**妻财合应，必然污妇临蚕**——妻爻为养蚕妇，临太岁财爻，必是惯家，化子孙必然精致，化父母难为蚕苗，化官鬼有病。财爻化兄弟墓绝，蚕姑当有大难；临子孙胎或化子孙胎，必有孕。若与鬼爻应爻作合者，蚕妇必与外有情，遇有冲克，其事已露。

**蚕子受暗冲，每遇分台须仔细**——子孙为蚕身，出现不动，而至日辰动爻暗冲者，主分台时不加仔细，蚕恐伤损。

**财无伤克，凡占叶价必腾增**——独占叶价贵贱，唯重财爻。若遇动爻日辰相生，后必价贵；或财爻无气，或化入墓绝，皆主叶贱。

**兄弟落空亡，丝翻白雪**——如遇兄弟死绝空伏不动，利有所望。独占丝必好，独占叶必贵。

独占财反不旺也。

**福身临巳午，茧积黄金**——是养春蚕，在清明后收蚕苗，立夏后收丝茧，此时春未夏初，最宜子孙临巳午二爻。巳午者言其旺相也。若子孙兴，财会局，大吉之兆。

**父动化财，不枉许多辛苦**——父动克子，此非吉兆，如化财回头克制，不能伤克子孙矣，故曰“不枉许多辛苦”。

**官兴变福，亦遭几度虚惊**——官鬼发动，育蚕必有损耗，若化子孙回头克制，庶几无事，然亦有虚惊。如买出火蚕，养比自收蚕苗更好。

**卦出乾宫，若养夏蚕偏吉利**——蚕有春夏蚕，春蚕者，俗名头蚕也，清明后收蚕苗，立夏后收丝茧；夏蚕者，俗名二蚕也，芒种后收蚕苗，夏至后收蚕茧。此时夏火炎炎，如得子孙爻属水反吉，因乾兑二宫子孙属水，故曰“若养夏蚕偏吉利”也。

**母居刑地，如言蚕室定崩摧**——蚕房以父母论，生旺有气，修治整齐；死绝刑害，崩摧破败；带水自刑，蚕室必漏。父化水、水化父皆作前断。

**蚕茧献功，三合会财局而旺相；对宫定位，六爻随静以推详**——卦有三合，最怕会成父官局，大为不利，盖会局之爻不论四时，皆为旺论。如会父局则伤子孙，如会鬼局则伤兄弟，兄弟乃子孙之原神也。故占蚕得三合财福二局，可作十分吉断。

## 二十、六畜

**道形万物，理总归于一心，易尽三才，占岂遗乎六畜？唯能精以察之，自得明而著矣**——凡占六畜，不可以其本命论之，当以指实一畜而卜，以子孙爻为用神，以财爻为身价断之。

**命在福神，若遇兴隆须长养**——禽虫六畜之命皆属子孙，旺相有气不空，必然长养易大；休囚墓绝决然不济；若不上卦或落空亡，皆不可畜养。

**利归财位，如逢囚死定轻微**——大抵此占唯牛马为力，其他为利而占。然力与利同归财爻，如逢休囚墓绝，则利必薄，气力不多，旺相方为大吉。

**二者不可相无，一般皆宜出现**——无福则难养，无财则利少，财福不空俱出现，六畜相宜。

**财旺福衰，虽痴若而善走；财空福动，纵迟钝而可观**——凡占牛马等物，子孙爻旺相主肥，休囚主瘦，动则强健。财爻旺相则主有力，又主善走，后亦有利。

**财若空亡，虽利暂时无远力**——财爻发动，但不宜化入空亡，必无久远力。

**福临刑害，若非 鼻定凋疤**——子孙爻带刑败等爻，其畜主有破相。 音叶，缺齿也。

**相合相生，必主调良且善；相冲相克，定然顽劣不驯**——子孙生合世爻，六畜驯善，于我有益；若有刑冲克害，必主性劣不驯。

**要知蹄足身形，须看临持八卦；欲别青黄白黑，须参生克六神**——乾为火，坎为耳，震为前足，艮为后足，巽为腰，离为目，坤为腹，兑为口；青龙色青，白虎色白，朱雀色赤，玄武色黑，勾陈螣蛇色黄。凡占要以子孙所临为本身颜色，以他动来生克者断别处有异色。如子孙临玄武在乾宫，而被坤宫动克之，乃是黑身黄足；若被艮宫白虎动克，可言黄身白足，他仿此。凡占克处多于生处，衰处少于旺处，自宜通变。

**阴阳有雌雄牡牝之分**——禽曰雌雄，兽曰牡牝。以子孙属阴属阳，如阳爻子孙，占牛为牡，占马为雄之类是也。

**胎养为驹犊羔雏之类**——马子曰驹，牛子曰犊，羊子曰羔，鸡子曰雏。凡遇子孙胎养临于世爻上，必是此类。

**身坐子胎，必是受胎之畜**——如子孙之胎爻临于身爻上，是有胎之畜，化出胎爻亦是。

**福临鬼墓，须知有病于一身**——福临鬼墓，畜必有病，或被鬼冲，皆主有病也。

**父动有伤，子绝则徒为劳碌**——父母发动，则伤子孙，六畜必有损失，更子孙墓绝无气，必主死亡，牧养亦徒劳碌。

**兄兴不长，福兴则反有生扶**——兄弟发动，六畜不长；若得子孙亦动财爻，财爻则反叨其生扶，主易养利厚。

**世若空亡，到底终须失望**——世爻空亡必不称意，畜之亦有始无终。

**逢金生旺当虑啮人，值土交重须忧病染**——金鬼发动，有蹊脾之患，若克世爻，必难触犯，世爻更绝，必被伤人。木鬼发动，主有结草之病，水鬼发动主有寒病，火鬼发动必主畏热，土鬼发动须防瘟病。

**官加蛇雀，必因成讼成惊**——官带螣蛇发动，异日此畜必有怪异惊骇；若临朱雀，必致口舌争讼，临玄武防偷盗，临白虎防跌仆。

**子变兄财，可验食粗食细**——子孙化出兄弟，主口娇食细；化出财爻，主食粗口杂。

**财连兄弟，乃刍豢之失时**——子化兄是口娇不食，财化兄乃人之豢养失时，以致饥饿，非不食也。

**子化父爻，必劳心之太过**——子孙发动，其畜必良，若化父回头来克，是人不爱惜，过劳其力，以致于伤。

**福连官鬼，须防窃取之人；鬼化子孙，恐是盗来之畜**——子孙化鬼，日后必被人盗，否则病死；若官化子，恐人盗来者，生合世必有利，冲克世必有害。

**官兄交变，难逃口舌之相侵**——卦中鬼变兄或官兄俱动，必因此畜起是非口舌。

**日月并刑，岂免死亡于测**——日辰、月建、动爻俱来刑克子孙，不免病死。

**若占置买，亦宜福动生身**——凡占置买六畜，子孙发动，出产必多要求，生合世爻必然好买易成，与世冲克定难置买。

**倘问利时，最怕财兴化绝**——财爻出现不空有气，持世生合世，不受伤克，不变兄鬼，即为有利，或化绝化克皆主无利。

**或赌或斗，皆宜世旺财兴**——北人好斗鹌鹑鸡羊，南人促织黄头。凡遇此占，要世爻有气克应，子孙发动，即是我胜；得月建、日辰、动爻刑克应，世亦胜；若世被应克，子孙空伏，官鬼发动，日月动爻反来刑克，必是他胜。

**或猎或渔，总怕应空福绝**——凡占猎渔，要应生世，福神旺相，生合世身为吉，倘或空绝则否。

**乳抱者宜胎福生旺而无伤**——凡占畜养母猪羊，要胎福二爻生旺，不受刑克，便无损害。

**医治者要父官衰绝而有制**——六畜有病占医治疗，要子孙旺相有气，不遭刑克，而父母官鬼休囚墓绝，或虽动而有制者，无妨。

## 二十一、商贾

**居货曰贾，行货曰商，总为资生之计，著所以筮，龟所以卜，莫非就利之谋，要问吉凶，但看财福**——财为本，福为利，二者不可损坏。卦中子孙之爻，称曰福神。

**财旺福兴，无问公私皆称意；财空福绝，不拘营运总违心**——财爻旺相，子孙发动，不拘公私之谋，皆能称意；或伤克，或临墓绝无救，不拘买卖皆违心所愿。

**有福无财，兄弟交重偏有望**——有者言其发动之意，无者言其伏藏之意。凡卜求财，卦中子

孙爻动而无伤，则财源丰厚固吉。如再见兄弟爻发动，生扶子孙，则财愈加根深蒂固，故曰“兄弟爻交重偏有望”，皆为子孙亦动也。

**有财无福，官爻发动亦堪求**——子孙藏伏，财无生气，一遇兄弟便被劫夺，须得卦中官爻发动，或日辰是鬼克制兄弟，亦可求谋。如有子孙，而官鬼动则有阻滞，又不易矣。

**财福俱无，何异守株而待兔**——有财无福，财必艰难，岂可财福俱无？守株待兔，喻妄想也。

**父兄皆动，无殊缘木以求鱼**——父母能克子孙，能生兄弟，父兄皆动，犹如缘木求鱼，言必不可得也。

**月带财神，卦中无而月中必有**——月建为提纲，若带财爻，虽正卦无财，而伏财亦明，月建拱扶所伏之神，值日必有得也。

**日伤妻位，财虽旺而当日应无**——财爻旺相生合持世，乃是必得之象，若被日神克制，须过此日然后可得。

**多财反复，必须墓库以收藏**——卦中财现三五重为太过，其财反复难求，须有财之库爻持世身，谓之财有收藏，必得厚利也。

**无鬼分争，又怕交重而阻滞**——无鬼兄必专权，财虽有气亦多虚耗，兄更发动，必有争夺分散财物之患；官鬼又不宜动，动则必有阻隔。

**兄如太过，反不克财**——兄弟乃占财之忌杀，日月动变俱带兄弟，重叠太过，一见子孙发动，反不克财，其利无穷；子孙安静多不吉。

**身或兄临，必难求望**——卦身一爻，占财体统，若持兄，不拘作何买卖，问何财物，皆无利益，兄弟持世亦然。

**财来就我终须易，我去寻财必是难**——财爻生合世爻，持世克世，皆谓财来就我，必然易得；若财爻而与世爻不相干者，谓我去寻财，必难望也。

**身遇旺财，似取囊中之物；世持动弟，如捞水底之针**——世为求财之人，若临财爻，虽或无气，必主易得，旺相更美；若临兄弟，虽或安静，亦主难得，发动尤甚。

**福变财生，滚滚利源不竭**——占财得子孙发动，利必久远，更兼财爻生合世身，乃绵绵不绝之象。遇有财化子亦然。

**兄连鬼克，纷纷口舌难逃**——旧注这兄弟变官鬼来克世，是有口舌纷纷，予以为谬。大凡卦中兄弟动克世爻，化官鬼回头克制，则不能口舌耗损矣。予之屡验者，卦中官鬼兄弟皆发动，固有口舌是非。兄连鬼克者，此谓兄弟与官鬼也，非谓兄弟化官鬼也。

**父化子财，必辛勤而有得**——父化财不能自然而得，必勤劳可有。兄化财先散后聚，或利于后不利于前。官化财爻生合世身，最利公门谒贵及九流艺术之人，求财十分有望；如官来克世，谓之助鬼伤身，公私皆不吉也。

**财化鬼兄，防耗折而惊忧**——财化官鬼 或化兄最凶，主损折驳耗，更见世爻有伤，恐因财致祸。

**财局会福神，万倍利源可许**——卦有三合会成财局，而在卦中动来生世，主财利绵绵不竭，更得财旺，可许万倍财利。会成福局动来生合世爻者亦然。

**岁君逢动煞，一年生意无聊**——凡占久远买卖，最怕太岁临持兄弟，主一年无利。持官鬼一年惊忧，持父一年艰辛，财福一年顺利也。

**世应二爻空合，虚约难凭**——世空有财难得，应空难靠他人，世应俱空谋无准实，空动带合谓之虚约，化空亦然。

**主人一位刑伤，往为不遇**——主人，如求贵人则鬼为主，求妇人财为主类。若主爻遇日辰动爻刑伤，或自空、或化空，皆主不遇，遇亦不利。

**世持空鬼，多因自己迟疑**——鬼爻持世，财必相生，凡求必易；若遇空亡，乃自不上前，迟疑退怯，故无成也。世持空财亦然。

**日合动财，却被他人把住**——财爻动来生合世，因是易得之象，若被动爻日辰合住，其财必有人把住，不能与我。要知何人把持，以合爻定之，如父母合住为尊长把持类。要知何日到手，必待逢冲之日方有也。

**要知何日得财，不离生衰旺合**——财动入墓或被合，皆待冲日得；或动财遇绝，必待生日得；逢冲合日得；动逢月破，填实逢合日得；或安静，逢冲日得；旬空出旬得；伏藏出现日得。

**欲决何时有利，但详春夏秋冬**——凡占货物何时得价，不可概以财临五行断之，如木财断春冬得价。又宜以冲待合、合待冲、绝逢生、墓待开等法，又宜以子孙爻断。又如财坐长生之地，一日得一日价，若从帝旺，目下正及时，迟则贱而无利。

**合伙不嫌兄弟**——凡占合伙买卖，若世应俱财必然称意。兄临卦身必主分财故也。静者无嫌，动则不宜。

**公门何虑官爻**——占财皆忌官动，主有阻隔，唯求公门之财，必然倚托官府，必得旺相生合世身则吉，刑克世爻祸害立至。

**九流术士，偏宜鬼动生身**——九流求财，以鬼爻为主顾，出现发动，生合世爻，必然称意，忌刑克世爻。

**六畜血财，尤喜福兴持世**——凡卜贩卖牲口、畜养六畜，皆要子孙旺相，持世临身则吉；父母发动则有损伤；化出土鬼须防瘟死；福旺财空，六畜虽好而无利。

**世应同人，放债必然连本失**——凡放私债，最忌世应值兄弟，必无讨处；财爻更绝，连本俱无，世应值空亦然。

**日月相合，开行定主有人投**——开行人占财，世应要不空，财福要全备，官鬼要有气，父兄要衰静，斯为上吉。更得月建、日辰、动爻生合世爻，则近悦远来，财利必顺。动出官兄常有是非口舌，应空主开不成。

**应落空亡，索借者失望**——求索假借不宜应空，空则不实，必得物爻不空，缓图庶可有望。如衣服经史看父母，六畜酒器看福爻，其余财物食物皆看财爻。

**世遭刑克，赌博者必输**——凡占赌博，要世旺应衰，世克应我胜，应克世他胜。兄鬼动来刑克世爻，或临兄弟，或世爻空，皆主不胜。世应静空赌博不成；世坐官爻防他合谋骗我；间爻动出官鬼兄弟，多致争斗。

**鬼克身爻，商贩者必遭盗贼**——买卖经商，若遇官临玄武动来克世，必遭盗贼之祸。

**间兴伤世，置货者当虑牙人**——买货要应爻生合世位，必然易成，刑克世必难置。物爻太过货多，物爻不及货少，空伏货无。物爻者，六畜看子，五谷看财爻类。最怕兄鬼交重，须防光棍谎骗。间爻伤克世爻，当虑牙人谋劫财物。出路买货应空，多不顺利。

**停脱者喜财安而鬼静**——积货不宜财动，动恐有变；亦不宜空，空恐有更。官鬼若动，兴灾作祸莫测；如父母化官鬼刑克世爻，货被雨水污腐。故脱货者宜六爻安静，唯子孙喜动。

**脱货者宜财动而身兴**——财动则主易脱，世动主易卖也。如财在外生世，宜往他处卖；如在内动生世，就本地脱之可也。倘财爻持世，有子孙爻在外动，亦宜往他处脱，学者宜通变。

**路上有官休出外**——五爻为道路，临官发动，途中必多惊险，不宜出外。要知有何灾咎，以所临六神断，如白虎为风波，玄武为盗贼之类。

**宅中有鬼勿居家**——二爻为住宅，在家求财，鬼动此爻必然不利，以所临五行断，火鬼忌火烛类。得子孙持世发动，庶几无害，如无子孙发动，宜迁店铺可解。

**内外无财伏又空，必然乏本**——动变必无财，又伏空地，其人虽欲经营，必然乏本。

**父兄有气财还绝，莫若安贫**——父兄二爻有气恐防折本，故不若安贫守份为高也。

**生计多端，占法不一，但能诚敬以祈求，自可预知其得失。**

## 二十二、学馆

**学得明师，可继程风于满座；师非良馆，难期谷粟之盈仓。故欲笔耕，先须著筮。世为西席，如逢父母必明经**——凡占书馆，以世爻为西席之位，如临父母，自必明经，在离、乾、坤三宫亦然；临官带鬼或本宫官伏世下，多是秀长。

**应乃东家，若遇官爻须作吏**——应爻为占馆本家主人，若临官，必是官吏役人家，加白虎则是病人。就临父母勾陈，种田人家；加朱雀，若是读书人家；加白虎，宰杀人家；加螣蛇，工艺人家。应临子属金，僧道作主；应临财在阴宫阴爻而卦无官鬼者，必是妇人作主；若应爻临官又举贵人，则是富贵人家；财化财、财化子，做买卖人家。

**临官兮少壮，休囚则贫乏之家；墓库兮高年，旺相则富豪之主**——应爻临旺爻，主人必然强壮，如临墓库，必是老年。临财福必然富贵。若论其德性，当以五类六神参断。

**值土火空无父母，逢金水绝少儿孙**——卦得坤属土，如火爻旺空、动空、冲空，主父母不全，衰空必无父母。若卦得乾兑属金，如无水的爻，水又绝于飞爻或绝于日辰，则主无子孙。余皆仿此。

**不拱不合，决定主宾不协；相生相合，必然情意相投**——世应刑冲克害，异日宾主不和；若得生合比和，情意相投；生而化克，始和终不睦；冲而化合，始疏后密。应与子孙生合，师徒则多恩义，若见冲克多不睦也。

**财作束修，不宜化弟**——占馆以财爻为束修，独怕兄弟发动或财爻化兄，主束修有名无实。财爻无气，而遇日辰动爻生扶拱合者，束修虽则不多，而四季节礼则周备也。

**父为书馆，岂可逢空**——占馆以父母爻为馆，旺相则有好馆。卦无父或落空，必无书馆，事亦难成。

**鬼动合身，须得贵人推荐**——官鬼发动当有间阻，若来生合世身，必得贵人推荐可成。

**兄兴临应，决多同类侵谋**——凡应持兄动，必有同道之人争谋其馆，兄临卦身亦然；若在间爻动来冲克世爻，主有人破说也。

**官如藏伏，应无督集之人**——鬼能生扶父母，故占馆以此爻为纠率子弟之人。皆不出现，或出现旬空，主无人聚生徒以成学馆也。

**应若空亡，未有招贤之主**——应爻空亡无人延请，更若父不出现或落空，必难成就；应爻动空化空，是假言作主也。

**动象临财难称意**——文书为占馆用神，若遇财动则被克坏，未成者不能成，已成者不能遂意。

**空爻持世岂如心**——卦中父母出现，应来生合，而世爻空亡者，求馆不成。

**身位受伤虽成不利**——世身被日建、月建、动爻刑克，虽成而日后有官非疾病。

**间爻有动纵吉难成**——间爻动克，事多阻隔，故难成也。

**鬼若化兄，备礼先酬乎荐馆**——凡遇鬼爻动出兄弟，必得礼物先酬荐馆之人，则可成就，兄临世身亦然。

**世如变鬼，央人转荐于东家**——鬼爻出现而世又化出者，再得推荐可成；卦无官而动爻有化

出者，初无人荐，亦必央人荐之可成也。

**世无生合，漫看白虎之纷纷**——应不克世，父母不空，兄鬼不动，而月日动爻并不生合世爻者，其事纵成，但主人不钦敬，故白眼待之。

**福或兴隆，会见青衿之济济**——占馆以福爻为门生，旺相多，休囚少。

**衰逢扶起，日加负笈之徒**——子孙衰弱，得日辰动爻生合扶起，学徒始虽不多，开馆后日渐增举益也。

**动遇冲开，时减执经之子**——子孙爻动，若被日辰动爻冲散，其徒必背师而去；如被世冲，是先生叱退其徒。

**逢龙则俊秀聪明，遇虎则刚强顽劣**——子孙临青龙，逢月建生合，而又临金水，必有颖悟非常之徒；若临白虎，则多顽劣之徒。

**阳卦阳爻居养位，座前有刘恕之神童；阴宫阴象化财爻，帐后列马融之女学**——子孙在阳宫阳爻，而临金水旺相不空，有拱扶者，其徒必有出类拔萃，如刘恕之神童在门；若阴宫阴爻，主有女徒受学。

**两福自冲，鬼谷值孙臆庞涓之弟之；子孙皆合，伊川遇杨时游酢之门生**——卦有两爻子孙俱动相冲，弟子中必多不合，若来伤世，必然责及先生。如遇二爻俱来生合世爻，则门生自尽弟子之礼。

**世动妻爻，决主亲操井臼**——世临财动，乃自炊爨，非供赡也。

**应生财值，定然供膳饗餐**——财爻临应生合世身，定主供膳；月建、日辰、动爻俱带妻财，乃诸生轮流供膳，旺相款待厚，休囚款待薄。

**如索束修，可把妻财推究，若居伏地，还求朋友维持**——凡占取索束修，得财爻出现旺相，月建日辰动爻不来伤克，则不欠缺；若财出现被克，或绝或空或墓，主皆不遂意也。

**变出父爻，书债必然偿货物**——财动化父或父动化财，主束修以货物准折。

**化成兄弟，砚田必定欠收成**——财爻化兄，有名无实。

**身空应空福财空，必然虚度**——凡占束修，遇卦身应爻及子孙妻财皆空，或不上卦者，主束修无得。

**月克日克动变克，恐受刑伤**——月建日辰动变，诸爻皆来刑克世爻者，占馆有不测之凶。

**鬼化财生，非讼则学金休矣**——卦中无财，而遇兄、鬼、文书化出财爻生合世爻者，必须诉讼公庭，束修可有。

**子连父合，因学而才思加焉**——世若衰绝无气，而遇子孙动化生合世爻者，主子弟之才日加进益也。

## 二十三、娼家

**养身于花柳之家，日娼日妓，识祸福于几微之际，唯蓍唯龟。花街托迹，柳巷安身，门外纷纷总是风流子弟，窗前济济无非歌舞佳人。若要安宁，必得世无冲克；欲求称意，还须应去生扶**——凡娼家卜住居家宅生意类，皆以世为主娼之人，应为宿娼之家。若逢日辰动爻俱不刑冲世，必主家宅吉利，人口安宁，更遇应来生合，十全之好，凡事遂意。

**卦见六冲，往来亦徒迎迓**——冲者散也，如得六冲卦或合处逢冲，不但往来之客无惠，更防驱逐不安。

**爻当六合，晨昏幸尔盘桓**——得六合卦最吉，盖合则情分相投，必主人多，断内外合同，家门雍睦。

**财若空亡，钱树子恐防倾倒**——财为娼妓，若值真空或衰绝受克，主妓女衰亡；财若重叠，妓女必多；旺相则颜色美丽，衰竭则容貌不妍；刑则有病。日月动爻无生无合，主人不恋。

**官如墓绝，探花郎哪得栖迟**——官为宿客之主，若动来生合世爻，必多商客下顾，更得日辰生扶，必有贵人招接，唯不宜空亡墓绝。

**妻财官鬼二者，不可相无**——无财主无出色之女，无官主无贵客招接，钱财破耗；若财官俱无，或一空一伏，是时运不济也。

**财鬼父兄子孙，皆宜不动**——常人占宅宜子孙动，唯妓家动则伤官，若鬼动子孙亦宜动也。最喜六亲安静，故曰“皆不宜动”也。

**鬼煞伤身，火盗官灾多恐怖**——鬼爻生合世爻，是宿客顾恋之象，虽动亦吉；若冲克刑害，则是鬼煞为祸，重则官灾火盗，轻则是非口舌。

**日辰冲父，住居屋宅有更张**——父母为住居屋宅，或被日辰冲克，或父母化出财爻，当有更变，必住不久。

**兄弟交重，罄囊用度**——兄动主生涯冷淡，破耗多端，更有生扶，门中罄费用度无了日也。

**子孙藏伏，蹙额追陪**——子孙为福德喜悦之神，娼家虽不宜动，然不可空伏，主家宅不安，住居不稳，生涯不旺。

**财化福爻，家出从良之妓**——不宜财动，动则妓女走失，若逢冲克或空动皆然。子合应，妓有从良之志；化子生世，可称钱树子也。

**官居刑地，门招恶病之人**——鬼带刑爻生合世身，多招恶病之人来往；与世生合，与财刑冲，须防妓亦沾染。

**忌动衰空，闲是闲非闲挠舌**——克世之神发动，衰空有制者，不过闲是闲非而已，无制不吉也。

**财兴克世，有财有利有惊忧**——凡财爻旺相，不宜动来伤克世爻，盖财乃生祸之端，必然因财致祸。

**能将玄理以推详，真乃黄金而不易。**

## 二十四、词讼

**小忿不怨，必至争长竞短；大亏既负，宁不诉枉申冤？欲定输赢，须详世应**——卦中世应，即状中原被，详此则两边胜负可知。

**应乃对头，要休囚死绝；世为自己，宜帝旺长生**——不拘原被干，占以世为自己，应为对头。应旺世衰，他强我弱，世旺应衰，他弱我强。

**相冲相克，乃是欺凌之象**——世爻刑克应爻，未为我胜，乃是欺他之象。必是鬼克应爻，方为我胜，动爻与月建日辰克之亦然。

**相生相合，终成合好之情**——世应生合，原被有和释之意。世生应，我欲求和；应生世，他欲求和；应世动空化空者，俱是假意言和也。

**世应比合官鬼动，恐公家捉打官司**——世应比和是和释之象，倘官鬼动克，主官府捉打官司，不欲和议；子孙亦动，终成和议。

**卦爻安静子孙兴，喜亲友劝和公事**——六爻安静，世应虽不生合而子孙发动者，必有亲邻劝和也。

**世空则我欲息争**——世空则我欲息争，应空则他欲息争，世应俱空，两怨销意。

**应动则他多机变**——世动，则我必使心用谋，若化官兄回头克制，反为失计；应动，则他必有谋，若加月建，必有贵人依靠，克世则为不吉。

**间伤世位，须防硬证同谋；鬼克间爻，且喜有司明见**——间爻为中证之人，生世合世必然向我，生应合应必然向他；与世冲克，与我有仇，与应冲克，与彼有隙。若旺爻生应，衰爻合世，是助彼者有力，助我者无功；或应动克世，是向彼者，虽不上前怪我，偏来出面。若冲克我之爻反去生应合应，须证人同谋陷害；若得鬼爻克制或被日辰冲克，是官府不听其言，我得无事。间爻若受刑克，中证必遭杖责，近世必是我之干证，近应为彼之干证也。

**身乃根因事体，空则情虚**——卦身系词讼根由，旺则事大，衰则事小；动则事急，静则事缓；如空伏，皆是虚捏故事；飞伏俱无，毫厘不实。

**父为案卷文书，伏须未就**——卦无父母，文书未就，带刑临败病，必多破绽，化财亦然。化兄有驳，月建作合，上司必调卷，有冲皆不依允。

**鬼作问官，克应则他遭杖责**——鬼为听讼官，动去克应，讼必我胜，克世我败。

**日为书吏，伤身则我受刑名**——日辰能救事能坏事，如鬼动克世，自必有刑；得日辰制鬼冲鬼，必得旁人一言解释，问官必能宽宥于我也。

**逢财则理直气壮**——以财为理，临世我有理，临应他有理；鬼来刑害，虽有理而官府不听，兄动不容分辩。如下状，则财为忌爻。

**遇兄则财散人离**——兄弟若在世身爻上，事必干众，动则广费资财；或加白虎，必主倾家荡产。临应爻则以赔断之。

**世入墓爻，难免狱囚之系**——世爻入墓化墓或临鬼墓，卦象凶者必有牢狱之灾；临白虎，在狱中有病。

**官逢太岁，必非州县之词**——官居第五爻，若值太岁，此事必干朝廷，逢月建必涉台宪。

**内外有官，事涉一司终不了**——官不上卦，无官主张；内外有官，权不归一，主事体反复，必经两司然后了事。

**上下有父，词兴两度始能成**——官父两爻不宜重见，主有转变不定之象，其事必主缠绵，卒难了结。如占告诉，遇此象必再告之成也。

**官父两强，词讼表章皆准理；妻财一动，申呈诉告总徒劳**——凡欲上表、申奏、申呈、告诉等事，皆要官父两全，有气不空，则能准理；最怕财动伤父，必不可成。

**父旺官衰，雀角鼠牙之讼**——父母旺相，官鬼休囚，情词若大，事实细，故乃雀角鼠牙之讼。

**变衰动旺，虎头蛇尾之人**——凡世应旺动，是有并吞六国之势；若变入墓绝空亡，乃先强后弱，虎头蛇尾之象。世以己言，应以彼言也。

**世若逢生，当有贵人依靠；应衰无助，必无奸恶刁唆**——世爻衰弱，遇月建日辰动爻生合，必有贵人扶持，彼亦无可奈何。应爻遇之反是。

**无合无生，纵旺何如独脚虎？有刑有克，逢空当效缩头龟**——应爻旺动无生合者，彼虽刚强，是独脚虎不足畏；世无生合，又遇日月动爻刑克，当效缩头龟，且勿与对理。

**兄在间中，事必干众**——兄弟在间爻，词内干犯众多；动则中证入贪索贿赂，克应索赔资财，克世须用财托为安。

**父临应上，彼欲兴词**——父母为文书，临世我欲告理，临应他欲申诉；动则欲行，静则不举。

**父动而官化福爻，事将成而偶逢兜劝；父空而身临刑煞，词未准而先被笞刑**——凡占告诉，

遇官父两动，讼事可成。若父有气或官化子孙，则主身到公门将投词，而有人旁劝。若父化空亡墓绝，官鬼刑克世爻，或被日辰刑冲克害，告状且不准，先遭杖责也。

**妻动生官，须用赏财嘱托**——若讼已成，卦有财动，必须用财嘱托官府；如遇子孙冲官，虽费赏财亦无益。

**世兴变鬼，必因官讼亡身**——世持鬼我失理；应持鬼他失理，世变鬼恐因官事而丧身，应变鬼以彼断之。

**子在身边，到底不能结证；官伏世下，讼根犹未芟除**——卦身临福德出现发动，随即消散，唯怕官鬼伏世下，则讼根常在，目下虽不成讼，至官旺出透举发也。

**墓逢日德刑冲，目下即当出狱；岁挈福神生合，狱中必遇天恩**——世墓、鬼墓爻动，皆是入狱之象，若得日辰刑冲克破，目下即当出狱。在狱中占卦，最喜太岁生合世爻，主有天恩赦宥；月建生合，上司审出；日辰生合，有司饶恕；父母生合，必须申诉可得免也。

**若问罪名，须详官鬼**——凡卜罪名轻重，以官爻定之，旺则罪重，衰则罪轻。加刑白虎旺动克世，火受极刑，金主充军，木主笞杖，水主从罪。须以衰旺，有制无制断之，不可执滞。

**要知消散，当看子孙**——若福动鬼静，以生旺日月断；鬼动福静，以官墓日月断。

**卦象既成，胜负了然明白；讼庭一部，是非判若昭彰。**

## 二十五、逃亡

**宽以御众侮慢斯加，严以治人逃亡遂起，故虽大圣之有容，尚谓小人之难养。须察用爻，方知实迹**——用爻者，如占奴卜妻妾逃亡，看财爻类也。

**若临午地，必往南方；或化寅爻，转移东北**——用爻安静，以所临之地为逃去之向，故云临午是南方。如用爻发动，以变爻定向；转移者转往一方也，即如午变寅爻，定然先往正南，后往东

北。

**木属震宫，都邑京城之内；金居兑象，庵观寺院之中**——用神如临震宫木爻，必在都邑；如临九五，必往京城，如临兑宫金象，必避在庵院寺观之中。

**鬼墓交重，庙宇中间隐匿；休囚死绝，坟陵左右潜藏**——用持鬼墓，其人必隐庙宇之中；用临死绝，必藏身于坟墓左右也。

**如逢四库，当究五行**——四库即辰戌丑未四支，用爻属木，卦有未动类。如辰为水土库，必在水边；戌为火库，在寺庙侧；丑为金库，在银铁匠家；未为木库，在园林柴草间，或木工蔑匠之家。凡占逃亡盗贼，若遇墓爻，决难寻见，直待冲破墓爻日月，方可得见也。

**倘伏五乡，岂宜一类**——卦无用神，须看伏在何爻下，便知其人在于何处。如伏鬼爻，在官仓官库之中，旺加月建在官户家，休囚无气在公吏家；伏父母下，在叔伯父母家，不然在手艺人家；伏兄下，在兄弟姊妹及相识朋友家；伏财下，在奴婢妻妾家；伏子下在寺观及卑幼处也。又如伏于鬼墓下，不在庙宇中则在寺庵内；又如伏于财库下，不在仓库中，即在富豪家也。

**木兴水象，定乘舟辑而逃**——用爻属木在坎宫动者，必乘舟逃去；木化水，水化木，或木在水宫动，水在木宫动者皆然。

**动合伏财，必拐妇人而去**——用爻动来与本宫财爻作合，其人必拐妇人逃去。财若伏于世下，必是妻妾；在应爻下，乃是邻家妇女。

**内近外远，生世则终有归期**——用爻在本宫卦内，人在本地；在本宫外卦，在别府别县；他宫内卦，在外县交界处；他宫外卦，在他府外县；如在六爻，远方去矣。最喜生合持世，其人虽去，日后当自归来，寻亦易见也。

**静易动难，坐空则必无寻路**——用爻不动，其人易寻，动则迁移无常，指东言西，或更改名姓，必难寻觅。若落空亡，杳无踪迹。

**合起合住，若非容隐即相留**——用静逢合则合起，用动逢合则合住；若日辰动爻合起用神，必有窝藏容忍相留。要知相留容忍之人，以合爻定之，如在子孙为僧道，父母为尊长类。合爻与世冲克，决不来报。

**冲动冲开，不是使令当败露**——静爻逢冲为冲动，动爻逢冲为冲开。用爻遇动爻日辰冲动，家中必有人使令逃亡者，如父母，是尊长类。

**动爻刑克，有人阻彼登程；日建生扶，有伴纠他同去**——用爻逢冲，被人喝破；遇克，被人捉住；有扶有并有生，有人纠他同去。以上刑克等爻与世有情，必来报我。

**间爻作合，原中必定知情**——间爻为原保人，无保，以邻里断之。如与用爻相合，必知其情，更与世爻冲克，必是此人诱去。

**世应相生，路上须当撞见**——世应俱动相冲，在途撞见，用爻与世动冲亦然。世爻动克用爻或世旺应衰，必然擒拿；应旺世衰或用爻克世，虽能遇见，不能捕之。

**无冲无破居六位，则一去不回，有克有生在五爻，则半途仍走**——用爻不受刑冲克害，又不生合世爻，而世爻不克用爻者，是逃者不思归，寻者不得见，乃一去不回之象。若动爻日辰克制用爻，是可擒之兆；若遇变出之爻反生合用爻者，诸生捕后仍被逃走。

**主象化出主象，归亦难留**——卦有用爻，不宜化退神，谓之化去，必难捕获；若被世爻、动爻、日辰克制，纵捉回之后亦难久留。

**本宫化入本宫，去应不远**——本宫仍化本宫卦者，譬如乾卦化入姤、遯、否、观等本宫卦也，主其人逃在本处地方，必不远出；若用爻在他宫动而又化入他宫者，远去又转方也。

**归魂卦用遇生合，不捕而自回；游魂卦应又交重，能潜而会遁**——得归魂卦，彼意归切，若生合世爻者，彼必自归，寻之易见；遇游魂卦，其人必无归意，能潜会遁，寻必难见。

**父母空亡杳无音信**——父母主信，逢空则无信，如动来生世合世，定有报信人来也。

**子孙发动当有维持**——子孙临身世，自然去必顺利；如得日辰生合世爻，必有维持，纵有逆事不能为害。此言逃亡自卜也。

**众煞伤身，窃恐反遭刑辱**——动变日月刑冲克害世爻者，谓重煞伤身也，反遭刑，不逃者吉。

**动兄持世，必然广费资财**——兄弟持世，费财可寻，费财可逃。若加玄武旺动克世，须防有人劫骗。

**父动变官，必得公人捕捉**——父化官、官化父，或官父俱动，必须兴词告官，差捕可获也。

**世投入墓，须防窝主拘留**——凡遇世爻入墓者，反被拘留人之辱，或后有灾病。

**世应比和不空，必潜于此**——凡卜逃人在此处否，须得世应生合、比合用爻，出现不空，必然潜于此也。

**世应空亡独发，徒费乎心**——世空则去寻不紧，用空则寻亦不见，世应俱空，必主无可寻处空回。兄弟独发，虚诈不实，亦寻不见也。

**但能索隐探幽，何处深潜远遁？**

## 二十六、失脱（附盗贼、捕盗、捉贼）

**居民饥寒，每有穿逾之辈，勿忘检束，亦多遗失之虞。要知其中之得失，须详卦上之妻财**——财爻为所失物之主，如得冲中逢合，失必可得，如合处逢冲，既失不能复得矣。

**自空化空，皆当置而不问；日旺月旺，总未散而可得**——用爻自空或动化空，皆难寻见；若财值月令，或在日辰生旺之地，此物未散可寻也。

**内卦本宫，搜索家庭可见；他宫外卦，追来邻里能知**——财在本宫内卦，其物未出家庭，可见；财在他宫外卦，物已出外，难得；在间爻，邻里人家可寻。

**五路四门，六乃栋梁阁上**——此指六爻言其大略。用神在五爻，道路要寻；在四爻，门户可寻；在第六爻，梁阁上可寻。学者不可执泥，宜当活泼。

**初井二灶，三为闺闼房中**——如用临初爻子亥，水井中可寻；在二爻，灶前可寻；在三爻，房内可寻；如伏三爻官鬼下，神堂内可寻。

**水失于池，木乃柴薪之内；土埋在地，金为砖石之间**——财临水爻，物在池沼；财临木爻，竹木树林柴薪内；财临金爻旺相，在铜锡铁器中，休囚，缸缺罐瓶内。外卦旺相，砖石内，休囚，瓦砾中之类。

**动入墓中，财深藏而不见**——倘用爻入墓化墓，或伏墓下，必在器物中，要知何日见，待到冲墓之日。

**静临世上，物尚在而何妨**——凡占失脱，用爻不宜动，动有更变。若得安静持世，生世合世，其物皆主未散，必易寻得，生旺不空尤妙。

**鬼墓爻临，必在坟边墓侧**——用临鬼墓，其物必在寺庙中，无气则在坟墓内，如系本宫内卦，则在枢旁，或在座席上。更加螣蛇，恐在神图佛像之前。在三爻，香火堂中类。

**日辰合住，定然器掩遮藏**——用爻发动遇日辰合住，必然有物遮藏，冲中逢合必得，合处逢冲难寻。

**子福变妻财，须探鼠穴；酉地逢福德，当检鸡栖**——财化福、福化财，其物必在禽兽巢窟中，如值子爻，是鼠衔去，更在初爻，在地穴。寅是猫衔，丑在牛栏，午在马厩，未在羊牢，酉在鸡栖，亥在猪圈是也。有合则在内，无合则在旁。

**鬼在空中世动，则自家所失**——卦无官或落空而世爻动者，乃自遗失，非被人偷去也。

**财伏应下世合，则假贷于人**——官鬼或空或伏，或死绝不动，而财临应上或伏应下，乃自借于人也。要知何人假借，以应临六亲定之，如临子为卑幼类。

**若伏子孙，当在僧房道院；如伏父母，必遗衣笈书籍**——用神不上卦，须寻伏于何处。若伏子孙爻下，物在寺院或卑幼处。如伏父母下，物在正屋中，或在尊长处。无合衣服书卷中，有合衣箱书籍内。若伏兄下，本宫兄弟姊妹处，他宫相识朋友处。

**在内则家中失脱，在外则他处遗亡**——用爻在卦内，失于家中；外卦，失于他处。

**财伏逢冲，必是移物动**——财伏卦中，遇动爻日辰暗冲者，若鬼爻衰静，其物被人移动，非人偷也。

**鬼兴出现，定为贼窃人偷**——鬼不上卦或落空亡，或衰绝不动，皆不是人偷；游魂卦，多是忘记；若鬼爻变动，方是人偷。

**阴女阳男内卦，则家人可决；生壮墓老他宫，则外贼无疑**——鬼爻属阳，男子偷；属阴，女人偷；阴化阳，女偷与男；阳化阴，男偷寄女。生旺壮年人，墓绝老年人，胎养小儿偷，带害有病人偷。本宫内卦家中人偷，他宫内卦宅上之借居人偷，或家中异姓人偷。

**乾宫鬼带螣蛇，西北方瘦长男子；巽象官加白虎，东南上肥胖阴人**——此指八卦以定方向，六神以定贼形。如鬼在乾宫，西北方人；在巽宫，东南方人；带螣蛇身长而瘦，加白虎旺相贼必肥大，休囚瘦小。余皆仿此。

**与世刑冲，必是冤仇相聚；与福交变，必然僧道同谋**——鬼爻与世刑冲，其贼向有仇隙者；与世生合，乃是兼亲带故之人；鬼化子、子化鬼，必有僧道杂在其中。

**鬼遇生扶，惯得中间滋味**——鬼爻无气又临死绝，若遇动爻日辰扶起者，此贼惯得其中滋味；带月建强盗，加太岁是官贼。

**官兴上下，须防内外勾连**——卦有二鬼，偷非一人；俱动，是外勾里连。内动外静，是家人偷与外人；外动内静，家中有人知情。

**木克六爻，逾墙而入；金伤三位，穿壁而来**——木爻克土，逾墙掘洞；金鬼克木，割壁穿篱；火鬼克金，劈环开锁；水鬼克火，灌水来灯；土鬼克水，涉渎跳涧；木火交化，明火执仗。要知何处可进，以鬼克处定之，如木鬼克六爻，逾垣而入；克初爻，后门掘洞而进也。

**世去冲官，失主必会警觉**——世冲鬼爻，失主知觉；就冲鬼爻，他人知觉；旁爻冲鬼，旁人知觉。

**日来克鬼，贼心亦自惊疑**——鬼被日辰动爻刑克，彼时贼心惊疑，贼必捕获得。

**子动丑宫，问牧童定知消息；福兴酉地，是酒客可探情由**——子动，必有人撞见，询之可知消息。如在子爻，可问科头男子或捕鱼人；在丑爻，可问牧童筑墙等人；在寅爻是木客木匠、担竹木器等人；在卯爻，问织席卖履、挑柴、砍草等人；在辰爻问凿井、傍河、锄地等人；在巳爻问穿红衣女子，或弄蛇乞丐人；在午爻问烧窑、乘马、讨火、提灯等人；在未爻问挑灰、耕种、牧羊者等人；在申爻，问铜铁匠或弄猴人；在酉爻，问针工、酒客、捉鸡等人；在戌爻，问挑泥、锄地、牵狗等人；在亥爻，问担水、踏车、洗衣、沐浴等人。

**兄动劫财，若卜起赃无须觅**——卜起赃及寻物，若见兄动，皆主财物失散，终难寻觅。

**官兴克世，如占捕盗必伤身**——凡占捕盗，要世旺鬼衰、世动鬼静，则易于捕获；若鬼爻乘旺，动来刑克世爻，须防反被其害。

**世值子孙，任彼强梁何处虑**——子为捕盗之人，若旺动或临世，或日月临之，则鬼有制，贼必可获，纵凶恶强盗，不足畏也。

**鬼临墓库，纵能巡捕亦难擒**——鬼爻入墓及化入墓，或伏墓下，皆主其贼深藏难捕；得动爻日辰入墓可捕。

**日合贼爻，必有窝藏之主**——鬼为贼爻，捕盗遇合贼；必有人窝藏不能见，待冲合之日可捕。

**动冲鬼煞，还逢指示之人**——鬼爻逢冲动及受克，必有人指示贼隐之处。

**卦若无官，理当论伏；财如发动，墓处推详**——捕盗无官，贼必隐迹，须看伏在何爻之下，便知贼在何处，如伏财下，在妻奴家类。若动爻有化出者，即以变爻论之，不须看伏。若卜起赃，见财爻发动，看其墓在何处，便知藏向何方。

**伏若克飞，终被他人隐匿；飞如克伏，还为我辈擒拿**——此伏只论鬼爻，此飞只论世爻。如鬼伏世下克飞，终难擒获；如世克伏，必可擒拿。

**若伏空爻，借赁屋居非护贼**——鬼伏空爻下，赁屋居住，非是窝藏，或潜住他家，亦非容隐，后终败露。

**如藏世下，提防窃盗要留心**——凡占防盗，最要鬼爻衰静及空，或日辰冲散，或子孙克制，皆为吉兆。若官鬼爻无制动克，世爻当受其害；若鬼伏世下，目下虽无事，至其时透出，宜提防累及。

**倘失舟车衣服，不宜妻位交重；或亡走兽飞禽，切忌父爻发动**——失脱不可专以财为用神，若失舟车、衣帽、文书、奏章则以父母爻为用神，故忌财动；若失飞禽走兽，则以子孙为用爻，故忌父爻发动，克则难寻觅。学宜通变。

**卦爻仔细搜求，盗贼难逃捉获。**

## 二十七、家宅

**创基立业，虽本人之经纬，关风敛气，每由宅以肇端。故要知人宅之兴衰，当察卦爻之内外。**

**内为宅，外为人，详审爻中之真假**——内者内卦也，内卦第二爻为宅舍；外者外卦也，外卦第五爻为人口。凡占家宅，最重者舍、人口、财官父兄子、世应、日辰、月建、岁君。凡内卦二爻克五爻，谓宅去克人，凶；或外卦五爻克二爻，谓之人来克宅，吉。或内卦二爻生五爻，谓宅去生人，吉。

**合为门，冲为路，不论卦内之有无**——合二爻为门，冲二爻为路，卦爻内不必明现冲合。且如天风姤，二爻辛亥水为宅，寅与亥合，以寅为门为财，巳亥相冲以巳为路，卦内本无寅巳二爻。姤属金，寅为财即是门利，巳为鬼即是路，不吉也。余仿此。

**龙德贵人乘旺，岳岳之侯门；官星父母长生，深深之相府**——龙者青龙也，德者年月日建谓之德，官星即官鬼也，贵人即天乙贵人也。如青龙、文书、官鬼、贵人临年月日建、临宅、临身、临命，主有官职之象也。

**门庭新气象，交重得合青龙**——交重青龙不空，在日辰旬内得生旺，主鼎新创造；倘值休囚，主修旧合新之象。临财新修膳厨，临父新修旧堂，临兄新修门户，临子新修房舍，临官新修厅堂屋宇。

**堂宇旧规模，宅舍重侵白虎**——白虎交重休囚空绝，主远年建造，破旧不整。

**土金发动开辟之基，父母空亡租赁之宅**——土化金、金化土为开辟之基；父母为房屋，逢空无气，更逢应爻、日辰、动爻化文书，与宅相生相合，主是租赁之屋。

**门庭热闹，财官临帝旺之乡**——财、鬼、龙、德、贵人乘旺长生之位，临财生合世爻，主家庭热闹。

**家道兴隆，福禄在长生之地。交重生克，重新更换厅堂**——福即子孙，禄即妻财，在长生之位临身生世，主家道兴隆。第二爻发动，或生或克，主改造厅堂。

**世应比和，一合两般门扇**——比合者兄弟也，或临兄弟，或世应化兄弟，或临宅爻，或合宅爻，主一合两门扇。

**门路与日辰隔断，偏往来；宅基与世应交临，互相换易**——且如巽卦，辛亥水为宅，以寅合为门，日辰与动爻如临子，子与寅虚有丑字隔之，如临辰，辰与寅虚有卯字隔之，谓之隔门。又如巳冲亥为路，日辰与动爻临卯，卯与巳虚有辰字隔之，如临未，未与巳虚有午字格之，谓之隔路。如遇隔断者，门路曲折也。

**世与日辰克宅，破阻不宁**——世爻与日辰同去克宅爻，主破阻不宁。

**宅临月破克身，生灾不已**——月破之爻动克世爻及身命之爻，主生灾不已。

**应飞入宅，合招异姓同居**——应临之爻与宅爻相同，谓之应飞入宅，主有异姓同居。

**宅动生身，决主近年迁往**——宅爻动来生世生身，必主近年迁往。

**门逢三破休败崩颓**——三破谓年月日冲破也，如临兄弟主门户破墙垤毁，临子财主房舍、厢廊、烟厨破坏类也。

**宅遇两空荒闲虚废**——如宅爻在日辰旬之空，又在当家本合旬之空亡，主荒闲虚废或是逃亡死绝之屋。

**世临外宅离祖分居**——宅爻与正卦世临之爻相同，或与变卦世临之爻相同，如明夷卦二爻己丑为宅，世临四爻为世临外宅。余仿此，动则离祖分居，不动则主偏宅也。

**应入中庭外人同住**——应临之爻与宅临之爻相同者是，如剥卦、井卦；应临宅爻，亦为宅入中庭，主外人同居，日辰同临为寄居也。

**宅合有情之玄武，门庭柳陌花街；木临无气之腾蛇，宅舍茅檐篷户**——宅爻合玄武又临沐浴

爻动，主女人淫欲，如花街柳陌人也；螣蛇木爻死气临宅，主瓮牖绳枢之地也。

**鬼有助而无制，鬼旺人衰**——如纳音木命人，占乾兑卦以火为官，木能生火，谓之本命助鬼；若卦体无水生命，又谓鬼无制，制主人衰旺。若金命人助离宫水鬼，水命人助坤宫木鬼，火命人助坎宫土鬼类。

**宅无破而逢生，宅兴财旺**——岁、日、月三不破，临宅爻，更逢三件动爻生宅爻，与财爻旺相有气，为宅兴财旺。

**有财无鬼耗散多端**——若无鬼爻，则兄弟无制，恐兄弟当权之时财爻破散，妻宫亦有驳杂也。

**有鬼无财灾生不已**——鬼不宜动，财不可无，若官鬼动克世爻克宅爻，主连生灾咎。

**有人制鬼鬼动无妨**——且如木命人占得坎卦，以土为鬼。木命人克土鬼，金命人则制坤宫鬼，但以本命克鬼为制，乃无害也。

**助鬼伤身财多何益**——如金命人占得乾卦，以火为鬼，以木为财，木能生火，火能克金，有财为助鬼伤身，纵然财多无益。

**忌鬼爻交重临白虎，须防人眷刑伤**——忌鬼爻并白虎发动，冲克何纳音命，即指其人有灾殃。

**催尸煞身命入黄泉，大忌墓门开合**——鬼动克人命为催尸煞，人命逢死绝为黄泉路，忌人命爻冲合墓爻。日辰动爻合墓爻为墓门开合，凡卦中必见鬼墓爻便是。

**木金年命，最嫌兑卦之火灾**——木金年命人，占得乾兑卦之火鬼，木命生火，谓之木火助鬼克金，为伤身，金爻木命皆然。水火命人，不怕震巽宫之金鬼，凡本命纳音是水火，占得震巽卦金鬼，金能生水，火能克金，故水火命人不怕震巽二宫之鬼也。

**官星配印居玉堂，乃食禄之人**——若有官有贵有禄有印，并太岁生身命，登金门而上下玉堂

之人。

**贵刃加刑控宝马，必提兵之将**——贵，贵人；刃，羊刃；刑，三刑。贵人同吉星相辅，刃加三刑临贵人之位，受太岁之生，旁爻有马，乃提兵将帅也。

**财化福爻，入公门多致滞留**——官爻持世财来生，吉也，化福乃财倍有力，更吉也。倘财爻持世化子孙，反生他爻之鬼，凡仕官公门之人，反不利也。

**贵印加官，在仕途必然迁转**——官父带贵人临世，并日辰旬中发动，在仕途必有迁转之喜兆。

**子承父业，子有跨灶之风**——子命爻临五爻之位，相生相合，主子有跨灶之风；相克相冲主悖逆不肖，不克绍箕裘之业。

**妻夺夫权，妻有能家之兆**——妻命临夫五爻之上，与夫相生相合，得内助能家之兆；若妻克夫爻，主妻凌夫或破夫家也。

**弟乃兄之臂，身命相伤**——弟爻起临兄之命爻，或兄爻起临弟之命爻，若刑克，主不友不恭；若生合，主兄弟怡怡如也。

**妇谐姑嫜之爻，家声可见**——二为媳妇之爻，与姑之命爻相刑相克，主凌上悖逆不孝；相生相合，主能敬孝尽妇道也。

**妻犯夫家之煞，妻破夫家**——妻命临月破，兄弟加白虎发动，主破夫家。

**夫临妻禄之爻，夫食妻禄**——如妻年甲子生。禄在寅，夫命临之生旺有气者，主夫食妻禄；若逢羊刃空鬼耗破，虽食妻禄亦无用矣。

**交重兄弟克妻身，再理丝弦**——兄弟之爻发动克伤妻命，或夫命临兄弟发动，主琴瑟再续也。

**内外子孙生世位，多招财物**——内外子孙发动，生合世之财爻，必多招财物也。

**世为日辰飞入宅，鸠踞鹊巢**——世并日辰与鬼飞入宅爻，主他人之屋或租赁之宅，如大过卦内巽辛亥为宅，外兑丁亥持世发动是也。

**应临父母动生身，龙生蛇腹**——应临父母之爻，占者命爻临之，得应爻生之，或动生子命，主婢生庶出，或前后父母所生。身命俱临父母，必主重拜双亲。

**世应隔异，兄弟多因两姓**——如晋卦，己酉兄弟持世，乙未临应，隔申子；又如遁卦，应临壬申金世，持丙午火，有未间断，但申爻是本宫兄弟，是真兄弟，或日月建动爻间断亦依此断，余仿此。

**应爻就妻相合，外人入舍为夫**——应爻飞入宅，与妻命生合，主招外人入舍为夫。

**假宫有子飞来，异姓过房作嗣**——假如子孙在假宫，飞来伏在身命爻下，主有异姓过房之子。本宫飞动应爻，过房与人也。

**妻带子临夫位，引子嫁人**——妻命带子孙，动临夫位并日辰，主妻引子嫁来是也。

**夫身起合妻爻，将身就妇**——世爻动临妻命爻，或自命爻动临合妻合爻，定然将身就妇也。

**本命就中空子，见子应迟**——子孙在命旬之空，主得子迟。

**身爻合处逢妻，娶婚必早**——夫身爻起合妻之命爻，娶妻必早；妻身爻起合夫之命爻，妇嫁无迟。

**夫妇合爻见鬼，婚配不明**——夫合之爻、妻合之爻见鬼，主婚配不明，但有合爻见鬼是也。

**子孙绝处刑伤，儿多不育**——子孙逢绝，更受刑伤克害，主子多不育难招。

**夫妻反目，互见刑冲；兄弟无情，互相凌制**——夫身爻并日辰动刑妻命，主人不和妻；妻身爻并日辰动刑夫命，主妻不合夫。或妻命冲夫身，或夫命冲妻身，主夫妻反目。兄带日辰克弟身命爻，或弟带日辰克兄身命爻，主兄弟不和，互相凌虐。

**日辰与世身本生，当主双胎；身命与世应同爻，多应两姓**——身世日辰动爻同位生合者，必主双胎；命临应上，世亦临之，主有两姓。

**妻财发动，不堪父值休囚；父母交重，最忌子临死绝**——上有父母，不堪财爻发动，主有克害之患；父动则克子也。

**妻克世身重合应，妻必重婚**——财爻动克夫命，或妻命动克夫爻，并日辰又与应相合，主妻再嫁。若带咸池与应爻相合，克夫命身爻，主妻与外人谋杀夫主。若临父爻，主未来之事。

**夫刑妻命两逢财，夫当再娶**——夫刑克妻命，或刑克财爻，更逢克处两财，主夫克两妻；并日辰合旁爻之财主再娶；并日辰动爻带刃刑等煞，伤妻命爻，主遭夫毒手也。

**妻与应爻相合，外有私通**——妻命财爻与应相合咸池玄武，主妻有外情；夫并日辰克妻与应爻，主获妻奸。

**男临女子互交，内多淫欲**——男命爻起合女命爻，女身爻起临男命爻，为互合，尊卑失序，主有淫乱之事。若夫妻互相合，主先奸后娶。

**青龙水木临妻位，多获奁财**——如财临水木有气，夫命临之，主得妻财。

**玄武桃花犯命中，荒淫酒色**——身命带玄武咸池，主贪酒色。男女同论。

**世应妻爻相合，当招偏正之夫**——为世应财爻之合，逢两鬼合妻命，主有偏正之夫。

**财爻世应六冲，必是生离之妇**——妻命值鬼爻，与世应并日辰破合，重重相冲，与财两合，或妻命爻与世应动爻相冲，或日辰相冲，必主生离之妇。

**世应为妻爻相隔逢冲，必招外郡之人**——世应在日辰句中隔断，妻爻与夫爻相隔，在日辰句外逢冲，主夫是外郡之人。

**夫妻与福德相逢带合，必近亲临之女**——夫妻二命爻俱在本宫，就中合见子孙，主因亲致亲。

**命逢死气，最嫌忌煞当头**——主象逢死绝，若日辰动爻临忌煞来克本命，主有死亡。

**鬼入墓乡，尤忌身爻溅血**——命爻带鬼入墓，怕身爻再带煞受刑，最不吉之兆。

**恶墓恶于三刑选刃**——刑无刃不能伤人，刃无刑祸亦不大，若刑刃两全克身临官，主犯官刑，临玄武劫煞，盗贼图财劫命。世并日辰动爻克应，主我杀他人；应并日辰动爻带煞克世，主他人伤我，若是遇子孙发动，凶中有吉。

**凶莫凶于四虎交加**——四虎者年月日時建也，若带鬼煞重重，举家遭祸死亡；若卦中福德动，主悲喜相伴之象。

**四鬼贴身防生灾咎**——四鬼者，亦谓年月日時，值官鬼持世临身临命，主有灾咎。

**三传克世易惹灾厄**——三传，年月日也，若带煞克世身命，主宅丁人眷灾厄；太岁主一岁之祸，月建主数月之灾也。

**劫亡两贼伤身，青草坟头之鬼；身命两空遇煞，黄泉路上之人**——身命逢绝，在旬中空亡，遇鬼伤身克命，主有死亡之患。

**勾陈伤玄武之妻财，女多凶祸；白虎损青龙之官鬼，夫忌死亡。**

## 二十八、新增家宅搜精分别六爻断法（附船家宅章）

**初爻非水休言井，酉金干涉道鸡鹅**——初爻如临亥子水爻，方可以井断，值财福以吉论，值官鬼忌神以凶推。若初爻与酉爻刑冲克害生合，即是干涉也，如有干涉，方可言育鸡鹅之吉凶，不可混而言也。

**临土逢冲基地破**——初爻临辰戌丑未土爻，被日月冲破乾，其宅基必有挖开破缺之象。

**无官无鬼小儿和**——初爻临官鬼，白虎父母发动，其家主伤小儿，若非官鬼忌神持临，小儿必平和无恙也。

**宅边若有坟和墓，须知鬼墓值爻初**——鬼墓者，指卦中官鬼之墓库爻也，如得震巽宫卦，金为官鬼，金库在丑，如丑爻临于初爻，则宅边必有吉墓也。

**水临白虎将桥断**——如初爻临子亥水附临白虎，主有桥梁，临财福则吉，逢冲桥必坏也。

**寅木猫良鼠耗无**——如初爻临寅木吉神，主其家有好猫能捕鼠。

**玄武水乘沟利渝，木爻官鬼树为戈**——如初爻临亥子水附玄武，不可论桥论井，当以沟渠之通塞断；如木爻官鬼值此，主其家左近有树根穿破灶基。

**二爻木鬼梁横灶**——言二爻如临木爻官鬼，主灶上有横梁。

**父母持之世堂奥**——如二爻临父母爻，不论金木水火土，皆以房之堂奥推断，如临旺相安静则吉，如逢休囚克破，主房屋破漏不堪。

**雀火官持虑火灾，土金变化宜兴造**——如朱雀并火官在二爻，主有火灾；如二爻土化金或金化土，主有兴造。

**木被金冲锅盖摧，金局摧残锅破坏**——如二爻临木爻被金日金爻冲之，知其锅盖破碎，摧者

坏也；倘二爻会金局被冲，其灶上必有破锅也。

**玄武土乘灶未洁，土逢冲克灶崩败**——如二爻玄武同土持之，主灶前不洁；如二爻值土被日月动爻冲克，则灶必坍塌。

**世鬼并临非祖屋，福财遭克苦相逐**——世临官鬼在二爻，此屋决非祖产。如福德财爻在二爻旺相有气，主其家安享丰足；倘遭休囚破克，主其家穷苦相逐也。

**戌土干连以犬言**——如二爻与戌爻生克冲合，当以防家犬断，临财福吉，临忌煞凶。

**应飞此地人同宿**——如应临之爻飞入二爻，主有外人同住；同宿者言同住也。

**此爻不独断宅母，各分名分安危卜**——古以二爻为宅母之位断吉凶，予以为谬。凡人家祖母、母、嫂、弟妇、姊妹、妻女同居一室，各有名分，宜以用神观其生克，卜其吉凶也。

**三爻亥水断猪牲，兄弟临爻方论门**——第三爻非临亥爻，不可便断猪牲吉凶；如兄弟爻临于三爻上，方可以门户断。如临财官父子，不可概推。

**兄弟卯爻床榻论**——如兄弟是卯爻，不可言门户，当以床榻论之。大凡卯爻兄弟临三爻，必神堂前有床榻，或楼上做房，关碍神堂。

**无官莫妄断家神**——第三爻若临官爻，方可指定神堂，若非官爻临持，不可便断神堂也。

**金官临主香炉破，木鬼青龙牌位新**——如三爻临金官，主香炉破损；或值木鬼青龙旺相，神牌自然新彩画也。

**四爻若动来冲克，门门相对似穿心**——若第四爻冲克三爻，主家中门门相对。或穿心走破，不利。

**三四互临兄弟位，门多屋少耗伤金**——如三四爻俱临兄弟爻，主其家屋少门多，耗散金银之象。

**若被动爻冲本位，出入不在正门行**——如本爻被日月动爻冲克，主其家旁门出入，不走正门。

**爻临卯木主床帐，木临蛇鬼妇虚惊**——如第三爻临卯木，是床帐也，临财福则床帐新鲜；若临螣蛇官鬼，其妇女在床，有意外虚惊。

**三爻不是弟兄位，官摇父陷始难宁**——古以第三爻为兄弟之位，谬也。如官爻发动克害兄弟爻，又遇父母空陷，不来救护，方可论兄弟之有患难不宁安也。

**四爻兄弟方言户，四二相合主大门**——三门四户是古法，然无兄弟临之，不可便言门户，如临兄弟，当以户断。第四爻或动或静，与第二爻相合者，当以大门决断。

**未变鬼临第四位，畜羊不利见灾逆**——未爻临于第四爻上，当以羊断，如变鬼爻，畜羊有损。

**玄武官鬼门破漏，青龙财福喜更新**——四爻上如临玄武官鬼，门主破漏，如遇青龙财福与二爻生合者，可知其门楼有更新之象。

**朱雀临官主狱讼**——朱雀临官爻在四爻上，主有官非讼事。

**玄武乘兄有水侵**——如玄武临兄弟，不可以兄弟为户论，必有池潭水浸住宅，如冲克二爻，有碍住居也。

**兄弟螣蛇临爻位，邻人坑厕碍家庭**——四爻兄弟临螣蛇，不可以兄弟为户论，当主邻家有茅坑相碍。

**旬空月破当爻见，不是无门是破门**——若第四爻值旬空月破，当以无大门或破门断之。

**冲克相乘旁出入，外族不应将此论**——如遇冲遇克，必主旁门出入，至于外族之论，系《易林》之谬，不可以为法也。

**财克子临伤父母，阴阳两断内中分**——财动克父，若得子孙爻动而助财来克，主父母有伤；如父母爻临阳象，则克父，阴象则克母，卦中六爻内见之皆如此。古以四爻为母位，而论克其母，此说大谬。

**五爻克二人口宁，官连蛇鬼长房逆**——五爻为人口之爻，克二爻则人口安宁，如动来克宅亦不宜也。又宜以六亲生克论之。如二爻动来克五爻，此屋居之不安也。又五爻为长房长子，如官鬼同蛇鬼持之，主长房长子多悔也。

**若遭白虎刑冲克，主有惊癇不得生**——倘五爻被白虎爻动来刑冲克害，又不可以长房长子断，主其家有惊癇之疾者，不能医治而难生也。

**世临阴位女为政，财爻持世赘为姻**——如世居五爻，爻是阴位，主其家内阍为政主持家事。财爻持世居此位，其人赘去为婚，又非女人主事也。

**若是二爻冲克破，当家夫妻少恩情**——二爻如逢冲克，主夫妇各主张，又非赘婚之论也。

**水临世合水浇屋，兄弟临时墙有坑**——五爻临水，与二爻生合，或与世爻生合，主宅边有水环绕；如临兄弟，主墙内有坑碍。

**丑土克冲牛不利，桩庭休咎父爻寻**——如丑土爻发动克五爻，或与五爻刑冲，畜牛不利。若以五爻为父谬矣！欲问其父之吉凶休咎，应向父爻论生克。

**六爻财位论奴丁，父母相临祖辈人。阳木栋梁阴是柱，官库侵入乃是坟**——第六爻若临财位，方言奴婢。如遇旬空月破，则奴仆无力；倘遇日冲爻冲，主有逃亡之事。若临父母当论祖辈的休咎，倘阳爻临木父，不可以祖辈言，当以栋梁断。如阴临木父母爻，当以庭柱论；如官爻之库临于六爻上，当以坟墓论，其生克合冲分别吉凶。

**父临属土主墙壁**——如父母属土，当以墙壁断。

**卯木藩篱定吉凶**——如临卯木，不论阴阳，当以藩篱断之，以生克合冲定其吉凶。如卯爻旬空向有藩篱，如动来克世当以凶推，若逢生合当以吉断。

**身世相临第六爻，离祖成家断可必**——如卦身临于第六爻，或世爻临之，被日月动爻冲之，主来卜之人必离祖业方可成家。

**位临于酉动爻冲，锅破悬知在此中**——如第六爻临酉金，被日月动爻冲之，主家中有破锅不安。

**雀鬼临爻颠女断，爻爻分别不相蒙**——如朱雀官鬼临爻，主有女人染风颠之疾。蒙者，蒙昧不明也。

#### 附：船家宅章

既明住宅之根因，再看船居之奥妙。青龙父母祖代居船，白虎妻财初当船户。要识平居安稳，须观福德青龙。初是船头，必须子孙兴旺；六为后舵，定宜福德交重。父母刑冲，必主风狂浪急；妻财克陷，定然惹是招非。若逢兄弟交重，怪木必须重换；但遇鬼爻临用，魔到急宜祈祥。二为猎木，须要坚方，若遇螣蛇必生怪异，但逢朱雀口舌灾殃，青龙利益加添，白虎损人招祸，玄武忧疑盗贼，勾陈耗散货财。三为仓口，怕逢刑冲克害；四为桅杆，喜逢拱合生扶。五为毛缆，六为橹篷，若得相生，行船必定致富；如逢冲克，船居多主灾殃。世爻发动，宜弃旧而从新；应位兴隆，宜世居而迥吉。世临玄武，盗贼相侵；持世勾陈，翻船损货。白虎防坠水不虞，青龙主临危有救，螣蛇爻动主暴病之忧，朱雀爻兴有断桅之祸。初位逢空，船头破损；二爻遇鬼，绳缆损伤；三爻最忌刑冲，仓内平基作祟；四位怕逢凶煞，破篷发漏须防；五为毛缆，逢空必有忧疑；六是舵门，遇煞定当修换。若能依此推，船居必无他事。

## 二十九、坟墓

**葬埋之理乃先王之所定，风水之因特后世之所兴。虽为送尸而然，祸福吉凶攸系。故坟占三代，**

**穴有定爻。一世二世，子孙出王侯将相之英；三世四世，后世主富贵繁华之茂。绝嗣无人，端为世居五六；为商外出，只因世在游魂。八纯凶兆，归魂亦作凶推。吉兆相生相合，凶兆相克相冲——**内卦为山头，外卦为朝向，世爻为穴场。世临初、二爻穴场，乃得山头之生气，后代当应王侯将相之英；世临三四爻穴场，乃得山头之余气，故后嗣不过富贵繁华；世临五六两位，乃山头生气已脱，是不合山形地势，故主绝嗣。游魂好动为商，归魂气滞不吉。世得相生相合，自然环绕多情；若遇相克相冲，自然沙飞水背。

**穴骑龙，龙入穴，穴嫡龙真——**以亡人本命纳音为穴，或世临穴爻，或世穴相生相合，或动爻日月生合世爻穴爻，谓之“穴骑龙，龙入穴，穴嫡龙真”。

**山带水，水连山，山环水抱——**山者内宫也，水者亥子水也。如亥子水临财福吉神在内宫，与世爻相生相合，或与穴爻相生相合，谓之山环水抱。

**交重逢旺气，闻鸡鸣犬吠之声——**旺相之爻发动，临水火，近民居，故曰“闻鸡鸣犬吠之声”。

**世应拱穴爻，有虎踞龙蟠之势——**世应生扶拱合于穴爻，或龙虎生合于穴爻，或穴居于世应之间，或穴叨世应龙虎扶拱，皆是虎踞龙蟠之势。

**三合更兼六合，聚气藏风——**世为主山，应为实山，世应与穴爻三合成局，或得六合卦，或龙虎二爻与穴爻三合成局者，皆聚气藏风之地也。

**来山番作朝山，回头顾祖——**来山者，内卦之世爻也；朝山者，外卦之应爻也。如世临之爻与应爻同，谓之回头顾祖也。

**死绝之鬼边有荒坟，长生之爻中有寿穴——**卦中官爻休囚死绝，知穴旁有荒坟古塚。如鬼爻遇长生于日，或化长生者，知有寿穴也。

**合处与应爻隔断，内外之向不同——**亡人本命纳音为穴，纳音之墓为墓，合纳音之爻为向。假如己未纳音属土，即以土为穴；土库于辰，即以辰为墓；午与未合，即以午为向；辰与酉合，酉

亦为向。如辰申二日，或应临辰申，谓之隔断午。或未亥二日，或应临未亥，谓之隔断酉。当和金井墓门之向有不同。

**穴中为世日冲开，左右之穴相反**——六临巳未二爻，世并日辰临午爻，午居巳未之中，谓之分开巳未穴，知左右之空相反也。余例仿此。

**穴道得山形之正，重逢本象之生**——穴即亡人本命纳音，临内宫世爻，皆得山形之正。如穴爻临水遇内属金，或水爻在于金宫内，皆谓之本象之生也。

**世应把山水之关，宜见有情之合**——第六爻为水口之爻，世应临之，若带合，则有关锁，或第六爻与世相合亦是。

**坐山有气，怕穴逢空废之爻**——且如坎山属水，坎山者，坎居内宫也，得穴逢申爻，而长长生于申，最怕申爻逢旬空与月破耳。

**本命逢生，忌运入刑伤之地**——凡占生墓，要看本人年命，亦将本人年命纳音为穴。运即穴爻也，忌穴爻与内宫及卦爻刑克。如穴爻得生有气为吉，若遇旬空，而亡人且忌，生人却不畏空，反吉。

**青龙摆尾，就中逢滞气子孙；白虎昂头，落处生身父母**——落青龙子孙有气生穴，谓之摆尾多情；如白虎临父母生穴者，谓之昂头有势。

**后来龙余气未尽，有玄武吐舌之形；前朝案动爻逢冲，为朱雀开口之象**——日辰入穴临玄武，谓余气未尽，有吐舌之形；后者玄武也。世前一位为案，被日辰月建冲破，朱雀临之，有开口之象；前者朱雀也。

**世坐勾陈之土局，破坎田园；应临玄武之水爻，沟坑池井**——世坐穴爻，并临勾陈值辰戌丑未之土局，或被克冲，乃破坎田园之所也。应临亥子水爻，加临玄武会水局，乃沟坑池井之所也。

**白虎在破耗之位，古墓坟茔；螣蛇临父母之爻，交加产业**——若白虎再加月破持世、持穴、持身者，知是古墓坟茔也；在归魂卦或鬼飞入穴，谓还魂之地。螣蛇为勾绞之神，父母为文书契字，非重埋叠卖，即重分交加之产业也。

**勾陈土鬼塚墓累累**——勾陈临戊己辰戌丑未土，鬼逢死绝之爻，为古墓游魂。鬼动逢冲空，旁有改墓之地；日辰去克白虎穴爻，有崩颓之墓；青龙临土鬼，主有新坟；若归魂卦或土鬼飞入穴爻，主有改墓之地。

**玄武金神，岩泉滴滴**——金为石，玄武为水，主淋漓自出之泉；临穴爻，或伏穴爻之下，或白虎临金，皆主有石有水。

**青龙发动临子孙，决主新迁；朱雀飞来带官鬼，必然争讼**——若青龙发动，或值子孙，必主迁移；朱雀官鬼并日辰动爻飞入穴，主夺地争讼。

**应爻加木临玄武，前有溪桥；日辰冲土镇螣蛇，边通道路**——若应爻并木爻临玄武，主墓前定有溪桥。螣蛇为路，临辰戌丑未之爻，与日辰动爻冲克，主近道路。螣蛇土爻飞入穴爻，或与穴爻相冲，主有道路穿坟。

**朱雀火发动爻，厨庭炊爨之旁；青龙财库相生，店肆仓库之畔**——朱雀火爻发动临财，必近厨庭烟灶之所。青龙临四墓，逢财相生有气，必近店铺酒肆；若遇庚申癸酉丁酉金，为仓库之所。

**玄武世龙入穴，暗地偷埋；勾陈土动落空，依山浅葬**——玄武世爻并日辰动飞入穴，主偷埋盗葬，或暗地瞒人出殡；勾陈土动或空或发动，必依山所附近浅土浮葬是也。

**日合鬼爻有气，近神庙社坛之旁**——鬼旺有气，或临青龙贵神与日辰相合，主近神庙或古迹灵坛之所。

**动临华盖逢空，傍佛塔琳宫之所**——华盖穴爻并鬼动逢空，乘旺有气，主近寺院，不然为匠艺人家，有响音之所。

**世应逼左右之山欺穴，龙虎磕头**——世应逢青龙辰爻、白虎寅爻，为龙虎碰头，克穴则凶。

**交重并旬内之水伤身，沟河插脚**——水爻动在日辰旬中，居穴之前，主有沟河插脚之水。

**生生福合三传上，百子千孙；重重墓在一爻中，三坟四穴**——三传即年、月、日三建也。或福德逢穴爻，更在三传之位相生相合，主百子千孙。六亲、世应、日辰、动爻重重墓在一爻之内，主有三坟四穴；应爻鬼爻墓归一爻之内，主有外人同葬。

**神不入墓，游魂之鬼逢空；鬼已归山，本命之爻逢合**——亡命并鬼爻逢空、穴爻化鬼逢空及临游魂卦，皆主鬼不入墓游魂。世居外卦空穴空墓，主无埋葬之地或葬他乡。若带凶煞克卦身者，必主恶死。亡命穴爻相生相合，或鬼爻逢墓，谓鬼已归山。若在外卦应爻者，亦知其附葬也。

**日带应爻劫煞入穴，劫塚开棺；用并世象动爻克应，侵入作穴**——日辰并玄武、应爻带煞飞入穴，或动爻破穴破墓，主劫塚开棺；冲克亡命，主暴弃尸骸。世应并日辰之煞动破穴爻，为世爻并日辰动爻克应，主侵入坟地作穴；与应爻并日辰克穴，主他人侵自己坟地而埋葬。

**客土动而墓爻合，担土为坟；朝山尊而穴法空，贪峰失穴**——客土者，外卦土、应土是也，与穴爻墓爻发动相合相生，主是担土为坟。或旁土为左右臂，朝山在长生贵人位，主前有贵峰耸秀；若穴空，主有贪峰失穴之象，苟或不空，即朝山耸秀之。

**子孙空在日辰之后，穴在平阳；兄弟爻落世应之间，坟迁两界**——子孙在日辰之后逢空，或勾陈亲戌、己、辰、戌、丑、未爻，或爻在明堂宽大之地，多主平地作穴。世应同临穴爻，更临兄弟之爻，或在世应之间，皆主坟迁两界，若在日辰前后，两间之爻亦然矣。

**日辰与动爻破穴破墓，定合重埋；世应并穴道冲尸冲棺，当行改葬**——日辰发动冲破墓爻，世应冲尸冲棺，或父化父、兄化兄、鬼化鬼、财化财，皆主重埋改葬。又云“金为尸首，木为棺，土为墓兮仔细看”。

**重交生穴，经营非一日之功；龙德临财，迁造为万年之计**——交重二爻发动，并日辰皆生穴爻，主加工用事非一日之可成。喜龙临财爻，子孙生旺有气，与穴相生相合，主所造之坟美丽悠久。

**应飞入穴，必葬他人，煞动临爻，凶逢小鬼**——如应爻飞入穴爻，主外人同葬，或是他人旧墓之旁。凶煞犯亡人本命，或亡人本命临死绝之地，主亡人不得善终，或不得善疾而死。

**犯天地六空亡之煞，骸骨不明；穴遇三传刑刃之空，尸首损伤**——六空，即六甲旬空也；三传，乃太岁、月建、日辰也。三刑羊刃，且如己卯日占得坤卦，甲子亡命，穴临上六癸酉金，乃甲戌旬中空金，并甲寅旬之空，甲子三传带刑刃凶煞伤克木命穴爻，或有在日辰旬之空亡，主骸骨不明，尸首有损。

**逢冲逢克怕犯凶神，相合相生真为吉兆**——用爻逢凶神相克、相冲、相刑，为凶恶之兆；青龙福德为吉神，生合拱扶，为吉祥之兆。

**爻生之子孙逢官逢贵，临三传必作官人**——穴生之爻临子孙，逢官星贵人，临三传生本命作印绶，主官职之荣。

**穴中之象数合禄合财，若两金当为财主**——穴临旺气，有子孙财官爻在五爻之下，若子孙相生相合，如财禄两全，乃官家之子也。

**游魂福德空冲，主流荡逃移；恶鬼凶神变动，见死亡凶横**——子孙逢空冲在游魂卦，主逃离之人；空亡主流荡不回乡；白虎螣蛇凶神并鬼克身世，主有死亡凶横。

**损父母子孙之财鬼，鰥寡孤独**——卦内父受损兼不上卦，主出孤儿子孙；子孙受损兼不上卦，主绝嗣；财爻受伤兼不上卦，出鰥夫；鬼爻受伤兼不上卦，出寡妇。要指引明白，不可概论。

**叠刃刑鬼破之劫亡，痠痿残疾**——鬼临月破，兼三刑六害同克用爻，或乾宫主头面、喘息、嗽咳、小肠之疾，坎宫主头面、两耳、小便、气血、腰痛、胁心之疾，艮宫主鼻疮、手指、腿足之疾，震宫主骨、足、肝、腿、三焦、颠狂之疾，巽宫主额、鬓、膝、血气、风邪之疾，离宫主脾胃、

痈疽、眼目、心痛、热症、汤火之疾，坤宫主肚腹、呕吐与血泻痢、黄肿之疾，兑宫主口齿缺、唇掀、皮肤之疾。金鬼癆嗽，木鬼风邪，火鬼热症，水鬼吐泄，土鬼黄肿之疾，中间不可尽述，依理详推。

**玄武遇咸池之劫煞，既盗且娼；青龙临华盖之空亡，非僧则道**——玄武岁破月破共位临世爻，在坎出奸盗，或因盗致死；玄武咸池带合，主女堕风尘，淫奔败化；若世爻并胎神受克，主有堕胎产难之厄。青龙华盖孤神值空亡有气，是为僧道之类。

**月卦勾陈之土鬼，瘟疫相侵；阳宫朱雀之兄神，火灾烦数**——月卦是月将勾陈土鬼临世身爻，主时灾瘟疫相侵；朱雀怕逢火，更在火位，主有火灾。

**父母临子孙之绝气，后嗣伶仃；福德临兄弟之旺宫，假枝兴旺**——父母以为孤煞，且如子孙爻属火，火绝在亥，若父母临亥爻动，主后嗣伶仃；若子孙临亡命，或在兄弟爻临旺相，自假宫来，故主假枝兴旺也。

**动并旬中之凶煞，立见灾危；穴临日下之进神，当臻吉庆**——劫刃、刑害、月破等煞在日辰旬中发动，若被刑冲伤克身命，主见灾危劫杀之事。穴逢日辰进神值财福，主臻吉庆康宁，则如戊寅日占，得巳穴爻逢财福星也。

**看已形知既往，察过去知未来**——看已往可见之形察吉凶，过去未来之兆，无不验也。

**事与世应互同，可见卦中之体用**——世为体，应为用，有体用发动，系于事体如何也。

**动与日辰相应，方知爻内吉凶**——事与日辰生合者吉，日辰与用冲克者凶。

### 三十、鬼神

**徼福鬼神，乃当今之所尚，禱尔上下，在古昔而皆然。不质正于易爻，亦虚行乎祀典。先看卦内官爻，便知鬼神情状**——官鬼能为祸福，故观此可知其情状也。

**旺神衰鬼，方寓乾巽堪推；阴女阳男，老幼旺衰可决**——凡鬼爻旺相是神，休囚是鬼，阳为神为男，阴为鬼为女。乾宫西北方，巽宫东南方之鬼也。

**若在乾宫，必许天灯斗愿；如居兑卦，定然口怨伤神。坎是北朝，艮则城隍宅土；离为南殿，坤则土地坟陵。震恐神煞杖伤之男鬼，巽必缢死或颠仆之阴人。八卦仔细推详，诸鬼自能显应——此以八卦推之，乾象为天神，在此宫属火，宜许点天灯斗愿类。**

**更值勾陈，必有土神见得；如临朱雀，定然咒诅相侵。白虎血神，玄武则死于不明之鬼；青龙善愿，螣蛇则犯乎施相之人**——此以六神推之。勾陈职专田土，鬼爻临之，乃是土神为祸类。

**金乃伤司，火定灶神香愿；木为枷锁，水为河泊之神**——此以五行推之。金乃刀兵所伤之鬼，旺是伤神，衰是伤鬼类。

**若见土爻当分厥类**——土鬼阴爻是阴土，阳爻是阳土，或从木化是木头土，临应冲世是飞来土，若日月动变者，五方土类也。

**鬼墓乃伏尸为祸，财库则藏神不安**——鬼爻属金，卦有丑动是金墓；妻财属木，卦有未动是木墓。余仿此。

**修造动土，必然煞遇勾陈；口舌起因，乃是土逢朱雀**——此亦土鬼也，如勾陈，必因修造动土以致不安。

**或犯井神，水在初爻遇鬼；或干司命，火临二位逢官；若在门头，须犯家堂部属；如临道上，当求五路神祇。四遇世神，鬼必出门撞见；六逢月合，神须远地相干**——水鬼临于初爻断井神，火鬼临于二爻断司命，如鬼临三爻断家堂，如临五爻断路头五圣，临四爻断出门撞祟，临六爻断远处染邪。

**鬼克身冤家债主，身克鬼妻妾阴人。我去生他，卑幼儿童僧道；他来生我，宗祖尊长爹娘。若无生合克刑，必是兄弟朋友**——此以卦身推之。鬼生卦身为父母，卦身生鬼为子孙，鬼克卦身为

冤仇，卦身克鬼为妻妾，二者比合为兄弟朋友姊妹之鬼。

**刑不善终，绝则无祀**——鬼带刑爻，必非善终之鬼，当以五行所属推其何死鬼；不上卦看伏何爻下，便知是何鬼祟，如伏父下为家先，伏福下为小儿类。

**如临日月，定然新死亡灵**——卦无官鬼而日辰是鬼者，必然新死亡灵为祸。若日辰是鬼，而卦中又有鬼，是近日新许之愿未酬也。

**自入墓刑，决是狱中囚犯**——如未日占卦，得木爻官鬼入墓，必是死于囹圄囚狱之鬼；旺相发动则是庙神。

**旁爻财合，必月下之情人；应位弟生，乃社中之好友**——财爻动合鬼爻，或财化鬼、鬼化财，自相作合者，必与病人私通之人为祸。

**化出鬼爻临玄武，则穿窬之鬼；变成父母遇螣蛇，则魇魅之精**——鬼动化出六亲，即以化出者断，如化兄为朋友、兄弟、妯娌类。若化鬼加玄武，必是盗贼；化父母是伯叔六亲；加螣蛇，乃其家因匠人造作魇魅，以致人口不安；父化官，虽非螣蛇，亦是匠人作弊。

**太岁鬼临，乃祖法之旧例；日辰官并，是口许之初心**——若太岁日辰俱官，则目下许酬祖先例未完。

**持世则来酬旧愿，伏为有口无心；变财乃不了心斋，空则有头无尾**——鬼爻持世，有旧愿宜酬类。

**鬼在宅中居住不稳，官临应上朝向不通**——内卦第二爻为宅若动鬼临之，住宅不安，常有疾病；若应爻临鬼，其宅朝向不利，宜改作为喜。

**兑卦金龙干佛像，坎宫木动犯划舟**——金在兑宫发动，金身佛像；木在坎宫发动，舟楫之象。

**水土交加在乾宫，则三元大帝；火金互动于兑卦，为五道伤官**——三官；天地水三官，乾宫土水互化遇官爻者是也。五道乃刀剑之神，在兑宫互相发动而遇官鬼者是也。

**三空无香火之堂，怪动有不祥之祸**——三爻空，其家不奉香火。怪爻四季月，初六爻是仲月，二五爻是孟月，三四爻是季月。临父母必有怪器，加玄武是盗人之物，凡遇此爻动，虽非鬼爻，必是怪事。螣蛇又动临鬼爻，然后可言妖怪。

**龙遇文书独发，经文可断**——如父母独发，乃祖宗求祀，临青龙则有善愿经文。

**蛇逢官鬼属阴，梦寐难当**——鬼临螣蛇，必有虚惊怪异，若在阴宫阴象则有梦寐，冲克世爻用爻，必梦中所见神祟。

**动入空中值鬼，恐失孝思之礼**——官爻动空化空，皆主先亡中有失祀礼。若在他宫外卦，则是眷中曾会祀礼不设其位。

**静居宅上临木，家停暴露之棺**——本爻官鬼静临二爻，或木鬼伏于父母下，其家必然停柩不安。

## 三十一、出行

**人非富贵，焉能坐享荣华？苟为名利，宁免奔驰道路？然或千里之迢迢，夫岂一朝之跋涉？途中休咎，若个能知？就里灾祥，神灵有准。父为行李，带刑则破损不中；妻作盘缠，生旺则丰盈足用**——出行以父母为行李，旺相多休囚少类，旺空虽有而不多，带刑害破损旧物。妻财为财物本钱类，旺相充满，休囚微少；若从兄弟化出必合本，或是借来非己之物也。

**世若衰弱，哪堪水宿风餐**——世为自己，生旺则健，休囚则倦，所以不堪劳碌于风霜中也。

**应若空亡，难望谋成事就**——应爻为所往之所，最怕空亡，主地头寂寞，谋事难成，不能得意而回。

**间爻安静，往来一路平安**——间爻为往来经历所在，动则途中阻滞；若得安静，则往来平安无阻。临财福动，途中谋望胜于地头。

**太岁克冲，行止终年挠括**——太岁发动冲克世爻，其人出外终年不利，更加白虎凶煞，尤非吉兆也。

**世伤应位，不拘远近总直行；应克世爻，无问公私皆不利**——世克应，是我制他，所向通达，去无阻节；应克世，所向闭塞，更遇动爻日辰刑克，更不吉利。

**八纯乱动到处皆凶**——八纯乃六冲之卦，六爻不和又遇乱动，何吉之有？

**两间齐空独行则吉**——间爻若空，主无阻滞，又为伴侣，若二爻皆值旬空，宜自独行，庶免同伴之累。

**世动订期，变鬼则自投罗网；官临畏宿，化福则终脱樊笼**——世爻不动行期不定，动则期已定矣。世应俱动宜速行。若世动变出鬼爻，去后必遭祸患。或鬼持世，乃是逡巡畏缩，欲行不行之象。鬼化子孙，虽有灾患不足畏也。

**静遇日冲，必为他人而去；动逢间合，定因同伴而留**——世爻安静，遇日辰动爻暗冲者，他人挽去，非为自己谋也，日辰并起合起皆然。若世爻发动，遇日辰动爻合住者，是将行而有羁绊，未能起程；间爻方是同伴羁留。欲断行期，须逢冲日。

**世右逢空，最利九流出往**——世空去不成，强去终难得意，徒劳奔走。若九流艺术及公门等人，是空拳问利，反吉。

**土如遇福，偏宜陆地行程**——卦中火土爻乃是陆路，水木爻是水路。若临财福吉，兄鬼凶。

**鬼地墓乡岂宜践履，财方父向动可登临**——鬼地木乡，财方父向，如自占卜，皆以世位而言。官鬼之方及鬼之墓方、世之墓方并克世之方，此等凶方不可践履；宜往财福之方，为大吉利也。

**官挈玄爻刑克，盗贼惊忧**——官鬼临玄武本是盗贼，若与世爻刑克，不免盗贼之忧。

**兄乘虎煞交重，风波险阻**——兄加白虎及忌神动，或鬼在巽宫，动来克世，皆有风波险阻。

**妻来克世，莫贪无义之财；财合变官，勿恋有情之妇**——财动刑克世爻，恐因财致祸；若世与财爻相合，而财爻变出鬼来刑克者，恐因色致殃。故言“勿贪无义之财”，勿恋可免，于终吉利也。

**父遭风雨之淋漓，舟行尤忌**——父为辛勤劳苦之神，动则跋涉程途，不能安利；刑克世爻，必遭风雨所阻。父为舟，克世行船不利，故尤忌。

**福遇和同之伴侣，谒贵反凶**——子孙持世最吉，主逢好侣，行路平安；若为谒贵而出行则不宜。子动谓之伤官，反不利矣。

**艮宫鬼坐寅爻，虎狼仔细**——艮为山，寅属虎，若艮宫见寅鬼，是虎狼也，若不伤世，与我无害，倘或伤应，即伤他人。

**卦见兄逢蛇煞，光棍宜防**——兄主劫财，若加螣蛇动，必有光棍劫损财物，无制宜防，有制无妨。

**鬼动间中不谐同侣**——鬼在间爻动，若非伴侣不和，即是伴中有病，克世主自有悔。

**兄兴世上我费盘缠**——兄弟爻主耗费资财，持世则多虚费；不临世上，动自他人，损耗我也。

**一卦如无鬼煞，方得如心**——官鬼主祸灾，故不宜见之；即如出现，或得安静或有制伏，纵见无妨。

**六爻不见福神，焉能称意**——子为福德，又为解神，若不上卦或落空亡，不能制鬼，则鬼煞

专权，恐有灾祸。

**主人动遇空亡，半途而返**——隔手来占，须看何人出行，如卜子孙则看子孙，主人者用神也，余仿此。如动遇空亡，行至半路复回；动化退神亦然。

**财旺临月建，满载而归**——出行若得财爻旺临月建，生合持世，不受刑克，定主满载回家。

**但能趋吉避凶，何虑登高涉险。**

## 三十二、行人

**人为名利，忘却故乡生处乐；家无音信，全凭《周易》卦中推。要决归期，但寻主象**——主象者用神也，卜官员看官爻，幼辈看子孙爻，妻奴看财爻，兄弟朋友看兄爻，尊长看父爻，不在六亲之中者看应爻。

**主象爻重身已动，用爻安静未思归**——主象即用爻也，动则行人已行；如用爻安静又无日辰动爻冲并者，安居异乡未起归念。

**克速生迟，我若制他难见面**——用动克世或世落空亡，人必速至；生合世爻人必归迟；最忌世爻动克用爻，乃未能归也。

**三门四户，用如合世即回家**——三四爻为门户，临用爻动，归程已近；而用爻又无制伏，动来生合世爻者，可立而待也。

**动化退神，人既来而复返**——用爻若化进神，行人急回不日望；化退神，行人虽来仍返，或又往处。既来而复返者，总言不能归也。

**静生世位，身未动而怀归**——六爻安静人不思归，若用爻生合世爻，身虽未动已起归意。

**若遇暗冲，睹物起伤情之客况**——用爻安静，本无归意，若遇日辰冲动，必然睹物思乡，将

欲回家。倘月建动爻克之，亦难起程也。

**如逢合住，临行有尘事之羁身**——用神发动本是归象，若遇动爻日辰合之，因事绊住不得归来，须待月日冲之可到，远断年月，近断日时。

**世克用而俱动，转往他方**——不宜世克用爻，若安静受克者，原在旧处；若发动人已起程；如被动世克之，而用爻亦动者，则转往他处。

**用比世皆空，难归故里**——世爻旬空者速至，如用爻亦值旬空，纵世空而不能来也。不可一概而言，故曰“用比世而皆空，难归故里”。

**远行最怕用爻伤，尤嫌入墓**——凡卜远行，若用神出现不受伤克，不值旬空月破，主在外吉利，归迟无妨；若逢墓绝及日月动爻变刑克，皆主不吉。

**近出何妨主象伏，偏利逢冲**——近出若用爻伏藏，必因事故不归，值日便到；若安静，至冲动日到；如旬空安静，至出旬逢冲日到。

**若伏空乡，须究卦中之六合**——用神若伏不空之飞爻下，须待冲飞之日可来；如伏空爻之下，得日辰动爻合之即出。速则当日来，迟则值日到。

**如藏官下，当参飞上之六神**——用爻伏于官爻下，必为凶事所羁，临勾陈跌仆损伤，临螣蛇勾连惊恐，临白虎或官鬼属土卧病不归，临玄武盗贼所阻，或贪色不归。其余下文引证类推之。

**兄弟遮藏，缘是非而不返**——用爻伏于兄弟下，必因赌博，加朱雀是口舌争斗，临白虎为风波所阻。

**子孙把持，由乐酒而忘归**——用爻伏于子孙下，必为游乐饮酒，不然因僧道，或六畜，或子孙幼辈之阻，不得归也。

**父为文书之阻滞**——用爻伏于父爻下，必为文书阻节，或因尊长、手艺人拘留。

**财因买卖之牵连**——用爻伏于旺财下，必为经营买卖得利忘家；财若空亡或遇兄动，多因折本；若加咸池，定然恋色而忘归。

**用伏应财之下，身赘他人**——用爻伏于应位阴财之下，必赘他人；若临阳象生合世身，必代他人掌财不返。

**主投财库之中，名留宦室**——用爻伏于财库下，其人必在富家掌财；伏神如遇墓绝，则是依傍度日耳。

**五爻有鬼，皆因途路之不通**——用爻伏于五爻官鬼之下，必因关津不通而阻也。

**一卦无财，只为盘缠之缺乏**——卦中动变日月皆无财爻者，为无路费不归。

**墓持墓动，必然卧病呻吟**——用爻如墓化墓，或持鬼墓，或伏于鬼墓爻下者，皆主卧病不回；若伏官爻下或临白虎，必在狱中，非病也。

**世合世冲，须用遣人寻觅**——用爻安静而世动冲起之，合起之，用爻伏藏世去提起，若用爻入墓世去破墓，皆宜自去寻觅方回。

**合逢玄武，昏迷酒色不思乡**——或用临玄武动而遇财爻合住，或用伏玄武财下，皆主贪花恋色不思乡也。等冲破合爻，庶可归来；若用伏玄武鬼下，而财爻不相合者，其人在外为贼未归也。

**卦得游魂，漂泊他乡无定迹**——游魂卦用爻发动，行人东奔西走不在一方；游魂化游魂，行迹不定；游魂化归魂，游遍方归。

**日并忌兴休望到，身临用发必然归**——忌神临身世或日辰克用，皆主不归；若得用临身世，出现发动或持世动，立可望归。

**父动卦中，当有鱼书之寄**——凡占书信，卦有父母爻动，主有音信寄来。

**财兴世上，应无信之来**——独占书信，以父母爻为用神，若世持财动则克父矣，故无雁信之来也。

**欲决归期之远近，须详主象之兴衰**——断归期，全在合待冲、冲待合、空待出旬、破待补合、绝待逢生、墓待冲开等法，当以如是推详。要知远近，兼决于兴衰。

**动处静中，含蓄许多凶吉象；天涯海角，羁留多少利名人。**

### 三十三、舟船

**凡卜买船，断同船户**——凡卜买船与雇船，断法相同；如舟子自卜，当以船家宅断之，又非此断法也。

**六亲持世，可推新旧之由**——凡推船之新旧，当以六亲持世决之，财福是新，父母是旧，兄弟是半新旧，官鬼多灾惊。兼以衰旺决之。

**诸鬼动临，可识节病之处**——金鬼钉少，土鬼灰少，木鬼有缝，水鬼有漏，火鬼有燥裂。

**初二爻为前仓，要持财福；五六爻为后舵，怕见官兄**——初二爻为前仓，三四爻为中仓，五六爻为后舵。

**爻作梢公，不宜伤克**——卜船以父母为舟船，卜驾撑以父母爻为梢公。要旺相生合世爻为吉，如发动伤克世爻，为凶。

**龙为舟尾，岂可空刑**——青龙为船尾，临财旺动，持世生合世，皆主利益称意。

**螣蛇辨索缆之坚牢**——螣蛇为索缆，休囚值旬空则枯烂，旺相持吉神则坚牢。

**白虎为帆樯之顺利**——白虎属风，故取为风帆，若生旺带财福吉神，动持生合身世，则船有好帆，使风顺快；若白虎带凶鬼恶煞，旺动克害世身，或卦得反吟，主遭失风倾覆之患。

**六爻皆吉不伤身，四海遨游无阻滞**——六爻生合财福吉神，又生旺持世持身，动爻又不来伤克，则无往不吉，虽远游于五湖四海，亦皆顺利也。

## 赋文三篇

### 一、何知章

何知人家父母疾？白虎临爻兼刑克；何知人家父母殃？财爻发动煞神伤；  
 何知人家有子孙？青龙福德爻中论；何知人家无子孙？六爻不见福德临；  
 何知人家子孙疾？父母动爻来相克；何知人家子孙灾？父母当临福德来；  
 何知人家小儿死？子孙空亡加白虎；何知人家兄弟亡？用落空亡白虎伤；  
 何知人家妻有灾？虎临兄弟动伤财；何知人家妻有孕？青龙财临添喜神；  
 何知人家有妻妾？内外两财旺相决；何知人家损妻房？财爻带鬼落空亡；  
 何知人家讼事休？空亡官鬼又休囚；何知人家讼事多？雀虎持世鬼来扶；  
 何知人家旺六丁？六亲有气吉神临；何知人家进人口？青龙得位临财守；  
 何知人家大豪富？财爻旺相又居库；何知人家田地增？勾陈入土子孙临；  
 何知人家进产业？青龙临财旺相说；何知人家进外财？外卦龙临财福来；  
 何知人家喜事临？青龙福德在门庭；何知人家富贵昌？临财旺福青龙上；  
 何知人家多贫贱？财爻带耗休囚见；何知人家无依倚？卦中福德落空死；  
 何知人家灶破损？玄武带鬼二爻困；何知人家锅破漏？玄武入水鬼来就；  
 何知人家屋宇新？父入青龙旺相真；何知人家屋宇败？父入白虎休囚坏；  
 何知人家墓有风？白虎空亡巽巳攻；何知人家墓有水？白虎空亡临亥子；  
 何知人家无香火？卦中六爻不见火；何知人家无风水？卦中六爻不见水；  
 何知人家两灶户？卦中必主两重火；何知人家不供佛？金鬼爻落空亡决；  
 何知二姓共屋居？两鬼旺相卦中推；何知一家有两姓？两重父母卦中临；  
 何知人家鸡乱啼？螣蛇入酉不须疑；何知人家犬乱吠？螣蛇入戌又逢鬼；  
 何知人家见口舌？朱雀持世鬼来掇；何知人家口舌到？卦中朱雀带木笑；

何知人家多争竞？朱雀兄弟推世应；何知人家小人生？玄武官鬼动临身；  
何知人家遭贼徒？玄武临财鬼旺扶；何知人家灾福至？鬼临应爻来克世；  
何知人家痘疹病？螣蛇爻被火烧定；何知人家病要死？用神无救又入墓；  
何知人家多梦寐？螣蛇带鬼来持世；何知人家出鬼怪？螣蛇白虎临门在；  
何知人家人投水？玄武入水煞临鬼；何知人家有吊颈？螣蛇木鬼世爻临；  
何知人家孝服来？交重白虎临鬼排；何知人家见失脱？玄武带鬼应爻发；  
何知人家失衣裳？勾陈玄武入财乡；何知人家损六畜？白虎带鬼临所属；  
何知人家失了牛？五爻丑鬼落空愁；何知人家失了鸡？初爻带鬼玄武欺；  
何知人家无鸡犬？酉戌二爻空亡倦；何知人家人不来？世应俱落空亡排；  
何知人家宅不宁？六爻俱动乱纷纷。仙人造出何知章，留与后人作饭囊，  
祸福吉凶真有验，字字句句细推详。

## 二、妖孽赋

乾蛇鬼，巳冲刑，蓬火赤脚夜惊人，化猪化马作妖精，多拮据，宅不宁，匿钗懒镜损人丁。

坎蛇鬼，午来冲，没头没尾成何用？黑而矮，又无踪，沱浆弄水空声哄。

艮蛇鬼，若遇申，妖声似犬夜嘿嘿，空中常拍手，家鬼弄家人，狗作怪，家业倾，抛砖弄瓦何曾定？

震蛇鬼，酉冲刑，空中椅桌动闻声。踢踏响，似人行，大蛇常出现，窑器响惊人，桶箱作孽人丁病。

巽蛇鬼，亥又冲，鸡声报煊火，鬼怪起狂风，缢死之鬼扰虚空，床下响，及房中。

离蛇鬼，子来刑，锅釜作妖声，空中忽见火光焰，红衣者，是何人？年深龟鳖已成精。

坤蛇鬼，冲遇寅，锅灶上，作妖精，似牛叹气，似亡人虚黄，大肚鬼，出现不安宁。

兑蛇鬼，受卯刑，空中叹气重而轻，羊出现，嘴瓶，骨殖若暴露，刀石更成精，移南换北动亡魂。

## 三、搜鬼论

子——作怪鼠咬住，黄昏忌火灾，小儿夜里叫，檐前祸鬼催。

丑——古墓西北方，牛栏又接仓，开土有坟穴，伏尸夜作殃。

寅——蛇虎来作怪，六畜血财亡，人口有病患，急须保安康。

卯——隔墙带血鬼，作灾母病床，破伞并橱柜，及有死人床。  
 辰——鸡犬灶中杀，神庙不烧香，移犯神龙位，有祸小儿郎。  
 巳——买得旧衣裳，亡人身上物，作怪蛇入屋，防损猪牛羊。  
 午——作怪鼠咬屋，不觉火烧裳，急遣白虎去，人口却安康。  
 未——小儿奴婢走，甑叫沸锅汤，外来门与厨，在家作祸殃。  
 申——客亡鬼入屋，作怪在家堂，黄昏鸡啼叫，枯木破风霜。  
 酉——家有鼠咬柜，灯架不成双，灶有三处损，咒诅一女娘。  
 戌——飞禽来入屋，遗粪污衣裳，灶破并锅漏，神灯被鼠伤。  
 亥——公婆归尘土，从来不装香，小儿秽触犯，引鬼作怪殃。

## 十八问答附占验

### 第一问 三传克用

第一问：三传（年、月、日）克用，有一爻动来生，有一爻动来克，亦谓贪生忘克乎？答曰：寡固不可敌众也，即如一爻生一爻克，又有自克，皆不宜也，何况三传助克乎？又问：月克日生、日克月生，如何？答曰：匹也，再看动出一爻生，是生，动出一爻克，是克也。

辰月丙申日，占弟病业已临危，得既济之革卦：

|| 兄弟子水 应

/ 官鬼戌土

X 父母申金              兄弟亥水

/ 兄弟亥水 世

|| 官鬼丑土

/ 子孙卯木

断曰：此卦亥水兄弟为用神，辰月克之，申日生之，又得申金动爻生之，临危有救。果于本日酉时得名医救治，亥日痊愈。

午月丁未日，占弟被讼吉凶如何，得困之恒卦：

|| 父母未土

○ 兄弟酉金              兄弟申金

/ 子孙亥水 应

X 官鬼午火 兄弟酉金

/ 父母辰土

|| 妻财寅木 世

断曰：酉金兄弟为用神，午月克之，未日生之，似可相敌；但动出午火月建相克，大凶之象。彼问：凶在何时？答曰：今岁辰年太岁相合是无妨，化退神于申，恐危于午年申月。果至午年申月而被重刑。

午月戊辰日，占妹临产吉凶，得晋卦：

/ 官鬼巳火

|| 父母未土

/ 兄弟酉金 世

|| 妻财卯木

|| 官鬼巳火

|| 父母未土 应

断曰：酉金兄弟为用神，月克日生许之无碍，明日卯时必生，母子平安。应卯时者，酉金与辰日相合也。《黄金策》云：“若逢合住必待冲开”，此月克日生，无增生克也。

巳月乙未日，一人占自病，得大过之鼎卦：

X 妻财未土 子孙巳火

O 官鬼酉金 妻财未土

/ 父母亥水 世

/ 官鬼酉金

/ 父母亥水

|| 妻财丑土 应

断曰：世爻亥水为用神，未土动来克世，酉金动来生世，是谓贪生忘克，化凶为吉矣！但不宜日辰来克，又逢月冲，虽有酉金原神发动相生，如树无根不起也。果卒于卯日。应卯日者，冲去原神之日，忌神共来克也。

申月戊子日占坟地，得剥卦：

/ 妻财寅木

|| 子孙子水 世

|| 父母戌土

|| 妻财卯木

|| 官鬼巳火 应

|| 父母未土

断曰：日辰子孙持世，月建生之。青龙戏水，水必从左绕，穴必近大水，不然长流之水到堂。白虎临卯木，子卯刑中带生，是临财爻为无碍。应为朝山属火，被世克，朝山不高；世前戌土为对案，土克世，对案略高。彼曰：一一皆是，葬后未出三年，二子皆废科甲。

## 第二问 回头之克

第二问：何以谓之回头克？克者有吉凶乎？答曰：土爻动而变木，木爻动而变金，金爻动而变火，火爻动而变水，水爻动而变土，此是爻之回头克也。乾兑卦之离、离之坎、坎之艮坤、艮坤之震巽，震巽之乾兑，此是卦之回头克也。凡遇回头克者，彻底克尽。原用二神遇之则凶，忌仇二神遇之反吉也。

卯月癸亥日，占家宅人口平安否，得需之乾卦：

X 妻财子水            兄弟戌土

/ 兄弟戌土

X 子孙申金 世      父母午火

/ 兄弟辰土

/ 官鬼寅木

/ 妻财子水 应

断曰：申金子孙持世，午火化回头之克，乃自身及子孙皆受克也。子水财爻化戌土回头之克，财为妻妾奴仆，一家受克之卦。后至午月火旺克世，助土克财，财逢月破，一家数口被回禄，俱死。

寅月辛酉日占开店，得艮之明夷卦：

○ 官鬼寅木 世      子孙酉金

|| 妻财子水

|| 兄弟戌土

/ 子孙申金 应

|| 父母午火

X 兄弟辰土 官鬼卯木

断曰：世临寅木得令当时，目下开张可许，独嫌日主克世，又化回头之克，鬼临世爻，须防疾病，至六月世入墓时当防。果至六月病，至八月店中财物被伙计盗尽，鸣之于官。

申月戊午日，一人占自入病，问过得今年否，得遁之姤卦：

/ 父母戌土

/ 兄弟申金 应

/ 官鬼午火

/ 兄弟申金

X 官鬼午火 世 子孙亥水

|| 父母辰土

断曰：世爻午火临日辰，可称旺相，但不宜申月建生助亥水回头一克。此人至亥月戌日而故。应亥月者，午火乃日辰之火，彼时亥水不得令不敢克也；戌日者，火库在戌也。

卯月乙未日，一人占卖货，得家人之小畜卦：

/ 兄弟卯木

/ 子孙巳火 应

|| 妻财未土

/ 父母亥水

X 妻财丑土 世 兄弟寅木

/ 兄弟卯木

断曰：丑土财爻持世，卯月克之，未日冲之，谓之散。又化寅木回头之克，不独财被克，而世亦遭伤矣。后至未月世值月破，回禄伤身而死。

酉月丙寅日占何日雨，得升之师卦：

|| 官鬼酉金

|| 父母亥水

|| 妻财丑土 世

/ 官鬼酉金 子孙午火

/ 父母亥水

|| 妻财丑土 应

断曰：亥水父爻为用神，值旬空，酉金官鬼爻是原神，午火化回头之克，旬内不雨，至子日有几点小雨。应于子日者，冲午火仇神故也；小雨者，旬空无根也。

卯月戊辰日，一人占父官事，得萃之同人卦：

X 父母未土 父母戌土

/ 兄弟酉金 应

/ 子孙亥水

X 妻财卯木 子孙亥水

|| 官鬼巳火 世

X 父母未土 妻财卯木

断曰：外卦未土，卯月克之，况土值春令气败，又会成亥卯未木局克之，全无救助，必至重罪。后果斩。

巳月丁亥日，一人占仆何日回，得夬之履卦：

X 兄弟未土 兄弟戌土

/ 子孙酉金 世

/ 妻财亥水

○ 兄弟辰土 兄弟丑土

/ 官鬼寅木 应

/ 妻财子水

断曰：亥水财爻为用神，亥水虽是日建，不谓月破，但不宜重重土动伤之。谚云“双拳不敌四手”，不独难望归期，还防途中不测。后至午月火旺合未助土时，中途遇害矣！

午月丙寅日，一人占自病，得离之坎卦：

○兄弟巳火	世	官鬼子水
X 子孙未土		子孙戌土
○妻财酉金		妻财申金
○官鬼亥水	应	兄弟午火
X 子孙丑土		子孙辰土
○父母卯木		父母寅木

断曰：离火化坎水，乃卦变回头之克；巳火世爻化出子水回头之克，名为反吟卦。今午月火旺之时，日主生扶，近来无碍，冬令防之。后果死于戌月丁亥日。应戌月者，世入墓之月也；亥日者冲克之日也。

卯月乙酉日，一人占索房价，得坎之坤卦：

兄弟子水	世	
○官鬼戌土		兄弟亥水
父母申金		
妻财午火	应	
○官鬼辰土		妻财巳火
子孙寅木		

断曰：坎卦变坤，亦是卦变回头之克，世爻虽得日生，不宜两重土动来伤，此卦甚凶，不但房价事小，宜防不测之祸。后果于午月覆舟而亡。应于午月者，辰戌土鬼出春令，遇火增威，世临月冲也。此占房价验在其命，乃神之预报其凶，占此获彼，占轻验重也。

申月戊辰日占具题，得中孚之损卦：

/ 官鬼卯木		
○父母巳火		妻财子水
兄弟未土	世	
兄弟丑土		
/ 官鬼卯木		
/ 父母巳火	应	

断曰：五位巳火生世，化子水回头克，不宜具题。问曰：有害否？予曰：巳火虽不能生，幸卦中无动爻克世，利害皆无。后题而果不准行。

寅月丁巳日占虑大计，得旅之明夷卦：

○兄弟巳火 妻财酉金

|| 子孙未土

○妻财酉金 应 子孙丑土

/ 妻财申金

|| 兄弟午火

X 子孙辰土 世 父母卯木

断曰：子孙持世化回头之克，但嫌世位临之，世为自己不宜受克，虽有金局生扶，伏官难称无恙。后果削职。

### 第三问 生用神者

第三问：生用神者为原神，本主吉，吉中亦有凶者乎？答曰：原神动来生用，用神出现旺相者，其吉更倍也。如用神旬空衰弱或伏藏现，待用出旬得令值日，所求必遂也。如用神旺相，原神休囚不动，或动而变克变绝变墓，月破日冲，或仇神动克原神，或被日月相冲，或化退神，皆不能生用，则用神根蒂被伤，不唯无益，反而有损矣！

申月戊辰日，妻占夫近病，得同人之离卦：

/ 子孙戌土 应

○妻财申金 子孙未土

/ 兄弟午火

/ 官鬼亥水 世

|| 子孙丑土

/ 父母卯木

断曰：世爻亥水夫星墓于辰日，其病若论随鬼入墓，岂不凶乎？幸申金原神动来生用，又化出未土生助原神，又戌土暗动生助原神，是夫星根蒂固深，所嫌亥水旬空不受其生，必待巳日冲起亥水即愈。果己巳日痊愈也。

卯月甲寅日占风水，得困之节卦：

||父母未土

/ 兄弟酉金

○子孙亥水 应 兄弟申金

||官鬼午火

/ 父母辰土

X妻财寅木 世 官鬼巳火

余曰：占祖茔必有他故，葬后因何事不亨？今日何事而问，明以告我方敢决断。彼曰：自葬后被论而归，年近五旬尚无子息，是以卜此坟有何碍否？余曰：六合化合风藏气聚，但嫌亥水申金被日辰冲之，申乃水之原神，必然源流水归漕之故耳。若使水归漕不至旁流，巳年再拜丹墀，申年生子。后果验。应巳年起用者，世上寅木化出官星之年也；申年生子者，亥水子孙化出申金回头生之年也。

丑月戊子日，一人自占近病，得同人之旅卦：

/ 子孙戌土 应

○妻财申金 子孙未土

/ 兄弟午火

/ 官鬼亥水 世

||子孙丑土

○父母卯木 子孙辰土

断曰：占自病，世为用神，世爻亥水子日拱之，又得申金原神动来生世，乃不死之症。唯嫌申金化出未土，乃是月破旬空，则原神无根矣。目下无碍，恐危于春月。至立春日果死。应正月死者，申金原神亦逢月破，春月木旺，未土又被克也。

寅月乙丑日子占父病，得升之师卦：

||官鬼酉金

||父母亥水

||妻财丑土 世

○官鬼酉金          子孙午火

/ 父母亥水

|| 妻财丑土    应

断曰：亥水父爻为用，虽值旬空，有酉金原神动来生之，可许无碍，但不宜酉金化出午火回头一克，此乃原神被伤，用身无根矣。此人果死于卯日卯时。应卯日卯时者，生助午火冲克原神也。

## 第四问 三合成局

第四问：三合八卦成局，何以断之？答曰：原用二神局则吉，忌仇二神局则凶。成局者结党也，卦中动爻虽敢制之，如三爻齐发合成用神局，必有一爻用神；合成原神局，必有一爻原神，合成仇忌局必有一爻仇忌，宗其一爻有病关因者断之。或遇日冲者曰暗动（此言静而日冲），日填实（此言动空日辰而冲之），日破（此言月建冲也）。但其冲破也，必待相合之期至而应事之吉凶。如一爻静二爻发者，必待一爻静者值日应事。如一爻静而逢空者，或动而逢空者，或化而逢空者，待其出空之期应事之吉凶。如空而逢合，静而逢合，动而合者，必待冲期至而应事之吉凶。如自化合或与日合，如自化墓或墓于日者，必待期冲（此言三爻齐发二爻无病，指自化者言也）。如自化绝或绝于日者，必待期生（亦指一爻有病者而言也）。

卯月丁巳日，两村庠水斗殴，得离之坤卦：

○兄弟巳火    世      妻财酉金

|| 子孙未土

○妻财酉金          子孙丑土

○官鬼亥水    应      父母卯木

|| 子孙丑土

○父母卯木          子孙未土

断曰：内为我村，外为彼相，内卦亥卯未为木局，外卦巳酉丑为金局。金来克木，幸衰金不克旺木，又日主制金，不足畏也。况六冲化六冲不至为非，其事即散。果验。合成内外两局，即彼我之分，不动不成局，即看世应。今且人众同心，彼我合局，神之妙用也。

巳月丁酉日，占递呈图谋补缺，得乾之需卦：

○父母戌土    世      子孙子水

/ 兄弟申金

○官鬼午火 兄弟申金

/ 父母辰土 应

/ 妻财寅木

/ 子孙子水

断曰：寅午戌之合官局生世，此缺必得，内少寅字发动，须待寅日递呈可也。后果验。此虚一待用也。

寅月丙辰日占选期，得乾之小畜卦：

/ 父母戌土 世

/ 兄弟申金

○官鬼午火 父母未土

/ 父母辰土 应

/ 妻财寅木

/ 子孙子水

断曰：此卦戌爻暗发，寅爻如明动者，必以午火官星化未土作合，合待冲开；今不然，以午火明动、戌土暗动三合官局，独少寅动，借寅月建补戌三合，本月必选。果验。此亦虚一补用也。

辰月丁亥日占辨复，得萃之革卦：

|| 父母未土

/ 兄弟酉金 应

/ 子孙亥水

X 妻财卯木 子孙亥水

|| 官鬼巳火 世

X 父母未土 妻财卯木

断曰：巳火官星持世，临驿马暗动，辨复在即。内卦亥卯未合财局，原神生也，因于未土旬空，必待未月定蒙题允，即得美缺。后果验。未月者，实空之月也。

丑月己卯日占父急病，得乾之贲卦：

/ 父母戌土 世

○兄弟申金 子孙子水

○官鬼午火 父母戌土

/ 父母辰土 应

○妻财寅木 父母丑土

/ 子孙子水

断曰：世爻戌土父母为用，近病不宜日合，幸寅午戌合成火局生用，大象无妨。但戌爻被合，必待明日辰时，合逢冲而病愈也。果验。

丑月戊午日占婢病，得离之明夷卦：

○兄弟巳火 世 妻财酉金

|| 子孙未土

○妻财酉金 子孙丑土

/ 官鬼亥水 应

|| 子孙丑土

/ 父母卯木

断曰：卯木父母爻为用神，外卦巳酉丑合成金局克之，日合丑土，旬空内无妨，乙丑日防之。果于丑日酉时卒。应于丑日者，出旬之日也。

未月戊申日，占子何日归，得睽之鼎卦：

/ 父母巳火

|| 兄弟未土

/ 子孙酉金 世

X 兄弟丑土 子孙酉金

/ 官鬼卯木

○父母巳火 应 兄弟丑土

断曰：卦内巳酉丑合成金局作用神，丑土系月破，必待立秋后甲子日到家。后果验。此应立秋后者，丑土月破，出旬则出破矣。果于甲子日归，此其破而逢合也。

巳月丙申日，占父何日归，得大畜之乾卦：

/ 官鬼寅木

X 妻财子水 应 子孙申金

X 兄弟戌土 父母午火

/ 兄弟辰土

/ 官鬼寅木 世

/ 妻财子水

断曰：寅午戌三合父局，独有寅字日冲，又绝于申日，己亥日必归。果验。己亥日到者，此冲中逢合也，绝处逢生也。

丑月戊辰日占防参劾，得井之中孚卦：

X 父母子水 兄弟卯木

/ 妻财戌土 世

|| 官鬼申金

O 官鬼酉金 妻财丑土

/ 父母亥水 应

X 妻财丑土 子孙巳火

此公因新换抚军，防其参劾，予曰，此卦甚奇，世空逢日冲不为空矣，世不受克而暗动，虽无参论，离任不免。彼曰：既无参论，如何离任？予曰：世爻暗动必主动摇，内卦合金局生应，果知此位已属他人矣。后因裁他处，缺上台题留他处官顶此公位，将此公赴京另补。此亦少见少闻之事，知我者唯神明也。

寅月戊午日，占地造葬可否，得颐之无妄卦：

/ 兄弟寅木

X 父母子水 官鬼申金

X 妻财戌土 世 子孙午火

|| 妻财辰土

|| 兄弟寅木

/ 父母子水 应

断曰：世爻戌土春天休囚，化午火子孙回头之生，日辰月建共成三合，青龙临水化申长生，水源极远，必从左首而来；但化月破，戌土日辰冲散，此水有时干否？彼曰：正是。予曰：无妨，卦日月世与子孙共成三合，自然亡者安生者乐，葬之必发。辰年下葬，酉年孙中亚魁，子年次孙又登乡榜。

巳月甲辰日，占何日雨止，得鼎之睽卦：

/ 兄弟巳火

|| 子孙未土 世

/ 妻财酉金

○ 妻财酉金                  子孙未土

/ 官鬼亥水 应          ( 伏父母卯木 )

X 子孙丑土                  兄弟巳火

断曰：若执古法，父伏空无雨，财福动晴明。今不然，巳酉丑合成财局克父，父若不空受其克，是无雨也，今伏而又空，谓之避克，其雨不能止，必待卯日出透出空被克，方可雨止。后至申寅日其雨更大，卯日大晴。其寅日虽出空，而寅未载卦中，不受其克，果大雨也。

酉月辛卯日，占妻财去摇会可得否，得恒之蛊卦：

X 妻财戌土 应          兄弟寅木

|| 官鬼申金

○ 子孙午火                  妻财戌土

/ 官鬼酉金 世

/ 父母亥水

|| 妻财丑土

断曰：若执古法财动福生，此会必得也，今不然。应上之财非财也，乃邻友之妻也，寅午戌合成火局生应克世，卯月合应冲世，是谓出现无情于我，会局有情于他，必邻人之妻得会也。果验。

## 第五问 反吟之凶

第五问：反吟之凶有轻重分别乎？答曰：凡得反吟卦，用神不变冲克者，事虽主反复，亦主事就，最嫌用神化冲克者，凡谋大凶。

卯月壬申日，占随官上任如何，得比之井卦：

|| 妻财子水 应

/ 兄弟戌土

|| 子孙申金

X 官鬼卯木 世 子孙酉金

X 父母巳火 妻财亥水

|| 兄弟未土

断曰：世临卯木化酉金克冲，内卦乃爻之反吟也，此行不吉，不去为上。后因官府掣签得缺，近于贼营；辞而不去，及至官府去后，又因他事而去，至七月城破，与官府一同被害。盖与官同被害者，世上官爻向受酉金之冲克也；不去而又去者，此内卦反吟之故也。

卯月乙亥日占升选，得临之中孚卦：

X 子孙酉金 官鬼卯木

X 妻财亥水 应 父母巳火

|| 兄弟丑土

|| 兄弟丑土

/ 官鬼卯木 世

/ 父母巳火

断曰：世临卯木月建，官星得长生于日，世与官星同临旺地，许彼升任。果于本月报闻，由江西升任山东。未及一载复任江西，此外卦之反吟，去而复返也。

未月丁巳日，占嫂复病吉凶如何，得剥之坤卦：

○ 妻财寅木 兄弟酉金

|| 子孙子水 世

|| 父母戌土

|| 妻财卯木

|| 官鬼巳火 应

|| 父母未土

断曰：外卦艮变坤，乃卦之反吟也，明是病愈而复病也。但不宜寅木用神化酉金回头之克，又墓于未月，日辰刑之，此病危于申日，果验。

巳月戊申日，占往前处脱贷有利否，得小畜之乾卦：

/ 兄弟卯木

/ 子孙巳火

X 妻财未土 应 子孙午火

/ 妻财辰土

/ 兄弟寅木

/ 父母子水 世

断曰：小畜卦变乾，是卦之反吟也。所喜世与财爻长生于日，指此处占，以应爻作地头，临午火回头生合，比前利息更倍。后此人往返三次，俱得倍利。

卯月戊子日占坟地，得巽之升卦：

○ 兄弟卯木 世 官鬼酉金

○ 子孙巳火 父母亥水

|| 妻财未土

/ 官鬼酉金 应

/ 父母亥水

|| 妻财丑土

断曰：世为穴，临月建，子日生之，是为吉地，但不宜爻变反吟，子孙与世皆化克冲，不可葬。彼曰：重价已成久矣，地师皆称美地。后竟葬之，四年内二子一女并自身相继而卒。

## 第六问 伏吟之凶

第六问：伏吟之凶有轻重分别乎？答曰：伏吟者，忧郁呻吟之象，内卦伏吟内不利，外卦伏吟外不利，凡占皆不如意，动如不动、懊恼呻吟。占名，久困宦途淹留仕途，占利本利消失，占坟墓宅舍，欲迁不能，守之不利，婚姻难就，官司兜搭，出行有阻，如问行人恐他在外忧郁，如占彼此之势，内则我心不遂，外则他意难安。欲问吉凶，研究用神生克；要知祸福，须详用忌伏吟。

申月乙卯日，占兵到一家当避何处，得无妄之大壮：

○妻财戌土            妻财戌土

○官鬼申金            官鬼申金

/ 子孙午火    世

X 妻财辰土            妻财辰土

X 兄弟寅木            兄弟寅木

/ 父母子水    应

断曰：内外伏吟，忧郁未解，所喜世爻午火子孙为自己，应爻子水作父母，月建生应，日辰生世，世应安静，父母与自己无碍。最嫌寅木兄弟爻伏吟，又是月破，昆仲有厄。彼曰：我父母在西方舍亲家，得无妨否？答曰：西方属金，生扶父母，万无疑矣。收自己宜避于东方，东方木能生火，兄弟妻仆俱从汝走，子孙持世，可保无虞。彼回即领家眷往东方去，后来复我曰平安，唯其弟牵念父母往探之，行至半途遭害矣！

申月甲午日，占父在任平安否，得姤之恒卦：

○父母戌土            父母戌土

○兄弟申金            兄弟申金

/ 官鬼午火    应

/ 兄弟酉金

/ 子孙亥水

|| 父母丑土    世

断曰：独嫌外卦伏吟，任上必有事，故不得已而呻吟也。彼曰：地方苗獠之变可有碍否？答曰：日辰生父，他事无虞。又问今年归否？答曰：伏吟欲归而不得，来年辰月平静当裁缺，午月复补。此应辰月裁缺者，戌父伏吟又逢破也；应午月复补者，日辰官星帮比生用，得时而旺也。

寅月乙卯日，客在外占家中安否，得无妄之乾卦：

/ 妻财戌土

/ 官鬼申金

/ 子孙午火    世

X 妻财辰土            妻财辰土

X 兄弟寅木      兄弟寅木

/ 父母子水    应

断曰：内卦为家中，已是伏吟，恐有变异呻吟之事出。彼曰：当主何事？答曰：寅月卯日共来克辰土财爻，恐是妻妾奴婢事耳。

是日其人又占妻在家安否，得豫之否卦：

X 妻财戌土      妻财戌土

X 官鬼申金      官鬼申金

/ 子孙午火    应

|| 兄弟卯木

|| 子孙巳火

|| 妻财未土    世

断曰：戌土财爻又是伏吟，月日相克，令妻必有大危。彼曰：应在何时？答曰：日辰合戌，月下虽寅卯皆克，可许无妨，交辰月伏吟又逢月冲，必难逃矣！果于三月乃妻去逝矣！

## 第七问 爻遇旬空

**第七问：爻遇旬空，断乎到底全空，却应乎填实，欲断作不空，却又到底空，何也？答曰：无生有克者到底空也，有生无克者待时用也。卦之最凶者，喜用爻旬空；卦之最善者，忌用爻之旬空。**

巳月戊戌日占求财，得益卦：

/ 兄弟卯木    应

/ 子孙巳火

|| 妻财未土

|| 妻财辰土    世

|| 兄弟寅木

/ 父母子水

断曰：辰土财爻持世，因值旬空，戌日冲之，谓之冲空则起，本日即得。果验。应于本日者，戌日亦是财星冲我也。此冲空有用是也。

亥月甲子日，占仆何日回，得革卦：

|| 官鬼未土

/ 父母酉金

/ 兄弟亥水 世

/ 兄弟亥水 (伏午火妻财)

|| 官鬼丑土

/ 子孙卯木 应

断曰：伏午火财为用神，被日月之克问其吉凶否？凶也。今问何日回，世空者迟至，忌神旬空待冲，旬内必到，乙巳日必回。后果验。验于巳日者，巳火亦是财星耳，冲其飞而露其伏也。《黄金策》云：“空下伏神易于引拔”，此即是矣。

申月丁卯日，占见贵求财，得同人卦：

/ 子孙戌土 应

/ 妻财申金

/ 兄弟午火

/ 官鬼亥水 世

|| 子孙丑土

/ 父母卯木

断曰：亥水官星持世旬空，出旬亥日必见；月建财爻生世，财利如心。果验。此出空待用也。

子月癸酉日，一人自占婚，得恒之鼎卦：

X 妻财戌土 应 子孙巳火

|| 官鬼申金

/ 子孙午火

/ 官鬼酉金 世

/ 父母亥水

|| 妻财丑土

断曰：世官应财乃云得地，今戌土财爻旬空，化巳火回头之生，动生不空，次日求之必允也。果于次日巳时允婚。

午月癸丑日，占妻病何日愈，得萃之比卦：

|| 父母未土

/ 兄弟酉金 应

○ 子孙亥水 兄弟申金

|| 妻财卯木

|| 官鬼巳火 世

|| 父母未土

断曰：卯木财爻为用神，值旬空，有亥水原神相生，次日必愈。旁有人曰：卯爻旬空宜断卯日，何言寅日？予曰：汝不知其法，交甲寅日卯木已出空矣，寅木亦是用星耳。果先愈一日，应甲寅日也。

寅月庚戌日，占子病何时愈，得姤之无妄卦：

/ 父母戌土

/ 兄弟申金

/ 官鬼午火 应

○ 兄弟酉金 父母辰土

○ 子孙亥水 妻财寅木

X 父母丑土 世 子孙子水

断曰：亥水子孙化寅木旬空，近病逢空即愈，但嫌亥水化寅木旬空，则不能受酉金之生，必等寅日愈。果验，此化空出空也。

未月庚子日，占求财何日到手，得小畜卦：

/ 兄弟卯木

/ 子孙巳火

|| 妻财未土 应

/ 妻财辰土

/ 兄弟寅木

/ 父母子水 世

断曰：未月持财，月内必有。今问何日到手，卦中辰土旬空，必关因所现也。断其辰日得财，

果验。此乃舍未土之不空而应辰土之空也。

酉月庚辰日占岳父近病，得师之升卦：

|| 父母酉金 应

|| 兄弟亥水

|| 官鬼丑土

X 妻财午火 世 父母酉金

/ 官鬼辰土

|| 子孙寅木

断曰：酉金岳父旬空，近病逢空即愈；日辰合之，近病逢合即死。但不宜持忌神克之，此病必危。问曰：危于何日？答曰：午火自化旬空，旬空不能克之，近病逢空不死，旬内不死，乙酉日防之。果于乙酉日卯时而死矣！

酉月壬辰日占子病，得大过卦：

|| 妻财未土

/ 官鬼酉金

/ 父母亥水 世 （伏子孙午火）

/ 官鬼酉金

/ 父母亥水

|| 子孙丑土 应

断曰：午火子孙伏世亥水之下，月建生助，亥水克之，月下用神旬空不受其克，甲午日难逃矣！果死于午日午时，此谓伏无提拔也。

子月乙巳日，一人占弟死太湖，尸首可见否，得复卦：

|| 子孙酉金

|| 妻财亥水

|| 兄弟丑土 应

|| 兄弟辰土

|| 官鬼寅木

## / 子孙子水 世

断曰：凡占尸首以鬼爻为用神，今寅木爻旬空，而亥水乃得令之水，暗动合之，明明尸首在于大水之中矣。但寅木旬空，被合须待出旬逢冲，庚申日可见。后至庚申日不见，直至丑月甲子旬内壬申日，尸首浮起得见，此意何也？总之寅鬼出旬而亥水大旺，交丑建丑土制水，甲子旬亥水旬空，水空者如水退矣，木在水中非冲不起，故验于甲子旬壬申日也，岂非神之奇报？学者不可不深究之。

丑月甲午日，一人占父近病，得复之噬嗑卦：

X 子孙酉金          父母巳火

|| 妻财亥水

X 兄弟丑土    应      子孙酉金

|| 兄弟辰土

|| 官鬼寅木          ( 伏父母巳火 )

## / 妻财子水 世

断曰：巳火父母为用神，值旬空，日辰拱之，近病逢空不死，但不利六合卦，六合即死。予想用空六合可以相敌，独不宜世上忌神暗动，外卦巳酉丑合成金局助水克之，此病必凶。彼曰：凶在何日？答曰：巳亥日克冲巳火，还在旬空不妨，恐危于出旬辛亥日也。果至其日而死。此应出旬又被冲克也。

未月戊戌，因大旱占何日有雨，得观卦：

/ 妻财卯木

/ 官鬼巳火

|| 父母未土    世

|| 妻财卯木

|| 官鬼巳火

|| 父母未土    应

断曰：月建未土父母爻为用神，日辰帮比，有雨必大；但巳火官爻为原神，值旬空安静，静必冲，空必待出旬。断辛亥日得大雨。果至其日申酉时得雨五寸。

未月戊戌日，占交疏之人何日来，得蹇卦：

|| 子孙子水

/ 父母戌土

|| 兄弟申金 世

/ 兄弟申金

|| 官鬼午火

|| 父母辰土 应

断曰：凡卜至交之朋友，以兄弟为用神，今卜交疏之人，当以应爻为用。今应爻旬空，得日辰冲起，必待甲辰日到。果验。

未月甲辰日，卜何日有大雨，得小过之革卦：

|| 父母戌土

X 兄弟申金          兄弟酉金

/ 官鬼午火 世

/ 兄弟申金

|| 官鬼午火

X 父母辰土 应      妻财卯木

断曰：日辰辰土父母爻为用神，发动，月建帮之，又值土主用事，其辰土旺莫胜言，得雨决不小也；但不宜化卯木旬空，化卯木回头之克。虽有申金化酉金进神克木救土，而卯木旬空，空则谓之畏避，避金之克，致辰土父爻终成病于卯木也。必至甲寅旬乙卯日卯木出空值日，谓之出头难避，戌土暗动助金克之；而卯木已受金克，不能不害辰土，必待甲寅旬乙卯日有雨也。至期竟无，至立秋辛酉申时方雨。应于立秋后酉日者，何也？明现申化酉，即申月酉日也。卯木出空值日到底被克不尽，交申月克之，酉日又冲之，方始得雨。予因此卦，学问又进一层矣！

## 第八问 月破之爻

第八问：月破之爻，欲定其破为无用，却又应于破，欲谓其不破，却又到底破与无用，何也？

答曰：神机现于破。祸福之机本于动，动而有生无克之破爻，有出破、填实、合破之法；安静有克无生之破爻，则破矣。

戌月丁卯日占讼事，得泰卦：

|| 子孙酉金 应

|| 妻财亥水

|| 兄弟丑土

/ 兄弟辰土 世

/ 官鬼寅木

/ 妻财子水

断曰：爻逢六合，官事必审，不宜戌建冲世，乃是月破，卯日克世必输无疑。果被杖责。此应日克月破故耳。

亥月己丑日，占将来有官否，得兑之讼卦：

X 父母未土 世 父母戌土

/ 兄弟酉金

/ 子孙亥水

|| 父母丑土 应

/ 妻财卯木

○ 官鬼巳火 妻财寅木

断曰：未土父母爻持世化进神，未土虽是旬空，日辰冲之曰实，不为空矣。巳火官星动而生世，化出寅木长生，显然有官。彼问：应在何时？答曰：巳年必然食禄王家也。果于巳年得县缺，应实破之年也。

辰月戊子日，占父近出何日归，得乾之夬卦：

○ 父母戌土 世 父母未土

/ 兄弟申金

/ 官鬼午火

/ 父母辰土 应

/ 妻财寅木

/ 子孙子水

断曰：父母持世，破而化空化退，若执死法，其父不能归也，莫非转往他方也。予以朱雀临爻动而持世，卯日有信，未日必归。果于卯日得信，乙未日到家。此应卯日得信者，破而逢合之日也；

未日回家者，父化未土旬空，出空之日也。

午月癸卯日，占后运功名，得艮之观卦：

/ 官鬼寅木 世

X妻财子水 父母巳火

||兄弟戌土

○子孙申金 应 官鬼卯木

||父母午火

||兄弟辰土

断曰：寅木官星持世，申金动来克之，今年七月必有凶非。彼曰：看因何事？答曰：应动克世，必是仇家。又问：碍于功名否？答曰：若非子水动摇，去位必矣，幸有子水接续相生，本云是吉，嫌破而化空，降级不免。果于七月彼此揭参成大非，子月事结降级调用，后至子月复有用之验也。

寅月甲午日占子病吉凶，得艮之蒙卦：

/ 官鬼寅木 世

||妻财子水

||兄弟戌土

○子孙申金 应 父母午火

X父母午火 兄弟辰土

||兄弟辰土

断曰：申金子孙为用，临月破，不宜日建克之，动爻克之，又化回头之克，有克无生，可急回家，汝子死矣！此人未到家，一人报曰：令郎申时去世矣！此应填实之时，受克而死。

五月庚申日占坟地风水，得咸卦：

||父母未土 应

/ 兄弟酉金

/ 子孙亥水

/ 兄弟申金 世

||官鬼午火

## || 父母辰土

断曰：日辰临青龙持世，来龙由左而来，龙虎皆有气，必然环抱，最嫌应上未土临月破。应为照山，世前一位为朝案，喜亥水得申日生之，必有朝水，宜取水作朝，不宜取山作向。间爻为明堂，旺相必阔大。彼曰：——果然，葬可好否？予曰：依予取水作朝，弃山为向，许必大发。彼果依断葬，后即如所言。

申月辛卯日，占买宅吉否，得革之夬卦：

|| 官鬼未土

/ 父母酉金

/ 兄弟亥水 世

/ 兄弟亥水

X 官鬼丑土          子孙寅木

/ 子孙卯木 应

断曰：月建生世，酉金暗动生世，但不宜化寅木子孙临月破，又受金克，唯防损子。彼竟得此屋迁入，不到半月，其子出花而死。后执此卦问余曰：果死矣，此屋自后可居否？宜再卜可决。

## 第九问 用神不现

第九问：用神不现，看伏神在何爻之下，得出不得出，何以论之？答曰：伏神得出者有四：盖日月生者、日月持之者一也；飞神生伏、动爻生者二也；日月动爻冲克飞神三也；飞神空破休囚墓绝于日者四也。此四者有用之伏神也。伏神不得出者亦有四：休囚无气、日月克者一也；飞神旺相、日月生助飞神克害伏神者二也；伏神墓绝于日月及飞爻者三也；伏神休囚兼旬空月破者四也。此四者乃无用之伏神，虽有如无，终不得出。凡用神旺相如遇旬空，出空之日则出矣。

卯月壬辰日，占候文书何日领，得贲卦：

/ 官鬼寅木

|| 妻财子水

|| 兄弟戌土 应

/ 妻财亥水

X 兄弟丑土          父母午火

/ 官鬼卯木 世

断曰：午火父母为用神，伏于二爻丑土之下，又值旬空，许甲午出空必领。果验。此应出旬之日也。

辰月丁巳日占逃仆，得蹇卦：

|| 子孙子水

/ 父母戌土

|| 兄弟申金 世

/ 兄弟申金

X 官鬼午火 妻财卯木

|| 父母辰土 应

断曰：占仆以财爻为用神，取兑卦二爻卯木伏于本卦二爻午火之下，午火为飞神，卯木为伏神。今申金持世克制卯木，终不能逃；但因伏去生飞名为泄气，盗去财物必尽寓于炉火之家，许甲子日拿获。果于子日得信窝赌铁匠之家，申时拿获。应子日者，冲克午火之飞神，生起卯木之伏神也。《黄金策》云：“伏无提挈终徒尔，飞不推开亦枉然”，此卦应验是矣！

酉月丙辰日占子病，得升卦：

|| 官鬼酉金

|| 父母亥水

|| 妻财丑土 世 （伏子孙午火）

/ 官鬼酉金

/ 父母亥水

|| 妻财丑土 应

断曰：午火子孙伏于世爻丑土之下，丑土旬空易于引拔，许午日必愈。果验。

卯月丙辰日占父病，得复卦：

|| 子孙酉金

|| 妻财亥水

|| 兄弟丑土 应

|| 兄弟辰土

|| 官鬼寅木 (伏父母巳火)

/ 妻财子水 世

断曰：巳火父母伏于二爻寅木之下，飞来生伏，伏遇长生，许次日愈。果验。

辰月庚申日，占大例桑叶价贵贱，得既济卦：

|| 兄弟子水 应

/ 官鬼戌土

|| 父母申金

/ 兄弟亥水 世 (伏妻财午火)

|| 官鬼丑土

/ 子孙卯木

断曰：午火财爻为用，伏于世爻亥水之下，申日生扶亥水，午火财爻又绝在亥，叶价贱主无疑也。旁人曰：目今现价三钱不为贱论，如先生之言，必以三钱价为贱论耶？予曰：非也，目下尚早，三钱之价人之虑贵，是年规定价也；今问大例价，必至大市断之。旁人曰：大市何日贵贱？答曰：交甲子旬亥水值空，唯巳午日好卖，交甲戌旬亥水值旬，午火财爻永不得起，则渐渐贱矣。果验。

寅月戊辰日，占病有何鬼神为祸，得小畜卦：

/ 兄弟卯木

/ 子孙巳火

|| 妻财未土 应

/ 妻财辰土 (伏官鬼酉金)

/ 兄弟寅木

/ 父母子水 世

断曰：凡卜鬼神以官爻为用，今官鬼伏辰爻之下，与飞神作合，又得日辰合住。予想伏合乃藏匿之象，酉金是正气之神，第三爻为房室，即断曰：汝家房中藏有神像作祟。彼曰：有铜达摩祖师在匣中。命其送于寺内，其病亦愈。

## 第十问 进神喜忌

第十问：进退神乃动爻变出之神也，吉凶祸福有喜忌之分，何以论之？答曰：吉神宜于化进，忌神宜于化退。而进退之法有三：旺相者乘势而进一也；休囚者待时而进二也；动爻变爻有一而逢空破冲合者，待期填补合冲而进三也。退神之法亦有三：旺相者或有日月动爻生扶，占近事暂时而不退者一也；休囚者即时而退二也；动爻变爻有一而逢空破冲合者，待期填补合冲而退三也。

申月癸卯日占乡试，得恒之大过卦：

|| 妻财戌土 应

|| 官鬼申金 官鬼酉金

/ 子孙午火

/ 官鬼酉金 世

/ 父母亥水

|| 妻财丑土

断曰：酉金官星持世，日冲暗动，又得第五爻官化进神拱扶，不独金秋折桂，来春定占鳌头。果登乡榜，即于次岁辰年联捷。盖化进神者，今秋也，联捷者，辰年冲而逢合也。

酉月庚戌日占何年生子，得屯之节卦：

|| 兄弟子水

/ 官鬼三爻 应

|| 父母申金

|| 官鬼辰土

X 子孙寅木 世 子孙卯木

/ 兄弟子水

断曰：寅木子孙世持化进神，寅木旬空，卯木空而且破。后至寅年卯月妻婢连生三子，此卯木虽为月破，得日辰合补，乃休囚待时而用也。

卯月乙丑日，一人自占求婚，得噬嗑之比卦：

○ 子孙巳火 父母子水

X 妻财未土 世 妻财戌土

○ 官鬼酉金 官鬼申金

|| 妻财辰土

|| 兄弟寅木 应

○ 父母子水 妻财未土

断曰：财爻持世化进神，巳火子孙动而生世，但因巳火化子水回头之克，必待午日冲去子水，此是锅底退薪之法也；午日又生合世爻，其婚必成。果于午日完婚。或曰：间爻酉金鬼动竟无阻耶？予曰：月破化退神，虽有阻而无力也。

酉月甲辰日被论，因占自陈如何，得师之明夷卦：

|| 父母酉金 应

|| 兄弟亥水

|| 官鬼丑土

X 妻财午火 世 兄弟亥水

○ 官鬼辰土 官鬼丑土

X 子孙寅木 子孙卯木

断曰：世化回头之克，官星化退，子孙化进，内三爻皆非吉兆。果于次年二月拿问。应卯月者，子孙出空填破之月也。

未月丁卯日，占功名终得出仕否，得同人之革卦：

○ 子孙戌土 应 子孙未土

/ 妻财申金

/ 兄弟午火

/ 官鬼亥水 世

|| 子孙丑土

/ 父母卯木

断曰：若以子孙动而克官，是终身无官也，予许辰年出仕，果于辰年得选。此理何也？戌土忌神化退神不能克也。卯日合之，合待逢冲辰也，此是有病有医法也。

## 第十一问 冲中逢合、合处逢冲

第十一问：冲中逢合、合处逢冲，何以断其吉凶？答曰：合者聚也，冲者散也，冲中逢合先散

后聚，先失后得，先淡后浓；合处逢冲反是。

午月丙辰日，占出外贸易如何？得恒之豫卦：

|| 妻财戌土 应

|| 官鬼申金

/ 子孙午火

○ 官鬼酉金 世 兄弟卯木

○ 父母亥水 子孙巳火

|| 妻财丑土

断曰：世上酉金化卯木相冲，正谓反吟卦也，而卯木有冲之能无克之力，得日辰辰土生合世爻，此谓冲中谓合也。况变六合卦，又得戌土财爻暗动生世，此为反吟，主反复觅利也。果验。

戌月甲辰日，占借银有否，得坤卦：

|| 子孙酉金 世

|| 妻财亥水

|| 兄弟丑土

|| 官鬼卯木 应

|| 父母巳火

|| 兄弟未土

断曰：应落空亡，《黄金策》云索借者失望，今应爻旬空又是六冲卦，本主不肯，妨乎成建合应生世，辰日合世，此乃冲中逢合，先难后易，去借必有。彼曰：前月去借彼不允，今去再借允否？予曰：前月去借不允明现六冲，今借必允明现日合。彼曰：应于何日有？答曰：卯木旬空，交甲寅。应已出空，寅日又合水财爻，即允。果验。

寅月戊戌日，占失银物可得复否，得巽之讼卦：

/ 兄弟卯木 世

/ 子孙巳火

X 妻财未土 子孙午火

○ 官鬼酉金 应 子孙午火

/ 父母亥水

|| 妻财丑土

断曰：卦得六冲，未土财爻化午火回头生合，现失而复得之象。旁人曰：应持白虎金鬼，玄武临财难言复得。予曰：应是他人，被午火回头克制，财为用神，冲中逢合，日主合也，管许必得。彼问：应于何日？答曰：巳火青龙原神旬空，其病在巳，必待乙巳日原神出空值日，当许复得。果验。

辰月丁酉日，自占婚姻成否，得否卦：

/ 父母戌土 应

/ 兄弟申金

/ 官鬼午火

|| 妻财卯木 世

|| 官鬼巳火

|| 父母未土

断曰：卦得六合，婚姻最宜，今世被日冲，应爻月破，谓之合处逢冲，总不言吉。彼曰年庚已经送来，算命又说甚佳，答曰：予屡占屡验，故敢此断。果于本月自得大病，未月世财入墓，此女病故。

卯月乙卯日，占谋望求财，得旅卦：

/ 兄弟巳火

|| 子孙未土

/ 妻财酉金 应

/ 妻财申金

|| 兄弟午火

|| 子孙辰土 世

断曰：此世应相生，卦逢六合，谋望本可成就，但不宜卯月日冲应上酉金财爻，恐他人之财，无缘失望耳。彼曰：有字来，约我明日去，岂有不成之理？次日去，果成议，至壬戌日悔议复不成。应次日成议者，辰日合应；戌日复不成者，世亦逢冲，是合处逢冲也。

午月辛亥日，占师近病得节卦：

|| 兄弟子水

/ 官鬼戌土

|| 父母申金 应

|| 官鬼丑土

/ 子孙卯木

/ 妻财巳火 世

断曰：占近病得六合卦，屡验必死；今世上巳火财爻日辰冲之，是合处逢冲，临危得救。彼问：危于何日？得救何日？答曰：金库于丑，丑日防险；甲寅日冲发应上用爻，财有救矣。果于丑日人事不知，寅日乃愈。

寅月戊辰日，占兄近病吉凶，得晋卦：

/ 官鬼巳火

|| 父母未土

/ 兄弟酉金 世

|| 妻财卯木

|| 官鬼巳火

|| 父母未土 应

断曰：酉金兄弟为用神，辰日合之，近端正不宜逢合，幸明日交卯月，即可愈。果验。此亦合处逢冲也。

未月丁巳日，占已悔婚可复成否，得离之旅卦：

/ 兄弟巳火 世

|| 子孙未土

/ 妻财酉金

/ 官鬼亥水 应

|| 子孙丑土

○ 父母卯木          子孙辰土

断曰：此卦六冲变成六合，屡验散而又成，离而复合；又得卯木动来生世，此婚一定可成。果

于次岁寅年三月复成婚。应辰月者，求婚以财爻为用，得六冲卦既变六合，财爻又逢合也。卯木化出辰土，是卜时所现之机关也。寅年者，应爻暗动合冲之岁也。

## 第十二问 四生墓绝吉凶

第十二问：四生墓绝吉凶何以断之？答曰：四生墓绝有三；生墓绝于日辰一也；生墓绝于飞爻二也；动而变出者三也。忌辰畏生，祸来不小；用神墓绝，有救无凶。定法如是，活变在人。

巳月戊寅日，占何日得财，得离之丰卦：

○兄弟巳火 世 子孙戌土

|| 子孙未土

/ 妻财酉金

/ 官鬼亥水 应

|| 子孙丑土

/ 父母卯木

断曰：酉金财爻安静，明日卯日必得。彼曰：兄弟动而持世何以得财？答曰：兄弟化入戌墓不能克世，次日用静逢冲之日，汝不知耶？果验。

午月己卯日，占妻病得震之丰卦：

|| 妻财戌土 世

|| 官鬼申金

/ 子孙午火

X 妻财辰土 应 父母亥水

|| 兄弟寅木

/ 父母子水

一人执此卦问予曰：辰土发动，以辰土财爻为用，化亥水乃是临官，断其不死，但辰土死于卯日，此卦将何断之？还是将土死于卯断其必死耶？答曰：近病六冲不死。又问何日愈，予曰：辰土动来冲世，世上戌土日合，必待次日辰日冲发世上戌土，财爻即愈。果验。

寅月戊子日占生产，得剥之观卦：

/ 妻财寅木

X 子孙子水 世 官鬼巳火

|| 父母戌土

|| 妻财卯木

|| 官鬼巳火 应

|| 父母未土

断曰：子水子孙化巳火，水绝在巳，本日巳时落草而亡。旁有知易者曰：青龙临子孙，如何此断？予曰：且看验否。后果验。此人又问予曰：子孙值日，青龙附之，如何神断？答曰：日辰子孙今日也，巳时者今时也，落早而亡者，吉神化绝鬼也。

子月辛未日占子病吉凶，得渐之中孚卦：

/ 官鬼卯木 应

/ 父母巳火

|| 兄弟未土

O 子孙申金 世 兄弟丑土

X 父母午火 官鬼卯木

X 兄弟辰土 父母巳火

断曰：申金子孙持世化丑土，金库在丑，未日冲开，又得日辰兴辰土动爻生之，今日午后愈。果验。

辰月甲寅日，占友父病，得屯之震卦：

|| 兄弟子水

O 官鬼戌土 应 父母申金

X 父母申金 妻财午火

|| 官鬼辰土

|| 子孙寅木 世

/ 兄弟子水

一人持此卦问予曰：申金父母爻为用神，金绝于寅日，是绝耶？答曰：是绝也。戌土原神化长生扶父母，是绝处逢生耶？予曰：是也。又问翁之父病重无妨乎？答曰：今日午时难过。彼不言

而去，后果午时寿终。此人又来问予曰：绝处逢生竟无用耶？答曰：绝处逢生屡试危而有救，今申金绝于寅日，不宜寅日生助午火回头克之，戌土生金本云是吉，戌土乃是月破无力生扶，虽化长生于申，申被日冲又绝于寅日，故此凶断。

申月丙辰日占弟病，得既济之丰卦：

|| 兄弟子水 应

○ 官鬼戌土 父母申金

X 父母申金 妻财午火

/ 兄弟亥水 世

|| 官鬼丑土

/ 子孙卯木

断曰：子孙旬空，亥水不空，今舍实从空，以子水兄弟为用。墓库于日，申金原神发动，又得戌土动来反生原神，而子水虽入墓库，不过重病，交甲子日用神出空冲去午火，则原神之伤即愈矣。果验。若以入库必死，螣蛇动主死，白虎动主丧，秋令戌爻又是沐浴煞，病人最忌，今此病不死何也？但凡看卦，用神推尊。有生无克最吉，助忌伤用最凶，卦卦研究其法，爻爻精察天机，细心变通，岂让君平之卜易哉！

申月癸丑日，占子在楚生理何日回，得损卦：

/ 官鬼寅木 应

|| 妻财子水

|| 兄弟戌土

|| 兄弟丑土 世 （伏子孙申金）

/ 官鬼卯木

/ 父母巳火

断曰：申金子孙伏于世爻丑土墓库之下，本是不宜，岂可又墓于日辰？令郎恐有大患。彼曰：近有信至，内云八月起身，故占其来否。予曰：此卦难以断其归期。

乃叔曰：我来占侄在外平安否。又得无妄之颐卦：

/ 妻财戌土

○ 官鬼申金 父母子水

○子孙午火 世 妻财戌土

|| 妻财辰土

|| 兄弟寅木

/ 父母子水

断曰：前卦子孙不现入墓，后卦现而化墓，况寅木原神乃是真破真空，并无生助；又申金月建官鬼临于道路发动，两卦并看，不祥之兆也。彼曰：前日有口信来说，五月长江履舟而死，此信已闻得，卦理甚明，故戏卜之耳。

亥月丙寅日，嫂占姑病，得咸之蹇卦：

|| 父母未土 应

/ 兄弟酉金

○子孙亥水 兄弟申金

/ 兄弟申金 世

|| 官鬼午火

|| 父母辰土

断曰：姑乃夫之姊妹也，以官鬼为用神。今午火官鬼长生于日，亥水克之不宜，亥水自化长生，又动出申金助水来克，此病必死。后于乙亥日卒。应乙亥日者，亥水旬空实空之日也。

卯月乙未日，姑占弟妇怀孕足月，因有病生产平安否，得困之坎卦：

|| 父母未土

/ 兄弟酉金

○子孙亥水 应 兄弟申金

|| 官鬼午火

/ 父母辰土

|| 妻财寅木 世

断曰：弟妇乃弟之妻也，以财爻为用神。今寅木财爻墓库于未日，此现在病也；亥水化申金得长生生合财爻，脱身平安。彼问何日产？答曰：亥水化申动来合世，明日必产。果次日产，母子平安，生产后连旧病痊愈。

巳年巳月丁卯日，占劾奏他人，得旅卦：

/ 兄弟巳火

|| 子孙未土

/ 妻财酉金 应

/ 妻财申金

|| 兄弟午火

|| 子孙辰土 世

彼曰：我欲劾奏权奸，恐反遭其害，故占，相烦直断。予曰：应爻酉金若无卯日冲之，当论其长生于年月也，今得卯冲，当以巳年月克论，谓之有伤无救，彼之权势自今衰矣。双问有害于我否？答：子孙持世，何害之有？果题准究奸。

未月戊申日，占因误军粮被参，得丰之旅卦：

X 官鬼戌土 妻财巳火

|| 父母申金 世

/ 妻财午火

/ 兄弟亥水

|| 官鬼丑土 应

O 子孙卯木 官鬼辰土

断曰：世临日辰，月建生之，动出巳火又生官，位可保无虑。诸人不以为然，岂知因获奇功，功名仍复。一人曰：卯木子孙发动，如何无碍？予曰：木绝于日又墓于月，如何碍之？

卯月壬寅日占寻穴地，得革之既济卦：

|| 官鬼未土

/ 父母酉金

O 兄弟亥水 世 父母申金

/ 兄弟亥水

|| 官鬼丑土

/ 子孙卯木 应

断曰：世爻亥水化申金回头之生，虽休囚，逢生为旺，所嫌寅日冲申，必待秋令可得美地。世

化生申，地在西南。果于七月得地，葬后三子皆发科甲。一人问予曰：申金被冲，该断巳月合之，何应申月耶？予曰：巳可合申也，而亥世逢冲岂能就乎？

### 第十三问 六冲六合

第十三问，六冲六合何以断之？答曰：人之所恶者宜冲，所好者宜合，唯占病有近病久病论。近病逢冲即愈，久病逢冲即死，六合反是。凡六冲卦，有日辰相合、变爻相合，谓之冲中逢合；凡六合卦，有日辰相冲，变爻相冲，谓之合处逢冲。如冲忌神合用神，名为去煞留恩，般般云吉；冲用神合忌神，名为留煞害命，件件皆凶。

酉月壬子日，占侄有事被害否，得大壮之泰卦：

|| 兄弟戌土

|| 子孙申金

○ 父母午火 世 兄弟丑土

/ 兄弟辰土

/ 妻财寅木

/ 官鬼子水 应

断曰：六冲卦事必主散，世上午火父母爻被日辰冲之，令侄无害。彼曰：回来我自责之，后有人解散，乃叔不至责侄。此应六冲卦又冲去忌神之验也。

巳月丁酉日，占文书何日到，得乾卦：

/ 父母戌土 世

/ 兄弟申金

/ 官鬼午火

/ 父母辰土 应

/ 妻财寅木

/ 子孙子水

断曰：应爻旬空，日辰相合，以辰爻父母为用，至甲辰日必到。果验。此六冲卦独合用神，乃冲中逢合也；甲辰日到者，实空之日也。

午月丙子日占开店，得大壮之巽卦：

X 兄弟戌土          官鬼寅木

X 子孙申金          父母巳火

○ 父母午火 世      兄弟未土

/ 兄弟辰土

/ 官鬼寅木

○ 子孙子水 应      兄弟丑土

断曰：六冲卦变出又是六冲卦，不开为上。彼曰：业已成矣。答曰：午火月建当时，化未土作合，日冲不散，恐今冬有变。果冬底伙计有事而止。

申月乙卯日，一人因自及子俱被拿问，得巽之坤卦：

○ 兄弟卯木 世      官鬼酉金

○ 子孙巳火          父母亥水

|| 妻财未土

○ 官鬼酉金 应      兄弟卯木

○ 父母亥水          子孙巳火

|| 妻财丑土

断曰：六冲卦每事主散，但不宜又变六冲，内外爻见反吟，乱冲乱击，世与子孙皆化克，其象不吉。果俱受重刑。

未月乙亥日，占往买卖求利，得兑之震卦：

|| 父母未土 世

○ 兄弟酉金          兄弟申金

/ 子孙亥水

|| 父母丑土 应

○ 妻财卯木          妻财寅木

/ 官鬼巳火

断曰：六冲变六冲，又是卦反吟，月建当时持世，汝意必去，去必亏折。彼曰：即日起身。予曰：反吟卦之意买货货少，更改他货无利。又问太平否，予曰：兑变震，有冲之力无在之能，平安

可许。此人去买绿豆，地头缺少，改买棉花，果亏折。学者当知六冲变六冲总非去象，爻得生得合俱去散矣！

子月己巳日占赌钱，得坤卦：

|| 子孙酉金 世

|| 妻财亥水

|| 兄弟丑土

|| 官鬼卯木 应

|| 父母巳火

|| 兄弟未土

断曰：世克应爻乃为我胜，但不宜巳日冲动亥水反生应爻，与世无益，此去必输，幸六冲卦定不终局。果输不多因争钱而散。不终者六冲也；输不多者，财空生应也；争财而散者，朱雀临财暗动也。

辰日庚午日占会试，得观之否卦：

/ 妻财卯木

/ 官鬼巳火

X 父母未土 世 官鬼午火

|| 妻财卯木

|| 官鬼巳火

|| 父母未土 应

断曰：未土持世，化出日辰午火官星生合，鼎甲在掌。果中探花。

寅月甲午日，占子久病，得大壮卦：

|| 兄弟戌土

|| 子孙申金

/ 父母午火 世

/ 兄弟辰土

/ 官鬼寅木

/ 妻财子水 应

断曰：久病六冲即死；今申金子孙用神月破，午火持世，日辰克之，本日当防。果死于本日辰时。

卯月甲午日，占赶去寄信可遇否，得否卦：

/ 父母戌土 应

/ 兄弟申金

/ 官鬼午火

|| 妻财卯木 世

|| 官鬼巳火

|| 父母未土

断曰：卦得六合，凡事成就，但明日未时清明节，宜星夜赶去必会；恐交清明月建是辰，则应被月冲，冲即去不能会也。果赶去寄去之，次日即开舟矣！

巳月甲戌日，有同乡人占借贷，得复之豫卦：

|| 子孙酉金

|| 妻财亥水

X 兄弟丑土 应 父母午火

|| 兄弟辰土

|| 官鬼寅木

○ 妻财子水 世 兄弟未土

断曰：六合变六合，凡谋易就，久远和同，但亥水财爻月破，酉金原神旬空，世上子水财爻化未土回头之克，又日辰冲辰土暗动，午火生扶应爻丑土，克之太过，在借银事内须防不测。彼曰：昨有友人约我同去，或不允之。予曰：那友何人？彼曰：广东人。予正颜止之不从，竟去借银回，不数里遭其害。

巳月甲寅日，占延师训子，得否之乾卦：

/ 父母戌土 应

/ 兄弟申金

/ 官鬼午火

X 妻财卯木 世 父母辰土

X 官鬼巳火 妻财寅木

X 父母未土 子孙子水

断曰：以应爻为用神，临戌父可称饱学，独嫌六合变六冲，其间恐有变局不久。问曰：因何事耶？答曰：卦中唯有初爻未土父母化子水，今子孙值旬空，父动水冲，防子孙灾变。后至午月子水逢月破，其子病故，即辞师矣。

## 第十四问 三刑六害

第十四问：三刑六害犯之必凶乎？答曰：三刑者，寅巳申三全为刑，子卯两遇为刑，丑未戌三全为刑，辰午酉亥谓之自刑。夫三刑者，用神休囚，有他爻之克，内有兼犯三刑者，主见凶灾。卦中三刑俱全不动，用神不伤损有生扶，从无有验。六害屡试无验，故不录出。

寅月庚申日，占侄孙病，得家人之离卦：

/ 兄弟卯木

○ 子孙巳火 应 妻财未土

X 妻财未土 官鬼酉金

/ 父母亥水

|| 妻财丑土 世

/ 兄弟卯木

断曰：巳火用神月生日合，可治之症，但不宜月建寅、日建申与巳爻会成三刑，恐危。后果死于寅日寅时。

辰月戊午日占夫病，得离之颐卦：

/ 兄弟巳火 世

|| 子孙未土

○ 妻财酉金 子孙戌土

○ 官鬼亥水 应 子孙辰土

|| 子孙丑土

## / 父母卯木

断曰：亥日夫星为用，戌土生扶。酉金动来生，但不宜化入墓库，又回头化月建克，又是午日辰午酉亥自刑俱全，此病立见凶危。果本日午时死。

亥月戊戌日占妾近病，得巽之大有卦：

/ 兄弟卯木 世

○子孙巳火 妻财未土

X妻财未土 官鬼酉金

/ 官鬼酉金 应

/ 父母亥水

||妻财丑土 父母子水

断曰：未土财爻为用神，不宜化酉金官鬼，不宜巳火原神值旬空月破，巳火又入墓库于日辰，又丑戌未三刑见全，全无吉兆，即日防之。果卒于本日未时。

戌月庚子日，占一冬生意，得贲之家人卦：

/ 官鬼寅木

X妻财子水 子孙巳火

||兄弟戌土 应

/ 妻财亥水

||兄弟丑土

/ 官鬼卯木 世

断曰：卯木持世，月建合之，日辰生之，今冬必获厚利。彼曰：子日与子爻刑世，有何吉耶？答曰：凡看卦世用推尊，生克最重，今刑中带生，谓之贪生忘刑。后一冬果获大利。

## 第十五问 独静独发

第十五问：独静独发如何应验？答曰：五爻俱动，唯一爻安静，谓之独静；唯一爻发动，谓之独发。若卦中有一爻明动，有一爻遇日辰冲者，非云独发也；倘六爻安静，内有一爻日辰冲动者，亦云独发也。然独静独发不过观事之成败迟速，至于吉凶当推用神，若舍用神而决事者，迂且谬也。

午月丙午日，占自去寻父回，得大有之离卦：

/ 官鬼巳火 应

|| 父母未土

/ 兄弟酉金

/ 父母辰土 世

○ 妻财寅木 父母丑土

/ 子孙子水

一友人知《易》，同问其父，执此卦对予曰：寅木一爻独发，正月得见否？予曰：非也。卦中父爻持世，被寅木克制，自身不能动，父亦不得见也；欲身动见父，必待冲克寅木之年月也。

命彼再占一卦合决之，得革之既济卦：

|| 官鬼未土

/ 父母酉金

○ 兄弟亥水 世 父母申金

/ 兄弟亥水

|| 官鬼丑土

/ 子孙卯木 应

断曰：此卦正合前卦，前卦应冲开寅木者申也，此卦世化申金回头生，亦应申也。果于申年八月寻父回家。应于申年者，前卦冲去忌神，后卦化出申金父母用神生世也。

申月辛卯日，占子嗣得复卦：

|| 子孙酉金

|| 妻财亥水

|| 兄弟丑土 应

|| 兄弟辰土

|| 官鬼寅木

/ 妻财子水 世

来占人曰：我有一子因乱失散，今无子，特问将来有子否？断曰：子水持世，月建作子孙生世，有子之兆；第六爻酉金子孙暗动生世，亦云独发，在外卦动，所失之子必来之象。问曰：何时得见？

予曰：明岁甲辰年与酉相合，定得意而归。后果验。此用神独发，冲而逢合之年也。

午月甲申日，占久雨伤麦否，得同人之革卦：

○子孙戌土 应 子孙未土

/ 妻财申金

/ 兄弟午火

/ 官鬼亥水 世

|| 子孙丑土

/ 父母卯木

一友执此卦问予曰：戌土子孙一爻独发，昨日丙戌日定该天晴，如何还雨？答曰：尔忧麦水伤神，以子孙发动克去世上之鬼，叫尔勿忧，非应晴也。决不损伤。但戌土化退，不能克尽忧心，故天还雨，必待卯日合之，则大晴耳。果验。

申月甲午日，占开煤窑何时见煤，得家人之益卦：

/ 兄弟卯木

/ 子孙巳火 应

|| 妻财未土

○父母亥水 妻财辰土

|| 妻财丑土 世

/ 兄弟卯木

断曰：以辰土财爻为用。此卦亥水独发，化出明示辰月建可见，果至次年清明后始得见煤。此应独发化出之用神也。

寅月庚戌日占女病，得未济之蹇卦：

○兄弟巳火 应 官鬼子水

X 子孙未土 子孙戌土

○妻财酉金 妻财申金

X 兄弟午火 世 妻财申金

○子孙辰土 兄弟午火

## || 父母寅木

此卦寅木独静，若不看用神，断寅日生耶？寅日死耶？卦中土为用神，得巳午火动来生之，未土子孙化进神，辰土子孙化回头相生，卦象既吉，也许之寅日愈，果验。

寅月甲辰日，占父远出何日回，得遁之归妹卦：

○ 父母戌土          父母戌土

○ 兄弟申金    应    官鬼午火

/ 官鬼午火

○ 兄弟申金          父母丑土

X 官鬼午火    世    妻财卯木

X 父母辰土          官鬼巳火

断曰：外卦伏吟，在外有忧愁之象。彼曰：无害否？答曰：内卦辰土父母化巳火回头之生，世爻午火化卯木助火生之，并无有害；第四爻午火独静，五月必归也。后三四月乃父在湖广生理，不料省城兵乱，五月方归。

## 第十六问 尽静尽发

第十六问：卦得尽静尽发者，何以断之？答曰：六爻安静，无日辰冲爻者，谓之尽静；六爻多俱动者，谓之尽发。尽静者如春花之含蕊，人未见其妙，一沾雨露，油然渐放矣；尽发者如百花齐放，人多见其艳，一遇狂风，翻然而损矣。故静者恒美，动者常咎。

午月庚辰日，占仆近出何日回，得离卦：

/ 兄弟巳火    世

|| 子孙未土

/ 妻财酉金

/ 官鬼亥水

|| 子孙丑土    应

/ 父母卯木

断曰：酉金财爻为用，月克日生，似可相敌。一卦之中并无生克，唯酉金用神旬空日合，神机现此。但旬空必待出旬合空，虽有可用，须待冲发。交小暑节辛卯日，则酉金值旬不空，冲发必至。

果于辛亥日来家，此应静而逢冲也，空待出空也。

辰月己卯日，占今日有人还银否，得坤卦：

|| 子孙酉金 世

|| 妻财亥水

|| 兄弟丑土

|| 官鬼卯木 应

|| 父母巳火

|| 兄弟未土

断曰：酉金原神旬空，日辰冲之，静而逢冲日起；况日辰临应冲世，彼必今日巳时送还也。果于本日巳时还一半，乙酉日巳时还清。一半者，静空冲起，有一半之力，而财亦有一半者也；乙酉日还清者，已经冲起之神值日，是财之原神填足矣！子孙，喜悦之星，还清岂不喜悦耶？

子月壬申日，占父在乱军中吉凶，得大畜之萃卦：

○ 官鬼寅木 兄弟未土

X 妻财子水 应 子孙酉金

X 兄弟戌土 妻财亥水

○ 兄弟辰土 官鬼卯木

○ 官鬼寅木 世 父母巳火

○ 妻财子水 兄弟未土

断曰：六爻乱动，正乱军中象也。以化出巳火父母爻为用，日建克之，寅木原神又被日辰冲克，恐性命难保，后果死无踪迹。

辰月甲子日，占造坟葬亲，得乾之坤卦：

○ 父母戌土 世 兄弟酉金

○ 兄弟申金 子孙亥水

○ 官鬼午火 父母丑土

○ 父母辰土 应 妻财卯木

○ 妻财寅木 官鬼巳火

○子孙子水

父母未土

断曰：此卦甚凶，不必细论。彼曰：坟已造成，即后开金井落葬，卜之以决吾房安否。予力止之不可葬。正论之间有人来报曰：穴场下俱是斗大石，块不计其数，并且无点穴之处。后有地师看之则曰：背水走石，不成坟地也。

## 第十七问 用神多现

第十七问：用神多现何以取之？答曰：予屡验者，舍其闲爻而用持世，舍其无权而用月日，舍其安静而用动摇，舍其不破用月破，舍其不空用旬空。天机尽泄于有病之间，断法总在于医药之处。

未月庚子日占财，得小畜卦：

/ 兄弟卯木

/ 子孙巳火

|| 妻财未土 应

/ 妻财辰土

/ 兄弟寅木

/ 父母子水 世

断曰：未土月建为用，何以辰土旬空？空必关因。竟断月内辰日得财，果甲辰日巳时到手。此应出空之日时也，正是舍其不空而用空者。

未月甲午日占自升迁，得师之涣卦：

X 父母酉金 应 子孙卯木

X 兄弟亥水 妻财巳火

|| 官鬼丑土

|| 妻财午火 世

/ 官鬼辰土

|| 子孙寅木

断曰：日辰世爻极旺，得月建作官星合世，但卦中两现官星，一空一破，将何爻为用？断其何年升迁？则曰：今岁是卯年，来岁辰年，必以辰年为用，来岁可升。但外卦反吟，常得验者去而复来。果辰年调至河南，五月又调回，十月开督府。一年两调一升，皆应实空之年也。

亥月丙午日，占子何日脱厄，得豫之归妹卦：

|| 妻财戌土

|| 官鬼申金

/ 子孙午火 应

|| 兄弟卯木

X 子孙巳火 兄弟卯木

X 妻财未土 世 子孙巳火

断曰：卦中子孙三现，俱生世爻，是必脱厄。日建午爻安静，二爻巳火月破，许巳年脱厄，果验。此乃用神多现而用月破，验在有病之爻、实破之年也。

未月丁丑日，占子久出何日回，得鼎之需卦：

○ 兄弟巳火 官鬼子水

X 子孙未土 应 子孙戌土

○ 妻财酉金 妻财申金

/ 妻财酉金

/ 官鬼亥水 世

X 子孙丑土 官鬼子水

断曰：未土化进神，日辰冲之，丑土化子水合住，巳火原神动来生用，化子水回头克制，目下不来。问曰：终须来否？答曰：午年必来。果于午年午月到家。应于午年月者，未土动而日冲，是动冲逢合之年月也；丑土化子水合，合要冲开之年月也；巳火化子水之克，冲去子水是去煞留恩也。

寅月癸亥日，占子嗣多否，得坤之艮卦：

X 子孙酉金 世 妻财寅木

|| 妻财亥水

|| 兄弟丑土

X 官鬼卯木 应 子孙申金

|| 父母巳火

|| 兄弟未土

彼曰：婢妾三四，在三五年内生者生死者死；子有九人，并无一存，今后可有子否？予曰：子化鬼、鬼化子，不但狼籍，后难许有。果无子，以侄为嗣。

## 第十八问 诚明不验

第十八问：卜者心诚，断者精明，亦有验，何也？答曰：此其故在卜者而不在断者，乃卜者之意虽诚，或密事难以语人，或问此而意别有在也，所以有不验之故耳。

酉月戊申日，占伯父何日回，得旅之艮卦：

/ 兄弟巳火

|| 子孙未土

○ 妻财酉金 应 子孙戌土

/ 妻财申金

|| 兄弟午火

X 子孙辰土 世 父母卯木

此卦若问伯父平安否，卯木父母伏而不现，被日月动爻克冲，必不安矣；今问其回来否，不以此断，只可断用神伏藏受克不来。后果不来，在外平安。

申月乙亥日，占家宅得井之节卦：

|| 父母子水

/ 妻财戌土 世

|| 官鬼申金

○ 官鬼酉金 妻财丑土

/ 父母亥水 应

X 妻财丑土 子孙巳火

断曰：应居二爻，谓之应飞入宅，临父母，必有外姓长者同居。彼曰：从无外人同舍。内卦合成鬼局，宅内不安。彼曰：从无驳杂。寅木兄弟月破伏藏，官局克之，或昆仲家不利。彼曰：吾占家宅，即日欲同家业师乡试，实为功名耳。予曰：功名与家宅天远地隔矣！功名以官鬼为官星，家宅以鬼为祸害。既占功名，兄之功名不许，令业师必高中也。彼曰：何以知之？答曰：官局生应，不来生世，谓之出现无情，与我无干也。后果至八月酉金实空之月，此人自己头场贴出，其业师中

式第四名。

未月癸亥日，占流年得艮卦：

/ 官鬼寅木 世

|| 妻财子水

|| 兄弟戌土

/ 子孙申金 应

|| 父母午火

|| 兄弟辰土

此人往军前求名，说占流年，却不知占名以官爻为官，最喜官星持世，占流年以鬼爻为煞，不宜官鬼持世。予以此理告之，彼曰：烦人援例，不知成否？答曰：此卦官星持世，日辰生合，业已成矣！果壬申日文书实收到。应申日者，寅木官星，日辰合之，合待逢冲之日也。若以流年断之则谬矣！

子月乙酉日，占现任吉凶，得需卦：

|| 妻财子水

/ 兄弟戌土

|| 子孙申金 世

/ 兄弟辰土

/ 官鬼寅木

/ 妻财子水 应

此公因本省有缺出，不便明问，故以现任吉凶而问，殊不知问缺之得否，子孙持世不得，占现任之吉凶，子孙持世则休官。予动问明，彼曰：占升迁。答曰：此缺不得。果不得，在任甚安。若以占现之吉凶，休官必矣，岂非天渊耶？

午月辛丑日，因母病占问流年，得益之无妄卦：

/ 兄弟卯木 应

/ 子孙巳火

X 妻财未土          子孙午火

|| 妻财辰土 世

|| 兄弟寅木

/ 父母子水

如买卖人问流年，自然以财爻为重，此卦旺财持世，未土之财化午火生合，即许之发财。彼曰：我因老母有病故来占之，欲占何日安否。予曰：占求财流年与母病是天渊矣！断曰：令堂甲辰日危也。果验，此应世爻辰土出旬之日也。

午月辛酉日占功名，得萃之遁卦：

X 父母未土          父母戌土

/ 兄弟酉金 应

/ 子孙亥水

X 妻财卯木          兄弟申金

|| 官鬼巳火 世

|| 父母未土

此子十二岁，乃父命其占名。若以官爻持世，夏火当令，未土父母爻为文章，化进神功名有望。岂知父叫子占，此心发于乃父之诚也，是父占子也。卯木不能克父，则父动克子也。未月戌日而亡。

## 《卜筮全书》

《术数图书馆》提供之影印电子版本

校对前记.....	541
启蒙节要.....	543
一、六十甲子歌 .....	543
二、五行相生相克 .....	545
三、六亲相生相克 .....	545
四、八卦象例 .....	546
五、八宫所属 .....	547
六、以钱代蓍法 .....	547
七、六十四卦名 .....	550
八、八卦次序 .....	552
九、五行次序 .....	552
十、六十四卦次第歌.....	552
十一、系辞八卦象类歌.....	552
十二、十天干 .....	553
十三、十二地支 .....	553
十四、纳甲歌：( 其法详见后逐卦爻象式 ) .....	553
十五、安放世应歌 .....	554
十六、安身诀 .....	557
十七、起月卦身诀 .....	557
十八、起六神诀 .....	559
十九、飞伏神歌 .....	560
二十、不全爻象各卦歌.....	560
二十一、五类俱全各卦歌.....	561
二十二、游魂八卦歌.....	562
二十三、归魂八卦歌.....	562
二十四、年上起月歌.....	562
二十五、日上起时歌.....	562

二十六、定寅时法 .....	563
<b>卦爻呈象.....</b>	<b>563</b>
纳甲法.....	563
乾宫八卦.....	565
乾宫：《乾为天》（六冲）属金乾上乾下 .....	565
乾宫：《天风姤》属金乾上巽下.....	566
乾宫：《天山遁》属金乾上艮下.....	568
乾宫：《天地否》（六合）属金乾上坤下 .....	569
乾宫：《风地观》属金巽上坤下.....	570
乾宫：《山地剥》属金艮上坤下.....	572
乾宫：《火地晋》（游魂）属金离上坤下 .....	573
乾宫：《火天大有》（归魂）属金离上乾下 .....	574
兑宫八卦.....	576
兑宫：《兑为泽》（六冲）属金兑上兑下 .....	576
兑宫：《泽水困》（六合）属金兑上坎下 .....	577
兑宫：《泽地萃》属金兑上坤下.....	578
兑宫：《泽山咸》属金兑上艮下.....	580
兑宫：《水山蹇》属金坎上艮下.....	581
兑宫：《地山谦》属金坤上艮下.....	582
兑宫：《雷山小过》（游魂）属金震上艮下 .....	583
兑宫：《雷泽归妹》（归魂）属金震上兑下 .....	585
离宫八卦.....	586
离宫：《离为火》（六冲）属火离上离下 .....	586
离宫：《火山旅》属火离上艮下.....	587
离宫：《火风鼎》属火离上巽下.....	589
离宫：《火水未济》属火离上坎下.....	590
离宫：《山水蒙》属火艮上坎下.....	592
离宫：《风水涣》属火巽上坎下.....	593
离宫：《天水讼》（游魂）属火乾上坎下 .....	594

离宫：《天火同人》（归魂）属火乾上离下 .....	596
震宫八卦 .....	597
震宫：《震为雷》（六冲）属木震上震下 .....	597
震宫：《雷地豫》（六合）属木震上坤下 .....	599
震宫：《雷水解》属木震上坎下 .....	600
震宫：《雷风恒》属木震上巽下 .....	601
震宫：《地风升》属木坤上巽下 .....	603
震宫：《水风井》属木坎上巽下 .....	604
震宫：《泽风大过》（游魂）属木兑上巽下 .....	605
震宫：《泽雷随》（归魂）属木兑上震下 .....	607
巽宫八卦 .....	608
巽宫：《巽为风》（六冲）属木巽上巽下 .....	608
巽宫：《风天小畜》属木巽上乾下 .....	609
巽宫：《风火家人》属木巽上离下 .....	611
巽宫：《风雷益》属木巽上震下 .....	612
巽宫：《天雷无妄》（六冲）属木乾上震下 .....	613
巽宫：《火雷噬嗑》属木离上震下 .....	614
巽宫：《山雷颐》（游魂）属木艮上震下 .....	616
巽宫：《山风蛊》（归魂）属木艮上巽下 .....	617
坎宫八卦 .....	618
坎宫：《坎为水》（六冲）属水坎上坎下 .....	618
坎宫：《水泽节》（六合）属水坎上兑下 .....	620
坎宫：《水雷屯》属水坎上震下 .....	621
坎宫：《水火既济》属水坎上离下 .....	622
坎宫：《泽火革》属水兑上离下 .....	624
坎宫：《雷火丰》属水震上离下 .....	625
坎宫：《地火明夷》（游魂）属水坤上离下 .....	627
坎宫：《地水师》（归魂）属水坤上坎下 .....	628
艮宫八卦 .....	629

艮宫：《艮为山》（六冲）属土艮上艮下 .....	629
艮宫：《山火贲》属土艮上离下 .....	631
艮宫：《山天大畜》属土艮上乾下 .....	632
艮宫：《山泽损》属土艮上兑下 .....	633
艮宫：《火泽睽》属土离上兑下 .....	635
艮宫：《天泽履》属土乾上兑下 .....	636
艮宫：《风泽中孚》（游魂）属土巽上兑下 .....	638
艮宫：《风山渐》（归魂）属土巽上艮下 .....	639
坤宫八卦 .....	640
坤宫：《坤为地》（六冲）属土坤上坤下 .....	640
坤宫：《地雷复》（六合）属土坤上震下 .....	641
坤宫：《地泽临》属土坤上兑下 .....	643
坤宫：《地天泰》（六合）属土坤上乾下 .....	644
坤宫：《雷天大壮》（六冲）属土震上乾下 .....	645
坤宫：《泽天夬》属土兑上乾下 .....	647
坤宫：《水天需》（游魂）属土坎上乾下 .....	648
坤宫：《水地比》（归魂）属土坎上下坤 .....	649
<b>通玄妙论 .....</b>	<b>651</b>
一、无鬼无气 .....	651
二、绝处逢生 .....	651
三、合处逢冲 .....	652
四、随官入墓 .....	652
五、逢冲暗动 .....	653
六、助鬼伤身 .....	653
七、六亲取用 .....	654
八、断易总论 .....	655
<b>阐奥歌章（上） .....</b>	<b>656</b>
一、碎金赋 .....	656
二、断易通玄赋 .....	658

三、诸爻持世诀 .....	662
四、世应生克动静空亡诀 .....	662
五、世应间爻诀 .....	663
六、身爻喜忌诀 .....	663
七、飞伏生克吉凶歌 .....	663
八、断易勿泥神杀歌 .....	664
九、忌神歌 .....	664
十、元辰歌 .....	664
十一、用爻泄气歌 .....	664
十二、六爻安静诀 .....	665
十三、六爻乱动诀 .....	665
十四、用爻不上卦或落空亡诀 .....	665
十五、用爻伏藏诀 .....	665
十六、用爻出现诀 .....	665
十七、用爻空亡诀 .....	666
十八、日辰诀 .....	666
十九、六神空亡诀 .....	666
二十、六神吉凶诀 .....	666
二十一、六亲发动诀 .....	666
二十二、神杀断例 .....	667
二十三、六亲持世歌 .....	668
二十四、月建直符 .....	668
二十五、日建传符 .....	669
二十六、六亲变化歌 .....	669
二十七、六神歌断 .....	670
二十八、年建天符 .....	671
二十九、六爻诸占定位 .....	671
<b>阐奥歌章（下） .....</b>	<b>672</b>
一、阴晴雨晦章：四首 .....	673

二、禾苗田地章：四首	674
三、住住宅第章：四首：附风水一首	675
四、移徙章：三首	681
五、坟墓章：一首	682
六、身命章：一首	682
七、六亲章：一首	683
八、婚姻章：七首	683
九、胎孕章：三首	685
十、蒙童章：一首	686
十一、教授章：一首	686
十二、儒业科举章：五首	686
十三、仕宦章：二首	687
十四、国事章：三首	690
十五、僧道章	691
十六、求财买卖章：三首：附：添人口一首、交易一首。	692
十七、出行章：二首：附关津一首	693
十八、行人章：八首：附音信三首、行人健否一首	694
十九、六畜章	696
二十、蚕桑章：二首	697
二十一、舟车章：一首	698
二十二、疾病章：十一首	698
二十三、医药章：二首	700
二十四、词讼章：六首	700
二十五、盗贼章：四首	702
二十六、断易总诀	703
<b>天玄赋（上）</b>	<b>703</b>
一、总论提纲	703
二、身命章	704
三、伉俪章	709

四、六甲章 .....	713
五、求仕章 .....	715
六、词讼章 .....	718
七、盗贼章 .....	720
八、求财章 .....	724
九、出行章 .....	726
十、行人章 .....	727
<b>天玄赋（下） .....</b>	<b>730</b>
十一、家宅章 .....	730
十二、香火章 .....	733
十三、六畜章 .....	734
十四、田蚕章 .....	736
十五、雨晴章 .....	738
十六、国朝章 .....	739
十七、疾病章 .....	743
十八、地理章 .....	747
<b>黄金策（一） .....</b>	<b>750</b>
总断千金赋 .....	750
一、天时 .....	768
二、年时 .....	777
<b>黄金策（二） .....</b>	<b>784</b>
三、国朝 .....	784
四、征战 .....	787
五、身命 .....	791
六、婚姻 .....	804
七、孕育：（附：老娘 乳母） .....	812
八、进口 .....	820
<b>黄金策（三） .....</b>	<b>825</b>
九、疾病 .....	825

十、病体.....	830
十一、医药.....	835
十二、鬼神.....	840
十三、种作.....	845
十四、蚕桑.....	851
十五、六畜.....	855
<b>黄金策（四）.....</b>	<b>860</b>
十六、求名.....	860
十七、仕宦.....	865
十八、求财.....	869
十九、家宅.....	876
二十、坟墓.....	887
<b>黄金策（五）.....</b>	<b>896</b>
二十一、求师.....	896
二十二、求馆：附束修.....	901
二十三、词讼.....	907
二十四、避乱：附避役.....	913
二十五、逃亡.....	920
二十六、失脱：附盗贼、捕盗、捉贼.....	925
<b>黄金策（六）.....</b>	<b>933</b>
二十七、出行.....	933
二十八、行人.....	938
二十九、舟船.....	943
三十、娼家.....	944
<b>阐幽精要.....</b>	<b>947</b>
一、观人断法.....	947
二、六神情性赋.....	948
三、身命章.....	948
四、家宅说.....	949

五、柳神经 .....	950
六、参玄赋 .....	951
七、家宅秘诀 .....	953
八、家宅六爻赋 .....	954
九、搜精六爻 .....	954
十、船家宅 .....	957
十一、疾病论 .....	958
十二、五行论病歌 .....	960
十三、六神论神鬼心决 .....	960
十四、六神论神崇决 .....	960
十五、占风水要决 .....	961
十六、何知章 .....	961
十七、妖孽赋 .....	964
十八、搜鬼论 .....	965
十九、参约爻、之卦、互卦例 .....	965
<b>神煞歌例 .....</b>	<b>966</b>
以下为吉神 .....	966
天元禄： .....	966
驿马： .....	966
天乙贵人： .....	966
福星贵人： .....	966
天德贵人： .....	966
月德贵人： .....	966
月德合： .....	967
天福贵人： .....	967
天喜： .....	967
天马： .....	967
唐符国印： .....	967
天医： .....	967

天赦：	967
皇恩大赦：	968
赦文：	968
十干天赦：	968
四季天赦：	968
天耳天目：	968
天福贵人：	968
天解神：	969
地解神：	969
月解神：	969
日解神：	969
内解神：	969
外解神：	969
解脱神：	969
雷火神：	969
喝散神：	969
日喝散：	970
开狱神：	970
活曜星：	970
以下为凶神	970
岁前神煞：	970
驾后神煞：	970
天哭杀：	970
天狱杀：	970
天贼：	971
四季天贼：	971
四季小杀：	971
日下大杀：	971
天狗杀：	971

三丘五墓：	971
墓门杀：	971
丧车杀：	972
沐浴杀：	972
关锁杀：	972
劫杀：	972
咸池杀：	972
鳏寡杀：	972
孤辰寡宿：	972
阴杀：	973
捶门官符：	973
勾陈杀：	973
白虎杀：	973
受死：	973
三刑：	973
六害：	973
四刑：	973
四冲：	974
四极：	974
六冲：	974
隔神：	974
大耗：	974
小耗：	974
破碎杀：	974
旌旗杀：	974
暴败杀：	975
六甲空亡：	975
截路空亡：	975
马前神杀：	975

---

以下为常用组合，非神煞.....	975
四利三元： .....	975
长生沐浴： .....	975
三合成局： .....	976
天干合： .....	976
地支合： .....	976

## 校对前记

六爻卜筮之术，自京房创立，历经 2000 余年。但因各种原因，能流传下来的著作不多。《卜筮全书》为明末所作，该书收集了明以前的很多重要著作，如《天玄赋》等，为后世研究提供了宝贵的资料。

我手头有（中州古籍出版社）1994 年 5 月第一版，郭小明校点之《卜筮全书》和（中国书籍出版社）1991 年 3 月第一版，郭志城、李郅高、刘英杰编著之《中国术数概观·卜筮卷》。两本都是采用雍正六年（1728 年）完成的《古今图书集成》为蓝本标点、校对的。纵观两书，断句标点不太准确，脱漏也有，估计也是后来传抄过程中产生错漏。

有幸从网上得到由《术数图书馆》提供之影印电子版本（1630 年版）。从题头和叙来看，当是姚百愚先生重新整理后的原版。为方便后学，特据此本录入校对成电子版本。

本录入校对本，对原版中的繁体字，用简体字替换，错别字直接改正。对生僻字，用（ ）标明，以现代汉语拼音注音，并简注字义。对原版模糊不清，或者不能辨认的字，用[ ]缺出。

虽然几经校点，但错误之处也可能在所难免。读者如发现校对错误，或者有更好的善本，烦请告诉我及时改正。以免误传，贻误后学。

生僻字注释：

（1）【筮】读音：shì 四声。意为：古时用蓍草占卜。

（2）【郅】读音：zhì，四声。意为：极，最。

此校对版由《术数图书馆》提供之影印电子版本录入。

## 卜筮全书

谈易斋重订

是书虽有旧本，然杂乱无序。今木坊敦请百愚姚先生删繁补缺，迥异他书，上可以阐先圣之玄机，次可以探诸家之秘旨。读者幸毋忽焉。 金闾翁少麓梓行

生僻字注释：

（1）【敦】读音：dūn，一声。意为：诚恳。

（2）【迥】读音：huì，二声。同回字。

（3）【阐】读音：chān，三声。意为：讲明白。

（4）【毋】读音：wú，二声。意为：表示禁止和劝阻，相当于“不要”的意思。

（5）【焉】读音：yān，一声。意为：跟介词“于”和代词“是”相当。语助词。还有：哪里，

怎么，才，等意。

(6)【阆】读音：chang，一声。意为：地名。

(7)【麓】读音：lu，四声。意为：山脚。

(8)【梓】读音：zi，三声。意为：刻板。

## 叙

### 芝山

卜筮之理，前知之理也。卜世三十，卜季八百，周有前知也。严君平日阅数人，百钞自养，闲肆讲老子，汉有前知也。吴范催孙权起兵生擒黄祖，吴有前知也。郭璞授青囊书，洞阴阳之机。淳于智令夏侯藻恸哭，百家人屋崩不死。晋有前知也。颜[ ]来卜妇云：登高看二水洞洞，惟闻人声不见形。妇人云：昨汲井胎中有声。果然。郭[ ]周得河中正云：三字[ ]时月正圆，一麾浞此出[ ][ ]。时中正初及第。八月十五日，果授知[ ]诰，改秦州。晋魏有前知也。李淳风见赤黑二马入河，人问二马何先起。有人筮得离卦，云：离为火，火赤色，赤马先起。李曰：尝未然，烟先发，黑马先起。果然。邵康节观友人园中牡丹，占之花尚败于午三刻，俄一马逸至，践损众花。唐宋有前知也。元之范畴，汤通玄，国朝（注：即明朝）之翟祥。沈景暘，周仲高，皆前知也。象姚夫百愚之纂修卜筮全书，大要以京房易论为主，以青囊经书辅之，精[ ]矣。而极其明头。玄奥全而极生简易。潜心研究之下，直令宇宙生心，造化在手。其为斯世新人计，详且密全。非考古证今，缘此测彼，因往知来者，孰能兴于此。将见百愚声鉴，占夫平郭璞诸家，相接式。百愚制述。[ ]怪牒神经，金绳玉策[ ]书，相流播。百愚行藏，偕高人隐士，弘道济时，潜身利物，相不朽。第书已寿梨，只恐雷雨云雾中，上事摄六丁神，追[ ][ ][ ][ ]。即青丘元老，不孤秘护，索百愚希毫，一朝如隗。抄书版索精易者，指点屋下之金，如袁[ ]得异人授画[ ]盟镜之验。令人有至诚如神之感。因叙之。

明第十七主 思宗帝三年也 至宝历十三年 百三十四年也 （注：公元 1630 年）

崇祯庚午夏四月既望

东吴顾宗孟书于兰玉居中

说明：该叙为草书写成。因本人才疏学浅，其中多字无法辨识。有的字根据文义篡入，但有些则不敢乱用，只好用[ ]缺出。还望有识之士指点，增补入内，以成完璧。

生僻字注释：

- ( 01 )【璞】读音：pu，二声。意为：含玉的石头，也指没有琢磨的玉。
- ( 02 )【囊】读音：nang，二声。意为：口袋，像口袋的东西。
- ( 03 )【淳】读音：chun，二声。意为：淳朴。
- ( 04 )【藻】读音：za0，三声。意为：华丽的文辞，藻类的植物。
- ( 05 )【恸】读音：t0ng，四声。意为：极悲哀，大哭。
- ( 06 )【汲】读音：ji，二声。意为：从下往上打水。
- ( 07 )【麾】读音：hui，一声。意为：指挥，古代指挥军队的旗帜。
- ( 08 )【浞】读音：zhu0，二声。意为：打湿，淋。
- ( 09 )【诰】读音：ga0，四声。意为：帝王对臣子的命令，对他们家属授与的称号。
- ( 10 )【畴】读音：ch0u，二声。意为：田地，种类。
- ( 11 )【翟】读音：zhai，二声。意为：姓。
- ( 12 )【暘】读音：yi，四声。意为：太阳在云中忽隐忽现。
- ( 13 )【篡】读音：cuan，四声。意为：夺取。
- ( 14 )【孰】读音：shu，二声。意为：疑问代词，如：谁，哪个，什么。
- ( 15 )【牒】读音：die，二声。意为：书籍，簿册，文书，证件。
- ( 16 )【偕】读音：xie，二声。意为：一同，偕同。
- ( 17 )【弘】读音：h0ng，二声。意为：大，扩充。
- ( 18 )【耄】读音：ma0，四声。意为：指八、九十岁的年纪，也泛指老年。
- ( 19 )【隗】读音：kui，二声。wei，三声。此字是一个多音字。意为：姓。

## 启蒙节要

### 一、六十甲子歌

甲子乙丑海中金，  
丙寅丁卯炉中火，  
戊寅己卯城头土，  
戊辰己巳大林木，  
庚午辛未路傍土，  
壬申癸酉剑锋金，  
甲戌乙亥山头火，

丙子丁丑涧下水，  
戊寅己卯城头土，  
庚辰辛巳白蜡金，  
壬午癸未杨柳木，  
甲申乙酉井泉水，  
丙戌丁亥屋上土，  
戊子己丑霹雳火，  
庚寅辛卯松柏木，  
壬辰癸巳长流水，  
甲午乙未砂中金，  
丙申丁酉山下火，  
戊戌己亥平地木，  
庚子辛丑壁上土，  
壬寅癸卯金箔金，  
甲辰乙巳佛灯火，  
丙午丁未天河水，  
戊申己酉大驿土，  
庚戌辛亥钗钏金，  
壬子癸丑桑拓木，  
甲寅乙卯大溪水，  
丙辰丁巳沙中土，  
戊午己未天上火，  
庚申辛酉石榴木，  
壬戌癸亥大海水。

生僻字注释：

(1)【涧】读音：jian，四声。意为：山间流水的沟。

(2)【箔】读音：bó，二声。意为：金属薄片。

(3)【驿】读音：yi，四声。意为：驿站。也表示路。

(4)【钗钏】读音：chāi，一声。Chuan，四声。意为：旧时妇女的头饰和镯子。

(5)【柘】读音：zhe，四声。意为：落叶灌木和乔木。

虎易注：

1. 此篇如更名为《六十甲子纳音歌》似更为准确。

2. 其中的：戊寅己卯城头土，有的书上作城墙土；甲申乙酉井泉水，有的书上作泉中水；壬寅癸卯金箔金，有的书上作锡箔金。其意思相近。

## 二、五行相生相克

相生：

金生水，

水生木，

木生火，

火生土，

土生金。

相克：

金克木，

木克土，

土克水，

水克火

火克金。

附：五行相生图和五行相克图；



## 三、六亲相生相克

生我者为父母，

我生者为子孙，

克我者为官鬼，


我克者为妻财，

比合者为兄弟。

## 四、八卦象例

乾三连，坤六断，  
震仰盂，艮覆碗，  
离中虚，坎中满，  
兑上缺，巽下断。

虎易附图说明：



虎易注：此歌诀是以八卦的卦形，形象描述的。

乾三连，指乾卦的三个爻都是阳爻，卦画是连在一起的三根长线；

坤六断，指坤卦的三个爻都是阴爻，卦画中间是断开的，成了六根短线；

震仰盂，指震卦的卦形，象一个仰面向上，盛东西的盂；【盂是古代盛东西的一种器皿】。

艮覆碗，指艮卦的卦形，象一个覆扣的碗；

离中虚，指离卦的中爻卦画，中间是空虚、断开的；

坎中满，指坎卦的中爻卦画，是完整饱满的长线；

兑上缺，指兑卦的上爻卦画，是中间断缺的阴爻；

巽下断，指巽卦的下爻卦画，是中间断开的阴爻。

生辟字注释：

(1)【盂】读音：yú，二声。盂是盛液体的敞口器皿。

(2)【艮】读音：gèn，四声。意为：八卦之一。

(3)【覆】读音：fù，四声。意为：底朝上翻过来。

(4)【巽】读音：xùn，四声。巽是八卦之一。象意代表风。

## 五、八宫所属

乾、兑属金，  
震、巽属木，  
坎属水，  
离属火，  
坤、艮属土。

## 六、以钱代蓍法

以钱三文熏于炉上致敬而祝曰：天何言哉，叩之即应神之灵矣感而遂通。今有某人，有事关心，罔知休咎，罔释厥疑，惟神惟灵，望垂昭报，若可若否，尚明告之。

祝毕掷钱：

一背为单，画：；（单，属阳爻，也可称为少阳。卦画为 / ）

二背为拆，画 = ；（拆，属阴爻，也可称为少阴。卦画为 || ）

三背为重，画 0 ；（重，属阳爻，也可称为老阳。卦画为 / ）

纯字为交，画 X ；（交，属阴爻，也可称为老阴。卦画为 || ）

自下而上，三掷内卦成。再祝曰：某宫三象，吉凶未判，再求外象三爻，以成一卦，以决忧疑。祝毕复如前法再掷，合成一卦而断吉凶。至敬至诚无不感应。

诀曰：两背由来拆，双眉本是单，浑眉交定位，总背是重安；

单单单曰乾，拆拆拆曰坤，单拆单曰离，拆单拆曰坎。

余卦仿此。单变为重，拆变为交。

生辟字注释：

（1）【熏】读音：xun，一声。意为：烟、气等接触物体，使变颜色和沾上气味。

（2）【叩】读音：k0u，四声。意为：磕头。

（3）【罔】读音：wang，三声。意为：没有；蒙蔽。

（4）【咎】读音：jiu，四声。意为：过失。

（5）【厥】读音：jue，二声。意为：其、他的。

（6）【昭】读音：zha0，一声。意为：显示、显著。

（7）【掷】读音：zhi，四声。意为：投、扔。

虎易注：此节讲解用铜钱摇卦，代替用蓍草占卜的方法。摇卦时，用三个铜钱，平放在手心，双手合扣；然后集中意念，专想所要预测的一种事；一事一测，不得有其他杂念，也不得想要预测几个事情。最好是用口说出，因为说话的时候，是不可能想其他事情的，效果会更好。时间大约为一分钟左右，以心情平静，意念集中，无其他杂念掺入为准，就可以开始摇卦了。

一个卦有六个爻，因此要摇六次，并记录下每次所摇的爻象。因为摇出的卦有六个爻，所以也称为六爻卦。装卦时“自下装上”，依次按初、二、三、四、五、上的次序排列装卦。

如果摇出的是一个背面，两个正面，就记录为单，画“——”爻，也称为少阳爻；

如果摇出的是两个背面，一个正面，就记录为拆，画“- -”爻，也称为少阴爻；

如果摇出的是三个背面，就记录为重，画“0”爻，属阳爻，谓阳动，也称为老阳爻；

如果摇出的是三个正面，就记录为交，画“X”爻，属阴爻，谓阴动，也称为老阴爻。

其中，少阳爻和少阴爻为静爻，是不能变的；如果摇出的六次，都是少阳爻和少阴爻，则称为静卦；老阳爻和老阴爻称为动爻，也称为发动，有动爻就会发生变化；如果摇出的六次中，有老阳爻和老阴爻，按照老阳爻变少阴爻、老阴爻变少阳爻的规定，就有了变卦。下面试摇一卦为例：

第一次摇出一个背面，两个正面，画“——”爻；

第二次摇出三个正面，画“X”爻；

第三次摇出两个背面，一个正面，画“- -”爻；

第四次摇出三个背面，画“0”爻；

第五次摇出两个背面，一个正面，画“- -”爻；

第六次摇出一个背面，两个正面，画“——”爻；

按照初、二、三、四、五、上的次序排列装卦，形成的卦称为主卦，也可以称为本卦。因为卦中有二、四两个爻是动爻，按照老阳爻变少阴爻、老阴爻变少阳爻的规定，就有了变卦。装卦如下：

【本 卦】	【变 卦】
上爻 /	/ （静爻不变）
五爻 // 世	// （静爻不变）
四爻 / 0 →	// （老阳爻动，变成少阴爻）
三爻 //	// （静爻不变）
二爻 // 应 X →	/ （老阴爻动，变成少阳爻）
初爻 /	/ （静爻不变）

六爻卦的初爻、二爻、三爻、四爻、五爻、上爻，是表示爻象所处的位置，也称为爻位；其他摇卦和装卦的方法仿此。

说明：八宫卦是由三爻卦画组成的，也称为单卦和经卦，由两个单卦上下重叠组成的六爻卦，也称为重卦。【重在这里读 ch0ng，二声】。或者称为别卦。在下面的单卦称为下卦，也称为内卦，在上面的单卦称为上卦，也称为外卦。

乾卦：

/ 一个背面，两个正面。

/ 一个背面，两个正面。

/ 一个背面，两个正面。

乾卦：初、二、三爻都是阳爻。

坤卦：

|| 两个背面，一个正面。

|| 两个背面，一个正面。

|| 两个背面，一个正面。

坤卦：初、二、三爻都是阴爻。

震卦：

|| 两个背面，一个正面。

|| 两个背面，一个正面。

/ 一个背面，两个正面。

震卦：初爻为阳爻，二、三爻为阴爻。

艮卦：

/ 一个背面，两个正面。

|| 两个背面，一个正面。

|| 两个背面，一个正面。

艮卦：初、二爻为阴爻，三爻为阳爻。

离卦：

/ 一个背面，两个正面。

|| 两个背面，一个正面。

/ 一个背面，两个正面。

离卦：初爻为阳爻，二爻为阴爻，三爻为阳爻。

坎卦：

|| 两个背面，一个正面。

/ 一个背面，两个正面。

|| 两个背面，一个正面。

坎卦：初爻为阴爻，二爻为阳爻，三爻为阴爻。

兑卦：

|| 两个背面，一个正面。

/ 一个背面，两个正面。

/ 一个背面，两个正面。

兑卦：初、二爻为阳爻，三爻为阴爻。

巽卦：

/ 一个背面，两个正面。

/ 一个背面，两个正面。

|| 两个背面，一个正面。

巽卦：初爻为阴爻，二、三爻为阳爻。

## 七、六十四卦名

**乾宫八卦：(俱属金)**

乾为天、天风姤、天山遁、天地否、风地观、山地剥、火地晋、火天大有。

**坎宫八卦：(俱属水)**

坎为水、水泽节、水雷屯、水火既济、泽火革、雷火丰、地火明夷、地水师。

**艮宫八卦：(俱属土)**

艮为山、山火贲、山天大畜、山泽损、火泽睽、天泽履、风泽中孚，风山渐。

**震宫八卦：(俱属木)**

震为雷、雷地豫、雷水解、雷风恒、地风升、水风井、泽风大过，泽雷随。

**巽宫八卦：(俱属木)**

巽为风、风天小畜、风火家人、风雷益、天雷无妄，火雷噬嗑，山雷颐，山风蛊。

**离宫八卦：(俱属火)**

离为火，火山旅，火风鼎，火水未济，山水蒙，风水涣，天水讼、天火同人。

**坤宫八卦：(俱属土)**

坤为地，地雷复，地泽临，地天泰，雷天大壮、泽天夬，水天需，水地比。

**兑宫八卦：(俱属金)**

兑为泽，泽水困，泽地萃，泽山咸，水山蹇，地山谦，雷山小过，雷泽归妹。

生僻字注释：

(01)【乾】读音：qian，二声。意为：八卦之一，代表天，刚，男等含义。

(02)【姤】读音：gou，四声。意为：相遇。

(03)【遁】(繁体字为：遯)读音：dun，四声。意为逃走，隐藏。

(04)【否】读音：pi，三声。意为：坏，闭塞不通。

(05)【夷】读音：yi，二声。意为：灭掉，杀尽，破坏建筑物。平坦，平安。

(06)【贲】读音：bi，四声。意为：装饰的很美。

(07)【睽】读音：kui，二声。意为：隔开，分离，违背，不合。

(08)【履】读音：lv，三声。意为鞋，走，踩，履行。

(09)【孚】读音：fu，二声。意为：使人信服。

(10)【豫】读音：yu，四声。意为：欢喜，快乐，安适。

(11)【恒】读音：heng，二声。意为：永久，持久，平常，经常。

(12)【妄】读音：wang，四声。意为荒谬不合理，胡乱，非分的，出了常规的。

(13)【噬嗑】读音：shi，四声。ke，四声。意为：用上下门牙咬东西。

(14)【颐】读音：yi，二声。意为保养。

(15)【蛊】读音：gu，三声。古代传说把许多毒虫放在器皿里，使其互相吞食，最后剩下不死的毒虫叫 蛊。用来放在食物里害人。

(16)【鼎】读音：ding，三声。意为：古代煮东西的器物，三足两耳。也喻为大。

(17)【涣】读音：huan，四声。意为：消散。

(18)【讼】读音：song，四声。意为：争辩是非，打官司。

(19)【坤】读音：kun，一声。意为：八卦之一，代表地，顺，女等含义。

(20)【夬】读音：guai，四声。意为：分决。

(21)【兑】读音：dui，四声。意为：八卦之一，代表沼泽，喜悦，口舌等含义。

( 22 )【萃】读音：cui，四声。意为：聚集。

( 23 )【咸】读音：xian，二声。意为：感，全，象盐那样的味道。

( 24 )【蹇】读音：jian，三声。意为：不顺利。

## 八、八卦次序

乾一，兑二，  
离三，震四，  
巽五，坎六，  
艮七，坤八。

## 九、五行次序

水一  
火二  
木三  
金四  
土五

## 十、六十四卦次第歌

乾坤屯蒙需讼师，比小畜兮履泰否；  
同人大有谦豫随，蛊临观兮噬嗑贲；  
剥复无妄大畜颐，大过坎离三十备。  
咸恒遁兮及大壮，晋与明夷家人睽；  
蹇解损益夬姤萃，升困井革鼎震继；  
艮渐归妹丰旅巽，兑涣节兮中孚至；  
小过既济兼未济，是为下经三十四。

## 十一、系辞八卦象类歌

乾为君兮首与马，卦属老阳体至刚。  
坎虽为耳又为豕，艮为手狗男之详。

震卦但为龙与足，三卦皆名曰少阳。  
阳刚终极资阴济，造化因知不易量。  
坤为臣兮腹与牛，卦属老阴体至柔。  
离虽为目又为雉，兑为口羊女之流。  
巽卦但为鸡与股，少阴三卦皆相伴。  
阴柔终极资阳济，万象搜罗靡不周。

## 十二、十天干

甲乙东方木，  
丙丁南方火，  
戊己中央土，  
庚辛西方金，  
壬癸北方水。

## 十三、十二地支

子水鼠，丑土牛，  
寅木虎，卯木兔，  
辰土龙，巳火蛇，  
午火马，未土羊，  
申金猴，酉金鸡，  
戌土狗，亥水猪。

## 十四、纳甲歌：（其法详见后逐卦爻象式）

乾金甲子外壬午，【子寅辰午申戌】；  
艮土丙辰外丙戌，【辰午申戌子寅】；  
巽木辛丑外辛未，【丑亥酉未巳卯】；  
坤土乙未外癸丑，【未巳卯丑亥酉】；  
坎水戊寅外戊申，【寅辰午申戌子】；  
震木庚子外庚午，【子寅辰午申戌】；

离火巳卯外巳酉，【卯丑亥酉未巳】；

兑金丁巳外丁亥，【巳卯丑亥酉未】；

右(上面)诀每句下小注(【】中之内容。),凡学者皆宜熟读。然自下升上,一如点画卦爻法。

## 十五、安放世应歌

八卦之首世六当,(谓八纯卦,世都在第六爻。)

以下初爻轮上扬,(若各宫之第二卦,世在初爻。第三卦世在二爻,余可类推。)

游魂八位四爻立,(每宫第七卦,谓之游魂,世在四爻。)

归魂八卦三爻详。(各宫第八卦,为归魂,世在三爻。)

世初应四,世二应五,世三应六,世四应初,世五应二,世六应三。

假如乾卦:世在六,应在三;姤卦便世在初,应在四;遁卦世在二,应在五;否、观、剥皆从其序,各进一位。至晋卦,不得上至第六爻,仍缩下安在第四爻,应在初爻,是为游魂卦。至大有卦又退下一爻,世在第三爻,应为第六爻,为归魂卦。各宫各卦皆依次例推之。

虎易注:

此歌诀是六爻卦装世爻和应爻的爻位的规定。

即:八宫的首卦,世爻装在第六爻,即上爻,应爻装在三爻;

第二卦世爻装在初爻,应爻装在上爻;

第三卦世爻装在二爻,应爻装在五爻;

第四卦世爻装在三爻,应爻装在上爻;

第五卦世爻装在四爻,应爻装在初爻;

第六卦世爻装在上爻,应爻装在二爻;

第七卦【游魂】世爻装在上爻,应爻装在初爻;

第八卦【归魂】世爻装在三爻,应爻装在上爻。

下面以乾宫八卦为例:

乾宫:乾为天(首卦)

/ 世

/

/

/ 应

/

/

第一卦：世爻装在上爻，应爻装在三爻；

乾宫：天风姤

/

/

/ 应

/

/

|| 世

第二卦：世爻装在初爻，应爻装在四爻；

乾宫：天山遁

/

/ 应

/

/

|| 世

||

第三卦世爻装在二爻，应爻装在五爻；

乾宫：天地否

/ 应

/

/

|| 世

||

||

第四卦世爻装在三爻，应爻装在上爻；

乾宫：风地观

/

/

|| 世

||

||

|| 应

第五卦世爻装在三爻，应爻装在上爻；

乾宫：山地剥

/

|| 世

||

||

|| 应

||

第六卦世爻装在三爻，应爻装在上爻；

乾宫：火地晋（游魂卦）

/

||

/ 世

||

||

|| 应

第七卦世爻装在三爻，应爻装在上爻；

乾宫：火天大有（归魂卦）

/ 应

||

/

/ 世

/

/

第八卦世爻装在三爻，应爻装在上爻。

其他宫的卦，装世爻和应爻，仿此。

## 十六、安身诀

子午持世身居初，

丑未持世身居二，

寅申持世身居三，

卯酉持世身居四，

辰戌持世身居五，

巳亥持世身居六。

虎易注：

此为以世爻来确定安世卦身的原则。本法在现代运用已经很少，学者要注意，不要和月卦身搞混淆了。

## 十七、起月卦身诀

阴世则从午月起，

阳世还从子月生，

欲得识其卦中意，

从初数至世方真。

看世在交拆爻为阴，在重单爻为阳。俱从初爻上数至世，便知何月卦，即是卦身也。吉神照临则吉，凶煞克害则凶。假如乾卦世爻是单，便以十一月从初爻数上去，到第六爻世上即是，四月卦也。又如明夷卦，世爻是拆，从初爻以五月数起，至世即八月卦也。

虎易注：

此是安月卦身的原则。先确定世爻是阴爻，还是阳爻；如果世爻是阳爻，就从初爻开始数子，二爻丑，三爻寅，四爻卯，五爻辰，六爻巳。世爻在初爻，其卦身就是子爻；在二爻为丑爻，在三爻为寅爻，在四爻为卯爻，在五爻为辰爻，在六爻为巳爻；看卦中哪个爻是此爻，月卦身就安在哪个爻上。如果世爻是阴爻，就从初爻开始数午，二爻未，三爻申，四爻酉，五爻戌，六爻亥。世爻在初爻，其月卦身就是午爻；在二爻为未爻，在三爻为申爻，在四爻为酉爻，在五爻为戌爻，在六爻为亥爻；看卦中哪个爻是此爻，月卦身就安在哪个爻上。

附：世爻为阴爻卦例：

乾宫：天地否（六合卦）

/ 父母壬戌土 应  
/ 兄弟壬申金 卦身  
/ 官鬼壬午火  
|| 妻财乙卯木 世  
|| 官鬼乙巳火  
|| 父母乙未土

本卦世爻在第三爻，临阴爻。按照“阴世则从午月起”的原则，从初爻起数午，二爻数未，三爻数申，至此已数到世爻了，那么就应该以申爻为月卦身。本卦的申爻在第五爻，所以，月卦身就安在第五爻申上。

乾宫：天风姤

/ 父母壬戌土  
/ 兄弟壬申金  
/ 官鬼壬午火 应 卦身  
/ 兄弟辛酉金

/ 子孙辛亥水

|| 父母辛丑土 世

本卦世爻在初爻，临阴爻。按照“阴世则从午月起”的原则，从初爻起数午，初爻就是世爻，那么就应该以午爻为月卦身。本卦午爻在第四爻，所以，月卦身就安在第四爻午上。

世爻为阳爻卦例：

坎宫：泽火革

|| 官鬼丁未土

/ 父母丁酉金

/ 兄弟丁亥水 世

/ 兄弟己亥水

|| 官鬼己丑土

/ 子孙己卯木 应 卦身

此卦世爻在第四爻，临阳爻。按照“阳世还从子月生”的原则，从初爻起数子，二爻数丑，三爻数寅，四爻数卯，至此已数到世爻了，那么就应该以卯爻为月卦身。本卦的卯爻在初爻，所以，月卦身就安在初爻卯上。

其他卦的月卦身安法仿此。

## 十八、起六神诀

甲乙起青龙，

丙丁起朱雀，

戊日起勾陈，

己日起螣蛇，

庚辛起白虎，

壬癸起玄武。

（俱从下起至上。）

附例：今以甲乙丙丁日起，附载为式，余仿此：

	初爻	二爻	三爻	四爻	五爻	六爻
甲乙日例	青龙	朱雀	勾陈	螣蛇	白虎	玄武

丙丁日例 朱雀 勾陈 螣蛇 白虎 玄武 青龙

生辟字注释：

(1)【螣】读音：teng，二声。螣蛇，古书上记载的一种能飞的蛇。此字在卜筮的书籍中，也有写成【螣蛇】或者【滕蛇】的。

(2)【玄武】有的书籍也写作【元武】，其意思都一样。

虎易注：

六神也称为六兽。此歌诀是六神配六爻的起例方法。如：“甲乙起青龙”，就是当天干是甲或者乙的日子起卦，就从初爻开始配青龙，二爻配朱雀，三爻配勾陈，四爻配螣蛇，五爻配白虎，六爻配玄武。“丙丁起朱雀，戊日起勾陈，己日起螣蛇，庚辛起白虎，壬癸起玄武。”仿此。

## 十九、飞伏神歌

乾坤来往换，  
艮兑两边求，  
震巽相抽取，  
坎离递送流。

乾卦伏神从坤卦寻，坤卦伏神从乾卦取。两宫互相交换，下六宫一如此例。

假如乾卦六爻是：子寅辰午申戌，其伏神用坤卦：未巳卯丑亥酉。

又如天风姤卦，外三爻是本宫出现，不必看其伏神；内三爻是巽宫来，方要察其本宫。子寅辰伏在丑亥酉内也。至风地观、山地剥、火地晋，内外卦皆是别宫，其本宫六爻皆伏藏于内。至火天大有归魂卦，外三爻是伏藏，内三爻是出现，余宫各卦可以类推。

凡看伏神，因用爻不上卦，或被冲克，不得已而按索之。学者自宜变通，不可拘泥。

## 二十、不全爻象各卦歌

试论泰复夬需旅，  
鼎解大畜豫贲推，  
十卦本来无父母，  
若卜父母非所宜。  
以上十卦无父母爻。

---

更有观剥恒升井，  
大过六卦弟兄亏，  
若占兄弟切须忌，  
纵无大患主灾危。  
以上六卦无兄弟爻。

---

遁履姤孚渐谦涣，  
屯睽既济革明夷，  
小过咸蒙并蹇卦，  
十六卦中妻财亏。  
以上十六卦无妻财爻。

---

无子亦有十六卦，  
二过否蛊并颐随。  
大畜贲观中孚井，  
遁升归妹晋损儿。  
以上十六卦无子孙爻。

---

小畜未济家人卦，  
更逢旅讼涣益颐，  
八者之中皆无鬼，  
求官谒贵岂相宜。  
以上八卦无官鬼爻。

---

## 二十一、五类俱全各卦歌

五位各爻兼备者，二十之卦报君知  
八纯节丰及大有，比临无妄大壮师  
萃卦噬嗑同人困，财官父子兄皆宜

## 二十二、游魂八卦歌

明夷与颐晋，  
需讼及中孚，  
小过并大过，  
游魂应在初。

## 二十三、归魂八卦歌

归妹及同人，  
师随蛊渐轮，  
比还兼大有，  
八卦是归魂。

## 二十四、年上起月歌

甲己之年丙作首，  
乙庚之岁戊为头，  
丙辛之位从庚上，  
丁壬壬位顺行流，  
更加戊癸从何起，  
甲寅之上好追求。

假如甲、己年，其正月便是丙寅月，二月是丁卯月，挨顺轮去。乙、庚年，正月是戊寅月，二月是己卯月。其余仿此

## 二十五、日上起时歌

甲己还加甲，  
乙庚丙作初，  
丙辛从戊起，  
丁壬庚子居，  
戊癸何方发，

壬子是真途。

假如甲、己日，甲子时起；乙、庚日，丙子时起。余例推。

## 二十六、定寅时法

正九五更二点彻，  
二八五更四点歇，  
三七平光是寅时，  
四六日出寅无别，  
五月日高三丈地，  
十月十二四更二，  
仲冬才到四更初，  
便是寅时君须记。

虎易注：

(1)【仲冬】十一月也。

## 卦爻呈象

### 纳甲法

纳甲歌诀，见前启蒙节要内，今以其法俱载，以便学者详览。

其法皆自下而上，阳甲隔位顺轮，阴甲隔位逆转。

卦宫：	乾	坎	艮	震（四卦属阳）	坤	巽	兑	离（四卦属阴）
上爻：	戌	子	寅	戌	酉	卯	未	巳
五爻：	申	戌	子	申	亥	巳	酉	未
四爻：	午	申	戌	午	丑	未	亥	酉
三爻：	辰	午	申	辰	卯	酉	丑	亥
二爻：	寅	辰	午	寅	巳	亥	卯	丑
初爻：	子	寅	辰	子	未	丑	巳	卯

说明：为便于后学理解，虎易在其左侧，附入卦宫、爻位。学者据此，可知各宫卦地支所应纳入的爻位。

## 逐卦爻辞

说明：虎易认为：原版排版的方式，不太符合现代人的阅读习惯，而且容易造成理解困难。因此，在不违背原著本义的原则下，稍加改变。

1、卦名前面增加了卦宫。对六合、六冲、游魂、归魂卦，一律用（ ）附加在卦名后。在卦象上增加【本卦】。不上卦的六亲，用“伏神”附在本卦前标明。

2、原著将世身附在卦爻下，而没有月卦身，不上卦的伏藏之爻也没说明，现在一律用【虎易注】的方式，附在每卦下面加以说明。

3、伏藏之爻，采用八宫首卦之六亲为伏神，学者可参考《卜筮正宗》的有关论述。

3、《易经》第 xx 卦，采用的是【宋、朱熹】排列的上、下经卦名次序。和八宫卦的分宫卦序是不一样的，学者注意分辨。

4、增加了易经的【卦、彖、象辞】。六爻断部分，增加了【象曰】之象辞。以上均采用《上海古籍出版社》1996 年 8 月第二次印刷，【宋、朱熹 注】，李剑雄 标点之版本，录入校对。

附原版卦式：

乾为天

乾上 属金 乾下

壬戌/ 父母 世

壬申/ 兄弟 身

壬午/ 官鬼

甲辰/ 父母 应

甲寅/ 妻财

甲子/ 子孙

六龙御天之卦，

广大包容之象。

判曰：乾者，健也。大哉乾元。荫覆无偏，玄运造化，万物资始。云行雨施。变化不言。东西任意，南北安然。

六爻断：初九：潜龙，勿用。九二：见龙再田，利见大人。九三：君子终日乾乾，夕惕若，厉无咎。九四：或跃在渊，无咎。九五：飞龙在天，利见大人。上九：亢龙有悔。用九：见群龙无首，

吉。

## 乾宫八卦

乾宫：《乾为天》（六冲）属金乾上乾下

### 【本 卦】

■■■■■■ 父母壬戌土 世

■■■■■■ 兄弟壬申金

■■■■■■ 官鬼壬午火

■■■■■■ 父母甲辰土 应

■■■■■■ 妻财甲寅木

■■■■■■ 子孙甲子水

六龙御天之卦，

广大包容之象。

判曰：乾者，健也。大哉乾元。荫覆无偏，玄运造化，万物资始。云行雨施。变化不言。东西任意，南北安然。

### 虎易注：

世身在五爻，月卦身为巳，不入卦。此卦父、兄、子、财、官六亲俱全。

《易经》第一卦 乾 乾为天 乾上乾下

乾：元，亨，利，贞。

《彖》曰：大哉乾元！万物资始，乃统天。云行雨施，品物流形。大明始终，六位时成，时乘六龙以御天。乾造变化，各正性命，保合大和，乃利贞。首出庶物，万国咸宁。

《象》曰：天行健，君子以自强不息。

六爻断：

初九：潜龙，勿用。

《象》曰：“潜龙勿用”，阳在下也。

九二：见龙再田，利见大人。

《象》曰：“见龙在田”，德施普也。

九三：君子终日乾乾，夕惕若，厉无咎。

《象》曰：“终日乾乾”，反复道也。

九四：或跃在渊，无咎。

《象》曰：“或跃在渊”，进无咎也。

九五：飞龙在天，利见大人。

《象》曰：“飞龙在天”，大人造也。

上九：亢龙有悔。

《象》曰：“亢龙有悔”，盈不可久也。

用九：见群龙无首，吉。

《象》曰：“用九”，天德不可为首也。

生僻字注释：

(1)【御】读音：yu，四声。意为：封建社会上级对下级的管理或支配。驾御车马，抵挡。

(2)【荫】读音：yin，四声。意为：树荫，没有阳光，又凉又潮，荫庇等。

(3)【彖】读音：tuan，四声。意为：论断，判断。

(4)【贞】读音：zhen，一声。意为：占卜。(朱熹注为正而固也)，忠于自己所信守的原则，坚定不变。(5)【庶】读音：shu，四声。意为：众多，平民。

(6)【见】读音：xian，二声。此处读音为现。

(7)【渊】读音：yuan，一声。意为：深，深水，潭。

(8)【亢】读音：kang，四声。意为：高，高傲，极，过度。

(9)【盈】读音：ying，二声。意为：充满，多出来，多余。

## 乾宫：《天风姤》属金乾上巽下

伏 神 【本 卦】

■■■■■■ 父母壬戌土

■■■■■■ 兄弟壬申金

■■■■■■ 官鬼壬午火 应

■■■■■■ 兄弟辛酉金

妻财甲寅木 ■■■■■■ 子孙辛亥水

■■ ■■ 父母辛丑土 世

风云相济之卦，

君臣会合之象。

判曰：姤者，遇也。以阴遇阳，以柔遇刚，本无所望，而卒然值之，不期而遇。占者得之，所谋无不吉也。

虎易注：

世身在二爻，月卦身为午，在四爻。妻财甲寅木不入卦，伏藏在二爻子孙辛亥水下。

《易经》第四十四卦 姤 天风姤 乾上巽下

姤：女壮，勿用取女。

《彖》曰：“姤”，遇也；柔遇刚也。“勿用取女”，不可与长也。天地相遇，品物咸章也。刚遇中正，天下大行也。 姤之时义大矣哉！

《象》曰：天下有风，姤；后以施命诰四方。

六爻断：

初六：系于金柅，贞吉。有攸往，见凶，羸豕孚踯躅。

《象》曰：“系于金柅”，柔道牵也。

九二：包有鱼，无咎，不利宾。

《象》曰：“包有鱼”，义不及宾也。

九三：臀无肤，其行次且，厉，无大咎。

《象》曰：“其行次且”，行未牵也。

九四：包无鱼，起凶。

《象》曰：无鱼之凶，远民也。

九五：以杞包瓜，含章，有陨自天。

《象》曰：九五“含章”，中正也。“有陨自天”，志不舍命也。

上九：姤其角，吝，无咎。

《象》曰：“姤其角”，上穷吝也。

生僻字注释：

(1)【柅】读音：ni，三声。意为：止车的木块。

(2)【攸】读音：y0u，一声。意为：所。

(3)【羸】读音：lei，二声。意为：瘦，疲劳。

(4)【踯躅】读音：zhi，二声。zhu，二声。意为：徘徊。

(5)【杞】读音：qi，三声。朱熹解杞字意为：高大坚实之木。

(6)【吝】读音：lin，四声。此为易经中一个判断吉、凶、悔、吝之兆的专门名词，大约有遗憾，麻烦，艰难，羞辱等义。

## 乾宫：《天山遁》属金乾上艮下

伏 神 【本 卦】

	䷀	父母壬戌土	
	䷀	兄弟壬申金	应
	䷀	官鬼壬午火	
	䷀	兄弟丙申金	
妻财甲寅木	䷀	官鬼丙午火	世
子孙甲子水	䷀	父母丙辰土	

豹隐南山之卦，

近善远恶之象。

判曰：遁者，退也。处遁之时，阳道欲亏，恶事即起，善事欲衰。欲进欲退，疑惑难为，以小制大，君子避之。

虎易注：

世身在初爻，月卦身为未，不入卦。子孙甲子水不入卦，伏藏在初爻父母丙辰土下。妻财甲寅木不入卦，伏藏在二爻官鬼丙午火下。

《易经》第三十三卦 遁 天山遁 乾上艮下

遁：亨，小利贞。

《彖》曰：“遁，亨”，遁而亨也。刚当位而应，与时行也。“小利贞”，浸而长也。遁之时义大矣哉！

《象》曰：天下有山，遁；君子以远小人，不恶而严。

六爻断：

初六：遁尾，厉，勿用有攸往。

《象》曰：遁尾之厉，不往，何灾也？

六二：执之用黄牛之革，莫之胜说。

《象》曰：执用黄牛，固志也。

九三：系遁，有疾厉；畜臣妾，吉。

《象》曰：系遁之厉，有疾惫也。“畜臣妾，吉”，不可大事也。

九四：好遁，君子吉，小人否。

《象》曰：君子好遁，小人否也。

九五：嘉遁，贞吉。

《象》曰：“嘉遁，贞吉”，以正志也。

上九：肥遁，无不利。

《象》曰：“肥遁，无不利”，无所疑也。

生僻字注释：

(1)【惫】读音：bei，四声。旧读 bai，四声。意为：极端疲乏。

## 乾宫：《天地否》(六合)属金乾上坤下

伏 神 【本 卦】

父母壬戌土 应

兄弟壬申金

官鬼壬午火

妻财乙卯木 世

官鬼乙巳火

子孙甲子水 父母乙未土

天地不交之卦，

人口不圆之象。

判曰：否者，塞也。天地不交，阴阳闭塞。夫妇不和，别离南北。君子道消，小人道长。人物乖违，不通之象。

虎易注：

世身在四爻，月卦身为申，在五爻。子孙甲子水不入卦，伏藏在初爻父母乙未土下。

《易经》第十二卦 否 天地否 乾上坤下

否：否之匪人，不利君子贞，大往小来。

《象》曰：“否之匪人，不利君子贞，大往小来”。则是天地不交，而万物不通也；上下不交，而天下无邦也。内阴而外阳，内柔而外刚，内小人而外君子。小人道长，君子道消也。

《象》曰：天地不交，否；君子以俭德辟难，不可荣以禄。

六爻断：

初六：拔茅茹以其汇，贞吉亨。

《象》曰：拔茅贞吉，志在君也。

六二：包承，小人吉，大人否，亨。

《象》曰：“大人否，亨”，不乱群也。

六三：包羞。

《象》曰：“包羞”，位不当也。

九四：有命，无咎；畴离祉。

《象》曰：“有命，无咎”，志行也。

九五：休否，大人吉。其亡其亡，系于苞桑。

《象》曰：大人之吉，位正当也。

上九：倾否，先否后喜。

《象》曰：否终则倾，何可长也。

生僻字注释：

(1)【匪】读音：fei，三声。意为：非，强盗。

(2)【祉】读音：zhi，三声。意为：幸福。

## 乾宫：《风地观》属金巽上坤下

伏 神 【本 卦】

	䷓	妻财辛卯木
兄弟壬申金	䷓	官鬼辛巳火
	䷓	父母辛未土 世
	䷓	妻财乙卯木
	䷓	官鬼乙巳火
子孙甲子水	䷓	父母乙未土 应

云卷晴空之卦，

春花竞发之象。

判曰：观者，观也。观国之光，风在地上，万物荣昌。财不破散，爵禄加彰。

虎易注：

世身在二爻，月卦身为酉，不入卦。子孙甲子水不入卦，伏藏在初爻父母乙未土下。兄弟壬申金不入卦，伏藏在五爻官鬼辛巳火下。

《易经》第二十卦 观 风地观 巽上坤下

观：盥而不荐，有孚颙若。

《彖》曰：大观在上，顺而巽，中正以观天下。“观，盥而不荐，有孚颙若。”下观而化也。观天之神道，而四时不忒；圣人以神道设教，而天下服矣。

《象》曰：风行地上，观；先王以省方观民设教。

六爻断：

初六：童观，小人无咎，君子吝。

《象》曰：初六“童观”，小人道也。

六二：窥观，利女贞。

《象》曰：窥观女贞，亦可丑也。

六三：观我生，进退。

《象》曰：“观我生，进退”，未失道也。

六四：观国之光，利用宾于王。

《象》曰：“观国之光”，尚宾也。

九五：观我生，君子无咎。

《象》曰：“观我生”，观民也。

上九：观其生，君子无咎。

《象》曰：“观其生”，志未平也。

生僻字注释：

(1)【爵】读音：jue，二声。意为：爵位。古代饮酒的器皿，有三条腿，称为爵。

(2)【禄】读音：lu，四声。意为：古代称官吏的俸给。

(3)【彰】读音：zhang，一声。意为：明显，表彰。

(4)【荐】读音：jian，四声。意为：推举，献祭。

(5)【颙】读音：yong，二声。意为：大，严肃端正貌。

























(6)【忒】读音：te，四声。意为：差错。

(7)【省】读音：xing，三声。意为：醒悟，反省自己的思想，行为。

(8)【窥】读音：kui，一声。意为：从小孔或缝隙里看。暗中察看。

## 乾宫：《山地剥》属金艮上坤下

伏 神 【本 卦】

					妻财丙寅木
兄弟壬申金					子孙丙子水 世
					父母丙戌土
					妻财乙卯木
					官鬼乙巳火 应
					父母乙未土

去旧生新之卦，

群阴剥尽之象。

判曰：剥者，落也。山高岌岌，其形似剥。阴道将盈，阳道衰弱。卦临九月，霜叶凋落。人离财散，求官失爵。

虎易注：

世身在初爻，月卦身为戌，在四爻。兄弟壬申金不入卦，伏藏在五爻子孙丙子水下。

《易经》第二十三卦 剥 山地剥 艮上坤下

剥：不利有攸往。

《彖》曰：“剥”，剥也，柔变刚也。“不利有攸往”，小人长也。顺而止之，观象也。君子尚消息盈虚，天行也。

《象》曰：山附于地，剥；上以厚下安宅。

六爻断：

初六：剥床以足，蔑贞凶。（朱注：蔑，灭也。）

《象》曰：“剥床以足”，以灭下也。

六二：剥床以辨，蔑贞凶。（朱注：辨，床干也）

《象》曰：“剥床以辨”，未有与也。

六三：剥之，无咎。

《象》曰：“剥之，无咎”，失上下也。

六四：剥床以肤，凶。

《象》曰：“剥床以肤”，切近灾也。

六五：贯鱼以宫人宠，无不利。

《象》曰：以宫人宠，终无尤也。

上九：硕果不食，君子得舆，小人剥庐。

《象》曰：“君子得舆”，民所载也。“小人剥庐”，终不可用也。

生僻字注释：

(1)【岌岌】读音：jì，二声。形容山势高耸，也形容十分危险，快要倾覆或灭亡。

(2)【舆】读音：yú，二声。意为：车。

乾宫：《火地晋》(游魂)属金离上坤下

伏 神 【本 卦】

官鬼己巳火

父母己未土

兄弟己酉金 世

妻财乙卯木

官鬼乙巳火

子孙甲子水 父母乙未土 应

龙剑出匣之卦，

以臣遇君之象。

判曰：晋者，进也。日出于地，柔而上行，巡运照耀，升进其明。居官益位，祸灭福生，利见王侯，任意必亨。

虎易注：

世身在四爻，月卦身为卯，在三爻。子孙甲子水不入卦，伏藏在初爻父母乙未土下。

《易经》第三十五卦 晋 火地晋 离上坤下

晋：康侯用锡马蕃庶，昼日三接。

《彖》曰：“晋”，进也。明出地上，顺而丽乎大明，柔进而上行。是以“康侯用锡马蕃庶，昼日三接”也。

《象》曰：明出地上，晋；君子以自昭明德。

六爻断：

初六：晋如，摧如，贞吉。罔孚，裕无咎。

《象》曰：“晋如，摧如”，独行正也。“裕无咎”，未受命也。

六二：晋如，愁如，贞吉。受兹介福，于其王母。

《象》曰：“受兹介福”，以中正也。

六三：众允，悔亡。

《象》曰：众允之志，上行也。

九四：晋如鼫鼠，贞厉。

《象》曰：鼫鼠贞厉，位不当也。

六五：悔亡，失得勿恤，往吉，无不利。

《象》曰：“失得勿恤”，往有庆也。

上九：晋其角，维用伐邑，厉吉无咎；贞吝。

《象》曰：“维用伐邑”，道未光也。

生僻字注释：

(1)【锡】读音：xi，一声。意为：赐给。

(2)【蕃】读音：fan，一声。意为：同番。

(3)【鼫】读音：shi，二声。古书上指鼫鼠一类的动物。

(4)【恤】读音：xu，四声。意为：顾虑，怜悯，救济。

(5)【邑】读音：yi，四声。意为：古代县的别称。城市。

乾宫：《火天大有》（归魂）属金离上乾下

【本 卦】

官鬼己巳火 应

父母己未土

兄弟己酉金

■ ■ ■ ■ ■ 父母甲辰土 世

■ ■ ■ ■ ■ 妻财甲寅木

■ ■ ■ ■ ■ 子孙甲子水

金玉满堂之卦，

大明中天之象。

判曰：大有者，宽也。柔得尊位，官禄日实。掩恶扬善，丰财和义，广纳包容，成物之美。自天佑之，吉无不利。

虎易注：

世身在五爻，月卦身为寅，在二爻。此卦父、兄、子、财、官六亲俱全。

《易经》第十四卦 大有 火天大有 离上乾下

大有：元亨。

《彖》曰：“大有”，柔得尊位大中，而上下应之，曰大有。其德刚健而文明，应乎天而时行，是以元亨。

《象》曰：火在天上，大有；君子以遏恶扬善，顺天休命。

六爻断：

初九：无交害，匪咎。艰则无咎。

《象》曰：《大有》初九，无交害也。

九二：大车以载，有攸往，无咎。

《象》曰：“大车以载”，积中不败也。

九三：公用亨于天子，小人弗克。

《象》曰：“公用亨于天子”，小人害也。

九四：匪其彭，无咎。

《象》曰：“匪其彭，无咎”，明辨晰也。

六五：厥孚交如，威如，吉。

《象》曰：“厥孚交如”，信以发志也。威如之吉，易而无备也。

上九：自天佑之，吉，无不利。

《象》曰：《大有》上吉，自天佑也。

生僻字注释：

(1)【佑】读音：yòu，四声。意为：保佑。

(2)【遏】读音：è，四声。意为：阻止，禁止。

(3)【厥】读音：jué，二声。意为：其，他的，乃，才等。此处当为“其”意。

## 兑宫八卦

兑宫：《兑为泽》(六冲)属金兑上兑下

【本 卦】

䷹ 父母丁未土 世

䷱ 兄弟丁酉金

䷺ 子孙丁亥水

䷮ 父母丁丑土 应

䷳ 妻财丁卯木

䷔ 官鬼丁巳火

江湖养物之卦，

天降雨泽之象。

判曰：兑者，悦也。泽润万物，恩惠兆民。居上爱下，悦而忻忻。利有攸往，无不亨贞。

虎易注：

世身在二爻，月卦身为亥，在四爻。此卦父、兄、子、财、官六亲俱全。

《易经》第五十八卦 兑 兑为泽 兑上兑下

兑：亨，利贞。

《彖》曰：“兑”，说也。刚中而柔外，说以利贞，是以顺乎天而应乎人。说以先民，民忘其劳；说以犯难，民忘其死。说之大，民劝矣哉！

《象》曰：丽泽，兑；君子以朋友讲习。

六爻断：

初九：和兑，吉。

《象》曰：和兑之吉，行未疑也。

九二：孚兑，吉，悔亡。

《象》曰：孚兑之吉，信志也。

六三：来兑，凶。

《象》曰：来兑之凶，位不当也。

九四：商兑未宁，介疾有喜。

《象》曰：九四之喜，有庆也。

九五：孚于剥，有厉。

《象》曰：“孚于剥”，位正当也。

上六：引兑。

《象》曰：上六“引兑”，未光也。

生僻字注释：

(1)【忻】读音：xin，一声。此字通“欣”。意为：喜悦。

### 兑宫：《泽水困》( 六合 ) 属金兑上坎下

【本 卦】

■ ■ 父母丁未土  
■■■■■ 兄弟丁酉金  
■■■■■ 子孙丁亥水 应  
■ ■ 官鬼戊午火  
■■■■■ 父母戊辰土  
■ ■ 妻财戊寅木 世

河中无水之卦，

守己待时之象。

判曰：困者，危也。水在泽下，万物不生。君子困穷，小人滥盈。三山幽谷，向暗背明。占者有难，守而勿争。

---

虎易注：世身在三爻，月卦身为午，在三爻。此卦父、兄、子、财、官六亲俱全。

《易经》第四十七卦 困 泽水困 兑上坎下

困：亨，贞，大人吉，无咎。有言不信。

《彖》曰：“困”，刚掩也。险以说，困而不失其所亨，其唯君子乎！“贞，大人吉”，以刚中也。

“有言不信”，尚口乃穷也。

《象》曰：泽无水，困；君子以致命遂志。

六爻断：

初六：臀困于株木，入于幽谷，三岁不覿。

《象》曰：“入于幽谷”，幽不明也。

九二：困于酒食，朱紱方来，利用亨祀。征凶，无咎。

《象》曰：困于酒食，中有庆也。

六三：困于石，据于蒺藜，入于其宫，不见其妻，凶。

《象》曰：“据于蒺藜”，乘刚也。“入于其宫，不见其妻”，不祥也。

九四：来徐徐，困于金车，吝，有终。

《象》曰：“来徐徐”，志在下也。虽不当位，有与也。

九五：劓刖，困于赤紱，乃徐有说，利用祭祀。

《象》曰：“劓刖”，志未得也。“乃徐有说”，以中直也。“利用祭祀”，受福也。

上六：困于葛藟，于臲兀[此字为【兀危】的简化字]，曰动悔有悔，征吉。

《象》曰：“困于葛藟”，未当也。“动悔有悔”，吉行也。

生僻字注释：

(1)【覿】读音：di，二声。意为：见，相见。

(2)【紱】读音：fu，二声。意为：古代系印章的丝绳。

(3)【蒺藜】读音：ji，二声。li，二声。意为：一年生草本植物。

(4)【刖】读音：yue，四声。意为：古代砍掉脚的酷刑。

(5)【藟】读音：lei，三声。意为：藤，缠绕。

(6)【臲兀危】读音：nie，四声。wu，四声。意为：不安定。

## 兑宫：《泽地萃》属金兑上坤下

【本 卦】

父母丁未土

兄弟丁酉金 应

子孙丁亥水

妻财乙卯木

官鬼乙巳火 世

父母乙未土

鱼龙会聚之卦，

如水就下之象。

判曰：萃者，聚也。内外喜悦，上下俱柔。万事蕃息，利禄悠悠。求谋有济，解释忧愁。

虎易注：

世身在六爻，月卦身为未，在初、六爻。此卦父、兄、子、财、官六亲俱全。

《易经》第四十五卦 萃 泽地萃 兑上坤下

萃：亨。王假有庙，利见大人，亨。利贞，用大牲吉，利有攸往。

《彖》曰：“萃”，聚也。顺以说，刚中而应，故聚也。“王假有庙”，致孝享也。“利见大人，亨”，聚以正也。“用大牲吉，利有攸往”，顺天命也。观其所聚，而天地万物之情可见矣。

《象》曰：泽上于地，萃；君子以除戎器，戒不虞。

六爻断：

初六：有孚不终，乃乱乃萃，若号，一握为笑；勿恤，往无咎。

《象》曰：“乃乱乃萃”，其志乱也。

六二：引吉，无咎，孚乃利用禴。

《象》曰：“引吉，无咎”，中未变也。

六三：萃如嗟如，无攸利。往无咎，小吝。

《象》曰：“往无咎”，上巽也。

九四：大吉，无咎。

《象》曰：“大吉，无咎”，位不当也。

九五：萃有位，无咎，匪孚。元永贞，悔亡。

《象》曰：“萃有位”，志未光也。

上六：赍咨涕洟，无咎。

《象》曰：“赍咨涕洟”，未安上也。













生僻字注释：

(1)【赍】读音：jī，一声。意为：怀着，抱着，把东西送给人。也有注【赍咨】为叹息，悲叹。也有注【赍咨】为丢失钱财。

(2)【洟】读音：tì，四声。意为：鼻涕。

## 兑宫：《泽山咸》属金兑上艮下

伏 神 【本 卦】

			父母丁未土 应
			兄弟丁酉金
			子孙丁亥水
			兄弟丙申金 世
妻财丁卯木			官鬼丙午火
			父母丙辰土

山泽通气之卦，

至诚感神之象。

判曰：咸者，感也。天地感应，万物和平。男女感应，夫妇康宁。感应之事。无有不亨。

虎易注：世身在三爻，月卦身为寅，不入卦。妻财丁卯木不入卦，伏藏在二爻官鬼丙午火下。

《易经》第三十一卦 咸 泽山咸 兑上艮下

咸：亨，利贞；取女吉。

《彖》曰：“咸”，感也。柔上而刚下，二气感应以相与。止而说，男下女，是以“亨，利贞，取女吉”也。天地感而万物化生，圣人感人心而天下和平。观其所感，而天地万物之情可见矣。

《象》曰：山上有泽，咸；君子以虚受人。

六爻断：

初六：咸其拇。

《象》曰：“咸其拇”，志在外也。

六二：咸其腓，凶，居吉。

《象》曰：虽“凶，居吉”，顺不害也。

九三：咸其股，执其随，往吝。

《象》曰：“咸其股”，亦不处也。志在随人，所执下也。

九四：贞吉，悔亡；憧憧往来，朋从尔思。

《象》曰：“贞吉，悔亡”，未感害也。“憧憧往来”，未光大也。

九五：咸其脢，无悔。

《象》曰：“咸其脢”，志末也。

上六：咸其辅颊舌。

《象》曰：“咸其辅颊舌”，滕口说也。

生僻字注释：

(1)【拇】读音：mu，三声。意为：脚大拇指。













(2)【憧憧】读音：cōng，一声。意为：往来不定，摇曳不定。

(3)【脢】读音：mei，二声。意为：背脊肉。

(4)【颊】读音：jia，二声。意为：脸的两侧，从眼到下颌的部分。

### 兑宫：《水山蹇》属金坎上艮下

伏 神 【本 卦】

			子孙戊子水
			父母戊戌土
			兄弟戊申金 世
			兄弟丙申金
妻财丁卯木			官鬼丙午火
			父母丙辰土 应

飞雁衔芦之卦，

背明向暗之象。

判曰：蹇者，难也。利往西南，不利东北。向暗背明，多有壅塞。求事未遂，尚多疑惑。

虎易注：

世身在三爻，月卦身为酉，不入卦。妻财丁卯木不入卦，伏藏在二爻官鬼丙午火下。

《易经》第三十九卦 蹇 水山蹇 坎上艮下

蹇：利西南，不利东北；利见大人，贞吉。

《彖》曰：“蹇”，难也，险在前也。见险而能止，知矣哉！“蹇，利西南”，往得中也。“不利东北”，其道穷也。“利见大人”，往有功也。当位贞吉，以正邦也。蹇之时用大矣哉！

《象》曰：山上有水，蹇；君子以反身修德。

六爻断：

初六：往蹇，来誉。

《象》曰：“往蹇，来誉”，宜待也。

六二：王臣蹇蹇，匪躬之故。

《象》曰：“王臣蹇蹇”，终无尤也。

九三：往蹇，来反。

《象》曰：“往蹇，来反”，内喜之也。

六四：往蹇，来连。

《象》曰：“往蹇，来连”，当位实也。

九五：大蹇，朋来。

《象》曰：“大蹇，朋来”，以中节也。

上六：往蹇，来硕，吉。利见大人。

《象》曰：“往蹇，来硕”，志在内也。“利见大人”，以从贵也。













生僻字注释：

(1)【衔】读音：xian，二声。意为：用嘴含。接受，相连接等。

(2)【硕】读音：shu0，四声。意为：大。

## 兑宫：《地山谦》属金坤上艮下

伏 神 【本 卦】

			兄弟癸酉金	
			子孙癸亥水	世
			父母癸丑土	
			兄弟丙申金	
妻财丁卯木			官鬼丙午火	应
			父母丙辰土	

地中有山之卦，

仰高就下之象。

判曰：谦者，退也。谦而受益，满而受亏。谦谦君子，尊人自卑。利用谦逊，万事无违。

虎易注：世身在六爻，月卦身为戌，不入卦。妻财丁卯木不入卦，伏藏在二爻官鬼丙午火下。

《易经》第十五卦 谦 地山谦 坤上艮下

谦：亨，君子有终。

《彖》曰：“谦，亨”，天道下济而光明，地道卑而上行。天道亏盈而益谦，地道变盈而流谦，鬼神害盈而福谦，人道恶盈而好谦。谦尊而光，卑而不可逾，君子之终也。

《象》曰：地中有山，谦；君子以裒多益寡，称物平施。

六爻断：

初六：谦谦君子，用涉大川，吉。

《象》曰：“谦谦君子”，卑以自牧也。

六二：鸣谦，贞吉。

《象》曰：“鸣谦，贞吉”，中心得也。

九三：劳谦君子，有终吉。

《象》曰：“劳谦君子”，万民服也。

六四：无不利，撝谦。

《象》曰：“无不利，撝谦”，不违则也。

六五：不富以其邻。利用侵伐，无不利。

《象》曰：“利用侵伐”，征不服也。

上六：鸣谦，利用行师，征邑国。

《象》曰：“鸣谦”，志未得也。“可用行师”，征邑国也。

生僻字注释：

(1)【逾】读音：yu，二声。意为：超过，更加。

(2)【裒】读音：p0u，二声。意为：聚，取出。

(3)【撝】读音：hui，一声。意为：指挥。

兑宫：《雷山小过》(游魂)属金震上艮下

伏 神 【本 卦】

■ ■ 父母庚戌土

■ ■ 兄弟庚申金

子孙丁亥水 ■ ■ ■ ■ 官鬼庚午火 世

■ ■ ■ ■ 兄弟丙申金

妻财丁卯木 官鬼丙午火  
父母丙辰土 应

飞鸟遗音之卦，

上逆下顺之象。

判曰：小过者，过也。飞鸟翩翩，音彻于天。进则有咎，退则无愆。多忧过失，疾病相缠。出入不利，必有违遭。

虎易注：世身在初爻，月卦身为卯，不入卦。妻财丁卯木不入卦，伏藏在二爻官鬼丙午火下。子孙丁亥水不入卦，伏藏在四爻官鬼庚午火下。

《易经》第六十二卦 小过 雷山小过 震上艮下

小过：亨，利贞。可小事，不可大事。飞鸟遗之音，不宜上，宜下，大吉。

《彖》曰：“小过”，小者过而亨也。过以利贞，与时行也。柔得中，是以小事吉也。刚失位而不中，是以不可大事也。有飞鸟之象焉，“飞鸟遗之音，不宜上，宜下，大吉”，上逆而下顺也。

《象》曰：山上有雷，小过；君子以行过乎恭，丧过乎哀，用过乎俭。

六爻断：

初六：飞鸟以凶。

《象》曰：“飞鸟以凶”，不可如何也。

六二：过其祖，遇其妣；不及其君，遇其臣，无咎。

《象》曰：“不及其君”，臣不可过也。

九三：弗过防之，从或戕之，凶。

《象》曰：“从或戕之”，凶如何也。

九四：无咎，弗过遇之；往厉必戒，勿用永贞。

《象》曰：“弗过遇之”，位不当也。“往厉必戒”，终不可长也。

六五：密云不雨，自我西郊。公弋取彼在穴。

《象》曰：“密云不雨”，已上也。

上六：弗遇过之；飞鸟离之，凶，是谓灾眚。

《象》曰：“弗遇过之”，已亢也。

生僻字注释：

(1)【愆】读音：qian，一声。意为：罪过，过失。

(2)【妣】读音：bi，三声。意为：已故的母亲。













(3)【戕】读音：qiang，一声。意为：杀害，残害。

(4)【弋】读音：yi，四声。意为：用带有绳子的箭射鸟，用来射鸟的带有绳子的箭。

(5)【穴】读音：xue，二声。意为：岩洞（泛指地上或某些建筑物上的坑和孔），动物的窝。

## 兑宫：《雷泽归妹》（归魂）属金震上兑下

伏 神 【本 卦】

			父母庚戌土 应
			兄弟庚申金
子孙丁亥水			官鬼庚午火
			父母丁丑土 世
			妻财丁卯木
			官鬼丁巳火

浮云蔽日之卦，

阴阳不交之象。

判曰：归妹者，大也。归妹未吉，其道将穷。天地不交，闭塞不通。有殃有咎，无始无终。所作不顺。必见其凶。

虎易注：世身在二爻，月卦身为申，在五爻。子孙丁亥水不入卦，伏藏在四爻官鬼庚午火下。

《易经》第五十四卦 归妹 雷泽归妹 震上兑下

归妹：征凶，无攸利。

《彖》曰：“归妹”，天地之大义也。天地不交，而万物不兴；归妹，人之终始也。说以动，所归妹也。“征凶”，位不当也。“无攸利”，柔乘刚也。

《象》曰：泽上有雷，归妹；君子以永终知敝。

六爻断：

初九：归妹以娣，跛能履，征吉。

《象》曰：“归妹以娣”，以恒也。“跛能履”，吉相承也。

九二：眇能视，利幽人之贞。

《象》曰：“利幽人之贞”，未变常也。

六三：归妹以须，反归以娣。

《象》曰：“归妹以须”，未当也。

九四：归妹愆期，迟归有时。

《象》曰：愆期之志，有待而行也。

六五：帝乙归妹，其君之袂，不如其娣之袂良。月几望，吉。

《象》曰：“帝乙归妹”，“不如其娣之袂良”也，其位在中，以贵行也。

上六：女承筐无实，士刲羊无血，无攸利。

《象》曰：上六“无实”，承虚筐也。

生僻字注释：

(1)【殃】读音：yang，一声。意为：祸害，使受祸害。

(2)【娣】读音：di，四声。意为：古代妇人称丈夫的弟妇为娣，古代姐姐称妹妹为娣。

(3)【袂】读音：mei，四声。意为：袖子。

(4)【刲】读音：kui，一声。意为：割。

## 离宫八卦

离宫：《离为火》（六冲）属火离上离下

【本 卦】

▄▄▄▄▄▄ 兄弟己巳火 世

▄▄ ▄▄ 子孙己未土

▄▄▄▄▄▄ 妻财己酉金

▄▄▄▄▄▄ 官鬼己亥水 应

▄▄ ▄▄ 子孙己丑土

▄▄▄▄▄▄ 父母己卯木

飞禽遇网之卦，

大明当天之象。

判曰：离者，丽也。光明美丽，不利出师。二鸟同飞，雄失其雌，婚姻未合，易起官非。口舌相尚，财散人离。

虎易注：

世身在六爻，月卦身为巳，在六爻。此卦父、兄、子、财、官六亲俱全。

《易经》第三十卦 离 离为火 离上离下

离：利贞，亨。畜牝牛，吉。

《彖》曰：“离”，丽也。日月丽乎天，百谷草木丽乎土，重明以丽乎正，乃化成天下。柔丽乎中正，故亨，是以畜牝牛吉也。

《象》曰：明两作，离；大人以继明照于四方。

六爻断：

初九：履错然，敬之，无咎。

《象》曰：履错之敬，以辟咎也。

六二：黄离，元吉。

《象》曰：“黄离，元吉”，得中道也。

九三：日昃之离，不鼓缶而歌，则大耋之嗟，凶。

《象》曰：“日昃之离”，何可久也？

九四：突如其来如，焚如，死如，弃如。

《象》曰：“突如其来如”，无所容也。

六五：出涕沱若，戚嗟若，吉。

《象》曰：六五之吉，离王公也。

上九：王用出征，有嘉，折首，获匪其丑，无咎。

《象》曰：“王用出征”，以正邦也。

生僻字注释：

(1)【雌】读音：cí，二声。意为：生物中能产生卵细胞的（和雄相对）。

(2)【牝】读音：pìn，四声。意为：雌性的（指鸟、兽。和“牡”相对）。






(3)【耋】读音：dié，二声。意为：七、八十岁的年纪，泛指老年。

(4)【涕】读音：tì，四声。意为：眼泪。(5)【沱】读音：tuó，二声。意为：可以停船的水弯。

离宫：《火山旅》属火离上艮下

伏 神 【本 卦】

■■■■■ 兄弟己巳火

 子孙己未土  
 妻财己酉金 应  
 官鬼己亥水  妻财丙申金  
 兄弟丙午火  
 父母己卯木  子孙丙辰土 世

如鸟焚巢之卦，

乐极哀生之象。

判曰：旅者，客也。长途落落，羁旅凄凄，火行山上，逐草高低。如鸟焚巢，无枝可栖。虽然先笑，后有悲啼。

虎易注：

世身在五爻，月卦身为午，在二爻。父母己卯木不入卦，伏藏在初爻子孙丙辰土下。官鬼己亥水不入卦，伏藏在三爻妻财丙申金下。

《易经》第五十六卦 旅 火山旅 离上艮下

旅：小亨，旅贞吉。

《彖》曰：“旅，小亨”，柔得中乎外而顺乎刚，止而丽乎明，是以“小亨，旅贞吉”也。旅之时义大矣哉！

《象》曰：山上有火，旅；君子以明慎用刑，而不留狱。

六爻断：

初六：旅琐琐，斯其所取灾。

《象》曰：“旅琐琐”，志穷灾也。

六二：旅即次，怀其资，得童仆贞。

《象》曰：“得童仆贞”，终无尤也。

九三：旅焚其次，丧其童仆，贞厉。

《象》曰：“旅焚其次”，亦以伤矣。以旅与下，其义丧也。

九四：旅于处，得其资斧，我心不快。

《象》曰：“旅于处”，未得位也。“得其资斧”，心未快也。

六五：射雉，一矢亡，终以誉命。

《象》曰：“终以誉命”，上逮也。

上九：鸟焚其巢，旅人先笑后号咷。丧牛于易，凶。

《象》曰：以旅在上，其义焚也。“丧牛于易”，终莫之闻也。

生僻字注释：

- (1)【巢】读音：cha0，二声。意为：鸟的窝。
- (2)【羁】读音：ji，一声。意为：拘束，停留。
- (3)【凄】读音：qi，一声。意为：寒冷，形容冷落萧条，悲伤难过。
- (4)【栖】读音：qi，一声。本指鸟停在树上，泛指居住或停留。
- (5)【琐】读音：su0，三声。意为：细碎，卑微。
- (6)【雉】读音：zhi，四声。意为：幼小，一种形状象鸡的鸟。
- (7)【矢】读音：shi，三声。意为：箭。
- (8)【咷】读音：ta0，二声。意为：哭。

## 离宫：《火风鼎》属火离上巽下

伏 神 【本 卦】

■ ■ ■ ■ ■	兄弟己巳火
■ ■   ■ ■	子孙己未土 应
■ ■ ■ ■ ■	妻财己酉金
■ ■ ■ ■ ■	妻财辛酉金
■ ■ ■ ■ ■	官鬼辛亥水 世
父母己卯木   ■ ■   ■ ■	子孙辛丑土

调和鼎鼎之卦，

去旧取新之象。

判曰：鼎者，定也。鼎象九州，和羹之器，变生为熟，以成香味。鼎乃易溢，不宜争事，官鬼持世，求官最利。

虎易注：

世身在六爻，月卦身为丑，在初爻。父母己卯木不入卦，伏藏在初爻子孙辛丑土下。

《易经》第五十卦 鼎 火风鼎 离上巽下

鼎：元吉，亨。

《象》曰：“鼎”，象也。以木巽火，亨饪也。圣人亨以享上帝，而大亨以养圣贤。巽而耳目聪明，柔进而上行，得中而应乎刚，是以元亨。

《象》曰：木上有火，鼎；君子以正位凝命。

六爻断：

初六：鼎颠趾，利出否。得妾以其子，无咎。

《象》曰：“鼎颠趾”，未悖也。“利出否”，以从贵也。

九二：鼎有实，我仇有疾，不我能即，吉。

《象》曰：“鼎有实”，慎所之也。“我仇有疾”，终无尤也。

九三：鼎耳革，其行塞。雉膏不食，方雨亏悔，终吉。

《象》曰：“鼎耳革”，失其义也。

九四：鼎折足，覆公餗。其形渥，凶。

《象》曰：“覆公餗”，信如何也！

六五：鼎黄耳，金铉，利贞。

《象》曰：“鼎黄耳”，中以为实也。

上九：鼎玉铉，大吉，无不利。












《象》曰：玉铉在上，刚柔节也。

生僻字注释：

- (1)【鼎】读音：nai，四声。意为：大鼎。
- (2)【羹】读音：geng，一声。意为：糊状食物。
- (3)【溢】读音：yi，四声。意为：充满而流出来，过分。
- (4)【饪】读音：ren，四声。意为：做饭做菜。
- (5)【凝】读音：ning，二声。意为：凝结，注意力集中。
- (6)【妾】读音：qie，四声。意为：旧时男子在妻子以外娶的女子。
- (7)【餗】读音：su 四声。意为：鼎中的食物。
- (8)【渥】读音：w0，四声。意为：沾湿，沾润，厚，重。
- (9)【铉】读音：xuan，四声。意为：古代横贯鼎耳以扛鼎的器具。

离宫：《火水未济》属火离上坎下

伏 神 【本 卦】

 兄弟己巳火 应  
  子孙己未土  
  妻财己酉金  
 官鬼己亥水   兄弟戊午火 世  
  子孙戊辰土  
  父母戊寅木

竭海求珠之卦，

忧中望喜之象。

判曰：未济者，失也。水火不交，刚柔失位，求事未成，多有壅滞。如狐渡水，必濡其尾。积小成大，谓之未济。

虎易注：

世身在初爻，月卦身为申，不入卦。官鬼己亥水不入卦，伏藏在三爻兄弟戊午火下。

《易经》第六十四卦 未济 火水未济 离上坎下

未济：亨。小狐汔济，濡其尾，无攸利。

《彖》曰：“未济，亨”，柔得中也。“小狐汔济”，未出中也。“濡其尾，无攸利”，不续终也。虽不当位，刚柔应也。

《象》曰：火在水上，未济；君子以慎辨物居方。

六爻断：

初六：濡其尾，吝。

《象》曰：“濡其尾”，亦不知极也。

九二：曳其轮，贞吉。

《象》曰：九二“贞吉”，中以行正也。

六三：未济，征凶，利涉大川。

《象》曰：“未济，征凶”，位不当也。

九四：贞吉，悔亡。震用伐鬼方，三年有赏于大国。

《象》曰：“贞吉，悔亡”，志行也。

六五：贞吉，无悔。君子之光，有孚，吉。

《象》曰：“君子之光”，其晖吉也。

上九：有孚于饮酒，无咎。濡其首，有孚失是。

《象》曰：饮酒濡首，亦不知节也。







生僻字注释：

(1)【讫】读音：qi，四声。意为：完结，截止。

(2)【晖】读音：hui，一声。意为：阳光。

## 离宫：《山水蒙》属火艮上坎下

伏 神 【本 卦】

		父母丙寅木
		官鬼丙子水
妻财己酉金		子孙丙戌土 世
		兄弟戊午火
		子孙戊辰土
		父母戊寅木 应

人藏烟草之卦，

万物始生之象。

判曰：蒙者，昧也。蒙以养正，山下有泉，回还反覆，迷闷相连。多忧过失，病患相缠，欲进欲追，疑惑不前。

虎易注：

世身在五爻，月卦身为酉，不入卦。妻财己酉金不入卦，伏藏在四爻子孙丙戌土下。

《易经》第四卦 蒙 山水蒙 艮上坎下

蒙：亨。匪我求童蒙，童蒙求我。初筮告，再三渎，渎则不告。利贞。

《彖》曰：“蒙”，山下有险，险而止，蒙。“蒙，亨”，以亨行，时中也。“匪我求童蒙，童蒙求我”，志应也。“初筮告”，以刚中也。“再三渎，渎则不告”，渎蒙也。蒙以养正，圣功也。

《象》曰：山下出泉，蒙；君子以果行育德。

六爻断：

初六：发蒙，利用刑人，用说桎梏；以往吝。

《象》曰：“利用刑人”，以正法也。

九二：包蒙，吉。纳妇，吉；子克家。

《象》曰：“子克家”，刚柔接也。

六三：勿用取女，见金夫，不有躬，无攸利。

《象》曰：“勿用取女”，行不顺也。

六四：困蒙，吝。

《象》曰：困蒙之吝，独远实也。

六五：童蒙，吉。

《象》曰：童蒙之吉，顺以巽也。

上九：击蒙，不利为寇，利御寇。

《象》曰：利用御寇，上下顺也。







生僻字注释：

(1)【桎梏】读音：zhì，四声。gù，四声。意为：古代木制的脚镣和手铐。比喻束缚人或事物的东西。

(2)【寇】读音：kòu，四声。意为：强盗，敌人来侵略。

## 离宫：《风水涣》属火巽上坎下

伏 神 【本 卦】

		父母辛卯木	
		兄弟辛巳火	世
妻财己酉金		子孙辛未土	
官鬼己亥水		兄弟戊午火	
		子孙戊辰土	应
		父母戊寅木	

顺水行舟之卦，

大风吹物之象。

判曰：涣者，散也。逐波随水，患难将消，恶事离身，狱讼出牢。利涉大川，舟楫遥遥，出入无滞，福德滔滔。

虎易注：

世身在六爻，月卦身为辰，在二爻。官鬼己亥水不入卦，伏藏在三爻兄弟戊午火下。妻财己酉金不入卦，伏藏在四爻子孙辛未土下。

《易经》第五十九卦 涣 风水涣 巽上坎下

涣：亨。王假有庙，利涉大川，利贞。

《彖》曰：“涣，亨”，刚来而不穷，柔得位乎外而上同。“王假有庙”，王乃在中也。“利涉大川”，乘木有功也。

《象》曰：风行水上，涣；先王以享于帝立庙。

六爻断：

初六：用拯，马壮，吉。

《象》曰：初六之吉，顺也。

九二：涣奔其机，悔亡。

《象》曰：“涣奔其机”，得愿也。

六三：涣其躬，无悔。

《象》曰：“涣其躬”，志在外也。

六四：涣其群，元吉。涣有丘，匪夷所思。

《象》曰：“涣其群，元吉”，光大也。

九五：涣汗其大号，涣王居，无咎。

《象》曰：王居无咎，正位也。

上九：涣其血去，逖出，无咎。

《象》曰：“涣其血”，远害也。

生僻字注释：

(1)【楫】读音：ji，二声。意为：桨。

(2)【拯】读音：zheng，三声。意为：救。

(3)【逖】读音：ti，四声。意为：远。

离宫：《天水讼》（游魂）属火乾上坎下

伏 神 【本 卦】

■ ■ ■ ■ ■ 子孙壬戌土

■ ■ ■ ■ ■ 妻财壬申金

兄弟壬午火 世  
官鬼己亥水 兄弟戊午火  
子孙戊辰土  
父母戊寅木 应

纵鹰逐兔之卦，

天水相违之象。

判曰：讼者，论也。天道西往，水脉东流。求事未遂，心常怀忧。争讼宜止，可用和休。

虎易注：

世身在初爻，月卦身为卯，不入卦。官鬼己亥水不入卦，伏藏在三爻兄弟戊午火下。

《易经》第六卦 讼 天水讼 乾上坎下

讼：有孚窒，惕中吉，终凶。利见大人，不利涉大川。

《彖》曰：“讼”，上刚下险；险而健，讼。“讼，有孚窒，惕中吉”，刚来而得中也。“终凶”，讼不可成也。“利见大人”，尚中正也。“不利涉大川”，入于渊也。

《象》曰：天与水违行，讼；君子以作事谋始。

六爻断：

初六：不永所事，小有言，终吉。

《象》曰：“不永所事”，讼不可长也。虽“小有言”，其辩明也。

九二：不克讼，归而逋。其邑人三百户，无眚。

《象》曰：不克讼，归而逋也；自下讼上，患至掇也。

六三：食旧德，贞，厉终吉。或从王事，无成。

《象》曰：“食旧德”，从上吉也。

九四：不克讼，复即命，渝，安贞，吉。

《象》曰：“复即命，渝，安贞”，不失也。

九五：讼，元吉。

《象》曰：“讼，元吉”，以中正也。

上九：或锡鞶带，终朝三褫之。

《象》曰：以讼受服，亦不足敬也。

生僻字注释：

(1)【逋】读音：bu，一声。意为：逃亡，拖欠，拖延。

(2)【掇】读音：duo，一声。意为：采取，拾取，搬。

(3)【鞶】读音：pan，二声。意为：大带子。

(4)【褫】读音：chi，三声。意为：脱去，解下，剥夺。

## 离宫：《天火同人》( 归魂 ) 属火乾上离下

### 【本 卦】

䷌ 子孙壬戌土 应

䷌ 妻财壬申金

䷌ 兄弟壬午火

䷌ 官鬼己亥水 世

䷌ 子孙己丑土

䷌ 父母己卯木

游鱼从水之卦，

管鲍分金之象。

判曰：同人者，亲也。同心之言，其臭如兰。二人同心，其利断金。所求皆得，无不称心。

### 虎易注：

世身在六爻，月卦身为寅，不入卦。此卦父、兄、子、财、官六亲俱全。

《易经》第十三卦 同人 天火同人 乾上离下

同人：同人于野，亨。利涉大川，利君子贞。

《彖》曰：“同人”，柔得位得中而应乎乾，曰同人。同人曰。“同人于野，亨，利涉大川”，乾行也。文明以健，中正而应，君子正也。唯君子为能通天下之志。

《象》曰：天与火，同人；君子以类族辨物。

六爻断：

初九：同人于门，无咎。

《象》曰：出门同人，又谁咎也？

六二：同人于宗，吝。

《象》曰：“同人于宗”，吝道也。

九三：伏戎于莽，升其高陵，三岁不兴。

《象》曰：“伏戎于莽”，敌刚也。“三岁不兴”，安行也。

九四：乘其墉，弗克攻，吉。

《象》曰：“乘其墉”，义弗克也。其吉，则困而反则也。

九五：同人先号咷而后笑。大师克相遇。

《象》曰：同人之先，以中直也。大师相遇，言相克也。

上九：同人于郊，无悔。

《象》曰：“同人于郊”，志未得也。

生僻字注释：

(1)【鲍】读音：ba0，四声。此处指春秋时期的管仲和鲍叔牙的故事。

(2)【戎】读音：r0ng，二声。意为：军队，武器。

(3)【莽】读音：mang，三声。意为：大，密生的草。

(4)【墉】读音：y0ng，一声。意为：城墙，高墙。

## 震宫八卦

震宫：《震为雷》(六冲)属木震上震下

【本 卦】

妻财庚戌土 世

官鬼庚申金

子孙庚午火

妻财庚辰土 应

兄弟庚寅木

父母庚子水

震惊百里之卦，

有声无形之象。

判曰：震者，动也。重雷发响，百里飞声，无事之者，愕然而惊。求谋和遂，官爵难成。空闻其响，不见其形。

虎易注：

世身在五爻，月卦身为亥，不入卦。此卦父、兄、子、财、官六亲俱全。

《易经》第五十一卦 震 震为雷 震上震下

震：亨。震来虩虩，笑言哑哑。震惊百里，不丧匕鬯。

《彖》曰：“震”，亨。“震来虩虩”，恐致福也。“笑言哑哑”，后有则也。“震惊百里”，惊远而惧迩也；出，可以守宗庙社稷，以为祭主也。

《象》曰：洊雷，震；君子以恐惧修省。

六爻断：

初九：震来虩虩，后笑言哑哑，吉。

《象》曰：“震来虩虩”，恐致福也。“笑言哑哑”，后有则也。

六二：震来，厉；亿丧贝，跻于九陵，勿逐，七日得。

《象》曰：“震来，厉”，乘刚也。

六三：震苏苏，震行无眚。

《象》曰：“震苏苏”，位不当也。

九四：震遂泥。

《象》曰：“震遂泥”，未光也。

六五：震往来，厉；亿无丧，有事。

《象》曰：“震往来，厉”，危行也。其事在中，大无丧也。

上六：震索索，视矍矍，征凶。震不于其躬，于其邻，无咎。婚媾有言。

《象》曰：“震索索”，中未得也。虽凶无咎，畏邻戒也。

生僻字注释：

(1)【愕】读音：è，四声。意为：惊讶，发楞。

(2)【虩】读音：xì，四声。形容恐惧。

(3)【鬯】读音：chàng，四声。意为：古代祭祀用的一种酒。

(4)【迩】读音：ěr，三声。意为：近。

(5)【跻】读音：jī，一声。意为：登，上升。

(6)【眚】读音：shěng，三声。意为：灾异，过错。

(7)【矍】读音：jué，二声。意为：惊视的样子。

(8)【省】读音：xǐn，三声。

## 震宫：《雷地豫》（六合）属木震上坤下

伏 神 【本 卦】

 妻财庚戌土

 官鬼庚申金

 子孙庚午火 应

 兄弟乙卯木

 子孙乙巳火
父母庚子水  妻财乙未土 世

鸾凤生雏之卦，

万物发荣之象。

判曰：豫者，悦也。雷出于地，开蛰鼓翼，天地顺动。日时不忒。先王制礼，殷荐崇德。凡事无疑，上下悦悌。

虎易注：

世身在二爻，月卦身为午，在四爻。父母庚子水不入卦，伏藏在初爻妻财乙未土下。

《易经》第十六卦 豫 雷地豫 震上坤下

豫：利建侯行师。

《彖》曰：“豫”，刚应而志行，顺以动，豫。豫顺以动，故天地如之，而况建侯行师乎？天地以顺动，故日月不过，而四时不忒；圣人以顺动，则刑罚清而民服。豫之时义大矣哉！

《象》曰：雷出地奋，豫。先王以作乐崇德，殷荐之上帝，以配祖考。

六爻断：

初六：鸣豫，凶。

《象》曰：初六“鸣豫”，志穷凶也。

六二：介于石，不终日，贞吉。

《象》曰：“不终日，贞吉”，以中正也。

六三：盱豫悔。迟有悔。

《象》曰：盱豫有悔，位不当也。

九四：由豫，大有得。勿疑。朋盍簪。

《象》曰：“由豫，大有得”，志大行也。

六五：贞疾，恒不死。

《象》曰：六五“贞疾”，乘刚也。“恒不死”，中未亡也。

上六：冥豫，成有渝，无咎。













《象》曰：冥豫在上，何可长也？

生僻字注释：

- (1)【鸾】读音：luan，二声。传说中凤凰一类的鸟。
- (2)【雏】读音：chu，二声。意为：幼小的（多指鸟类。）
- (3)【恧】读音 yi，四声，意为：欢喜，高兴。
- (4)【盱】读音：xu，一声。意为：睁开眼睛向上看。
- (5)【盍】读音：he，二声。意为：何不。
- (6)【簪】读音：zan，一声。意为：别住头发的条状物。
- (7)【冥】读音：ming，二声。意为：昏暗，糊涂，愚昧。

## 震宫：《雷水解》属木震上坎下

伏 神 【本 卦】

			妻财庚戌土
			官鬼庚申金 应
			子孙庚午火
			子孙戊午火
			妻财戊辰土 世
父母庚子水			兄弟戊寅木

春雷行雨之卦，

忧散喜生之象。

判曰：解者，散也。出于险难，恶事消散，狱讼可释，共相歌赞。婚不和谐，人如隔面。久患在床，今当冰泮。

虎易注：

世身在五爻，月卦身为丑，不入卦。父母庚子水不入卦，伏藏在初爻兄弟戊寅木下。

《易经》第四十卦 解 雷水解 震上坎下

解：利西南。无所往，其来复吉。有攸往，夙吉。

《彖》曰：“解”，险以动，动而免乎险，解。“解，利西南”，往得众也。“其来复吉”，乃得中也。“有攸往，夙吉”，往有功也。天地解而雷雨作，雷雨作而百果草木皆甲坼。解之时大矣哉！

《象》曰：雷雨作，解；君子以赦过宥罪。

六爻断：

初六：无咎。

《象》曰：刚柔之际，义无咎也。

九二：田获三狐，得黄矢；贞吉。

《象》曰：九二“贞吉”，得中道也。

六三：负且乘，致寇至；贞吝。

《象》曰：“负且乘”，亦可丑也。自我致戎，又谁咎也。

九四：解而拇，朋至斯孚。

《象》曰：“解而拇”，未当位也。

六五：君子维有解（读 xie，四声。），吉，有孚于小人。

《象》曰：君子有解，小人退也。

上六：公用射隼于高墉之上，获之，无不利。

《象》曰：公用射隼，以解悖也。

生僻字注释：

（1）【泮】读音：pan，四声。意为：融解。

（2）【夙】读音：su，四声。意为：素有的，旧有的，早。

（3）【坼】读音：che，四声。意为：裂开。

（4）【赦】读音 she，四声。意为：赦免。

（5）【宥】读音：y0u，四声。意为：宽恕，原谅。
















（6）【隼】读音：sun，三声。意为：一种鸟。

（7）【墉】读音：y0ng，一声。意为：城墙，高墙。

（8）【悖】读音：bei，四声。意为：相反，违反，违背道理，迷惑，糊涂。

震宫：《雷风恒》属木震上巽下

伏 神 【本 卦】

  妻财庚戌土 应  
  官鬼庚申金  
   子孙庚午火  
   官鬼辛酉金 世  
 兄弟庚寅木    父母辛亥水  
  妻财辛丑土

日月长明之卦，

四时不忒之象。

判曰：恒者，久也。长久安静，不动为良，四时变化，天道无常。日月运转，普照其光。君子以立，不易其方。

虎易注：

世身在四爻，月卦身为寅，不入卦。兄弟庚寅木不入卦，伏藏在二爻父母辛亥水下。

《易经》第三十二卦 恒 雷风恒 震上巽下

恒：亨，无咎，利贞，利有攸往。

《彖》曰：“恒”，久也。刚上而柔下，雷风相与；巽而动，刚柔皆应，恒。“恒，亨，无咎，利贞”，久於其道也。天地之道，恒久而不已也。“利有攸往”，终则有始也。日月得天而能久照，四时变化而能久成。圣人久於其道，而天下化成。观其所恒，而天地万物之情可见矣。

《象》曰：雷风，恒；君子以立不易方。

六爻断：

初六：浚恒，贞凶，无攸利。

《象》曰：浚恒之凶，始求深也。

九二：悔亡。

《象》曰：九二“悔亡”，能久中也。

九三：不恒其德，或承之羞，贞吝。

《象》曰：“不恒其德”，无所容也。

九四：田无禽。

《象》曰：久非其位，安得禽也？

六五：恒其德，贞。妇人吉，夫子凶。

《象》曰：妇人贞吉，从一而终也。夫子制义，从妇凶也。

上六：振恒，凶。













《象》曰：振恒在上，大无功也。

生僻字注释：

(1)【浚】读音：jun，四声。意为：挖深，疏通。

## 震宫：《地风升》属木坤上巽下

伏 神 【本 卦】

			官鬼癸酉金
			父母癸亥水
子孙庚午火			妻财癸丑土 世
			官鬼辛酉金
兄弟庚寅木			父母辛亥水
			妻财辛丑土 应

灵鸟翱翔之卦，

显达光明之象。

判曰：升者，进也。木生于土，萌芽渐长，积小成大，升进而上，宜见王公，褒嘉欣赏。出暗向明，亨通之象。

虎易注：

世身在二爻，月卦身为酉，在三、六爻。兄弟庚寅木不入卦，伏藏在二爻父母辛亥水下。子孙庚午火不入卦，伏藏在四爻妻财癸丑土下。

《易经》第四十六卦 升 地风升 坤上巽下

升：元亨，用见大人，勿恤；南征，吉。

《彖》曰：柔以时升，巽而顺，刚中而应，是以大亨。“用见大人，勿恤”，有庆也。“南征，吉”，志行也。

《象》曰：地中生木，升；君子以顺德，积小以高大。

六爻断：

初六：允升，大吉。

《象》曰：“允升，大吉”，上合志也。

九二：孚乃利用禴，无咎。

《象》曰：九二之孚，有喜也。

九三：升虚邑。

《象》曰：“升虚邑”，无所疑也。

六四：王用亨于岐山，吉，无咎。

《象》曰：“王用亨于岐山”，顺事也。

六五：贞吉，升阶。













《象》曰：“贞吉，升阶”，大得志也。

上六：冥升，利于不息之贞。

《象》曰：冥升在上，消不富也。

## 震宫：《水风井》属木坎上巽下

伏 神 【本 卦】

			父母戊子水	
			妻财戊戌土	世
子孙庚午火			官鬼戊申金	
			官鬼辛酉金	
兄弟庚寅木			父母辛亥水	应
			妻财辛丑土	

珠藏深渊之卦，

守静安常之象。

判曰：井者，静也。邑乃可改，井不可移，安身勿动，守道无亏。所作于人，且宜修之。逃亡难得，应没还期。

虎易注：

世身在五爻，月卦身为辰，不入卦。兄弟庚寅木不入卦，伏藏在二爻父母辛亥水下。子孙庚午火不入卦，伏藏在四爻官鬼戊申金下。

《易经》第四十八卦 井 水风井 坎上巽下

井：改邑不改井，无丧无得，往来井井。汔至亦未繙井，羸其瓶，凶。

《彖》曰：巽乎水而上水，井；井养而不穷也。“改邑不改井”，乃以刚中也。“汔至亦未繙井”，未有功也。“羸其瓶”，是以凶也。

《象》曰：木上有水，井；君子以劳民劝相。

六爻断：

初六：井泥不食，旧井无禽。

《象》曰：“井泥不食”，下也。“旧井无禽”，时舍也。

九二：井谷射鲋，瓮敝漏。

《象》曰：“井谷射鲋”，无与也。

九三：井渫不食，为我心恻。可用汲，王明并受其福。

《象》曰：“井渫不食”，行恻也。求王明，受福也。

六四：井甃，无咎。

《象》曰：“井甃，无咎”，修井也。

九五：井冽，寒泉食。

《象》曰：寒泉之食，中正也。

上六：井收勿幕，有孚元吉。

《象》曰：元吉在上，大成也。

生僻字注释：

(1)【汔】读音：qi，四声。意为：庶几。

(2)【繙】读音：yu，四声。意为：汲井水用的绳索。

(3)【鲋】读音：fu，四声。古书上指鲫鱼。

(4)【瓮】读音：weng，四声。意为：一种陶器。

(5)【敝】读音：bi，四声。意为：破旧，衰败。





















(6)【渫】读音：xie，四声。意为：除去，疏通。

(7)【甃】读音：zhou，四声。意为：井壁。

(8)【冽】读音：lie，四声。意为：清，洁。

震宫：《泽风大过》(游魂)属木兑上巽下

伏 神 【本 卦】

	 	妻财丁未土
	   	官鬼丁酉金
子孙庚午火	   	父母丁亥水 世
	   	官鬼辛酉金
兄弟庚寅木	   	父母辛亥水
	 	妻财辛丑土 应

寒木生花之卦，

本末俱弱之象。

判曰：大过者，祸也。四阳过盛，上下不胜，栋桡之象，事卒难明。两刑两克，所求不成。枯杨借生，自灭之征。

虎易注：

世身在六爻，月卦身为卯，不入卦。兄弟庚寅木不入卦，伏藏在二爻父母辛亥水下。子孙庚午火不入卦，伏藏在四爻父母丁亥水下。

《易经》第二十八卦 大过 泽风大过 兑上巽下

大过：栋桡。利有攸往，亨。

《彖》曰：“大过”，大者过也。“栋桡”，本末弱也。刚过而中，巽而说行，利有攸往，乃亨。大过之时大矣哉！

《象》曰：泽灭木，大过；君子以独立不惧，遁世无闷。

六爻断：

初六：藉用白茅，无咎。

《象》曰：“藉用白茅”，柔在下也。

九二：枯杨生稊，老夫得其女妻，无不利。

《象》曰：老夫女妻，过以相与也。

九三：栋桡，凶。

《象》曰：栋桡之凶，不可以有辅也。

九四：栋隆，吉，有它吝。

《象》曰：栋隆之吉，不桡乎下也。

九五：枯杨生华，老妇得其士夫，无咎无誉。

《象》曰：“枯杨生华”，何可久也？老妇士夫，亦可丑也。

上六：过涉灭顶，凶，无咎。

《象》曰：过涉之凶，不可咎也。













生僻字注释：

(1)【桡】读音：rao，二声。意为：弯曲。

(2)【稊】读音：ti，二声。意为：杨柳新生的枝叶。

## 震宫：《泽雷随》(归魂)属木兑上震下

伏 神 【本 卦】

			妻财丁未土 应
			官鬼丁酉金
子孙庚午火			父母丁亥水
			妻财庚辰土 世
			兄弟庚寅木
			父母庚子水

良工琢玉之卦，

如水推车之象。

判曰：随者，顺也。上刚下柔，随时之义。改故鼎新，众美俱至。士子得官，宜增禄位。百事遂意，吉无不利。

虎易注：

世身在五爻，月卦身为申，不入卦。子孙庚午火不入卦，伏藏在四爻父母丁亥水下。

《易经》第十七卦 随 泽雷随 兑上震下

随：元亨，利贞，无咎。

《彖》曰：随，刚来而下柔，动而说，随。大亨，贞无咎，而天下随时，随时之义大矣哉！

《象》曰：泽中有雷，随；君子以向晦入宴息。

六爻断：

初九：官有渝，贞吉。出门交有功。

《象》曰：“官有渝”，从正吉也。“出门交有功”，不失也。

六二：系小子，失丈夫。

《象》曰：“系小子”，弗兼与也。

六三：系丈夫，失小子。随有求得，利居贞。

《象》曰：“系丈夫”，志舍下也。

九四：随有获，贞凶。有孚在道，以明，何咎？

《象》曰：“随有获”，其义凶也。“有孚在道”，明功也。

九五：孚于嘉，吉。

《象》曰：“孚于嘉，吉”，位正中也。

上六：拘系之，乃从维之。王用亨于西山。

《象》曰：“拘系之”，上穷也。

生僻字注释：

(1)【琢】读音：zhu0，二声。意为：雕刻玉石，使成器物。

(2)【晦】读音：hui，四声。意为：昏暗，隐藏，夜晚。

(3)【嘉】读音：jia，一声。意为：美好，夸奖，赞许。

## 巽宫八卦

巽宫：《巽为风》（六冲）属木巽上巽下

【本 卦】

■■■■■■ 兄弟辛卯木 世

■■■■■■ 子孙辛巳火

■■ ■■ 妻财辛未土

■■■■■■ 官鬼辛酉金 应

■■■■■■ 父母辛亥水

■■ ■■ 妻财辛丑土

风行草偃之卦，

上行下效之象。

判曰：巽者，顺也。乃顺成天，动用相尚，消息交通，无诸蔽障。恶事不同，风飘其响。所作随顺，进达之象。

虎易注：

世身在四爻，月卦身为巳，在五爻。此卦父、兄、子、财、官六亲俱全。

《易经》第五十七卦 巽 巽为风 巽上巽下

巽：小亨，利有攸往，利见大人。

《彖》曰：重巽以申命，刚巽乎中正而志行，柔皆顺乎刚，是以“小亨，利有攸往，利见大人”。

《象》曰：随风，巽；君子以申命行事。

六爻断：

初六：进退，利武人之贞。

《象》曰：“进退”，志疑也。“利武人之贞”，志治也。

九二：巽在床下，用史、巫纷若，吉，无咎。

《象》曰：纷若之吉，得中也。

九三：频巽，吝。

《象》曰：频巽之吝，志穷也。

六四：悔亡，田获三品。

《象》曰：“田获三品”，有功也。

九五：贞吉，悔亡，无不利。无初有终。先庚三日，后庚三日，吉。

《象》曰：九五之吉，位正中也。

上九：巽在床下，丧其资斧，贞凶。

《象》曰：“巽在床下”，上穷也。“丧其资斧”，正乎凶也。

生僻字注释：

(1)【偃】读音：yǎn，三声。意为：仰面倒，放倒，停止。

(2)【频】读音：pín，二声。意为：屡次，连续几次。

巽宫：《风天小畜》属木巽上乾下

伏 神 【本 卦】

■ ■ ■ ■ ■ 兄弟辛卯木

■ ■ ■ ■ ■ 子孙辛巳火

■ ■ ■ ■ ■ 妻财辛未土 应

官鬼辛酉金 ■ ■ ■ ■ ■ 妻财甲辰土

■ ■ ■ ■ ■ 兄弟甲寅木

■ ■ ■ ■ ■ 父母甲子水 世

匣藏宝剑之卦，

密云不雨之象。

判曰：小畜者，塞也。密云不雨，夫妇反覆。信息不通，出行却伏，求事不成，迟而未速。

虎易注：

世身在初爻，月卦身为子，在初爻。官鬼辛酉金不入卦，伏藏在三爻妻财甲辰土下。

《易经》第九卦 小畜 风天小畜 巽上乾下

小畜：亨。密云不雨，自我西郊。

《彖》曰：“小畜”，柔得位而上下应之，曰小畜。健而巽，刚中而志行，乃亨。“密云不雨”，尚往也。“自我西郊”，施未行也。

《象》曰：风行天上，小畜；君子以懿文德。

六爻断：

初九：复自道，何其咎，吉。

《象》曰：“复自道”，其义吉也。

九二：牵复，吉。

《象》曰：牵复在中，亦不自失也。

九三：舆说辐，夫妻反目。

《象》曰：“夫妻反目”，不能正室也。

六四：有孚，血去惕出，无咎。

《象》曰：有孚惕出，上合志也。

九五：有孚挛如，富以其邻。

《象》曰：“有孚挛如”，不独富也。

上九：既雨既处，尚德载。妇贞厉。月几望，君子征凶。

《象》曰：“既雨既处”，德积载也。“君子征凶”，有所疑也。







生僻字注释：

(1)【匣】读音：xia，二声。意为：收藏东西的器具。

(2)【懿】读音：yi，四声。意为：美好（多指德行）。

# 巽宫：《风火家人》属木巽上离下

伏 神 【本 卦】

		兄弟辛卯木
		子孙辛巳火 应
		妻财辛未土
官鬼辛酉金		父母己亥水
		妻财己丑土 世
		兄弟己卯木

入海求珠之卦，

开花结子之象。

判曰：家人者，同也。阴阳得位，夫妇克隆，田木增广，财入本宫。婚姻之道，以存始终。不求自合，家庆融融。

虎易注：

世身在二爻，月卦身为未，在四爻。官鬼辛酉金不入卦，伏藏在三爻父母己亥水下。

《易经》第三十七卦 家人 风火家人 巽上离下

家人：利女贞。

《彖》曰：“家人”，女正位乎内，男正位乎外；男女正，天地之大义也。家人有严君焉，父母之谓也。父父，子子，兄兄，弟弟，夫夫，妇妇，而家道正；正家而天下定矣。

《象》曰：风自火出，家人；君子以言有物，而行有恒。

六爻断：

初九：闲有家，悔亡。

《象》曰：“闲有家”，志未变也。

六二：无攸遂，在中馈，贞吉。

《象》曰：六二之吉，顺以巽也。

九三：家人嗃嗃，悔厉吉；妇子嘻嘻，终吝。

《象》曰：“家人嗃嗃”，未失也。“妇子嘻嘻”，失家节也。

六四：富家，大吉。

《象》曰：“富家，大吉”，顺在位也。

九五：王假有家，勿恤，吉。

《象》曰：“王假有家”，交相爱也。

上九：有孚威如，终吉。

《象》曰：威如之吉，反身之谓也。







生僻字注释：

(1)【馈】读音：kui，四声。意为：馈赠。

(2)【嗃】读音：he，四声。意为：严酷，严厉。

## 巽宫：《风雷益》属木巽上震下

伏 神 【本 卦】

		兄弟辛卯木	应
		子孙辛巳火	
		妻财辛未土	
官鬼辛酉金		妻财庚辰土	世
		兄弟庚寅木	
		父母庚子水	

鸿鹄遇风之卦，

滴水天河之象。

判曰：益者，损也。风雷相举，益道如然。小人达情，刑狱之愆。君子位变，见善则迁。利有攸往，行人速还。

虎易注：

世身在五爻，月卦身为申，不入卦。官鬼辛酉金不入卦，伏藏在三爻妻财庚辰土下。

《易经》第四十二卦 益 风雷益 巽上震下

益：利有攸往，利涉大川。

《彖》曰：“益”，损上益下，民说无疆；自上下下，其道大光。“利有攸往”，中正有庆。“利涉大川”，木道乃行。益动而巽，日进无疆。天施地生，其益无方。凡益之道，与时偕行。

《象》曰：风雷，益；君子以见善则迁，有过则改。

六爻断：

初九：利用为大作，元吉，无咎。

《象》曰：“元吉，无咎”，下不厚事也。

六二：或益之十朋之龟，弗克违，永贞吉。王用亨于帝，吉。

《象》曰：或益之，自外来也。

六三：益之用凶事，无咎。有孚中行，告公用圭。

《象》曰：益用凶事，固有之也。

六四：中行告公从。利用为依迁国。

《象》曰：告公从，以益志也。

九五：有孚惠心，勿问元吉；有孚惠我德。

《象》曰：“有孚惠心”，勿问之矣。惠我德，大得志也。

上九：莫益之，或击之。立心勿恒，凶。

《象》曰：“莫益之”，偏辞也。“或击之”，自外来也。

生僻字注释：

(1)【鹄】读音：hu，二声。意指：天鹅。

(2)【圭】读音：gui，一声。古代帝王诸侯举行礼仪时所用的玉器，上尖下方。【圭表】古代的天文仪器。

巽宫：《天雷无妄》（六冲）属木乾上震下

【本 卦】

妻财壬戌土

官鬼壬申金

子孙壬午火 世

妻财庚辰土

兄弟庚寅木

父母庚子水 应

石中蕴玉之卦，

守旧安常之象。

判曰：无妄者，天灾也。天雷震响，惊怖如摧。病勿与药，虽凶可为。百凡谋望，居安虑危。

虎易注：

世身在初爻，月卦身为卯，不入卦。此卦父、兄、子、财、官六亲俱全。

《易经》第二十五卦 无妄 天雷无妄 乾上震下

无妄：元亨，利贞。其匪正有眚，不利有攸往。

《彖》曰：“无妄”，刚自外来而为主于内，动而健，刚中而应。大亨以正，天之命也。“其匪正有眚，不利有攸往”，无妄之往，何之矣？天命不佑，行矣哉？

《象》曰：天下雷行，物与无妄；先王以茂对时育万物。

六爻断：

初九：无妄，往吉。

《象》曰：无妄之往，得志也。

六二：不耕获，不菑畲，则利有攸往。

《象》曰：“不耕获”，未富也。

六三：无妄之灾；或系之牛，行人之得，邑人之灾。

《象》曰：行人得牛，邑人灾也。

九四：可贞，无咎。

《象》曰：“可贞，无咎”，固有之也。

九五：无妄之疾，勿药有喜。

《象》曰：无妄之药，不可试也。

上九：无妄，行有眚，无攸利。

《象》曰：无妄之行，穷之灾也。

生僻字注释：

(1)【蕴】读音：yun，四声。意为：包含，蓄积。

(2)【菑】读音：zi，一声。意为：除草。

(3)【畲】读音：yu，二声。意为：开垦过两年的田地，

巽宫：《火雷噬嗑》属木离上震下

【本 卦】

■■■■■ 子孙己巳火

䷗ ䷗ 妻财己未土 世  
䷗ 官鬼己酉金  
䷗ ䷗ 妻财庚辰土  
䷗ ䷗ 兄弟庚寅木 应  
䷗ 父母庚子水

日中为市之卦，  
颐中有物之象。

判曰：噬嗑者，啍也。上下相合，物在颐间，饮食之事，聚会相延，财爻持世。求之不难。所为事理，内外俱安。

虎易注：

世身在二爻，月卦身为戌，不入卦。此卦父、兄、子、财、官六亲俱全。

《易经》第二十一卦 噬嗑 火雷噬嗑 离上震下

噬嗑：亨。利用狱。

《彖》曰：颐中有物，曰噬嗑。噬嗑而亨，刚柔分，动而明，雷电合而章。柔得中而上行，虽不当位，利用狱也。

《象》曰：雷电，噬嗑；先王以明罚敕法。

六爻断：

初九：履校灭趾，无咎。

《象》曰：“履校灭趾”，不行也。

六二：噬肤灭鼻，无咎。

《象》曰：“噬肤灭鼻”，乘刚也。

六三：噬腊肉，遇毒，小吝，无咎。

《象》曰：“遇毒”，位不当也。

九四：噬乾（此处读干音。）肺，得金矢，利艰贞，吉。

《象》曰：“利艰贞，吉”，未光也。

六五：噬乾肉，得黄金，贞厉，无咎。

《象》曰：“贞厉，无咎”，得当也。

上九：何校灭耳，凶。

《象》曰：“何校灭耳”，聪不明也。

生僻字注释：

(1)【啮】读音：nie，四声。意为：鼠兔等动物，用牙啃和咬。

(2)【履】读音：lv，三声。(原字为尸字头，里面为双人旁加娄字。读音为四声。)其意为：古代用麻，葛等制成的鞋。也有踩，踏之意。

(3)【肺】读音：zi，三声。意为：剩余的食物。

## 巽宫：《山雷颐》(游魂)属木艮上震下

伏 神 【本 卦】

	■ ■ ■ ■ ■ ■	兄弟丙寅木
子孙辛巳火	■ ■ ■ ■ ■ ■	父母丙子水
	■ ■ ■ ■ ■ ■	妻财丙戌土 世
官鬼辛酉金	■ ■ ■ ■ ■ ■	妻财庚辰土
	■ ■ ■ ■ ■ ■	兄弟庚寅木
	■ ■ ■ ■ ■ ■	父母庚子水 应

龙隐深潭之卦，

迁善远恶之象。

判曰：颐者，养也。谨言节食，能养其身。震动艮止，万物皆春。恶事消散，不害于人。

虎易注：

世身在五爻，月卦身为酉，不入卦。官鬼辛酉金不入卦，伏藏在三爻妻财庚辰土下。子孙辛巳火不入卦，伏藏在五爻父母丙子水下。

《易经》第二十七卦 颐 山雷颐 艮上震下

颐：贞吉。观颐，自求口实。

《彖》曰：“颐，贞吉”，养正则吉也。“观颐”，观其所养也。“自求口实”，观其自养也。天地养万物，圣人养贤以及万民。颐之时大矣哉！

《象》曰：山下有雷，颐；君子以慎言语，节饮食。

六爻断：

初九：舍尔灵龟，观我朵颐，凶。

《象》曰：“观我朵颐”，亦不足贵也。

六二：颠颐。拂经，于丘颐，征凶。

《象》曰：六二“征凶”，行失类也。

六三：拂颐，贞凶。十年勿用，无攸利。

《象》曰：“十年勿用”，道大悖也。

六四：颠颐，吉。虎视眈眈，其欲逐逐，无咎。

《象》曰：颠颐之吉，上施光也。

六五：拂经。居贞吉，不可涉大川。

《象》曰：居贞之吉，顺以从上也。

上九：由颐。厉吉，利涉大川。

《象》曰：“由颐，厉吉”，大有庆也。

生僻字注释：

(1)【慎】读音：shen，四声。意为：谨慎，小心。

(2)【颠】读音：dian，一声。意为：高而直立的东西的顶，路不平，跌落。

(3)【拂】读音：fu，二声。意为：轻轻擦过，甩动，抖，违背。

(4)【眈眈】读音：dan，一声。意为：形容眼睛注视。

(5)【涉】读音：she，四声。意为：渡，徒步过水（泛指从水上经过）。

## 巽宫：《山风蛊》（归魂）属木艮上巽下

伏 神 【本 卦】

		兄弟丙寅木 应
子孙辛巳火		父母丙子水
		妻财丙戌土
		官鬼辛酉金 世
		父母辛亥水
		妻财辛丑土

三虫食血之卦，

以恶害义之象。

判曰：蛊者，事也。干父之体，任用于先，三虫在器，阴害相连。厌昧之事，其疾难痊。求谋

欲起，虑恐相干。

虎易注：

世身在四爻，月卦身为寅，在六爻。子孙辛巳火不入卦，伏藏在五爻父母丙子水下。

《易经》第十八卦 蛊 山风蛊 艮上巽下

蛊：元亨，利涉大川。先甲三日，后甲三日。

《彖》曰：“蛊”，刚上而柔下，巽而止，蛊。“蛊，元亨”，而天下治也。“利涉大川”，往有事也。“先甲三日，后甲三日”，终则有始，天行也。

《象》曰：山下有风，蛊；君子以振民育德。

六爻断：

初六：干父之蛊，有子，考无咎，厉终吉。

《象》曰：“干父之蛊”，意承考也。

九二：干母之蛊，不可贞。

《象》曰：“干母之蛊”，得中道也。

九三：干父之蛊，小有悔，无大咎。

《象》曰：“干父之蛊”，终无咎也。

六四：裕父之蛊，往见吝。

《象》曰：“裕父之蛊”，往未得也。

六五：干父之蛊，用誉。

《象》曰：“干父，用誉”，承以德也。

上九：不事王侯，高尚其事。

《象》曰：“不事王侯”，志可则也。

## 坎宫八卦

坎宫：《坎为水》（六冲）属水坎上坎下

【本 卦】

■ ■ 兄弟戊子水 世

■■■■ 官鬼戊戌土

■ ■ 父母戊申金

䷔ ䷔ 妻财戊午火 应

䷌ 官鬼戊辰土

䷔ ䷔ 子孙戊寅木

船渡重滩之卦，

外虚中实之象。

判曰：坎者，陷也。逢流则注，遇坎则止。出入艰难，随坎不已。阴愁伏匿，共相谋计，千里辞家，始免迍否。

虎易注：

世身在初爻，月卦身为亥，不入卦。此卦父、兄、子、财、官六亲俱全。

《易经》第二十九卦 坎 坎为水 坎上坎下

坎：习坎：有孚，维心亨” 行有尚。

《彖》曰：“习坎”，重险也。水流而不盈，行险而不失其信。“维心亨”，乃以刚中也。“行有尚”，往有功也。天险，不可升也；地险，山川丘陵也；王公设险，以守其国。坎之时用大矣哉！

《象》曰：水洊至，习坎；君子以常德行，习教事。

六爻断

初六：习坎，入于坎窞，凶。

《象》曰：习坎入坎，失道凶也。

九二：坎有险，求小得。

《象》曰：“求小得”，未出中也。

六三：来之坎坎，险且枕；入于坎窞，勿用。

《象》曰：“来之坎坎”，终无功也。

六四：樽酒簋贰，用缶，纳约自牖，终无咎。

《象》曰：“樽酒簋贰”，刚柔际也。

九五：坎不盈，只既平，无咎。

《象》曰：“坎不盈”，中未大也。

上六：系用徽纆，寘于丛棘，三岁不得，凶。







《象》曰：上六失道，凶三岁也。

生僻字注释：

- ( 01 )【匿】读音：ni，四声。意为：隐藏。
- ( 02 )【迟】读音：zhun，一声。【迟滞】形容迟迟不进，困顿不得志。
- ( 03 )【洊】读音：jian，四声。意为：再，仍。
- ( 04 )【窞】读音：dan，四声。意为：坎中小坎，深坑。
- ( 05 )【樽】读音：zun，一声。古代盛酒的器具。
- ( 06 )【簋】读音：gui，三声。古代盛食物的器具。
- ( 07 )【缶】读音：fou，三声。古代一种大肚子小口的瓦器，古代的一种瓦质的打击乐器。
- ( 08 )【牖】读音：you，三声：意为：窗户。
- ( 09 )【繆】读音：mou，四声。意为：绳索。
- ( 10 )【真】读音：zhi，四声。意为：放置。

## 坎宫：《水泽节》( 六合 ) 属水坎上兑下

### 【本 卦】

 兄弟戊子水  
 官鬼戊戌土  
 父母戊申金 应  
 官鬼丁丑土  
 子孙丁卯木  
 妻财丁巳火 世

船行风横之卦，

寒暑有节之象。

判曰：节者，止也。天地得节，四时所成。节以制度，俭以丰盈。内忧外悦，不出户庭，于身谨节，无不康宁。

### 虎易注：

世身在六爻，月卦身为子，在六爻。此卦父、兄、子、财、官六亲俱全。

《易经》第六十卦 节 水泽节 坎上兑下

节：亨；苦节，不可贞。

《彖》曰：“节，亨”，刚柔分而刚得中。“苦节，不可贞”，其道穷也。说以行险，当位以节，

中正以通。天地节而四时成；节以制度，不伤财，不害民。

《象》曰：泽上有水，节；君子以制数度，议德行。

六爻断：

初九：不出户庭，无咎。

《象》曰：“不出户庭”，知通塞也。

九二：不出门庭，凶。

《象》曰：“不出门庭，凶”，失时极也。

六三：不节若，则嗟若，无咎。

《象》曰：不节之嗟，又谁咎也？

六四：安节，亨。

《象》曰：安节之亨，承上道也。

九五：甘节，吉。往有尚。

《象》曰：甘节之吉，居位中也。

上六：苦节，贞凶，悔亡。













《象》曰：“苦节，贞凶”，其道穷也。

生僻字注释：

(1)【嗟】读音：jie，一声。意为：叹息。

## 坎宫：《水雷屯》属水坎上震下

伏 神 【本 卦】

			兄弟戊子水
			官鬼戊戌土 应
			父母戊申金
妻财戊午火			官鬼庚辰土
			子孙庚寅木 世
			兄弟庚子水

龙居浅水之卦，

万物始生之象。

判曰：屯者，难也。象屯之时，动则难生，如常之事，先易后争。时方屯难，切忌远行，婚姻

即吉，谋望不亨。

虎易注：

世身在三爻，月卦身为未，不入卦。妻财戊午火不入卦，伏藏在三爻官鬼庚辰土下。

《易经》第三卦 屯 水雷屯 坎上震下

屯：元亨，利贞。勿用有攸往，利建侯。

《彖》曰：“屯”，刚柔始交而难生。动乎险中，大亨贞。雷雨之动满盈，天造草昧，宜建侯而不宁。

《象》曰：云雷，屯；君子以经纶。

六爻断：

初九：磐桓。利居贞，利建侯。

《象》曰：虽磐桓，志行正也。以贵下贱，大得民也。

六二：屯如遭如，乘马班如，匪寇婚媾；女子贞不字，十年乃字。

《象》曰：六二之难，乘刚也。“十年乃字”，反常也。

六三：即鹿无虞，惟入于林中，君子几，不如舍，往吝。

《象》曰：“即鹿无虞”，以从禽也。君子舍之，往吝，穷也。

六四：乘马班如，求婚媾，往吉，无不利。

《象》曰：求而往，明也。

九五：屯其膏。小，贞吉；大，贞凶。

《象》曰：“屯其膏”，施未光也。

上六：乘马班如，泣血涟如。

《象》曰：“泣血涟如”，何可长也。

生僻字注释：













(1)【磐】读音：pan，二声。意为：大石头。

(2)【遭】读音：zhan，一声。【屯遭】形容迟迟不进，困顿不得志。

(3)【媾】读音：gou，四声。意为：结为婚姻，交好。

坎宫：《水火既济》属水坎上离下

伏 神 【本 卦】

			兄弟戊子水	应
			官鬼戊戌土	
			父母戊申金	
妻财戊午火			兄弟己亥水	世
			官鬼己丑土	
			子孙己卯木	

舟楫济川之卦，

阴阳配合之象。

判曰：既济，合也。水火相遇，会合之义。往渡得船，成功必济。所求必从，所从必遂。斯不失时，谓之既济。

虎易注：

世身在六爻，月卦身为寅，不入卦。妻财戊午火不入卦，伏藏在三爻兄弟己亥水下。

《易经》第六十三卦 既济 水火既济 坎上离下

既济：亨小，利贞。初吉，终乱。

《彖》曰：“既济，亨”，小者亨也。“利贞”，刚柔正而位当也。“初吉”，柔得中也。终止则乱，其道穷也。

《象》曰：水在火上，既济；君子以思患而预防之。

六爻断：

初九：曳其轮，濡其尾，无咎。

《象》曰：“曳其轮”，义无咎也。

六二：妇丧其茀，勿逐，七日得。

《象》曰：“七日得”，以中道也。

九三：高宗伐鬼方，三年克之，小人勿用。

《象》曰：“三年克之”，惫也。

六四：繻有衣袽，终日戒。

《象》曰：“终日戒”，有所疑也。

九五：东邻杀牛，不如西邻之禴祭，实受其福。

《象》曰：“东邻杀牛”，不如西邻之时也。“实受其福”，吉大来也。

上六：濡其首，厉。

《象》曰：“濡其首，厉”，何可久也。

生僻字注释：

(1)【曳】读音：ye，四声。意为：拖，拉，牵引。

(2)【濡】读音：ru，二声。意为：沾上，沾湿，停留，迟滞。

(3)【茀】读音：fu，二声。意为：福。(朱熹注为：“妇车之蔽”。一说为妇人头巾，或妇女发饰。帛易为“发”字。)













(4)【繻】读音：xu，一声。意为：彩色的缯(缯是古代对丝织品的统称)。古时出入关卡的凭证，用帛制成。

(5)【褌】读音：ru，二声。意为：破衣败絮。

(6)【禴】读音：yue，四声。意为：夏天祭祀。

## 坎宫：《泽火革》属水兑上离下

伏 神 【本 卦】

			官鬼丁未土
			父母丁酉金
			兄弟丁亥水 世
妻财戊午火			兄弟己亥水
			官鬼己丑土
			子孙己卯木 应

豹变为虎之卦，

改旧从新之象。

判曰：革者，改也。改故就新，变易之道。交易其所，君子豹变。时有不遇，并宜改革。守旧则凶，从新则吉。

虎易注：

世身在六爻，月卦身为卯，在初爻。妻财戊午火不入卦，伏藏在三爻兄弟己亥水下。

《易经》第四十九卦 革 泽火革 兑上离下

革：己日乃孚，元亨，利贞，悔亡。

《彖》曰：“革”，水火相息，二女同居，其志不相得，曰革。“己日乃孚”，革而信之。文明以说，大亨以正，革而当，其悔乃亡。天地革而四时成，汤武革命，顺乎天而应乎人。革之时义大矣哉！

《象》曰：泽中有火，革；君子以治历明时。

六爻断：

初九：巩用黄牛之革。

《象》曰：巩用黄牛，不可以有为也。

六二：己日乃革之，征吉，无咎。

《象》曰：己日革之，行有嘉也。

九三：征凶，贞厉；革言三就，有孚。

《象》曰：“革言三就”，又何之矣。

九四：悔亡，有孚，改命，吉。

《象》曰：改命之吉，信志也。

九五：大人虎变，未占有孚。

《象》曰：“大人虎变”，其文炳也。

上六：君子豹变，小人革面，征凶，居贞吉。

《象》曰：“君子豹变”，其文蔚也。“小人革面”，顺以从君也。

生僻字注释：

(1)【蔚】读音：wei，四声。意为：茂盛，盛大，有文采。

## 坎宫：《雷火丰》属水震上离下

【本 卦】

䷲ 官鬼庚戌土

䷲ 父母庚申金 世

䷲ 妻财庚午火

䷲ 兄弟己亥水

䷲ 官鬼己丑土 应

䷲ 子孙己卯木

日丽中天之卦，

背暗向明之象。

判曰：丰者，大也。日中见斗，幽而不明，此事适大，隐映其形。水中见日，无所取呈。求财未得，事卒难明。

虎易注：

世身在三爻，月卦身为戌，在六爻。此卦父、兄、子、财、官六亲俱全。

《易经》第五十五卦 丰 雷火丰 震上离下

丰：亨，王假之；勿忧，宜日中。

《彖》曰：“丰”，大也。明以动，故丰。“王假之”，尚大也。“勿忧，宜日中”，宜照天下也。日中则昃，月盈则食，天地盈虚，与时消息，而况於人乎？况於鬼神乎？

《象》曰：雷电皆至，丰；君子以折狱致刑。

六爻断：

初九：遇其配主，虽旬无咎，往有尚。

《象》曰：“虽旬无咎”，过旬灾也。

六二：丰其蔀，日中见斗；往得疑疾，有孚发若，吉。

《象》曰：“有孚发若”，信以发志也。

九三：丰其沛，日中见沫；折其右肱，无咎。

《象》曰：“丰其沛”，不可大事也。“折其右肱”，终不可用也。

九四：丰其蔀，日中见斗；遇其夷主，吉。

《象》曰：“丰其蔀”，位不当也。“日中见斗”，幽不明也。“遇其夷主”，吉行也。

六五：来章，有庆誉，吉。

《象》曰：六五之吉，有庆也。

上六：丰其屋，蔀其家，窥其户，阒其无人，三岁不覿，凶。

《象》曰：“丰其屋”，天际翔也。“窥其户，阒其无人”，自藏也。

生僻字注释：

(1)【昃】读音：ze，四声。意为：太阳偏西。

(2)【蔀】读音：bu，四声。意为：遮蔽。

(3)【沛】读音：pei，四声。意为：盛大，旺盛。

(4)【沫】读音：mei，四声。朱熹注为小星。













(5)【肱】读音：gōng，一声。胳膊从肩到肘的部分，也泛指胳膊。

(6)【阒】读音：qù，四声。形容没有声音。

(7)【覲】读音：dì，二声。意为：见。

## 坎宫：《地火明夷》(游魂)属水坤上离下

伏 神 【本 卦】

			父母癸酉金
			兄弟癸亥水
			官鬼癸丑土 世
妻财戊午火			兄弟己亥水
			官鬼己丑土
			子孙己卯木 应

凤凰垂翼之卦，

出明入暗之象。

判曰：明夷者，伤也。火入地中，掩伤明德。君子在厄，三日不食。文王之难，困于丛棘。百凡谋望，且宜止息。

虎易注：

世身在二爻，月卦身为酉，在六爻。妻财戊午火不入卦，伏藏在三爻兄弟己亥水下。

《易经》第三十六卦 明夷 地火明夷 坤上离下

明夷：利艰贞。

《彖》曰：明入地中，明夷；内文明而外柔顺，以蒙大难，文王以之。“利艰贞”，晦其明也；内难而能正其志，箕子以之。

《象》曰：明入地中，明夷；君子以莅众，用晦而明。

六爻断：

初九：明夷于飞，垂其翼。君子于行，三日不食。有攸往，主人有言。

《象》曰：“君子于行”，义不食也。

六二：明夷。夷于左股，用拯马壮，吉。

《象》曰：六二之吉，顺以则也。

九三：明夷于南狩，得其大首，不可疾贞。

《象》曰：南狩之志，乃大得也。

六四：入于左腹，获明夷之心，于出门庭。

《象》曰：“入于左腹”，获心意也。

六五：箕子之明夷，利贞。

《象》曰：箕子之贞，明不可息也。

上六：不明晦，初登于天，后入于地。

《象》曰：“初登于天”，照四国也。“后入于地”，失则也。

生僻字注释：

(1)【棘】读音：ji，二声。意为：刺，扎，也泛指有刺的草木。

(2)【晦】读音：hui，四声。意为：昏暗，不明显，隐藏。

(3)【莅】读音：li，四声。意为：到。

(4)【拯】读音：zheng，三声。意为：救。

(5)【狩】读音：shou，四声。意为：打猎。

## 坎宫：《地水师》（归魂）属水坤上坎下

【本 卦】

䷆ ䷁ 父母癸酉金 应

䷆ ䷁ 兄弟癸亥水

䷆ ䷁ 官鬼癸丑土

䷆ ䷁ 妻财戊午火 世

䷆ ䷁ 官鬼戊辰土

䷆ ䷁ 子孙戊寅木

天马出群之卦，

以寡伏众之象。

判曰：师者，众也。独行越师，最不宜动。君子有命，小人勿用。共相克伐，政道成讼。

虎易注：

世身在初爻，月卦身为申，不入卦。此卦父、兄、子、财、官六亲俱全。

《易经》第七卦 师 地水师 坤上坎下

师：贞，丈人吉，无咎。

《彖》曰：“师”，众也。“贞”，正也。能以众正，可以王矣。刚中而应，行险而顺，以此毒天下而民从之，吉又何咎矣！

《象》曰：地中有水，师；君子以容民畜众。

六爻断：

初六：师出以律，否臧凶。

《象》曰：“师出以律”，失律凶也。

九二：在师中，吉，无咎。王三锡命。

《象》曰：“在师中，吉”，承天宠也。“王三锡命”，怀万邦也。

六三：师或舆尸，凶。

《象》曰：“师或舆尸”，大无功也。

六四：师左次，无咎。

《象》曰：左次无咎，未失常也。

六五：田有禽，利执言，无咎。长子帅师，弟子舆尸，贞凶。

《象》曰：“长子帅师”，以中行也。“弟子舆师”，使不当也。

上六：大君有命，开国承家；小人勿用。

《象》曰：“大君有命”，以正功也。“小人勿用”，必乱邦也。

生僻字注释：

(1)【臧】读音：zang，一声。意同：藏。

(2)【宠】读音：chong，三声。意为：偏爱，宠爱。

## 艮宫八卦

艮宫：《艮为山》(六冲)属土艮上艮下

【本 卦】

官鬼丙寅木 世

妻财丙子水

兄弟丙戌土

子孙丙申金 应

■ ■ 父母丙午火

■ ■ 兄弟丙辰土

游鱼避网之卦，

积小成高之象。

判曰：艮者，止也。纯艮危危，安静无亏。时止则止，时移则移。钱财散失，失在小儿，寻求不得，东北宜之。

虎易注：

世身在三爻，月卦身为巳，不入卦。此卦父、兄、子、财、官六亲俱全。

《易经》第五十二卦 艮 艮为山 艮上艮下

艮：艮其背，不获其身；行其庭，不见其人，无咎。

《彖》曰：“艮”，止也。时止则止，时行则行，动静不失其时，其道光明。“艮其止”，止其所也。上下敌应，不相与也。是以“不获其身，行其庭，不见其人，无咎”也。

《象》曰：兼山，艮；君子以思不出其位。

六爻断：

初六：艮其趾，无咎，利永贞。

《象》曰：“艮其趾”，未失正也。

六二：艮其腓，不拯其随，其心不快。

《象》曰：“不拯其随”，未退听也。

九三：艮其限，列其夤，厉熏心。

《象》曰：“艮其限”，危熏心也。

六四：艮其身，无咎。

《象》曰：“艮其身”，止诸躬也。

六五：艮其辅，言有序，悔亡。

《象》曰：“艮其辅”，以中正也。

上九：敦艮，吉。

《象》曰：敦艮之吉，以厚终也。

生僻字注释：

(1)【腓】读音：fei，二声。意为：腿肚子。

(2)【夤】读音：yīn，二声。意为：敬畏，深。朱熹注为膺（脊骨）。

(3)【躬】读音：gōng，一声。意为：弯下身体。

## 艮宫：《山火贲》属土艮上离下

伏 神 【本 卦】

	䷗	官鬼丙寅木
	䷢	妻财丙子水
	䷢	兄弟丙戌土 应
子孙丙申金	䷗	妻财己亥水
父母丙午火	䷢	兄弟己丑土
	䷗	官鬼己卯木 世

猛虎负嵎之卦，

光明通泰之象。

判曰：贲者，饰也。光彩烜赫，火色含丹，文章交错，应杂其间，进退荣益，束帛戈戈。

虎易注：

世身在四爻，月卦身为子，在五爻。父母丙午火不入卦，伏藏在二爻兄弟己丑土下。子孙丙申金不入卦，伏藏在三爻妻财己亥水下。

《易经》第二十二卦 贲 山火贲 艮上离下

贲：亨。小利有攸往。

《彖》曰：“贲，亨”，柔来而文刚，故“亨”。分刚上而文柔，故“小利有攸往”。天文也。文明以止，人文也。观乎天文以察时变，观乎人文以化成天下。

《象》曰：山下有火，贲；君子以明庶政，无敢折狱。

六爻断：

初九：贲其趾，舍车而徒。

《象》曰：“舍车而徒”，义弗乘也。

六二：贲其须。

《象》曰：“贲其须”，与上兴也。

九三：贲如濡如，永贞吉。

《象》曰：永贞之吉，终莫之陵也。

六四：贲如皤如，白马翰如，匪寇，婚媾。

《象》曰：六四，当位疑也。“匪寇，婚媾”，终无尤也。

六五：贲于丘园，束帛戔戔，吝，终吉。

《象》曰：六五之吉，有喜也。

上九：白贲，无咎。

《象》曰：“白贲，无咎”，上得志也。

生僻字注释：

(1)【嵎】读音：yu，二声。意为：山弯，角落。

(2)【烜】读音：xuan，三声。意为：盛大。

(3)【帛】读音：b0，二声，意为：丝织物。

(4)【戔】读音：jian，一声。意为：少，细微。朱熹注【戔戔】为浅小之意。

(5)【皤】读音：p0，二声。意为：白色。

## 艮宫：《山天大畜》属土艮上乾下

伏 神 【本 卦】

	䷖	官鬼丙寅木	
	䷖	妻财丙子水	应
	䷖	兄弟丙戌土	
子孙丙申金	䷖	兄弟甲辰土	
父母丙午火	䷖	官鬼甲寅木	世
	䷖	妻财甲子水	

积小成高之卦，

龙潜大壑之象。

判曰：大畜者，聚也。刚健笃实，积聚丰隆。居官食禄，建立其功。论讼有益。道理亨通。利涉大川，后吉先凶。

虎易注：

世身在三爻，月卦身为丑，不入卦。父母丙午火不入卦，伏藏在二爻官鬼甲寅木下。子孙丙申

金不入卦，伏藏在三爻兄弟甲辰土下。

《易经》第二十六卦 大畜 山天大畜 艮上乾下

大畜：利贞。不家食，吉，利涉大川。

《彖》曰：“大畜”，刚健笃实辉光，日新其德。刚上而尚贤，能止健，大正也。“不家食，吉”，养贤也。“利涉大川”，应乎天也。

《象》曰：天在山中，大畜；君子以多识前言往行，以畜其德。

六爻断：

初九：有厉，利已。

《象》曰：“有厉，利已”，不犯灾也。

九二：舆说辐。

《象》曰：“舆说辐”，中无尤也。

九三：良马逐，利艰贞，曰闲舆卫。利有攸往。

《象》曰：“利有攸往”，上合志也。

六四：童牛之牯，元吉。

《象》曰：六四“元吉”，有喜也。

六五：豶豕之牙，吉。

《象》曰：六五之“吉”，有庆也。

上九：何天之衢，亨。

《象》曰：“何天之衢”，道大行也。

生僻字注释：

(1)【壑】读音：he，四声。意为：山沟或大水坑。

(2)【笃】读音：du，三声。意为：忠实。

(3)【輶】读音：fu，四声。意为：车轴缚也。

(4)【牯】读音：gu，四声。意为：绑在牛角上，使牛不能顶人的横木。










(5)【豶】读音：fen，二声。意为：雄性的牲畜。

(6)【豕】读音：shi，三声。意为：猪。

(7)【衢】读音：qu，二声。意为：大路。

艮宫：《山泽损》属土艮上兑下

伏 神 【本 卦】

		官鬼丙寅木 应
	 	妻财丙子水
	 	兄弟丙戌土
子孙丙申金	 	兄弟丁丑土 世
		官鬼丁卯木
		父母丁巳火

凿石见玉之卦，

握土为山之象。

判曰：损者，益也。损上益下，后易先难。本非走失，事主忧官。必损而已，何以为安。

虎易注：

世身在二爻，月卦身为申，不入卦。子孙丙申金不入卦，伏藏在三爻兄弟丁丑土下。

《易经》第四十一卦 损 山泽损 艮上兑下

损：有孚，元吉、无咎、可贞，利有攸往。曷之用？二簋可用享。

《彖》曰：“损”，损下益上，其道上行。损而有孚，元吉，无咎，可贞，利有攸往。曷之用？二簋可用享。二簋应有时。损刚益柔有时；损益盈虚，与时偕行。

《象》曰：山下有泽，损；君子以惩忿窒欲。

六爻断：

初九：已事遄往，无咎；酌损之。

《象》曰：“已事遄往”，尚合志也。

九二：利贞，征凶；弗损益之。

《象》曰：九二“利贞”，中以为志也。

六三：三人行，则损一人；一人行，则得其友。

《象》曰：一人行，三则疑也。

六四：损其疾，使遄有喜，无咎。

《象》曰：“损其疾”，亦可喜也。

六五：或益之十朋之龟，弗克违，元吉。

《象》曰：六五“元吉”，自上佑也。

上九：弗损益之，无咎，贞吉，利有攸往，得臣无家。

《象》曰：“弗损益之”，大得志也。

生僻字注释：

(1)【曷】读音：he，二声。意为：怎么，何时。

(2)【忿】读音：fen，四声。意同：愤。

(3)【窒】读音：zhi，四声。意为：阻塞不通。

(4)【遄】读音：chuan，二声。意为：迅速地。

## 艮宫：《火泽睽》属土离上兑下

伏 神 【本 卦】

	䷔	父母己巳火
妻财丙子水	䷗	兄弟己未土
	䷔	子孙己酉金 世
	䷗	兄弟丁丑土
	䷔	官鬼丁卯木
	䷔	父母丁巳火 应

猛虎陷井之卦，

二女同居之象。

判曰：睽者，背也。志不相得，作事乖违。口舌相伴，财散人离。病者难瘥，行者不归。

虎易注：

世身在四爻，月卦身为卯，在二爻。妻财丙子水不入卦，伏藏在五爻兄弟己未土下。

《易经》第三十八卦 睽 火泽睽 离上兑下

睽：小事吉。

《彖》曰：“睽”，火动而上，泽动而下，二女同居，其志不同行；说而丽乎明，柔进而上行，得中而应乎刚，是以小事吉。天地睽而其事同也，男女睽而其志通也，万物睽而其事类也。睽之时用大矣哉！

《象》曰：上火下泽，睽；君子以同而异。

六爻断：

初九：悔亡。丧马勿逐，自复。见恶人，无咎。

《象》曰：“见恶人”，以辟咎也。

九二：遇主于巷，无咎。

《象》曰：“遇主于巷”，未失道也。

六三：见舆曳，其牛掣；其人天且劓，无初有终。

《象》曰：“见舆曳”，位不当也。“无初有终”，遇刚也。

九四：睽孤；遇元夫，交孚，厉无咎。

《象》曰：交孚无咎，志行也。

六五：悔亡，厥宗噬肤，往何咎？

《象》曰：“厥宗噬肤”，往有庆也。

上九：睽孤；见豕负涂，载鬼一车；先张之弧，后说之弧；匪寇婚媾。往遇雨则吉。

《象》曰：遇雨之吉，群疑亡也。

生僻字注释：

(1)【瘥】读音：chai，四声。意为：病愈。

(2)【掣】读音：che，四声。意为：拽拉，抽，一闪而过。

(3)【劓】读音：yi，四声。意为：古代割掉鼻子的酷刑。

## 艮宫：《天泽履》属土乾上兑下

伏 神 【本 卦】

		兄弟壬戌土	
妻财丙子水		子孙壬申金	世
		父母壬午火	
		兄弟丁丑土	
		官鬼丁卯木	应
		父母丁巳火	

如履虎尾之卦，

安中防危之象。

判曰：履者，礼也。如履虎尾，防虑宜深。坚冰之患，戒慎兢兢。安中防危，忧中望喜。眇而能视，跛而能履。

虎易注：

世身在三爻，月卦身为辰，不入卦。妻财丙子水不入卦，伏藏在五爻子孙壬申金下。

《易经》第十卦 履 天泽履 乾上兑下

履：履虎尾，不咥人，亨。

《彖》曰：履，柔履刚也。说而应乎乾，是以“履虎尾，不咥人，亨。”刚中正，履帝位而不疚，光明也。

《象》曰：上天下泽，履；君子以辨上下，安民志。

六爻断：

初九：素履，往无咎。

《象》曰：素履之往，独行愿也。

九二：履道坦坦，幽人贞吉。

《象》曰：“幽人贞吉”，中不自乱也。

六三：眇能视，跛能履。履虎尾，咥人，凶。武人为于大君。

《象》曰：“眇能视”，不足以有明也。“跛能履”，不足以与行也。咥人之凶，位不当也。“武人为于大君”，志刚也。

九四：履虎尾，愬愬，终吉。

《象》曰：“愬愬，终吉”，志行也。

九五：夬履，贞厉。

《象》曰：“夬履，贞厉”，位正当也。

上九：视履考祥，其旋元吉。

《象》曰：元吉在上，大有庆也。

生僻字注释：

(1)【眇】读音：mia0，三声。原指一只眼睛瞎，后来也指两只眼睛瞎。

(2)【跛】读音：b0，三声。意为：腿或脚有毛病。

(3)【咥】读音：die，二声。意为：咬。

(4)【疚】读音：jiu，四声。意为：对自己的错误感到内心痛苦。

(5)【愬】读音：se，四声。意为：惊惧。

艮宫：《风泽中孚》（游魂）属土巽上兑下

伏 神 【本 卦】

	䷋	官鬼辛卯木
妻财丙子水	䷋	父母辛巳火
	䷋ ䷋	兄弟辛未土 世
子孙丙申金	䷋ ䷋	兄弟丁丑土
	䷋	官鬼丁卯木
	䷋	父母丁巳火 应

鹤鸣子和之卦，

事有定期之象。

判曰：中孚，信也。天地养育，万物安居，泽被草木，信及豚鱼。利涉大川，厄难消除。

虎易注：

世身在二爻，月卦身为酉，不入卦。子孙丙申金不入卦，伏藏在三爻兄弟丁丑土下。妻财丙子水不入卦，伏藏在五爻父母辛巳火下。

《易经》第六十一卦 中孚 风泽中孚 巽上兑下

中孚：豚鱼吉，利涉大川，利贞。

《彖》曰：“中孚”，柔在内而刚得中，说而巽，孚乃化邦也。“豚鱼吉”，信及豚鱼也。“利涉大川”，乘木舟虚也。中孚以利贞，乃应乎天也。

《象》曰：泽上有风，中孚；君子以议狱缓死。

六爻断：

初九：虞吉，有他，不燕。

《象》曰：初九“虞吉”，志未变也。

九二：鸣鹤在阴，其子和之。我有好爵，吾与尔靡之。

《象》曰：“其子和之”，中心愿也。

六三：得敌，或鼓或罢，或泣或歌。

《象》曰：“或鼓或罢”，位不当也。

六四：月几望，马匹亡，无咎。

《象》曰：“马匹亡”，绝类上也。

九五：有孚挛如，无咎。

《象》曰：“有孚挛如”，位正当也。

上九：翰音登于天，贞凶。

《象》曰：“翰音登于天”，何可长也！

生僻字注释：

(1)【豚】读音：tun，二声。意为：小猪，也泛指猪。










(2)【虞】读音：yu，二声。意为：猜测，预料，忧虑，欺骗。

(3)【靡】读音：mi，二声。意为：浪费，细腻，无。

(4)【挛】读音：luan，二声。意为：双生，连在一起。

## 艮宫：《风山渐》(归魂)属土巽上艮下

伏 神 【本 卦】

		官鬼辛卯木 应
妻财丙子水		父母辛巳火
	 	兄弟辛未土
		子孙丙申金 世
	 	父母丙午火
	 	兄弟丙辰土

高山植木之卦，

积小成大之象。

判曰：渐者，进也。渐进之义，动静皆宜。食无求饱，款曲施为，婚姻和合，行人将归。

虎易注：

世身在三爻，月卦身为寅，不入卦。妻财丙子水不入卦，伏藏在五爻父母辛巳火下。

《易经》第五十三卦 渐 风山渐 巽上艮下

渐：女归吉，利贞。

《彖》曰：渐之进也，女归吉也。进得位，往有功也；进以正，可以正邦也。其位，刚得中也。

止而巽，动不穷也。

《象》曰：山上有木，渐；君子以居贤德善俗。

六爻断：

初六：鸿渐于干；小子厉，有言，无咎。

《象》曰：小子之厉，义无咎也。

六二：鸿渐于磐；饮食衎衎，吉。

《象》曰：“饮食衎衎”，不素饱也。

九三：鸿渐于陆；夫征不复，妇孕不育，凶；利御寇。

《象》曰：“夫征不复”，离群丑也。“妇孕不育”，失其道也。利用御寇，顺相保也。

六四：鸿渐于木，或得其桷，无咎。

《象》曰：“或得其桷”，顺以巽也。

九五：鸿渐于陵；妇三岁不孕，终莫之胜，吉。

《象》曰：“终莫之胜，吉”，得所愿也。

上九：鸿渐于陆；其羽可用为仪，吉。

《象》曰：“其羽可用为仪，吉”，不可乱也。

生僻字注释：

(1)【衎】读音：kan，四声。意为：快乐，刚直。

(2)【桷】读音：jue，二声。意为：方形的椽(chuan，二声。)子。

## 坤宫八卦

坤宫：《坤为地》(六冲)属土坤上坤下

【本 卦】

䷁ 子孙癸酉金 世

䷁ 妻财癸亥水

䷁ 兄弟癸丑土

䷁ 官鬼乙卯木 应

䷁ 父母乙巳火

䷁ 兄弟乙未土

生载万物之卦，

博厚无疆之象。

判曰：坤者，顺也。乃顺成天，万物资生。用动则浊，用静则清。所作有顺，万物皆成。

虎易注：

世身在四爻，月卦身为亥，在五爻。此卦父、兄、子、财、官六亲俱全。

《易经》第二卦 坤 坤为地 坤上坤下

坤：元亨，利牝马之贞。君子有攸往，先迷后得，主利。西南得朋，东北丧朋。安贞吉。

《彖》曰：至哉坤元！万物资生，乃顺承天。坤厚载物，德合无疆，含弘光大，品物咸亨。牝马地类，行地无疆，柔顺利贞，君子攸行。先迷失道，后顺得常。西南得朋，乃与类行。东北丧朋，乃终有庆。安贞之吉，应地无疆。

《象》曰：地势坤，君子以厚德载物。

六爻断：

初六：履霜，坚冰至。

《象》曰：履霜坚冰，阴始凝也。驯致其道，至坚冰也。

六二：直方大，不习无不利。

《象》曰：六二之动，直以方也。“不习无不利”，地道光也。

六三：含章可贞。或从王事，无成有终。

《象》曰：“含章可贞”，以时发也。“或从王事”，知光大也。

六四：括囊，无咎，无誉。

《象》曰：“括囊，无咎”，慎不害也。

六五：黄裳，元吉。

《象》曰：“黄裳，元吉”，文在中也。

上六：战龙于野，其血玄黄。

《象》曰：“战龙于野”，其道穷也。

用六：利永贞。

《象》曰：用六永贞，以大终也。

生僻字注释：

(1)【驯】读音：xun，四声。意为：顺服的，善良，使其顺服。

坤宫：《地雷复》(六合)属土坤上震下

伏 神 【本 卦】

	䷆	䷆	子孙癸酉金
	䷆	䷆	妻财癸亥水
	䷆	䷆	兄弟癸丑土 应
	䷆	䷆	兄弟庚辰土
父母乙巳火	䷆	䷆	官鬼庚寅木
	䷆	䷆	妻财庚子水 世

淘沙见金之卦，

反覆往来之象。

判曰：复者，反也。内悦外顺，举动无违。世应相合，迁官益财。失而复得，往而复来。婚姻占得，夫妇和谐。

虎易注：

世身在初爻，月卦身为子，在初爻。父母乙巳火不入卦，伏藏在二爻官鬼庚寅木下。

《易经》第二十四卦 复 地雷复 坤上震下

复：亨。出入无疾，朋来无咎。反复其道，七日来复。利有攸往。

《彖》曰：“复，亨”，刚反。动而以顺行，是以“出入无疾，朋来无咎”。“反复其道，七日来复”，天行也。“利有攸往”，刚长也。复其见天地之心乎！

《象》曰：雷在地中，复；先王以至日闭关，商旅不行，后不省方。

六爻断：

初九：不远复，无祇悔，元吉。

《象》曰：不远之复，以修身也。

六二：休复，吉。

《象》曰：休复之吉，以下仁也。

六三：频复，厉无咎。

《象》曰：频复之厉，义无咎也。

六四：中行独复。

《象》曰：“中行独复”，以从道也。

六五：敦复，无悔。

《象》曰：“敦复，无悔”，中以自考也。

上六：迷复，凶，有灾眚。用行师，终有大败；以其国，君凶，至于十年不克征。

《象》曰：迷复之凶，反君道也。

生僻字注释：

(1)【祗】读音：qi，二声。意为：地神。朱熹注为“抵”之意。也有注为“大”，“灾患”等意。

### 坤宫：《地泽临》属土坤上兑下

【本 卦】

䷁	䷁	子孙癸酉金	
䷁	䷁	妻财癸亥水	应
䷁	䷁	兄弟癸丑土	
䷁	䷁	兄弟丁丑土	
䷁	䷁	官鬼丁卯木	世
䷁	䷁	父母丁巳火	

凤入鸡群之卦，

以上临下之象。

判曰：临者，大也。以大临小，以上临下，内柔外和，人非欺诈。居官进升，文才和雅。纵有灾害，不能相惹。

虎易注：

世身在四爻，月卦身为丑，在三、四爻。此卦父、兄、子、财、官六亲俱全。

《易经》第十九卦 临 地泽临 坤上兑下

临：元亨，利贞。至于八月有凶。

《象》曰：“临”，刚浸而长，说而顺，刚中而应。大亨以正，天之道也。“至于八月有凶”，消不久也。

《象》曰：泽上有地，临；君子以教思无穷，容保民无疆。

六爻断：

初九：咸临，贞吉。

《象》曰：“咸临，贞吉”，志行正也。

九二：咸临，吉，无不利。

《象》曰：“咸临，吉，无不利”，未顺命也。

六三：甘临，无攸利。既忧之，无咎。

《象》曰：“甘临”，位不当也。“既忧之”，咎不长也。

六四：至临，无咎。

《象》曰：“至临，无咎”，位当也。

六五：知临，大君之宜，吉。

《象》曰：“大君之宜”，行中之谓也。

上六：敦临，吉，无咎。













《象》曰：敦临之吉，志在内也。

生僻字注释：

(1)【诈】读音：zha，四声。意为：欺骗，假装。

## 坤宫：《地天泰》(六合)属土坤上乾下

伏 神 【本 卦】

			子孙癸酉金 应
			妻财癸亥水
			兄弟癸丑土
			兄弟甲辰土 世
父母乙巳火			官鬼甲寅木
			妻财甲子水

天地交畅之卦，

小往大来之象。

判曰：泰者，通也。天地交泰，阴阳和光，麒麟悉出，丹凤来翔。小人道灭，君子道昌，求谋顺遂，恶事消亡。

虎易注：

世身在五爻，月卦身为寅，在二爻。父母乙巳火不入卦，伏藏在二爻官鬼甲寅木下。

《易经》第十一卦 泰 地天泰 坤上乾下

泰：小往大来，吉亨。

《象》曰：“泰，小往大来，吉亨”。则是天地交而万物通也，上下交而其志同也。内阳而外阴，内健而外顺，内君子而外小人，君子道长，小人道消也。

《象》曰：天地交，泰；后以财成天地之道，辅相天地之宜，以左右民。

六爻断：

初九：拔茅茹以其汇，征吉。

《象》曰：拔茅征吉，志在外也。

九二：包荒，用冯河，不遐遗。朋亡，得尚于中行。

《象》曰：“包荒”，“得尚于中行”，以光大也。

九三：无平不陂，无往不复。艰贞无咎，勿恤其孚，于食有福。

《象》曰：“无往不复”，天地际也。

六四：翩翩，不富以其邻，不戒以孚。

《象》曰：翩翩不富，皆失实也。“不戒以孚”，中心愿也。

六五：帝乙归妹，以祉元吉。

《象》曰：“以祉元吉”，中以行愿也。

上六：城复于隍。勿用师，自邑告命，贞吝。

《象》曰：“城复于隍”，其命乱也。

生僻字注释：

(1)【麒麟】读音：qí，二声。lín，二声。意为：古代传说中的一种动物，古人拿他象征祥瑞。

(2)【茹】读音：rú，二声。意为：吃。也有训为牵连，牵引之意的。

(3)【遐】读音：xiá，二声。意为：远，长久。

(4)【遗】读音：yí，二声。意为：遗失，遗漏，遗弃。

(5)【陂】读音：bēi，一声。意为：池塘，水边，岸，山坡。

(6)【翩翩】读音：piān，一声。意为：形容轻快的跳舞，举止洒脱。

(7)【祉】读音：zhǐ，三声。意为：幸福。

(8)【隍】读音：huáng，二声。意为：没有水的城壕。

坤宫：《雷天大壮》(六冲)属土震上乾下

【本 卦】

▄▄ ▄▄ 兄弟庚戌土  
▄▄ ▄▄ 子孙庚申金  
▄▄▄▄▄ 父母庚午火 世  
▄▄▄▄▄ 兄弟甲辰土  
▄▄▄▄▄ 官鬼甲寅木  
▄▄▄▄▄ 妻财甲子水 应

先顺后逆之卦，

羝羊触藩之象。

判曰：大壮者，志也。羝羊触藩，其道难全。令人刚强，已成过愆。非利勿贪，善莫大焉。

虎易注：

世身在初爻，月卦身为卯，不入卦。此卦父、兄、子、财、官六亲俱全。

《易经》第三十四卦 大壮 雷天大壮 震上乾下

大壮：利贞。

《彖》曰：“大壮”，大者壮也。刚以动，故壮。“大壮，利贞”，大者正也，正大而天地之情可见矣！

《象》曰：雷在天上，大壮；君子以非礼勿履。

六爻断：

初九：壮于趾，征凶，有孚。

《象》曰：“壮于趾”，其孚穷也。

九二：贞吉。

《象》曰：九二“贞吉”，以中也。

九三：小人用壮，君子用罔，贞厉。羝羊触藩，羸其角。

《象》曰：“小人用壮”，君子罔也。

九四：贞吉，悔亡。藩决不羸，壮于大舆之輹。

《象》曰：“藩决不羸”，尚往也。

六五：丧羊于易，无悔。

《象》曰：“丧羊于易”，位不当也。

上六：羝羊触藩，不能退，不能遂。无攸利，艰则吉。

《象》曰：“不能退，不能遂”，不祥也。“艰则吉”，咎不长也。

生僻字注释：













(1)【羝】读音：di，一声。意为：公羊。

(2)【藩】读音：fan，一声。意为：篱笆。

(3)【輹】读音：fu，四声。此字通“辐”。意为：车轮中连接车毂和轮辋的一条直棍。

## 坤宫：《泽天夬》属土兑上乾下

伏 神 【本 卦】

			兄弟丁未土	
			子孙丁酉金	世
			妻财丁亥水	
			兄弟甲辰土	
父母乙巳火			官鬼甲寅木	应
			妻财甲子水	

神剑斩蛟之卦，

先损后益之象。

判曰：夬者，决也。乾兑相刑，恶闻其声。文字契约，事未易成，必须刚断，始得吉亨。

虎易注：

世身在四爻，月卦身为辰，在三爻。父母乙巳火不入卦，伏藏在二爻官鬼甲寅木下。

《易经》第四十三卦 夬 泽天夬 兑上乾下

夬：扬于王庭，孚号有厉。告自邑，不利即戎，利有攸往。

《彖》曰：“夬”，决也，刚决柔也。健而说，决而和。“扬于王庭”，柔乘五刚也。“孚号有厉”，其危乃光也。“告自邑，不利即戎”，所尚乃穷也。“利有攸往”，刚长乃终也。

《象》曰：泽上于天，夬；君子以施禄及下，居德则忌。

六爻断：

初九：壮于前趾，往不胜为咎。

《象》曰：不胜而往，咎也。

九二：惕号，莫夜有戎，勿恤。

《象》曰：有戎勿恤，得中道也。

九三：壮于頄，有凶。君子夬夬，独行遇雨，若濡有愠，无咎。

《象》曰：“君子夬夬”，终无咎也。

九四：臀无肤，其行次且；牵羊悔亡，闻言不信。

《象》曰：“其行次且”，位不当也。“闻言不信”，聪不明也。

九五：苋陆夬夬，中行无咎。

《象》曰：“中行无咎”，中未光也。

上六：无号，终有凶。

《象》曰：无号之凶，终不可长也。

生僻字注释：

(1)【蛟】读音：jia0，一声。【蛟龙】古代传说中指兴风作浪，能发洪水的龙。

(2)【契】读音：qi，四声。意为：用刀雕刻的文字，各种文书凭证，投合。

(3)【頄】读音：kui，二声。意为：颧骨。

(4)【愠】读音：yun，四声。意为：生气，恼怒。

(5)【苋】读音：xian，四声。意为：苋菜。朱熹注【苋陆】为马齿苋（一种野菜）。

## 坤宫：《水天需》（游魂）属土坎上乾下

伏 神 【本 卦】

妻财戊子水

兄弟戊戌土

子孙戊申金 世

兄弟甲辰土

父母乙巳火 官鬼甲寅木

妻财甲子水 应

云需中天之卦，

密云不雨之象。

判曰：需者，须也。云行于天，见险不前，身将有厄，恐被勾连。大事欲至，忧虑悬悬，光亨贞吉，利涉大川。

虎易注：

世身在三爻，月卦身为酉，不入卦。父母乙巳火不入卦，伏藏在二爻官鬼甲寅木下。

《易经》第五卦 需 水天需 坎上乾下

需：有孚，光亨，贞吉。利涉大川。

《彖》曰：“需”，须也，险在前也。刚健而不陷，其义不困穷矣。“需，有孚，光亨，贞吉”。位乎天位，以正中也。“利涉大川”，往有功也。

《象》曰：云上於天，需；君子以饮食宴乐。

六爻断：

初九：需于郊，利用恒，无咎。

《象》曰：“需于郊”，不犯难行也。“利用恒，无咎”，未失常也。

九二：需于沙，小有言，终吉。

《象》曰：“需于沙”，衍在中也。虽“小有言”，以终吉也。

九三：需于泥，致寇至。

《象》曰：“需于泥”，灾在外也。自我致寇，敬慎不败也。

六四：需于血，出自穴。

《象》曰：“需于血”，顺以听也。

九五：需于酒食，贞吉。

《象》曰：酒食，“贞吉”，以中正也。

上六：入于穴，有不速之客三人来，敬之，终吉。

《象》曰：不速之客来，“敬之终吉”。虽不当位，未大失也。

生僻字注释：

（1）【衍】读音：yan，三声。意为：开展，发挥，多余，沼泽，低而平坦的土地。

坤宫：《水地比》（归魂）属土坎上下坤

【本 卦】

妻财戊子水 应

兄弟戊戌土

子孙戊申金

䷗ ䷗ 官鬼乙卯木 世

䷗ ䷗ 父母乙巳火

䷗ ䷗ 兄弟乙未土

众星拱北之卦，

水行地上之象。

判曰：比者，和也。抚临万国，内通外流，水行于地，本性和柔。先王制礼，以亲诸侯，元永贞吉，百事无忧。

虎易注：世身在四爻，月卦身为申，在四爻。此卦父、兄、子、财、官六亲俱全。

《易经》第八卦 比 水地比 坎上下坤

比：吉。原筮，元永贞，无咎。不宁方来，后夫凶。

《彖》曰：“比”，吉也。“比”，辅也，下顺从也。“原筮，元永贞，无咎”。以刚中也。“不宁方来”，上下应也。“后夫凶”，其道穷也。

《象》曰：地上有水，比；先王以建万国，亲诸侯。

六爻断：

初六：有孚比之，无咎。有孚盈缶，终来有他，吉。

《象》曰：比之初六，有他吉也。

六二：比之自内，贞吉。

《象》曰：“比之自内”，不自失也。

六三：比之匪人。

《象》曰：“比之匪人”，不亦伤乎！

六四：外比之，贞吉。

《象》曰：外比于贤，以从上也。

九五：显比。王用三驱，失前禽，邑人不诫，吉。

《象》曰：显比之吉，位正中也。舍逆取顺，“失前禽”也。“邑人不诫”，上使中也。

上六：比之无首，凶。

《象》曰：“比之无首”，无所终也。

生僻字注释：

（1）【拱】读音：gǒng，三声。意为：环绕。

## 通玄妙论

### 一、无鬼无气

鬼者，无形而有用；

卦中不可无，宜静不宜动。

带吉神动，亦能为福；

加凶煞动，无不为殃。

占身无鬼，资财聚散无常，多招兄弟嫉妒。

占婚无鬼，婚难成；纵成，夫当天折。

占官无鬼，功名难就；卦中纵有贵人，终为贵而无位。

占失脱无鬼，必自遗失；不然，贼亦难获。

求财无鬼，兄弟必争权；主在他人手下趁财，财亦薄。

占宅无鬼，谓之无气。

鬼者，财之主也。财虽旺，必有主张，然后能聚；

无鬼无主也，必主破耗多端、资财不聚。

占病无鬼，必无叩告之门，乃天年命尽也，其病难疗。

惟有占产、出行、行人、田蚕，无鬼方为大吉之兆也。

### 二、绝处逢生

且如申日占卦，遇用爻属木，木见申则绝，木爻无用矣。若得水爻发动来相生，木爻仍复有用。譬人当困穷之际，得遇贵人扶持，必有寒谷回春之象，此乃是绝处逢生也。

**占婚**：遇世应绝处逢生，事将解而后成，意久淡而后浓。或可断其贫乏无力，得人扶策，其事亦可成。

**占产**：遇子孙绝处逢生，子将死而复生。

**妻财**：遇妻财绝处逢生，妻将危而有救。财几失而仍得，先难后获，其利反厚。非比旺相之财有限，资生之财无穷也。

**占官**：遇父母绝处逢生，文书虽有阻节，终有贵人主张，其事必成。

**占讼**：遇官鬼绝处逢生，讼必有理。若见财动相生，须用资财嘱托。

**出行**：遇世爻绝处逢生，本意已懒，被人纠合。

**行人：**若应爻绝处逢生，必遇故人同回。

**家宅：**吉神逢绝处逢生，复有兴隆之象；凶神绝处逢生，灾欲退而祸复来，病治瘥而官事至。

**占病：**用爻与吉神绝处逢生，病将死而复活。鬼爻与忌神绝处逢生，病欲安而复作。

### 三、合处逢冲

且如占得雷地豫卦。世应相生，六爻相合，吉无不利，乃事事可成之象也。却在子日占得，子冲应上午、害世上未，此乃合处逢冲也。

占婚遇之，必然被人毁谤，当见将成而解。

占官遇官鬼文书暗冲，其中尚有反复变动。

占财遇之，财将入手而不得。

谋事遇之，必因人阻滞，将成而有变。

惟有占讼与病，喜遇合处逢冲。合则事必成，逢冲灾必散。决然事将危而有救、病欲死而复生。

吉神合处不可冲，凶神合处喜逢冲也。

### 四、随官入墓

随官入墓，其目有三：有身随鬼入墓，有世随鬼入墓，有命随鬼入墓。

且如丑日，占得雷水解卦。身鬼俱在五爻，乃身随鬼入墓也。（注）

若未日，占得山天大畜。世在二爻属木，乃世随鬼入墓也。

又如未日，寅生人占得地雷复，卯生人占得火泽睽，本命皆在鬼爻，此乃命随鬼入墓也。

以上三墓，不问占何事，意皆非吉兆。

占身遇之，须防目下有灾，终身不能显达。

占婚，遇世随鬼入墓，男家贫乏，女财不备。

占产，遇命随鬼入墓，须防妻命入黄泉。

求官遇之，事体难成。虽成，终不能振。若入杀墓，更为大凶。（杀墓者，丁未、戊戌是也。）

占讼遇之，有牢狱禁系之忧，或讼散身危，或讼中有病。

求财遇之，勤劳备历，终归他人。

出行遇之，多是去不成，若去愈为不美，必主去后有病。

家宅遇之，宅长有忧。

占病遇之，十占九死。

略举一二卦为例，其余各以类推。

虎易注：( 且如丑日，占得雷水解卦。身鬼俱在五爻，乃身随鬼入墓也。) 此句所说的“身”，不是指“卦身”，而是指的“世身”。

关于卦身和世身的用法，请参看《卜筮全书》的相关内容。

## 五、逢冲暗动

且如六爻安静，不遇冲则不动。若日辰相冲，名曰暗动。暗动者，有吉有凶，各有所用，不可一概而论。若遇凶煞暗动，伤身克世，件件皆非所宜。吉神暗动，合世生身，事事无不为吉。余推其义，暗者必非明也，乃阴私潜伏也。福来而不知，祸来而未觉。爻吉则暗中有补，爻凶则暗中有伤。

占婚遇之，吉则暗中有有人网维，凶则暗中有有人破败。

占产遇胎爻或子孙暗动，必会转胎。

求官遇之，吉则有无心之机会，凶则阴中有有人损害。

占讼遇之，吉则得人解救，凶则被人暗算。

失脱遇之，吉则暗中捕捉可获，凶则暗味难寻。

求财遇之，吉则隐然求之，利益殊厚；凶则被人劫骗，利不可得。

行人遇之，吉则心欲动而未发，凶则暗中有阻，未能起身。

家宅遇之，吉则暗中有补，福已至而不知；凶则暗中有害，祸欲萌而未觉。

占病亦随其所遇之神，而定其吉凶也。

## 六、助鬼伤身

生助官鬼者，不过妻财也。不宜发动，动则衰鬼变成旺鬼。旺鬼遇之，其势愈凶。

且如申日占得离卦，鬼临应爻克世，本非佳兆，更兼妻财发动，生助鬼爻，其凶愈不可当。此乃助鬼伤身也。凡卦鬼克身世者，无财凶有限。若有两财皆动，其祸不可胜言。倘得子孙发动，福神来解，庶可反凶成吉，转祸为祥。

虎易注：此助鬼伤身之论，学者要注意其运用条件。

一、助鬼：助鬼之爻只有妻财爻。妻财临日、月，或在卦中发动，都可以生助鬼爻，使衰鬼变

旺，旺鬼更旺。

二、伤身：此处所指之“身”，就是世爻，或者是卦身爻。鬼爻伤身，也就是卦中鬼爻冲、克世爻或者卦身爻。一般情况下，鬼爻明动或者暗动，可以冲、克世爻或卦身爻。

三、在鬼爻可以伤克世爻（卦身）的情况下，妻财爻又动来助鬼，就是“助鬼伤身”了。

四、“倘得子孙发动，福神来解，庶可反凶成吉，转祸为祥”。一句，是指的卦中只有子孙发动的情况。学者千万不要和前句连在一起去理解运用。否则就会失之千里了。因为子孙发动可以克官鬼，如果妻财同动的话，子孙不但不克官鬼，反而子孙生财，财又生官，形成连续相生，使官鬼更旺。

## 七、六亲取用

### 1、父母：

生我者谓之父母也。能为凶，能为吉，各有所用。遇财则有伤本体，逢鬼则增长光辉。发动则克伤子孙，生扶兄弟。审其动静衰旺，各有所宜，学者自宜详玩。

### 2、兄弟：

比和者谓之兄弟也。大抵不能为福，亦不能为大凶，无非破败、克剥、阻滞之神也。怕逢官鬼发动，则受制，喜遇父母兴隆，则有依。动则伤克妻财、扶持福德。此理弘深，自宜推测。

### 3、子孙：

我生者谓之子孙也。逢之者无不为佳，背之者莫能为福。卦无父母则无克，爻有兄弟则有依，动则生财伤克官鬼。

### 4、妻财：

我克者谓之妻财也。诸事逢之无不为吉。惟占父母及文书不宜见之。值兄弟则有损，遇福德则愈佳，逢官鬼则泄气。动、静皆吉。虽然动则生鬼，亦不宜发动也。后之学易者，自当通变。

### 5、官鬼：

克我者谓之官鬼也。大抵为凶处多，为福处少。所畏者福德，所恃者妻财。动则克伤兄弟，生扶父母。然卦中虽凶而不可无，但宜静而不宜动耳。占身命，带贵人，当为贵用，加凶煞仍作鬼推。遇吉必进禄加官，逢凶必丧亡疾病。占婚姻为夫。旺相带青龙者，必聪明俊雅之人。加贵人必有勾当，不然亦是宦家子弟。若在胎养沐浴爻上，今虽未仕，他日必贵。最宜持世，或临阳象，皆名得地。其余所占，不及尽述，详具《天玄赋》总论中。

## 八、断易总论

且如四时之旺相，实专八卦之吉凶。春木旺而夏火炎，秋金坚而冬水盛。

木火兼用于春天，火土用事于夏月，金水专三秋之令，水木主一冬之权。

临用爻为福不浅，临忌爻为祸非轻。先定财官出现伏藏，次论支神休囚旺相。

父母辅佐于官鬼，子孙辅佐于妻财。父母与官鬼同气相求，子孙与妻财同声相应。

私用以妻财为主，公用以官鬼为尊。最忌动摇，大宜安静。

出现旺相可为远日之图，有气伏藏只利暂时之用。用神无气伏藏，急要日辰生合。

日辰旺相，方能生合相扶；用爻休囚，最怕逢空冲克。

旺相能克休囚，休囚难克旺相；交重能克单拆，单拆难克交重。

伏藏不论旬空，（旬空者：甲子旬中戌亥空之类）出现怕临月破。

（假如正月建寅，用爻是申，为月破也。）

用官忌子孙持世，求财忌兄弟临身。

财官若遇生扶，谋望并无阻滞。身世若无救助，所为必主参商。

兄弟动摇，买婢求财空费力；子孙兴发，求官应举枉劳心。

父母为饕餮之神，兄弟为克剥之鬼。

寻常占卜不宜父母交重，一应谋为切忌兄爻发作。

鬼动祸起，切莫与人交争；财动耗财，甚勿与人争讼。

父母动，劳心劳力；兄弟兴，为诈为虚。

用官宜伏父母，用财宜伏子孙。

官伏子孙，用官必无成就。财伏父母，用财一半亏伤。

用财伏官，怕侵匿之扰。用官伏兄，怕阻隔之挠。

用父伏财皆为患，用财伏兄总不中。

用神要拱合生扶，忌神须刑冲克破。

散官治病，全赖子孙。兴讼求名，须凭官鬼。

口舌是非争竞，为缘兄弟爻兴。谋为重迭艰辛，皆因父母爻动。

应动事变，托人相反不相从。世动理亏，凡事改求宜改作。

世应相生人扶助，世应相克事迟疑。应空吉凶不成，间动谋为多阻。

月建临于用爻，求官必定迁高职。月破临于用爻，作事无成病不痊。

八纯克世克用，作事有始无终。五墓临世临身，问病一生九死。

明用爻之得失、定事体之吉凶。

求安求乐求长久，最宜爻象安宁；图借图赙图脱卸，看取用爻兴旺。

休囚独发事体迟疑，旺相若兴事情急速。

世临五墓如醉如痴，用值三刑遭伤遭损。

略言机妙，全在推详。外演爻辞定六亲之象，内占八卦决百事之疑。

洞烛纤毫，包含万象，下通人事，上应天时。

生辟字注释：

(1)【饕餮】读音：tao，一声。tie，四声。比喻贪吃的人。

## 阐奥歌章（上）

### 一、碎金赋

**子动生财，不宜父摆；兄动克财，子动能解。**

摆，动也。盖子动生财，若是父动克子，子不能生财矣。

兄动则能克财，若得子动，兄必贪生于子，忘克于财，谓之贪生忘克，而财反得生矣。

**财动生鬼，切忌兄摇；子动克鬼，财动能消。**

摇，动也。盖财动能生鬼，若是兄动克财，鬼不能生矣。

若子孙发动，则能克鬼，若得财爻发动，则泄子孙之气，而生官鬼之精神矣。

**父动生兄，忌财相克；鬼动克兄，父动能泄。**

父乃兄之元辰，忌财克之，鬼乃兄之忌神，喜父泄之。父动生兄，若见财爻动，则父无用而不能生兄矣。

官鬼发，克兄弟，若见父母动，则漏泄官鬼之气，而不能为大害矣。

**鬼动生父，忌子交重；财动克父，鬼动能中。**

交重，动也。鬼动能生父。若是子动，则克制官鬼，不能生父矣。

财动则能克父。若得鬼动，财必贪生于鬼，忘克于父，是鬼为财之中人也。

**兄动生子，忌鬼摇扬；父动克子，兄动无妨。**

摇扬，动也。盖兄动则生子。若鬼动克兄，子失元辰矣。

父动能克子孙。若得兄动，则泄减父之凶势，而子得无妨也。

**子兴克鬼，父动无妨；若然兄动，鬼必遭伤。**

子动必伤官鬼。若得父动克子，则鬼无事。

若兄动生子，子愈有力，其鬼必遭伤害也。

**财兴克父，兄动无忧；若然子动，父命难留。**

财动必克父。若得兄动克财，财不能克父也。

若是子孙发动，生助妻财，其势转盛，其父必难救援也。

**父兴克子，财动无事；若是鬼兴，其子必死。**

父动克子。若得财动克父，子孙有救。

若是鬼动，愈生父怒，其子必死无疑矣。

**鬼兴克兄，子动可救；财若交重，兄弟不久。**

官动克兄。若子动克鬼，则兄弟有救。

若财动生鬼，则鬼恶愈盛，兄必难救。

**兄兴克财，鬼兴无碍；若是父兴，财遭克害。**

兄动克财。若得鬼动克兄，财得无事。

若父动生兄，其兄愈加狂戾，财必遭于克害也。

（注1）【元辰】后世一般称为【原神】，其意思相同。

---

虎易评注：此赋是论述：六亲生克制化关系的变化，是随动爻的变化而发生变化的。重点是指  
出：动爻和动爻之间所发生的生克制化关系，对用神最终会产生的影响和变化。归纳起来有以下两  
点：

一、动爻可以生克动爻；

二、动爻之间发生的生克，先于和静爻发生的生克；

具体有以下几种情况：

1、动爻生用神，如有生动爻的爻同动，则生力更大；（连续相生。）

2、动爻生用神，如有克动爻的爻同动，则无力生用神。（原神被克。）

3、动爻克用神，如有生动爻的爻同动，则克力更大；（连续相克。）

4、动爻克用神，如有克动爻的爻同动，则克力减小，甚至无力克用神。（忌神受制。）

5、动爻克用神，如有动爻所生之爻同动，则动爻所生之爻，就化解了动爻对用神的克制作用，  
使动爻不断克不了用神，反而造成连续相生用神。即所谓的“贪生忘克”。（同第一种情况，只是描  
述方法不同。）

6、如果克用神的爻和其他动爻相合，则会造成所谓“贪合忘克”。也会使克用神的动爻无法去

克用神。这种情况此赋没有说，补充一下。

以上《碎金赋》所论的动爻和动爻之间的生克关系，以及最后会对用神(或者其他六亲)产生的作用和影响，请读者参看此赋注解，仔细分析，多加思考，充分理解这些动爻运用的条件和原则。文中的原神，用神，忌神等名词，详见后面相关章节内容。

## 二、断易通玄赋

### 易爻不妄成

易本天机之事，岂妄成也。(虎易评注：人因事而求卦，卦因事而出爻。在看似偶然的出爻、成卦过程中，蕴含着所测之事的某些可能出现的必然结果。)

### 神爻岂乱发？

卦中六爻，神圣灵机，岂有乱发。(虎易评注：发，指动爻。卦中出现的动爻，必有所指之兆机。发动必有因，不可能有无故乱发之理。不可忽视。)

### 体象或既成，

本卦为体，之卦为象。(虎易评注：体象，应该是指的卦体和卦象、爻象，以及卦中所附六亲之象。)

### 无者形忧色。

所占之事，若不上卦，定可忧也。(虎易评注：这里的“无”字，应该是指用神不入卦，即无主事爻。)

### 始须论天喜，

如正月起戌，二月亥，顺行十二位是也。(虎易补入：正月起戌，二月亥，三月子，四月丑，五月寅，六月卯，七月辰，八月巳，九月午，十月未，十一月申，十二月酉。)

### 次看贵人方。

贵人见后神煞章内。(虎易评注：贵人等神煞，在看卦过程中，对描述事物也是有一定参考作用的。当然，看六爻卦还是要以用神为主。)

### 三合百事吉，

三合见后神煞章内。(虎易评注：用神或者世爻逢三合，一般情况下，都相当于是形成了一股合力，是有利的。但是，求测不同的事情，用神或者世爻遇三合，也是有喜有忌的，不可一概而论。学者应当根据所测之事，具体分析为宜。具体的运用方法，可参考后面的分章论述。)

### 禄马最为良。

假如甲日有寅爻，则是禄也。即甲禄在寅，乙禄在卯。申子辰日有寅爻，则是马也。即申子辰马居寅。若有此爻临世应，求官可进，名利俱成。禄马全篇歌诀，俱见后神杀章内。（虎易评注：看六爻卦还是要以用神为主。学者应当根据所测之事，具体分析为宜。）

### 爻动始为定，

看卦之动爻，而定其吉凶。（虎易评注：卦中动爻，生助用神为吉，克制用神为凶。）

### 次吉论空亡。

吉神忌空，凶煞喜空。（虎易评注：空亡，爻遇旬空为空亡。用神、原神逢空不吉，忌神、仇神逢空有利。）

### 彭城有秘诀，切记不可忘。

**诀云：**子落空亡忧远行，病值空亡宜作福，久病空亡身【下亡】，财若空亡难把捉，鬼遇空亡官事停，妻值空亡妻有孕，空女空亡有外情，宅值空亡急作福，父母空亡忧病生，兄弟空亡不得力，子孙空亡主伶仃。（虎易评注：此诀是描述测不同的事情，不同六亲遇旬空，可能产生的情况。具体的预测方法，请看后面的分章论述。）

### 四冲主冲并，

辰戌丑未为四冲，纵然占吉也成凶。（虎易评注：冲，指辰戌相冲，丑未相冲。并，指卦中之爻临日为并。如丑爻临丑日为并。）

### 刑极俱主伤。

寅申巳亥为四刑，凡作十事无一成。婚姻官事俱不吉，纵得相生也不真。（虎易评注：作者注以寅申巳亥为四刑，此说不太合理。这里“刑”应该是指的“三刑”，即子卯刑，寅巳申刑，戌丑未刑，辰午酉亥自相刑等四种相刑的情况。）

### 世应俱发动，必然有改张。

世应俱动，定见不宁之兆。（虎易评注：世应俱动，是指双方都可能有变化，改变了以前的想法和做法。作者注为“不宁之兆”，可理解为不安定，不稳定的意思。不可理解为不吉利。）

### 龙动家有喜，

青龙动，主有喜庆。

### 虎动主有丧，

白虎动，定有凶伤。（虎易评注：以上两句，是表示青龙、白虎临爻发动的一般表示意义。作者原注有失简略。六爻卦当以用神为主，神煞只是附和描述之神，读者可参考后面《黄金策》之相关论述，不致被误。）

**勾陈朱雀动，须忌有文章。**

勾陈朱雀动，主文字立至。(虎易评注：爻临勾陈、朱雀动，一般发生的事情可能和土地与文书，文章相关。)

**日动忧尊长**

看所卜之日辰属何爻，遇动，则尊长有灾咎。

**辰动损儿郎。**

看所卜之时辰属何爻，遇动，则小儿有损。(虎易评注：以上两句可能转抄有误，所以作者所注也不知所云了。当以“财动忧尊长，父动损儿郎”较为合理。妻财爻动，克父母爻，父母尊长可能有忧；父母爻动，克子孙爻，子孙则可能有损。)

**阳动男人滞，阴动女人殃。**

阳爻动，主男人挨。阴爻动，主女人灾。(虎易评注：此句也可能有误，还是以“子动男人滞，兄动女人殃”。较为合理。女人看夫，官鬼为丈夫。子孙爻动克官鬼，男人受克，表示有阻滞。男人看妻，财爻为妻子。兄弟爻动克妻财，女人受克，表示有灾殃。)

**出行宜世动，**

凡占出行，世动则吉，且无阻隔。(虎易评注：占出行，世动说明求测者已经做好了出行的准备，随时可以出发了。但是，不一定如作者所注，就是世动则吉。还是应以具体的卦来分析为宜。)

**归魂不出疆。**

归魂卦，主踌躇不进。(虎易评注：占出行遇归魂卦，即使已经出门，行不远，也会返回。)

**应动值三合，行人立回庄。**

应爻若动，行人主在三合日到家。(虎易评注：此为测行人何日归，作者注较为合理。)

**占宅青龙旺，豪富冠一乡。**

占宅若见龙旺，定主富贵。

**父母爻兴旺，为官至侯王。**

印旺主大贵。(虎易评注：以上两句，作者原注都过于简略，就显得不太合理了。读者可参考后面的分占论述。)

**天喜若持世，公事定无妨。**

天喜持世，讼必有理。(虎易评注：作者原注不太合理。还是以“福神若持世，官讼定无妨”，较为合理。因为福神子孙持世，可以克制官鬼。)

**勾陈克玄武，捕贼不须忙。**

若勾陈克玄武，捕盗易获。(虎易评注：勾陈属土，玄武属水。官鬼爻临玄武，也主盗贼。子孙爻临勾陈，克制玄武官鬼，盗贼难逃。)

**父病嫌大杀，空亡母不长。**

父病，杀爻上卦，定死。母病若空亡，定主丧。(虎易评注：此句可能有误，还是以“父病嫌财杀，财兴母不长”较为合理。因为：财爻兴旺，必克父母爻。测父母病，父母爻受财爻克制，必然不利。)

**无鬼病难疗，**

占病无鬼，定主不治。(虎易评注：占病官鬼爻不上卦，也主不能确定病因，无法对症施治。)

**鬼旺主发狂，**

鬼旺财兴难保命。(虎易评注：鬼旺克世爻，用神，当为病情严重。)

**请看考鬼历，祷谢得安康。**

须看考鬼历，属何鬼，祭之则吉。(虎易评注：愚以为应该看官鬼爻属何五行，然后选择克、泄、合、化官鬼爻之五行的时间、方位、医生、药物等方法，治疗或祭祀，可保平安。似较为合理。)

**占婚嫌财死，**

财爻生旺吉，死墓婚不利。(虎易评注：男占婚以财为用，女占婚以官为用。“占婚嫌财死”，应该是男测婚姻之断句。)

**占产看阴阳。**

子爻，阳男阴女。(虎易评注：占产以子孙爻为用神，阳男阴女。是以子孙爻所值地支五行的阴阳来判断，不是以卦宫的阴阳来判断。如果子孙爻发动，则是阴动为男，阳动为女了。)

**若要问风水，三四世吉昌，**

葬喜三四世卦大吉。(虎易评注：此处所指的风水，应该是指的阴宅风水。)

**长生沐浴诀，**

金长生在巳，其法详见后神煞章内。

**卦卦要审详，**

言前长生决必要详察。

**万千言不尽，**

万千言岂能尽也。

**略举其大纲，**

略举其大纲大目耳。

**分别各有类，**

如后数卷，皆分门别类，以尽世间事也。

**无物不包藏。**

包藏万象，不出此易卦也。

生辟字注释：

(1)【伶仃】读音：líng，二声。dīng，四声。意为：孤独，瘦弱。

(2)【滞】读音：zhì，四声。意为：停滞，不流通。

(3)【踌躇】读音：chóu，二声。chú，二声。意为：犹豫，得意的样子。

### 三、诸爻持世诀

世爻旺相主安康，作事亨通大吉昌；

谋望诸般皆遂意，纵他刑害不能伤。

父母持世事忧否，身带文书及官鬼；

夫妻相克不和同，到老用求他姓子。

子孙持世事无忧，官鬼从今了便休；

求失此时应易得，营生作事有来由。

鬼爻持世事难安，占身不病也遭官；

财物时时忧失脱，骨肉分离会合难。

财爻持世益财荣，若问求财定称心；

更得子孙临应上，官鬼从他断不成。

兄弟持世克妻财，忧官未了事还来；

鬼旺正当防口舌，身强必定损其财。

### 四、世应生克动静空亡诀

世应相生则吉，世应相克则凶，  
世应比和事却中，作事谋为可用。  
应动他人反变，应空他意难同，  
世空世动我心慵，只恐自家懒动。

生僻字注释：

(1)【慵】读音：yōng，一声。意为：困倦，懒。

## 五、世应间爻诀

世应当中两间爻，发动所求多阻隔，  
假饶有气事分明，必定叨叨方始得。  
世应当中两间爻，忌神发动莫相交。  
元辰与用当中动，事到酩酊始得梢。

生僻字注释：

(1)【酩酊】读音：mǎng，二声。tāng，二声。意为：大醉的样子。

## 六、身爻喜忌诀

身上临官不见官，所忧毕竟变成欢，  
目前凶事终须吉，紧急还来渐渐宽。

身临天喜与青龙，定期喜事入门中。  
若逢驿马身临动，出路求谋事事通。

身爻切忌入空亡，作事难成且守常，  
化入空亡尤要忌，劝君安分守家邦。

## 七、飞伏生克吉凶歌

伏克飞神为出暴，飞来克伏反伤身；  
伏去生飞名泄气，飞来生伏得长生。  
爻逢伏克飞无事，用见飞伤伏不宁；

飞伏比和为有助，伏藏出现审来因。

## 八、断易勿泥神杀歌

易卦阴阳在变通，五行生克妙无穷；

时人不辨阴阳理，神杀将来定吉凶。

## 九、忌神歌

看卦先须看忌神，忌神宜静不宜兴；

忌神急要逢冲克，若遇生扶用受刑。

忌神，即子为鬼之忌，鬼为兄之忌之类。忌爻若遇生扶，用爻便受刑克。

## 十、元辰歌

元辰出现志扬扬，用伏藏兮也不妨。

须要生扶兼旺相，最嫌冲克及刑伤。

元辰：即父为兄之元辰，兄为子之元辰之类。

## 十一、用爻泄气歌

用逢泄气动摇摇，作事消疏不遂头，

最喜元辰相救助，忌神发动切须愁。

财动泄子孙之气，子动泄兄弟之气之类。

---

虎易评注：用神去生所生之爻，即为泄气。例如：子孙爻为用神，如果去生助财爻，即为泄气，使自身的力量变小，变弱。如果有元辰兄弟爻发动来生助，则子孙爻的力量就变大，变强。如果有忌神父母爻发动来克制，则子孙爻就无力抵抗了。

生僻字注释：

（1）【疏】读音：shu，一声。意为：分散，空虚。

## 十二、六爻安静诀

卦遇六爻安静，且看用与日辰，  
日辰克用及冲刑，其事宜当谨慎。  
更在世应推究，忌神切莫加临，  
世应临用及元辰，作事断然昌盛。

## 十三、六爻乱动诀

六爻乱动事难明，须向亲宫看用神。  
用若休囚遭克害，须知此事费精神。

## 十四、用爻不上卦或落空亡诀

用象如无或落空，就将本卦六亲攻，  
动爻生用终须吉，若遇交重克用凶。

夫用爻者，假如问子孙，则子孙为用爻。动爻生合则吉，冲克则凶。或用爻不上卦，或落空亡，就将本宫六亲用爻申明。飞伏生克，以定吉凶。《玄微赋》云：明用爻之得失，定事体之吉凶。

## 十五、用爻伏藏诀

用在旁宫号伏藏，若遭刑克定非祥，  
纵然生旺无刑克，作事平平不久长。

卦中无本宫之卦，故曰伏藏。若各宫之第五、第六、第七之卦是也。《玄微赋》云：无气伏藏，只利暂时之用。

## 十六、用爻出现诀

用爻出现在亲宫，纵值休囚亦不凶，  
更得生扶兼旺相，管教作事永亨通。

假如庚申日占卦，得寅木子孙为用爻，却被日辰庚申金克了，是日辰克用，凶也。若得卦中亥

子元辰发动，则又无事。又如庚申日占卦，得子水妻财为用爻，却喜庚申金能生子水。又申子辰三合，是日辰与用相生合也。《玄微赋》云：用爻急要日辰生扶。是也。

## 十七、用爻空亡诀

空在旁宫不断空，空如出现却为空；

忌神最喜逢空吉，用与元辰不可空。

春土夏金秋是木，三冬逢火是真空；

旬中占得真空卦，纵吉须知到底凶。

空在旁宫不断空，即伏藏不论空亡也。

春之辰戌丑未，夏之申酉，秋之寅卯，冬之巳午，四季月之亥子，是为真空。

## 十八、日辰诀

问卦先须问日辰，日辰克用不堪亲，

日辰与用相生合，作事何愁不称心。

## 十九、六神空亡诀

青龙空亡家虚喜，朱雀空亡讼得理。

勾陈空亡无勾连，螣蛇空亡怪异已。

白虎空亡病可痊，玄武空亡盗贼死。

## 二十、六神吉凶诀

青龙百事尽和谐，朱雀文书公事来。

勾陈克世争田土，螣蛇入梦十分乖。

白虎主多惊与厄，若言玄武失其财。

## 二十一、六亲发动诀

父动当头克子孙，病人无药主昏沉。

姻亲子息应难得，买卖劳心利不存。

观望行人书信动，论官下状理先分。

士人科举登金榜，失物逃亡要诉讼。

子孙发动伤官鬼，占病求医身便痊。  
行人买卖身康泰，婚姻喜美是前缘。  
产妇当生子易养，词讼私和不到官。  
遏贵求名休进用，劝君守分听乎天。

官鬼发动克兄弟，婚姻未就生滞疑。  
病因门庭祸祟来，耕种蚕桑皆不利。  
出外逃亡定见灾，词讼官非有囚系。  
买卖财轻赌博输，失脱难寻多暗昧。

财爻发动克文书，应举求名总是虚。  
将本经营为大吉，亲姻如意乐无虞。  
行人在外身将动，产妇求神易脱除。  
失物静安家未出，病人伤胃更伤脾。

兄弟交重克了财，病人难愈未离灾。  
应举雷同为大忌，官非阴贼耗钱财。  
若带吉神为有助，出路行人尚未来。  
货物经商消折本，买婢求妻事不谐。

## 二十二、神杀断例

问喜宜天喜，消愁天解星。  
大杀休施用，咸池莫问婚。

病遇天医瘥，囚因血忌刑。  
求雨占雷杀，占身忌杀神。

往亡休出入，负结好饶人。

三丘并五墓，飞帘及浴盆。

四般休问病，占孕亦忧惊。

公讼忌刑害，亡劫事难伸。

天德与财德，万事得圆成。

吉凶随例断，慎勿顺人情。

凶处忌有气，吉处忌凶神。

子旬无戌亥，六甲细推论。

## 二十三、六亲持世歌

父母持世及身宫，旺相文书喜信逢；

田宅禾苗皆遂意，占胎问病却成凶。

子孙持世为福神，事成忧散谷财盈；

占胎问病重重喜，遇贵求官反不亨。

官鬼持世必得官，文书印信两相看；

占婚问病俱凶兆，破宅伤财身不安。

阴为妻妾阳为财，持世持身总称怀；

财谷田蚕收百倍，若占病产鬼为胎。

阳为兄弟阴姊妹，所问所谋皆退悔；

又使凶神同位临，到头不遂空劳费。

## 二十四、月建直符

月建为青龙，动则不雷同；  
内摇人口旺，外动禄财丰。

前三为朱雀，文书不待约；  
吉助有升迁，杀交遭系缚。

后三为玄武，所谋皆不许；  
在外损钱财，在家忧宅主。

对宫为白虎，凡占当忌取；  
外动有忧惊，内摇生疾苦。

后一为勾陈，连连碎事侵；  
旺相尤为咎，休囚祸更深。

螣蛇正辰起，逐月逆流行；  
内外皆为咎，空亡却称情。

月建直符：(正月寅爻动是也。主管一月之事。)

## 二十五、日建传符

日建加青龙，则禄喜重重；  
朱雀宜施用，勾陈事未通。  
螣蛇多怪异，白虎破财凶；  
玄武阴私挠，应在日辰中。

日建传符（子日子爻动，管一日之事。）

## 二十六、六亲变化歌

父母化父母，文书定不许；  
化子进入丁，化鬼身迁举；  
化财宅长忧，兄弟本身取。

子孙化子孙，人财两称情；  
化父田蚕旺，化财加倍荣；  
化鬼忧病产，兄弟必相争。

官化官为禄，求官宜疾速；  
化财占病凶，化父文书逐；  
化子必伤官，化兄家不睦。

妻财化妻财，钱龙入宅来；  
化官忧戚戚，化子笑哈哈；  
化父宜家宅，化兄当破财。

兄弟化兄弟，凡占无所利；  
化父父忧惊，化财财未遂；  
化官身有灾，化子却如意。

## 二十七、六神歌断

发动青龙万事通，进财进禄福无穷。  
临凶遇杀都无碍，惟忌临金与落空。

朱雀交重文印旺，杀神相并谩劳功。  
是非口舌皆因此，持水临空却利公。

勾陈发动忧田土，累岁迍邅遇杀逢。  
持水落空方脱洒，纵饶安静也迷蒙。

螣蛇发动忧萦绊，怪梦阴魔暗里攻。  
持木落空方始吉，交重旺相必然凶。

白虎交重丧恶事，官司病患必成凶。  
持金坐世妨人口，遇火临空便不同。

玄武动摇多暗昧，若指旺相贼交攻。  
土爻相并邪无犯，带杀依然咎在躬。

## 二十八、年建天符

天符青龙木，发动加官禄；  
在外益资财，内摇生眷属。

天符朱雀火，文书非小可；  
杀并是非生，内摇家事琐。

天符勾陈土，田蚕十分许；  
杀并事勾连，螣蛇同类取。

天符白虎金，经营必称心；  
杀神如并者，祸患定来侵。

天符玄武水，阴私并贼鬼；  
若于吉神交，变忧而成喜。

年建天符：(太岁爻也。子年即看子爻，主管一年之事。)

## 二十九、六爻诸占定位

说明：原版为竖排，因版面长度不够，改为横排。[ ]为原版字已经模糊不清，或者无法辨认，所以空缺。观其内容，大约是从《鬼谷分爻》辑录而来，其中也有舛讹之处。读者可参看《天玄赋》之《田蚕章》，或者《易隐》中《鬼谷分爻》的相关内容纠正为宜。

	初爻	二爻	三爻	四爻	五爻	六爻
天时	云	露	风	雷	雨	天
家宅	井	灶	床	门户	人口	栋宇
身命	小口	妻妾	兄弟	母	父	庙宇
国事	庶民	士子	大夫	公候	天子	太庙
鬼神	井神	司命	家先	土地	社司	天神
求谋	心事	身事	家事	人事	官事	国事
疾病	足[ ]	腿肢	[ ]	[ ]	心肺	头脑
六畜	鸡	犬	猪	羊	牛	马
出行	己身	伴侣	行李	车马	道路	店舍
买卖	行货	己身	伴侣	中途	店舍	地头
蚕桑	蚕	苗	叶	[ ]	簇	茧
田禾	牛	谷种	[ ]	[ ]	[ ]	水
行人	足	身	门	户	道路	地头
孕育	产妇	胞胎	看生	夫身	收生婆	公婆
斗欧	口舌	骂詈	拳手	挺杖	刀枪	官[ ]
词讼	耆保	州县	府	监司	部台	圣驾
盗贼	家贼	都里	街市	外县	外府	外省
逃亡	乡	市	镇	县	州	外境

生僻字注释：

(1)【舛讹】读音：chuan，三声。e，二声。意为：谬误，错乱。

(2)【簇】读音：cu，四声。意为：蚕簇。

(3)【詈】读音：li，四声。意为：骂。

(4)【耆】读音：qi，二声。意为：六十岁以上的老人。

## 阐奥歌章（下）

## 一．阴晴雨晦章：四首

### （一）

乾为天象震雷龙，坎兑为阴巽起风。坤艮往来无雨象，火山交动日和融。  
 乍雨乍晴离坎并，半阴半晦兑离重。杀临未济终须济，既济虽阴雨不充。  
 巽入坎来风后雨，兑临坤位细蒙蒙。畜过密云终不雨，随临沾渥岁时丰。  
 天地不交膏不降，阴阳相并荷天公。八纯火动游魂木，火伞炎炎张太空。  
 地火明夷天色晦，火雷噬嗑电光红。离爻带杀晴明断，朱雀飞扬事一同。  
 大有不重天朗朗，同人安静日烘烘。晋有龙爻终雨少，屯无雷杀只云浓。  
 龙动泽山咸大吉，虎交天水讼无功。勾陈带土来持世，纵有阴云不济农。  
 玄武水爻霖大作，青龙木德泽无穷。坎宫雷杀交重并，大雨倾盆霹雳攻。  
 最喜子辰来坎位，却嫌戌午到离宫。阳重阴现阴须准，阴变阳爻阳不从。  
 壬丙电光禾谷润，乙庚雷雨岁丰隆。应身白虎成虚设，克世勾陈更不中。  
 玄武克身收稻谷，火神伤世损田公。纯阳安静多应旱，发动纯阴四海通。  
 内外相生奇偶合，滂沱如注听淙淙。雷杀水神双入坎，不忧无雨却忧洪。  
 火神变水加龙虎，东畔才阴西见虹。不动龙爻玄武水，徒劳举目望苍穹。  
 欲占雨信期何日？水旺龙生身对冲。龙水身雷俱不动，九江四渎被天封。

### （二）

艮火相交可决晴，水衰火旺日光明。占晴但看庚交甲，卜雨休教甲变庚。  
 庚甲互交龙虎助，狂风猛雨听雷声。火神摇动加离位，皎皎金乌漾赤轮。

### （三）

凡人占卦问阴晴，水动雨兮火动晴。木动风生土阴晦，金爻发动雨沉沉。

### （四）

财兴云雨鬼兴雷，子动红霞霁色开。父动乍晴还乍雨，兄兴风雹雪霜摧。

占雨：以初爻为云、二为电、三为风、四为雷、五为雨、六为天。初动云奔铁骑，二动电掣金蛇，三动狂风拔木，四动雷撼山川，五动大雨倾盆，六动翻江倒海。

占晴，以初爻为云、二为露、三为霞、四为虹、五为日月、六为天。初动云归岩穴，二动露滴

花梢，三动霞明锦绣，四动虹驾津梁，五动日张火伞，六动天浸冰壶。水化火骤雨晴明，火化水晴天变雨。六爻无水火逢空，不晴不雨阴天气。

生僻字注释：

- (1)【乍】读音：zha，四声。意为：忽然，起初。
- (2)【渥】读音：w0，四声。意为：沾湿。
- (3)【霖】读音：lin，二声。意为：霖雨。
- (4)【滂沱】读音：pang，一声。tu0，二声。意为：形容雨下得很大。
- (5)【淙淙】读音：c0ng，二声。意为：流水的声音。
- (6)【穹】读音：qi0ng，二声。意为：天空。
- (7)【皎皎】读音：jia0，三声。意为：形容很白很亮。
- (8)【漾】读音：yang，四声。意为：水面微微动荡。
- (9)【霁】读音：ji，四声。意为：雨后或雪后转晴。

## 二．禾苗田地章：四首

### (一)

应为种子世为田，世应相生获万全。种子克田尤小吉，世来克应俭时年。  
财爻旺相禾丰足，发动子孙为天福。更得青龙天喜重，高低远近皆成熟。  
子孙发动合天符，财与龙爻出现枝。无杀无冲仓廩实，若逢二耗却成虚。  
交重官鬼应难断，金鬼蝗虫火鬼旱。大杀同官总不收，发动喜神犹减半。  
鬼爻扶水水来伤，土木同空却不妨。鬼化为财宜晚种，财交父母两重祥。  
官爻旺相浑无望，鬼落空亡事反常。财在外兴迟下种，龙来内发早栽秧。  
六爻安静禾平吉，乱动青苗必受殃。妻财二耗同爻动，虽熟应知半入仓。  
财兴内卦收千倍，财落空亡必有伤。龙与子孙同类取，克身持世谷无疆。  
若逢朱雀交重恶，白虎张牙总不良。玄武更加官鬼并，虽收只好办官粮。  
火天大有都成熟，地火明夷遍处荒。天地不交休指望，阴阳和合好收藏。  
吉凶悔吝分明断，六位旁通更审详。

### (二)

六爻不可鬼相临，六爻无鬼最吉。若鬼临牛位主牛损，余仿此。

若值空亡逐一寻。六爻皆怕空亡，若不空最吉。

金世生虫火世熟。若世爻属金，主生虫；属火则大熟也。

木与土世主丰谷。若世爻属木土，其年十分收成。

若无诸杀相冲克，

定许其年十倍盈。诸杀：即大耗、小耗等凶神是也。如无，可许十倍收成。

若值震离相配合，雷火丰，主大熟之兆。

自然丰稔动欢声。

### （三）

凡人占卦问耕田，子旺财明大有年。兄位交重防损坏，父兴诚恐不周全。

### （四）

世贞为年为田地，应悔为种为荒芜。世克应兮仓廩积，外克内兮仓廩虚。

初爻为田二为种，三为主长四苗秀，五爻为禾主收成，六是田夫主灾咎。

初爻鬼克田瘦瘠，二爻鬼克重耕植，三爻鬼克多秽土，四爻鬼克费耘力。

五爻鬼克阻收成，六爻鬼克忧病疾。金爻为鬼旱虫多，火爻大旱年荒饥，

水鬼水灾木鬼耗，土爻为鬼总非宜。大抵鬼空财旺相，丰年稔岁乐无虞。

生僻字注释：

（1）【廩】读音：lin，三声。意为：粮仓，也指粮食。

（2）【稔】读音：ren，三声。意为：庄稼成熟。

（3）【瘠】读音：ji，二声。意为：土地缺少植物生长所需的养分，水分。不肥沃。

（4）【秽】读音：hui，四声。意为：肮脏，丑恶。【秽土】意为垃圾。

## 三、住居宅第章：四首：附风水一首

### （一）

住宅休占火泽睽，鬼临人口定分离。龙交大壮人财旺，虎并同人宅舍衰。

二畜见龙财帛进，杀交两过栋梁摧。贵持震巽生财本，喜入风雷立福基。

离坎交重宜谨慎，艮坤安静莫迁移。户无徭役占逢贲，家有余粮卜得颐。  
田宅兴隆因大有，血伤财损为明夷。乾坤旺相增人口，泽地生成聚宝资。  
革鼎长男能干事，晋升宅长有操持。妻财内旺为财断，官鬼交兴作怪推。  
木鬼寿棺停有日，金官硬物畜多时。休囚铜铁皆先定，旺相金银尽预知。  
水鬼井池中出现，土官墙壁内偷窥。火官内动无他事，古器多年再发辉。  
克世克身都不用，生身生世始堪为。水财内旺宜穿井，内发土财堪作池。  
金旺妻财金玉进，火财内发火光飞。木财到底宜营建，若犯空亡总是非。  
子若空亡家绝后，父母空亡宅必危。父子妻爻都旺相，丰盈财货莫猜疑。  
更兼天喜青龙助，富贵康宁天赐伊。

## （二）

### 凡占家宅之凶吉，初井二灶三床席。

井乃在内之物，故初爻见之。灶又在井之外，故二爻见之。床席又在灶之外，故三爻见之。

### 四为门户五为人，

门户又在床席之外，故四爻见之。人乃屋之主，故五爻见之。

### 六为栋宇兼墙壁。

栋宇墙壁至外之物，故六爻见之。

### 六爻俱静人宅安，

占家宅，若得六爻安静，未论其他吉凶，居住定然安稳。

### 好与随爻仔细看。

若值卦中有一爻变动，随其所动而推详之，则吉凶不逃藻鉴矣。

### 鬼临门户家不宁，

若官鬼在第四爻，主有官非口舌之事。

### 螣蛇妖怪梦魂惊。

螣蛇本主怪异邪魔之事，若在四爻发动，主妖怪出现，人口梦魇也。。

### 杀爻旺相官灾起，

占宅最怕勾陈动。鬼谷起勾陈杀例云：正月起辰二月卯，每月逆行一位。如正月占宅，辰爻动，便是杀旺，主官灾起也。

### 杀遇休囚疾病生。

旺主官非，衰主疾病。

**六爻动多带土木，**

卦中土木多爻动。

**若非起造即修营。**

虽不建造，亦当修理墙垣。

**六爻动多带水火，**

卦中水火爻动。

**水火之灾不暂停。**

主有水火灾厄也。

**更被空亡并杀害，**

空亡杀害，俱非吉兆。

**狼籍破败少人丁。**

主人家人丁损失、衰微破耗。

**初为小口二妻妾。**

小口至卑，故在初爻。妻妾处小口之上，故在二爻。

**三为次长弟连兄。**

次长：乃伯叔兄弟也，位在三爻。

**四为母位五为父。**

五爻至尊之位，母本从父而行，故以四爻为母，而五爻为父也。

**六为祖宅及坟茔。**

六爻又在尊位之上，舍祖宅坟茔之外，他非所尊，故六爻见之。

**五行亲属更取用。**

五行：金木水火土也。以亲戚本命所属，合卦浑天甲所属取用也。

**一家祸福自然明。**

若依上法取用，则一家内外亲眷，祸福了然可知也。

**大凡欲要论血财，**

血财乃六畜也。

**卦中仔细与推排。**

卦中造化，当仔细与推详也。

**一爻数至四五六，**

若问六畜，亦当次第论之。

**鸡犬猪羊牛马畜。**

初鸡、二犬、三猪、四羊、五牛、六马，看所占何畜，以其爻有气无气断之。

**有形无气即伤残，**

当看所属爻分有无形气。形即畜之本命，气即看其衰旺耳。

**有气无形即生育。**

虽无本肖，假如占羊，第四爻是财，有气无形，为吉兆也。

**仍于十二肖中求。**

六畜各有生肖，当与求之，依前法断。

**未为羊兮丑为牛。**

未羊丑牛，他可类推。

**坤牛乾马卦中求。**

《说卦》坤为牛，乾为马，此但举其大概，若以《说卦》考之，虽万殊可知。

**更论旺相与休囚。**

论其衰旺，以断凶吉。

**乾兑休囚鼎铛破。**

乾兑二卦皆属金，若遇休囚，主鼎铛破碎不全。

**卦如死气分明课。**

大凡卦值死气，岂能为好？当分明与占也。

**坎衰古井及枯池。**

坎本水象，休囚，主人家有涸井及枯池。

**离衰灶鬼将兴祸。**

离为火，若值休囚，主人家灶神欲为祸患。

**震巽伤兮梁栋摧，坤艮伤兮土动来。**

震巽属木，若有杀神伤克、及休囚死绝，必主梁崩柱坏也。坤艮属土，若被冲克及休囚，必主墙坍土陷也。

**卦中震巽重重旺，**

两宫旺相，乃木象兴隆也。

**兴工欲创新楼台。**

木爻大发，宜其建造宏丽也。

**卦中坤艮杀兼鬼，**

丙丁日得地山谦卦，二爻是鬼，是勾陈杀，则是坤艮杀兼鬼也。

**因知坟墓欲为灾。**

若鬼杀蕴于坤艮，主人家坟墓不安，兴灾作祸也。

**内卦为宅外为人，**

先有宅，后有人，故以宅为内，人为外。又一说云：若占宅：未住，以外为人。若住：以外为宅。其说亦有理，姑两存之。

**内外相生宅可亲。**

若内卦生外卦，则其宅可以相亲，如山天大畜是也。

**宅若克人居不稳。**

若内克外，则人口连遭，是非疾病，如火泽睽卦是也。

**人能克宅住无屯。**

若外克内则吉，乃能整旧鼎新，修营创造，如风泽中孚卦是也。

**灾衰鬼杀交重恶，**

鬼杀动，故人家陵替灾伤也。

**祸患游魂及八纯。**

占宅得游魂及八纯卦，主有连年祸患也。

**世在二三为大吉，**

占宅：二世三世大吉。

**身居三四守常伦。**

若身在三四爻，正可安常守静。

**世辰克应哪能好，**

若世克应为不吉。

**世应相生福可臻。**

世应相生，福庆绵远。

**本宫旺相宅堪居，**

立春则震旺艮相，占得二宫，宅可住也。

**卦内休囚祸未除。**

立春坤休兑囚，占宅得二宫卦，祸未除也。。

**财若动时妻有疾，**

若值妻财发动，则妻宫有悔也。

**空亡死气主儿孤。**

空亡死气，子息必孤。

**忽逢白虎家防哭，**

白虎杀例：正月起申、二月酉，顺行十二位。若遇此爻动，其家主有哭声也。

**更值丧门暴病殂。**

丧门杀例：正月未，二月辰，三月丑，四月戌。只此四位，轮十二月。若遇此杀在内三爻，更发动，主其家必有暴病死也。

**阴化为阳忧女子，**

阴变阳，女子疾。

**阳化为阴损丈夫。**

阳变阴，丈夫灾。

**世间占卜能推类，**

占卜不可一言以尽，但当融通活变。一切事机以例而推。

**天地神明可感孚。**

通一而万事毕。既能类推，则天地神明自然可以感格也。

**（三）**

凡人占卦问家宅，五事俱全不可克。子兴有喜没官非，更无灾病与盗贼。  
财动田园多进退，音书不就家长厄。兄动耗财妻妾病，是非谋望多阻隔。  
父兴小口不安宁，屋庐摇动畜牲没。鬼动官非灾悔来，户门不利弟兄厄。  
人能审实此章歌，卦象吉凶无差忒。

**（四）**

凡占家宅起盖同，先寻父母在何宫。最要财爻无损害，子孙出现得荣丰。  
官鬼交重灾祸至，动爻克世主大凶。父动自家多恼聒，绝命游魂最不通。

六爻无水者，其家沟不流而水不决。

无土者，离平地而在高楼。

无火者，香火冷而灶不修。

无金者，家资乏而人不居。

无木者，床榻破而椅桌损。

火多则人事烦，木多则人清秀，水多则阴人旺，金多则妇女众，土多则财帛盛。

#### 附风水：

凡占风水要推详，五件俱全不可伤。财动田园多进退，不然尊长有灾殃。

父兴必是还魂地，小口畜牲总不昌。鬼动弟兄多忤逆，户门不利惹官妨。

兄兴财物多消耗，或是阴人主少亡。子动虽然无讼事，儿孙不贵外人殃。

但得子孙无损害，枝枝叶叶永无疆。

#### 生僻字注释：

(1)【铛】读音：cheng，一声。意为：烙饼用的平底锅。

(2)【涸】读音：he，二声。意为：干涸。

(3)【臻】读音：zhen，一声。意为：达到，来到。

(4)【殂】读音：zu，三声。意为：死亡。

(5)【聒】读音：gu0，一声。意为：声音嘈杂，使人厌烦。

(6)【忤逆】读音：wu，三声。ni，四声。意为：不顺从，不和睦，不孝顺。

## 四、移徙章：三首

### (一)

迁居先以动爻求，动爻旺相决无忧。初爻旺相乡村吉，二爻旺相好居州。

三爻市井四坊镇，五近京师住最优。上爻好向山林住，龙扶子动获祥休。

白虎当头休妄动，螣蛇缠足莫狂谋。朱雀交重防口舌，玄武迁移被贼偷。

朱雀又临官鬼位，官司口舌有来由。那更克世兼持世，病遭危困讼遭囚。

六爻安静休搬动，乱动移居又不周。

外克内兮应克世，旧宅不如新宅利。内克外兮世克应，迁徙不如居旧地。

世应相生内外和，守旧迁居总如意。若教动处落空亡，不利迁移利守常。  
五世游魂搬则吉，内爻旺相住无妨。若然内外俱衰败，守又灾危搬又殃。  
此是命途多舛错，何须怨恨费商量。鬼化子孙移富贵，财爻化鬼住安康。

## （二）

移居须忌鬼交重，世值空亡不可逢。卦入墓中难起离，若逢动处路头通。  
内休外旺移终吉，内旺外休行必凶。内外若然俱有气，纵横去住任西东。

## （三）

迁徙先将父母推，财兴克父必生灾。子孙发动须兴旺，兄鬼交重祸患来。

生僻字注释：

（1）【往】读音：wang，二声。意为：急行。

## 五、坟墓章：一首

若占坟冢静为强，发动之时便反常。  
初世出官为大吉，二爻持世次为良。三爻主世平平稳，四爻半吉保安康。  
五六两爻惧不吉，游魂后代必为商。归魂犹自三分好，坎卦占来定不昌。  
为甚乾坤无忌讳，高低无物不包藏。未葬之前亡在外，既葬须知内是亡。  
内外相生为上吉，比和决定福难量。杀爻内外还相克，损宅伤财祸几场。  
青龙旺相来持世，管取存亡获吉祥。乾坤不动坟安稳，龙喜交重家道昌。  
五墓劫神伤子息，三丘阴杀损妻房。世旺身生官入墓，子孙代代入朝堂。  
杀临父母忧家长，劫犯阴爻宅母当。鬼爻不动亡人吉，身位安宁祭主康。  
破家只为财为鬼，发福多因阴变阳。冲破临身发有碍，合神持世却无妨。

生僻字注释：

（1）【冢】读音：zhǒng，三声。意为：坟墓。

## 六、身命章：一首

占身身世要先知，神杀交重次第推。身旺龙持多吉庆，身衰虎并定忧疑。  
 子孙持世明而喜，兄弟临身悔足危。切忌勾陈临鬼旺，却宜天喜与财依。  
 财临阳位财源广，阴位妻交妻妾宜。禄马贵人三合并，临身妙义福根基。  
 子孙发动添人口，父母交重官可期。内卦为身外为命，身命比和任意为。  
 世为身兮应为命，世应相生更是奇。世命应身刑又克，不伤自己即伤妻。  
 妻财不现财无聚，卦没子孙难立儿。更将八卦推心属，内坎机圆心满足。  
 内兑柔和有主张，内乾果断无私曲。离明坤厚性融通，巽顺艮卑谦自牧。  
 身命但能依此推，青龙天喜皆为福。

## 七、六亲章：一首

立命先推父母乡，青龙同位最为祥。螣蛇白虎忧尊长，玄武勾陈宅母当。  
 父母休囚离祖早，两重父母过亲房。杀神朱雀同时并，重病如何得起床。  
 子孙持世为全吉，若值青龙子异常。子坐勾陈多朴实，子交朱雀擅文章。  
 螣蛇犯子愚而浊，白虎持孙勇且强。玄武子孙同位发，男为盗贼女猖狂。  
 子孙若值游魂卦，此子生来好远方。阳化阴爻端正女，阴交阳体秀才郎。  
 妻财发动青龙助，因妻致富妙难量。财临朱雀妻贤慧，妻犯勾陈妻病殃。  
 螣蛇共位妻应拙，白虎同行妻性刚。妻临玄武多阴暗，心意瞒人必不良。  
 两位妻财俱旺相，一妻一妾美容光。卦若无妻常独自，妻财安静保安康。  
 妻财合世夫妻顺，妻位生身家道昌。官鬼青龙同一位，家荣子贵寿延长。  
 朱雀并官多讼事，勾陈带鬼损田庄。螣蛇犯鬼多萦绊，白虎交官大害伤。  
 玄武当官奸与盗，两重官鬼必忧丧。若占官府反为吉，福厚官高名誉扬。  
 兄弟加龙犹且可，若同朱雀必相妨。螣蛇白虎皆凶兆，玄武勾陈总不祥。  
 吉处只宜常旺相，凶爻却要落空亡。

生僻字注释：

(1)【拙】读音：zhuō，一声。意为：笨拙，不灵活。

(2)【萦】读音：yíng，二声。意为：回旋缠绕。牵缠，牵挂。

## 八、婚姻章：七首

(一)

内身阳鬼丈夫持，外应财阴总是妻。世应相生婚大吉，比和世应配相宜。  
青龙六合扶为美，三合子孙临更奇。应动三刑刑莫问，外交六害害无疑。  
三爻并偶生成少，六位纯阳养育稀。男女合同咸泰益，夫妻反目革睽离。  
夫宫阳壮妻难保，姤卦阴强家不齐。不有其躬蒙里断，夫征不复渐中推。  
一奇一偶成亲顺，双鬼双财匹配违。杀遇妻财妻子厄，杀临官鬼丈夫哀。  
妻财官鬼青龙助，富贵男儿福德妻。官鬼两重相克应，女人曾许两家期。  
白虎临财莫问婚，勾加官位克夫身。杀临兄弟多争竞，朱雀临身公讼因。  
勾陈阴杀休求女，玄武加财休问亲。龙并子孙全吉兆，喜重父母福相邻。  
坤变坎宫男破体，乾来离位女非真。欲知女子如何性，坎主心聪艮沉静。  
兑必和柔巽必恭，坤爻宽厚乾刚正。文明女子为逢离，智慧男儿因见震。  
乾宫面部大而宽，坤主魁肥莫小看。艮卦决然身体小，坎爻定是脸团圆。  
兑家女子莹而白，震位妻儿奇且端。巽体容颜如瑞雪，离宫和润可人观。  
有亡有劫都无用，无子无财总不堪。

(二)

阴阳得位俱称吉，纯阴枉使心和力，纯阳退悔不成婚，纵使强成终郁郁。  
金爻主妻好容光，木爻瘦小更修长。土主形骸肥且矮，火爻定是发稀黄。  
水爻心性多聪慧，六合发动最为昌。青龙旺相临财位，娶妻万倍有资妆。  
若逢天寡天鰥杀，夫妇应知不久长。

(三)

凡人占卦问婚姻，财鬼双全便可成。鬼是夫爻愁子动，财为妻也怕兄兴。

(四)

鬼爻持动女妨害，妇意嫌夫不相爱。财爻持动夫妨妻，此则终身应不泰。

(五)

鬼旺克财妻不就，子旺伤夫事可疑。八纯动者生离别，五世游魂损小儿。

### (六)

占婚本要阴与阳，动时皆动且为良。阳阳不动一财鬼，应阴世阳最吉祥。  
更得世爻居内卦，团圆男女百年昌。

### (七)

本宫无气财有气，妇舍虽贫女容媚。本宫旺相财囚死，妇舍虽贫女不美。

生僻字注释：

(1)【魁】读音：kui，二声。意为：身体高大。

(2)【莹】读音：ying，二声。意为：光亮透明。

(3)【鰥】读音：guan，一声。意为：无妻和丧妻的人。

## 九、胎孕章：三首

### (一)

占产先须看子孙，子孙旺相吉堪论。母宫无杀为祥兆，子上加龙是善根。  
易产好占离与兑，难生休卜艮和坤。坎乾龙动身无虑，震兑勾陈命不存。  
父母莫教临白虎，子孙切忌坐勾陈。螣蛇持世忧阴杀，玄武临身忌浴盆。  
最忌土爻埋子位，更嫌刑杀克儿孙。子孙发动忌空亡，白虎勾陈并不祥。  
子变为官胎里死，官爻为子产而亡。母动子摇俱难保，母静子安皆吉祥。  
子母两爻都旺相，有龙有喜复安康。阴中阳现奇男子，阳变阴爻好女娘。  
子与母爻虽变动，青龙持世亦无妨。子孙重见龙交喜，决定齐生子一双。  
欲叩孩儿分娩日，胎神冲破子生方。

### (二)

凡人占卦问六甲，子怕休囚父怕发。财为产母怕兄兴，男女阴阳衰旺察。

### (三)

生产未知临几许，日月长生子当乳。兄爻旺相母生难，子孙受克儿道苦。

飞去克伏子不收，阳卦男兮阴是女。两爻旺相喜神临，必是双胎天赐与。

## 十、蒙童章：一首

蒙童幼学子先推，子会青龙为上奇。朱雀克身多智慧，勾陈持土大愚痴。  
卦无父母难垂训，身犯六神争禁持。朱雀空亡无学分，青龙旺相有磁基。  
龙生身世攻书子，马旺游魂逃学儿。父母喜神同位动，断然博学广闻知。  
两重父母多移学，乱动无常不守规。朱雀入离能写字，青龙入兑会吟诗。  
坤中变动能修德，乾上交重善滑稽。乾震交重成事早，艮坤安静立身迟。  
姤屯蹇困灾须准，渐晋需升吉可推。地水火风能主事，前程定作贵人师。

生僻字注释：

(1)【磁基】读音：zì，一声。jī，一声。意为：大锄。

## 十一、教授章：一首

欲求教授训童儿，情性先将八卦推。  
离体中虚明且智，坎宫内实信而威。  
震雷主动常游学，巽顺无常镇改移。  
兑泽和柔能讲习，艮山沉静好谦卑。  
乾元刚果多严厉，坤土包容足礼仪。  
父子空亡都莫用，世身衰败总休推。

## 十二、儒业科举章：五首

(一)

凡占儒业究诸身，身世相生艺必精。父母生身文可立，子孙克世学无成。  
父爻旺相加朱雀，雄辩高言大有声。兄动妻交身不旺，却因聪慧误前程。  
阴阳互旺宜参请，内外比和足讲明。子旺身空穷措大，财因世废困书生。  
弟兄若犯螣蛇上，纵有文章不显名。玄武克身体合伴，勾陈伤世莫亲朋。  
青龙持世功名大，天喜同宫道业亨。朱雀并财宜作馆。勾陈同鬼莫游行。  
世应既和身又旺，上书献策必成名。日辰龙德俱生旺，县宰州官照福星。

禄马贵人临月建，公侯责任职非轻。天符值土应多阻，月建持金必有惊。  
父母最宜逢六合，世身切忌犯三刑，刑杀克身兼克世，陷身取辱误平生。  
朝君不可逢屯蹇，面圣偏宜见晋升。那更天符持木德，高迁重任禄光荣。

## （二）

凡占科举事如何，子动兄摇榜下过。父发鬼兴财又旺，断然一举便登科。

## （三）

要问举人荣达时，先将六爻为根基。主司之位任月建，天子之爻太岁推。  
一带喜神来合卦，今秋荣达定无疑。

## （四）

若占南省事如何，六爻旺相始登科。父母发时为印绶，妻财动处必磋跎。  
空亡入鬼忧空返，劫杀临官节节蹉。更看子孙如发动，此人平昔枉吟哦。

## （五）

应举求官问后先，官旺文书有气前。父作文书为直事，月建扶官作状元。

生僻字注释：

（1）【绶】读音：shòu，四声。意为：绶带。一种彩色的丝带，用来系官印和勋章。

（2）【蹉跎】读音：cuō，一声。tuō，二声。意为：光阴白白的过去。

## 十三、仕宦章：二首

### （一）

凡占进职与升官，父动为先鬼次看。父鬼旺兴须有分，兄财子动枉心欢。

### （二）

**求官鬼吏克身贤，**

初爻是吏，若鬼临初爻，来克本身，却主为廉察慈惠贤明官员也。

**驿马相扶官职迁。**

若驿马扶身，或临官位，定主升迁也。

**坎离二卦冬三月，**

坎阳离阴，水火既济，宜于冬三月也。

**震巽明知申酉年。**

震巽木，得申酉金，官旺也。

**世应驿马相合吉，**

世应与驿马合，求官大利也。

**坎咸复卦定狐疑。**

此三卦主心中疑惑。

**申酉辰戌持世吉，任官遇禄好施为。**

申酉持世及得禄，最吉也。

**鬼临身世得官真，卦爻旺相为欢欣。驿马空亡徒费力，卦遭胎没枉劳神。**

若卦遇胎没，定枉劳神。立春后巽胎离没，若得家人卦之类是也。

**旺爻克应是不良，应入墓时忧死亡。世爻受克遭贬谪，若克他爻倍俸粮。**

世受克，遭贬罚，世克他爻，主倍得俸粮。

**人吏空亡难立脚，**

初为人吏爻，若值空亡，纵使为官清正，吏人无气，谁与奉行？如树无枝，所以难立。

**内外纯阴名不扬。**

阴柔不立之象，若内外卦俱阴，安能振作？是以名不扬也。

**子爻克鬼无官禄，福德爻交反不昌。**

子动克伤官鬼，故不昌也。

**卦克世身职不安，**

若卦身所属，克世爻并身位，定主不能安职。如乾宫遁卦，本属金，遇世属火是也。

**身克人吏百忧攒。**

太刚则折，若身世克初人吏爻，定主吏皆退避。凡百事业，主有忧攒之兆。

**白虎动时惊恐至，**

若白虎旺动，惊恐立至也。

**子孙持世必隳官。**

子动，乃求官大忌，必至隳坏也。

**若问文官并武职，唐符国印求端的。**

唐符国印，求官必须用之。

**寅申之年巳亥为，**

寅申之年，巳为唐符，亥为国印，以下类推。

**巳亥之年寅申觅。子午之年卯酉求，卯酉之年子午出。辰戌之年丑未方，丑未之年在辰戌。**

**鬼临符印最为佳，当作朝中资辅翼。宜静而动必升迁，宜动而静多掩抑。**

**巽象摇时东与南，乾位交重出西北。君臣世应上下交，**

世为君、应为臣，上为君、下为臣。若上下相生，主君臣赓歌，嘘沸一堂也。

**练行宜往兴功绩。**

练者，训练士卒也。遇卦中世应相生，有命训练之行，往之，必建功也。

**欲知卦内作何官，先向身中仔细看，火是文章喉舌位，**

火乃文明之象，故主翰苑之官。

**土为守令渐盘桓。**

盘桓者，修治城垒。土爻持世，故应此职也。)

**水是江滨巡守职，金带兵刑生杀权。木主工科司建创，大小皆随衰旺言。**

随动爻之休囚旺相，而定其官爵之尊卑也。

**喜神驿马临官鬼，美削重重有知己。**

美削者，举纸笺也。因有喜神驿马临于官鬼，故美削重重，得知己之多也。

**就多符印两爻权，**

更以唐符国印二爻推之，若果上卦发动，定主符印入手。符印爻所系重，故再言。

**早晚当随诏书起。**

符印既动，诏书立至。

**卦无太岁只升迁，**

太岁上卦，则主入朝，若无，但能迁改。

**太岁合时见天子。**

太岁若与世爻合，身位合，主入朝而见天子也。

**更得雷火杀重重，**

雷火寅猪申巳求，四孟从之遍一周。即时冲破为天后，便见求官驿马流。其法正月起寅，二月

丑，逆数十二位是也。不欲贅言，故以四孟提起。遇动，大吉之兆，应如下文：

虎易评注：作者以上对雷火杀的注解是矛盾的。前句：“雷火寅猪申巳求，四孟从之遍一周。即时冲破为天后，便见求官驿马流。”是《卜筮全书》后附《雷火神》的起例。既“正五九月火属寅，二六十月亥宫存，三七十一从申位，四八十二巳宫轮”。后句：“其法正月起寅，二月丑，逆数十二位是也”。查《易隐》书中，《雷火杀》起例为：“正月寅，二丑，三子，四亥，五戌，六酉，七申，八未，九午，十巳，十一辰，十二卯”。作者可能是将两种起例混在一起了。请读者注意分辨。

### 看看名位至王公。天乙贵人更相合，

天乙贵人：正月在巳二月申，三月在亥四月寅。五九依然居巳上，未月至丑三位轮。若还遇动定为吉，子孙代代作公卿。其法只以巳申亥寅四位，周而复始轮行十二位，正月巳，二月申，余仿此。

虎易评注：作者此处对天乙贵人的起例肯定是搞错了。查天乙贵人起例为：“甲戌兼牛羊，乙巳鼠猴乡，丙丁猪鸡位，壬癸兔蛇藏，庚辛逢马虎，此是贵人方”。请读者注意分辨。

### 代代为官受赠封。

雷火贵人既合，非惟己身享禄，主代代受封赠也。

### 此是天纲玄妙诀，劝君细绎莫匆匆。

生僻字注释：

- (1)【贬谪】读音：bian，三声。zhe，二声。意为：指官吏降职，被派到远离京城点地方。
- (2)【攒】读音：zan，二声。意为：集聚。
- (3)【隳】读音：hui，一声。意为：毁坏。
- (4)【赓】读音：geng，一声。意为：继续，连续。
- (5)【翰】读音：han，四声。意为：文字，书信等。
- (6)【细绎】读音：chou，一声。yi，四声。意为：引出头绪。

## 十四、国事章：三首

### (一)

若筮国家占天子，卦从本宫世上取。本宫为国世为君，

本宫者，看所占之卦，在何宫即为国，世爻即为君王也。

**旺相比和得圣主。初民二士三大夫，四作公侯君在五。六为宗庙社稷神，动静刚柔宜得所。**

六爻各要生合旺相，苟一位不得其所，则一国不宁矣。

**大杀为灾金主兵，**

大杀：正戌、二巳、三午、四未、五寅、六卯、七辰、八亥、九子、十丑、十一申、十二酉是也。

**水为昏垫土攻城。**

水动主有洪水之灾，土动主有修治城垒之事。

**震离坎兑四方见，**

若遇此四宫，应在边方也。

**坤艮宫中事未宁。六爻不动卦无杀，天下人民歌太平。**

## （二）

出兵交战子当强，鬼旺他赢我必亡。财是草粮兄莫克，父为旗帜忌摇扬。

## （三）

**水爻带鬼来克我，须防劫寨及攻营。却看有气并无气，方断兵机输与赢。**

若决胜负，以世应日辰官星论之。世为我将，应为彼军，日辰为我卒，官鬼为彼兵。我克他，我胜。他克我，我负。若财兴克父，必斩将夺旗。兄弟交重，必夺粮劫草。

生僻字注释：

（1）【旌】读音：jīng，一声。意为：古代一种旗杆顶上用彩色羽毛做装饰的旗子。

## 十五、僧道章

羽士缁流来问占，身安世静最为先。身爻克世堪谋用，世应比和乐自然。  
世若克身当退守，财来克世好求缘。六爻不动为清福，一位交重事变迁。  
财旺正宜收布施，鬼交偏好谒官员。世临白虎官司绕，身遇勾陈心事缠。  
父母克身师接引，青龙持世贵周全。勾陈带杀遭魔障，玄武临财被贼冤。  
兄弟勾陈同位动，谨防法眷外勾连。贵临父母师通圣，福德龙交弟子贤。  
父母重重身受克，断然身被俗家牵。财空注疏徒劳力，鬼旺营谋枉费钱。

乱动坐关为大忌，八纯却好去参玄。艮坤只可栖岩壑，离巽偏宜隐市廛。  
 龙虎交驰宜访道，坎离辐辏好安禅。游魂带杀休云水，一世休囚莫置田。  
 子动妻交还俗汉，世空身旺地行仙。身空不动头头道，应旺无魔处处禅。  
 应偶世奇生又合，神清身静寿绵绵。忽然负结财身动，未免填还俗债冤。  
 世应不和身妄动。了身达命待驴年。木神太岁临身命，即日逢神得正传。  
 太岁火神加父母，天边恩命定来宣。问予末后天机事，拈笔书将一个缘。

生僻字注释：

- (1)【缁】读音：zī，一声。意为：黑色。
- (2)【堪】读音：kān，一声。意为：可，能，能忍受。
- (3)【谒】读音：yè，四声。意为：谒见，拜见。
- (4)【眷】读音：juàn，四声。意为：亲属。
- (5)【栖】读音：qī，一声。意为：居住和停留。
- (6)【廛】读音：chán，二声。意为：古代指一户平民所住的房屋。
- (7)【辐辏】读音：fú，二声。còu，四声。意为：形容人或物聚集像车辐集中于车毂一样。

## 十六、求财买卖章：三首：附：添人口一首、交易一首。

### (一)

求财交易财为主，发动临身财必取。卦若无财及落空，一切营谋不堪许。  
 财爻持世及克世，一买一卖利百倍。克身又得青龙扶，积玉堆金何算计。  
 财爻外动较艰难，财在内兴人送至。外生内兮应生世，假使财轻也容易。  
 应克世兮世克身，有财到底难成遂。世应比和身又安，资财平稳无忧滞。  
 财生库旺聚钱财，子动龙交应称意。财爻若值废休囚，货贱如尘宜措置。  
 财爻旺相贵如金，有货必须乘早弃。财爻不动财平安，遇杀逢空终破费。  
 外鬼牵将玄武来，官灾盗贼重重悔。劫杀临身兼克身，暗昧阴私须切忌。  
 财爻驿马木神扶，买卖成交还遇贵。兄弟螣蛇是悔神，财忧散失身忧否。  
 莫教朱雀又当头，官司口舌相连系。兄弟化财虽有财，切须忌落人圈套。  
 折本伤财为甚么？只为妻财化兄弟。子孙化财宜利多，财化子孙更非细。  
 却又青龙水上来，登山涉海多饶利。勾陈交鬼必淹留，行货临官被贼偷。

忽尔妻财化官鬼，虽然获利被官收。行商坐贾营财赋，切忌官爻临本库。  
不是官司送祸来，定然被贼偷将去。地头克身世未周，阴爻必是女人留。  
满船载宝荣归者，盖为身爻克地头。欲问钱财何日得？应在身财生旺日。  
假令乾用木为财，亥卯日辰为准则。

## （二）

世应是财求易得，卦若无财少准凭。财爻化鬼成凶象，鬼化为财定吉神。  
财落空亡难把捉，若逢二杀贼相侵。二杀：乃劫杀、天贼杀。  
难求外怕财爻动，易觅财时在内兴。世若克财休启齿，财来克世得千金。  
诸爻若总无财象，子动龙交亦可寻。世应若合最为吉，子孙合时为福德。  
月德月建要相扶，求财数倍终须得。  
内为人兮外地头，人克地头有淹留，地头克人兼旺相，若遇求财数倍收。  
日辰克身货出手，财克地头贼相守。青龙发动最为佳，阴阳得位财须有。  
外爻无气应克身，若值空亡忧病生。土爻持世如何离，阴爻持世主阴人。  
土爻持世，主有阻隔，阴爻持世，主为女人淹滞也。

## （三）

凡人占卦问求财，父动艰难鬼动灾，子旺财明须得利，兄兴迟滞是非来。

---

### 附：添人口

添人进口要财明，子旺财兴便可成。父发兄摇难永远，鬼爻发动祸相亲。

---

### 附：交易

凡占买卖与交易，子动财明为大吉。兄鬼爻摇合不成，父兴费尽千钧力。

## 十七、出行章：二首： 附关津一首

### （一）

凡卜出行先看身，身爻发动是行人。子孙外动克身世，决定前途获宝珍。  
出去当头忧白虎，归来足下忌勾陈。内克外兮世克应，临行有阻去无因。

外克内兮应克世，打迭行装在即辰。身官见鬼因官去，若不因官定有违。  
父母克身父母留，兄弟克身兄弟忧。青龙子孙克身位，一路无虞到地头。  
乾宫旺相乘肥马，坎卦克身乘巨舟。震卦克身身便动，坤卦克身徒步游。  
艮卦克身行必止，巽卦克身去又休。白虎克身行有厄，青龙克身为大吉。  
朱雀克身文字摧，玄武克身必遭贼。若见勾陈来克身，事绪勾留行未得。

## （二）

出行谒贵及寻人，兄鬼交重不可亲。子旺财兴须吉利，父兴既去又回程。

### 附：关津

关津把隘苦难过，且看其中鬼若何，父鬼兄摇休进步，子孙发动莫蹉跎。

## 十八、行人章：八首：附音信三首、行人健否一首

### （一）

欲卜行人何日回，父克子孙为定期。初爻发动足下动，二爻身动定无疑。  
三四发动临门户，五爻在路较迟迟。上爻心动身犹住，安静行人定未归。  
虽动动临玄武方，中途定有小人伤。交重白虎多惊恐，发动青龙大吉昌。  
朱雀爻交先有信，子孙发动喜非常。鬼兄并发多应病，官化为官更不祥。  
子落空亡身入墓，行人准定不归乡。

### （二）

子来占父几时回？父鬼兴隆一定来。兄弟摇摇多阻节，父兴子动定无归。

### （三）

子回财动定迟留，父发无归更可忧。若是子兴兄弟动，双亲顿解倚门愁。

### （四）

手足情深久别离，兄兴父动是归期，鬼摇财动无回日，子若兴隆定是迟。

**（五）**

妻掷金钱问槁砧，鬼财内发即回程，子兴兄动他乡客，父发归迟却有音。

**（六）**

主因奴婢特来求，子助财兴即转头，父发兄摇归未得，鬼摇阻滞更淹留。

**（七）**

凡占家人子墓期，他人来者合为时。震宫子爻言在戊，六合他人言未知。

欲知行人何日到？月卦合神年月告。假令丙子水为身，辛丑之辰以时道。

若占家亲，以子长生有消息。子墓日方到。他人则取六跌蹠杀，正月从酉上合为推起，逆行十二位是也。

**（八）**

凡占行人在何处，子变应爻父母拟。变作本宫兄弟边，若变财爻贱人处。

子爻若是本宫子，行人出家寺观止。行人子孙处鬼爻，必是官僚人吏矣。

**归忌煞：**正月丑、二月寅、三月巳，只此三位，周而复始。凡行人若世在震宫，及三四爻动，可立候而至。

---

**附：音信：三首**

**（一）**

约定人来何不来，只因兄鬼发如雷。财兴子旺须臾到，父动中间书信回。

**（二）**

内外之间辨信音，内爻旺相望盈盈。外爻发动相空内，一纸家书抵万金。

**（三）**

若占音信看应父，应父合处是归期。外阴内阳书即到，外阳内阴书未回。

父母生克应爻动，须臾路上信如飞。

---

**附：健否：一首**

旺相不入墓爻活，囚死空亡随水沫。又看上下卦如何，旺相相生行泼泼。

卦爻不化入墓中，皆为平善得安隆。反之必死不须望，但去招魂作殡宫。

生僻字注释：

(1)【槁砧】读音：gǎo，三声。zhēn，一声。意为：干枯砧板。

## 十九、六畜章

### (一)

凡占六畜畜为身，假使占牛丑是真。喜见子孙并父母，怕逢劫杀及亡神。  
卦内若无所肖者，却将八卦象来轮。乾马坤牛艮狗当，巽鸡离雉兑为羊。  
震龙艮马一般断，坎豕离鸟细审祥。巽兑白兮离又赤，乾玄震翠艮坤黄。  
更有旁通推本位，次推所属身宫义。本身旺相保无虞，若值死囚灾立至。  
本身发动子孙持，正是生财长育时。更得青龙相助吉，杀神相并虑倾危。  
本肖空亡分外愁，交重白虎血财忧。午爻带杀当忧马，未虑羊儿丑虑牛。  
更须推究本宫卦，坤旺牛兮乾旺马。遇子加龙旺主人，玄武同宫防盗者。  
死绝休囚本位持，牛不耕兮马不骑。更遇杀来应病死，十占八九定无疑。  
青龙旺相生财厚，六爻安静无殃咎。若逢羊刃及三刑，决定遭他屠子手。  
财值青龙化子孙，猪羊鸡鸭密如林。牛强马壮无他事，外旺乾刚内旺坤。  
父母重重化父母，一畜经年三换主。大杀来伤本肖爻，今朝换主明朝死。  
困颐噬嗑及明夷，鬼杀交重定剥皮。纵得青龙来救助，虽无残害也堪羸。

### (二)

凡人占卦问六畜，有财有子皆为福。父爻旺动不能全，兄鬼交重多不足。

### (三)

**但占牛马泰成殃，坤腹乾头是倒装。**

占牛马遇泰卦，定主空亡。若值坤乾二卦，所畜牛马倒装，无用之物。大抵遇泰卦则是。

**夬是力强宁畏热，**

若值夬卦，牛马纵遇热暑，亦主壮健。

**若逢益卦怕刀伤。**

若卜得益卦，牛马必被刀斧伤。

**离为虚市遭屠杀，**

若离卦，主虚市，屠家宰杀也。

**坎卦重爻入镬汤。**

若值坎卦重爻，主有汤火之厄。

**噬磕颐需咸入鼎，**

若值此五卦，亦主遭烹宰。

**怕逢坤艮被分张。**

怕坤艮二卦，主牛马各散。如地山谦卦是也。

**更以刀砧分上下，若无诸杀始为昌。**

乾兑属金为刀，震巽属木为砧。刀在砧上则死，刀在砧下则生。若值大过无妄之类则死，大壮中孚之类则生。

#### （四）

买牛买马只求财，大怕兄兴鬼发灾。若是父摇空费力，子孙发动却佳哉。

生僻字注释：

（1）【𧈧羸】读音：wang，二声。lei，三声。意为：瘦弱。

（2）【镬】读音：hu0，四声。意为：锅。

## 二十、蚕桑章：二首

#### （一）

应为蚕子世为人，世应相生福德臻。财是蚕宫身是主，身财和合获珠珍。  
主若生蚕我遂意，蚕儿受克枉劳辛。六爻安静为平稳，一位交重验六亲。  
有子有财全吉兆，见凶见鬼大凶征。交重父母平平断，旺相休囚逐位轮。  
财爻若也持身世，管取丝绵千万斤。更得青龙同位助，获财百倍大光荣。  
本宫见子为生气，财世逢官是耗神。鬼财初爻苗不出，二爻蚕子有灾迍。  
三四鬼爻无桑叶，最上官兴茧不成。金爻是鬼二眠亡，木鬼三眠定受殃。  
水鬼定是遭风雨，土鬼多应病肿黄。鬼落空亡翻作吉，鬼爻休废反为良。

鬼化子孙财帛厚，鬼化妻财大吉昌。鬼化弟兄收一半，鬼化父母晚丝强。  
青龙发动丝绵广，白虎交重蚕白殍。玄武克蚕忧水厄，勾陈带杀为虫伤。  
水财到底无多利，金土为财些小偿。木财旺相财无数，火旺财爻更倍昌。  
天喜青龙财子合，生身生世获嘉祥。

## （二）

凡人占卦问蚕桑，子旺财明甚是强。兄鬼交重防损坏，父摇一半落空亡。  
大率占蚕，须要巳午上卦为吉，发动乃大吉。艮离吉，坎兑凶。

## 二十一、舟车章：一首

船车原以父为尊，父动船车不久存。  
兄鬼动摇防盗贼，子孙出现免灾迍。

## 二十二、疾病章：十一首

### （一）

疾病先将身命看，逢龙见子放心宽。妻财入命多沉重，官鬼临身更不堪。  
身犯勾陈凶有准，命加玄武瘥应难。螣蛇白虎忧丧事，身命空亡定入棺。  
金鬼值身伤骨节，身临水鬼血浓攒。贴身火鬼疮痍恼，木鬼身宫百骨酸。  
土鬼在身身肿胀，杀刑加命命摧残。水为腰肾金为肺，火主心经木主肝。  
土爻脾胃休逢杀，发动交重仔细观。虎鬼同兴应哭泣，龙孙并旺保平安。  
乾为首兮坤为腹，巽为手兮震为足。兑为口兮艮为鼻，坎主耳兮离主目。  
一官杀旺一般灾，子动龙兴保平复。丰兼蛊困及明夷，夬与同人一例推。  
冬旅春需都困重，夏观秋剥并倾危。六爻安静尤难瘥，杀鬼交重便莫医。  
财旺身空身必丧，官生命死命应衰。两重官鬼因劳复，鬼化为兄病不宜。  
鬼化为财凶有准。鬼爻化子瘥无疑。

### （二）

凡若有人占疾病，先从卦中寻本命。仍看来者是何人，克者是何加世应。  
福德持世鬼暂退，官旺之日又加进。卦中无鬼病难医，鬼旺财兴难保命。

鬼杀临身五墓侵，鬼神不应药无灵。一为五脏二皮肉，三为体骨腰并足。  
四肺心经五六头，游魂恍惚如神触。惟有归魂渐向安，吉凶细细为君嘱。

（三）

占病先须问六亲，吉凶须要讨分明。父母空亡防父母，财爻无气损妻身。  
子孙化鬼须遭死，兄弟杀临定不贞。

（四）

明夷蛊夬剥丰同，六卦哪堪占病凶。财鬼二爻俱发动，丧门吊客闹丛丛。

（五）

丰观需节旅贲临，明夷蛊夬及同人。占病若还逢此卦，归家急急办前程。

（六）

子占亲病几时痊，子要兴隆父要安。兄动缠绵难脱体，子兴财发入黄泉。

（七）

子病亲来问卦灵，兄兴子动死还生。鬼摇父动终难保，财动缠绵病转增。

（八）

夫问其妻疾病煎，财明子动便安然。鬼爻发动还沉重，父发兄摇定断弦。

（九）

妻占夫病未安宁，鬼静财兴可放心。兄子交重恩义绝，父摇难愈病沉沉。

（十）

兄弟来占疾病缠，父兴兄静自安全。鬼摇财动黄泉客，子动留连数日眠。

（十一）

奴婢淹延疾病缠，鬼摇疾病更连绵。财安子发无他事，父动兄兴不得痊。

## 二十三、医药章：二首

### （一）

子孙出现是医人，生世生身药必灵。两个子孙齐发动，换医困厄即时平。  
子囚医拙无功效，子旺医明有准绳。无子病人难服药，子空患者便归程。  
子孙值土宜丸散，值火须当艾火蒸。遇木咬咀方应病，逢金针刺保亨贞。  
子孙值水宜汤药，天喜扶持妙莫评。青龙独发最为良，持世生身便离床。  
那更子孙同位发，不须服药保安康。鬼财安贴无忧虑，身世比和大吉祥。  
欲问病人何日瘥？鬼衰身旺世生方。

### （二）

夫病欲医须卦静，爻须旺相子扶身。应爻及外为医者，内卦身爻是病人。  
医来克病人方愈，病若克医药不灵。鬼爻持世人难保，吉曜加临大利贞。

生僻字注释：

（1）【咀】读音：ju，三声。意为：嚼。

## 二十四、词讼章：六首

### （一）

公讼先推身杀鬼，身克杀爻应有理。劫杀克身理不明，身旺杀空忧散矣。  
告人切要杀扶身，被诉却忧刑克世。身旺杀空诉者输，身衰杀旺身遭捶。  
杀身俱旺事迁延，身杀俱空公事止。劫杀临官官事兴，财加劫杀因财起。  
三刑持世莫兴词，六害临身休后悔。父母勾陈与劫并，决定争差田屋契。  
外来克内被渠伤，内克外因渠不是。弟兄化鬼卒难休，鬼化弟兄多暗昧。  
玄武临官防小人，螣蛇犯鬼多淹滞。青龙入鬼遇贵人，白虎临官受刑制。  
鬼共勾陈牢狱灾，鬼临朱雀文书累。太岁克官赦解由，月建冲官官恕罪。  
日辰克鬼脱应难，鬼克日辰尤不易。身世克刑日下和，相并相冲还又至。  
噬嗑明夷被杖笞，屯蒙大壮遭囚系。虽云涣解保无忧，也要世身爻有气。

天喜贵人要生身，大杀亡神莫持世。世应相生内外和，决定两头都没事。  
劫杀官爻是祸根，空亡却是相和义。妻财持世喜神扶，却宜托个人调议。  
青龙子孙是解星，主世生身谢天地。世旺身生命合神，是日官司当脱离。  
更有常赢决胜方，诉人被诉都当记。讼心克己最为良，挫锐解纷为至贵。  
赢尽世间多少人，省财又不伤和气。

## （二）

禁系忧官两未萌，应为对主世为身。鬼旺墓乡须下狱，官临岁动达朝廷。  
鬼爻出现催公判，卦若伤财理不明。应爻坐鬼他遭责，世下藏官我不赢。  
卦值两官因旧事，兄爻发动起同人。财多损子灾难脱，轻者徒流重死刑。  
脱事遇官寻福德，父兴财发事关身。动爻克世人来损，兄动虚忧假作真。  
日辰克鬼我身赢，鬼克日辰他身旺。日辰生鬼事迟延，鬼生日辰事摇漾。  
日辰与鬼不相克，此事终须有比和。日辰或与鬼冲并，两边相见自消磨。  
若值解神官事散，更逢天喜乐淘淘。  
世前为锁后为关，世前二辰为锁，世后二辰为关。若逢凶杀发动，主有锁禁之忧。  
鬼旺克身主脊杖。身克宗庙有刑宪，六爻为宗庙爻。宗庙克身道理强。  
身衰怕被日辰克，死绝年年狱里藏。宗庙死绝事当宁，大壮知他理不明。  
子孙临身官事散，鬼来克世是输名。明夷卦主幽囚禁，父母爻交事未亨。  
鬼在伏中难解脱，财居飞位易调停。众阳在外无输象，刑杀临身自杀刑。

## （三）

我欲兴词去告人，兄财子动状难成。父兴鬼发须成讼，财动文书断不成。

## （四）

他人告我果何如？子动兄摇定是虚。父鬼旺兴成大讼，财兴必定克文书。

## （五）

是非官讼几时休？父鬼摇扬最可忧。子动旺时容易散，兄兴财发事悠悠。

## （六）

青龙动主和，朱雀官偏拗。勾陈公差来，白虎杖比较。

螣蛇铁锁拘，玄武吏典狡。若依此诀推，百试无不效。

生僻字注释：

（1）【杖笞】读音：zhang，四声。chi，一声。意为：用棍棒打。

（2）【漾】读音：yang，四声。意为：水面微微动荡。此处指事情反复，不平静。

## 二十五、盗贼章：四首

### （一）

占盗先推财鬼乡，财爻安静便无妨。内摇不离无安处，外动多因出远方。  
鬼化为财须有望，财爻化鬼莫思量。妻财入墓无踪迹，财犯勾陈在土藏。  
捉贼提防亡劫害，寻财切虑刃刑伤。子孙旺相终寻见，官鬼休囚必捉将。  
玄武鬼爻家里动，原来家贼最难防。两重官鬼勾连至，鬼落空亡自失忘。  
一世二世亲邻盗，三世四世不离乡。五世六世他方贼，鬼若生身必见赃。  
木鬼东方人是贼，金西水北细推详。火官本是南方盗，土鬼原来只在房。  
欲问贼人藏物处，鬼家父母处推详。譬如火鬼木为父，木竹堆中及树旁。  
不惧五行无准则，只愁财物落空亡。

### （二）

捕盗先推飞伏神，飞伏相生贼不真。飞克伏神须捉住，伏伤飞者反伤身。  
伏神带杀休追赶，伏入勾陈贼自陈。内外世身依此例，内还克外定无因。  
应爻又是偷财者，若来克世屈难伸。欲知捕获当何日？鬼败财生定日辰。  
卜筮遗亡皆准此，身衰财发不由人。

### （三）

凡人占卦问失物，官鬼交重必是贼。父兴兄动恐难寻，子发财安必易获。

### （四）

若是逃亡兼走失，用鬼为贼财为物。财爻在内不空亡，子位交重物终得。  
鬼在二三邻里偷，若在初爻未将出。八纯奔走他方去，归魂物不离亲戚。  
世应相生内外和，家中自匿虚啾唧。游魂内外且追寻，木鬼东方人是实。

生僻字注释：

(1)【啾唧】读音：jiu，一声。ji，一声。象声词，形容虫，鸟等细碎的叫声。

## 二十六、断易总诀

占卦须占用是谁，却将出现伏藏推。  
凶中得吉逢生救，吉里成凶被克欺。  
若被克欺宜制伏，如逢生救要扶持。  
有人会得其中意，卦理虽深可尽知。

## 天玄赋（上）

### 一、总论提纲

混沌之初，茫然未判。始因盘古立太极而分两仪，爰及伏羲定阴阳而画八卦，周室文王演易，鲁帮孔子系辞。察飞伏于八八六十四卦之中，定吉凶于三百八十四爻之内。包罗天地，可知物外夤缘。道合乾坤，何况人间祸福。

生僻字注释：

(1)【爰】读音：yuan，二声。意为：于是。

(2)【夤缘】读音：yin，二声。yuan，二声。意为：攀附上升。

吾人问卜，必因动静吉凶；  
学者推占，要识浅深高下。  
秘旨虽传于人口，奥妙实出乎天然。  
事有万殊，理无二致。  
须识静中有动，当明吉处藏凶。  
静者动之机，吉者凶之本。  
如逢卦静，专寻暗动及空亡；

若见爻兴，便察吉凶分造化。  
诸爻并吉，更防吉处藏凶；  
大象皆凶，须识凶中有吉。  
若逢乱动，先观用爻。  
用爻有彼我之分，得失从衰旺而决。  
六爻上下，吉凶全系乎日辰；  
一卦中间，主宰莫逃乎世应。  
细察生旺墓绝，精详克害刑冲。  
吉凶由此而分，祸福从兹而定。  
贵人乘禄马，纵非吉庆也无凶；  
天喜会青龙，虽遇悲哀终有喜。  
白虎动本非佳况，惟孕育反作吉神；  
子孙兴总曰祯祥，问功名偏为恶客。  
官鬼不宜持世，求名婚娶两相宜；  
妻财俱喜扶身，父母文书偏畏忌。  
玄武阴私兼失脱，螣蛇怪异及虚惊。  
朱雀本主官非，仕宦当生喜美；  
勾陈职专田土，行人终见迟留。

生僻字注释：

(1)【祯】读音：zhen，一声。意为：吉祥。

## 二、身命章

**凡占身命，先察用爻。**

造化生物之初，先有人身，而后有万物。故首章先言身命。未可便将卦名妄断。剖决高低，必须参究用爻动静兴衰，刑冲克害，及空亡等象，取其端的，方可决吉凶、祸福、贵贱、贤愚。伯子公侯，从兹定矣。

**刑克害冲，断一生之得失；**

**刑者：**三刑。子刑卯，卯刑子；寅刑巳，巳刑申，申刑寅；丑刑戌，戌刑未，未刑丑；辰午酉

亥自刑。以上所言刑者，为阴阳反德。凡占有日辰刑，动爻刑。若刑父母，则双亲损。刑财爻，则妻妾伤。骨肉逢刑，无不伤残。却看在何限中，便知何年刑克，其余仿此推详。

**克者：**阴阳不相和，故相克也。凡遇财福吉神克我，仍吉；鬼杀凶神克我，大凶。

**害者：**穿心六害也。乃恩未结，怨已生也。子冲午、午合未，是谓子未六害；寅冲申、申合巳，是谓寅巳六害；卯冲酉，酉合辰，是谓卯辰六害。余皆仿此。六害见之，骨肉情疏，六亲分薄，夫妻不协，子息难招。

**冲者：**子午、卯酉、辰戌、丑未、寅申、巳亥，对冲是也。有年月冲、日辰冲、世应冲。凡财福逢冲则凶，鬼杀逢冲则吉。爻虽安静，见冲则为暗动，动爻遇冲则散，空亡遇冲则不空。冲则动，动则战，战则争矣。

### 兴衰动静，决三限之荣枯。

有大象旺衰，有爻象旺衰。凡卜身命，得大象旺，亦是好处，称是壮实根基；更得爻象吉利，乃十全之造化。大抵卦旺不如爻旺。人之根源系于卦，不系于爻；命之吉凶在乎爻，不在乎象。更看动静吉凶，三限荣枯，实决于此。

### 遇财福，则富贵荣华；

妻财子孙者，虽为吉神。若遇旺相有气，或带贵人并进神，临于卦中得地之处，却来生合世爻，贵则加官进禄，富则发福生财。更得日辰、月建青龙同位，乃大发大旺。纵临螣蛇白虎，亦不为凶。小有盘折，不能伤害大体。但怕冲破并受克，方为无用。

凡占须看立于何限中。便知何时发达。若临正卦外三爻，支卦内三爻，称为得地。临于正卦内三爻，名为落陷。若在支卦外三爻，称为晚景之福。

### 遇兄鬼，则贫穷破败。

兄弟官鬼，二者皆非吉神。卦中若遇兄弟发动，争讼是非，分门割户；或破耗资财，或生涯冷淡，皆因此也。官鬼主疾病患难。加朱雀、官符，有口舌官灾；加玄武、天贼，有逃亡失脱；加白虎、丧门，主丧亡孝服。凡占遇之，无气不动犹可，旺相发动最凶。若冲散受克，及落空亡，此等限中，以平为福。

若正卦外三爻，支卦内三爻遇之，最为不佳。正当成立之时，遭此凶恶之辈，安有发福之象。若在早岁，颠沛灾迍，或当暮年，终无结果。

**世是平生之本，应为百岁之妻。**

人生一世，贵贱高低，合为何等人物，但将世爻为主。若得天贵禄马并立，又有吉神生扶，无凶杀冲克，乃富贵根基，清高品格。若与凶杀并立，或被恶杀刑冲，别无吉神救解，乃贫贱之征，无成之兆。

若遇世空，最为不美，当有大难。唯有九流术士之人，及僧道之辈，反为吉兆。是空手求财，财去财来，终无积聚。

世应二爻，乃一卦之主。凡占，以世为已，应为妻。若与青龙吉神并立，其妻必贤；咸池玄武并立，其妻必淫。世爻无气受应克，必然妻夺夫权。应爻若落空亡，妻宫有损。

**相生相合，必然偕老齐眉；相克相冲，决定终朝反目。**

世应二爻，若得相生相合，一生如鱼得水。如逢相克相冲，百岁似冰投炭。生合之处逢冲，始谐和，其后被人搬弄。若应来克世，本不为佳，却得动爻克应，或被日辰冲破，则始虽不和，以后得人解劝，终归好合。若世应比和，自然两无高下。

**财爻动，则父母刑伤；兄弟兴，则妻宫重迭。**

财爻持世或动，则父母受克。其人必早失怙恃，或过房离祖，重拜爹娘。若兄弟交重，或临世位，其人妻宫受伤，必主断弦再续，晚岁重婚。父母动，则难为子息；官鬼兴，则损害弟兄。惟有子孙持世，财爻有气，一生衣禄自然。亲贤近贵，永年和合。

**若临旁位，稍减灾殃。**

言前妻财兄弟之类，不临世上，在他爻发动，其灾殃稍可。以是推之，学者自当通变。

**咸池凶杀临身，出处必然微贱；**

咸池杀，见后神杀章内。此杀若临世爻，或临父母爻，皆主出身微贱之家，更看卦无贵人吉神，必非高尚之士。

**禄马贵人持世，立身须主清高。**

贵人，天乙贵人，见后神杀章。凡占得贵人持世，禄马同乡，必然立身清高，不可断曰庸人。

**卦值六冲，半世求谋蹭蹬；**

子午卯酉之类，为六冲。凡占得之，其人作事有始无终，少成多败。

前卦六冲，三十年前生涯冷淡；后卦六冲，三十年后渐觉萧条；前后皆值六冲，一世不能成就。爻中纵有吉神，为事亦当蹭蹬。

**爻逢六合。一生动用和谐。**

六合，子与丑合之类。凡占：卦逢六合，其人和悦秀气，善与人交，谋事多成，行藏无阻。

前卦六合，三十年前步步春风，后卦六合，三十年后滔滔发福。前后皆逢六合，一生遂意，到老荣华。

**男带合，则俊秀聪明，喜见青龙财福；**

卦中吉凶，不可一概论，亦有浅深之分。且如卦逢六合，爻象皆凶，难以吉断。然须参究浅深，剖分高下。若占男子命，卦中带合，必须青龙财福，旺相得地，方可断曰聪明俊秀之士。依此推之，庶无差忒。

**女带合，则浇浮淫佚，怕逢玄武咸池。**

女人得六合，却不为佳。若有吉神贵人在位，则无虞，反主秀气聪明，仪容端正。若见玄武咸池在位，必主浇浮淫佚，放荡无端，行多不正之妇矣。

**遇进神，则吉盛凶多；遇退神，则吉衰凶减。**

进神者，甲子、甲午、己卯、己酉。退神者，壬戌、壬辰、丁丑、丁未。凡遇进财福吉神则吉，遇鬼杀凶神则凶。大凡进神遇吉则吉盛，逢凶则凶多。退神遇吉则吉少，逢凶则凶衰减矣。

**玄武持世，为人慳吝奸雄；白虎扶身，赋性刚强狠毒。**

青龙持世：为人慈祥恺悌，见人和颜悦色；朱雀持世：急于言词，多招诽谤；勾陈持世：为人稳重，行事迟钝；螣蛇持世：为人多心机，无信实，虚浮诈伪；白虎持世：为人刚强好勇，狠戾心毒；玄武持世：为人阴谋暗算，狡谲多端，若与兄弟同居，其人贪财吝嗇。

**此则一生之祸福，须言三限之荣枯。**

以上所言吉凶休咎，总论一生祸福，犹未及于三限。此后分别三限，以证前言。得失荣枯，从兹定矣。

初爻管五年，二爻管五年，三爻管五年，共十五年。后三爻亦管十五年，共三十年。支卦亦管三十年。却看爻上无阻，一年一位数至寿终。

**内三爻管十五年，遇吉神，则大人荫庇；**

吉神贵人禄马，幼年荫庇之下，享现成之福。不可便断发福发财。若动爻临于鬼杀，自幼多灾多患。

**外三爻管十五载，遇凶神，则小辈欺凌。**

十六至三十，正当成立之初，未免为人所欺负。若见官鬼凶神发动，多因小人侵侮，大则官府逼胁，当究浅深，断其凶吉。若是吉神发动，从此享福无穷。

**要知发福发财，支卦内三爻为主宰；**

人生世间，成家立业，皆在三旬以上，五旬以下。未至此，其力未加。若过此，光阴已错。凡占论成立，专看支卦内三爻。若财福兼全者，有成之造化，晚景纵不佳，终须有根底。若遇鬼杀空亡，一生虚负心机，徒劳奔走，终无结果收成也。

**若欲断生断死，支卦外三象为提纲。**

支卦外三爻管十五年。自四十五至六十，称为晚景，乃结局之时。无毁无誉，不过论寿。凡观至此，紧著眼看。凶神恶杀，若有克战，须忌倾危。

**遇吉神，则见险无危；遇凶神，则逢屯即死。**

如遇吉神，则虽经险阻之处，亦可转祸成祥，不至危殆。若遇凶杀，则稍有坎坷，便成大咎，以至绝地。

**后卦如无凶杀，前爻世上重寻；一年一位细推详，万死万生从此决。**

后一卦如无凶杀，其寿在六旬之上。却从前卦世上重寻，一年一位，数至寿终。若步步遇吉神，

其寿绵远。若逢凶恶杀，即便丧黄泉。万死万生，从兹定矣。

### 莫将紧节，亦比常占。

占人之命，关乎大造，非可轻断。必须潜究根源，察其衰旺、动静、克害、刑冲，自家把捉得定，方可与人决断吉凶，剖分得失。若不察其浅深高下，妄行决断，而无误差，未之有也。

（注1）【支卦】。主卦有动爻，就会有变爻，变爻后出来的卦，称为支卦。也称为之卦。

生僻字注释：

（01）【颠沛】读音：dian，四声。Pei，四声。意为：穷困，受挫折。

（02）【怙恃】读音：hu，四声。Shi，四声。意为：父母的代称。

（03）【庸】读音：yong，一声。意为：平凡，没有作为。

（04）【蹭蹬】读音：ceng，四声。Deng，四声。意为：遭遇挫折，不得意。

（05）【忒】读音：te，四声。意为：差错。

（06）【洩】读音：yi，四声。意为：放纵。

（07）【恺悌】读音：kai，三声。ti，四声。意为：快乐，和乐，敬爱哥哥。

（08）【戾】读音：li，四声。意为：罪过，乖张。

（09）【譌】读音：jue，二声。意为：欺诈，怪异。

（10）【吝嗇】读音：lin，四声。Se，四声。意为：过分爱惜自己的财物，当用不用。

（11）【荫庇】读音：yin，四声。bi，四声。意为：比喻尊长照顾着晚辈或祖宗保佑着子孙。

## 三、伉俪章

### 天命稟有生之初，非今可易；

死生有命，富贵在天。命稟有生之初，非今可易。莫之为而为，非我所能必，但当顺受而已。

### 夫妇乃人伦之大，自古为先。

有夫妇，然后有父子，故五伦之中首先夫妇。

### 世为婚，应为姻，须要相生相合；

世为男家，应为妇家。相生相合，定有成就之象。生合处，须防冲克，恐将成而被破阻。冲克

处，若得生扶，不成之际得人赞协矣。

**鬼为夫，财为妇，最嫌相害相刑。**

财鬼皆要旺相为吉，最嫌三刑六害，发动成凶。

**阴阳得位为佳，夫妇俱全协吉。**

阴阳得位有两端：有封象外阴内阳，有应阴世阳，二者皆为得位。一阴一阳之谓道，纯阴纯阳之谓鬼。纯阴不生，纯阳不化。一阴一阳，为夫为妇。

又曰：占婚用爻，首要财鬼。二者俱全，称为大吉。

一云：男占妇以财为主，女占夫以鬼为主，其理仿此。

设或财鬼不上卦，或落空亡，其婚难成。纵成，亦为不吉。

**世生应，乃男求女；应生世，乃女贪男。**

且如应虽生世，奈缘逢墓绝，虽然相贪，尚在踌躇之际。若得动爻相生，必赖媒妁之力。如世爻生应，奈世被日辰冲克，男意虽浓，被人间阻，事体又在难成也。

**世位逢空，当见男心退悔；应爻有动，必然女意更张。**

世空男悔，应空女悔。纵有吉神，亦难成。若世应俱发动，必然事有改张。动处若逢日辰合，任君不愿也须成。

**世应比和，功全资于媒妁；阴阳交错，事亦系乎因缘。**

世应比和，本无成就之理。若得媒爻动合世应，其事亦成。阴阳交错，乃世应不得位也。若大象可成，亦当入赘，不然，夫妇相凌也。

**应旺则女室丰隆，世墓乃男家贫乏。**

夫占妇，若应位月建旺，乃素封之家。若月建虽旺，日下休囚，必近年稍退资财。若妇占夫，要世爻旺相，则男家豪富；入墓休囚，必主贫乏。本官虽旺，而世鬼俱衰，止是虚名而已。

**子孙发动，中途必见伤夫；兄弟交重，异日终须失妇。**

子孙为福德，卦中不可无，宜静不宜动。若带贵临吉神动，乃妻夺夫权；或鬼旺不受克，若加天寡及凶杀，必主伤夫。旺相则急，休囚则缓。兄弟为克财，若发动必丧其偶。若得鬼动，及日辰冲破，庶可解。

**财空妻失，鬼空夫亡。**

财鬼空亡，占婚大忌，本非成就之象。若干支相合，世应相生，半世夫妻也。

**男子两财，逢二姓丝萝之好；阴人两鬼，再一番桃李之鲜。**

男占女，见两财一旺一空，曾作两度新郎；若两财不空，唯带桃花，必一正一偏。女占男，见两鬼一旺一空，定主重婚再醮；若两鬼旺不空，日辰刑冲财爻，或动爻克财，必是生离改嫁。

**财动则伤克翁姑，父兴则难为子息。**

财爻持世，必不能奉事翁姑。安静犹可，若发动，则主刑伤也。父母发动，主难于子嗣。若带凶杀，主生后有损，遇救犹可，逢冲则主无害。

**财鬼同居一卦，必然亲上成亲；前后皆值六冲，当见退后还退。**

财鬼共一卦中，此易成之兆。若世应财鬼相生相合，必然亲上成亲。前卦值六冲，必曾许聘复退。后卦又六冲，成后又当见退。若被日辰合住，虽欲退悔，不可得也。前卦冲而后卦合，当见退后还就。

**日辰合世，须逢贵客维持；恶杀冲身，必被他人说破。**

日辰临天喜，或贵人，合世应，必有权贵之人，前来维持说合。若日辰恶杀，冲克身世，必有小人破阻。若得动爻来救，则无害也。

**卦无父母，应无雁币迎门**

父母为主婚，又为聘仪。卦中无父母，必无雁币之礼

**财值青龙，会见鸾妆耀目。**

财与青龙会合，必妆奁之资茂盛，绚彩夺目。

**鬼化鬼，终须反复；兄化兄，见阻方成。**

鬼本动爻，不宜变动。静化犹可，动化非宜。必主事体反复迟滞。兄弟乃阻隔之神。兄又化兄，若大象不吉，婚难成。

**世应三合咸池，拟定先通后娶；财鬼一临玄武，定知眼去眉来。**

应与财，若加咸池，临玄武，与世并鬼合，必是先通后娶。若与旁爻合，必与外人有情。应加咸池玄武，妇淫；世爻夫淫。咸池若逢日辰冲，虽淫不滥。若见贵人动来克，却不淫，主其人容仪美丽，多情好欢，逢旺尤甚，死绝稍轻。若咸池会进神动来生合，其人淫心荡漾，恣意非为。若会退神，或退神来克，虽有欲心，未尝有实，不过眼去眉来。

**要知女貌妍媸，推究财临九曜。**

推九曜以别妍丑。若财带贪狼【子】：俊好；财带巨门【丑、亥】：其面貌团圆，颜色紫黑；禄存【寅、戌】：主有疾；廉贞【辰、申】：主淫，貌美；武曲【巳、未】：洁白中貌；破军【午】：必有破相；文曲【卯、酉】：形貌瘦长，为人柔弱；左辅【亥】右弼【巳】：同巳上。好者忌冲，恶者怕扶。

**欲识男材长短，参详鬼值五行。**

凡人禀五行而生，其形象亦不离于五行，当用推详。

**若穷两处精微，更互六神推究。**

若遇青龙，为人和气俊秀，工巧晓事能家；朱雀快言语，多口舌，加杀多招诽谤，喜生是非；勾陈为人纯厚稳重、有规矩，不动则无转变；螣蛇有心机，多疑虑；白虎性急，狠毒不仁；玄武私曲奸邪，若有吉神制，则不然，反主聪明伶俐。

**咸恒节泰，百年似鱼水之相投。**

咸恒节泰，但取其阴阳得位。世单应拆，不相夺伦。论财鬼俱全，咸卦未得尽美也。

以上四卦，若又有日辰生合，吉神发动者，欢谐到底，如鱼得水也。若见用爻落空、凶神冲克，又不可以一概断为吉也。

**睽革解离，一见如炭冰之相遇。**

睽者，乖也。上火下泽，金火同居，岂无伤克？故不利。革者，变也。革故鼎新之象。占婚遇之，当有争婚改嫁。解者，散也。占婚宜合不宜分。离者，六冲之卦，纯阴之象，故云不吉。

**间爻旺相，须知月老英豪。**

世应中间爻象，似乎媒妁，若旺相，主冰人豪侠有力。

**兄位交重，定是冰人诡谲。**

兄弟动，主作伐之人从中诈伪也。

**与世应相生相合，必然一处沾亲。**

间爻与世应生合，必主亲朋结契。

**如雀虎相克相冲，拟定两家相怨。**

朱雀白虎，临于世应冲克，虽联姻眷，终结两边怨恶。

**欲知退步，须察空亡。**

此说上文世应相生合，及雀虎相冲克。若值空亡，即当退步，不可如彼断。

生僻字注释：

(1)【醺】读音：jia0，四声。意为：古代结婚时用酒祭神的礼。【再醺】即为再嫁。

(2)【鸾】读音：luan，二声。意为：传说中凤凰一类的鸟。

(3)【奩】读音：lian，二声。意为：古代妇女梳妆用的镜匣。【妆奩】指嫁妆。

(4)【绚】读音：xuan，四声。意为：色彩华丽。

(5)【媿】读音：chi，一声。意为：相貌丑。

## 四、六甲章

既已论于婚姻，次合占其产育。子孙旺相，若临阳象定生男；福德休囚，更值阴爻当是女。

子孙在单重爻为男，拆交爻为女。或子孙虽属阴爻，得日辰及动爻天喜扶持，亦主男；子孙虽属阳爻，被日辰刑冲及动爻克泄，亦主女。

**阴包阳，则桂庭添秀；阳包阴，则桃洞得仙。**

若子孙爻属阳，初爻六爻属阴，此阴包阳也，主生男；子孙爻属阴，初爻六爻属阳，此阳包阴也，主生女。

**发动青龙，当见临盆有庆；**

青龙为孕育之神，最宜旺相当权，发动必生贵子。

**交重白虎，乃知坐草无虞。**

白虎为血刃，他事不宜，唯临产最喜。若辅于庚申辛酉爻上发动，更快。缘白虎为破胎，为催生，故也。

**定吉凶于内一卦之中，乾离坎兑则易产；**

乾为首，离为目，坎为耳，兑为口。此四卦在内象，则易产。言其头目耳口先出，是顺行，故产为易也。

**决祸福于外三爻之下，坤艮震巽则难生。**

坤为腹，艮为手，震为足，巽为股。此四卦若在内象，必是难生，逢旺愈难，有解救半吉。

**兄弟空，则妻位无伤；父母兴，则子宫有损。**

克妻财，乃兄弟也，兄弟空，其妻无伤。子孙所制者父母，若父母独发，子孙必不全矣。

**若加凶杀，立见刑伤。**

以上兄弟父母，带吉神发动，虽凶弗咎；若加凶杀，必定伤胎害母。

**天喜若值螣蛇，定叶麒麟之梦；**

螣蛇者，乃虚幻恍惚之神。临阳鬼，日主虚惊；临阴鬼，夜生怪梦。更加天喜，必曾感应吉梦，

而生麟凤之子。

**咸池倘临玄武，必生汗血之驹。**

咸池玄武，皆淫佚之神。若二神相会合，必生汗血之驹。汗血者，婢妾所生之子。

**六爻最怕空亡，诸位皆嫌鬼值。**

六爻之中，初产母，二胞胎，至上皆有关系，故不宜空。鬼为占产所忌，故六爻皆恶之。

**鬼临初位，必然产母当灾；鬼入二爻，当见胞胎不稳。**

初爻产母。鬼在初爻，故产母有灾；二为胞胎，鬼若临之，主胞胎不实。

**空亡必堕胎虚喜，带杀则临产艰难。**

子孙空，及二爻空，主堕胎。若带杀神，主分娩时受苦。

**若逢鬼值五爻，始得福生万汇。**

五爻为收生婆，官鬼临之则吉。

多音字注释：

(1)【叶】读音：xie，二声。意为：和洽，相合。

## 五、求仕章

**有子万事足，当如仪俨侃称喜；无官一身轻，谁佐禹汤及文武。欲作大廷之宰辅，须凭易卦以推详。**

**谋望利名，先要鬼爻旺相；斟量宣敕，但观父母兴衰。**

凡卜求官，官鬼是用爻。宜旺不宜衰。喜日辰扶拱，怕刑害克冲。宣敕者，父母是也。卦中不可无，最宜旺相扶世，不加凶杀则吉。若被刑冲，根脚不正；加临大耗，广费资财。

若太岁月建旺者，多是宣也。若贵人禄马同乡，不过是敕也。若虽有吉神，散漫而不当权者，无过是吏掾文书。冲世凶，生克世吉。若不落空亡，纵有艰辛费力，终当成就。

**印绶旺，则职守弥高；官鬼衰，则声名卑小。**

父母官鬼，乃占官之根本，缺一则事难成。二者若逢生旺，必然官职高大；若值休囚，只是卑小职分。若父母强旺，而官鬼无气，职虽平等，身居镇静冷淡衙门，无威耀权柄。若遇进神，声名益大；如逢退神，必减前任政声。此举大纲，后仿此推之。

**欲知品秩，无倦推详。**

以上两节，只言大体，精妙之理，具陈于后。

**禄马扶身，万里风云际会；**

禄者：十干五行。譬之人生一世，幼壮老死也。于长生为学堂：甲乙生亥，丙丁生寅，戊己壬癸生申，庚辛生巳，皆学堂。喻人之幼而学也。以旺为禄：则甲禄在寅之类。在临官帝旺之处，喻人之长而食禄也。

**马者**：驿马。如寅午戌马居申，乃长生，谓之驿马。若临身世，或临官鬼父母，及动来生扶身世，乃大吉，唾手成名之象。大忌空亡与刑害也。

**贵人持世，九天雨露承恩。**

贵人有二：有天乙贵人，有福星贵人。宜旺相，怕刑冲。若临官鬼及文书，主官职高迁，必登相位。福贵持世，主人有福德，一生见险无虞，临凶无咎也。

**青龙动，则事业易成；朱雀空，而文书难就。**

青龙者：吉庆福德之喜神，其动有三：年建青龙、月建青龙、日建青龙。若见发动，必加官进禄。与天马并立，自有升腾进益之喜。不宜落空，必主虚喜。若得兴隆，事事称心，吉无不利。朱雀：占官之用爻，宜旺不宜衰。若见空亡，文书必难成就。或被刑克，文书必遭伤坏。

**子孙发动，纵然在任也休官；**

子孙：乃剥官之神。若发动，虽在任所，亦当休致。其求仕者，不必言也。

**劫杀交重，当见承恩方损己。**

劫杀：见后神杀章内。若官鬼临之发动，必因官损命。

**妻财持世，诰牒岂得如心？兄弟扶身，俸禄安能称意？**

妻财持世克文书，纵成，不如意。兄弟为克剥之神，俸资必非厚也。

**父化父，文书不实；官化官，事体翻腾。**

父母为文书。父化父，文书虚而不实也。官化官，事体翻腾反复也。

**卦中两父两官，必是鸳鸯求仕。**

卦中遇之，必有两意干事，此失彼得之兆，此乃鸳鸯求仕。若前鬼旺后鬼空，只宜守旧，不可改谋；前鬼衰而后鬼旺，宜舍旧图新；前后皆旺，所求遂意。

**爻上月德月建，须逢獬豸为冠。**

月德、月建，皆清正之吉神，诸杀莫敢仰视。若见加临贵人，扶持官鬼及世爻，必非州县之官，乃风宪之职。更看目下衰旺，便可断其擢官赴任。此又不忌凶杀，逢杀，则威风凛凛，动止惊人，操权轰烈。

**太岁动，则在任有除；劫杀空，则逢凶无咎。**

太岁，地杀之主宰，诸神不敢当。若值青龙月建，加临父母官鬼发动，虽见居任所，又当升擢美职也。若加劫杀，则当贬责；如落空亡，逢凶无咎。

**鬼爻持世，应知到任把权；印绶扶身，必定临庭掌案。**

持世扶身，卦之主宰。若见用爻加临，定主到任把权，临庭掌案也。

**卦无父母，终无所任之邦；爻隐妻财，未得养廉之俸。**

父母为任所之地。若不出现，或落空，恐无所任之处。妻财隐伏及落空，养廉之俸未足也。

**一世二世，任所非遥；五世八纯，仕途远涉。**

一、二、三世在内卦，故曰非遥；四、五、八纯在外卦，故曰远涉也。

**要识宦情好恶，须凭卦象推详。**

假如隔手来占，要知本官为人，及形貌性情，但将鬼爻论之。看在何宫，论其形体，并六兽之形貌，情性了然可见。奥义开列于后。

**世在离宫，眼露聪明性急；身居乾象，面圆正大仁慈。**

离属火为目，乾属金为首，各取其体德而言之也。

**金为武职之官，掌生杀之重柄；火乃文章之士，探礼义之根源。**

金有断制之义，故取为武职；火乃文明之象，必职司儒业。

生僻字注释：

(1)【俨】读音：yan，三声。意为：庄重。

(2)【侃】读音：kan，三声。意为：刚直，和乐的样子。

(3)【敕】读音：chi，四声。意为：皇帝的诏令。

(4)【掾】读音：yuan，四声。意为：属员。

(5)【弥】读音：mi，二声。此处意为：更加。

(6)【诰牒】读音：ga0，四声。die，二声。意为：帝王给臣子的任命文书和证件。

(7)【獬豸】读音：xie，四声。Zhi，四声。意为：古代传说中的异兽，能辩曲直。见人争斗，就用角去顶坏人。

(8)【擢】读音：zhu0，二声。意为：提拔。

## 六、词讼章

**伟哉行事有功，广播声名于天下；必也使民无讼，须存正值于心中。大争，则兵革交征；小竞，则文词相诉。**

**欲分胜负，先将世应推详；**

凡争讼曲直，世克应者，我胜；应克世者，他胜。然应虽克世而世旺，彼虽害我而不能深伤。世静而克应，而应发动，彼有通变之谋，终不受克。若有吉神扶持，必有贵人倚靠，终不能侵。若世应皆旺，胜败之机未可决，但究日辰生合何爻，并刑克哪爻，便知端的。

**要诀因依，但把鬼爻推究。**

占讼，以鬼爻为主。更以六神参究来历，因依了然在目矣。青龙鬼：婚姻讼。朱雀鬼：骂詈口舌、文书契约、吏人争斗、喧闹是非。勾陈鬼：田土屋宅、山林树木讼。若兄化鬼，房族致争。螣蛇鬼：被人连累。白虎鬼：与人斗殴杀伤。若带凶杀动，事属刑名。玄武鬼：奸淫盗贼讼。

**官克应，他人受责；鬼伤世，自己逢屯。**

凡占讼，世应相克，以决输赢。一说：世克应，我讼他；应克世，他讼我。输赢从官断。鬼克世，官司不顺，我费资财；鬼克应，他人遭责，彼亏我胜。应空不受克，他人亦无妨。世空同断。又云：世应俱空，两家退悔，官司将有解散之意。

**一卦两官，权柄何曾归一；六爻无父，文书终久难成。**

一卦之中，不宜见两鬼出现。权不归一，事休反复。若一鬼旺动，即取其方向，便知哪一官执权。父母为文书案卷。卦无父母，案卷未成。父母旺空，文书未就；休囚空亡，其事不成。或父母逢太岁、月建冲，上司必有驳；父母加太岁动，主上司提案卷。父母带吉神，终无大咎；凶神同位，则事凶。

**他诉讼，看鬼位休囚；我兴词，怕财爻旺相。**

凡他讼我，要鬼位休囚，不宜旺相，不然其讼必成。妻财本克父母，若我兴词，不宜见之；若逢动或持世，状词终不准。若得日辰冲散财爻，我事庶几可振。

又云，他兴诉，须要官鬼休囚墓绝，则无大害。

**官鬼空亡墓绝，须知无贵主张。**

凡占，不问原告被告，若官鬼空亡墓绝，或卦无官鬼，决无官府主张其事。鬼虽墓绝，而财爻旺动相生，此之谓绝处逢生，须用资财嘱托。姑待官鬼旺相月日，方可成讼。更值子孙发动，仍复无气，纵然费尽资财，亦无益于事。

**世应带合比和，终久有人和会。**

若世应带合，事体本要成。若但比和，而不相害，两家有和会之心。若子孙动，当劝和公事。世应比和，而官鬼旺动，克伤世应，两家欲休，官府不放。若遇解神，庶几可散。

**鬼化鬼，移权更案；兄化兄，荡产倾家。**

若遇鬼化鬼，其事反复。或移权更案，事干两司；或旧事再发。前卦鬼衰，后卦鬼旺，昔日之事虽小，今日翻成大事；前鬼旺，后鬼衰，其事先重后轻，虎头蛇尾。

兄弟乃克财之神，若旺动，不免广费资财，休囚稍可。若又化出兄弟，必主使两重财，或两处使钱。更加大耗，主荡产倾家。若加劫杀及咸池，必被小人阴私，趁势劫骗。若逢鬼动，终久必知之也。

**太岁鬼临，其事必干台宪；天狱杀动，此身须入牢房。**

占讼：若鬼加太岁及月建，必干台宪。鬼衰难用此断。自宜通变，取人事决之，庶无失矣。天狱杀、关锁杀，俱见后神杀章内，若动则有锁禁。

**官旺日，则面折庭诤；鬼休时，则停囚长智。**

占讼：欲知何日兴，何日息，但把鬼爻推究。鬼旺日，其事必兴，当见临庭折证；若值鬼衰，其事必停。鬼值冲，官司有冗，未及究问。鬼值日辰刑，上司有言责，其事稍缓。

**欲识何时结断，鬼爻墓绝推详。**

占讼：始终成败，皆从鬼断。其事有定限，庶可推详。夫结绝决断，实为难事，其或动经一年半载。必须先达人事，度其轻重，知其时务，复取其占之卦爻。子孙发动，官鬼空亡，无气入墓，穷其鬼绝月日，然后方可雍容，推其意而言之。

**要知不受刑伤，子位兴隆剖决。**

子孙为福德之神。官讼牵连，狱囚禁系，杖责临身，此爻发动，一概可免。

生僻字注释：

- (1)【詈】读音：lì，四声。意为：骂。
- (2)【诤】读音：zhèng，四声。意为直爽的劝告。
- (3)【冗】读音：rǒng，三声。意为：烦琐。

## 七、盗贼章

**世上论官诉讼，多因性气资财；其中暗昧明私，莫出奸淫盗窃。**

**用鬼为贼，须寻来处之踪由；**

以鬼为贼。若见持世，乃贴身之贼。在初爻，是家贼；二三爻，邻里贼。在外是外贼；在六爻，是远处贼。鬼带羊刃、劫杀、悬针，是强盗贼。贼来须捕鬼生方。且如鬼属金，乃西方贼，从东南方上来。看在何爻，却详微细之处。其余仿此。鬼属阳，日间来；鬼属阴，夜间来。阴鬼化阳，夜至日方退；阳鬼化阴，日至夜方偷。男贼女贼，亦不出于阴阳推断。

**推物凭财，当捕墓中之方向。**

推物，当以财属五行辨之。欲知其藏匿何方，但寻财墓处便是。且如金财在丑、艮方；木财在未、坤方；水土财在辰、巽方；火财在戌、乾方。

凡占欲知何处失财，但看财绝方向是也。财在内，家中失落；居外在外失落。若五爻动，路上遗失。若鬼空亡无气，日辰扶合财爻，财爻化入墓中，此乃未经贼手，不曾失脱，藏于器皿之中。

**财化鬼，必无寻路；鬼化财，终可获贼。**

凡卦中财化鬼，其物已变化了，至后无踪迹影响。鬼若逢冲，而日辰扶合财爻，其物未散。若非子孙发动，亦未可知。如鬼动化财，物虽偷去，尚未出数，终可捕获。但看其子孙旺、官鬼受制时，自然败露。

**妻财最怕空亡，官鬼岂宜扶合。**

财在内卦，不落空亡，其物可见；财在外动，物已去远，终难得见。鬼若日辰扶合，乃真贼，惯得其中滋味。必有人做脚，须防再来。且日辰合住鬼爻，必有窝顿之家，深藏固闭，贼不易败也。

**金爻带鬼，便言割壁穿窬；木位逢官，定是锄泥掘洞。**

金爻带鬼，用刀铁撬开门户，挖毁墙垣；木爻属鬼，锄泥掘洞，过屋悬梁。其他当以类推。

**看在哪爻发动，便知何处归来。**

如金爻发动，贼向西方来；木爻发动，贼在东方来。

**子动伤官，日下须当捉获。**

子孙为捉贼之人。旺动，必当时下便能捉获。偷时被人撞见。要知踪迹，但寻子孙方位，便知着落。如卯爻子孙动，见穿青妇人，便知消息。属寅，乃穿青男子，或遇草头及木字旁姓人说消息。若遇巳爻子孙动，必见红衣女子方知；带杀，乃曲脚妇人；胎养，乃小女子。午乃穿红男子；旺相，是银铁等匠；休囚，乃挑柴炭人问之，可知。申乃穿白衣人，或木匠铁匠。酉乃卖酒人、持酒人，可知消息。亥乃穿黑衣人，或守田土之人，或挑水之人，或洗衣之人，皆宜问消息。子是穿黑衣不顶帽男子，及钓鱼人，静中看见，问其消息。辰乃竹林木中，墓边人家可问。戌有黄犬吠人家，或牵引犬人问。丑是守牛人，或是耕夫。未是牧羊人，可知其的。以上当别旺相休囚，可知少壮老弱。若鬼化子孙，必须告官，方能捉获。勾陈乃捕贼之人，若克玄武，其贼必擒。

### 日辰克鬼，当时曾被惊疑。

凡日辰冲克官爻，上盗时，被主家惊觉。如金鬼畏火，若遇日辰冲，上盗时，见灯明，复退隐。若火爻动来冲克，其时有人烛灯外，窥见形迹。木鬼值日辰冲克，行窃时会触铜铁器皿作声，贼心惊恐。或金爻空动克鬼，乃人之声。胎养，小儿啼；库墓，老人嗽；未敢下手。水鬼值日辰冲克，畏墙壁坚固，路径高低，其贼疑惧，终无十分偷掠。若戌土动来克，多是犬吠。带杀，被犬伤。火鬼被日辰冲克，主贼人被追落水。土鬼被日辰冲克，畏门户牢紧，若见木来克，必闻门户声惊疑。以上数端，皆以类而推。唯占者至诚至敬，自然灵验也。

### 一卦两官，内外二人谋计。

若两鬼俱动，必是内外勾连，二人同窃。若外鬼动，内鬼不动，不过知情。若两鬼皆不动，但取其临玄武、劫杀、当权者为正贼。

### 六爻无鬼，中间恐自遗亡。

六爻无鬼，财不空亡，乃自遗失，非人偷也。财旺，可寻。若财带亡神动，有鬼爻不动，亦是自失。被人获去，终不可见。

若无鬼而兄弟化鬼，或加青龙动者，非人偷，或曾有人借去，遗亡在彼。

若鬼虽动，又兼兄弟旺动，物虽贼偷，非能入已，又被他人将去。

### 财立内爻，珍宝不离于井灶；财居外卦，金珠岂远于栋梁。

财爻在内，其物必在家之井灶间；财爻在外，未动，必藏匿于栋梁上。

**须教仔细参详，方可雍容断决。要占轻微之失脱，更加玄妙之功夫。**

**鬼属阳，男子偷，细察休囚旺相；鬼属阴，女子窃，精详库墓胞胎。**

小可失脱，不可一概论。但当分别阴阳，较量衰旺，方知的实；

若阳鬼，男子偷；阴鬼，女人窃；鬼旺，后生偷；墓库，老人偷；胎养，童稚偷。

若阴化阳，妇人偷，男子将去；阳化阴，男子偷，藏女人处。不然，日间见物，夜间偷；或夜间窃，日中将去。此亦举其大纲，更宜详审。

**定人形以五行推，决面目以六神断。**

人形面目，大抵以婚姻内面貌参看。

**财逢生气，必亡走兽飞禽。**

凡论生气，正月上顺行，一月一位，数至岁终。卦中财临生气，必是能走动之物。子与丑合皆言牛，寅与亥合皆言猪，卯与戌合皆言犬，辰与酉合皆言鸡。

凡遇生气，其物未曾杀害；若化为死气库墓，必被烹宰。死气者，正月起午上顺行，不问是何物，遇之皆不吉。

**墓值刑冲，徒有坚墙固壁。**

占失脱，最忌财墓逢冲。假如辰日占得震卦，世上财入墓，正被日辰冲散库中之财，最为不吉。纵有恶犬藩篱，亦难防御。

**若见卦无财位，便当推究鬼爻。**

凡占失物，当究财爻。假若财不上卦，当以鬼爻衰旺决之。

**水鬼兴隆，无出绫罗锦绣；火官衰死，不过铜铁锅铛。**

若卦里无财，当考鬼之所属。水鬼兴隆，必是绫罗锦绣缎匹之类。若休囚，不过丝绵绢帛。余鬼仿此推之。

火鬼加贵兴隆，必是金银；无气铜铁。若在二爻，必是锅铛之类。

**欲知何日亡财，但看鬼逢生旺；要决何时捉获，精详官被刑冲。**

凡占家宅，若鬼临玄武发动，当有盗贼起心。要知何时，但看官鬼生旺。远以月断，近以日推。

如特占失脱，不可用月断，但鬼爻生旺日是也。若卦逢六合，鬼值动爻刑克，便可断其动爻生旺日捉捕。凡日辰刑冲最急。若旁爻动来相生，必有人救。若大象可获，亦待旁爻受制日可捉获。

生僻字注释：

(1)【藪】读音：sǒu，三声。意为：指人或东西聚集的地方。

(2)【窬】读音：yú，二声。意为：从墙上爬过去。

## 八、求财章

**饥寒起盗心，亦为困穷而至此；富贵享遐福，莫非营运而后能。**

**赍财于蛟龙背上行舟，负命于虎狼丛中取路。欲决心中之疑虑，端详爻上之吉凶。**

求财之言艰险，于斯可见。但能信占卜，必无不测之祸。若出外求财，须言祸福之分。在家求财，亦有得失之别。学者可不究哉。卜以决疑，不疑何卜？凡来占者，必有疑虑之事，当详吉凶衰旺。见财福如值故人，遇兄鬼如逢仇敌。

**将本求财，妻位偏宜旺相；空拳问利，官爻喜遇兴隆。**

凡占求财，先达人事，然后决断。若将本求财，必要财爻旺相，克世生世则吉，世克财则凶。若卦有两财，外财旺而内财冲，本虽少而利则多；若内财旺而外财冲，利息淡薄，但可正本。若：

内外财爻俱死绝，将本生涯敛手折。

财不上卦及空亡，买卖经商连本灭。

财爻绝处又逢生，利息依然动欢悦。

妻财虽旺不克世，却向爻中看亡劫。

先生若也问求财，请看天仙玄妙诀。

空手求财者，不过是百工技艺之人，以鬼爻为用，鬼旺则财丰厚。

**鬼化为财，克世须云大吉；财爻化鬼，逢空可谓全凶。**

鬼化财，从空而至。且来克世，是利追我而走，故云大吉；财化鬼，自有化无。又落空亡，是消磨殆尽，故曰全凶。

**父化妻爻，当涉艰辛始得；财连兄位，纵然积聚当分。**

凡父化财，必先难后获。父旺财衰，则艰辛多而财少；父衰财旺，则用力少而财多。财化弟兄，将有侵夺之患，虽有积蓄，亦当分散也。

**凶神冲散财爻，切忌风波险阻；劫杀加临兄位，须防盗贼相侵。**

凡凶神来冲克财爻，行船便见风波之患。世爻若值吉神，身虽无咎，财必飘零。凶神若遇虎蛇克世，财命不可保全。若就家中求，却不如此断。必是凶人搅乱，或因财引惹公事。若值解神，却得无事。劫杀乃求财之大忌，若临财位，必不可得。若临兄弟发动，得财之后，防有失脱；若更玄武加临，必有盗贼劫掠之祸；若得贵人临鬼持世，虽有贼来，无伤于我；如逢鬼动，兄弟受制，纵有凶神，亦无大患。鬼爻无气则无权，兄弟依然来作祸。

**子动会青龙，乃生财之大道；父兴临白虎，为绝利之根源。**

若卦内无财，而子孙旺动，亦可求谋。更临青龙，比同有财之卦；若值休囚，更宜斟酌；若鬼化子孙，谓之鬼运财来付好人。

苍屏有歌曰：鬼化为财及子孙，求财最利称心情。更逢福德来生世，安坐高堂也获珍。

若子孙化子孙，财从两处生。财既是两处生，宜两处求，或与人同求，大吉。子孙乃生财之神，比同水之有源，源头受克则泉竭，泉水旺盛则流长。若财位逢长生，福德临官，此等求财，绵绵不绝。或财虽旺，子孙死绝，只许一度，后再难求。子孙虽旺，父母来克，谓之绝生财之源，虽有钱财，亦无接济。若遇日辰相合，庶几不被克伤。

**世克动财，若赶沙场之马；财生静世，如逢涸泽之鱼。**

大凡求财，财来生世克世则易。财来逐我，如涸泽取鱼，伸手便得。若世克动财，是我去逐利，如沙丘劣马，愈赶愈奔，终难上手。

**克害刑冲迫兄鬼，则灾殃消散；**

兄鬼：皆求财之忌神。今彼受制，不惟求财有望，抑且灾散祸消矣。

**生扶拱合辅财福，则货宝丰盈。**

妻财子孙，生涯紧要。且有生扶拱合，岂不财货盈溢，珍宝满箱。

**前卦有财后卦无，不利于后；前卦无财后卦有，艰难在前。**

前卦有财后卦无，宜速求，迟则难得；前卦无财后卦有，宜待时行事，或看财爻旺相年月，方可谋望。

**财合日辰，方能入手；财逢墓库，便可归怀。**

财与日辰合，财爻入墓日，方可断其上手。

## 九、出行章

**坐贾行商，皆为厌贫求富贵；晓行夜算，只因图利起经营。欲财溢于千箱，须奔驰于万里。未卜其中之得失，便言路上之行藏。**

**世克应爻，直到地头无阻节；鬼临飞位，未离门户费趑趄。**

凡占出行，以世为主。旺相吉，无气凶。世克应，坦然一路无凶兆；应克世，比同旁爻发动来相克，当有吉凶之辨。若逢财福克我则吉，鬼杀克我则凶。若当世墓凶方，决不可行。

鬼持世上，多是去不成，若子孙发动来解，庶几可行。如或鬼爻带贵，必因贵人迟滞，未得起身。鬼加官符、朱雀，必因官事牵连。鬼加白虎、丧门、吊客、死符、病符，恐有丧亡疾病之事。鬼若临应，到彼谋事，终难成就。

**世爻更值空亡，出往终难成就。**

世若逢空，多是去不成；纵然强去，终是不得意而回。凡占，必须看何人。若本身出，最忌世空。因经商出行，可谓大凶，必主陷本他乡，徒劳奔走。若九流艺术，及公家勾当人占，反为吉，但空手得财，不能聚也。

**子孙动，则路逢好侣；官鬼兴，则途遇凶人。**

子孙持世，吉无不利，必主善去吉回；若发动，必逢好侣。官鬼为凶人，发动克世，为害非轻，休囚受制，终无大事。

**父母休囚，背负一琴登蜀道；妻财持世，腰缠十万上扬州。**

父母为行李。旺相则多，休囚则少；一琴一剑，言其少也。妻财为钱钞。财爻旺相，则腰缠十万贯，言其多也。

**马爻发动坤宫，遇吉神，则驿程安逸；木位交重坎位，加白虎，则舟楫倾危。**

马在坤象动，必陆路行，更加青龙，一路自然安逸；木在水上动，必是水程，若加白虎，恐遭风浪颠覆之忧。

**五位逢空，路上凄凉无旅店；六爻临鬼，地头寂寞有忧愁。**

初爻空亡无脚子，二爻空亡身有阻；三爻空亡伴侣稀，四爻空亡难出户；五爻若也值空亡，旅店荒凉受辛苦；更看六爻若逢空，地头寂寞无人住。六爻俱不落空亡，任意挥鞭千里去。

以上论空亡者，不可一概论，必从吉凶分别。凡吉神空则凶，凶神空则吉。依此推之，万无一失。

占出行，不宜见官鬼，六爻遇之，皆不利。初爻：主脚痛。二爻：身有灾。三爻：伴侣有疾。四爻：去后户庭有官事相缠。五爻：道路梗塞。六爻：地头不利，不得意而归。

**参详一卦吉凶，推究六神持克。**

青龙临财发动，满载而回；朱雀官爻发动，必有是非口舌；勾陈临水动，必有雨水；螣蛇带鬼，必有忧惊怪异；白虎带杀，必有疾病；玄武临财，必有失脱。

以上凶神，持世克世，最忌；旺相亦忌；休囚受制，庶无大事。

**金爻持世，岂宜远涉南方；木位安身，唯利高登北阙。**

南方属火，金畏之，故不宜往；北方属水，水生木，故宜去。余仿此例。

生僻字注释：

(1)【趑趄】读音：zī, 一声。jū, 一声。意为：想前进又不敢前进。

## 十、行人章

秋风飒飒，动行人塞北之悲；夜月沉沉，兴游客江南之梦。剔银灯，喜占音候；当金钗，为卜归期。

**若问子孙，须要福神生旺；或占父母，不宜印绶空亡。**

父母出行看父母，子孙出行看子孙，兄弟朋友皆看兄弟，奴仆亦看子孙。吉神临之吉，凶神临之凶。

**应动青龙克世，行人立至；父临朱雀爻交，音信须来。**

应动克世即来，世动克应未来。青龙临应动，行人立至。动世克动应，行人往他处。若世应俱静，但看生克制化。若世生应克应，决未来；应生世克世，身虽未动，已有归意。但看冲动月日起程，生旺日必到。父母、朱雀，皆为音信，若见发动，必有信至。克世来速，世克来迟。若当五爻动，有信在路。带天喜吉神克世，是喜信；加大杀凶神克世，是凶信。若父母朱雀动处逢空，音信虽有，被人沉匿；父母并勾陈发动，音信虽有，带书有耽搁，稽迟未到也。

**欲知车马将回，须看门户；要卜舟船未发，但看地头。**

初爻足，二爻身，身足俱动则来。三四为门户，动则速至。五爻动在途。六爻动在地头。凡旺动则来速，发动无气则来迟。或用爻，或应爻，于门户上动，行人即到。凡动爻亦有吉凶，若动爻克应克用，虽当门户、亦有迟滞。

**阴官际遇螣蛇，当有还乡之梦；咸池若临玄武，恐逢觅水之欢。**

阳鬼会螣蛇，当有虚惊；阴鬼会螣蛇，当有夜梦。若在内动，此是家人梦见人回；在外动，必行人有还家之梦。其梦决于鬼生旺日，重动已过，交动未来。用爻若加咸池玄武，行人主有外情牵惹不归。

**兄弟动则多费盘缠，官鬼兴则不谐同侣。**

兄弟若当权旺动，决然多费盘缠。若更化兄弟，不免有两倍之费；不然有分争之患，休囚无气稍轻。兄化为鬼，行李至中途必有变，不可托人。若财化兄弟，或加玄武，多是被人诓骗。兄弟若逢刑克，无害。若官鬼旺，或兄弟空，必路无伴侣，独自登程。

**更被凶神持克，须防世墓空亡；若有吉曜来临，庶免身遭否塞。**

若作出行人本名占，最忌官鬼、白虎、大杀动来克世，及怕世墓、世空。自身有疾，患难有险。若占他人，怕鬼伤克用爻，及用爻入墓、空亡，须防危难。若得子孙旺动，贵人及解神来相解，或

日辰刑冲凶神，庶免身遭否塞。

**动爻值退，登程复返他乡；应位逢冲，触景方思故里。**

丁丑、丁未、壬辰、壬戌，四者为退神。凡用爻及动爻逢退神，行人登途，仍复返去。若动爻逢空，亦作返去断。看在哪位爻上空，便知何地转去。要知行几里回去，但依生成数推断，生旺倍加，死绝减半。六爻不动，本无归意。若日辰冲动应爻，必是睹物思归。

**勾陈发动，若逢位上便淹留；折杀交重，须向途中防跌扑。**

勾陈发动，必主淹留。若在地头，未能起离；若在五爻动，半路人留。勾陈旺动，克持用爻及应爻，行人卒急难来。

折伤煞云：折伤四体要君知，正月鸡栖逆向离；生怕高枝防跌扑，此爻发动恐颠危。

谓正月从酉上逆行也。

**妻财旺动，加玄武，则杳绝音书；福德兴隆，遇青龙，则丰盈财宝。**

财兴克父，玄武动伤朱雀，若相并而动，主音书杳绝。

望信须看世应中，信来两处起交重；

他兴我静鱼传信，我动他安雁绝踪。

子孙乃福德之神，遇青龙则满载而回。

**欲详物数，五行妻位兴衰；要决归期，六合动爻生旺。**

要知物数，但看财临五行。旺相多，休囚少，逢生倍加，受克减半。数目照河图数取，水一、火二、木三、金四、土五。动爻属金，期在巳日，并申酉日，可到。余仿此例。

**锦城虽云乐，不如早还家；茅屋未为贫，但愿安乐业。**

生僻字注释：

(1)【飒飒】读音：sa，四声。意为：形容风、雨声。

(2)【剔】读音：ti，一声。意为：从缝隙里往外挑。

(3)【稽】读音：ji，二声。意为：停留，拖延。

(4)【杳】读音：yǎo，三声。意为：远得不见踪影。

## 天玄赋（下）

### 十一、家宅章

**要察卦爻内外，可知人宅兴衰。**

内三爻为宅，外三爻为人。宅去克人，主病患连年，击括多端；人去克宅，主修居创屋，整旧更新。内卦旺，屋宅多；外卦旺，人丁伙。

**初观住宅之根基，相连井位；次睹华堂之境界，兼接灶司。**

初爻住宅基址。带财福吉。井亦相连初爻。属土则浑浊；水则清冷盈溢；木则井上有树；火则泉水常干；金则沉莹香洁；带鬼逢空必废井。

二爻为堂屋。生旺则深沉广阔，无气则窄狭低猥。带青龙龙德贵人，必新创整齐；加白虎刑冲克害，必旧居破败。二爻灶亦兼焉。生旺则灶修爨闹，休囚则灶冷无烟。朱雀带官，定有灶前咒咀，鬼连白虎，须防脓血淋漓。

**三门若值官爻，不离五行分割；四户倘临鬼杀，须加六兽参详。**

三爻为大门。与太岁日辰生合，其向大利；与太岁日辰刑冲，其向不吉。带财福、青龙、吉神动者，决主门庭清吉，人口康宁；加官鬼、白虎、凶神动者，多招口舌官非，迺遭恼聒。加兄弟者，主破耗多端，资财不聚。加父化父者，一合两样门扇。逢刑冲或加破军，必有破坏。

以上动者甚，静者轻。若三四爻相冲，有两门相穿，不生财。

第四爻为户，即中门。带吉神动吉，连凶煞动凶。

**五为道路之爻，六为栋梁之位。**

五爻为路。与世合，则委曲有情；与世冲，则直长带杀。

六爻为栋梁墙壁。带青龙，则新创整齐；加白虎，则崩颓破败。

**虽辨其中之奥妙，须详就里之精微。搜索六爻，总是家庭小事；推明一语，可惊王公大人。**

**月建会青龙，当主婚姻妊喜；丧门加白虎，须忧疾病丧亡。**

月建：即正月建寅之类。与青龙会合一处发动，主重重喜庆。士夫当加官进禄，庶民则增进钱财，成婚姻孕育，无不吉也。

丧门、白虎：谓之四利三元，乃凶神。见后凶煞内。若见此爻动者，则有病患连绵，丧亡叠至，种种不祥，自当细审。

**朱雀空，则门绝官灾；勾陈旺，则户增田业。**

月建朱雀：正月从巳上顺行。在内动，主是非口舌；在外加贵人动，主有文书音信之喜。若带官符官鬼动者，月内必有口舌官事。

又云：月建朱雀，即天烛杀。若与日辰朱雀并动，须防火烛。若朱雀空亡，官事无妨，是非潜伏，火烛消爇。

月建勾陈：正月从丑上起顺行。带鬼杀内动，主宅神不安，人口不宁；在外动，谋事多见迟滞。若临财爻旺动克世，其月内必有增进产业之象。更加日建青龙，必然广置田园，横发钱谷，大利田土之事。

**玄武须防盗贼，加咸池必有私情；螣蛇本主虚惊，遇阴鬼多生怪梦。**

月建玄武：正月从亥上顺行。在内动，主有奴婢走失；在外加鬼杀动，主有穿窬割壁之贼。若玄武与咸池同乡，主阴私淫乱之事。动来合世，宅长必然不正；若临财爻，其妻必淫；若临父母，出处卑贱。或临福德及第六爻，皆主奴仆有阴私之事。若逢生旺，其事张扬；或值休囚，犹可隐匿；如逢冲散，必然被人说破，不复作矣。

凡此章皆是是非之端，古人所以具述此事者，既造精微之地，不得不言，后学不可妄谈。暗藏胸中，以为观人邪正之法，不宜轻泄。

月建螣蛇：正月从辰上逆行。若动，主有牵连事至。遇阴鬼，主夜生怪梦。克世临世，宅长夜梦不安；克应临应，宅母梦寐不宁。

**卦列六十四象，怪分一十二宫。**

六十四卦之中，其怪不过十二宫分。子动鼠怪、寅卯申狐狸怪、巳动蛇怪、午动火光怪、酉是鸡怪、戌是狗怪、辰丑未是虚响怪。凡怪爻动处，逢冲则无害也。

**推占六爻，全凭四季。**

**诀曰：**怪爻季是两头居，仲月逢之二五随；三四怪爻当孟月，动成骇怪静无之。杀神在世灾应实，鬼杀伤身祸不虚；更被官爻持世上，怕逢衰病患难除。

以上所言怪爻，须凭四季。取季月初爻六爻动为怪，仲月二五爻动为怪，孟月三四爻动为怪。其余发动，不可乱言。

**既有浅深之辩，莫辞祸福之分。**

凡有怪异，亦有浅深。怪浅祸亦浅，怪深祸亦深。祸福于斯可辨。

**世在游魂，常有迁移之意；身居墓库，终无起离之时。**

占宅：得游魂卦，主居处不定，常有迁移之意。占移居：怕见世爻入墓，虽言移，终不能动身。

**外卦兴隆，徙舍须云大吉；内爻旺相，移居必见灾殃。**

**立春：**艮旺、震相、巽胎、离没、坤死、兑囚、乾休、坎废。春分：震旺、巽相、离胎、坤没、兑死、乾囚、坎休、艮废。

**立夏：**巽旺、离相、坤胎、兑没、乾死、坎囚、艮休、震废。夏至：离旺、坤相、兑胎、乾没、坎死、艮囚、震休、巽废。

**立秋：**坤旺、兑相、乾胎、坎没、艮死、震囚、巽休、离废。秋分：兑旺、乾相、坎胎、艮没、震死、巽囚、离休、坤废。

**立冬：**乾旺、坎相、艮胎、震没、巽死、离囚、坤休、兑废。冬至：坎旺、艮相、震胎、巽没、离死、坤囚、兑休、乾废。

以上八卦之休旺。凡占移居，外卦旺，宜迁；内卦旺，宜守。反之必见灾殃。

**青龙外动宜迁，白虎外动宜静。**

大抵青龙为吉，白虎为凶。守旧迁移，随其变动，而作趋避。

刑害翻成六合，挈家去后亨通；游魂化入归魂，返舍回来大吉。

占移居，得三刑六害卦，本非吉兆；若变得六合卦，去后必亨。游魂化归魂，必当仍还旧地，乃为大吉。

**欲遂迁居之志，须求分烛之邻。**

初爻为左邻后邻，四爻为右邻前邻。加财福吉神，必慈祥恺悌之家；带鬼杀凶神，乃无籍凶狠之辈。

生僻字注释：

- ( 01 )【猥】读音：wei，三声。意为：杂。
- ( 02 )【爨】读音：cuan，四声。意为：灶，烧火做饭。
- ( 03 )【咒】读音：zh0u，四声。意为：信某些宗教的人，以为念着可以除灾或降灾的语句。
- ( 04 )【聒】读音：gu0，一声。意为：声音嘈杂，使人厌烦。
- ( 05 )【颓】读音：tui，二声。意为：坍塌，衰败。
- ( 06 )【妊】读音：ren，四声。意为：妊娠。即妇女怀孕，母体内有胚胎。
- ( 07 )【烺】读音：yang，二声。意为：熔化，溶化。
- ( 08 )【寐】读音：mei，四声。意为：睡。
- ( 09 )【骇】读音：hai，四声。意为：惊吓，震惊。
- ( 10 )【徙】读音：xi，三声。意为：迁移。
- ( 11 )【挈】读音：qie，四声。意为：举，提。

## 十二、香火章

**欲究治家之本，莫过敬鬼为先。**

卦中三爻，总论天神地鬼；其中六兽，可知作福兴灾。

凡占家宅香火之法，以卦中第三爻为主。若福德临之，则家神兴旺。以六兽推测鬼神，难以言尽。大率吉神宜发动，凶神宜安静。

**单拆须辨阴阳，衰旺可推新旧。**

鬼爻是单，属阳，乃天神佛像，或祀典正神。鬼爻见拆，属阴，必是依草附木，暴死伤亡，投河自缢之鬼。欲知人家神像新旧如何，但依衰旺推究。自长生至帝旺，皆可言新；自衰至墓绝，必须言旧。但以衰病略旧，墓绝最旧。

**要察神前之供器，更详卦内之鬼爻。鬼位逢金，必主香炉破损；官爻遇木，决然牌位崩摧。**

欲察供器，但看三爻临鬼。要更分别五行，自然必中。

鬼位逢金，主香炉破碎；鬼爻遇木，主牌位崩摧；鬼爻临水，神堂上定有漏处；临火神，位前供具必有一件被火烧者；临土，必主尘埃满案，无人拂拭。

**修葺重新，庶几六神安稳兴隆。**

生僻字注释：

(1)【祀】读音：sì，四声。意为：祭祀。

(2)【缢】读音：yì，四声。意为：吊死，用绳子勒死。

(3)【拂拭】读音：fú，二声。Shì，四声。意为：掸掉或擦掉（尘土）。

(4)【葺】读音：qì，四声。意为：用茅草覆盖房顶。现在指修理房屋。

### 十三、六畜章

**若问家先，内宫看鬼崇奉；百神安妥，自然六畜兴隆。**

鸡鸭原在初爻，遇青龙，则四时旺盛；猫犬端居二位，加白虎，则两件难全。

初爻鸡鸭位。带鬼或空亡，难为鸡鸭。加大小耗，必有狐狸黄鼠所伤；若临青龙，大吉。

二爻为猫犬。寅爻旁动克戌爻，虎伤犬；戌爻克二爻，犬伤猫。猫爻若加吉杀，必善捕鼠；杀带鬼，家有恶犬。逢空不利。旺空，有狗无猫，有猫无狗，不能两全。加白虎，必然有伤；带青龙，必然旺相。

三四猪羊，怕见官杀兄弟；五六牛马，喜逢福德妻财。

三爻为猪。带子孙妻财必旺，带兄弟猪不长。带官逢空，猪有损失；带子孙胎爻，其家猪有胎。若见申酉二爻动，或克三爻，猪决有损失。

四爻为羊。带财福则旺；带鬼杀则损失。逢空无羊。胎养临爻，则羊母旺；劫杀临爻，则羯羊多。朱雀临大杀在兑宫、乾宫动，羊生臊口。遇青龙动则吉；白虎动则凶。

五爻为牛。带子孙，其家有子母牛；带胎爻，其家牛有胎。凡遇青龙财福则吉，鬼杀白虎则凶。青龙临爻，多是水牛；勾陈螣蛇，多是黄牛。若五爻带金鬼，主牛夜啼；水鬼败肚；木鬼脚痛；火鬼因触热；土鬼时气发瘴。兄弟化兄弟，与人相合，牛只旺相。墓库，老牛；胎养，小牛。

六爻为驴马。带财福则吉，带鬼杀则凶。如子日冲午爻，主走热饮水，火动则无妨。此一爻，依牛爻断之。

**最嫌本命逢冲，须忌分宫受克。**

丑爻为牛；寅爻为虎，亦作猫爻断；午爻为马；未爻为羊；酉爻为鸡；戌爻为犬；亥爻为猪。以上六畜之本命。怕逢鬼杀、大小耗，相刑相克；又嫌本命空亡，皆主损折狸伤。

一云：初鸡鸭，二猫犬，三猪四羊，五牛六马及驴骡。以上乃分宫也。如本命上卦，当看分宫为主。

若吉神动来相生则吉，凶杀动来克害则凶。更得日辰扶挾亦吉，若日辰刑冲则凶。能依此断，万无一失。

### 命逢生旺，当别吉凶；

生旺若逢本命，本为吉兆。却看临财福旺相则吉，临鬼杀大小耗则凶，反不如不旺。凡吉神扶命旺处，六畜必盛；若加鬼杀，得是休囚，庶几损折亦轻。凡遇本命旺临财福，却加大小杀于其上，此主孳牲虽盛，损失亦多，得失相半之兆。不可概论，而断其吉凶。

### 爻值刑冲，须分表里。

分宫若日辰刑冲，或动爻刑冲，当有吉凶之辨，表里之分。凡分宫，会财福、青龙则吉，若逢刑冲则凶。若临鬼杀白虎逢刑冲，反吉。必主前虽损失，以后必然旺盛。大凡旺处逢冲则损，绝处逢冲则散，空处逢冲则不空。

### 六兽可知颜色，斟酌相克相生；八宫细论身形，定夺居中居外。

欲知颜色，不过是猪犬牛马。凡遇六神所临，六爻安静，别无冲破，但言一样颜色。若动相生相克，方可言杂色。

假如玄武临用爻，被白虎动来克，此乃黑白相间。玄武旺，则黑多；白虎衰，则白少。两爻衰旺相决，黑白相半。

且如青龙临用爻，白虎动来克，又加勾陈动来生，此乃三色花，黄白黑相间，即玳瑁色。

乾首、坤腹、离目、坎耳、兑口及尾、艮前足、震后足、巽腰。

凡用爻临玄武在乾象，更无别爻相克相生，乃是通身黑色；若逢坤象，白虎动来生克，必是黑头白腹。若遇休囚，其白少；若逢生旺，通腹白。又如勾陈临用爻，在坤象，被震宫或艮宫白虎动来相克，乃黄身白脚。震言前脚，艮言后脚。

以上略举一二以为法，其余分宫仿此推详。

凡占，须以用爻所临为本身颜色，若遇别爻冲克及生扶，方可看其在脚言脚，在腰言腰。

生僻字注释：

(1)【羯】读音：jie，二声。【羯羊】意为：阉割了的公羊。

(2)【臊】读音：sa0，一声。意为：像尿或狐狸的气味。

(3)【瘴】读音：zhang，四声。意为：瘴气。

## 十四、田蚕章

**家有千钟，皆出田中之玉粒；库藏百宝，安如筐内之银丝。**

先言农力之勤劳，熟稻岂辜于八月；次论育蚕之节目，植桑不负于三春。

凡占农田：以世为田，以应为天。应爻临水生世，及加青龙玄武生合世爻，丰稔之岁可卜矣。若见应加朱雀，动克世爻，田禾必损。或世临勾陈，动克应爻，主缺水。若应爻相合比和，看卦中何爻发动，水动生克世吉，火动生克世凶。

占蚕：内卦为蚕，外卦为养蚕人。内生外吉，外克内凶。内生旺，蚕旺；外兴隆，人多。内外相生吉，相克凶。凡占须要巳午上卦为吉，巳午发动乃大吉。艮卦离卦大吉，坎卦兑卦大凶。逢四五月卦大吉。

**剖分内外三爻，总合农桑二事。**

凡占农：以初爻为种，二爻为秧，三爻为人力，四爻为牛，五爻为天，六爻为水。

若占蚕桑：以初爻为种，二为苗，三为人，四为桑，五为箔，六为茧。

以上六爻旺相者吉，休囚库墓者凶。若逢大杀、大耗、小耗，皆为凶兆。

**二卦遭逢鬼杀，可谓全凶；五行不遇官爻，方为大吉。**

农田：若见鬼在初爻：种不对，或不萌；鬼在二爻：必欠秧；鬼在三爻：农力不到，若加凶杀，田夫有病；鬼在四爻：欠牛力，或牛有损，空亡无牛。鬼化兄，或兄化鬼，与人合牛，工作不利；鬼在五爻：天意不顺；鬼在六爻：必缺水。

占蚕：鬼在初爻：种不出；在二爻：出后不能旺盛；在三爻：蚕娘有病；在四爻：叶必贵；在五爻：上箔有损；在六爻：财微薄，必无好蚕，亦无好丝。六爻无鬼，田蚕自然兴旺。

**凡遇鬼爻，须看五行所属，及观衰旺动静。**

占农：鬼爻属金：发动持克世爻，主蝗虫之灾；水爻动，带鬼：狂霖损稼；火鬼：必主亢旱；土鬼：里社兴灾。

占蚕：水鬼，防鼠耗；木鬼，二眠有伤；金鬼，多白僵，其年吃叶多；火鬼，头黄壳不生；土鬼，蚕沙发热蒸伤。

**阳阴相半，须加四兽参详；财福俱全，更互六神推究。**

田蚕皆宜阴阳相和，水火相半，庶能昌盛。纯阴不生，纯阳不化，阴阳交合，然后万物生。凡占：得阴阳相半，外阴内阳，内外相生，大吉之兆。

占蚕：须看六神持克。

**仓屏云：**

青龙旺相入财福，春蚕盈盈满筐簇，管取竿头白雪香，会看箱内银丝足。

朱雀旺相入兄弟，必定桑悺食不济，若当离象动凶神，蚕室须防火灾至。

勾陈带鬼多黄死，若遇财爻黄茧多，卦中发动并迟滞，若值凶神可奈何。

螣蛇水鬼害头蚕，正要烘时却受寒，纵得丝来筐篚内，明朝絺绤也应难。

白虎若临财福中，箱中多是白头公，更逢兄弟交重恶，急急祈求一半空。

玄武若临咸池动，多是女人带厌来，急求蚕福来扶救，庶免春蚕目下灾。

田蚕皆以财爻为主，生旺全收，无气半收，空亡大折。鬼空财旺必称心，有鬼无财主大损，若遇子孙持世旺，六爻有鬼亦无妨。

**兴衰得位，方能保其丰穰；动静有常，庶可明其得失。**

凡占先看空亡，次看财鬼衰旺。若鬼财衰，荒歉之征；财旺鬼衰，丰稔可卜。

田蚕二卦，相去不远，其中所主，各有分辨。

占田以世为主，水火不可相胜。水动生世，春有滋育，夏多时雨。水旺克世，淫淋不止，巨侵飘泊。卦中有水火爻生世，水火既济，丰登可拟。

占蚕以巳午为蚕命，发动旺相，皆大吉之象。旁爻动来生有利，来克主有大损。

**生僻字注释：**

(1)【箔】读音：bó，二声。意为：蚕箔。

(2)【悺】读音：qiān，一声。意为：缺欠。

(3)【絺】读音：chi，一声。意为：细葛布。

(4)【绌】读音：xi，四声。意为：粗葛布。

(5)【稔】读音：ren，三声。意为：庄稼成熟。

## 十五、雨晴章

**既言地利之广博，必假天时以发荣。**

**若问阴晴，全凭水火。**

若占晴雨，水火二爻乃一卦之主宰。六爻无水必无雨，六爻无火不开晴。若见水爻动来克世，骤雨忽然至，生世乃细雨。

又云：水爻旺动是骤雨，无气是细雨。若水动土亦动，虽雨亦无多。卦中虽有水，若逢土动，决是无雨，只是雨意。若水化水，冬可言冰雪。若火动克世，必遭亢旱。若水火兼动，乃雨顺风调之象。水化火，骤雨晴明；火化水，晴天变雨。六爻无水火逢空，不晴不雨阴天气。故曰：若问阴晴，全凭水火。

**动静生克，测天上之风云；旺相休囚，决人间之祸福。**

苍屏云：世为地，应为天。应克世，无雨；世克应，大雨；动则急，静则缓。

占雨：初爻旺：浓云密布；无气，淡烟薄雾；二旺：飞电扬光；无气，云中虚闪；三旺：大风卷屋；无气，布暖微风；四旺：轰雷大震；无气，隐隐轻雷；五旺：滂沱大雨；无气，细雨沾濡。

占晴：初旺：天虽晴，云尚密；无气，薄云将散；二旺：草缀露珠；无气，微施薄露；三旺：朝霞散漫；无气，日落霞明；四旺：长虹截雨；无气，半扫浮云；五旺：大明中照；无气，日色淡泊；五爻属阴旺：月转冰轮；无气，如纱罩镜。

**三冲六位，伫看掣电腾空；四克五爻，会见长虹贯日。**

三爻动，克初爻，风卷残云散九霄；三爻动，生初爻，风送浓云六合包。二四爻相生，电掣雷轰尽吃惊；三六爻相冲，骤雨倾盆搅六龙。卦中遇晴，却是初爻动，生二爻；或二爻动，克初爻；必主云散雾收。五爻动，生三爻，或合三爻，日照霞明。四爻克五爻，长虹贯日。五爻属阴，被初爻动来克，月当明，也被云遮。略举大纲，余当推究。

**推究六神际会，须知五属参详。**

青龙临水动，甘雨即沾濡；若值木爻动，阴云亦不舒。  
朱雀入火动，必然启大明；飞入土爻发，云中光射人。  
勾陈临土动，阴雾接天涯；若遇卯辰动，光中云渐开。  
螣蛇申酉动，掣电走金蛇；纵使天无雨，阴云尽日遮。  
白虎临木动，须防折木风；走入坎宫发，滔滔水接空。  
玄武临水动，连朝雨不休；更值鬼爻发，阴云暗九州。

**卦值六冲，云虽凝而复散；爻逢六合，雨未至而可期。**

卦值纯阳并六冲，雨未可望。云烟纵合，亦必解散。若阴化为阳，虽有云意，而雨不至，纵有亦少。

凡占，水爻虽动，被日辰并冲，动爻刑害，虽雨亦微。水爻安静，见冲则有雨。凡遇阴阳相半，故能六合，更看水爻有气，雨虽未至，可以预期。若阳变为阴，虽静亦当变雨；纵有火动，亦无久晴。若遇纯阴卦静，则有雨；动则生阳，雨未可望；水动则可许，加大杀白虎，则有暴雨而至。

**但逢雨顺及风调，自然民安而国泰。**

生僻字注释：

（1）【伫】读音：zhu，四声。意为：【伫立】，即长时间的看着。

## 十六、国朝章

**五爻为天子，近亲贤而远去奸邪；**

凡占国家：以本宫为国，世为君。又云：五爻为天子。

若带财福、青龙、贵人者，仁君也。临太岁、月建、勾陈者，威震天下，守正之君。

加大杀、白虎，暴虐之君。带咸池，淫乱之君。加劫杀，居位不久。

若与吉神相生相合，必能亲近贤者。若吉神来克，必有贤臣相辅。若动克凶神，必能远小人，去奸邪。

或与凶杀相生相合，及凶杀动来相克，辅相不得其人，皆奸佞相辅。君爻纵遇吉神，亦不能去奸佞。

#### 四位列公侯，上忠君而下安黎庶。

三公九卿之位，皆在四爻。若临吉神旺相克世，乃是敢言敢谏，社稷之臣也。若加鬼杀旺相克世，乃是欺君僭上，昧主把权之辈也。若世值吉神，庶无大害。四爻若与世相生，阿谀之臣也；纵带吉神，亦不能规君之过，正君之失；带凶神，亦不能害君之正，丧君之德。

四爻动生初爻，必有忧民之心；初爻生四爻，民有仰慕之意。四爻加凶杀克初爻，民受无辜之害；初爻动克四爻，民视之如仇仇。

四爻生合二爻，必能招贤纳士；二爻生四爻，士有景羨之心。四爻生克三爻，必能任用百官，进贤退不肖。以上细心详察，无不应验。

#### 子孙临大杀，秦扶苏中赵相之谋；君位合咸池，唐玄宗受杨妃之祸。

占国家，以子孙为国嗣。若得日辰扶合，或动爻相生，或临月建旺相，及加青龙、贵人者，若东宫已立，他日拟登宝位，更无改易。

子孙若带咸池，非正宫所生。福德临劫杀、大杀，恐有变易。更被四爻伤克，必有赵高谋扶苏之事。

卦无子孙，无国嗣。

世爻与五爻，若带咸池玄武，上必荒淫。卦有咸池，却被君爻相克，虽有西施之美，无害于国政。应爻加咸池，飞入五爻旺相，又兼世爻空亡，必有武氏乱唐之患，后必当见女主治天下。

若加吉神，天下庶几安定。更带凶神，四海必乱。

君位若合咸池，带杀旺相，必有女祸。如唐皇之于杨贵妃故事也。

#### 福神克世，重观折槛之朱云；将曜加刑，再睹登坛之韩信。

子孙发动，伤克世爻，主有直臣奏事，颇类朱云折槛之风。若与日辰相生合，上必允其奏；与日辰刑冲，龙颜大怒，终遭贬责。

子孙临太岁、月建动克四爻，而生五爻，子孙旺日，必有御史劾权臣。四爻鬼杀旺相不受克，须防有变。

寅午戌，午是将星；巳酉丑，酉是将星；申子辰，子是将星；亥卯未，卯是将星。若将加白虎、羊刃生世，必得强将。将星若带贵人、青龙生世，当得忠良之将。将星若加劫杀，动来克世，须防弑君之祸。此爻将星，名为刺客。

以上三节，皆在旺相年月日可见也。

**金爻带鬼，一方有兵革之兴；土位逢凶，四海尽干戈之难。**

大杀若临金鬼旺动，必兴兵革。世克，庶无大事；克世，必凶。若土鬼带杀，发动旺相，四海皆乱；克世，必有攻城之贼。卦中有杀无鬼，克世亦凶；有鬼无杀，虽凶弗咎。有神制杀，鬼动无妨；鬼位休囚，财兴有害。鬼空杀旺，纵乱无成；鬼旺杀空，虽凶无害。若鬼带劫杀，或化为兄弟，无过是劫财之贼；若加玄武，是阴私暗害之贼。卦中蛇虎不动，纵有大杀，不为急迫。若并官鬼恶杀动，实为大害。却以生旺克害何方，方可决断。

**以遏寇贼，全凭将帅专征；要决输赢，先察世辰相克。**

以世为我将，应为彼帅。又云：以子孙为我将，及先锋。子孙得地旺相，将军必胜。若加青龙，乃忠良之将；若加白虎，乃勇悍威猛之将。若得持世，虽有鬼亦无伤害；若得旺相发动，决胜千里。更日辰扶拱，有百战百胜之功。所嫌者，父母发动；虽有子孙，不可当其锋。若入墓无气，虽动无伤。

凡专征伐：以世为我，应为彼。世克应，我胜；应克世，彼胜。世墓，只宜坚壁自守，不可妄动。若世旺相，应入墓，彼必折人丁。世空我有难，应空彼有伤。世在阴宫，不宜先动；世在阳象，不利后兴。世动克应，我必进；应动克世，他欲来。鬼爻克世，他胜我；鬼爻克应，他欲退。鬼持世，须妨围困。金火持世应，两家流血交征。世应比和皆旺相，此两强敌手，胜败未可决，但以所长断之。世应相生相合，将帅有允和之心，士卒无攻战之意。

**妻财发动，当成易帜之功；兄弟交重，须御夺粮之患。**

父母为旗帜。旺相发动，必然兴兵。若在内动，我欲兴兵；外动，他行军马。克世，欲来侵我；克应，乃回头之旗帜，他必自退。

凡父母不动妻财动，当有夺旗易帜之事。财在内动，克外之父母，我必夺彼之旌旗；妻财外动，克内之父母，彼将夺我旗旌。

财为粮草。卦若无财必绝粮；财空粮欲缺；财无气，粮不多；财动送粮与贼。若兄弟交重，须防劫粮夺草。

**听轰雷之战鼓，金爻发动逢空；看如雨之炮砖，土位交重逢旺。**

土为炮石，旺相临未上发动，方可言之。若带大杀，必遭伤害；如遇退神，须防自损。金空则

鸣，动处逢冲愈鸣。若发动，必然金鼓轰雷，须防战斗。金爻发动不空亡，刀刃森森明似雪。内动，我器械备具；外动，彼之兵刃整齐。金爻发动逢刑克，兵甲虽坚不损人；金爻无气逢刑克，甲冑干戈不整齐。以上细细搜求，自然有准。

木乃济川之舟楫，火为系马之军营。

征战不免登山涉水，若无舟船之便，五月安可渡泸？

凡占：以木为舟楫。发动旺相，必有济川之利。木爻受冲，舟必破漏；木爻受克，船车难行。卦无水爻恐无水，木爻逢空必无船，木爻带鬼乃贼船。

凡战于野，不免安营下寨，虽处山谷之险，亦宜卜其吉凶。

凡占：以世为主将，火爻为营寨。与世爻相生相合，其地得利；与世爻相克相冲，不吉。火爻若带鬼，贼寨必相近。火爻旺相宜宽阔，无气，宜小结构。

苍屏云：“水爻带鬼来克我，须防劫寨及攻营，却看有气并无气，方可斟量道败赢”。

假如火爻旺相水无气，纵来克世亦无伤。

### **父加虎杀外兴，莫纵军兵来出阵；鬼带劫亡内动，须防奸细暗临城。**

子孙为我兵卒，官鬼为彼贼徒。子衰兵卒怯，鬼旺贼军强；鬼空他必灭，子旺我必昌。怕父母带白虎外动，必克子孙；宜守不宜战，战则必伤军卒。

父母若持世动，主将不能养士卒，上下有相离，心未相安之道。若带凶神，须防自变。

亡神杀，正月从亥起顺行。劫杀见后。

若鬼带二杀于内动，须防奸细之人在城池之内；若被世克，须探事情，不至漏泄。世爻无气鬼杀旺，军机透漏祸终来。内外鬼爻俱发动克世，必有内应外合之患，子动必无妨。鬼爻不带杀，为害亦不凶。

### **若逢暗动伤身，须遇阴谋刺客。**

凡鬼爻暗动，更加劫杀、大杀，刑克世爻，主将须防刺客。卦内若得子孙发动来救，刺客决然被擒。比同燕太子丹使荆轲刺秦王之类。若日辰冲动，伏鬼伤飞爻，须防自己手下有人谋己；卦中无救，祸将及身；鬼旺日，决见应验也。

### **虎蛇皆动，正当离乱之时；世应俱空，宜见升平之乐。**

大杀若动，加白虎螣蛇，必是大乱，卒难休息。大杀若当胎养、长生位上，乃丧乱发萌之时；

若在临官、帝旺之地，正当大乱，过此渐息；若当墓、绝位上，将次太平。离乱已经历过，要知何年离乱最甚，何年稍息，依长生法断之。六爻无鬼卦无杀，世应俱空即太平。

生僻字注释：

(1)【佞】读音：ning，四声。意为：惯于用花言巧语谄媚人。

(2)【卿】读音：qing，一声。意为：古代高级官名，君主称呼臣。

(3)【谏】读音：jian，四声。意为：规劝君主，使其改正错误。

(4)【僭】读音：jian，四声。意为：超越本分。古代指地位在下的，冒用地位在上的名义和礼仪、器物。

(5)【谀】读音：yu，二声。意为：谄媚，奉承。

(6)【妃】读音：fei，一声。意为：皇帝的妾。此处杨妃，指杨玉环。

(7)【弑】读音：shi，四声。意为：臣杀死君主或子女杀死父母。

(8)【胄】读音：zh0u，四声。意为：古代打仗时戴的保护头部的帽子。

## 十七、疾病章

**国家治乱，莫非风俗纪纲；人寿天长，岂论尪羸壮盛。养生非道，终有疾病存焉；请祷能占，便见死生决矣。**

**杀临父母，当忧堂上之亲；空及妻财，灾虑闺中之妇。**

凡占疾病，看来者何人。子占父母，要父母上卦。妻占夫看鬼，夫占妻看财，父占子看子，占兄弟看兄弟，占朋友亦看兄弟，占奴仆亦看子孙。凡用爻不上卦，或空亡者，则多凶少吉。凡占何爻空亡，何爻受克，吉凶依此而断之。

**决轻重存亡之兆，专察鬼爻；定金木水火之乡，可分症候。**

鬼爻旺日沉重，库日困迫，绝日轻可。鬼化鬼，其病进退，或有变症，或旧病发，或症候驳杂。鬼持世，病难除根；鬼爻带杀持世，此乃瘵疾。卦中鬼爻日辰旺，乃暴病；月建旺，乃经月之疾；鬼爻无气临身者，乃久病，卒难痊可。卦中无鬼病难安。鬼动伤身症候急。

凡占，旺鬼不死，则易愈；衰鬼不死，其病难疗。

欲定症候，须看鬼临之五行。若金鬼：肺腑病，咳嗽气，或疮疖、血光，或筋骨疼痛。木鬼：四肢不利，风气肝胆，左瘫右痪，口眼歪斜，头疼发热，三焦口渴；加朱雀，狂言乱语，阳症伤寒。

水鬼：沉寒痼冷，遗精白浊，小便淋漓，吐泻呕逆。火鬼：寒热往来，脾寒疟疾。土鬼：乃脾胃发瘴，水肿虚浮，瘟疫时气。

若前卦火鬼，后卦水鬼，必前之症候为阳，服冷药过多，变为阴症。若午前占，遇此两鬼，当言勿服药；过当，后必有变化。火鬼于火旺月日占是也。

### **青龙得位，终见安康；白虎伤身，必成凶咎。**

青龙若临子孙克世，期日痊愈。或临应克世，服药有效。若临用爻发动，纵有凶险，亦不伤也。若带鬼爻，亦非凶恶发狂之病。若在三爻动，香火为福。

#### **苍屏云：**

“青龙空亡并福德，病人平日无阴鹭。逢土动虎伤身，管取其年有悲泣。

君来占病决存亡，白虎加临主哭丧。临克父爻当有咎，并财妻位必遭伤。

子孙际会终成否，兄弟相逢更不昌。更值官爻持世上，己身须恐有灾殃”。

凡遇白虎交重，乃占病之大咎，无气犹可，旺相大凶。若临丧门、吊客、死符、丧车、持克用爻者，决主不起之兆。若得子孙旺动，月解兴隆，庶可回生。

### **月解交重灾渐退，天医发动便回生。**

月解、天医，见后吉神章。

卦中若得发动持世，或持克用爻者，虽重病不死。旺相最吉，日下即愈；墓绝稍慢，直待旺日方安。若值空亡，其病难疗。

### **明夷、观、贲、需、临，切忌世身入墓；大畜、丰、同、蛊、夬，莫逢财鬼俱兴。**

凡占病。怕身世随鬼入墓，决不瘥也。如风地观二爻乙巳，鬼身亦在二爻，设或入墓，乃身随鬼入墓也。山火贲卦，初爻己卯，鬼世亦在初爻，倘入墓，乃世随鬼入墓也。

以上两卦，举此为例，余卦仿此。

#### **苍屏云：**

“乾化入艮父忧丧，坤化入巽母忧亡；震化入坤长男厄，巽化入坤长女当。

坎化巽中男厄，离化入乾中女卒；艮化风内少男倾，兑化山中少女卒。

此是八宫来入墓，十人得病九人故”。

以上所言卦墓，不可以乾化入墓艮，只忧父亡，但看病皆不吉。设若子占父，遇乾化艮，谓之

应题，乃大凶。大畜等五卦，占病大忌。财鬼不动，未必丧亡；财鬼空亡，虽病不死。必须把其条贯，方可断曰全凶。

上文所言财鬼发动，亦有吉凶之分。且如雷火丰卦：鬼动忌占兄弟，财动忌占父母及本身；妻占夫，终无凶。余卦仿此。

虎易评注：(1)《明夷》卦四爻官鬼癸丑持世，《贲》卦初爻官鬼己卯持世，《临》卦二爻官鬼丁卯持世，以上三卦，如果世爻入墓，可以称为“世爻随鬼入墓”。《观》卦二爻官鬼乙巳，因未土持世，其世身在二爻。如果二爻官鬼入墓，可以称为“世身随鬼入墓”。另外：《需》卦二爻官鬼甲寅，因申金持世，其世身在三爻。因此，本卦的选入可能有误。(2)测病，此处用世身，而不是用月卦身。请读者仔细分析，不致有误。

### 男怕长生，兼怕未来之节；女嫌沐浴，最嫌过去之辰。

男子怕鬼爻长生日得病，与鬼同衰旺。卦无子孙、青龙、天医发动，鬼爻墓绝日却死。

又云：寅日遇火鬼，巳日遇金鬼，申日水土鬼，亥日木鬼，谓之长生鬼。占者遇之，大凶在后，沉重方来。

凡决安危，先以鬼爻衰旺推断，次以节气论之。凡男怕未来节，近节必重，过节无伤；节前不重者，必无妨。若是久病，当以四时节候论之。且如木鬼忌秋间节气，遇节不重，过节必安。女人最忌鬼爻沐浴日得病。

又云：卯日遇火鬼，午日遇金鬼，酉日遇水土鬼，子日遇木鬼，谓之沐浴鬼。遇之难痊，至后反加沉重。次看节后必重，不重无伤。女人极怕过后之节。

### 不宜丘墓同宫，安可雷风合卦。

三丘五墓，俱见后。

二杀俱动，病人作福也难留。雷风者，棺槨杀也。震为棺，巽为槨，坤为墓，艮为冢。占病若全必死。

### 既论染灾之表里，须言得病之因由。

凡占病，先断症候端的，然后议论病因。更能明此一章，诚可谓通神之卜矣。

### 六兽临官，当分内外；八宫值鬼，宜别阴阳。

但逢鬼临六神，看在何爻。在内则在家得病，在外则他处招殃。青龙鬼：是酒色过度，或因财有伤，妇人因喜有疾；青龙鬼空，堕胎有患。朱雀鬼：口舌及咒诅。在二爻，灶下咒诅；在三爻，当门咒诅；或家堂神前咒诅。如朱雀临金鬼动，敲锅铛咒诅。勾陈鬼：饮食不节，伤饥失饱，脾胃不调。临木鬼：因修造动土处得病。螣蛇鬼：事务萦心，忧愁思虑，或虚惊怪异，因而染病。此爻多是心家受病。白虎鬼：斗殴跌扑，伤筋损骨，或寒酸冲肺。玄武鬼：色欲过度，伤饥冒雨。

卦若无鬼，其病难医，症候难决。但以克杀动者断之；不动，以克用爻者断，又以伏鬼断。若鬼伏父母下：忧心得病，或穿衣服得病；过与不及，冬言衣单，夏言衣重。鬼伏兄弟下：赌博争财；鬼伏子孙下：外情牵惹；鬼伏财下：饮食太过；鬼伏杀下：旧病再发，亦难除根。老人卦忌生旺，小儿卦忌休囚。最宜病人本命上卦，大吉也。值阴鬼，夜重日轻；阳鬼，夜轻日重。阴阳各依爻上看。

世人有疾病者，亦有贤愚之分。贤者以医药为重，愚者以祷告为先。占者不可不察其情状。一观其人，可知高下，庶几贤愚，皆可共语，其道方能流行。

鬼神者：儒家本不言此，今为患者之占，不得不据理推详，以为阴功默佑。

木主东岳天齐圣帝，七十二司，三十六案之神，并自吊伤亡。水是河泊水府，沿江七十二庙之神，并溺水伤亡。土是瘟蝗疫疠，中央土府之神，并饥饿绝食伤亡。金是衔刀、五道，飞廉、白虎，金神、七杀，吟呻、三杀，九良星杀，丧殃、丧杀之神，并自刎、被刑、阵亡，一应伤亡。火是南方火部，赤睛朱发鹤神、毛头毒火之神，并赴汤蹈火伤亡。若二爻鬼为灶神，三爻鬼为香火神，子孙动为福神。依此推之，万无一失。

### **伏克飞爻，药奏通神之效；子临应位，医逢济世之才。**

世为病人，应及外卦为医药。药如克病，病即愈；病者克药，药无灵。外卦及应生世，药虽对症，作效迟。世动克药，若是水鬼，服药不纳；金鬼无气，久病犯真，服药无效；木鬼，其病必犯条贯，虽药亦无益；火鬼旺相，其症必刚，虽药不能止其热；土鬼，其病沉重，药不对症，不能疗病。应爻加鬼克世，则误药损人矣。

占病以子孙为医药，临应动克世，必遇良医，其病即痊。卦无子孙，服药无效。世应比和，卦无子孙，宜换医人。子孙临应被世克，虽遇良医病未疗。外卦及应虽克世，卦无福德亦难安；可言有药须当疗，但恐良医未有缘。子孙虽克世，外爻及应却不克，虽有良医，药饵不中，终无大害。虎杀若临子孙动，须防医者不精详。

**必须参究五行，方可攻医万病。**

火鬼宜凉剂；水鬼宜温剂，或丸药；木鬼宜针；金鬼宜灸；土鬼宜剉散。火鬼月建旺，宜大寒之剂；无气，不过清凉之药。余仿此推。

金鬼利南方医人，木鬼利西方医人，水鬼利四散医人，火鬼利北方医人，土鬼利东方医人。若前卦水鬼，后火鬼，先须四散医治，终于北方医人收功。

**卦爻安静，重为济世之人；土杀俱兴，定作黄泉之客。**

凡占病，六爻安静为吉，其病可治。一卦中凶杀常多，而吉神常少；吉凶悔吝，皆出乎动，动则成咎。

且如六亲之中，不过子孙动者吉；六神之中，不过青龙动者吉。余者未必皆凶，亦不能为福，发动何益于我哉！此乃吉少凶多。不如卦爻安静，虽有凶煞，终未遭伤。若有吉神当权，自能为福。土杀者，即辰戌丑未是。交相换易，行乎四时之间，占病逢之，多凶少吉。

所有诸煞，俱见后凶煞章内。若有一件动，便成凶咎。

**生僻字注释：**

(1)【闺】读音：gui，一声。意为：上圆下方的小门，也值女子居住的内室。

(2)【瘵】读音：zhai，四声。意为：病，古人也称肺结核病为瘵。

(3)【痼】读音：gu，四声。意为：经久难治愈，长期养成不易克服。

(4)【鹭】读音：zhi，四声。意为：安排，定。

(5)【剉】读音：cu0，四声。意为：折伤。

**十八、地理章****生死稟修于前定，寿夭各尽其天年。阴阳荫庇于后人，理义合凭其地理。**

天地之间，纯阴不生，纯阳不化。一阴一阳，二气交感，化生万物。且如天欲降生人才，必假地之气脉；阴阳融结，必有贤者出。故凡人子，须当以亲之体安厝得所，则亡者安而生者庇。

凡占风水，漫求玄妙与玄微；且把卦爻端详，是地不是地。六合则风藏气聚，六冲则水走沙飞。

夫六合者，阴阳相配而不相离。初四、二五、三六，更相朝顾，是为有情。凡地理不过山环水抱，四兽朝迎，拱卫有情，罗城无缺。似此卦中六合之义也，大吉之地。若卦无六合，世在内象，四兽有情者，乃次吉之地也。世爻虽在外象，却得宾主有情；左右回顾，明堂宽广，水口关栏，乃

小结局，亦可用也。若遇六冲卦，乃山飞水走之地，不必更详。

**龙因地势详观，即得天玄妙理。**

此二句，乃一章之要旨。

**入山寻水口，不宜六位空亡；到穴看明堂，喜见间爻旺相。**

第六爻为水口。与世相生相合，是为有情；若加青龙、贵人、财福者，水口重重关锁；必有奇峰秀岭，拱照回环。若第六爻与世相克相冲，山直无情，地枯无气。六爻若值空亡，水口散漫，不能聚气。

间爻者，世应中之二爻也。旺相临月建，谓之万马明堂。有云：明堂容万骑，水口不通风，大吉之地。明堂，众水所聚。宜静不宜动，静则聚高，动则倾泻。若水带吉神生克间爻，乃四水入明堂也。

**世乃主山之骨，当明九曜之规模；应为宾对之峰，须察五行之定体。**

世为坐下之山。又云：初爻二爻为坐山。生旺，坐山高厚；休废空亡，坐山微薄。世持巳亥寅申，必定山雄地壮；世持辰戌丑未，必居广阔平洋。世持亥子，穴中出水；世持辰巳带杀，主有地风；白虎带杀逢空，主有白蚁。若临诸吉神，则坐山尊严，穴中洁净。属木必林茂，属水必近流泉。当类而推之也。九曜详婚姻章内。旺相则吉。

案山带子孙贵人旺相，其山耸拔秀丽。若生世合世，端正有情。空亡，向山不正；带杀逢冲，乃欹斜破相之山。若应临墓绝，必是案山低小。应若属金，即言金星；属水，即言水星之类是也。

**向列二十四位，事分百千万端。**

木爻持世，主东震，寅甲卯乙。金爻持世，主西兑，申庚酉辛。火爻持世，主南离，午丙巳丁。水爻持世，主北坎，亥癸子壬。辰戌丑未，却言艮乾巽坤。各有所宜。

**发动青龙，克世须防嫉主；刚强白虎，逢冲切忌昂头。**

山间之龙虎，即卦中之龙虎。青龙虽吉，亦忌克世，相生乃妙。白虎太旺，便是昂首刚强，皆为不吉。

**青龙断左畔之峰，白虎言右边之嶂。所喜者，相生相合；所忌者，相克相冲。**

青龙旺，带木，主林木葱蔚；带土，则山岭崔巍；其秀气从左而来。白虎盛，临水，主流泉脉远；加金，则岩石奇丽；其秀气从右而至。皆喜其相生，最恶其相克。

**鬼在局中，必有伏尸古墓；空临左右，岂无凹缺招风。**

若世下，有本宫官鬼伏藏，必有旧穴在下。左右者，龙与虎也。若见何爻空亡，便知有凹缺招风之处。主墓穴不安，为不吉也。

**勾陈若在世中，一路来龙振起；朱雀加临应上，两重对案相迎。**

勾陈乃龙之祖。若在木爻，或临世上，来龙必远也。朱雀为案山。若临应上，必有两重对案。

**若问螣蛇，当为穴法。旺相与吉神共位，乃是真龙；空亡或墓绝问乡，当为绝穴。**

卦中以螣蛇为穴。旺相为真龙，休囚为绝穴。

**论山既备，于水合言。寻亥子，方知有无，观动静，可分死活。**

卦中无亥子，必无池塘溪涧。虽有水爻，却逢墓绝，乃是干流之地。但看水爻动者活水，静者死水而已。

**要识根源远近，但看水位兴衰；欲推缠绕多情，且察水爻生合。**

水爻旺相，流脉绵长；水位休囚，根源浅近。水爻相生相合，主委曲有情；若相克相冲，主直来无气。

**若见卦无水位，便当推究玄武。**

倘六爻无水，竟将玄武爻推看。

**遇吉则吉，逢凶则凶。**

玄武临吉神，是水于我有益有情，大吉；若临凶杀，则无益无气，主凶。

生僻字注释：

(1)【厝】读音：cu0，四声。意为：把棺材停放待葬、或浅埋以待改葬。

(2)【欹】读音：qi，一声。意为：顷斜，歪。

(3)【嫉】读音：ji，二声。意为：忌妒，憎恨。

(4)【嶂】读音：zhang，四声。意为：直立像屏障的山峰。

## 黄金策（一）

### 总断千金赋

明诚意伯刘伯温先生著。向为秘本，今将公诸天下

#### 动静阴阳，反复迁变。

迁变者，互化也。如乾象三连，下动化巽，上动化兑，中动化离，三爻俱动则化坤，中爻不动则化坎之类。或以安静卦单化拆，拆化单者非。

盖卦爻有动则变，无动则不变。假如谷之一物，若不动，则终于谷耳。及被舂之则成米，又炊之则成饭。其舂与炊，犹卦爻之动也；其米与饭，犹卦爻之变也。然谷之舂为米也，有成粒而为粮者，有不成粒而为粃者，又有糠粃而不为人所用者；及其米之为饭也，有精粃而为人所爱食者，亦有饘羹而为人所恶食者。是米与饭，皆有美恶不同；犹变出之爻，亦有吉凶不同也。

予见《天玄赋》有静化动化之说，是不动亦变矣。今人乃祖其法，每有变安静之卦者。凡此之类，皆卜易之大，又不可不辨，予故不得已而为之说。又有止变一爻者，若乱动则不变。此又予所不知也。

#### 虽万象之纷纭，须一理而融贯。

象：即空刑生合等象；理：即生克制化之理。

夫人有贤、不肖之殊；卦有过、不及之异。太过者，损之斯成；不及者，益之则利。

贤、不肖之殊，人生之不齐也；过、不及之异，卦爻之不齐也。人以中庸之德为至，卦以中和之象为美。德至中庸，则无往而不善；象至中和，则何求而不遂哉。故凡卜易，须抑其过，引其不及，归于中道，则凡事皆不期然而然矣。此卜易之大旨，故揭于篇首。

今人但知不及者不成，不知太过者，亦不能成也。何谓过？主事爻重叠太多是。多则不专一，所以不成福，故宜损之。何谓不及？主事爻即一位，而又不得其时是。不及则无气，所以不成事，故宜益之。损益之道：生扶拱合，及克害刑冲是。且如土为主事爻，有三五重太过，须得寅、卯月

或寅、卯日，或卦有寅、卯爻动克之，然后成事，所为损之也。又如金为主事爻，在夏月令无气，须得月建、日辰生扶，或动爻合助，方能有成，所为益之也。大抵太过者，吉不能成其吉，凶不能成其凶。

### 生扶拱合，时雨滋苗；

**生：**谓相生。如用爻是金，却在辰戌丑未日占得，或卦中动爻属土，是也。

**扶者：**谓卯爻见寅日，酉爻见申日，子见亥，午见巳，丑未见辰戌之类，是也。

**拱者：**如寅爻见卯日，申爻见酉日，亥见子，巳见午之类，是也。

**合者：**二合、六合、三合之类，是也。二合：子与丑合云。三合：即申子辰合成水局云。

以上四者，皆能维持调护。爻象弱者，遇之则强，衰者见之则旺，伏者见之则起。故如时雨滋苗也。然亦有吉凶之辨。用爻见之则吉，忌爻见之则凶，所谓助桀为虐，其恶愈甚。学者自当辨用。下三条仿此。

### 克害刑冲，秋霜杀草。

**克者：**相克。五行制压之神也。

**害者：**六害。地支相凌之神也。

**刑者：**三刑。意同仇敌。

**冲者：**对冲。势如战斗。

以上四者：能伤身，能败德，能制伏，能坏事。故喻之如秋霜杀草。惟忌神见之反吉。

### 长生帝旺，争如金谷之园；

长生、帝旺，十二座星中至吉者也。六爻遇之，虽衰弱者，亦作有气论。故以金谷譬焉。若推成事，则帝旺主速成，长生为差迟耳。盖长生犹人初生，未即强盛；帝旺犹壮年之时，血气方刚，其力进锐。所以，长生迟，而帝旺速也。

### 死墓绝空，乃是泥犁之地。

死、墓、绝，皆从长生起。空是空亡。四者遇之，无不陷溺。虽得时旺相，亦不成事。故以泥犁喻之。

盖死者，亡也。犹人患病而死也。

墓者，蔽也。喻人死而葬于墓也。

绝者，厌绝也。犹人葬于墓，而根本断绝也。

空者，虚也。犹深渊薄冰处，不可临之履之也。

泥犁，地狱名。言其至凶也。但凶神遇之，则又反为我吉矣。

### **日辰为六爻之主宰，喜其灭项以安刘。**

日辰乃卜筮之主。不看日辰，则不知轻重。盖日辰能冲动安静卦之爻象，能并起安静卦之爻神；发动者能制之，凶恶者能抑之，强旺者能挫之，衰弱者能扶之，生合者能破之。

古人云：日辰能救事，能坏事者，此也。故为六爻主宰。

且如占文书，卦有财爻发动，是文书坏矣。若得日辰合住财爻，或冲散财爻，或克制财爻，不使之去伤害父母；故得文书有气，其事可成。此能救事也。

又如占子孙，卦中父母不动，福爻不空，其兆吉矣。若被日辰冲扶父母，刑害子孙，则变吉为凶，此能坏事也。日辰扶持用爻则吉，扶持忌爻则凶；克制忌爻则吉，克制用爻则凶。

假如七月乙未日，占兄弟病，得同人之无妄卦。卦中鬼爻动克主象，绝爻又动，其凶可知矣。幸得日辰未土，克坏官爻，合起主象，所谓灭项以安刘也，后果应无事。

### **月建乃万卜之提纲，岂可助桀而为虐。**

月建乃龙德之神，故卜卦以是为提纲。须详其有无刑冲克害，有无生扶拱合；与世身主象，有无干涉，便见吉凶。月建中有，乃是真有。如坏事，乃真正坏事也。

且如占财，卦中无财，月建是财，向后终须可得；若卦中有财，月建克财，定主艰阻，须过此一月，方可得财。如卦中无财，月建又无财，而日辰是财，可许当日便有些。财少受克，则不中矣。盖月建成得事，日辰即可扶也。

且如五月内，占小儿病，得大过卦。卦中无子孙爻，而月建午火，正旺为主象，不断其死亡。余仿此。

凡看月建，与日辰同论。亦喜其扶持用爻，克制忌爻。忌爻旺动而又生扶之，则是助桀为虐，其祸为尤甚也。

### **最恶者岁君，宜静而不宜动。**

太岁乃天子之爻。若来冲克世身主象，主灾厄不利，一岁中多不宁静。故此星为最恶。但贵人

反宜见之。若带三刑六害，其祸尤甚，虽贵人亦不宜。若为主事爻入卦，其事必干朝廷，利于求官谋职。常人用事，多凶少吉。然此爻喜安静，不喜发动；若被日辰动爻冲起，必有灾患。

### **最要者身位，喜扶而不喜伤。**

**身：**即月卦身也。其法与决，见第一卷。大抵成卦之后，先看卦身现与不现；与月建、日辰、动爻，有无干涉，则吉凶便见。故卜易以身为最要，而不可不看者也。

且如占得困卦：身爻在午。兑宫以午火为官鬼；旺则官非，衰则疾病。

又如未济卦：卦身在寅。若日辰是申巳冲刑之，离宫以寅木为父母，便知尊长挠括，或文书相干也。

又如兄弟爻动，与卦身相并，衰则虚诈，旺则口舌怪异也。若出现变动，依五类所主推之。

如占人贵贱，身遇财爻，化出父母，必是有艺富人。余仿此。

大凡卦身，占事为事体，占人为人身。喜扶而不喜伤。凡言扶，则生并拱合，皆在其中。而曰伤者，则又兼刑冲克害而言也。

世人多以“子午持世身居初”之身爻用之，多有不验，且未晓其义。予见卜易玄机，金锁玄关，明卦身之身，甚为得旨。故舍彼而取此焉。

### **世为己，应为人，大宜契合；**

卜卦分世应者，宾主之象。世为己，应为人。人有彼此，所以辨人情之好恶也。求谋用事，须得生合比和，则有成就。若刑冲克害，必主艰难。此其所以大宜契合也。海底眼云：世应相克，纵然好事，也须费力。

### **动为始，变为终，最怕交争。**

交、重为动。动则阴变为阳，阳变为阴。卦中遇此，当以动爻为事之始，变爻为事之终。

如占人来，得小畜之乾卦。辛未爻动，变出壬午子孙合，必妇人带小儿来。他仿此。

最怕交争者，如主事爻临子水动，变出未土来克害于我，乃大凶之兆。纵得用爻旺相，后亦不能称心遂意。余仿此。

### **应位遭伤，不利他人之事；世爻受制，岂宜自己之谋。**

应受伤，不利代占，盖代占以应为主也；世受伤，不利自占，盖自占以世为主也。若世应逢凶，

而遇此者，则勿以此断之。

### **世应俱空，人无准实；**

世应二爻，不宜在空亡之地。世空为自己不实，应空为他人不实。世应俱空，彼此皆无准实，谋事必有阻节。

若安静卦，世应空合，谓之失约无诚信。若忌爻发动旺相，则宜其落空也。

### **内外竞发，事必翻腾。**

卦中一爻二爻发动，则变化有常，生克不乱，或吉或凶，自有条理。若内外爻象，纷纷竞发，则吉凶靡定，人情不常。必主事体反复，卒无定论。海底眼云：独发易取、乱动难寻。是也。

### **世或交重，两目顾瞻于马首；应如发动，一心似托于猿攀。**

世应皆不宜动，动则反变不常。马首是瞻，或东或西；猿猴攀木，身心靡定。皆言其变迁更改，不能一其思虑也。但世以己言，应以人言。海底眼云：应动他人易变。以应推之，世可知也。

### **用爻有气无他故，所作皆成；主象徒存更被伤，凡谋不遂。**

用爻，即主事爻也。如占文书，或尊长、音信等事，则以父母为主象。求财、妻妾、妇人等事，则以财爻为主象之类是也。喜旺相有气，不宜衰弱无力。若用爻有气，别无月建、日辰、动爻刑冲克害，乃为上吉好卦；从心所欲，无不称意。若用爻无气，而又被日辰、动爻克害刑冲，乃是大凶下卦；枉费心力，必无可成之理。盖用爻衰弱，别无生助，比同空伏之象；虽然出现，亦是无用之物耳。故曰徒存。

### **有伤须救，**

**伤者：**身世主象，见伤于他爻也。

**救者：**动爻日辰，制伏于忌爻也。

且如用临申金，而被午火动克，则申爻受伤矣；若得日辰是未字合住之，不使之克；或日辰是子字冲散之，不能来克；或日辰是亥字制伏之，不许其克；皆为有救也。其他刑害等类，皆仿此。

若世身主象，见伤于月建日辰者，则真受其祸。盖二者为卜卦之主，无可救之道也。

### 无故勿空。

夫旬中空亡，有有故而空者，有无故而空者。凡遇日月动爻伤克，而在空亡，谓有故而空，避之可也。若无刑冲克害，而身世主象自落空亡，此为无故而空。大凶之兆。占病必死，占事不成，占人有难。盖空则虽有日辰动爻，难以扶持救援之故也。

### 空逢冲而有用；

凡遇卦爻空亡，今人不拘吉凶，概以无用论之。殊不知见冲亦有可用之处。盖冲则必动，动则不空。所以虽空而有用也。假如戊午日，占天时，得升之乾卦。（虎易说明：此卦引用不当。可换成无妄之乾卦为宜）。卦中父母空亡，却被日辰冲动，定有雨。惟忌火空见冲则不吉。

### 合遭破以无功。

卦中有合，所谋易遂。如两人同心协力，事必克济。惟恐奸诈小人两边破说，则未必不生一二猜忌之心也。故凡遇合，须防刑冲克害以破之，则不成合。

且如寅亥两爻，本相和合；若有申字动，则申金克了寅木，又害了亥水，故虽合亦无功用矣。三合同看。天玄赋有合处逢冲之论，宜详味之。

### 自空化空，必成凶咎；

六甲空亡，犹深渊大壑，人不可履之地。若世身主象，无故而自入于空；或发动而入于空者；皆为大凶之兆，作事不利。惟忌爻见之反吉。

### 刑合克合，终见乖淫。

合者：合和也。凡占见之，无不吉利。然人不知，合中有刑有克。合而有克，毕竟不和；合而有刑，终成乖戾。

且如用午字为财爻，未字为福爻，午与未合，然午带自刑，名为刑合。占妻妾多不正，占财亦是不正之财也。克合，如丑子之类是也。余俱仿上。

虎易说明：以上：“午字为财爻，未字为福爻”，把两者的关系颠倒了。读者自宜分辨清楚。

### 动值合而绊住，

大凡动爻不遇合爻，然后为动。若有合，则绊住而不能动矣。故虽动亦作静爻论之。然有吉有凶，不可一概而论。且如用财而兄弟发，若有日辰合住兄弟，则不能克，而财爻不受其伤矣。子孙发动，而被日辰合住子孙，则不能生，而财爻不蒙其惠矣。

故凡所忌之爻动而合住，则不成凶；所喜之爻动而合住，则不济事。三合，三爻俱动为合住。六合，两爻俱动为合住。

### 静得冲而暗兴。

大凡占得六爻不动之卦，不可便以为安静。若被日辰冲之，则虽静亦动。譬如夜卧之人，无所挠括，则不醒寢。苟或被人冲唤，及推摸摇拽，百计叫醒，莫能安然而熟睡矣。

故天玄赋以为逢冲暗动。但不可只以日辰取之，有旺动之爻亦能冲起。其吉凶详见天玄赋中。

### 入墓难克，

墓者，滞也。动爻遇之，亦沉滞而不能脱洒矣。且如寅为主象，而卦中动出酉字、丑字，本嫌酉金克伤寅木，喜得丑乃金之墓库，则酉贪入墓，而寅木不为其所伤矣。余仿此推之。刑冲克害，亦当同看。

### 带旺匪空。

旺者，旺相爻也。谓春月木旺火相，夏月火旺土相，秋月金旺水相，冬月水旺木相，四季之月，土旺金相。古人所谓当生者旺，所生者相是也。此爻空亡，不作空论。以其有气故也。虽日下见阻，过旬则成。

古人云：旺相空亡过一旬。谓值过此一旬则不空，而谋事始成矣。

### 有助有扶，衰弱休囚亦吉；

此指主事爻而言也。且如主事爻无气，本为不美；喜得日辰、动爻、月建生扶合并，则虽无气，不作衰弱论。譬如贫贱之人而遇贵人提拔，则困苦相忘于扶持之下矣。但忌爻无气，则不可扶也。

### 贪生贪合，刑冲克害皆忘。

刑冲克害，四者皆凶恶之神。若得傍有生爻合爻，则彼贪生贪合，自不为患矣。故曰忘。假如世坐子，而动出卯字，此正无礼刑，本为凶兆；如得傍爻动出戌字，则卯贪戌合，不暇刑子。此贪

合忘刑之例也。

又如世坐巳字，而卦中动出寅字，木能生火，所以忘其刑也。

又如用临巳字，动出亥字，亥本冲巳；若得动出亥、卯字，则亥水贪生卯木，不暇冲于巳矣。此乃贪生忘冲之例。余皆仿此推详之，可也。

### 别衰旺以明克合，辨动静以定刑冲。

夫地支有不和者，无怪乎其相克也。相冲、相刑、相害是也。然不别衰旺，辨动静，则谬于所用也。盖旺爻能克衰爻，衰爻克不得旺爻；旺爻合得起衰爻，衰爻合不起旺爻。动爻刑得静爻，静爻刑不得动爻；动爻冲得静爻，静爻冲不得动爻。故也。余皆仿此。

又如日辰与卦爻，则又日辰害得卦爻，卦爻害不得日辰。余亦仿此。

或问：静与衰爻伤不得动与旺，若遇动爻反衰，静爻反旺，则如之何。曰：两爻俱静，以旺为先；有动，以动为急。盖动，犹人之起；静，犹人之伏。彼虽旺，何畏哉。故曰：动爻急如火。

如占婚，以间爻为媒。间有两爻，亦当以此定之。若俱静俱动，或无旺无衰，则当取动爻，日辰冲之者为正，无冲，则看并起者为媒也。又无合并，然后看日辰生扶之爻。如此，则事归于一，而无两端之疑也。

此篇乃卜筮之精微处也。故凡此类，不能不辨，不得不载。学易者勿以琐碎目之，可也。

### 并不并、冲不冲，因多字眼；刑非刑、合非合，为少支神。

卦爻即成，未免有合并刑冲类。然多一字，则不成其名；而少一字，亦不成其名也。

且如子日卜卦，卦中有一子字，则谓之并。若有二子字，则分开而太过矣。名虽为并，而实不能并也。二午则不冲，二丑则不合，二未则不害，二卯则不刑，二巳则不克。此多一字，而不成其名也。

又如寅巳申为三刑，若有寅巳二字，而无申字；或有寅申两字，而无巳字；或有申巳两字，而无寅字；则不成刑。

又如亥卯未为三合，或有卯未而无亥，或有亥卯而无未，或有亥未而无卯，则不成合。此少一字，而不成其合也。

三刑三合，须见两爻动，刑合得一爻起；一爻动，刑合不得两爻起。此又不可不知。

三刑古诀谓丑刑戌，戌刑未，未刑丑类。最误初学。盖三者相见，彼此皆刑。非谓丑能刑戌，而不能刑未；未能刑丑，而不能刑戌也。如辰午酉亥为自刑，《问卜易览》以辰见辰，午见午，酉

见酉，亥见亥定之，尤为谬妄。盖自刑者，以其自刑，而不与他爻相刑之谓也。又何必见辰见午为刑哉。

### 爻遇令星，物难我害；

令星者，四时月令之辰。春木、夏火、秋金、冬水。亦是得时健旺之星。虽见刑冲克害，不能挫其势。故曰：物难我害，逢空一半力。

### 伏居空地，事与心违。

伏，伏神也。卦上六爻为飞神，飞之下本宫六爻为伏神。飞为显，伏为隐。若卦有主事爻，不必更寻伏神；若不出现，须寻伏在何爻之下；看其虚实，以定吉凶。若六爻既无主象，伏神又临空亡，事决不成。

假如丙申日占文书，得泰卦。六爻无父，而本宫父母却伏在九二官爻下，仍旧空亡，所以无成也。

### 伏无提挈终徒尔，飞不推开亦枉然。

伏神空亡，凡事不利，不须再看。若不空亡，必须冲开飞神，提起伏神，然后有望。

假如占文书，得贲卦。六爻无父，而丙午文书，却伏在六二己丑他宫兄弟下，可言相识把住文书也。得日辰动爻有未，刑冲得丑破，或有寅卯克得丑，方可露出伏神文书为用爻。又须得子冲起午，有未合起午，有寅卯生扶午，方得其力。否则，迟滞难成。不可便指为有用也。故伏要提，飞要开，二者不可偏废也。六冲最紧，六害不能出，亦不能破，卜易不可不知。六爻所伏，是事情盖有根有苗，终须再发。无动无伏，无生无化，无旺气，又世坐空亡，永无再发之理。

如十二月甲辰日，占被人诉讼，得贲卦。世坐卯鬼空亡，便为无始，其事已散；却不知丙午文书，伏在他宫兄弟爻下，当时未曾损坏；又日辰并起空爻下，本宫丙辰兄弟，口舌尚存。春来木鬼旺相，生起文书，其事必再发。此看伏神法也。

又如丁亥日占讼，得观卦。世应比和，父在空亡，谓之两无心。而世下伏神又落空亡，后必不争论。此为不再发之例也。学者宜细玩之。

### 空下伏神，易于引拔；

伏神若得伏于空亡爻下，易于扶持。盖飞爻既空，犹无栏绊；盖一遇日辰动爻生扶冲合，即出

为用。不待伏爻上飞神破与不破也，故易于引擢。

古人论伏神，不看用爻现与不现，皆以世上一爻为飞神，世上本宫一爻为伏神。故八纯卦，世下无伏，则有乾家伏神坤家取之说。

愚谓：既有用爻，何必又取伏神。因无用爻，不得已而搜索之也。纵然伏神有用，亦成得迟，必主费力；些少受制，便不谐矣。如遇伏神透得出来，而月建日辰又带用爻，方可以速成断之。

### 制中弱主，难以维持。

用爻休囚，又被月建日辰制伏，纵遇生扶，亦不济事。盖衰弱遇克，如人攀枯枝朽木，岂不挫折也哉。纵有如膏之雨，难以望其回生。

### 日伤爻，真罹其祸；爻伤日，徒受其名。

日辰为六爻主宰，总其事者也。六爻为日辰臣属，分治其事者也。是以，日辰能刑冲克害得卦爻，卦爻则不得刑冲克害乎日辰也。月建与卦爻亦然。

### 墓中人，不冲不发；

大抵用爻入墓，则被阻滞，诸事费力难成。须得日辰、动爻冲破，或克破其墓，方有用也。

假如戊寅日占财，得同人之乾卦。用爻入墓，喜得日辰克破之，果有。此一卦，或见用空入墓，以为无财，殊不知虽空而遇冲，虽墓而克破；冲空则实，破墓则开。所以有用财也。

### 身上鬼，不去不安。

六亲中，惟官鬼为凶杀。世爻临之，若非职役人卜，多凶少吉。须得日辰动爻克去之，然后无事；或忌爻临于身世者亦然。然亦不可克之太甚，则我亦受伤。

先圣有曰：人而不仁，疾之已甚，乱也；惟贵得其中耳。

予曾于三月丁丑日占身，得鼎卦，不动；然不数日而泄泻作。后七月甲戌日占身，亦得鼎卦，不动；乃得安然无事。盖前丁丑日也，三月正旺，又并动卦中子孙辛丑爻克之，此则克太甚也。七月土衰，所以无事。

又如癸巳日有乡人，同卜官事者，一人得遁卦，乃受刑责；一人得恒卦，而两边和释。盖此二卦，官鬼俱带刑爻持世，皆非吉兆。然遁卦鬼爻虽空，而被日辰扶起，且无去官之爻；恒卦则喜日辰去之，又应生世，所以无事也。

### 德入卦而无谋不遂，

德者，德爻也。谓天地合其德也。盖天干地支，上下皆合是也。亦谓之龙神。生合为妙，克合次之。

如戊寅见癸亥，甲子见己丑之类。此爻为主象，所谋皆遂。

如九月己酉日，占文书，得小畜之蛊卦。五爻动出丙子文书，与世上辛丑作合；此正天地合其德也。果应在戊子日成了文书。

### 忌临身而多阻无成。

忌者，忌爻也。如用财则兄弟为忌爻，用官则子孙为忌爻之类。此爻持临身世，不拘公私，皆主阻滞而不顺。若或休囚无气，亦见费力艰难。如旺则必不成矣。其余所用仿此。

### 卦遇凶星，避之则吉；

凶星，刑冲克害是。避之，六甲空亡是。夫空之一字，极有玄妙；若执真空，便失先天之旨。盖百物自空中来，无中生有，还归于空。空中不受伤克，反有可成之机。

如六爻安静，用爻无故自空，此为真空，万事无成。若被日辰动爻刑冲克害于用爻，而用爻在空，此为避凶而空。

《金锁玄关》所谓：克空为用是也。即是不坏，但目下略阻，过旬即成。

如六月壬申日，占子病，得姤之大过卦。父母旺动，用爻无气，本为凶兆；喜得用爻在空避之，果至丙子日愈。盖至丙子，则前面已过，又遇用爻帝旺之地，故也。

### 爻逢忌杀，敌之无伤。

忌爻发动，凡事不利。喜得比肩同类，帮助用爻以敌之，不弱于彼，事亦可成。

假如用爻在未，而卦中动出寅卯字，则土被木克，而受其伤矣；若得月建日辰上，有辰戌丑未帮扶未土以敌之，则彼将寡不敌众，而自止矣。

又如七月乙未日，为脱役事，占得损之节卦。官鬼发动，财爻助鬼伤身，本不可脱；喜得日辰未土，六五又变戌土，扶助世上丑土，有气敌之，鬼不能伤。果应无事。

### 主象休囚，怕见刑冲克害；

休囚则不能敌杀。故怕见之。如五月乙未日，占财，得泰之大畜卦。用爻无气，又被日辰克害，果无望。

### 用爻变动，忌遭死墓绝空。

死墓绝空，乃陷井之地，大凶神也。死不复生，绝不复续，入墓则不能出，堕空则不能起。若主象发动而化入者，不问公私大小之事，皆主不成。占病逢之，必死无疑。

### 用化用，有用无用；

卦中既有用爻，不可再化出来，谓之化去。且不独用爻自化，或旁爻化出，皆不济事。故虽有用爻，此同无用爻之卦一般。占病尤忌。

### 空化空，虽空弗空。

假如甲辰旬中占卦，卦中寅动空亡，而化出卯字亦空，谓之空化空。可作一半用。盖本寅字当了空亡，后来卯字不作空矣。故虽空而不为空也。《金锁玄关》谓：重空不空。亦是此意也。

### 养主狐疑，

养，涵养之象。即长生中第十二位之星是也。若主象化入此爻，主凡事未决，狐疑不定。

诀云：金养于辰，木养于戌，火养于丑，水土养于未。

若用爻属申酉金，动而化出之爻是辰字，木动而化入于戌之类。是也。

### 墓多暗昧。

大抵凶爻要入墓，吉爻不要入墓。

《金锁玄关》有：人墓、事墓、鬼墓之别。

《天玄赋》有身、世、命，随鬼入墓之论。皆大凶之兆。

占病遇之，九死一生；捕获遇之，深遁难觅；人物遇之，愚蒙不振；失脱遇之，暗藏不见。盖墓者，滞也。暗昧不明之象。卦中主象带刑动入墓者，占病必死，占讼入狱。

### 化病兮伤损，

病，即长生对冲之神也。主象化出病爻，凡事有损。占病未痊；占物不中；占药无效；占文书

有破绽；占行人未回；占身命带疾；占妇人必不贞洁；占容貌必有破相。故曰伤损。

### 化胎兮勾连。

胎，即长生中第十一位之神也。决云：金胎在卯，木胎在酉，火胎在子，水土胎在午。若主象化入胎爻者，主迟滞不响快。占行人。主象化入胎爻，必有羁绊，未能动身。如占盗贼及失脱，若官鬼化入胎爻者，主外勾里连也。

### 凶化长生，炽而未散；

主事爻化入长生者，皆吉。即是成得迟耳。惟坏事之爻化入长生者，则其祸根始萌，日渐增长，凶恶之势，必盛而后已。如占病，福化长生，日渐减可；鬼化长生，日加沉重。直至墓绝日，始杀其势。

### 吉连沐浴，败而不成。

沐浴，即四败也。决云：金败在午，木败在子，火败在卯，水土败于酉。如用爻及所喜之爻化入败爻者，皆凶。

盖败之名，即不成之义也。若忌爻化入此爻，则不成凶。或赌博争斗，成谋之事，尤为大忌。予卜供膳，得临之兑卦，应临财爻生世，本吉；但嫌其化入败爻，后果应不能济事。

### 戒回头之克我，

回头克，乃用爻化出忌爻也。亦谓之本爻受克。凡事遇之不吉。世身亦不宜。如金化火，水化土类也。

### 勿反德以扶人。

古人有：“相生须用他生我，相克须还我克他”之句。若主事爻不生合世身，而反生合应爻；或应爻不生世，而世反生应者，皆谓之反德扶人。凡占遇此等之卦，必主费力艰难。必代人占卦，乃为顺利，事必易成。此又学者之所当知也。

### 恶曜孤寒，怕日辰之并起；

刑冲克害乎我者，为恶杀。非大杀、劫杀类。若得无气而又孤立无助，虽来伤我，必能敌之。

即是不坏。惟怕日辰扶并起来，则必仗其势而肆毒于我，乃可畏也。

### 用爻重迭，喜墓库之收藏。

用爻重迭太过，若无日辰、动爻损之，必须得墓库收藏，然后可望。

且如丁丑日占财，得益之萃卦。卦中有两重财，初九、上九又化出两重财，日辰又是财，共有五重财；本为太过，不济事；喜得世上有辰字财库，谓之财有库藏，主有财也。余仿此。

### 事阻隔兮间发，

古云：世应当中两间爻，发动所求多阻隔。盖此二爻，居世应之中，隔彼此之路，动则两边隔绝。故也。

要知何人阻节，以五类推之。如父母动，乃尊长之属。

### 心退悔兮世空。

占事，若应不克世，日辰无伤，用爻有气，而世自落空；其人心堕意懒，不能勇往精进，以成其事也。

### 卦爻发动，须看交重；

凡遇卦不安静，当以动爻交重论之。交主未来，重主过去。

如占逃亡，卦有父动，主有音信。若交爻，当有人报信；如重爻，则信已先知。他仿此。

### 动变比和，当明进退。

动爻变出之爻，若比合，则当以进退论之。若寅化卯为进神，卯化寅为退神。进主上前，退主落后。

如占行人：用爻发动，若化进神，不日可望；化退神，则虽起程，亦他往未归也。

又如占宅，火在二爻动，可言其家灶常迁改。若化进神，必移于前；化退神，必移于后。他仿此。

### 杀生身莫将吉断，用克世勿作凶看。盖生中有刑害之两防，而合处有克伤之一虑。

夫世身二爻，莫不喜生合，而恶伤克。若执定是法推之，则所谓胶柱调瑟，而不能达其变矣。

岂所谓变易之道耶？

且如日辰、动爻来生合世、身，而日辰动爻系是主象之忌神，则虽生合于我，亦何益哉。况生合之中，有刑、有克、有害，故见杀生身者，不以为吉。

又如主事爻动来克世克身，乃是事来赶我，必然易成易就，我虽见克，亦何伤哉？

故云：克世者不以为凶。此乃卜易之活法，通变之妙理，学者所宜潜玩也。

### **刑害不宜临用，**

凡遇刑爻为主象，必主不利。占事事不成，占物物不好，占病病必死，占人人有疾，占妇人必不贞洁，占文书必有破绽，占讼利必有罪责。

害爻为主象，必坏事。大概与刑爻相类。化入者亦然。然又须以衰旺分其轻重详之。

### **死绝岂可持身；**

死绝二爻，临持世身主象者，必不利。占人有难，占病无救，占医无效，占事不济。变动化入者亦然。

### **动逢冲而事散，**

冲之一字，不可一例推之。如空爻逢冲则实，动爻逢冲则散，又谓冲脱。静逢冲则动，又谓冲起。故凡动爻逢冲，吉不成吉，凶不成凶也。

### **绝逢生而事成。**

大凡世身主象，临乎死绝之地，而临遇生扶者，乃为凶中有救，大吉之兆也。《天玄赋》有绝处逢生一篇，苟能沉潜玩味，玄妙自能采取。然所谓生者，不可执定日辰断之，动爻月建皆是也。

且如寅日酉用，而有辰戌丑未爻动，是为绝处逢生也。午日寅用，而有亥子水爻动，是死处逢生也。余以类推之。

### **如逢合住，须冲破以成功；**

卦中用爻，遇日辰合住，或两爻自相合住者，不拘喜忌，皆不见效。须待冲破，或克破合爻，然后吉者吉，凶者凶。此下兼言期日之法。

且如用爻动来生合世身，凡事易成。若遇合住，则又阻滞。必待冲、克、破合之日，事始有成。

**若遇休囚，必生旺而成事。**

期日之法。不可执一，当圆变活法推之，庶无差误。

如用爻合住，则以冲破之日断之矣；若或用爻休囚者，则非生旺不能成其谋。故无气当以旺相月日断之。若用爻旺相不动，则以冲动月日断之；若用爻有气发动，则以合日断之，或以本日断之；若用爻受制，则以制杀月日断之；若用爻得时旺动，又遇生扶者，此为太旺，当以墓库月日断之；若用爻无气发动，而遇生扶者，即以生扶日断之；若用爻入墓，则以破墓月日断之；若用爻空亡，则以冲动月日断之；若用爻旺空，或空而逢冲、逢并、逢动者，则以过旬断之；若占散事，又当以用爻死墓绝日断之。

以上数节，乃撮其大要，以提醒后人。其中更玄妙之理，学者自当融通活变，分其轻重强弱定之，不可一途而取也。

**速则动而克世，缓则静而生身。**

此亦言日辰之法也。以用爻动静生合，定迟速缓急。且如占行人，若用爻发动，或应爻发动，可言其人身已起程矣。然来生世，则迟缓，克世即速到。余仿此。更当以衰旺论之也。

**父亡而事无头绪，福隐而事不称情。**

占法曰：“卦无父母事无头，卦无子孙不喜悦。”盖父母主事，子孙则喜庆之神也。故无父，则事无头绪；无福德，则事不称情也。

**鬼虽祸灾，伏犹无气；**

官鬼虽为祸害，然六爻亦不可无。但宜静，而不宜动耳。若无官爻，则诸事无气。故《通玄妙论》有无鬼无气之论。宜细玩之。

**子虽福德，多反无功。**

子孙虽为福德，然不可重迭太多。多则杂，杂则乱而不专一。故曰无功。盖过犹不及之意也。

**究父母，推为体统；论官鬼，断作祸殃。财乃禄神，子为福德。兄弟交重，必主谋为多阻滞；**  
此概言五类神之大略也，后卷分明，自有断法，不及细论。

**卦身重迭，须知事体两交关。**

卦身一爻，为万事本体。若六爻中有两爻出现，必是鸳鸯求事，或事于两处。若带兄弟，必是与人同谋。兄弟克世，或带官鬼发动，必有人争谋其事也。

卦身不出现，事未有定向；出现持世、合世、生世，其事已定。宜出现，不宜变动，动则须防有变。若系喜神，不以此论。遇吉神而化忌爻，主先成后败；遇凶杀而化吉神，主先难后易。

若六爻无卦身，而动爻有化出者，即是此人来言其事也。如子孙为僧道类。卦身持世，或临本主人，或在本宫内卦，切己之事；临应爻，他人之事。六爻飞伏，皆无卦身，其事根由未的。卦身空亡，诸事难成；休囚死绝，诸事无气。大抵卦身，宜作事体看，不可作人身看。若占人，则是其人之身，非来占者之身也。

今人莫不以世与身爻同论，则误矣。但世身，喜生合，忌伤克。则无不同也。凡遇身克世，则吉；世克身，则凶。身若生世、合世，诸事易成；世生合身，难成。

**虎兴而遇吉神，不害其为吉；龙动而逢凶曜，难掩其为凶。玄武主盗贼之事，亦必官爻；朱雀本口舌之神，然须兄弟。疾病大宜天喜，若临凶杀必生悲；出行最怕往亡，如系吉神终获利。是故：吉凶神杀之多端，何如生克制化之一理。**

大抵卜易，当执定五行六亲，不可杂以神杀乱断。盖古神杀，至京房先生作易，乱留吉凶星曜，以迷惑后学。如天喜贵人，往亡大杀之类皆是。今人宗之，无不敬信。虽《天玄赋》亦甚用之，其他不足论也。而其不用者，其惟《海底眼》、《卜易玄机》、《金锁玄关》之三家乎。

然神杀太多，岂能悉辨。合以六神言之，其法莫不以青龙为吉，白虎为凶，见朱雀以为口舌，见玄武即为盗贼。不分临持喜忌，概以所性断之。吾谓其大失先天之妙旨。何则？白虎动，固凶也；若临其所喜之爻，生扶拱合于世身，则何损于吾。故虽凶，不害其为吉。青龙发动，固吉也；若临所忌之爻，刑冲克害乎主象，则何益于事。故虽吉而难掩其为凶。朱雀虽主口舌，然非兄弟则不能；玄武虽主盗贼，若非官鬼则不是。盖六神之权，依于五行六亲故也。

又如天喜，吉星也。占病遇之，虽大象凶恶，不以死断，喜神故也。若临于所忌之爻动，吾必以为悲，而不以为喜。往亡，凶杀也。出行遇之，虽大象吉利，必阻其行，死亡故也。若临于所喜之爻动，吾必以为利，而不以为害。盖神杀之权轻，而五行之权重故也。

由是观之：遇吉则吉，逢凶亦凶。系于此，而不系于彼；有验于理，而无验于杀。何必徒取幻妄之说哉。不然吾见其纷然繁据，适足以害其理而乱吾心，岂能一一中节耶？

盖神杀无凭，徒为断易之多歧，而不若生克制化之一理为要。能明其理，则圆神活变，自有条理而不惑矣。

六亲，本也；六神，末也。至于吉凶神杀，又末中之末也。必欲用之，则当急于本而缓其末，惟六神可也。然六神但可推决事情，至于休咎得失，又当专以六亲为主。如此，则本末兼该，斯不失其妙矣。学者详之。

### 呜呼！卜易者知前则易，

世人卜筮，皆泥古法，不知通变，达其道者，鲜也。故有龙虎推其悲喜，水火断其雨晴，空亡执作凶吉，身位定为人论。凡此之类，难以枚举。

予作是书，取理之长，舍义之短，阐古之幽，正今之失。凡庸占俗卜之执迷古法者，亦莫不为之条解。有志是术者，苟能究明前说，自知通变之道矣。其于易也何有，故曰卜易者知前则易。

### 求占者鉴后而则灵。

推占者，固当通变。而求占者，亦不可不知求卜之道也。后即诚心是也。

### 筮必诚心，

圣人作易，幽赞神明，以其道合乾坤故也。故凡卜筮，必须真诚敬谨，专心求之；则吉凶祸福，自无不验。今人求卜，多有科头跣足，短衫露身，甚至有不焚香，不盥手者。呜呼！忽略如此，而欲求神明之感格者，未之有也。神明不格，而欲求吉凶之应者，亦未之有也。可不慎欤。

### 何仿子曰。

阴阳历书中，有子不问卜之说。故今人多忌此日。

愚谓：吉凶之应，皆感于神明，神明无往不在，无日不可格，能格其神，自无不验矣。故凡卜筮，在人之诚不诚，不在日之子与非子也。

且其说，又有辰不哭泣之忌。若辰日临丧，亦可以笑对吊者耶？此不足信也，明矣。

且如丙子日，袁柳庄卜脱役事，得姤卦安静。鬼临应爻，却被日辰冲动，世受六害，果应难脱。又谈朝辅卜诉讼，得蒙之未济卦。官鬼空亡，果应不成。又戊子日周焚松卜官讼，得离之贲卦。日辰扶起官鬼，冲克世爻，财爻又动，此必助鬼伤身，果被妇人执罪。又丙子日卜倭寇，得噬嗑卦。鬼爻衰静，果应不来；但被日带父爻六害，乃受风雨淋漓之苦也。

以上数占，皆系子曰，未尝少误。果如历家言，何其事乃俱应耶？故凡占卜，贵乎秉诚，不贵择日。

以上全篇，总说断易之法，乃通章之大旨。不知此，则诸事难决。有志于是者，当先观此篇。若能沉潜、反复，熟读详味，此理即明，则事至物来，固将迎刃而解矣。其于易也何有。

生僻字注释：

(01)【舂】读音：chōng，一声。意为：把东西放在石臼或乳钵里捣去皮壳或捣碎。

(02)【粃】读音：xi，一声。意为：碎米。

(03)【粳】读音：jīng，四声。意为：舂过的精米。

(04)【饘餲】读音：zhān，四声。意为：食物腐败变味。

(05)【桀】读音：jié，二声。意为：夏朝末代君主，相传是个暴君。

(06)【瞻】读音：zhān，一声。意为：往前或往上看。

(07)【猱】读音：náo，二声。意为：古书上说的一种猴。

(08)【罹】读音：lí，二声。意为：遭遇，遭受。

(09)【羈】读音：jī，一声。意为：拘束。

(10)【跣】读音：xiǎn，三声。意为：光着脚。

(11)【欤】读音：yú，二声。意为：助词。表示疑问，反问，感叹等。

## 一、天时

**天道杳冥，岂可度思夫旱涝？易爻微妙，自能验彼之阴晴，当究父财，勿凭水火。**

天时一占，自《卜筮元龟》而下，皆以水火为晴雨之主，而不究六亲制化，盖执一不通之论也。惟《海底眼》有：“天相阴晴父母推”之说，深为得旨。然又引而不发。所以学者多泥古法，而不求其理，良可叹也。

且如古人以水爻为雨，其言旺动骤雨，休囚微雨。然水居冬旺，则雨岂独骤于秋冬，而轻微于春夏耶？知乎此，不攻自破矣。

故凡占天时，当看父财，勿论水火也。

**妻财发动，八方咸仰晴光；父母兴隆，四海尽沾雨泽。**

占天不以水为雨，而以父为雨者，父母为天，天变则雨。故也。妻财则父母忌爻，动则克制雨

神，所以主晴。卦中父动，主雨；财动，主晴。卦无父母，财爻又空，必然无雨；卦无妻财，父爻又空，必然不晴。

### **应乃太虚，逢空而雨晴难拟；**

占天时与占人事一般。人事应空则难成，天时应空则难望。如久晴占雨则无雨，久雨占晴则不晴。若卦中雨爻动，其应空，亦主迟缓，世空则来速也。世应俱空，雨晴难拟，须详父母妻财，及日辰断之。

### **世为大块，受克则天变非常。**

应为天，万物之体也。世为地，万物之主也。如世受动爻刑克，必有非常之变。如雨爻刑克，必是恶雨；风爻刑克，必遭恶风之类。又如财化火鬼，刑克世爻，若夏月卜卦，必是酷暑。卦无子孙及父母动者，则是迅雷惊电。余仿此。

### **日辰主一日之阴晴，**

日辰乃一日阴晴之主。不可依《金锁玄关》作太阳论之。若日辰兄弟，其日必有风云；子孙，其日必有霞彩；官鬼，其日必然阴晦。余仿此。若动爻刑克日辰者亦然。如财爻动克则晴，父爻动克则雨类。卦中动爻，被日辰克制者，其象必不变。倘父母动，日辰生扶之，则大雨。妻财动，日辰生扶之，则烈日。

### **子孙管九天之日月。**

阳宫子孙为日，阴宫子孙为月。旺则皎洁，衰则暗淡；空伏，则虽晴而被蒙蔽。子化子，日照霞明；属阴则月明星灿。化出墓绝，始虽明朗，终成暗晦也。

### **若论风云，全凭兄弟；**

风云，以兄弟爻论之。旺动，则风高云密；死绝，则云淡风轻。化出子孙，则清风彩云；化出官鬼，则顽云恶风也。

### **要知雷电，但看官爻。**

官鬼主雷电，动则必有雷声。旺相，霹雳惊雷；衰弱，云中虚闪。卦有两鬼皆动，主雷电交作；

鬼化鬼，亦然。鬼化财，或卦无父母，虽雷不雨。

### 更随四季推详，

父母主雨，妻财主晴，四时不易。其子孙、官鬼、兄弟，当随时推究，不可执一。详见于后。

### 须配五行参决。

凡占天时，固不可以水火为主；若五类所临，亦凭参究。

父母爻，四时主雨。若临金水，雨乃未止；临火土，虽雨不久；但临土，则雨虽止，而云不散；临木，则有风有雨之象也。

妻财爻，四时主晴。临金，必有烟雾；临水，必有朝露，或虽晴不久；化出父爻，反主有雨；临木，晴而有风；临土，晴而有云；临火，日丽中天。

兄弟爻临木，四时主风；临土，四时主云；临火，风云皆有；兄化兄亦然；临金，主有风沙；临水，则浓云也。又夏月新秋，遇火兄，主大热；冬月初春，遇水兄，主大寒。

子孙爻临金，四时皆为星月；属阳，则冬与正月为冰霜，夏秋为白云；临木，二三月为游丝，余月皆为日晷日色；临水，正月与冬季为冰雹雪霜，夏秋与二三月为朝露；临火，四时皆为日；临土，夏秋为巧云，二三月为霞，冬月为日。

官鬼爻临火，及未戌二土，为电；余皆作雷断。正月鬼动化父，或与父爻同发，主有春雪；盖春雪乃杀物之雪，非瑞，故也。若二月春分后，八月秋分前见之，皆以雷断。春分前，雷声未发，则湿云带雨之象，非雷也；秋分后，雷声即收，鬼如动，必有狂风拔木，林间震响之恶势。雷声即收后，与未发前，若鬼带三刑六害，乘旺动来克世，雷应非常之变，虽冬月，亦有震惊百里之象。

### 晴或逢官，为烟为雾；

卦得晴兆，鬼亦动者，必有浓烟重雾；或恶风，或阴晦，冬或大寒，夏或大热；或有日月薄蚀之变。必非风和日丽，天晴月皎之候。

### 雨而遇福；为电为虹。

卦得雨兆，子孙亦动者，非有闪电，则有彩虹。盖子孙主彩色。虹与电，亦有其象，故以类而推之。若执定日月霞彩，则胶柱而调瑟也。

**应值子孙，碧落无瑕疵之半点；**

凡遇晴卦，应临子孙动者，其日必然皎洁。或财临应动，化出子孙亦然。盖应为天，子孙为清光皎洁之神。故也。

**世临土鬼，黄沙多散漫于干村。**

晴卦中，世临土鬼发动，或土鬼动来冲克世身者，乃是沙落天也；兄弟化出土鬼亦然。秋冬见之，多主阴晦。或从子孙化出，当有云奔铁骑之象。

**三合成财，问雨那堪入卦；**

卦有三合成局，依五类推之。如成财局，有霞彩；成鬼局，有雷电类。

如久晴占雨，卦遇三合成财局，必然无雨。久雨占晴，卦遇三合父局，亦主不晴。

如五月甲申日占晴，得随之咸卦。辰子两爻俱动，与日辰申字，正合成父局，雨果不止。

**五乡连父、求晴怪杀临空。**

五乡：财官父兄子也。五类中，唯父母为雨。此爻空亡，或休囚不动，雨未可望。若遇动爻，化出父母，则主有雨；化出财爻，则主晴也。

**财化鬼，阴晴未定；**

财主晴明，鬼主阴晦。故遇财化鬼，或鬼化财，或鬼财皆动，必主阴晴未定。或先阴后晴，先晴后阴之象。卦无子孙，财反助鬼，必不晴也。

**父化兄，风雨靡常。**

父主雨，兄主风。两爻相化，或俱发动，皆主风雨交作。凡论先后，当以动者为先，变者为后。俱动，则以旺者为先，衰者为后。或曰：旺多衰少。

**母化子孙，雨后长虹垂螭螭；弟连福德，云中明月出蟾蜍。**

日月虹霓，皆属子孙。若遇父爻化出，必然雨后虹见；兄爻化出，则云中漏日。冬月兄化子，是雪片随风；夏秋，是风卷晴云。属阴，则风清月朗；三春属阳，则风和日暖也。父旺财衰，而兄动化子，当推云中闪电。更宜细究。

**父持月建，必然阴雨连旬；**

卦中六亲。皆不宜临月建，唯子孙一爻遇之为吉。其他如父临之，必主久雨；财临之，必主久晴。临父化水则潦，临财化火则旱。非水火而刑克世爻亦然。

**兄坐长生，拟定狂风累日。**

长生之神，凡事从发萌之始，直至帝旺，然后衰死。故遇长生，卒难止息。如父逢之，雨必连朝；兄逢之，风必累日；官逢之，阴云不散；财逢之，雨未可望；须至墓绝日，然后雨可止、风可息、云可开、阴可霁也。化出亦然。

**父财无助，旱潦有常；**

官鬼空伏，父母无气，而财爻旺动者，必旱；子孙空伏，妻财无气，而父爻旺动者，必潦。凡遇此象，最怕日月动爻，又来生扶合并，则潦必至浸没；旱必至枯槁。

如父财二爻，虽或旺动，却有制伏，或居死墓绝地，又无扶助者，虽旱有日，虽潦有时，必不为害。

**福德带刑，日月必蚀。**

子孙带刑，动化鬼；或官鬼动来刑害，或父带螣蛇来克，皆主日月有蚀。阳爻日，阴爻月。如八月庚申日，予卜中秋月，得家人之观卦，果应大雨。

**雨嫌妻位之逢冲，**

占雨要财爻静。若被日辰冲动，父母暗伤，雨未可望。父或发动，雨亦不多；不然当日必无雨。至财爻墓绝日，方可有雨也。若父爻安静，逢冲则有雨。

**晴利父爻之入墓。**

墓主晦滞。父爻动入，即是雨意，终不沾濡。财爻动入，亦是阴晴气候，入墓亦然。如五月丁丑日，占晴，得屯之无妄卦。父母虽动，然坐在墓爻，果应晴而阴滞也。

**子伏财飞，檐下曝夫犹抑郁；**

大抵占晴，以财为主。若徒有财而无子孙，或居空地而又变弱，此日有阴晴之象。盖财爻但主晴，不主日。得子孙出现不空，或发动，或旺相，或遇生扶，或逢冲并，然后有日。况无子孙，则财绝生意。官鬼专权，必非久晴之兆也。

### 父衰官旺，门前行客尚趑趄。

占雨以父为主。休囚死绝，便不可望。若得官爻当权旺动，生扶父母，亦主有雨。但忌父居空地，或在日辰制伏之乡，仍为无雨。然亦必有湿云载雨，凝滞不散之象。

### 福合应爻木动爻，而游丝漫野；

子孙乃旷达之神。若临木动合应，或在应上生合世身，必是风和日暖、游丝荡飏之天也。夏月熏风解愠，秋月风清月朗，冬月玉屑呈祥。属水，可言露珠。

### 鬼冲身位金星会，而阴雾迷空。

卦晴。而鬼临金水爻，动来冲克世身，或临卦身冲克应爻，或就临应上发动，皆主有浓烟重雾，蔽塞郊野之象。父母动则主雷鸣，非烟雾也。

### 卦值暗冲，虽空有望；

占雨，怕父空；占晴，怕财空。二者皆无成望。若日辰冲之，则冲空不空，过此一日，自有成望。欲定日期，亦以冲日、冲时断之。

### 爻逢合住，纵动无功。

父动有雨，财动须晴，理固然也。若被日辰动爻合之，名合住；虽动，亦依静看。合住财爻，不晴；合住父爻，不雨。大概是密云不雨之象。

辛丑秋，予寓江东欲返，值飓风大作，丁亥日，卜得困之震卦。兄弟父母俱动，合住应爻，果当日辰时止息。

### 合父鬼冲开，有雷则雨；

父母合住，本主不雨。若遇鬼动，冲破合住，当主将雨未雨，必待雷震，而后有雨也。冲爻是弟，发风则雨；冲爻是子，闪电则雨。日辰冲克同断也。

**合财兄克破，无风不晴。**

财爻合住，本不晴明。若得卦有兄动克破合爻，或日辰是兄，冲克破之，则必待风起，然后晴；无风则不晴也。

如辛未日占晴，得损之小畜卦。财被合住，喜得日辰带兄，冲破合爻，果应发风而晴也。

**坎巽互交，此日雪花飞六出；**

八卦属象：乾为天，为晴；坤为地，为阴；坎为水，为雨雪冰雹；离为太阳，霞电；艮为云；震为雷；巽为风；兑则星月、雾露类也。

若冬月卜卦，遇坎化巽，或巽变坎，必有风雪飘扬之象。若父兄交变，而子孙兼动者，亦然。若父动而子化子，则是雪月交辉之象也。

**阴阳各半，今朝霖雨慰三农。**

雨乃阴阳之象，郁结而成。故古人有“阴阳和，而后雨泽降”之说。凡占天时，得阴阳相半之卦，必然有雨。然亦必须将财父兼看。纯阳卦安静，占雨不雨，占晴必晴，动则主雨。纯阴卦安静，占晴不晴，占雨必雨，动则主晴。盖阳动则变阴，阴动则变阳。故也。纯阴卦，动出父爻，终有雨；纯阳卦，动出财爻，终晴。

**兄弟木兴系巽风，而冯夷何其肆恶；**

占天，遇兄弟属木在巽宫，乘旺动来刑克世爻，当有飓风之患。更与父爻同发，必成风雨。若化官，定然伤物。化出水，风雨兼作。化出火土，惟云耳。

**妻财火动属乾阳，而旱魃胡尔行凶。**

财临火动，或从火化，或化火爻，或变入乾卦；而又遇月建、日辰、动爻生扶合助者，必主大旱。若六爻无水，父母死绝，或父与水爻在空，而财福当权旺动亦是。

**六龙御天，只为蛇兴震卦；**

震卦又为龙象。若有青龙腾蛇，在此宫动者，必有龙现。虽非龙蛇，而在辰巳爻上旺动者，亦主有龙。从父化出，先雨后龙现；化出父爻，先龙后雨；父爻安静，或空伏，龙虽现而无雨。化财

亦然。若蛇龙辰巳等爻，临鬼动者，非龙，乃电掣金蛇也。

### 五雷驱电，盖缘鬼发离宫。

电，雷之光也。有声曰雷，无声曰电。若鬼在离宫动，当以五雷驱电断之。盖离有彩色之象。故也。火鬼亦然。金化火，火化金，雷电交作。凡鬼爻旺相，雷声必烈；休囚，其雷稍轻；克世临金，或带自刑，虽不旺相，声亦惊骇。属土无气，隐隐轻雷也。

《金锁玄关》及《卜易玄机》，以鬼临金火，皆作电断。愚谓：金乃有声之象，火则然矣，金何理乎？故不敢取。

### 土星依父，云行雨施之天；木德扶身，日暖风和之景。

土主云，父主雨。故土临父动，有云行雨施之象。木主风，财主晴。故木临财动，有日暖风和之景。变化者亦然。

### 多雾多烟，爻上财官皆动。

财动本晴。若鬼爻亦动，或日辰带鬼，持克世爻，必先有烟雾而后开晴也。官旺财衰，大雾重如细雨；鬼衰财旺，烟迷少顷开晴。

### 身值同人，虽晴而日轮含耀；世持福德，纵雨而雷鼓藏声。

凡卜天时，被世爻所克者，必无此象。如兄弟持世，则克财爻；财若旺相，亦非皎洁天气。子孙持世，则克官鬼；官若发动，虽雨必无雷声。他仿此。世若安静，或落空亡，皆勿断。被日辰克制者，其象必然。

### 父空财伏，须究辅爻；

占雨：父为主，鬼为辅；占晴：财为主，子为辅。若财父皆空，或俱不出现，或一空一伏，则雨晴难定；须究辅爻衰旺动静，庶可推决。如鬼爻旺动，日月动爻又来生合，亦主有雨。子孙旺动，鬼爻墓绝，亦主晴。或官与子俱静，则有日辰生合冲并者为急。

如五月甲戌日，久晴占雨，得屯卦。财不出现，父爻衰空，同是雨晴难定之象。喜得日辰冲并，卦中土鬼暗动，果应有雨。但鬼临土爻克水，所以雨亦不多矣。

### 克日取期，当明占法。

占雨，看父爻；占晴，看财爻；占风，看兄爻。久晴占雨：父爻衰弱，生旺日有；父爻安静，冲动日有；父若发动，合值日有；月建是财，出月断之；卦无父母，财爻墓绝日有。

久雨占晴：财爻衰弱，生旺日止；日辰是财，当日即止；卦无财爻，父母墓绝日止；月建是父，出月止；日辰是父，财虽有气，当日必不能止也。若衰爻遇有扶起者，即以扶爻断之。

如占一日阴晴，当以时刻取期也。

### 要尽其详，别阴阳而分昼夜；

阴阳之分，当以卦宫取，勿以爻象论。阳以昼言，阴以夜言。或曰：外卦阳爻，以上午断；内卦阳爻，以下午断；外卦阴爻，以上半夜断；内卦阴爻，以下半夜断。又阳化阴，昼兴夜作；阴化阳，夜兴昼作。

又曰：阳宫阳爻，午前推之；阳宫阴爻，午后推之。阴宫仿此。

### 欲推其细，明衰旺以定重轻。

衰旺以四时言，旺则重，衰则轻也。有气而又临生旺之地者愈甚，无气而又临墓绝之地者尤微。旺变衰，先重后轻；衰变旺，先轻后重也。

### 能穷易道之精微，自与天机而吻合。

生僻字注释：

(01)【冥】读音：ming，二声。意为：深奥。

(02)【晷】读音：gui，三声。意为：日影。

(03)【瑕疵】读音：xia，二声。ci，一声。意为：微小的缺点。

(04)【螭螭】读音：di，四声。dong，一声。意为：虹。虹的别称。

(05)【蟾蜍】读音：chan，二声。chu，二声。意为：传说月亮里面有三条腿的蟾蜍，因此，古代一般用来指月亮。

(06)【霓】读音：ni，二声。意为：大气中有时跟光同时出现的一种光的现象。

(07)【潦】读音：la0，三声。意为：雨水大。

(08)【霁】读音：ji，四声。意为：雨后或雪后转晴。

( 09 )【飏】读音：yang，二声。意为：飞扬，飘杨。

( 10 )【冯夷】读音：feng, 二声。yi，二声。意为：冯夷为古代神话中的黄河水神，也称河伯。

( 11 )【魃】读音：ba，二声。【旱魃】意为：古代传说能引起旱灾的怪物，也称旱神，旱鬼。

## 二、年时

**阴暗晴暑，天道之常；水旱兵灾，年时之变。欲决祸福于一年，须审吉凶于八卦。**

所谓年时，一年中，四时事也。远则国家，近则官府；大则天道，小则人物；皆在六爻内。凡推及此，必须仔细。不比人事一端之易，学者宜用心焉。

**初观万物，莫居死绝之乡；**

万物属初爻。临财福吉，临鬼杀凶。生旺有气，五谷丰登，六畜兴旺。空亡墓绝，则六畜多灾，五谷亦欠收也。受克亦然。

**次察群黎，喜在旺生之地。**

二爻为人民之位。遇子孙，四时安乐。逢官鬼，太岁多灾；发动克世，民多为盗。自空化空，民多暴死。空动，生合应爻，民多迁徙外郡。火鬼化父，小儿多出痘疹。

**三言府县官僚，兄弟则征科必迫；**

三爻属阳，以府官断；属阴，以县官断。属阴土，以府州县僚佐官断。

三爻临世，或是本官，以本县官断。无故自空，县必缺任。逢空而遇应上鬼冲，必有外郡官摄政。发动逢空，将已辞印。化进神，有升擢之喜；化退神，有降谪之忧。

生合世爻，或初二爻者，有仁民爱物之心；刑克，则克制小民。非良吏也。若临子孙，清廉正直；临官鬼，酷毒好刑；临兄弟，贪暴无耻。

兄动克世而生合五爻，或岁君者，必主其年官府征科急迫也。

**四论朝廷宰相，冲身则巡警无私。**

三公九卿，上司官，皆在四爻。若能生合世爻、二爻，必有忧民官在朝。生合五爻，刑克二爻，朝廷皆阿谀之臣。发动，以出巡官断之。

临子孙，正直无私。生合持世，必能为民除害。

兄动化财，与世刑克，其年当有征索旧欠官来也。若临应上，或化空亡，必不入我境界。若与其身相冲，遍巡四境。

如遇鬼化鬼，一年官，两度来；或有两员官来也。

### **五为君上之爻，**

五爻为天子之位，最不宜动来刑克世爻，其年必受朝廷克剥。若临财福，生合世爻，必有君恩。化出父母，当有赦宥。空动，有名无实。

或虽生合世爻，却被三四爻克制、合住者，纵有君恩，官府隐瞒，不能下及百姓。制爻衰死，亦主半被侵捺。

五爻自空，其年天子有崩伤之忧。化出子孙回头克制，必主太子摄位。五爻空动，冲身冲岁，有巡狩出外事。

四爻制克五爻，当有奸臣专国。四爻旺，五爻衰，恐谋不轨。

### **六为昊天之位。**

六爻为天。若空，其年必多怪异事。盖天无空脱之理。所以，主有变异也。如子孙为日食星陨类。若遇兄动，亦主有惊怪不常之变。此于空亡之异，为尤甚也。

### **应亦为天，克世，则天心不顺；世还为地，逢空，则人物多灾。**

应爻又作外郡，世爻又作本境看。

### **太岁逢兄乘旺，有温州之大颶；**

太岁，乃一年主星。惟遇子孙为吉，其他皆非所利。如临兄，出现变动，其年必多恶风；乘旺克世，有颶风之灾。若属金水，或化父母，或与父爻同发，风水之祸，必不能免。化兄一年雨作。

### **流年值鬼带刑，成汉寝之轰雷。**

流年，即太岁。若临官鬼发，其年必多恶雷。带刑克世，必伤人物。六亲中至凶，莫若官。六爻遇之，皆遭其祸。如初爻遇之，物不利；二爻遇之，人不安。六爻无官，年月不带，方为大吉。纵有旱潦年灾，必不至于大害。出现逢空，或衰绝不动，亦不妨。

**发动妻财，旱若成汤之日；交重父母，潦如尧帝之时。**

财临太岁，其年雨水必不周遍。更临火爻，或火化其生扶，而父爻衰弱者，定主亢旱。若父持太岁，其年雨水必多，更化水爻，又临生旺之地，而财爻空伏无气者，必主大水。世克如不伤世，则五谷不损。

若只占年时水旱，不必拘定太岁，但看财父可也。有动，以动为胜；不动，以旺为胜。克世则可畏。

**猛烈火官回禄，兴灾于熙应；**

鬼在乾宫，或在六爻上动，当以雷断，其余不可乱言。如卦中火鬼动，其年有火灾。若与世无干，而与应爻克冲者，乃是外郡被灾，与本境无涉也。

**汪洋水鬼玄冥，作祸于江淮。**

水鬼发动，其年必有水灾。在外卦，或化父母，或冲动父母，是雨水淹没。在内卦，是河决海翻。若不克世，虽溢无事。如戊午年正月辛亥日，卜年时，得蒙之中孚卦。水鬼与应上父爻俱动，伤克世爻，妻财又伏；其年果应风雨连月，水溢田中，五谷淹腐殆尽也。

**尤怕属金，四海干戈如鼎沸；**

金鬼发动，其年必不宁静。盖金乃兵象，故也。在四五爻上，是大臣谋叛；冲克应爻，生合五爻，是朝廷征讨。在外卦，又属他宫，是夷狄侵犯中华。

鬼化鬼，或两鬼俱动，必非一处作乱。卦身逢之，四海皆然。太岁逢之，一年不得安静。空动是虚，或化空绝，化败病，或化回头克，或被月建日辰动爻克制，虽或反乱，终必败亡。休囚发动，不过强梁盗贼。

甲寅正月庚申日，卜倭乱，得困之大过卦。六三午火鬼动，化出酉金兄弟，带刑克害，其年果应倭贼大乱。火主烧，金主杀，兄又劫财，所以，其年劫烧杀伤，不可胜计。

**更嫌值土，千门疫疠若符同。**

土鬼发动，其年多瘟疫。生旺为甚，休囚稍可。在艮宫动，瘴气亦重。克世，人多疫死，世克不妨。鬼带白虎，亦是瘟疫兆也。

**逢朱雀而化福爻，财动则旱蝗相继；**

鬼带朱雀动，化子孙，刑克身世，主有蝗虫之灾。盖朱雀能飞，子孙又禽虫之属，故也。财临太岁，虽非朱雀，若化子，在生气爻上亦然。更遇财爻亦动而无制伏者，必主旱蝗相继之岁。

**遇勾陈而加世位，兄兴则饥馑相仍。**

勾陈，职专田土。官鬼逢之，必非大有年。持世克世，必然歉收。财化兄，或与鬼俱动，则是饥馑之年也。若财空福绝，或福空财绝，皆是饥岁。

**莽兴盗起，由玄武之当官；**

鬼加玄武，动克世爻，其年必多盗贼。属阴，是穿窬小人，梁上君子；属阳，是强梁伙盗。若临土，或化土克世，必主盗贼蜂起。化出金，冲克岁君，或五爻者，今虽为盗贼，终必谋动干戈，扰乱四海，以犯上也。

**宋殄异多，因螣蛇之御世。**

螣蛇，乃妖怪之神。在六爻上动，虽非鬼，必主有大变异。鬼在六爻上动，虽非螣蛇，亦主大变。在乾宫，或化入乾卦者，亦然。不在六爻，不落乾宫，而鬼带螣蛇发动，则是世间有变异奇怪。如下文所云也。

**若在乾宫，天鼓两鸣于元末；**

螣蛇动临官鬼，若在乾宫，主有天鼓鸣之异。若化金爻子孙，或化入兑卦者，有星月之异。如星入月类。若化火财，与父作合者，有虹霓之异。如吸酒饮釜类。若化火爻子孙，或化入离宫者，有日月之异。如今丙辰秋，数日并出类。

鬼爻或属金者，以雷断。如击台失匙类。鬼爻属木，或化父母爻者，以雨断。如雨血雨毛类。鬼爻属木，或化兄弟者，以风断。如红风黑风类。木鬼与世应相冲，有异风之变。如宋季有白气溺贯百里类。

**如当震卦，雷霆独异于国初。**

螣蛇鬼，在震宫动者，有雷霆之异。如秋间夏月，无云而雷霆震类。震卦，又为龙。若临辰巳爻上，或化辰爻，主有龙现。如龙挂为桥之异。

震卦又为木，或临木爻，或化木爻者，有树木之异。如戴若实家，柳如牛鸣；赵如初家，柏如鹤鸣之类也。

### **艮主山崩，临应则宋都有五石之陨；**

螣蛇鬼，在艮宫动者，其年有山崩之异。如元统间山崩陷为地类。属金化金，则是石，如山鹤变为石，叱石为羊类。若临应爻，或在六爻，或化乾卦，是天变也。如星化为石类。

### **坤为地震，带刑则怀仁有二所之崩。**

螣蛇鬼，在坤宫动者，其年必主地震。逢金，则有声；带刑，则崩裂。坤卦又为牛，若鬼临丑，必有牛异。如戴人变牛类。

乾坤二卦中，螣蛇鬼，临世动，乃是人有异事，非物也。如妇生须，男孕子类。坤乃纯阴卦，螣蛇鬼动，与玄武相合住者，必主昼晦。元末每多此异。

### **坎化父爻，雨血雨毛兼雨土；**

坎卦，在天为雨，在地为水。螣蛇鬼在此宫动，临应爻六爻，或化父爻者，皆以雨断。不然，则是河涸海溢之异。若金鬼化父，当有雷雪同作之异。雨血雨毛雨土，皆元末之异也。

### **巽连兄弟，风红风黑及风施。**

螣蛇鬼，在巽宫动化兄，主有异风。如宋英宗时有赤风，元顺帝时有黑风类。若不化兄，不临应爻六爻，勿作风断，是草木之异。如武后时，九月梨花开类。震巽二卦，又为禽鸟。若螣蛇鬼在生气爻上动者，有诸禽之异。如春秋时，六鹢退飞；唐库中，金钱化蝶类。

### **日生黑子，宋恭帝惊离象之反常；**

螣蛇鬼，在离宫动者，有日异。如宋恭帝时，日中有黑子类。若非应爻六爻，则有火异也。如大德间，火从空中降下，延烧禾稼数十亩类。迩年蒲州火从平地迸出，居民被烧者，不可胜计。

### **沼起白龙，唐玄宗遭兑金之变异。**

兑为泽，为井，为池沼。若螣蛇鬼，在此宫动者，当有唐玄宗时，沼中白龙，乘空而起。元顺帝太子寝殿后新凿一井，井中亦有龙出，火焰烁火，变幻不测，宫人见之，莫不震摄类。

### 发动空亡，乃验天书之诈；

以上騰蛇鬼动，临空化空，其怪异事是虚传，诈说，非真有也。如宋真宗时，天书下降之类。

### 居临内卦，定成黑眚之妖。

騰蛇鬼，在本宫内卦，妖怪见于家庭。如宋徽、钦时，有黑眚见掖庭类。

### 欲知天变于何方，须究地支而分野。

凡遇变异之象，须看见于何方，直以所伤之方定之。如子为齐域，丑为吴域，寅为燕域类。此十二支分野也。当先以克爻定之，无克，以刑爻定之，又无刑，则以本爻断。刑克爻空，亦以本爻断。

### 身持福德，其年必获休祥；

子孙为福德之神，以其生财克鬼，故也。若得旺动，其年必有好处。在初爻，万物吉利；二爻，百姓安宁；三四爻，官吏清明；五爻，君明国正；六爻必有景星庆云之瑞也。若临太岁，生合世身；或临世身，有气不空，是皆太平之象。

### 世受刑伤，世岁多遭惊怪。

世乃年时之主爻。凡三农百姓，五谷六畜，皆系于此。得时旺相，不临兄鬼，其年必然称意。如受太岁、月建、日辰、动爻伤克，其年必多惊险。无故自空，人多暴死。

### 年丰岁稔，财福生旺而无伤；

卦中子孙得地，财爻有气不空，兄鬼凶神衰静者，必是丰年乐岁。

### 冬暖夏凉，水火休囚而莫助。

凡占年时，以财父二爻看水旱，水火二爻看寒暑。若水在死绝，或居空地，其年冬月必暖；火居死绝，或居空地，其年夏月必凉。若加刑害克世，而又居生旺之地者，暑必酷暑，寒必严寒。不克世爻，则伤物。此衰旺，不可以节气论。

**他宫伤克，夷狄侵袭；**

他宫为夷狄。无他宫，则看外卦。若来伤克本宫，其年夷狄必来侵犯。外生内卦，必多进贡。

**本卦休囚，国家衰替。**

本宫为国家。无本宫，则看内卦。旺相，国家强盛；无气，则国家衰替。

**阴阳相合，定然雨顺风调；**

凡遇一阴一阳卦，必然世应相生。六爻相合，一卦中，各有配偶。其年必主雨顺风调也。更得六爻安静，财福不空，必是丰登之岁。

**兄鬼皆亡，必主民安国泰。**

兄弟乃克剥破败之神，官鬼又祸患灾殃之主。二者空亡，或不上卦，必主其年国家无事，兆民安乐，六畜得宜，万物畅茂，雍熙之世也。

**唯明天道，能知万象之森罗；识透玄机，奚啻一年之休咎。**

生僻字注释：

(01)【宥】读音：y0u，四声。意为：宽恕，原谅。

(02)【捺】读音：na，四声。意为：按。

(03)【昊】读音：ha0，四声。意为：广大无边，也指天。

(04)【熙】读音：xi，一声。意为：光明。

(05)【夷狄】读音：yi，二声。di，二声。意为：古代指北方的少数民族，后泛指外国。

(06)【倭】读音：w0，一声。意为：我国古代称日本。

(07)【疠】读音：li，四声。意为：瘟疫。

(08)【饉】读音：jin，三声。【饥饉】意为：饥荒。

(09)【莽】读音：mang，三声。此处指西汉后期篡权的王莽。

(10)【殄】读音：tian，三声。意为：灭绝。

(11)【涸】读音：he，二声。意为：干涸。

(12)【鹬】读音：yi，四声。意为：古书上说的一种水鸟。

(13)【迩】读音：er，三声。意为：近。

(14)【迸】读音：beng，四声。意为：向外溅出或喷射。

(15)【甃】读音：zhōu，四声。意为：用砖砌井。

(16)【眚】读音：sheng，三声。意为：灾异。

(17)【掖】读音：ye，一声。意为：塞进夹缝。

(18)【啻】读音：chi，四声。意为：但，只，仅。

## 黄金策（二）

### 三、国朝

**君怨则臣忠，共济明良之会；**

**国泰则民乐，当推祸福之原。**

**虽天地尚知其始终，况国家岂能无兴废？**

**本宫旺相，周文王创八百年之基；大象休囚，秦始皇遗二世主之祸。**

本宫为国爻。以太岁为君爻，岁合为后爻；月建为臣爻，日建为东宫；子孙为黎庶，父爻为国。若建国时，卜得本宫旺相，如周文王，子孙享国八百年之久也。史记周武王定鼎于洛，卜云：传位三十，历年七百。后至赧王亡，共算八百余年。故曰：周过其历也。若本宫休囚，大象又凶，则如秦始皇，二世亡国。

**九五逢阳，当遇仁明之主；四爻值福，必多忠义之臣。**

五爻为君位。若逢阳象，更遇青龙财福，必是仁明之君。世临阳象，带吉神亦然。

四爻为臣位，若子孙旺相克世，乃敢谏直臣。若兄鬼生合世爻，乃阿谀佞臣也。

**岁克衰宫，玉树后庭花欲谢；**

本宫衰死，更遇太岁所克，其年国有乱亡之兆。昔陈将亡，后主使诸妃嫔，及女乐与侠客，共赋诗，互相赠答。采其尤艳丽者，被以新声；选宫女千余，习而歌之，分部迭奏。其曲有玉树后庭花，临春乐等，大略皆美诸嫔妃之容色。君臣酣歌，自夕达旦，以此为常。后为隋所灭。故曰：玉树后庭花欲谢也。

**年伤弱世，鼎湖龙去不多时。**

太岁刑冲克害世爻，主国君疾病，或内难将作。若克世爻，而世爻衰弱，必有君崩之忧。史记曰：黄帝乘龙上天。故凡帝崩曰升遐，讳言死也。今日鼎湖龙去，言其不久而崩也。

**世临沐浴合妻财，夫差恋西施而亡国；**

世临沐浴，或财爻、应爻带沐浴动，克合世爻，必是国君好色。如夫差恋西施美，拒子胥谏，后为越王勾践所灭。

**应带咸池临九五，武后革唐命而为周。**

应乃皇后之位。若带咸池，其后必淫。更居九五，乃是后居尊位。如汉吕后，临朝称制。更有旺动，刑冲克害世爻，世或空亡，必如唐武后废中宗为庐陵王，革唐命为周。

**游魂遇空，虞舜南巡不返；**

卦遇游魂，主国君迁都游荡巡狩之象。如周穆王巡狩游行天下。

若加凶杀克世，或世动入死墓空绝，则如虞舜南巡，崩于苍梧之野。

**归魂带煞，始皇返国亡身。**

若归魂卦，遇凶神恶杀，动克世身，如始皇求仙海上，返国崩于沙丘之野。

**子发逢空，张子房起归山之计；**

子孙为臣。若逢空动，或四爻臣位空动，更被世爻克害，必是君欲害臣，臣欲避君。如汉张良，托为辟谷，弃职从赤松子游也。

**将星被害，岳武穆抱吁天之冤。**

将星，如寅午戌日卜，午爻为将星是。余类推。若将星临财子，必得忠良智勇之将。将星值官鬼白虎，必强悍之将。若临父，必老将；遇兄，不过庸常之将。若将星持鬼，克害世爻，必如曹操桓温，挟天子以令诸侯，多致篡位自立。若将星被动爻克害，或被四爻动克，必如宋岳飞，遇秦桧权奸之害而死也。

**应旺生合世爻，圣主得椒房之助；**

应爻，皇后之位。若应爻旺相，生合世爻，更临财福；主皇后美貌智略，天性慈仁；能规君过，导君以善。如汉马后。宋宣仁，称女中尧舜也。后房用椒涂壁，以辟除邪气。故曰椒房。

### **日辰拱扶子位，东宫摄天子之权。**

子孙乃臣位。若他宫子孙旺相，更值日辰，生扶拱合，世值胎养空绝，必主少国，疑有大臣摄政。如周公辅成王是。

若本宫子孙生旺，更得日辰扶助，必国君厌弃大宝，将欲传位；太子当国，摄天子事也。

### **世克福爻，唐玄宗有杀儿之事；**

若本宫子孙，被四爻冲克刑害，必被谗臣谤讪。若世克本宫子孙，子孙又入死墓空绝，必太子遇谗被害。如唐玄宗信李林甫谮，将太子瑛，鄂王瑶，光王琚，皆废为庶人，后复赐死于城东驿也。

### **子伤君位，隋杨广有弑父之心。**

本宫子孙，带杀旺动，克害世爻，乃太子有篡位之兆。如隋杨广弑父，自立为帝。

### **一卦无孙，宋仁宗有绝嗣之叹，**

卦中无子孙，或子孙休囚，动入墓绝空死，必是国无太子。如宋仁宗无子而叹。

### **四爻克子，秦扶苏中赵高之谋。**

四爻，乃臣位。若旺动，伤克本宫子孙，则如秦太子扶苏，被赵高矫诏赐死。

### **身值动官，唐太宗禁庭蹀血；**

世身持官，带杀旺动，必至杀克兄弟，乃兄弟必不相容之兆。如唐太宗，伏兵玄武门，将建成，元吉射死，血流禁庭，而被军马蹀践也。

### **世安空弟，周泰伯让国逃荆。**

世持兄弟空亡，与应相生合，更有吉神动克，必是兄弟推让天位之象。如周泰伯托为采药，逃之荆蛮，让位季历也。

**凶神生合世神，玄宗信林甫之佞；**

若鬼杀动，生合世爻，必是佞臣阿谀，人君信任。如唐玄宗，信任李林甫一十九年，养成天下大乱。

**君位克伤四位，商纣害比干之忠。**

四爻为臣。持财子，而被世爻动克，必犯颜之臣，遭剖心之主。有如比干之尽忠，而被纣王之诛也。

**离宫变入坎宫带凶杀，而徽钦亡身于漠北；**

卦中大象皆凶，世应克害刑冲，或世动入死墓空绝，必是国君遭患，死亡之兆。离乃南方，坎乃北方。离化坎，乃南入北。故如宋之徽钦二宗，被金兀术所掳，幽于五国城，卒老死于沙漠之地。

**乾象化为巽象有吉曜，而孙刘鼎足于东南。**

乾宫变巽宫，大象皆吉。当如刘先主，吴孙权，建国东南，与魏三足鼎立也。

**国之治乱兴衰，卦理推详剖决。**

生僻字注释：

(1)【赧】读音：nān，三声。此处指东周时期最后的一个王，即周赧王。被秦所灭。

(2)【酣】读音：hān，一声。意为：泛指尽兴，畅快。

(3)【谗】读音：chān，二声。意为：在别人面前说某人的坏话。

(4)【讪】读音：shàn，四声。意为：讥讽。

(5)【谮】读音：zèn，四声。意为：诬陷，中伤。

## 四、征战

**医不执方，兵不执法，堪推大将之才能；**

谋事在人，成事在天，当究先师之妙论。

**观世应之旺衰，以决两家之胜负；将福官之强弱，以分彼我之军师。**

世为我，应为彼。世旺克应则胜，应旺克世则负。子孙为我之将军，官鬼为彼之敌帅。

**父母兴隆，立望旌旗之蔽野；金爻空动，侧听金鼓之喧天。**

父母为旌旗。旺动主兵起。金空动，则闻金鼓声。金空则响，故也。

**财为粮草之本根，兄乃伏兵之形势。**

财为粮草。旺多衰少，空为无粮。兄为伏兵，又为夺粮之神，不宜旺动。

**木兴扶世，济川宜驾乎轻舟；火旺生身，立寨必安于胜地。**

木为舟楫。若动来生扶世身，或水爻与子孙动，宜乘舟决战以取胜；火为营寨。若旺动生扶世身，结寨必得形胜之地也。

**父母兴持，主帅无宽仁之德；子孙得地，将军有决胜之才。**

父母持世动，乃主帅不恤士卒，上下离心。若带兄弟凶神，须防自变。子孙持世身旺动，将军必决胜千里外。

以上数节，出《天玄赋》，不细解。

**水爻克子子孙强，韩信背水阵而陈余被斩；**

卦中水爻动，及世持水爻，或动出水爻克伤子孙，若子孙旺相，得日辰月建生扶，或子孙旺动，则可效韩信背水战，死中求生而反胜也。

**阴象持兄克应，李愬雪夜走而元济遭擒。**

兄为伏兵。如在内象旺动，克应，乃我伏兵；克世，是他伏兵。若兄在阳象，宜日间伏；兄在阴象，宜夜间伏。如唐宪宗朝，李朔雪夜衔枚走，直捣蔡城，以擒吴元济也。

**世持子而被伤，可效周亚夫坚壁不战；**

世持子孙，将必才能，可以克敌。若父动克，宜且固守，以避其锋，不利速战。如汉景帝朝，七国反，帝使周亚夫，屯细柳以攻之。中夜军惊，扰乱至帐下，亚夫坚卧不起，深沟高垒，数日乃定，遂破七国之兵。

**应临官而遭克，当如司马懿固垒休兵。**

应持官旺相，彼将才能，我难与敌。虽卦有子孙发动，终不能大胜。如三国时，司马懿自料才能不如孔明，甘受巾帼之辱，坚垒不战尚矣。

**世持衰福得生扶，王翦以六十万众而胜楚；**

世身虽持子孙，衰弱亦难胜敌。若得月建日辰生扶，可效始皇朝，王翦以六十万众，卒成胜楚之功。

**卦有众官临旺子，谢玄以八千之兵而破秦。**

卦有官鬼，父母虽多，而安静休囚；子孙虽少，而当权旺动。此乃寡胜众之象。如晋谢玄、刘牢之，以八千兵渡江，破秦王苻坚九十万众也。

**两子合世扶身，李郭同心而兴唐室；**

子孙为将，世为国君。若卦中有两子旺动，生扶世身；主国有二将，合谋胜敌之兆。如唐李光弼、郭子仪，二人同心，以忠义自励，终能靖乱，复兴唐室。

**二福刑冲化绝，钟邓互隙而丧身家。**

若有二子爻生旺变动，相冲，相刑、两化入死墓绝空，虽胜敌将，必争权夺宠，相残害之兆。如晋钟会、邓艾领兵平蜀，蜀平，而嫌隙互生，乃至自相屠戮、身家俱丧。

**子化死爻，曹操丧师于赤壁；**

子孙为我军卒。若动入死墓空绝败，应又克世，或鬼父动伤身世；必致三军丧命，损兵折将之兆。如曹操夸水军八十万众，乘势袭吴，而为周瑜、黄盖火攻所败。

**世逢绝地，项羽自刎于乌江。**

世乃一国之君，三军之帅。最宜旺相，克应为吉，若被应爻刑冲克害，而世又休囚，及动入死墓空绝，主将必然不利。如项羽百战百胜，而一朝兵散，羞见江东父老，自刎乌江也。

**水鬼克身，秦符坚有淝水之败；**

水鬼旺动，伤克世身，敌兵必得舟楫渡江之利。如秦符坚，以投鞭断流之众，而竟败于谢玄八千渡江之兵也。

**火官持世，汉高祖遇平城之围。**

火爻带鬼，贼寨必近。若火鬼持世，须防困围。若得子孙旺动，虽被围得胜。如田单之下齐城。若子衰官旺，必致困围。如汉高祖被匈奴围于平城，七日乃解。

**应官克世卦无财，张睢阳食尽而毙。**

应持鬼，克世，卦又无财，乃是食尽死亡之象。如张巡被围睢阳城也。

**世鬼兴隆生合应，吕文焕无援而降。**

旺鬼持世，乃困围之象。卦又无财，子孙又弱，世又生合应爻，乃兵少食尽降敌之兆。宋吕文焕守襄阳，元兵围之甚久，贾似道隐蔽不援，城中食尽遂降。

**外宫子动化绝爻，李陵所以降虏。**

子在外宫动，而被应克世，是我军远征。初虽见胜，终必有败。又化绝爻，不免降虏。如汉武帝时李陵往事也。

**内卦福兴生合应，乐毅所以背燕。**

内卦子孙动，而反生合应爻，伤克身世，是我将卒有背主降敌之兆。如燕将乐毅背燕投赵是也。

**鬼虽衰而遇生扶，勿追穷寇。**

官爻虽衰，若遇动爻日辰，生扶拱合，是敌兵虽少，必有救援。

**子虽旺而遭克制，毋急兴师。**

子孙虽旺，若被父母日辰动爻克害，彼必有计，不可急攻。攻之，必被摧折；虽不大败，亦损军威。宜缓图之。

**鬼爻暗动伤身，吴王被专诸之刺。**

官爻虽静，而被日辰冲动旺相，克害身世，必若吴王被专诸之刺。若鬼暗动，而被世克，或子动来救，则如荆何刺秦王不中，而反自被诛也。

**子化官爻克世，张飞遭范张之诛。**

子孙化官生合应，而克害身世，乃是我兵卒谋杀主帅，而欲降敌之象。如后汉张翼德，素不恤士卒，一日被小卒范强、张达枭首帐下，顺流而投孙权也。

**要识用兵之利器，五行卦象并推详。**

土为炮石，金为刀箭，水木为舟，火为营寨。又乾兑为刀，震巽为弓马，火枪，坤为野战类。若此象有克应之神，宜用此器以克敌；应爻官父在此象克世，宜反防敌人用此器也。

**仁智勇器之将，岂越于此？攻守克敌用兵，当审于时。**

生僻字注释：

(1)【翦】读音：jian，三声。同剪。

(2)【睢】读音：sui，一声。【睢阳】为地名，在今河南商丘。

## 五、身命

**乾坤定位，人物肇生，感阴阳而化育，分智愚于浊清。**

**既富且寿，世爻旺相更无伤；非夭即贫，身位休囚兼受制。**

人生一世，贫贱高低，合为何等人物，但看世爻为主。

若世爻旺相，日辰动爻生扶合助，而不来刑冲克害者，乃为上吉；必主其人富贵，有福寿。

若世爻休囚无气，而被日辰动爻克制，主其人非贫即夭，无福寿；无造化人也。

**世居空位，终身作事无成；**

凡占身命，大忌世身空亡。主一生作事无成，多谋少遂，难立家计。

**身入墓爻，到老求谋多戾。**

如世身入墓，主其人如醉如痴，不伶不俐；动静行藏，必不响快；虽有所为，亦皆不称心也。

**卦宫衰弱根基浅，爻象丰隆命运高。**

卦有大象旺衰，有爻象旺衰。如占身命，得大象旺，亦好；可许他根基壮实。更得六爻中身世在吉地，乃是十全造化。然卦宫旺相，不如爻象旺相。盖人之根源系于卦，命之吉凶系于爻。故卦宫无气根基薄，爻相得时有气，命运必高。

如立春节，艮旺、震相、巽胎、离没、坤死、兑囚、乾休、坎废类。大抵旺胜相胎，没胜休囚也。

**若问成家，嫌六冲之为卦；**

凡遇六冲卦，必主其人作事有始无终。前卦六冲，前三十年生涯淡泊；后卦六冲，三十年后家业凋零；前后六冲，则一生苦楚，不能发达。

**安知创业，喜六合之成爻。**

占身命，得六合卦。主其人春风和气，交游必善；谋事多遂，基业开拓。如前合前亨，后合后遂。前后皆合，主一生通达，万事如心。

**动身自旺，独力撑持；**

如世爻不遇动爻日辰生扶，而自强自旺，得时发动者；其人必白手成家，无人帮助。

**衰世遇扶，因人创立。**

若世爻无气，而遇日月动爻生扶，必遇好人提拔成家，不能自权自立也。

**日时合助，一生偏得小人心；岁月克冲，半世未沾君子德。**

如世身遇年月日时生扶拱合，主上得贵人亲爱，下得小人忠敬。如见刑冲克害，则官府欺凌，小人谤毁。

一曰：父来合，得父之荫；兄来克，受兄之累。余可类推。

**遇龙子而无气，纵清高亦是寒儒；**

青龙子孙持世身，必然立志高远，不慕功名富贵。如邵康节、陶渊明辈。子孙即无气，亦绝俗超群之寒士也。

**逢虎妻而旺强，虽鄙俗偏为富客。**

白虎临旺财持世，其人虽不知礼义，然必家道殷实。如李澄、萧宠之徒是。

旺财有制伏，亦粗知文墨，勉强向上之流。不可以顽俗论。

**父母持身，辛勤劳碌；鬼爻持世，疾病缠绵。遇兄则财莫能聚；见子则身不犯刑。**

占身，不可见父兄官鬼持世。如遇父，则克伤子，一生不得安逸。鬼为殃祸，遇之，则一生疾病缠身；或主带疾，或常招官讼；若贵人见之，不以此断。至兄乃克剥破败阻滞之神。世或逢之，主克妻妾，破耗多端，一生不聚财物。惟遇子孙则克官鬼，主一生官刑不犯，安闲自在，衣禄丰盈。大怕休囚，唯贵人不宜犯之。

**禄薄而遇杀冲，奔走于东西道路；**

占身，以财为禄。若临死绝无气爻，则禄薄。而世爻又被恶杀冲动，无一爻吉神救助，此乃至下之命。必主东奔西逐，丐食于街衢者。若世爻动而逢冲，或无冲而世爻衰弱，空动化出恶杀，回头冲克，世无助，而杀无制者亦然。

**福轻而逢凶制，寄食于南北人家。**

子爻若遇死墓绝空，则福轻。而世爻更被凶神克制，或世动而被日辰动爻合往，此为受制于人之象。占身遇之，必主其人倚靠富家，寄食于他人也。

**子死妻空，绝俗离尘之辈；**

占身以福为子，财为妻。二爻若临死墓绝空之地，乃是刑妻丧子之兆。小儿见之，必绝俗离尘，出家辈也。若僧道见之，反为吉兆，必无俗累之牵惹矣。

**贵临禄到，出将入相之人。**

卦中贵人禄马。旺临身世，而官鬼父母又来扶助，或月建日辰生合，必是将相之兆，富贵非常之人。

**朱雀与福德临身，合应乃梨园子弟；**

子孙乃喜悦之神，朱雀又主言语。若同临身世主象，其人必然乖巧。若生合应爻，是合欢于他人之象，故为梨园子弟之兆，不然亦是伶俐人也。若应生合，或被日辰动爻来破者，或世应刑冲克害者，勿以此断。

**白虎同父爻持世，逢金则柳市屠人。**

父母属金，而带白虎持世者，必是宰猪杀马之辈。盖白虎主丧亡，金为刀剑，而父母又是伤克子孙之神，子孙又为六畜，故为宰杀之象。而加之畜类，以屠夫断。若父母有制，或子孙旺相发动，或在空避之，勿以此断。

**世加玄武官爻，必然梁上之君子；身带勾陈父母，定为野外之农夫。**

玄武主盗贼之事，而加官鬼临身，乃梁上君子，穿窬之人也。勾陈职专田土，而加父母，勤苦之神。持世者，乃耕种耘耨之兆也。

**财福司权，荣华有日；官兄秉政，破败无常。**

以上人物，虽有高下不同，然莫不喜财福，而恶兄鬼者。若得财福二爻，得时旺相发动，纵是下等之命，一时淹蹇，终须发达。若见官兄当权旺动，虽上等之命，一时亨利，亦有破败贫穷之时。

却看在何限中，便知何年发达，何年破败也。其中有救无救，当自融通活变。

**运至中年，凶杀幸无挫折；时当晚景，恶星尤怕攻冲。**

人命有三限，每一爻管五年。初二三爻，共十五年；外三爻亦管十五年，共三十年。支卦六爻，亦管三十年。正卦内三爻十五年为早限；正卦外三爻十五年，与支卦内三爻十五年为中限；支卦外三爻为末限，变卦为支卦。

凶杀恶星，即是官鬼兄弟刑冲克害之类。早限遇之，则早年欠顺；中限遇之，则中岁灾殃；末限遇之，则晚景迍邐；老无结局。若子孙等吉神，在正卦内三爻，得时旺动，主荫下得意；在正卦外三爻见，三十年前，福如秋月；在支卦内三爻见，则三十年后财若春潮；至支卦外三爻见，则晚景荣华，康宁寿考。

又如早限有恶星，末限有吉星者，必初年蹇滞，老景亨通也。余仿此。

要知吉凶之事，依五类推断。如逢官爻生扶合助，主贵人提拔。或子孙来刑冲克害，则有僧道相干之事也，宜通变。若六爻安静，则当再占一卦以断之。或以不动之卦，乾化坤、艮化震之类者非。

**正内不利，李密髻髻速遭；**

正卦内三爻，乃初限。若逢官鬼凶神克战者，主童年多病。如李密九岁方能行，盖幼年多疾故也。

**支卦有扶，马援耆颐矍铄。**

支卦外三爻，乃末限。若有吉神合助，必然老年康健。如马援年六十二，披甲上马也。

**一卦和同，张公艺家门雍睦；**

如占身，得六爻安静，无冲破克害，反相生合，则主其人家门欢好，如张公艺九世同居，上和和睦也。

**六爻攻击，司马氏骨肉相残。**

若六爻乱动，卦又冲克，或三刑六害者，必主亲情不和，骨肉相残，如晋司马氏八王树兵，俱遭诛杀屠戮也。

**闵子骞孝孚内外，父获生身；**

占身命，以父爻为生我之亲。若世能生合此爻，必然能孝于父母，如闵子骞类也。

**孔仲尼父友家邦，兄同世合。**

若世爻与兄相生合，其人必内和兄弟，外信朋友，如孔夫子类。兄爻在本宫内象，以兄弟言；在他宫外象，以朋友言。看内外以别亲疏，全在通变。

**世应相生，汉鲍宣娶桓氏少君为妇；**

世是一身之本，应为百岁之妻。若见相生相合，必然夫唱妇随。

**悔贞相克，唐郭暖招升平公主为妻。**

世为贞，应为悔。若见相冲相克，必然琴瑟不调。

**箕踞鼓盆歌，世伤应位；**

世持虎蛇，乘旺发动，刑害应爻，应又临无气之地，必主克妻。如春秋时，庄周妻死，犹箕踞鼓盆而歌。

**河东狮子吼，应制世爻。**

应爻克制世爻，乃是牝鸡晨鸣之象，其人必凭妻言语。如宋陈季常河东狮子吼，东坡所戏言也。

**世值凶而应克，愿听鸡鸣；**

若应虽来克世，而世爻自带刑害，及兄官虎蛇等凶神者，则是彼来救我之失，去我之病，非有所伤于我。主其人必有贤妻。如齐哀公荒怠慢政，得陈贤妃，有夙夜警戒相成之道。故诗有鸡鸣篇。

**身带吉而子扶，喜闻鹤和。**

世带吉神旺动，子孙又来生扶者，主有贤子共成事业，以济其美。易云：鸣鹤在阴，其子和之。

**福遇旺，而任王育子皆贤；**

占身，以福为子孙。若旺相不空，及无伤害者，主有贤子。如任遥之子昉，王浑之子戎。见称于阮籍诸贤。

**子化兄，而房杜生儿不肖。**

若子孙动变兄鬼者，其子必不肖。盖兄弟乃破败之神，故也。李英公常曰：房杜平生辛苦，然生子不肖。

**伯道无儿，盖为子临空位；卜商哭子，皆因父带刑爻。**

凡问子孙，不宜父母发动。若子临空地，必主无子。如邓伯道弃子而不生，非有伤也。唯父带刑害虎蛇等恶神动克，子孙休囚不空者，然后克子。如子夏哭子丧明也。若父有制其庶几。

**父如值木，窆君生丹桂五枝芳；**

若问子多少，当以五行生成数论之。若父爻属木，则子孙属土，土数五，主有五子。如窆燕山生仪、俨、称、僖、侃类。

**鬼或依金，田氏裂紫荆三本茂。**

论兄弟，与子孙同。且如鬼爻属金，则兄弟属木矣，主有兄弟三人。如田真、田广、田庆。

**兄持金旺，喜看荀氏之八龙；弟倚水强，惊睹陆公之双壁。**

六亲类，固当以生成数推之，然不可不别衰旺。逢生旺，则当倍加；遇死绝，则当减半。故兄持金旺，则有兄弟八人。盖金数四，倍则八也。荀淑子八龙似之。若临水旺相，则是二人。盖水数一，倍则二也。陆曄与陆恭之双壁是。他仿此。若旺相而有制，衰死而有扶，又当以本数断。若旺爻空动，亦以本数断。不旺不衰而空动，则减半断之。更宜活变细察。

**若也爻逢重叠，须现在以推详。**

若卦中只有一位，可以五行数推。苟重叠太多，则可即以其数断也。

且如六月丙辰日，卜得损之大畜卦。卦中原有二爻兄弟，六三又化兄弟，日辰月建又是兄弟，共有五重兄弟，则断五人也。若日辰月建不系兄弟，则以三兄弟推。宜通变也。

**财动初爻，令伯克亲于早年；**

财动，则伤父母。如在初爻，则早年见克。如李密生孩六月，其父即丧。

**兄兴六位，张瞻丧偶于中年。**

兄动，则克妻财。如居六位，中年必如张瞻之克妻也。

**化父生身，柴荣拜郭威为父；**

卦有父母，又化出父母来生合世身者，其人必重拜父母，身为他人子。如五季时，柴世宗之于周太祖也。

**化孙合世，石勒养季龙为儿。**

卦有子，又化出子，世身自去相生合者，主其人必有螟蛉之子。如晋时后赵石勒子石季龙是。然子孙化出，而系外宫则是，系于本宫则非也。

**世阴父亦阴，贾似道母非正室；**

父与世，皆属阴者，必是偏生庶出。如宋贾似道也。

**身旺官亦旺，陈仲举器不凡庸。**

卦中官爻旺相，世身亦旺相；又逢贵人禄马文书，生合世爻者；必主异日金榜标名，龙门跳跃。如陈仲举为不凡之器。欲断官职，依后功名类推。

**化子合财，唐明皇有禄山之子；**

子从化出，乃螟蛉子也。若与财爻相合，或与应爻相合，必与妻妾有情。如安禄山之于杨贵妃也。

**内兄合应，陈伯常有孺子之兄。**

兄爻在内卦，乃兄弟，非朋友也。若与应爻或财爻相合，其妻必与兄弟相通。如陈平之盗嫂也。

**以下皆断妇人身命：**

**应带勾陈兼值福，孟德耀复产于斯时；**

勾陈主黑丑，子孙主贤淑。故应爻旺相临之，而无伤损者，其妻必如孟光；貌虽不扬，而其德则美也。

**财临玄武更逢刑，杨太真重生于今日。**

玄武乃淫乱之神，若临财爻，必不贞洁。更加三刑六害，如杨贵妃污秽尤甚。

**合多而众杀争持，乃许子和之钱树；**

卦中有合诸事吉。惟妇人女子见之，主浇浮淫佚，春心荡漾，不能坚闺门之守。更加玄武，三刑六害，临持财爻者，乃娼妓之兆。如许子和为妓，临死谓其母曰：钱树子倒矣。盖为娼宿客，得钱，如树之能生钱也。

**官众而诸凶皆避，如隋炀帝之采花。**

凡遇卦中有鬼，日辰月建是鬼，或又化出太过，生合财爻；而财爻不临玄武等凶神者，必主其妇重婚再醮。如隋炀帝西苑剪采为花，色逾则易以色之新者；喻妇人夫死则再嫁也。

若本卦鬼爻不受刑冲克害，而鬼爻反来冲克财爻者，乃是生离活别之兆，非夫死再嫁也。

**白虎刑临，武后淫而且悍；**

白虎乃强暴之神，妇人见之，必然凶悍；更加刑害临财爻，必如武则天凶悍且淫也。

**青龙福到，孟母淑而又慈。**

青龙乃喜悦慈善之神，子孙又清吉之神。若财临青龙，化子，或子临青龙动来生助者，必主其妇慈祥恺悌，淑善贤德。如孟母也。

**逢龙而化败兄，汉蔡琰聪明而失节；**

财遇青龙，本主聪明。但不宜化出兄爻，及败爻。皆主不贞洁。如伯喈女蔡琰，文章绝冠当时，失节胡虏。或化出刑爻病爻害爻，及玄武等同临者亦然。

**化子而生身世，鲁伯姬贤德无疵。**

财动化出子孙，生合世身者，必有懿德。如鲁庄公夫人伯姬，言行皆善，无疵可议，见赏于春秋。

凡占身，当以财爻为主，不可论应爻世爻等作其身也。

**合而遇空，窦二女不辱于盗贼；**

卦中若遇他爻动来相合，或带咸池玄武动来克合，本非佳兆。若得财爻在空避之，是彼欲淫我，而我不愿之象。如唐奉天窦氏二女，被盗窃之，而自投崖，宁死不受辱也。

**静而冲动，卓文君投奔于相如。**

卦中咸池玄武刑害等杀，临持财爻，若得休囚不动，或落空亡，庶几无事。若被日辰动爻冲之，则如卓文君，被相如以琴挑之，欲心因动，不免至夜而亡奔相如，后当垆卖酒。

**福引刑爻发动，卫共姜作誓于柏舟；**

子带刑旺动，必主克夫。然子乃贞洁之神，遇此等爻，而财不值凶者，主守节之象。如卫共姜，作柏舟诗，以死自誓也。

**身遭化鬼克刑，班婕妤感伤乎秋扇。**

卦中原有官，与身世相生合，又化官，却来克制身世，及财爻。占法以动爻为始，变爻为终。主先亲爱，后弃绝之象。如汉班婕妤于武帝，始亲爱，后疏绝。所以，见秋扇而感伤作词，以寓其凄楚之思。

**二鬼争权水父冲，钱玉莲逢汝权于江浒；**

卦中若有二鬼发动，俱来生合财爻，又遇水父来刑冲克害，而财爻在空避之者，必有两夫争权之象，父母逼勒之兆。而己有守节之操，故入于空。如孙汝权之于玉莲类也。

**六爻竞合阴财动，秦弱兰遇陶谷于邮亭。**

男带合，则俊秀聪明；女带合，则浇浮淫佚。若六合卦而财爻又属阴者，不动犹可，动则淫滥无耻。如秦弱兰遇陶学士也。

**鬼弱而未获生扶，朱淑贞良人愚蠢；**

凡看女人身命，以鬼为夫星。不宜空亡，空亡则难为夫主；又不宜动，动则难为兄弟；亦不宜衰弱，弱则招夫不肖，不能发福。若衰弱而无一生扶合助，兼带勾陈螣蛇等凶神者，必如朱淑真之夫，愚蒙不正，人物侏儒，因有断肠之诗。

**官强而又连龙福，吴孟子夫主贤明。**

若鬼爻旺相，更逢青龙福德、禄马贵人等吉神，必主有贵显贤明之夫。如吴孟子得鲁昭公为夫也。若衰而逢助，亦主有贤明之夫。

**若卜婴孩之造化，乃将福德为用爻。**

所喜者兄弟，大要兴隆；所忌者父母，最嫌旺动。小儿造化，不过卜其生长难易；若富贵贫贱，

固未暇论；故专以子孙一爻为主。若父母动，则来伤克，故忌；兄弟动，则来扶持，故喜。盖有生扶，则易养。

**随官入墓，未为有子有孙；助鬼伤身，不免多灾多病。**

卦中若见世身随官入墓者，必死。故曰：未为有子有孙。若遇鬼伤克世身，刑冲主象者，必然多病。更逢财爻助之，大凶之兆。若鬼持世临身，亦主多病。

**胎连官鬼，曾轻落地之关；**

卦中胎爻临鬼，或化出鬼爻，或鬼来冲克者；必此儿生时，绝而复苏。俗所谓落地关也。

**子带贵人，自有登天之日。**

子爻若带禄马贵人，主此子他日必能贵显，头角峥嵘。

**遇令星，如风摇干；逢绝地，似雨倾花。**

凡遇凶神克战，若得子孙得地健旺，则必无事；虽见小悔，犹微风摇干，必不能伤。若在死绝之地，决难生养；一有克战，则如骤雨倾花，鲜不残败。

**子孙化鬼，孝殇十月入冥途；禄贵临爻，拜住童年登相位。**

子化出鬼，乃九死一生之兆。如汉殇帝，生才十月即死也。子化出鬼，而贵人禄马交临，子又旺相，异日必贵。如元拜住，年十四即为相也。盖子逢凶而化鬼，谓身化为鬼，故凶；子逢吉而化官，谓身化为官，故吉。

**凶杀来攒震卦，李魏公至九岁而能行；**

震为足。若遇官鬼凶神刑克，走必迟。如李魏公【李密。字令伯。】九岁方能行。盖为凶神缠绕于足也。

**吉神皆聚乾宫，白居易未周岁而识字。**

乾为八卦首。于五行属金，其数则一，又有纯阳之象。阳主上达，金主聪明，一则数之始也；若遇龙德及子孙在此宫者，必然幼敏。如白乐天生七月，便识知无二字。

**八纯顽劣，晋食我狼子野心；**

八纯卦，六爻相冲。小儿见之，必主顽劣性悍。如晋叔向子食我，心野不驯，犹豺狼之子也。

**六合聪明，唐李白锦心绣口。**

大抵六合卦，必然阴阳相半。小儿遇之，聪明智慧；他日文字，当有掷地金声之妙。如太白文才也。

**阳宫阳象，后稷所以歧嶷；**

阳主高明，有上达之象，从天数也。占小儿而得纯阳卦，子孙又属阳，必如后稷生于姜嫄，克歧而克嶷也，见《诗·大雅》。

**阴卦阴爻，晋帝所以戇騃。**

阴主卑污，有下达之象，法地故也。占小儿得阴宫卦，子孙又属阴，主痴愚如惠帝。闻蛙声而曰：为公为私；见饥人而曰：何不食肉糜。故史以戇騃讥之。

**龙父扶身，效藏灯于祖莹；**

青龙为吉神，父母为诗书学馆。若临身世，或动来生合世身福德者，主此儿好学。如祖莹八岁耽书，父母恐其成疾禁之，乃密藏火，待父母寝后，复燃灯读之也。

**岁君值福，希投笔于班超。**

岁君，乃天子爻，君象也。子孙临之，此儿必志大。如汉班超，为儿时，尝投笔叹曰：“大丈夫当立功异国，安能久事笔砚乎！”后出使西域，果应万里封侯。

**官鬼无伤，曹彬取印终封爵；**

岁君值福，固有大志。然卦中官鬼受制，或落空亡，则志虽大，而终莫能遂；官鬼无伤，斯能称意。如曹彬周岁时，提戈取印，而应出将入相，终封爵也。

**父身有气，车胤囊萤卒显名。**

龙父扶身，固知好学。然身世主象，及父母官鬼，临死绝地，则徒取辛勤；必父身有气，方有成望。如车胤勤学，卒以成业也。

**金爻动合，啼必无声；**

五行中惟金有声。且人之五脏，肺主声，肺属金。故人声以金爻取之。若被冲起，或落空亡，声必响亮；惟动而合住，则主啼哭无声也。

**父母静冲，儿须缺乳。**

乳以子孙定之。若旺相有气，乳必多；休囚无气，乳必少。最怕父动，或静而逢冲，定须缺乳。克子故也。

**用旺儿肥终易养，主衰儿弱必难为。**

子孙旺相，杀莫能伤；其儿必肥，故易养。子孙休囚，敌杀之气无备，必多灾悔；不惟羸瘦，亦且难养。

**身临父母，莫逃鞠养之辛勤；**

父母持世，儿必多灾；故鞠育之劳，所以不免。盖父母为辛勤劳碌之神，故为小儿之恶杀也。

**世遇子孙，终见劬劳之报效。**

子孙持世，儿必孝顺，故劬劳之恩，必然报效。盖子孙为主象，临于世者，以其有亲亲之义也。

**若问荣枯，全在六亲之决断；要知寿夭，须凭三限以推详。**

六亲中，财福为吉，兄鬼为凶。三限：正卦管三十年为初限；互卦管三十年为中限；再以互卦又互一卦为末限，亦管三十年。人生寿夭，须有定数；不看三限，则难取决。

如正卦有凶神来克战，则寿不过三十年前；如正卦无凶杀，而互卦见凶杀克战，则寿止于六十岁内；正互皆无凶杀，其寿必在六旬外；宜以互卦再互一卦推之。若凶杀不动，则看世爻死绝之年断之，庶无差谬。

**命理至微，虽难细述；易爻有准，自在变通。**

生僻字注释：

- ( 01 )【凋】读音：dia0，一声。【凋零】意为：衰落。
- ( 02 )【髻】读音：tia0，二声。意为：古代指孩子下垂的头发。
- ( 03 )【龀】读音：chen，四声。意为：乳齿。古代称男子八岁生齿为龀。
- ( 04 )【矍铄】读音：jue，二声。Shu0，四声。意为：形容老年人很有精神的样子。
- ( 05 )【闵】读音：min，三声。意为：姓。
- ( 06 )【踞】读音：ju，四声。意为：蹲或坐。
- ( 07 )【夙】读音：su，四声。【夙夜】意为：早晨和夜晚。
- ( 08 )【昉】读音：fang，三声。意为：明亮，起始。
- ( 09 )【窦】读音：d0u，四声。意为：姓。
- ( 10 )【暉】读音：wei，三声。意为：形容光很盛。
- ( 11 )【琰】读音：yan，三声。意为：一种玉。
- ( 12 )【喈】读音：jie，一声。意为：形容声音和谐。
- ( 13 )【垆】读音：lu，二声。意为：酒店。
- ( 14 )【婕妤】读音：jie，二声。Yu，二声。意为：古代女官名，是帝王妃嫔的称号。
- ( 15 )【殇】读音：shang，一声。意为：没有到成年就死去。
- ( 16 )【嫫】读音：yuan，二声。【姜嫫】传说是周朝祖先后稷的母亲。
- ( 17 )【嶷】读音：yi，二声。意为：山名。
- ( 18 )【戆】读音：gang，四声。意为：傻，楞。
- ( 19 )【駮】读音：ai，二声。意为：傻。
- ( 20 )【糜】读音：mi，二声。意为：粥。
- ( 21 )【莹】读音：ying，二声。意为：光洁象玉的石头，光亮透明。
- ( 22 )【耽】读音：dan，一声。意为：沉溺。
- ( 23 )【胤】读音：yin，四声。意为：后代，后嗣。
- ( 24 )【劬】读音：qu，二声。意为：勤劳，劳苦。

## 六、婚姻

男女合婚，契于前定；朱陈缔结，分在夙成。然非月老，焉知夫妇于当时；不有宓戏，岂识吉

**凶于今日！**

**欲谐伉俪，必定阴阳。**

阳奇阴偶，配合成婚。世属阳，应属阴；鬼属阳，财属阴；内属阳，外属阴。阴阳相得，乃成夫妇之道。异日必然大利。

**阴阳交错，难期琴瑟之和鸣；**

阴阳交错者：世阴应阳，鬼阴财阳，内阴外阳是。此为反象。成婚后，必主夫凌妻，妻欺夫，终朝反目，不得和顺。若变出财鬼不空，主象安静，亦可用也。

**内外互摇，定见家庭之挠括。**

占婚，卦宜安静。安静家庭雍睦，必无争斗事。若财动，则不和翁姑；鬼动，则不和妯娌；父动，则不和子侄；兄动，则不和夫妻。动加月建日辰，不唯不和，更有克制。

**六合则易而且吉；**

六合卦，一阴一阳，配合成象。世应相生，财官相合。占者得之，必主易成而又吉。

**六冲则难而又凶。**

六冲卦，非纯阴则纯阳也。其象犹二女同居，两男并处，志必不合。占者得之，必主难成，纵成亦不利。

**阴而阳阳而阴，偏利牵丝之举；**

世与官，宜阳反阴；应与财，宜阴反阳。占娶妇多不利。惟入赘则吉。

**世合应应合世，终成种玉之缘。**

世为男家，应为女家。若得相合，是两愿之象，必主易成，后亦吉利。

**欲求庚帖，岂宜应动应空；**

欲求庚帖，须得应爻安静不空，而又生合世爻者，必然允诺，亦易成。若应爻发动，或空亡，或冲克世爻，皆主不允，事亦难成，或去亦不遇。

**若论聘仪，安可世蛇世弟。**

螣蛇兄弟，世爻临之，主男家吝啬，礼必不多；应爻临之，主女家妆奁淡薄。临旺发动，亦克妻之兆也。

**应生世，悦服成亲；世克应，用强劫娶。**

应爻生合世爻，主女家贫男家之象，必易成。不然，是女家先来求亲也。若世刑克应爻，男家必不早来求其女。世旺应衰，乃恃富欺贫，用强劫娶也。

若世临鬼及螣蛇，而财爻得时旺相，青龙得地者；必因其女有姿色，而欲设谋以娶之也。世临玄武兄弟，必因其家乏财偿债，欲谋纳其女也。应动或旺，以旺动断。

**如日合而世应比和，因人成事；**

凡遇世生应，是男求女；应生世，是女求男；相合亦然。若世应比和，乃是两家相成其事。要知何人赞成，以日辰合爻定之。间动辰合，则是媒人也。

**若父动而子孙墓绝，为嗣求婚。**

占婚，遇父旺动，子孙若墓绝，异日子息必少。若卜大人婚姻，有此象，乃为无子而娶也。父持身世者亦然。

**财官动合，先私而后公；**

凡婚。以官为夫，财为妇。两爻俱动相合，必是先通后娶。若遇冲克，外人已知。若临玄武，则眼去眉来，未通情意。本人自占，而财与世爻动合者，亦然。财爻若与旁爻作合，与他人有情。财遇合多，而化出子孙，必是妓家。盖化子有从良之象也。

**世应化空，始成而终悔。**

世动，生合应爻，男家愿成其婚；应动，生合世爻，妇家愿妻其女；皆易成之象。但怕变入空亡，必有退悔之意。若得日辰动爻扶助，虽悔，亦可成也。

**六合而动象刑伤，必多破阻；世冲而日辰扶助，当有吹嘘。**

世爻与应生合，本主吉兆；若遇动爻日辰冲克，必两边有破说，其事难成。世应冲克，本非吉兆；若遇动爻日辰生合，两边必有吹嘘，亦可成。

要知吹嘘破阻之人，依五类推之。如父母，为叔伯尊长类。外宫他卦，以外人言。

**鬼克飞爻，果信绿窗之难嫁；官合财位，方知绮席之易婚。**

飞爻即世爻。大凡女占男，最不宜鬼爻刑克世爻，亦不宜应爻克世，皆主不成。盖女占男，以世为女家，应为男家，故也。如遇此象，主男家不愿为婚，所以难嫁。若他有制，我有扶，而大象又吉，亦可成。然其家终是无意于我也。若得官生合世爻，或合财爻，或应爻生合世，方主易成。

**财鬼如无刑害，夫妻定主和谐；**

财鬼刑冲克害，夫妻必然不睦。如无此象，然后如鱼得水，到老和谐。

**文书若动当权，子嗣必然萧索。**

父母当权发动，子孙在空避之地，乃是事体未定。若不空，而死绝无气，则被其克，异日必然克子。

**若在一宫，当有通家之好；若加三合，曾叨会面之亲。**

世应生合比和，财鬼又同宫，是亲上亲也。不带三合，虽亲不识认；若带三合，必曾会面者。

**如逢财鬼空亡，乃婚姻之大忌；苟遇阴阳得位，实天命之所关。**

财鬼二爻，占婚姻之用神。若值空亡，必不吉利。《天玄赋》曰：财空妻失，鬼空夫亡。然不可执法推。

盖男占女，以财为主，鬼空不妨；女占男，以鬼为主，财空不妨。要在用神无损害耳。若财鬼空亡，而干支相合，世应相生，阴阳得位者，此实姻缘；不过半世衾枕，不能偕老；非夫妻刑克，故也。乃天命所在耳。逢冲遇克谓避空，反不虑。但主其一生该虚设衾枕，或半生在外仕宦工商之类。

**应财世鬼，终须夫唱妇随；应鬼世财，不免夫权妻夺。**

世持鬼，应持财，此乃阴阳得位之象。必然夫秉男权，妻操妇道；定能夫唱于前，妇随于后。

若应持鬼，世持财，此同阴阳失位之象。必然夫权妻夺，牝鸡晨鸣；惟赘婿反吉。

**妯娌不和，只为官爻发动；翁姑不睦，定因妻位交重。**

占婚，以兄为妯娌，父为翁姑。卦有官动，则克兄弟；妯娌间必不利。卦有财动，则克父母；定主翁姑不睦。若旺不受伤克，则是事有反覆；父衰弱不能敌，双亲有刑克也。

**父合财爻，异日有新台之行；世临妻位，他时无就养之心。**

占婚遇财父二爻，世带玄武，动来相合者，异日有翁淫子媳之事。若财临世身，其妇必不善事翁姑。

**空鬼伏财，必是望门之寡妇；动财值虎，定然带服之婆娘。**

卦中既有官爻财爻，而财爻又伏空鬼下；其女先曾受聘，未婚夫死，俗谓望门寡；若加白虎动克，则是已嫁而死，必带孝服者。若伏鬼不空，必是有夫妇女，如被日辰动爻提起，刑克世爻者，后防争讼。

**世应俱空，难遂百年之连理；**

世空，自不欲成；强成，终不遂意。应空，彼不欲成；得成，日后两家，必不往来。

**财官叠见，重为一度之新人。**

男占女，卦有两财；女占男，卦有两鬼；必是断弦再续，重为一度新人。两财皆无损，必一正一偏；若一旺一空，则前妻已丧。两鬼发动，必有两家争娶。如一旺一空，则前夫已亡。若鬼伏财下，男必有妻在家；财伏鬼下，女必有夫在身。鬼不空，而动爻日辰冲克妻财，必是生离改嫁；世克鬼，而动爻日辰生合妻财，必是逐婿嫁女。

**夫若才能，官位占长生之地；妻如丑拙，财爻落墓库之乡。**

要知男女情性容貌，财鬼二爻取之。凡遇月令旺，身必肥；日时旺，貌必美。月令衰，身必瘦；日时衰，貌必丑。月令旺，日时衰者，身肥而貌不扬；月令衰，日时旺，身瘦而貌必美。衰而有扶，丑而才能；旺而入墓，虽美而愚拙。惟观性情，男以鬼断，女以财推。

**命旺则荣华可拟，时衰则发达难期。**

命即男女生命。生旺有气，必有荣华之日；休囚死绝，必无发达之期。若财旺命衰，其妻貌虽美，而命则平常；鬼衰命旺，其夫虽愚蠢，而衣食丰足。命临父母，必好技艺；加青龙，则是好诗书也。临兄，则好赌博，好使钱，不好学。临官，喜迎官府。临财福，必善作家。看其现与不现，及五行生克，六神动静推之。

**财化财，一举两得；**

占婚遇财化财，必有僮仆同来，谓赠嫁。财化子，则有小儿带来，谓之带幼聘。若化子逢空，虽来不寿；化财遇冲，后亦走失。

**鬼化鬼，四复三番。**

大抵鬼化鬼，凡事反复不定。占婚遇之，决不容易。若大象可成，亦见迟滞。然此象主女家多有更变，难易缓急，皆听从于彼。

**兄动而爻临玄武，须防劫骗之谋；**

鬼爻不动，而兄弟又临玄武、螣蛇，来刑冲身世者，须防其中奸诈，设计骗财。若世应生合，阴阳得位，财鬼无伤，亦必大费财而可成。

**应空而卦伏文书，未有执盟之主。**

父母为主婚人。若不上卦，或落空亡；必无主婚，恐其妇自作主张，不然，主其事必难成就和合也。

**两父齐兴，必有争盟之象；双官俱动，斯为竞娶之端。**

卦中两爻父动，或父化父，主有两人主婚。不然，必两家庚帖。若两鬼俱动，则有两家争求其婚。不然，主事体多有变。以上若一动一静，一旺一空，则无言。

若卦有官化父，父化官，或官父皆动，恐有争讼之患。文书兄动，必有口舌。

**日逢父合，已期合婚于三星；**

日辰与父爻作合，或日辰自带文书，主成婚日期，已预定矣。

**世获财生，终得妆奁于百两。**

财爻又作妆奁断，若生合世爻，又得日月动爻扶助，必有妆奁。临勾陈，必有妆奁田；临青龙，必美丽；临螣蛇白虎败病等爻，则是旧什物也。若财无生助，不可乱言。

要推多少，以生合妻财之爻，看衰旺断之。财之衰旺，仅可推女貌妍媸，不可推妆奁厚薄。

**欲通媒妁，须论间爻。**

占贴，以间爻媒人也。

**应或相生，乃女家之瓜葛；世如相合，必男室之葭莩。**

间爻与世生合，多男家亲；与应生合，多女家亲。世应俱相生合，两家皆有亲。旺相新亲，休囚旧眷；本宫至亲，他宫外亲。

**先观卦象之阴阳，则男女可决；**

阳男媒，阴女媒。或问：间爻有二，当以何爻为主？以衰旺动静取之。

又问：衰爻动，旺爻静，则如何？则动者是也。

又问：两爻皆旺或皆衰，又将何以定之？以冲动者定之。若又无冲，以生合扶起者定之。或一旺一空，以不空者定之。又不遇空，则以长生决法定之。务归于一，则不杂乱。

**次看卦爻之动静，则老幼堪推。**

交重二爻为老年人，单拆二爻为少年人。或胎养长生为少年，临官帝旺为中年，墓绝是老年人为媒也。若墓化旺，是老年人先来说；阴化阳，是女人先来说。若此爻动空化空，而自冲动彼一爻，主原媒有故推却，而他人为媒也。

**论贫富，当究身命；决美恶，可验性情。**

人生美恶贫富，两章尽之矣。然非特可观媒妁而已。若问妇，看财爻；问夫身，看鬼爻；问男家，看世爻；问女家，看应爻。若应旺财衰，可言女家虽富，女貌不扬，余类推。至于维持破说之旁人，可以刑冲生合之爻推之。

**雀值兄临，惯在其中得利；**

间爻如值螣蛇朱雀，及兄弟者，其人必俐齿伶牙，素以媒妁获利者。兴旺必奸诈。

**世冲应合，洩他出以为媒。**

间爻安静，被应世二爻冲动，或生扶合起，及日辰冲并起者，其人无心作伐，必是一边央他说也。间爻自动者，勿如此断。

**两兄同发，定多月老以争盟；二间俱空，必无通好以为礼。**

两间俱动，必有两媒。临兄，或兄化兄，或动出两鬼，主有争竞为媒。须看空亡衰旺，及有制无制，可知那个执权。若间爻安静，俱在空亡，必无媒人通好。若空动而化出兄鬼，或临兄鬼空动者，乃是媒欲谢礼作鬼不来，非无媒也。

**世应不和，仗冰言而通好；**

世应相冲相克，难以成亲。若得间爻生合解救，其事始难成就，终须得媒人两边说合，以通其好，则事亦可成。何谓救解？如应动克世，间爻合住应爻，生扶世爻，余可类推。

**间爻受克，总绮语亦无从。**

凡欲洩媒人说合求亲，必得应爻生合间爻。则其言易入，必然听信；如间爻反被应冲克，则虽甘言美语，亦不从。

**财官冲克，反招就里愆尤；**

间爻若被日辰动爻刑冲克害，其媒必然取怨于两家。世爻冲克，男家有怨；应爻冲克，女家有怨。或世来生合，而财爻冲克者，男家虽吉，异日女家必怨。财官皆冲克，夫妻俱有怨。

**世应生扶，必得其中厚惠。**

凡遇世应、日辰带财福、青龙，生合间爻，其媒必有两家酬贐。旺相多，休囚少。若带兄鬼螣蛇玄武类生合者，不过巧言虚礼，必无实惠。化出财福生合亦吉。

男看世爻，女看应爻。世应俱生合，两家俱有惠。世旺，男家多；应旺，女家多。

**一卦吉凶，细察精微委曲；百年夫妇，方知到底团圆。**

生僻字注释：

- (1)【赘】读音：zhui，四声。【入赘】意为：招女婿。
- (2)【衾】读音：qin，一声。意为：被子。
- (3)【卺】读音：jin，三声。意为：古代举行婚礼时用作酒器的瓢。
- (4)【葭莩】读音：jia，一声。fu，二声。意为：芦苇茎中的薄膜。比喻关系疏远的亲戚。
- (5)【浼】读音：mei，三声。意为：请托。
- (6)【贶】读音：kuang，四声。意为：赠，赐。

## 七、孕育：(附：老娘 乳母)

**首出混沌，判乾坤而生人物；继兴太昊，制嫁娶以合夫妻。迄今数千百年，化生不绝；虽至几亿万世，络绎不绝。盖得阴阳交感，方能胎孕相生。**

**先看子孙，便知男女。阳为男子，掌中探见一珠新；阴是女儿，门右喜看弧悦设。**

子孙为占产用神。阳爻为男，阴爻为女。

或更反兆，徒劳鞠育于三年；若遇化空，枉受胚胎于十月。

反兆者：占得生男卦，反生女；占得生女卦，反生男是也。皆主不寿，子孙化入空亡者，亦不育。

**主星生旺，当生俊秀之肥儿；命曜休囚，必产萎靡之弱子。**

子孙生旺，生子必肥大，异日主俊秀不凡；休囚无气，生子必弱小，异日主萎靡不振。若子孙无气，得月建日辰动爻生合扶持，主所生儿始虽弱小，后渐肥大；子孙虽旺，遇月建日辰动爻刑冲克害，始虽肥大，后渐怯弱。

古人断男女生，虽以阴阳为主，然又言：阳爻衰弱，亦主生女；阴爻旺相，亦主生男。以衰旺为主，阴阳为辅。细推其理，非确论。何也？

人生稟天地之秀气，受父母之英精，盖感阴阳而化育也。得阳精于中，阴血裹之，则成阳胎生男；得阴血于中，阳精裹之，则生女。感其气之盛而正者，则生子肥大而为贤智；感其气之不正而微者，则生子弱小而为愚不肖。此为自然之理，而易道岂异是哉！

故愚谓：子孙属阳断生男，或休囚则推弱小；子孙属阴断生女，或旺相则推肥大。盖必以阴阳

为主。故也。学者详之。

### 如无福德，当究胎爻。

剖决固以子孙为主。若卦无子孙，当寻胎爻定之。如乾兑宫卦，子孙属水，胎在午，则午为胎爻。

故卦有子孙，则不论胎；或无子孙，又无胎爻，则以第二爻断之。

### 双胎双福必双生，

卦有两子爻，又有两胎爻，虽不发动，亦主双生。若卦有两子爻皆动，或子化子，胎化胎者，皆双生之象。若二爻一阴一阳，则一男一女；一旺一空，则一生一死。

### 一克一刑终一梦。

卦无子，占产大忌。若胎爻又被月建日辰动爻刑冲克害，或无故自空，大凶之兆。故一场春梦，言其子必亡也。子孙衰受克者亦然。

### 胎临官鬼，怀胎便有采薪忧；财化子孙，分娩即当勿药喜。

鬼临胎爻，其妇怀胎常有疾；胎爻被官冲克亦然。若胎爻虽临官鬼，化出子孙，或财化福爻，则怀胎时固多疾，分娩即安泰。

### 妻财一位，喜见扶持；胎福二爻，怕逢伤害。

财为产母，胎为胞胎，福为儿女。三者皆喜月建日辰动爻生合扶助。则产母安，胞胎稳，子亦易养。若见刑冲克害，产母多灾，胞胎不安，所生子亦难养。化入死墓空绝，大凶之兆。

### 虎作血神，值子交重胎已破；

白虎为血神。若临子孙或临胎爻发动，其胎已破，临财动者亦然。惟临兄鬼，及带刑冲克害，或化官，莫作吉断。可言此必漏胎。动爻合住，胎虽动而未分娩。

### 龙为喜气，遇胎发动日将临。

占产以青龙为喜神。若在胎福财爻上动者，生期已迫，必然临日者也。在父兄官爻上动，勿作

吉看。

**福遇龙空胎动，乃堕胎虚喜；**

福临青龙空亡，而胎爻自发动，或被冲动者，必是堕胎虚喜。福若避空，则不然。

要知何故堕胎，以胎爻断。如临官鬼白虎，因病堕胎；临父，则劳伤；临玄武，则色欲；临螣蛇，惊吓之故；临朱雀白虎者，斗殴扑跌堕也。

**官当虎动福空，乃半产空娠。**

白虎临官发动，或临财动化官，而子孙空亡，或伏，或动空化空，或被冲散者，当小产。临月卜卦，乃是其子不育之象也。

**福已动而日又冲胎，儿必预生于膝下；**

胎与福若临龙虎，或有不动，而日辰冲并者，其子已生。若不克世，则勿断，须再详支神。如不系已过占时候，可言当日便产；虽过时，而动爻是重，亦分娩矣。

**福被伤而胎仍化鬼，子当早死于腹中。**

子孙在死墓绝地，又被月建日辰动爻刑冲克害者，大凶之兆。若胎爻又临官，或胎化官，必是死胎。更财爻又临死墓空绝，须防母子俱入黄泉。

**兄动兮不利其妻，父兴兮难为厥子。**

兄乃克财之神。如动，则产母不安；父为克子之杀。更动，则子宫必损。然二神，以有救无救断之，可也。

**用在空亡逢恶杀，何妨坐草之虞；**

父兄发动，本为凶兆。如财福二爻在避空之地，谓空不受克，故云无事。或父兄虽动，而得动爻日辰合住，谓之贪合忘克；纵凶亦虚惊，必无大害。

**妻临玄武入阴宫，果应梦兰之兆。**

巽离坤兑四宫，财爻临玄武，或与玄武作合，必仆婢所生，旺相必是淫妇。休囚有吉神救助，

只主出身微贱，非是淫乱之妇。

### **克世克身，诞生日迫；**

凡占生产，得子孙胎爻冲克身世，生期已迫，当以日時断之。盖凡生世主迟，克世主速。克若动而逢空，过日断。休囚，期在生旺日時；旺相，当以本日断。

又如子孙动，胎爻静，以动者定其日，冲胎定其时。若胎动而子孙静，胎爻定其日，冲福定其时。盖动则速，冲则迟。故也。

又如动而合住，则以冲克破合日断之，余类推。

### **不冲不发，产日時迟。**

卦中胎福不动，又无暗冲者，其生产月日未临，必然迟缓。直待冲动日月，断其生产。若无胎福二爻，其产亦迟，宜以卦中临动之爻断。若又无动爻，则以卦身胎养长生之日断之。

### **胎福齐兴官父合，临产难生；**

胎福二爻发动，本主易生。若被官鬼父母合住，或日辰带父兄鬼合住，皆主临产难生。直待冲破克破合住日時，方得分娩。若非合住，而胎福自化父母官鬼者，皆主迟滞。

### **子财皆绝日辰扶，将危有救。**

占产遇胎福在墓绝之地，固凶。若得日辰动爻生扶，此乃将危有救之兆。如被恶杀旺相刑克，则不能有救。

### **间合间生，全赖收生之力；**

老娘收生，以间爻推之。若动而生合财爻，及胎福二爻，必得老娘收生之力，然后快易。如卦有凶神发动，而间爻救制者，必遇收生而后产也。

### **官空官伏，定然遗腹之儿。**

卦无官鬼或在空亡，主产妇丈夫已死，此必遗腹子也。然非财福白虎则勿断。若有鬼伏在白虎爻下，或龙伏鬼墓爻下，则主夫病卧在床，非死也。旺空，则是有病；鬼爻入墓，或身临鬼墓，若非有病，只在狱。

**游魂卦官鬼空亡，乃背爹落地；**

占产遇游魂卦，官鬼空亡，或鬼空动，或鬼动化入游魂；皆主临产，其夫出外，不见生产也。若其夫自占：遇世爻空亡者，亦然。如遇游魂卦，变入归魂，而鬼爻发动者；又主临产，其夫自外归也。世动逢合住，得归不到家。

**发动爻父兄刑害，必携子归泉。**

父兄，占产忌爻。若带三刑六害，当权旺相而动，财福二爻在死绝之地，而无救助者，主子母俱亡。

**官化福，胎前多病；财化官，产后多灾。**

未临月占。鬼化出子孙，主胎前常有病，待产后方安；财化官，则胎前强健，至产后多病。若已临月，须防产母有不测之患。

**三合成兄，儿缺乳；**

卦有三合成兄弟局者，生子必然乳少。若兄在旁爻无气发动，亦主缺乳；财福化出兄爻亦然。若三合成父母局，子必衰弱无力。成官鬼局，生产必不快易。惟三合财福局，然后吉。

**六冲遇子，妇安然。**

凡占六冲，财福发动；或得日辰六冲暗动，则财有生气，鬼有克制；所以产母安然而卧也。

**应若逢空，外家无催生之礼物；**

占产以应为外家，若逢空，必无催生礼物。临兄，则是怪吝人，虽有不多。临财福，更来生合世爻，必有厚惠。旺则外家富，衰则外家贫。与世刑冲，必与外家不和。

**世如值弟，自家绝调理之肥甘。**

兄值世衰，则其家贫，欠将息，产妇必难强健。旺则其人怪吝，不肯调理，非无也。动化子，则主其人素虽怪吝；合则肥甘足用。世临财福空亡，亦乏调理。

**阳福助青龙，无异桂庭之秀子；阴孙扶月建，何殊桃洞之仙姬。**

子临月建青龙，或月建带青龙，生合子孙者；不拘男女，皆主俊秀聪明。子孙墓绝，或带刑害，或加虎蛇，或受冲克，或化兄鬼，皆主丑陋不肖。

**若卜有孕无孕，须详胎伏胎飞。**

凡占胎孕有无，专取胎爻为主，不看子孙。如卦中六爻上下，及年月日時，皆无胎爻者，虽有子孙，亦为无孕。卦中虽无动爻，有化出者，眼下无胎，后必有胎。惟遇胎爻出现旺动，便为有胎。

若卦无胎，子孙又空，乃是命中所招，必无子。

**出现空亡，将𧈧而复散；交重化绝，既孕而不成。**

𧈧：阴血阳精凝聚成胎之谓。盖未成形曰𧈧，已成曰孕。胎爻出现，如遇空亡，主虽有胎，不至成形而又散；若得发动，其胎已成。惟怕变入死墓空绝，则主胎孕虽至成形，不能孕育于膝下，是亦不成而已矣。

**姙必逢官，**

孕伤曰姙。胎临官，或动官，或被官动来刑冲克害，皆主胎孕有伤。若非鬼爻，而被月建日辰刑克，其胎亦有伤损。日辰冲胎，怀胎不安。

**姙须遇虎。**

娠妇既孕，月事又通曰姙。若未及月，胎临白虎，必是漏胎。如遇杀冲，或发动化鬼者，旺相为小产，无气是漏胎。

**带令星而获助，存没咸安；**

凡占胎孕，胎爻旺相，又有生合扶助，不临官鬼父母及空亡者，其胎必成。更阳爻则生子。生有养，死有祀。所以存没咸安。

**有阴地而无伤，缓急非益。**

胎爻属阴，休囚；而得月建日辰动爻生合，再无凶神刑克者，其胎亦成，但生女。故曰：缓急非益也。

**如逢玄武，暗里成胎；若遇文书，此前无子。**

胎临玄武，必然暗与人通，及阴司不明；所授之胎，非夫妻正受也。休囚有制，则占婢妾胎孕。若临父，主此前未尝有子，或者虽有不存，今始成胎也。

**孕形于内，只因土并勾陈；胎隐于中，端为迎龙合德。**

胎临勾陈，怀胎显露，更属土爻，犹甚。胎临青龙，其胎不露，更逢三合六合，必隐然如未孕者。

《天玄赋》曰：“胎爻属阳，阳气轻清上浮，胎近胸前；胎爻属阴，阴气重浊下降，胎必近下”。此说得之。

**若问收生之妇，休将两间而推；如占代养之娘，须以一财而断。**

若占老娘及代婆者，以占产卦中取之，则间爻是也。

今人执其迷说，虽单占另卜，亦以间爻论，则失之矣。

故凡单占，当以妻财一爻为主，不可又以间爻推之。

收生之妇，即今老娘；代养之娘，即今乳母。二者断法相似，故并云。

**刑冲克害，福德要防；死墓绝空，财身宜避。**

凡占老娘、乳母，虽以财爻为主，然亦重子孙。盖子孙生扶财，故也。若被日辰月建动爻刑冲克害，则子必见伤，虽财爻有气，亦不可用。若子孙不受伤克，而自居死墓空绝之地，则主老娘无手段，乳母不济事。化入者亦然。

**兄动兮手低，乳母须防盗物；**

兄弟发动：占老娘，决然本事必低；占乳母，则主此妇贪财爱物，见财起意；又主贪食，亦非贞洁。又加玄武，必滥。若财爻自动化出兄爻，或临卦身，依此断之。

**父兴兮乳少，老娘切恐伤胎。**

父母发动，占老娘最凶，胞胎必然损伤。更加刑害，儿必为其所害，切不可用。

如占乳母，衰则主乳少，旺则无乳，不可用。若化出，及持身世者，同断。

或问：篇中断乳少，前以兄弟断，此以父母断，何也？

答曰：大抵卜易贵通变，执一则非。盖乳固一事，以小儿言为食，属财，则乳亦当以财爻取；以妇人言，则母乳于孩子，故乳亦以子孙取之。如子平中，亦以我生者为食神，夫岂负本之论哉！

### 子孙发动多乳，手段更高能；

大抵子孙旺相发动，不临空绝，不受制伏，财爻又无伤害者，上吉之卦。老娘手段必高，乳母必主乳多，向后决然称意。

### 官鬼发动多灾，事机犹反复。

官鬼发动，必有祸患。不伤身世，虽凶亦浅；一遭刑害，祸不可言。

如两官皆发动，鬼化鬼，兄化兄，或官兄乱动，必主大凶。

占乳母，反复难成；虽成，必有口舌后患。

### 财合福爻，善能调护；身生子位，理会维持。

卦身与财，生合子孙，最吉。占老娘，手段必高，惯能救死回生；占乳母，主其妇善抚小儿，乳亦多。

### 如逢相克相冲，决见多灾多咎。

子孙被财与卦身刑冲克害，最不利。用之，儿必为其所害。子孙避空，或月建有气，财身有制，庶几无虞。

占老娘，胎爻亦不可受伤，世持父兄，亦不遂意。

### 生僻字注释：

(1)【迄】读音：qí，四声。【迄今】意为：到现在。

(2)【帨】shuì，四声。意为：古时的佩巾，象现在的手绢。

(3)【𦵏】读音：péi，一声。意为：凝聚的血。

(4)【姙】读音：bàn，四声。意为：妇女小产出血。

(5)【姙】读音：dān，一声。娠妇既孕，月事又通曰姙。

## 八、进人口

**独夫处世，休言无子即忘情；君子治家，难道一身兼作仆。**

**必须便嬖，乃足使令于前；若不螟蛉，焉继宗支于后？**

老而无子曰独，过继他人子曰螟蛉。螟蛉，虫类也。

**须别来占，方知主用。**

过继小儿，以子孙为主。买婢、雇童仆、买宠妾，及收留迷失之人，皆以财为主。若窝藏有难之人，则看其人：与我相识朋友，以兄弟为主；尊长，父母为主；妇人，妻财为主；在官人，以官鬼为主也。

**用不宜动，动必难留；**

用爻发动，其人难托。若遇游魂，或化入游魂者，异日主逃窜。虽螟蛉，亦不为尔子也。雇工借居，则主不久。若来生合世爻，则是吉兆，非逃与难留也。

**主不可伤，伤须夭折。**

主象衰弱，而被日辰动爻乘旺来刑伤克害，更无解救者，异日必然夭折。虽借居，亦主其人大祸。若伤克之爻又无气，或有制伏，不过灾病，非夭折。得用爻在空避之地，无妨。

**衰入墓中，拟定萎靡不振；旺临世上，决然干蛊有成。**

用爻入墓，其人性慵懒；衰弱无气，及临死绝，主萎靡不振；若得旺相不空，临身持世，或生合世爻，大吉之兆。

**立嫡过房，必能成家；买纳奴婢，亦能体我心力。**

动化空亡，有始无终之辈；蛇合官鬼，多谋少德之人。

用爻发动，变入空亡，主其人有头无尾。若临螣蛇，动合官鬼，其人虽多谋，然奸诈不实，难凭。妇人见之，则主不贞洁。

**临玄武而化兄爻，门户须防出入；**

用临玄武动，化兄弟；主其人贪财好色。托以财物，则必窃取自用，且必淫乱；男女皆然。故

门户防其出入。

**遇青龙而连福德，资财可付经营。**

用临青龙，动化子孙，生合世爻，其人至诚忠厚。托以财物，则守而勿失；使之经营，则利尽归于主。

如占小儿，遇子孙化子孙者，反主多灾。

**若逢太过及空亡，反主少诚兼懒惰。**

卦中用爻，有三四重太过，或主象又化主象，皆主其人暗藏机巧，反复不实，且又事不宜向前。若主象空亡，亦是懒徒。决断人物，已在前，此又补不足耳。

**用爻生合世爻，必得其力；主象克冲身象，难服其心。**

用爻生合世爻，其人可用。凡有事干，必然用心；虽螟蛉，亦必欢爱于我，大吉之兆。

大怕合住冲散，及克坏之。若用爻刑冲克害世爻，必主其人心不悦服，难以使令。更加旺动，是乃奴婢欺主之象。兼以应亦刑克，异日必遭其祸。

**财化子，携子偕来；**

凡占妻妾婢女，财爻化出子孙，必有小儿带来。若动财生合世爻，而化子反来刑克者，其婢则可使，其子必顽劣不驯也。

**世合身，终身宠用。**

卦身一爻，占事为事之体，古人为人之身。若遇世爻生合，其人必得宠用。不拘借房投靠使婢，若遇世合财爻，其妇必通于家主。

**受动变之伤，向后终难称意；得日月之助，他时定见如心。**

月建日辰动爻克世，其人不可用；世爻衰，必被其害；若得变动日月生合扶助，然后为吉。若用爻空亦不济。

**世与卦身，以和为贵；**

世身二爻，相合相生，比和为吉。相克相冲，刑害为凶。

**兄同官鬼，惟静为佳。**

兄弟一爻者，为破财，为干众，为虚诈，为阻滞，为是非，为灾祸。官兄二爻者，皆不宜动；动必不称意，有制不妨。

**兄鬼交重，诚恐将来成讼；三合绊住，须知此去徒劳。**

兄官或交变，或俱动，或从文书化出，皆主争论纷坛，而至于成讼则已；若自三合六合绊住动爻，必有人阻挡，虽欲兴词，终不成讼。欲知何人阻住，以合住之爻断之。

**若在间爻，乃是牙人作鬼；**

买卖交易，以间爻为牙行人。若临兄弟官鬼发动，必是牙人作鬼斗谋，或多人争保，或行人争财，皆为不利。主事体难成。

**如居空地，不过卖主争财。**

官鬼一爻空动，是卖主假虚空言，欲争价耳。在间爻以牙人论。若兄鬼动而与应爻相合，必其卖主牙人作鬼论财，遇动爻化兄鬼亦然。

**卦象两官两父，须知事系两头；**

卦中父母、官鬼，俱有两爻；或动爻化出官父，重叠太多；或卦无主象，而从官父化出；皆主其人曾经典卖，今是重易也。若父化父亦然。两鬼俱动生合用爻，皆有人争竞买雇。

**兄鬼一动一冲，切莫财交一手。**

卦遇应爻克世，而兄官发动，或被日辰冲动，或临应爻克世，须防设谋诓骗。故财物不可便交一手去也。

**应主世，他来就我；世生应，我去求人。**

凡占买雇奴婢，交易等事，以应为卖主。应生世是他人来就我，成事最易，吉；若世生应，我去求他，成事实难也。

**和合易成，最怕日辰冲破；**

世应生合，凡事易成。生合为上，克合次之。惟不宜世动，则是我去合他，又为难也。若是相合，又被日辰动爻刑害，必有破阻。要知何人，以破合之爻定之。如父母，为长上类。

**相冲难就，偏宜动象生扶。**

世应刑冲克害，凡事费力难成。若动爻日辰生扶合助，谓之有气，必有贵人扶持，事亦可成。若当用爻，则是牙人能持其事。如生合爻是兄弟，又须用财嘱托，方能成事。

**兄爻发动，为诈为虚；**

兄弟为反复不定之神，故也。

**卦象乱兴，多更多变。**

乱动则事不定，故多更变。

**六爻无父，定无主契之人；**

六爻以父母为文书契券，又为主契之人。若六爻皆无父母，必无主契之人。若无父母而动爻化出者，主有旁主。虽有父母而应爻空亡，亦无正主。

**两间俱空，未有作中之子。**

间爻空亡，必无媒人。空亡而逢冲，必须央浼作媒。世冲，我去央他；应冲，彼去央他。动而空亡，其人假意推托，非真无心做也。

**世获间生，喜媒人之护向；**

间爻生世合世，媒人必然向我，生应则向他人。临子孙旺相发动，必然执持其事。若不生世，而被应克，且居衰弱之地，彼必听其谋为也。

**生扶弟出，防喜生之合谋。**

大抵间爻生合世爻，若卦中凶神不动，则是媒人诚心向我，无他意也。若兄鬼螣蛇玄武动克世，

而应爻又来冲刑我者，则是间来生合，假意合谋，非真心也。空动亦非真心。若临兄弟动化官，或临父官兄，其言必不可信。

### **父化兄，契虚事假；**

凡遇以上凶卦，而父母又化兄爻者，决主事体不真，文契不实。卦无父母，而从兄弟化出者，亦然。

父化父主文书不实，又主交易重叠。

### **兄持世，财散人离。**

兄弟持世，必然多费钱财，事亦干众。雇工奴婢，不得力。更带凶神旺动，必主人离财散。若占交易货物，亦不正之物。

### **应若空亡，我欲成交徒费力；世如发动，彼来谋合亦难成。**

凡占交易，若我干求于彼，而应爻空亡者，其事必不成。如彼欲求谋于我，而世爻空亡者，其事亦不成。盖空世动，是我心疑惑；应动是他人更变；皆主难成，不为执滞。

如或空逢冲动，而遇合，皆谓有解。至此月有成，自空妄动则凶。

### **弟因财乏，鬼必疑心。**

卦遇不成之象，而兄弟持世者，必因资财缺欠，故难成也。六爻无财，或落空亡者，亦然。

鬼爻持世，则是心多疑，或进退不定，故难成也。不然必有他事阻，或有不测灾病。

卦无官鬼，又是无人执持其事，亦主不成。

### **四复三番，事机不定；千变万化，卦象无常。能求不见之数，自喻未来之事。**

凡占收留遗失子女，最怕鬼临玄武发动，必是盗贼。用临玄武，动化鬼爻，亦然。刑克世爻，必被其害。

或有远方挈家逃来借居者，不论六亲，以应为主。临兄，为欠债来；临官，为户役避罪责；加玄武则是盗贼；逢冲，事已败露；虽临玄武，不带鬼，而与财爻合，或临玄武财爻，为奸情事来也。

大抵皆怕兄鬼旺动克世，祸终及己。不伤世，或子孙持世者，不妨。

生僻字注释：

(1)【嬖】读音：bi，四声。意为：宠爱，受宠爱的人。

(2)【诳】读音：kuang，一声。【诳骗】意为：说谎话骗人。

## 黄金策（三）

### 九、疾病

**人孰无常，疾病无常；事孰为大，死生为大。**

占病以官爻为恶杀。凡病：症候轻重，得病根由，皆系此爻。独发之爻，亦可以此推之。

**火属心经，发热咽干口燥；水归肾部，恶寒盗汗遗精。金肺木肝，土乃病侵脾胃；衰轻旺重，动则煎迫身躯。**

鬼爻属火，心经受病；其病必发热，咽干口燥类。属水，肾经受病；其病必恶寒，或盗汗，或遗精白浊类。属金，肺经受病；其症必咳嗽虚怯，或气喘类。属木，肝经受病；其症必感冒风寒，四肢不和类。属土，脾经受病；必虚黄浮肿，瘟疫时气类。

若鬼爻衰弱，病必轻；旺必重。安静则稳然安卧，发动则煎逼急躁。

**若在坎宫，中满血虚兼湿毒；如当离卦，内虚眼赤及尿黄。**

坤腹乾头，兑必喉风咳嗽；艮足震手，巽须瘫痪肠风。

鬼在坤宫，腹中有病。火鬼：必患腹痛。水鬼：腹中疼痛。动化财爻，或财化水鬼，必患泻痢。

土鬼：

坎象中满，故主中满；离象中虚，故主内虚。然坎宫属水，火鬼主血虚，水鬼主湿毒。离宫属火，或火官主眼赤，水鬼主尿黄。

**坤腹乾头，兑必喉风咳嗽；艮足震手，巽须瘫痪肠风。**

鬼在坤宫，腹中有病。火鬼：必患腹痛。水鬼：腹中疼痛。动化财爻，或财化水鬼，必患泻痢。

土鬼：则是癖块，食积，或沙胀蛊症。木鬼：绞肠痧痛，或大肠有病。金鬼：肋肋痛。在上，胸隔痛；在下，腰痛。

此鬼在坤宫断法，其诸卦仿此推之。

**螣蛇心惊，青龙则酒色过度；勾陈肿胀，朱雀则言语颠狂。虎有损伤，女子则血崩血晕；玄武忧郁，男人则阴症阴虚。**

螣蛇鬼：则坐卧不安，心神不定。青龙鬼：则酒色过度，瘦弱无力。勾陈鬼：饱满肿胀，脾胃不和。朱雀鬼：狂言乱语，身热面赤。白虎鬼：跌扑打斗，伤筋损骨；女人则血崩血晕，产后诸症；白虎血神，故也。玄武鬼：色欲太过，忧闷在心；在本宫主阴虚；化子孙，男子必阳痿；盖玄武又暗昧之神，故也。宜通变。

### **鬼伏卦中，病来莫觉；**

占病遇本宫鬼出现发动，得病初即晓根源。若本宫官鬼不出现，而他宫官鬼出现者，有病必然久伏在身，今因七情四气感冒而发也。

若本宫他宫皆无官鬼，必隐然得病，初莫知何由也。明夷、观、贲、需、临，切忌世身入墓；大畜、丰、同人、蛊、夬，莫逢财鬼俱兴。

### **官藏世下，病起如前。**

本宫鬼官伏在世下，必是旧病重发。若伏鬼不伤用爻，而用爻反被世克者，前日病轻，今日反沉重。如伏鬼刑伤用爻，而用爻反得世爻生扶者，前日病重，今日轻。用爻：妻病看财爻类。

### **若伏妻财，必是伤饥失饱；如藏福德，必然酒醉耽淫。父乃劳伤所致，兄为气食相侵。**

鬼伏财下，必是饮食不节，伤饥失饱；或因财物起因，或因妇人得病。鬼伏子下，必是饮酒过度；或恣行房事。夏或露卧，过取风凉；冬或伤暖，过穿裘帛；或过修炼养精等药所致。鬼伏父下，必是劳心劳力，忧虑伤神。或因动土修造，或因尊长得病。鬼伏兄下，必是口舌争竞，停食感气；或有咒咀，或因赌博争财得病。

### **官化官，新旧两病；鬼化鬼，迁变百端。**

本宫官鬼，仍伏他宫官鬼之下，必是旧病；或因旧病不谨，变生他症；或新旧两般病。

若遇鬼化鬼，其病进退。或有变症，或药石驳杂，或寒热不定。

化出文书在五爻，则途中遇雨；变成兄弟居三位，则房内伤风。

鬼化父母，必在修造之处得病。若在五爻属水，则在途冒雨而得也。如化兄弟，必因口舌呕气，或是伤食。若在三爻属木，必房中脱衣露体，感冒风寒所致。若化子孙，则在僧道寺院，或渔猎游

戏所致。若化财爻，多因伤食，或因妻奴，或因买卖交易得病。以上六亲化出鬼爻，亦依此断。

**本宫为在家得病，下必内伤；他卦为别处染灾，上须外感。**

鬼在本宫，家中得病。在下三爻，必是内伤症候；不然病亦在内。官在外宫，外方得病。更在上三爻，必是外感风邪；不然，亦是外科症候。上下有鬼，内伤兼外感，症候不一。

**上实下空，夜轻日重；**

鬼在内宫，病必夜重；鬼在外卦，病必日重；内外有鬼，昼夜不轻。

若卦虽有二鬼，一旺一空，或一动一静，必日轻夜重，或日重夜轻。分上下断之。

**动生变克，暮热朝凉。**

凡占，动爻为始，变爻为终。若卦中动爻生扶用爻，而变爻刑克用爻者，其病必朝凉暮热，或日轻夜重也；动克变生，反此断。凡鬼爻化出所喜爻，所喜爻化出鬼爻，亦然。

**水化火，火化水，往来寒热；**

卦爻水动化火，火动化水；不拘鬼爻，但有干犯世爻或主象者，皆是寒热往来之症。卦有水火二爻俱动，亦然。

水旺火衰，寒多热少；水受伤，火得助，则常热乍寒也。

坎宫火动，内寒外热；离宫水动，皮寒骨热。若带日辰，必是疟疾。

**上冲下，下冲上，内外感伤。**

上下有鬼，病必内外两感。俱动俱静，一同受病。二鬼自相冲者，适感而遂伤也。如内鬼动，冲外鬼，先伤后感；外鬼动，冲内鬼，先感后伤。要分轻重，以刑合断之，可也。

**火鬼冲财，上临则呕逆多吐；**

火性炎上，财为饮食。故占病，遇火鬼动克外财，必是呕吐，重则反胃不食。若财带螣蛇，吐上兼虫；财在间爻，则是消渴易饥之症。

**水官化土，下值则小便不通。**

水官化出回头土克，在本宫内卦，是小便不通。属阴，是大便不通。阳宫阴象，阴宫阳象，二便俱不通。若内卦水克，动加白虎，阳爻是尿血，阴爻是泻血。白虎血神，故也。带刑是痔漏。

**若患牙疔，兑鬼金连火杀；**

鬼在兑宫，口中病。若金鬼化火，或火化金鬼，必患牙疔。不化火爻，则是齿痛。金鬼逢冲，齿必动摇。

**如生脚气，震宫土化木星。**

鬼在震宫，病在足。加勾陈，足必肿；加白虎，必折伤破损。土鬼化木，则患脚气。木鬼，酸疼麻木；水鬼，必是湿气；火鬼，必主疮毒；金鬼，是脚趺膝疼骨痛，或刀刃所伤。

鬼在离宫化水，痰火何疑；官来乾象变木，头风有准。震遇螣蛇仍发动，惊悸颠狂；艮逢巳午又交重，痈疽疮毒。

离宫鬼化水爻，痰火症候；水动化鬼，亦然。乾宫鬼化木爻，头风眩晕；木动变鬼，亦然。震在外卦，勿依此断，可言其病坐卧不安，心神恍惚。盖震主动，故也。更加螣蛇发动，必是颠狂惊痫之症，小儿乃惊风也。逢冲，则有踰墙上屋之患。艮象为山，山高故也。更逢火鬼，必患痈疽。若遇变出土鬼，可言浮肿蛊胀等症。余可类推。

**卦内无财，饮食不纳；**

财主饮食。动化官鬼，其病必因酒饮食而得。若遇空亡，饮食不纳。若不上卦，不思饮食。财临身世，或化财爻，虽病重亦能食。

**间中有鬼，胸膈不宽。**

世应中间，即病人胸膈处也。官鬼临之，必然痞塞不通。金鬼胸肋骨痛，土鬼饱闷不宽，木鬼心痒嘈杂，水鬼痰饮填塞，火鬼多是心痛。若化财爻，或财爻化鬼，必是宿食未消，以致胸膈不利。

**鬼绝逢生，病体安而复作；**

鬼在死绝爻，其病必轻。遇日辰动爻生扶，谓绝处逢生，其病必既轻复重，将安复作也。

若财生鬼，必因饮食加重，或因妇人重合。故耳。

**世衰入墓，神思困而不清。**

世爻入墓，病必昏沉。旺相有气，无非懒于行动；衰则不言不语。是怕明喜暗，不思食；爱眠，怕起，懒开目。

更坐阴宫，必是阴症。用爻入墓亦然。世鬼入墓，鬼墓临用，皆依此断。

**应鬼合身，缠染他人之症；**

应临官鬼，刑克合世爻，而世爻在交重之位者，必因探访亲友病而缠染也。鬼爻属土，是时疫。用爻临应，必病卧他家。

**世官伤用，重发旧日之灾。**

大抵鬼爻持世，必然原有旧根。更伤用爻，必是旧病再发。否则必难脱体，须用保襁则吉。卦身持鬼，亦是旧病。

用受金伤，肢体必然酸痛；主遭木克，皮骨定见伤残。火为仇，则喘咳之灾；水来害，则恍惚之症。

卦中无鬼，以刑冲克害用爻者断。如金动来克，则木爻受伤，肢节酸痛；木动来克，则土爻受制，皮肉伤损。余可类推。

**空及第三，此病须知腰软；**

第三爻无故自空，为腰软；有故而空，或旺相而空，为腰痛；不空，而遇动爻日辰官鬼克冲者，乃闪腰痛也；动空亦然。鬼在此爻者，亦主腰痛。

**官伤上六，斯人当主头疼。**

上六。大抵不惟鬼爻临处受病，被伤之处亦有病痛。如克上六，当主头痛；克间爻，则胸隔不利。余可类推。

**财动卦中，不吐则泻；**

财在上卦动，主吐；在下卦动，主泻。若逢合住，则欲吐不吐，欲泻不泻；如呕逆恶心，里急后重之例。

**木兴世上，非痒即疼。**

寅卯二爻属木，寅木主痛，卯木主痒，若在本宫内卦，又是气不顺也。

生僻字注释：

(1)【孰】读音：shu，二声。意为：谁，什么。

(2)【恣】读音：zi，四声。意为：放纵，任意。

(3)【泻】读音：xie，四声。意为：腹泻，很快的流。

(4)【疔】读音：ding，一声。意为：中医指病理变化急骤，并有全身症状的小疮，坚硬而根深，形状像钉。

(5)【骱】读音：jie，四声。意为：骨节与骨节衔接的地方。

(6)【悸】读音：ji，四声。意为：因害怕而心跳的厉害。

(7)【痈疽】读音：yong，一声。ju，一声。意为：毒疮。

(8)【痫】读音：xian，二声。意为：癫痫。

## 十、病体

**既明症候，当决安危，再把爻神搜索；个中玄妙，重加参考，方穷就里之精微。**

**先看子孙，最喜生扶拱合；**

子孙能克制官杀，古人谓解神，又名福德，占病又为医药。卦中无此，则鬼无制伏。主服药不效，祷神不灵。

所以先宜看此。要生旺有气，不要休囚死绝。日辰动爻生扶则吉，冲坏则凶。

**次观主象，怕逢克害刑冲。**

主象即病人。如占夫，以官为主；占妻，以财为主之类。又自占，以世为主；代占，以应为主；亦是主象。

刑冲克害，即病人受症候折磨，故怕见之。若得世爻生合，旁爻扶持，必不至死。

**世持鬼爻，病纵轻而难疗；**

占病，怕鬼持世，必难脱体。大象纵轻，亦不易愈。若用爻有气，子孙当权，目下虽可医愈，日后必不断根也。

**身临福德，势虽险而堪医。**

用爻为身，乃一卦之体。若得子孙临之，决然无虞。纵然病势凶险，自可有救，以药治之，必定痊愈。

**用壮有扶，切恐太刚则折；**

凡占皆喜旺相，惟占病则不喜。盖人在病中，必衰弱；纵或素日强健者，至此必瘦，何旺之有？故凡得时有气，又遇动爻日辰生扶者，乃太刚则折之兆，至生旺日必凶。若动爻日辰刑克，则不嫌其旺相。

**主空无救，须防中道而殁。**

主象若空，占病大忌。必得动爻日辰冲克，谓之有救。盖冲空则实，克空为用，故也。否则必死。

**禄系妻财，空则不思饮食；寿属父母，动则反促天年。**

占病，以妻财为食禄，父母为寿命。卦中不可无，宜静不宜动。若主象遇绝，或化绝地，财遇之为禄绝，父母遇之为寿绝。大象若凶，此为死兆。卦若无财或落空亡，乃是不思饮食。

父母爻动，占病大忌。以其克制福神，官杀能肆其虐，故也。主服药不效，祷神不灵。故云反促天年。

**主象伏藏，定主迁延乎日月；**

用爻不上卦，其病必难安。盖凡出现之爻，日辰动爻能生能合；若不上卦，虽有生扶，着于何地？

故其占如此，病亦是恍惚朦胧，不爽快之症。

**子孙空绝，必乏调理之肥甘。**

子孙固为医，又为酒肉。若在空亡，或临死绝，或不上卦，其病必乏肥甘调理，亦缠绵难愈。若日辰应爻上带子孙，生合世爻用爻者，必有馈送礼物资养。

**世上鬼临，不可随官入墓；**

世持官鬼，固非吉兆。若遇日辰带墓爻，谓随官入墓；本命爻随官入墓，亦凶。若世爻用爻，化入鬼墓；及世爻命爻带鬼动，化入墓者；与用爻命爻世爻，持鬼墓发动者，皆主大凶。

**身临福德，岂宜父动来伤。**

占病，以子孙为解神。身若临之，大吉之兆。如父母动来克伤，仍为不美。

**鬼化长生，日下正当沉重；**

鬼爻发动，病势必重。若鬼化入长生，乃一日重一日之象，直过帝旺日，然后轻减。鬼在长生爻上发动，亦然。若化衰病，一日轻一日，与福化长生皆吉。

**用连鬼杀，目前必见倾危。**

占病，不宜用爻发动，动则病体不安。若又化出鬼爻，谓病人变鬼。卦中更无子孙日辰解救，必死无疑之断。

**福化忌爻，病势增加于小愈；**

子孙发动，制伏官鬼，其病必减。若遇化出忌爻，反来伤克用神者，必因病势少愈，不能谨慎，以致复加沉重。子孙化官爻，亦然。

**世挠兄弟，饮食减省于平时。**

兄弟持世，饮食必减。其病亦是贪食而得。若不动又无气，而卦中财福爻旺者，则不然。乃是气短力弱之症，不易痊愈。

**用绝逢生，危而有救；**

大抵用爻，不宜死绝之地，以其一克则倒，故也。卦中动爻生助，谓绝处逢生，凶中回吉之象，病必将危有救。

**主衰得助，重亦何妨。**

用爻虽不宜太旺，亦不宜太弱。弱则病人体虚力怯，卒难痊愈。若得日辰动爻生合扶助最吉，

纵是十分重病，亦不至死。

### 鬼伏空亡，早备衣冠防不测；

官鬼一爻，固是恶杀，然亦不可无。盖凡得症因由，症候虚实，疾病安危，鬼神情状，皆决于此。

若不上卦，即当寻伏，庶可推测。若伏爻又空，其病必不能痊。纵有良医，亦不能达其病源；纵有鬼神，亦无叩告之门，天年命尽。若病轻不在此论。

### 日辰带鬼，急为祈祷保无虞。

日辰带鬼，生合世爻，世爻看带何等神，便知得何者为治。如带父母，必须经篆符醮保扶则愈。如带子孙，必须用药调理。如带兄弟，必须戒暴怒，节饮食。如带财爻，必须好好将息。带官鬼，祈祷鬼神。世持鬼，亦宜先祷。

但世鬼是先曾许下，日辰鬼是未曾许下。要知求何神鬼，有福力，以日辰推之。如子为北斗或北阴；亥或溺死鬼，察其为河伯，或划龙船。盖亥水中有甲木，故也。余仿此。

### 动化父来冲克，劳役堪忧；

卦中动爻，化出文书冲克世爻，宜自在，少劳碌。不然，病即复来，反加沉重。若化财来冲克，须防食复；更加玄武，宜防色复；若化子孙克冲，被药误矣；若化兄弟冲克，恼气即复也。

以上若日辰带刑冲，不可依此断。可言因此而复加沉重。盖日辰是鬼在也。

### 日加福去生扶，药医则愈。

日辰临子孙，生扶用爻，必得药力而安也。

### 身上飞伏双官，膏肓之疾；

凡遇卦身持鬼，而本宫官鬼爻又伏世下；或世持官鬼，而本宫官伏用爻之下；或自占遇世爻飞伏，上下皆值官鬼；总谓双官夹身，最为不利。若大象不死，亦是沉困之疾，考终之患也。

### 命入幽明两墓，泉世之人。

以日时看，身随鬼入墓，命随鬼入墓，世随鬼入墓；有卦墓、鬼墓、世墓、主墓。凡遇动出卦

中者，人皆见之，其墓为明；变入墓中者，人所不见，其墓为幽。不拘幽明，皆非吉兆。

大象不死，病亦危困。若大象既凶，又逢墓动，或世爻主象俱入墓者，必死。得动爻日辰冲破墓爻，庶几无事。

### 应合而变财伤，勿食馈来之物；

应爻动来生合世爻，当有问安之人。带财福，必有馈送；兄弟，清访而已。若应虽生合，而变出妻财，反来刑世克世；或应爻生合世爻，而刑克主象；倘有馈送，切宜戒食。否则反能伤害。若上尊长，尤宜忌之。或加应值妻财，为变爻冲克主象者，亦然。

### 鬼动而逢日破，何妨见险之虞。

官爻发动，其祸成矣。若得日辰动爻冲之，谓冲散；主其病虽见凶，必不至死。

忌爻发动，遇冲亦吉。若不遇冲，而得日辰动爻，或合住，或制克，皆是见险无虞之象。

### 欲决病痊，当究福神之动静；要知命尽，须详鬼杀之旺衰。

此二句，乃言大略。此处最宜活泼推断。

且如子孙得时旺相，更动，就以本爻断其愈；无气发动，以生旺日月断。若得子孙安静，不得地，赖有扶持为福者，当以扶持之爻断。如卦中不赖子孙为福，而用所喜之爻相助，以成其吉者，即以所喜之爻断。

又如卦爻凶险，遇杀神忌爻动来伤克，得别爻冲散克制，或合住救得，恶爻无事，即当以制伏恶杀之爻断。若鬼爻忌爻虽动无气，亦无克制，而用爻旺相不受伤克者，又当以鬼爻墓绝者断。若忌爻不动，用爻不伤，而但衰绝无气者，当以用爻生旺之日断死期。余仿此。

### 生僻字注释：

(1)【殂】读音：cu，二声。意为：死亡。

(2)【箒】读音：lu，四声。意为：符箒。即道士所画的图形和线条。声称能驱使鬼神，给人带来福。

(3)【肓】读音：huang，一声。【膏肓】我国古代医学上，把心尖脂肪叫膏，心脏和隔膜之间叫肓。认为是药力达不到的地方。

## 十一、医药

**病不求医，全生者寡；药不对症，枉死者多。欲择善者而从之，须就著人而问也。**

**应作医人，空则闲亡而不遇；子为药饵，伏则扞格以无功。**

凡占病，以子孙为医药。占医药，以应爻为医人，子孙为药饵。

如卜请医，应空，医人必不来。发动生合世，医必从命。动空化空，必然他出。克世冲世，皆主不来。

无子孙，服药无效，空亦无功。

**鬼动卦中，眼下速难取效；**

占药，要鬼爻安静，无气为吉。若遇发动，其病正炽。虽有良医妙药，卒难取效。休囚少可，旺则愈凶。待鬼爻墓绝，用药方有功。或强服药，病必加重。

**空临世上，心中强欲求医。**

世爻空亡，必不专心求医；无故自空，决请不成；勉强为之，药亦不效。如占服药，而世空者，乃是药不对症也。

**官旺福衰，药饵轻而病重；**

占药，官爻无气，子孙旺相，药能胜病，庶有效。若子孙休囚，官爻反旺者，乃是药轻病重，虽或服之，必不能奏功也。

**应衰世旺，病家富而医贫。**

世为病家，应为医家。相合相生，非亲则友；相冲相克，亲不往来。若应旺世衰，病家贫乏，医必富；应衰世旺，反此断。

**父母不宜持世，鬼杀岂可临身？**

卦身与世，皆不宜临官父二爻。若有所遇，药便不中。父母持世，可许经醮保攘。鬼爻持世，可祷鬼神护佑，然后服药方有验。

**官化官，病变不一；**

医药卦中，遇官化官，其病必有更变。或症候不一，或病势不定，用药亦不见效。

**子化子，药杂不精。**

子孙，乃占药用神。只喜一位出现。有气不空，日辰动爻扶持，即上吉之兆。

若卦中重叠太过，或子孙重化子孙，乃是医不精，用药杂而无功也。

**福化忌爻，误服杀身之恶剂；**

世人皆疑《海底眼》误服药之句，殊不知此说极有理。盖有动则有变。变出父母，回头来克；变出财爻，扶持官鬼；变出兄弟，药不精洁；变出官杀，药反助病。子变子，乃用药太驳杂，不能见效。

此所以不若安静为妙。若变爻或伤世克用者，必致因药伤命之祸。

**应临官鬼，防投增病之药汤。**

应临官，必非良医。更来刑克身世主象，须防误药损人。或化忌爻，或化官鬼，皆不宜此人之药。

**鬼带日辰，定非久病；**

鬼带日辰，动出卦中者，必是日下暴得之病。若日辰虽是官鬼，不现卦中，则不然。可言其病眼下正炽，必须过此，方可用药。

**应临月建，必是官医。**

应持父母，必是僧道家，或兼艺术。应持兄弟，乃是庸医，或先求药价。持财爻，富贵医人，或女医。应临子孙，专门医士，或僧道。应持太岁，必是世医。

持日辰，而太岁刑克者，初学医。持月建，是官医；更临子孙，用药神效。医人老少，以生旺墓绝推之。

**世下伏官，子动则药虽妙，而病根常在；**

大抵动爻日辰，能生得克得飞爻，不能生克得伏神。盖伏神，隐伏之义。占病遇鬼伏世下，其病必不能断根。虽有子孙发动，但能取效目前，过后伏鬼旺相月日，其病必再发。

**衰中坐鬼，身临则病虽轻，而药力难扶。**

卦身临鬼，病不脱体。衰弱无气，缠绵难愈，淹滞之象。世旺相出现，久卧床褥，虽有良医亦无效。世持，及主象身临持官墓者，皆然。

**父若伏藏，名虽医而未谙脉理；**

卦有父母，子孙不能专权，固非吉。卦中又不可无，宜静不宜动。何也？

盖人气脉，皆属父母。故占医，若无此爻，必是草泽医人。虽能用药，脉理未明，必以意度者。

**鬼不出现，药纵用而莫识病源。**

官鬼固凶杀，然亦不可无。出现在卦，则子克制，日辰刑制，用药有效。若不上卦，其病隐伏；根因不知，症候莫决，率意用药，亦难取效。

**主绝受伤，虚医难救；**

主象在休囚死墓绝之地，而被日辰动爻乘旺刑克者，其病必死。虽有良医，亦无效。主象变死墓空绝者，亦然。

**父兴得地，扁鹊无功。**

父母发动，子孙受制，药必不效。若得子孙有气，日辰动爻冲合父母，救得有用，庶几可活。然亦必须多服为妙。父化子孙，亦是医人太慢。

**察官爻而用药，火土寒凉；**

火土官爻，其病必热，宜寒凉药攻之；金水官爻，其病多寒，必温热之剂治之。然火必寒，土必凉，水必热，金必温剂，可也。又如火鬼在生旺之地，又遇生扶者，必用大寒之药攻之；休囚死绝，则用凉药。水鬼在生旺之地，又遇合助者，须用大热之药；休囚死绝，则用温剂攻之。如火鬼在阴宫阴爻，乃是阴虚火动之症，可用滋阴降火之药。水鬼在阳宫内卦，乃是血气虚损之症，可用补中益气之药。宜通变，余仿此。

**验福德以迎医，丑寅东北。**

凡占服药，看子孙在何爻，便知何处医人可治。如在子爻，宜北方医人；丑爻，东北方医人。又如寅爻子孙，五行属木，其医是木旁草头姓名，或是虎命者；虽非东北，皆能医。余仿此。

**水带财兴，大忌鱼鲜生冷；**

财为饮食，资以养生。然动则生助鬼爻，反为所害。若更属水，必忌鱼鲜生冷，药始见功。如值木爻，忌动风之物。忌值火，忌炙烤热物。值金爻，忌坚硬盐物。值土爻，忌油腻滑物。财如不动，不可妄言。又忌鬼爻生肖物，如丑忌牛，酉忌鸡类。余仿此。

**木加龙助，偏宜舒畅情怀。**

青龙为喜悦之神，更临木爻，生合世爻主象；病人必抛却家事，放宽情怀，然后服药有效。

**财合用神居外动，吐之则痊；**

财在外动，主吐。若得生合世爻用爻，以药吐之则愈。如在内卦，疏利为妙。若财爻动来刑克世与主象，在外则主服药不纳；在内则主药后发泻也。

**子逢火德离离宫，灸之则愈。**

子孙属火，又在离宫，宜用热药疗之。若在他宫，又居外卦，必用艾灸则愈。如在内卦，或虽在外，而系本宫者，皆依此断。

**坎卦子孙，必须发汗；木爻官鬼，先要疏风。**

子孙在坎卦发动，不拘五行，皆宜表汗；官鬼属木，须散风邪，用药有效。举其一端，五行八卦皆仿此推之。

**用旺有扶，勿再补；**

用爻休囚墓绝，必是补药方效。若得时旺相，又有生扶合助，须克伐之药治之。若又补，则反害。

**鬼衰属水，莫行针。**

子孙属金，利用刀针。鬼爻属水，而用刀针，则金能生水，反助其势，病必增重。土鬼忌用热

药，水鬼忌用寒药，火鬼忌用风药，金鬼忌用丸药。

**福鬼俱空，当不治而自愈；子官皆动，宜内补而外修。**

占病，子官二爻俱空，乃吉兆。或俱衰静，无冲无并者，其病自愈，不用服药。

若二爻俱动，非药不对病，乃是神祟间隔，故无功；必须服汤药，又祈祷鬼神得痊。俗谓外修内补也。

**卦动两孙，用药须当间服；**

卦有二爻子孙发动，用药不必连服，以其分权故也，须多服见效。或用两般汤药，相间服之则效。

如占疮疽肿毒，可言内用托里，外用敷贴。

**鬼伤二间，立方须用宽胸。**

官鬼动来冲克间爻，必然胸隔不利，须用宽中汤药。鬼在二间爻动，亦然。

间爻逢兄弟发动，则是气不顺也，药宜调气。

**父合变孙，莫若闭门修养；**

卦中福爻空亡，官爻衰静，若有父母动来生合世身主象者，不须服药。

更化子孙，不若抛弃家事，静养深山；或入寺观闭门修养，勿药自安。

**五兴化福，可用路遇医人。**

子孙出现逢空，而五爻变出子孙，却不空者，不须选求名医服药，不如过路草医，反能治之。

若子孙不出现，六爻不化出，而日辰带子孙生合者，不意中自有医来治也。

**世应比和无福德，须用更医；**

世应比和，卦无福德，此药无损无益，服与不服，只是一般。须是更换医人，别求治疗，方可得痊。

**财官发动子孙空，徒劳服药。**

财官俱动，其势已凶。子孙又空，服之无益；纵有良医，必无功效。不如不服之渐愈。

生僻字注释：

- (1)【扞】读音：han，四声。【扞格】意为：互相抵触。
- (2)【炽】读音：chi，四声。意为：火旺，热烈旺盛。
- (3)【禳】读音：ran，二声。意为：禳解。即：迷信的人向鬼神祈祷，消除灾殃。
- (4)【谙】读音：an，一声。意为：熟悉。
- (5)【爇】读音 b0，二声。意为：煎炒或烤干食物。

## 十二、鬼神

**徼福鬼神，乃当今之所尚；祷尔上下，在古昔而皆然。**

**不质正于易爻，亦虚行乎祀典；先看卦内官爻，便知鬼神情状。**

官鬼能为实祸，能为福佑。故观此亦知其情状也。

**旺神衰鬼，方隅乾巽堪推；阴女阳男，老幼旺衰可决。**

凡鬼爻旺相，为神。休囚，为鬼。阳为男，阴为女。

临长生，少年鬼；临帝旺，壮年鬼；临衰弱，老年鬼；胎养，小儿鬼。乾宫，西北方；巽宫，东南方鬼也。若在乾宫，必许天灯斗愿；如居兑卦。定然口愿伤神。坎是北朝，艮则城隍宅土；离为南殿，坤则土地坟陵。震恐树神，或杖伤之男鬼；巽必缢死，或癫仆之阴人。

**八宫仔细推详，诸鬼自能显应。**

此以八卦推之。乾象为天，鬼在此宫，值火，许点天灯类。金鬼亦然。木鬼许放风筝。子丑二爻，许拜北斗。坤土属阴，故是坟陵土地。艮土属阳，故是城隍宅土。离居南，故推南殿。坎子地，故推北朝圣象。震为木，故树神；带白虎或自刑，则杖死之鬼。巽为绳，故主缢死之鬼；不带螣蛇，或非刑爻，则是风症死者。兑为口，故有呪咀口愿，又属金，故推伤神。盖乾三连，是浑成之金；兑象上缺，是伤损之金；故以兑为伤神，而不以乾为伤神。

更值勾陈，必有土神见碍；如临朱雀，定然呪咀相侵。白虎血亡，玄武则死于不明之鬼。青龙善愿，螣蛇则犯乎施相之神。

此以六神推之。勾陈职专田土，鬼爻临之，乃是土神为祸。朱雀为口舌，故有呪咀。白虎为血

神，故有带血女伤；居阳则凶暴恶死之鬼也。玄武是幽暗，故有不明死鬼；化兄弟，或从兄弟化出，则是盗贼。青龙是喜神，故有善愿。螣蛇推施相之神，今俗祷谢，必以面作小蛇，献之取验。

**金乃伤司，火定灶神香愿；木为枷锁，水为河伯江神。**

此以五行推之。金主刀兵所伤之鬼；旺是伤神，衰是伤司部众。火鬼在二爻，是灶君，其余香信。本宫内卦，是本境土地，神佛香愿；他宫，别境香愿。在六爻，远方香信。在五爻，途中所许。持世当境，社会中香愿也。午火衰弱，必是烧死之鬼。木鬼，东方神鬼。化金，或从金化，是械锁鬼。带螣蛇，吊死之鬼。木化木，又加白虎，夹死鬼。水鬼旺相，江神河伯；衰弱，落水鬼。在震巽二宫，或木化水，必是船上堕水死鬼。

**若见土爻，当分厂类。**

土爻临鬼，阴是阴土，阳是阳土。在震巽二宫，或从木化皆然，或树头土。临应冲世，或日辰带土鬼相冲相克，是飞来土。若日月动变皆带土，五方土也。

**鬼墓乃伏尸为祸；财库则藏神不安。**

鬼爻属金，卦有丑动是鬼墓。妻财属木，卦有未动是财库。他仿此。二事见家宅决中，今不尽述。然不伤世则不为祸。

**修造动土，必然杀遇勾陈；口舌起因，乃是土逢朱雀。**

此亦言土鬼也。加勾陈，必因修造动土，以致不安。

在初爻，穿井不安。二爻，作灶动土。三爻四爻，当门动土。五爻，路边动土。六爻篱笆墙下动土。

兑宫，开池动土。艮宫，筑墙动土。坤宫，造坟动土。坎宫加玄武，坑厕动土。

以上若临朱雀，则是动土时，暗有口舌，呪咀。或多口惹事，以致为祸。

**或犯井神，水在初爻遇鬼；或干司命，火临二位逢官。若在门头，须犯家堂部属；如临道上，当求五路神祇。四遇世冲，鬼必出门撞见；六逢月合，神须远地相干。**

此以六爻推之也。初爻水鬼，井泉童子不安。二爻火鬼，灶神见责。三爻为门，官鬼临之，当犯家堂香火。四爻为户，若遇官克世冲世，必曾出门撞见鬼祟。五爻临金鬼，五道；火鬼，五圣；

木鬼，五郎神众；水鬼，五路神司。衰弱，则道路边鬼。在六爻，定远方鬼。月建日辰生合，乃天神中有愿。

**鬼克身，冤家债主；身克鬼，妻妾阴人。**

我去生他，卑幼儿童僧道；他来生我，祖宗尊长爹娘。若无生合克刑，必是弟兄朋友。

此以卦身推之。鬼生卦身为父母，卦身生鬼为子孙；鬼克卦身为冤仇，卦身克鬼为妻妾。二者比和为兄弟朋友；阴爻是妯娌姊妹之鬼。子孙，小口卑幼之鬼。父母，尊长祖宗之鬼。财爻，妻妾、阴人之鬼。惟鬼克身，冤家债主之鬼，必难退遣。病亦未易安。

**刑不善终；**

鬼带刑爻，必非善终之鬼。辰是墙壁压死鬼，午是汤火烧烫鬼，酉是刀箭所伤鬼，亥是投河落水鬼。寅或虎噬，巳或蛇伤，戌或犬咬，丑或牛触。旺则为神道，刘郡王猛将之神。

**绝则无祀。**

鬼不上卦，看伏何爻下，便知是何鬼崇。如伏父下，为家先。伏福下，为小口类。若伏空下，乃是无收管之鬼，是孤魂野鬼。若临绝爻，乃无祀之鬼。

**如临日月，定然新死亡灵；**

卦无官鬼，而日辰是鬼者，必然新死亡人为祸。若日辰是鬼，而卦中又有鬼，必因祈祷，而近日新许之愿未酬。

**自入墓刑，决是狱中囚犯。**

如未日占卦，得木爻官鬼，谓鬼自入墓。必是死于图圉囚人之鬼。更带刑爻，必死于非命，或死于坟墓间者。旺相发动，则是庙神。

**傍爻财合，必月下之情入；应位弟生，乃社中之好友。**

财爻动合鬼爻，或财化鬼，鬼化财，自相作合者，必与病人私通之人为祸。若被世克，而带玄武，乃因奸致死之鬼。余仿此。

**化出鬼爻临玄武，则穿窬之鬼；变成父母遇螣蛇，则魇魅之精。**

鬼动，化出六亲，即以化出者断。如化兄，为朋友兄弟，妯娌姑嫜类。若化鬼，加玄武，必是盗贼。化父母，是伯叔六亲；加螣蛇，乃是其家屋中，匠人作魇魅出现，以致人口不安。父化官，虽非螣蛇，亦是匠人作弊。

**太岁鬼临，乃祖传之旧例；日辰官并，是口许之初心。**

若太岁日辰俱带鬼，则日下许酬祖例，尚未完其事。

**持世则未酬旧愿，伏为有口无心；变财乃不了心斋，空则有头无尾。**

鬼爻持世，亦非旧例，乃是先曾许过口愿，未得酬也。若无鬼，世下却伏本宫之鬼，亦是旧欠。但是有口无心，再不介意，故致愆责。若鬼爻化出妻财，必斋修不了，土杀之欠，或破戒不净。变财空亡，必虽许而口不戒，有头无尾也。

**鬼在宅中，住居不稳；官临应上，朝向不通。**

内卦第二爻为宅。若动鬼临之，宅不安，常有病。若冲克之爻，或应爻临鬼，其宅朝向不利，宜改。

**兑卦金龙干佛像；**

兑西方卦，佛又金身，故遇兑宫金鬼，神佛中必有善愿。带青龙勾陈，装塑；带螣蛇，是欲图画；化父，是描写；不然，则是经文。若化财福，是欲修舍。

**坎宫木动犯划舟。**

木在坎宫发动，舟楫之象。必划龙船，上三相公见咎。送之则吉。若艮巽卦中，水鬼临青龙动，及木化水，水化木，鬼在水上皆是。

**水土交加，在乾宫则三元大帝；火金互动，于兑卦为五道伤官。**

三官，天地水三官。乾宫土化水，水化土，而遇官爻者，是其象。

五道是刀剑之神。在兑宫互相发，而遇官爻者，是其象。

### 三空无香火之堂；

凡占病，遇三爻空亡者，其象不供香火之堂。动空化空，似有若无。旺相空亡，供器不全。余见家宅章。

### 怪动有不祥之祸。

怪爻季是两头居，初与六爻是。仲月逢之二五随，孟月只宜三四是。动爻成怪静无之。

临父母，必有怪器。加玄武是盗人之物。凡遇此爻动，虽非鬼爻，必是怪事。螣蛇又动临鬼爻，然后可言有怪。

### 龙遇文书，独发经文可断；

凡占有何鬼神，不持鬼爻断，独发之爻亦可推。如父母独发，祖宗求祀。临青龙，则有善愿经文。本宫鬼爻，又伏世下，而在胎养生旺之地者，必有新死亡人，讨求经忏荐度也。伏鬼属水，棺尚暴露，空则不然。

### 蛇逢官鬼，属阴梦寐当推。

鬼临螣蛇，必有虚惊怪异。若在阴宫阴象，则有梦寐。冲克世爻用爻，必梦中所见神祟。螣蛇临鬼动，则是吊死鬼。

### 动入空中值鬼，恐失孝思之礼；

官爻动空化空，皆主先亡中，有失禴祀，或逢忌日不设祭也。若在他宫外卦，则是眷属中曾有祀礼，今却除之，不设其位。或曾馈送褚帛，今无之。皆有此象。

### 静居宅上临木，家停暴露之棺。

木爻官鬼，静临二爻，或木鬼伏于父母下，其家必然停柩在堂，举之则安。衰则座席，起之，家宅安泰。依此断，万无一失。

### 生僻字注释：

(1)【徼】读音：jia0，三声。意为：求。

(2)【隅】读音：yu，二声。意为：角落，靠边沿的地方。

(3)【癡】读音：dian，一声。意为：精神错乱。

(4)【圜圉】读音：ling, 二声。yu，三声。意为：监狱。

(5)【魇】读音：yan，三声。意为：说梦话。

(6)【魅】读音：mei，四声。意为：传说中的鬼怪。

(7)【嫜】读音：zhang，一声。意为：丈夫的父亲。

(8)【柩】读音：jiu，四声。意为：装着尸体的棺材。

### 十三、种作

**农为国本，食乃民天。五谷不同，孰识异宜而播种；一年所系，全凭卦象以推详。**

**旺相妻财，丰登可卜；**

妻财乃占农之本。不拘种水旱物，先看主爻现与不现，有伤无伤，便知凶吉。若得出现旺相，有生无损，主其年必成熟。然此一爻虽不可无，亦不宜动，动则官鬼有气，终有损耗。若得变出福爻，则吉。

**空亡福德，损耗难凭。**

子孙为福德，占田之辅爻。最喜生旺发动为吉。若遇空亡，则财无生气，官鬼当权，定多损耗。财爻纵旺，亦不能全收。若得官爻亦不上卦，或落空亡，庶几小吉。如福德空，而财爻衰弱受伤，虚度一年，徒劳工本，决无成望。旺空动空，主半收半熟。

**父母交重，耘耔徒知费力。**

父母为辛勤劳苦之神。动则必主费力，多用耘耔。大要衰弱。临持身世，若旺动，财虽有气，亦减分数。盖子孙被其伤克，故也。若在空中避之地为吉。

**兄爻发动，年时莫望全收。**

兄弟劫财，占种忌爻。大怕发动，纵得福与财旺，亦非全熟年时。若临世，主治田之人，种作不精，不然欠工本也。

**鬼在旺乡，遇水神而禾苗淹腐；**

鬼爻发动，所种之初，必有损害。若临水爻，其田必被水淹。冲克身世，盖必为淹腐也。更逢

月建日辰动爻生扶，当有洪水横流之患。化出福爻生合鬼，后重生长。化出火来刑克，恐涝后又遭大旱；有救，雨虽多无事。

**官居生地，加火杀而稼穡焦枯。**

鬼在生旺之地，而临火爻动者，必主缺水。冲克刑克，恐有焦禾杀稼之祸。有制伏，虽旱不妨。变出水爻刑克身世，旱后必有苦雨淹没。

**土忌克身，水旱不调之岁；**

土鬼发动，必主水旱不调。克世，必有伤损。化火，缺水时多，滋润时少；化水，淹没时多，干旱时少。盖土能泻火之气，制水之势，故也。又主里社兴灾，须祈祷则吉。否则，田地荒芜欠熟。

**金嫌伤世，螟蝗交括之年。**

金鬼发动克世，有虫伤。应临及六爻，或五类中化出者，是蝗虫。不伤身世，财又旺不动，乃经过此地，不为害也。

**木则风摧，静须谷秕，生扶合世，方许无虞。**

木爻发动，伤克世身，所种物，必遭恶风摧挫。若化水爻，或水化木爻，或与木爻同发，当有风潮颠没之患。木鬼不动，亦主虚秕。

盖木爻五谷主星，更若福静财衰，必主苗而不秀，或秀而不实。财福动空化空，俱是虚秕，空好看之象。

火持鬼爻，与土金鬼爻安静，被动爻日辰伤克冲并，皆有虚损。如棉花暗蛀，菽豆延日，荸荠腐烂类。

**二爻坐鬼，必难东作于三春；五位连官，定阻西成于八月。**

以二爻为种作始事，五爻为收成之事。第二爻为内卦之主，第五爻为外卦之主。画卦自下而上，种作自春而秋收也。

以爻象言之：初爻为种子，二爻为秧苗，三爻为人力，四爻为耕牛，五爻为成熟之日，六爻为百事之天时也。

凡遇鬼在初爻，种子不对，或多败坏；鬼在二爻，难以耕种，或因阻节失时，秧苗有损；鬼在

三爻，农力不到，欠工；鬼在四爻，牛必有病，难以耕作；鬼在五爻，收成有阻；鬼在六爻，收时天气不顺。内卦无官方大吉。

二爻五爻，若被日辰刑伤冲克，其种作收成之时，必有阻节失宜。更看何爻伤克，便知何事阻之。如兄弟为口舌，官鬼为官讼类。

且如四月丙戌日卜禾，得大过之困卦。酉官动变午火，旱之兆也，日辰带财，克制二爻，后将插蒔，果为阴人少财而去，踰三四日而天则亢旱难用矣。此上海孙西畴所卜。依此断之，万无一失。

### 初旺则种子有余，

初爻旺相，种子有余。衰则不多，空则欠少。占种旱物，二爻空者，主重种；动空化空者，出后有损。三爻旺相，人齐力到；休囚空绝，芟锄欠工。

以上俱要生扶，皆嫌伤克。若卦有子孙，而初爻空者，种必不出，非无也。二爻空，秧必缺少。

### 四空则耕牛未办。

四爻旺相，牛必强壮。衰则不济，空则未有。兄化鬼，鬼化兄，与人合牛。空动化出子孙，或化丑爻，而与应爻作合，多是租佃他人之牛也。五爻空亡，收成多阻。更遇财福死绝，兄鬼旺动者，大凶之兆。所望一空，必无收获。六爻空亡，必有惊怪，非常之变。盖天无空脱之理，故也。余以应爻同看，极有准。

### 应爻生合世，天心符合人心；

当以应为天，以世为地。应爻生合世爻，治田遇好天。冲克世爻，则凡有所作为，非风即雨。

如丙子日，予卜棉花，得无妄之讼卦。应爻冲克世爻，自始至终，凡遇耘耕收获，辄遇雨。未尝得快作几日也

### 卦象迭财爻，多壅争如少壅。

卦中财爻，重叠太过，不宜多加壅壅。财爻无坏不空，兄弟卦中不动，而遇子孙发动者，多壅多收，少壅少收，无壅无收也。

### 日带父爻，一倍工夫一倍熟；

父母若临日辰，或坐世上，必主辛勤劳苦。若非勤作，决主少收。盖一倍工夫耘耔，则有一倍

熟也。子旺动，父死绝，则不费工夫而自熟。

### 财临帝旺，及时耕种及时收。

凡遇财在胎养长生爻上，不宜种作太早，早则不利，迟则少收矣。盖胎养长生，一日有气一日，虽迟不妨。帝旺虽有气，过此则一日衰一日，故宜早种。在帝旺衰爻上，不宜种迟。

### 要知终始吉凶，但看动爻变化；

动爻变财福吉，变兄鬼凶。兄化兄，偷盗损折；鬼化鬼，虫害残伤。父化兄鬼，辛勤不熟；父化财福，辛勤有收。财化兄，子化官，始则畅茂，终则空虚；兄化财，官化子，先遭伤损，后必称意。五爻财旺化兄爻，年谷丰登而价贱。

### 欲识栽培可否，须详子位持临。

凡占种植何物，以子孙推之。如临金水，宜种水物；临火土，宜种旱物；临木爻，水旱皆宜。子孙能生财克官，故不看财。若不上卦，方以财论。

### 世值三刑，农须带疾；

世为治田之人，被日辰动爻刑冲克害者，最为不利。如财爻伤克，必有阴人财物事。福爻伤克，必有小口六畜僧道事，故有妨农事。兄弟为口舌争斗，父母为尊长、文书、屋宅事情，官鬼为病讼、火盗类。若带白虎三刑，农夫必然带疾。世持官爻亦有疾，否则必有职役在身。加朱雀，恐是官讼。世持父母，惯知农业。持兄弟，必欠工本，或种作不精。持财福，或得财生福合，皆大吉。

自空化空，农夫有大难。不然其田必种不成，种亦必不利也。

### 爻逢两鬼，地必同耕。

凡卜种作，卦有两鬼出现，其田必与人合种。世爻空动，而鬼临应上，动来作合，必有人包种此田。日辰带鬼爻合住亦然。世爻空亡，而被兄弟冲并，皆是包揽与人种也。

### 父在外爻水辅，地虽高而潮湿；父居内卦日生，田固小而膏腴。

父母为田段。在外卦，其田必高；在内卦，其田必低。生旺田肥，墓绝田瘦。

临木田形必长，临土田形必短。临火是干旱地，临水是潮湿地，临金是白沙地。

日辰冲克，人不顾恋；日辰生合，必是好田，大家要种。依此断之，万无一失。

### 父化父，一丘两段；

父动化父，必是一丘两段之田。卦有两父亦然，或是种作两处。卦身出现重迭，亦然两处耕种。

### 冲并冲，七坎八坑。

日辰动爻克冲父母，其田必不平坦。非七高八低，则主人不照顾，田不值钱。或六畜损伤，或行人践踏类。

### 阳象阳爻，此地必然官斗则；

父母在阳宫阳爻，是官田；在阴宫阴爻，是民田。若阳宫阴爻，原官田，今改民田。阴宫阳爻，原民田，今改官田斗则也。

### 或空或动，其田还恐属他人。

父母空亡，田种不成，否则必非己产。临世发动，其田必有更变。化入空亡或空合应爻，当卖与人。世临勾陈动，亦主田有更变。

此一节百发百中，无不应验。

如乙亥日卜种水田，得既济之屯卦。父母空亡，果种不成。又如卜种粳麦，得姤之乾卦。世上父动化空，至正月果被原主回赎。

又如辛亥日，卜观之讼。世上父母动，化出午火，生合应爻，又遇官鬼旺动，遂与邻人构讼，其田果应卖与他人。

又如癸巳日，卜颐之噬嗑。世临勾陈，土财发动，其田果因田主自种，而不得成也。

### 坐落胎养，开辟未久；

父母安静，若遇卦中胎养爻动，来冲起者，乃是新辟之田。父在胎养动，亦然。否则必是新置者。若父持太岁月建，乃是祖遗产。卦无父母，从世化出，自己置买。若财化出，妻家妆奁。从兄化出，合户之田。从鬼化出，官家田地。不然，乃官斗则也。应爻化出，必是他人之田。

### 变成福德，沟洫分明。

父母动出子孙，必然沟洫分明，其地亦善。化财亦吉，其田必得高价。化兄，田不值钱，或未分析，或与他家之田合段。若系卦身，则是与人合种也。化官，其田不美，分五行取之。如化金鬼，必多瓦砾；化木鬼，必是杂草；化水鬼，沟道不明，水难泄泻；化火鬼，必有尸骸烧化，或荡田，或废宅；化土鬼，必有伏尸古墓；或沟塍畦岸莫辨；或浮土难为耕种；或有六畜践踏；或官吏入田。否则不然也。化官空亡，不妨。

### 若是坎宫，必近江湖之侧；

父在乾宫，其田必高；纵在内卦，亦非洼下低田。父在坎宫，田必傍江河；父在离宫，田边窑冶；父在艮宫，田在山林左右；父在震巽宫，田边必有树木；父在坤宫，田在郊外，田心之田也；父在兑宫，田边有官沟，或傍池沼，或以八方定其种所。

### 若伏兄弟，乃租邻里之田。

此条为租种而言。若父母出现，看父爻本宫所伏之神，则知何人家之田。如官伏父下，为职役人家田之类。卦无父母，须看伏在何爻之下，则可知矣。如伏兄下，为邻里人家之田类。若无父，而动爻有化出者，即是其人之田也。如财爻化出，妇人之田。余仿此。

### 生僻字注释：

(01)【耘耔】读音：yun，二声。zi，三声。意为：田地里除草，培土。

(02)【菽】读音：shu，一声。意为：豆类的总称。

(03)【蓇蓐】读音：bi，二声。qi，二声。意为：多年生草本植物，地下茎扁圆形，皮赤、黑褐色，肉白色，可以吃，也可以制作淀粉。有的地方叫地梨、地栗或马蹄。

(04)【蒔】读音：shi，四声。意为：移植，栽种。

(05)【芟】读音：shan，一声。意为割，除去。

(06)【壅】读音：yong，一声。意为：把土和肥料培在植物根上。

(07)【垭】读音：ya，一声。意为：两山之间可通行的狭窄地方。

(08)【腴】读音：yu，二声。意为：肥沃。

(09)【粦】读音：mou，二声。意为：古代称大麦。

(10)【洫】读音：xu，四声。意为：田间的水道。

(11)【塍】读音：cheng，二声。意为：田间的土埂子。

(12)【畦】读音：qí，二声。意为：有土埂围着的一小块排列整齐的田地。

## 十四、蚕桑

**既言种植，合论蚕桑。**

**采饲辛勤，只为丝绵而养育；吉凶眩惑，因凭卜筮于蓍龟。**

蚕桑一占，诸家皆忌坎宫之卦；意以坎象属水，故也。殊不知育蚕，惟以春季，何忌之有？

凡占蚕，当以财福为主，不须以卦宫论。

**初论火爻，得地则蚕苗必利；**

凡占蚕，必看火爻者，蚕为蜀女所化，故也。昔蜀人杀马，曝皮于庭，忽掩其女飞去挂于桑上，遂化为蚕。食叶作茧，后人取其茧为丝，遂传其种。塑女像以祀之，名马头娘，即是蚕也。故诸家皆取巳午爻为蚕命。

卦无火爻，蚕必不旺；出现发动，乃为吉兆。更临财福，或持身世，大吉之兆也。

**次寻水位，当权则寒湿多灾。**

大抵蚕性喜干恶湿，喜热恶寒，自蚁至茧皆然。故育之者，则有火仓之制。推卜易书，不离此义。

所以占蚕遇水爻当权发动，必有寒湿之病，其蚕必难旺盛。若或空伏死绝皆凶。可依此断。

**福德要兴，更喜日辰扶助；**

子孙为蚕命，卦中用神也。有气发动，蚕必兴旺。更得日辰动爻生扶合助，大吉之兆。虽有鬼爻，亦不妨害。

古人云：有人制杀，虽动无妨。惟怕父母，及日辰刑伤，蚕必有损。又子孙宜临火土二爻，木爻次之，大忌金水爻。

**妻财怕绝，尤嫌动象刑冲。**

占蚕以财为丝绵、桑叶。凡遇休囚死绝，或日辰动爻刑冲克害，利必微薄。更若子孙衰空不动，必无好茧，亦无好丝，又主叶缺。须得生旺有气，不受伤克。大吉。

**兄弟扶身，叶贵而丝还微薄；**

兄弟发动，必主多费桑叶，又主其年叶贵。克世伤世，必然缺饲，异日作茧必薄，丝绵必少。最不宜持世发动，纵财爻旺相，亦不称心。

**父母持世，心劳而蚕必难为。**

父母伤子，蚕必难为，不易养育。须看五行，则知有何伤损，当依官鬼同断。若临身世，虽或安静，亦非佳兆。

然父母又劳勤之神。衰静空亡制伏，庶几蚕苗不劳自旺。否则必费收拾，倍加勤劳，然后可望三分。虽日月不宜值之。

**五行如遇官爻，必遭伤损；**

官鬼发动属金，蚕必多食桑叶；或有雾露冲绝，以致蚕多僵死。

属木，桑叶必费；或门窗不谨，蚕冒风寒，以致落簇变蛹之类。属水，须防鼠耗；或食湿叶，以致蚕泻；或火仓不热，以致寒湿相承，蚕苗迟长。属火克世，须防火灾；不然则是火仓太热，不通风气；或晒照闪烁，以致蚕眠迟起慢，头黄难脱之病。属土及鬼，寒暖失宜，饲叶不匀，眠起不齐；或分抬迟缓，以致蚕沙发热蒸伤。

若鬼临太岁，当有常例未还。日辰带鬼冲克世爻，或日辰值鬼发动，或太岁动变鬼爻，或世持官鬼；皆有愿心，祈之则吉。

**一卦皆无鬼杀，方始亨佳。**

占蚕以初爻为蚕种。临财福，蚕种必好，蚁出必齐；临死绝，必不齐；临父母，一半出；临鬼死绝处，已变亦不能出。

二爻临鬼下，蚁得必难长盛，虽已黑其头，亦有损害；临父母亦然。若动而化出，则头眠起后有损。

三爻临鬼，停眠时有损；若三爻得吉神生扶，二爻遇凶杀克制者，始虽不旺，至此日则盛。

四爻临鬼，蚕女入眠，必多损失；无故自空，前功俱废；临财化空，食加而叶缺。

五爻临鬼上，箔有损；鬼带水爻，簇汗；鬼带木爻，必多游走；鬼带土爻，必多腐烂；鬼带金爻，白僵死；鬼带火爻，茧必轻薄。

六爻临鬼，丝必难织，蚁必难出。以上六爻，须当互看，大抵皆怕空绝，皆要财福，皆忌官父

持克。

**日主冲身，切忌秽人入室；**

世身遇日辰相冲，或应爻动克，须防秽污人带魔入室，触犯蚕花，以致变坏。世带水土动冲子孙，乃蚕妇自身不洁，非他触也。

**世爻合应，必然污妇临蚕。**

世爻为养蚕妇。墓库老年妇；胎养长生，少年女子；临太岁财爻，必是惯家；临子孙，必然精制。临兄，老年懒饲。临父母，虽多辛勤，然恐多伤蚕苗。临官鬼，蚕姑必有病。世爻无故自空，或化死墓绝空，蚕姑当有大难；不然，必懒于抬饲。若带自刑，身亦病。临胎化胎，必有孕。日辰相冲，将及分娩。若与鬼爻应爻，及日辰作合者，蚕妇必与外人有情。遇有冲克，其事已露。世在阳宫，又临阳爻，是蚕主淫乱，非蚕妇也。

**子受暗冲，每遇分抬须仔细；**

子孙为蚕身。出现不动，而被动爻日辰暗冲者，主分抬时不加仔细，蚕多伤损。盖冲福之爻不遇父母官鬼，非吉神故也。动而逢冲，蚕多游走。无冲然后为吉。

**财逢伤克，凡占物价必腾增。**

凡占叶价贵贱，但看财爻。若遇动爻日辰相克，去后必然叶贵。或财空亡，或衰无气，或化入死墓空绝，皆主叶贵。若财爻旺相，兄弟不动，则叶必贱。凡遇兄弟发动，叶必不敷。

**兄弟值空亡，丝番白雪；**

凡遇财福旺相，丰稔可推。然有兄弟父母官鬼，亦难许为吉兆。必得三者死绝空伏不动，方成大吉之象。则蚕无所伤，利有所望，而丝亦好也。

**卦身临巳午，茧积黄金。**

巳午临身，蚕命得地，更会财福，大吉之卦。世爻临之亦好。

**父动化财，不枉许多勤苦；**

父动克子，本非吉兆；若化财爻，则主辛勤，终有成望。化子亦吉。父化父，广养薄收；父化官，徒自辛勤，必多伤损。父化兄，兄化父，鬼化父，财化兄，日后必贱。财化鬼，子化官，先吉后凶。如蚕虽旺。入箔则多变烂类。兄化兄。则主折本。

### 官兴变福，亦遭几度虚惊。

官鬼发动，必有损耗。若化子孙，庶几无事；亦有虚惊。鬼化财，虽损有收；父化财，亦然。兄化财，多费桑叶则有利。子化子，蚕不旺；财化财，丝必薄；子化财，财化子，则称心也。

大抵子孙太过，财爻无气，多养少收。子孙旺相，财爻太多，多收少价。子孙死绝，财爻太旺，叶多蚕少。财爻死绝，子孙太旺，蚕多叶少。若官父兄重叠太过，反不妨也。

### 卦出乾宫，若养夏蚕偏吉利；

乾兑宫卦，子孙属水。其性皆逆，春蚕必难兴旺，故利夏蚕。盖春与夏不同。春蚕怕冷，大忌水爻；夏蚕要凉，不忌水爻。春蚕若冷，多病难养；夏蚕若凉，少病易旺。所以，夏蚕宜子孙属水。

### 母居刑地，如言蚕室定崩摧。

蚕房以父母论。生旺有气，修治整齐；死绝刑害，崩损破败。带水自刑，蚕室必漏。水化父，父化水，皆作前断。

### 看临何爻，便知何时有雨。

如在初爻，生蚁时，多被阴雨伤蚕。余仿此。

### 蚕茧献功，三合会财福而旺相；卦宫定位，六爻随动静以推详。

卦有三合，最怕会成父、兄、官局，大为不利。盖会起之爻，不论四时，皆为有气；以被二爻扶持，故也。旺相遇之，其势愈甚。故占蚕，得三合财福二局，大吉之兆。更若凶杀有制，可作十分吉断。

生僻字注释：

(1)【眩】读音：xuan，四声。意为：眼睛昏花。迷惑。

(2)【簇】读音：cu，四声。意为：聚集。

(3)【秽】读音：hui，四声。意为：肮脏，丑恶。

## 十五、六畜

**道形万物，理总归于一心；易尽三才，占岂遗乎六畜？惟能精以察之，自得明而著矣。**

**凡占六畜，专以财福为主。不可依诸家，以分宫本命断推。**

盖本命分宫，古人为家宅内看吉凶，故立此例。今人不究其理，虽只占一物，亦以分宫断之，则失其旨。学者详之。

**命在福神，若遇兴隆须长养；**

禽虫六畜之命，皆属子孙。旺相有气，不空，必然长养易大。休囚墓绝，决然不济。若不上卦，或落空亡，未买勿置，已蓄勿蓄。

**利归财位，如逢囚死定轻微。**

大抵此占，惟牛马为力，其他为利而占。然力与利，同归财爻。最怕休囚死绝，去后财利必薄；虽力气亦不多。旺相不空，方为大吉。

**二者不可相无，一般皆宜出现。**

无福则难养，无财则利少。财福不空俱出现，禽虫六畜总相宜。

**财旺福衰，虽瘦弱而善走；财空福动，纵迟钝而可观。**

凡占牛马，子孙爻旺相，主肥；休囚主瘦；动则强健轻跳，必有可观。财爻旺相，则主有力，又主善走，后亦有益。休囚则无力，而不善走，亦不济。财若空亡，愈见迟钝不济。

**财若空亡，虽利暂时无远力；**

财爻发动，亦是善走之象。但不宜化入空亡，则主有头无尾，先勤后惰，必无久远之力。若财爻旺空动空，又是用不两全之象，非无长力。如牛则善车戽，不善犁耙；马善疾行，不善缓行类。

**福临刑害，若非鬻鼻定凋肥。**

子孙爻带自刑，或化败病等爻，其畜主有破相。如凋鬻穿蹄，破脊单照类。

**相合相生，必主调良且善；相冲相克，定然顽劣不驯。**

子孙生合世爻，六畜驯善，于我有益。若来刑冲克害，必主性劣不驯。如牛则缩车缩犁，马则前失后失类。

**要知蹄足身形，须看临持八卦；欲别青黄白黑，须参生克六神。**

乾为头，坎为耳，震为前足，艮为后足，巽为腰，离为目，坤为腹，兑为口。青龙色青，白虎色白，朱雀赤，玄武黑，勾陈螣蛇色黄。

凡占以子孙所临为本身颜色，以他动来生克者，断别处有异色。如子孙临玄武在乾宫，而被坤宫动克之，乃是黑身黄足；若被艮宫白虎动克，可言黄身白足。他仿此。

凡克处多于生处，衰处少于旺处。自宜通变。

**阴阳有雌雄牝牡之分；**

马曰雌雄，兽曰牝牡。以子孙属阴属阳。如阳爻子孙，占牛为牡牛，占马为牡马，骡为叫骡类。

**胎养为驹犊羔雏之类。**

马子曰驹，牛子曰犊，羊子曰羔，鸡鸭子曰雏。凡遇子孙在胎养爻上，必是此类。若以口齿，长生，是三齿；冠带，四齿；帝旺是斩齐口；墓库则老矣。

**身生子胎，必是受胎之六畜；**

如占牛，子孙在胎爻上，必童牛。自生，子孙在胎爻上，则是牛有胎，原非童牛也。化出胎爻，或子孙冲胎，动于卦中者，亦然。子化子，则是子母牛也。

**福临鬼墓，须知有病于一身。**

福临鬼墓，畜必有病。如临病爻，或被鬼爻冲克，皆主有病也。

**父动有伤，子绝则徒劳碌；**

父母发动，必伤用神，必有损失。更遇子孙墓绝无气，必主死亡，虽能牧养，亦徒劳碌。得子孙在空避之地，方为吉。

**兄兴不长，财空则反生扶。**

兄弟发动，六畜不长。若得财值空爻，不受伤克，则反生扶子孙，其畜必然易养，利亦不失。

**世若空伤，到底终须失望；**

世爻无故自空，必不称意。大象若凶，则有大难。

**鬼如发动，从来弗克如心。**

鬼爻发动，占畜大忌。或六畜自有疾病，或因事而起祸端。日后必不如愿，详具于下。

**逢金生旺，当虑啮人；值土交重，须忧病染。**

金鬼发动，有蹊脾之患。若克世爻，必难触犯。世爻更绝，必被伤人。木鬼发动，主有草结之病。若在外卦，毛色不善；更加螣蛇，必有恶毛，旋螺，有碍相水法。水鬼发动，主有寒病，如激心黄泻薄粪之类。火鬼发动，必主畏热，或有热结病类。土鬼发动，须防瘟病类。

或曰：鬼在初爻足有病；在二爻臀髀有病；三爻腰股有病；四爻前脾背脊有病；五爻头项峰领有病；六爻头上有病。若在震坎二宫，上桥下水，皆宜仔细。

**官加蛇雀，必因成讼成惊；**

日带螣蛇发动，异日此畜必有怪异惊骇。若临朱雀，必因此致口舌争讼。临玄武，防偷盗。临白虎，防跌扑。

如七月乙巳日，因鸡瘟，卜得噬嗑之颐卦。日辰并起子孙，果应不死。后因夜啼，而妻病作。予初不知，及后八月收养蜜蜂，壬寅日卜得屯之坤卦。兄鬼发动，卦无财，凶不必言。未半日，群蜂满身攒聚，惊惶无措。因验之。

乃知前者螣蛇鬼动，而鸡夜鸣；今亦螣蛇鬼动，而致此异也。况孟月四爻，仲月五爻，正临怪爻发动，所以然也。自后屡验皆应，始知螣蛇真怪异之神也。

**福变兄财，可验食粗食细。**

子孙化出兄弟，主口娇食细；化出财爻，主食粗口杂。

**财连兄弟，乃刍豢之失时；**

子化兄，是口娇不食；财化兄，乃人之豢养失时，以致饥饿，非不食也。

**子化父母，必劳心之太过。**

子孙发动，其畜必良。若化父回头来克，又是人不爱惜，过劳力以致其伤。

**福连官鬼，须防窃取之人；鬼化子孙，恐是盗来之畜。**

子孙化鬼，其畜日后必然被人盗去，否则必主病死。若官化子，则主其畜是人盗来者。

生世合世。必有利益；冲世克世，必受其累。然必卦中原无子孙方可断。

**官兄交变，难逃口舌之相侵；**

卦中兄动变鬼，鬼变兄，或二爻俱动，必因此畜而有是非口舌。若文书亦动，必然成讼。世爻入墓，恐有牢狱拘禁之祸。

**日月并刑，岂免死亡于不测。**

月建日辰动爻带杀，俱来刑克子孙，而无救者，必死。要知何故而死，以刑克子孙者断。如金为蹶脾死，木为草膨死，水为寒冻死，土为瘟病死。

如鹅鸭等，则丑为牛踏，寅为鹰搏，申为狐窃，戌为犬咬死类。若被世爻刑克，则是人自伤之死也。

**若占置买，亦宜福动生身；**

凡占置买六畜，子孙发动，出产必多。要来生合世爻，必然好买易成；与世冲克，定难置买。应爻空亡，则无主人。应爻生合世爻，而子孙或空或伏者，牙人与我最相契，而无畜可买也。兄鬼发动，不惟买之不利，且有祸患，不宜买之。

**若问利时，最怕妻兴化绝。**

财爻出现不空，有气持世生合，世不受伤克，不变兄鬼，即为有利。若不出现，或落空亡，或化死墓绝空，或被兄克弟劫，皆主不利。

**或赌或斗，皆宜世旺财兴；**

北人好斗鹌鹑、鸡、羊，南人好斗促织、黄头鸟。

凡遇占此，要世爻有气克应，子孙发动，即是我胜。世虽不克，得月建日辰动爻，刑克应爻，亦胜。若世被应克，子孙空伏，官鬼发动，日月动爻，反来刑克，是他胜。

最怕父母带杀旺动，则禽虫有斗死之患。财爻持世生合皆吉，兄鬼持世是我输。

世应比和，六爻安静，子孙空伏，赌斗不成。世应俱空，亦赌不成。

**或猎或渔，总怕应空福绝。**

凡占渔猎，要应生世，世克应，子孙生财，便主有得。若应爻空亡，子孙受克，或临死绝，必然空出空回，无所获也。鬼爻旺动克世，须防猛兽害人。兄弟发动，虽有不多。得子孙动，临身世则吉。

**乳抱者，宜胎福生旺而无伤；**

凡占畜养母猪羊，及抱鸡鸭鹅卵类，要胎福二爻生旺，不受刑克，便无损失。若自空或带鬼，必难生育。化空绝化鬼，则生后有损。旺空一半无事。福旺财空，雏出好而利轻。

**医治者，要父官衰绝而有制。**

六畜有病，占医治疗，要子孙旺相有气，不落空亡，不遭刑克，而父母官鬼休囚墓绝，或虽动而有制伏，不死。

若子孙无故自空，或化死墓空绝，或化官鬼，或父母带杀，乘旺动克，皆不能救。虽用医治，亦必死。

应爻空亡，及被世克者，医必不来。

**生僻字注释：**

(1)【庳】读音：hu，四声。意为：汲水的旧式农具，形状象斗。

(2)【龇】读音：ya，四声。意为：缺齿。

(3)【驹】读音：ju，一声。意为：初生或不满一岁的马。

(4)【犊】读音：du，二声。意为：小牛。

(5)【蹠】读音：pu，三声。意为：动物脚趾中间的薄膜。

(6)【臀】读音：tun，二声。意为：人体后面两股的上端和腰相连接的部分。

(7)【髀】读音：bi，四声。意为：股骨，大腿骨。

(8)【刍】读音：chu，二声。意为：喂牲口用的草。

(9)【豢】读音：huan，四声。意为：豢养牲畜。

## 黄金策（四）

### 十六、求名

**书读五车，固欲致身于廊庙；胸藏万卷，肯甘遁迹于丘园。要相国家，当详易卦。**

**父爻旺相，文成掷地金声；鬼位兴隆，家报泥金喜捷。**

凡占功名，以父为文章，鬼为官职。二者一卦之主，缺一则不成。若父爻旺相，文章必佳；官鬼得地，功名有望。

士人及第，以泥金灼字附家书以报，谓之喜信，故借引之。非以鬼为音信也。读是篇者，勿以辞害义可也。

**财若交重，休望青钱之中选；福如发动，难期金榜之题名。**

财福二爻，凡占皆喜见之，惟卜功名，反为恶杀。盖财能克父，子能克鬼。故也。但宜休囚安静则吉，当权发动，决无成望。

**兄弟同经，乃夺标之恶客；**

五行同类者为兄弟。求名见之，乃是与我同经之人。若不上卦，或落空亡死绝，大象遇吉者，必中魁首。如发动，或月建日辰俱带兄弟，则同经者多，必能夺我之标，不得中矣。纵大象可成，名亦落后。

**日辰辅德，实劝驾之良朋。**

日辰为卜卦之主。能成事，亦能坏事。如父母官鬼无气，事必难成。若得日辰扶起，克制恶杀，仍旧有望。故曰辅德。或世爻衰静，得日辰生合；或世爻空亡，得日辰冲实；主其人必不上前求名，而有亲友劝其进取；或资助盘费，辅其前往求名也。

**两用相冲，题目生疏而不熟；**

求名卦，以官父为用爻，喜合而不喜冲。若见两官两父相冲，主出题生涩不熟也。

### **六爻竞发，功名恍惚以难成。**

占官，六爻皆喜安静。只要父母官鬼有气不空，月建日辰，不来伤克则吉。如有一爻发动，便不顺利。

且如财动则伤父，子动则伤官，兄动则他人有所先，鬼动则事体有变，父动则文不纯正。

凡动则有变。变出之爻，又有死墓空绝刑克等爻，皆为破败。故凡乱动卦，不必仔细推究，其不吉大概可知矣。

### **月克文书，程式背而不中；**

父旺不空，动爻日辰又不冲克，其文字字锦绣。若遇兄弟刑冲，文章陈腐，无鲜丽之句。妻财伤克，必多破绽。子孙刑害，乃是弄巧成拙。不宜月建冲克，其文自行已意，必不中试官之程式也。

凡带父刑害败病等爻，及化出者，其文皆有败破，不能录取。

### **世伤官鬼，仕路窒而不通。**

世乃求名之人。大忌财福临之，必难称意。若持官鬼，或得官鬼生合，方有指望。若临子孙克制官鬼，是仕路未通，徒去求谋无济也。

### **妻财助鬼父爻空，可图侥幸；**

父母空亡，名不可望。若得财爻发动生扶，鬼爻有气，其事侥幸可成。然须子孙安静，则可许。盖财不嫌发动者，以文书在空，故也。

### **福德变官身位合，亦忝科名。**

卦无官鬼，若得子孙发动，变出官鬼，生合世身，事亦有成。然须得文书有气，无损则吉。此二条，名虽有望，皆不可许其高中魁甲。盖以卦象不出自然，故也。

### **出现无情，难遂青云之志；**

卦中官父俱全，固是吉兆。若不临持身世，或不生合世身，或被世爻冲克，或被月日破坏，或临死墓空绝，皆谓无情。虽在卦中，与我无益。所以，难遂青云之志也。

**伏藏有用，终辞白屋之人。**

官父不全，功名难望。但看所伏者有用、无用断之。如飞神不遇冲开，伏神不遇提起，谓之无用，决主不成。若飞神冲克得开，伏神提挈得起，谓之有用，终是可成。

若得月建提起最吉，日辰次之，动爻又次之。更得伏上飞爻在空，尤妙。

**月建克身当被责；**

月建为考试官。若在身爻发动，刑克世爻，而官父失时者，必遭杖责。若化子孙，必遭斥逐。若化兄弟，廪膳生最忌之，轻则革粮，重则追罚。

**财如生世必帮粮。**

卦中父母避空，而财爻发动，生合世爻者，必有帮粮之喜。月建带财化财，或官化财生合世爻，皆吉。

大抵廪生小试，最不宜兄弟发动。或临卦身世爻，或临日辰月建，皆是革粮之兆。财爻无故自空，亦然。

若得财临身世，或伏世下，虽不称情，粮必如旧。

**父官三合相逢，连科及第；**

卦有可成之象，而又有三合爻动，会成官鬼局者，必主连科及第，大吉之兆。会成父局，亦吉。会成财福二局，不利。会成兄弟局者，惟廪生忌之，余皆无损益。

**龙虎二爻俱动，一举成名。**

青龙白虎，俱在卦中动来生合世爻，必中魁选。若持官父，或持身世尤妙。此固非理，但借龙虎榜之象耳。然亦有验。

**杀化生身之鬼，恐发青衣；**

占官，以子孙为杀。乘旺发动，必遭斥退。若得本官官鬼伏在世下，或卦身持鬼，或子孙自化鬼爻生世，终不脱白，无过降青衣而已。卦有财动合住子孙，可用资财谋干，庶复旧职。

**岁加有气之官，终登黄甲。**

太岁乃天子之爻。凡占功名，最喜见之。若临鬼爻，是人臣面君之象。更得生旺有气，必然名姓高标。

**病阻试期，无故空临于世位；**

动爻日辰不伤世爻，而世爻自落空亡者，谓无故自空。大凶之兆。

试前占：去不成，强去终不利；轻则病，重则死。如在本宫内卦，在家即病；在三四爻，出门病；在五爻，途中病；在六爻，到考处病；在应爻，又属他宫，则临考有病，不得入试。

若试后占：其事必不成。大象吉，名成身丧。

**喜添场屋，有青龙合于身爻。**

青龙主喜庆事。若大象既吉，更得龙动来生合世身，必然别有喜事并临，不但名成而已。若空动为虚喜。

**财伏逢空，行粮必乏；**

六爻无财，本宫伏财，又居空地，其人必乏路费。若世爻更在衰弱之乡，则是贫穷之士。如逢月建日辰动爻生合扶助，必得亲友资其费用。若得应爻动来生合，多是妻家看觑周全。

**身兴变鬼，来试方成。**

卦遇不成之兆，而得卦身，或世爻，变出官鬼有气，而本宫父母不坏者，今虽未成，下次必然中试也。

**卦值六冲，此去难题雁塔；爻逢六合，这回必占鳌头。**

凡事遇合则聚，逢冲则散。故占功名，得六冲卦，必难求；六合卦，必易得也。

然大体，须以衰旺动静参之，不可执滞。

**父旺官衰，可惜刘蕡之下第；父衰官旺，堪嗟张奭之登科。**

父母官鬼，皆要有气无损，然后可成。若父虽旺相，官鬼空亡，或不上卦，是其人文字虽好，奈命无官星，亦不能中。如刘蕡之锦绣文章，竟不登第也。

若父虽衰弱，得官爻旺动，扶起文书，是其人文字虽平常，而命中官星发现，可许有成。如张奭之文章，虽欠精美，反登高第也。

若官旺父空，决至下第也。

### 应合日生，必资鸛荐，动伤日克，还守鸡窗。

父官死绝，名必不成。若应爻动爻，或月建日辰扶起官鬼，必须浼人推荐，或用财礼买求，方许有成。若遇月日，动变伤克，纵然官爻有气，亦是难求。

### 世动化空用旺，则豹变翻成蝶梦；

求名以官父用爻，若得旺相不遭刑克，必中科第。如遇世爻发动，变入死墓空绝，恐名成后，不能享福。游魂卦，死于途中；归魂卦，到家而死；墓绝是太岁，逾年而死也。

### 身官化鬼月扶，则鹏程连步蟾宫。

卦身为万事之体，功名尤宜看之。最怕临财临福，便不容易。如得官父临之，必有成望。更若出现发动。又化官爻，而得月建生合者，大吉之兆。必主联科及第，非特京省一捷而已。

### 更详本主之爻神，方论其人之命运。

本主者，求名本人之主爻也。自占固以世爻论，若代占，则看是何人。如子侄求名，看子；朋友，看兄类。

此爻最怕化出忌杀，虽大吉象，未可易许。其余世爻同看。如此搜索，吉凶自然应验。

### 虽赋数言，总论穷居之得失；再将八卦，重推致用之吉凶。

生僻字注释：

(1)【灼】读音：zhu0，二声。意为：火烫。

(2)【涩】读音：se，四声。意为：文句难读，难懂。

(3)【忝】读音：tian，三声。意为：谦词。表示辱没他人，自己有悔。

(4)【觑】读音：qu，四声。意为：看，瞧。

(5)【鳌】读音：a0，二声。【鳌头】意为：指皇宫大殿前石阶上刻的鳌的头，考上状元的人

可以踏上。后来用来比喻占首位或取得第一名。

(6)【蒺】读音：kui，四声。意为：盛土的草包。

(7)【奭】读音：shi，四声。意为：盛大的样子。

(8)【鶚】读音：e，二声。意为：鸟。

## 十七、仕宦

**为国求贤，治国之本；致身辅相，禄养为先。**

**旺相妻财，必得千钟之粟；**

未仕求名，不要财爻；已仕贵人，要见财爻。盖有爵必有禄，未有无俸而得官者。

故凡占官卦，得此爻旺相，俸禄必多；休囚定然微薄。卦中无财，或落空亡，未得俸禄；财动逢冲，任后因事减俸。

或日辰月建冲财，而刑害世爻及官爻者，恐有停俸罢职之患。

**兴隆官鬼，定居一品之尊。**

鬼为官爵。旺相有气，官高爵大；休囚死绝，官小职卑。发动生合世爻，或得月建日辰生扶，必有升擢，远播都下；安静不动，而被月建日辰克害者，或世爻刑冲克害者，必无声名闻望。

**子若交重，当虑剥官削职；**

子孙乃伤官之杀。最喜空亡墓绝，尤宜安静受制则吉。若在卦中发动，所谋必不遂意。未仕则不能除选，已仕则有夺官褫职之祸。鬼爻更若无气，必至除名落籍，非但贬责降罚而已也。

**兄如发动，须防减俸除粮。**

兄弟乃劫财之神。空亡不上卦，或临死绝安静则吉。若发动，未免费财，多招诽谤，俸禄亦不称意。更与子孙同发，或就化子孙，必有除粮减俸之事也。持世临身皆不利。

**父母空亡，休望差除宣敕；**

父母为印绶、文书、诰牒、宣敕、奏疏、表章。卦中不可无，宜旺不宜衰，扶世最吉。若持太岁有气生合世爻，主有朝廷宣召。如加月建，多是敕制及上司奖励之类。最怕冲空化空，则多不实。衰静空亡，必无宣敕，亦无差除。卦无父母，休望迁选。

**官爻隐伏，莫思爵位升迁。**

官爻为占官之象。若得临持身世，或来生合世爻，不受月建日辰冲克者，凡有谋望，必然称意。若不上卦，或落空亡，虽出现墓绝无气，及受克制，皆不如意。世身冲克亦凶。

**月建生身，当际风云之会；岁君合世，必承雨露之恩。**

太岁乃人君之象，月建是执政之官。若得生合世身爻，必有好处。惟怕冲克世身，必遭贬谪。如月建扶出官爻世爻者，必是风宪之职。太岁加父母扶出官鬼及世爻者，必有天恩。更得日下生旺之地，尤美。衰绝逢空无用。

**世动逢空，官居不久；**

未任：卦中世动，必无京官牧守；若是出巡之职，反为顺利。

已任：遇之，居官不久。更遇日辰动爻相冲，必不久任政事。

**身空无救，命尽当危。**

世爻无故自空，不拘已任未任，必有大难，甚至死亡。若欲求谋干事，则主不成。

**鬼化福冲当代职；**

出巡官，宜鬼爻发动；牧守官，宜鬼爻安静。若鬼动化子，必有别官代职。不然，亦被他人所先也。子动化鬼，则先难后易，或先凶后吉。官福皆动，亦主有官替代。

**财临虎动必丁忧。**

凡占官，不可无财，亦不可发动。若鬼爻有气，而得财动扶起，必须用财谋干，方得升迁。若父母衰弱，而遇此爻加临白虎旺动者，必有丁忧之事。财化子，子化财，或财临世动，或子动而父母无故自空者，皆主丁忧。

**日辰冲克，定然诽谤之多招；**

日辰刑冲克世，必招诽谤。依五类推之。如带兄弟，因贪贿赂，或征科太急。带财爻，因无调度，或财赋不起。带子孙，嗜酒好游，怠于政事。带父母，因事繁剧，不能料理。带官鬼，非酷刑，

则同僚不和。

以上皆招诽谤，声名必不能振。若得世临月建，虽有诽谤，不能为害。

### **鬼杀伤身，因见灾殃之不免。**

官鬼发动，生合世爻为用神，伤克世爻为鬼杀。用神扶世，必有进取；鬼杀伤身，必有凶祸。以化出六亲断之。如化子有贬谪之忧，化财有阴人之祸，化兄主失财，化父忧小口类。

以上不然，则自身决有灾病，得世爻空避不妨。

### **兄爻化鬼无情，同僚不协；**

兄弟为僚属之官。卦中鬼动，化出兄弟，冲克世爻，主同僚不和。或兄弟化鬼，刑冲克害；或兄带三刑六害伤世，皆然。世克兄爻，是我欺他，而不和也。

### **太岁加刑不顺，贬责难逃。**

太岁出现，动伤世爻，必遭贬责。更加刑害虎蛇等杀，必有锁扭擒拿之辱。世爻入墓，必受囚系，得动爻日辰有救，庶几无事。但怕化出子孙，罪终不免。月建同看。

### **卦静世空，退休之兆；身空杀动，避祸之征。**

凡遇世爻空亡，未任未有选期。已任若六爻安静，月日岁君无伤而遇之，乃是休官改政之象。

若鬼爻发动，月日岁君伤克而遇之者，是避祸脱灾之兆。卦静日冲，欲归而不放；杀动日合，欲避而不能。

### **身边伏鬼若非空，头上乌纱终不脱。**

凡遇凶兆，或得鬼爻临身持世，或本宫鬼伏世下，虽见责罚，官职犹在。若不临持身世，或不伏于世下，或虽伏仍遇空亡者，必革官带为民，非止罪责。

### **财空鬼动，声名振而囊篋空虚。**

凡得官鬼动来生合世爻，日月动变，又无冲克者，为官必有声名闻望。更得财爻生扶合助，有气不空，则既会做官，又会赚钱；内实贪赂，外不丧名。若财爻或空或伏，或临死绝，则主声名虽有，贿赂却无也。

**官旺父衰，职任高而衙门冷落。**

父母旺相，衙门必大；休囚，衙门必小。若官旺父衰，又非小去处，乃是冷落闲静衙门。盖官旺则职高，故也。官衰父旺，则主职虽卑微，却在衙门中治政。官父俱衰，职卑衙小，必非风宪之地。

**职居风宪，皆因月值官爻；**

大抵官鬼旺相，不临月建，定非风宪之职。若临月建，又得扶出世爻，决是风宪之任，必非府县官也。更在日下生旺之地，尤为风宪。如带刑爻，多是镇守边陲之职，或掌兵权，或居刑部。在外，亦是司刑之职。

**官在贰司，只为鬼临旁位。**

鬼在世应爻上，或带月建日辰者，必是掌印正官。若被世合，或在旁爻，则是佐贰之职。六爻无鬼，而动爻有化出者，亦然。

**抚绥百姓，兄动则难化愚顽；**

凡任牧民之职，要财爻旺而不动，父母扶而不空，必是丰地富方；财爻空绝，父爻受制，则地瘠民贫。父母动临世上，政必繁剧。兄弟持世，财赋不起。日带兄爻冲克世爻，手下人必要侮文弄法，坏我政事。若兄在旁爻动来冲克，则主顽民难治。兄化子，子化兄，而刑克世身，恐有下民讼我之兆。更若世应冲克，与乡宦亦多不睦。

**巡察四方，路空则多忧惊险。**

钦差出巡，或封王采木，皆怕世应逢空。若路爻空之卦，主途中惊险。世在五爻自空，须防身死于外，有冲克则不然。凡遇世在五爻动，及游魂卦世动者，皆是出巡之职。

**出征剿捕，福德兴而寇贼歼亡；**

凡任将帅之职，或征讨之官，平居卜问，不宜子孙发动，主有降调贬责；亦不宜应动克世，主有不测变故。若岁君月建冲动官鬼，或世爻，主有敕命征讨之事。

如临敌卜问，则喜子孙发动，必成剿捕之功，更得岁君月建生合，仍有升赏。官鬼不作爵位，

当作贼寇论之。世克应亦吉。

### 镇守边陲，卦爻静而华夷安泰。

镇守地方，不拘文官武职，皆宜六爻安静；世应生合比和，日辰月建，不相冲克，则鼾睡边庭，安然无警，世应空亡亦吉。若遇官鬼发动，世应冲克，必多侵扰，宜通变断之。

### 奏陈谏诤，那堪太岁刑冲；

凡欲奏对、陈疏，上章、谏诤，及赴召面君类，皆忌动爻冲克太岁，亦忌刑克世爻。若太岁月建生合世爻，必见详允。一来冲克，须防不测之祸。岁君衰静，不带刑害虎蛇，主则不见取用，非有大害。动空化空，亦是虚惊。或有制伏冲散合住，必得大臣申救。应动冲克世爻，更防人奏劾。

### 僧道医官，岂可文书发动。

僧道医官，及阴阳官，皆要子孙出现，有气不空为吉。父母发动，必有灾悔。父带太岁月建日辰，则非身有灾病，乃外来祸也。子孙自空，亦有大难。然子孙只宜安静，官鬼不宜空伏。虽两全，仔细为妙。

### 但随职分以推详，可识仕途之否泰。

生僻字注释：

(1)【諛】读音：si，一声。意为：福。

(2)【绥】读音：sui，二声。意为：安抚。

(3)【瘠】读音：ji，二声。意为：瘠薄，土地不肥沃。

(4)【鼾】读音：han，一声。【鼾睡】意为：熟睡而打呼噜。

## 十八、求财

居货曰贾，行货曰商，总为资生之计；蓍所以筮，龟所以卜，莫非就利之谋。

要问吉凶，但看财福。

财为利息，福为财源。二者占财用神。

**财旺福兴，不问公私皆称意；财空福绝，不拘营运总违心。**

凡遇财爻旺相，子孙发动，便是吉卦。不拘公私，财皆得称意。二者若财空爻，或临墓绝，即是凶卦。不拘作何买卖，皆违心愿也。

**有福无财，兄弟交重偏有望；**

财为用神，而不上卦，必无可望。若得兄弟发动，无财可劫，则反生扶福德，财源有气，仍旧有望，但主迟滞耳。兄动而财空，谓之避空。过旬生旺日，财亦可得。财若不空不伏，而遇兄劫，则为下卦。

**有财无福，官爻发动亦堪求。**

子孙藏伏，财无生气，一遇兄弟，便被劫尽。须得卦有官动，或日辰是鬼克制兄爻，则用神无损，亦可求谋。卦有子孙而官鬼动，则有阻节，反不易矣。此象鬼爻生旺日得财。

**财福俱无，何异守株而待兔；**

财福二爻，占财主象。有财无福，财必有限；有福无财，财必不实；财福俱无，焉能有望？守株待兔，喻妄想也，空亡亦然。

**父兄皆动，无殊缘木以求鱼。**

父母为绝源杀，兄弟为劫财神。二者发动，财福俱伤。用神既损，求之必如缘木求鱼，必不可得。父化兄，兄化父，亦然。

**月带财神，卦虽无，而月中必有；**

月建为提纲。若带财爻得时有气，纵遇兄弟，衰不敌旺，必主财利厚。虽卦中无财，月中必然有。得出现尤妙。

**日伤妻位，财虽旺，而当日应无。**

财爻旺相，生合持世，乃是必得之象。若被日辰克制其财，纵现，必然无有。须过此日，然后有得。

**多财反复，必须墓库以收藏；**

卦中财只一位，有气不空，生合持世皆美。若三五重太过，其财反复难求。必须卦中有财库爻发动，谓财有库藏，必得厚利。财化财，亦主反复不定。

**无鬼分争，又怕交重而阻滞。**

无鬼之卦，兄必专权，财虽有气，亦多虚耗。兄更发动，必有争夺买卖，分散财物之患。然虽不可无，官又不宜动，动则必有阻隔。若有克制，或被冲散，或被合住，虽阻不妨。

**兄如太过，反不克财；**

兄弟乃占财忌杀，若有一位旺动，最为不利。若月日动变，俱带兄弟，重叠太过，则不专一，反不克劫。至财爻生旺日可得。

**身或兄临，必难求望。**

卦身一爻，占财体统。若持兄弟，不拘作何买卖，问何财物，皆无利益。持世亦然。惟临财福，方为吉兆。临父主劳禄，若占六畜血财，则有损失。临官，大利公门求财，余皆险阻不利。

**财来就我，终须易；我去寻财，必是难。**

凡遇财爻生合世爻，克世持世，皆谓财来就我，必然易得。若虽动出财爻，而与世爻不相干者，谓我去寻财，必难望也。

**身遇旺财，似取囊中之物；世持动弟，如捞水底之针。**

世为求财之人。若临财爻，虽或无气，亦主易得；旺相更美。若临兄弟，虽或安静，亦主难得；发动尤甚。

**福变财生，滚滚财源不竭；**

占财，得子孙发动，利必久远。更化财爻，生合身世，乃绵绵不绝之象，尽求则尽有也。财化子亦妙。

**兄连鬼克，纷纷口舌难逃。**

兄弟变出官鬼，刑冲克世，不惟无财，且有口舌。父爻更动，必讼于官。若有救制，庶几无害。鬼化兄，或兄鬼皆动，亦然。朱雀临兄鬼动变，有口舌。

### **父化财，必辛勤而有得；**

父化财，不自然而得，必勤劳后得。兄化财，先散后聚；或利于后，不利于前。官化财，最利公门谒贵，及九流艺术之人，求财十分有望。私财，则先惊后喜，或先阻后得。

### **财化鬼，防耗折而惊忧。**

财化官最凶。主损折虚耗，自有惊险。更伤世爻，切恐因财致祸。财化兄，主与人分利；或先聚后散；或利于前，不利于后。财化父，主得后艰辛；或只许一度。财化死墓空绝，是有虚名，无实利之象。若得生合世爻，则上前有功，稍迟则无也。

### **财局合福神，万倍利源可取；**

卦有三合，会成财局，而子孙亦在合中动者，上吉之卦。主财利绵绵不竭。更得财旺，可许万倍财利。会成福局，而财爻又在合中，动来生合世爻者，亦然。若会鬼局，则多阻隔。会成兄局，则主分散。会成父局，艰辛难得。

### **岁君逢劫杀，一年生意无聊。**

凡占久远买卖，最怕太岁临持兄弟，主一年无利。出现变动，必然损耗。

岁持官鬼，一年惊忧。持父一年艰辛。岁持财福，生意滔滔，一年顺利也。

### **世应二爻空合，虚约难凭；**

世空，有财难得；应空，难靠他人；世应俱空，艰辛无准实。空动带合，谓之虚约。化入空亡，亦是心口不相应之象。

### **主人一位刑伤，往求不遇。**

主人：如求贵人，财鬼为主；求妇人财，财为主类。若主人遇动爻日辰刑克，或自空化空，皆主不遇，遇亦不利。须得生合世爻，财为契爱，求必易得。主人化出财爻，生合世爻，最吉。

不知主人，以应爻论之。

**世持空鬼，多因自己迟疑；**

鬼爻持世，财必相生，凡求必易。若遇空亡，乃是自不上前，迟疑退懒，故无成也。世持空财亦然。

**辰合动财，却被他人把住。**

要财动来生合，固是易得之兆；若被动爻日辰合住，其财必有人把持主张，不能与我也。

要知何人把持，以合爻定之。如父母合住，为尊长把持类。卦若无财，看伏何爻下，亦可推之。如伏官下，为贵人把持之类。

**要知何日得财，不离旺衰生合；**

财爻有气，合日得财；或本日得财。

太旺，墓库日得；

休囚，生旺日得；

太过，收藏日得；

合住入墓，破合破墓日得；

旺空，过旬日得；

伏藏，提起日得。

财爻死绝，而得子孙动来扶起，即以子孙爻断。

卦无财爻，而得兄弟生扶子孙财源者，即以兄弟爻断。更宜通变。

**欲决何时有利，但详春夏秋冬。**

凡占货物何时得价，以财临五行断之。如木财，春月得价，一阳后亦好。土财，夏月有利，六月更美。余仿此。

又如财临辰土，二月不如三月；财临酉金，七月不如八月。余亦仿此。

又如财主日下长生之地，此货一日得价一日；若坐帝旺，眼下正及时，稍迟则贱而无利。

**合伙不嫌兄弟；**

凡占合伙买卖，若世应俱财爻，必然称意。兄临卦身，世爻安静不妨。盖合必至分财，故也。

动则不宜。世应两动，必合不久，空亡亦然。相冲相克，后必不睦。化出兄官，必多私心。世应生合，而被动爻日辰刑冲克害者，必有挑唆破说也。

### 公门何虑官爻。

占财皆忌官动，主有阻隔。惟求公门之财，必然倚托官府。若无鬼爻，或落空亡，则虽财爻有气，亦难到手。必得旺相，生合世身则吉。刑克世爻，主有杖责。死绝亦不济事，须得财鬼两全，方为大吉。

### 九流术士，偏宜鬼动生身；

百工九流求财，以鬼爻为主顾，无鬼最不利。出现发动，生合世爻，必然称意。更化财爻，决得大利。

须忌刑克世爻，或化兄，皆主惹是招非，不能遂意。应空尤不吉。

大抵空手求财，虽要官爻，然须财爻旺相，兄弟不动，方主有财。否则空好看，终无财利。

### 六畜血财，尤喜福兴持世。

凡占贩卖牲口，蓄养六畜，皆要子孙旺相不空，则吉。持世临身尤好。

父母发动，则有伤损。化出土鬼，须防瘟死。福旺财空。六畜虽好而无利。

### 世应同人，放债必然连本失；

凡放私债，最忌世应值兄弟，必无讨处。财爻更绝，连本俱失。世应值空，亦然。须得应爻生合世爻，妻财有气，子孙发动则吉。间临兄鬼动，恐放头抽分财利。卦中无财，而官爻变出者，必讼于官府而后可取。

### 日月相合，开行定主有人投。

开行牙人占财，世应要不空，财福要全备，官鬼要有气，父兄要衰静，斯为上吉卦。更得月建日辰动爻生合世爻，则近悦远来，人皆投我，财利必顺。

卦若无财，而世得月日动爻生合者，不过门头闹热，无实利。鬼旺财空，亦然。

动出兄官，常有是非口舌，或有恶人搅扰。世应空，开不成。

**应落空亡，索借者失望。**

求索假借，不宜应空，应动。动则更变，空则不遇。生合世爻，慨然不吝。必得物爻不空为妙。如衣服经史看父爻，六畜酒器看福爻，其余财物看财爻。又如花果看木爻，砖瓦看土爻类，亦是。

**世遭刑克，赌博者必输。**

凡占赌博，要世旺应衰，世动应静。世克应我胜，应克世他胜。兄鬼动来刑克世爻，或临兄弟，或临自空，皆主不胜。世应静空，赌博不成。世坐官爻，防他合谋骗我。间爻动出兄弟官鬼，多主争斗。内外俱无财，亦不能胜。更遇世应空动，必是赌赈。兄鬼化财，先败后胜；财化兄鬼，先胜后败。坐方宜财福之地，世变财福，更宜易换赌色。大怕卦身临兄弟，任换赌色，终是输兆。

**鬼克身爻，商贩者必遭盗贼；**

贩卖经商，要世应生合，鬼爻空伏，动爻日辰不伤乎我，则安然无事。更得财旺福兴，大吉之兆。遇兄鬼发动，玄武交重，必遇劫窃之人。更克世爻，决有大祸。世若空亡，庶可回避。鬼动五爻，途中仔细。

**间兴害世，置货者当虑牙人。**

买货者，应要生合世爻，必然易成。刑克世，必难置买。物爻太过，其货必多；物爻不及，其货必少；物爻空伏，其货必无。物爻者，六畜看子孙，五谷看财爻，丝绵布帛看父母类。

最怕兄鬼交重，须防光棍诓骗。在间爻，则是牙人虚诈不实，或有口舌争竞。伤克世爻，当虑牙人谋劫财物。出路买货，应空多不顺利。

**停榻者，喜财安而鬼静；**

积货不宜财动，亦不宜空亡，又不宜动爻日辰克劫。更得坐于胎养长生爻上，后必得利。若遇兄官交变，或俱发动，须防窃盗。兄弟独发，则多耗折。水爻父母刑克世爻，主被雨水淹腐。财化死墓空绝，后必价贱。

**脱货者，宜财动而身兴。**

脱货财动，则主易脱。应空，无人置买；世空，自卖不成；动变日辰，俱来生合，有人争买。若遇刑冲，则主多破阻难成。财在内动，宜在本处卖；在外动，宜向他处脱之。动而遇合，将成不

成；动而逢空，欲卖不卖。卦无官鬼，亦是难成之象。

### 路上有官，休出外；

五爻为路。临官发动，途中必多惊险，出外求财大宜避之。要知有何灾咎，以所临六神断。如白虎为风波，玄武为盗贼类。路爻空亡，亦不宜出外。惟临财福则吉。

### 宅中有鬼，勿居家。

二爻为宅。在家求财，鬼动此爻，必然不利。以所临五行断。如火鬼忌火烛，水鬼忌盗贼类。得子孙持世发动，庶几无害。宅爻空亡，只宜出铺。

### 内外无财伏又空，必然乏本；

六爻无财，本官财爻又伏空地，其人虽欲经营，必无资本。勉强为之，亦无利息。若得动爻化出，主有小小财利。

### 父兄有气财还绝，莫若安贫。

父兄二爻，占财大忌。有发动刑冲克害，利必不多。财爻更弱，恐防折本。故不若安贫守分之为高也。

### 生计多端，占法不一。但宜诚敬以祈求，自可预知其得失。

生僻字注释：

(1)【贾】读音：gu，三声。意为：商人。古代贾指坐商，商指行商。

(2)【赊】读音：she，一声。意为：赊欠。即当时不付钱。

## 十九、家宅

创基立业，虽本人之经纬；关风敛气，每由宅以肇端。故要知人宅之兴衰，当察卦爻之内。外。

内为宅，外为人，详审爻中之真假；

凡内卦：初爻为宅基，二爻为宅舍，三爻为门外。外卦：四爻为父母，五爻为兄弟，六爻为妻财。

内卦宅生人吉，外卦宅克人凶。

合为门，冲为路，不论卦内之有无。

合为门，冲为路。卦爻内不必明见冲合。

且如天风姤卦，二爻辛亥水为宅；寅与亥合，以寅为门；巳亥相冲，以巳为路。卦内本无寅巳二爻，不明见。姤属金，以寅木为财，巳火为鬼杀。如化财，此亦吉凶相半之兆。

### **龙德贵人乘旺，岳岳之侯门；官星父母长生，潭潭之相府。**

青龙、印绶、官星、贵人、太岁、天德、月德、月建、日辰、岁德，临宅爻、身命爻上，生旺有气，主有官职之家。宜以分别高下，贵人：即天乙贵人；官星：即甲见辛类是也。

### **门庭新气象，重交得合青龙；**

交重青龙，在日辰旬内，得长生帝旺，主鼎新创造。生旺在休囚之中，主修旧合新门之象。临财，新修旧厨灶；临父，新修旧堂；临兄，新修门户；临子，新修房舍；临官，新修厅堂屋宇。

### **堂宇旧规模，宅舍重侵白虎。**

白虎交重，在日辰旬外，休囚绝无生旺，主远年迁造，破旧不整。休囚在生旺之中，亦主拆旧换新。

若临兄，旧门户；临子，旧墙壁；临官，皆除破损；临父，旧堂宇；临财，旧厨灶；或破古户牖，低土地。

化空，移高就低；水爻，池塘填也。

### **土金发动，开辟之基；**

土化金，金化土，为开辟之基。土化土，为坟之基。土化空，移高就低。余仿此。

### **父母空房，租赁之宅。**

父母为文书，逢空为无气。更逢应爻为得日辰动爻化文书，与宅相生相合，主是租赁之地。

### **门庭热闹，财官临帝旺之乡；**

财鬼龙德贵人乘旺，长生之位，临宅生命、世爻，主家门热闹。

### 家道兴隆，福禄在长生之地。

福即福德，禄即禄元。同龙贵在生旺之位，临宅人生身命世爻，主家宅兴隆。财鬼龙旺，临宅身命世爻，主一家热闹。交重发旺亦美。

### 交重生克，重新更换厅堂；

生为父，父为堂；克为官，官为厅。且如乾金：土为父，为堂；火鬼为厅。带日辰交重，主更改再换。

### 世应比和，一合两般门扇。

比和：乃兄弟。世应化兄弟，俱临宅爻，或世应为兄弟爻，俱合宅爻，主一合两般门扇。

门路与日辰隔断，偏曲往来；宅基与世应交临，互相换易。

且如巽卦：辛亥水为宅，以寅合为门，以巳冲为路。日辰与动爻临卯辰二位，隔断寅巳二位，主偏门户，曲折还魂路也。若临宅临用破，即当破家。宅临之爻在世，世临之爻在日，宅并日辰动爻，主换易宗族之家基地。

应临之爻在宅，宅临之爻在应，并日辰动爻，易换外人基地。

### 世与日辰克宅，破祖不宁；

世爻与日辰同去克宅爻，主破祖不宁。

### 宅临月破克身，生灾不已。

月建相冲为月破，若动克世爻，及系占人身命爻，主生灾未已。

### 应飞入宅，合招异姓同居；

应爻外飞入宅爻，主有异姓人同居合住。

### 宅动生身，决主近年迁住。

宅爻动，日辰之位在中主世身，必主近年迁住。

### 门逢三破，朽败崩颓；

三破：为年月日冲破也。并动爻临宅，或克宅，主破旧崩颓。临官，主厅破；临父，主堂屋破，或盖覆倾颓；临兄，主门户破，墙壁毁；临子财，主房舍厢廊烟厨破坏也。

### 宅遇两空，荒闲虚废。

卦体宅爻，在日辰旬之空，更在命旬之空亡。主荒闲虚废，或是逃亡死绝之屋。白虎刑刃，劫杀耗神，丧门吊客大杀，主大凶。

### 世临外宅，离祖分居；

宅爻与正卦世临之爻相同，或与变卦世临之爻相同。

如明夷卦：二爻己丑为宅，世临四爻发，为世临外宅。

又如离变姤卦：己丑为宅，变卦世在辛丑，亦为世临外宅。

以上二卦为例，余仿此。动则离祖分居，不动则主偏宅。

### 应入中庭，外人同住。

应爻为宅爻，或宅爻为应临之爻相同。

且如巽卦变离卦：内卦辛亥水为宅，变卦应居己亥水，故为应入中庭。

应临宅爻，为应爻相同。如剥卦内坤，应临二爻乙巳火。

又如巽卦变离：辛亥临宅，之卦内离己亥临应，为应入中庭，主外人同居，日辰同临，为寄居也。

### 宅合有情之玄武，门庭柳陌花街；木临无气之螣蛇，宅舍茅檐蓬户。

宅爻鸳鸯，合玄武门庭桃花动爻，主女人淫欲，如花街柳陌人也。寅午戌，兔从卯里出之类是。螣蛇木爻，死气临宅，主瓮牖绳枢之地。

### 鬼有助而无制，鬼旺人衰；

且如木命人占乾兑卦，以火为官。木能生火，为鬼有助。若卦体无水生命，为鬼无制，主人衰弱。卦无子孙，财爻两动，亦为鬼有助，而无制也。若金命人，助离宫水鬼；水命人，助坤宫木鬼；火命人，助坎宫土鬼类。

**宅无破而逢生，宅兴财旺。**

岁月日三破，不临宅爻；更逢三件动爻生宅爻，与财爻旺相有气，为宅兴财旺。

**有财无鬼，耗散多端；**

有财则生鬼，无鬼不聚财。若无鬼爻，为宅无气，必主家中财物耗散。

**有鬼无财，灾生不已。**

鬼不宜动，财不可无。若鬼动，无财爻，更克世身，克宅爻，主连生灾咎。

**有人制鬼，鬼动无妨；**

且如木命人，占得坎卦，以土为鬼。木命人克土鬼杀。如或化木鬼，虽重而无害。金命人则制坤艮宫木鬼。但以本命克鬼为制，乃无害也。

**助鬼伤身，财多何益。**

以金命人，占得乾卦。以火为鬼，以木为财。木能生火，火能克金，有财为助鬼伤身，纵然财多何益。况鬼动财兴，金在何益。

**忌鬼爻交重临白虎，须防人眷刑伤；**

忌鬼爻变，乃克身之鬼。并白虎交重发动，值丧门吊客，主人眷灾殃。

**催尸杀身命入黄泉，大忌墓门开合。**

鬼动克身命，为催尸杀。动逢死气，为黄泉路。鬼克身命逢死气，忌身命爻冲开墓门。一冲一合，日辰动爻合墓，为墓门开合。凡卦中必见墓爻，若暗墓一冲一合，便是。如甲子生人，甲子日卜是也。

**木金年命，最嫌乾兑卦之火爻；**

木金年命人，占得乾兑卦，以火为鬼爻。木生火爻，为鬼能助火克金，为杀伤身。但本命生鬼为助，本命受鬼克为伤身。金年木命皆然。木命人忌震巽宫鬼，水命忌坎宫鬼是也。

**水火命人，不怕震巽宫之金鬼。**

水火命人，占得震巽卦，以金为鬼。金能生水，火能克金。故水火命人，不怕二宫之鬼也。

**官星佩印居玉堂，乃食禄之人；**

玉堂乃天乙贵人，官星乃甲用辛为官，印乃三传之印绶。应爻之数，若有官，有贵人，有禄有印绶，并太岁生身命，登金门而步玉堂之人。身命受制，主先宠后辱。

亲月建，外郡官；亲日辰，县宰官。有印无禄，有官无俸，有官无印，有禄无任人，日辰并子孙动。主官有剥削之失。日辰并财爻动，主迁擢升职之变也。

**贵刃加刑控宝马，必提兵之将。**

贵：贵人。刃：羊刃、飞刃。刑：三刑。贵人同得吉星相辅，刃加三刑临贵人之位，受太岁之生，旁爻有马，乃提兵将帅也。

**财化福爻，入公门多致淹留；**

日辰三合得财爻而无上选，子孙为元禄。盖财生鬼，财为正选，无财则无正选。子孙制鬼，若财化子，不利仕官公门之人。

**贵印加官，在仕途必然迁转。**

官带印，贵人临世，并日辰旬中发动，在仕途，必然迁转之喜兆也。

**子承父业，子有跨灶之风；**

子命爻临五爻之位，临父母之身，相生相合，主有跨灶之风。相克相刑，主有悖逆不孝，或不肖。不能克绍箕裘之业。父母之命爻临子孙爻之身，主子承父荫。生合刑克，依此断之，万无一失。

**妻夺夫权，妻有能家之兆。**

妻命临夫身五爻之上，与夫相生相合，得内助能家之兆。若妻克夫爻，主妻凌夫，或破夫家也。

**弟姪乃兄之臂，身命相伤；**

弟身爻起临兄之命爻，或兄身爻起临弟之命爻，若相刑相克，主不友不恭；若相生相合，主兄弟怡怡如也。

**妇僭姑嫜之爻，家声可见。**

二为媳妇之命爻。临姑之身爻，相刑相冲，主凌尊上，悖逆不孝；相生相合，主顺妇道也。

**妻犯夫家之杀，妻破夫家；**

夫家破耗二杀所临之位，妻身命爻犯之，克夫身命爻，主破夫家也。

**夫临妻禄之爻，夫食妻禄。**

禄乃甲禄在寅，食乃甲食丙之类。如甲子生，妻禄在寅，夫身命爻临之，遇食神，乃食禄顺。食不逢空鬼破耗等杀，更值生旺有气者，主夫食妻禄。若逢梟神羊刃，空鬼耗破杀，虽食妻禄，亦无用矣。

**交重兄弟克妻身，再理丝弦；**

妻身爻起临兄弟之爻，发动伤身命，或夫临兄弟爻，克妻之身命，主琴弦再续也。

**内外子孙生世位，多招财物。**

内外子孙发动，并日辰生身世之财爻，无空破冲克，多招财物。有气必有不期而会也。

**世为日辰飞入宅，鹊据鸠巢；**

如大畜之泰卦，内卦甲寅木爻为宅，外卦丙寅爻持世发动，或并日辰与鬼飞入宅爻，主他人之屋，不是祖居。自创之屋，或租赁之宅。假如大过卦，内巽辛亥为宅，外兑丁亥持世发动，是也。

**应临父母动生身，龙生蛇腹。**

应临父母，居偏下之爻，占者身爻临之，得本爻生之，或即动生子身命，主偏生庶出，或隔胎之子，前后父母生也。身命俱临父母，重拜双亲。

**世应隔异，兄弟多因两姓。**

如晋卦己酉金是世。假如乙未应隔申字之遁卦，壬申金应真兄弟。假如晋卦之遁卦，外离为假子，何也？离己酉金，假弟遁卦，外有乾卦壬甲金持世，是真兄弟。假又如姤之明夷卦，壬申金是真兄弟，明夷外卦有癸亥水，是假，不合中句，酉字亦为隔异之间，并日辰应有亲兄弟，或日月建动爻隔断，亦依此断。姤卦应隔兄弟，明夷卦应隔兄弟是。余皆仿此。

**应爻就妻相合，外人入舍为夫；**

应爻飞入宅，与妻身命相生相合，主招外人入舍为夫。

**假宫有子飞来，异姓过房作嗣。**

假如子孙带占身命，或日辰是假宫飞来，伏在身命爻下，主为人异姓过房之子；带日辰旬真宫飞来，主过人家之子；飞动应爻，过房与人也。

**妻带子临夫位，引子嫁人；**

妻命带子孙，动临夫位，并日辰，主妻引子嫁人是也。

**夫身起合妻爻，将身就妇。**

夫身爻起临妻命爻，或夫命爻动临妻身爻动，并日辰，为之将身嫁妇也。

**本命就中空子，见子应迟；**

子孙同我生之爻，在日辰命旬之空，主见子迟。若胎绝，主孤害刑克也。

**身爻合处逢妻，娶婚必早。**

夫身爻起处合妻之命爻，见妻必早。妻身爻起合夫之命爻，妇嫁必早。

**夫妇合爻见鬼，婚配不明；**

夫合之爻，妻合之爻，见鬼，主婚姻不明。但有合爻见鬼是也。

**子孙绝处刑伤，儿多不育。**

子孙逢死绝爻，更受伤刑克害，主子多不育难招。

**夫妻反目，互见刑冲；兄弟无情，互相凌制。**

夫身爻并日辰动刑妻命，主夫不和妻；妻身爻并日辰动刑夫命，主妻不和夫。或妻命冲夫身，夫命冲妻身，主夫妻反目。如风天小畜九三爻是也。兄带日辰克弟身命爻，弟带日辰克兄身命爻，主兄弟不和，互相凌虐。

**日将与世身相生，当主双胎；身命与世应同爻，多应两姓。**

身世起合与日辰动爻同位，两生命者，主双胎，同年之子，或双顶是也。身临世命临应，或命临世身临应是。身命两临世应，主有两姓。

**妻财发动，不堪父值丧门；父母交重，最忌子临死绝。**

上有父母，不堪财爻发动，更兼父母值丧门吊客爻，主有克害之患。

**妻克世身重合应，妻必重婚；**

妻爻动克夫命，主克夫。并日辰又与应相合，主妻再嫁。若带咸池与应爻相合，并日辰动爻，带亡劫刑刃等杀，克夫身命爻，主妻与外人谋杀夫主。临交爻，主未来之事。

**夫刑妻命两逢财，夫当再娶。**

妻身命临夫家刑杀之爻，更逢克处两财，主夫克两妻。并日辰合傍爻之财，主再娶。夫并日辰动爻，带劫刃刑等杀，伤妻命爻，主遭夫毒手也。

**妻与应爻相合，外有私通；**

妻身命爻与应相合咸池玄武桃花，主妻有外情。夫并日辰克妻，与应爻，主获妻奸。夫并世应在三合之爻，主从良为娼。日辰临交爻，主心意未绝。妻带财生应爻，妻以财诱外人；应带财生妻爻，外人以财诱妻。应自外宫来，主远方人；应自内来，近亲之人。世爻动带鬼隔断，为家人间阻；应爻动带鬼隔断，为外人间阻其情。

**男临女子互爻，内多淫欲。**

男身爻起临女命爻，女身爻起临男命爻，谓互尊卑失序，主有淫乱事。若夫妻互相合，主先奸

后娶。据理而详可也。

**青龙水木临妻位，多获奁财；**

如财临青龙，水木有气，夫命临之，更有气，主得妻财多。命带玄武财爻，有暗来妻财。如辛丑日下，得恒观卦是。

**玄武桃花犯命中，荒淫酒色。**

身命带玄武桃花，主贪酒色。男则粘红缀绿，女则叶人牵惹。

**世应妻爻三合，当招偏正之夫；**

为世应财爻三合妻爻，更逢两鬼合身命，主有偏正之夫。

**财爻世应六冲，必是生离之妇。**

妻身命爻值鬼爻，与世应并日辰动破合；重重相冲，与财两合；或妻身命爻，与世应动爻相冲，或日辰相冲，主是生离之妇也。

**世应为妻爻相隔逢冲，必招外郡之人；**

世应在日辰旬中隔断妻爻，或与夫爻相隔，在日辰旬外逢冲，主是外郡之人。夫隔妻爻，妻动在游魂世应之外，主他州人也。

**夫妻与福德相逢带合，必近亲邻之女。**

男与财爻相近，俱在本宫，或卦中，主婚姻近处。就中合见子孙，主因亲致亲，或故亲为媒。

**命逢死气，最嫌煞忌当头；**

身临命家日家逢死气，若日辰动爻并杀，倘克身命，主有死亡之祸。

**鬼入墓乡，尤忌身爻溅血。**

命爻带鬼入墓，怕身爻带杀或受制，最不吉之兆。

### 恶莫恶于三刑迭刃；

刑无刃不能伤人，刃无刑祸亦不大。若刑刃两全，带杀克身，临官主犯官符刑宪事。玄武伤财，劫贼图财致命之事。世并日辰动爻，克应带杀，主我伤他人；应并日辰动爻，带杀克世，主他人杀我。为官掌生死之权，名扬夷夏。若渔猎技艺之人，祸当灭没；否则疲癃残疾之人。若龙德发动，凶中则有吉之象。

### 凶莫凶于四虎交加。

日家应家白虎，即胎神；月破白虎，六神白虎，太岁白虎，命家白虎，即日神。白虎化白虎，重重临宅克身，主刑克伏制之事。若带鬼杀重重，并丧吊凶神，举家遭祸死亡，庶十几八九。若卦中龙德动，主喜事至，则稍轻，是悲喜相半之兆。

### 四鬼贴身，防生灾咎；

贴身鬼带破碎杀，主有破相之疾。乾主头面小肠，喘急咳嗽之疾；坎主两耳，肾间之疾；艮主背肋，手指之疾；震主下部，腰足痛之疾；巽主两股两腿，头发血气之疾；离主眼目，心经之疾；坤主肠间，脾胃之疾；兑主口齿，及唇之疾。余仿此。

### 三传克世，易惹灾危。

三传：太岁月建日辰。带杀带鬼，克世身命，主宅丁人眷灾危。太岁连年之祸，月建主累月之灾殃也。

### 劫亡两贼伤身，青草坟头之鬼；身命两空遇杀，黄泉路上之人。

身命逢绝，在旬中空亡；亡神劫杀，带鬼伤身克命，主有死亡之患。

### 勾陈伤玄武之身财，女多凶祸；白虎损青龙之官鬼，男忌死亡。

#### 生僻字注释：

(1)【敛】读音：lian，三声。意为：收集，收住。

(2)【肇】读音：zha0，四声。意为：开始，开端。

(3)【赁】读音：lin，四声。意为：租用。

(4)【裘】读音：qiu，二声。意为：毛皮的衣服。

(5)【紾】读音：zhen，二声。意为：扭，转。

(6)【梟】读音：xia0，一声。意为：首领，勇猛，强悍。

(7)【鳩】读音：jiu，一声。意为：斑鳩，雉鳩的统称。

(8)【癯】读音：10ng，二声。意为：衰弱多病。

## 二十、坟墓

**葬埋之礼，乃先王之所设；虽为送死，而然风水之因。特后世之所兴，祸福吉凶攸系。故坟占三代，穴有定爻。**

**一世二世，子孙出王侯将相之英；世四世三，后嗣主富贵繁华之茂。绝嗣无人，端为世居五六；为商出外，只因世在游魂。八纯凶兆，归魂亦作凶推。吉兆相生，相合亦将吉断。**

初子孙，二母，三兄弟，四妻妾，五坟，六祖宗。以前穴爻从定为正。如遇日辰长生之神，持金，不必有石。或休囚死气，更无别物。

为穴有定爻，穴葬之处为墓。卦各有其名，而无其位。如金穴取金墓在丑便是。不必明见丑。余仿此。

又占坟，飞得之传属木，亡命属土，不宜应上命，子孙不利。

六太婆，五太公，四婆，三公，二母，一父。

又云：六太婆，五太公，四公，三父，二婆，一母。

**穴骑龙，龙入穴，穴正龙真；**

穴带龙来入穴，更遇世临穴爻，相生相合，龙虎抱卫，有情，为龙真穴旺。

又例：若龙起穴，在五黄中宫，亦是。若逢冲动，则又非。若得龙起于穴爻，则为吉地是也。

**山带水，水连山，山环水抱。**

山带水为朝带，来山与穴相合是。山环水抱，重合生气，带财福贵，乃为吉地。

**交重逢旺气，闻鸡鸣犬吠之声；**

动逢生气旺相，水火爻见厨砖，闻鸡鸣犬吠之声。

**世应拱穴爻，有虎踞龙蟠之势。**

世应带龙虎穴，居世应之间，生合有情，主龙蟠虎踞之势。

**三合更兼六合，聚气藏风；**

宾主山与龙虎日辰动爻，逢三合六合穴爻，若合，主藏风聚气之势。

**来山反作朝山，回头顾祖。**

应在朝山带来山，有回头顾祖之势。

**死绝之鬼，边有荒坟；长生之爻，中有寿穴。**

戊己鬼，死绝无气之鬼。主边近有荒古之坟。穴中有长生旺气，主有寿穴。内卦有生墓之穴法也。

**合处与应爻隔断，内外之向不同；**

内为穴，外为墓，合为向。假如己未土为穴，合午为向；庚辰土为墓，合酉为向。若午酉之间应爻并日辰爻隔断，主金井阳门向背不同。

**穴中为世日冲开，左右之穴相反。**

穴临己未二爻，世并日辰临午爻，分开左右之穴。主穴道相反也。

**穴道得山形之正，重逢本象之生：**

龙山龙形，虎山虎穴。重逢本宫卦象之生，及动爻之生，为穴得山形之正。

**世应把山水之关，宜见有情之合。**

世应临水口之关爻，若带合，主有关锁，有情之势。如寅为龙，见亥则生头角，坐见火为泄气，为摆尾。

**坐山有气，怕穴逢空废之爻；**

且如坎山，所得申爻临穴，为坎居水，生申有气。最怕爻临废神空亡之位。若然逢此，主弃毁

不用也。

**本命逢生，忌运入刑伤之地。**

凡占生墓，要本生年，得穴之生旺气，山所有生旺之气。忌山运与卦爻相冲相克，尤忌伤刑本命爻。若山运与本命爻相生有气为吉，若遇空亡，却不怕空，反为吉地。

**青龙摆尾，就中逢泄气子孙；白虎昂头，落处逢生身父母。**

若青龙临子孙重重有气，有摆尾之势，与白虎同。若白虎爻，遇父母爻重重生身者，必有昂头之势，与青龙同。

**后来龙余气未尽，有玄武吐舌之形；**

来龙并日辰入穴，明堂兼脱气，为玄武吐舌之形，或来脉不住。

**前朝案动爻逢冲，为朱雀开口之象。**

朝山主爻发动，并日辰逢冲刑害，主有朱雀开口之象。

**世坐勾陈之土局，破坎田园：**

世坐穴，若勾陈之爻，或临土局，必是破坎田园。

**应临玄武之水爻，沟坑池井。**

若应临玄武之爻，或并水爻，主有泉源沟坑之水。

**白虎在破耗之位，古墓坟莹；**

若临月破白虎之位，主是古旧坟莹。在归魂卦，或鬼飞入穴，为还魂葬地。

**螣蛇临父母之爻，交加产业。**

螣蛇为索带交加之象，父母为文书契字，主重重叠买，交加产业。

**勾陈土鬼，冢墓累累；**

勾陈戊己土鬼，逢死绝之爻，为古墓。游魂鬼动逢冲空，傍有改葬之地。日辰克白虎穴爻，有崩颓之墓。青龙爻动，主有新坟。若归魂飞入穴爻，主有还魂改葬之地。

### **玄武金神，岩泉滴滴。**

金为石，玄武为水，主有滴沥自出之泉。乘旺，主穴中有水，官有他井。白虎临亥子水爻，亦主有水，或近泉岩。

### **青龙发动临子孙，决主新迁；**

若青龙临交爻动，或值子孙，必是新迁未迁之象。如飞起在穴，亦依此断。

### **朱雀飞来带官鬼，必然争讼。**

朱雀鬼并动爻日辰，或临官符，主有争讼事。克应得理，克世失理。穴爻之内见朱雀官符官鬼等杀，日辰飞入穴，亦依此断之。

### **应爻加水临玄武，前有溪桥：**

若应爻并木爻临玄武，逢冲克，主墓前有溪桥。

### **日辰冲土镇螣蛇，边通道路。**

螣蛇为路。并日辰，辰戌丑未之爻，与日辰动爻冲克，主近道路。

又云：动爻带来山，日辰冲；日辰带来山，动爻冲；为应库龙路。子午为来山，日辰带杀，与卯酉冲；卯酉为来山，子午冲；为腰路。子卯见午酉冲，午酉见子卯冲，为曲尺路。破穴为扫肋路。子为穴，丑亥见己未冲；午为穴，己未见丑亥冲；为扭械路。辰酉见卯戌冲，卯戌见辰酉冲，为交叉路。冲穴为当胸路，冲马为驿路。横直冲为十字路，为四冲路。交为新路，重为旧路。震为大路，艮为边路。冲克穴爻，为白虎带索之类也。

又如子为穴爻，巳动亥为日辰冲，亦为扭械路。辰为穴爻，卯日酉动为交叉路。

### **朱雀火爻发动，厨庭炊爨之傍：青龙财库相生，店肆库仓之畔。**

朱雀火爻发动临财，或朱雀空，为厨庭烟灶之所。青龙为四墓，逢财相生有气，为瓦铺酒肆。若遇庚申癸酉金，丁酉金，为仓库之畔。

**玄武世飞入穴，暗地偷埋：勾陈土动落空，依山浅葬。**

玄武世爻，并日辰动飞入穴，主偷埋盗墓。或者暗地瞒人出殡。勾陈土动，或空，或发动，必是依山浅葬也。

**日合鬼爻有气，近神庙社坛之傍：**

鬼旺有气，或临青龙贵人，与日辰相合，主近神庙，或古跡灵坛之所。

**动临华盖逢空，傍佛塔琳宫之所。**

华盖穴爻，鬼动逢空，乘旺有气，主近寺观。若华盖带劫杀刃，为匠艺人家，有响应之声。

**世应逼左右之山欺穴，龙虎磕头：**

世应在重龙重虎之位，逢白虎寅爻为龙虎磕头。

**交重并旬内之水伤身，沟河插脚。**

水爻动在日辰旬中，居穴之前；或日辰旬中之水，并动爻居穴之前；主有沟河插脚之水。

**生生福合三传上，百子千孙：**

福德逢穴爻之生，更在三传之位，相合有气，主有百子千孙。

**重重墓在一爻中，三坟四穴。**

六亲世应，日辰动爻，重重墓在一爻之内，主有三坟四穴。

鬼父同墓，主始祖与父同，太祖祖父同葬。财鬼同墓，始祖与祖同葬。财父同墓，主始主与父同葬。或公姑媳妇同葬。阴为女，阳为男。财为太始祖妣，又为子孙妻儿曾孙。

鬼世同墓爻，主家人同葬。应鬼同墓爻，主外人同葬。中间未能尽述，临应可详断。

**神不入墓，游魂之鬼逢空：**

亡命作鬼，逢空穴爻化鬼爻，墓处逢空，及临游魂，主鬼不入墓。

游魂鬼乃在外卦，应爻动空，主客外死，或葬他乡。空穴空墓，主无埋葬之地。若带凶杀克身，

必主恶死。

**鬼已归山，本命之爻逢合。**

亡命穴爻，相生相合，并鬼爻逢墓，为鬼已归山。主魂安埋葬毕也。

外卦游魂鬼动，穴爻逢空，墓在外卦世爻，主招魂安葬。若在内卦应爻，亦主附葬也。

**日带应爻劫杀入穴，劫冢开棺：**

日辰并玄武应爻，带杀飞入穴，或动爻破穴破墓，主劫冢开棺。冲克亡命，主暴弃尸骸。世应并日辰之杀，动破穴爻，主自家起墓开棺，盗财移葬。若克亡命，必主暴露不葬。

**用并世象动爻克应，侵人作穴。**

用为世爻并日辰动爻克应，主侵人坟地作穴。动与应爻并日辰克世克穴，主他人侵自己坟地而埋葬。

**客土动而墓爻合，担土为坟：**

客土者，外卦土，应土是也。与穴爻墓爻发动，相合相生，主是担土为坟，或傍土为左右臂。

**朝山尊而穴法空，贪峰失穴。**

朝山在贪狼贵人位，主前有贵峰耸秀。若穴空，主有贪峰失穴之象。苟或不空，却朝山耸秀之美乎。然贪狼，乃是长生也。

**子孙空在日辰之后，穴在平洋：**

子孙在日辰之后逢空，或勾陈亲戊己土爻，或爻在明堂宽大之地，多主平地作穴。

**兄弟爻落世应之间，坟迁两界。**

世应同临穴爻，更有兄弟之爻，或在世应之间，主坟迁两界。或在日辰前后，两旬之爻，依此断。

**日辰与动爻破穴破墓，定合重埋；世应并穴道冲尸冲棺，当行改葬。**

日辰发动冲破墓爻，世应相克，冲尸冲棺；或父化父，兄化兄，鬼化鬼，财化财；皆主重埋改葬。

又云：金为尸首木为棺，土为墓兮仔细看。

### 重交生穴经营，非一日之功：

交重生穴，两重爻发动，皆生穴爻，并日辰，主加工用事，非一日之可成。

### 龙德临财迁造，为万年之计。

青龙临财爻子孙，生旺有气，与穴相合相生，主迁造之坟，美丽悠久。若逢四废神临穴，必然措而无用也。

### 应飞入穴，必葬他人：

如应爻飞入穴爻，主外人同葬，或是他人之地。不然，是他人旧坟边。

### 煞动临爻，凶逢小鬼。

凶煞犯亡人死绝之位，更带鬼克之命，主迟小鬼。火土鬼带日旬，主瘟疫死。金带刃，主刀兵死。水鬼带浮沉杀，主水鬼。木鬼并螣蛇勾绞杀，主缢死。金鬼白虎带杀，主虎口死。旺金主劳死。土鬼，主咽喉脾胃，黄肿死；若冲，主魔鬼死。火鬼烧死，热症死，或化葬。木鬼冲刑，主被物打死，及跌蹠死。白虎持世鬼，螣蛇鬼，应爻克身穴，主被人打死。金未鬼带三刑羊刃，年月朱雀鬼符克身，主刑杖死。金刃并专刃，主自刎死。可以逐类详断。如胎生为稚子，旺为中年人，衰为老者。然卯前为勾，酉后为绞是杀。

### 犯天地四大空亡之煞，骸骨不明：穴遇三传刑刃之空，尸首有损。

甲午乙丑，甲申乙亥，甲戌乙酉，壬子癸丑，壬寅癸未，壬辰癸巳，以上乃天地空亡。子午旬无水，寅甲不见金。

**四位：**如四大空亡。三传：乃太岁月建日辰也。三刑羊刃。

且如己卯日，占得坤卦：甲子亡命，穴临上六，癸酉金乃甲戌旬中空金，乃甲寅旬之空。甲子天干日从乾上起，顺飞至乾，乾遇得癸。地支子从坎上类起，顺飞至坎，遇金住。天干乃遇乾，地支遇坎，乃乾中有壬，坎中有子，壬子乃天地空亡。又类至乾卦有甲，坎卦有申，乃甲申为空亡。

三传带刑刃，凶杀伤克本命六爻，或又在日辰旬之空亡，主骸骨不明，尸首有损。

乾宫卦无甲午，只有壬午，壬申。甲申，甲午为天地空亡。甲子旬中见水为四大空亡。命见乙酉，穴见己丑，亦是天地空亡也。

### **五空：**

乾：壬申，戌亥；兑：丁酉；艮：丙丑，寅；离：巳午；坎：戊子；坤：乙未，申；震：寅卯；巽：辰巳。

### **逢冲逢克，怕犯凶神：**

用爻为凶神，逢克逢冲，或逢刑，为凶恶之兆。

### **相合相生，真为吉兆。**

青龙福德为吉神，相生相合，或扶或拱，为吉处之兆。

### **爻生之子孙逢官逢贵，临三传必作官人：**

穴生之爻临子孙，逢官星贵人，临三传生本命，作印绶，主官职之荣。

### **穴中之象数合禄合财，若两全当为财主。**

穴临旺气，有子孙财官爻在五爻下，若子孙相生相合，若财禄两全，当积金宝之人，乃富家之子。

### **游魂福德空冲，主流荡逃移：**

子孙逢空冲并，日辰一冲在游魂卦，主逃离之人。空亡主流荡不归乡。若生旺见财贵吉神，亦主废离逃亡之人也。

### **恶鬼凶神变动，见死亡凶横。**

白虎螣蛇凶神，并鬼克身世，为鬼神。发动临爻，主凶横死亡之横祸。用爻带凶神动变，亦不为吉兆。

### **损父母子孙之财鬼，鰥寡孤独：**

卦内父受损，兼不上卦，出孤儿。子孙受伤，兼不上卦，出伤绝。财爻受伤，兼不上卦，出鳏夫。鬼爻受伤，兼不上卦，出寡妇。要指引明白，不可概论。

### **叠刃刑鬼破之劫亡，痠癰残疾。**

鬼临破碎杀，兼三刑六害，叠刃亡劫，同克用爻；或乾宫，主头面喘急，咳嗽小肠之疾。坎宫主臂面两耳，小便气血，腰痛肋心之疾。艮宫主鼻疮，手指腿足之疾。震宫主骨足肝腿，三焦笑言之疾。巽宫主须鬓膝，血气风邪之疾。离宫主脾胃痲疽，眼目痛，心惊心惧热症，阳火气疾。坤宫主肚腹呕吐，便血泻痢，黄肿之疾。兑宫主口齿缺，唇掀，皮肤之疾。金鬼乘旺，劳嗽；木鬼，风邪；火鬼，热症；水鬼，吐泻；土鬼，黄浮肿之疾。中间不可尽述，依理推详。

### **玄武遇咸池之劫杀，即盗且娼：青龙临华盖之空亡，非僧则道。**

玄武无头并劫杀，拱位在世爻，在坎，出外盗，或因盗至死。玄武并咸池带合，主女堕风尘，或淫奔。世爻并胎神受克，主有堕胎产难之厄。青龙华盖孤神值空亡有气，是为僧道类。

### **月卦勾陈之土鬼，瘟疫相侵：**

月卦是月将勾陈，土鬼临世身爻，主时灾瘟疫相侵。

### **阳宫朱雀之凶神，火灾频数。**

朱雀怕临火，更在火位，或临烛火杀，主生火灾之患。

### **父母临子孙之绝气，嗣后伶仃：**

父母以为孤杀，且加子孙爻属火，火绝在亥，若父母临亥爻动，主后嗣伶仃断。

### **福德临兄弟之旺宫，假枝兴旺。**

若子孙爻临命，或在兄弟爻临旺相，自假宫来，主假枝兴也。

### **动并旬中之凶杀，立见灾危：**

劫亡刑刃伤吊月破等杀，在日辰旬中发动，若占者被冲刑伤克身命，主见灾危，劫杀之事。余仿此。

**穴临日下之进神，当臻吉庆。**

进神者，甲子甲午，己卯己酉为进神。逢财福德，主人有财之兴进，当得康宁。且如戊寅日，占得己卯逢龙德财福是也。

**看已形之既往，察过去之未来。**

观已往可见之形，察吉凶过去未来之兆，无不验。

**事与世应互同，可见卦中之体用；**

世为体，应为用。看体用发动，系于事体如何，方可详断。

**动爻与日辰相应，方知爻内之吉凶。**

动爻与日辰互相副应，则吉凶悔吝之事可见。不可拘执而断。古圣人之意，未可发明，此系隐君子之贤，更宜斟酌。则无差无误矣。

生僻字注释：

(1)【脰】读音：shen，四声。意为：古代帝王祭祀社稷之神所用的生肉。

(2)【琳】读音：lin，二声。意为：美玉。

(3)【鬓】读音：bin，四声。意为：鬓角。指耳朵两边长头发的部位，也指长在这个部位的头发。

## 黄金策（五）

### 二十一、求师

**捐金饌食教养，虽赖乎严君；明善复初启发，全资于先觉。**

**凡求师傅，须究文书。**

文书即卦中父母，此爻为师道，为书籍，为学馆，而又有尊长之意，故为主象。

**如居弱地，必范不范而模不模；若在旺乡，则矜可矜而式可式。**

父母休囚，其师必然畏惧局促，不能为人之模范。旺相有气，则魁梧雄伟，堪为学者矜式。

**临刑临害，好施横楚之威；**

横楚：傲顽之杖。父带刑害白虎，其师性暴少慈，必好笞撻，旺动尤甚。临青龙，则是傲戒弟子，非妄撻。

**逢岁逢身，业擅束修之养。**

父母卦身或持太岁，其师专以严训为业，务得束修以为养家者。

**兑金震巽，杂学堪推；离火乾坤，专经可断。**

凡推师之专经杂学，不可依《金锁玄关》以本宫他宫言之。当以父母在震巽艮坎兑五卦为杂学，乾坤离三宫为专经。盖巽兑二卦属阴，而阳爻反多；震艮坎三卦属阳，而阴爻反多；杂而不纯，所以为杂学之师。离虽不纯，而有文书之象；乾坤则不杂，而有资生资始之功；所以为专经。若父母在乾坤离卦之中，纵或杂学，亦是良师。不在乾坤离卦之内，纵是专经，亦非才士。

**本象同乡在内，则离家不远；本宫异地在外，则隔属须遥。**

本宫父母，本乡人氏；外宫父母，外郡人。在本宫而居外卦，虽是本乡，离家必远；在他宫而居内卦，虽是外郡，必不遥远，亦是邻邦。他仿此。

**与世相生，非亲则友；**

与世父爻相生相合，其师必与求师之家有亲；若系他宫外卦，或与世爻不同宫者，相识朋友。父爻持世，亦是非亲则友。

**与官交变，不贵亦荣。**

父化官爻，其师异日必贵。卦无父母，而鬼带贵人化出，多是生员。不带贵人，或临衰绝，必是吏人。加白虎或带刑害，则是有病之人。父持月建，更加青龙，必有前程在身。父临生旺，又得月建日辰生扶者，今虽未贵，后必荣达。若化空亡，虽贵不显。

**静合福爻，喜遇循循之善诱；动加龙德，怕逢凛凛之威严。**

父母与子孙作合最吉。必能博文约礼，循循善诱，甚得为师之道。必主师徒契合。

惟怕发动，则克子孙。更加白虎刑害，必然难为子弟。若不旺相，而得青龙辅之，虽动不妨。但主其师严毅方正，凛然不可少犯。

**父入墓中，边孝先爱眠懒读；**

父爻入墓，其师惟爱安逸，懒于教训。逢空化墓，皆然。得日辰冲破墓爻，又主聪察。

**财临身上，李老聃博古通今。**

凡求师，以财为师之才学。六爻无财，必欠学问。若得财临卦身，或居生旺之地，其师必多才学。更得父爻有气，乃非常之师。

**母化子孙，必主能诗能赋；**

父化福爻，其师善作杂文。带刑害败病等爻，虽能作文，必多破绽。子带月建，又加青龙，必然出口成章。子孙休囚，得月建日辰生扶，其文必得改削润色，而后可观。若子孙胎养爻上与父作合，其师必有小儿带来。

**鬼连兄杀，定然多诈多奸。**

凡遇兄动化鬼，鬼动化兄，皆主其师奸诈。刑克世爻，必有是非口舌。卦中兄鬼皆动，或父化兄鬼伤世者，俱不可用。若不伤世，则主奸诈，非凶也。

**心是口非，临空亡而发动；**

父母一爻，宜静不宜动，宜旺不宜空。动空不诚实，静空懒教训；化空，始严终怠；旺空，羊质虎皮；外有余，内不足。避空则不然。

**彼延此请，持世应而兴隆。**

世应俱持父母，主有两家争延之象。世动应静，我先请；应动世静，彼先请。两爻俱动，重爻先请；一旺一空，可知哪一边可成；两爻俱空皆不成。

若只有一爻父母，而世应俱动生合，亦主两家争请。或一爻父母，而世应比和、同合者，是两家合延一师也。父母与世同宫，设帐于此；与应同宫，设帐于彼。

**应值母而生世，须知假馆；**

父临应上，而世爻动来生合者，必馆于他家，而欲附学也。

**父在外而福合，必是担囊。**

凡卜求师，若子弟自占，以世为生徒，不看福爻。父兄来占，以子孙为生徒，不看世爻。若父在外卦，又系他宫安静，而子孙动来相合，必游学他方，担囊负笈以从师也。若父爻发动，或子孙逢合住，皆不然也。

**鬼化文书克世，则讼由乎学；**

鬼动固凶，若又化出父母，刑克世爻，异日必至争讼。父化鬼爻，或官父皆动，有伤世者，惧是争讼之象，若有冲散，或得合住，或遇制伏，或化空亡；则虽欲兴词，终有和释，必不成讼。

**月扶福德日生，则青出于蓝。**

大抵求师，不可专看父爻。须得子孙有气不空，又遇月建日辰动爻生合，则学有进益。若父爻反衰，弟子反胜于师，如青出于蓝，而青于蓝也。父旺子衰，徒学而已，必不长进。子孙自空，当有大难。

**刑克同伤父子，必罹其害；合生为助官鬼，莫受其扶。**

父为师，子为徒，受伤皆不利。如鬼爻来伤，因学成病；父爻来伤，因师有祸；福爻来伤，因徒惹灾；兄爻来伤，则有是非口舌，或多费财物，不然则学无进益。惟遇生扶则吉。

然兄鬼有扶，又为不利，助桀为虐故也。异日宾主不投，师徒不合，或有口舌官讼，皆由乎此。纵不伤世，亦非吉兆。若世与父爻生合，则宾主自投，乃闲人斗喋间阻而已。

**或击或冲父母，逢之不久；**

父母虽要有气，然不宜动变，动则必不久。若在本宫内卦，或临世上，而有此象，乃见师无坐性，非不永也。值游魂卦，或化入游魂者，尤甚。游魂化游魂，则一年迁一馆。

**或空或陷世身，见之不成。**

世身空亡，延师不成。父母无故自空，亦难成。或父与世爻相冲相克，或应爻自空，皆见难成

之象。

### 财化父爻，妻族荐之于不日；

凡占求师，以他宫外卦之财爻，为师之学问；以本宫内卦之财爻，为酬师之束修，及主人之妻妾。

若卦有父母，遇本宫财爻又化一重父母者，不日间妻家又荐一师来也。兄弟化出，则朋友荐来。动爻是重，已荐过矣；动爻是交，将荐来也。生旺日断之。卦无父母，而遇动爻有化出者，不可言又有先生荐来。本宫，其师即是其人荐者，如子孙化出，为僧道荐之类。他仿此。

### 母藏福德，僧家设帐于先年。

卦无父母，当看伏神，可知消息。如父爻伏在子爻下，其师前年必设帐于僧房道观。如伏在官下，必曾在役人家教授之类。若与世爻同宫，必与其家相近。与世比和，则与其主人相识。或生或合，非亲则友。父伏世下，必是旧师。

### 搜索六爻，无过求理；思量万事，莫贵读书。

凡求师，不可专指道学之师。如欲投学，百工技艺，及拜僧道为师类，皆是。但师之主象不异父母，而学者主象，则不可专取子孙一爻，当以世爻看之。

如隔手来占，须问是何人。如是来占者之朋友兄弟，则以兄爻为主类。皆要师第二主，相生相合则吉；相冲相克则凶。父母要旺相不空有助，而月建日辰动爻无伤者，不拘是何艺业，必是高手。临月建，则是闻者。衰则不济，空则难成。

### 世应直生合，卦身直旺相，二主不可伤，兄鬼不可动，如此则吉兆无疑矣。

若父母不临本艺之人，必非专门名家。如学拳光棍及木匠类，不临本爻，或震宫是也。父化兄，或兄持世，必先尽谢礼而后可成。间动生合，必须用变，化出文书，须立契券。

### 生僻字注释：

(1)【饌】读音：zhuān，四声。意为：饭食。

(2)【矜】读音：jīn，一声。意为：自尊自大。

(3)【桎】读音：jī，三声。【桎楚】意为：古代的棒杖刑具。

(4)【傲】读音：jìng，三声。意为：让人自己觉悟而不犯过错。

(5)【擅】读音：shàn，四声。意为：善于。

(6)【聃】读音：dān，一声。用于人名。这里指老子。

(7)【笈】读音：jí，二声。意为：书籍。

## 二十二、求馆：附束修

**学得明师，可继程风于满座；**

**师非良馆，难期贾粟之盈仓。**

**故欲笔耕，先须蓍筮。**

**世为西席，如逢父母必明经；**

凡占书馆，以世爻为西席之位。如临父，其先生必是明经之人。世在乾坤离三宫，亦然。临官带贵，或本宫官伏世下，多是秀才。

**应乃东家，若遇官爻须作吏。**

应爻为占馆东家主人。若临官，必是官吏户役人家；加白虎，则是病人；在三爻现，病在床；休囚受制，则有孝服在身；加玄武，必与盗贼往来。

**应临父母加勾陈，种田人家；加朱雀，读书人家；加白虎，宰杀人家；加螣蛇，工艺人家。**

应临子属金，僧道作主；加朱雀玄武，是打猎人家；不然，则后生辈也。

应临财爻，更在阴宫，又临阴爻，而卦无官鬼者，必是妇人作主；有官则是富贵人家。财化财，财化子，做买卖人家。若被月建日辰动爻制伏，乃是奴仆为主。

应临兄弟，平常人家；加朱雀，赌博人家；系本宫，弟兄姊妹家；系他宫，朋友邻里家。

若论住宅，依家宅章断。

**临官兮少壮，休囚则贫乏之家；墓库兮高年，旺相则富豪之主。**

应爻在临官帝旺爻，主人必然强壮。如临墓库，必是高年。五行无气，其家贫乏；五行旺相，其家富厚；重加财福，必然巨富。德性以五类六神参断。

**值土火空，无父母；逢金水绝，少儿孙。**

卦中六亲，即人六亲。然有两人系于一卦者，则彼此六亲宜不同矣。又当何以定之？不过生之理而已。

且如占馆，以应为东家。

应爻属土，火能生土，不拘卦中有无，亦不拘是财官父子，皆作父母断，生我者故也。

应爻属金，金能生水，不拘卦中有无，亦不拘财官父兄，皆作子孙断，我生故也。

如火爻旺空、冲空、动空，主父母不全，衰空必无父母。火化火，两重父母。带官鬼旺，以贵断，衰以病言。带兄弟，其父好赌博，无廉耻，欠学问。带财爻，其父不富厚，则业贸易。带子孙，其父则甚慈善，慷慨有为。余皆仿此。

但不可以六爻总看，当以在应宫者为彼六亲，在世宫者皆我六亲也。

一宫三爻，只余二爻，此宫不现者，不可遂断为有无，惟空亡乃是真无也。

其贵贱寿夭，性情容貌，依常例推之。他如兄弟妻妾子息，亦仿此推之。

### **不拱不和，决定主宾不协；相生相合，必然情意相投。**

世应二爻刑冲克害，异日宾主不合。加以兄官发动，大凶之兆。若得生合比和，情意必然相投。生而化克，始和终不和；冲而化合，始疏而后密。世与子亦宜生合，则师弟间恩义兼尽。若见冲克，亦多不睦也。

### **财作束修，不宜化弟；**

占馆以妻财为束修。旺相多，休囚少。要知斤两，以生成数推之，生旺倍加，绝死减半。在阳宫以生数断，在阴宫以成数断。今人但言水一、火二、木三、金四、土五，而不言六七八九十，是举其生数，而遗其成数也。

独怕兄弟发动，或财化兄，主束修不皆入己，必有人抽分费用。不然，则有名无实，亦不能尽取之也。财爻无气，而遇月建日辰动爻生扶者，束修虽不多，四季礼反周备也。

易云：天一地二，天三地四，天五地六，天七地八，天九地十，生也。

### **父为书馆，岂可逢空。**

占馆，不可以父母为师，当作书馆论之。旺相有气，则有好书馆。卦无父或落空，必无书馆，事亦难成。

若占其年书馆有无，全要此爻出现，有气不空，必然有得。更得应来生合世爻，自有人来延请；

世爻生合应爻，及父爻，必须自去访求，无人相请。

卦无父，而动爻有化出者，不意中有人推荐也。若父化父，必有两处书馆，卦有两爻亦然。馆有定期，而遇父化父，馆必两处。本宫化入他宫，由近及远；他宫化入本宫，自外以入内也。

### **鬼动合身，须得贵人推荐；**

官鬼发动，当有间阻。然来生合世身，又主其馆必得贵人推荐，而后可成；应如克世，父或落空，虽荐不成。

### **兄兴临应，决多同类侵谋。**

凡占学馆，应持兄动，必有同道之人争谋其馆；兄临卦身亦然。若在间爻动，冲克世，则主有破说，其事难成。

### **官如藏伏，应无督集之人；**

鬼能生扶父母，故占馆以此爻为纠率子弟之人。若不出现，或落空，必主无人聚集生徒，以成学馆。其事难成，又主无人推荐。若空而逢冲，伏而提起，必须央浼其人，方许出来纠集。

### **应若空亡，未有招延之主。**

应爻空亡，无人延请。更若父不出现，或落空，必难成就。应爻动空化空，是假言作主也。不然，亦主不终其事。

凡遇父母临身，或遇动来生合世身，大吉之兆，主其馆易成。有此象而应空鬼动，虽有纠集之人，而无招延之主，宜自开馆。若鬼爻空伏，而应来生合，虽有延请之家，而无纠集之人，宜有招致。

### **动象临财，难称意；**

文书为占馆用神。若遇财动，则被克坏。未成者，不能成；已成者，不遂意。世身日月皆忌临之。若得父持月建，或临生旺，庶亦可成。

### **空爻持世，岂如心。**

卦中父母出现，应来生合，而世爻空亡者，非馆不成，乃是自不上前，或虽成不去也。应不生

合，父母重叠，而世爻空亡者，为有别馆，故不成此事。无故自空，必不可成，虽成终不如意。

**身位受伤，虽成不利；**

世身被月建日辰动爻刑克，虽有可成之象，日后亦不称意。如鬼爻刑克，有官非疾病类。

**间爻有动，纵吉难成。**

间爻动，事多阻隔，故难成。

**鬼或化兄，备礼先酬乎荐馆；**

凡遇鬼爻动出兄弟，必得礼物先酬荐馆之人，则可成。兄临世身，亦主先费财物。兄临应上，则是东家好利，必得礼仪馈送，而后可成也。

**世如变鬼，央人转荐于东家。**

鬼爻出现，而世又化出者，必须再得推荐，乃可成。卦无官，而动爻有化出者，初未有人推荐，亦必待央人荐之，则可成。若鬼化鬼，父化父，又主反复难成。

**世无生合，谩看白眼之纷纷；**

凡遇应不克世，父母不空，兄鬼不动，而月建日辰动爻，并不生合世爻者，其事可成。但主人不钦敬，皆以白眼待之也。

**福或兴隆，会见青衿之济济。**

占馆以福爻为门生。旺相多，休囚少。空亡不上卦，虽是其人作主，未必其家子弟也。子化子，生徒必多。带杀动来克世，日后恐有操戈入室者。

**衰逢扶起，日加鼓篋之徒；**

子孙旺相，却被日辰动爻刑克，主生徒始虽多集在馆，日后渐自减少。子孙休囚，却系日辰动爻生合扶起，则主始虽不多，开馆后日渐增进也。

**动遇冲开，时减执经之子。**

子孙爻动，固是吉兆，若被日辰动爻冲散，其徒必有背师而去者。如被世冲散，是先生叱退其徒，非弟子自背其师也。子孙动变空亡，则弟子中有半途而废者，是歇学，非叛去。

**逢龙则俊秀聪明，遇虎则刚强顽劣。**

子临青龙，其徒必然聪明俊秀；更逢月建日辰生合，而又临金水爻者，必有颖悟非常之子。若临白虎，则多顽劣不驯；发动，其性必野，难以教训。凡遇青龙，必有礼貌；遇白虎，必不尽礼。

**阳卦阳爻居养位，座前有刘恕之神童；阴宫阴象化财爻，帐后列马融之女乐。**

子孙在阳宫阳爻，而临胎养及金水二爻，旺相不空，有扶者，其徒必有出类拔萃，如刘恕之神童在门。

若在阴宫阴爻，而又化财者，必有女儿受学；不化财爻而在兑宫者，亦有女徒。

**两福自冲，鬼谷值孙臆庞涓之弟子；子孙皆合，伊川遇杨时游酢之门生。**

卦有两爻子孙，俱动相冲，弟子中，必多不合；更加白虎螣蛇，数有争斗。若来伤世，必然责及先生。

如遇二爻俱来生合世爻，则门生自尽弟子之礼，尊师重传，必不轻背其师也。

**世动妻爻，决主亲操井臼；**

世临财动，是自炊爨，非供膳也。若占供膳，又主供得膳成。惟怕兄动，或虽不动，而持身世者，皆主供不成。

大凡占馆，遇财爻持世，又主西席家眷同至。

**应生财值，定然供膳饗餐。**

财爻临应生合世身，定主供膳，财为饮食故也。若月建日辰动爻，俱带妻财，必非一家东道供膳，乃诸生轮流供也。财爻旺相，款待必厚；休囚，款待必薄；财化子，必丰洁；财化鬼，无美味；财化父，必淡薄；财化兄，常食而已。

**如索束修，可把妻财推究；若居伏地，还求朋友维持。**

凡占取索束修，以财爻为主。若不出现，不拘伏在何爻下，皆主费力难索。必须谄求朋友，同

行取讨，则或可得。

盖凡伏藏，须得月建日辰动爻，提起伏神，如同飞神，然后得出为用，故也。

**出现不伤，旺相生身，名曰吉；入空无救，休囚化绝，号为凶。**

凡占束修，得财爻出现，旺相不空，而月建日辰动爻，不带兄弟伤克，则不缺欠。更得财爻生世合世，大吉之兆。

若财虽出现，却被克劫，或居绝地，或空亡，或变出死墓绝爻，皆不遂意。

世持兄克，尤难取讨。得子孙旺动，亦好。

**变出父爻，书债必然偿货物；**

财动化父，或父动化财，主束修必无金银宝物，多是货物准折，乃有名无实之象。卦中兄弟更动，杂货物亦不尽得。

**化成兄弟，硯田定主欠收成。**

兄弟乃劫财之神。若发动或持世，皆难入手。财化兄，有名无实，或得一半。卦若无财，遇兄化出，则主有人抽分。

**身空应空财福空，必成虚度；**

凡占束修，遇卦身应爻，及子孙妻财，或空或不上卦，主束修无得。盖财为用神，身为事主，应为诸生父兄，而子孙又生财之神，今皆空休，其能取乎？故成虚度。

**日克月克动变克，恐受刑伤。**

月建日辰动变诸爻，皆来刑克世爻者，占馆必不可成。占束修，恐被诸生父兄呵责，宜慎之。

**鬼化财生，非讼则学金休矣；**

卦中无财，而遇兄鬼文书乱动，有化出财爻，生合世爻者，必须诉讼公庭，然后可得束修。官爻独发生世合世，亦然。

**子连父合，因学而才思加焉。**

凡占学馆，世若衰绝无气，而遇子孙动化，父母生扶，合起世爻者，主先生才学本不克赡，因教训子弟，而其才思日加进益。卦有财动则不然。

生僻字注释：

(1)【谩】读音：man，四声。意为：轻谩，没有礼貌。

(2)【钦】读音：qin，一声。意为：敬重。

(3)【叱】读音：chi，四声。意为：大声责骂。

(4)【颖】读音：ying，三声。意为：聪明。

(5)【酢】读音：zu0，四声。意为：客人向主人敬酒。

(6)【臼】读音：jiu，四声。意为：舂米的器具。

(7)【饗】读音：y0ng，一声。意为：熟食。

(8)【砚】读音：yan，四声。意为：砚台。

(9)【赡】读音：shan，四声。意为：丰富，充足。

## 二十三、词讼

**小忍不怨，必至争长竞短；**

**大亏既负，宁不诉枉申冤？**

**欲定输赢，须详世应。**

卦中世应，即状中原被告人，须看此，则两边胜负可知。

**应乃对头，要见休囚死绝；世为原告，宜临帝旺长生。**

占讼：以世为原告，应为被告。若被告占，以世为自己，应为对头。应旺世衰，他强我弱；世旺应衰，我强他弱。逢兄遇鬼，虽强理短；临财持福，虽弱理长。

**相克相冲，乃是欺凌之象；**

世爻刑克应爻，未必我胜，乃是欺他之象；必得鬼克应爻，方为我胜。应爻刑克世爻，未必他胜，乃是欺我之象，必须鬼克世爻，方为他胜。世应遇三刑六害六冲，两爻俱动者，是鹬蚌相持之势，两不相让之象。

**相生相合，终成和好之情。**

世应生合，原被有和释之意。世生应，我欲求和；应生世，他欲求和。世应虽生合，而变爻刑冲者，口和心不和也；世应虽冲克而变爻相合者，始不和，而终和也。生中带刑，合中带克，而动空化空者，俱是假意言和，未尝信任之也。

**世应比和官鬼动，恐公家捉打官司；**

世应比和，亦是和解之象。卦无财，或落空，是财用不给，而欲和也。但得子动，月建日辰不相刑克，必成和好。

若世应生合比和，而官鬼却动者，主官府捉打官司，不依和议。鬼爻休囚，是主词人刁蹬。若有制，终成和议。

**卦爻安静子孙兴，喜亲友劝和公事。**

世应生合比和，而六爻安静者，不劝自和。世应虽不生合，而子孙发动者，必有劝和之人，和释两边也。

与世同宫，及世爻化出，是我亲友；与应同宫，及应爻化出，是彼亲友；在间爻，则是中证人也。

若被世应动克，或鬼旺福衰，虽或劝和，不能依允。卦无子孙，及落空亡，必然无人兜留。

**世空则我欲息争；**

世空我欲息争，应空他欲息争。世应俱空，两愿消散，未成讼。世空告不成，应空事无头绪。初告状，世空，必有悔心，或遇变故，官司不理；应空，到头走闪，不成讼。世空恐无主意，不能取胜；应空人不能齐，或对头躲闪，不能结讼。

**应动则他多机变。**

世动我必使心用谋。若化鬼，或化兄，回头刑克，反为失计。应动他有谋略，加月建，必有贵人倚靠；反伤世，必致大祸，宜世空避之则吉。

**间伤世位，须防硬证同谋；鬼克间爻，且喜有司明见。**

间爻为中证人。生世合世，必然向我；生应合应，则必向他。与世冲克，与我有仇；与应冲克，

与彼有隙。若旺爻生应，衰爻合世，是助彼者有力，助我者无功。或静生应，动克世，是向彼者虽不上前，怪我者偏来出头也。

若冲克之爻反去生应合应，或与应爻比和，须防彼与中证入同谋陷害；若得鬼爻克制，或被日辰冲散合住，是官府不听其言，我得无事。间爻若受三刑六害，冲克，中证必遭杖责。

### 身乃根因事体，空则情虚；

卦身一爻，乃词讼根由。旺则事大，衰则事小；动则事急，静则事缓。空亡不出现，皆是虚捏事故。飞伏俱无。毫厘不实；旺相空亡，一半真假。

要知为何起讼，以所临六亲断之。

如临父母：是田房树木，或为尊长起讼。

临兄：争财斗殴，门户役事，或为兄弟朋友起讼。

临子：是渔猎六畜，僧道医药，卑幼起讼。

临财：是婚姻财物，妻妾奴仆起讼。

临官：是撒青放火，人命贼盗官灾，或功名徭役起讼；妇人占，必为夫事；若临螣蛇，则是被人牵连之事；持世切己事，临应他人事。

### 父为案卷文书，伏须未就。

卦无父，案卷未成；父母旺空，文书未就；休囚空亡，其事不成。如带刑爻，或临败病，必多破绽。化财亦然。化兄还欠笔削。死墓衰绝，皆不济事。

若被月建太岁冲克，上司必要驳。太岁月建作合，上司必吊卷。有冲散，或克破，皆不依允。

### 鬼作问官，克应则他遭杖责；

官为听讼官。克世我遭责，讼必他胜；克应他遭责，讼必我胜。世应俱被伤，原被皆受责。若鬼爻虽刑克，而文书却有情，杖责须有，罪名则无。

### 日为书吏，伤身则我受刑名。

日辰能救事，能坏事。原被皆要此爻有情，则必有人看顾。若临庭争讼，则当以此爻为吏书。生合世爻，于我有益；生合应爻，于彼有益。冲克应，冲坏彼事；冲克世，冲坏我事。

又如鬼动克世，而得日辰克制，冲散合住者，是官府有怒于我，却得傍人一言解之，而得宽宥

也。

**逢财，则理直气壮；**

占讼，以财为理。临世我有理，临应他有理。临世而休囚死绝，我虽懦弱有济；临应而鬼来刑害，彼虽有理，而官府不听。若遇兄，则主不能分辨。

如占下状，则财为忌爻。或发动，或持世，或值日辰，或带月建，皆主不成。

**遇兄，则财散人离。**

兄弟，破败耗散之神。若在身世爻上，事必干众；动则广费资财；更化兄，或加白虎，必主倾家荡产，财散人离。临应爻，则以彼断之。

**世入墓爻，难免狱囚之系；**

世爻入墓化墓，或临鬼墓，卦象凶者，必有牢狱之祸。墓爻衰弱，是箍禁笼中。临白虎，在狱有病；自空化空，死于狱中。

**官逢太岁，必非州县之词。**

鬼在本宫内卦，本州本县词；本宫外卦，事在本府；第五爻，抚按三司；六爻，事干省部。

外宫外卦，必发于外县他州官问。官逢太岁，必干朝廷；逢月建，必涉台宪。

**内外有官，事涉一司终不了。**

官不上卦，无官主张。内外有官，权不归一。主事体反复，必经两司，然后了事。不然，则有旧事再发，或被他人又告。官化官亦然。空则勿断。

**上下有父，词兴两度始能成。**

官父二爻不宜重见，主有转变不定之象，其事必主缠绵，率难了结。

如占告状，遇有此象，再告方成。若月日动变，诸爻俱带文书，重叠太过者，虽告数次，亦不能成。

**官父两强，词状表章皆准理；妻财一动，申呈诉告总徒劳。**

凡欲上表申奏，申呈告诉等事，皆要官父两全，有气不空，则准理，缺一便不成。

最怕财动则伤父，必不可成。若父虽旺相，财爻持世，或父动化财，皆主词理未善，宜更改可成。

卦无财爻，月建日辰带财，亦不能成。

### **父旺官衰，雀角鼠牙之讼；**

父旺相，官休囚，词状幞头虽大，事实细，故乃鼠才雀角之讼。父旺官空，或有父无官，主同状虽善，官府却不放告受词。

### **变衰动旺，虎头蛇尾之人。**

凡世应旺动，是有并吞六国之势。若变入死墓空绝，乃先强后弱，虎头蛇尾之象。应以彼言，世以己言断之。

### **世若逢生，当有贵人倚靠；应衰无助，必无奸恶刁唆。**

世爻衰弱，遇月建日辰动爻生合，必有贵人扶持，彼亦无可奈何。应爻遇之，是彼有人扶持，我亦不能制胜于彼也。间爻生合，可得中证人力。鬼生合，得官府中人力也。

### **无合无生，纵旺何殊独脚虎；有刑有克，逢空当效缩头龟。**

应爻旺动，若无一点生合者，彼虽刚强有谋，乃是独脚之虎，不足畏也。世无生合，是我势孤无助。

若遇月日动变，刑克世爻，其象最凶。得世在空爻，谓空避。如讼未成，不告为上；若已成讼，当效缩头之龟，勿与对理可也。否则必遭罪责。应逢刑克而避空者，是彼有躲避之计，我亦不能施其谋也。

### **兄在间中，事必干众；**

兄弟在间爻，词内干犯牵连众多。动则中证人贪索贿赂。冲克应爻，索彼之财物也。兄弟逢空，事虽干众，到官者少。化官伤世，若不用财买嘱他人，必被其害。

### **父临应上，彼欲兴词。**

父母为文书。临世，我欲告理；临应，他欲申诉。动则事已行矣。化入死墓空绝，必不成事。若逢合住克制，必有阻留者。

**父动而官化福爻，事将成而偶逢兜劝；父空而身临刑杀，词未准而先被答刑。**

凡占告诉，遇官父两动，其事可成。若父化子伤克官，或官化子刑冲父，必主身到公门，将投词而有人兜劝。

若父化空亡墓绝，官鬼刑克世爻，或带自刑，或被日辰冲克，告状且不准，先遭杖责也。

若官父皆旺，而有此象，虽被杖责，事必可成。

**妻动生官，须用资财嘱托；**

父母有气，不带刑害，不临败病，不被冲克，则词理中式，事必可成。若鬼休囚死绝，亦难准理。遇有财动生扶，可用资财谋干，然后有望。

若讼已成，卦有此象，必须用财嘱托官吏，姑待鬼爻生旺月日，方能成事。更遇子孙发动，仍复无气，虽费资财，亦无所益。

**世兴变鬼，必因官讼亡身。**

世持鬼，我失理；应持官，他失理。世变鬼，恐因官事而丧命；应变鬼，以彼断之。无故自空，亦有大难。

若世临鬼爻克应，或应临鬼克世，主两边俱有罪责。鬼在世，我做招头；鬼在应，他做招头也。

**子在身边，到底不能结证；官伏世下，讼根犹未芟除。**

卦身临福德，其事必不见底；出现发动，随即消散。若占散事，得子动或世空，皆吉。

惟怕本宫鬼伏世下，则讼根常在。目下虽不成讼，至官旺相月日，仍旧举发也。

**墓逢日德刑冲，目下即当出狱；岁挈福神生合，狱中必遇天恩。**

世墓鬼墓爻动，皆是入狱之象。若得日辰刑冲克破，目下即当出狱，不久禁锢也。

在狱占卜，最喜太岁生合世爻，主有天恩赦宥。月建生合，上司审出；日辰生合，有司饶恕；父母生合，必须申诉而后获免也。

**若问罪名，须详官鬼；**

凡卜罪名轻重，以鬼爻定之。旺则罪重，衰则罪轻。带刑加白虎旺动克世，金受极刑；火主充军；木主笞杖；水土徒罪。须以衰旺，有制无制断之，不可执滞。

**要知消散，当看子孙。**

要知消散日期，若福动鬼静，以子孙生旺月日断；鬼动福静，以官墓月日断。

二爻俱静，若鬼旺福衰，以鬼爻墓绝日断；福旺鬼衰，以冲动福爻日断。

二爻俱动，若福有制伏，则看鬼爻；鬼有制伏，则看制伏之爻。

见官日则专看鬼爻；出狱日期则看破墓月日，或生合世爻月日。

**卦象既成，胜负了然明白；讼庭一剖，是非判若昭彰。**

生僻字注释：

(1)【鹬】读音：yu，四声。意为：一种鸟。

(2)【蹬】读音：deng，一声。意为：腿和脚向脚底的方向用力。

(3)【箍】读音：gu，一声。意为：用竹蔑或金属条捆紧。

(4)【幞】读音：fu，二声。意为：头巾。

## 二十四、避乱：附避役

**人有穷通，世有否泰。自嗟薄命，适当离乱之秋；每叹穷途，聊演变通之易。因录已验之卦爻，为决当今之倭寇。**

承平日久，莫识乱离之苦。不幸海倭窃发，横行吴越之间，剽掠村落，纵肆淫杀，不忍见闻。

数年以来，人情汹涌，避乱不暇。有在家而遭其烧劫者，有在途而被其掳掠者。或死非命，或致伤残，或夫妻之不顾，或父子而相离。割恩舍爱，惟命是逃。然则伯道之弃儿，岂虚语乎！

予赖卜筮，未尝遭遇，此因不幸中之万幸也。因以平日所验者，录述此篇，以为卜倭张本。而凡以患难之欲避者，亦仿其占。云：须凭五类，勿论六神。

世之占者，皆以玄武为倭贼，予则以官论。玄武倘临福德，亦作倭断耶。故凭五类，勿论六神。

**鬼位兴隆，贼势必然猖獗；官爻墓绝，人心始得安康。**

以鬼为倭者，鬼能兴灾致祸，倭亦伤人害物，故也。

旺相发动，势必猖獗，纵横出入，莫能御止；若得休囚安静，日辰动爻又不冲并，则安枕而卧，必无惊恐。

**路上若逢，休出外；宅中如遇，勿归家。**

凡占，以卦中二爻为宅，五爻为路。鬼在路上动，出外必遇，不如避于家中；在宅上动，必然在家撞见，不如出外避之。

**动来刑害，从教智慧也难逃；变入空亡，纵被拘留犹可脱。**

卦中鬼动，若不伤世，任彼猖獗，不遭其祸；如被刑冲克害，必难逃避。

若变入死墓空绝，则是虎头蛇尾，虽凶无咎之兆，虚惊则不免焉。若变生旺，妻财等爻，则为可畏。

**日辰制伏，何妨卦里刑伤；月建临持，勿谓爻中隐伏。**

官鬼动来刑克世爻，固是凶兆。若得动爻日辰克制之，或冲散合住之，皆谓有救，虽见凶恶，必不为害。

惟怕月建日辰带鬼刑克世爻，则虽卦中无鬼，亦必遭其毒手。月建为甚，日辰次之，出现则不可当也。

**所恶者提起之神，所赖者死亡之地。**

鬼爻伏藏，固是吉兆。若被动爻日辰冲开飞神，提起伏神，仍被其害。必得鬼伏死墓绝，或临空亡，则虽提之，亦不能起，方无事也。

且如甲申日卜得涣卦，六爻安静，又无官鬼，岂非吉兆？殊不知本宫己亥鬼，伏于六三空亡爻下，既已透出，又遇申日提起，且又冲克世爻，所谓变吉为凶，果被妇人引祸及己。盖申金乃离宫妻财，故也。

**自持鬼墓，坟中不可潜藏；或值水神，舟内犹当仔细。**

官父自持鬼墓者，如水土墓在辰，鬼在辰爻动是也。凡遇此象，不可避在坟墓中；土鬼皆然，虽宇宙之内，亦不宜也。木鬼：不可避在草木丛中；水鬼：不可避在舟中；金鬼：不可避在寺观中；

火鬼：不可避在窑冶中；水化水，不可避在夹内；乾官鬼化父，不可避在楼阁中，否则必然遇见。余当仿此推。

**子爻福德北直行，午象官爻南勿往。**

官鬼所临地，倭寇出入之所，宜避之。如临午爻，勿往南方类。

子孙所临地，倭寇不到之处，宜往之。如临子爻，宜往北方类。余仿此。

**鬼逢冲散，何须克制之乡；福遇空亡，莫若生扶之地。**

取子孙之地为吉者，以其克制官爻也。若发动则取之。

若福静官动，而卦有冲散合住官爻者，即以冲合之方为吉。以其为得用之神，故也。

若卦无子孙，或落空亡，或衰静受制，不得其力，而鬼爻又无冲散合住之类者，则取生合世爻之方为吉；但不宜在鬼爻刑克冲害之地耳。

**旺兴内卦，终来本境横行；**

凡占倭夷到此地否，若官在本宫内卦发动，必到此地；在他宫外卦，则不入我境。内卦持世，值到宅边；内卦应临，虽来不入我室；卦身临之，彼此俱遭其祸。

**动化退神，必往他乡剽掠。**

官鬼发动，其势必来。若化退神，乃是往于他处劫掠也；如化进神，倭必速到，宜早避之。

**官连旺福合生身，反凶为吉；**

官爻发动克世，必遭毒手。若得化出子孙，或化子财，反来生合世身者，必然因祸致福。或得财物，或得子女。

**阳化阴财刑克世，弄假成真。**

官爻发动，不伤世爻；而化妻财，反伤世爻者；必因贪得财物，而惹祸也。

若阳鬼化阴财，阴鬼化阳财，须防倭贼假装妇人，哄诱乡民，因而遇之，不能避也。得世在空避之，庶几可脱。

**贼兴三合爻中，必投陷井；**

卦有三合爻动，最怕鬼动其中，或会成鬼局，必主倭夷四边合来。虽欲避之，前遭后遇，左冲右撞，不能脱离。卦有两鬼俱动克世，亦然。

三合兄局，身虽无事，财物失散。三合父局，小儿仔细。三合财局，生合世爻，反主得财；刑克世爻，则主父母失散。三合子局，则伤鬼最吉也。

**身在六旬空处，终脱樊笼。**

身世空亡，虽见刑克，不能为害，避空故也。

如癸亥日卜得损之临卦，日辰扶助官鬼，动克世爻，并无救制，岂非凶兆？然而世坐空亡，果应无事。

**官鬼临身，任尔潜踪犹撞见；**

官爻持世，乃是倭贼临身，如何可避？如被捉去而占，亦不能脱彼而回。

**子孙持世，纵然对面不相逢。**

子孙持世，不动亦吉，发动尤妙。若临月建，或带日辰，或在旁爻旺动，皆吉。卦中虽有鬼动，亦不足畏。大怕空亡，则不干事。

**兄变官爻，切恐乡人劫掠；**

卦中无鬼，或落空亡，而遇兄动变出者，须防邻人乘机劫盗财物，非真倭贼也。兄在内卦，近邻人；在外卦，远方人也。

**财连鬼杀，须防臧获私藏。**

卦中无鬼，财变官爻者，恐是家中奴婢，假妆倭子，劫掠财物，或在乱中被其藏匿也。在外卦，乃邻里妇人。

日辰冲克财爻，妻奴失散，动象刑伤福德，儿女抛离。

官鬼动，必有惊险。不拘日辰动爻，被其伤处，即不太平。如冲克财爻，主妻奴失散。冲克子孙，主儿女抛离之象。

**火动克身，恐有燎毛之苦；水兴伤世，必成灭首之凶。**

卦中火加凶杀，动来克世，主有火烧之祸。火带财爻，或化妻财，或卦无父母，或父落空亡，房屋必成灰烬。

若水加凶杀克世，主有溺水之患；更遇世衰无救，必至溺死。水带父母动于外卦，则受风雨淋漓之苦。

**父若空亡，包裹须防失脱；妻如落陷，财物当虑遗亡。**

父爻空亡，包裹必然亡失；不然，则父母有不测之祸。财空，财物恐有失散；不然，则妻妾有不测之祸。子孙空亡，忧小口；兄弟空亡，忧手足。以上避空则勿断，惟官鬼空亡为大吉。

**五位交重，两处身家无下落；**

凡遇五世及游魂卦，世爻发动，脱身在外；东奔西走，避乱不暇。身宅两处，不顾财业。更遇日辰动爻冲散世爻，必无安身下落之处。空动尤甚。

**六冲乱动，一家骨肉各东西。**

八纯六冲卦，六爻乱动者，主父子夫妻，兄弟骨肉，各自逃命，不能聚于一处。

六合卦，虽离，一家骨肉，必不分散。

以上五条，必须卦有官动，方有此象。不动，不可乱言。

**福临鬼位刑冲带杀，则官兵不道；**

子动固吉兆。若带刑害虎蛇等杀，冲克世爻，而又变出官鬼者，乃是官兵乘乱掳掠，非关倭寇事也。子孙虽不伤世，化鬼却来刑克者，亦然。

且如五月戊寅日，有卜倭，得明夷之谦卦。二鬼俱静，子孙独发，皆欣喜。予独戒其，慎之。盖子孙虽动，被日辰扶起克世，则非吉兆。况变官爻，系是世墓；世临病爻，谓之带病入墓，其凶可知。但官从子化出，必非倭夷之祸，乃官兵之祸也。已而果然。

**官变兄爻克合伤财，则妻妾遭淫。**

官爻发动，刑克世爻，合住财爻，则身被擒获，妻遭淫污；如不伤世，而但合住财爻者，身虽无事，妻必被辱也。更化兄爻，既奸而又不放回也；若鬼虽不合妻财，而化兄带合克制者，亦然。

子化官合财，恐受官兵之辱也。财化子必不顺从。

### **妻去生扶，只为贪财翻作祸；**

鬼爻发动，最喜休囚死绝，决无深伤。若有财动生扶，必为贪彼财物，而惹成祸患也。世以己言，应以人言。若在旁爻，及日辰带财者，又是妇人引惹祸来，非为财物也。在内卦，自家妻妾；在外卦，是他家妇人。

### **子来冲动，皆因儿哭惹成灾。**

官鬼安静，幸也。若被子孙冲动，必有小儿啼哭，因而知觉，乃被其害。世爻冲动，自身惹灾；应爻冲动，他人惹祸；兄爻冲动，同伴惹祸；日辰冲动，亦然。

### **得值六亲生旺，虽陷何妨；如临四绝刑伤，逢屯即死。**

凡动爻日辰伤克，必有灾咎。若受伤之爻，生旺而有气，纵有惊险，不致伤命。

惟怕临于四绝之地，或在月令衰弱之爻，一克即倒，必然丧命。

如五月庚寅日，卜得大壮之小过卦，日辰妻财，生扶动鬼，刑冲子孙，又克兄弟，果被获去，一弟一子。然子坐绝地，而夏月庚金正弱，兄临土爻正旺，所以子死非命，而弟得回来也。世爻亦被动爻冲克，而无事者，世得避空，故也。

### **世遇乱离，既已逐爻而决矣；时遭患难，亦当随象以推之。**

平居无事，何暇占卜？倘或刑戮所加，户役所累，或官府擒拿，仇家报复，或祸起于无辜，殃生于不测，苟不避之，终为所害。

是以不能无避难之占也。然大概与避乱相似。故并附于此。

### **最怕官爻克世，则必难回避；**

不拘脱役避祸，若遇官鬼动来刑冲克世，皆不可避，持世亦难。必须鬼爻空亡，或不上卦，或衰绝不动，然后为吉。若鬼虽空绝安静，却遇本宫官鬼伏于世下者，目下无事，日后必然举发。

### **大宜福德临身，则终可逃生。**

子为解神。若临身世，或在旁爻发动，或值月建日辰，则虽遇官鬼，亦不妨事。大怕空亡墓绝，

或被父动克制，则为无用。

**官化父冲，必有文书挨捕；**

父母旺动，名字已入宪册，必有官批在外；鬼爻亦动，事体正急，宜速避之。父化官、官化父，刑克世爻者，必着公差挨捕，宜慎防之。世爻空亡，虽捕不获。

**日冲官散，必多亲友维持。**

卦中官动，固难逃避。若得日辰动爻冲散之，或克制合住之，必有心腹亲友，与我周旋干事，或解释、或阻挡，不使之累我也。要知何人，以冲合制鬼之爻定之。鬼带月建，虽阻无益。

**鬼伏而兄弟冲提，祸由骨肉；**

鬼爻动，要见冲合；鬼爻静，怕见冲合。如兄弟冲动鬼来刑克世爻，是自家骨肉，搜踪捕迹，恐难逃避。若鬼伏藏，而遇动爻，日辰冲开提起者，亦以六亲，定其害我之人。世爻自去提起者，必是自不小心，撞见之也。

**官静而旁爻刑克，事出吏书。**

鬼动，其事必由官府；鬼静，而卦中动爻日辰刑克世爻者，乃是下司本局，自作主张，或是仇家陷害也。若化兄爻，或卦中兄兼动者，是欲索诈财物也。

**应若遭伤当累众；**

官鬼伤克应爻，必然累及亲友。日辰刑克应爻，亦然。

**妻如受克定伤财。**

妻财如遇兄弟动，必主破费财物。财爻合住官爻，或冲散官鬼，或化子克制官鬼，皆宜用财买求，方得无事。

**偏喜六爻安静，**

六爻不动，鬼爻无冲并者，患难可避，户役可脱，大吉之兆。

**又宜一卦无官。**

无鬼，则无官主张，事必平安。空亡亦吉。

**或身世之逢空，**

世爻空亡，百事消散，纵有鬼动，亦不妨事。《海底眼》之世空世动其忧脱，正谓此。

**或用神之得地。**

卦中得用之神旺相有气，不逢刑克冲害，不化死墓空绝，皆为得地，必得此人之力。如占避居何处，亦以此方为吉。如鬼爻发动，得父爻合住，则父爻为用神也。余仿此。

**天来大事也无防，海样深仇何足虑。**

此二句，总结上四条。卦中有一象。决然无事也。

**事有百端，理无二致。潜心玩索，若能融会贯通，据理推占，自得圆神不滞。**

生僻字注释：

(1)【倭】读音：w0，一声。我国古代称日本为倭。【倭寇】即 14 - 16 世纪，屡次搔扰抢劫朝鲜，和我国沿海的日本海盗。

(2)【剽】读音：pia0，一声。意为：抢劫，掠夺。

(3)【猖獗】读音：chang，一声。jue，二声。意为：凶猛而放肆。

(4)【臧】读音：zang，一声。意为：善，好。

## 二十五、逃亡

**宽以御众，侮慢斯加；**

严以治人，逃亡遂起。

故虽大圣之有容，

尚谓小人之难养。

**须察用爻，方知实迹。**

用爻者，妻妾奴婢逃亡，看财爻类是也。

若临午地，必往南方；或化寅爻，转移东北。

凡占逃亡，用爻安静，以所临之地为逃亡去向。如坎北方，午南方类。

用爻发动，以变爻定其方向。如临午动变出寅，可言初去在南方，今移于东北方也。

独发之爻，亦可定方。六爻安静，卦无主象，则以应爻定之。

### **木属震宫，都邑京城之内；金居兑象，庵院寺观之中。**

用爻在乾宫：尊长家，或在父族，或隐于楼阁上。

坎宫：兄弟家，或在船上，或水亭中。

艮宫：少男家，或在山间，或在高岗烟去处，或石匠人家。

震宫：竹木林中，或胡须人处，或城市间。

离宫：姊妹妯娌家，或窑冶所在。金爻，铜铁匠家。

巽宫：花园蔬圃之内，死绝柴草之中，或在卖履织席之家。

坤宫：老阴人家，或在母族，或在旷野坟墓去处。

兑宫：在女人家，旺相寺观中，休囚庵院内。

更宜通变，不可执滞。

### **鬼墓交重，庙宇中间隐匿；休囚死绝，坟陵左右潜藏。**

用持鬼墓，其人必在圣堂神庙中；死绝无气，则在坟墓左右。用爻入墓化墓，乃在人家墙圈内住；不然，亦主深居不出而难寻。

### **如逢四库，当究五行；**

四库：辰戌丑未是。如用爻属木，卦有未动类。凡遇墓库，不可一例推。

如辰为水土库，必在水边墓侧人家。戌为火库，乃在寺庙香火去处。丑为金库，是在铜铁银匠家，或在冶坊内。未为木库，则在园林柴草间，或木工蔑匠之家。以上用临土爻，亦依此断。

凡占逃亡盗贼，若遇墓爻，决难寻觅。直待冲破墓爻月日，方可觅。

### **倘伏五乡，岂宜一类。**

卦无主象，须看伏在何爻下，便知其人在于何处。

如伏鬼下，在管仓库家中；旺加月建，官户人家；休囚无气，公吏人家。

伏父下，叔伯父母尊长家，不然在手艺人家。

伏兄下，兄弟姊妹，相识朋友家。

伏财下，奴婢妻妾阴人处，或富户人家。

伏子下，在寺观中，卑幼处也。

又如伏于鬼墓下，不在庙宇中，则在寺庵内。

又如伏于财库爻下，不在仓库中，则在富豪家也。

### **木兴水象，定乘舟揖而逃；**

用爻属木，在坎宫动者，必乘舟逃去。木化水，水化木，或木在水宫动，或水动木宫者，皆然。

用爻若临火土，乃是陆地潜行。用爻冲动水爻，涉水逃去；冲动火爻，踰墙越篱而去；水爻刑克用爻，必曾溺水。

### **动合伏财，必拐妇人而去。**

用爻动来与本宫财爻作合，其人必拐妇人逃去。财若伏于世下，必是妻妾；应爻下，邻家妇人；在旁爻，使令女子。主象变出之爻，与卦中财合者，亦然。

若妇人逃亡，遇财官相合，亦是暗约情人而去也。

### **内近外远生世，则终有归期；**

用爻在本宫内卦，人在本地，或在宗族之中。初爻在邻里，二爻在乡党。本宫外卦，本府别县去。他宫内卦，外县交界处。他宫外卦，别府州县。更在六爻，远方逃去。

若临世上，其人未曾出窟。最喜生世合世，其人虽去，常思故里。日后当自归，寻亦易见也。

### **静易动难坐空，则必无寻路。**

用爻不动，其人易寻。动则迁徙无常，指东言西，或更名改姓，必难寻获。若落空亡，杳无踪迹；动入空亡，逃后必死，亦有大难。有故空亡，恐人察识，遂深避之；无故空亡，必有归日。

### **合起合住，若非容隐即相留；**

静爻逢合则合起，动爻逢合则合住。若日辰动爻合起主象，必有窝藏容隐在家者，卒难寻觅；

如被合住，则有人相留在家，不致放窜也。

要知相留容隐之人，以合爻定之。如子孙为僧道，官鬼为巡捕类。合爻与世冲克，决不来报。

**冲动冲开，不是使令当败露。**

静爻逢冲为冲动，动爻逢冲为冲开。

用爻遇动爻日辰冲动，家中必有人使令逃亡者。如父是尊长，财是妻妾类。

若被冲开，有人喝破，去后必当败露。

冲爻是兄，或化兄，必被索诈财物。更带刑爻，或加蛇虎，仍被鞭挞。动空化空，终必释放。

**动爻刑克，有人阻彼登程；日建生扶，有伴纠他同去。**

用爻遇动爻，日辰相克，必被他人责打；逢冲，被人喝破；遇克，被人捉住。有扶有并，有人同去；有生有合，有人纠他同去。

以上刑克等爻，与世有情，必来报我；与世无缘，虽阻何益？若在五爻，宜路上候之。

**间爻作合，原中必定知情；**

间爻为原保人，无保以邻里断之。如与用爻相合，必知其情；更与世爻冲克，必是此人诱去。空合或化空亡，始虽知情，今却不知其去也。

**世应相冲，路上须当撞见。**

世应俱动相冲，途中必然撞见，用爻与世动冲，亦然。世爻动克用爻，或世旺应衰，必然擒拿；应旺世衰，或用爻克世，虽能遇见，不能捕之。

**无冲无破，居六位则一去不回；有克有生，在五爻则半途仍走。**

用爻不受刑冲克害，又不生合世爻，而世爻不克应者，是逃者不思归，寻者不得见，乃一去不回之象。

若动爻日辰克制用爻，是可擒之象。若遇变出之爻，反生合用爻者，主捕后仍被逃走。

在五爻，途中断；在内卦，到家断；持世爻，则捕归而复逃也。

**主象化出主象，归亦难留；**

卦有用爻，不宜再化出来，谓化去，必难捕获；若被世爻动爻日辰克制，庶可寻觅。但捉归之后，亦不久留。

**本宫化入本宫，去应不远。**

本宫仍化本宫卦，其人逃在本处地方，必不远出别境；若用爻在他宫动，而又化入他宫者，远去他方，不在本乡也。

**归魂卦用仍生合，不捕而自回；游魂卦应又交重，能潜而会遁。**

凡遇归魂卦，其人有还乡意。若世应比和生合，或主象生合世爻者，必自归，寻之亦易见。

惟遇游魂卦，其人必无存心，决不思归。更若应爻发动，必能东迁西徙，隐讳实迹。能潜会遁，寻之必难见面。

若得世爻旺动克应，日辰动爻制伏主象，庶可寻获，亦不费力。

**世克应爻，任尔潜身终见获；应伤世位，纵然对面不相逢。**

世克应，是我制住他，去不甚远，寻之易见；应克世，是他得志，去有自由之象，寻之难见。

**父母空亡，杳无音信；**

父母必有信，动空化空，皆是虚信；旺相空亡，半真半假；休囚空亡，杳无音信。父化父，或两父动，必有两处人来报信。若遇日辰合住，必被人阻，不能来报。用爻化父，或卦无用爻，而遇父母化出，当出招子候缉，然后有信。

**子孙发动，当有维持。**

子孙临身世，则好去好回，自然顺利。如在旁爻动，或系日辰生合世爻，必有维持调护之人。纵有逆事，不能为害。

**众杀伤身，切恐反遭刑辱；**

动变月日，刑冲克害世爻者，众杀伤身也，须防反遭刑辱；得世爻空避，庶可脱免其祸。

**动兄持世，必然广费资财。**

兄弟持世，费财可寻。旺相发动，必然广费资财；若加玄武乘旺动克，须防有人劫骗。

世化兄，自家失脱；世临无故自空，亦有遗亡之患。

### 父动变官，必得公人捕捉；

卦中父化官，官化父，或官父俱动，必须兴词，告官差捕，然后可获也。

### 世投入墓，须防离主拘留。

凡遇凶卦，而世入墓者，必有反被拘留之辱；卦吉而遇此象，则寻见之后，身有灾病。

### 世应比和不空，必潜于此；

凡卜逃人在此处否，须得世应生合比和，用爻出现不空，必在此处。若用爻或空或伏，或被日辰动爻刑克，其人决不敢往。兄弟独发，亦不在此处。若用爻变出之爻，与应爻作合，或与日辰相合，必曾潜住于此，则转移他处矣。

### 世应空亡独发，徒费乎心。

逃亡世空，去寻不成；应空，寻亦不见。世应俱空，必主空回，决无寻处。兄弟独发，虚诈不实，亦不见也。

### 但能索隐探幽，何虑深潜远遁？

生僻字注释：

(1)【庵】读音：ān，一声。意为：小草屋。或尼姑住的佛寺。

(2)【觅】读音：mì，四声。意为：寻找。

(3)【窟】读音：kū，一声。意为：意为：洞穴。

## 二十六、失脱：附盗贼、捕盗、捉贼

民苦饥寒，每有穿窬之辈；

物忘检束，亦多遗失之虞。

要识其中之得失，须详卦上之妻财。

财爻为所失之物，一卦之主。

**自空化空，皆当置而勿问；日旺月旺，纵未散而可寻。**

财爻无故自空，或动化空，皆寻不见，固当置而勿问。若财爻得月令有气，或在日下生旺之地者，其物未散，必然可寻。旺相空亡，可得一半。

**内卦本宫，搜索家庭可见；他宫外卦，追求邻里能知。**

财在内卦，又属本宫，其物未出家庭，寻之必见。

财在外卦，又属他宫，物已出外，寻之便见难矣。

在间爻，邻里人家可寻。

若财虽在内，不在本宫，其物在屋之外，不在屋之内。

财虽在外，却属本宫，其物在宅之内，不在宅之外。

更宜通变。

**五路四门，六乃栋梁阁上，**

财在六爻，系本宫，物在屋上。属金：在壁头上；加螣蛇，在瓦楞下。属木：在梁上；加勾陈，在斗拱上；日辰作合，在阁板上。属水：在屋漏处；加玄武，在坑屋上。属火：在天窗边，或在厨灶屋上。属土：在燕窝中。

六爻系外宫，物在远方。属土：在墙边。属木：在篱边。财临五爻，物在路边，动则去远。系本宫，在家中巷里，或人常走动处。财临四爻，物在门前。系他宫，则在墙门外也。

**初井二灶，三为闺闼房中。**

财临三爻，系本宫，物在房内。属金：铁器中；属木：在床边，有合在箱笼厨柜中；属水：在杓子下；属火：在香火堂中，或火炉内，灯架边；属土：房中酥泥内。

外宫则以屋外事断。如金为街砌类。

财临二爻，物在厨灶边。属金：碗盏缸鬲中；属木：五谷木器内；属水：盛汲浆水器中；属火：烟楼灶肚内；属土：灰堂泥土中。

财临初爻，物必盖地。属金：在砖石堆内；属水：在井中，父母作合，在阴沟内；属木：在地台下；属火：灰堆中，或灶基下；属土：埋藏土中。生旺方埋，墓绝埋久，胎养方欲起意埋藏，未

曾下手。

**水失于池，木乃柴薪之内；土埋在地；金为砖石之间。**

财临水爻：生旺，物在池沼中；墓绝，物在沟渠内；逢冲，长流中；合住，是汲盛死水中。

财临木爻：生旺，竹木林中；死绝，柴薪内；又阳木竹条内，阴木草丛中；系本宫，则竹木器中，五谷囤内。

财临金爻：内卦旺相，在铜铁锡器中；休囚，缸甕瓶罐内；外卦旺相，砖石内；休囚，瓦砾中。

财临火爻：必近香火，或在灶边。

财临土爻：丑临金库，必铜铁器中，或萧墙内，砖壁脚跟；辰为水库，在阳沟内，溪畔埋藏；不然，亦是窠下所在；未为木库，必埋蔬果园中，或埋田野草中，或米麦囤底；戌为火库，必埋灶底，或埋灰内，或埋高泥墩上。

此断义理不能尽述，当各以类推之。

**动入墓中，财深藏而不现；**

大抵妻财所临之爻，或在其中，或在其傍，未可必也。惟财爻入墓化墓，或伏墓下，必在器物中，不可以边旁近侧言。要知何物内，以前五爻四库推之。

**静临世上，物尚在而何妨。**

凡占失脱，财爻不宜动，动则更变难寻。若得安静，持世生世合世，其物皆主未散，必易寻。生旺不空尤妙。衰绝受制，亦不济事。

**鬼墓爻临，必在坟边墓侧；**

财临鬼墓，其物必在神庙中。无气则在坟墓内。如系本宫内卦，则在枢傍，或在坐席上。更加螣蛇，恐在神图佛像之前；在三爻，香火堂中。

**日辰合住，定然器掩遮藏。**

财爻发动，遇日辰合住，必然有物遮掩。合而又冲，半露半遮。要知何物掩盖，以合爻定之。如火爻父母作合，为衣服掩盖类。旁爻动来作合者，亦然。

**子爻福变妻财，须探鼠穴；酉地财连福德，当检鸡栖。**

凡占失脱，财化福，福化财，其物必在禽兽巢窟中。

如值子爻，是鼠衔去；更在初爻，在地穴中；寅是猫衔去；丑在牛栏内；午在马厩中；未在羊牢；酉在鸡栖；亥在猪圈类也。

有合则在内，无合则在傍。

**鬼在空中，世动则自家所失；**

卦无官，或落空，而世爻动者，自家遗失，非人偷。

要知何故失落，以世临六神定之。

如临青龙，酒醉失，或因喜事失；临白虎，因病失，或因丧事，或因跌而失；临勾陈，因起造失，因耕种失；临螣蛇，与应冲克，争扭失；与应生合，嬉戏失；临朱雀，口舌争竞失；临玄武，或因窃盗失也。

**财伏应下，世合则假贷于人。**

官鬼或空或伏，或死绝不动，而财临应上，或伏应下，其物非人偷，乃自借于人也。

要知何人假借，以应临六亲定之。如临子，为僧道巫医，或卑幼小儿借去类。世应冲克，则勿断。

若官空伏，而财化官爻，是自遗失，被人拾去。

**若伏子孙，当在僧房道院；如伏父母，必遗书笈衣箱。**

财不上卦，须寻伏在何处。

若伏子爻下，物在寺院中；休囚在六畜门内，胎养小儿误失。

如伏父下，物在正屋中，或在尊长处；无合，衣服书卷中；有合，书箱衣箱等内。

若伏兄下，本宫姊妹兄弟处，他宫相识朋友处；如三四爻在门户边；外卦则在墙篱下。

若伏财下，物在妇人处；或在妻妾家；或在五谷内；或在厨灶内。

若伏鬼下，物在职役人家；或在厅堂内；或在病人处。土鬼在坟墓庙堂中。

**在内则家中失脱，在外则他处遗亡。**

财在内卦，失于家中；财在外卦，失在他处。

在初爻井边失，二爻灶边失，三爻房内失，四爻门前失，五爻途中失，六爻远方失。

又如初爻财动化子，或子动来作合，其物必先失在井边，后被小儿拾去。余仿此推。

### **财伏逢冲，必是人移物动；**

财伏卦中，遇动爻日辰暗冲者，若鬼爻衰静，其物被人移动他处，非人偷也。

要知移动之人，以冲爻定之。冲爻逢空，或化空亡者，移物之人，必不在家。

### **鬼兴出现，定为贼窃人偷。**

凡占失脱，鬼不上卦，或落空，或衰绝不动，皆不是人偷。游魂卦多是忘记。

若鬼爻变动，方是人偷。或虽安静，若乘旺相，或被日辰冲并，或被动爻合起，亦是人偷。

### **阴女阳男，内卦则家人可决；生壮墓老，他宫则外贼无疑。**

鬼爻属阳男子偷，属阴女人偷。阴化阳，女偷与男；阳化阴，男偷寄女处。

生旺，壮年人偷；墓绝，老人偷；胎养，小儿偷；带刑害，有病人偷。

本宫内卦，家中人偷；他宫内卦，宅上借居人偷；或家中异姓人偷。

本宫外卦，亲戚人偷，与世冲克，虽亲不和。

他宫外卦，外人为贼。在间爻，邻里贼；在六爻，远方贼；持世，贴身贼。

### **乾宫鬼带螣蛇，西北方瘦长男子；巽象官加白虎，东南上肥胖阴人。**

八卦定贼之方隅，六神定贼之形状。

如男在乾宫，西北方人；在巽宫，东南方人。带螣蛇，身长面瘦；带白虎，身胖面白。旺相肥大，休囚瘦小。

余见身命章。阴阳以爻象论，勿以卦宫推。

### **与世刑冲，乃是冤仇相聚；与福交变，必然僧道同谋。**

鬼爻与世刑冲，其贼素与我有仇隙者；与世生合，乃是兼亲带故之人。

鬼化子，子化鬼，必有僧道杂在其中；子孙带合，是还俗僧道。

鬼化父，父化鬼，是老年人，或手艺人；不然，则是祖父相承为贼者；父临胎养，乃是书童。

鬼化财，财化鬼，是妇人，或人家奴婢。

鬼化兄，兄化鬼，在内是兄弟姊妹，在外是邻里相识。

鬼化鬼，公门走动人，或曾被人告发；更加玄武，贼名已著，专以窃盗为计。若被父母三刑六害，必经刺字。

### **鬼遇生扶，惯得中间滋味；**

鬼爻无气，又临死绝，而生扶合助者，其贼必为饥寒所迫，故至此也。

若遇动爻日辰扶起者，乃是此贼惯得其中滋味者。

带月建，是强盗；加太岁，是世袭不良。动爻日辰无气作合，必有人牵脚来偷。

### **官兴上下，须防里外勾连。**

六爻上下有两重官者，必非一人偷盗。两爻俱动，是外勾里连，二贼同谋。内动外静，是家人偷与外人去；外动内静，乃家中有人知情，非同偷也。

### **木克六爻，窬墙而入；金伤三位，穿壁而来。**

木鬼克土，踰墙掘洞；金鬼克木，割壁钻篱；火鬼克金，劈环开锁；水鬼克火，灌水灭灯；土鬼克水，涉溪跳涧；木火交化，明灯执杖。更宜通变。

要知何处进入，以鬼克处定之。如木鬼克六爻，踰垣而入；克初爻，是后门掘洞而进也。

### **世去冲官，失主必曾惊觉；**

世冲鬼爻，家主知觉；应冲鬼爻，宅母知觉；旁爻冲鬼，家人知觉。

要知因何而觉，以鬼爻临五行断之。

如木为门户声，金为铜铁响，土为蹢跌，火为明亮，水为水声。又如戌为犬吠，酉为鸡叫类。宜分六爻断之。

### **日来克鬼，贼心亦自惊疑。**

鬼被动爻日辰刑克，偷时贼必惊疑。

如日辰动爻属金，必触缸鬃响，而畏家主知觉。金空乃是人声，胎养小儿啼，墓库老人嗽，未敢下手。

属木，是畏门户牢闭，或闻开门而惊也。属水，必有登厕小解饮水类，因而撞见。属火，必见

灯火而复退，或火光下穴窥见影响形迹。属土，乃墙壁坚固，地道险阻，其贼疑惧也。若戌土刑克，必被犬伤。

**子动丑宫，问牧童必知消息；福兴酉地，见酒客可探情由。**

子动，其人有人撞见，询之可知消息。

如在子爻，可问科头男子，或捕鱼人。

在丑爻，可问牧童，或筑墙人。

在寅爻，是木客木匠，或担竹木器人。

在卯爻，问织席卖屨人，或挑柴斫草人。

在辰爻，问开池凿井人，或傍河锄地人。

在巳爻，问穿红女子，或弄蛇乞丐人。

在午爻，问烧窑、乘马人，或讨火提灯人。

在未爻，问挑灰耕种人，或牧羊人。

在申爻，问铜铁匠，或弄猴人。

在酉爻，问针工酒客，或抱鸡人。

在戌爻，问挑泥锄地者，或牵狗人。

在亥爻，或担水踏车人，或洗衣沐浴人。

**兄动劫财，若卜起赃无觅处；**

卜起赃，占寻物，皆怕兄动。或伤世，或世带日辰，或鬼化兄，或财化兄，皆主财物已散，卒难寻觅。盖兄能劫财，故也。

**官兴克世，如占捕盗反伤身。**

凡占捕盗，要世旺鬼衰，世动鬼静，则易于捕获。若鬼爻乘旺动，来刑克世爻，须防反被其害。得世空避之，或子动解救，庶几可免伤害。

**世值子孙，任彼强梁何足虑；**

子为捕贼人。当权旺动，或临世，或带月建日辰，则鬼有制，贼必可获；纵是凶恶强盗，不足畏也。若鬼旺福衰，鬼动福静，则不能干事也。

**鬼临墓库，纵能巡捕亦难擒。**

鬼爻入墓，或临卦墓，或与鬼墓俱动，或化入墓，或伏墓下，皆主其贼深藏不出，卒难巡捕。得动爻日辰冲破墓爻，庶几可获。

**日合贼爻，必有窝藏之主；**

鬼为贼爻。捕盗遇合，贼必有人窝藏在家，不能得见。

合临于世应月日，是地主窝藏；在旁爻，则隐在其家庄上；不然，亦非地方有名之家也。

要知窝主，以合爻定之。如财合，是富家，或妇人窝主之类。

**动冲鬼杀，还逢指示之人。**

鬼遇动爻日辰冲克，必有人指示其贼隐处。

要知何人指示，以克冲爻定之。如丑为牵牛人，亥为洗衣人，木在水上动，是舟人类。

鬼若旺动，不受冲克，虽知其贼，不能捕获。

**卦若无官，理当论伏；财如发动，墓处推详。**

捕盗无官，贼必隐藏踪迹，难以寻获。须看伏在何爻，便知贼在何处。如伏财下，在妻家类。

若卦中无鬼，动爻有化出者，即以变爻论之，不须看伏。如子化出，在寺观中类。

若卜起赃，见财爻发动，看其墓在何处，便知藏在何方。如财爻属金，旁边丑爻又动，金墓在丑，丑寅为艮，艮居东北，便断在东北方。

**伏若克飞，终被他人隐匿；飞如克伏，还为我辈擒拿。**

此伏只论鬼爻，此飞只论世爻。伏克飞，子孙虽动亦难寻获；飞克伏，子孙虽静亦可擒拿。

或曰：飞神只论伏上之爻，亦通理。

**若伏空爻，借赁屋居非护贼；**

鬼伏空爻下，是借赁其家屋住，非为窝藏。不然，其贼虽或潜住他家，亦不与之容隐，后终败露。

旺空是不知情，空动是不在家也。

### 如藏世下，提防窃盗要留心。

凡占防盗，最要鬼爻无气不动，或落空，或日辰冲散，或动爻合住，或子孙克制，或世空亡，皆为吉兆。

若鬼爻无制，动克世爻，鬼爻生旺日，当受其害。

若卦无鬼，却伏在世下，目下虽无事，至鬼爻生旺日，或冲动月日，宜防之，故要留心。

伏爻空亡，始无忧虑。

### 倘失舟车衣服，不宜妻位交重；或亡走兽飞禽，切忌父爻发动。

失脱，不可专以财为用爻。若失舟车衣服，文书券契，则以父母为用爻。财动便难寻。

若失飞禽走兽，及六畜之类，则以子孙为用爻。父动亦不见矣。更宜通变为妙。

### 卦爻仔细搜求，盗贼难逃捉获。

生僻字注释：

(1)【阍】读音：kūn，三声。意为：门槛。也指妇女居住的内室。

(2)【杓】读音：mā，四声。意为：床两头或门扇上下两端的横木。

(3)【甕】读音：bēng，四声。意为：瓮，坛子。

(4)【窳】读音：yǔ，三声。意为：坏。

## 黄金策（六）

### 二十七、出行

人非富贵，焉能坐享荣华；苟为利名，宁免奔驰道路。然或千里之迢遥，夫岂一朝之跋涉。途中休咎，哪个能知。就里灾祥，神灵有准。

父为行李，带刑则破损不中；妻作盘缠，生旺则丰盈足用。

出行以父爻为行李。旺相多，休囚少，空亡无。旺空，虽有而不多；带刑害，及被伤克，破损旧物。父化兄，与人同睡；

兄化父，与人合用。若就他人借行李，不宜财爻持世，及动，必难假借，带合终可得之。

妻财为财物本钱类。旺相充满，休囚微少，空亡无有。卦若无财，兄弟化出，必是合本，或是

借来，非己之物。

**世如衰弱，那堪水宿风餐；**

世为出行人。生旺有气则吉。若休囚死绝，克则易倒，伤则易损。所以，不堪劳碌奔波，不耐风霜早晚。

**应若空亡，难望谋成事就。**

应爻为所往之地。在震宫，城郭市镇，热闹之地。坤宫，四野冷落所在。在艮宫，山上。坎宫，水乡。余仿此。

最怕空亡，主地头寂寞，谋事难成，必不得意而回。

**间爻安静，往来一路平安；**

间爻为往来经历所在，动则途中必阻隔迟滞。若得安静不空，则一路平安，往来无阻。

**太岁克冲，行止终年挠括。**

太岁出现，发动冲克世爻，其人出外终年不利。更加鬼杀，白虎凶神，尤非吉兆。若为求官谋职而往，最宜此爻生合世身，必有成就之兆。

**世伤应位，不拘远近总直行；应克世爻，无问公私皆不利。**

世克应，是我制他，所向通达。更得间爻不动，鬼杀不兴，去无阻节。

克世，是我不得专志，所向梗塞。更遇动爻日辰，刑冲克害，必不顺利。

**八纯乱动，在处皆凶；**

八纯乃六冲之卦，内外爻不相和合。凡百谋望，皆主难成。且又六爻乱动，何吉之有？不拘所向，皆非宜也。远行尤忌。

**两间齐空，独行则吉。**

间爻不宜空亡，主道路梗塞，行程必不快利。如金水空亡，水路不通；火土空亡，旱路不通；两间俱空，多是半途而返。然间爻又是伴侣，若一身独行，不挈伴侣，是为应象，反主吉兆。只虑

世克应位耳。

**世动订期，变鬼则自投罗网；官临畏缩，化福则终脱樊笼。**

世爻不动，行期末定，动则期已订矣。世应俱动，宜速行；旁爻动，宜缓行。

若世动变出鬼爻，去后必遭祸患。或鬼持世，乃是逡巡畏缩之象，欲行不行，必怀疑贰。休囚则难起身，生旺多是去不成，发动恐无伴而不去。更临应爻，到彼不利。鬼化子孙，虽有灾患不足患。

**静遇日冲，必为他人而去；动逢间合，又因同伴而留。**

世爻安静，遇日辰动爻暗冲者，是别人来挽他，非为自己谋也。日辰并起合起，皆然。要知何人央他，以冲并爻定之。如父母为长上类。

若世爻发动，遇动爻日辰合住者，是将行而有所羁绊，未能起程。要知何事绊住，以合爻定之。如鬼爻为官府中事类。又如勾陈动来合住，为田土事类。在间爻，多因同伴而阻。

**世若逢空，最利九流出往；**

世空去不成，强去终不得意而回。若本身占卜，最忌世空，虽经出行，陷本他乡，徒劳奔走。若九流艺术，及公门勾当人占，反为吉利之兆；主空手拿财，闹处得财。然亦不得积聚，逢冲则妙。

**土如遇福，偏宜陆地行程。**

卦中火土爻动，是陆行；水木爻动，是水行。若火土临财福，则宜陆地；鬼杀临水土，不宜舟行。土火化空，须防跌蹶；水土化空，须防沉溺。更宜通变。

**鬼地墓乡，岂堪践履；财方父向，恰可登临。**

鬼地者，世属金，南方是也。墓乡者，世属火，西北方是也。他仿此。若往此方，必有灾咎。若求财利，要行财方。如世属土，北方是也。求官见贵，要行父向。如世属水，西方是也。余亦仿此。

凡鬼杀所临之地，宜避之；财福所临之地，宜往之。

**官挈玄爻刑克，盗贼惊忧；**

凡占出行，最怕鬼爻出现，休囚安静则吉。犹不可动，动则必有祸患。

如临青龙，酒色中惹祸；临朱雀，言语中招非；临螣蛇，多惊恐；临白虎，多疾病；临玄武，主失脱。勾陈临水动，途中必多风雨。

以上持世克世最忌，旺相亦忌；休囚受制，不伤世身，终无大祸。不过伴侣有灾耳。世空不受克，亦主伴侣有灾。

### **兄乘虎杀交重，风波险阻。**

兄加白虎动，或鬼在木爻动，或木化鬼来刑冲，或鬼在巽宫动克，皆有风波险阻。

在三四爻，出门便见；在间爻，途中遇；在五爻，一路不安；在上爻，或应上，直至地头见也。旁爻动，不伤世身，只是险阻。乘旺冲克，须防没溺。

鬼化兄，兄化鬼，不惟途中风浪惊忧，且有盗贼。

### **妻来克世，莫贪无义之财；财合变官，勿恋有情之妇。**

妻财动来刑克世爻，因财致祸，勿贪可也。若世与财爻相合，而财爻变出鬼来刑克者，因色招殃。勿恋可也。

### **父遭风雨之淋漓，舟行尤忌；**

父为辛勤劳苦之神。动则跋涉程途，不能安利。刑克世爻，必遭风雨阻节而然。

父为舟，克世，行船又不顺利；更加白虎木爻，或化官，必有风波之险。得子动来解救，庶可化凶为吉。

### **福遇和同之伴侣，谒贵反凶。**

子孙持世，吉无不利，主吉去善转。发动，必逢好侣。

在三四爻，出门便逢；在五爻，途中遇；在六爻，地头得好人扶持。

若为谒贵出行，则不宜子动，谓之伤主，反为不利之兆。

### **艮宫鬼坐寅爻，虎狼仔细；**

官在震宫及艮宫，遇寅爻动，主有虎狼之患。若无气有制伏，或不伤世，或世在避空者，终不伤命，但有虚惊耳。

**震卦兄逢蛇杀，光棍宜防。**

兄主劫财。若加螣蛇动，必有光棍劫拐财物。

在震宫，其光棍在市镇上；在坤宫，乡里中人；应临，地头主人；五爻，途中被骗。

化出官，则是盗贼。无气，须防剪络。

**鬼动间中，不谐同伴；**

官在间爻动，伴侣不和，或伴中有病。兄空不受克制，则主自己有灾难，非伴中有事也。

**兄兴世上，多费盘缠。**

兄爻持世，必费资财。临蛇雀，恐有呼庐虚费；青龙玄武，酒色费财。余则盘缠多费耳。若为财利出行，最不吉。

休囚不动，犹可；乘旺发动，则且空费盘缠，徒劳奔走，必无所得。

**一卦如无鬼杀，方得如心；**

官鬼凶神，出行不宜见之。

在初爻，脚必痛；二爻，身有灾；三爻，伴侣病；四爻，去后家有官事相扰；五爻，道路梗塞；六爻，地头谋望不利。六爻无鬼，方为大吉之兆也。

**六爻不见福神，焉能称意。**

子为福德，又为解神。若不上卦，或落空亡，则鬼杀专权；凡有灾祸，必无救援。故《海底眼》云：卦无子孙不喜悦。

**主人动遇空亡，半途而返；**

隔手来占，须看何人出行。如僧道子侄，则看福是主人。余仿此。

主人空动，行至半途，仍复回来。动化退神，亦然。动化空，则主去后不利。退神者：卯化寅，酉化申类。

**财气旺临月建，满载而回。**

出行，若得财爻旺相，生合持世，不临空亡，不受刑克，异日必有生意。更加月建，定主满载归家。

### 但能趋吉避凶，何虑登高涉险！

生僻字注释：

- (1)【迢遥】读音：tia0，二声。ya0，二声。意为：遥远。
- (2)【樊】读音：fan，二声。【樊笼】意为：关鸟兽的笼子。比喻受束缚而不自由的境地。
- (3)【逡】读音：qun，一声。【逡巡】意为：有所顾虑而徘徊，或不敢前进。
- (4)【绺】读音：liu，三声。【剪绺】意为：被盗。

## 二十八、行人

**人为利名，忘却故乡生处乐；家无音信，全凭周易卦中推。**

**要决归期但寻主象。**

官员公吏看官爻，僧道卑幼看福爻，妻妾奴婢看财爻，兄弟朋友看兄爻，尊长老人看父爻。不在六亲之中者，看应爻。

**主象交重身已动；用爻安静未思归。**

用爻即主象。动则行人已行。看在何爻，便知人在何处。如在初二爻，方发足；在三四爻，将到门；在五爻，在中途；在六爻，还在地头，归期尚远。

用爻不动，日辰动爻又无冲并者，安居异乡，未有归念也。

**克速生迟，我若制他难见面；**

用爻动，归期可拟。日辰若克世，人必速至；生世合世，人必归迟。最怕世爻克制用爻，乃未能归。

**三门四户，应如合世即还家。**

三爻为门，四爻为户。临用爻动，归程已近。更得应爻动爻克世生世，而用爻又无制伏者，人即到家，可立而待也。

### 动化退神，人既来而复返；

凡寅动化卯，巳动化午类，谓进神；酉动化申，子动化亥类，谓退神。

用爻若化进神，行人急急回来，不日可望；

化退神，行人虽来仍复返；空动亦然。

看临何爻，便知何处转去。要知行几里路去，以生成数断之。如一六水数，二七火数，三八木数，四九金数，五十土数。阳爻以天数推，阴爻以地数推；生旺倍加，死绝减半。

### 静生世位，身未动而怀归。

六爻安静，人必未归。若应生世合世，或世应比和，用爻生合世爻者，身虽未动，已有归意。但看冲动月日起程，生旺旬日必来。有气主速到，无气主迟滞。

### 若遇暗冲，睹物起伤情之客况；

卦爻不动，本无归意。若得日辰冲动应爻或用爻者，必然睹物思乡，方欲起意回家。日辰虽冲，而月建动爻克制者，纵有客况，亦难起程也。

### 如逢合住，临行有尘事之羁身。

用爻发动，固是归兆。若遇动爻日辰作合，谓之合住。其人虽欲回家，因事绊住，不得归来也。

如被父母合住，必因长上所留，或因文书阻滞；

财爻合住，必因妇人迷恋，或因财物淹留；

兄弟合住，多因朋友同伴，口舌所阻；

子孙合住，必因小口，六畜僧道所阻；

官鬼合住，带吉，则贵人所留；加凶，是火盗官灾绊住。

### 世克应而俱动，转往他方；

凡占行人，卦爻宜动不宜静。世动归心必切，应动身已登程。若动世克动应，行人虽来，而往他处，非归家也。用爻动而生合应爻者，同此推断。

### 应比世而皆空，难归故里。

应为客乡，世为家乡。应爻生世合世，是行人思家之象，可望其归也。世应比和，本非归兆，必得用爻动来克世合世，乃能归耳。

惟怕应爻空亡，虽来亦必迟缓。更与世爻皆空，则欲来不来，必无准实，难望其归来也。

若应不空，而世独空亡者，又主行人已离彼处，反主归速也。用爻更动，可立而待也。

### **远行最怕用爻伤，尤嫌入墓；**

远出行人，若得用爻出现，不临空亡，不受伤克，卦有财福，便主在外吉利，虽归迟无妨。在死墓绝地，或日月动变刑克，皆主不利。

若用爻无故自空，或变入死墓空绝，或忌爻乘旺带杀发动，或卦无用爻，应又空者，皆当以死断之。

### **近出何妨主象伏，偏利逢冲。**

家内近出行人，用爻伏藏，必有事故不归。若得日辰动爻冲之，则便归。或无日辰动爻相冲，至冲动日时即到。用爻安静，亦依此断。不归事，详见下。

### **若伏空乡，须究卦中之六合；**

用爻空亡，必须中间克破伏上飞神，方得露出伏神为用。否则终被把住，虽有提起之爻，亦何用哉！

若得伏于空亡爻下，一遇动爻日辰六合，即出为用，行人可望其归。六冲尤妙。

更决归期，亦以冲合月日定之。若伏神自遇空亡，恐作他乡之鬼，必无归日。

### **如藏官下，当参飞上之六神。**

用爻伏官鬼爻下，必为凶事所羁。

如临青龙，必因酒色成病不归；

临朱雀，必因官非口舌不归；

临勾陈，蹉跌损伤；临螣蛇，牵连惊恐；

临白虎，卧病不起；

临玄武，被盗失财不归。

凡遇土鬼为病，火鬼为讼，勿论六神可也。卦无官鬼，亦依上断。

**兄弟遮藏，缘是非而不返；**

用爻伏在兄爻下，必有是非口舌，争斗事不归。加朱雀为赌博，化官鬼为失财，临白虎为风波。

**子孙把住，由乐酒以忘归。**

用爻伏于子孙下，必为游乐、饮酒、田猎、串戏、走马而不归也。不然，亦为六畜之故，小儿之事，僧道之阻，所以不得归家。

**父为文书之阻滞；**

用爻伏于父爻下，必为文书阻节，或为手艺不归。不然，则是尊长所留。

卦无父母，或落空亡，必无路引。动化空，路引已失；父化父，两人合一引。

**财因买卖之牵连。**

用爻伏于妻财下，必为经营买卖之故而不归。

财爻空亡，或遇兄劫，多因折本。财临有气，或遇生扶，必有利息，故忘家也。若临青龙玄武，必是迷花不返。

**用伏应财之下，身赘他家；**

用爻伏于应上，妻财之下，必然身赘他家，不思归也。财动生合世爻，掣妇归家。财爻若与伏神不相生合，乃是与人掌财，或是倚靠他家，非婚媾也。

**主投财库之中，名留富室。**

用爻伏于财库下，其人必在富家掌财。伏神衰绝无气，则是傍他度活耳。

若得用爻出现，在财库爻动，异日必然满载而归。更加青龙月建，尤为称意。

**五爻有鬼，皆因途路之不通；**

鬼在五爻动，必是途路梗塞不通，故不归也。五爻若遇忌杀发动，亦然。五爻空亡，亦是道路不通之象也。

**一卦无财，只为盘缠之缺乏。**

卦中动变月日，皆无财爻者，为无路费，故不归。有财无故自空者，亦然。行人原为财利者，必不遂意。

**墓持墓动，必然卧病呻吟；**

用爻入墓化墓，或持鬼墓，或卦有鬼墓爻动，或用伏于鬼墓爻下，皆主病卧他家，故不回也。若伏官爻下，亦然。

带朱雀，或化文书，必在狱中，非病也。

**世合世冲，须用遣人寻觅。**

用爻安静，得世爻发动，冲起合起者，必须自去寻觅，方能归。

用爻伏藏，得世爻提起；用爻入墓，得世爻破墓；皆用寻觅方回。

**合逢玄武，昏迷美色不思乡；**

六合卦，玄武财动；或用临玄武，动而遇财爻合住；或用伏玄武财下；或卦有三合财局，而玄武亦动其中者；皆主行人在外贪花恋色，不思故乡也。若得动爻日辰，冲破克破合爻，庶有归日。

若用临玄武化鬼，或伏玄武鬼下，而财爻不相合者，其人在外，必为盗贼。不然，亦被盜攀害，故不归也。

**卦得游魂，漂泊他方无定迹。**

游魂卦应爻发动，行人东游西走，不在一方。用在五爻动，亦然。游魂化游魂，行迹不定；游魂化归魂，游遍方归。

**日并忌兴休望到；身临用发必然归。**

克制主象者，为忌爻。若在卦中发，或临身世，或带日辰，或被日辰冲并，皆主不归。

若得用临卦身，出现发动，则必回来。若持世动，亦可望其归。

**父动卦中，当有鱼书之寄；**

凡占行人，卦有父动，必有音信寄来。生世合世，持世克世，皆主来速；世生世克，则来迟。

化出喜爻，或化福爻，是喜信；或化忌爻，或化官爻，是凶信。动空化空，是虚信；加螣蛇化兄，亦恐未的。

父化父，两次信来。若逢合住，音信被人沉匿；或带书人有事，稽延在途，未能到也。若逢冲散，书信已失。重爻则已报过。

### **财兴世上，应无雁信之来。**

凡占望信，遇父爻衰静，或空或伏，或有财动，或财爻旺临身世，皆主无信。卦有动爻，化出父母生合世爻，即是其人传信也。如兄化出，朋友寄来类。

### **欲决归期之远近，须详主象之兴衰。**

用爻旺相，归必速；休囚，归必迟。生旺墓日归；休囚死绝，生旺日归。

安静，冲动日归。

发动，即以本爻定其月日。

或入墓，或合住，以破墓破合日定之。

静而有冲者，以六合日断之；

动而克制者，以三合日断之。

代占，以应爻论之。远以年月断，近以日时推。

独发之爻，亦可推之。如子爻动，即取子日为归期。

**动处静中，含蓄许多凶吉象；天涯海角，羁留多少利名人。**

## **二十九、舟船**

### **凡卜买船，断同船户。**

凡卜买船吉凶，与船户人占一同推断。若船户自来占卜，要同家宅，断之为是。

### **六亲持世，可推新旧之由；**

财福持世，是新船；父母持世，是旧船；兄弟持世，半新半旧；鬼爻持世，灾惊不利。

### **诸鬼动临，可识节病之处。**

金鬼钉少，土鬼灰少，木鬼有缝，水鬼有漏孔处，火鬼有燥裂。

**初二爻为前舱，要持财福；五六爻为后舵，怕见官兄。**

以上皆要临青龙天喜，贵人财福则吉。主有富贵之人上船，吉利。四爻三爻为中舱，亦要带财福。

**父作梢公，不宜伤克；**

父母为船，又作梢公。要生旺，不被日辰动爻伤克为吉。占买船，要财静，则船好，无损坏处。

**龙为船尾，岂可空刑。**

青龙为船尾。生旺动持生合世，皆主利益称意。

**螣蛇辨索缆之坚牢；**

螣蛇为索缆。空则枯烂不好，旺则坚牢美利。

**白虎为帆樯之顺利。**

白虎属风，故取为风帆。若生旺带财福吉神，动持生合世身，则船有好帆，使风顺快。若白虎带凶鬼恶杀，旺动克害世身，大不利；主遭失风倾覆之患。

勾陈为铁锚。休囚空亡，船无铁锚；带鬼克世，铁锚为怪；化空绝有失。

**六爻皆吉不伤身；四海遨游无阻滞。**

六爻生合，财福吉神又生旺，持世身，动爻又不来伤克，则无往不利。虽远游于四海五湖，亦皆吉利。

**若子水持世，其船损人丁。**

每验卦法，又看行船出入避忌爻。如鬼兄白虎临太岁爻，动来刑冲克害世身，必有风波险恶。更有凶神克世，大凶。

## 三十、娼家

养身于花柳之中，日娼与妓；识祸福于几微之际，惟蓍与龟。花街托迹，柳巷安身。门外纷纷，总是风流子弟；窗前济济，无非歌舞佳人。

**若要安宁，必得世无冲克；欲求称意，还须应去生扶。**

凡遇娼家，卜住居家宅生意类，皆以世为主娼之人，应为宿娼之客。

若得月建日辰动爻，俱不刑冲克世，必主家宅吉利，人口安宁。更遇应来生合，乃十全好卦，凡事称心。

虽常人占宅，亦要应爻生合世爻，则主谋望有成，所求多遂。应空多不利。

**卦见六冲，往来亦徒迎迓；**

六冲卦，来往人多，但主空来空往。更若兄动，恐有无籍棍徒搅扰。若遇六冲，而世应爻空，或财爻发动，必主住居不久，或不安。

**爻当六合，晨昏幸尔盘桓。**

娼家得六合卦最吉。盖合则情份相投，必主人多顾恋。内外和同，家门雍睦。得三合，六合太过者，尤利。

常人占宅，反忌之，必主家中淫乱。娼家则以此为主。所以，断法不同也。

**财若空亡，钱树子慎防倾倒；**

财为娼妓。无故自空，或衰绝受克，主妓女丧亡。财若重叠，妓女必多。旺相则颜色美丽，衰则容貌不妍，刑则有病。月日动爻无生无合，人不眷恋。胎养年少，若逢墓库，老年娼妓。

凡遇火爻善歌，木爻善舞，水爻则体态轻盈，金则肌肤白净，土则容仪浑厚。动则善于奉承。其余详见性情篇。

**官如墓绝，探花郎那得栖迟。**

官为宿客，生意之主。若得动来生合世爻，必多宿客下顾。更得日辰来扶，必有贵人招接。惟怕空亡墓绝，则宿客不多，纵有亦非富贵豪客。若得变出财爻生合，必是舍财大侠也。

**妻财官鬼，二者不可相无；**

无财，主无出色之故；无官，主无贵客招接。

皆主钱财不聚，破耗多端。若财官俱无，或一空一伏，是时运不济，定当守困。

**财鬼父兄，子孙皆宜不动。**

住居得安静卦，必然人口平安，门庭清吉。若见交重，定多驳杂。

盖六亲中惟子孙为吉。常人占，虽喜发动；而娼家又非所宜，以其克制宿客故也。

但得五类俱全，六爻不动，财鬼有气，世身有助，便是上吉之卦。

**鬼杀伤身，火盗官灾多恐怖；**

鬼爻生合世爻，是宿客顾恋之象，虽动亦吉。若冲刑克害，则是鬼杀为祸。重则官灾火盗，轻则是非口舌。

以五行六神参看，并见前篇。

**日辰冲父，住居屋宅有更张。**

父母为居处屋宅。若在卦中发动，或被日辰冲克，或父母化出财爻，皆主所居屋宅，当有更变。

如占住居，必住不久。否则，所居屋宅，亦必破坏。

**兄弟交重，罄囊用度；**

兄弟主生涯冷淡，破耗多端。更有生扶，则罄资用度，亦无了日。

变出鬼爻，常招是非口舌；所来之人，亦无好客。有制稍可。

大抵兄弟不动，财爻衰弱，或变死墓空绝，皆主生意不济。兄弟发动则尤不济。

**子孙藏伏，蹙额追陪。**

子孙为福德喜悦之神。娼家虽不宜动，然不可空亡隐伏；主家宅不安，住居不稳，生涯不旺，虚度光阴，蹙额过日而已。若见刑杀克世身，不嫌此爻发动。

**财化福爻，家出从良之妓；**

财不宜动，动则妓女走失。若化父，妓必精晓弹唱，善能迎接。

化兄，不善奉侍，礼貌粗俗，言语多诈，弹唱亦低。

化鬼，须防妓女不测灾祸。

化财，谓用化用，恐有逃亡走闪之事。若逢冲克，或临空动，皆然。

化子，有从良之志；虽在风尘，亦是强为也。

卦无财，而本宫财伏子下，或从子化出者，亦然。

### 官居刑地，门招恶病之人。

鬼带刑爻生合世身，多招带病之人来往。与世生合，与财刑冲，须防妓亦沾染。

鬼化鬼，或化忌爻刑克世身，恐因宿客致祸。有制不妨，有救可解。

### 忌动衰空，闲是闲非闲挠括；

忌则克制世爻之神。凡事皆怕见之。若在卦中发动，必不吉利。如得休囚无气，而又空亡，虽动不妨。但主闲事闲非，虚灾虚祸而已，必无大害。

### 财兴克世，有财有利有惊疑。

凡遇财爻旺相，住宅必有生意。但不宜动来伤克耳。盖财乃生祸之端，所以，虽吉而有所忌也。如带刑害虎蛇等杀，乘旺动克身世，必然因财致祸。

以上十二条，非此一事为然。常人家宅同此推断。

### 能将玄理以精详，真乃黄金而不易。

（此乃黄金策全篇结语。）

生僻字注释：

（1）【迓】读音：yà，四声。意为：迎接。

（2）【罄】读音：qìng，四声。意为：尽，空。

（3）【蹙】读音：cù，四声。意为：皱着眉头。形容愁苦的样子。

## 阐幽精要

### 一、观人断法

先天妙诀少人知，但看来人急与迟；

喜笑一声将吉断，慌忙烦恼作凶推。

入门坐定宽容问，断他灾祸尽消除；  
若见着衣并束带，出入功名事事宜。  
若见并肩挽手过，合本求财利有余；  
僧尼道姑如何断，断他离祖又刑妻。

虎易评注：此篇的描述，是为外应断法。学者看卦断事，还是应该以六爻分析为主，结合外应，综合分析判断为宜。不致有失偏颇。

## 二、六神情性赋

青龙持世：为人恺悌，有仁有德；  
朱雀持世：一生好讼，招是招非；  
勾陈持世：为人稳重，行事迟钝；  
螣蛇持世：为人少信，有头无尾；  
白虎持世：一生刚强好勇，志短无谋；  
玄武持世：为人慳吝奸雄，吝小失大。

虎易评注：此篇描述六神持世，所表示的求测人之性情，为一般的描述原则。但是，其世爻所值日月的旺衰程度是不一样的，因此，其性情也是不一样的。学者可根据其原理去推演，扩展，不要被此所局限。

## 三、身命章

既富且寿，世爻旺相更无伤；非夭则贫，身位休囚嫌受制。  
卦宫衰弱根基浅，爻象兴隆命运强。  
世居空地，终身作事无成；身入墓乡，到老求谋未遂。  
若问成家，嫌六冲之为卦；要知创业，喜六合之成爻。  
旺世助身，强自撑持；衰世有扶，因人创立。  
日時合助，一生偏得小人心；岁月克冲，半世未沾君子泽。  
父母持世，辛勤劳碌；兄弟持世，疾病连绵。  
遇兄兴，则钱财莫聚；见子动，则身不犯刑。

子死妻亡，绝俗离尘之辈；贵临禄到，出将入相之人。  
遇龙福而无气，纵清高亦是寒儒；逢虎财而旺强，虽粗俗而还富客。  
朱雀与福德临身，合作梨园子弟；白虎逢父爻持世，定为柳柏屠夫。  
世加玄武官爻，必梁上之君子；身持勾陈父母，是野外之农夫。  
财福司权，荣华有日；兄官秉政，破败无常。  
运至中年，凶杀莫交挫折；时当晚景，恶星尤忌攻冲。  
妻水加龙，必是诗书显达；土财月建，定知店业营生。  
若临华盖空亡，当知僧道；但逢青龙月德，定为郎官。

#### 四、家宅说

财逢死绝之乡，儿孙冷淡；  
世值空亡之兆，家计荒凉。  
螣蛇鬼动于子孙，家人自缢；  
玄武爻兴于子息，妇女风流。  
咸池与白虎同居，呼庐好饮；  
天乙与青龙共位，足义多仁。  
火兴为宅屋之傍，土动乃园林之侧。  
宅临巳午，非窑灶，则近于厨堂；  
木值空亡，因斧斤，遂败于古墓。  
绝临金位，师巫寺观之傍；  
鬼在火乡，社庙神坛之所。  
不见人多恶疾，须知女落风尘。  
虎伴交重，乃是重丧之杀；  
龙居金位，名为进宝之乡。  
勾陈带土，而进益于田园；  
青龙持世，乃新修之宅舍。  
凡卦数推之阴阳，更加细看。  
世为宅，而言祸福；应为人，而定吉凶。  
青龙爻动，而近日新修；白虎爻兴，而经年破漏。

旺相者，则资财进益；休囚者，则仓库空虚。宜视衰旺，以明吉凶。

父母子孙俱旺，老者安，少者康；

螣蛇白虎安静，灾不生，祸不作。

午为马，丑为牛，酉为鸡，亥为猪，戌为犬，巳为蛇。

吉神生旺，每岁增添；爻值空亡，连年退损。

巳午为之汤火，申酉为之刀砧。

水汤火灾，子午爻动；鸡鸣犬吠，酉戌鬼临。

天喜贵临内卦，后堂新修；破碎空临外象，正屋琅玕。

竹木园林，寅卯同断；池塘穴坎，亥子同推。

玄武为后，左是青龙，朱雀为前，白虎居右。

阴阳动静，仔细推详；祸福吉凶，分明察断。

## 五、柳神经

凡占家宅，先观鬼神之机，次辨六爻所用。

父化父，人家两姓；鬼化鬼，家宅多灾。

父为宅宇之基，财是灶厨之所。子孙为井，兄弟为门。父爻值墓，家多疾病之人；财位临空，宅住贫穷之辈。

子逢金旺，便知镜子光明；子值木衰，可见秤无星两。

子是长流，须分前后；亥为塘浦，要辨方隅。丑为田园，寅为树木，卯为蓬蒿，辰为平地，巳为焰烟，午为火意，未为山岭，申为金银，酉为铜铁，戌为穴坑。交重详察。重是曲圆，交是方直；阴土为坑，阳土为宅。

父居坎位，四围有水汪洋；父临木爻，绕屋树林森茂。

财福吉神内象，必然先富而后贫；兄鬼煞虎内宫，以定先贫而后富。

父入勾陈土位，丰稔田园；日刑木父休囚，损伤桌凳。父临入墓，坟冢为殃；鬼生世象，家神作祟。螣蛇入木，家招缢死之人；玄武临身，必出投河之鬼。

火炎旺动人多，木位兴隆树茂。火爻伏鬼，定生目疾之人；水位隐官，必有盲聋之辈。

二姓同居，必有两重兄弟；爹娘又见，宫中父母再逢。父入子宫，必主后娘来就；子临父位，定主随母嫁人。子见两重，螟蛉亦有；兄爻单见，雁侣难同。

兄化鬼以空亡，兄弟空房；父临空以化鬼，父娘作故。阴兄化入阳兄，嫂赘晚夫同舍；阴子变

入阳子，女招婿而同家。父化父，外娘晚位；财化财，当娶双妻。

丧门杀动，本是灾非孝服；天喜星临，必然嫁娶添丁。披头动，要出疯癫；五鬼兴，必生暗眼。羊刃临财，定是屠酤之辈；咸池入酉，必然花酒生涯。财入咸池化鬼，女多独守；子临寡宿化官，男主孤虚。

驿马值世，奔波不定；贵人生身，好享荣华。世应两冲，家门括扰；爻逢六合，和气相同。

子入鬼关，小口岂无伤损；财临大杀，妇人必有产亡。

辛未持世，大路当门；戊戌五爻，竹木当路。蛇入屋来，四爻螣蛇土动；鹊巢当户，六爻朱雀木兴。

青龙六位巽宫，家有头风之疾；玄武初爻鬼动，必生脚湿之人。螣蛇木鬼临门，家出自缢；白虎土杀入户，家有血光。

火烧家堂，子入火乡化火；鼠来害物，鬼宫化出子爻。南上邪神，朱雀鬼临火动；北方之鬼，玄武动而水兴。金鬼西方之佛像，木鬼东岳之至尊。

福世当年获庆，杀鬼每日闲灾。

兄动而奸人脱漏，福兴而吉事频来。

鬼化亥未，愿欠猪羊；子化申辰，佛前灯愿。

冲开丙戌丁亥，墙倒壁穿；合扶己卯戊寅，城坚土厚。冲动丙寅，香炉破损；旺摇庚戌，首饰鲜明。戌化土金，犬多黄色；金鬼化子，鼠作妖声。

初爻鬼武，鸡鸭人偷；三位官空，养猪无畜。二爻鬼杀，犬必伤人；四位杀官，羊多猝死。五位休鬼，耕牛不兴；六位虎鬼，马无乘坐。

心气病，火鬼动；脾胃灾，土鬼摇。

初位杀空，小儿难养；六爻木鬼，老者中风。上透金爻，终年眼暗；五爻火鬼，痲瘵缠身。

青龙木鬼，必是观音；玄武水鬼，恐其玄帝。寅为神，神带虎行；午为神，神骑马走。

太岁临鬼克世，一年非事即阴司；日辰福德扶身，四季开眉而兴旺。

## 六、参玄赋

一卦能推吉凶，六爻可分祸福。

凡占家宅，先观神鬼之机；欲问人烟，须究旺相之象。父为屋宇之基，财是灶厨之所。父爻入墓，家多疾病之人；财位临空，宅有产亡之鬼。

旺相宅新，休囚宅旧。

兄作为门，更怕日辰冲损；子孙为器，最忧月破加临。子逢金旺，便言镜必光明；福值木衰，可见秤无星两。金鬼休囚，香炉破损；木官旺相，神像无伤。

父母安静，祖先神主安宁；官鬼爻兴，家宅人丁不稳。父入土爻旺相，丰稔田园；日冲木父休囚，破损桌凳。父临丘墓，家冢为殃；木动坎宫，桥梁作碍。

木临朱雀，匿藏契券为殃；木入青龙，家有船车往泛。官伏土中，礲砖不利；鬼藏木下，棺椁为妖。

更将一例推占，须著六爻分究。

鬼临初位暗兴，宅有伏尸古煞；官遇六爻暗动，匠工作弊为殃。巽宫木动，当生缢颈之人；坎卦水兴，必出投河之鬼。离宫水动，汤浇死；但遇火鬼，火汤伤。官临土旺，断言土府抢攘；鬼值木兴，详会树神作碍。鬼入坤来，定有坟茔之崇；官临艮上，必逢狱禁之魂。鬼附螣蛇生怪梦，官临朱雀惹闲非。

贵人官，当生拔萃之儿郎；劫杀鬼，须虑穿窬之盗贼。鬼克兄，门当破损；官衰世，宅有多灾。

财龙旺相，必是润屋之家；妻虎休囚，定是枯茅之舍。财旺初爻，鸡鹅作畜；妻衰外象，豕畜多亏。

天乙财爻，定出缙绅之子；咸池妻位，应生娼妓之人。子临二位，乃知犬吠生人；福值坎爻，定有猫啣耗鼠。

兄是门墙土壤，弟为口舌邻房。交重土弟休囚，必定墙壁坍塌；发动木兄死废，定还门户歪斜。又兼月建克冲，断为破户；喜见日辰生助，决是新门。

兄临月建坎宫，曾支坑厕；弟在水爻浴位，必砌浴缸。间兄发动克冲，邻家嫉妒；兄弟扶持身世，朋友忻偕。兄克金财妻有病，弟临火应友多非。劫临兄动，谨备贼徒；空值弟兴，定分门户。

六爻无水沟渠塞，一卦无金鼎镬伤。木位兴隆多树木，火爻旺相足人烟。

日克火爻，当生眼疾；日冲坎位，定主耳聋。日克木财床榻损，日冲木弟拄檣伤。

若问何方，须详爻象；要知何处，定察墓爻。

但值两妻之火，两处烟厨；或临二父之离，二家屋宇。不然二姓更同居，须把六神分仔细。

生僻字注释：

(1)【礲】读音：sang，三声。意为柱子底下的石墩。

(2)【缙绅】读音：jin，四声。shen，一声。意为有官职或者做过官的人。

(3)【鼎镬】读音：ding，三声。hu0，四声。意为古代煮东西的器物，相当于现在的锅。

(4)【楮】读音：zhi，一声。意为：柱下的木础或石础。

## 七、家宅秘诀

凡占家宅，细察五行。

木合父爻变申酉，瓦檐草脊；金生母位逢福德，玉砌雕栏。

间坐寅卯衰又克，窗槛横斜；应临亥子木相逢，池桥出入。

主象无伤，且喜来占有庆；忌爻有制，须知见险无虞。

六爻安静，则门庭清吉；五类俱全，则宅眷安宁。

鬼墓临身，常有阴人伏枕；日辰生世，每多喜事临门。

最怕岁君克世身，一年不利；尤嫌鬼杀逢发动，合宅多灾。

世受克冲，家主终遭患难；财逢刑害，妻奴必见灾危。

阴鬼主阴司之病症，阳鬼为户役之官非。

金则凶伤，水须失脱。巳午忧火烛之虚惊，土木恐田桑之欠熟。

若出二爻汤火中，切宜仔细；如加六位栋梁下，须慎崩摧。

壁压墙倾，却被土冲兄克；蛇伤虎咬，皆因已害寅刑。

遭壬午之官，乘马难逃跌蹶；遇戊寅之鬼，行船必被风波。

官爻藏伏，财耗而冢墓荒芜；妻位杀官，家中每逃亡奴婢。

动出子孙胎，当有阴人妊子；助成门户鬼，须防横祸临门。

福应生身，且喜添增人口；土财合世，定知广置田园。

世值动妻屋不卖，而双亲有损；世临空福身无伤，而小口有灾。

财鬼一同生合，庆及婚姻；兄弟两见刑冲，灾连眷属。

鬼在门头，日日驳驳杂杂；官居宅上，时时唧唧啾啾。

无路则不宜远出，无宅则利往他乡。

财化财爻，遇玄武须防剪络；阴合阴位，加官杀切莫贪花。

子卯夫妻，日下当遭反目；辰戌兄弟，月中定见阍墙。

印绶合官扶世，仕途亨通；妻财化福持身，贵人淹滞。

若问血财，当详血肖。遇吉则长养无疑，遇凶则猥褻有损。

更兼制化，方穷就里之精微；能达变通，了谈人间之祸福。

生僻字注释：

(1)【阋】读音：xi，四声。意为：争吵，争斗。

(2)【猥攘】读音：wei，三声。nang，三声。猥：意为：多，卑鄙，下流。攘：意为（用刀）刺。

## 八、家宅六爻赋

**六冲六合，不离五行，要识玄微，细推生克。**

**初爻是井，切忌勾陈。**

青龙则泉水生香，白虎则干枯坍塌。朱雀一双在宅，勾陈填没无寻。螣蛇主怪异深藏，玄武有器皿埋没。欲知枯井年深，须察子孙久远。

**二爻是灶，切忌克冲。**

子孙发动，主灶不利家丁；官鬼空亡，定害阴人小口。兄弟动，则重立灶基；父母兴，则灶将坍塌。朱雀临爻，必主阴人哭灶；螣蛇坐世，定然釜甑虚鸣。玄武主偷锅盗釜；白虎主破损东厨。勾陈定见虚惊，朱雀多招口舌。

**三门四户，细看冲刑。**

子孙发动，门临绿水青山；爻值青龙，户对高楼耸阁。父母临爻，宅近街衢市井；伏连官鬼，家邻古墓神坛。勾陈发动，必多破损；朱雀兴隆，定主倒装。要知阊阖侯门，须看青龙兴旺；欲识铁石庭户，细察蛇临位兴。

**五为道路，怕犯六神。**

朱雀持世，南方远路冲门；玄武克身，北地相亲宅宇。青龙喜巽地来龙，白虎怕西南走动。勾陈遇鬼，家中有路可行；玄武来冲，宅内有桥通大路。螣蛇若值飞爻，沟壑必生灾咎。

**六是梁栋，切忌空亡。**

子孙发动，必主画栋雕梁；父母兴隆，定是松楠杂木。财动则换旧更新，兄兴定帮梁接柱。土父空亡，墙壁坍塌；木官冲克，接斗断梁。

## 九、搜精六爻

初爻论根基，鬼动却非宜；宅边有古墓，灾殃损小儿。

阳圆阴方地，合方长生基；冲凹刑尖削，克破合圆基。

克五宅长病，克二宅母危；世爻若值此，两处起根基。

有水必有井，明堂有井鬼；白虎同临位，定主有桥颓。  
动化日辰合，暗井掩无泥；初爻父子吉，兄鬼外人基。  
更若初爻动，坍塌有高低；财值身旺地，休囚值不宜。  
玄武临初位，沟潭不利时；更值腾蛇上，树根穿破基。

二爻为宅母，财禄终有吉；杀鬼动交重，宅母防灾厄。  
值鬼灶跨梁，小口生啾唧；兄在二三爻，坑灶近相逼。  
玄武合水爻，暗井无人识；玄武入土爻，秽污猪羊室。  
旺新休旧灶，虚灶脚不实；一卦两重财，二灶烟火出。  
子孙日辰冲，灶边路不吉；生扶两眼灶，玄武沟潭塞。  
财爻卦内凶，有灶无厨食；二爻入兴动，此灶曾修葺。  
二爻被金冲，锅破当知识；二爻值空亡，废灶无差失。  
应若临二爻，外姓人同室；财福坐清高，兄破人无益。  
朱雀火动空，灶复重置立；兄弟化兄弟，两门合出入。  
财爻克世身，媳妇欺婆力；世鬼值此爻，总是离家室。  
若是二爻空，子定无娘力；化出父母爻，屋后被人出。  
父母龙德临，必是公侯宅；空休与应同，搭角屋相及。  
木死逢蛇陈，中盖是端的；二爻木化木，广起楼台屋。  
二爻鬼化鬼，前后厅堂室；土金临此动，必定主开辟。  
木爻朱雀动，市井相连迹；二爻日月破，灾祸无休日。  
欲识换人居，日辰冲世宅；财子同父兄，亦然主换宅。  
二爻财化父，必是建新宅；爻休六神旺，半旧半新室。  
龙临长短居，蛇是牵连屋；玄武是空居，朱雀多开辟。  
二爻休化旺，前旧后新宅；龙德贵人临，家中足衣食。  
财福吉神空，贫穷日相逼。

三爻为门户，龙旺主光新；休囚冲破损，财子福相臻。  
若值龙蛇上，捆缚必有绳；冲二居为路，合二定为门。  
四爻来冲破，相对有穿心；三四俱兄弟，出入有两门。

玄武临其上，门上漏相侵；三四俱发动，意要更改新。  
兄弟主破耗，空亡无大门；不然主破碎，左有右无存。  
若是逢冲克，出入欠正行；三爻俱龙木，床帐必然新。  
若临申酉位，破损不须论；不正偏倚损，日辰冲破刑。  
螣蛇临鬼动，怪异及虚惊；若临玄武鬼，作怪在阴人。  
玄武临其上，秽污地不清；卯木三爻上，神堂下床停。  
不然楼板上，楼板上安寻；子午卯酉正，辰戌丑未横。  
寅申巳亥位，必主落角停；三爻论香火，不宜逢四土。  
不静犯家堂，外鬼常兴祸；无鬼及空亡，家堂无神主。  
二鬼卦里生，两处分香火；一卦无子孙，不信神佛助。  
玄武亥子位，漏湿家堂主；不然北斗神，值武宜详护。  
入旺朱雀神，或烧或犯鼠；水值此爻兴，五圣为神祸。  
外有三四鬼，其家有分处；三鬼若坐爻，弟兄不得力。  
龙德贵人临，添新喜生户；劫杀鬼相干，弟兄疾病苦。  
三爻财动旺，宅屋必高古；三爻值世财，外喜内忧苦。  
守常终是吉，次第为数数。

外户值四爻，财子福滔滔；龙德贵人旺，必定主清高。  
恶杀临鬼动，叔伯悔煎熬；母位还依次，龙德福迢迢。  
朱雀临此动，官讼是非招；有气人丁旺，休囚悔莫逃。  
兄弟临蛇动，坑破外人抛；玄武临兄上，水边沟水淘。  
冲刑并伏鬼，推此用心高。

五爻是主人，家长长房亲；青龙福德旺，家长喜气新。  
克宅人口吉，灾生宅克人；官鬼带杀动，家长受灾迍。  
五爻坐兄父，长房妻子刑；坐财伤父母，妻妾要损身。  
五爻值休废，必是无力人；虎劫刑冲克，知有痴双亲。  
子孙临此位，人少不须论；五爻值阴世，阴人起家门。  
冲刑在二爻，夫妇不和宁；若值相生合，夫妻永太平。

财世若值此，入舍女夫身；五爻值身世，必是女招金。  
五爻加世位，人数此中寻；五爻看数目，克减旺加新。  
此爻若有水，宅近水沟津；兄弟在此位，墙内有坑存。  
螣蛇冲克破，申酉亦伤身；无气兼刑克，破落必遭刑。  
生扶并伏化，有气福应臻。

六爻为虚位，永为祖父婆；柱梁墙屋地，篱笆亦是他。  
身爻值父母，离祖自成家；子孙化官鬼，阴小受灾磨。  
白虎带鬼旺，灾病及公婆；更值申酉位，六畜不完多。  
冲克并刑害，家中有破锅；朱雀官鬼动，疯癫女人磨。  
此理通玄妙，潜心细吟哦。

生僻字注释：

(1)【啾唧】读音：jiu，一声。ji，一声。啾唧是形容虫、鸟等的细碎的叫声。

## 十、船家宅

既明住宅之根因，再看船居之奥妙。  
青龙父母，祖代居船；白虎妻财，初当船户。  
要识安居平稳，须观福德青龙。  
初是船头，必须子孙兴旺；六为后舵，定因福德交重。  
父母刑冲，必主风狂浪急；妻财克陷，定然惹是招非。  
若逢兄弟交重，怪木必须重换；但遇鬼爻临用，魔祷急宜祈祥。  
二为猎木，须要坚方；若遇螣蛇，多生怪异；但逢朱雀，口舌灾殃。  
青龙利益加添，白虎损人招祸，玄武忧疑盗贼，勾陈耗散资财。  
三为仓口，怕逢刑克冲害。四为桅杆，喜遇拱合生扶。  
五为毛缆，六为橹蓬；若得相生，行船必定致富；如逢冲克，船居多主灾殃。  
世爻发动，宜弃旧而从新；应位兴隆，宜世居而迪吉。  
世临玄武，盗贼相侵；持世勾陈，翻船损舵。  
白虎防堕水不虞，青龙主临危有救。

螣蛇爻动，主暴病之忧；朱雀爻兴，有断桅之祸。

初位逢空，船头破损；二爻遇鬼，绳缆损伤。

三爻最忌刑冲，仓内平基作崇；四位怕逢凶煞，破蓬发漏须防。

五为毛缆，逢空必有惊疑；六是舵门，遇煞定当修换。

若能依此而推，船居必无他事。

## 十一、疾病论

凡占疾病，先祷上下神祇。

谒卜卦人，欲问生死祸福，须详得病之由，次告先贤之验。

金木动，骨骼疼酸；水火兴，皮肤寒热。交重丑未必伤脾，发动戌辰因破腹。

巽鬼兴隆，乃为股痛；震官旺动，足疾不瘳。

离官旺相，内爻发动，疮痍之疾；火鬼休囚，外象交重，心目之灾。

发动兑官因面病，交重坎鬼腹中灾。土伏土爻生肿毒，金藏金位动心胞。

妻在土兴呕吐，官临土动迟疑；木下木多寒燥，水伏水多冷淋。

乾官旺相因头痛，坤鬼兴隆为肚疼。坎卦水兴只缘耳疾，艮宫土发必为手灾。

须将五行论身肢，专执六神分疾病。财逢玄武及咸池，病为贪花因恋色。

妻值青龙并日建，患因耽酒及伤身。发动金兄气喘，交重木鬼身疼。

勾陈若临土木，病因争地争田。螣蛇若入火土，灾乃逢惊逢怪。

虎动临财，因丧而得；龙兴遇鬼，喜处染来。

财为禄命怕空亡，伏是命爻防克害。先将十死卦为凶，莫比一般爻是吉。

最凶者，用爻不见与空亡；有救者，福位扶持生得力。

春忌需蒙，夏嫌观蛊，秋忧剥节，冬畏旅临。

禄命随官难救，世身入墓难医。

官逢大杀忌伤身，鬼入用爻当主死。

须忌催尸之杀，怕临病者之爻。春辰夏未最难当，秋戌冬丑兴还死。

又嫌天地转杀，最是凶神；乃遇日辰旺相，便言死处。

春忌卯爻卯日，夏嫌午位午爻，秋金酉日最忌凶，冬子爻中逢子日。

不论白面少年人，可惜雪鬓老年容。纵有家资过百斗，也须一命见阎君。

要推神鬼之由，便知天道地道。

乾宫发动，愿欠天庭；坤鬼兴隆，动干地府；艮鬼伤身，路神作祸；震宫克世，狱司降灾。

鬼临五位路头神，官在三爻家内崇。

坎鬼动，须求溺水之魂；巽鬼兴，当祭悬梁之崇。

月破入官求七杀，日辰带鬼告三司。

日值贵官，可告城隍当境；岁临官贵，宜求五道家堂。

兑象官兴，急还口愿；火爻鬼动，速祀灶君。

离鬼休囚持世，值须祈斗祷花穷；乾鬼旺相克身，宜告天神还素愿。

衰官外动别宫来，便言外崇；休鬼内兴本宫动，可辨家亲。

坎宫本为交重，船车之鬼；艮象土爻发动，路狱之魂。

应鬼克身逢外鬼，官爻生世是连亲。日辰冲发为无主，土位塞兴定有坟。

土动死囚牢狱，火兴临没产亡。

但知旺日看四时，细察休囚寻八节。

乾金之鬼，白发老翁；坎鬼休囚，耳聋鬼崇。艮鬼手瘫，震官脚疾；巽爻官发，折腿腰陀；离象鬼兴，眼昏目暗；坤土之鬼花苍母，兑金死鬼缺唇魂。

要见祖宗叔伯，须将父母推详。如求姨母妻奴，更把财爻决断。

阳爻男子，阴爻女流。

白虎丧门亲座席，青龙天乙贵家亲。

龙雀名为素愿，虎勾定是晕盟。

雀虎入乾离兴动，只言拜愿烧香；勾陈临震巽交重，便说愿心枷锁。

鬼静生身还是吉，官兴克世告神凶。

亦求子位同推，反作药爻以治。子旺福神而得力，子衰扁鹊以难医。

深详大象如何，要察吉凶休咎。

#### 生僻字注释：

(1)【祗】读音：qí，二声。意为地神。

(2)【瘳】读音：chōu，一声。意为病愈。

(3)【瘕】读音：jiǎ，二声。意为创伤。

(4)【燠】读音：yù，四声。意为暖，热。

## 十二、五行论病歌

金鬼兴隆牙与头，更兼白虎血脓流。  
木鬼动时风疾症，头眩眼暗几时休。  
水兴寒热多因疟，痢疾伤风未易疗。  
火鬼虚劳兼弱症，眼目疼痛有来由。  
土鬼脾胃虚黄肿，间动须当膈病愁。

## 十三、六神论神鬼心决

青龙善愿是观音，上圣三官总是神，  
断鬼产亡并带血，交重必是本堂临。

朱雀家堂并灶君，花幡香愿素存心，  
鬼为吐血兼劳怯，目疾伤亡并有因。

勾陈土地及城隍，土神同断亦无伤，  
鬼为痢疾兼蛊胀，遇土因知咽塞亡。

螣蛇本是飞来土，遇鬼七杀金作三，  
逢官缢死火劳怯，孩童汤火必然伤。

虎临太岁大将军，五路伤司五圣神，  
经文香信家堂愿，横死伤亡肚饱魂。

玄武就名真武帝，水仙五圣佛经祈，  
鬼作落水伤亡断，活法全凭智略推。

## 十四、六神论神崇决

青龙爻动及黄泉，得病先占问祸原，  
旧年佛愿相催讨，急告东厨及祖先。

朱雀爻兴祸不轻，游方五鬼立门庭，  
梦中口愿相催讨，正照傍临本命星。

勾陈爻动祸难当，土地家堂及灶王，  
时疫五瘟求祭祀，家堂踪迹被虫伤。

螣蛇爻发病缠身，东厨土地及家亲，  
天曹口愿相催讨，是非口舌梦中惊。

白虎爻兴事不祥，神前有愿佛前香，  
福德五道求祭祀，土地北殿及乖张。

玄武爻兴病患凶，家中人物不和同，  
急靠北阴求土地，守命家亲在此中。

## 十五、占风水要诀

凡占风水要推详，五事俱全不可伤。  
财动田园多进退，不然尊长有灾殃。  
父兴必是还魂地，小口畜牲总不昌。  
鬼动弟兄多忤逆，户门不利惹官方。  
兄兴财物多消耗，或是阴人主少亡。  
子动必然无讼事，儿孙定贵少灾殃。

## 十六、何知章

何知人家父母疾？白虎临爻兼刑克。  
何知人家父母殃？财爻发动杀神伤。  
何知人家有子孙？青龙福德爻中论。  
何知人家无子孙？六爻不见福神临。

何知人家子孙疾？父母爻动来相克。  
何知人家子孙灾？白虎当临福德来。  
何知人家小儿死？子孙空亡加白虎。  
何知人家兄弟亡？用落空亡白虎伤。  
何知人家妻有灾？虎临兄弟动伤财。  
何知人家妻有孕？青龙财临天喜神。  
何知人家有妻妾？内外两财旺相决。  
休知人家损妻房？财爻带鬼落空亡。  
何知人家讼事休？空亡官鬼又休囚。  
何知人家讼事多？雀虎持世鬼来扶。  
何知人家旺六丁？六亲有气喜神临。  
何知人家进人口？青龙得位临财守。  
何知人家大豪富？财爻旺相又居库。  
何知人家田地增？勾陈入土天喜临。  
何知人家进产业？青龙临财旺相说。  
何知人家进外财？外卦龙临福德来。  
何知人家喜事临？青龙福德在门庭。  
何知人家富贵昌？佛像子孙青龙上。  
何知人家多贫贱？财爻带耗休囚见。  
何知人家无依倚？卦中福德落空死。  
何知人家灶破损？玄武带鬼二爻恼。  
何知人家锅破漏？玄武入水鬼来就。  
何知人家屋宇新？父入青龙旺相真。  
何知人家屋宇败？父入白虎休囚坏。  
何知人家墓有风？白虎空亡巽巳攻。  
何知人家墓有水？白虎空亡临亥子。  
何知人家无香火？卦中六爻不见火。  
何知人家无风水？卦中六爻不见水。  
何知人家两爨户？卦中必主两重火。

何知人家不供佛？金鬼爻落空亡决。  
何知二姓共屋居？两鬼旺相卦中推。  
何知一家有两姓？两重父母卦中临。  
何知人家鸡乱啼？螣蛇入酉不须疑。  
何知人家犬乱吠？螣蛇入戌又逢鬼。  
何知人家见口舌？朱雀持世鬼来掇。  
何知人家口舌到？卦中朱雀带木笑。  
何知人家多争竞？朱雀兄弟持世应。  
何知人家小人生？玄武官鬼动临身。  
何知人家遭贼徒？玄武临财鬼旺扶。  
何知人家灾祸生？鬼临应爻来克世。  
何知人家痘疹病？螣蛇爻被火烧定。  
何知人家病要死？身命世鬼入墓推。  
何知人家多梦寐？螣蛇带鬼来持世。  
何知人家出鬼怪？螣蛇白虎临门在。  
何知人家人投水？玄武入水杀临鬼。  
何知人家有吊颈？螣蛇木鬼世爻临。  
何知人家孝服来？丧门吊客临鬼排。  
何知人家见失脱？玄武带鬼应爻发。  
何知人家失衣裳？勾陈玄武入财乡。  
何知人家损六畜？白虎带鬼临所属。  
何知人家失了牛？五爻丑鬼落空愁。（注1）  
何知人家失了鸡？初爻带鬼玄武欺。  
何知人家无牛猪？丑亥空亡两位虚。  
何知人家无鸡犬？酉戌二爻空亡卷。  
何知人家人不来？世应俱落空亡排。  
何知人家宅不宁？六爻俱动乱纷纷。  
仙人造出何知章？留与后人作饭囊。  
祸福吉凶真有验？时师句句细推详。

何知是奥妙，奥妙生克料，若是吉和凶，六神甲子条。  
一宫分八卦，一卦六爻挑，世为内住场，应作宾对曜。  
木住东方地，火向南方位，水向北方流，金向西方叙。  
世前有官爻，案前神庙居，世爻水带鬼，有鬼水中泪。  
金木水火土，父兄子财鬼，六神兼六亲，祸福日辰取。  
仔细逐爻详，其中奥无比。

（注1）八宫卦五行的排列，五爻不可能有丑爻。我们知道，丑爻只有阴卦才有。而巽、离、坤、兑四个阴卦，巽宫丑爻在初爻，离宫丑爻在二爻，兑宫丑爻在三爻，坤宫丑爻在四爻。因此五爻是不可能会有丑爻的。

这个问题的出现估计有两种可能：一、六畜章论述，五爻表示牛位。但是，不可能出现丑爻。二、丑代表牛，五爻表示牛位，代表道路。作者可能认为牛在牛位，又临道路上空，就表示是牛的丢失。虽然推理好像有理，但是有失真实严谨。学者当注意分辨，不致被误。

## 十七、妖孽赋

知之者罕，用之者难，传入其门，百发百中。

卦卦有怪，若非神授，莫窥其奥，学者细详。

乾蛇鬼，巳冲刑，蓬头赤脚夜惊人，化猪化马作妖精。多拮括，宅不宁，逆钗赖镜损人丁。

坎蛇鬼，午来冲，没头没尾成何用，黑而矮，又无踪，拖浆弄水空声哄。

艮蛇鬼，若遇申，妖声似犬夜狺狺，空中常拍手，家鬼弄家人。狗作怪，家业倾，抛砖弄瓦何曾定。

震蛇鬼，酉冲刑，空中椅桌动闻声，踢踏响，似人行。大蛇常出现，窑器响惊人，桶箱作孽人丁病。

巽蛇鬼，亥又冲，鸡声报炆火，鬼怪起狂风。缢死之鬼扰虚空，床下响，及房中。

离蛇鬼，子来刑，锅釜作妖声，空中忽见火光焰，红衣者，是何人，年深龟鳖以成精。

坤蛇鬼，冲遇寅，锅灶上，作妖精，似牛叹气是亡人，虚黄大肚鬼，出现不安宁。

兑蛇鬼，受卯刑，空中叹气重而轻，羊出现，嚙嘴瓶，骨殖苦暴露，刀石更成精，移南换北幼亡魂。

虎易评注：此篇的标点，几个版本都不太准确，文不达意。我根据自己的理解，对此篇重新标点，不当之处，还望方家不吝赐教指正。

生僻字注释：

(1)【狺】读音 yin，二声。狺狺：意为狗狂吠的声音。

(2)【嚆】读音 nie，四声。意为：以言议罪，其议如水之平。

## 十八、搜鬼论

观鬼爻发动为实。

子：作怪鼠咬屋，黄昏忌火灾，小儿夜里叫，檐前祸鬼催。

丑：古墓西北方，牛栏又接仓，开土有坟穴，伏尸夜作殃。

寅：蛇虎来作怪，六畜血财亡，人口有病患，急须保安康。

卯：隔墙带血鬼，作灾母病床，破伞并橱柜，及有死人床。

辰：鸡犬灶中死，神庙不烧香，秽犯神龙位，有祸小儿郎。

巳：买得旧衣裳，亡人身上物，作怪蛇入屋，防损豕牛羊。

午：作怪鼠咬屋，不觉火烧裳，急遣白虎去，人口却安康。

未：小儿奴婢走，甑叫沸锅汤，外来门与厨，在家作祸殃。

申：客亡鬼入屋，作怪在家堂，黄昏鸡啼叫，枯木被风伤。

酉：家有鼠咬柜，灯檠不成双，灶有三条折，咒咀一女娘。

戌：飞禽来入屋，遗粪污衣裳，灶破并锅漏，神灯被鼠伤。

亥：公婆归尘土，从来不装香，小儿秽触犯，引鬼作怪殃。

生僻字注释：

(1)【甑】读音 zeng，四声，意为蒸米饭的炊具。

(2)【檠】读音 qing，二声，意为灯台。

## 十九、参约爻、之卦、互卦例

参约爻：参者：二三爻是也；约者：四五爻是也。

之卦：即变卦。一爻动观变，二爻动不观变。

互卦：即去上爻、初爻是也。上取其三、四、五；下取其二、三、四。不论动静。

四时之错行，如日月之逮明。

## 神煞歌例

### 以下为吉神

#### 天元禄：

凡事遇之大吉。

甲禄在寅乙禄卯，丙戊禄在巳，丁己禄居午，庚禄居申，辛禄在酉，壬禄在亥，癸禄在子。

#### 驿马：

出行及占行人，俱要看之。

寅午戌，马居申；申子辰，马居寅；巳酉丑，马在亥；亥卯未，马在巳。

#### 天乙贵人：

谒贵用之。

甲戊兼牛羊，乙己鼠猴乡，丙丁猪鸡位，壬癸兔蛇藏，庚辛逢马虎，此是贵人方。

#### 福星贵人：

求仕用之。

甲虎乙猪牛，丙同犬鼠游，丁鸡戊猴走，己羊庚马头，辛蛇癸爱兔，壬日占龙楼。

#### 天德贵人：

凡占诸事，化凶成吉。

正丁二申宫，三壬四辛同，五亥六甲上，七癸八寅逢，九丙十归乙，子己丑庚中。

#### 月德贵人：

从寅上起，丙甲壬庚，逐月顺行，周而复始。凡有所占，转凶为吉。

寅午戌月丙，申子辰月壬，亥卯未月甲，巳酉丑月庚。

### 月德合：

从寅上起，辛己丁乙，逐月顺行，周而复始。百事遇之，和合大吉。

寅午戌月辛，申子辰月丁，亥卯未月己，巳酉丑月乙。

### 天福贵人：

占身命遇之，生福禄绵绵。

甲爱金鸡乙爱猴，丁猪丙鼠己寅头，戊寻玉兔庚壬马，辛癸逢蛇福自优。

### 天喜：

百事有喜，占胎尤要看之。

春戌夏丑为天喜，秋辰冬未二三指；世上遇此必欢欣，百事得之皆有理。

### 天马：

凡占仕宦，遇此必有升迁之兆。

寅申月在午，卯酉月在申，辰戌月在戌，巳亥月在子，子午月在寅，丑未月在辰。

### 唐符国印：

唐符，值年之星。国印，朝廷之印。占仕宦若持身世，大吉之兆。

若问文官并武职，唐符国印求端的。寅申之年巳亥为，巳亥之年寅申觅；子午之年卯酉求，卯酉之年子午出；辰戌之年丑未方，丑未之年在辰戌。鬼临符印最为佳，当作朝中资辅翼。

### 天医：

占病遇此爻，动虽凶有救。

天医正卯二猪临，三月随丑四未寻，五蛇六兔七居亥，八丑九羊十巳存，十一再来寻卯上，十二亥上作医人。

### 天赦：

狱讼遇之，大吉。

正五九月在戌方，二六十月到于羊，三七十一居龙位，四八十二在牛场。卦中临应仍摇动，狱

讼勾连竟不妨。

### 皇恩大赦：

诸事遇之吉。

正月戌兮二月丑，三月虎兮四蛇走，五月酉兮六卯位，七鼠八马各看守，九亥十辰十一申，十二未上君知否。

### 赦文：

同前看。

正戌二丑三辰昌，四未五酉六卯强，七子八午九寅位，十月巳上大吉祥，十一申上十二亥，此神持世永无妨。

### 十干天赦：

同前。

甲己东方兔，乙庚亥上求，丙辛居酉位，丁壬未上流，戊癸蛇作伴，万事不须忧。

### 四季天赦：

凡占百事，凶中化吉。

春戊寅，夏甲午，秋戊申，冬甲子。

### 天耳天目：

占寻人看之。目则见面，耳则有音信。

春天耳巳目从亥，夏天耳寅目居申，秋天耳亥目从巳，冬天耳申目居寅。

### 天福贵人：

求官用之。此首出《天玄赋》。

甲丙相邀入虎乡，更逢子穴最高强，戊申己未丁宜亥，乙癸逢牛福禄昌，庚趁马头辛带巳，壬骑龙背喜非常。

### 天解神：

以下诸解神，官事俱看之。

春寅夏巳秋月申，三冬值亥天解神。四生之局名为例，忧中化喜不须嗔。

### 地解神：

正未二申三月酉，四戌五亥六子寻，七丑八寅九卯地，十辰十一巳上明，十二月边逢午位，此是卦中地解神。

### 月解神：

月解正二起于申，三四还从酉上轮，五六之月从戌上，七八能行亥上存，九十之月临午位，子丑两月未官尊，若值此辰官事散，纵然重病也离身。

### 日解神：

甲己逢蛇乙庚猴，丙辛逢虎丁壬牛，戊癸鸡啼官事散，病人无药不须忧。

### 内解神：

甲乙蛇头戊己寅，庚辛酉位丙丁申，壬癸但从卯位是，官非消散始安宁。

### 外解神：

正五九月居子上，二六十月在巳宫，三七十一辰位是，四八十二居申中。

### 解脱神：

甲己日亥乙庚申，丙辛日丑丁壬未，戊癸辰逢官讼消，病人不必生忧虑。

### 雷火神：

占讼，若与日辰相合旺动，主官事消散。

正五九月火居寅，二六十月亥宫存，三七十一从申位，四八十二巳宫轮。

### 喝散神：

春巳夏居申，秋猪冬到寅；官事若发动，喝散不由人。

### 日喝散：

甲己逢寅乙庚申，丙辛戊癸向蛇寻，丁壬亥上婚姻忌，一见公私定不成。

### 开狱神：

狱神夏马春兔挨，秋鸡冬鼠狱门开，卦中若得此爻动，长久囚人放出来。

### 活曜星：

六甲遇动则产，疾病遇动则痊。

正卯二辰三月巳，四午五未六居申，七酉八戌九亥上，十子一丑十二寅。

## 以下为凶神

### 岁前神煞：

其法皆从太岁上起。假如子年，就子上是太岁，剑锋伏尸。丑是太阳天空，寅是丧门主孝服。逐一顺轮，周而复始。

太岁剑锋伏尸同，二曰太阳并天空，三是丧门主孝服，四为勾绞贯索凶，五位官符兼五鬼，六曰死符小耗攻，七是栏干并大耗，八为暴败天厄中，九是飞廉同白虎，十为福德卷舌从，十一天狗并吊客，十二病符切莫逢。

### 驾后神煞：

浮沉血刃，戌上起子逆行。披头五鬼，辰上起子逆行。天哭，午上起子逆行。

血刃浮沉戌上游，披头五鬼在辰求，天哭逆数起于午，凡占切忌动当头。

### 天哭杀：

占病大忌。

哭声正五九居羊，二六十月在猴乡，三七十一鸡啼叫，四八十二犬猖狂。

### 天狱杀：

官讼大忌。

正五九月居亥位，二六十月在申藏，三七十一飞巳上，四八十二到寅方。

### 天贼：

出行与求财，俱忌。

正丑二子三月亥，四戌五酉六居申，七未八午九蛇地，十辰一卯十二寅。

### 四季天贼：

忌同前。

正辰二酉三虎乡，四未五子六蛇藏，七犬八兔九申位，十牛子马丑猪忙。

### 四季小杀：

占病忌之。

春忌羊兮夏忌龙，秋牛冬犬哭重重，卦中值此临身命，任是轻灾也见凶。

### 日下大杀：

凡事忌之。

日下大杀细推详，甲乙猪兮丙丁羊，戊己犬见庚辛虎，壬癸蛇为大杀方。

### 天狗杀：

凡事忌之。

正卯二申三丑乡，四午五亥六辰藏，七酉八寅九未的，十鼠子巳丑犬防。

### 三丘五墓：

占病大忌。

春丑夏辰秋即未，三冬逢戌是三丘；却与五墓对宫取，病人作福也难留。

### 墓门杀：

甲乙见金墓门开，丙丁见水哭哀哀，戊己见木须防厄，庚辛见火孝服来，壬癸见土难回避，病

人不死也伤财。

### 丧车杀：

丧车春鸡夏鼠来，秋兔冬马好安排；人来占病无他断，教君作急买棺材。

### 沐浴杀：

沐浴杀难当，春辰夏未殃，秋戌冬丑是，发动病人亡。

### 关锁杀：

占讼忌之。

春关牛与蛇，(丑关，巳锁。)夏月龙猴嗟，(辰关，申锁。)秋忌猪羊位，(亥关，未锁。)冬犬虎交加。(戌关，寅锁。)

### 劫杀：

凡事忌之。

申子辰兮蛇开口，亥卯未兮猴速走，寅午戌嫌猪而黑，巳酉丑兮虎哮吼。

### 咸池杀：

占婚大忌，主妇人淫乱。

寅午戌兔从卯里出，巳酉丑跃马南方走，申子辰鸡叫乱人伦，亥卯未鼠子当头忌。

### 鳏寡杀：

占姻事忌之。

春牛不下田，夏龙飞上天，秋羊草枯死，冬犬厌残年。

### 孤辰寡宿：

婚姻犯之，主无子。

亥子丑兮忌寅戌，寅卯辰兮巳丑寻，巳午未兮申辰忌，申酉戌兮亥未临。

**阴杀：**

生产忌之。

正七寅兮二八辰，三九马头四十申，五十一逢犬伴立，六十二月鼠为邻。

**捶门官符：**

正七虎行村，二八鼠当门，三九居戌位，四十弄猴孙，五十一逢骑马走，六十二月透龙门。

**勾陈杀：**

从辰上起，正月逆轮。占病及讼大忌。

正辰二卯三月寅，四丑五子六亥程，七戌八酉九申位，十羊子马丑蛇行。

**白虎杀：**

从申顺轮。占病大忌。

正申二酉三戌乡，四亥五子六丑伤，七寅八卯九辰上，十巳一马十二羊。

**受死：**

凡事忌之。

正戌二辰三亥死，四巳五子六午宫，七丑八未九寅是，十申子卯丑酉逢。

**三刑：**

主六亲刑陷，大凶。

寅刑巳上巳刑申，丑戌相刑未丑刑，子刑卯上卯刑子，辰午酉亥自相刑。

**六害：**

六亲相害，百事败坏。

六害子未不堪亲，丑害午兮寅巳嗔，卯害辰兮申害亥，酉戌相逢转见深。

**四刑：**

如寅世巳应之类是也。

寅申巳亥为四刑，所作百事无一成；婚姻官事俱不吉，纵得相生也不宁。

**四冲：**

辰戌丑未为四冲，纵然占吉也为凶；或是相生或兄弟，也须被破事无终。

**四极：**

子午卯酉为四极，凡占百事皆无益；虽然世应得相生，决定多凶主少吉。

**六冲：**

子午相冲，丑未相冲，寅申相冲，卯酉相冲，辰戌相冲，巳亥相冲。

**隔神：**

占失物忌爻。

正七从亥二八酉，三九羊头四十蛇，五十一月寻卯上，六十二午定吁嗟。

**大耗：**

田蚕六畜，大忌发动。

正申二酉三戌边，四亥五子六牛联，七寅八卯九辰位，十巳子马丑羊眠。

**小耗：**

遇此发动，损害田禾。

正未二申三月酉，四戌五亥六子游，七丑八寅九卯上，十辰一巳丑午牛。

**破碎杀：**

子午卯酉在蛇头，辰戌丑未属于牛，寅申巳亥鸡头碎，破耗资财件件忧。

**旌旗杀：**

春卯夏子，秋酉冬午，占病遇动，不期即死。

### 暴败杀：

婚姻大忌，男克妇，女伤夫。

猪羊犬吠春三月，蛇鼠龙忧夏月当，申酉丑逢秋必败，虎马兔兮冬季防。

### 六甲空亡：

用爻恶空，忌爻喜空。

甲子旬中戌亥空，甲戌旬中申酉空，甲申旬中午未空，甲午旬中辰巳空，甲辰旬中寅卯空，甲寅旬中子丑空。

### 截路空亡：

出行大忌。

甲己申酉最为愁，乙庚午未不须求，丙辛辰巳君休去，丁壬寅卯一场忧，戊癸子丑高堂坐，时犯空亡万事休。

### 马前神杀：

十二神各有所用。如占出行及行人，专看驿马之类。

申子辰马居寅（寅上起驿马，卯六害，顺轮为例。）寅午戌马居申，巳酉丑马在亥，亥卯未马在巳。

一驿马，二六害，三华盖，四劫杀，五灾杀，六天杀，七地杀，八年杀，九月杀，十亡神，十一将星，十二攀鞍。

## 以下为常用组合，非神煞

### 四利三元：

年上起。如午年，即午上起太岁，掌轮为便。

一太岁，二太阳，三丧门，四太阴，五官符，六死符，七岁破，八龙德，九白虎，十福德，十一吊客，十二病符。

### 长生沐浴：

长生，沐浴，冠带，临官，帝旺，衰，病，死，墓，绝，胎，养。

假如火长生在寅，从寅上起长生，卯沐浴，辰冠带，依次顺行。木长生在亥，从亥起。其余可类推。

### 三合成局：

寅午戌，合成火局；申子辰，合成水局；巳酉丑，合成金局；亥卯未，合成木局。

### 天干合：

甲与己合，乙与庚合，丙与辛合，丁与壬合，戊与癸合。

### 地支合：

子与丑合，寅与亥合，卯与戌合，辰与酉合，巳与申合，午与未合。

### 生僻字注释：

(1)【嗔】读音：chen，一声。意为：怒，生气，对人不满。

(2)【捶】读音：chui，二声。意为：用拳头和棒槌敲打。

(3)【吁】读音：xu，一声。意为：叹气。

## 《易林补遗》

[明]张世宝/著

前言 .....	983
卷首语 .....	983
易林补遗题辞 .....	984
易林总断章第一 .....	984
天时晴雨章第二 .....	998
地理风水章第三 .....	1000
朝廷国事章第四 .....	1001
出师征伐章第五 .....	1003
年时丰歉章第六 .....	1009
身命造化章第七 .....	1010
六亲寿命章第八 .....	1013
倩媒说合章第九 .....	1014
婚姻嫁娶章第十 .....	1015
女卜男婚章第十一 .....	1017
女家择婿章第十二 .....	1017
后嗣有无章第十三 .....	1017
怀胎虚实章第十四 .....	1018
安护胎息章第十五 .....	1018
收生保产章第十六 .....	1019
六甲生产章第十七 .....	1020
选择乳母章第十八 .....	1021
婴童否泰章第十九 .....	1021
出继男女章第二十 .....	1022
承继续嗣章第二十一 .....	1022
更名顶籍章第二十二 .....	1023
平生学艺章第二十三 .....	1023
五经定肄章第二十四 .....	1024

求师训迪章第二十五 .....	1024
求馆开设章第二十六 .....	1025
相资寓所章第二十七 .....	1025
应举科名章第二十八 .....	1026
仕宦升迁章第二十九 .....	1027
袭求武弁章第三十 .....	1027
援监纳吏章第三十一 .....	1028
选缺参房章第三十二 .....	1029
官员荐奖章第三十三 .....	1029
上书咎奏章第三十四 .....	1030
朝天面旨章第三十五 .....	1030
恩封诰命章第三十六 .....	1031
文书消息章第三十七 .....	1031
趋谒贵人章第三十八 .....	1032
谋望成事章第三十九 .....	1032
谋役顶名章第四十 .....	1033
审役轻重章第四十一 .....	1033
扳人帮役章第四十二 .....	1033
除名脱役章第四十三 .....	1034
人宅六事章第四十四 .....	1034
创造宫室章第四十五 .....	1039
修方动土章第四十六 .....	1039
工匠巧拙章第四十七 .....	1040
涓选日时章第四十八 .....	1041
迁移居什章第四十九 .....	1041
同居共寓章第五十 .....	1042
置产立户章第五十一 .....	1043
寄装丁产章第五十二 .....	1043
治家分合章第五十三 .....	1044

添丁纳使章第五十四 .....	1044
雇请人工章第五十五 .....	1045
布种田禾章第五十六 .....	1045
浼妇育蚕章第五十七 .....	1045
养蚕作茧章第五十八 .....	1046
桑叶贵贱章第五十九 .....	1047
六畜禽兽章第六十 .....	1048
忧疑损害章第六十一 .....	1049
防非避讼章第六十二 .....	1051
防火避焰章第六十三 .....	1051
提防盗贼章第六十四 .....	1052
御避灾患章第六十五 .....	1053
何处得病章第六十六 .....	1053
痘疹起回章第六十七 .....	1055
病源真假章第六十八 .....	1055
疾病吉凶章第六十九 .....	1055
灾病缠脱章第七十 .....	1059
却避灾暑章第七十一 .....	1059
求医疗病章第七十二 .....	1060
医家治病章第七十三 .....	1061
搜决神鬼章第七十四 .....	1061
总论八宫值鬼诀之一 .....	1064
总论五行值鬼诀之二 .....	1065
总论六神值诀之三 .....	1066
总论星煞值鬼诀之四 .....	1066
又附解襍通用法之五 .....	1068
僧道贤愚章第七十五 .....	1069
还赛解厄章第七十六 .....	1070
奉安神位章第七十七 .....	1070

停棺举殡章第七十八 .....	1071
怪梦感应章第七十九 .....	1072
报应雪冤章第八十 .....	1073
察人喜怒章第八十一 .....	1073
探人虚实章第八十二 .....	1074
用人藏否章第八十三 .....	1074
仗托人力章第八十四 .....	1075
继身受产章第八十五 .....	1075
防老膳终章第八十六 .....	1076
养亲馆友章第八十七 .....	1077
登舟涉水章第八十八 .....	1078
风行顺逆章第八十九 .....	1079
乘车驾马章第九十 .....	1079
水陆出行章第九十一 .....	1080
同行共处章第九十二 .....	1080
关隘津渡章第九十三 .....	1081
旅望行人章第九十四 .....	1081
行人远回章第九十五 .....	1082
音书远信章第九十六 .....	1082
觅人访友章第九十七 .....	1083
中途候客章第九十八 .....	1083
招宾接客章第九十九 .....	1084
陪宾优劣章第一百 .....	1084
交朋结友章第一百一 .....	1085
纠合夥伴章第一百二 .....	1086
投行损益章第一百三 .....	1086
求财觅利章第一百四 .....	1087
开张店肆章第一百五 .....	1088
收顿货物章第一百六 .....	1089

托本求利章第一百七 .....	1090
索取债利章第一百八 .....	1090
借贷财物章第一百九 .....	1091
摇会得失章第一百十 .....	1091
变产求财章第一百十一 .....	1092
博戏求财章第一百十二 .....	1092
捕猎畋渔章第一百十三 .....	1093
安寄财物章第一百十四 .....	1093
取赎人产章第一百十五 .....	1094
探物真伪章第一百十六 .....	1095
卧床趋避章第一百十七 .....	1095
寿木喜忌章第一百十八 .....	1096
妻仆去留章第一百十九 .....	1097
斗殴争竞章第一百二十 .....	1097
兴词举讼章第一百二十一 .....	1098
讼师美恶章第一百二十二 .....	1098
保人强弱章第一百二十三 .....	1099
公私见证章第一百二十四 .....	1099
官司胜负章第一百二十五 .....	1100
忧监虑禁章第一百二十六 .....	1101
离枷出狱章第一百二十七 .....	1101
关提人卷章第一百二十八 .....	1102
回关塌讼章第一百二十九 .....	1103
公私和息章第一百三十 .....	1104
申详允驳章第一百三十一 .....	1105
营为嘱托章第一百三十二 .....	1106
送物受返章第一百三十三 .....	1106
昧情隐事章第一百三十四 .....	1107
遗迷失物章第一百三十五 .....	1107

捕捉逃亡章第一百三十六.....	1108
潜身避难章第一百三十七.....	1111
鬻身投主章第一百三十八.....	1112
投充兵卒章第一百三十九.....	1112
出家修行章第一百四十 .....	1113
修真炼性章第一百四十一.....	1115
坐关不语章第一百四十二.....	1116
持斋受戒章第一百四十三.....	1116
开斋破戒章第一百四十四.....	1117
归宗还俗章第一百四十五.....	1117

## 前言

典籍，人人都需求。

一部《易林补遗》致使易学爱好者四处搜寻，个个求购。我习易半生，每日卜卦十数人，应事验卜，其象、其理、其数、其筮，其中的奥秘大多循于此书。

此书为明朝礼部冠带术士张世宝先生所著。他自幼双目失明，从孩童时学易，目盲心聪，通神灵窍，广列条章，群汇诸事，粗细并收，分一百四十五种条目，下至百匠工艺、上至朝野战事，细则钱财琐事，大到仕宦升迁，直指筮卜要诀，对测事用神分节分条解断，一一细细阐微，使后学者直观明确，真是一部不可多得的易学典籍。

此书失落民间，迄今已有 300 多年，未见其着，一直秘而不传，传而不详，为了满足易友的需求愿望，让美玉出土、明珠生辉，将家传珍藏的古版本编校成书，保持原文原貌，推荐给易友，上测天心，下度世人。

书，要读真书；术，要学精微；卦，要断神应。此书问世，它将真言、真诀、真神让你受益彰理，领悟筮学精髓，开人慧目，是学易、研易者必不可少的秘藏珍本。鄙人涉足易学，仅以此书面世，献给张世宝先生与易学同仁，不足之处，敬请指正。

白宝全

于陕南白宝全易学研究中心

一九九八年仲夏

## 卷首语

《易林补遗》是明朝礼部冠带术士张世宝先生的易学筮法巨著。它以独特的运算机制，完整的占筮方法把政治、经济、军事、人事、婚姻、农作、交易等各类渗透到占筮中进行细致的分项介绍。是一部较完善、系统、严密的预测筮法上乘之作，历为学易者所称道，其备受筮学家推崇辗转传抄而流失海外。流本已多易其貌，使其面目几于全非。

为了使更多人了解、学习、研究、应用易学筮法，避免转抄本以讹传讹、遗害后学，经现代著名命理学家《八卦预测仪》发明创制者、《命理解真》、《论命秘法》、《增卜筮例赏析》、《石门易卜》、《六壬入门》、《命理释疑》作者白宝全先生会同《易冒》编校者、《走进奇门》作者李爻先生将《易林补遗》精心编较，勘释整理而成。目的在于揭开易学筮法这一神秘面纱，向人们指出易学占筮是有一定运算规则和预测方法，是一项复杂的信息工程。只要我们以正确的态度对其进行科学研究、探索，破除对它的迷信，就一定能解开易学筮法之谜，让传统的文化知识与现代文明相接轨，为人

类造福吧！

此书考虑到发行之难，对肯出资购买者，实有众人拾柴火焰高的赞助性质，在此表示衷心感谢！

李培成(李爻)

戊寅年戊午月于陕西汉中

## 易林补遗题辞

夫易广矣，大矣，精焉于物无所不包，于道无所不贯。先天后天，六虚循环而叵测；近取远取，万化倚伏而周流。书前易在系后辞繁，四圣人阐其奥而令蓄无涯，诸生溯其蕴而研究未书卜筮民用以前龟策神物，是寓左并明占象占爻事多吻合，焦子贡演文演卦验最神奇帘下陈词君平率能巧中，军中布武孔明辙炳机先，至于影扭同桴鼓杪忽靡差，迨夫梅花数例灵棋织毫莫外，盖阴阳司吉凶之案篇，而动静转生克之枢机，一经推测，成败昭然少露端倪鬼神卓尔，造命何能夺命，命不可逃，代天安得逆天，天果有定，六壬篇秩浩繁畴知检校五行休咎变幻谁解参详，世宝张生着，苕水星家吴门术士，在幼丧明徒孩学易，盲于目而不盲于心，心源澄澈；暗于外而不暗于内，内视晶莹，从明师而肄习不减穆邵之渊源得异书而探求何止玉蔡之授受耳提面命业擅专门口诵心维神通灵窍旨，发先儒之秘订二爻不变之讹见，称独得之真，纠暗动合住之谬，庶几闻所未闻，允乎见所未见，乃深概凡情之用罔又复欲群动之纷纭，广列条章，群汇事类，自朝常至于鄙事，巨细兼收，由星象以逮民功，精粗合载生人之道备矣，涉世之务井然，纲举目张洞焉，观火支分节解断似析薪加之句叶宫商篇工骈骊云霞杰于齿吻金石作于声容，季主之辩若悬河，逊其藻绘孝先之言，如符契让其圆融诚马庭高弟羲陛忠臣矣！彼启蒙之杂乱，每膺托于前贤视何知之浅陋，仅雷同于劝说相提而论非研之与美玉，蒸石之与明珠哉！付之剞氏可称书部琳琅，传之卜人堪作易林鼓吹。

西吴敬韦居士顾尔符撰

## 易林总断章第一

(凡事取用爻为主，动变为凭。)

前圣炳先机之奥旨，开示迷途后学补未尽之遗言，其臻觉路，阐发诸家之秘，包罗万类之情，敬列数章谬陈一得。吉凶由八卦变通，须察吉变凶而凶变吉。

凶吉二字系乎卦爻动静，静则取暗动并用爻为主，动则取之卦为凭。之卦者，即变卦也，变者化之渐，化者变之威。

**飞伏在二仪交换定然，阳伏阴而阴伏阳。**

易有太极是生两仪，两仪生四象，四象生八卦。干为老阳，坤为老阴，震为长男，巽为长女，坎为中男，离为中女，艮为少男，兑为少女，故曰干坎艮震属阳，巽离坤兑属阴，飞伏者，乃阴阳互换之理，凡占阳卦而伏阴，卜阴卦而伏阳，且如上得干卦为飞，便取坤卦为伏。若得坤卦为飞，便取干卦为伏，其余雷风水火山泽互换是也。八纯飞伏如此定之，又论干宫垢遁否观剥晋六卦者，皆伏观宫干卦，惟独大有归魂伏在否卦是也。又如坎宫二至七卦皆伏坎水，惟独师卦伏归既济。又说艮内惟独归魂当还第四。八宫日例不必细陈。

### 爻爻有伏有飞，伏无不用。

飞伏者，往来隐显之神也。飞为已往，伏为将来。若卦内有用神不居空陷，不必更取伏神，如六爻不见主象者却取伏神推之。且如父占子病，未月甲寅旬壬戌日卜得干卦安静，此卦子值旬空本为凶兆，岂知伏出坤卦癸亥水子孙在壬申金之下，水赖金生，正所谓飞来生伏得长生，反为有救，后至甲子日本宫子象当权，病得瘥也。且如问求财，三月卯日卜得既济卦六位无财，只有本宫戊午火为财，又伏在亥水之下，飞能克伏必无财也，又如求财，秋月甲申日卜得睽之归妹，此卦六爻无财，须看艮宫丙子水，所嫌伏在未土之下。水被土伤本不为美，岂知未土空亡透出子水，况逢长生申日，反主亨通，后至戊子日果得厚利也。又论问求财，丑月甲午旬癸卯日，卜得噬嗑卦，此卦辰财落空，未财月破，此二财皆无用也，所喜巽宫辛丑土财正临月建，伏于庚子水下，又得土旺于子，更论伏克飞神为出暴，必主吉祥，稍嫌卯日克财，故当日未得，甲辰日兄弟又空，内财帮比反获倍利也。

### 卦卦有动有静，动无不之。

动者，老阴老阳无不变化，变既之也。凡阳极而生阴，阴极即生阳，故此交变单，而重变拆也。内有未知者冲动曰变，冲者暗动之爻非在交重之位，岂得变乎？亦有愚人者言：动值合而绊住不能变也，即在老阴老阳，岂有不变之理？又论京房变法第六爻为宗庙，纵动不变其余一爻动则变，乱动则不变也，此法甚有差讹，后学切莫依此！易经内，凡见交重则变并无乱动不变之理。宗庙爻既不变化，焉能纯干变为纯坤，经中自用九见群龙无首吉爻辞可证，故此爻爻皆变也。

### 变出他宫，但取木金水火土，还归本卦，配成兄父子财官。

凡论变爻，细宜斟酌。且如节之比卦不可言财变兄弟，子变父母之论，只取坤宫未土配作坎宫官鬼，又将坤中巳火配成坎内妻财，正所谓财化为官，子化为财是也，又如艮之谦卦，单取癸酉金配成艮卦子孙，此乃官化子也，其余仿此。

### 水化金，则坎增其势；火化土，则离减其威。

且如水爻变出金爻，水赖金生，其水转加威势，爻中纵有土兴，终难克制。倘若金又空亡水纵

变金亦不得其生也。又如火爻化土，当为泄气，此火定无光耀矣，如得木动来生，其火反添焰丽，寅日占者亦如此然。

### 亥之子曰进神，木得生而火被制。戌变未云退度，金不助而水无伤。

如亥变子上前者，为进气，其力更加，助木之功愈大，伤火之力非轻，如卦内纵有重重土动，水下不全伤。爻中水象交重，火又贪生忘克，复阵寅变卯、辰变未之类，皆云进气也。又如戌变未爻落后者，名曰退神，生金之力者轻，伐水之功者减，如得火爻再动，土气还源。退气者，乃是酉化申，辰化导丑之类是也。

### 卦之墓绝非宜，远究伪真之辨。

凡卦变为墓绝者，事事皆凶，其中有绝而不绝，墓而不墓者也。且如离卦为火变干卦，地福诀云：戌亥属干垣，故此戌亥二爻乃干卦之本也，离火墓于戌、绝于亥，凡若甲子旬占，戌亥皆空，此火亦非墓绝也，又如甲辰旬丁未日卜得兑之艮卦，兑者属金，丑寅乃艮卦之本，金绝在寅，寅空绝于何处？金墓在丑，丑得未日冲开，此乃非绝非墓也。更论占长子病，七月丙辰日，卜得恒卦九四爻动之为升卦，内卦不动则不言也，外卦震动化坤子孙，况在震宫，震者又为长男之用，墓于坤宫未内，绝居坤象申中，况申不空而未不破，此是真墓真绝也，卦中虽有用爻而长男木象真投墓绝者，此子必死无疑也。

### 爻变生扶最利，更详喜忌之分。

凡元神遇生者喜，仇神遇生者忌，用象逢之无不为吉，忌神遇者无不为凶。

**爻有伏吟不吉，术者未开；卦有反吟最凶，星家谁觉？妇妹变随为例，小畜之垢皆同，但识六爻克战，那知二卦交冲。**

奇门遁甲之中专忌伏吟反吟为上。周易卦内岂不忌之？欲识伏吟反吟之法，当明卦按十二地支。地福诀云：子向北方坎，丑寅艮上山，卯起东方震，辰巳巽风间，午见南离火，未申坤地关，酉在兑方取，戌亥属干垣。凡卜诸事最忌伏吟反吟，伏吟者有二端：有卦象所犯，有爻辞所犯。卦犯者，如巽见巽、离见离、八纯卦皆是也。爻犯者，申变申、戌变戌之类，比如屯变泰、大有变噬嗑卦是也。反吟者亦有二端：卦犯与爻犯者不同。卦犯者，冲我之卦是也。且如内干外巽，戌亥乃干宫之本，辰巳为巽象之根，辰戌、巳亥皆冲，故曰反吟之论。以上坎见离、震逢兑、艮配坤，皆是彼我相冲反吟之卦。又开既济、未济、妇妹、小畜，谦、剥、垢、随此八卦者，皆内外反吟也，其祸犹轻，惟独变出反吟其凶最重。比例归妹变随、小畜之垢、未济之为既济、谦之剥、剥之谦皆是的确反吟也。爻犯者，巳变亥、亥变巳之类，巽之坤、鼎之豫卦是也。故此反吟伏吟，凡事遇之不吉。

### 变能生克于动爻，动不制扶于变象。

且如变爻能克于动爻，动爻不能克制变爻，相生亦然。

### 静受动伤，静难制动，柔遭刚克，柔岂伐刚。

静者，少阳少阴；动者，老阳老阴。自古上能伐下，下不能伐上，故此动能克静，静不能克动也。又论柔者，休囚之象，刚者，旺相之爻。休因为退度之神，旺相乃当权之职，故此旺相能克休囚，休囚不克旺相也。

### 日月善能克爻神，爻神谁敢伤日月。日君主，旺衰之象尽能伤；月乃提纲，动静之爻皆可克。

日月二神，此权最大，不论卦内旺衰动静之爻皆可生而咸可克。若爻神克日月者，世无此理也。法曰：日伤爻，真罹其祸。爻伤日，徒受其名。

### 本卦为始，之卦为悔为终。

凡有动爻，便有之卦。以本卦为贞，之卦为悔，凡爻静无之者，便取内卦为贞，外卦为悔，以贞为始，以悔为终。

### 亲宫云：出现之爻，远年可取。他卦曰：伏藏之象，近日堪推。

凡八纯之卦便为出现，且如天山遁，内三爻他宫之象，故曰伏藏，外三爻干宫本象，便言出现。又如火天大有，内属亲宫出现，外当离卦伏藏。又如山地剥卦，内坤外艮，皆不是干家新象，此乃体用皆伏藏也，用值伏藏旺相争如出现休囚，凡得出现之卦，吉则绵长皆吉，凶则久远皆凶。爻在伏藏之内凶，忧目下；吉，应暂时。

### 内为己外为他，喜生喜合。应为宾世为主，嫌克嫌冲。我生他而半吉，他克我以全凶。

凡内卦为我，外卦为他。又云：以世为我，应为他，如外生内，应生世者，全吉。遇合更加其美。若内生外，世生应者半吉；如应克世、外克内者全凶。其中世克应或内克外者半凶，逢冲则凡谋不逐，凡事不成。或宜生或宜克者，另当详审。

### 世应齐空，两下目前退悔。主宾皆动，二边日后更张。

世空，则己心懒动；应空，则他意无成。世应俱空，彼我皆当退悔。世动则己变，应动则他更。世应皆动者，事纵见成，向后定然改换。若得世应相合，动中有绊住之功，虽变还须迟滞，目下无妨。

### 两间之爻动，则起居都阻。

间爻者，世应中之二爻也。近世之爻，恰似我家之友，近应之象，犹如彼室之亲。故此二爻皆不宜动，动则事多阻节，若得中破无妨。

### 一身之位空则祸福咸虚。

月卦者，一卦之身也，若落空亡，比同无也。自然析福不至，间祸不招。此身乃一卦之主，卜

家但识子午持世身居初之类，此乃世爻之身，亦非主卦之身也。典内但言身象者，必须将月卦为身，便知真宝矣！且如占得泽火革，人说巳亥持世，身居六身在未爻非也。世若空亡，方用此象代世之劳，耳殊不知革者二月之卦，二月建卯，恰好取初爻卯木为身。譬如官问升迁，此卦身值子孙克伤官鬼，此卦焉得高升？

### **凡欲久长，用宜安静；如求脱卸，主利交重。**

人求安乐久长之计，最要用爻安静，若逢发动及冲破空亡者，决不久留。如问脱货离乡迁移改造变产等事，须得用爻发动，事必有成。用若安静休囚，必然阻滞而无疑矣！

### **用木，金来纵吉而不吉，用土，火到，虽凶而不凶。元神却要生扶，忌客最宜制伏。**

且如用爻属木最嫌动出金爻，水如并动，木又贪生忘克，反作佳祥。金动火又动，金被火伤，亦不能伐其用水也，但恐土动生金更无水助，其祸倍加；纵然有气之水，凡遇土金皆动，决不为佳。又论用爻属土，最喜南方火到，如卦中火动或土变火爻，皆为吉兆。但变午火为生，若化巳爻为绝，卦中巳动善能助土之威，亦非为绝土。如变木，卦中纵有火兴，终难扶起。如象内木火皆动，主力转加，若木静火兴兼水动火亦无功，土无倚赖。复陈水作用爻土为忌客，金乃元神，金摇土亦摇，重重之美。土动火亦动叠叠之凶。土遇克冲为福，金逢生助为恩，以上诸爻，余皆仿此。

### **用神旺相，事必亨通，主象休囚，理当愁闷。**

人间占卜切莫乱言，一不可将卦名而断，又不可凭星煞而推，单看用爻，丝毫无惑。如婚姻卦内，男占妇，以财为主，女占夫，以鬼为先。儒学以文书为用，仕宦以官鬼为凭。俗言考试看官父，结婚推财鬼。凡用神只有一爻，岂云二象？凡占事，若得用神旺相，永远亨通，纵发忌神，终无大害。主象若值休囚，即时愁欢，如遇元神动助，远可为祥，若遭忌客来伤，必成凶咎。如或化出生扶，仍为吉断。

### **卦无凶而用爻失位，后查值日方成。爻有吉而主象逢空，漫看冲时可就。**

凡占事体，各有用爻，若卦内仇神忌神不动，元神已得司权，独无用爻者，未可便言不吉，待后用爻值日，无不佳矣！且如问行人，妇占夫到，十月甲辰日卜得家人之益，此卦忌神不动而仇神又空，元神正临身世，独嫌卦内无官，伏出辛酉金在三爻亥水之下，又怪伏生飞名为泄气，目下未来，待后申酉用爻值日便得相逢，果应己酉日到也。其中更有主象空亡者，事事嫌凶，谁知空中有真假不同，还宜细辨。且如八月甲辰旬卜得卦中寅卯之爻却是真空者也，纵见水动永不生扶。辛亥日也，非相助亡必须动化生扶，稍为半用，若再临月破，纵动无功。如爻内忌神不动，元神不空，惟主象独空者，又不临于月破，细查何日冲起空爻，名为填实，反有用也。且如兄占弟病，二月甲申旬壬辰日占得讼卦安静，卦内元神虽旺，独嫌用值旬空，细推空而带相，决不伤身，过旬方好，

待后庚子日冲实，用爻不受水克，其病此日全然瘥也。

**忌象交重用象无，主象他时逢受害。用神衰弱元神绝，忌神异日遇遭伤。**

卦内无用爻而元神又不动，仇神忌神皆发，既无主象者反不受亏，但恐后来日值用爻透出，反遭忌克，定主损伤。又如卦有用神而休囚又发动，元神又不得地，日月况不生扶，又不之生旺之处，独喜忌神不动，旦夕未伤，只恐后来忌神值日方克用爻，其祸必难逃。

**一神独发，此象非轻；五位皆与，静爻最重。**

人间只识所用之爻，未知为主之象，六爻安静惟凭冲动之爻，再若无冲，须推世象，一爻动，则阳爻为主，两爻动；取阴爻为主。阴者交主未来，故有权要，若同阴同阳取上动之爻为主。三爻动以中爻为主。四爻动，取下静之爻为主。五爻动，取静爻为主。六爻皆动，须看变卦为主，惟有一爻独发，其势愈大，却比所开诸爻大不同也，纵值休囚也能制旺，单不克日月二神，其余皆忌。如去生扶他象，其力更深。如值元神，福非浅受；如临忌象，祸不轻当，此即论动爻之法，未会陈变象之因，其变卦之端有二，一云一爻动则变，又云六爻动皆变，各有一情，未可执一。凡一爻动变理合京房，可用海底眼中五章六亲变法断语，父化父兮文不实之类是也，试无不验，纵然宗庙爻与变法亦同此断。凡乱动之爻变者理道周易，取动爻与变爻各配相生相克及长生十二之宫决其休咎，切莫用五章变法书推。且如夫占妻病，子月甲午旬辛丑日卜得豫之小过，此卦用爻持世，忌神虽动化绝在申，本当有救，谁知海底眼中所犯兄化官兮休下状，占病难医须见哭，后至癸亥日兄弟绝处逢生果然命尽，可应此言也。当日又一人占妻病卜得豫之恒卦，此卦有两爻发动，巳火子孙变成亥水父母，卯木兄弟又变酉金官鬼，内有二爻动者，故不准兄化官兮休下状，占病难医须见哭，反取兄弟化为冲克不能克制财爻，后至丙午日才遇生扶，妻病全好，此将生克定之，故此乱动不可将京房书断，却宜细详。

**世与卦身专主非可轻言，旺与动象司权当为重论。**

凡占诸事，先察世爻。次评身象。世者一卦之主，身者作事之人，故宜旺不宜衰，喜生不喜克，又取旺相及发动之爻。世权最重，遇吉则吉，逢凶则凶，凡休囚安静之爻，纵有三扶亦不能及其旺动之爻也。

**吉内藏凶非是吉，凶中有吉不为凶。**

且如卦内用神发动元神旺相又无忌神者，乃大吉之卦也，岂知用爻化出忌神日辰克制元神，或卦变反吟伏吟及墓绝者，便为吉处藏凶也。又如主象休囚忌神发动，本作凶推，岂知日月生助用爻，或主象变为生旺，忌神之为冲克死绝者，便为以凶化吉也。假令木为用象水作元神，金为忌客，土是仇人，仇人者，我去伤他何以为仇也，所凶此土向被木伤，无能抵敌，不过暗中妒忌，逢金即生，

见水即克，阴中报复之类，故曰仇人也，凡事逢之，无不为祸。如忌神不动者，仇人纵发难以为殃。木为用象，卦中金动土亦动者，祸不可当，但逢水又发动，正所谓贪生忘克，其福更加。又如木土皆不动独受金伤，如得火兴，金遭火克，此木又不受其制；其除火土金水四用神者仿此推详。且如丑月辛丑日来问见官，卜得坤之剥卦，此卦子孙持世发动，更得日月生扶本为佳兆，岂知子化官兮防祸患，占病忧疑尽不如，以后参官果受其累，正所谓吉处藏凶也。又如问进学，巳月甲寅日需之兑卦，此卦子孙持世发动，兄又交重，经云：兄弟雷同难上榜，子孙如动不荣昌，更怪卦无文书，焉能及第？谁知兄弟虽动被日辰克制，纵有子兴亦被日辰冲破，此兄子二爻皆无忌也。况月建文书伏在二爻长生之下，更喜官爻值日竟人泮宫之首，亦所谓凶中有吉也。

**太岁乃一年之主，时辰掌顷刻之权。日主宣威于一日，远近皆徒；月将出令于三旬，往来咸服。**

太岁乃帝君之星，占久远大事者不可不用，如问目前小事不必论之。凡时辰之爻，基中或有用处，问当日事情却宜细辨，但不管次日之事也。年月日时四建惟重日辰，日乃君主之爻，岂止旦夕之事，数月之间吉凶无不相应，况为六爻之主宰，其力非轻。凡值日之爻纵变冲克墓绝，亦不受其害也。虽遇月建来伤，当日无咎过后成凶。月乃万卜之提纲，能管往来之祸福，用象如临月内，永远亨通，如值忌神，始终坎坷。纵被日辰冲克，不过当日为殃，改日无咎。凡此四建各有所专，时辰管一日之吉凶，日主管一月之祸福，月建管一年之得失，太岁管永远之荣枯。又察情之重轻事之远近，活变推详不可性一，且如问当日求财，戌月丁亥日巳时卜得蒙卦安静，此卦六位无财，所喜本宫金财伏于四爻土下，飞能生伏，便言有财，还怪用爻不透，直待酉时值财当得。又如此月此日问月内何日得财？亦占蒙卦，待后丁酉日果得财也。凡问何日者，须看日辰为主，不可以时辰定之。又如问远路行人，妻占夫本年内何月到，酉年卯月乙酉日卜得旅卦，此卦六位无官，喜本宫亥水伏在申金之下，官赖财生，年中必到，但嫌用爻不透，日下未回，直待本年十月内甲寅日官临月建，又得日辰冲飞合伏，其夫准到。又如妻占夫出外多年，要知何年返舍？此月此日亦得旅卦，便言亥年方到，不可将亥月推之，果然己亥年正月到家，应此理也。故看卦之法，须审来情，活变断之无误也。

**月卦者，作事之身，官鬼者，求谋之主。卦内无身，百样事情无定向；爻中少鬼，万般谋作总空虚。卦动二身，事知叠叠；爻兴两鬼，祸至重重。官爻不动不空，胜心之美；身象不冲不陷，如意之欢。**

月卦按阴阳之理一卦之尊，故为所作之身也。卦若无身，事无定向。如卦有二身皆动，事系两情或更两度，必然重叠，若值空亡，祸福皆不实也。如卦身不空不破者，又得生旺之乡，无不如意。复论鬼爻能助文书能克兄弟，故为主也，凡人间所重者钱财也，最嫌兄弟来伤，若卦无官鬼，兄必

专权，财遭耗散，事必空虚，须待官来制兄，财能积聚事又可成。若卦内两官皆动又化出官爻，更得日月帮比祸起多端殃来不息，只有官宦遇之连升数级，必主重重迁转也。惟官爻宜静不宜动，宜透不宜空，若在卦不冲不陷者，事事皆亨。

**出行动土及迁移，官空反吉；孕育田蚕兼六畜，鬼动成凶。**

官鬼之爻，万事之主，惟有出行、行人、迁移、动土、改造、生产、田蚕、六畜，无鬼大吉，空则亦然，如鬼动大凶也。

**日带凶神发动，长者之殃；时临恶煞交重，少丁之厄。阳动忧于男子，阴与祸及女人。**

日辰为尊长，时辰为卑幼，阳爻为男子，阴爻为女子。看那爻临官鬼并凶煞动者，便知谁人有患。且如问家宅，那时卜得损卦二五爻动，此卦二爻官鬼属阳，正值时建动，便断儿童有病，又五爻属阴虽动而不带官爻凶煞，故不断女人之疾。凡有爻动不带官鬼者，不可言病也。

**父动，子孙僧道克，蚕畜无收。父空，尊长屋船亏，文书不就。**

父母为尊长，不宜发动，动则能伤卑幼，兼克僧道、春蚕、六畜等件，如兄弟又动者，生助子孙亦不相克。若财又动者，本爻自受其伤亦不克子也。父爻又不宜空，空则文书不就，并伤尊长、舟船，房屋之类也。

**兄动，妻灾奴仆患，资财耗散事无成。兄空，友绝弟兄亡，家业清安儿少育。**

兄弟为奸诈之神，故不宜动，动则有伤妻妾、弟妇、嫂、仆、俸禄、货物等件，并耗资财。若子又动亦不然，或子静鬼又动，本象自遭鬼克，岂得伤财？兄爻亦不宜空，空虽家道清安，又主儿孙欠旺，并妨弟兄朋友也。

**子动，夫伤官职退，民间有废无殃。子空，儿损畜蚕虚，朝内少贤多奸佞。**

子孙为至吉之神，动则朝无奸佞，民有祯祥，多生儿女，广获财源。惟有占官职并问夫病，亦不宜动也。此爻又不宜空，空则儿孙受害，蚕畜虚浮，问功名及夫病者，遇空反吉。

**财动，椿萱受害，文事难圆。财空，妻仆遭屯，利资绝望。**

妻财为财利之神，在相不宜动，动则文书不就，举状无成，兼伤尊长之新，又损田、车、房屋，加鬼动则不然。财爻又不宜空，空则亏伤资本兼损妻奴，又伤财帛。

**官动则有妨手足，病讼将萌。官空则有犯夫君，功名未遂。**

官鬼为祸殃凶恶之神，世上官灾火盗，无鬼不为。发动则有伤兄弟兼作祸殃，又不宜空，空则功名不显，夫主有亏，诸般谋事少成，家资耗散，此爻不动不空，便为佳矣！

**先道六亲空与发，次陈六兽动和冲。龙为良善清高喜气利名之兆。**

甲乙为青龙，其神属木名东方春季得令，应甲乙寅卯之日所主，屋宅之左轿要毒观舟车贵宦、

僧道、嫁娶喜庆善事生育、竹木青缘、发作，此神若遇动处，无不为祥，纵带凶神恶煞亦不为歇，病遇得和病遇得解，问喜即成、问财即得，但不宜冲，冲则其神失半，又不宜空，空则永无嘉兆也。凡月建青龙与戊辰青龙同断。书云：卦中吉将号青龙，作事求财喜气浓，名则嫁娶皆遂意，假饶忧事也无凶。

**蛇主虚浮、惊恐忧疑怪梦相于。**

己上为戊土，其神为赤，无正位，故戊土之，次附勾陈，应戊己辰戌丑未之，其遇主出路绳索粘带缠绵怪异梦寐火虚惊哄诈自己赤色自件，月建螣蛇与日螣蛇同动，则概事不宁，空则武辰传神书云：螣蛇终是有忧惊怪梦邪魔恐见侵举相，女人多遂、退安然，守静始清平。

**朱雀宜音信文章，又作祝融词讼。**

丙不浅坎省江神妇伏临南方夏季得令，应丙丁巳午之日，所主星宅之前应灶吉烛热灾宜敕文书契券公讼音信闹闹焦紧干旱女产安舌朱紫等件，月朱雀与日朱雀同动，则事事皆兴，空则八般减灭，书云：朱雀临爻卦上来，文书发动事难谐，发讼欠光并口舌，求谋交易尽心隙。

**白虎利武官，胎产，况招丧服血光。**

庚辰为白虎其神属金，居西方，秋季得令，应庚辛申酉之日，所主屋宅之右、金玉瓦石刀兵杀戮丧服凶祸哭泣血光生产卒青龙素等件，大白虎与小白虎同动，则诸般不吉。空则产孕动生。书云：白虎爻惊事不祥，多招疾病亦灾殃见血，强作有孝服关防谋害及争刚。

**勾陈是田土公差坟茔迟滞。**

戊人为勾陈吉神属中央，则春季月当令，应戊己辰戌丑未之日，所主屋宅之中。州郡城廓田土坟墓阴晦垣塘隐伏迟滞堆垛伏尸蛊毒山林埋藏公差黄色等件，大勾陈与小勾陈同动，则事见迟留，空则田禾不利。书云：勾陈事事主勾留遁闷迟疑未罢休。若乃求官官未至，望求财物亦难过。

**玄武乃阴人盗贼水利奸邪。**

壬癸为玄武，其神应水居北方，冬季得令，事应壬癸亥子之日，所主屋宅之后阴雨江海池井坑厕湿润贼盗小人除私奸淫暗昧隐神随胎姦吝玄黑等件，大玄武与小玄武同动，则人事不安，空则江河枯竭。书云：玄武原来是暗神，逃亡淫盗每相侵，求则难托终无实，赌埔交关不称情。以上所论大六神者，即月建六神也，各有起例开后，六青龙正月从寅上起顺行十二位是也。大朱雀正月巳上起顺行十二位。大勾陈正月从丑上起顺行十二位。大螣蛇正月从辰上起顺行十二位。大白虎正月从申上起顺行十二位。大玄武正月从亥上起顺行十二位是也。

**龙往巫山半为吉断，虎行南地稍作凶推。土中玄武贼轻，防木内勾陈田欠熟，雀堕江湖官司易解，蛇游草木怪梦反成。**

青龙属木，遇水为恩，若值金爻非为全吉。白虎属金，遇土传加横势，若应午地，不为大凶。玄武属水，遇金传盛，如居土位，盗贼稍防。勾陈属土，遇火添威，若在木爻，田禾欠熟。朱雀属火，见木增光，若入水中，讼当熄灭。螣蛇虽附土中，本原属火，通水难伤，逢木不克，故为妖怪之星也。

### **旺相则吉凶来速，休囚则祸福行迟。**

吉凶二字临生临旺方来，故旺相而速。休囚之爻目前未发，待后生旺之日言见。吉凶远则取月，近则取日，活变推之永无差错。

### **动则有变有更，空则无忧无喜。**

凡爻动必有改更，山动则自己之变，应动则他人之变，财动不聚，鬼动不宁，父动费力，兄动不成。子爻若动不利功名。凡爻神休囚空者，此同卦无此爻也，吉不为喜，凶不成忧。

### **长生与帝旺，远日兴隆。冠带临官，近时茂盛。**

用爻值长生帝旺之中，并不受他爻伤克，非管一时之吉兆，尤关远岁之亨通，忌神遇此过不可当。冠带临官二位。远则主三四月之吉凶，近则主三四日之祸福。

### **衰病半凶之祸，受克全凶。胎养半吉之祥，得生全吉。**

自古成功者退故为衰，初泄气时故为病，此二爻不可便为凶兆也，如再得生扶者，复有用处，比旺相同，如遭克制便为不祥。论五行之气，旺而衰，衰而病，病而死，死而墓，墓而绝，绝而复转为胎，胎既成而为养，养后又起长生，此乃周而复始之道也。胎养二爻相近长生，故有半吉。细辨胎不如养，养力更加，如再得扶助者，与长生仿佛也，如逢克破仍不为祥。

### **墓库但逢冲破，若动若兴。死绝不遇生扶，如无如陷。**

凡爻神入墓者，便曰暗藏，吉凶未应。其墓如得冲开透出，此象犹如不墓者也，且如问出行？戌日占得既济之屯卦，正是世变入墓。经云：远行世墓身难动，岂知戌日冲开辰墓，透出水爻，故当日中时得行也。死绝二爻各有分辨，死处还轻，绝中尤重，死象救而还易，绝爻生起尤难。救死不论阴阳，三象扶助回生。救绝须得寅申巳亥之爻，遇之有用。且如问借物？丙子日卜得否之遁卦，此卦财爻发动持世，所嫌化绝在申，故未能得，虽有当日水难生绝木，直待丁亥日才遇绝处逢生，方得入手。死绝之象若不遇生扶者，比同无此爻也。

### **土至酉中金至午，遇败而无成。火临兔上水临鸡，反生而有力。**

沐浴之爻又为败论，总是一爻内有分辨，其中逢生为沐浴，遇克为败，且如金临午地金被火伤，岂为沐浴乃为真败也。又如水土败于酉内又不同，土到酉而泄气本日败乡，水行酉地逢生，当云沐浴，余皆仿此。

土逢已绝不可言生，金遇巳生终难言克，此凭日月变爻而断，非因世应动象而推。巳爻持世必伤金，巳象动兴能助土。土爻临巳日、巳月或变出巳爻，皆为绝论。又如卦内巳爻持世或动出交重，便言生土之功亦非绝也。又论金变巳爻，乃是自身化入长生，岂云伤克。但若卦中巳动能伐其金，永不作长生也。

**墓库曰藏，有刑破冲开之法。空亡曰陷，有补虚填实之方。**

凡用爻入墓便曰暗藏，若遇刑冲即为开局。且如丑月戌日妻占天病，卜得革之困卦，此用官为主象，未土正临月破，丑土变入辰墓，此二官皆非吉也，幸得戌日冲开辰墓透出丑官，后至申日病即愈也。凡爻值空亡便为落陷，若变为相冲或得日辰冲者，皆为补虚填实，不为空也。倘若月建来冲，名为月破，正所谓空而又空也。

**陷叨月将生来，非为全陷；空被提纲克去，乃是真空。旺相之爻过旬方用，休囚之象到底无功，伏藏值此犹轻，出现临之更恶。**

凡论空亡者，有轻重真假大不相同也，当详月令，便见假真。若得月建生扶，只为半空，如土空正二三月，各有所辨，正月土空，寅内暗藏丙火土得丝毫生气不作真空。又论土逢三月正当旺地，岂作空亡，虽空，主一旬不利，过后还原。惟独土临二月，木能克土，乃是真空，余月仿此。如空临旺相之乡，旬内断不为吉，旬外便不为空。惟独月破之爻，纵然旺相亦藏之内，乃他宫之象，此祸尤轻，若出见空亡亲卦之爻，其凶愈甚。

**陷元神而最多坎坷，亡忌客而永没屯坛。**

空亡亦有可用不用之分，如值用神元神者，断为凶兆，若临仇神忌客者，反而无虞。

**男空则远行不利，女空则近日多殃。**

凡男子占，值空者，不宜出境，若出外谋事不成，反遭疏失，如女人遇者，旦夕必有灾殃亦不宜出门也。

**财空富而不厚，官空贵而不荣，子空儿女必伶仃，父空屋室还衰败。兄空则弟兄少力，间空则媒保无能。**

六亲值空皆不宜也，妻财落陷，妻无相夫道，仆无助主之情，资财不聚，诸利无收，官鬼如空，功名不显谋事不成。夫主寡情，牙人少力。子空则儿多不育，后代凋零，生涯不久，贼寇难擒。父空则上人不佑，房宇萧条，舟车亏损，文事难圆，兄空则弟兄少力，朋友无情。惟间爻为中为保为媒，空则皆无力也。

**陷勾陈而田非久远，空玄武而盗不侵欺，蛇空闲梦假妖邪，龙陷虚胎非喜戾，雀避则讼非不起，虎虚则丧孝无干。**

青龙空，喜星未照。朱雀空，讼事不成。勾陈空，田坟皆不久。螣蛇空，怪梦总无疑。白虎空，悲丧不作。玄武空，奸盗潜形。

**内卦若临空宅，休居异地。外宫如犯迁移，勿往他图。**

内宫为现住之方，空须莫住。外卦乃未居之地，陷不宜迁。

**不测之灾遇者，身还可救。绵延之疾逢之，命不回生。**

旬内得病者，用若逢空，盖因空而有病，岂断伤身。惟久远之灾，主象若临空地，决不再生也。

**空世则己心疏懒，空应则他意徘徊。**

凡占以世为我，应为他，皆不宜空。世空，则自己无心作事。应空，则他意睽违。空中动出不为空，墓内推开非入墓。

凡发动之爻，切不可作旬空而断。冲门墓库，定不为入墓而推。凡值旬空或临月破，吉不能合生于物，凶不能冲克于神。凶者旬空之杀，当辨兴衰。

**恶者月破之神，无分生克。**

卦内空亡及月破之爻，永不能生扶他象，又不克制他人，冲合亦然。空亡又不受他爻生克。

用爻空者为凶，又看旺相者轻，休囚者重，如临月破之爻，不拘衰旺概作凶推。纵有动爻日主来生，不能扶起，逢生不受，遇克能招，故此爻毫无所用。

**事事宜空中之有气，般般忌合处亡逢冲。**

空亡之爻若临旺相、或得日月扶持、或变为生，便为有气，凡事可成。六合之卦若被日辰。冲世或冲应、或冲用爻、或变为六冲，皆为合处逢冲之象，诸般遇此盖不为佳，惟独月建之爻不能冲散。

**逢合虽凶而易就，遇冲纵吉似以难成。**

六合之卦，爻中纵有凶神事当不吉，也有成就之时。凡遇六冲，卦中纵有吉神用爻得地，虽曰吉祥，始终不就。

**合被冲开，无丝毫之力；绝逢生起，有数倍之功。**

合处逢冲者，永不相合也。非惟不合，见冲反凶。凡爻遇绝者却，凡卦无此象也；若得动爻及变爻或日辰生起，便为绝处逢生，比在卦不绝之爻，其功愈大，用神遇之最吉，忌神遇之最凶。

**三合三刑亦有假真之论，六穿六合岂无生克之分？水会申辰，无鼠牙而不取，木成亥卯，少羊角以无妨。**

凡成局者便为三合，亦育可成不成之间，三合之局取中字为主，前一字生而主发，后一字墓而主藏，主象有发有藏，故为三合。其中有发而不藏者，事当有始无终，但有墓而无生者，事必先难

后易。且如水局之论，用子为主，生于申，墓于辰，若得三字归完真三合也，如有申子二象无辰字者，虽成水局而少收藏。又如有子辰而缺申字者，亦成水局，嫌少根源。

故先难后易也，若有申辰二爻独无子字，水象既无，焉能成局？又如木局无卯字者不成，有亥卯无未字也可合，有卯未无亥字亦成合，但缺一字者断为半吉，若得三字皆全方为全美，火金二局皆同。凡用爻值三合者，见贵谋事、嫁娶、求财、科甲、田蚕诸般逐意也。

### **寅巳申三全为煞，丑戌未一缺非刑。**

三刑者，必得三字全而为刑，如缺一字不为刑也。譬如用在寅爻变为巳地，或卦中申动、或申日年占，便为煞。又如有戌未而无丑、或有丑戌而无未，缺一字者岂得为刑？又论刑之起例，刑者乃是四局而刑四类，木能刑水；水又刑木。唯金火强自刑其方，且如亥卯木局能刑亥子丑水类，其中亥刑亥、卯刑子、未刑丑是也。申子辰能刑寅卯辰，申刑寅，子刑卯，辰刑辰是也。寅午戌就刑巳午未，故此寅刑巳、午刑午、戌刑未是也。巳酉丑又当刑申酉戌，巳刑申、酉刑酉、丑刑戌是也。

### **用辰卯害本为殃，用亥申穿非作祸。**

穿心者，即是六害也。且如主象在辰化出卯地、或卯日占之，害中加克乃主大凶，用子见未相同。又如用临未位见子来穿，穿中带旺，故为半凶。亥为用象申字来穿，此论长生非为六害，毫不成凶。用丑见午，用酉见戌皆得生气，无害于事。又如用申见亥，本来泄我之气，岂不为穿？用寅见巳，泄气又加刑兆，其凶愈甚。用巳见寅，叨生无忌，虽不作福亦不为殃，一见申来，此是三刑带害，其祸倍加，此等爻辞何以为之六害，合处逢冲故成害也，正所谓得恩未结，离间乘之，且如子与丑合，未来冲，丑子被穿心，或见午来冲，子即丑补穿心，各官细察六害皆同。六害者，害物伤象之神也，正是冤家之煞，仇敌之星，凡事逢之无不受害。

### **用戌卯合被克而反凶，用酉辰谐叨生而果吉。**

戌为主象，见卯合合中带克，还成半凶。用子见丑相同，又如卯是用爻，遇戌来合我必欺他，当为吉也，复论酉为主象，合见辰来，金赖土生必获无穷之福。用寅见亥，用未见午者同。又如土居午上，合见未来，终嫌泄气之爻，乃为半吉。复论用申巳合。断作长生，岂云相克？一见寅爻，乃是三刑之煞毫无合气，此祸大凶。用巳见申无寅为合，虽合稍嫌刑兆，半作吉祥，以上诸爻概论。地支相合再得天干又合者，此是天地合德，非此寿常之合，受恩非渚享福无旁，见伤不伤也。

### **合处带生，百事见之皆事悦。害中加克，干般犯此尽忧屯。刑则骨肉伤残，穿则亲邻不睦。**

六合咸称吉象，若问遣人出狱以非宜。六冲各骇凶爻，如占散讼脱灾而反利。

六合之卦事事皆祥，惟有出妻遣仆撇友辞亲离祖分居出监脱锁，遇之反被牵连未能遽解花得，

合处逢冲便能消散，六冲之卦，虽曰凶爻亦有宜用之处，凡占散讼脱灾诸般离别，逢之便得如心，终无连累。

**青龙才福为祥，破之不吉。白虎兄官为咎，用之不凶。**

青龙妻才子孙贵人、天喜、禄马、天医等象、咸作吉推，如临月破旬空或被动爻及变爻伤克，便不吉也。白虎兄弟官鬼朱雀勾陈羊刃天地传杀之类，本作凶推，惟白虎利于生产，朱雀利于文书，勾陈利于田土，羊刃用在兵权，问手足须观兄弟，占仕宦必用官爻，孕育卦中胎若逆生者，必要天地传杀动则以逆化顺，以上诸象各有所宜。

**日建岂为月破，月建非作旬空。**

凡月破之爻决无解救，惟独日主临之，不为月破。且如正月申日，二月酉日，占者不犯也。旬内空亡亦有全空、半空者出。阳日遇阳爻、阴日逢阴象，皆作全空。阳日逢阴、阴日逢阳者，皆作半空。惟月建之爻，永不落旬中之空也。且如四月甲午旬占者，巳爻不空也。

**卦静逢冲为动，爻安遇合为和。动处见冲为战征而散，动中加合因羁绊而迟。**

凡冲者有二：有日辰冲，有动爻冲。若日辰冲，不拘衰旺。动爻冲却辨三：衰旺相善能冲休囚，休囚不能冲旺相。又云空逢冲则实，静逢冲则动，动逢冲则散，惟日月二爻从动逢冲决不散也。自古旺相见冲则发。休囚见冲则散。安静之爻逢合最能迷逗惰傲。若占脱卸之事，最喜用爻发动，又被日辰或变爻合住动爻者，反遭羁绊事必迟延。且如子占父来，甲戌日占得垢之干卦，初爻父母带青龙发动又临世上，理应当日回来，岂知变爻合住用神，故未能到，直待壬午日冲破子合，方得归家。

**用旺有绊持，虽遇凶星难作祸。主衰无救，助纵逢吉曜那为佳。**

凡占卦，先推用象，次察元神，若临旺相或遇生扶便言吉断，纵有凶星恶煞，虽以为殃。象若值休囚又无生助者，岂得如心，有天喜青龙贵人吉曜同宫，终非为福。

**身后世后及重爻皆为已往，身前世前兼交位各主未来。**

月卦之爻与世爻同看，爻在身世之后，便为已往，若在世之前，便断将来。又云重主过去，交主未来。

**游魂宜出外，归魂利返乡。**

游魂之卦最利迁移、并远出更改等事。若游魂又化游魂，更后复当更改。归魂之象最利返乡复旧，不宜出外迁更。

**内为体，外为用，逢生云吉，克云凶。动为速，静为迟，见合曰成，冲曰散。**

论卦，内三爻为体，外三爻为用。又云主卦为体，变卦为用。凡诸般爻象逢生则吉，遇克则凶。

动则急速，静则迟延。六合则利成利就，六冲则宜散宜分。

**生主发，墓主藏，伏断将来，飞断往事，阴主邪，阳主正，衰相稀少，旺相繁多。**

一应爻辞遇长生则起发，入墓库则收藏，伏神管将来之事，飞神主过去之情，阴乃幽僻之爻，阳乃刚明之象，万物旺相主多，休囚主少，空绝主无。

**事有大小始终缓急，各审其因。卦开前后飞伏正之，概详其理。初求内外三爻为飞为正为前卦，次化阴阳二象为变为之为后爻，卦静无之方取互，世空无主却凭身。**

凡占下之卦即是初求内外三爻，此卦其名有三：一名飞卦、一名正卦、一名前卦，总归是主卦也。凡有动爻即当变也，变出之卦亦有三呼：一名主卦，亦名之卦、亦名后卦，总归是变入也。若六爻皆不动者，即无之变，方取互卦，以定吉凶。一以定二卦之法言之，将主卦除去初爻六爻，却把二三四爻为内卦，三四五爻为外卦。三配成互卦，若爻动取互又不同也，变卦二三四为内主卦，三四五为外。且如观之否互艮是也。主卦内身爻有二：有卦之身，有世之身，二者大不同也。卦之身，月卦是也。世之身，子午持世身居初之类是也。凡卦身之身，用之为重。世之身，司事还轻。世若不空不破，不须论身伏之爻。世或空亡，祸福方凭身位。

**之卦内之盈亏，变爻已定。互卦中之悔吝，礼用为先。**

看之卦之法，所重变爻，不变之爻虽分吉凶。且如观之艮卦，转取三爻才化绝、五爻鬼化克为重，其除四爻俱不论也。又看互卦之法，并不取十二支为用，但取体用。如干兑金、震巽木、坤艮土、坎水、离火，取入本宫配成六亲，以明祸福。惟互卦体用二爻自能生克，永不受本卦动爻来伤。且如父占子病，八月丁巳日，卜得晋卦安静，此卦六爻无子，兼看亲宫子水伏于初爻土下，又值空亡，日月二爻更无主象，必须互出水山蹇，取外卦坎水配为本宫子孙方为有救，又取内卦艮土配作晋卦父母，子被父伤，后果死也。又如夫占妻病，六月丙午日，卜得睽卦安静，此卦六位无才，亲宫子水伏在未土之下，伏被飞伤又无用处，况日月之中皆无才象，本无救也。再看互出既济，取外卦坎水配为艮内妻才，纵有月建忌神，不能伤克，至戊申日才遇长生，病果愈也。

**细观伏象之兴衰，当察飞动静，远推年月，近看日時。**

飞伏并年月日時，已注在前此故不具。

此篇概论总纲，后具分门开类。

此一章总论与衰动静，决环中得失荣枯，人间事变多端，数语岂能悉，具故分门数次第开详，正所谓天生事业，无不收藏，学者须要一字精微万无漏泄。

## 天时晴雨章第二

（占雨，取父母为主，水象为凭。占晴，取子孙为主，火象为凭。）

**欲识天时晴与阴，子孙父母定其真，次查水火阴阳理，动静与衰变化寻。**

此四句乃天时之大旨也。

**子位交重晴升升，父爻发动雨沉沉。**

子孙为日月，若不受他爻刑克，又不临月破旬空，如居身世，虽不动亦主晴明，旺动则外远大晴，衰动则时下小晴。值日，主一日之晴；值月，主月内之晴，又加父动宜辨兴衰，父旺子衰决非晴齐。父衰子旺，原主光明，若兄弟再动又助子威，天必久晴兼主风发，子化子或化兄，皆主久晴。化才，后主阴晦。化鬼，后主天变。化父，即变雨也。父母者，为雨也，如无伤克及不空亡，若临身世虽不动天时已变。旺动则大雨，衰动则细雨。值日，则一日之雨，值水，则月内之雨。才如同动却看重轻，父衰才旺，纵雨不多，父旺才衰，淋漓未止，鬼又动此雨倍加。若父化父，雨必连绵。父化鬼，雨未止而添雷。父化兄，则风雨交作。父化才或化子者，雨变晴天。

**雨逢水动晴逢火，晴见阳多雨见阴。**

天时原以水为雨，火为晴。水动，则有雨水。化水或化金，其雨转盛而连绵。化土，虽雨不多。化木，雨后生风。化火则变而为晴矣。火爻动则晴，火化火，晴能久远。如化木，晴久生风。化土，日后起浮云。化水，晴变为雨。又以阳为晴、阴为雨，纯阳水静则久晴，纯阴火静则久雨。阳化阴即晴变雨，阴化阳即雨变晴。

**卦遇干离朱雀动，九天红日照乾坤。**

问阴晴，以外卦为主，内卦为次，先推外卦，可别晴阴。凡水火二爻及朱雀玄武，皆管目前晴雨。惟内外卦体能期久远天时。外卦若属干与离象，必主久晴。朱雀动又主晴明。

**爻逢坎兑加玄武，四野淋漓水满村。**

外卦者临坎兑二象，必然入雨。若化出干离，雨即变晴之兆。又论玄武爻，定有雨意。

**震野鬼兴雷灌耳，坎家父动雨惊心。**

官鬼为雷为冰雹，若在震宫动，其雷愈大。再加白虎，雷必伤人。鬼居坎内发者匪为冰雹。土鬼交重又临世位，必见黄沙。如父动坎宫终见倾盆之雨。

**巽宫兄发为风报，坤艮兄摇起烟云。**

兄弟为风、为雾、为露、为云，在巽宫动者，其风异狂。在艮动，则与云势。坤内动，则烟雾迷空。若在干离则为霜为露。

**六冲，雾散清光透；六合，云迷雨便临。**

卦值六冲，定主云消雾散，纵动水爻，终无大雨。爻逢六合，雨意将成，再加水摇，雨当即

至。纵有火动，决不久晴，若得合处逢冲，便为晴论。

### **应克世爻晴可望，世爻克应雨将倾。**

世爻为地，应爻为天，又以内卦为地，外卦为天，故此应克世者晴，世克应者雨。世若逢空亦无雨至，应如空者，天不逐人，祈晴不晴，祈雨不雨，内外相克亦然。

### **鬼变文书雷致雨，兄之福德见风晴。**

鬼为雷，父为雨，鬼变父者，必先雷而后雨。兄为风，子为日，兄化子者，待风发而天晴。

### **又云雨变晴天父变才，坎之离象步清街，阴化阳爻水化火，后卦逢冲云渐开。**

父母化才，及坎之离卦，阴化阳、水化火、或化出六冲，皆为雨变晴天也。

### **晴天变雨离之坎，子化文书水没台，阳变阴官火变水，之成六合雨将来。**

离卦变坎、及子孙化父、阳变阴火化水，或化成六合者，皆是晴天变雨也。

### **久雨但占何日止，当寿那日制文书。应来克日天收雨，日月光华子值时。**

久雨占晴，须得妻才当道、或子孙值日，便主晴明，又论应为天界，如来克日者，又为晴阴。

### **久晴又卜谁朝雨，父母相临足可知，父静见冲天定变，应爻生日细详思。**

久晴占雨，须得父母值日、或冲动父爻，雨皆可望，又看应临那日，便察雨来，学者自宜通变。

## 地理风水章第三

（未葬，取父母为主，宜旺相以生身。已葬，取官鬼为凭，怕交重而克世。）

### **坟莹之卦忌相冲，化出冲时恐泛洪，合处逢冲皆大忌，子孙失位莫安莹。**

择地之卦，大忌六冲。惟洞林秘诀内收用乾坤二卦，六冲乃水走沙飞之地，岂可安莹？况世为主穴，临下则吉，临上则凶，八纯世在最上之爻，焉能有穴？故八纯与六冲皆不用也。或变出六冲及合处逢冲者，目下虽安后必败迁，如下，终见泛洪必难久远。又论子孙为后嗣为祭主，若不上卦，必无覆宗无人祭扫。

### **世爻福德为坟主，二位螣蛇作穴中，此等爻无空破绝，葬之后代定兴隆。**

世爻为主山，子孙为后代，二爻为正穴，螣蛇为次穴，此四等爻象皆不可值旬空月破并临绝地，如不犯此葬必兴隆。

### **二陷蛇伤无穴地，世空子绝少儿童。**

二爻逢空月破，必无正穴，螣蛇再绝傍穴皆无。世爻与子孙若临空绝者，难招子息也。

### **生坟父象宜安旺，葬墓官爻忌动空。**

父母为坟地，未葬之时，不宜空破，若得静旺最吉。官鬼为伏尸，已葬之后只宜安静，动则亡

者不安，空则尸骨毁损。

**父静子兴身世旺，桂馥兰芬家业荣，子得五爻生兴合，官临吉曜受皇封。**

父母为坟地，宜静不宜动，动则恐伤子息。子为后嗣，身为坟主，世乃坐由皆得旺相者，后招百子千孙，家业荣华之兆。五爻为天子，如来生合子孙官鬼为功名，若带青龙贵人，儿孙必贵，定沐皇恩。

**后山不正亏玄武，朝向无情朱雀冲，右处岭伤空白虎，左旁凹缺陷青龙。**

玄武坟之后，又为靠山。朱雀坟之前又为案山。青龙坟之左，白虎坟之右，此四兽皆宜得地，如有一爻空破，便知一处刑伤。

**世居五六非成墓，应是宾山莫遇空，间作明堂宜旺相，明夷定有伏尸凶。**

世爻为坐山，又为主穴，如临五六之爻，定见绝嗣之叹。如在四爻之下后代繁华。应爻为宾山，若遇空、冲破，绝定对残岩损坏之峰。间爻为明堂，旺相则广阔，休囚定窄狭。官鬼为伏尸，若临辰戌丑未正持世上，必被前人葬过，不可用也。

**内克外爻忧损失，内生外卦得亨通，外离受克中房败，外震逢生长分丰。**

凡占阴宅，以内卦为地，外卦为人，地若克人，必遭损失，人如克地，定见祯祥。地若生人，儿孙繁茂。人如生地，后代平常，要知那分荣枯，须察外临何卦。书云：乾坤父母众房吉，震巽二卦长房推，坎离便作中房论，未房艮兑看祥禧，所属何房利不利，进退成败皆可知。且如卜得未济卦，内属坎水，外属离火，离被坎伤，便曰中房不利。又如水地比卦，内坤外坎，水遭土克，亦主中房不宁，又如雷水解及风水涣卦，俱是木赖水生震巽有气，可断畏房发福，余皆仿此推详。

## 朝廷国事章第四

（以世爻为主，应象为佐，六合子旺为吉，六冲杀动为凶。）

**国泰民安，共际唐虞之化育，河清海晏，全资文武之匡襄。**

云国之宁靖，民之太平，幸生尧舜之世，沾其化育。而黄河澄清，海波宁息，皆藉文臣武将之力匡扶而致治也。

**欲知宗社之安危，须审易爻而较量。**

宗社乃宗庙社稷六朝廷治则安，乱则危，审析易理爻辞，而可剖决吉凶也。

**亲宫为邦国，大忌空亡；本卦作朝堂，最宜旺相。**

本卦者，乃所占之卦名，亲宫者，乃本宫之卦也，故为邦国朝堂，皆宜旺相兴隆；大忌空亡墓绝。

**初属黎元，吉曜当权培国本；二为士子，文昌得令焕文章。**

初民为邦本，欣临吉曜，二士属文明，喜值文昌。

**喜聚三垣，守令贤齐于渤海。**

喜者，天喜是也，若值二爻，则固守邑令贤能同于汉之龚遂也。昔龚为渤海太守，化民卖刀买牛故云。

**贵临四位，公侯绩迈于汾阳。**

贵者，贵人星也，若临四爻，则卿相公侯之政绩过子唐之郭令公子仪，郭以文武全才辅佐肃宗克复西京，中兴伟绩，赐爵汾阳王故云。

**福德司权，君子进而小人退。**

福德者，即子孙，用爻值之则正人在位，邪佞潜踪。

**青龙当道，干戈偃息文教丕兴。**

**圣主躬占，当以世爻安帝座；臣民间卜，还将五位定君王。**

云当今躬卜者，当以世爻而安帝座。臣庶推占，仍以五爻而为天子，各得具理断无外误。

**不临克害刑冲，升平四海。如值生扶拱合，玉帛万方。**

克害刑冲，别章各有起例，若用爻不犯者，决主四海承平，万民乐业。卦内相生相合，若拱若扶者，则殊方绝域皆来朝贡也。

**宗庙管上爻，安静，则邦家巩固。**

宗庙者，专主社稷，若得比和安静，则皇图巩盘石之安。

**岁星关世连，光芒则国祚绵长。**

岁星，即太岁也，关乎治乱光芒旺相也，若然值此，则国祚久远无疆也。

**木位遇长生，会购买关星焕彩。**

木爻属东方，为青宫太子之象，前星者，亦太子之星，焕彩，言其得位，如遇长生有气，则德被长生。

**金官逢制陷，乃知逆节潜藏。**

金爻属西方，主兵革之象，鬼杀为叛逆之人，如有制服或随空亡墓绝，则不久潜消耳。

**粮饷论妻财，休临败绝。**

妻财为粮饷，兴隆则国本克盈，衰败则京储匮乏。

**城池看父母，莫变刑伤。**

父母为城池旺相则有金汤之固，刑伤宁无残缺之虞。

**祸福攸关于大象变通洞烛机微。吉凶不离于五行剖精研衰旺。人能格物致知，报应捷于影响。**

祸福吉凶关系，易之大象不离卦之五行，千态万状焉能悉战？筮者当察其衰旺，自宜变通活泼，相机而断，无有不验，若响之应声也。

## 出师征伐章第五

（以世应为主，福德为凭）

**折杀执俘全凭勇略，观时制变各用机谋，传受黄姜之三略六韬，布演孔明之八门九遁，虽识奇门之胜负，还凭易卦之吉凶。**

**彼我命将出师，各用谋臣参赞，故先贤授韬略之然国师布遁奇之阵，神策异谋决使全胜也。**

三略者，黄遁全上略、中略、下略也。姜子牙六韬者，文韬、武韬、龙韬、虎韬、豹韬、犬韬也。八门者，休生伤杜景死惊开是也。九遁者，乃阳数九遁阴数九遁也。运筹于帷幄之中，决胜于千里之外，功成名就则青史班班以贻后世，倘若勇无谋浅量编浅，机关一失，小则陷身失职，大则破国亡家。祸从此始，岂云小可哉？故曰虽识奇门之胜负，还评易卦之吉凶。奇者，三奇，乙丙丁是也。门者，八门已注篇首，坎是休门，艮是生门、震是伤门、巽是杜门、离是景门、坤是死门、兑是惊门、干是开门，虽曰八门岂为定例，自有超神接气起例，而惟此门时时改易变化无穷，再与九星配合，以定吉凶。九星者，天心天柱居于金，天冲天辅居于木，天蓬居于水，天英居于火，天芮天禽天任居于土，凡决交征之胜负，须要奇门易卦二者皆精方与此事，乃得万举万全。独用奇门者，倘然彼此皆知二敌俱从吉门而进，岂得并胜乎？况奇门者，所用接气超神为主，其中前后难评，倘若差之毫厘？谬之千里，况兵家得失所系匪轻，务宜精细参详，不可鲁莽推测，其中更有太乙统宗，天之数也。奇门遁甲，地之数也。大六壬，神人之数也。二数总归八卦，诸般不离五行。军中虽用奇门遁甲并大六壬等数者，曾如易卦与衰动静生克了然，不但推军务之一端，而更指万民之趣避。易卦者，上应天时下通人事，彰往察来，慎损益盈亏之理，开物成务验休咎存亡之机。衡者必要精详，庶无误差也。

**鬼煞司权，纵往开休生，不吉。福神当道，虽行伤死杜，无殃。**

烟波钓叟歌云：八门若遇开休生，诸事逢之总称情。凡卜出兵之卦，最嫌官鬼交重，鬼如动者，纵往吉门，决难取胜。若行子孙旺相发动或持世爻，虽践凶门，亦无所害。

**鬼值坤宫却嫌死户，子临兑卦惟利惊门。伤户云凶，震动将星征反胜，休门曰吉，坎兴大杀战还输。艮内发青龙生方大利，干中摇白虎开处非宜，离福交重景上行来能喜悦，巽宫发动杜门战去甚睽违。**

将军兵卒，要知忌入何门，利行何向，须推鬼值何宫，官临何象，莫入其门。又看子居谁卦，福在谁爻，宜由此户。且如坤宫鬼动，大忌死门。兑卦子摇，惊门可进，伤门为祸害，震宫有将星福德乃为佳。将星起例，正月午、二月卯、三月子、四月酉、五月又到午，土只此四位，周而复始，休户作祯祥。坎卦有大煞，鬼爻难获福。大煞起例云：正犬、二蛇、三月马、四未、五寅、六卯当、七辰、八亥、九忌鼠、十牛、十一在申方，十一金鸡为大煞，国家遇此岂安邦？福带青龙摇艮丙，如进生门，人获全功，鬼临白虎动干中，纵入开门未能取胜。离家子动，宜步景门，巽土官兴，杜门莫往。

### 乙丙丁奇，得无不利。庚辛癸煞，见无不凶。

乙者日奇，丙者月奇，丁者星奇，甲变三奇自然吉利。如变庚辛癸象，皆不为祥，要知卦配十干，须看范围。数丙天禄诀云：壬甲从干起，乙癸向坤求，丙向艮方取，丁出兑家游，戊自坎中觅，已用离为头，庚震及辛巽，天禄最为攸。诀内震巽坎离艮兑各属一干，惟乾坤二象每属二下，又接阴阳之道，冬至后阳令之时，干者内甲外壬，坤者内乙外癸。夏至后阴升之节，干者内壬外甲，坤者内癸外乙。又论也兵冬至后，卜得干之遁卦，即甲变月奇，又如干之履卦，即甲变星奇，设若干之否卦，即甲变日奇。如此卦爻得之大胜。又论夏至后，卜得否之归妹，甲被庚伤，干之巽卦。甲遭辛克，凡得此等卦爻，人宜出战者也。

### 伏吟反吟犯者，急须回避。大煞劫煞动时，切莫交征。

欲识伏吟反吟之法，当明卦按十二地支，亦看范围数内，地福诀云：子向北方坎、丑寅艮上山、卯起东方震、辰巳巽风间、午见南离火、未申坤地关。酉在兑方，取戌亥属干垣。如占交战最忌伏吟反吟。伏吟者有二：有卦犯伏吟、有爻犯伏吟。卦犯者如干见干、坎见坎之类八纯卦是也。爻犯者，如寅变寅、辰变辰之类，随变夬，需变屯卦是也。反吟者亦有二：有卦犯反吟、有爻犯反吟。卦犯者，下巽上干；姤卦之类，或干变巽、巽变干皆是也。行兵之际又忌大煞，劫煞交重。大煞起例已注章首。劫煞起例，云正月逢亥，二月申、三月随蛇、四月寅、五月循还又到亥，周而复始定其神，煞兴天狱煞同，出征者以上反吟。伏吟大煞、劫煞犯一不祥，无犯方美也。

### 易卦之中，大忌六爻兴二鬼。奇门之内，最喜三奇游六仪。

军中之卦，最嫌官鬼爻兴，倘遇二官皆动，祸不可当。纵然一鬼动变鬼爻亦有患害。奇门之法，却喜三奇，若在六仪之上，其美倍加。六仪者，甲子、甲辰、甲申、甲午是也。又开甲午、甲戌，利见星奇。甲子、甲申，日奇喜遇。甲寅、甲辰，月奇更吉。虽曰三奇游六仪，亦谓三奇得使者也。经云三奇得使诚堪取，六甲遇之非小裒。乙逢犬马丙鼠猴，六丁壬女骑龙虎。譬如夏至后，干之泰、遁之艮者是也。此等卦中，丙得子孙临日月，一应与兵布阵必有祯祥。

**卦若兴隆，七纵七擒皆逐意。门如旺相，百战百胜总如心。旺衰能辨乎盈亏，动静可知乎兴息。**

八卦旺衰又不取干兑金、震巽木、坎水、离火、坤艮土也，自有八节而生八卦，各按其时立春至春分，艮旺震相，春分至立夏，震旺巽相，立夏至夏至，巽旺离相，夏至至立秋，离旺坤相。立秋至秋分，坤旺兑相。秋分至立冬，兑旺干相。立冬至冬至，干旺坎相。冬至至立春，坎旺艮相。凡占出战，以内卦为我，外卦为他。若得内旺外衰，更遇吉神发动，东征西讨威镇华夷。奇门亦有旺衰，亦皆按于八节，立春后生门太旺，春分后伤门当道，只嫌大象少加，反取木能生火，景门用之。立夏后，杜门虽旺亦不为祥，故取火相景门用之得胜。夏至后，正值景门大吉。立秋后，虽今死门不宜前进，当取金相惊门。秋分后，惊门之令进无不亨，水相开门亦吉。立冬后，开门正旺，休作相门，二房俱美。冬至后，休旺生相二门，俱能迪吉。

**六爻安静宜守不宜攻，二卦交重利征不利止。**

卦爻安静更无暗动者、应又不克世爻，只宜坚壁不出。二卦者，内外也。若内动外摇，速宜出战，停留则长彼之智矣！

**内城本寨，外是他营。**

内卦与本宫皆为本国，又为我之营寨。他宫与外卦咸作他邦，更作彼之营寨。内卦兴，则吾营坚固。外卦弱，则彼寨萧条。

**世为主师之谋，应用贼魁之计。**

夫交兵对敌必分彼我，方决输赢。故以世为主将，应作贼魁。如世旺则主将心忠力勇，若旺动则耀武扬威，勤以厮杀。世若衰微，则听卑智陋。世若衰动，谋孤势寡强施为。如应值旺相，彼必强梁善略。应若休囚，则彼懦无能。故经云：一卦中间主宰，莫非凭世应。

**安营立寨，推八卦之显幽。监阵交锋，阐各爻之生克。**

行兵出战，先要择地安营。易卦之中，自有九宫八卦也。如干宫利于西北之地。巽卦利于东南之方，余皆仿此。各爻者，一卦之间上下六爻，竟不知有变出六爻、有伏出六爻、又有互卦作用之爻。六爻之内，有彼生我、我生彼，有我克彼、彼克我。须详彼此吉凶，已决输赢之理。

**世克应爻，师勇兵强剿伐。应伤世象，贼多凶炽莫撄锋。**

如世克应爻者，则我决胜。世若旺动而带福神克应，克鬼者，则席卷长驱、势如破竹，一战而奏凯矣！世若旺克而不带吉神动助，反被日辰动爻克世者，虽能取胜未获全功。若世衰应旺，彼虽受克，只可御敌而已。未得奇谋善策大专征伐。若世化子孙应化官鬼者，宜以假途灭敌，又不可复战邀功，若子孙伏于世下而冲应克应者，必须暗渡陈仓。如应克世者，必定彼赢，暂且按兵守候。应若旺而克世者，其势决识。应旺而动克世或同旺相鬼煞来克者，彼必合谋而夹战，机关匡测。应

上若加兄弟非常诡譎，加玄武必定偷营，加白虎，猖獗突甚。

**杀不克身，值交重无大害。杀如伤世，虽居安静且休征。**

夫杀者，大煞也，有劫煞、也有亡神、又有小白虎、大白虎，官鬼亦作杀神也。若诸杀或旺或动不克身世者，决无大害，若不旺不动而所克，害于身世者，必然生祸，谨慎提防。若诸杀或旺或动来克身世者，其祸骤来决非小可。若杀并日辰冲克静世者，名为暗动，必有阴谋窃劫之患，欲察何时来害，须推鬼煞生旺之期。故经云福来而不知，祸来而不觉，正此之谓也。大煞、劫煞，例注在前，亡神杀例云：正月起亥顺行十二位是也。小白虎，即庚辛日起白虎是也。大白虎者，正月起申顺行十二位是也。

**世陷，我军有难。应空，贼寇罹危。**

凡世为主将，惟伏雄强对垒折衡，岂宜空陷于？若值旬空，或临月破宫，不可妄自争先，先则有害，犀则有益。单爻属阳，发为老阳，而主过去之由，又云阳主迅速，故世居阳象，兵贵神速，速行大利，犀则大害。此系大理，故不琐耳。

**父乃旌旗，舒卷当凭乎动静。财为粮草，盈虚可决于兴衰。**

营中旌旗以父为用爻，旺相带表青龙，则绣金华丽。加朱雀则书彩鲜明，旺而又动，则高张大旗导引飘飘。若衰墓而逢白虎，则腐壤敝旧。空而又绝，或少或无纵有必然损破，但得安静，则世熊咸宁矣！谚云：三军未发，粮草先行。故卦中之妻财，作车马之粮草。如财爻旺相，是兵粮丰盛，马草盈余。玄武兴，谨防偷窃。兄弟兴，决然抢夺。若财爻衰墓，粮不多而草不肥。卦内无财，若得子化财爻，必去鄰邦借贷。此象若空若绝，粮草或失或无。

**子作先锋，旺则强，而衰则弱。兄为伏寇，现则有，而空则无。**

子孙为现之雄兵，是当先锋之论。若逢旺相，必智勇两全之将，若带吉神而能克应者，则冒险衡锋争先首捷唾手可成功矣！子孙倘遇衰墓，则柔懦无谋，难充斯任。兄弟乃好佞之神，即为埋伏之贼，若逢冲动，必在埋伏之兵，须防暗害，欲知何时犯，必推生旺日时为期，若绝若无，则不必虑矣！

**父母兴隆机关炯炯，妻财发动，兵甲纷纷。**

子孙为兵之用，父母为子之忌，若父母旺而兴，则机关迭出，诡策多端，是为伤兵之兆。若子旺父衰，则将勇兵强可作可为也。官鬼为彼之用，妻财为鬼之助。彼本不兴兵，财爻一发，则鬼逞豪强，故士卒纵横兵戈扰攘，惟要财静，则官鬼孤立无助，自然太乎矣！

**兄象单兴，恐有绝粮之患。父爻独发，岂无伤卒之忧。**

兄弟专主奸险之事，若在卦中独发，旺带白虎，则彼行凶声劫。衰监玄武，必被阴谋抽窃若得

日辰克制兄弟，虽见行劫决不脱，乃伏木牛流马之固耳。父母能克子孙，若在爻间单动，则我兵大忌，又旺带凶煞，决被刑伤。若休加吉神，则彼势稍稍亦非小视哉。

**福化文书，兵必骄而后悔无及。子之兄弟，将虽弱而大获全功。**

父母为子之大忌，若子变父者，乃是用变忌神，而克伐犹雪狮之向阳，初张威势，日渐日苏，大有刑伤噬脐无及矣！兄弟为子之元神，得子化兄者，乃是用化元神而扶助，如猛虎之添翼，越有精神百战百胜大获全功矣！

**福遇青龙，必出忠良之将。子监白虎，当差猛勇之军。**

若子遇青龙，必赤胆忠心之捷将，又加禄马贵人，必智勇谋略之士耳。子为兵卒，若临小白虎，虽然衰弱亦是壮强之卒。若临大白虎，必是骁勇猛烈之雄兵也。

**劫煞乃是凶星，怕临鬼动。亡神谓之恶曜，忌并官兴。**

官鬼谓之贼魁，若休衰，可战易剿。若旺相，必是强梁谋勇之贼。若遇发动，则不可抵挡，岂可再加凶煞并行乎？凶煞者，即劫煞、太煞、亡神也。列注在前。若官鬼发动，勾同诸煞来克身世者，决主彼势猖獗，我军大有损伤。

**杀陷鬼摇虽凶不振，官空煞动纵乱勿忧。鬼煞并兴，兵马云屯成大战。官凶俱绝，干戈顿息庆清平。**

征战爻中，最忌鬼煞二神，若煞神空绝，官鬼纵然发动，难成大害。若官逢空绝，各煞虽是兴隆亦无重祸。若鬼煞俱动，则鬼随煞势煞趋鬼威，云屯曦聚大肆鏖战。或克世冲世者，必被刑戮不轻。若得官煞二神衰而又静、或空或绝者，方是弓藏胃解太乎这世矣！

**鬼煞克身吾兵难敌，交重伐应彼寇易诛。**

鬼者，官鬼也。煞者、大煞、劫煞之类也。鬼煞二神若来克世，吾兵大伤。若鬼煞静而又衰来克旺世者，是旺不受克，料无大害。鬼煞旺相而克衰世者，此为旺能克衰，吾兵大被伐戮。若鬼煞旺动克应者，彼已受制易以剿伐。

**细究何爻克应，再查那象伤官。用此奇方妙计，自然剿恶锄强。鬼空惟取应，应陷可从官。**

要识行兵之法，须求克应伤官，应若受伤，彼遭屠戮。鬼如披克，贼必生擒。且如火爻临应或临鬼，须求水来制火，用黑旗为号，并临水战，自然得胜也，余皆仿此。鬼若空亡，却评应象。应如落陷，必看官爻。

**子爻旺鬼爻休，鬼虽克我我无忧。应爻强世爻弱，世纵伤他他难伐。世遇生扶子象旺，则将勇兵骁。应遭克破鬼爻空，则贼衰寇退。**

子能制鬼，若子孙旺官鬼休，则彼先已被制，岂能克世乎？譬诸剧盗正欲劫人已被官捕搜擒，

何暇行劫，我何忧哉？如应爻旺世爻衰然虽克应，奈彼猖獗难以取胜，旺不受克，正此之谓也。若日辰月将生世合世，旺子又来扶助，则我兵精粮足机深势大决胜千里。若应衰受克受冲官鬼又落空亡，彼必丧胆倒戈拔寨而逃遁矣！

**金为兵甲，值官兴旺防战斗。土作城池，临鬼发遁动干戈。**

夫兵戈铠甲，皆用金以造，若临官鬼、或旺、或动，彼必坚甲利刃异。谋奇策出其不意墟然冲突，勿为小观。夫土者，旺于四季，列分四隅，又作城垣台堡，若鬼带土发则干戈扰扰，弥山漫野无地无之。

**密密刀枪为金宫之空动，飘飘旗帜，因火父之旺冲。**

刀剑本属金，又属官鬼，若值空亡又逢发动，是必振扬也，故经云金。空则鸣，必是刀枪光耀日，金鼓振轰雷，密密重重营寨乃提防有备耳。旌旗，父母为之用爻，又属离火，若值旺相更遇日冲，故日火发则焰，乃是黄幡悬豹尾彩帜书麒麟飘飘摇摇道军引陈号令严明，军机整肃耳。

**水乃江河，木为舟楫，二爻皆旺，水战偏宜，雨像并伤，乘航欠利。**

水为江海源流，木作舟船之本，水战各有所用，若水旺则盈，水绝则竭。木隆则船大，木衰则舟楫，木绝则无舟。二爻旺而又发，万事齐备利用操舟。若二爻衰而又绝，凡物无成难以觅渡矣！

**火多营寨，土是城垣，此象兴隆，最宜陆战。其爻空绝，不利出征。**

营垒以火为用，城台赖土生成，火空营险，土空成陷，二爻若值旺相动冲，可使西域沙漠之胜、雨象若遇衰休空绝、必有华容小道之危。

**火鬼伤身，须防劫寨。土官克世，恐堕陷坑。**

官鬼带火克世者，须慎火攻而劫寨。鬼杀以土伤世者，恐防堕堙之危殆。

**火动则利迁营寨，父空则宜改旌旗。**

军营以火为用，火若发动，动则变化，故营寨必利迁移为吉，若被刑冲、或加玄武、或加兄弟，必遭侵劫，急宜迁改。旌旗以父为用。若值旬空月破必然损伤，急须改换。

**土官动克世爻，他兴炮石。火鬼发伤身象，彼用火攻**

官鬼兴隆带土来克世者，须防彼制播木炮石来攻。若鬼动加火同来克世者，他必举火烧屯，旺则太甚，衰则稍可。

**鬼藏世下克世爻，切虑自兵谋主。子伏身中合应象，谨离我将降夷。**

世下之伏鬼而克世者，则家兵杀主。若世旺鬼衰，奸心已蓄无隙可乘，世衰鬼旺，则逆节潜谋，乘虚而入，故张飞受范疆之刺。若世下之伏子而合应者，则军心已离，各怀去意。如世衰应旺，则他国强梁我军卑弱，故匈奴迫李陵之降。若日辰生子又加雀虎临之，必被阴潜阳唆，背羲从仇耳。

**内外鬼兴伤世，祸由内应外通。前后子旺生身，利在前攻后击。**

内官乃己之人，外鬼为彼之兵。若逢发动，而克世者，祸从己人纠合他人，是为内应外合残害。若世旺鬼衰，虽然发动难以伤克。若世变子或鬼变子，乃鬼受制，则谋无决裂，是无天害，经云有人制鬼，鬼动何妨。本卦子孙之卦子孙旺而生世者，先攻后取顺意行军皆获全功。若内官旺相外鬼兴隆，则彼此相抗，难以胜断也。

**鬼架长生帝旺，寇兴世乱之时。官居墓库空亡，国泰民安之象。内外无鬼，盗兵不来。世应俱空，战征已绝。**

如战征之事，以世为主将，子作兵卒。以应为彼，官鬼为贼，如官鬼值长生帝旺之乡，则盗寇纵横，酉夷肆虐，若卦中内外无官、或逢墓绝、世应皆空，则干戈眼偃息，国泰民安矣！

胜败我先知，匪伊测度。吉凶神已告，据理推详。

## 年时丰歉章第六

（以身世为主，财福为凭。）

**福财旺相庆丰年，兄鬼交重饥谨连。**

问年时，若得子孙妻财旺相、或临身世及太岁者，其年五谷丰登。若遇兄弟官鬼皆动，或临太岁持世，便主凶荒。

**水火静安无旱潦，阴阳交会庶民欢。**

水动曰雨，火动曰晴，此二爻若得安静，自然风调雨顺。六爻内再得水动曰雨，火动曰晴，此二爻若得安静，自然风调雨顺。六爻内再得阴阳均安，必主国泰民安。

**阳多火动文书绝，此岁方言亢旱天，阴广水摇无福德，其年可断水淹田。**

卦值纯阳再加火动、父母又临空绝此岁定然亢旱。虽见阳多火动，若化水化阴，又不如是。凡卦值纯阴，水爻再发，更无子孙、或父母又动，其年必定洪水。如化出阳爻火象，定知先水后干。

**金官骑虎忧征战，木鬼风狂业叶价先，巳午焦枯红焰起，土官时疫遍流传，水爻值者愁淹没，玄武临之盗贼喧，若被虫侵福化鬼，蝗蝗扰害土金官。**

凡卜年的，最嫌官鬼，静则无殃，动则有祸，看临何象便知何事将来。鬼属金兴，人防喘嗽，又加白虎必起刀兵。官居木动多见狂风，桑叶又增其价，人民多罹疯灾，田禾虚耗。巳午鬼摇，心经受病，人防卒暴之灾，疤痕目疾，更虑火光之患，田禾枯稿，化水无妨。若临土动，脾胃受伤，天行时疫，半遂秋成。如遇水摇民多肿胀，泄泄腰疼，田恐泛洪田遭水害。鬼居玄武，贼寇蜂兴，惟有金土临官及福神化鬼，禾主虫侵之患。

**勾陈若坐空亡位，地白出荒岂谬言。**

**勾陈为田地，若落空亡，自然欠熟。**

**财绝兄兴伤谷食，子空鬼动损春蚕。**

妻财为粮食，如临绝地，又加兄动，必主无收。子孙蚕花，如犯旬空，更添鬼发，定损春蚕。

**初同财位生扶旺，万物兴隆五谷全，二与世爻空破绝，群黎百姓受灾殃。**

初爻为万物，财爻为五谷，二者皆得生扶旺相，凡天生地产之物，无不昌盛，稻黍稷麦之类，皆得全收。世爻为地气，二爻为黎民，二者若逢空亡破绝者，小则饥馑，大则灾殃。

**官兄值此居荒处，财子临方丰熟边，譬若夏天占节卦，荒居北地熟东南。**

要识何方丰歉，须查所值之爻，看兄弟官鬼临于何象便如此，处凶荒旺动尤甚，休囚稍可。妻财子孙值在谁爻，方决其方丰熟。且如节卦，财居火位、福在木爻，便言东南大熟。兄在水爻，北方不利荒歉乘之。又推官临丑戌之乡，东北、西北二外多染时灾。

**螣蛇入火多痧痘，若见金乡妖怪缠，太岁逢凶随处恶，流年遇吉遍方安。**

螣蛇本属火?再临火地，主人间麻疹相传，蛇临金位，定见妖邪。凡卜年成祸福，须凭年建。太岁者，一年之主也，若带兄官、白虎、大煞、劫煞发动、或来克世，便主八方凶变，如临财福、青龙、贵人、天喜、天赦动者，必然各郡咸宁。

## 身命造化章第七

（占自己以世爻为主，占他人以用象为凭。）

**卜平生之得失，世莫休囚。占一世之荣枯，身宜旺相。**

凡占自己身命，先察世爻，若值休囚墓绝，平生作事乖张。如逢旺相生扶，一世亨通，非贵即富。

主卦乃胎元根本，根行少壮之初。之卦为体骨精神，连转中年之境。所占者为主卦，内外二象为本，旺则家资丰厚，衰则产业轻微。又论大限行法，初爻管五年，一至五岁，二爻管五年，六至十岁。三爻管五年，十一至十五。外三爻分十五年，共三十岁。三旬之外，却以变卦为凭，变即之也。之卦内三爻分管十五年，三十一至四十五。外三爻又管十五年，共至六十岁。倘占卦静无之，却取互卦六爻照前行限。

**桑榆墓景伏卦稽查，小限游行世爻起法。**

六旬之上，以致终身皆评伏卦，又不取六爻分于大限止将体用二宫，管其祸福。八旬之下，内卦推之。自始至终细观外象。又论小限行法，必从主卦世爻论起，且如世在二爻，即二爻为一岁也，

二岁在初爻，三岁在六爻，自上至下周而复始。人年六旬之外，专凭小限而推。

**大限则五年一度，小限则一载一宫，并看流年方穷寿算。最喜生而带合，切嫌克又加冲。**

凡大限、小限与流年，皆喜相生相合，各嫌相克相冲，又看限与流年生合用爻则吉，克冲主象则凶。世空则身不遐龄，应陷则妻无永寿。

世为自己，空则无寿，惟有九流术士，遇者无妨，反主空手得利，终难积聚。应为妻室，陷则遭伤，纵不伤亦无相夫之德。

**财子双全身象旺，富而且荣。兄官两备世爻衰，贫而且贱。**

身命卦中，若得妻财子孙全备，世又兴隆，定主一生富贵。若见兄弟官鬼发动，世又休囚决定终身偃蹇。

**子旺则官刑不犯，财兴则贸易常亨。兄动伤妻损除囊之积蓄。父摇克子益自己之年龄。交鬼为灾，重官作讼。**

六亲之爻动则各有分别，子动伤官，永无鞭达。财摇克父，旺必兴家。兄动损妻，财无积聚。父摇克子，旺寿必长年。官动能伤兄弟，还宜细辨阴阳。阴官常染灾迤，阳鬼多招官事。

**随官入墓缠灾惹祸岂能安，助鬼伤身好色贪财终受累。**

身世命爻随官入墓者，多生灾疾。妻财值日发动助鬼克世伤身，必因财致祸，为色添忧。世得生而且吉，身遭克以为凶。月破世爻必犯夭亡之命，岁冲身位，岂无疾厄之愆。

世乃用爻，宜主不宜克，宜合不宜冲。日辰冲者犹轻，月建破之最重。纵有生扶，必无长寿。流年若来冲世，亦主生灾。

**六冲则事事虚浮，家资零替，六合则般般稳实，技艺兴隆。**

卦犯六冲，定主生涯冷淡家业萧条。爻如六合，必然作事亨通，诸般和悦。

**得富得荣，木架子孙于春月。发财发福，金乘妻禄于秋天。家废资财，冬遇水兄而克世。名登儒业，夏逢火父以生身。**

凡占卦，须察四时衰旺，方定吉凶，财福旺则吉，凶鬼旺则凶。且如正二月子临木位，久享荣华。七八月财至金乡，广招福禄。亥子月水兄克世，当废家资。四五月火父生身，必登文榜。

**庶民鬼值身中，多灾多讼。仕宦官居世上，越贵越荣。**

庶民问卜，切嫌世值官爻，卦若逢之非官即病。士夫遇者，叠叠升迁。

**爻若无官财还耗散，卦如无子嗣必伶仃，兄空则手足无情，父陷则椿萱有损。**

官鬼能伤兄弟，卦无鬼者，兄必专权财遭劫夺，文士占之，功名不显。子为后嗣，无则儿女凋零，兄弟虽为恶客，空则手足无情。父母为尊长，空则有伤父母，动则有害子孙。

**世克衰财，纵富焉能丰厚？身伤弱鬼，虽荣岂得清高。兄弟当权？妻财无气目下徒然充足，后来终致淹消。子孙持世，官鬼休囚，虽居职位难得超迁。**

鬼众财无，富贵终非攸远。财多鬼缺，荣华亦似浮云。禄马俱无，一世虚名虚利。财官皆备，终身发产发家。

财官二象，为禄马之爻，故不宜无，亦不宜众，又不宜空，又不宜动。若无财而多鬼，或无鬼而多财，皆主目前享福，不能永久丰余。如禄马俱无，虽有得而倍失。财官两见遇静旺而兴家。

**福德当权，似春花之遇日，财福落陷，如秋草之逢霜。**

子孙为福德，若临日月或值世身，内处则安中加乐，外交则锦上添花。妻财为衣禄，如犯旬空或遭月破，必然生计萧疏，资囊空乏。

**财临帝旺长生，不伎不求而发福。财值空亡死绝，无家无室以飘蓬。**

财者，禄之主也，如逢生旺，寸禄不谋自至。若居室绝空缺难支。

**家园窘迫，皆因死败临身。道业兴隆，只为旺生持世。**

世爻临死败墓绝，从来家业萧条。如逢旺相生扶，自后生涯茂盛。

限临财福，逢凶曜不为凶。年遇兄官，见吉星非作吉。神、劫煞亦不成凶。限中若遇兄弟官鬼就作凶殃，虽带天乙、青龙、天喜在位终不为祥。

二限中煞逢战斗，官灾疾病绵绵。六爻内福遇生扶，家业资财涌涌。

大限小限若逢恶煞相冲相克，多生官符疾病。主卦之中子孙更逢生旺，广增产业钱财。

**恶煞逢冲，纵困而不困。凶神无制，虽荣而不荣。**

凡兄弟、官鬼、白虎、螣蛇皆为恶煞，在卦动者，本不为祥，若遇刑冲，反为吉兆。凶煞如无克制，有青龙财福，亦不为荣。

**世命变空，一世多成多败。身限两陷，百年劳力劳心。**

世爻与本命同值旬空，平生起伏不常，终难稳足。卦身与限爻如临空地，便主身心劳顿，事业少成。

**世居白虎官爻，灾中染疾。身住青龙子象，乐处加惧。**

鬼临白虎持世，爻内又无子孙，终身病而复病带疾之愆，要知何处染疾，细详谁卦临官发动，干为头、坤为腹、坎作耳、离作目、兑是口、巽是股、艮即手、震即足。再察五行值鬼，便知五脏生灾，水为腰肾，金为肺，火主心胸，木主肝，土爻脾胃，休逢鬼旺重，衰轻仔细看。又论人生四体，卦列六爻，初足、二腿、三腰腹、四为背助及心胸、五为颈面分其位、六为头顶发相同。看官临在何爻动，便决灾生此处中。复陈福德青龙持世，更遇扶持，处世清安获福，美处加欢。

**勾陈为迟钝之星，螣蛇乃虚浮之煞。玄武发临天贼，常被穿偷；朱雀动带官符，多招词讼。**

以上所言皆论鬼临世上，动则尤甚。带勾陈，为人迟钝。遇螣蛇，作事虚浮。玄武常忧失脱。朱雀多犯官非。龙因酒色以招殃。虎为刚强而惹祸。

**火官克世，忧逢回禄之警。水鬼伤身，虑患溺波之险。**

鬼在卦中不拘动静，如来克世，无不为殃。火鬼虑遭火患。金官恐犯刀砧。水官莫往江湖。

土鬼休登山陆。木鬼恐树林之害。午官虑骡马之亏。巳被蛇伤，寅遭虎噬，戌当犬咬，丑犯牛亡，华盖休交僧道，咸池莫爱邪淫。

**世被谁爻冲克，方知谁辈之欺凌。身叨何象生扶，便识何人之阴庇。**

动来克世之爻，便为侵害。父母克，被椿萱之胎祸。兄弟克，受手足之侵袭。财克，受妻奴之损。子伤，忍儿女之亏。若鬼克犯官刑，子动方能解。再查何象动来生世，即赖维持，父生，蒙尊长之恩。子生，得卑幼之力。兄生，叨手足之情。财生，赖妻奴之助。官生，仗贵宦相扶。鬼生，感神祇护佑。

**游魂世动利往他途，身静归魂休离不境。内旺外衰忧出外，内衰外旺莫归宗。**

凡游魂卦，便宜出外，纵不游魂，世爻动者，亦可登程。归魂之卦，只可安居，若卜返乡最宜。世静亦然。伏看内为止外为行，内卦旺，守旧则吉。外卦旺，行后反亨。

**生合之方，行当获吉。克冲之向，去必遭凶。**

但看何爻生用，利往其方。谁来冲克主爻，莫奔此路。且如兄占弟命，卜得临卦土作用爻，土赖火生，宜行南地。土遭木克忌往东方。丑被未冲，西南莫去。丑得子合，往北不过遇喜悦之人。无分凶吉。若卦内木爻又动，北更不宜取。金制木之乡，西反利，余卦仿此。

**如问双亲，父母忌空财忌动。若观子侄，福神宜旺印宜衰。占手足而观兄象，卜妻奴以看财爻。**

**世已应他各取用爻之定例，衰凶旺吉皆为总断之根因。**

占父母叔伯尊长之类，皆宜父旺则吉，犹嫌财动，反利官兴，卜儿女婿侄卑幼、僧道等，统要子兴逢父限则凶，遇兄年反吉。问兄弟朋友者，咸怕兄空，父摇成吉，鬼动成凶。询妻妾奴婢及情人者，皆用财爻，遇子为祥，见兄成咎。探夫主及文武官员身命，其察官爻旺增荣耀，衰减光辉。子动云凶，财兴曰吉。卜自身，世为主象，问他人应作用爻，旺相逢生则为吉断。休囚遇克便作凶。祥诚能依此推之，庶无一毫差谬矣！

## 六亲寿命章第八

（以用爻为主，父母为凭。）

要决椿萱之寿肖，父田当详。欲知手足之天年，弟兄可取。问室须凭财象，占夫必用官爻。卜自身世家寻察，观男女子位稽查，各定用爻，可推修短，旺静遇生扶，千秋可祝，衰动逢冲克，数载难延。

凡占身命当察用爻，若得旺相安静，必享遐龄，虽动又变生扶，亦为多寿，徒旺而逢墓绝，反不长年，主若休囚再加冲克，必见天亡，用虽衰，动变也生旺之乡，或遇日月动爻扶助，反益年华。

**动化生方无忌象，寿并龟龄，静居相地有无坤，命同鹤肖。**

用爻变生又无克制，寿必高年。虽静而不化生扶，如有元神者，稳臻老迈。

**落陷临空，体似风中之寸烛。日扶月助，身如谷内之乔松。**

用象落空或临绝地，理合少亡。若得绝处逢生，将危复救。主不空亡，更逢日月二建及动象来生，多增寿考。

**衰中被害。虽无病以遭亡。旺处受伤，纵有灾而未丧。**

用爻无气，又逢忌象交重、或动出变伤或日辰冲克；体虽康健，也主倾亡。用爻旺相纵被克伤，决非损其寿考。

**不论尊卑之寿，皆凭父母之爻。纵卜儿童，亦不可临于空破。既占卑幼，切非宜动出交重。**

父母为寿筭，旺益多年，空无远岁。惟占儿女，父母虽为忌客，亦不宜空，但宜静不宜动。人间那年数尽，用查空值何旬。阳生阴合得绵长，天克地冲难救度。

终寿之年必是用临岁旬空内，岁旬空者，即是甲子至癸酉年，戌亥用爻便为空也。主爻虽不犯空，流年天克地冲，亦当绝也。譬如丙辰年七月己丑日，子占父寿，卜得革卦安静，此卦用爻正旺，更得丑日来生，理应多寿，直至戊寅年子月癸卯日，作此年正值甲戌旬父临岁旬空内，又死子月建、元神又被寅年卯日来伤，故当绝命。又如戊辰年六月戊戌日，夫占妻寿，卜得丰卦安静，此卦财爻有气、日月克兄，故此无咎，直待丙子年七月庚辰日，作财虽不值岁旬空，正遭太岁天克地冲，又被日月会成水局克制火，水岂非绝也。

## 倩媒说合章第九

（占婚以间爻为主，问媒以应象为凭。）

**嫁聚当求媒妁人，应为月老忌冲刑，无功必遇空而陷，有力须旺与生，克制世爻心不善，生扶身象意多能。**

卜媒人，应为主象，切不可临于空冲破绝之乡，最喜遇扶合旺生之地。应克世爻，心怀刁诈，如来生世却是良媒。

**财官不失方谐合，世应临空岂得成，三合其人能赞美，六冲此客欠调停。**

凡求媒妁、兼占成与不成，卦得财鬼俱全，方能成就。爻如无鬼，事决不谐。世应若临空地，纵有财官，亦难相合。若得卦逢六合，定主成婚，如见六冲，姻缘未就，合处逢冲将成有变。

**占婚又不观其应，二间为媒细审情。**

单占有月老，当看应爻，如在婚姻卦内推之，又不凭其应象，反取间爻为婚，旺须有力，空则无能。

## 婚姻嫁娶章第十

（以内外世应为主，阴阳财鬼为凭。）

**易道无穷，须把阴阳为首；人伦有五，还将夫归为先。纯阳，恐男子之鰥，无财可比；纯阴，女人之寡，无鬼亦然。**

凡论婚姻之事，先看阴阳，次凭财官，卦若纯阳或无财者，定见伤妻。纯阴之卦、或缺官爻，夫当早丧。

**夫唱妇随，卦必阴阳得位；男情女喜，爻当财鬼俱全。**

内卦为夫，外卦为妇，又以世为夫，应为妇，若得内阳外阴、或世阳应阴二者，皆为得位，婚姻遇之百年和合。若内阴外阳、或世阴应阳皆是阴阳交错，夫妻半遂其心。又如世应阴阳得位，内外纯阴纯阳，或内外阴阳得位，世应纯阴纯阳，皆为半吉。若内外世应皆值纯阳纯阴，不成夫妇。自古纯阴不生，纯阳不化，须得一阴一阳方成配偶。复论鬼为夫，财为妇。有鬼无财，有夫无妇。有财无鬼，有妇无夫。卦若财鬼俱全，夫妇方能谐老。

**男婚，须教授象兴隆，晨错共悦；女嫁，得官爻旺相，朝夕同欢。**

男占妇，以财为主，决不可无，女占夫，用鬼为先，其理仿此。

**世作男安，旺则荣华之宅。应为女室，衰还贫乏之门，鬼是夫身，空无远寿。财成妻体，陷不遐龄。**

世为男家，应为女宅，世旺应衰，便曰女贫男富，世衰应旺，当云女富男贫。又云鬼居此卦为男家，财值其官为女宅，卦旺官衰，男家虽富而夫貌不充。卦衰官旺夫宅虽贫而男容且秀。卦旺财衰，女舍丰而女姿欠美。卦衰财旺，女家寒而雪色精妍。官作夫君，喜生不喜绝，绝则夫亡。财为妻室，宜旺不宜空，空须妇丧。

**间曰良媒，逢空少力；子云后代，遇绝无儿。**

两间之爻，皆为媒妁，近世则男家月老，近应则女舍冰人。临空犯绝，媒必无能；遇旺逢生，

中须有力。子孙之象，宜静不宜动，动则刑夫；宜旺不宜空，空须无子。若临绝地，又主无儿。绝中如得生扶，反主儿孙多育。

**财爻变鬼变冲，妻遭久疾。鬼象化官化破，夫染陈灾。**

财为妻体，切不宜冲或化鬼爻，便生残疾。鬼为夫主，忌犯刑冲再化官爻，夫当有疾。要知疾在何方，看鬼在谁卦谁爻，可断带疾之处，详见身命章中。

**合内又生，必享天长地久。冲中再克，定应死别生离。**

且如用寅亥合，用未午来，用酉见辰，皆是得生得合，自然百万和谐。又如用午见子，用卯酉冲，便是有冲有克，此为终见分离。

**旺财与旺应生身，妆奁厚实。衰世并衰官克应，聘礼轻微。**

应为妻宅，财乃嫁资，二者旺而生世，倍得妆奁。世作男家，鬼作夫主，若值休囚克应，自然聘礼轻微。

**男心少就，只因世陷世冲。女意多更，切为应空应动。**

世爻若值空亡或遭冲破，男家无意求成。应若临空或冲或动，女家无心匹配。

**卦爻相合，必男妇之成欢。贞悔相冲，定夫妻之不睦。**

卦得六爻相合，绵远和谐。若遇六冲，定然反目。

**前冲后台，初离别复聚欢情。前合后冲，始谐和终遭变易。**

未配之前，若卜冲中化合，决不相谐，成亲之后，如得先冲后合，初见生离后还复就。若卦占六合被月辰冲开，世应财官或化六冲皆主始初欢悦，后来定不和谐。

**孤辰值鬼，夫必无儿。寡宿临财，妻当少子。**

男怕孤辰忧临官鬼，女嫌寡宿忌值妻财，二者逢之，后无子息，非惟儿女遭伤，更主夫妻相克。

**父旺少兄妨儿女，妻强无鬼损公姑。子摇固曰刑夫，财兴有解；兄动虽云克妇，子发无妨。**

父摇兄不摇决伤儿女，财动鬼不动定损公姑。子动伤夫，财动生官反吉。兄兴害室，子孙并动无妨。

**龙值财爻，形骸秀丽。蛇临宴位，情性虚浮。白虎乃悖逆之星，玄武是风流之宿，朱雀巧词绕舌，勾陈持重寡言。带咸池则多情多欲，临马则勤往勤来。**

财为妻性，看值何爻，便知美恶。带青龙貌如西子，性主慈祥礼悌、柔顺贞廉。值螣蛇虚浮之性，多心机而少信实，言语感人。逢白虎，心怀妒悍，性亦刚强。犯玄武，为人怪吝、放荡无端。逢朱雀，急躁多言。遇勾陈事行迟钝。值咸池，则内乱人伦，外寻花柳，加驿马，则朝行东北，暮返西南。

凡配婚姻，须得永年和合，惟凭奇偶，自然顷刻昭彰。

## 女卜男婚章第十一

（以官爻为主，应象为凭。）

**女卜男婚当用官，财兴子静是良缘。**

女占夫，以官爻为主，官旺为佳，鬼空莫用。又嫌子动伤官，所喜财兴助鬼。

**妻看内爻夫看外，世为女体应为男。**

女占男，反取内为妇外为夫，又以世为妇应为夫。

**夫择妇兮阴应美，妇择夫兮阳应欢。阴阳得位方和合，纵然交错乐长年！**

夫聚妇，世阳应动为得位。女嫁男，世阴应阳为得位。或内阴外阳者，亦同。若得阴阳得位，喜悦无穷，纵然阴阳交错，也主欢谐。

## 女家择婿章第十二

（以子孙为主，官鬼为凭。）

**将女招夫继子祥，必须兼看结婚章，内阴外阳称大吉，鬼旺财生夫妇昌。**

赘婿者，比同继子也，却与婚姻章同看。卦中内外或世应，必须得一阴一阳，方为良配。如遇纯阴纯阳，决不可就。倘若财鬼不全，又不宜也。

**父母忌神愁发动，子孙用象怕空亡，世应变空难送老，六冲之卦岂绵长。**

父母为忌神，不动为吉。子孙为赘婿，空则非定，又不宜动，动则犹恐妨夫。子孙虽动，而财亦动者，助鬼无妨。又论世为己应为婿，皆不可空。世空者，自有遣归之意。应空者，婿无久恋之心，世应皆动，后必有更，但遇六冲丝毫莫用。合处逢冲及变出六冲，主始得和谐，后当分拆。

## 后嗣有无章第十三

（以子孙为主，不遇绝空克破为佳。）

**欲知向后生儿否，切忌福德犯空亡，不论阴阳太衰旺，卦有其神定吉昌，静废伏藏迟可立，交重出见早成行。**

问后嗣者，须看子孙，若落空亡，再寻伏象，伏子再空，却看动爻化子变出更无，必有绝嗣之叹。子孙不论阴阳衰旺，如在卦中又不值旬空月破，决然有子有孙。要问得儿迟早，须观子象与衰旺相或动而来速，休囚或静以来迟。又云：出见早生，伏藏迟育。

**兄弟值年方废贺，福临胎养一般详。**

子如衰绝者，待兄弟值年可生。子若旺相者，临胎养之年可得。卦若无子者，候子孙值年方育。且如辛丑年正月申日，问何年得子？卜得鼎卦，此卦子孙太弱，理合来迟，直待乙巳年受孕，又遭小产。然虽兄弟值年，盖为子临绝地，故此难招，再候丙午年生合用爻，方得成宗之子也。又如甲申年二月子日，问何年得子？卜得师卦，此卦子居旺地之，主早生，果应乙酉年怀胎，丙戌年得子，益为子孙属木，木胎在酉，木养在戌，故此酉年怀胎，而戌年育也。又如己亥年四月丑日，问子有无？卜得大畜卦安静，此卦六爻无子，喜伏在艮卦申金子孙在三爻辰土之下，飞能生伏，必有其儿，还嫌子不透出，故见迟生，直待戊申年，子临太岁方得有成家之子也。

**世空本体多柔弱，应空室命少儿郎。**

世爻为自己，若落空亡，便主精阳不足，还须医药调和。应多为妻室，如临空地，便推妻命无儿，理宜娶妾。世应皆不空亡，子独陷者，此乃天命无儿，非人力所定致也。

**衰子化空或化绝，纵然得后复遭伤。**

卦虽有子，合值休囚又之父母、或化绝或化空者，纵得其儿，后遭刑克。

**怀胎虚实章第十四**

（以子孙胎爻为主，青龙天喜为凭。）

**夫卜妻胎辨子孙，子占母孕弟兄寻，他人代问推龙喜，父母求之看福神，此定用爻宜上卦，若逢空地孕非真。**

夫问妻胎，及尊长父母辈占，皆取子孙为用。若子占母孕，不看子孙反评兄弟。他人代卜，当察应爻及青龙天喜是也。凡占胎孕，必得用爻上卦不值空亡，便言实喜。用如落陷，又无青龙天喜动者，决是虚胎。

**忌神旺动胎难保，第二爻辞怕鬼侵，胎空子破官爻动，祸作灾生喜不临，子旺龙交天喜照，身安体泰腹怀妊，自古淳风收大畜，今来涣卦内藏人。**

问妻胎，以子孙为主，父作忌神。占母孕，以兄弟为凭，鬼称忌客。卦中虽有用爻，若被忌神动者，难保其胎。第二爻又为胎，忌临官鬼，二爻若值空亡，用象又逢月破，官爻再动，定主生灾，决非怀孕。若得子孙旺相、及青龙天喜交重，必主怀胎，孕妇自然康泰。淳风先师所收大畜之卦，人若占之必为喜兆。愚意又收风水涣卦，涣字腹内有人，故怀六甲，试无不验。

**安胎胎息章第十五**

(以胎爻为主，福德为凭。)

**若欲安胎，喜子孙之静伏；如求定产，忌官鬼之交重。**

凡卜安胎之事，须看子孙静旺尤吉，虽动化生无咎。倘之败绝，或化父母者，胎必难安，其中最喜鬼空为妙，官如发动，定见连遭。

**子破焉能足月？胎空岂得成人？六冲则堕胎目下，六合则全孕怀中。**

子孙爻为孕，第二爻为胎，二者如有一爻值旬空月破者，必主堕胎。卦值六冲，日前小产；爻逢六合，月是胎全。

**鬼象乱兴，必求神而可疗；子爻不破，须服药以方安。**

官鬼为神司动出交重，速宜请祷。欲定何神作祟，细详鬼祟章中。子又为医药，不临空破却要求医。

**要问安胎定日，财生胎合鬼冲伤；欲推小产到时，父值鬼临子败绝。**

安胎者，须得子孙值日，自然制鬼生财、或逢日合二爻，胎当安逸。又论小产到日，与生产大不相同，反取父官值日、或子孙临死绝败时，小产可知也。

**虎动龙空方坐草，子冲胎破却临盆。**

小产到日法有数端：白虎动青龙空、冲胎爻冲子象，俱决可生。

**产母吉凶，财兴初爻详的确。儿胎动止，子同二位察分明！**

初爻为产母，喜临旺相，忌值官爻。妻财为孕妇，大怕空亡，更忧变鬼。子孙与胎爻皆宜静旺，忌犯空冲。

## 收生保产章第十六

(以应爻为主，财象为凭。)

**收生之妇应爻寻，次把妻财作用神，喜见生身生产母，忌逢克世克儿孙。**

稳婆取应爻为主，次看财爻，此二爻内，若得一爻生世生子、又生初爻，方为大吉。如来克世克子，或克初爻，必有所害，不可用之。

**初为孕妇无伤吉，鬼发兄摇祸必深，财破应空谁赞美，单占如此定原因。**

初爻为产母，世爻为主人，子爻为儿女，皆不可受应爻财爻之冲克，财应二象如克初爻恐伤产母，如克子孙，恐伤儿女；如克世爻，不过心怀欺诈；相冲亦然。卦中兄弟官鬼皆静，则吉；动必有殃。若遇应空财空、或月破，斯人无力，还宜更换，独占坐姬此论。

**生产卦中推此妇，五爻二间断其人，自占如克身和世，坐姬当怀害己心，夫问若伤财与应，稳**

**婆每恐损妻身，初爻不受其爻害，任用毫无恶计侵。**

生产卦中兼看稳婆，都又不取财应二爻为用，反将五爻为稳婆，间爻亦为稳婆。孕妇自占，世为本体，如被五爻或间爻克制，身受其伤。夫占妻产，又取财与应爻为主，倘遇五爻与间爻伤财克应并伐初爻者，切莫用之。

## 六甲生产章第十七

(以子孙长生为主，世临胎养为凭。)

**夫同妻胎财莫陷，子为儿女要兴隆，交单是男重拆女，复论谁父包在中，阳象包阴生少女，阴包阳象产婴童。**

夫古妻产财作妻身，不落空亡便为大吉，子孙为儿女，若遇旺相生扶，便曰儿无关煞。要决是男是女，先看动爻，卦中阴动变阳为男，阳动变阴为女，倘然阴阳皆动、或六爻安静，难以定之，便收阴包阳是男，阳包阴是女。如或阴阳又不相包者，方取子孙，值单为男，临拆为女。惟有交重二爻动必有变，交虽属阴，变为少阳，成男；重虽属阳，变为少阴成女。设若卦又无子者，便取伏卦子孙，阳即包阴也。又各自相包者，内外二卦也，且如坎卦阴包阳，离卦阳包阴，此乃各自相包也。且如五月丙午日，占男女若何？卜得未济卦安静，此卦有内外二子皆临相地，况得日月生扶，该怀双孕，内卦阴包阳是男，外卦阳包阴是女，此卦阳在先而阴在后，果得双胎。先生男而后女也。又如四月辛未日，问男女？卜得归妹卦，此卦阴阳既不相包，六爻内有无子象，伏出兑家亥水更值旬空。难分男女。岂知互成既济，止取互卦，外宫坎水正配兑家子孙，坎曰中男，果得男子也。

**要知何日来分娩，还看何旬胎遇空。近取动爻临白虎，弟兄值日月喜匆匆，世居胎养方能至，子入长生到亦同，内外三爻无福德，日時遇此面相逢，孙藏墓库宜开销，福陷空亡喜值冲！**

占生产到日，先看何旬胎值空亡，世爻临胎养之日到也。若卦无子者，待子孙值日方来，如卦有子象，正值休囚，待兄弟值日、或子遇长生方到。若子临绝处，遇生扶日可到。子若落空待日辰冲子，方生。子如投墓，待日辰冲墓，方来。若遇白虎动，近日当生。卦值六冲，到达其甚速。

**坐草临盆嫌动鬼，胎前产后忌摇兄，财临月破焉宁室，子犯旬空难继宗。**

夫占妻妾，财是用神，若临月破旬空，当有产难。财虽上卦，变出兄爻、或卦中兄动，日月又不生扶，亦当妻患。财如旺相，鬼不交重，腰主临盆有庆，坐草无虞。子孙为儿女，如临空绝，虽育难招。子虽上卦，倘遭父动来伤，岂得长成？

**产妇自占忧世绝，随官入墓祸重重，吉神旺相扶身吉，凶象交重克世凶！**

占自身，以世爻为主，逢生则吉，遇克则凶。凡犯随官入墓、助鬼伤身必遭产厄。鬼若空亡，

又得吉神生世，终见康宁，如逢鬼煞动来冲克，祸难逃矣。

## 选择乳母章第十八

（以应爻为主，财象为凭。）

**凡求乳母应爻详，次察妻财莫受伤，应象临官多病疾，财神变鬼岂安康。**

占乳母，先看应爻，次观财象，切不宜临在旬空月破之中。应如值鬼、或财变官爻，此妇多生病疾。

**卦无亥子终无乳，爻有儿孙定有祥，更怪应来冲克子，若然生福永无妨。**

凡占有乳，专看水爻，卦无水象，其乳必无。虽有水爻，若变土者，必主先有后无。水若化金化旺，必然先少后多。卦中若得重重水透，又见金兴，乳必有余。子孙为男女之爻，莫居空绝，如逢生旺，子必有成。应爻冲克福神，儿遭妇害。子得应爻生合，抚子有力。

**六冲上下无缘分，父母爻兴子受殃，鬼若发时终有祸，兄如动出耗非常，应鬼咸池同伐世，倘遭暗计主须防。**

但遇六冲，决然不相。纵然合处逢冲、或变出六冲者，皆当有始无终。卦中父母之爻大不宜动，动则赤子遭屯，官鬼交重，多主咭咭。带朱雀，易惹闲非。同玄武，潜窃衣资。白虎灾延此妇。螣蛇惊及婴儿。兄弟动，多费资财，倍加衣饰。又论世为家主，应为乳母，应如带鬼及咸池动来克世，主贪淫，恐遭暗计。

## 婴童否泰章第十九

（以子孙为主，不遇绝空克破为佳。）

**婴童卦取子孙爻，不落空亡便可招，化绝化空兼化克，虽观花吐未成桃，如临绝地逢生助，纵见灾危命必饶！**

占儿女，子孙为用爻；兄占弟即兄弟为用爻，用爻若临空，决难长大。虽有用爻化出空绝、或化忌神或临月破，目前虽有，岂得成嗣。用如逢绝，却遇生扶，只恐多灾，决非伤命。

**父母最嫌逢发动，弟兄能喜值重交，财兴此子身还弱，官动其男病未消。**

父占子，父母为忌神，宜静不宜动。兄弟为元神，宜兴不宜绝，卦内妻财动，则泄子孙之气，儿体欠安。官鬼为仇神，动则多关多煞，静则无病无忧。如兄占弟又不如此定之，兄占弟者，兄为用爻，鬼为忌象，父作元神，子当泄气，财作仇神，各有喜忌之分，不可一途而取。

**助鬼伤身儿不旺，倘生残疾数难逃。**

卦逢助鬼伤身，用象又临绝地，元神不动，定遭疾厄缠绵。

**用之兄弟加朱雀，长大忧纵徒赌客交。主象旺生龙贵照，定然日后显英豪。**

用爻无气，况临朱雀变为兄弟，长成之日倘交无益之人，变化呼虞之子。主象如逢生旺又带青龙贵人，后来必成大器显祖荣宗。

## 出继男女章第二十

（以用爻为主，应象为凭。）

**欲将男女更名姓，须向爻中福德查，父发鬼摇灾又讼，兄兴子旺锦添花，兄将弟继求兄旺，父动生兄福转加。**

将男继出，女亦同推。若得子孙旺和兄又来生，继之得吉。子若逢空，终难长大。如逢父母或官鬼动出，必患多灾况生口舌。如见父动而兄又动者，此子贪生忘克，反获佳祥。若兄将弟继，不看子孙，反取兄是用爻，莫居空绝，若得父母动者转添吉庆，惟独官爻动则更忌。

**卦得归魂宜暂继，游魂多变莫从他，相冲相克居难久，相合相生继不差，应位若逢空破进，此人非是育儿家。**

归魂乃归乡之象，但可继名不宜长久。游魂乃迁改之兆，去后终多变易，凡占以世为我，应为他，若世应皆动，必有更张，又不宜相克。世克应还可，应克世非宜。若遇六冲，毫无缘分，切莫继之。若得世应相合，必能久处，再遇相生，尤加和悦。倘然合处变冲，始相得而终见分离。应位若临旬空月破者，此人救已且不瞻，而奚暇子挈人乎？

## 承继嗣章第二十一

（以子孙为主，应象为凭。）

**凡人承继男和女，僧道传徒理亦同，但喜子孙逢旺相，不宜父鬼遇交重。儿临月破多灾疾，应值旬空少始终。**

凡继男女及僧道传徒，皆以子孙为用爻，逢旺逢生则吉，遇空遇破则凶。父母动，子命不长。官鬼兴，灾生不测。应若空亡决难久远。

**世应两爻忧尽发，正之八卦忌相冲，福神冲世终非吉，日辰克子断然凶，六合后嗣年代远，游魂欲变两三重。**

继子传徒，切不宜世应皆动，动则有更。又不可世应皆空，空须不久。卦值六冲，定主父南子北，岂得相谐？变出六冲终无结秀，子孙爻不宜冲世克世，又不可被日月来伤，如得六合之爻，便

得永年和悦。合处逢冲，后当改变。若犯游魂之卦，决主往来不定，多见变迁。

## 更名顶籍章第二十二

（以世爻为主，官鬼为凭。）

**欲顶他人籍与名，六冲定见叹吁声，世空世破咸非就，官绝官亡尽不成。**

凡改姓名及顶他人户籍主不成。

**更此官名宜鬼旺，顶其店业要财兴。兄临雀动伤身世，犹恐傍人举斗争。世不空冲官不陷，事当圆就永无更。**

在官顶补姓名，尤要官爻旺相，又不可鬼克世身。顶人艺业，还求财象兴隆，不拘公私更改，兄爻独发难成。纵然乱动，兄带朱雀动来克世，或应带朱雀来克世者，必有傍人举首争夺成非，世爻兴官爻若皆不空冲破绝，事事皆成无谋不遂。

## 平生学艺章第二十三

（以妻财为主，世应为凭。）

**业无大小贤愚，岂不从师；事有败成去就，还须问卜。**

凡习三教之流师同伯叔，如得椿萱旺相，法必训详父田，如逢旺相或来合世生身者，必获全传。或习诸般技艺，先观兄弟次看应爻，此二象若一空亡便无承受。

**金银铜钱之工，值干兑酉申而最吉。竹木芦藤之匠，得震巽寅卯以为佳。造败鱼盐酒醋，利入坎宫。裁成袖绢绫罗，喜临离象，采石樵山须见艮，土工泥作要逢坤！**

**将本营生，子动财明终发达，空拳技艺，财摇鬼旺必兴家。身佐官僚，世怕鬼爻冲克。名开行次，身宜福德生扶。**

凡人习业，各有所分，将本者，财为主象，子作元神。空拳者，官是用爻，财为助主，郑在官人役，虽宜官鬼兴隆，冲克世身大忌。牙行生理，最要子孙旺则广招千里，空则门阙雀罗。卦中虽有子孙，应若逢空，亦无客至。

**凡习经书，父须生旺。若求官职，鬼莫空无。祝巫大利官兴，僧道惟宜子旺。**

习儒业者，父母为用。求功名者，官鬼为用。祝巫者，迎神召将照马关亡之类，亦用官爻。

惟僧道之流，子孙为用。凡用爻皆宜值旺相，各忌空亡，旺则事事有成，空则般般不就。诸般道术一应生涯，皆把财为衣禄养命之源兼推子乃福神发家之主。

**诸般艺业，皆宜财神兴隆。财若空亡，利资必绝望矣！**

无鬼必无头无绪，游魂必游去游回。世犯旬空，自有更张之意。应遭月破，师无传授之心。蹇遇六冲，彼我无情难习业。幸逢六合，师徒相得却成功。

一应徒师习业，不宜卦内无官鬼。若逢空，事无头绪，卦值游魂，往返不定。又看世为己应为师，皆不可值旬空月破，又不宜卦值六冲。世应若不空亡，又遇爻逢六合，定主师徒相得事必成功。

欲择明师，未知曲直，当占易卦，便见虚真。

## 五经定肄章第二十四

（以父爻为主，五行为凭。）

**五经无不看文书，金作春秋木作诗，水是书经火礼记，土爻为易少人知。**

凡读书经，须详父母，旺则有成，空则无益。止卜一经，单推父母，不论五行，混卜何经却要五行分别。父临申酉，宜读春秋，母在火爻，利宗礼记，木视毛诗最妙，土观周易为佳，易经若也为儒业，土象兴隆最及时，父母若登申酉位，必在春秋折桂枝。

**总卜读经之事，要知功名发在何经，父属土爻，必在易经高捷，如居金位，春秋定占高魁，其余仿此。**

**财子同兴难及第，平生虚费枉从师，父官两旺修文吉，名播京机作总司。**

从经之士，最忌妻财子孙发动，偏宜父母官鬼兴隆，父化父，后有败经之变。父化官，必成显达之荣。父化财必始勤而终怠，化生则文墨转佳，化绝定心慵意懒。

## 求师训迪章第二十五

（以文书为主，八卦为凭。）

**延师习学，应爻莫下空乡。教子修文，父象休行绝地。财动则其年少益，父空则此岁无功。**

应爻为西席，父母为文章，此二象皆要兴隆，应陷应冲，皆主半途而废，父空父绝，必然训诲无功。财若动时，一年虚废。

**四刑四极四冲爻，常往来常改易。**

四刑四极四冲者，总是六冲之卦，从师遇此定然彼我一缘必难终始。主卦虽然相合，倘如变出六冲，春夏虽然相聚秋冬定见分张。

**东家多退悔，世必家亡，西席有更张，应还发动。世应皆空，彼我无终无始。**

凡占以世为主，应为实。世空，主不敬，实自当疏慢，应动，实非向主，彼必更长。世应俱动，各有变心，世应俱空，两无眷恋。若得相生相合，定然宾主和谐。

**父旺持身，倍加学问。兄强立世，多废修仪。**

父母旺相，日进其功，更来生世生身，尤多教益。如逢兄弟发动、或值世爻，束修倍费。卦若游魂，自后他心能有变。应如月破，将来彼体岂无灾。

**卦若游魂，彼必坐身不定。应临月破，将来彼体岂无灾。**

卦若游魂，彼必坐身不定，应临月破，或应或命随官入墓，其人定见灾殃，或遭词讼。

**内外得乾坤离卦，经书开锦绣奇文。**

干乃六龙之寝，坤离又作文章，故此儒士遇之，便能上进或内或外，三中得一为佳。如十纯干、纯坤、纯离者，卦名虽吉，只怪六冲，故不用也。

凡熟此篇，变知其意。

## 求馆开设章第二十六

（以世应为主，财福为凭。）

**觅馆招贤怕世空。应空岂得遇东翁，父空书馆终非美，才陷修仪甚不丰，世应不空须有望，变成冲散定无终，无官之卦休寻访，无馆之年为六冲。**

凡图书馆，世为自己，应为东家，父为书馆，子为书生，财为束修，鬼为荐馆之人，兄乃同胞之士，世空不遇尊从，应空无东纳。父空难逢美馆，财空修体轻微。子空门弟不多，鬼空无人举荐，兄空无人抢夺，身空居处不安，诸空稍可推，得世应不空终须有望。凡值六冲之卦或无官鬼定无馆也。如合处逢冲或变出六冲，虽见成就，其年定主不终。

**游魂迁改它图吉，归魂乃旧胜西东，那日扶持生合世，便教宾主两相逢。**

问迁更、游魂大利，占守旧，反要归魂，要知那日成关，还详父母。卦中无父，但逢值日方在。如有父爻旺，求墓合之时。衰取旺生之日，又看何日生世、空世亦可成关。

## 相资寓所章第二十七

（以父母为主，世应为凭。）

**习学修文就馆中，相资却兴寓居同，父宜旺相身宜旺，世莫空亡应莫空，鬼忌动兴财忌动，贞嫌冲破悔嫌冲。**

凡占就彼相资附学寓居同断，皆要文书旺相，不宜世应空亡。世空身有阻，纵去无功。应空，彼不容，纵容无益。父若空亡，经书虚费。财动恐伤文书。鬼动倘招灾祸。卦值六冲，决难谐就。如合处逢冲及变出冲者，始虽相得，后必改更。

**无官来往皆难就，无父经书尽没功。**

一卦无官，不能成就。六爻无父，枉费勤劳。

**更论乾坤离卦体，三中得一妙无穷，六爻安静无绕舌，一卦游魂不始终。**

常人寓处不论卦名，财动父空俱不足论，只忌六冲、鬼动、世应空亡，惟有书馆如前继。又取卦名方知有益无益、或内或外，干与坤离得逢一象者，文添锦绣。若六爻安静，并无闲扰来干，卦见游魂，心常改变。

**应克用爻休寓此，外生内象却亨通。**

世为本家，应为别宅，又以内卦为本方，外卦为他处。凡卜相资附学，不可不辨用爻。若问儿孙，子为空象。如占自己，当看世爻。用受应爻或外卦来克，必被欺凌。如来生合用爻，大得维持之力。

**雀临兄动闲非起，武带官摇盗贼逢，白虎居官灾病染，青龙值父显光荣。**

附学寓居，最嫌官鬼，静则无咎，动则生忧。临朱雀必有闲非，化兄弟反当欺诈，兄临雀动亦然。鬼加玄武之爻，须防失脱。逢白虎，忧染灾屯。遇螣蛇多惊多怪。见勾陈，须防跌蹶，作事迟疑推阻。青龙当分生克，生世则文中显贵，克世则喜处生悲，不惟青龙一兽，但若官动克世，又有五行金鬼来伤，恐被刀伤斧割。木官来克，克须防梁折楼塌。水忧上漏下漏。

土愁壁垣倾。火防回禄。已恐蛇伤。鬼爻不动克世，皆不言他。复推财带咸池，休贪美色，助鬼伤身亦然。惟有父值青龙，文增光彩也。

## 应举科名章第二十八

（以文书为主，官鬼为凭。）

**儒童进学兼科甲，独忌文书空与伤，有父无官还及第，有官无父岂为良。**

凡占进学并科甲，取父母为用爻，如临旺相，必占高魁，纵值休囚，若得变爻或日月生扶，亦当进取。倘若父值旬空月破之乡，名难登榜。又论未试之龙，及试后在弥未及阅录之先占者，虽凭父母，又重官爻，尤忌子孙发动。阅卷之后将出案时，惟恐父母不用官爻卦中有父无官也，须得第卦内有官无父，未得峥嵘。

**鬼兴助印名书榜，财动伤文空返乡，官值世爻财静旺，父临月建定帮粮。**

凡占儒业，父作文章鬼兴生父，似时雨滋苗，财动伤文如秋霜杀草。若得官爻持世、或值太岁日辰财又旺而不动，卦无兄弟交重，父母再居旺地，考占优等帮补驰名。官父纵然旺相又遭兄动财空，虽居首等未得帮粮。

**若还中后占廷试，方取官文二位强，财子静安无阻滞，兄爻独发未能昌。**

凡占乡试、会试，先察文书，次推官鬼。如卜殿试及考入翰林，先看官爻，次评父母，故此官文二象，皆要兴隆。若值空亡，未能高显。大忌子摇，次嫌财动。兄爻独发，定见阻挠。兄鬼同兴，不须畏惧。

**卦如无父无官鬼伏出其爻吉祥，日月若临官印者，福财纵动也无防。**

文书、官鬼皆是用爻，卦中缺一须看伏神。伏若再伤，又评日月。如有此爻，定然昌吉。日值文书何忧财动，月临官鬼谁怕子兴。卦内父官有气又逢福财，白虎皆摇身虽荣贵，即便无忧。

## 仕宦升迁章第二十九

（以官爻为主，世象为凭。）

**官职升迁子莫刚，唯求官鬼动为良，值生值旺当迁转。临陷临空且守常。鬼化子字忧调降，官连财位沐恩光。**

凡占升迁，须评官鬼，子乃忌神，不宜发动，官为主象，最利交重，若临生旺，定主高陞。如值空亡，未能迁转。官化子孙，非降即调，卦中财子动亦然。若还财子同兴转助官爻，又不降调，官若化财平陞品级，官化进气官爻，又主重超美职。

**财之福象加爵禄，妻变兄爻减俸粮，卦得归魂还复任，游魂迁转在他方。**

妻财为俸禄，财化子孙加衔赐禄，变成兄弟罢俸减粮。若卜归魂，还当复任，归魂化归魂，理应致仕，如遇游魂官又旺者，必陞别省。游魂化游魂，陞后再陞远处。

**世空未得高升任，财动还须佐帝皇，鬼变退神宜致仕，化居墓绝早还乡。**

世爻为自身本官，自卜当察世爻，世若空亡未能迁转。他人代卜，又不取世爻为主，专看官爻，若得财动生官，自然显达。鬼爻若化退气或变入墓绝之中，莫望陞迁，远归田里。

**欲知何月官陞处，遇值逢生喜报祥。**

欲决何时迁转，推评官鬼旺衰，旺则高承升在尔，衰则待生旺之期。

若六爻无鬼，后查那月临官，便知迁陞决矣！

## 袭求武弁章第三十

（以官爻为主，世象为凭。）

**动业赞皇猷，鹰扬渭水；簪缨绳祖武，虎拜枫宸。大凡袭爵承官，皆沐君恩祖阴，欲识利名显晦，远凭卦象推详。献策请缨，父象要兴财忌动。从戎比试，世爻喜旺应宜衰。**

献策论者，专看文书，父旺必然高中，父空，岂得成名？父若不空又嫌财动。若交锋者，又凭世应，世旺应衰他必弱，世衰应旺彼当强。世克应则大胜，应克世则难赢。

**受荫袭封，喜遇贵乘禄马。买官进爵，恢逢龙聚财官。所忌者六冲世陷空徒费力，所喜者六合官兴财旺总如心。**

军中占袭职，民间卜官，各忌世空官空、六冲之卦，若得官与世旺，定显威风。官爻或世爻若带青龙贵人、及卦逢六合，威福更加。

**鬼在酉申，耀武扬威膺世禄。官临干兑，攘夷发夏树奇功。**

官爻或世爻如临干兑卦中，或在酉申爻内，俱当名振华夷。

**内外卦得兴隆，则功高誉远。身世爻当衰弱，则力怯机疏。世旺逢生，勇冠三军蒙上赏，官兴得助爵尊一品沐殊恩。世逢日月克冲，戈戟最为下辈。身遇岁君生合，战征场内作高魁。**

武职行中，若得内卦外卦兴隆，世爻应爻旺相，定然势压旁疆。世旺再逢太岁，或日辰月建生扶者，勇冠三军。世若休囚，卦不旺相，当推无力无能。又被日辰月建冲克世爻者，提拔全无，反遭弹劾，岂得驰名于军伍？其中又看官爻，旺则声名显赫，空则劾削兵权。

**世带青龙，名驰朝野。官居白虎，威振华夷。**

青龙为大贵之星，白虎乃兵权之煞，此二兽若得临世临官，定主威扬海内。

**子动伤官，难遂参谋之策。财兴助鬼，能成赞尽之功。鬼变福乡循降调，官之财地渐陞迁。**

鬼为官职，最嫌子动来伤，偏喜财兴助鬼，官变子孙，非降即调。鬼之财象，迭迭高迁也。玩占易理玄微，可决戎官之休咎。

## 援监纳吏章第三十一

（以官爻为主，财象为凭。）

**买官纳吏选阴阳，僧道医官共审详，世值旬空非久远，福神静旺永无殃。**

援监纳吏并一应奉例纳银求官者，皆把世爻与官爻为主，俱不宜空。空则不成，纵成不久。子孙虽为福德，亦不可动，动则伤官。又不可无，无则少利。身世之爻，若被鬼来冲克，反受其殃。如得鬼爻持世，再加财动来生，决主名成利就。

**鬼克身爻遭责罚，财生世象必荣昌，夫化子孙难出仕，妻之兄弟利源伤。**

身世之爻。若被鬼来冲克，反受其殃。如得鬼爻持世，再加财动来生，决主名成利就。官爻若化子孙，又难出仕。妻财如变兄弟、或卦中兄爻发动，不惟无所得，反主亏伤。

**吏典财官宜旺相，贡生父鬼忌空亡，太学父兴官旺处，定显声名播四方。**

僧官、道官、阴阳官、医官、使典等类，皆宜鬼旺财兴。爻中有鬼无财，有名无实。有财无鬼，名利皆虚。又论恩贡、选贡、岁贡、监生等类，虽用官爻，再凭父母，此二象俱不可空，若得父官有气，定然名播京都。

## 选缺参房章第三十二

（以官爻为主，世象为凭。）

**官员选缺及吏典参房，皆把官爻及世详，应动兄兴冲克世，同胞抗阻却提防。**

官僚选缺及吏典参房，皆把官爻与世爻为主，此二象内如有一爻犯月破旬空者，官不能得此缺，吏不能参此房。世纵不空，若被应动克世、或兄弟动来克世，必有同胞抢夺，却要提防兄兴，竞争强。

**世爻若遇空冲绝，费尽勤劳怎得昌，不遇六冲官有气，稳膺美秩姓名扬。**

世若变为绝地、或被日主来冲、或卜六冲之卦，纵去谋为，决难成就。世象不空官爻不陷、应与兄爻纵动、不来克世，所求必逐，并不更张。

**参房获利宜财旺，鬼象休来克世方，选缺求名愁福德，随官入墓恐遭殃。**

论参房者，与选缺不同，若得官与财旺，定然所得非常。鬼克世身难逃罪责，论选缺者，亦要官兴，最嫌子动，鬼克世身，不须畏惧。但遇随官入墓，恐罹灾患。

## 官员荐奖章第三十三

（推荐以官文为主，旌奖以财鬼为凭。）

**官吏贤能，望宪台之荐奖；黎民良善，赖邑宰之旌扬。所喜者，鬼旺龙兴。所忌者，世空子动。**

凡占奖荐，各要官爻旺相，青龙得地，大忌世值空亡，子孙发动。

**臣沐君恩，必得岁君生世。下叨上荐，须求外鬼扶身。卦有二官六部，重推重举。爻无一鬼三司，不奖不褒。**

欲求恩宠，须看五爻为天子，太岁为朝廷，此二象内若得一爻生世或生官，便沾天泽天子与朝廷之位。如值空亡，恩先莫望从，不值空如来克世伤官，原不为福。如占举荐，专看外卦官爻。外象如无，内官可用，内鬼再空，不须谋望。不论内外，卦中若有官来生身生世，决叨提拔之恩。如得旺官迭见又来生合世爻，必得重重之荐。六爻内如无鬼者，定无推举之官。

**推举得官父旺动，稳望高迁奖劳。若财鬼衰空虚图给赏。**

推荐者若得官父两全，便为佳兆。二中欠一，未得稳成。奖动者虽用官爻，又宜财旺。财鬼如

空，定无奖勤给赏之美也。

**鬼化子爻荐贤未听。官之财象，奖励能从。**

荐与奖，皆以官为主，旺者来速，衰则来迟。动化子孙，虽荐未能听信。财来助鬼，奖得如心。

**如卜官凭，但原文书逢旺气。若占到日，远寻父母遇生方。**

又附占文凭到日，须看父母之爻，候临生临旺之期，此凭决到卦无父，须待父爻值日，方得凭来。父若衰而又空，纵然等候而未至。

**欲求坊扁方光辉，必藉官爻之旺相。世空绝望。子动难谋，财动还须嘱托，鬼空不必祈求，六合则心怀喜悦，六冲则面染忧愁。**

凡求牌坊扁额光辉门间，先看官爻，次推世象，二者若有一空，始终绝望。子孙动，亦不能求。财动生官，谋为遂意。如求扎帖，又看文书，反嫌财动。父鬼财空，允能给发。不拘扁贴皆忌六冲。

上察官情之喜怒，皆由四象之兴衰。下推人事之亲疏，不出两仪之变化。

## 上书咎奏章第三十四

（以太岁五爻为主，文书官鬼为凭。）

**启奏君王看五爻，生身合命宠应叨，岁君克世龙颜怒，月将生官品爵高。**

启奏者须看五爻为天子，太岁为君王，此二者如有一爻生合身世，所奏如心。五爻与太岁如来冲克身世，恐犯天威，休陈情因。又论官多为本职，不值旬空月破，更得日月生扶者，必然破格超陞。五爻为天子之爻。

**进拜表章兼上本，父旺官兴御笔标，亦忌六冲财子动，次愁印绶化财爻，更嫌鬼象之为福，父绝官空莫进朝。**

拜表上本启奏皆同，若得父旺官兴，定蒙准奏。若值六冲，或财摇子动、或父变妻财、或官之福、或父绝官空，以上数端，如犯一节者，莫奏朝廷，纵奏，徒费心机，难迎圣意。

## 朝天面旨章第三十五

（以太岁五爻为主，官鬼世象为凭。）

**面君官旺世无伤，折槛廷诤也不妨，太岁五爻冲克世，休趋殿陛惹天殃。**

面君者，先推世象，次察官爻，此二爻如临旺相，不值空亡，又不受君爻冲克，在去天天并无玷剥。世爻若被天子之爻冲克者，朝必遭殃，守静为上。

**日辰月建生身吉，克世伤官尽不祥，卦值晋升蒙上宠，爻成屯蹇岂为强。**

世爻与官爻纵值休囚，得日月或动爻生助、或变出生扶，皆为佳兆，若动爻与日月伤官伤世，俱作凶推，朝王卜得火地晋，晋者以臣遇君之象。又取地风升，升者，进而上也，故此二卦皆吉。若卜水雷屯、水山蹇二卦，皆为难也，遇者必凶。

**逢冲莫去朝天子，遇合应来奏帝皇，无鬼不能沾雨露，世空岂得受恩光。**

六冲之象，切莫朝天。六合之爻，理宜面圣。爻虽攒合，卦中无鬼或值空乡，渥恩莫望。卦纵有官，世居陷地，还嗟运蹇，岂沐天恩。

## 恩封诰命章第三十六

（以文书为主，官鬼为凭。）

**欲知紫诰赠何人，卦内还须分六亲，父作皇封世作己，官为吏部五为君，更将太岁为天子，干卦当称帝王尊，君位怕临空与绝，五爻忌克世和身。**

凡占诰命，父母为用爻，不绝不空，终须有望。又看世为自己，官为吏部，五爻为天子，太岁为朝廷，皆莫空亡。君位之爻，切莫伤身克世。干卦又为君王，或内或外得此象者，必受恩封。

**君爻生合何爻处，便见天恩赐那人。财象遇生封妻室，子爻逢合荫儿孙，世身若得君相合，品级加增作大臣。**

五爻与太岁生合父母，必赠椿萱。生合财爻，必封妻室。生扶福德，当荫儿孙。生合世身再加官爻旺相，自当品职高陞。

**鬼发父兴迎诰命，父空财动绝皇恩，官鬼休囚宜嘱托，文书破绝莫劳心，来召来宣同此例，去朝去奏照其因。**

卦内官父两旺，定沐洪恩。父若空亡，难迎诰命。妻财独发，克制文书，难沾雨露。鬼值休囚，寅绿为美，父临空绝，枉使机谋。君来宣召，臣去朝天，皆喜君爻生世。官旺为佳，各忌帝位克身，鬼空不吉。

## 文书消息章第三十七

（以文书为主，官鬼为凭。）

**官印文书宜父动，民修票约忌财兴，财临身世徒书契。周不空亡准此情。**

凡论文书票约，取父母为用爻，旺则有成，空则无用，财爻为动或值世身空，劳纸笔枉费神思。

**鬼是元神空不就，财为忌客动难成，父之冲克真为假，母变生扶却信凭。**

卦无官鬼或落空亡，皆主不就。妻爻发动，契必难成。财动官亦动，反能成契。父母若被日月

冲破、或化绝化空，此契不能见信于人。父母若遇生扶、或变为有气，此书纵假而可为真也。

## 趋谒贵人章第三十八

（以世应为主，外卦月卦为凭。）

**外卦原来是用爻，兴隆出现得相交，无身无鬼皆非遇，主若伤宾情据抛。**

凡去谒贵，最嫌外卦空亡，若得外卦出现旺相，人必相逢。如外三爻皆动，定有变更。一二爻动，亦不如此论，又要取卦身与鬼官之爻，如缺一神又不遇也。复看世为主，应为实。又以内为主，外为实。如遇内外世应相生、或比和、或应克世、外克内，皆主相逢得意也。惟独世克应与内克外，主反触宾，纵然相见亦不相投。

**世临空地难成事，应落空亡白费劳。望客喜逢三合卦，见宾怕遇六冲爻。**

趋谒之事，世应与官鬼皆莫空亡，三者如有一空，决不相得，纵不逢空，若值六冲，决无美意。若得三合六合之卦，自然宾主相谐，若还应象交重，谓人不遇。

**如求书贴忧财发，偏宜父母值重交，或去解非并脱讼，子孙爻动祸殃消。若还觅利抽丰者，财官两旺乐滔滔。**

但去求文取帖及送书递柬，不宜父母空亡，更忌妻财发动，如要解词息讼，反宜官鬼休囚，又怕应来伤世。若遇子孙持世或发动，祸必触消。如去假公事以济私情，或抽丰而利己者，须得财官两旺，切嫌兄弟交重。

## 谋望成事章第三十九

（以世应为主，内外为凭。）

**成事须将世应查，世为本主应为他，空冲破绝临其世，凡去谋为莫起牙，冲破绝空居应位，他心不合枉嗟呀。**

凡成事体一应谋为，皆取世应为主，或世或应，如临绝地或犯旬空月破日冲，皆难成就。次将内卦为谋事之人，不宜空破。如临旺相，定主亨通，再得内克外卦，或内外相生及比和俱为美也。

**六冲爻象难谐就，卦内无官事必差，世应若逢日辰合，任君不愿也堪夸。**

六冲之卦，事决不成。合处逢冲，成后复退。鬼若空亡及不上卦，皆不就也。世应二爻自相会合，或得日辰合世合应，纵若心中不欲，也得允成。

**陞官迁职兼兴讼，官鬼交重名倍加，觅利还须财旺相，求书必得父光华。兄爻独发般般忌，子象兴隆事事佳。**

官中谋望所断如前，复喜官爻旺相，独忌子摇。如谋利息财忌空亡，若翰文书，不宜财动。卦如无父，终不能成。诸般谋事，各嫌兄弟交重，惟子动无不为佳，功名独忌。

## 谋役顶名章第四十

（以官爻为主，世象为凭。）

**书辩捕兵民皂卒，谋差顶役世爻详，各忌六冲官害世，皆宜财鬼旺为强。**

一应衙门生意顶役谋差，若遇六冲决难成就，纵成不久。官鬼若伤身世，终遭罪责难逃，得财官两旺其中，定见兴家。

**更愁身命随官墓，世坐空亡谁赞襄，无鬼莫来谋此役，官临身世却宜当。**

但若身世本命随官入墓，祸不可当。世值空亡，焉能久远？卦中无鬼，所作不成，纵若成之，始终无益。若得官临身世，本命又遇生扶，宜充此役。

**财空鬼弱兄爻动，但得虚名利不昌，世不逢冲官不绝，差成役就乐欢肠。**

财落空中官居衰地，事虽见就，必主无财，卦中纵有衰财或逢兄动，亦不为祥。世象不冲不破，官爻不绝不空，便言谋中得成，求财得利。

## 审役轻重章第四十一

（以官鬼为主，生克为凭。）

**民当户役有轻重之不同，卦出官爻取旺衰之可验。凡居旺相必高强，若得休囚方细小，克世则厚而非薄，伤身则重而不轻。带青龙而道吉，加白虎以言凶。**

要知户役轻重，须看官爻衰旺，旺则重大，衰则轻微。或空或绝，皆主无忧。鬼纵休囚，克世还当繁重。官虽旺相，生世赔费还轻。值青龙终无责罚，临白虎必犯官刑。

**月建临官应金魁首，日辰克鬼当审轻微。官爻值世估高名，福德加身登下榜，子化官则将轻作重，官化子则改祸成祥，兄弟动时多破费，子孙旺处少亏伤。用爻强弱端详，解户浅深预定。**

官临月建，至重之差。鬼值世爻，次重之役。鬼逢日月克伤，轻摇可必。子孙世或发动，其户亦轻。子变官爻，解轻赔贖。鬼之子象，役大赔微。兄弟发动或持世上，定多赔贖。子孙旺相或值身爻，费财稍可。

## 扳人帮役章第四十二

（以世应为主，官鬼为凭。）

**将役扳人忌应空，六冲无鬼彼难从，应爻克世他无咎，鬼落空亡讼若风。**

欲求帮户，须观应与官爻，应若空亡，师来帮贴。世遭应克，无力扳他。若卜六冲决难遂意，如无官鬼岂得扳人？鬼象临空临绝，官心无主无为。

**应被世伤官鬼克，决能扳累获全功，卦爻生合妻财旺，定来贴费两和同。应上临官临月破，斯人受责受其凶。**

世克应爻或官伤应位，必是如心。世应相生相合、财逢生旺之乡不必官扳，自然津贴。官爻值应或应临月破者，官必金帮违选遭责。

### 除名脱役章第四十三

（以子孙为主，世象为凭。）

**官爻克世兼临世，用尽机谋脱不成，卦得六冲应脱役，子孙在世定除名。**

凡求脱役，专看官爻，官如克世临世，欲退其役难以推开。若得六冲或子孙持世，或子孙交重，皆主役去名消。

**世空自退无忧虑，应陷他非上籍丁，世应俱空官又动，傍人顶役两无刑。**

世值空亡，自当解散，应值空亡，他难顶替。世应皆空官又动者，自能解脱。彼不克当，必有傍人代役，已免其忧。

**鬼爻立应兼伤彼，他必承当永不更，鬼若兴隆财迭发，还须自己入公庭。**

官爻临应兼克应，皆主他人代役。官临旺动又不伤他，况遭财动生官，定难脱也。官爻纵动，如来生助世爻，反有益我之情，必然得脱。

### 人宅六事章第四十四

（以动爻为主，内外为凭。）

**一卦之中，可决一家之休咎；六爻之内，能分六事之盈亏。家庭消长，系于卦不系于爻；人口灾祥，在乎爻不在乎卦。内曰宅居，喜逢旺相；外云人口，忌值休囚。要见吉凶，还祥生克。**

论卦衰旺之法，立春后，艮旺、震相、巽胎、离没、坤死、兑囚、干休、坎废。春分后，震旺、巽相、离胎、坤没、兑死、干囚、坎休、艮废。立夏后，巽旺、离相、坤胎、兑没、干死、坎囚、艮休、震废。夏至后，离旺，坤相、兑胎、干没、坎死、艮囚、震休、巽废。立秋后，坤旺、兑相、干胎、坎没、艮死、震囚、巽休、离废。秋分后，兑旺、干相、坎胎、艮没、震死、巽囚、离休，坤废。立冬后，干旺、坎相、艮胎、震没、巽死、离囚、坤休、兑废。冬至后，坎旺、艮相、震胎、

巽没、离死、坤囚、兑休、干废。凡占家宅，先观内外二象，内卦为住居，外卦为人口。内卦旺相，则住宅兴隆，外卦旺相，则人丁茂盛。如临胎没，稍主亨通。内卦若值死囚休废，便言家庭不发。又取内外相生及比和，或外克内卦，皆作佳祥。若内克外，便言住宅不宁，内卦纵然旺相，若克外爻终不为福。内若休囚外卦旺相，如克外者柔难制刚，不为克也。

### **内外兴隆无禄马，终见亨通。宅人衰废有财官也须愁欢。**

星辰不若五行，爻象詎如八卦。凡看人宅六事，内外二卦皆临旺相之乡，爻内纵无官鬼妻财贵人福德者，也主兴隆。人宅二爻俱值死囚休废或落空亡，纵有财官青龙天喜者，亦无佳兆。

**先言二象，次辨六亲，鬼是正厅，父为堂屋，子作廊厢披厦，财成仓库厨房，兄断门栏墙壁，间推甬道明堂。世作本家，应为朝向，遇冲遇克，其间损耗书必须更，逢合逢生，此处清安宜久住。**

官鬼为正厅，又为家堂，又为家主，空则无厅或无香火。鬼化鬼，必有二厅或有两堂香火。

**父母为屋宇、为经书、又为尊长，空则房屋衰颓，或经书少习。父化父，必有楼房、或家多文集。若有子孙同发，便言经典。子孙为廊厦、厢房、披屋之类，又为善愿又为鬼幼，空无傍屋或家不好善。子化子，侧屋甚多，或敬神重佛。妻财为仓、为库、为下房、又为财宝、又为妻仆，空则家无仓库，或厨下萧条，资财不聚。财化财，连敖盛库，财帛丰盈。兄弟为门户墙壁，又为弟兄，如值水爻、或带玄武，便为坑厕，空则门户亏伤、或墙垣坍塌。兄化兄，必有重门相对，或双脚墙垣。间爻为月台，太旺加官贵方为甬道，空则无明堂。世爻为本家，又为祈卜之人，空则门庭欠利，旺则家宅兴隆。应爻为朝向，又为对邻，空则朝向不通，旺则宅方助宅，以上诸爻看那象逢冲受克，便知那处亏伤，何象遇合叨生就决谁房益利。既占阖宅当审六爻，初为儿女与鸡鹅、并连基地。二推妻妾、兼猫犬灶及华堂，三曰弟兄香火猪并眠床。四云门户萱堂羊同外族。五是椿庭与宅长、众人道路兼牛。六成祖辈兴奴丁坟墓栋梁加马。**

初爻为基址、为井、为沟、为小口、又为鸡鹅鸭之类。二爻为房屋、为华堂、为灶、为长母、为妻妾、又为猫犬之类。三爻为正门、为香火、为闺房、为卧床、为兄弟、又为猪畜。四爻为门户、为母、为外亲、又为羊畜。五爻为路、为父、为宅长、为众人口、又为牛畜、六爻为栋梁、为家眷、为墙壁、为坟墓、为祖父母、为奴婢，又为骡马。此乃通论而已。

**世乃来占之主，应当问卦之妻。倘若他人代卜，反将应象为尊，或令家人祝告，六爻所属难分，止论五为家主之爻，二为宅母之命，看那爻临于日破月破，断此生灾。观何象值在旬空化空，言其抱患。**

自己占，以世为主以应为妻。他人代占，以世为问卦之人，应为本主。若家人代占，以五爻为宅长，二爻为宅母，以上所言，皆论代占之事。虽不以六爻所属之分，各有用爻分定。惟有家主来

占，方取六爻分宫而察，细看那一爻逢日冲、月破、旬空者，便决此人非灾即讼。且如家主自占，寅月甲寅旬辛酉日，占垢卦安静。此卦世在初爻，正临空地，世爻为主家，初爻为小口，其年二月内，家主与次男皆生病疾。又看五爻为父又逢月破之乡，此年十月内，父患大灾应此卦也。又如家人代占人宅，正月甲子旬壬申日，卜得大壮之大有，家人占者，不必取六爻分宫所断，此卦五爻临月破，理应宅工之灾，岂知申日卜之不为月破，此宅长反主一年康泰。又论第二爻为宅母，被日辰冲破，理合生灾，虽临月建，目下纵和平安，后至七八月果染灾殃，有此验也。

**又察鬼临何命，方知殃及何人，伏鬼同推，化官概论。子变官爻，灾连儿女。财之鬼象，殃及妻孥。**

人和病者，盖因本命临官鬼，且如鬼在子爻，便言属鼠生人有疾。若卦无官，又寻伏鬼。假令卜得未济卦，虽无鬼伏出离宫亥飞官爻，当决属猪生人患病。鬼若空亡，不须畏忌。又论卦内动爻变出财兄父子，不必论这，若化官爻便宜细究。且如子孙化鬼，卑幼爻灾。父母化官，椿萱有患。财化鬼爻，妻孥不泰。兄弟化出，手足难安。官化鬼爻，家庭病讼交作，妻如来卜，便推夫主生灾。世化鬼爻，当决来卜之人有疾，卦身化鬼亦然，化鬼若空，不必言也。

**复查鬼克何爻，便决何人受疾，官临谁卦，当言谁体成殃。**

卦内鬼爻发动，便作凶推。若克初爻，子孙有病。如伤二位，妻妾生灾。克三爻，弟兄有疾。克四爻，母受其殃。克五爻，父遭疾厄。克六爻，病于公祖、惠及奴丁。克世爻，来卜之人有毒。克应爻，妻室遭屯。若他人代占，鬼克应者，莫言妻病，反推本主生灾，非灾即讼。鬼不动不言也。又看鬼值何宫发动，便知灾至何人。鬼在干宫，当言父病。官居坤卦，便曰母灾。在震宫，长男有疾。在巽卦，长女遭殃。坎卦，中男不泰。离宫，中女不宁。鬼摇艮内，灾至少男。官动兑宫，殃及少女。要知何病，须看五行。金官发动，病入肺经、吐痰、气急、咳嗽，又主斧割刀伤。木鬼交重，灾由肝部左瘫右痪瘙痒、麻疯，又不可兴工伐树，动则有妨。水鬼祸裁肾部腰疼淫气泄泻崩淋，又恐江湖染祸。火鬼疾起心经、虑颇病患疮毒眼赤、尿黄、莫临火境。土动临官，患从脾胃切忧肿胀脸黄时灾疴疾，切莫立于岩墙之下。青龙鬼发，喜处招殃，白虎官兴，丧家惹祸，又恐皿光。朱雀因怒气得灾。螣蛇为惊惶患病。勾陈防跌倒。玄武莫贪花，驷马临官，休登远道。鬼居华盖，勿住空门。带咸池，莫酩酊酒色。逢羊刃忌执刀枪。酉鬼香醪少饮。丑官牛肉莫食。午鬼忌乘驷马。卯官莫授车兴。巳虑蛇伤。戌防犬吠。寅恐虎狼之害。辰愁龙撒之惊。鬼如安静，亦不为美。

**妻财动则灾至椿萱，父母摇则祸延兰桂，鬼动弟兄之病，兄兴妻仆之殃。**

财爻动，便言父母之灾，鬼若同兴，反助椿萱之力，其财亦不为殃。父母动虽曰子孙抱患，若得妻财同发，父自受伤，岂能克制子爻也。官鬼动，理应兄弟遭屯。兄若空亡，亦不受鬼来伤克。

兄弟动，当决妻奴不泰。兄象自临月破，焉得伤财，纵动亦不为咎。虽曰六亲之相克，还宜强弱细参详。

**内为宅，外为人，人宅皆空倘灭门。财为马，官为禄，禄马俱无难发福。**

要知八卦空亡，且看地福诀内书云：子向北方坎、丑寅艮上山，卯起东方震，辰巳巽风间，午见南离火，未申地地关，酉在兑方取，戌亥属干垣。内卦为宅，空则住居不利。外卦为人，空则长幼不安。外卦若空，第五爻又空者，并无动爻与日月生扶，非但生灾，人口多遭损失。内卦若空第二爻又空者、或又被动爻与日月相伤，非惟不利，住房还主倾盘。内空外不空，宅败人无厄。外陷内不陷，人亡宅不倾，内外皆空亡，况值休囚又无救助者，定主家破人亡。且如癸卯年寅月壬午日，家主来占一年人口六事，卜得咸卦二爻五爻动，此卦内三爻太旺，房屋新创整齐者。外三爻是兑，正值休囚，况在甲戌旬占，兑酉又居空亡，五爻为人口，亦值空亡，虽云动不为空，岂知化出申爻亦空也。外卦与五爻皆绝子月建寅中同败于日辰午内，又被动爻与日辰克制，人口之爻毫无救助，其家一十一口，此年春季同染瘟疫之灾，正二三月内连丧十人，止留一口，卦验如此，宜细评之。又论妻财为马，官鬼为禄，故此家宅卦中，财官不可无也。无禄者，资财耗散。无马者，妻妾不宁，二者俱无家园零替。

**龙云喜、虎云丧、交重持世家乡。雀曰非、武曰贼、发动临官来屋室。**

小青龙从甲乙日起，大白虎正月从申上顺行十二位，若发动或持世或临财，皆主喜庆。小白虎从庚辛日起，大白虎正月从申上顺行十二位，若发动或持世，皆主凶丧，带鬼发龙盛。小朱雀从丙丁日起，大朱雀正月从巳上顺行十二位，若发动或持世或临鬼，皆主是非。小玄武从壬癸日起，大玄武正月从丑上顺行十二位，若发动，事主迟留，若临官，田禾欠熟。小螣蛇从巳日起，惟独大螣蛇，正月从辰上逆行十二位，若发动或临鬼皆主虚惊，又与怪梦。

**青龙白虎同兴，丁口有增有减，玄武螣蛇并陷，门兰无盗无惊。**

青龙为喜，白虎为孝，二爻同发，定然红白相交。武为盗贼，蛇乃虚惊，二象俱空，家无失脱虚惊也。

**螣蛇逢巳午之乡，惊从火变。勾陈遇卯寅之地，户退田园。**

螣蛇临火鬼交重，家防回禄，如有婴童幼女兼痘疹之侵。勾陈临木鬼发动，主退田禾，定不丰熟。

**青龙居应居财，必有怀胎之喜；朱雀临官临世，岂无举讼之非。**

应爻为正妻，财爻亦为妻又为妾，又为婢女，故论青龙临应临财者，不拘动静，其年定见怀胎。朱雀为闲非，又为词讼，若临官爻世爻者，定主春蚕亏损，六畜伤残。

**羊刃兴而兄弟发，则财破妻灾。白虎动而子孙空，则蚕亏畜损。**

羊刃与兄弟，皆是克财之神，二爻皆动，定主财散囊虚，妻灾仆病。白虎为刀砧，子孙为蚕畜，子若空亡，再加虎动者，定主春蚕亏损，六畜伤残。

**火官当道，回禄宜坏。木子司权，春蚕许育。**

鬼乃祸殃，火为红焰，火官发动，恐犯火灾，不克身世，请祷可免。鬼如克世，难免火焚。而子孙为蚕花，如临财火之爻，倍得春蚕之利。

**官鬼如无如陷，为家堂而少力，宅长多屯。父母若动若冲，因屋室以无安，儿孙有恙。**

官鬼为家堂，又为家主，若不上卦及落空亡，便曰家无香火，纵有亦主崩颓，宅长又多疾病。父母为屋宇，大忌逢冲发动，冲则房屋不宁，动则子孙多毒。

**雀武鬼爻三动乃作凶推，须忧物失非侵，更恐盗扳讼累。虎蛇兄象三空称为吉兆，亦免妻殃仆患，况阴怪异悲声。**

朱雀为是非，玄武为盗贼，官鬼为词讼，若此三爻皆动，亦恐生非，亦防失脱，更虑盗贼指扳。白虎为悲丧，螣蛇为妖怪，兄弟为劫财，如此三象皆空，一年无怪无衰，况得妻安仆泰。

**子孙动则广进家资，父母兴则多伤禽兽。**

子乃生财之客，或动或旺溥获资财。禽兽亦看子孙，若被父动来伤，血财不利。

**官爻愁旺动，九流为业反生财。白虎怕交重，五服在身非作咎。**

鬼为恶煞，虽不宜旺宜动，空拳觅利之人遇之反吉。白虎为丧服，亦不宜动，如有旧孝在家，动亦无忌。

**坎府蛇行惊防波险。兑宫雀噪祸虑红颜。离象鬼兴风烛至，坤家官动土神妨。**

螣蛇为虚惊，看临何卦，便识来踪，如在坎宫发动，莫往江湖。若居艮卦交重，休登山岭。

震忧霹雳。巽虑狂风。干行高处或寺观内之惊惶。坤往墓中或荒郊间之恐惧。离遭火烛之虚惊。兑犯红颜之顿骇。在内动，则家中仔细，在外动，则路上谨防。再查朱雀为是非，动临何卦之中，便觉何由起声。看在那爻之上，方知那事成非。雀摇父母，若不为尊长之非，定不免文书之事。雀值子孙，非因卑幼，祸从僧道之门。雀动妻财，不受阴人之气，定因财帛生非。雀居兄弟，祸起萧墙，若免家庭之扰括，难逃朋友之喧哗。雀临鬼动或化官爻，必遭公讼之牵连，又恐飞来之横祸。复陈官鬼之爻亦不宜动，离官鬼发，切忌火光。坤卦官兴，须忧动土，其余六象一例而推。

**六冲主改星分居，或出行最利。六合能交关合伙，或进喜偏宜。**

家宅之卦，若值六冲，定主迁移、合与、改造，如不，必有远行之兆。若与弟兄亲族同居，当有分开之变。六冲者不过改迁之事，不可便以不利而言。若得六合之卦，谋事不成宜添人口，如欲

交关合伙，无不遂心。但若合处逢冲，又主分更之变。

**世动，有迁更之变。身空，无久远之居。**

世爻为宅主，固不宜动，又不宜空。或动或空，皆主住居不久。

**火化木，则灶须承漏。水化土，则沟欠疏通。**

火爻为灶，如化水爻，必灶前或上漏或下湿。水爻为沟渠，若化土爻，决主阴沟淤塞，土得冲破反主流通。

**金化火，而锅铁崩伤。木化金，而家堂钉斜。**

金爻为锅，子亦为香炉，化出火爻，若非锅漏，即是香炉破损。木爻为家堂，又为卧床，若之金象，必是神堂有铁斜、或床上有铁钉。

**事之否藏，人之祸福，待临值月期当见，候旺生时节方来。**

要知祸到，当察凶爻。如望福来，远评吉象。凡爻神临于生旺之月，便见其因。吉神值月则吉，凶神值月则凶。

是吉是凶，不出五行之外。或悔或吝，咸从四象之中。

## 创造宫室章第四十五

（以子孙为主，身世为凭。）

**兴工最怕鬼重交，更忌官来克世爻，助鬼伤身灾定染，随官入墓祸能招。**

起造兴工，大忌鬼爻发动，纵然不动官来克世，尤凶。如逢助鬼伤身，有妨家主。随官入墓，造后岂得兴家？

**内兴外旺年年发，父盛财安岁岁高，子动鬼衰身世旺并，无神煞作精妖。**

内卦为宅，外卦为人，二者皆临旺相，自然人宅兴隆。内外若值休囚，岂能发达？卦若空亡，便为凶断。父母为屋宇，如逢旺相，又无财动来伤，房屋定然绵远，后主荣华。卦得子孙发动、官鬼休囚、世爻不受冲克，动作之时永无妨碍。

## 修方动土章第四十六

（以子孙为主，身世为凭。）

**开业兴修兼所伐，身临福德却为奇，子孙旺相干祥至，官鬼交重万祸欺，世旺逢生无禁忌，身衰受克有方隅，并占方向凶和吉，如此推之不改移。**

凡动土、兴工、创作、修砌、拆卸、垦掘、斫伐、更方、改向之类，皆以子孙持世，或旺相、

或发动便无妨碍。子若休囚又不临世，卦中鬼爻又动，必有神煞为殃，切莫动作。又看世爻喜临旺相则吉，纵逢衰地亦得生扶，并无禁忌。世若休囚，却被鬼爻或日辰克冲，决有方隅。世落空亡，必多愆咎。鬼如落陷，殃祸无干，凡遇助鬼伤身、随官入墓不可用也。

**福住水爻宜动北，官居金位怕兴西，卯寅值子当修震，巳午逢官忌造离，鬼在戌中干莫改，杀临辰土巽休趋，兄财父向皆无犯，独有官方必不宜。**

修方动土之事，所喜者子孙，所忌者官鬼，看鬼临何卦何爻，此方莫动。查子值何官何象，其向宜兴，假令卜得大壮卦，鬼在寅爻，艮方有煞，官居干卦西北，有神福在震，官鬼亦属木，故东方又不可也。子居申象，惟独西南方永无禁忌。又如萃卦鬼在坤宫又居巳上，切忌西南与东南向莫动土。子临亥水又值兑，家西北与正西兴修不犯，其中兄弟妻财父母之方不须防避，惟有官临之处动必有殃。子在之方兴之，获福德之方虽吉，卦中鬼动或鬼克世，亦不宜动也。

**拆但岂嫌财象发，兴新偏忌父爻虚，造成屋室忧冲散，印绶无空更久居。**

凡论房屋以父母为用爻，最嫌财动，惟占拆卸旧房，不嫌财发，父纵落空，不须疑虑。凡创新房父宜有气，但嫌财值交重。财爻又不宜空，空则家资淡薄。又论未造之先并拆旧者，纵遇六冲无咎。房屋既成大忌六冲之卦，更怪父值空亡。卦不冲而父不空，方居久远。

## 工匠巧拙章第四十七

（起造以间爻为主，单占以应象为凭。）

**造室修船择匠工，须凭应上定形踪，弟兄值此奸愚拙，财福临之精巧通，父母在时为作首，鬼能压倒祝符同。**

凡择五色工匠，皆看应爻。应临兄弟，此匠拙而且奸。应若临财临子，其人细巧多能。应临父母，堪为众匠之班头。应值鬼爻预防压倒。

**多言朱雀归其位，迟钝勾陈立此工，性独猖狂居白虎，才高伶俐自青龙，空亡墓绝无功绩，造不周圆犯六冲。**

应临朱雀，开口多言倘招口舌，应带而去，其人迟钝，再见鬼爻匠忧跌卧。临白虎其性刚而且狠毒。遇青龙，心多智慧而技艺精通。若应值螣蛇，匠主虚浮之性，又存一倒之心。应逢玄武，为人甚好奸雄，如带兄官须防窃取。应爻纵带青龙财福，若落空亡、或临月破、或被日辰冲击，皆莫用之。如卜六冲之卦，匠必无缘，难全终给。

**应克世爻兄或动，伤财费料弗依徒，兴工卦内非如此，间作斯人辨吉凶。**

应如克世，匠怀暗损之心。兄弟动来克世，多费资财。单选匠人依前一。凡占起造，卦内所兼

问匠人者，不取应爻，反凭二间，间若空亡，匠工无力，间克世爻，匠来欺主。间爻临鬼值螣蛇，须防压倒。

## 涓选日时章第四十八

（吉则用子孙为主，凶则用官鬼为凭。）

**动土修房及造船，安床栽种下春蚕，裁衣蓄发加冠带，举殡除灵安葬连，探客出行医疗病，分居入宅与更迁，诸般吉日嫌官动，又怕官爻克世边。**

凡选一应吉日时，皆忌鬼爻发动，鬼纵不动，克世，亦凶。鬼如不动不克世爻，不值作事之日，便为吉也。

**虎动休迎棺椁至，兄兴开肆损财源，六冲不用成亲日，子动单忧赴任官。**

诸般吉日，忌鬼为先，凡接寿停，又嫌白虎。如作生涯，不宜兄动。结婚承继，皆忌六冲。惟有赴任官员，不嫌鬼发，反忌子孙动官空。

**写像安神同祭祷，官爻静旺却为先，鬼空必主神非在，鬼动还愁圣不安。**

凡写佛像并安奉神堂、及守天赛愿，看鬼爻，切不宜空，空则神祇不在，又不宜动，动则阴司不安。须得静而又旺，便获佳祥。鬼克世爻，亦非宜也。又论问卜着免灵日，亦看官爻，或动或旺必通灵，遇绝遇空无感应。卖卜者，喜官鬼。

**上学求师兼拜表，妻财发动事难圆，取徒继子并收养，父母交重永不全，各定忌神愁旺动，还须鬼静祸无干。**

上学攻书延师重傅、具揭奏本、进耳表章、修史铸印，皆用父母爻为主。父不空而财不动，便作良时。憎道傅徒、民间继子、及牧养六畜，皆取子为用爻，最嫌父动。但择日时，卦内忌神不动方不交重，鬼不克世，乃为吉日良时也。

## 迁移居什章第四十九

（以内外为主，衰旺为凭。）

**守住迁居，内外两爻分得失；更方改向，福官二位察灾祥。内爻为已住之堂，间守内衰终不发，外卦乃未居之地，占移外旺定然昌。兄官若并内之爻，非宜旧室，财福如登外之象，大利新房。**

凡占守旧，须得内外旺相方为大吉，临胎没次之。若得妻财子孙在内，守住为高。内卦如临死休囚废，又带兄官，况无财福者，便宜火速移居，免遭愆咎。若卜迁移，须看外卦，旺带吉神则吉，休囚值凶煞则凶，外若空亡还须守旧，内如落陷速要更新。内外居旺，旧新皆吉。内外俱衰，行止

皆凶。如占改向最宜财福兴隆，大忌兄官发动。虽然不动，兄鬼若临此向则凶。且如大有卦，财福之方宜朝东北正北，鬼兄之向莫对东南正西。离卦有兄官，正南尤忌。干宫带财福，西北可宜。又如甲子旬壬申日占此卦，干宫虽有财福，临空，不利西北，妻财虽在寅爻冲破，不宜东北，惟有子孙之向正遇长生，止宜正北。

**父为房屋之用爻，忧临空陷。子乃宅神之本位，喜值兴隆，鬼日凶爻，无则家资被耗。财云吉象，动则屋宇遭伤。父带吉星或化子孙而众福，父临凶杀或之官鬼以成殃。**

不论移居守旧，皆取父母为用。爻空则不久。子孙为宅神，旺须发福。官鬼为凶星，亦不宜动，动则多祸多殃。又不宜无，无则资财耗散。妻财为财帛亦不宜空，空则生涯冷淡，又不宜动，动则房屋有亏。父母之爻若值青龙天喜贵人者，或变子孙乃是发家之屋。父加白虎亡神或变官鬼便作损耗之房。

**所喜者，生世合世之方。所忌者，克身冲身之向。更忧官鬼之乡，又喜子孙之所。**

混卜利行何处，专看世爻，遇合叨生宜往，逢冲受克莫行。又忌鬼值之方，更喜福临之向，空亡之位，岂可安居？墓绝之乡，不宜移徙。假令问往何方，占得剥卦，此卦世临水象，大忌辰戌丑未克世之方，所喜申酉来生，往西则吉。又看鬼临巳上莫至东南，福在水乡利行正北。丑方虽合克世不宜。又如六月甲辰旬乙巳日，卜得无妄卦，水来克世不利北方，火赖木生宜行东北，岂知木值空亡，东亦不宜，细查官在申方西南尤忌，止喜福居午上，宜徙正南。因午属正南故也。

**卦入六冲，居之不久。世投四墓，行之不成。鬼动则诸般招祸，世空则凡事不宁。**

不论迁移守旧，若值六冲，皆居不久。世临墓库，移徙难成，墓得冲开，反能迁去。不拘住旧更新，不论东南西北，鬼如发动便作凶推。世若空亡，纵吉不吉。卦象纵然旺相又带青龙宜旧宜新，却要探微索隐，当行当止，还须阐易参玄。

## 同居共寓章第五十

（以世应为主，生克为凭。）

**与人共住应爻详，若值空亡不久长，扶世生身皆吉庆，倘来克世主乖张，世空已变他无变，应破他伤己不伤。**

占人同住却看世为我，应为他。应若空亡，他居不久。应如生世，必有益有情。应来克世，我被他伤。世值旬空，彼虽无变，我有更迁。应临月破，彼自遭殃无伤于己。

**应去生官官害世，彼唆殃祸至家乡，火官在应防回禄，武鬼临他引贼藏，官鬼发时忧讼害，子孙旺处得祯祥。**

应与官爻同来克世、或应生鬼象，鬼自来伤，皆主他唆殃祸损我身家。应值火官，忧他失火。玄武鬼爻临应，虑彼不良、或窝赃盗、或引贼来家。六爻之内鬼如动者，便为不祥。若得子孙发动、或持世者，定见康宁也。

**兄动伐身多损耗，交重朱雀有非殃，六冲即便分南北，六合远须永远昌。**

兄弟动来克世，暗耗资财。朱雀爻兴，多生是非祸殃。六冲之卦，二边不久各东西。六合之爻，主客和同堪久住。

## 置产立户章第五十一

（以福神为主，才象为凭。）

**置买田园屋兴舟，创丁立户事同求，福神当道妻财旺，管取兴隆利倍收。**

凡占置买田地、山场、房屋、舟车等物，及成丁立户事亦相同。卦得子孙持世或发动，妻财旺相或生世克世，定主广收花利财帛丰盈。若财落空亡又无福德，置产者终无利息，立户者家不荣昌。

**内外相冲非永远，兄官发动切须愁，应爻克世防侵损，世值空虚不久留。**

置产与创丁，皆忌六冲之卦，冲则不成，纵成不久，日辰冲世亦然。又论兄与鬼皆不宜动，兄动则无财无利，鬼动则多讼多非。若得鬼空兄陷，有利无殃。应如克世，常多侵扰之忧。世若空亡，产存不久。

**朱雀鸣时招口舌，勾陈动者许更修，船遇螣蛇惊渐至，屋逢玄武贼频偷。**

朱雀值鬼兴，置产多招口舌。勾陈临福动，房屋却喜更修。临鬼亦不可也。螣蛇带鬼为虚惊，又为精怪。田地山场，不必忌之。舟船遇此，惊恐不常。屋宇逢之，内藏魔倒。惟有玄武临官动者，不拘问屋问船，皆防贼至。

## 寄装丁产章第五十二

（以世应为主，福德为凭。）

**将产寄装他户下，能嫌世应犯其空，远年共籍爻逢合，近日分颜卦值冲。**

凡卜寄丁寄产，须观世应之爻。世空或寄不成，纵寄不久。应空，彼不相容，虽容不美。世应皆空，决然不利。世应俱动，后必有更。卦逢六合，永久和谐。合处逢冲，后来退悔。如卜六冲之卦，必是口是心非，彼我无情何能寄籍？

**福旺鬼衰皆喜悦，兄安雀静两和同，世遭应害防吞占，应若扶身决始终。**

寄装之事，须得子孙旺相，或持世上或值动爻，便无门户。鬼兄朱雀不动，终得安闲。兄值动

爻克世，多遭破费。虽动不克世，纵费还轻。应带神克世，彼怀吞占之心，世得应生，全赖维持之力。应生世为美。

**鬼雀动兴多户役，文书空陷莫投从，旁爻克世加兄动，后虑傍人举首凶。**

鬼临朱雀交重，决与词讼、或审差徭。父母为产业，若落空亡，不宜寄此。旁爻兄动克世，必有他人举首。若得子孙同发，不妨。

## 治家分合章第五十三

（以用爻为主，财福为凭。）

**治国齐家权最重，分居合伙数同排，弟兄当道兄宜旺，父母司权父怕衰，子媳掌家求福德，妻奴管舍伏妻财，自身专主推身世，各定爻神莫乱猜。**

若问治家之主，各有用爻。兄如专主，兄弟宜逢生旺。父母当权，文书不宜空绝。用在儿女，子莫休囚。家托妻孥，财爻莫陷。自身作主，须看世爻。他人代卜，应莫空亡。

**用旺变衰前获福，用衰变旺后生财，用爻静旺无冲克，前后兴隆谢上台。**

用神虽临旺相而变墓绝克冲、或之退气泄气，始虽茂盛终见萧条。主象纵值休囚，化出生扶进气、或之帝旺长生，前虽贫乏，后主荣华。用爻安静旺相又无冲克刑伤，定见始终发达家道兴隆。用旺虽临动处更变生扶，此乃锦上添花，理合答谢天地。

**六合年年增产业，六冲岁岁见多乖，福财若动佳祥兆，兄鬼如兴横祸来。**

若卜分居或占合住，先看用爻，次评诸象。爻当六合，添丁进产之荣。卦犯六冲，损物费财之祸。若得妻财子孙发动、或值世身，必多吉庆。兄弟动，则资财耗散。官鬼动，则词讼干连。

**内外卦爻逢旺相，纵无吉曜称君怀。死囚休废临其象，定主萧条又非灾。**

星辰不若五行，爻象曾如八卦，虽看爻神之动静，还推卦体之兴衰。内外二卦如临旺相之乡，纵无财福吉神，也主兴家发产。如临胎没，稍得从容。内外若遇死囚休废，纵有吉星，也难发达，非惟无福，反有灾愆。内外一旺一衰，事主半凶半吉。内外皆值空亡，定见破家荡产。衰卦变生扶，先贫而后富。旺卦之冲克，前富而后贫。

## 添丁纳使章第五十四

（以妻财为主，不遇绝空冲破为佳。）

**取奴财静称心怀，鬼动招殃兄动乖，财兴应爻生世吉，应空财破岂能谐。**

主占取仆，财乃用爻，亦不宜动，动须不久，又不宜空，空不助主。卦若无财，非为奴仆才。

爻纵然有气，又不宜官鬼兄弟交重，鬼动则多灾讼。兄动则多是非。若得鬼又安静，财兴应爻又来生世合世，必是助主兴家。应若空亡、或财被日冲月破，其仆身在此心向他人，有何力哉？

**游魂诚恐心常改，合处逢冲主仆开，前后卦中冲大忌，用临驿马去难来。**

凡卜游魂，此仆心常不定不可用之。如逢六合之卦，财爻不动不空，决然主仆相投，又能绵远。若合处逢冲，始虽和而终必竟，岂能久乎？若值六冲之卦、或变出六冲，皆说上下无缘，离心离德，复查驿马星，如值财爻或应爻动者，心在他行，后恐潜踪灭迹。驿马纵临财，应不动无妨。

## 雇请人工章第五十五

（以应爻为主，不遇绝空冲破为佳。）

**雇工人把应爻推，若落空亡意渐随，生合世身方得力，不逢冲破满年回。**

凡雇人工，以应爻为主，应若落空，岂能助力？应加旺相又来生世或合世，或兴世比和，皆得助主之力，应爻若被日冲月破、或六冲之卦，皆不得满年足月，半途而废也。

**兄官动以凶殃扰，财子兴而吉庆随，世克应爻人必服，应伤世象主遭亏。**

兄弟官鬼二者，皆不宜动，动则不宁。带朱雀动，易惹是非。临玄武动，倘遭失脱。虽动不克世犹可。兄鬼动来克世，其祸愈加。妻财旺而生世者，必假其力以生财。子孙持世或发动，则无忧而有喜。世如克应，可以服人。应克世爻，反来欺主。若得相生，上和下睦。

## 布种田禾章第五十六

（以妻财为主，福德为凭。）

**凡卜田禾当看财，如居空绝莫畔栽，官爻持世兴伤世，便作凶荒复细开，火患焦枯天亢旱，水多洪雨没圩阶，土金二象螟蝗出，木被风吹虚耗灾，子动财兴方大熟，鬼空兄静永无乖。**

若卜田禾，财为主象。财临绝地又不生扶，若陷空中更无填实，子孙又不当道，必主无收。官鬼若持世上，纵不持世如值交重、或来克世，如此三端犯一，便为荒歉。鬼值火兴，其年亢旱。官临水动，洪雨连绵，临金临土，皆犯虫侵。惟值木官，收被狂风吹偃壳秕轻收。如无风害，必遭虚耗。阴阳秀而不实，鬼爻不动又不持世克世，虽带五行不必言也。若得子孙发动，妻财有气，鬼兄安静休囚，此等卦爻主为大熟。

## 浼妇育蚕章第五十七

（以应爻为主，财象为凭。）

**浼妇来家代育蚕，财为主象应为先，财中莫变兄和鬼，应上休临父与官。**

凡占蚕妇先察应爻次观财象，财若空亡、或化兄弟官鬼，便曰薄收。应爻若临父母官鬼，反伤蚕畜，不可用之。应发克世，设计中伤终无利益也。

**旺相子孙多蚕茧，交重兄弟少丝绵，父摇有害忧人触，子绝无收费叶钱。**

子孙旺相，多获丝绵。兄弟动兴，有亏资本。兄动子亦动，蚕反倍收。父母交二，犹恐人来触犯，宜慎蚕房。子如遇绝或值空亡，枉费叶钱，蚕花无望。

**鬼动六冲皆不用，卦逢震巽尽成欢，应空彼力无毫忽，财旺丝金获万千。**

官鬼发动，必损春蚕。鬼动子亦动，却辨兴衰。子旺鬼衰又无损害，子衰鬼旺仍作凶推。卦犯六冲无缘莫用。惟有震巽为蚕娘，或内或外得此卦中，其妇善能育饲。又看三爻与应爻皆为蚕妇，若犯月破旬空妇必懒惰眠起失时，或此妇既时有病。蚕妇不临空地，兄鬼不动财福皆兴，此等卦爻十倍收成。

## 养蚕作茧章第五十八

（以福神为卦主，财象为凭。）

**凡看春蚕，须得福神旺相；欲成丝茧，惟求财象兴隆。**

子孙为蚕花、妻财为丝茧，二者不可空与无，大宜旺相。

**鬼动福空，虽育半筐还损失；官衰子旺，任收十倍更盈余。财福二爻临木火，静而尤美；兄官两象值世应，动则尤凶。**

凡育春蚕，所喜者财福二爻，所忌者兄官两象。鬼如发动子又空亡，此蚕不拘多寡，殄灭无遣。鬼象衰而且静，子值旺乡，全收蚕利。子孙但临木火，多获丝斤。如临金水之爻，蚕僵利失。子居辰戌丑未，止得半收。又论子孙为蚕命之爻，不动不空静旺，称为大吉。兄弟官鬼不宜临世应之爻，静无大害，动兴灾。

**有子官兴，速去祈禳终有益。无孙鬼动，纵来祭祷也无功。子变父官，满室盈栏无结秀。官之财福，答天谢地有收成。**

鬼虽发动，子无刑克冲伤，若还祭祷，终有收成。子孙若受克逢空及不上卦，纵然请祷，亦无所收。子虽得地，若变兄弟鬼爻、或之墓绝、或被月建相伤，三眠四起虽不可观，到老收成大失所望。卦有子孙又见鬼爻发动，未可便作凶推。鬼若变为财福，若去酬神，自获蚕利。

**子乃蚕身，无片言之辨。鬼为病症，有五类之分。水犯湿青，火当焦退，金为亮白，土主痿黄，木被狂风，蛇遭惊恐，勾陈因动作之妨，白虎为丧家之犯，遇青龙虑笙箫歌唱，逢朱雀忧斗打喧争，**

**玄武则移气而冲，咸池则移人而触。子防鼠耗，巳受蛇伤。鬼到巽宫尚遭风报，官来震卦恐受雷惊，坎中则被漏淋漓，离内则有伤火气。**

子孙之论其列在前，今推官鬼之爻，不宜发动，动必有伤，看值何爻，便知何病。水鬼主蚕鸟烂，火官渐渐焦稀，金主白僵，土当黄死，木鬼为日月风而损，螣蛇因惊吓而伤，勾陈鬼或曾更改后动犯有妨。白虎反恐邻家举殡除灭、或有服之人入室，故损蚕花。青龙鬼尚逢淫乐及歌唱之声，朱雀鬼恐闻斗殴并喧嚷之非。玄武鬼防移气之冲伤。咸池鬼忌移人之独犯。子鬼虑鼠来吞，巳鬼忧蛇来啖。官临巽卦动，蚕被风伤。鬼在震宫兴，蚕遭雷吓。坎内鬼摇，蚕房雨滴。离中官发，伤火难调。鬼若静时，莫将此断。

**初为蚕种，见则宜更。二作蚕苗，带须受病。三曰蚕娘之位，犯必灾生。四云蚕叶之爻，临渠价重。五是蚕筐，逢之有损。六当蚕茧兰，遇者无收。虽临官而安静，稍见其殃，如值鬼以交重，定成此祸。**

卦列六爻，皆为蚕体。但逢官鬼，祸必相随。静则其祸还轻，动则此殃最重。鬼若交重，便宜祭祷。要知何祟，详见搜决神鬼章。

**父值身爻，有子无兄多损害。兄临世动，有财无子少丝绵。贪生忘克若分明，万事干端皆透彻。**

父母持世，或发动、或临日月、子必受伤，蚕难胜意。若兄弟与父爻同发，转助子威，蚕获大利。兄弟持世或发动或临日月，能克妻财，难收丝茧。如逢子兴兄爻皆动转生子象，其年倍得丝绵。凡看卦爻须察贪生忘克，不可卤莽轻言。

## 桑叶贵贱章第五十九

（以妻财为主，福德为凭。）

**先察蚕花之得失，次观叶价之高低。蚕卦内惟凭三四之爻，叶卦中单取妻财之象。旺而生克世，贵若黄金；衰遭世克，伤贱如白土。**

蚕卦之中，兼推桑叶，却看三爻与四爻，如临官鬼，价必胜高，旺相尤贵。三四爻不逢鬼象、或值休囚，此叶必贱。单占桑叶，又不取三四之爻，独推财象，财旺则价高，财衰则价薄，财空则大贱，财爻持世克世，价必如金。世爻或月建克财，贱如灰土。

**才变兄官子变父，则前重后轻。妻之福德鬼之才，则前轻后重。**

才如得地，目下价高。变出兄弟、或变官爻、或之墓绝，叶价后不如前。妻才若化子孙、或变长生帝旺，价必日增贵高无比。卦纵无才，若官鬼或子孙化为水者，皆主始贱而终贵也。

**用行死财日利必轻微，主到旺生时价还高厚。**

要知叶价何日贵何日发，专看才爻。如临死日、败日、绝日、并兄弟值日，其价必轻。才遇生日、旺日、及子孙值日，此价方高。如占一日内贵贱，却把增长定之。

**卖愚子孙专主，买求兄弟当权。**

卖主来占，还须才旺，才来生旺克世或持世，更逢福德交重，必得重价。买主来占，要逢才弱，兄弟持世、或发动，必当贱卖，其价轻微。

**内旺外衰，他乡可置。内衰外旺，本境堪图。**

内卦与亲宫，皆为本处。外象兼他卦，咸作别乡。若内卦旺、或亲宫旺、或才居内卦亲宫，本境价高，宜往他境可买。如外卦旺或他宫旺或才居外卦，他宫远途反贵，本地偏宜。内外俱衰或俱旺，远近皆同。

**正卦有才之卦无，买须落后。主卦无才变卦有，卖则宜迟。**

主卦才爻当道，变卦无才，叶宜早卖，主卦虽无才象，变出才来有，桑必须迟脱。

**妻值火爻，必致朝增暮长。才居水位，决然日减时衰。**

叶价取财爻为主，总言应时则贵，背时则贱。卖叶必在四月之间，财宜火地，纵然来年冬月来占，如卜火才，目下虽值休囚，至次年孟夏，此火自然当道，岂不贵乎？

此章若得精通，叶价便知贵贱。

## 六畜禽兽章第六十

（以子孙为主，分宫生肖为凭。）

**一应飞禽，咸喜子孙旺相。诸般走兽，俱宜福德兴隆。**

凡占诸般禽兽，皆看子孙，旺相生扶，定然长养。若值旬空月破，必主亏伤。

**初鸡二犬三猪四羊五牛六马，鸭同鸡位，猫共犬爻。近日众牲，只取六爻之定位；远年禽兽，远凭八卦之分宫，干马坤牛震龙坎豕兑羊艮犬离雉巽鸡，再加生肖之爻，可决血财之利，又附亥鱼酉鸡午鹿寅猫。**

凡推六畜，各有分宫，如初爻为鸡为鸭为鹅。二爻为犬为猫。三爻为猪。四爻为羊。五爻为牛。六爻为马为骡为驴。凡一年半载之禽兽，方看六爻，凡过五岁之众牲，却凭八卦。干为马、坤为牛、坎为猪、震马龙又为兔、兑为羊、艮为犬又为鸟。离为雉，巽为鸡，不拘近远，禽兽不可不看生肖之爻，子鼠、丑牛、寅虎、卯兔、辰龙、巳蛇、午马、未羊、申猴、酉鸡、戌犬、亥猪，细查演禽之法，丁亥为猪、癸亥为鱼，故鱼附在亥。丁酉为鸡、己酉为鸡、癸酉为鸦、故鸟附在酉。丙午为马、戊午为獐、壬午为鹿、故獐鹿附在午。丙寅为虎、壬寅为豹、戊寅为猫、故猫附于寅位也。

**定位与分宫，不陷不冲逢旺吉。本命之生肖，临兄临鬼值空凶。**

分宫之爻，若值旬空、月破、日冲者，皆不为佳。或临官鬼兄弟必犯灾屯。分位如临财福又得生扶旺相，必然长养成群。本命即生肖之爻，纵值空冲破绝及兄弟之爻，俱各无碍，惟临官鬼立见伤残。

**父作忌神，不动或空为福。财当利息，逢生或旺为佳。兄乃劫财，摇须亏本。鬼为恶煞，动必生灾。**

父母为忌神，最宜安静。妻财为利息，大要生扶。兄弟为劫财，切嫌发动。官鬼为恶煞，纵不临分宫本命之乡，动必为祸。兄鬼为空，始终为吉。

**猫犬猪羊最嫌白虎，鸡鹅牛马惟喜青龙，雀临鬼动讼忧生，武带官爻物恐失。**

惟有猪羊猫犬四兽，最嫌白虎交重，其余之兽不忌此星。青龙发动，件件能收。鬼临朱雀动，易惹官非，鬼临玄武动，终遭失脱。

**六合还须养育，六冲切莫收留。要决刚柔，须详动静。欲知肥瘠，却看兴衰。**

六合之爻便宜喂养，六冲之卦岂可留延。合处逢冲，畜之不久，俱看分宫与子孙发动临恶煞，此畜顽劣，安静带吉星，其兽驯良。旺则肥，而衰则瘦也。

## 忧疑损害章第六十一

（以身世为主，福德为凭。）

**人无远虑，倘遭旦夕之忧。易有久灵，能决往来之事。世位临空，已不受他之阻节。应爻落陷，彼非诉我之情由。官中扳害，外悉克内鬼愁兴。私下损伤，应忌伐身兄忌动。**

预防扳害，当论世应之爻。世若落空，祸殃皆脱。应若落空，他难损我。世应若不空亡，便寻生克，世克应或内克外，不论公私毫无克害。如应克世或外克内，必受其殃咎。若逢鬼动，事到公庭，如见兄摇，财遭破费。

**旺相子孙，灾讼决其缠染。交重官鬼，祸殃岂不牵连。月将生官，虽往宁家生不测。日辰制鬼，纵陪病体卧无妨。世旺无伤，任好探灾问讼，身衰有克，切非送殡乱辞幡。**

凡去探灾问讼送殡辞幡俯遭妨犯虑被仇伤一应忧疑，皆嫌官鬼。若得子孙旺相或发动或持世或临日月克制鬼爻，诸般无害。若逢官鬼发动、或旺相或持世或克世或临日月，皆惹祸殃鬼。若空亡，般般无忌。又看世爻，旺遇合生者喜，衰逢冲克者凶。

**鬼值六神兴，定六般之患难。官临八卦动，分八向之忧危。朱雀同宫，莫去传音附信，青龙并位，休来新保为媒。如遇勾陈，拆旧更新当染患。若逢白虎，修棺合椁反招殃。住螣蛇事防连累，**

**居玄武物被侵偷。**

官鬼之爻看临何兽发动，便知何事招殃。鬼临朱雀，事主文书或寄信或喧哗或词讼。或往火场，恐惹祸端，皆宜速避。青龙鬼动，事主花酒或行善原或往喜庆之家，反招殃祸。勾陈鬼杀、或至征战之所，祸起难逃。螣蛇鬼动，主妖怪或魔倒或虚惊或因动土而起。玄武鬼动，事主盗贼、或坑厕、或水利、或阴人、或往江湖而染患；

**在艮则忌临东北，不利山林。在坤则弗酶西南，岂宜坟墓。震为东向巽东南，起屋上梁休奉贺。**

**兑乃西方干西北，看经讲道莫登坛。坎嫌北往及江河，离怪南行兼炉冶。**

艮宫鬼动，祸起东北或山林及骨冢、兼少男并犬畜、或击石樵柴之类。坤宫鬼动，祸起西南，或坟墓及荒郊兼老嫗，布正犬兴并牛畜，或修砌动土之类。震宫鬼动，祸起正东、或创作或树木、并舟楫兼长男或木行船枋之类。巽宫鬼动，祸起东南、或兴造及风报，兼长女并鸡畜或竹芦花草之类。兑宫鬼动，祸起正西或庵堂或尼姑，及水利酒肆并少女同羊畜并祝巫妾妇。或念佛烧香之类。干宫鬼动，祸起西北或寺观释子、或高楼兼金玉并白翁同骡马、及城垛或看经讲道之类。坎宫鬼动，祸起正北、或江河或盗贼及狱门，并中男兼豚豕、或沟坑池井之类。离宫鬼动，祸起正南或锅灶并窑炉及术士、兼中女或锐炮流星之类。

**申酉避凶丧，又避战征场内。寅卯忧斫伐兼忧造作门中。水愁水路之行，藏火虑火场之来往。**

**辰戌忌山岭，丑未忌坟茔。**

鬼属金爻，忌丧家及征战并宰杀之类。鬼爻属木，忌造作并斫伐之类。鬼属水爻，忌江河并池井及混堂之类。鬼属火爻，忌火伤及窑炉之类。鬼属土爻，忌山林及荒郊坟墓之类。不动不必言也，又看鬼值何爻。便断何方莫去。且如鬼在坤宫，可决西南惹祸，余皆仿此。

**动必生殃，纵不克身仍不吉。静虽尤咎，若然伤世定然凶，随官入墓，处处屯。助鬼伤身，方方坎坷。**

凡官鬼之爻，不拘临在何爻何卦，动必为殃，纵不克世伤身，既动无不作祸。且如否卦四爻火官独发，前列火伤及窑炉大忌不可，拘疑往北方水路。鬼动亦见凶危，但若官摇，不论东南西北概不为详。鬼如安静，永不为殃。倘来冲克世爻，虽静亦能为祸。凡世身本命随官入墓、并助鬼伤身者，一切事情决无佳况。

**用象化官殃速至，鬼爻变子祸潜消。世上有官，吉曜纵兴终有害。卦中无鬼，凶星虽动永无伤。**

卦中鬼不交重又不克世，本为清吉，岂知用神动化官爻，反遭愆咎。卦内鬼爻虽动变出子孙，定主先凶后吉，祸必潜消。官虽不动若值世爻，纵有天喜贵人，此殃难解，卦中无鬼及落空亡，虽逢朱雀白虎凶星恶煞交重，并无损害。凡卜忧疑，鬼不临世克世又不发动，子孙旺相又不化出官爻，

此等卦爻，决无祸患。人欲趋吉避凶，起未定卦乃决疑解惑，行止能分。心若竭而祈诚，言有叩而必应。

## 防非避讼章第六十二

(以官鬼为主，朱雀为凭。)

**时常问卜虑官司，却要官居空绝时，子动龙摇无横事，鬼兴雀噪定成词。**

凡占词讼有无，须推官鬼，鬼若空亡、或临绝地、或不上卦，便无官非。纵有官爻，若得子孙发动，或持世上，永不成词。鬼带青龙，亦无横祸；鬼临朱雀发动，讼必当兴；鬼爻若化子孙，见凶得吉。

**螣蛇值鬼牵连讼，玄武阴人盗贼知，白虎验伤分胜负，勾陈争产辩赢输。**

螣蛇鬼动，若不为牵连之讼，定不免光棍之非。玄武鬼动，祸起阴人。或为盗情，或因水利。白虎鬼动，事干丧服，或主枪伤打伤之累。勾陈鬼动，祸由田产、或为公差之事、亦或因债负之词。

**又云更推何象之为鬼，便见谁人起讼端。福德变成卑幼起、或因僧道及歌欢。妻财化出阴人仆。或为生涯货物牵。兄弟动来因手足朋友喧哗、或赌钱。爻逢父母之官者，尊长文书衣产船。官化官爻兴旧讼，变为空地不须言。**

要知何事何人起讼，但看何爻化出官爻。子孙化鬼，事起儿女之辈、或僧道医乐及善原并禽兽兼酌酒、或歌唱等类之讼。妻财化鬼，事起阴人、或奴仆及买卖并财物兼粮食等类之讼。兄弟化鬼，事起弟兄，或姨妹及朋友并同类兼中保媒妁等类，如加朱雀，便是赌博之讼。父母化鬼，事起尊长等辈、或文书及房屋并舟车兼袍服、或坟墓等类之讼。鬼化鬼，事起旧讼，不然亦主两情、或三衙门、或结后复告。以上六亲纵然此日官鬼化鬼若空，又不依前断之。

**离中鬼动因中女，艮内官兴为少男，以上他宫如此断，六爻安静讼无干。**

离官鬼动，事因中女、或火炮及炉灶并术士兼文墨等类之讼。艮官鬼动，事为少男、或山林及骨冢并犬畜等类之讼。干宫鬼动，事为老翁，或寺庙及释子并城垛高楼兼骡马等类之讼。坎宫鬼动，事为中男、或江河及盗贼并水利兼猪畜等类之讼。震官鬼动，事为长男、或起造及树木并舟楫等类之讼。巽官鬼动，事因长女、或花草及竹芦并使风兼鸡畜等类之讼。坤宫鬼动，事因老嫗、或分坟墓及荒郊并牛畜布正大车等类之讼。兑官鬼动，事因少女、或庵堂及尼姑并水利酒坊兼羊畜等类之讼。凡占讼有无，鬼若休囚安静，朱雀不摇，便无讼扰。

## 防火避焰章第六十三

（吉则用子孙主，凶则用官鬼为主凭。）

**占火惟凭官鬼寻，交重克世火殃临，世中遇此兴家室，应上逢之起对门。内卦鬼兴忧本宅，外爻官动虑乡邻。要知何处红光透，八卦须将八向分，鬼在艮宫东北起，官居离卦正南焚。**

占火独须推官鬼，鬼如发动便有火殃，不克世身并内卦，虽见无妨。动来伤宅或克世爻，难逃回禄。世值鬼摇，本家起火；应临鬼动，对宅兴灾。内卦兴亲官鬼动，祸不离家。他官或外卦官兴，火由邻里。又看鬼动何官，便曰何方火炽。干宫鬼动，西北兴灾。鬼在坎宫，殃生正北。官居艮上，东北遭殃。震上鬼临，正东受惠。巽家鬼动，祸及东南。离内鬼兴，正南发觉。在坤，西南被害。在兑，正西起殃，卦中纵有鬼，若不动，则不必言。

**或空或绝无回禄，安静休囚也不侵。子动伤官殃熄灭，福临世上火光沉。鬼爻暗动伤身者，倘中冤仇报复心。**

卦无官鬼，纵有或值空绝，必无火光。爻如有鬼，若值衰静不克世爻，亦无害。卦见子动或持世、或陷日月，火必潜消。官虽静、或被动爻冲官、或日辰冲鬼、鬼与应爻同克世，恐仇人放火，防备须严。问火有无，须要官鬼休囚，亦不发动又不克世，便无火殃。

## 提防盗贼章第六十四

（以官鬼为主，玄武为凭。）

**子旺官空玄武静，门窗不闭永无忧。玄摇鬼发远财助，墙壁坚牢也被偷。**

凡占盗贼有无，却凭官鬼，鬼在空亡及不上卦，玄武又不发动，必无盗贼来侵，纵有鬼爻，不临玄武又不交重，亦无贼至。官爻虽动，而玄武不动，子孙况值交重或临世上，终无失脱。子与鬼爻皆动却看旺衰，子旺官衰不须疑虑；子衰官旺，贼势难防。玄武与官鬼二爻皆动，又遇动爻助鬼或日月生官，虽然屋宇坚牢，穿偷难免，鬼如化子纵被侵偷，必然缉获。

**那月官临生旺值，便知此贼至门头，交重玄武无官鬼，有口无心不必愁，艮家鬼动防东北，坎北离南一理求。**

要知贼冠何月来侵，便看鬼临长生帝旺生扶之月，又看临值何月，便知此贼方来。假如占得明夷卦，四爻土鬼动，土赖火生，先防五月，土生在申，再忧七月。鬼临丑土，腊月当来，其余诸卦就此推详又推。玄武发动鬼值旬空，贼虽起意终不来侵。要知贼在何方，且看鬼居何卦，鬼在干宫，贼居西北，不来亦在寺观之中。鬼在坎宫，贼藏水口，不然亦在北方。鬼在艮宫，便言东北、或在山林。震宫鬼动，盗隐正东，若非树下，定近船坊木行之所。官居巽卦，当日东南，必近竹园或草堆之所。鬼在离宫，南方之贼，若不在窑炉之所，必匿于银铜铁匠之家。坤宫鬼动，便断西南，若

不居坟墓之所，必在荒郊旷野之内。鬼入兑宫，贼从西路，或在鱼池水阁之傍，或近小庙庵堂之处。卦内鬼多不动，玄武朱雀皆兴，兄弟化出官爻，必是赌输而为盗，玄武临财化鬼，若非妻妾之亲，必是奴丁为盗。在内则本家之仆，在外则他姓之奴。玄武子孙化鬼须防子侄，或僧道来偷。玄武父母化鬼，倘遭尊长相侵，或被不就文人作盗。玄武官化官爻，必是远年绩贼。玄武鬼爻白虎，当推戴孝之人。卦内官爻及化出官爻，如临空陷，皆不可以盗贼言之。

## 御避灾患章第六十五

（吉则用子孙为主，凶则用官鬼为凭。）

**防灾避患忌官爻，安静休囚祸不招，遇旺遇生灾速起，或无或陷病潜消，不伤身世无魔瘴，如值交重难莫逃，日月制之殃咎散，子孙一动灭邪妖。**

凡占自身疾病有无，当详官鬼，鬼逢生旺必见灾速。若落空亡或不上卦，永不为殃。鬼如发动岂不生灾，不克世身终无疾厄，官爻虽动，若得子孙同发、或子临日月、或子孙居世，万祸潜消。无鬼便无灾。

**谁爻化鬼谁人犯，那命临官那个遭，更论六亲谁受克，可推轻重决分毫。**

又论合家病疾有无，须寻用象。父爻化鬼灾至椿萱。兄象化官祸延手足。子化官爻，殃从儿女。财之用象，病在妻奴。官化官爻，令门受惠。世化官爻，病临自己；应之鬼位，妻妾不宁。复查人之本命临官，必主为灾；假令占得某卦，午火临官便曰属马生人受惠，余照其详。鬼若空亡，不依此断，更看六亲之象，不可受伤。财动则祸忧尊长，鬼兴则殃及兄弟，兄摇妻病，父动儿灾，妻若来占，子动夫君受惠。其余问卜，子兴皆作康宁。问病有无，卦内忌神不动，鬼不交重，用神不值旬空月破，便言平安。

## 何处得病章第六十六

（以官爻为主，动象为凭。）

**欲知何处起灾星，须把交复位向真，爻静可将外卦取，无官却在本宫寻，当推官伏何爻下，鬼上飞爻方有因，假令卜得家人卦，鬼伏三爻辛酉金，但看飞神己亥水，便言西北犯灵神，飞官伏鬼皆空者，病体终无邪祟侵。**

凡占何处得灾，并看何方犯祟，不论卦中有鬼无鬼，如见动爻，即以动爻取之。火动曰南，水动曰北，如卦安静亦有官鬼，便取外卦断之。外巽则东南起祸，外干则西北招殃。卦若安静又无鬼者，并不取外卦而推，却看鬼伏在何爻之下，鬼上飞爻定其方向，假令讼卦安静，鬼伏三爻午火之

下，便云病起南方。又如遁卦三爻六爻动，既有动爻便言动，动申是西南，戌乃西北，病从一处岂有二方？即要二者并看，只曰西方。又如遁卦安静，卦虽有鬼并无动爻，便将外卦而决，祸从西北而来。又如小畜卦初爻二爻动，官鬼虽无，动爻可取鬼当正北，寅为东北，二象并推总言在北。又如小畜卦初爻二爻动，无官难取外卦，方看鬼伏三爻之下，祟于西北方来，卦如无鬼伏鬼再空，并无神祟。

### 之一又论八宫鬼动云

**坤象鬼兴遭坟野，艮家官动起山林，离宫或到窑炉处，干兑曾冲寺庙门，震巽树林花草路，坎卦江河池沼村。鬼值本宫非出境，官方惹祸却评论。**

官若动时，亦不如前所断。鬼在坤宫，必往西南犯祟、或登坟墓、或田野之间。鬼在艮宫，曾行东北，不然便往山林。鬼在离宫，南方染祸、或往火场、或到窑炉之所。鬼在坤宫，理推西南、或到寺观之中、或步高楼之上。鬼在兑宫，正西有犯、或往庵堂、或居水口。鬼在震宫，正东惹祸、或往树林之下、或登船轿之中。巽宫鬼发，曾步东南或到竹园之侧、或居柴草之傍。鬼在坎宫，病从北至、或履江湖之口、或逢骤雨淋身。鬼如独发，又看地支所属之方，假令贲卦初爻独发，病起东方，余皆仿此宫。鬼如不独发，则不必言也。如爻乱动，照前八卦推之，又看鬼在本宫或在内卦，便言当地之灾。鬼在外卦或在他宫动者，当推病起外方，学者自宜通变。

### 之二又论六神值鬼云

**青龙鬼动因权悦，或往亲朋喜事家，或到树林芳草处，或叨酌酒及簪花。**

鬼值青龙，灾由喜处、或探亲访友、或酬酒簪花、或去游山、或居树下、或谒贵人，以上等方病从此得。

**朱雀鬼兴因恼怒，是非词讼及文章，看书写字兼歌唱，皆是生灾惹祸方。**

鬼临朱雀，灾由怒气，或被闲非词讼或曾写书修书或遇喧哗或逢歌宴、或视火场染其灾祸。

**勾陈鬼动病难痊，倘至田傍墓后前，或为他修井自作，莫非禁忌有牵连。**

鬼值勾陈，灾由跌磕、或登坟左墓右、或行地后田前、或曾内外动作，故有灾瘴。

**螣蛇若带鬼爻兴，病为惊惶惧吓成，或被七情伤气血，或逢鬼魅作妖精。**

鬼值螣蛇，灾由惊恐或多思虑、或有忧愁、或遇妖邪，故生灾瘴。

**白虎相临官鬼兴，或闻邻近有悲声，或观撤席行丧过，或视兵戈及宰牲。**

官临白虎，祸起哀声、或邻里之临丧、或新朋之撤席、或往孝堂之内、或见刀兵或逢宰杀，如

此数般祸从斯出。

**玄武还从水路来，或贪酒色得其灾，或经沐浴兼逢雨，或受寒邪病更乘。**

玄武临官，灾由酒色、或往江河、或曾冒雨、或经失物、或被盗惊起病之由，细宜斟酌。

## 痘疹起回章第六十七

（以官鬼为主，五行六象为凭。）

**未种花时问种花，卦无官者痘无芽，鬼空鬼绝无斑疹，官动官兴有痘疹。**

凡占出痘，须看官爻，鬼若空亡及不上卦，决然不出。卦中纵有鬼动亦值休囚、或逢冲散、或遇绝乡、或化克绝，皆非出也。官如发动不临死绝刑伤，鬼纵休囚若变为有气，便种痘花。鬼虽不动或逢旺相之期，亦当起发。卦虽无鬼，倘然本月临官，反生痘疹。

**年上临官年出痘，月中值鬼月栽花，鬼休子旺当稀朗，鬼旺福衰稠密加，若见螣蛇临火发，定主麻疹断无差。**

若问何年种痘，便看鬼临生旺之年，卦若无官，又察何年值鬼。如占何月栽花，便推鬼逢生旺之月；要知何日，亦看鬼旺之期，大同小异一理而推。卦中官鬼休囚子孙旺相、或值世家，纵然出痘，亦主稀疏。官如旺相，子若休囚，痘生时下稠密非常，又论螣蛇临火发动，鬼虽安静必发痘疹。

## 病源真假章第六十八

（以官鬼为主，旺衰为凭。）

**凡占疾厄假和真，官鬼交重病必兴，旺相亦然遭此患，临空遇绝是虚名。**

凡占是病不是病，只论官爻，再无别议。鬼若交重，必成此症。官虽不动，若逢生旺，亦断此灾。卦如无鬼及落空亡、或临绝处，似是而非病不真也。

**随官入墓灾非假，助鬼伤身祸必兴，日月制官实不实，子孙旺动疾难凭。**

凡值随官入墓助鬼伤身，其祸当兴，灾难，回避。要知病散，须看子孙。若得子旺官衰、日月及临福德，卦内子爻或动克制。

## 疾病吉凶章第六十九

（以用神为主，元神为凭。）

**疾病须求用象兴，元神旺动定为亨，忌神切莫交重位，日月将来配克生，动看变爻知去就，无寻伏象觉亏盈。**

凡占疾病专看用爻，卦中若得用爻有气元神发动、忌神安静，便主无妨。忌神忌动，如元神同发者，转助用爻，病反得详。卦内元神不动，闲神况值休囚，更逢月建或日辰相克，也主倾危。用象虽临弱地，如逢日月生扶，决然无咎。用如安静，不必细详，用若交重须推变化，变出生扶，则吉；变成墓绝，则凶。卦中如无用象，当察伏神，更推日月，日月又无主象，伏神又被刑伤，再查互卦。互中体用二爻亦无用神者，方为无救。主卦虽无用象，倘然伏出无伤，决难损命。伏出纵遭刑克，远查日月并互卦之中有一用爻，亦无害也。又论用爻上卦正值旬空，却看病之远近，暴病逢空可救，久病逢空必死。虽值空亡，还分衰旺。空如旺相，纵然久病也无妨。空若休囚，但遇日冲亦不死。倘若立时空又值旬空，不拘远近之病，无不倾亡。用爻虽不落空，如临月破必致伤身。

**用爻有气元神动，忌神纵发不须惊。主象休囚加克破，体虽无恙也遭倾。用神旺相逢扶助，病纵临危反主生。**

占病，得用爻旺相元神又动，日月纵来相伤永不受克，忌神虽发，亦不为殃。主象若值休囚，元神又静，忌神况值交重、或被月建日辰伐用，身虽小病，后必伤躯。用象如临旺地又遇生扶，决有起死回生之兆。

**忌变生而用变克，分毫之疾恐伤刑，用之旺者忌之绝，沉重之灾即刻轻，如此定之留万古，何须海外再求明。休把卦名推祸福，莫将神煞决忧桢，空身空命皆非忌，无鬼无财岂足凭。**

疾病卦中忌神旺动又变生扶，主象衰摇化成死绝，元神又之克破，岂有救哉？用神虽居衰位，化出帝旺长生，又逢扶助忌神虽动而化为克伤死绝之乡，不能制用，病虽沉重，旦夕可安，如此推之并无差谬。其中有论卦名者，切不可也。经云易卦渊源论五行阴阳之理，本生生可怜愚昧无知识颠倒阴阳论卦名，今有人论神煞者亦非也。经云易卦阴阳在变通五行生克妙无穷，时人不辨阴阳理，神煞将来定吉凶。假令子占父病，父爻旺相，墓门煞或大煞又动，用爻有气，岂能死乎？又如夫占妻病，财爻无气父兄皆动，纵得月解天医同发，用既遭伤，岂不死推？故此五行为重，神煞难凭，星家专忌本命空亡，此非正道。且如甲子旬占，空当戌亥，囊中万万属猪属犬生人，岂皆命绝？前人又言病人无鬼必死，岂无验乎？天玄赋中虽曰占病无鬼必无叩告之门，乃天年命尽也，其病不瘳。且如兄占弟病，鬼乃忌神，岂宜在卦？又如父占子病，鬼作仇人，焉可用之？若据理上论病只取用爻旺衰生克，便决存亡。凡卦无鬼不过无神祟耳，岂就作天年命尽乎？况今屡试无官之卦，未必死也。又辨无财者理更差误，财爻虽为饮食，无者不过目今饮食不食，焉能丧命？只有夫占妻、主占仆看，惟忌财空，其余占者皆不忌。

**又云惟有六冲分缓急，病源却要自斟量，初灾遇此当全瘥，久病逢之命必伤，合处逢冲同此意，不凭主象弱和强，更论土爻临鬼动，爻凶少吉祸难攘。**

病得六冲化冲、合处逢冲，皆要审其远近重轻，如暴病来占，朝夕即当痊愈。若久病占之，用象虽然旺相，也主身亡。又论近病逢冲则愈，重病逢冲则死。卦纵不冲，用爻亦旺，凡遇财鬼动者，万可言死。惟占尊长，鬼为元神，动则祈让可疗。

### 疾病生克论之一

**百病重轻，不出五行生死；万民生死，难逃八卦兴衰。**

且如水为主象，畏土纵金；卦中土静火兴，不须畏忌。爻内火安土动，却不为祥。怕逢巳午二时喜遇木金二字。又如火土皆动，见木反凶，得酉申而助水疑此病以方痊。假令金藏土下，飞能生伏为佳，如木爻安静日忌卯寅，若木象交重时忧亥子，正所谓逢金则吉，遇水则凶。复将土作用神，卦见水木火爻三动，不作凶推，当从吉断。时遇午申，土得生扶则吉，日逢卯巳，土临死绝则凶。又论火是用爻，独逢水发日遇戌辰丑未，水遭土克无妨，一见酉申当命尽，但求寅卯必身安。若用居衰木化入金乡，卦无亥子父兴，必难救度，查何日逢金，便决何时作殓。倘若金空亦非此断，节产亥子，命亦回生，细究何爻动静，便知那日存亡。其中有贪生忘克，救处遭伤、盈虚却要精详，岂可寻常概论？

### 占自己病断之二

**自卜身宫疾病临，先凭世象次凭身，怕逢月破旬空内，喜见生扶拱合亲。克世之爻为忌客，来生之象作元神，随官入墓灾难瘥，助鬼伤身命必沉。**

自占己病，专看世，爻若临月故不拘新旧之病命亦难全。世若落空当明缓急，急症堪医，旧病不救。若空中有气，目下无妨后来难保。世象不临旬空月破，又看旺衰，世若休囚却被动爻相克、或遭日月来伤，或变为死绝，毫无救助之爻，岂不天年命尽？世纵休囚，若得动爻生助，或逢日月扶持、或化为有气，纵临危而不死。世若旺相虽无生助之爻，亦无所害。凡克世者名曰忌象，宜静不宜动，生世者名曰元神，宜旺不宜空。占他人之病，身世随官入墓，不必忌之，命随鬼入墓即凶矣！惟独自占身世，命随鬼入墓者命不回生，其中助鬼伤身理亦同也。又看卦身，若墓绝子月建或墓绝于变爻，决无救矣！

### 占他人病断之三

**代问他人看应爻，若临月破最难逃，遇冲遇克身难救，逢旺逢生病必消，生应元神宜发动，克他忌象怕重交，卦身有气还须吉，应位逢官祸必招。**

代卜他人之病，应作用爻，如临月破旬空其命难保。应如衰弱亦遭动象或日月来伤、或应变为墓绝，便主凶危。应纵休囚，若得变为生旺、或动爻及日月相扶，命还有救。凡生应之爻是元神而宜动，克应之象乃忌客而宜空。鬼临应上病必难痊。次察卦身，亦不可临于月破，又不可成墓绝之乡。卦身或墓、或绝于月建之中，皆为凶兆也。

#### 占何日病退云之四

**凡卜病人何日痊，用临生旺体当安，元神值日灾须减，忌象遭伤病必痊，助鬼伤身逢福解，随官入墓见冲欢，若然主象临其绝，且待生时免祸愆。**

占病何日得痊，须推主象。卦中元神旺相，忌客休囚得无用爻者，便取用爻值日而安卦中，如有用爻而衰弱者，方取生旺之期。倘若用爻重重太旺者，反喜入墓之时，如不太旺又取元神值日，忌神若动，须逢冲克忌神之日，方得安康。若逢助鬼伤身又利子孙值日。随官入墓，还求冲墓之辰。用象如临绝地逢生，必主乎宁。

#### 占何日病凶云之五

**病者来占凶日详，用爻无气更遭伤，忌爻那日逢生助，便主身危立孝堂。忌神旺动仇人发，用神失位反无妨，变怕日辰临用地，若还挨过免凄惶，元神被克灾加重，忌客逢生定受殃，月破用爻天命止，纵然旺相也须亡。**

论病何日见凶，不过看用爻生克，用如无气被日辰克者为凶，忌动用衰甚日再生忌神者死。又论卦中元神不发，忌神兴仇神皆动，独无用爻，日前无事，待后用神值日难以回避，定入黄泉。倘若忌神仇神兴元神同发，亦无主象，候至用爻值日反主无妨，复陈卦内用象既衰，全赖元神相救，能忧忌客来伤，日辰克制元神，灾当沉重。忌象如逢生旺之时定成凶咎。主象如逢月破，不拘衰旺，命必归阴。且如子占父病，五月甲子日，占得观之益卦，此卦父爻化居旺地，又带青龙贵人，本为吉象，岂知父临月破，后至乙亥日，元神绝而忌神生，果然父丧。又如妻占夫病，三月甲子旬丁卯日，卜得涣之垢卦，所嫌仇神忌神皆动，独无用爻，又鬼伏仇爻之下，又值旬空，毫无救。挨至乙亥日用爻透出，免受忌神来伤，夫果死也。假令弟占兄病，十月戊辰日，卜得剥初二三爻皆动，却本卦无兄弟，所喜申金兄弟伏在世爻用爻透出果应病痊。又如父占子病，五月甲午旬癸卯日，占得萃卦上六爻动，此卦子孙太弱，父母相而又动，虽受卯日相伤，又逢月建扶起，父又化为进气能克用爻，虽有元神暗动又值立时空不能相救，后至丙午日忌象叨生，此男果死。又如夫占妻病，三月甲戌旬庚辰日，卜得师卦九二上六爻动，此卦青龙财爻持世，兄弟又不交重，鬼又化出财来，本为

佳兆，岂知土官发动，书云更论土爻临鬼动，多凶少吉祸难让，果应五月庚申日，官遇长生月建又扶土鬼，此鬼太刚死而可验。又如父占女久远病，七月甲寅旬癸亥日，卜得艮卦安静，此卦用爻临月建，忌神又不兴似无凶兆，岂知卦犯六冲，经云初灾遇此当瘵，久病逢之命必伤，果应在子月戊午日，用象死于月建，败于日辰，其女死也。又母占子病，九月甲子旬辛未日，卜得归妹卦安静，此卦六爻无子，虽伏出亥水子孙在四爻之下，又落空亡，世上父母又被日辰冲动本绝卦也，岂知互出水火既济取互体坎水配成兑卦，子孙此乃无中生有也。惟互出之爻，再不受日月并动爻伤克，此子果应亥月戊子日，用值旺乡，病全脱体。凡占父母及家主尊长之类，取父母为用神，官鬼为元神，妻财为忌神、子孙为仇神、兄弟为泄气。凡占兄弟朋友之类，兄弟为用神，父母为元神，官鬼为忌神，妻财为仇神，子孙为泄气。凡占子孙卑幼之类，子孙为用神，兄弟为元神，父母为忌神，官鬼为仇神，妻财为泄气。凡占妻妾、弟妇子室奴婢之类，妻财为用神，子孙为元神，兄弟为忌神，父母为仇神，官鬼为泄气。凡占夫主、官员之类，官鬼为用神，妻财为元神，子孙为忌神，兄弟为仇神，父母为泄气。占自己取世为用爻，生世者为元神，克世者为忌神。占他人取应为用爻，生应者为元神，克应者为忌神。此法非惟占病，凡看卦，无不用之。

## 灾病缠脱章第七十

（以福神为主，用象为凭。）

**身处灾生相貌残，鬼兴鬼动定缠绵，随官入墓终难脱，助鬼伤身永不痊，世受官伤成痼疾，子孙一动立时安。**

凡占带疾不带疾，最嫌官鬼兴隆，官如旺相，病必缠身，纵不旺相，发动亦然。若值随官入墓、或助鬼伤身，必成痼疾。鬼克世爻亦难脱体。若得子孙旺相、或发动、或持世、或临日月，病得离身。

**六冲旦夕灾殃散，无鬼终须病不缠，鬼若空亡无疾厄，忌神旺发患多年，鬼化福神他日解，用象兴隆祸不干。**

六冲之卦，此患易消，合处逢冲后来方解。鬼不上卦及落空亡，永无殃疾。纵有鬼象，若变福神，目下虽凶，后当解脱。虽凭官鬼，亦要看用爻，用值旬空月破，病亦难痊。土象休囚，更被忌神发动，岂不成凶？用爻纵弱，如逢动出元神，虽有此灾，决非损寿。用父若得兴隆，官鬼又居衰地，始虽见病终不成殃。

## 却避灾暑章第七十一

(以用爻为主，福德为凭。)

**天行酷暑，岂无避暑之方。人染患灾，亦有却灾之所。悟道择清闲之处，修真访幽僻之居。四者皆宜子动，诸般各忌官兴，占己世爻休墓绝，问他用体怕空亡。**

凡占避暑、养病悟道、修真等事，皆宜福德交重，各忌官爻发动。占自己，以世爻为主，卜他人，以应象为凭。若问亲人，当推用象，如临旺相、或遇生扶，却灾得脱、悟道得成。用神如遇月破旬空、或临墓绝，不惟无福，反惹非殃。

**子孙发动好参禅，修心得道。官鬼交重难避暑，养病反凶。**

子孙旺相或发动者，参禅打坐无不成功，避暑却灾必如其愿。官鬼交重或旺相者，心欲求安，反遭不测。

**父母扶身宜投书馆，福神生世利到僧堂。**

父母生世，宜往文墨之所及尊长之家。子孙生世，利居僧道之门、并卑幼之处。兄弟生世，宜到弟兄朋友之家，妻财生世，当往妻族友仆隶下人之寓。官鬼生世，偏宜宦宅安身。

**一卦皆安，方是修行之路。六爻尽破，岂为养静之窝？用爻旺者遇青龙，直行此地。岂象兴而加白虎，弗往其家。**

诸爻俱卜随寓而安，一卦六冲，往返不定。用爻有气，更值青龙，利有攸往。忌象交重，又临白虎，此处休行。

**动见螣蛇，还愁惊恐。交逢驿马，更虑奔驰。武值鬼爻兴，失财欠利。雀临兄象动，绕舌不宁。**

螣蛇动，倘遇惊惶。驿马临兄鬼动，不利游行。驿马动，临财福，千里皆安。鬼临玄武交重，必遭失脱。雀值兄爻发动，是非当谨。

**艮卦有官休登山岭，坎宫见鬼莫往江湖。在震，则正东惹祸，临干，则西北招殃。兑中财变官爻，色迷尤忌。巽内兄之鬼象，风患难防。**

艮宫鬼动，忌行东北，莫往山林。坎卦鬼摇，北方不利，水池非宜。震鬼莫居船内，并忌东行。干宫西北为凶，莫游庙宇。兑宫鬼动，必有闹非。若财变官爻，毋贪美色。巽卦鬼兴及兄化鬼者，皆恐冒风。离宫鬼动，虑见火惊。坤卦鬼兴，莫居墓侧。

主合咸池，休贪美色，用冲华盖、或华盖克用爻、或鬼临华盖动，皆恐僧道之门惹祸，如却灾避暑去，则成凶，惟有悟道修行，反成正果。又看世在内卦兴亲官，宜居在迩。世临他官兴外卦，利在遐方。内卦旺，本境如心。外卦旺，他乡遂意。

## 求医疗病章第七十二

(以子孙为主，应象为凭。)

**子为药剂应为医，福德交重病必驱，鬼旺福灾病不治，官衰子旺患能除，应空只恐人难遇，子陷还愁药不宜。**

凡卜求医，子为用象，子如发动，药奏神功。其中官鬼太旺，子值休囚此灾不愈。官如衰弱福值兴隆，更得应克世爻、或外伤内卦，必遇卢医，灾无不瘥。如内克外、及世克应、子孙旺相，还可。子再休囚，药无效验，月将伤官铲有余。鬼若遇生财或动，子孙纵发作空虚。

父如发动，药力全空。父与兄弟同发，子赖兄生，其药有效。若得月建、或日辰克制官爻，如逢岐伯。倘或鬼临日月、或鬼持世卦，虽有子药亦无功。又如子财并发，官伏财扶，岂能治病？财子纵发，卦无鬼或鬼空，仍复有效。凡论医药，若得子孙上卦，官父两安，应不空亡，方其效也。

### 医家治病章第七十三

(以子孙为主，世应为凭。)

**应为病者世为医，子为药效鬼为灾，鬼强子弱殃难解，福旺官柔病渐衰，应上坐官真疾病，身中带福妙医才。**

医人来卜，反把应为病体，世乃自身，子为药效，鬼作灾殃，官旺子衰或官摇子静，病决难医。子动官静、或子旺官柔，药无不效，应若临官，病真莫疗。世如值福，治病能痊。

**世如克应灾当瘥，应若生身实主谐，子动兄安财静旺，仙丹妙剂获多财。应空他不迎吾救，世陷吾非治彼灾。**

世克应爻、或内克外卦，能疗其灾。应如生世及外生内爻、或卦逢六合，有为而来主宾相得。妻财旺相，子值交重，鬼静兄安，药且灵而利倍得。应值空亡，彼必无心就我。世居空地已心悚懒，医恐不成。

**兄动倘遭同辈阻，财空休望谢金来，六冲岂得终其事，官化官忧病复乖，应克世身兄雀动，反遭非讼莫开怀。**

兄弟发动或克世爻，必被同袍霸占。木若逢空，药金莫望。六冲之卦，医不始终。鬼化鬼爻、或卦有二官皆动，病复变病，岂能治之。应如克世、兄动财空又加雀噪，非惟求谢，反惹闲非。

### 搜决神鬼章第七十四

(以官鬼动爻为主，五行六兽为凭。)

**凡论神司，须凭官鬼，不值旬空或旺或衰皆作祟，但临卦上若动若静，概为神仙推。**

**鬼值五行，次察官临六兽，再查病源缓急，便知何崇为殃。**

若卜神司，当推官鬼，鬼若空亡及不上卦，决无鬼祟，不可妄言。鬼若不空，不拘衰旺动静，皆作神司。若发动或持世；神力猖狂，犯宜急祷。又看鬼临何爻何兽，方言何鬼何神，六兽五行开列于后。

**金为刀下之魂，喘救横亡之鬼，缓则关公总管，急则丧部伤司，青龙为汉寿亭侯。朱雀乃金都元帅。陈蛇云七煞，白虎曰丧殃。玄武则曹堂西府。退送，则病体安康。**

金鬼，土刀枪伤死鬼、喘救鬼、横亡鬼，症之缓者，宜祷关爷并总管。病之急者，必酬丧杀并伤神。带青龙，则云长公之有碍。临朱雀，相金元七之为灾。带勾陈螣蛇，为七煞土。带白虎，为丧煞及伤司。带玄武，为水伤水道之类。

**木乃杖责之魂，疯疾悬梁之鬼，缓则山神五圣，急则东岳家堂。白虎同宫，门外谢伤追锣鼓。青龙共位，堂前酬原品笙箫。勾陈则九良星煞。螣蛇则树圣山神。雀武为草野三郎，祭虞必灾非统汝。**

木鬼主刑责加析鬼、疯疾鬼、缢死鬼、症之缓者必犯山神土地及五圣尊神。症之急者，必干东岳并家堂众神。带白虎，速酬大小伤司。带青龙，宜赛枷锁之原、及祷喜庆之神。带勾陈有犯九良星。土带螣蛇，若非山神，必是树上之神，又为作犯土。带朱雀或带玄武，皆为草野三郎。

**水曰投河奔井之魂、服卤腰疼之鬼，缓则水仙施相，急则河太金龙。阳龙断云台法主、亦犯萧公。阴龙推南海慈尊、又冲杜氏。玄武为佑圣真君。朱雀恐江河许原。遇陈蛇断为坑厕。逢白虎论作水伤。**

水鬼主溺死鬼、腰疼鬼、服卤死鬼。症之缓者，则为水仙五圣及镇海施相公。症之急者，犯水中河太、或曹三并金龙四大王。阳鬼值青龙，乃三官大帝及五圣之神。阴鬼值青龙，为观世音及杜氏夫人。鬼带玄武，为北极真君。带朱雀，水池上许愿心。带勾陈或螣蛇，便曰水口作犯上。如水鬼化兄、或水兄化鬼又带陈蛇者，便是坑厕土神。鬼临白虎，须求水部伤司。

**火是毒疮痍之魂，带血焚烧之鬼，缓则东厨香愿，急则陆相华山。青龙犯五福之星，陈蛇动三煞之土，白虎玄坛加横鬼。玄武南堂共水神。朱雀华光司命并酬口原方宁。**

火鬼主疮毒鬼、痍怯鬼、带血鬼、烧死鬼、心疼鬼、症之缓者，宜谢灶神并香愿。症之急者，亦有轻重之分：轻病宜酬陆引，陆相即是南堂；重病宜拜华山，华山即五福大神。带青龙亦为五福。带勾陈或螣蛇皆为三煞土。带白虎为赵玄坛及痴癫鬼。带玄武为南堂及水神。带朱雀为华光，华光乃五显灵官，又为司命，即是灶神。

**土言瘟疫之魂、膨胀虚黄之鬼，缓则庙神土府，急则贤圣城隍。青龙为素土，勾陈曰土皇，白**

**虎金神忌，玄武坑厕妨，螣蛇当作犯兼求本境之神，朱雀合天曹并谢飞游之土。**

土鬼主瘟疫鬼、膨胀鬼、黄病鬼，症之缓者，为庙内之神、大为土神。症之急者，为五方贤圣、又为城隍。带青龙为正上宜素诰。带勾陈为土皇，却宜中奏。带白虎为金神，即七煞上带玄武为水口作犯上，若鬼化兄、或兄化鬼，便为坑厕。土带螣蛇为作犯，土又为螣蛇上亦为当方上杀神祠。带朱雀为飞土。若在干兑二卦，便作天曹，纵不在干兑卦中，如带天咒或地咒或负结煞亦是天曹土，天咒煞云：正二鼠来三四酉，五六马头七猴走八鸡九犬，十逢猪子兔丑鼠，为天咒。地咒煞正月从卯上顺行十二位，负结煞云：正二猪亏三四牛，五六其星向兔游，七八蛇宫九十未，十一十二酉中求。

看鬼临何卦何爻而发动，知那处犯神犯煞以干连。官居坎位北方侵，或兴水口。鬼到离宫南向碍，或动灶前。艮主山林或遭东北。坤成坟墓或值西南。干为西北，兑为西、或犯天曹修寺观。巽作东南。震作东，或伐树林并起造。六鬼必造墙作墓。五官必砌路修街。四象断门栏、或兴工于檐下，三爻推房内、或动犯于桥梁。二乃修厨作灶。初为穿井开沟。在世则本宅兴修，在应则对门垦掘。临门爻，窗开不便。化兄弟，坑造不通。

**以上所言，皆论上鬼逐一开明，不必再注。**

亥作天门及张王之扰害。带青龙之象，宜叩三元。子为北斗兼河伯以为殃。加玄武之爻当酬圣帝。丑言牛触之魂，寅是虎伤之鬼，卯禳东岳，辰谢龙王，巳推火德尊星、蛇伤之鬼，午断金枪教主、马踏之魂，未曰伽蓝，申云元帅，酉命雌雄二煞，戌逢恶犬伤人亥鬼为张王，即祠山大帝。外鬼带青龙，为三官大帝；内鬼带青龙，为水仙五圣。子鬼为北斗、又为河伯水官，在外带玄武，为驿帝，在内带玄武，为水伤。丑鬼为土神，又为土伤之鬼。寅鬼为东岳、又为虎伤之鬼。卯鬼亦为东岳，辰鬼土神、又为龙王。巳鬼为火德星君并蚕室、又为蛇伤之鬼。午鬼为金枪教主，即五显灵官、并马伤之鬼。未鬼为土神，又为伽蓝土地，申鬼为元帅将军之职并伤司，又有寺观中所犯之神。酉鬼为佛象并丧煞、又为少女。戌鬼为土神，又为犬伤之鬼。

六乃上仓至圣、坟墓之神。五为中界至尊、路途之鬼。四推檐外伤朝门前魍魉。三断鬼在六爻，为上苍素原、并坟墓土神、或远方之鬼。鬼在五爻为中界至尊、即东岳也，又为栏路五圣、并五路大神、或倒路之鬼。鬼在四爻为大小伤神、并在右仪门将军、又为门前之鬼。鬼在三爻，为家堂并郡王，即府城隍，又为床婆弟兄鬼，及房内鬼、桥上鬼。鬼在二爻为县城隍并灶神，又为夫妻等鬼、厨下鬼。鬼在初爻，为土地并井泉童子，并井前之鬼，如无井即土鬼。

**官临世上，注开六象之神。鬼值空中，莫断片殃之祟。**

鬼值初爻持世，家堂作祸，鬼值二世，上气为实、并社坛作祟。鬼值三世，犯桥道中之鬼，若

非桥道，即是园中花木之精。鬼值四世，犯五道亦有师王佛实之灾。五世无鬼不言。鬼值六世，山神为害，及星宿降灾。六爻内鬼虽持世，空则不言。

**青龙财子化官爻，福神相照。兑雀文书之鬼象，前愿相催。**

青龙若临财武临福化出官爻，必是福神见咎。福神者，大则五福及茶延，小则五圣及五路。凡判鬼神，须审病源轻重，重则大神，轻则小祟。复看朱雀临父母变出鬼爻，必是先年许下之愿。若居兑卦，又犯天曹。

**父母内兴，方断祠堂之宗相；椿萱外动，可言外族之高亲。财动内宫，必妻魂而妾魄；妻摇外卦，非奴仆即情人。兄兴为手足之亲、相知之辈；福动乃子孙之鬼，僧道之灵。**

父在内卦及亲宫动者，便曰本宗之尊长。父居外卦及他宫动者，乃言外姓之尊亲。财临内卦或亲宫动者，必先亡之妻妾。财值他宫及外卦动者，若非奴仆，必恩爱之情人。兄弟动者，或昆弟或姨妹或朋友之魂。子孙动者，为儿女为侄为婿，又为僧道之魂。

**卦有动爻，病有鬼魅。且如三爻动，则三魂，四象兴而四鬼。若定阴阳，重单是男交折女。如分方向，卯动东方酉动西。**

凡推儿官，专看动爻，一爻动则一魂。两爻动，则两鬼。欲分男女，须看阴阳。重则为男交则为女。要知鬼食荤素，惟有子孙及青龙爻动者，皆宜素祭，其余爻动，概合荤素。要知鬼在何方，却看动临何象。且如子爻动，正北方之鬼，丑爻动，东北方之鬼，其余仿此。

**卦静当寻外象，无官另看伏神。鬼上飞爻，其方又定。**

卦无动爻，只取外卦。且如外属干宫，则病从西北。外临坤卦，则祸起西南。六爻内有鬼者，如此看之。内外皆无官鬼，又不取外卦为凭，另寻鬼伏何爻之下，鬼上飞神定其所向。假令卜得颐卦安静，鬼伏三爻之下，便取飞神庚辰上，辰者，东南之向，断必无差。又如讼卦安静，鬼亦伏在三爻午火之下，便曰南方，伏鬼再空，莫言祸祟。

细查何象临官，便议何神作祟，请祷则福无不至，祈禳则祸无不消，今作此篇切为却灾而度命，恐人妄断，恒忧好杀而费财，万不可轻言，一一还须细论，将六兽端配五行决诸神，终无一误详其的确，方判无私。

## 总论八宫值鬼诀之一

**鬼发干宫庙内神，原因西北方来，误犯寺观或庙内神司，旧许上苍素原或天灯、香愿、经卷、斗齐之类，已逝椿庭并老故之魂，头风之鬼。**

**坎宫鬼动北方来，水部神司定作灾，溺死耳聋同扰害，中男为耗岂能谐。**

坎宫鬼动，祸在北方，水路神司并家内中男作耗，亦有耳聋之鬼、淪死之魂。坎在外三爻又为北斗，又加玄武亦作玄天上帝。

**艮卦官兴东北方，山神五圣少男当，地氏土府方隅犯，手指皆为疮烂鼻亡。**

艮宫鬼动，东北方来，冒犯土神、五圣并山神、土地为殃，亦有家内少男及臂疮手折指烂鼻等鬼。

**震鬼东方犯九天，三茅东岳树神干，杖伤之魂舟中鬼，折足之魂其长男。**

震宫鬼动，祸在东方，宜叩九天。九天者，雷祀大帝，即王枢经也。又犯三茅真君及东岳尊神、及树头神圣，亦有长男为祟、或天嗔、或责毙兼折足、驾舟等鬼。

**巽主东南施相尊，园林神道亦生嗔，路冲腿折腰跢鬼，缢死麻疯长女魂。**

巽宫鬼动，病患东南，有干镇海施相公、花园树木神道、并长女及缢死、疯疾腿折腰跢等鬼。

**离家鬼发，起南方火部诸神司命王、目疾焚烧亡二鬼、速酬中女及焚香。**

离宫鬼动，神撤南方有犯，南斗六司、火德星君、五显灵官、香头灶神之类，更有中女并眼盲火烧之类。

**坤鬼西南犯土皇、或因坟墓有相妨。脸黄腹胀身亡鬼老姬他魂及母娘。**

坤宫鬼动，西南犯土不宁、或坟墓上并已故萱堂及老阴人、兼虚黄鼓胀之鬼。

**兑卦西方鬼，缺唇祝巫少女共伤，神佛天口许何曾赛，更中仇家咒咀心。**

兑宫鬼动，祸染正西，会许佛天之类，亦犯伤神并少女、兼缺唇师巫等鬼。加朱雀动，若非自己罚誓心，是他人咒咀天曹。

---

## 总论五行值鬼诀之二

**金爻值鬼犯西伤，总管丧神七煞妨，张相金罡刀下鬼，叶神钟师武安王。**

鬼值金爻为煞，更有西伤，即五道也。叶神即九卓也。钟师即钟将军。武安王即关公。张相即六五相公并金神七煞、金元七总管及寺内金刚、自刎之鬼，锁条之愿。

**木鬼，茶廷枷锁当船神、草野及家堂萧公东岳、悬梁鬼、树圣山神共九良。**

鬼值木爻为茶延、草野家堂、东岳树神、山神、舟中神、枷锁原心九良星煞。萧公即五圣。悬梁即缢死鬼也。

**水鬼，观音兴武天龙王，北斗又三元祠山杜氏金龙四河太曹堂并水仙、施相晏公兼宋相落水亡灵坑井泉。**

鬼值水爻，为观世音、三官驿帝、北斗龙王、祠山大帝、金龙四大王、水仙五圣、杜氏夫人、

河太曹三、施相公、宋相公、晏公坑厕主、井泉童子、徐大将军、河伯水官并淹死亡魂。

**火鬼，玄坛五福祠南堂五头灶、东厨萧堂香原焚烧鬼，荧惑星君三煞司。**

鬼值火爻，为赵玄坛、五福大神、五显灵官、火德星君、银神三煞、天灯香愿，南堂五圣、灶神并火烧鬼。

**土鬼，城隍社庙神、五方贤圣上皇尊、皮肠大王瘟疫鬼、土地螣蛇太岁君。**

鬼值土爻，为城隍土壳神祠庙中神道、五方贤圣、土皇土地太岁、螣蛇、皮肠大王并瘟疫鬼。

此论五行神所属，还将六兽入官寻，轻重较量同此看，切莫胡言判鬼神。

### 总论六神值诀之三

**青龙东岳及家堂，五福茶筵花煞妨，萧公五路花枷原，三官产妇海龙王。**

鬼值青龙，为东岳、家堂、茶筵、花煞、五圣、龙王、三官大帝、五路尊神，并枷锁愿心产亡之鬼。

**朱雀城隍草野求，华光总管广灵侯，天曹司命圜圉鬼，旧许金钱未答酬。**

鬼值朱雀，为城隍、草野总管天曹华光即五显灵官，广灵侯即南堂陆太君，司令即灶神，并旧欠愿心牢中之鬼。

**勾陈值鬼细推详，必犯承天后土皇，跌死伤亡随体现，止苍贤圣降洪殃。**

鬼值勾陈，为土皇并五方贤圣，跌死之鬼。

**螣蛇妖怪却临门，作犯方隅皇社神，或断螣蛇坟墓土，产亡缢死二灵魂。**

鬼值螣蛇为妖怪，并作犯上。又为螣蛇土当方土地里社之神、及产亡、缢死二鬼。

**白虎西台大小伤，金神五道叶神堂，雌雄二煞玄坛将，刀剑伤身虎咬亡。**

鬼值白虎，为伤司五道丧煞。赵玄坛金神即七煞也，叶神即九卓也，并刀伤虎伤之鬼。

**玄武采山同圣帝，伏尸坑厕井神台，曹堂杜氏加河太，溺水穿斋二鬼来。**

鬼值玄武，为圣帝曹三河太伏尸坑厕土井泉童子、杜氏夫人。采山即草野三郎、并淹死窃盗二鬼。

然定六神诸圣位，还须八卦五行排，谁爻临鬼详端的，莫累人间虚费财。

### 总论星煞值鬼诀之四

**凡居卦下论阴阳，定兴官爻细审详，上值青龙天喜位，决然花煞有相妨。**

凡看神司，须推官鬼，属阳则男伤，属阴则女鬼，看临何星何煞，便知何祟为殃。鬼值青龙天

喜，可言花煞之神，天喜起例，正月从戌上顺行十二位也。

**如逢白虎丧门照，卦中值此犯丧殃。**

丧门起例：正月戌、二月未、三月辰、四月丑、五月又到戌，只此四位周而复始。鬼临白虎丧门者，便言丧煞为殃。

**天火天烛同朱雀，五显灵官及灶皇。**

天火起例，正月子、二月卯、三月午、四月酉，只此四位周而复始。又天烛煞云：天烛正月起蛇宫，荡荡顺行数至龙，卦内值时逢发动，作福祈禳也大凶。此煞即大朱雀也，如临官鬼，即犯五显灵官、灶神为祟。

**天贼天盗加玄武，采山草野水三郎。**

天贼星云：正龙二鸡三虎乡，四羊五鼠六蛇藏，七犬八兔九猴位，十牛子马丑猪忙。又天盗煞起例：正月亥、二月寅、三月巳、四月申，只此四位，周而复始。玄武官爻临天贼星或临天盗煞，便为草野三郎。

**丧门吊客陈蛇位，伏尸土禁不为良。**

丧门开在篇首，吊客起例：正月辰、二月丑、三月戌、四月未，只此四位轮之。勾陈官鬼或螣蛇官鬼，又临丧门或逢吊客，皆主伏尸土也。

**沐浴咸池玄武动，杜氏夫人发祸殃。**

沐浴起例：正月卯、二月子、三月酉、四月午，只此四位轮之，咸池煞：正月卯、二月子、三月酉、四月午，亦此四位轮之。玄武鬼爻如带咸池沐浴，即为杜氏夫人也。

**折煞勾陈加驿马，街坊跌死横伤亡。**

折煞起例：正月酉、二月午、三月卯、四月子只此四位周而复始。又驿马起例：正月申、二月巳、三月寅、四月亥，亦此四位轮之。鬼带勾陈又临折煞、并卦内驿马发动，必犯途中跌死伤亡。

**官临玄武天河煞，井中溺鬼作灾殃。**

天河煞起例：正月从辰上起，顺行十二位。玄武官爻又带天河煞者，必是井中溺死之鬼，不然必江河溺死者。

**朱雀官符为总管，刀砧羊刃是西伤。**

官符起例：正月从午上起，顺行十二位。又刀砧煞起例：正月从午上起，顺行十二位。羊刃煞起例：甲日在卯，乙日在辰，丙戊日在午，丁己日在未，庚日在酉，辛日在戌，壬日在子，癸日在丑，鬼临朱雀更值官符，便言总管作祟，鬼带刀砧或逢羊刃，即是伤司。

**太岁黄旌祈后土，贵人天喜谢萧堂。**

太岁者，即年如也。黄旌星起例：正月戌、二月未、三月辰、四月丑，只此四位轮。又天乙贵人云：甲戌庚牛羊，乙己鼠猴乡，丙丁猪鸡位，壬癸蛇兔藏，六辛逢马虎，此是贵人方。天喜星已列篇前，鬼值太岁若带黄旌，即为后土。后土者，土皇也。又论官临贵人或临天喜，便是萧堂五圣。

### **三丘五墓坟前土，暗金羊刃产中亡。**

三丘五墓煞云：春丑，夏辰，秋即未，三冬逢戌是三丘。却兴五墓对宫取，病人作福也难留。又暗金煞云：寅申巳亥已来防，子午卯酉酉相妨，辰戌丑未丑位是，暗金产妇最难当，羊刃已其在前。鬼值三丘或临五墓，便为坟墓。土鬼带暗金煞或值羊刃星，层口是产亡带血之鬼也。

### **冲对年庚为撞命，流年逢鬼岁君当。**

撞对者，有天对地冲之辨。天对者，甲庚、乙辛、丙壬、丁癸是也。地冲者，子午、丑未、寅申、卯酉、辰戌、巳亥是也。假如病人丙子生，卦中壬午鬼动，正所谓天对地冲，此乃真撞命上也。又如庚午鬼地冲大不对，乃傍撞命上也，余偕仿此。设若天对地不冲，非是撞命之论。如鬼值年建，当言太岁上也。

### **华盖僧魂并道者，咸池妓女及邪娘。**

华盖起例：正月戌、二月未、三月辰、四月丑，只此四位，周而复始。咸池煞开在前，官临华盖乃为僧道之魂。鬼值咸池，即是邪淫之鬼。

### **天刑牢狱中鬼。劫煞刀砧自刎伤。**

天刑起例：正月从辰上起，逆行十二位。天狱煞云：正月逢亥二月申，三月龙蛇四月寅，五月循环又到亥，周而复始定其神。劫煞兴天狱煞同。刀砧煞亦列在前：鬼值天刑煞，必犯责死之鬼，如临天狱杀，乃牢中之鬼，鬼临劫杀或刀砧煞，必定自刎而亡。

### **此是玄机真妙诀，千金不换乱传扬。**

古之正人盖同天下，今时邪崇各按本方，此章系莒城新著，其别郡神司不同，凡吴下人，可依此断，如他方问卜，还宜另详。

## **又附解禳通用法之五**

凡人疾病占问鬼神，术人妄判神司，病家听信宰杀，倾有限之家资，病未必愈，造来生之恶业，卜亦难逃。且如瘟疫，系上帝之了刺降，虽日时行亦不善而降殃，但当合门齐素虔请戒僧持通连经，自得消解。或童男礼拜亦可迪吉。又如虐疾或有鬼邪，依通书之状式设灶神而可遣。胎产乃九天圣母所持，延道而诵玉枢经可致临盆之废。怪病或倚草附木之妖，择僧而念观音经，自是弭灾之法。冤业相寻，梁皇职可以解，除亡魂出现，地藏经乃能超度。火殃若降，择火闭日或火收日，延道诵

火德经，火乍汝矣！精魅所临，大则告天师而请法，小则诵真武经而驱遣。症患膈噎者，惟施食淡口，能超饿鬼。之途屠宰索命者，独戒杀放生可免，旁生之趣，又若妄罚誓愿，忤犯天曹，须设斋祭旧而勾消。若贫难酬愿，可将天曹对疏，叩城隍而回缴，或富家向许猪羊牛愿后，若贫穷可作粉牲钱马，到天库地库除消亦可。杜绝兴工动作告土。须按其方隅设坛，无力粉圆可斋殷太岁。商贾江湖诵三官经，而可保士子功名，持玉皇经而虔祝药师佛祈当世之延年，金刚经作来生之福利。祷求嗣续，则建梓童清坛保安，婴幼儿须念大洞尊经，至如水火不通或拆桥断路而招谴、左右瘫痪或大秤小斗而生灾。土庶覆宗盖为毁平冢墓军民绝嗣皆因起灭，社坛非求神而可除，惟改修而可解，若艺侮神明，须皈依三宝或能求散。浸占祠宇惟修复，故刹方得安全，易卦类万物之情因不悉备卜筮通神明之德，自可参详。

## 僧道贤愚章第七十五

（以应爻为主，福德为凭。）

### 迎僧接道招贤者，却看何人立应中。

人生世间，有念佛行善因果法缘、或祈福寿、或职悔业根，如修斋设法、如炼度书符，皆欲利益存亡，不无迎接僧道，而僧人有慈惠降龙道士，有法灵伏虎，皆以宣扬梵语，礼诵经文，必能扶纲而植纪，始可入圣以超凡。若请延不善，迎接非贤，则乱坛兆而淆荤坛，读醮筵，以亲污积，是无感应，徒设衷诚。占卦但看应爻，便识休咎。

### 福德在时真戒行，父官居者法精通。

谓如子孙在应，决是受戒之善士，有行之真人。父母临之者，必法术精专。官鬼临之者，必神鬼钦伏。

### 兄爻值此多奸伪，财象临渠好利营。

供佛，赖僧之慈因以盗助。迎真籍道之法力以赞参。兄弟应值则奸欺而伪妄，多阻误而废更。妻财监其人贪婪图利，好色营财，乃鄙入蝎羣，非通天撤地之流也。

### 恶辈子孙临白虎，善人福德带青龙。

子孙乃僧道也，白虎贴守，其心不胜凶险立行匪凡善良。福德即子孙也，青龙卫护，欺人机有慈善，宅心恒存德行。

### 神天不纳因官绝，僧道无缘为六冲。

道场善事，必一诚感格。如官爻值缘人徒尔叩天而天不受，僧有善缘而凡人因无缘法，盖缘卦值并冲道多缘法，而斋主为没因缘良为爻生冲激，故六冲不用也。

**子破诵经宣若逛，应空礼忏拜如风。**

子孙用神主我家之事，诵经宣偈全要琳琅讽念，若逢冲破则徒诵之而为逛语矣！僧道应位为占主之用神，金经实偈诚敬宣扬。如遇被冲，则枉念之而成虚文矣！应空则袈裟贍礼何益？无子则鹤氅忏礼徒然。

**鬼空设醮无因果，子旺修斋有大功。**

官爻主设醮之场，无鬼则无因无果，鬼煞临斋坛之事。官空，则何德何功。子乘旺，斋坛功德无亏。福德权醮，主功程有力。

**福化鬼爻官克世，非惟作福反遭凶。**

设斋修善，福动化鬼，则求亲而疏矣！作福祈恩，官来克世，是求荣而反辱矣！谄之而不蒙福媚之而反见遭用人感应，用意昭孚天神，感格天理昭回，岂可褻渎不加谨慎乎？

## 还赛解厄章第七十六

（以福神为主，用象为凭。）

**因灾酬愿寻福德，凶吉还须辨用爻。**

人身五脏，天气六经调摄者安，违和者病，然染灾而星辰不顺，则祈祷之。因罹患而崇鬼为殃则酬谢之。许愿当还赛神攸利，惟子卦无凶，寻福德占爻则吉。又当辨用爻之失令得令，能俾卜者之邹眉开眉。

**用弱忌兴灾未退，忌衰用旺患能消。**

谓我所占之人为用，而用休囚薄弱，其势危矣！而所忌之爻为害，而害如动兴，作谁抵敌哉？灾愆未退，厄患未解也。忌神若衰弱，则病症可消。用爻如旺相，则灾疾立愈。

**父兴克子洪恩浅，财动生官邪魅招。**

父母动能克子，纵有天恩亦薄劣难承。财爻兴则生官，岂无鬼邪之张扬作祸？

**世旺子强官受制，祭神之后别无妖。**

世为我也，旺则病必安痊。子为福也，强则压制鬼祟，意谓此强余必弱，福旺鬼将除，赛神之后保平安，解厄罢时无青咎，禳之则吉请祷无殃。

## 奉安神位章第七十七

（以官爻为主，子象为凭。）

**凡安香火众神天，侍奉祠堂列祖先。**

随身香火，家庭供之以安，治世福神，家堂奉之以位，此生成之，迎赖阴空得护持者，然我生必有治宗祖请之以入家庙，我后必有嗣。祖先安之而居祠堂，子孙承之而春秋祭祀，照穆列而远近追思，乃诚之至，孝之竭也。

**供义高真诸上圣，一应还将官鬼看。**

上而伸者为神明，下而屈者为阴鬼。上圣高真即是神司，遍曾祖同推官鬼。

**不绝不空神久在，不冲不动圣常安。**

官鬼不绝，乃香火不绝。香火不空，则承祀不空。官若不冲，坐永堂而位亦常存。鬼如不动，安神先而祭之如在。

**在位静安方是福，神祇不降卦无官。**

官如静，则神圣安。鬼若空，则神不在。若夫祈祷神祇而不降临管摄，因无官鬼主难。若乃叩请神明而不御临张主，为无官鬼主司。

**若还福德临爻上，天赐佳祥永百年。**

卦爻若得子孙出现旺相，神天必赐祥瑞，是福德加临而子孙长吉。

**子象空无谁获庆，财爻静旺进田园。**

子孙空亡，则阿谁承庆？福神不现，则若为承欢？财爻静旺则稳主并园。财遇生扶必田连阡陌。

**兄兴妻患伤财物，父动鬼灾损畜蚕。**

兄动而伤克妻财，非病而何？兄兴则剥削财物囊匱乏。子当避父之威，父动伤儿，若父爻一怒，则子位受害矣！福乃滋牲，父动主伤六畜。子为春蚕，父兴则损三蚕。

**鬼克世宫殃叠叠，官生身位福绵绵。**

兄贼阴害世爻而患灾不一，官爻护生世位则庸福绵绵。

**六冲此向安非吉，六合其方奉有缘。**

六冲者，内外之神安之，岂得为吉？六合者，上下之位奉之，似有宿缘。

**白虎值官灾不浅，青龙坐鬼利无旁。**

官爻虽是香火，然值白虎则神煞不利，而官亦遂为祸殃矣！鬼位未必灾愆，而值青龙则神随为锡之利益矣！而阴阳之位安如磐石，祸福之效捷丁鼓桴出入赖以扶持，止行仗而保佑。

## 停棺举殡章第七十八

（以子孙为主，身世为凭。）

**停棺寄椁兼更座，举殡除灵事必同，财福二爻宜旺相，兄官两象怕交重。**

大雨钱情事申而雨能出殡，人哀愍舟助而可举棺或停棺，因择地寻坟、或寄柩在制中赎屋移座，非为贫也。除灵适服关坎，事有数般，疑须一决，且如财爻福爻皆生财获福，二爻固宜旺相，至若兄象官象咸破耗，官灾两象最怕兴隆。

**鬼兴克世般般恶，官静生身事事通，复推用象生身吉，倘来克世祸重重。**

鬼兴而能克世，在服孝之中更作凶论，诸事忌之则住，官静又乃扶身犹遭丧之际还作吉推，百凡行之则吉，用象生身者，行无不善。用来克世者，向无不凶。

**安灵寄柩宜相合，微席除旌喜六冲，逢冲不可停丧柩，择服辞灵庶免凶。**

如卜设魂灵宜合而静，占寄棺槨，爻稳乃安六亲座旌值卦冲而除之则吉。五服魂席叶爻散而撤之无妨。一切丧事逢冲散而切不可停，大凡孝堂见激剥而断不可寝。卦动而释服乃宜，爻交而辞灵则可。虽曰孝无终始，寄棺撤席有不得已而行之，若乃趋吉避凶举殡停丧，取理长则就之也。至如衰侄染墨，军旅敢不遵依诏命，套情朝廷岂可违悖？

## 怪梦感应章第七十九

（以动爻为主，螣蛇官鬼为凭。）

**怪虑不详，谁识将来之事故。梦忧不测，难知未兆之情由。欲决否藏，还凭易卦。**

吉凶未应，朕兆先形。或夜里有微、呈梦中有见，致心主疑惑，须卦象搜求。

**吉则因子孙发动，宅静人安。凶则逢官鬼兴隆，殃臻祸至。**

子孙动，人口平安，家庭宁静。官鬼发，则宅眷屯，门兰萧索。

**官临空绝，事假情虚。鬼值交重，怪真梦实。但看谁爻带鬼，便知何事临门。**

官空则无怪，反绝则情虚。鬼动则梦准，官发则怪灵。又如鬼爻带煞而动，便知何事何方。

**土父则虑染时灾，火象则倘遭回禄，木乃蚕桑之损，水为波浪之惊，刀伤斧割为金神，损畜丧丁因虎兽。**

土鬼疗染瘟瘴大兴，倘逢加禄，木损桑苗，水澜波险，刀割斧伤凭金神发现，人亡畜损惧白虎咆哮。

**逢龙则喜处生悲，遇雀则诗中起讼，武防盗贼及扳陷之情，蛇被虚惊并牵连之事，勾陈之煞忌行动土之方，天喜之星勿往结婚之所。**

青龙值鬼，必乐极生悲。朱雀临官，文书涉讼。玄武兴防盗情害，及螣蛇主梦怪惊牵。勾陈鬼发，因动土争田开掘方禁。天喜官加犯喜筵酒肆婚姻事情。

**驿马同宫休出境，咸池共位莫贪花，官伤世体主人灾，鬼克应家妻妾患。**

驿马勿走跳路途，咸池戒奸贪姿色。世爻为家主，最怕鬼伤应位，是妻孥尤嫌鬼克。

**复看何爻化鬼方，推那命遭屯。父象化成，椿萱不泰。财爻双出，眷属难安。鬼化鬼爻，灾未消而讼至。官连妻位祸将灭以财生。官变子孙，始见凶而终见吉。子之官鬼，先招祥以后招殃。**

何象化官，知何人受惠。何爻变鬼，即知何属遭殃。父化鬼，主祸在椿萱。官化财，该灾当妻仆。鬼化鬼爻，灾生而又讼。官之财象，祸退而有财，官变福，初凶后吉。子化鬼先利后殃。

**世带福神，能免万千之咎。卦无鬼煞，并无毫忽之愆。**

子孙持世，则事事亨通。鬼煞空无，则常常康泰。

**青龙父母值身摇，文墨光华之兆。白虎弟兄临世动，家资破耗之忧。**

身值父母青龙，文章高显。世临白虎兄弟，资耗忧惊。

**龙居财福有生扶，门添喜气。贵坐官文无克破，体沐恩光。**

门栏添喜气，决是青龙临财福之爻，更逢生旺，家宅显荣必有贵居，父母之位不遇刑伤。

**事有百端，理归一字。**

世有万端事绪，卦凭一理而推。道明法正何虑怪情搜隐索微，难逃毫忽。

## 报应雪冤章第八十

（以官爻为主，世应为凭。）

**人遭冤屈诉无门，或失衣资求见明，或请鬼神验的确，或迎仙道写真情，皆将官鬼来为用，旺发阴司近日灵。**

朝中尚有申冤申屈，世上岂无诬马诬金？或屈而控诉无门，事遭诬而暴白难雪，反神理遁幽微，仙道情涵勾化，莫若卦推鬼用，旺发报应昭彰。

**太岁值官年内报，提纲见鬼月中兴，世遭鬼克吾遭辱，应受官伤彼受倾，动速静迟终有应，空官绝鬼永无凭。**

太岁报应在一年，月建鬼兴验一月。世受鬼克，乃见忧於吾。应被鬼伤，则行诛於彼。有官则有报应，但动在速而静在迟。无鬼则无准凭，况空无因而绝无据。

**交重之象明中发，冲击之爻暗内行。卦见子兴空拜圣，爻无鬼在枉投呈。**

交重明中发作，冲击暗里推排，子孙散解，徒磕头拜跪，无鬼主张，枉申拆投呈。

## 察人喜怒章第八十一

（以用爻为主，生克为凭。）

**探人喜怒用爻推，民卜官员鬼上思，若问他人观应位，子占父母看文书。**

测人喜怒，凭卦推详。问官府，在鬼象精思。卜他人，于应位求索。子占父，文书为用。兄占弟，同类为凭，各定用爻，详其喜恶。

**用爻生世心怀喜，主象伤身怒可知，但得比和情更美，无忧无喜值空时。**

用爻生世，则欢喜接谈，主象遭伤，则变颜反目。用世比和，心产契合。用如生世，会晤维持。用世相冲，心同吴越，用若空亡或不上卦，乃无忧喜，无损益也。

**逢六冲永不和谐，处六合终无怨恨辞。白虎在爻忧损害，青龙临用赖扶持。**

只冲难见，岂得和谐？六合易求，终无懊悔，处白虎，身忧损害，见青龙尤可亲。依明人见颜色而言，智者观喜怒而进也。

## 探人虚实章第八十二

（以应爻为主，不空不绝为佳。）

**察人心地应为先，生扶身世两家欢，旬内值空心不实，月中犯破意非坚。**

用卦中之应爻，察人身之心地，生扶身世则宾主相投。彼同我心，则世应相洽，用破旬空，心虚不实。应临月破，意诈非真。

**倘来克世冲身命，腹内藏刃性必偏，但卜六冲无信实，凡占三合有忠言，彼同朱雀能言语，应并螣蛇每变迁。**

应伤世命，口密腹剑之徒。应冲身世，而是背非之子。三刑六害，必生妄语。三合六合，定出忠言。用值青龙心慈善，应临白虎主刚强。玄武奸怪肖象。勾陈性身稳重。口嘴喧哗惟因朱雀。腰肢曲折，霉似螣蛇。听其言也，则捷给絮人。睹其眸子，则倾险莫匿。

## 用人藏否章第八十三

（以用爻为主，应象为凭。）

**凡用他人应上寻，家亲各有用爻分，日冲月破空亡者，临在斯爻永不亨。**

凡若用人行事、或请人代己之劳、或招人而作生涯、或托付而图利益，如用他人，以应爻为主。若占亲戚，以用象为凭。用爻若遇日辰冲、月建破、或落旬空者，皆主不成，纵成无力又不久远，切莫用之。

**用遇绝乡终不美，世遭用克却无情，六冲反目非宾主，用变刑伤力必轻。**

倘若用爻临绝又无生助者，此人定主无能。用来克世者，实怀欺主之心，彼非仗义之人。若卜

六冲之卦，终成反目，岂得和谐？卦上用爻虽然有气，变成克制之乡或之墓绝，人必先勤后惰，事当有始无终。

**以上七般发不犯，方言和悦又多能，若还世得他扶助，必受渠恩事有成。**

应爻并用爻，不遇日冲、月破、空亡、死绝、又不克世、又不爻出冲伤，本卦兴之卦皆非六冲便曰宾主相投，用之有力。用爻若来生世合世者，赖以难持，周旋吾事。

## 仗托人力章第八十四

（以应爻为主，不遇绝空冲破为佳。）

**金解京差，每有包完粮税申，当县役常多代出公庭，或央邻里之谋为，或浼亲朋之所作身，叨彼佑，事赖他成。前列人之事情，皆附卦之应象。**

粮从产出似有差徭之重，产去粮存尚多力役之征，或山长水远之迢遥，或人怯丁单之薄弱，不无亲属之托，须情故旧之央，事有万殃，卦须一决，诸般仗枉，皆看应爻。

**应动应冲，此客有更有变；应空应破，其人无力无能。最嫌世受应伤，更忌内遭外克。**

应值交重或逢冲动，仗彼终须改变。应值旬空或临月破，托人决不始终。若应克世，或外伤内卦，皆主其心不善，不得误用也。

**财福生身而有益，见官克世以亏财。六冲则意乱无恒，岂谐岂就；六合则心平有信，能始能终。**

妻财子孙发动，生助世爻，终须有益，若见兄弟官鬼交重克冲世象，岂不遭伤？六冲作事无成，又夫信实。六合所谋遂意，更有始终。

**但若诸般之重托，惟凭一卦之端详。**

百里倾心千金重托，全凭一诺之寄，皆系六爻之定。

## 继身受产章第八十五

（以世应为主，财福为凭。）

**但将身继欲受他财，切嫌世应空亡。大喜福财生旺世，陷则吾非受业，应空则彼不相从。**

以己之身为人之后承继，即是螟蛉出姓，义当承祀继人之志、述人之事，理当如此。受父之产袭父之阴，古亦有之，在所必然，无足怪者。凡卜续人之后，当看世应之爻，倘若世应逢空，彼此皆成虚望，若得子动财兴，后必荣华富贵。世空应不空，但恐身居不久，纵久亦难受业。应空世不空，切虑父心反变，到底不从我意也。

**旁动克身，后被族中争夺。应兴伐世，远遭本主欺凌。**

旁爻动克世爻，产被族中掠夺。应象动伤世象，远遭本主欺凌。

**六冲主西荡东游，内愁外怨。六合主朝欢暮悦，老安少怀。虽见和谐财不兴而少利，朱雀偏生口舌，鬼不动以无妨。**

六冲则游荡西东，怨生眷尺？六合则欢歌朝暮，老幼安和。纵有青龙而财若休囚受克者，但主和谐终无厚得，虽摇朱雀而鬼不交重空旺者，纵生咭聒而不成词讼。

**父母勾陈衰败，产业虚浮。妻财福德兴隆，家资稳实。妻弱兄强，必主分财夺禄。儿空鬼动，决然起讼为灾。**

产业凋零，父母勾陈败。家资稳实，妻财福德兴隆，兄强妻必弱，夺禄分财。子空鬼愈狂，灾生讼起。

**财化绝空，有物焉能入手？合逢冲破，无情岂得安身？内处无官，恐难成就，阴阳都动，终见更张。**

妻财而化之空绝，银钱那能入手？合处而却被破冲，踪迹何处安身？卦内无官，一世事难成就。六爻乱动，一身终见更移。

**事欲绵长，卦须安静。**

欲要攸久事基，六爻不动为妙。

## 防老膳终章第八十六

（以用爻为主，世应为凭。）

**鳏寡之徒，仗亲朋而养膳；孤寒之辈，叨邻友以维持。世应用爻空，非绵远；兄官忌象动，岂安宁？**

夫妇不幸而自独孤缺者曰鳏寡，爻空不期而骨肉伤残者曰独孤，故西伯有哀子之政，西京有拜老之行，是老需膳而安，幼求抚而长，有仗亲戚而矜之以养，或托邻友而怜之以恩，此皆民惻隐之好生，而穷人之得所也。而今发课何以据凭，可将用爻并推世应。凡占以世为己应为他，如占亲戚各分用爻。且如占婿以子孙为主，占弟以兄弟为凭，世应并用皆不宜空，空则靠非攸远，又不宜兄弟官鬼并忌神发动，动则岂得安宁？

**前后六冲不久，福财而旺为佳。主象生身昭彼力，用神克世被他欺。**

前卦六冲而后卦六冲，足迹岂能长久？福爻旺相而财又旺相，口身永得饱温。主象生身似旱苗得雨，用神克世如枯草而遭霜。

**世遭月建相冲，自己将来多染祸；应被变爻而制，他人日后不兴家。财无鬼又无，岂能手终侍？**

**世动应亦动，焉得齐心？外卦兴隆彼命富，内官旺相我身荣。**

世临月破，自防身体弱羸，应变克伤，他必田园渐退。财鬼俱无，老少焉能尽瘁？世应俱动，彼此岂得同心？外卦兴隆世又兴，斯人富足。内官旺相世又旺，我得安荣。

**再观生克，永决亲疏。**

同血脉者，必生生。有瓜葛看，必垒垒。故亲则同气相求而同声相应，克者不久，冲者益疏，是道不同而不相为谋。

## 养亲馆友章第八十七

（亲族以用爻为主，他人以应象为凭。）

**济难扶危，却是留恩於世上；怜贫敬老，岂非积德於阴中。诚恐恩中招怨，还须卦里求明。奉尊奉长，直扶我以扶身。抚幼抚卑，忌子孙而伐世。**

施粥是赈济留恩，舍资亦怜贫，积德当闻受惠，效劳岂可以怨报德？奉尊长之有德者，父必扶我以生身。养卑幼之无义者，子必忘恩而克世。

**养族养亲，怕见用神来克。膳朋膳友，喜逢应象相生。凶则鬼兄皆动，吉则财子咸强。**

养吾宗新，忌用之来克。善吾朋友，喜应象之相生。鬼兄动则咸凶，财福兴则皆吉。

**世陷世空，已恐屯难雇彼，应冲应动，他多更变岂酬劳。世应冲非久远，卦爻合最绵长。**

世遭死绝或值空亡，日后家业萧条，恐难雇彼。应若交重或遭冲破，他时彼意变更，必致忘恩，决不酬惠。卦值六冲非久远，卦爻逢六合最延长。

**合处变冲，花非结果；凶中化吉，树必成林。扶人之难，用逢生助可相扶。救客之危，应破克伤须莫救。遭祸遭殃遭损害，应克世爻。得名得利得祯祥，外生内卦。**

合处变冲，不结子之花岂能结果？凶中化吉，无心处之柳不意成林。用逢生助，斯人有难可扶。应被克伤，厥后纵危莫救。应克世以招殃，外生内而多吉。

**龙值福兴，行止获财而进喜。雀临兄爻，始终费本以生非。武鬼克身忧失脱，蛇官伤世虑牵连。**

进喜得财，子值青龙而发动。生非破钞，兄临朱雀以交重。鬼临玄武，失脱难逃。官遇螣蛇，牵连祸至。

**念忧恤孤，宇内修心之道，施恩布德，环中积善之家。然虽整吾虽实意以无私，倘若彼心有害，未知后患，故叩先天。**

施恩布德，诚积善之人；恤寡怜贫，乃慈心之玉。吾虽实意以无私，或彼虚心而有害。仰先天之不负，庶终吉之有微，倘凡庶之侮人，岂圣贤之欺我。

## 登舟涉水章第八十八

(以父爻为主，世应为凭。)

**雇船装载渡长江，问卜须将父母详，大要合生兼旺相，怕逢空绝及冲伤。**

凡雇船装载，须将父母为用爻，如逢旺相又遇日辰动又生合者，一路平安百事和谐。若逢空亡墓绝刑冲克害月破者，非惟险阻，反有祸患，若凶煞休囚，恐无大利亦无大害。

**子孙动合方方美，官鬼休囚处处强。**

子孙乃生财之神，若临世用发动及生合者，着处大吉，虽不动临世亦为佳兆。官鬼乃凶恶之流，遇之不利。若得休囚墓绝或受制伏，则不能克冲，不论远近，随后方吉。若带吉神克尤可，若带煞发动来克，大凶。

**世乃己身嫌墓绝，应为船主莫空亡。应克世爻遭损害，应生世者遇贤良。**

世为雇船之主，应为驾舟之人，俱不宜旬空月破墓绝，最要生合为美。若应爻克世冲世者，必凶顽之汉，件件欺侵。若加朱雀，口多骂詈。加白虎，好勇殴拒。加玄武，明伦暗窃。加兄弟，狡猾诬诈。休囚稍稍，旺动愈凶。若值旬空月破，必然痿弱，或非惯熟，或是灾生不测。若应生世合世者，必善良之人，事事可托，和颜承顺。若带吉神扶拱，乃故家子弟出身，一力能扶助，万里可同行。

**阴卦包阳难渡海，阳包阴卦好飘洋。**

卦属阳，乃轻清上浮。卦属阴，乃重浊下坠，行船重载远涉江海，只宜轻浮，不可重浊。故阳包阴则吉，阴包阳不利。

**内外不宜占艮卦，逢之便作覆舟详。**

艮卦者，艮覆碗也，但凡舟行必涉长江，大舟岂占翻覆之兆哉？凡遇纯艮卦、或居内或居外者，俱作凶断。

**父母冲刑兼月破，决然渗漏进沧浪。**

父母者乃船之用爻，若遇日冲月破刑害者，必定损伤不宏大，看在那爻，便知端的。若在初爻，船稍有损。若在间爻，中舱渗漏。若在上爻，船头空隙。若值乾宫，上盖不密。若居坤位，下底疏虞。

**水官克世防波险，火鬼伤身虑火殃，土鬼交重忧湊浅，金鬼还愁石蹠伤，木鬼舟中神祟扰，螣蛇官动主惊惶，玄武贼伦朱雀讼，勾陈阻节路中央，白虎灾生谋害起，不临鬼发定无妨。**

鬼值五行，不宜克世克身兼克用，官临六兽切忌伤船伤世及伤身。水鬼动，风波大险。火官发，

荧惑飞殃。土临鬼发，沙浮水耗。金并鬼动，石蹦体伤。木官交和，鬼祟来缠。螣蛇不过惊惶忧虑，勾陈无非迟滞詹延，决无大害。玄武防内外之盗贼，白虎虑大小之灾屯，朱雀口舌闲非，盛则以绵绵，大凡不旺不动，稍轻。倘值墓绝，无妨。六爻内外无鬼，乃为大吉利。

## 风行顺逆章第八十九

（以世爻为主，兄弟日辰为凭。）

**兄弟日辰同克世，飞沙折木关风张，二神若也来生者，天赐凉风适远方。**

兄弟动并日辰同来克世冲世者，必主关风骤发。若在巽宫或加木爻旺动，乃飞沙走石，折木覆舟之险。若兄弟动兴日辰来生世合世者，获片帆时送滕王阁之益。

**兄生日克风横顺，兄克日生横逆详。**

兄弟生合世爻日辰克世者，乃横顺之风，勉强可行。若兄弟冲世克世，虽有日辰生者，亦是横逆之风，不可轻易举行者也。

**兄空木绝风当息，水静官衰浪不狂。**

兄弟若值旬空月破、水木二爻俱静，鬼亦休囚，又无风波白浪二煞，决主风恬浪静，坦前行。如二煞旺动，亦有小咎。风波煞例云：正月从子上顺行，白浪煞例云：正月从寅上顺行十二位是也。

## 乘车驾马章第九十

（占马以上爻为主，问车以父象为凭。）

**乘车驾马游郊墅，福德爻兴稳稳移，官鬼爻重防坎坷，世空来往切非宜。**

陆行远道，心仗惊兴骤马，皆得子孙旺发及生扶，则车马安逸来往无虞。若鬼动克冲或世值空者，必主灾非道险。

**午宫值鬼休乘马，木象临官弗受车。**

午为马匹之本。禽木属车轮之用爻，若临官鬼，各为大忌。

**应克世爻兄弟动，马夫车汉恐相欺。**

世乃占主，应是从夫，若克世爻，又加兄弟凶煞动来冲克，衰则欺凌，盛则残害。

**六空骡马终无力，父旺车舆必整齐。**

骡马之位，乃在六爻，车舆之相系是父母，若逢生旺，则骏马高车，倘临休囚，必定羸骡敝鞅耳。

**折煞如兴忧跌蹶，勾陈若动路行迟。**

攀鞍乘轍，謹訪跌蹠，爻有折煞，決罹此危。衰旺則稍稍而已，旺動則大患傷殘。爻有勾陳獨發，路途多阻，滯留遇吉則因喜而阻。逢凶則禍患而稽。折煞例云：正月在酉、二月在未、三月在卯、四月在子，五月又從酉上起，照例而行。

## 水陸出行章第九十一

（占自己以世爻為主，占他人以用象為凭。）

**出境須憂官鬼興，官爻靜伏決清寧，龍搖萬里咸和合，子動千鄉永太平。**

凡人遠行，切忌官鬼發動，若得靜伏或值休絕，亦作清寧之斷，或青龍發動、或子孫發動、或持世，皆主太平之象，順意往返無虞。

**世值鬼爻兼世墓，皆為阻節去難成，歸魂亦不離鄉井，世落空亡豈得亨。**

世值官鬼、世入墓鄉、世在歸魂、世落空亡，俱為凶象，終難舉步，縱在勉去，必見災殃。

**克世之方身莫往，生身之所却宜行。**

假如世爻屬土，不可東行，乃能克土之故。若世爻屬水，惟利西方，乃金能生水之益。凡卜自身，以世為主，若占別人，以用而推，不可概論。

**用臨月破災難解，兄鬼加蛇被險驚。**

若用爻被克被沖、或值旬空月破，去後災危迭至，雖遇吉神，終難解釋。兄弟官鬼若加騰蛇發動，必有虛驚，輕重之辨，休旺而推。

**又忌明夷節艮坎，四般卦象最無情。**

出行遠回，不免登山涉水，凡看卦休爻象不可忽類而推。且如明夷者，傷也。節者，止也。艮者，止也又為覆舟。坎者，險陷也，皆系無情，豈為佳兆？

**官居玄武財當失，朱雀臨時口舌生。**

官鬼動，不拘生克，皆不吉，臨玄武，途遇強梁。衰則竊，而旺則劫。若臨朱雀，道逢奸狡，衰則語，而旺則訟。臨白虎有斗毆之愆。臨咸池有覓水之懼，總非美例，學者詳之。

## 同行共處章第九十二

（以應爻為主，用象為凭。）

**同行共處應為尊，切莫沖傷世與身，若見落空并月破，絲毫無力負吾恩，如來生合身和世，永賴維持若至親。**

同行共處，應為用爻，興世相生相合，必然言聽計從，迺路艱難親切。若值旬空月破，決主負

义忘恩。倘如玄武劫杀之类，或来克世或动冲世，总不为良，衰则嫉妒，旺则相状。

**三合一途皆遂意，六冲半路便灰心，起居亏损摇兄鬼，水陆清安动子孙。**

爻逢三合或六合，万里同行情最切。卦位六冲或六害，半路抛离心反背。若兄弟官鬼交重行住坐卧条尔生非。子孙吉神若动，陆路水程自然获福。

**但卜他人依此断，凡占亲戚用爻寻。**

若卜闲人，只依此断。如占亲戚，却看用爻生克而推。

## 关隘津渡章第九十三

（以福神为主，世象为凭。）

**人往途中问过关，应来克世却烦难，官空子旺无盘诘，虎动兄兴有阻拦。**

凡占关隘，以官为把隘之役，兄为阻隔之神，不可动，不可旺，又不宜应来克世，若官动生非，兄兴费财，虎动被责，克世皆然无中生有，万般阻滞，大不吉利。如得子旺官空兄墓绝，查无盘诘巡拦之辈，如入无人之境。

**一鬼交重难过关，六爻安静好通番。**

官鬼独发，虽疏林野渡，决难过越。若得六爻安静，纵汉岭秦关，任凭来往。

**旁行小路偷关税，须要青龙德兼全，朱雀喧争人毁谤，勾陈阻隔物伤残。**

旁途小路私行偷税者，须要龙德兼全，或动或持世方获吉利，若值朱雀，口舌哢哢。若临勾陈，阻节淹淹，谩寻冲散之期，免决潜行之路。

**世旺逢生逢善侣，身衰遇克遇强蛮。**

世位有相，朋侣忠良。若加动爻或日辰来扶，定仗贵人相契。世爻衰弱，旅伴甲微。又遇凶神来克，决有奸凶来害。要知吉凶，衰旺可推。

## 旅望行人章第九十四

（以用爻为主，月卦为凭。）

**凡占出路之人，非比还乡之客，问归期，而归魂可到。占往外，而游魂可来。应陷用爻空，还居有内。身兴主象动，必往途中。**

凡占行人，各有不同。且如人在外乡，又占后人来否，若得游魂，已登途路。若遇归魂，尚在家庭。应陷用空。留恋家闺难登轳，身兴主动，扬鞭策马已登程。

**六冲尚未相逢，六合即当相遇，一卦皆安人未至，六爻乱动客将临。**

卦值六冲或六爻安静，望断征鸿无信息，爻逢六合或六爻乱动，立见他乡遇故知。

**世去伤他，徒然等候。用来克世，不负邀迎。**

世克用爻，习定不来，徒然等候无功。若用来克世，不待邀迎，即来会合。此理重要。

**忌众交重难会面，元神发动易同言。**

忌神发动，被人牵羁难行。元神发动，良朋携挈同来。

**应及卦身合时可望。日同月将生用方来。**

卦身或用爻与日時相合，日辰或月将来生用爻者，遥观车马填门，停看舫航抵岩岸。

**用化官爻他被讼，主临月破彼遭灾。**

用爻若变官鬼，公庭讼累。主家忽临月破，逆旅灾缠。

欲决来人迟速，惟凭爻象兴衰。

## 行人远回章第九十五

（以用爻为主，月卦为凭。）

**世克用爻人未至，用爻克世许他归。**

须问占者何人，详为用爻。若世克用爻，行人尚是逗留，未有归期。用爻克世，已为輶装，刻时可到。

**如临绝处求生日，凡在空乡冲必回。**

用爻逢绝，须看那日来生，乃是輶装之期。用象若空，必求冲日，方持归帆，近以日断，远以月推。

**若乃卦中无主象，候观值日散愁眉，卦身合日方言到，用遇生扶可接陪。**

若卦中内外及互变飞伏俱无用爻，是无主象也，直待日辰透出，乃是归期。卦身者，即月卦也，与日相合亦作归程。若干支相合，决到无疑。经云：假令丙子水为身，辛丑日辰以时道。若用爻遇动爻并日辰生扶者，皆是归来之兆。

**卦静应空皆莫望，六合归魂共举杯。**

六爻安静或值空亡，莫云倚门凝望。卦逢六合或遇归魂，即返故园欢会。

## 音书远信章第九十六

（以父母为主，朱雀为凭。）

**书柬来时父母兴，父空雀动口传音，应爻空绝谁捎寄，妻财持世信水沉。**

卦中内外父母兴隆，千里书文传至。父母空亡朱雀发动数声音信传来。应爻空绝书柬写成无使雁。财爻持世或发动，当知音信已水沉。

**父带青龙为喜信，如临白虎作凶文，须臾得见因朱雀，中途阻隔为勾陈。**

父母带青龙，贵来喜庆之书。印绶临白虎，报传凶恶之文，加朱雀遍传迅速，逢勾陈阻滞淹留。

**印绶化空遗失去，逢冲偷折看虚真。**

父母化空，中途遗失，决难寻觅。印绶逢冲，被人偷开窥视情由。

**那日父临生旺合，决然相遇带书人。**

欲觅寄书之人，须看父母之爻，临生日可见，临旺日相逢，临合日会晤耳。

## 觅人访友章第九十七

（以世爻为主，外卦为凭。）

**访友寻人忌六冲，游魂他必往途中，应空应动人非在，实主相逢世不空。**

爻值六冲，亲不见，友难逢。卦是游魂，必在邂逅之间。应爻若空、应爻若动，其人已出外矣，决不在家，几遍登堂难见面。世位不空、世位不动，不期而会面亲欢娱。

**若觅他人外卦取，如寻亲族用爻从，但临空地终吁叹，相合相生便得逢。**

若寻外姓他人，以外卦为用。若寻亲戚族人，以六亲为用。生若合我，可寻可见。若值旬空、或临月破，萍踪浪迹何处追随。

## 中途候客章第九十八

（亲族以用爻为主，他人以应象为凭。）

**凡候邻朋，应位怕临月破。但迎亲戚，用神忌值旬空。如卜官员官莫陷，若占僧道福宜兴。**

凡途中守候之人，各有用爻。若邻舍乡里之人，以应为用。族中亲眷，以六亲取用。有禄之人，以官鬼为用。僧尼巫道，以子孙为用。其用兴隆生合者，楚客吴宾终会合。若遇旬空月破者，鱼沉雁杳永无音。

**游魂但化归魂，转回故里。世动再加应动，复往他乡。**

游魂变作归魂，旅商获利跨鹤还乡。世动又兼应动，骚人乘兴泛棹他邦。骚人，诗人也。

**世破世冲，自己无心久候。应空应绝，他人无意来迎。**

世位或冲或陷，自己灰心难等。应爻遇绝遇空，他人事纠缠来。

**世应二爻生合，声未绝兮相逢。内外两卦刑冲，眼望穿而未遇。**

世应相生相合，邂逅三生有幸。六冲之卦，望穿两眼无踪。

**日伤应位，当日难来。时克他爻，过时方至。**

日来克应，定知当日不来，时来伤用，便待过时可遇。

**旁爻动合应爻，遇朋留款。彼象化成空象，见路游行。**

若见旁爻动合应爻，故友相邀留恋。用爻若成空象，寻花问柳闲行。

捕贼捕逃，必要世爻克应。迎待亲朋，须得用爻生世，斟酌吉凶称理，参详衰旺玄微。

## 招宾接客章第九十九

（以应爻为主，福德为凭。）

**涉险趋遐揽接货，财通贸易扫门下榻，惟全信义款佳宾。未议商人之美恶，须凭易卦之精微。**

**月合福生於世象，定接忠良。日冲应克於身爻，必招奸佞。**

开张行次之得失，招纳商贾之往睐，难免奔驰，未知凶吉。若月日生世、子孙生世者，定有忠信之人千里来投，财利岂饶，信义允协。倘日辰冲世应爻克世者，决有奸佞之徒，一朝聚离非惟无利，抑且有害。

**六冲乃实主无缘，空来空往。六合乃始终有利，能遇能逢。合处逢冲，纵得来而复去；冲中化合，虽未就以还成。**

六冲之卦，杳无客至，空在长途等候。六合之爻，定有商临兼带丰资到舍。倘遇合处逢冲，车马临门而复去。若得冲中化合，或被阻隔毕竟来归。

**应空则宾不能招，纵招不至。世陷则主不能得，纵得难谐。**

应落空亡，则无客商，纵使接而不来，来而不久。世遭空陷，自无力量，勉强而为，为而不振。

**克爻合应伤身，同类人唆人去。应动化爻合世，忠心客引客来。妻强子旺，倍得财源。父发兄兴，反亏资本。**

兄弟者，为诈为虚，又为伴侣，若动来合应而伤世者，乃忠良之客。辗转举荐必是商贾填门。子财俱旺，财利倍增，父兄并发，本资当失。

**无福则休迎其客，无财则莫望其资，无鬼则所为不就，无身则所作不成，既明奇偶，便见亏盈。**

卦无子孙休迎客，爻内无财莫望财，无世无身难成就，无官无鬼主无商，大象盈亏，用心斟酌。

## 陪宾优劣章第一百

（以应爻为主，福德为凭。）

**家延门客号陪宾，应上还须论浅深，不动不冲能久处，不空不绝永欢忻。**

陪宾者，乃宦豪之幕主也，以应爻为用，但喜不动不冲不空不绝，即攸久相处而无间阻。若得世应相生，彼此和谐之兆。又云：应生世，乃客来求谒于主。世生应，乃主去聘宾耳。

**应如克世宾欺主，鬼雀兄摇惹祸临。**

若应来克世，必定宾欺主人。若带龙德贵人来克，是逞多能确势欺压主人。若带劫杀凶神，必奸食佞狂妄侮贱而已。若合财爻，兴奴仆同欺，加咸池玄武，恐恃淫乱而至此。若得雀虎兄鬼临克，又或兴旺决致祸患不宁。

**福德交重好佞灭，六冲不日两灰心。**

子孙发动、或生世或生应，名为解欢之神群好自退。倘值六冲，彼此情疏渐渐分散矣！

**倘然幕府迎参赞，独喜官兴忌子孙。**

凡公门将佐、师府参随之类，最喜官兴财动以生扶，惟对子发兄摇而克害。

## 交朋结友章第一百一

（以世应为主，生克为凭。）

**交友往来如手足，卦中兄弟忌空亡。**

交友者，各有不同，有同气连枝，有邂逅鸟合、或同艺业、或同游侠、或长幼之不同，或贵贱之嫌避。既为朋交，兄弟可推，不宜空绝。

**世空我意多迁变，应破他心每改张。相合相生如管鲍，相冲相克如孙庞，比和彼我无高下，世位卑忧应克伤。**

世空世动，则我之犹豫未决。应破应虚，乃彼之更变不常。若日世应生合者，情孚契合。世应克者两必参商。世应生合，必为攸久和同，而无彼此。惟独应克世爻，占者大忌。

**结议官员官鬼论，相知僧道福神当？男占女色财宜旺，女卜男情鬼要强。**

又论用爻，假如有缘之人，以官鬼为用，朋友结主之类，以兄弟为用，男占女以财为用，女占男以鬼为用。师巫僧道，以子孙为用，朋友结义之类，以兄弟为用，男占女以财为用，女占男以鬼为用。师巫僧道，以子孙为用，馀皆仿此详之。

**用爻若也伤身世，来往终须反受殃，合世生身终有益，用临空绝少祯祥。**

用爻固不可无，如有而来克世者，不惟无益反受其亏，必得生世合世，方好信义益友。用临空绝之乡，彼此非美，交朋大忌。

**雀同鬼发招非讼，合处逢冲岂久长。**

朱雀招唇吻，白虎作凶强，玄武能奸谤兴，同官鬼而动者，乃鸡豚狗寻同群奸盗，诈伪靡所不为讼非种种而生，岂可交结乎？又凭合处逢冲交朋合侣若然犯此，聚不多时意冷情寒渐渐而解矣，大意不成，亦从此决。

## 纠合夥伴章第一百二

（以世应为主，生克为凭。）

**凡去纠人，先究相生相克；如来合夥，次凭相合相冲。土若生宾，挈人之美。应如扶世，益己之为。**

凡纠人合夥者，须看卦中生克报合，便见吉凶，若世生应爻或内生外卦，皆主扶人而得成，引入而得进，如应生世或外生内者，必然委之而得力，赖之而有功。

**吾克他爻，久服吾之驱使。彼伤我象，终被彼之侵亏。卦得比和，虽异姓交如骨肉。爻逢冲击，纵亲人一似冤仇。**

凡占以世为我，应为他，世如克应，彼必心悦诚服，愈久而如坚。若世被应克者，其心不善，定见侵欺。世应若得比和，彼此相得，情同管鲍。卦若六冲，两心相反，仇若孙庞。本卦虽吉，若变出六冲，或合处逢冲，是皆有始无终之兆也。

**倘合长亲，父宜合世。但纠下辈，子忌冲身。**

如纠伯叔上人为伴者，父作用爻，官宜旺相，生世合世尤佳。若合子侄下辈同处者，子为主象，大忌空亡，又不宜冲世克成也。

**共作生涯，财绝兄兴皆费本；同行买卖，世空应陷两无情。**

凡合夥生意，须要妻财有气，兄弟休囚，世应不空，方为大吉。倘若财临空绝，兄又交重，反亏资本。卦内财爻纵旺，倘若世空，则自心疏懒，应空则他意更张。世应俱空，两无情况，岂成伴侣乎？

**问利有无，察财爻之消息。观人勤惰？凭用象之兴衰。**

问得利之多寡，惟看财爻，旺则多，而衰则少，空则无。财克世则有，世克财则无。要知人之勤惰，当察用爻，旺则勤俭，衰则疏懒，空则无能无力也。最喜财业克我。

## 投行损益章第一百三

（以应爻为主，官鬼为凭。）

**宾来投主，难知美恶之心；货脱求财，未审浅深之利。惟凭神卜，方得忠良。**

凡占脱货求财，必托牙行专主。忠信者固有，奸伪者亦多，易观面貌，难议心田，欲从善美，谩看吉凶。

**官若兴隆，行主有干触之力。应如空陷，牙人无毫忽之能。**

官旺应又旺，主人命亨、心实、行确、言忠，四方信服，千金尽托。应空官又空，其人家发必险力竭瞧丧外张声势，内蓄侵欺，不可交游，远之远之。

**世被应伤，忧人抖欠。财遭兄克，虑彼侵欺。**

应克世爻，旧帐且延新帐难清楚。兄克财爻，后货那偿前货终被侵欺。

**兄动则货难脱卸，子兴则物易交关。**

兄弟动，阻隔迭生，货难尽脱。子孙兴，价值屯增，利息培厚。

**买物反要财衰，更要身持兄弟。脱货正宜财旺，兼宜世值官爻。**

将钱买物，财衰易得，又宜世克财爻。若脱货求财，妻兴可去，偏喜财爻生克世爻。

**兄雀并摇，难逃口舌，武官同发不免穿偷。**

朱雀随兄动时，招咭聒。玄武并官兴，每遭盗贼。

**世应对冲行却改，财官共合主方投，飞伏阐明，行藏自定。**

世冲应。应冲世，其行或改或移。鬼合妻、妻合鬼、其主堪投堪托。精详飞伏互变，断决休咎行藏。

## 求财觅利章第一百四

（将本以财爻为主，福德为凭。空拳以官爻为主，财象为凭。）

**将财求利，财为用，凡值旬空月破，凶旺相生身兼死世。金银倍得利无穷，财源增益。摇福德资本亏伤，动弟兄父发助兄能克子，生涯有始定无终。**

将本求财，以财为用，不可空无，如遇旬空月破，不但无利，本亦亏折。如若旺来克世者，利息津津。生世者，财源滚滚。若得子孙发动，乃生财之神，财如源水流而不竭，故经云：子动会青龙，乃生财之大道，若兄动而子不动者，本利俱无，若父动而兄不动更加白虎，乃在克子孙元神，财无生助，故经云：父兴临白虎，为绝利之根源也。

**空拳问利宜官旺，财作元神莫犯空，反怪子兴来制鬼，不嫌父母值兴隆。**

空拳问利者，九流之辈。工匠餐食之流，皆名白手求财，以官为主，须要兴隆生世合世，又喜财爻兴旺而来扶助，此为大吉。犯忌子孙动，动则伤官，而用无用也。父母发动，空拳无害，将本为殃。将本为殃，有资本者遭殃。

**衙门但怕官伤世，店肆惟愁卦六冲，走水官衰无险厄，祝巫鬼旺有神通。**

公门之役，官为用爻但不可伤世，若加白虎，必有刑之忧。店肆肄业，切忌六冲，冲则主雇难聚，货物不岂。若涉江湖而觅利，风波不险全赖官衰。惟有圆光召将、施符设咒太保师巫等类，必仗官兴鬼旺，其应如音。经云：请师来巫水祈延术、蓍龟之卜，官旺合真人之应，法必高明。鬼空，无野崇之灵道非通撤。

**血财更虑文书发，顿货财衰利转浓，脱物用爻宜发动，开张主象莫交重。**

若是收养六畜，偏怪父母交重而克害子孙者，则畜不长而财利轻。顿货偏要财爻衰弱而可置。脱货最宜财旺而动则易泄。开张店业，只要财静，纵若举动必定败移。

**梨园不忌官和弟，搏戏犹嫌鬼兴兄，屠户官宜临白虎，空门子要带青龙。**

搬演走戏、傀儡偶儿等类，不是二人所为之事，又要主雇来寻，兄弟为之伴侣，官鬼为用爻，若得两动，方为全美，故云不怕官兴兄发。博弈赌钱关采争胜，乃系财物往来而决输赢，兄弟耗财，官鬼克剥，若值兄隆鬼旺，必致全输。屠宰之流须见血，必得官骑白虎，空门修道要安然，惟祈子跨青龙者也。

**抽丰却喜财官旺，合会须忧世应空，开矿淘沙兼取藏，伏财有气福骈从。**

抽丰者，晋眉侯门餐食伊利，以官为用，惟喜官旺官生官合，彼必慨然厚赠，又得财动助鬼，则积心遂意。而回合会者，纠集亲朋凑财济急以世空为主，但得应爻生世合世，乃易成易得，若应空他人见却，应被日冲月破、或兄弟动冲，皆主被人扰阻不成。若世空，我不能兴，虽兴物难入手。若世应两空或值六冲，则彼此灰心难济其事，地中宝乃藏而不露，但只取伏财为用，须要有气可获。沙内之金乃理而禾吐必得。财隐旺土动而变化淘之方，有劈山开矿破石寻珍以此无异，一理同推。

**又云欲知何日得钱财，但逢合处定欢谐。**

凡一应求财，要知何日到手，但以日辰生合财爻是期矣！经云：财合日辰，方能入手。

**死绝财爻生日得，太旺财爻死墓来。**

财爻逢衰绝之地，必得日辰生扶，乃可得之期。若财爻太旺太多，决定墓日免有。故经云：财逢墓库便可归还，又云多财反覆，必须墓库以收藏。

**卦中有福无财者，财星值日也开怀。**

六爻无财出现，虽有子孙尚未可获，必逢财爻值日，物乃归囊。

## 开张店肆章第一百五

（将本以财爻为主，福德为凭。空拳以官爻为主，财象为凭。）

**开张口诀无多语，卦内须求财福全，福德临门人济济，妻财持世利绵绵，空拳财鬼皆宜动，将本财官各要安。**

开张店业亦有二端：将本求财者，以财为用，须要财子两全，财兴则财源炽盛无穷。子动则主雇络纭不绝，但不宜兄动又值世克财者，纵是勤谨之人，终无利息。故经云：世克动财若越沙场之马。空拳问利者，以官为主，必得财鬼并值，财动则助鬼，鬼动则发财。九流之术，无中生有，空手得财，故经云：空拳问利，官爻喜遇兴隆。

**若遇六冲兄弟发，定是开张不满年。**

卦值六冲，不论将本空拳者，毕竟不成，成来不久，岂有利禄哉？若兄弟独发，将本犹嫌，空拳无忌。

**又云世动己心多改易，应空夥伴再宜更。**

世为自己，岂宜发动，动则心有变多端。应为伴侣，亦宜安静，动则怀反背之心，空则无能亦不久远，若动而克世者，尤当欺害而分离。

**财化鬼兄无结果，财之子象有收成。**

财为根本，不可更变。若化鬼变兄，则财被耗散，两途无益，终难结果，若财化子孙，则利禄津津，永久无疆。

## 收顿货物章第一百六

（以妻财为主，衰旺为凭。）

**凡占顿货，先访脱期。有迟速之不同，取旺衰之名异，近买近卖，于本月当旺相而得财。今置后脱，於经年值休囚而有利。**

置买货物欲求利息，专看迟速之期，可觅厚薄子财。近买即卖，求目下财旺之日而利入手。今制后脱，待年馀财逢生旺之日而可入囊。

**且如冬藏夏货，宜巳午之财爻。秋放春收，喜卯寅之妻位。夏育冬鱼利见水，春培秋果要逢金。**

假令冬收夏发，乃夏旺于火，在四五巳午之期有财。秋置春卖，乃春旺于木，故正二月卯寅之期大吉。夏养冬鱼，乃冬旺于水，是十月十一月亥子节而得利。春种秋收，乃秋旺于金，在七八月申酉之令而财可得。

**买时，世克财当贱；卖时，财克世为高。兄临月将，价不长而宜收。财值提纲，利当兴而可脱。**

但世克财爻、或兄临月将、或财值休囚，皆系价值贱而货宜买。若财爻克世或财值月建，皆属货价高而利倍增，各赶其时不可挫也。

**内宫为目下之时，外卦乃未来之节。内强外弱，必前重而后轻。内弱外强，必前轻而后重。**

凡内卦为近时，外卦为远期，内卦旺相外卦衰，彼决见前贵后贱，外象强盛内象无气，必然后重前轻。

置脱用子孙发动，始终嫌兄弟交重。贵贱赶时，盈亏据卜大凡脱货制货，最宜子动，子动生财，独忌兄兴，兴则克财，大概如此据理推详。

## 托本求利章第一百七

（以妻财为主，世应内外为凭。）

**凡将资本借亲邻，房室用车赁与人。**

凡放债求息并物件与人取利者，或将房船车轿赁与亲朋同断。

**卦有子孙逢善客，爻逢官鬼遇强宾，妻财最喜临生旺，兄弟单忧克世身。**

爻有子孙妻财，或旺相或生世合世克世者，有财有利。若遇官鬼兄弟发动，冲世克世者，多耗多非，若动亦非吉象，切宜忌之。

**世空我必心多变，应陷他须意不真，应克世爻遭虎噬，外伤内卦被鲸吞。**

世空则我不情原，应空则他必灰心。世应两空，彼此皆休。若应克世爻，他必狠心欺赖。外伤内卦，亦彼不良，必致忘恩负义。

**上下彼我无相克，异姓相交胜嫡亲，应生身世外生内，借主常思了债根，贞悔比和世生应，也主和谐无异心。**

内外比和，世应相合，乃两我和顺，同胞无异。若应生世、外生内，是信义不忘，利资不少。世生应、内生外，或比和，亦主义中取利，两意绸缪永久耳。

**六合百年颜带悦，六冲旬日面生嗔，前合后冲交不久，今人却要细沉吟。**

六合之卦，鱼水相投。六冲之卦，冰炭不投。前合后冲，聚而不久两分离。前冲后合，分而再合交还可。

## 索取债利章第一百八

（以财爻为主，应象为凭。）

**索债还从世应寻，应爻生世必欢忻，世临兄弟财难取，应陷空中物送人。**

放债本图利息，日久人心更变。若应爻生世，不负信行遂有偿还之意。世临兄弟，财亦休囚必然被骗。应落空亡，彼非逃故，亦是贫乏无力而还也。

**应值鬼爻如克世，彼生恶计赖其银，应逢兄弟伤身命，口是心非定不仁。**

应值鬼爻克世，应临兄弟克世者，皆主不良，口吐出秽之言，心存奸险之意，不惟无利，资本亦亏，若加雀虎，反有祸非。

**纵若鬼兄临此应，不伤身世静非嗔。**

但应爻临兄、临鬼、静不伤世者，虽见迟延，终无抵赖。

**如带文书迟可得，应居财福遂吾心，子兴财旺兄爻静，本利无亏倍获金。**

如应临父母不克世者，或加勾陈，不过迟迟而已，终久有财可得。应值财爻或临福德，纵不生世，财亦如心。若得子兴财旺，兄弟或休或静，本不亏而利倍获乃上分大吉之卦。

**兄动财空连本失，鬼化为财须诉讼。**

兄弟动或财空，本利绝望。若鬼化为财，必经官追诉，方可得之。

## 借贷财物章第一百九

（以妻财为主，世应为凭。）

**借求资本要财兴，财不空亡无改更，生合日期方可得，六冲爻象定虚名。**

借本经营，须靠财爻旺相，或不落空或生世克世，决然便得而无阻隔，然待日辰生合财爻之日，方可到手。六冲之卦万事无成，岂有得财之理者也，休望！休望！

**世应不空兄不动，无财有鬼也须成，后查何日财爻值，便是人间交兑情。**

世应俱不落空，兄弟又不发动，乃无阻隔之神，虽无财爻上卦而有鬼爻出见，必主得财，要知何日得财，财值之期是也。

**凡若间爻空与绝，其间中保定无能。**

一卦之中两间爻，系为中作保之人，但得旺相生合，决然扶助，若遇空遇绝，乃无力无能不能赞襄耳。若动来克世者，反生嫉妒阻挠。

**日辰冲应遭人破，月建扶财囊可盈。**

日辰冲应或加朱雀交重，必被馋言破阻，日月生用或加青龙福德同宫，决然财盈囊门耳。

**借贷衣舟寻父母，那移禽兽子孙凭。**

凡借贷之物，各取其用，冠服文书舟车器皿之类，父母为用。飞禽走兽鳞介生气之物，子孙为用。兴隆大吉，空绝大凶。

## 摇会得失章第一百十

(以财爻为主，世象为凭。)

**摇会求财忌六冲，财官不失便亨通，世无空破财不绝，管取其银入手中。**

摇会者乃实银赴会，祈而得之，最忌六冲，冲者散也，岂能成会而得财乎？惟要财官并见，生合世爻者必得自然之利。财世两爻值空值破值绝，此乃用爻被害乃无用也，会岂得成，而银岂得济哉？

**兄爻持世兄爻动，世或空亡财或空。**

兄弟者，乃阻耗之神，岂宜持世？又或发动卦中大忌。世为主者，财为用爻，安可落空？爻中值此定是会不财不得。

**无鬼无财皆不实，定然空去费心功。**

卦内无财则无财利，卦中无鬼则无张主，皆不成事，则枉费心机，徒然一番话柄耳。

## 变产求财章第一百十一

(以应爻为主，财象为凭。)

**要知产业何时脱，财值提纲便可抛，世应相冲多退悔，勾陈持世永坚牢。**

变卖产业，但看财爻生旺月日，便可卖去，财爻衰弱终难交易。世应相冲，彼此退悔两不成交。勾陈者，乃职专田主，又为迟滞之神，若持世或动者，决难更变，永久无移，经云：勾陈职专田土，凡事终见迟留。

**应居空破谁人买，卦乏官爻孰与交，应生合世妻财旺，争夺相求价必高。**

应爻为承买之人，若落空亡乃无力成交。日辰冲破，被人挠阻。用神内外无官，亦难成事。应爻生世合世，又或财旺来生合，纷纷争夺产价顿增。

**兄动财安难脱卸，鬼加雀动讼非招。**

兄弟若兴，财爻安静，又或空衰，决难脱卸，不必多疑，若鬼鼓雀噪，必有讼累非招，牵缠不泰。

## 博戏求财章第一百十二

(以财福为主，世应为凭。)

**呼卢博戏忌兄兴，子绝财空赌不亨。**

赌钱博奕之事，若兄弟兴隆，必被抽筹窍码，明取暗耗色不顺而心不快，财物当输。若子财不空不绝稍稍而已。一逢空，纵有万贯囊资，浑如片雪投汤。

**世克应爻我已胜，应来伤世被他赢。**

世为自己应作他人，倘不伤克，彼我无异。克有数端；旺相能克休囚，休囚不能克旺相。安静者，受克。发动者，难伤。故经云：静休当受克，兴旺决难伤。世克应爻者，我当全胜必满心积意而返。应伤世象者，我必大败，尽囊倒卢而归。若旺世而生休应，若带财子亦当大胜。不带财子，稍得数文而已。旺应而生衰世，则彼来随我，无不吉利。世应比和相生，彼此谦让胜负无偏。

**应空难遇输钱客，世陷还遭资本倾。**

若应值空绝，场中寂寞而无对手。世当冲陷，袖里空虚惟剩空拳。

**鬼静兄衰财福旺，君回定唱凯歌声。**

或遇官鬼安静，兄弟衰绝，财爻旺相，子象兴隆，乃获大利，爽心遂意，复游笑乐而归矣。

## 捕猎斂渔章第一百十三

（以妻财为主，世应内外为凭。）

**渔猎皆宜财旺相，爻中无鬼莫兴张，财官两备方能获，一象逢空便不昌。**

凡渔翁猎户来占，惟取财官为用，卦中缺一便不为美，必得财旺官隆并见，乃渔得巨鳞猎擒大兽。若财鬼二爻一值空亡，则鹄飞戾天鱼跃于渊，空张戈矢而不能御。

**世克应爻内克外，管教年得利非常，外爻克内应伤世，枉费心机空自忙。**

世为人应为物，内为人外为物。若我克物，渔猎尽善俱获大利。若物伤我，纵有强弓硬弩密网张戈，决难捕捉。

**世落旬空兄弟动，纵然有物不收藏。**

若世值旬空月破，乃自无良技奇能，或有兄弟发动，定是灵禽异兽怪鳞智介，毕竟高飞远遁而难收捕。

## 安寄财物章第一百十四

（以妻财为主，世应为凭。）

**物寄他家宜财静，官衰子旺，无妨货藏彼处。畏兄兴世破应空有失。**

如占寄他家宜财静，官衰子旺，无妨货藏彼处。畏兄兴世破应空有失。如占寄顿财货于他家，须要财爻安静，官鬼不动子孙旺相为最，兄弟发动不美。世爻被冲应落空亡，毕竟消耗财物，伏托岂为美哉？

**应伤衰世他非善，世随鬼墓我非祥。**

世为我应为彼，而世不可空，若被旺应伤克衰世，他必非是善良之辈。或世随官鬼入墓，而财为主象，忌入空亡，静无后患之辞，动有变爻之论。货物悉以财爻为主，当形象于六爻，切忌空亡无气。财明沉静，则久久无损。兴发则有变动之机兆也。

**化绝化空，终遭亏损。化兄化鬼，岂不成伤。**

动者化机括，化者动之变迁，如财爻一至于化绝则绝，无可生之理；或财爻一至于化空则空，宁有盈实之肘，故曰终遭亏损。兄弟乃克财之神，化兄则财遭剥伐，鬼爻为泄气之辈，化鬼则财被侵谋，故曰岂不侵伤者也。

**化子化财咸吉庆，化生化旺永平宁。**

子孙是福神，生财之母也。财爻为主宰，安寄之司也。咸皆吉庆，是为至理。财化生源，物化旺相，永获平宁，而岂妄焉。

**化水防上下之玄冥，亥子父动皆然。**

玄冥，水神也。财化水爻，或卦申水火发动，恐遭上漏下湿而致腐烂也。

**化火防内外之祝融，巳午鬼兴同意。**

祝融，火神也。财如化火，或爻中火鬼交重，应虑内失外延焚如之惨。

**遇玄武，恒忧偷盗。逢朱雀，每恐生非。**

玄武是贼人，恒者常也，常常忧盗贼侵偷子财。朱雀唇吻也，每亦常也，每每恐怕激生口舌。

**六合最宜寄顿，六冲岂可安藏。**

六合之爻或日辰合世应，大官寄财顿物因其彼此心口投机。六冲之爻，或日冲主用，不得安货藏财为其付托，后有更变也。

**后之学者宜细参详。**

总言受读之者，更宜参酌推详，不可以其易而忽诸。

## 取赎人产章第一百十五

（以世爻为主，用象为凭。）

**收回人畜产和书，赎取衣衾实其珠，俱怕六冲兄独发，还嫌世位值空时。**

但凡回赎男女、离兽、房产、车船、书籍、衣饰珍宝之类，皆忌六冲之卦。兄弟为阻节之神，不宜独发。世象乃赎物之主，最怕空亡。

**更愁日月来冲世，合处加冲变定知，应克世爻难合就，用空鬼失叹虚辞。**

凡占以世为自己，最嫌日月来冲，又怕应爻来克。世应虽逢相合，若被日主或变象冲开当允谐

后必悔更。世象纵无冲破，倘若用值旬空或卦无鬼，岂得如心，决难回赎。

**诸般不犯方为得，见一一徒劳意相痴，再问所求何物件，用爻入卦原能知。**

但占回赎货物，所忌六冲兄动，世空世破，合处逢冲用象落空，六爻无鬼，以上数端毫无所犯者，事必胜心，物能返璧。如犯忌爻，终当绝望，细查所赎何物，方定用爻。问妻仆、而看财爻，占书籍而观父母，占禽兽而推福德，赎田地而察勾陈，若得用爻上卦，不值旬空便能如原。

## 探物真伪章第一百十六

（以用爻为主，不空不绝为佳。）

**物之真伪却难凭，爻察虚盈必有因，僧道兽禽凭福德，神仙妖怪鬼为尊，珍珠古物财中取，印信文书父上寻，芦藤竹木查寅卯，玉石钢铜辨酉申，绫罗绢缎须从火，如此将来定用神。**

探辨物之真假，由加意而窥测难信虚浮遽为实切，必察物之亏盈，庶免彼之悔弄，缙流羽上子孙上究。飞禽走兽，福德中求。鬼是神仙妖怪，财乃玩器珠珍，父母寻印信文书，寅卯作芦藤竹木，金银铜铁玉石莫逃于申酉，绫罗一疋绢丝，可索于南离，如斯剖决用神也。

**遇空绝推为假，逢旺逢生断作真，受克受冲物必损，有扶有合价如金。**

用若空亡死绝，定为假物。用如旺相长生，非是赝品，为被克被冲，物身瑕玷有损，逢扶逢合，价值高贵不低。

**若伏生中宜用负，如居克下不须擒。**

设若伏处遇生，买之得当。倘伏制于克下，却为非宜。

**世克用爻能易得，用爻克世最难求。**

易得易求之物，定是世克用爻。难求难取之珍，断然用爻克世。物理隐蕴于幽微，人心旁搜于洞察。

## 卧床趋避章第一百十七

（以三爻为主，鬼静为凭。）

**凡人问卜置眠床，却把三爻作用详。**

寝室为歇息之所，眠床乃寝卧之区，置之迪吉，居之定安，百姓下以否藏三爻用为判断，忌值鬼爻多病疾，宜加财福永安康。

用爻若逢官鬼，名曰忌神管摄，便有疾病生焉。如遇财福是为吉象，岂不安宁？

**但逢兄弟妻当厄，僧道占之反吉祥。**

财为妻室，兄爻鬼之定主荆人有厄，兄是比和，孤独见之，即为同伴何妨。

**床爻克世身遭患，如临父母损儿郎。**

凡是我御之者，得之安，则世世安然。凡克世爻者遭之否，则常常染患。父母为伤儿之杀，不可亲临。

**推官不独三爻上，凡鬼交重便作殃。**

官若作殃，不独三爻而见，鬼能为祸，宁辞六位而推。

**六冲非是安身，所用神不可犯空亡。**

床欲安身，冲并难能宁谧，三为床体，空亡岂得安祥？屋犹榻定夫妇之居，床即房为蓄息之处，事非小可，乐莫大焉。

## 寿木喜忌章第一百十八

（以用爻为主，福德为凭。）

**修合寿木用爻求，安静兴隆百载留。**

人以百岁为期，棺以七寸普厚，为亲而充虞敦匠，因子而颜路请车治造，或吉岁而闰年停阁，原千秋而万纪，取舍凭占，喜忌爱卜。用爻安静绵远淹留，主象旺兴延长永久。

**如陷如无延数日，逢生逢旺度千秋。**

用若原无或倾陷，止活数日而已。用如长生或旺相，寿享长一。

**化空化鬼身难久，无破无伤寿未休。**

主爻化空化鬼，其身难久不损，无冲厥寿靡穷。

**鬼动忌兴休合榇，龙摇子发任兴修。**

鬼爻为凶恶之神，忌神乃克用之煞，故不宜动，动则不可做材。龙福乃祯之兆，青龙为喜庆之星，兴摇允宜合木。

**鬼克世身终害己，随官入墓即丁忧。**

应克世身者，鬼也。忌兴而反来克害于我，亦何益矣！葬埋棺榇者，坟也。忌鬼而反去，随官入墓，岂不忧哉？

**凡遇间爻伤世者，尤防工匠起奸谋。**

匠人在间爻上看，不发动伤世，工师不谋损于吾。若发动克身，匠作必肆奸害于我。

**倘然惊倒寻官鬼，纵动无官莫虑愁。**

又有一等木匠不存恒心主人家，或有怠慢，则魔襁阴害，但官鬼不作，万无妨己，纵然别爻发

动，不系官鬼，亦何愁虑之有？

## 妻仆去留章第一百十九

（以财爻为主，应象为凭。）

**留妻留仆财为用，逢旺逢生必遂机，应带煞神冲克世，阴谋诚恐害身躯。**

男女原有室家，夫得妇以陪衾枕，无今人不成君子，主得仆以当侯门厮，或去或留，决同人之美恶，宜取宜舍，究藏获之吉凶。妻房以妻财为主，童仆以财象为凭，旺相而妻女在心，生扶而厮养得力，应带官鬼大煞而冲克于世，我后被设阴险之谋。用坐煞害而刑伤于我，世被彼生奸究之验。

**应空身在心不在，财破情虚命又虚，应不空亡财不破，妻无他意仆无欺。**

应空则身浮心诈，财破则寿夭情虚，若得应不空亡，虽荆布而同心力，则无破损不欺主而赤胆忠心。

**财安子动留还吉，鬼发兄兴去速宜，六合始终无变易，六冲朝夕应分离。**

凡留妻仆，最宜财安子旺相。招养属，不宜鬼发兄兴，六合则有始有终，永无更变。六冲则难防不测，早晚分离。

**如留子侄儿忧绝，若用他人应莫虚，手足却嫌兄弟陷，各分用象决高低。**

如留子孙，取子孙为主，留他人，取应象为凭。留手足，观乎兄弟。留尊长，察其文书，各定用爻，莫临空绝。凡用爻生世合世则吉，冲世克世则凶。用应有拱向之理，世我大要生扶，若也无情而不如始不相识，如临有益而门祚到底竟克合终。

## 斗殴争竞章第一百二十

（以世应为主，生克为凭。）

**彼我相争世应寻，忌冲忌克喜相生。**

凡占争斗，只把世应分为两我，若世应行合，彼此并无大忿，亦无大损大益，倘遇克害刑冲，则争长竞短，各用机谋，故经云：欲分胜负，先将世应推详。

**日月冲身我受辱，交重克应彼遭刑。**

世乃我之用爻，岂可伤克？若日辰月建冲克世者，我必被辱。若内外动爻克应者，彼必受亏。

**应爻克世他当胜，世爻克应我当赢。**

应爻为彼，若克我世者，我必有亏。彼旺克我，世又衰微大受损伤。若带官兄雀虎劫煞等神来克者，小则受辱破财，大则经官被责，莫可轻视。倘或应虽伐世，彼当衰绝之乡，或被日辰月将冲

应克世者，名曰自己受制无能害人，我虽被克决无大害，空则亦然。若世旺克应或世动克应、日辰生我克应、或动爻助我克应者，则不费心力理直势顺，大获全功。

**世空自退无相敌，应空彼避不相征。**

如世爻逢旬空，乃自己理屈心辰有始无终而已，但得天乙青龙天喜吉神动扶，当有维持之力，若值兄鬼两动，必要破财。应爻落空，乃虎头蛇尾之事，彼必渐退，讼无了结。世应两空，则彼此甘休，官父并衰，乃公私尽释。

## 兴词举讼章第一百二十一

（以官鬼为主，父母为凭。）

**文词相诉至公庭，须要官爻父母兴。**

凡占造状诉词，父母为之状词文移。官鬼乃官府作主之人，须要二爻上卦为吉。

**父陷休来投此状，官空莫去诉其情，爻中无父谁签押，卦内无官讼不成。**

如父母空亡墓绝、或无父母上卦，虽有词无处告理，虽造也不准。若官鬼逢空或绝、或无官上卦乃无贵主张，决难举讼，纵举不结。

**父鬼两全方准理，福财不动定标名。**

但得父官旺相、或动而生世持世者，则状有理，告必准行，官能做主，讼必全胜。其中更忌妻财子孙发动，动则徒费乎心。故经云：财动文书空费力，子动伤官事不亨，凡占居讼卦中，若得父官有气，财子俱安，词能准理哉？

## 讼师美恶章第一百二十二

（以文书为主，应象为凭。）

**举诉还须择讼师，输赢胜负仗文书，临空值破难举讼，遇动逢生易起词。**

凡人兴讼，必仗讼师之忠厚、刀笔之利修，方可获胜。故以文书为主，若父母兴隆生合我者，则状易准而事亦胜。若日辰冲克父母、或临旬空月破、化财等类，则外有虚名，内无实学，不惟无益，抑且有害，在意难以兴举耳。

**妻体动来终不准，夫身空去亦非宜。**

文书为之用爻，若逢财动乃伤用象决非美辞难以耸听。夫身者，即官鬼也，若值空亡，乃无贵主张，决不准理。卦爻之内此为大忌也。

**应如克世遭欺诈，鬼若伤身反被输，应落空亡无彼方，世逢冲破有人欺。**

一卦之中，胜负全在世应之生克，如应多克世、或是鬼克世者，必然彼行欺诈之心，无益于我，反遭刑辱。应若空绝，决无奇策良词。世逢日冲月破，须防奸人有嫉妒暗伤之祸。

**交重坐印行行美，日月生文字字奇。**

举讼者，先凭文书为主，若父母发动戊日辰月建生用合用者，则积金美玉之辞，运筹帷幄之计。若父母逢空被克者，不过是孤陋寡闻，浮言浅见耳，岂堪大用哉！

## 保人强弱章第一百二十三

（占讼以间爻为主，问保以应象为凭。）

**欲成词讼先寻保，曲直妍强论应爻。**

被讼正庭必觅保歇，欲识善美用在应列。

**若旺若生直结识，如空如绝莫相交。**

如应旺相，生世合世者，乃志诚忠直之人，有益于我，事可托付。若逢旬空、月破、墓绝者，乃系卑贱薄悻之流，难旋大事，不可相交耳。

**生我比和叨大力，不来伤世断为高。**

保歇之人，以应为用，如生世或合世合比和者，乃得渠竭力扶助公私协济。若不空不克世者，也得一力，亦以为妙。

**官伤世体还须忌，六象皆冲不必劳。**

但凡官鬼伤克世爻者，最为大忌。卦值六冲者，并无斡旋之力，皆不可用也。

## 公私见证章第一百二十四

（占讼以间爻为主，问中以应象为凭。）

**问讼全凭见证人，卦中应位察虚真。**

凡临庭听讼理之曲直，全在中证之口，故占之吉凶，但取应爻为用神，可推忠佞之心，则理不辨而自明矣！

**不空不绝无他意，居动居冲有变心，若克世爻遭被害，如生身世赖其思。**

以应为之用爻，不逢空、不逢绝、不旺相而生我合世者，乃竭力尽忠公私协护。若逢日辰冲动，面允心非冷声暗语之人。若值发动，主世有益。克世，乃反而无情凶恶之辈。若带蛇虎兄鬼，必蓄奸谄挟骗之心。倘得休衰或不克于我犹可知，逢旺相情势越炽。若来克世者，必被谐言功计以直作曲，种种制陷不可胜言。

**爻爻冲击多更改，无鬼谁官问此人。**

爻爻冲声者，即六冲卦也。此人翻云覆雨，情性不常。内外无官鬼，则临庭不问，此人徒投声势耳。故经云：官鬼空亡墓绝，须知无贵张主。

**中证受刑官克应，主人被责鬼伤身。**

应为中见之人，必得兴隆而生合世者，极为有力之人，忽被官鬼克害刑冲应者，轻为话不投机，重则鞭林罪戾。若鬼来克世者，我亦受累害非小可。

**如占讼内推中见，弃应还从间位论，二间却分原被证。方知意向那旁存，近世之爻吾诉有，近他之象彼家亲。**

独占中证，取应为用。词讼卦中看者，应为被告，岂用中人？故论间爻方为中，见近应看，为彼之证，邻世者，作我之中。二间之爻母论彼此，生我者忠诚直幹，我生者，下气相求。合我者，自然和助。克我者，有损无益。故经云：间爻伤世，须防硬证同谋。

**官司胜负章第一百二十五**

（以官鬼为主，世应为凭。）

**问讼须将官鬼凭，扶身扶世永无刑。**

凡占讼事，惟以官鬼为凭。若生世，必是理顺人情却无刑险。若带贵吉之神合世者，乃有不意中之人扶持，故言听计从大获全胜。纵成索而亦无损益，吉则无喜，凶则无忧。故经云：卦中无鬼休谋事，官爻不见事空虚。

**旺生之日公堂发，墓绝之时纸笔停。**

如官鬼逢临官帝旺之日、或生扶官鬼之日，乃是临庭决断之期矣。故经云：官旺日则面拆庭净。如逢墓绝，笔竟淹留阻滞。若带青龙贵人，必因美之事停留。若带白虎劫煞凶神，必有奸人索诈停住，未得决断。要知何日问理，却看官爻衰旺，不可一见而言。官如旺相，反寻墓绝之期。鬼若休囚，问在旺生之日。官居库内，冲库方兴。鬼入空中，冲空免发。六爻无鬼，须求鬼值日時，此论断讼之期，不可轻视。

**若临身世冲克世，纵胜还当拟罪名，日月制官生合世，理亏也主称心情。**

如官爻持世冲世克世、临卦身者，大主有罪，若加白虎有杖责。加勾陈螣蛇，主有牵连罪责者，日辰月将制服官爻，而生世合世者，纵然理折情曲，反得回凶作吉。经云：有人制鬼，鬼动何妨？

**鬼临空地无官断，虽问无祥无险惊。**

如官鬼值旬空月破或不上卦，决是无官问断，枉自奔波，虽然勉强求问，问而不成案卷。

**官化子兮词渐解，子化官兮讼复兴。**

鬼为问断之官，若化子孙，乃变解和之神。此事日渐月消，终外有人和释矣。子孙本和和允之神，惊变官鬼此乃吉变凶爻，本主自当解散复又兴举。若化鬼克世者，大不吉之兆耳。

**世空自懈宜和息，应空彼到没期程。**

世爻值旬空者，乃自意懒心灰无能听理，甘自求和，应值空亡者，彼亦退讼。

**世被应爻兄动克，常多私下受欺凌。**

若应爻临兄动，或加白虎同来克世，不时防私下逞凶捉打。应若旺相克世者，种种欺凌可可朋言。

**要知何日参官胜，应遭冲克世逢生，且如寅日来占遁，生我冲他理必赢。**

若问吉日决断，但逢日辰生合世爻，而冲克应爻之日，乃为大吉之期。后而甲寅日占得天山遁卦，世居二爻丙午赖寅日而生，午火乃生我之日，五爻应坐壬申被寅日相冲，乃冲彼之日矣。是为生我冲彼，大获全胜之日矣！

## 忧监虑禁章第一百二十六

（以官爻为主，世象为凭。）

**问禁单愁官鬼摇，伤身克世祸当招。**

锁狱禁监，惟忌官兴杀动。杀者，即天狱煞也。若官鬼动或天狱杀动、或鬼来克世者，当犯图圉之祸，故经云：天狱杀动此身须入牢房。

**鬼如空绝无监狱，子若交重免禁牢。**

但得官鬼逢空、或逢绝、或卦中无鬼，乃无力兴祸，则无监禁之忧。

**若子孙发动必制官爻，有何关锁之虑哉？日月世身临福德，纵然有罪出潜消。**

子孙为解神，若值日辰、或临月建、或持世上、或在卦身、或逢发动，皆能制鬼，焉有牢狱锁禁哉？

**那日见官无禁击，鬼逢克制便为高，世临墓日休投到，身遇生时罪可逃。**

如占何日见官可免，凶禁者须逢克鬼之日，乃是吉期，可以临庭听断。又得日辰月建生扶世爻者，不惟免禁脱罪，反有谋成讼胜。若世值死绝墓库之日，乃身无依靠之时，切莫去参官投到告保催提等事，如若勉施为，反遭一场刑辰耳。

## 离枷出狱章第一百二十七

(以世爻为主，官鬼为凭。)

**人问离监出狱门，去枷脱锁时同寻，用逢生旺离灾厄，官鬼交重狱久存。**

若人被禁监牢、或枷锁锁肘无山解脱，须占之易象。如用爻逢生逢旺之日，即可离监释祸矣！若用爻虽逢生旺，官鬼发动者，亦未得脱监卸枷。若鬼克世者，反要严刑，无山解脱？

**合处逢冲忧变喜，墓中遇破锁离身，假令戌日占观卦，辰日推开喜气临。**

六爻之内，凡有逢冲必散，但得合处逢冲墓中被破。假如戌日占得风地观卦，二爻巳火官爻身位临之，诗云：身随鬼入墓，候逢辰日冲开戌墓，则忧容变喜，祸罪消释矣！

**世值子孙殃易散，用爻化鬼反加屯，子空财动官爻旺，还守囹圄度岁旬。**

子孙为解散之神，若持世上，事当解散矣！如用化官鬼，乃是吉变凶神，必有祸患。若子孙值空，则官鬼无制，财爻一动反助官爻旺相，旺反生灾祸，则监牢难脱，枷锁难疏。

**卦内无官谁释放，细查鬼值那良辰，方言脱狱兼开时，鬼绝逢生加此云。**

六爻无鬼、或鬼空亡，乃无官做主，难以疏脱。鬼若绝处逢生，方是疏枷离狱之良辰也。

## 关提人卷章第一百二十八

(吊卷以文书为主，关人以世应为凭。)

**若请卷宗，卦内父官宜旺相；欲提人犯，爻中彼应怕空亡。**

凡吊卷提人，须得官鬼兴隆，文书兴旺，又要应爻生合世爻，倘世应值空值绝，人犯难拘文书不发。

**世空则我不擒他，应陷则彼非在舍。**

但凡拘摄人犯先须自壮，方可提获。若世值旬空月破者，乃自无主意，焉得人来会面？应落空亡，则彼已先逃，空自往返。

**无父，必此关无力，卷吊难来。无官，必其事无成，人提不至。**

父母为文书之用，凡关吊卷宗，须得父爻旺相而生合世爻，即今文案而回。若父落空亡墓绝，或无父爻上卦，笔竟更移抽灭遣失弊隐难以发行。官吏以鬼为用，若卜提人，须得鬼爻有气，则易以捉获。鬼逢空墓或鬼不上卦，则无官主张，纵然拘摄岂得提人至哉？

**相合之爻，无心可见。相冲之卦，对面难从。**

如六爻相生相合，犹如夙缘不期而会，财清和顺，若逢暗动六冲，却似捕风捉影，何处追寻？

**玄武伐身，书吏起奸心之弊。勾陈克应，捕差全弩力之功。**

玄武乃奸狡之神，若持世克世者，必然是猾吏权书隐情作弊索诈钱财而已。勾陈乃拘摄之役，

若克应者，则当事者，有操谋努力得获全功矣！

**官伤应兮世伤他，网中之物。动克身而应克世，野外之禽。**

世为我，应为彼，勾摄公事，又以官为捕役，应为彼人，若卦中鬼克应，如釜中之肉、网中之鱼，手到拿来。倘逢动克世应克世者，如穷岩猛兽，乔木流鹅射猎未得、及防拒捕也。

**但决从违，惟凭生克。**

但看卦中旺衰生克而行，我强他弱，毕竟相从如过。应旺世衰，公然违拒，难以了结。

## 回关塌讼章第一百二十九

（以子孙为主，身世为凭。）

**灭号回关，最喜文书陷绝。停词塌讼，大宜福德兴隆。**

父母职专文书，凡欲停词歇案，独要父母空绝，则可以寝阁矣！子孙能以制鬼，若旺相发动，则官无力在意谋为停塌也。

**鬼动文摇，讼息有重兴之日。**

官动则事多变更，父发则文牒纷纭，官父并兴，词案虽在隐息，不久重新兴发。

**官空父绝，关回无再举之时。**

官空无主，父绝无文。官父两空或绝，则上下无力一应文书，皆以休息矣！

**日克官爻，此非易解。鬼伤世象，其祸难推。**

若日辰克鬼，乃是凶爻受制，百凡事务，则冰消瓦解矣！若鬼爻克世者，此为官来伐我，必有刑伤大祸，忌之！

**兄兴生子断为祥，无子有财遭破费。**

子孙为和解之神，又得兄弟无神发而生助，此为转祸为福，习无大害。若卦无子孙，是无劝解之人，反有财爻出见，兄必克财，必然事事咨趯破财费力耳。

**财动助官推作祸，无官有父反消除。**

占词最忌者，官兴财动。六爻之内官爻虽静，若逢财动，必然助鬼兴灾倡祸靡所不至。官鬼纵绝，财爻一动，名曰绝处逢生，为非不小。卦中无鬼、或鬼空有父爻，财能克制，则文书妥贴祸患消除矣！

**子动清安，变出官爻词不息。官兴撩乱，化成福德讼能消。**

子动是为吉兆，若化官爻，则私欲求安而官不允诺，乃侧欲静而风不宁，正此之谓也。若官鬼发本为不吉，化作子孙，是为转祸为祥，灾祸自然消释矣！

**但占何日关来，便察父临旺处。凡卜何折讼发，还寻鬼值生方。**

欲识文书可到，但看父临生旺之日是也。如卦无父母，又看父爻值日，关来要占讼祸之发，惟查鬼值生旺为期，远推年月近看日时方不误。

**动及兄官，公私未请。空临世应，原被无辞。**

如鬼动、兄动、雀动、虎动，官非冗冗接踵而生。那有休文柱卷之时？但得世空、应空、官空，雀空渐渐消蓊讼息心安矣！

**一见六冲，讼当回缴。但逢六合，事反留连。**

凡卜回关及回呈者，最喜六冲不喜六合。冲则益消讼散，合则事阻文羁。

欲推动止之良方，不出阴阳之妙断。

## 公私和息章第一百三十

（以了孙为主，世应为凭。）

**息争处讼宜安静，子旺官衰祸必无。**

凡公私之事，俱求六爻安静，则彼此允和而无相拒之心矣！若得子孙旺相，官鬼衰休，则官灾横祸尽皆消释矣！

**世应相生奸计少，主实相克变心多。**

如我世彼应相生相合，则两相和顺，是非潜解。若世应相克者，则彼此奸猾多生机窍祸，岂易宁乎？

**六冲之卦词难息，六合之爻讼易和。**

凡推求息之卦，但要相合相生，则两情允协，业冤已释矣！若事欲求息反得六冲之卦、或鬼暗动者，乃是兴发之气象，焉能宁息哉？

**鬼发父兴多咭聒，世空应陷永无幸。**

若值官鬼发动，父母兄弟兴隆，乃为官府搔扰文牒催摇，倘得世应俱空，则彼此于休公私复矣！

**间如发动傍人阻，兄若交重物费多。**

卦中两间爻，乃为中证之人，若是发动，必然摇惑阻挠其事。加朱雀，则挑斗是非。加兄弟则诈骗财物。若兄弟不在间爻而发动，亦要破财费力耳。

**福化鬼爻忧再举，鬼之子象渐消磨。**

子变为官，事恐复发。鬼化作子，讼以全消。

## 申详允驳章第一百三十一

（解审以官鬼为主，招详以父母为凭。）

**但问招详，须看文书强与弱。如占解审，定推官鬼克和生。**

若问解审招详之事，专以父作文移官为用象，参推旺衰可知允驳。细察克生，便知凶吉。

**鬼爻不动不空，上合下心依此断。父象不冲不发，官同民意照其详。**

官爻安静又不落空，则官体民情民依官断。若文书不遇日冲月破旬空，又得安静，则招安供明上怜下顺。

**内外六冲，决然驳问。父官两动，必不允情。**

卦值六冲，诸事难成，岂得公文俯就，故曰决然驳问。父母为文书，官鬼为问官，欠动则移文改稿，官兴则讯鞠施为。

**六爻皆静当依凝，世应同摇定改更，父值青龙，详言有美。文临白虎，批语加刑。**

但得六爻不动不冲，凡事妥当文书依允矣！若世应同发，彼此皆有更变之心，故经云：世应俱发动必然有改张。文书若遇青龙，招详中此有美慰之句。若值白虎，驳示内多加险恶之言。

**解审何愁鬼动，招详能忌官兴。**

解审者，当厅鞠问，正宜官兴，但喜生我合我，便是我胜。招详者，只是文案申呈，不可鬼发，发则有变改驳。

**问驳无官终不驳，问详无鬼必难详。**

占驳无官须知无贵主张，岂得驳乎？占详无鬼，定是缺官批允，宁得详乎？

**鬼克世家批我重，官生应位驳他轻。**

官爻克世，驳批我重。生世合世者，驳批我轻。若官爻克应，驳批他重，生应合应驳批彼轻。

**若要解神，为求福德。在世，则吾身有庆，此讼蠲消。在应，则彼处无疑，其词息灭。**

如占讼事，但要子孙为解神，名曰福德神。持世，则吾获吉庆。临应，则彼叨喜美。官府自能俯恤，事讼亦易消释矣！

**应带父爻克世身，虑彼随招再诉。世逢鬼动冲伤应，己心讼后兴词。**

父母为文书，若临应克世，彼必随招越诉。官鬼为凶神，若动持冲克应者，虽然讼事杜结，我心不服，毕竟再举兴词。如世动应休，决难克我。世衰应旺，岂可伤伊？若得世应父官得遇空绝人衰，则公私讼息万事情宁永赖平安矣！

一得此章，万无其惧。

## 营为嘱托章第一百三十二

(以官鬼为主，不遇绝空冲破为佳。)

**营为嘱托至官中，贞悔爻辞忌六冲。**

嘱托之事凡有数之，有解我之忧，有制彼之罪，有睹面免托，有发柬移文，惟喜生合，最怪六冲。六冲者，反背无情之象，焉用嘱托之谋？

**所喜鬼爻无克破，官来伤世反成凶，鬼生鬼合专心听，官绝官空诈耳聋，若挽他人来嘱咐，应爻切怪落其空。**

官鬼作谋幹之人，又为官府，所喜生合世爻，不落空亡，则言听计从，方可成其大事。如值空亡，乃无权势不能动人。若来克世者，不惟有力反有大害。如央人转求请托，以应为我用，生世合世，积心遂意十事九成。若遇空遇绝，枉费机关万无一就耳。

**欲要兴词兼得胜，皆宜官鬼值兴隆。**

凡欲曹托举讼包准赢，独要官鬼旺相发动，生合世爻方获大吉。若值青龙旺动，大张声势使人畏惧。如临玄武休兴，则卑谄阴唆，决非显扬全胜。

**如求脱罪并归息，子孙持世永亨通。**

凡营幹脱罪求息等事，须依子孙旺相、或发动持世值自昔为大吉。如子孙落空，则祸难解脱。

**修书发帖忧财动，印绶交重定有功。**

如卜书移文之属，以父为用。若值旺相发动生合世者，乃文移得力柬帖中机大有功力。忽逢财爻独发，则父爻受克，书无恳切之句，文多泛泛之言，是为虚套耳。

## 送物受返章第一百三十三

(以应爻为主，财象为凭。)

**应空不遇休来往，纵遇终遭侮慢声。**

馈送财物，专在世应而断，若应值旬空月破，乃是无缘之故，其人不在，徒自咎来，纵然相遇，定非优礼尊崇。

**财化退神物必返，若变空亡定纳情。**

以应为我，以财为值，若财变退神，决是相如完璧。财如空绝，范增碎斗无疑。

**应克世身兄象发，本资亏折莫登程。**

以礼馈送本为情义，若应克世者，反有间别，兄弟乃劫财之神，又在卦中发动，中间必有谗侮，情疏礼薄淡淡而已。

**应爻生世财爻旺，一倍还加数倍盈。**

若得应来生世，乃彼有情义之谊，又得财爻旺相，必得情投义重礼仪丰赠。

**六冲不可扳亲友，有物曾如且歇停。**

六冲者，乃反背无情之象，卜值此爻，岂可交游？徒以礼馈於人，竟以无情流水，暂且消停勿兴此念。

## 昧情隐事章第一百三十四

（吉则用子孙为主，凶则用官鬼为凭。）

**昧他人隐事情，噬嗑明夷革讼临，大壮八纯兼无妄，卦占此象必知因。**

占隐情事，乃暗昧之心，隐私之事不可明显，只宜幽静，如噬嗑者，乃晓蹠之象，明夷者，伤裁之卦。革者，鼎新革故。讼者，文词讦辩。地泽临卦，寂有六口之形，难免路上有碑之颂。壮妄八纯，皆系六冲之爻，反背无情，岂堪六耳司谋？应空官绝无人觉，鬼雀兄摇难昧心。应落空亡，官逢绝地，系是外人不知不觉，凡事无碍。朱雀为口舌之崇，兄弟是奸滑之神，又同鬼发，则摇唇鼓舌，伊谗他唆是非，胸胸焉得瞒我哉？

日月不宜冲破世者，必被外人暗晓，人难隐蔽，事渐发扬，子孙是解和之神，若得动临世象反凶为吉，显而复隐矣！

**动爻克世傍人报，合处逢冲后见真。**

动者，发扬之象，若来初返必遭傍人知觉，谤毁其事，合者，和合也，此占最宜六合，若被日冲合处，是名合处逢冲，吉化为凶，故经云事将成而复散，祸将灭而复萌，正此之谓也。

**福德化官忧祸起，世爻变鬼虑殃侵。**

世为占者之身，子孙为和解之神，二者大宜旺相生扶，安静亦可。若动化官鬼，事多颠覆隐者露而安静起祸患，缠延不泰矣！

## 遗失物章第一百三十五

（以妻财为主，福德为凭。）

**遗失衣资兽与禽，财安鬼静却宜寻。**

凡遗失物件各有属用，爻之中皆宜安静，不可发动，动则人移物变矣！

**子孙独发须臾见，玄武空变贼不真。**

子孙为捕捉之人，又能生财制鬼，若在卦中兴发，所失之物必能寻获。玄武乃奸滑之流，又作

盗贼，若值空亡，决非此辈，枉自猜疑。

**鬼动兄兴财又陷，决然盗去永无因。**

鬼动则行窃，兄发必骗耗，纵有坚墙固壁，必被穿窬窃去。若财爻又落空亡，失物以经变化矣，何从追捕哉？

**衣服舟车凭父母，走兽飞禽用福神。**

所失之物各有用爻，如衣服舟车之类以父为用，金银珍宝之物以财为用，禽兽生气之畜以子为用，强窃拐骗之贼以鬼为用，各以生克衰旺参酌，方可追寻捕访根因，用若空亡不可寻觅。

## 捕捉逃亡章第一百三十六

（以用神为主，应爻外卦为凭。）

**失主获逃，能喜世兴伐应。公差捕贼，惟宜子旺伤官。**

叛逆之人，以应为用，占问之主，以世为用，若得世克应者，以主执奴有同难哉。强窃之贼，以鬼为用。捕捉之役，以子为用，若子旺子动，贼必就擒。故经云：子动伤官日，卜须当捉获。

**应克世爻，潜踪灭迹。内伤外卦，易获能擒。**

世为我应为彼，又以内为我外为彼，捕捉逃亡我本捕彼，反被应克世爻或外克内卦，则彼有机谋潜藏秘密似难寻获。若世克应或内克外者，则贼以失机易以就擒。如世应或内外比和，终须易见。若得世应相合，必然相会有期。

**世伤伏下之爻，逃无去路。应值旬空之象，岂有形踪。**

又论世卜伏神为逃者，若受世克，则贼投擒局难以逃遁。假如天风姤卦，初爻世值辛丑土，能克伏神甲子水是也。如应值旬空，被遁远方，无从捉捕。

**或占逃往何方，必详外卦。**

凡占逃者在以何处，专以外卦推详。如乾住西北僻，巽遁东南隅，震藏东，而兑隐西，离南、坎北无疑，艮为东北方，坤是西南地，度其出入参究玄微。

**止问匿居此地，当察应爻，若动若冲非在其方，隐遁不空不陷，定居此处潜藏。**

专问逃人在此处否，以应为用，若不空亡又不发动，必匿此家，更逢日克世克，决难躲避，一力可擒。若应落空，不由此地别处遁亡。应若发动，来而又去复往他乡。日辰冲应，晚去晚来，或露或藏。

**世空应不空，彼虽在而不获，鬼动子不动，人纵见以难擒。**

世值空亡日先懦怯，彼虽见在此处，无能寻捉。官鬼为彼逃奴，子孙为之捕役，官鬼发动子反

安静，似无人制服，纵然睹面也难擒获。

**六冲当路而行，把眼细观能撞彼。六合闭门而匿，用心密访却知情。**

卦值六冲，乃是无情之兆，彼在拦街当路独步散行可以撞面。爻逢六合，是名和同之象，彼虽深闺密室匿迹敛形，自有情由透露，必用密缉方知。

**如问亲人，当推用象。**

若占亲友，详分六亲所属为用，如占公祖父母伯叔母舅姨姑姆婶尊长之类，以父母为用。若卜占兄弟姐妹表兄弟结义合夥朋友、郎舅连襟同窗同辈之流，以兄弟为用。卜妻妾奴婢宠嬖情人之属，以财为用。如子侄甥婿售儿生徒卑幼子孙，以子为用。如非亲非友不族不识远亲故旧难以列亲者，俱以应爻为用，详者深玩其理，不可错紊而误。

**旺相合身，纵不寻而自至。空亡冲世，虽去觅以难逢。**

如用爻旺相而合身合世者，身虽远去不久当归。用值空亡或冲世克世者，身未出行必先反背，飘然长往，觅之不见，召之不来。

**在内立本宫，逃非出境，临外居他卦，身至远途。**

用爻若在本宫内卦者，潜匿于切邻近里，带青龙贵人，则樵云钓月益友交游。加玄武咸池，则私归情窦花酒留连。临白虎凶杀，则好勇斗狠夜出晓归。若居他宫或外象者，逃窜于异国他乡。遇青龙天喜，则诗酒娱情邀游于吴山越水。逢玄武桃花，则寻花问柳醉眠于楚馆秦楼。兼白虎大杀，则张威耀武猖獗于绿林海岛。

**游魂路上偏游荡，归魂不久定归宗，游魂而化归魂，人在途中自后回归原籍。归魂而化游魂，身居舍内将来遍往他乡。**

占得游魂之卦，不居旅邸常于路上闲行流荡忘返耳。若得归魂之象，触景怀思故里不久已到家庭矣！游魂若化归魂，身居逆旅心恋家乡，但迟弦朔毕竟归宗。归魂若变游魂，纵然在舍梦魂已系他乡。

**但看何爻发动，便知隐在谁家。**

要察逃者在何处，将内外卦中发动之爻，并用临之象细推可知。

**青龙斋戒及文儒，喜庆门中可访。**

卦值青龙发动，青龙者，擅诸喜事，遇之无不吉。逃亡值此或寄于修行慈善之家，或集于诵经念佛之俦，或投于期文儒雅之门，或躲于婚姻喜庆之场，用情询访必有佳音。

**白虎军兵并屠户，哀丧之所宜寻**

爻逢白虎兴隆，白虎者，能持凶恶，临之无不为害，推遁者，此乃入于将师军旅之队，或习于

宰牲屠戮之业，或藏于军兵操演之营，或遁于哀丧举柩之前，留心密缉可得相逢。

**雀遇史兴从博戏，逢兑卦而习黎园。**

朱雀为口舌之神，若然发动，则哢哢而已。带兄弟，必随赌钱博奕之流。如父母，则投富室庸书教读。加妻财，财流手花酒淫欲之情窝。临兑卦，则演于戏乐之黎园。

**武临鬼发作穿窬，化财爻而贪美色。**

玄武乃阴私之属，倘若发动，岂堂堂乎哉？如官鬼，必作穿墙剌壁之主涯。化妻财，决逞携章挈妓之风流，杨花性态逐处悠悠。

**勾陈同泥土匠师，带杀则公差阻滞**

勾陈职专田土，又为阻滞之神，惯隐叛亡，若值发动乃是锄泥漏土之作家、或椿墙造室之师流、或带曾鬼则公门之役拘留。

**螣蛇共闲游光棍，遇子则僧道牵连。**

螣蛇本主牵连，善为羁绊，若加发动，必主勾引乃结游手好闲之辈，又同调歌喧乐之朋。若逢子孙，则罗齐于古刹或炼药于丹丘逢场作戏走马秋迁，非僧非俗假道假仙。

**乾为寺观马坊城子及高楼。**

用在乾宫，乃削发于上方古刹、或祷祈于社庙淫祠、或藏马厩之中、或游驷营之侧、或扬鞭策马、或题脚随骡、或高楼邃开以盘桓、或城垣台堡以栖迟，如斯之地宜捕宜寻。

**兑作庵堂酒肆鱼池兼水阁。**

用临兑泽，乃为近涧近水之幽居，半村半许之人家，躲避于茅庵草舍之中，逃寓于鱼池会畔之傍，茶肆中洗盏烹茶酒楼上当炉递酒铜雀台前问信，滕王阁上寻踪，如此之所可缉可擒。

**坎隐江湖之口**

坎宫居水，逃者必隐江汉之间，或之舟于洞庭，或乘槎于震泽，或飘于大海，或滞于长江，清泉洗耳濯足，长流渺渺茫茫逐处堪留。

**巽藏草竹之间。**

巽宫属木，遁者必匿于丹丘之下或结炉于苍松乔木之中，或驻节于茂林修竹之间，攀萝盖体积草藏身密密森森随方可寓。

**离当术士之门或逃炉冶。**

离本南方赤焰之火，乃托身于丝萝之店，寄迹于医卜之门，烧窑陶铸之炉冶文章缠纬之方家。

**震乃船枋之所，或躲木行。**

震属东方，本旺之卿船枋安置巨船盘桓，栖身于木牌之上，闪迹于林树之中，假扮撑船渡子借

形钓艇渔翁。

**艮往山林，或与少男共往。**

艮为峻耸之危峰，巍峨之门壑探仙株避于幽谷，携少子栖于深林，沿山密缉必得其踪。

**坤行坟地，或随老嫗同居。**

坤为重地广大无穷，高陵古迹埋名僻垄荒茔避难。伴老妇于故里住寡嫗之寒庐牛栏之内，宜搜坟墓之中可获。农夫问信，牧子传音。

细观动静，便见行藏，既仗卦爻，何愁逃失？

## 潜身避难章第一百三十七

（以福神为主，用象为凭。）

**人逢离乱避凶方，或为官灾去躲藏，用旺子兴无患难，世空身陷永平康。**

遭逢离乱之世，致罹兵火之危，欲远官非或却沉疴卜幽隐遁，须得用爻旺相，子孙发动，乃为吉庆，骈臻移避安稳，又得世空身空则不受克，乃侨居巍座远祸康宁矣！

**六爻安静官无气，任尔行藏尽不妨，鬼纵不摇来克世，难逃坎坷未为昌。**

避难之人不宜动扰，所忌者官鬼也，但得官衰卦静，则心安祸免矣！若官鬼虽然不动而来克世者，乃余祸未除，终有累害，防之防之！

**用投墓库难离脱，主变生扶往必良。**

墓库者乃祸祟之门也，若用爻变入此门，如投罗网灾祸难脱，但得用爻化出生扶，急迁别地远避其危耳。

**助鬼伤身风助浪。**

官鬼能兴祸患，加财动来助，如虎添翼，又来克世者，决有大祸，譬如舟车行于湖海之中，只求安静，岂当风随浪涌浪随风威危险於顷刻之间，斟酌斟酌！

**随官入墓雪加霜。**

墓者墓库也，身世入墓乃为不吉，若又随鬼入墓，大有凶祸，譬之严冬草木既经霜伐，又加雪压，人本避难，争奈祸患接踵而来，慎之！慎之！

**混占去向何方吉，福德临之便曰祥，官入木中东有祸，子居水上北无殃。**

若问四隅之内，吉者何所，切忌官鬼兴附之方，如木鬼要忌东方，火鬼莫去南乡之类。最喜子孙生旺之地，如子属金宜往西边，子临水必去北疆，余皆仿此。

## 鬻身投主章第一百三十八

（以世应为主，父母为凭。）

**命运乖违，必致鬻身延岁月。年时饥谨，还须投主度晨昏。要决平生之事，当寻持世之爻。不破不冲，百年可辅。落空落陷，一载难从。**

鬻身者，出乎不得已，须择良善之生，若得世爻旺相生扶，可以聊生，若世落空亡或值日冲月破，虽是暂时安置，毕竟终身落寞，纵然勉强，终是不久者耳。

**鬼立世中，殃有缠身之扰。空临应上，主无顾己之情。**

为祸为灾，无非官鬼，若来持世，则灾生祸扰。应为主象，若值空绝，只可苟延岁月，是无作养厚情。

**父母生身，蒙上辈维持之宠。弟兄克世，被同人谤陷之忧。**

父母乃是主家长上之尊，若生身生世者，常垂青目之盼。兄弟乃同辈之俦，倘来克世，则彼肆嫉妨之谋。

**世冲父位，主仆无缘。财合身官，起居有利。**

父为主世为我，不可相戕，若值冲克，似为无缘不合难以相利。财为衣禄，若得生合世爻，则衣禄无亏利资有望。

**子旺财明多积蓄，史兴鬼发染灾非。**

子动生财，财因子助，乃积蓄丰余津津不竭。鬼同兄发鬼耗官灾，乃灾生财散，件件不实耳。

**鬼动并日辰伤世身，受天殃。父兴同应位合财室，遭主玷。**

卦中最忌者，官鬼也。若发动又同日辰克世者，须防不测之灾。财者，妻也。若父爻并应爻合财者，则主婢淫混。

**多是多非，盖为动爻临朱雀。常来常往，皆因主象值游魂。**

朱雀主口舌，若值动爻，则终朝咭聒寝食不宁。游魂为游荡，若卜此卦，乃流荡忘返萍踪浪迹之徒耳。

**再推之卦之合冲，方决始终之遐迩。**

之卦者，变卦也。细辨其中之冲合，可断终身之吉凶耳。

## 投充兵卒章第一百三十九

（以世身为主，财福为凭。）

**投兵须把世爻详，逢旺逢生去必昌，若遇旬空无对敌，如逢月破丧他乡。**

凡占投充兵者，世以为用，但得日辰生世或世旺相，则功成利厚力加体康，若德旬空，则无人对敌。若逢月破，则大有刑伤，大不吉利。

**随官入墓身遭厄，助鬼伤身命受殃。**

随军出战，所忌者官也。若临世临身临命而入墓者，名曰随鬼入墓，必有丧亡之凶难。鬼宜安静，若逢财动能助鬼兴，又伤身世者，名曰助鬼伤身，决主身陷命倾，难归乡井。

**官鬼若还冲克世，曾如不去反为良。**

军旅之忌，惟以官鬼，若来冲世，不过被彼克伐，未决输赢。若来克世，大有刑伤，乃未沾利禄，选遭戕戮。不如安分，且守故乡。

**土官克世遭坑陷，金鬼冲身刀箭伤，水鬼定然逢波险，火官必主犯红光，木爻值鬼多刑责，福德交重最吉祥。**

克世之官，大凶之象，须分五属可以拒避，如鬼属土，防彼掘陷坑入，又防疾病。金鬼忌伊利锋刀箭，及防跌蹶。水鬼必设背水之略，又被风波险阻。火鬼唯逃火患，又虑烧屯之劫。木鬼是有鞭朴之刑。子孙为和解之神，须得一发，则万祸自消矣！

**世去克他宜出战，应来克我莫登场。**

世为我，应为彼，若世克应爻，则战必胜彼。应若克世，彼必多能。

**财旺饷资加倍得，兄兴诚恐灭兵粮。**

财乃口粮，旺相则丰余，休囚则不敷，兄为耗崇，安静则可。发动，则有扣除之患。

**官爻持世无冲克，必作先锋佐帝皇。**

官爻最宜持世，又宜安静旺相，则有奇能美爵。若值冲克，必有奸佞窃夺功权之祸。

## 出家修行章第一百四十

（以身世为主，金木为凭。）

**羽士全真，跨鹤乘牛而脱俗；缁流守戒，明心见性以离尘。本官寅卯，允宜道院仙家；金卦酉申，尤利空门佛子。世静善能和众，身安但可随缘。**

道士宫观羽衣蹁跹、释子寺庵缁衣守或脱俗离尘入虚空境界也。木主发生，乃仙家铅汞丹鼎炼度之处，是以青阳寅卯离得，生生不已。金位梵宇西方正释氏慈悲，方便超度之门，故金天酉申水赖化化无穷，又得子孙世静利于十方供养，本身宁谧尤便随处结缘也。

**既旺既相，宜中之士绥祯。升阴升阳，物外之人迪吉。华盖临身应为僧道，孤辰值卦当作虚无。**

出家身世旺相，是寰宇中真正之善士，而又值升进少阳少阴太初之若诚为方外之吉人。华盖者，

卦中正月戌、二月未、三月辰、四月丑、五月又行未占只此四位轮之。孤辰者，春巳、夏申、秋亥、冬寅，凡占出家，如值身，当为僧道，设若俗人得之，毕竟难为子息也。

**身爻克世，出家守正如心。世应比和，行止谋为称意。世云克身，道境僧堂宜敛足，财来伐世，檀那施主尽孚诚。**

如卦身克世，乃守身正行出家焚修，无不遂心。而卦中世应一体不犯侵夺，比并安和，则所作所为悉皆如愿也。至如世爻克害身爻，僧道则宜守规养静，不得野走闲行，慎之有益。如财爻克我世爻，则十方施主善人都得开心见诚，尽来舍施，虽动何妨。

**一位父重，变迁事务。六爻安静，纳福清规。财旺逢生，广收贮福田之利益。鬼兴带贵，好参谒禄位之官员。**

卦爻不妄动，一爻一重即有变更迁易，庶务显著昭告之机，若究六爻安然不动，则禅关道范享福无涯也。论财为养命之源，如得旺相，又敌逢生大宜福田广种，仓库充盈。若见官爻带贵及青龙而动，尤利于参贵，谓官大有攸往之象。

**勾陈持世俗缘缠，白虎加身官讼扰。父母合身，蒙师接引；青龙附体，仗贵周全。**

勾陈持世，系根生土养之处，故主俗家尘事牵缠，白虎临身，则惊动官讼扰害。设若父母合身合世，有承蒙师相接引之兆。果如青龙持世，则全仗贵人杂持斡旋之徵矣！

**财之官鬼，被贼被冤。煞并勾陈，遭磨遭障。陈临兄动，主法卷意外之勾连。空值父爻，定经文破遗之阻节。**

财爻之化官鬼，被惹贼子或遭冤抑之情状。煞爻并值勾陈，于犯殃魔或业障之欺凌也。勾陈临于兄动，内主勾连经典之事绪。父若落空，有破阻文书之遗失。

**父母贵交，则父师通圣。子孙龙井，则徒弟齐贤。二父克身，心被俗家之绊重。官伤世体，遭枕席之灾。**

印绶为出家人之父祖，天贵同宫则灵通神圣。福德为虚无子之后嗣，青龙其位，则智慧贤能。重重父母克世爻，方寸被俗家之羁绊。叠叠官爻伤世象，四体有采薪之忧烦。

**财陷则枉开疏簿，鬼空则徒费谋为。纯阳易于修炼与参玄，乱动难为坐禅而入定。**

寺院募缘，全凭注疏题名财将则写之无益。释道谋作必得动止合规。鬼空，则设亦徒劳。

**艮坤利岩谷中栖身隐迹，离巽堪城市里养性修真。煞值游魂，休游云水居衰绝，莫置田园。**

艮山坤土，深岩隐而吸月食霞。离杂巽卑，闹市居而闭开卜迹。煞值游魂，不利天涯海角。世居衰绝，何须阡陌田庄。

**世空身旺，此是地行之仙。子动妻摇，斯为还俗之汉。宝刹无尘缘身空之不动，琳宫独盛取应**

### 旺之来生。

世空身旺相，地行之仙，与子动显妻财，还俗之汉也。业林金壁辉煌，为身空不动。道境琳琅隆盛，缘应旺生身。

**世奇应偶身静神清，合世生身寿高德邵。兄动则业根难严灭，身兴则俗债未完。**

世居阳，应居阴，神宇清，而身官静世得生身得合，德业大而年寿高。兄动则欲火方炽，身兴则俗缘未除。

**世应不和身妄动，卫匪大神授受之，正传岁君交作父加临身，获大君宠恩之上锡。试观大易六爻，妙在玄机一泄。**

佛老在世应比和，和则有缘有法，今乃世应相克而身又妄动，此僧此道，决非天神正之妙。太岁若动又在父母之位，则师公父祖必受至尊恩宠之颁锡也。试考周易经书全有六爻判断，若于虚无事迹，还凭一理而推味之哉！

## 修真炼性章第一百四十一

（修释以全为主，修道以大为凭。）

**离官修定瞿昙之佛能成，坎府求玄蓬岛之仙可作。人欲超凡入圣，须世旺身安。**

灵台修持出尘入定，西方佛子证果皆成，肾水得坚，东来紫气青牛独跨超然入关，卦须世旺，又在身安。

**无身则圣岸难登，空世则天书不绝，阴阳安伏，心清意静好修真。内外交重，情乱性刚难学道。**

若或无身，则彼岸难登。如其空世，则天书不录。阴阳得位安然不动，是乃心清意静，真修之善士，若果内外交重，此乃情乱性刚，非为学道之高入。

六爻不兴，收六贼宁靖，六贼者，眼耳鼻舌身意也。五行恒逆，则五类真全，五行者，心肝脾肺肾也。六贼不兴，必心有主宰，固宜修养。五行恒逆，则戕坎填离金丹可就。无合无冲，事无阻隔节得。不空不动，身如磐石之无改移也。

**烧丹养火，喜龙虎之交蟠，面壁坐禅，得坎离之交媾。卦属金宫，释门可入；世临本地，道教宜从。**

龙虎交蟠者，日青龙与月白虎。或月青龙与日白虎同临身世即是，降龙伏虎再加财福两旺，是炼丹得道而成。坎离交媾者，卦值内火外水、或下火上水既济卦是也，此乃火降水升，禅林上之士，内官秀实之人也。卦居乾兑或居酉申，大利空门之子。世值卯寅或卦临震巽，诚为道教之徒。

**世值升爻，渐往天堂之境。身居降位，难逃地狱之途。鬼旺福柔，预布英雄之智量。子强官弱，**

### 夙培良善之根核。

世值升阳，天堂堪往。身居降位，地狱难逃。官父旺福神柔，英雄之酌量预逞。子孙强鬼象弱，良善之根芽宿培。

**官化子孙，先作后修成正道。子之官鬼，始修终作岂升天？一字精微，万无漏泄。**

官化子孙，先作后修而成功不小，有始有卒者能之。子之官鬼，始修终作而结果无真，此先贞后黜者之为也。卦理字字究入精微，易象文爻岂容漏泄。

## 坐关不语章第一百四十二

（以世爻为主，福德为凭。）

**闭关不语修心行，打坐参神莲气同，一应最宜爻静合，诸般却忌世逢冲。**

闭关者，锁住心猿意马。不语者，禁止妄语狂言。打坐者，运转性真元气。参禅者，恳求秘旨玄机，诸般功果一切事宜，六爻皆当安静，身世最忌克冲，凡欲修真须明此理。

**世空自不专诚守，应陷难招施主从。**

世为一身之主，如遇空绝，毕竟难守空门戒行。应任十方施主，若逢绝时，谁趋法座皈从。

**身动必然心变革，齐粮缺乏犯财空。**

心为一身之主，世爻若动，心必变更。财为日用之需，财若空亡，齐粮绝望。

**多灾多讼因官动，无始无终为六冲，化出冲时难结果，六爻乱动改西东。**

官鬼能与灾祸，修道之人逢官发动，虽不克世，自然有灾有讼，若来克世，其祸不小。但凡求道之占，不宜冲克，若卦值六冲或化冲击、或六爻乱动，皆系变迁之象，岂得守真志满，必然逐物意移。

**卦无福德空修炼，世值儿孙得大功，父与上爻生合世，天人庇佑福无穷。**

卦内子孙为福德，若占修道，全赖此神，须要生扶拱合，大则功成行满白日飞升，小则还元固本益寿长年。倘落空亡或不上卦，则心无诚敬身有更张，祥关冷落丹室荒芜，当为画虎不成之诮耳，如父母并弟六爻生世合身者，天从人愿得福无边。

## 持斋受戒章第一百四十三

（以官爻为主，福德为凭。）

**心欲皈依五戒专，用爻得地好参神，元神上卦天常佑，忌象临爻病久缠。**

凡占参禅修道，须得用爻有气，元神上卦。用爻有气，则道心坚固，元神扶助则法力弥高。所

忌者，冲用克用之爻，用遭冲克，病祸易生道心易退。

**自己奉斋身作主，他人受戒应为先，落空值破遭磨折，遇旺逢生有善缘。**

有为自己占，或为他人卜，己卜以世为用，他占以应为用，用值旬空月破者，虽则心怀善愿，又遭病入膏肓。若得用爻逢生逢旺而发动者，乃宿有善缘终成正果也。

**虎雀爻兴心不尽，游魂卦发意多迁，子孙旺相根栽善，官鬼交重孽未完。**

爻逢雀虎，卦值游魂者，中多事故，雀动有口舌，虎动多祸扰。游魂之卦，迁移不定，僧道远比，方可修行。若遇诸凶迭发，则素心奢侈赋性狂。惟有子孙为之福德，旺相兴隆，前世植有善种，愈久愈坚。独怪官鬼为之孽冤，乃前生所造未得顿除。

**用与六爻生合者，天从人愿永长年，六冲早晚开斋戒，内外相生道必全。**

持斋受戒欲求功成，须得内外相生六爻相合，乃道念和同义情宁静永久无更，苦值六冲道不成而斋必破，心不安而行己亏，凡事无成矣！

**空淡戒咸求却病，守箴绝欲保身安，印经塑像皆祈福，一应修行共此篇。**

凡修行之人，有戒咸食淡者，乃以六根之秽守箴。绝欲者，乃蕴五内之玄，诵读祖师之经忏绘塑神圣之仪容，延生延福消罪消灾，诸般戒行一体推详。

## 开斋破戒章第一百四十四

（以用爻为主，福德为凭。）

**开斋开戒还宜福，鬼若交重祸便生，急要元神居旺地，不宜忌象值的兴。**

凡占开斋破戒，须以子孙为用神，若得旺相或发动，去后平安。若子孙衰静，官鬼兴隆，乃无人制服多生灾祸来侵。又宜元神旺相生助，助则有益，不堪忌神发动，动则生殃。

**用爻若也空而绝，必犯灾危捐寿龄，助鬼伤随鬼墓，逢之多病岂康宁。**

用爻若值空亡或逢墓绝，破斋破戒之后，多灾之祸损寿损元。或助鬼伤身、或随官入墓，皆系不祥之兆。

## 归宗还俗章第一百四十五

（以世身为主，财福为凭。）

**僧道今占还俗宗，世人复祖概相同，皆宜财福兴而旺，各忌兄官交与重。**

凡僧道若占还俗与赘继归宗同论，惟喜妻财若旺，则归宗足有衣禄之用，子孙旺动，则家室安宁，独怪官兴兄发，官兴则是非接踵灾病缠绵，兄动则财源耗散，艺业萧条。

**世上有空谁曰吉，身中无破那云凶，八纯未可归宗族，卦得归魂返舍荣。**

世是平生之本，只宜旺相兴隆，岂可空破？一值空冲其身无倚，焉得亨通？八纯者皆系六冲，冲者散也，乃是无情之象，占者遇此百无一就，宁得遂其为乎？倘卜归魂之卦或化归魂，方可归宗。故经云：游魂化入归魂返舍回来大吉。

## 《易冒》

[清]程良玉/著

易冒王序.....	1123
易冒顾序.....	1123
易冒陆序.....	1124
易冒自序.....	1125
易冒卷之一.....	1126
甲子章第一.....	1126
成爻章第二.....	1127
成卦章第三.....	1128
纳甲章第四.....	1129
五行章第五.....	1130
六亲章第六.....	1130
六神章第七.....	1131
世应章第八.....	1133
身法章第九.....	1135
间爻章第十.....	1136
易冒卷之二.....	1136
变互章第十一.....	1136
飞伏章第十二.....	1138
反伏章第十三.....	1139
归游章第十四.....	1140
升降章第十五.....	1141
进退章第十六.....	1142
有无章第十七.....	1143
墓绝章第十八.....	1143
卦候章第十九.....	1144
干化章第二十.....	1145
易冒卷之三.....	1145

岁君章第二十一 .....	1145
月将章第二十二 .....	1146
日主章第二十三 .....	1146
时辰章第二十四 .....	1147
月破章第二十五 .....	1147
旬空章第二十六 .....	1148
日冲章第二十七 .....	1149
遇时章第二十八 .....	1150
独发章第二十九 .....	1150
两现章第三十 .....	1151
<b>易冒卷之四.....</b>	<b>1152</b>
长生章第三十一 .....	1152
无鬼章第三十二 .....	1154
绝生章第三十三 .....	1154
合冲章第三十四 .....	1155
随墓章第三十五 .....	1156
助伤章第三十六 .....	1157
局会章第三十七 .....	1157
刑害章第三十八 .....	1158
诸星章第三十九 .....	1159
卦验章第四十 .....	1166
<b>易冒卷之五.....</b>	<b>1167</b>
类总章第四十一 .....	1167
国事章第四十二 .....	1170
军机章第四十三 .....	1172
天时章第四十四 .....	1174
岁事章第四十五 .....	1175
身命章第四十六 .....	1176
年运章第四十七 .....	1179

卜居章第四十八 .....	1181
茔葬章第四十九 .....	1182
<b>易冒卷之六.....</b>	<b>1183</b>
家宅章第五十 .....	1183
婚姻章第五十一 .....	1187
胎产章第五十二 .....	1189
抚养章第五十三 .....	1192
痘疹章第五十四 .....	1192
疾病章第五十五 .....	1194
医药章第五十六 .....	1198
鬼神章第五十七 .....	1199
<b>易冒卷之七.....</b>	<b>1202</b>
学业章第五十八 .....	1203
治经章第五十九 .....	1203
延师章第六十 .....	1204
卜馆章第六十一 .....	1205
功名章第六十二 .....	1206
用人章第六十三 .....	1211
测隐章第六十四 .....	1212
收雇章第六十五 .....	1212
<b>易冒卷之八.....</b>	<b>1213</b>
理财章第六十六 .....	1213
桑田章第六十七 .....	1215
畜养章第六十八 .....	1216
丁产章第六十九 .....	1217
户役章第七十 .....	1217
合分章第七十一 .....	1218
出纳章第七十二 .....	1218
取质章第七十三 .....	1219

备物章第七十四 .....	1219
营谋章第七十五 .....	1220
<b>易冒卷之九.....</b>	<b>1220</b>
出行章第七十六 .....	1220
行人章第七十七 .....	1222
舟车章第七十八 .....	1223
治筑章第七十九 .....	1225
捕逃章第八十 .....	1225
斗胜章第八十一 .....	1227
词讼章第八十二 .....	1228
失物章第八十三 .....	1231
<b>易冒卷之十.....</b>	<b>1232</b>
神听章第八十四 .....	1232
侍神章第八十五 .....	1233
师巫章第八十六 .....	1234
机兆章第八十七 .....	1234
戒防章第八十八 .....	1235
潜避章第八十九 .....	1236
道业章第九十 .....	1237
<b>易冒十卷.....</b>	<b>1239</b>

## 易冒王序

余在长安时，即闻程君元如贤，后十年而始得访君于家，元如辞以疾，余因胡子旅堂为介绍，过从者再，元如始出。聆其言论，盖君平公时之流也。自时厥后，余数过其家，元如虽卧病，必强起为余坐谈弗倦。一日谓余曰：吾五岁而瞽于痘，不能习举子业，学医不成，始学易；初从星元先师游，晚遇枯匏老人，互相质证，有所悟，命人笔记，历年成书，而但虑辞多烦冗，意或重复，因托旅堂为余商订，书成公其为我序之。余应诺。未几旅堂歿，余窃虑无有赞助此书于成者矣。元如益伤悼痛哭，病日深，余往问疾，不能出，然犹异其必起也。无何而元如亦下世矣，呜呼痛哉！甫浹旬，有人衣缟经衣，面深墨，持易冒一书，长跪而涕泣曰：吾父易箴时，执手叮咛，谓所著书为我也，序者必楚中王先生，我是以恪遵遗命，来求先生，先生幸勿辞。余闻其言而悲，又何忍辞。余窃叹易学至今日，不绝于不学易，而绝于学易者，恒多矣。夫学易宜未绝也，绝于不易，其易而窃异端之术以为易，其为绝也，孰甚焉。程子传易，本之王弼，弼则出之费直，朱子本义，本之吕伯恭，古易则本之田何，未尝以非易言易也。元如之学易也，谓其辞有尽而其象无穷，每占一卦，观其爻象贞悔阴阳动静，而人之终身吉凶悔吝洞若观火，以是声名藉甚，甚有越千里以来求一言而去者。而元如益不敢自多也，日惟观象玩占以自体验。嗟乎，吾党有人致身通显，侈然以名士自居，人有举其所治经大义以问，而尚不能默数其章句者，况能悉意义之精微乎？元如之所以不可及也。且今日之患，学士大夫以通经学古为迂，而好驰骛于词章声华，以鸣得意。即学易者不泥于数，则拘于理，未有得于意，言象数之外者。夫儒者不能传其易，而使传易者乃在一盲废之人，是尤可悲也。已书将成，旅堂与元如相继殁，人以为奥义密理，不能为天地秘藏，或其泄机已甚。余谓学易寡过，思虑所及，通于鬼神，未闻天道禁人之觉酣于义理也。书将成而溘然长逝，亦朝闻夕可之义也哉，不然元如之终也，语不及私，拳拳以此书为念，岂好名哉？其平日心力之所至，窃恐后世不得其传，故不自为虑，而为人虑也。然则元如谆切属余之意于是乎，慰矣。

康熙三年仲秋楚江安史氏王泽弘撰

## 易冒顾序

尝阅史至管公明善易者，不论易之说，谓是答何邓之邛詵言耳，今观程子著书而始信。夫程子垂簾虎林市上，辨吉凶论悔吝无非易也，而易冒一书，则不尽论易，无非易者理从易出，易之外无理。不尽论易者，易从数显，数之用非易，然则何云易冒哉？悉是书者，可以善易，书盖为易而说也。若夫生生之谓，易通变无方，而引伸触类以穷神达化。圣人原不使人枯槁于彖辞爻象间，而遂谓之易也，故系辞曰：冒，天下之道，冒，覆也。天覆乎上，而七曜五行春秋寒暑人物化育散见于

中，皆不谓之天，而莫非天之事。易统其纲，而甲子六神变互反伏与诸星世应九十一之旨，皆未始崇言易，而莫非易之事。是程子之书不论易，而精于言易者也。今人不察，每得焦氏诸人之书，秘诸帐中，遂谓道在是矣，乌知此中奥衍有若是哉。程子为当今管郭，有勿占，占则应，如乡户外趾相错，日既昃，有不及叩而返者，如是二十余年以为尝。至四十时抱疴键户，忽忽机动于中，遂得数见兆，因而发愤著书，穷极要妙，自谓能补前圣之所未备，极深研几，盖三年而书始成。书成，程子即谢世去。然则占墨视拆，程子虽欲秘之，有所不能秘。昔郭参军有青囊书九卷，门人赵载窃去，未及读而火焚之。似乎独得之秘，为造物所忌，程子不死于未著书之前，适死于方成书之日，苟非天以此道绝续之，会令程子继往哲，开来学，恶观其有传书乎？余友文翎高子于程最称服膺，余因得尽读其所著书，且以叹程子之善易，而又天纵之以论易也，则视易冒一编，虽谓程子未尝死亦可矣。

康熙甲辰秋七月既望钱塘且巷顾豹文撰。

## 易冒陆序

余总角时闻新安有元如程先生者善卜，隐居吾杭城西今，车马阗骈如市，日既晡，不得下簾休息。余友旅堂胡子亟称其人，尝从而窃窥之，其状貌魁梧，言谈若河注，心知其非日者卜筮之流矣。此元如徙郭外与余比邻居，交益密，时时过从闻其绪论，虽老生宿儒不能及，私念京焦管郭精易数，有声著述，元如以瞽目博洽若此，非夙有神解，何以至是？余攻举子业，所习仅易书训诂，每观元如卜，其称引繇词与本义无殊旨，靡不奇中。人曰：元如精于数，秘而不泄，特度其辞于常谈耳。元如笑应曰：圣人穷理数，为理用，后贤极数理，以数彰，理数岂有二哉？考亭谓孔子以义理说易，是象数已明，不须要说，今人不知象数而妄言易理，亦复何当？然人知理之示人者显，数之告人者微，不知数之微者，其变有定，而理之显者，其应无穷；吾幼遭废疾，不获探索圣人穷理之原，以极数之委，幸遇星元师及枯匏老人，深究圣贤书数而寻诸理，庶几幽明，死生进退存亡之道，其亦可坐而照也。余知元如殆得道之士，虽季主君平未必能过。辛丑夏元如梦青衣吏二人，以檄召之去，元如曰：去无难，第卜筮之道，沿习糟粕，而未穷其奥，余得师传，欲立言以问世，操是心几二十年，而卒未就，奈何？吏人曰：吾为君请之，足了君事。比觉，遂发愤著书，越三年而书成，属旅堂点次，点次甫定而旅堂逝，以其书授之梓，梓成而元如亦逝。呜呼，立言传世，其功在人，元如抱斯志垂二十年，盖成之，若斯之难也。朝闻夕死，不可谓非天为之，其书传，其人不死矣？余因是益叹数之有定，而圣人作易以前民用者，不可诬也。若元如者，其为得道之士，而非日者卜筮之流，读易冒者，自有会心知，非余一人交深而私许之矣。

康熙甲辰仲秋西冷陆进荃思父拜撰

## 易冒自序

予世家新安之蟾谿，父映源公，业贾吴兴；母谢氏，生予多蹇，五岁而瞽于痘，先君谓予母曰：是儿早慧，今得废疾，不能受书学举子业，莫若令习医。遂授医书，耳听心受，手训点画，到十岁，予告父母曰：为医之要在望闻问切，既不能望，术能神乎？乃弃而学卜，从日者家五六人，粗得其概。最后从星元先师游，独尽其传，朝夕问讯，记忆控讨，相随五载，犹若茫然。乃渐迁心音律奕棋之戏，将堕厥，业师戒予曰：夫学易之道，专则纯，纯则业，精乃入神，分则杂乱，杂乱则疏，疏乃不入；今汝学，分而不专，其能达耶？于是益发愤研求，屏绝外嗜，竭思废寝，以为天下之事亿兆纷纭，何以得一理贯通其吉凶，而后不惑？年登十八，始悟用爻是此是彼，随大随细，惟一用爻而求，诸吉凶乃得其柄。如所谓老奴占幼主，必用父母，少君占衰仆，必用妻财，此以分不以年也；词讼凭官而后世应，以胜负决于听讼也；寿命凭用而后父母，以其享年也；科目先文而后官，廷试先官而后文，各有所重。由此引申，则左之右之，无不宜之矣。于是集旧闻，秉师说，本以心得，参以占验，纂述成书，为筮类五十篇，而内详三百七十有七问；复考圣人立法之所由，参研三载未得。己卯之冬，偶遇楚来枯匏老人，聚首三月，请益焉，乃曰：圣人不妄立法以教人，皆必有本，而具陈于百家之书，汝未能遍考，我——授之子，子其秘之。予曰：圣人立法，将以开后世之蒙，受而复秘，独得之亦何益耶？枯匏曰：是心可以为人师矣！前言探子尔；立言传世，功孰大焉。于是复究先贤阐易之书数十种，立法四十一篇，计九十一章，卷分有十，列成卦成爻之由，立世立应之法，诸星何事而名，六神何事而司；随墓助伤，本凶而有弗凶也，绝生本吉，而亦有弗吉也；空破绝散，有真伪之分，飞伏互变，有轻重之取，岂执一义而尽之与？故黄金策言用化用则有用无用，其云化去是神忒也，伏吟之故尔，若化进神，安得无用乎？复曰太过者损之斯成，非云吉凶，断事之成合时也。若曰用爻太过为不吉，则生扶拱合之语非矣。卜易阐幽云伏藏不论旬空，可以言轻重，岂言不空耶？亦长于彼而短于此也。卜筮元龟晴雨以世为地，应为天，京房以父母为天地，亦是于此而非于彼也。补遗飞伏其七世皆伏本宫，而京房独以游魂飞伏不相侔合，如晋外伏艮而内伏乾，己酉世爻以丙戌为飞伏；如需外伏兑而内伏坤，戊申世爻以丁亥为飞伏，占之屡验。然先师成书时，未得此学也。即搜决鬼神多载，湖下之圣，六合之内，有土风名俗之相异，百世而下再成之神，但能以义理相揆，岂可实指其姓字乎？先师每谓予曰：生平之学，补遗缺是二端甚矣，著书之难也。予荒陋管窥，敢言能备与惟所知者载之，不知者以待高贤之教我也。予常终日凝思，久而不悟，春秋相继而未得。逍遥子谓予曰：致虚守静，以观其复，灵明生焉。密云禅师谓予曰：但会

取本有。吾于二师有默契，云古之人有以风占鸟占谚占，言语卜威仪卜政事卜是无卜，筮而知吉凶也，况著草金钱木丸之占，而必执同异相非乎？愚以为易者，象也，象也者，像也，其辞则异，其象则符，但告于著则以著占，告于五行则以五行占，告于焦氏则以焦氏占可也，其成卦成爻一也。久思著书问世，以造门之问，日晷不遑。年四十而疽发于背，始得杜门谢客，而草创之，历三年之久而撰藁粗成，就正于故人旅堂先生，先生与其同学见而亟称之，乃下榻草堂，重加删定为梓以行世。嗟乎，苟有小补于世，则安敢逃于妄述之罪哉。

康熙甲辰岁仲夏朔旦新安瞿目程良玉叙

## 易冒卷之一

### 甲子章第一

天干有十，地支有十二。

（干犹本也，象天生物，故曰天干；支犹枝也，象地成物，故曰地支。干有十：甲乙丙丁戊己庚辛壬癸；支有十二：子丑寅卯辰巳午未申酉戌亥。）

用甲乘子，取乙驾丑，干支终始而循环，天地之数六十而尽矣。

（甲子之法，以天干顺布于地支之上，始自甲子至癸酉，干终而始甲戌，支终而始丙子，若枝本之不离，并尽于癸亥，计有六十也。）

天分五运，地分六气，以造化万物于其中，乃作甲子以记岁时，使日月四时之有经也。

（五运谓东南西北中，十干动运乎上；六气，谓十二支六阴六阳之气，司寒暑春秋升消长之权，静成乎下，而吉凶祸福，由是以兆。）

自汉武从寅，则无复四同之甲子，迨娄景补韵，则始传分象之五行。

（周正建子，则以甲子年起甲子月，甲子日起甲子时；夏正建寅，汉武帝述之，退三位而取丙寅，所以无复有四甲子也。古纳音但有甲子乙丑属金，丙寅丁卯属火之法，及娄景先生推五行之理作歌，始有海中金炉中火之说。）

纳音之法，以干支之数，合大衍之用四十有九，去其本数复考其零，以五行相生而纳诸属也。

（纳音所属之法，大衍之数五十，其用四十有九，考其干支所属之数几何，于四十九数内，去其干支本数，而所零者以五除之，其余复以水一、火二、木三、金四、土五，数至四十有九，得水则纳音是木，得土则纳音是金也。法曰，六旬甲子妙尤元，七七中除地与天，五减零求生数立，纳音得此几人传。夫干支之数，谓甲己子午九、乙庚丑未八、丙辛寅申七、丁壬卯酉六、戊癸辰戌五、巳亥四为则，此干支定数也，以万物辟子而合申，故甲己子午，自子至申得九，乙庚丑未，自丑至

申得八，如甲乃九数，子亦九数，乙乃八数，丑亦八数，计三十有国，于四十九内除之，其余十五，复减其十，所零五数，五为土，土生金是也，余仿此。）

复引申其用，浑甲同此而作，三式由此而成。

（浑甲，以六十甲子纳八卦之下也，三式，谓太乙统宗，天之数也，奇门遁甲，地之数也，大六壬神，人之数也。）

干乃天，虚而无形，故不专祸福，支乃地，实而有象，则有旺衰生死进退消长破冲刑害，以曲成万物之能。

（天无形，故干神之用，专于五化，谓甲己化土，乙庚化金之类；地有象，则成能万物，吉凶以昭，故支神之用，有当生者旺，所生者相，四生四死，进神退神，升降消长，三刑六害之类。）

是以位之四方，纳之八卦，立星煞之神，生生不已，新新不停，咸备五行之用，通书所谓三大三小，谚语所谓无水无金、上古天皇地皇人皇，皆资是始，万化之用，岂能外此哉。

（以干支列于四方，谓壬子癸、丑艮寅、甲卯乙、辰巽巳、丙午丁、未坤申、庚酉辛、戌乾亥是也；以干支纳于八卦之下，义见后篇。立吉星凶煞之神，吉凶咸备。他如通书所谓六甲下纳大金小金大火小火大水小水之法，谚语谓甲子甲午旬中全无水，甲申甲寅旬中不见金之说，即上古天王君起甲子，地王君起甲申，人王君起甲寅，莫不造端于此，故曰甲子不立，则五行不神，五行不神，则吉凶不著矣，是以著易，必首明甲子。）

## 成文章第二

以钱代蓍，但求奇偶。

（上古以蓍揲而成爻，后因揲蓍之烦，故以钱代蓍，不必分二挂一，揲四归奇，但求奇偶，所谓舍四营而减为一掷者也。）

奇者阳也，像天之覆，偶者阴也，像地之载，观覆载而奇偶得矣。

（钱分奇偶，以形测之，钱覆者如天之覆悬于上，故属阳而为奇，钱仰者如地之仰载于下，故属阴而为偶。）

得..奇则曰单，谓之少阳，得 - 偶则曰拆，谓之少阴，三覆曰重，谓之老阳，三仰曰交，谓之老阴，重乃三奇，交乃三偶，阴阳老少既成，而八卦由此生也。

（奇圆图三，偶方图四，三用其全，四用其半，故得一奇二偶是七，而为少阳，得一偶二奇是八，而为少阴，三覆是三奇而为九，乃老阳也，三仰是三偶而为六，乃老阴也，九名重，六名交，七为单，八为拆。）

法云：向上言眉，向下言背，亦谓如乾坤之形耳。

（法曰：两背由来拆，双眉本是单，浑眉交定位，总背是重看，谓乾形覆背在上，坤形仰眉在上是也。近俗有以筮辩阴阳者则异是，以竹中剖，其心向上为阳，向下为阴，钱以体成，其形覆为阳，仰为阴，各有取义也。）

## 成卦章第三

既成三象，始有二老。

（一画而分阴阳，二画而分太少，三画而备三才，三才备而二老交，二老交而六子立矣。）

纯阳曰乾，纯阴曰坤，刚柔交而得一阳曰震，乾坤荡而得一阴曰巽，再磨而成坎，复媾而为离，三索奇偶而生艮兑，六子备而八卦立矣。

（八卦从二老而生六子，三单纯阳为乾父，三拆纯阴为坤母，二老始交，阴获阳为震，阳得阴为巽，再索之坤中爻获阳为坎，乾中爻得阴为离，三索之坤上爻获阴为艮，乾上爻得阴为兑，于是乾兑离震之顺，巽坎艮坤之逆，首尾交接而成圆圈，先天八卦备矣。）

因而重之，坤始震而至纯乾，左旋之三十二象也，乾配巽而至纯坤，右转之三十二象也，是故圣人以象义而名卦，以变次而成章焉。

（八卦之上，重加八卦，以坤获一阳之初，而坤加于震，从此始左逆行，以坤艮坎巽震离兑乾配于震上，次而离，次而兑，次而乾，此左旋三十二卦也；以乾得一阴之初，而乾加于巽，从此始右顺行，以乾兑离震巽坎艮坤配于巽上，次而坎，次而艮，次而坤，此右转三十二卦也。易卦次由十六变而成，谓乾一变姤，二变遁，三变否，四变观，五变剥，上爻天也，故不变，而复下变四爻为晋，易章成有七焉，三变旅，游入离宫，故圣人以火地晋为游魂，二变鼎，一变大有，不序他卦，还入本宫，易章始成八卦，故圣人以大有为归魂也。盖凡九变，万物归还，理数以极，自然之象，复二变为离，三变噬嗑，四变颐，五变益，复四变无妄，三变同人，二变仍乾，乃十六变也。后天八宫易章之成如此，此卦变非动爻变也。）

夫大衍之数，成一为奇，成二为偶，周奇而后周偶，四营为一，三扚为爻，老少乃得，然则经文卦序，不由象而由义也。

（此言爻与卦殊也，如大衍之数，单奇双偶，先有奇而后有偶，四营为一变，一变为一扚，三扚为一爻，始见老少皆从奇偶而成，若经之名卦序卦，皆以义起也。）

若一生二，二生四，四生八，八生十六，十六生易，此易之穷于象也。

（象与义虽异而不相离，故一画阴阳为二仪，则生二画之四象，二画老少为四象，则生三画之

八卦，八卦再重而十六，十六四重而成天地雷风水火山泽之易，则易之道，从象而终也。)

一与九，二与八，三与七，四与六，五与十，此图之终于数也。

(此言单拆交重之数，尽于河图中也。)

盖以数以象以义而成易，则数象义相乘，而吉凶出矣。

(此言象不离数，义不离象，以成卦断吉凶也。)

## 纳甲章第四

乾坤为天地，生万物于中，由是三才备而六子立，故十干之所纳，乾阳也，纳阳干之首尾，下甲而上壬，坤阴也，纳阴干之首尾，内乙而外癸。

(盖万物六子，皆从天地而有，故阳干纳阳卦，阴干纳阴卦，乾坤纳天干首尾，而中包六子也。

夫甲阳乙阴，天干之首，壬阳癸阴，天干之尾，庚辛戊己丙丁，所谓中包而六子纳之也。)

震巽以长而纳位乎上，坎离以次而纳位乎中，艮兑以少而纳位乎下，位与爻异，盖爻以数成，而位以序别也。

(丙丁纳庚辛，上位也；坎离纳戊己，中位也；艮兑纳丙丁，下位也。夫天干纳位，地支纳爻，不相同者，以爻从六七八九之数而成，而位以长幼为序也。)

二老时迁，三少不变，则干支六十，可得而具焉。

(夫一卦纳六爻，则干支止于四十有八，六十甲子，何能备纳，故二老所纳随时迁移，冬至后下纳甲乙，上纳壬癸，夏至后下纳壬癸，上纳甲乙，而后交互变化，甲子咸备。)

十二支所纳，阳顺阴逆，故乾起子而及戌，长子袭之，中男袭其中爻，三男袭其上爻也，阴则不然。盖子以从父，妻以从夫，人伦之常也。

(盖地支以阳顺阴逆而纳，如乾纳子寅辰午申戌，而长子袭之，中男袭中爻，则纳寅辰午申戌子，三男袭三爻，则纳辰午申戌子寅也，阴卦异是。)

夫天地氤氲，上下交媾，阴阳磨荡，故坤建未而尽酉，以互合于乾，此二老之所以能变化也，少则不然。盖老变少不变，天道之常也。

(氤氲交媾磨荡，皆指顺逆变化好合而言，故坤纳未巳卯丑亥酉者，以其下坤合配上乾，上坤合配下乾，所谓相互而合，相交而好，相磨荡而成变化也。故曰两仪不磨，则万物不成，二老不荡，则六子不立矣，三少阴异是。)

夫巽以丑从子，离以卯从寅，兑以巳从辰，女随男，阴从阳，交错逆行，周旋无间，故曰浑天甲子，观其阴阳进退变化反复，而知几其神乎。

（巽纳丑亥酉未巳卯，以其内巽阴丑，随震阳子，外巽阴未，随震阳午；离纳卯丑亥酉未巳，以其内离阴卯，随坎阳寅，外离阴酉，从坎阳申；兑纳巳卯丑亥酉未，内兑阴巳，随艮阳辰，外兑阴亥，从艮阳戌。此所谓夫妇随从，周旋无间，而交错逆行也。）

## 五行章第五

五行者，五类也；五类者，象而类之也；夫象有五，曰令、曰位、曰色、曰形、曰性。

（五类，金木水火土也；令，时也；位，方也；色，气也；形，状也；性，属也；因是而象，则知其类。）

一阳之生，令司冬至，子之半也；位列北方，坎之体也；色黑，形湿，其性乃寒，水之象也。阴阳相半，令司春分，卯之正也；位居东方，震之用也；色苍形润，其性乃温，木属故也。

（此言象而类之，则知坎子北方应属水，震卯东方应属木也。）

一阴之生，令司夏至，午之半也；位列南方，离之体也；色赤，形燥，其性乃热，火之属也。天地相收，令司秋分，酉之中也；位居西方，兑之用也；色白，形稿，其性乃凉，金属故也。

（此言离午南方，应属火也，兑酉西方，应属金也。）

四方四时，则类其所亲，五行五旺，则分其所居。

（春木夏火秋金冬水，相亲而类之，然必以子午卯酉为君宰，以五行旺于是尔。）

故亥水寅木巳火申金，类从其属；辰戌丑未，则出类分属，是以令季，色黄，形安，性平，位中央而寄四维，土为万物之本也。

（亥近子，故属水，寅近卯，故属木，巳近午，故属火，申近酉，故属金，然辰戌丑未属土者，不亲其类，反分四季，盖万物之根，不可一无土也。）

干神应支，从类而化，犹地生物而天应之。

（地支所属，天干应之，如寅司木，寅中有甲，而甲亦木矣；如卯属木，卯中有乙，而乙亦木矣；如辰属土，辰中有戊亦土矣之类。盖剑气烛天，芝光照地，理也。）

其八卦之属，位之象之，推而五兆七耀之分，亦近取诸身，远取诸物之所自起也。

（乾兑位西属金，震巽位东属木，此以位言之；坎水离火艮山坤地，此以象言之；五兆，谓雨霁蒙眛克，即水火木金土；七耀，谓喜善威文弱燥怒，即日月金木水火土也。）

## 六亲章第六

吾闻立人之道，必先五伦，此六亲所自始也。

（六亲之法，义仿五伦。）

卦成则以我为本，有我，则生我者为父母，曰慈，曰天，曰地，曰城池，曰文章、器皿、衣冠，凡以庇其身也。克我者为官鬼，曰刑，曰雷电，曰品级，曰乱臣贼子，曰疾病、制爻，凡以束其体也。

（凡卦成六爻内飞伏互变之中，年月日時之上，凡生我者谓之父母，主庇益，克我者，谓之官鬼，主制缚。）

比和者为兄弟，而于贵则相凌，利则相攘，政则相干，得则相取。

（兄弟本为比和，但吾之所好，彼亦好之，故嫌攘夺，又为阻滞。）

我生者为子，则能制我之仇讐；我克者为财，则能给我之驱使。子孙为福德，而忠良、医药、高尚、逍遥之象见焉；妻财为仆妾，而货贝、仓库、饮食、淫乐、荒殆之象见焉。

（子为福神，兼能克鬼；财为仆妾，兼主货财，溺则淫乐荒殆也。）

推之人事，宠禄盈而兆乱，财动生鬼也；慈惠著而众归，父动生兄也；困而后荣，生而后富，官动生父，子动生财也；比肩协力，而国士以至，兄动生子也。此六亲之生象也。

（此言用神不动，而元神动者，亦为吉占。相生之理，推之人事而无不合也。）

长能率幼，父动克子也；邪不胜正，子动克官也；多财损文章之誉，威刑弭狙诈之心，财动克父，官动克兄也；利则起争，争则损利，兄动克财也。此六亲之克象也。

（此言忌神被克而吉，用神被克而凶。相克之理，推之人事而合也。）

以五行之象而分六亲，以生克之理而筹庶务，事无遁情矣。

（六亲推自五行，万事推之六亲，各有所用也。）

## 六神章第七

兽乃将之名，神乃帝之佐也。

（古以鸟兽名官，不言将而言神，以其妙用无穷也。）

盖有司月司日之将，亦有司时司贵之神，权有重轻，而司日月者为要。

（司日，即甲乙起青龙，丙丁起朱雀，戊日起勾陈，己日起螣蛇，庚辛起白虎，壬癸起玄武；司月，即龙在寅方虎在申，正从丑上起勾陈，朱雀巳宫玄武亥，惟有螣蛇辰逆行；司时，即时建六神，以五子遁法，时遇甲乙即起青龙，时遇庚辛即起白虎，设如甲子日寅时占，而五子遁法，时当丙寅，即初爻起朱雀是也；司贵，即随贵人之六神，其法起贵人、螣蛇、朱雀、六合、勾陈、青龙、空亡、白虎、太常、玄武、太阴、天后，盖阳贵顺行，阴贵逆行也，设如辛未日辰时占，则寅上起

贵人，未乃青龙，酉乃白虎。此四者名同而用异，卜筮必以日月六神为重。)

勾陈之象，实名麒麟，位居中央，权司戊日，盖仁兽而以土德为治也。

(勾陈实乃吉神，麟趾不践生草，不履生虫，其行多迟，配土德，敦信而为用也。)

螣蛇之将，职附勾陈，游巡于前，权司己日，盖火神而配土德以行也。

(螣蛇之官，游巡帝前，属火而性多不测，情尚虚浮，位在戊下司己，故复属土，使臣也。)

青龙之神，左居东方，权司甲乙，而主文事，以木德为化；白虎之煞，右居西文，权司庚辛，而制武备，以金德为刑。

(青龙位帝之左，文臣也；白虎位帝之右，武臣也。)

朱雀舞端门，南方司丙丁，而主封章弹谏文学，以火为德；元武从帝座，北方司壬癸，而主计谋筹画机巧，以水为德。

(朱雀位帝之前，谏臣也；元武位帝之后，谋臣也，盖子为帝座，午为端门。)

六神之设，各有攸司，吉凶善恶，以有而迁。

(言所司各吉凶，凡雀司言，武司计，龙司生，虎司杀，勾司实，蛇司虚。)

夫万物之情，与类相亲，亲其所同恤也，非其类则不亲，不亲其所相恶也。以仁为体，不处残刃之乡，故龙避金爻也；以杀为威，当亲礼让之地，虎伏火爻也；明智则胜人之争，水以制雀也；笃信则化物之狡，土以制武也。

(青龙为仁，金克木则吉而不吉，白虎为杀，火克金则凶而不凶，元武为水智，能胜朱雀之争，勾陈为土信，能制元武之狡，此复以物情推之而合也。)

故六神吉者，喜生、喜助、喜动、喜持世，六神凶者，宜制、宜化、宜散、宜逢空，复加于六亲好恶而悔吝自昭。

(以六神参于六亲，则吉凶悔吝，昭然不爽。)

其大六神将，以周正为法，而先天分位之龙起子，虎起午，朱雀以卯，出自离门，元武以西，出自坎座，勾陈督文事而顺游，螣蛇由武备而分狩。

(大六神法，因周正建子，以先天位分之，故青龙从先天坤位，则自子上顺行，白虎从先天乾位，则自午上顺行，朱雀从先天离位，则自卯上顺行，玄武从先天坎位，则自酉上顺行，勾陈黄帝之命，六神之宰，从亥顺行，督从青龙而巡，螣蛇为游神，自白虎午上相分逆行以狩四方也。)

司日之将，法天五运，司月之神，行地六气。

(日建六神，皆起天干，月建六神，皆起地支。)

犹有司时六神，其则如日，司贵六神，其则如星，凡星宿之光，不及于日月，时辰之力，不敌

于春秋，故曰日月六神为要也。

（时神亦起天干，贵人亦从贵人星而起。星宿之光不大，时辰之权不永，安能如日月六神乎？）

## 世应章第八

刚柔磨而卦立，上下荡而易成，易章成而世应出矣。

（易章谓乾为天，至雷泽归妹之章。）

盖世应出于三才始备之际，非易成而后有也，然成易而有名焉。

（世应事物之主宰，三画始备三才，以四象生成八卦之时，则第三画即三才始备之爻，因名之应；复以八生十六成八纯之际，则第三画乃纯之第六画，亦三才始备之爻，因名之世，然世六而应三者，以三成才而六成体也。以体言象，以世言法，故从世爻上下循环，则世应出于成卦之时，非有于易章之后也。）

故八纯六世，八生十六之因也；三应，四生八之由也。重之为六，故世居六；不重则三，故应居三，世犹身，应犹物也。

（六者体象既成，专言之而为身，三者卦爻未备，概言之而为物也。）

顺而行之，推而广之，以易章而次北之，循环已终，逆顺反止。

（自乾六世，姤一世，遁二世，否三世，观四世，剥五世，乃谓顺行推广，次第循环，至五而终；终而始，顺而逆，故晋四世，大有三世，乃复还三才始备之爻，所以世应从此而止。）

至归魂而变化之道复，及游魂而上下之理迁，皆非人力所能为也。

（自八纯六世三应，及归魂三世六应，变化之道，于此以极，顺逆之理，于此以终；自五世剥至四世晋，逆而不顺，下而不上，恒常之理，于此以迁，皆有自然之道，故占者遇游魂主变，遇归魂主复也。）

五星降位，乾六世而起镇星，土，万物之母也；一世继于太白，二世继于太阴，太阴继岁星，岁星继荧惑，荧惑复继镇，而生生相续以循震坎艮坤巽离兑归妹，而岁星终焉。

（乾卦壬戌持世，坤卦癸酉持世，皆纳干支之法，然五星二十八宿之持世，卜筮未考。汉京房以土镇星降次于纯乾六爻，土乃万物之母，因以土星为始；土生金，则姤卦辛丑，降次太白；金生水，则遁卦丙午，降次太阴；水生木，则否卦乙卯，降次岁星；木生火，则观之辛未，降次荧惑；火生土，则剥之丙子，复降次镇星；土生金，则晋己酉，复降次太白；金生水，则大有甲辰，复降次太阴；水生木，则震之庚戌，降次岁星，生生不息。震宫生坎宫，坎宫生艮宫，艮宫生坤宫，坤宫生巽宫，巽宫生离宫，离宫生兑宫，及归妹丁丑而岁星终焉。）

盖不言水而言太阴者，太阴，水之精也；不言太阳，而言荧惑者，太阳，则日辰之权也，京子之传，岂有谬乎？然五星灾祥之现，现于特变者也。

（日为君主，故不同列，而以荧惑代之，其吉凶之应，必以独发，然后配事为验。）

镇星主安，则司城郭屋室土地泰康之事，而不可以越为；太白主兵，则司于戈矛威武刑杀绝灭忧丧之事，而不可以居，且其色光芒，其性锋利。

（土星特现，凡事皆吉，但只宜守信，不可妄为；金星特现，主兵丧，若值白虎官鬼有凶，临青龙子孙无咎。）

荧惑火星，伏？？不测，亦司文章之事，而他遇者凶，若见太阳，其光熄矣；太阴主慈慧，配圣母之德，惟司赦宥之事，若临咸池，其德败矣；岁星则主万物，遇吉则吉，遇凶则凶。

（火星唯司文章，余皆凶，若遇日辰克之则无患，占宅与火鬼同发者，主回禄；水星特现，凡事消释，咸池临之，则主淫乐致凶也。）

经星聚世，参宿起乾，实沈晋地，乃乾之方，男从父，女从母，而例之，盖天星各有所司也。

（参星在实沈之分，晋地为中原之西北，故参星降起乾卦六爻，以乾震坎艮坤巽离兑为次，顺布六十四卦之世爻，此京夫子之传也。）

有以乾巽角、坎离斗、艮坤奎、震兑井、八纯归魂之宿，先世应，而自外以布至内，则三百八十四爻，各有一星司之矣，然祸福之兆，入于主象而兆也。

（以乾世爻起角星，应爻是亢星，五爻氏星，初爻房星，四爻心星，二爻尾星，此乃先世应而后自外以布至内也；其姤卦世爻起亢星，应爻是氏星，二爻房星，六爻心星，三爻尾星，五爻箕星之法是也；大有世爻起斗星，坎卦世爻亦起斗星，归妹世爻起角星，乾卦世爻亦起角星，此乃八纯归魂之宿也；然归妹三爻角星，六爻亢星，初爻氏星，五爻房星，二爻心星，四爻尾星。盖世应之星，八纯归魂相同，而余星则异，此黄金策刘夫子之传也。）

昏中为吉，旦中为凶，日缠其垣则善，月丽其次则祥，然曲尽傍通，存乎人尔。

（昏中则星光故吉，旦中则星晦故凶，如今正月昏中乃胃星，二月中乃毕星，三井、四柳、五翌、六轸、七氏、八尾、九斗、十女、十一室、十二奎，遇此则吉，若日月临之，用神复值于其上，则尽善矣。盖尧时日短星昴，太阳出虚，今日短星毕，太阳出箕，天行日行有岁差，故今古不同，因略言之，然后世当随时而定。）

是故随官入墓、助鬼伤身、合处逢冲，此占世之凶征也。

（此三法皆从世爻而设，五星经星，又其次尔。）

我求我得不可世空，彼有彼来岂宜应陷，破散有败亡之象，动冲为更变之端，变进神，少而成

多，化退神，厚而反薄，三合无而生有，三刑强而自敝。

（进神如物之长，退神如物之消，世如空者，日月动爻，三合拱而扶之，则过旬而有，世如动者，日月变爻，三会而刑之，则终及于敝。）

若夫二势相胜，二事相交，二意相疑，则重于生克。传曰，一卦中间，主宰幕非乎世应，容可忽与？

（彼我之势，不宜应克世，而宜世克应，彼我之交，不宜世生应，而宜应生世。凡值人己之占，最重生克之势。）

## 身法章第九

身法有二：由卦而立，谓之卦身，日月卦；由世而立，谓之世身，曰身居何爻；世身之法，必备于爻，卦身之法，或阙于卦。

（其法始于复姤，谓一阳一阴之世，则为子午月卦，二阳二阴之世，则为丑未月卦，三阳三阴之世，则为寅申月卦，四阳四阴之世，则为卯酉月卦，五阳五阴之世，则为辰戌月卦，六阳六阴之世，则为巳亥月卦，即卦身是也；如乾六阳之世，卦身在巳，坤六阴之世，卦身在亥之法。子午之世，谓一阳一阴，则世身在初爻，丑未之世，谓二阳二阴，则世身在二爻，余以类推；如小畜子爻为世，故世身在初，大畜寅爻为世，故世身在三之类。）

盖卦身者，卦之体也，则象人心之用焉，静则坦怀，合则适意，故见于卦，若体有所依，失其位，如心无所主。卦身者，事之主也，则兼彼己之用焉，己用则七，彼用亦三，故行人遇合当归，谋望遇合可就。

（卦身为卦根事主，合有得见得成之象。）

空破主犹豫进退之端，动冲应变更惶惑之义，不宜重见，则两从之念生，最忌冲亡，则干虑之知失。

（卦身若遇空破发动暗冲，主身心二三，一卦两身有二心之象，动逢冲散有恍惚之嫌。）

若夫世身之用，空主疑，动主乱，破主败，冲主变，散主失也。

（世身唯避此五者，然可参看，不当泥也，若世爻旺相，此何伤乎？）

凡看二身，先宜无病，然后以六亲六神星杀详之，功名仕宦，喜文书官鬼青龙朱雀贵人临之，而子孙勾陈为忌；财利经营，喜子孙妻财青龙天地财临之，而鬼兄白虎为忌；狱讼喜坐子孙，而鬼侵为忌；忧患恶临官鬼，而身空反安。

（先贤身上临官不见官，疑未当，凡忧疑损害，则反以身空为吉。）

大抵吉凶之应，世身之吉凶不若卦身之重也，卦身之吉凶不若世爻之重也，学者辨之。

（吉凶征应，当以世爻先之，卦身次之，世身又次之。）

## 间爻章第十

间乃中间，复名离间，是世应内之中爻，间离宾主者也。

（如乾四五为间，复姤二三为间。盖世为主，应为宾，为此两爻相隔也。）

时而为忌，于举动为阻滞，谋望为结碍，通问为断绝，交与为离间，从事为诽谤，征战为忽突，进取为摈隔，凡为我忌，宜静不宜动也。

（法曰：世应当中两间爻，发动所求多阻隔是也，唯动则应焉。）

时而为用，如婚姻为媒妁，词讼为中证，造作为匠工，家宅为窗牖，馆席为从学，舟车为附载，胎产为收保，凡为我用，宜生助而不宜空破也。

（生助有力，空破无功，近彼近我，占其所向。）

然间值鬼爻，则忧生内地，如病居心腹，鬼犯明堂，修行而扰尘缘，处事而愠群小，值则已形，动则又甚。

（间爻不宜临鬼又动也。）

夫身世前后之爻，而云未来已往，初四之爻而云左右为邻，二五云君臣之象，初上云天地之分，三四云门户之司，重交云隐现之事，诸爻有用，况间爻之处中乎。

（如六爻身世，初为前而五为后，初爻身世，二为前而六为后，以其进为将来，退为已往也。四爻为左邻前邻，初爻为右邻后邻，盖左与前同，右与后同也。五乃在上居中之爻，故曰君，二乃在下居中之爻，故曰臣，天地之大，不可以数拘，故有初上之名，而无一六六九之称也。三四乃内外出入交接之爻，故曰门户，交重乃阴阳之象，事已萌者为现，未萌者为隐，阳现而阴隐也。易云占事知来，卦书重主已往之说，亦言已萌，而未言已过也。诸爻俱因象为用，况间爻备事物之象，其可遗乎？）

## 易冒卷之二

### 变互章第十一

老阴之为少阳曰变，老阳之为少阴曰化。盖变者如物消而长，退而进，夜而昼也；化者犹物成而败，上而下，中而咳也，变变化化之以名焉。

（交为老阴，变而成单，六变七也；重为老阳，化而成拆，九化八也。）

以七八九六言之，则有消长成败进退昼夜之象；以喜忌言之，则有生克往来日月破败之分也。

（易以奇偶老少著象，卜则专以用神察变爻而定吉凶。）

上下皆少，勿以暗动而言变，内外有老，勿以宗庙天爻而不之。

（易云：老变而少不变，爻非六九，皆不变也。易有用九用六，则爻爻可变，岂以宗庙天爻而不不变乎？俗传暗动亦变，上爻虽动不变，皆误也，特为正之。）

夫占先求用神，用神衰旺，初观动爻之喜忌，动爻衰旺，再观变爻之喜忌。

（若用爻衰，即观动爻，来生则喜，来克则忌，动爻之衰旺，再观其所变，如午建壬戌日占财，得困之坎，木死于午，亥子元神衰弱，本不为吉，不知亥化长生，元神反为有力，后果得利。）

再观他动爻之喜忌，再观他动变爻之喜忌。

（他动爻与他动变爻，是我喜者，喜其生旺，是我忌者，喜其衰囚，如未建壬申日占兄弟病，得同人之旅，卯爻元神生用，本无伤害，然申爻克我卯爻元神，后至酉月丁亥日，其病不治，此他动爻之喜忌也。如戌建庚戌日占官，得剥之渐，子动生卯，卯动生巳火官星，宜应升迁，谁知子化巳绝，不能生卯，卯化申绝，不能生巳，巳官入墓，后逢亥令解组，此他动变爻之喜忌也。）

生生克克，当明中有破散而生不相续者，中有制伏而克不相继者，中有暗动爻以绵其生者，故虽诸爻乱动，以用神求之，则一贯矣。

（如申建酉日用财，而遇丰之萃，申亥卯动，生生于午矣，中有卯被酉散，不续其生，反亲其克是也，酉月破卯亦然；设如寅建未日用官，遇临之蛊，巳日酉动，生生来克于卯矣，中有丑被未散，而酉反被巳制，不续其克，反得其用是也，酉爻破散亦然；如戌建辰日用兄弟，而得乾之家人，寅午忌仇皆动，并力来克，中有戌爻暗动而绵其生也。）

用神变生而吉，变克而凶，易见之理也。用神绝而适逢动生，生爻又变，不可不察也。六爻皆动，则六爻皆察其变，变爻之力，岂不参于日月乎？

（爻爻有变，爻爻当察，一以用忌元仇及泄气参之。）

虽然惟日月能制变爻，变爻未能制日月也，然日月克我，变爻来生，犹绝处逢生也，而变爻不能避于旬空月破，故变爻弗及日月也；动爻不能避于化冲变绝，故动爻弗及变爻也。卜筮之道，日月为重，？动变次焉。

（如亥日月用世爻，遇遁之乾，是日月克我，变寅生我，谓之绝处逢生，或在申月，或当辰旬，则所变寅木遭月破旬空，不能生矣。）

虽然有爻变，有卦变，六合之卦，谋事必成，若化六冲，则无终也。伏吟反吟，生克墓绝，皆卦变也，容可忽乎？

（义例俱详后章。）

夫卦变之中，且有互焉，互，交互也，中四爻之扭也，有变先以之成内，正成外，无变则以悔成内，贞成外者，何也？筮得其动，则易之情现乎动，故先之，不动则易之情，备在贞悔，故从之。

（有变爻，即以变卦二三四爻为内卦，以本卦三四五爻为外卦；无变爻，即以二三四爻为内，扭悔一爻而成贞，以三四五爻为外，扭贞一爻而成悔。）

互之为法，因飞伏变卦之内无用神而后求也，取其二体配之六亲，究生克于日月动爻之中，而吉凶见焉。

（戊申日占子病得晋之剥，飞伏变象皆无用神，互比外见坎水为子，动爻生之，后至亥令而痊，若五月占坎子当破，甲寅旬占坎子当空，虽互见无用也。）

故互象虽轻，理之所有，别传所列对卦、交卦、反卦、倒卦之例者，均无取焉。

（如天风姤与地雷复为对，如巽卦与睽卦为交，如屯卦与蒙卦为反，如讼卦与需卦为倒，此无当于义理也，皆删之。）

## 飞伏章第十二

飞伏之法，意在用爻，筮而无用则求之，筮而有用亦察之。

（飞伏，谓飞象无用神，而求伏象用神，然或飞象有用神而衰绝，亦察之伏中，如子建戊寅日占官得困之兑，飞象午官临身为用，当子月无用矣，谁知世下巳官，伏神长生，孟春反应迁级也。）

当先究飞上之用神有病无病，而后求伏下之用神有用无有，何谓之飞，变而游于上下，何谓之伏，从而互于阴阳。

（自十六变章循环游于上下，游魂四世而出，归魂三世而返，阴阳相互，前后相从，故天地雷风水火山泽互为飞伏，如乾伏坤，坤伏乾是也；由一世及五世，相从相包，故皆以本宫为伏，如姤遁否观剥伏乾是也；游魂游出他宫，变自五世，故外伏五世之外卦，从也，内伏两仪之内卦，互也，如火地晋伏山天大畜，外从艮，内互乾之义。归妹（魂？）归入本宫，故内以两仪之伏，外以本宫之伏，如火天大有伏天地否，内互伏坤，外从伏乾之义，他卦仿此。）

其所谓专主者，乃世下爻也，动下爻也。动下伏爻，力不及世下伏爻之半矣；静下伏爻，力又不及动下伏爻之半矣。

（法云：六爻皆有飞伏神，惟有世下一爻为最要。盖飞犹动也，吉凶悔吝生乎动，是以动下伏神亦有取尔。）

是以定吉凶者在乎时，分轻重者存乎力，有伏而出，有伏而不出，当研之也。

(时谓日月也，力谓得日月生扶也。)

所谓飞生之伏、飞助之伏、飞空之伏，及伏克飞，四者谓之出也。

(飞来生伏，谓飞生之伏；飞伏比和，谓飞助之伏；飞值旬空，伏爻易出，谓飞空之伏，倘飞爻旬空而遇日冲，全实者不露，不全实者少露也；伏克飞爻，不拘飞破死墓，此四伏能出也。)

其有飞克之伏、飞破之伏、飞散之伏，及伏绝飞，四者谓之不出也，此皆以静爻言也。

(飞来克伏，谓飞克之伏；飞爻月破，谓飞破之伏；飞爻休冲为静散，谓飞散之伏；伏爻绝于飞爻，虽飞生伏，伏克飞者，亦谓之伏绝飞，此四伏不能出也。)

若世与动爻之下者，惟飞克伏、伏绝飞二端不出，余皆得出也。独伏生飞，动爻世下者出之半，静则不出也；尚有伏爻空破，虽能出而实不出，如伏爻日月虽不出而同出也。

(此言伏出之全半，伏爻自遇空破，犹物已敝，纵值莫起，若旺相空亡，过旬复出，若伏爻临于日月，虽处四等不能出之伏，而日月高悬，势同出也。)

是故其一世下伏，其二动下伏，其三静下伏，各有强弱，用既出矣，则所应灾祥悔吝与飞神类焉。然而用伏不及飞，用日月悬虚，不及伏实也，学者辨之。

## 反伏章第十三

冲击悖违，谓之反吟，神忒气分，谓之伏吟，盖六九之贞悔则是，七八之贞悔则非，唯动则变，变则反伏兆焉。

(化冲曰反吟，化去曰伏吟，皆以卦有交重而成，彼静配反伏者误也。)

反吟视伏较重，然有卦反爻反之别，真伪轻重之分。

(用地祿诀：戌亥乾，冲辰巳巽，未申坤，冲丑寅艮，卯震酉兑，子坎午离相冲也，如乾化巽，巽变乾，坎化离，离变坎，谦之剥，剥之谦，归妹之随，随之归妹，同人之涣，涣之同人，师之贲，贲之师，此内外反吟也，余卦仿此；如大有之鼎，此内反吟也；如大过之恒，此外反吟也，余卦仿此。)

日月从往，空破从来则非。

(凡所得卦属，或临日月，所变卦属，或值空破，是日月乃从所往，空破乃从所来，亦非真反吟也，如戌建或亥日，遇乾之巽，此日月从往，午建或甲寅旬遇离之坎，此空破从来之类是也。)

空破从往，日月从来则重。

(凡卦值空破，而化反吟，卦变日月则凶，以先自坏复被冲也，如兑之震，遇卯日月，及在甲戌旬之类是也。)

半从往半从来则轻，此所谓卦反也。

（有一半值空破，一半值日月，则半凶而轻也，如未建坤之艮，或甲戌旬艮之坤类是也。）

爻反者，日月在动，空破在变则非。

（此言爻神反吟，凡日月在动爻，或空破在变爻，非真反也，如巳化亥爻为反吟，倘遇甲子旬，及遇巳日月则非也。）

空破在动，日月在变则重。

（先空破而化日月则凶，如卯化酉爻，倘遇甲辰旬，及遇酉日月则凶是也，盖日月如天，诸爻莫敢当，空破如病，诸爻莫能支尔。）

动爻冲散，虽变空休亦重，此所谓爻反也。

（若动爻与卦内动爻自相冲散，虽化旬空休囚之反吟，亦凶而无用也，如寅建甲子日占母病，得坤之巽，卦中巳父先与亥财冲散，化亥反吟，纵空而亦不救也，后验，况休囚之爻乎。）

邦畿国祚，内反吟而社稷摇，外反吟而人民乱；出师征伐，内忌而外喜也；卜旧住，内卦现而有非常；迁居，外卦兴而生不测；入宅，反吟在内，则居宅不宁，反吟在外，则诸人失利；与人斗者，内反而我受伤，外反而彼遭辱；缉捕，以内为亡，遇则我生事绊，以外为逃，逢则彼触网罗；疾病，而主属恰逢反吟者大凶。

（主属即乾父坤母，震长男，巽长女，坎中男，离中女，艮少男，兑女是也。如寅建癸酉日，占长子病，遇震之兑，子遇长生，本主无事，兑乃反吟，后仲伙而卒，不论其用也；如坤艮皆土应相助，然寅申丑未相冲，有不利少男老母之象，不论其助也。大凡爻之反吟，用神遇之而凶，卦之反吟，有忌不忌。）

伏吟之法，止以乾震交互而名也。夫以八卦言，则乾克震，以主属言，则长男伏吟，以木言，则养戌生亥，各有轻重之戒。日月在卯，则震往不成咎，日月戌亥，则乾往不罗凶，亦有真伪之分也。

（乾之所纳，子寅辰午申戌，震纳甲亦同，故谓之伏，然无卦爻之别，日月不可摇易，故分忒纵伏，弗成凶咎。）

筮长男身命，得豫之否而后为君戮，以震受乾克也；筮老父疾病，得乾之震随亡，以乾化神忒也。此外唯国事、征伐、住基三者忌之，俗传八纯为伏吟，未济既济为反吟者，岂通人之论哉。

（吉凶生于动，动则变，而后反伏以分，古有化反吟伏吟，无配反吟伏吟也。）

## 归游章第十四

自他宫而入曰归魂，自亲宫而出曰游魂，是往返之卦也，吉凶大旨，不系于斯，惟世为用者则参观焉。

（魂犹神也，归游之本，从世而来，因变以立。）

我止欲久，游魂则不久，我行欲出，归魂则不出，彼留可常，游魂则不常，彼往可必，归魂则难必也。夫游魂之为象也，变迁而不恒，惶惑而不定；归魂之为象也，志志而不正，拘泥而不行焉。

（故先贤曰归魂不出疆，游魂心不定。）

于坟墓曰亡，于身形曰心，于疾病曰神，于神像曰灵；游魂主动而归魂主静，亦随卦爻之喜忌而断之，不可执也。

（占坟墓，游魂则亡者未安，归魂则亡者入室，京夫子所谓游魂归魂为鬼易是也。）

## 升降章第十五

升，犹生也，长也，进也，来也；降，犹死也，消也，退也，往也。天地之间，惟阴阳之消长，六合之内，惟六气之往来也。是故一阳升则六阴降，从复左旋于乾也；一阴长则六阳消，从姤右旋于坤也。

（自震而履离兑以至于乾为左旋，自巽而履坎艮以至于坤为右旋，则乾兑离震巽坎艮坤为次而易立焉，详见成卦篇。）

三才由此而备，万物自斯而成，无不由乎四象六爻，上下往来之中，以复言之，其初为升爻，其上为降爻，若二月占之，则四爻阳为升，三爻阴是降也。盖升降务以占时言，毋以卦体言也。

（卦体升降，如复一阳升六阴降则是矣，然升降之法，取用占时，设如春分后占，乃四阳升，三阴降之时也，即以所占之卦，凡逢四爻为升爻，三爻为降爻，但四爻若属阳爻，则为真升，三爻若属阴爻，则为真降，反之则非。复卦可玩，余皆仿此。）

期日卦爻，以谓冬至法颐六四者，而震兑坎离，弗能均布其中，因莫于升降之外也。

（其法以冬至日起山雷颐之六四，一日行一爻，一月行五卦，一年共六十卦，而震兑坎离，加于二至二分之时，弗能自然，故莫于升降之外，独河洛变数理贵之，凡正月小过蒙益渐泰，二月需随晋解大壮，三月豫讼蛊革夬，四月履师比小畜乾，五月大有家人井咸姤，六月鼎丰涣旅遁，七月同人节恒损否，八月巽萃大畜贲观，九月归妹无妄明夷困剥，十月艮既济噬嗑大过坤，十一月未济蹇颐中孚复，十二月屯谦睽升临，如此序尔。）

盖用神居升，则日大而月新，用神居降则日消而月削也。是故升降之法，兼参用神衰旺，亦未可执一而论也。

（升降不及进退之力，又必参看用神旺相，升而更吉，用神休囚，降而更凶，不可执升降以定旺衰也。）

## 进退章第十六

吾闻天道一日一周，而黄道日不及天之一度，顺轮而前者谓之进神，逆轮而后者谓之退神，是以亥变子而前进，未变辰而退后也。

（进神右顺行西，退神左逆行东。）

同行之化，则有进退，异行之变，则惟生克。是以申变未而为生，丑变卯而为死，岂以进退言哉。

（同行，五行同类论进退，不同类论生克。）

夫进神之法有三：一曰大进，二曰不进，三曰不能进。盖动旺相而变日月，乘势得位，谓之大进；动日月而变空破，无阶无路，谓之不进；动破散而变日月，我位既失，何以得前，谓之不能进。

（如午建甲戌日用官，得革之同人，未变戌者是大进，未已旺相，戌乃日建，此动相而变日也；卯建庚申日用父，得丰之革，申变酉者是不进，申乃日辰，酉已月破，此动日而变破也；申建癸卯日用子，得屯之节，寅变卯者是不能进，寅已月破，卯虽日辰，此动破而变日也。）

退神之法，亦有三：一曰实退，二曰不退，三曰不及退。盖动休囚而变休囚，是乃从流忘返，谓之实退；动日月而变空破，我德克备，谓之不退；动破散而变日月，溃败难收，咨嗟何及，安能退哉，谓之不及退。

（如午建辛巳日用财，得兑之随，卯爻休囚，化寅又休囚，是休囚而变休囚，乃为实退；寅建丙戌日用父，得乾之夬，戌乃日辰，物无可伤，虽化未空，亦不退也；申建癸卯日用兄弟，得兑之丰，酉已冲散，物不能扶，虽变申为月建，亦不及退也。）

凡进以成得，退以败失，用神成败，吉凶分焉；元忌旺衰，灾祥见焉。化进有日昌之势，乃功名得志，身命荣昌，嫁娶财求，往而遂意，若忌神遇之，则忧方大尔；化退有道消之嫌，然灾祸渐弭，讼衰病退，寇贼无侵，若用神遇之，则未易得志也。

（用神元神欲其进，忌神仇神欲其退。）

故进而得日月生扶，其力愈盛，退而得日月制服，其气愈衰，盛衰以时，从舍以类，而吉凶尽矣。

（既审进退，兼参日月，而旺衰益见。）

## 有无章第十七

易法之要，其在用爻，然当辨本无而有，本有而无之义，始为无惑。

（俗学但以用爻上卦为有，不上卦为无，岂能通微刻验。）

本无而有者，其法有三：六爻无用而用藏伏爻，遇生扶于世动之下者，一也；伏受空破，或遭制克，而察日月临用神之上者，二也；日月飞伏总无，而互卦变爻之间，用神一逢生旺，三也。

（一飞无而伏有，一飞无而日月有，一飞伏日月无而互变有，飞重于伏，伏重于日月，变重于互也。）

本有而无者，其法亦三：用虽上卦，正值月破，一也；死绝无救，衰遇旬空，二也；发动交伤，日月互克，三也。

（此皆用神受伤也，然当权其浅深轻重。）

自无而有者，来事喜之，去事畏之；自有而无者，退事宜之，进事恶之。

（专分用忌为好恶，各以类推得之。）

自无而有者，功名荣禄，意外遭逢，财利子嗣，晚年忽遇，而官非灾盗，亦起无端；自有而无者，反此推之。凡推用神，虽遇动现独发，若不逢旺相及有制无救，均为无气之占，学者审之。

（本有而无，本无而有，皆非常占。盖人事之变，鬼神之不测两有之，非深思曲晰，未易得趋避之正也。）

## 墓绝章第十八

爻有生旺墓绝，卦亦有之，卦之为用，反胜于爻，盖卦包爻外，大象既凶，而不及小吉也。

（此专言卦体墓绝也。）

卦莫凶于墓绝，或墓冲绝破，或值空亡，则非真矣；或本卦临日月，亦非墓绝，如离变乾为墓绝，若午日月或甲子旬，是伪非真，若逢日月填实其乾，则为凶象矣。又有墓而不绝，绝而不墓，均非真也。

（此辩墓绝真伪也，如墓绝遇空破非真，日月填实则真，墓绝一缺非是。）

墓绝之用，唯国事、出师、身命、住基、疾病五者之忌也。国占岂曰灵长，师占我军或溃，身命疾病，主属而凶，守不利内，迁不利外也。

（卦化墓绝，诸占不宜，而五者尤凶。）

墓绝之外，空破当参，内卦空破，不利旧居，外卦空破，岂宜新宅，空谓之多虚，破谓之少气，国事出师，皆非宜也。

（空破稍轻于墓绝，唯疾病不忌。）

是以八卦之化惟五，五行之化乃十二，是故坎化坤为克，水则养生，震化坎为生，木则言败，此八卦五行之分者，类此推之。

（唯五，金木水火土也；十二，长生沐浴冠带临官帝旺衰病死墓绝胎养也。）

## 卦候章第十九

夫五行以旺相休囚死之分，复有长生沐浴冠带临官帝旺衰病死墓绝胎养之义，而八卦岂无旺相胎没死囚休废之用哉，然以月令言毋以日時言也。

（八卦旺相休废之法，诀云：立春归艮土，春分震木齐，立夏时当巽，夏至本寻离，立秋坤土主，秋分兑泽奇，立冬乾旺处，冬至坎方宜，当权八卦临八节，逐卦循环细细推。）

阳之生也，气有十二，阴之生也，亦气有十二，阳之候三十有六，阴之候亦三十有六，是以岁有七十二候也。

（阳生候十二气，如冬至小寒大寒立春雨水惊蛰春分清明谷雨立夏小满芒种，阴生候十二气，夏至小暑大暑立秋处暑白露秋分寒露霜降立冬小雪大雪，一气三候，阴阳各三十有六，合得七十二候为岁。）

冬至坎旺而艮相，春分震旺而巽相，夏至离旺而坤相，秋分兑旺而乾相，卦旺三气，亦有一候之余旺，支司六候，亦有一候之先司。

（如立春艮旺，至春分后艮尚旺五日，未即废也。支神主一月之权，如巳司六候，而未及巳五日，其巳已得气，盖余寒兆暑之义。）

夫一阴一阳，生子午之半者，南极北极之道，穷而复返也。

（日行南极，冬至而还北，日行北极，夏至而还南；还北，则日轮之行舒，而日加长，还南，则日轮之行疾，而日渐短，惟二分日行赤道，乃得其中，故以冬至方旺于坎，夏至方旺于离，盖震兑得东西之经，坎离得穷返之理，自然之妙也。）

故冬至始起于坎，而旺相胎没死囚休废，终止乎乾，则坎艮旺相三气，谓旬空而弗空也，震巽胎没三气，谓囚而不囚也。

（如冬至后坎旺艮相，丑建甲寅旬筮坎，则过旬弗空，复如丑建得震巽，则言胎没之卦，而弗为克我者囚也。）

盖旺相胎没，或当日之冲而不云冲，死囚休废，或当日之建而不云建，此卦候不与爻神同也，然其所用独以邦畿住宅为先要焉。

（若震值旺，遇酉日而不为日破，仍论其旺相，坎值死，遇子日而不为日建，仍论其死囚，以卦候司四十五日，所概远也。）

## 干化章第二十

天干曰五运，地支曰六气，是以能成四时而造万物也。五运施之，六气成之，运，施未形，气，分有迹，是以浑天甲子，配才官父兄子于地支，而不及天干也。

（干以气化，支以形化，卜重地支，亦有参用天干者。）

然则天干无所用乎？圣人纳甲，支干同纳，干以干取，支以支求，卦无用爻，而遇动象上之天干，与日月之天干，亦合化而为用，但化用而逢日月动变生扶则有，克破则无。

（如辛卯年丙申月丙子日，占子存亡，得观之萃，以为子孙不现，乃应凶象，而不知丙辛化水，后及亥月甲辰日，乃申子辰会成水局，亥月值于所变之亥，子孙反得平安而归，则五化之验如此。）

化用之吉，求名求利，意外可成，捕逃不获而自见，索负失望而复全，避患化官，恐遭不测之殃，虑讼化鬼，倘犯无端之惊，此其象也。

（干化吉凶，俱当得之意外。）

五化之法，亦有由来，五虫之变化者，莫变化于龙，故经云逢龙则化也；五遁甲子，甲己化戊而成土也，乙庚化庚而成金也，丙辛化壬而成水也，丁壬化甲而成木也，戊癸化丙而成火也，龙阳物，五化皆阳也，故天干以运化成物，地支以气变应事，干支岂可失一哉。

（逢辰则化，如甲己遁丙寅，戊辰乃龙，因化土也，乙庚遁戊寅，庚辰乃龙，后仿此。）

一动为法，再动次之，日干为法，月干次之，六气用常，五运用特。

（特，独发也，独发与日干化合为要，然必因飞伏无用爻，而后求此法也，两动，偶一用之，不可恃也。）

## 易冒卷之三

### 岁君章第二十一

夫蕴周天之用，司六气之柄，继寒暑，分春秋，惟太岁主之，有君道焉？

（周天，谓黄道传次十二神，继三百六十五度二十四分二十五秒之数。六气，阴阳六气。）

其权则大而久，静而尊，若以定悔吝吉凶，则有其位而未亲其司也。

（其吉凶之应，生克冲合，皆不及日月，谓其尊而不亲，高而难仰也。）

是故与爻神冲，谓岁破而不破，与爻神合，谓岁援而不援，生而不即生，伤而不即伤，空则可

空，破则可破。

（太岁与爻神相冲，但名岁破，若克爻神，但名岁克，值鬼但名岁鬼，未即为凶，故太岁在旬空则空之，在月破则破之。）

国占而现，喜静旺，忌破绝，无现则专论五爻，岁时降鬼而为海内殃，降福而为天下康。

（太岁现为君象，不现，则但以五爻为朝廷，太岁值鬼，九州灾厄，太岁值福，四海泰康。）

身命福持而生平安乐，家宅鬼会而岁月迍邅，仕宦则职崇台阁，词讼则事渎宪司，事干朝廷，喜生合世爻，忌冲克身象。

（凡上疏面圣请封等事，皆喜太岁生合世爻，则上合君心，太岁冲身象，则忧严谴。）

## 月将章第二十二

夫天地变化，阴阳消长，往来寒暑，各有其时，谓之曰令，则五行万物，皆从令而生杀，月将得无权乎？

（记曰：月建乃万卜之提纲；补遗曰：月将出令于三旬，往来咸服。盖能令则为权，故令于水则寒，令于火则暑，令于春则生，令于秋则杀。）

凡爻神值此，破而不破，伤而不伤，卦中无而若有，爻内绝而不绝，动逢冲而不散，旬逢空而不陷，用神遇此而吉，忌神遇此而凶。

（凡爻神若值月将，纵遇变冲动冲日冲岁冲，皆不为破，或动爻变（爻）日辰克之不为伤；倘卦中飞伏如无用神，而月建值用则有。忌神若动于卦内，则逾月而方毙，元神若动于卦内，则当月而呈祥。）

惟日辰能以相胜，后时能以相敌，盖物穷则变，器满则倾之义。

（日月之力相较，若月克日生，吉得十之八，日克月生，吉得十之七，日散月破而不相救也。夫用占后时，以后来得事之月为凭，如亥建丙寅日占考秩得萃，官临月破，本不为吉，而在次年孟夏方考，反为月建官爻，得上上卷。）

其为力也，能裁制旺相发动及变伏互之神，其为权也，岁君亦弗夺之。

## 日主章第二十三

夫周天包四时之成，立二至二分之节，荡磨六气之消长，非独赤道如是焉，盖日行黄道，昼夜之内，亦一周天，日主得无权欤？

（赤道即天度也，天无形，以经星为形，阴阳寒暑，虽周天所包，而一昼夜之间，天一周，经

星亦一周而缩，日行一周而又缩，日与月会，计二万九千五百三十零五十九秒三微之数，以月犹不及日十三度七之一，所以日主之权，得中道而无所不赖也。）

故日主所临，莫能破之，莫能空之，莫能散之，如金如刚，孰之能伤，用神遇之，谓之尽善，忌动何忧，仇动何虑，惟月将则敌其所司，他时则夺其所持，屈伸之义如此。

（用临日主出现卦中，忌神仇神发动，皆不为害，月将亦不能克，惟日主为元神生用，若月将为忌克用，则夺其权十分之二；若得事他日，即以他日为主，如辰建甲寅日占会得师，午财生寅当得，而在癸亥日摇会，火绝于亥反不得也，此屈伸之义。）

故与日月配爻象，月将则先从五法而后从十二法，日主则专务长生沐浴之法，是以日惟散，月惟破，日重绝，月重克，日有随墓，月无助伤，占者宁不以日主为先也？

（若以日月配爻象，用神投月将，则先论旺相休囚死，后论长生沐浴冠带临官帝旺衰病死墓绝胎养之法，如土爻用神，遇于巳月应相，其绝则轻，虽不可谓无绝，相与绝较，得相犹十之七，如遇申月其土则休，以生较休，得生犹十之七也。若日辰之生绝则独重，金遇巳而生者十之九，土遇巳而绝者十之九，唯以长生十二法而定衰旺。）

## 时辰章第二十四

时，由四时之相推而成年也，辰，犹五星之次编周天也，以昼夜效寒暑，以朝暮譬春秋，按六气成八刻，而呼吸之内，皆时辰所司也。

（十二时为一日，三十日为一月，十二月为一年，三十年为一世，十二世为一运，三十运为一会，十二会为一元，计十二万九千六百之数也。但时刻改于须臾，迁于呼吸，其权司只在一日之内尔。）

其要唯推长生十二法以应用神，然爻神与时冲合，则但有冲合之名，而无深中，能应日内之吉凶，弗应日外之休咎也。

（如午建己巳日占临产，得姤之鼎，胎空身动，理应当日申时可育，谁知亥子绝于巳日，且实其空，至次日申时方产，可见先求日而后求时也。）

是故其为力日近、日轻、日小、日速，其为象日卑幼，故传曰：时辰司顷刻之权也。

## 月破章第二十五

物以时而消息，则五行之衰旺亦然。夫建为六气之正，破为六气之反，以用处正，名为月建，犹乘时而驾也；以用处反，名为月破，犹违时而戾也。

（阳正阴反，阴正阳反，如巳月巳为六阳之正，则亥为六阴之反，于巳则得时，于亥则失时也。夫人生五行之中，不可违时，违时则困，是故君子审进退盈虚之理，兆如悔吝，宁守其困，卜如否臧，宁守其常，求如少遂，莫若待时，所谓居易以俟命也。若背而驰焉，躁而求焉，宁有幸乎？君子审于建破吉凶之象，而困亨之道得矣。）

是以生之不长，扶之不起，实如虚，有如无，为我援而无赖，为我忌而弗伤，在伏则不露，在变则不权，名之曰破，而无所施用也。

（爻神若逢月破，纵日辰动象变爻生之，亦不能昌，纵在变爻，不能生克动爻，主在伏象，不能现为卦象，乃失时无为之物也。）

唯值日则能实其破，后时则能补其过，若与鬼动，吉而不吉，凶而愈凶，以白虎杀神加临尔。

（大白虎为凶神，合官鬼动者，妄为肆暴，岂非殃乎？值日，如五月子日则谓实其破而不破，后来日辰遇子，亦谓实其破而不破，后来月建遇子，亦谓补其失而不破也。）

## 旬空章第二十六

空亡之法，轻重有别，或年空，或月空，或日空，或时空，未可概用，惟旬中空为重焉。

（年月时空存其名，独日辰旬空为真。年旬空偶一考之，如己亥生人，自筮寿命，于己未年寅建癸亥日得大畜，当推其七十戊申，乃甲辰旬空寅卯之类是也。）

旬空之法，当审建空、动空、填空、旺空、相空之义，半空、援空、安空之法。

（月建值空，谓建空，犹不空，反有用也；动爻值空，谓动空，不惟不空，反为动也，若日辰来冲，又不为散，反为全动，以其空逢冲实而复动焉；空爻遇冲为填空，若有旺相生扶，乃为填实，若遇休囚伤克，乃谓不全填实也；旺相之爻值空，为旺相空，必以日辰参之，若日辰亦生扶，乃谓真旺相空，若日辰克之，即为克空，若日辰泄其气，即为半空，此皆空而有用也。半空即上文所言；动爻日辰来生空爻，乃谓援空；日月动爻皆不来克空爻，乃谓安空，此皆空而不死也。）

破空、绝空、真空、克空、伤空之戒，凡十有三法，此旬空之秘也，然后分好恶轻重而考其吉凶焉。

（月破值空，谓破空；绝于月为绝空；春土夏金秋是木，三冬知火是真空，若辰戌丑未月，又以水为真空，盖月建来克，便为真空。所以破绝真空，皆系于月建之上，得一日辰或动爻来生，即成克空，轻于此也；如日辰动爻或一来克，即谓伤空，重于此也，是皆所戒之空尔。大抵旬空秘要，在日月动三象考求，日月为最，动爻次之，克倍生扶则重，生扶倍克则轻也。）

是以空于忌则吉，空于用则凶，故求事之成，财之得者，不可遇之；欲其来，求其有者，不可

遇之；占久不可空，占在不可亡，此六者乃空于用也。

（如谋望，世空，我求不遂，应空，彼意不谐之类。）

凡事之将避焉，将弃焉，将脱焉，将绝焉，将欲其不在焉，此六者乃空于忌也。

（如占避祸，鬼空则可避；如占脱役，鬼空则可脱之类。）

盖空居变爻则无司，空在伏爻则不现。

（变爻若空，不能生克动爻，故曰无司；伏神若空，不能透露卦象，故曰不现。）

空居六亲称其用，空临六神较其事。

（六亲谓财官父兄子，补遗曰：财空富而厚，官空贵而不荣，子空儿女必伶仃，父空屋室还衰败，兄空则弟兄少力。法曰：青龙空亡怀虚喜，朱雀空亡讼自己，勾陈空亡田甚芜，螣蛇空亡妖不起，白虎空亡丧服褻，元武空亡盗贼弭。）

世应空而分彼我之求，内外空而分新旧之基，间身空而分人己，阴阳空而分男女，出现伏藏空而分远近，五行旬空之则，是学易之模范也。

（中人强弱忌间空，祸己有无喜身空，男人阳空则弗出，女人阴空则防疾，非谓男女空而弗分阴阳也。近事忌出现空，远事忌伏藏空，非谓出现空而伏藏不空也。）

## 日冲章第二十七

日冲安旺之爻为暗动，日冲静衰之爻谓暗破，空爻遇冲谓之实，动爻遇冲谓之散，凡有四法，此日冲之要理也。

（如辰建卯日，坤酉子孙，谓之暗动，即半动矣；如午建酉日，离卯父爻，谓之暗破，即半碎矣；如午建戌辰日，乾戌世空，谓之全实；亥建戊子日，艮午父空，谓之半实也。如动爻遇日辰相冲，苟非月建，则谓之散，及动化冲亦散，或他爻发动来冲，若彼强我弱皆散。夫散，犹空也，则全无矣，纵有生扶，不可救药。）

其为墓冲、胎冲、克冲、绝冲，亦有四法，此日冲之分称也。

（辰戌丑未为墓冲，不论旺相休囚，静遇为暗动，空遇为填实。子午卯酉为胎冲，旺相则静为暗动，休囚则静为半散，空为半实也。如子酉之日，来冲午卯，虽旺相亦为克冲，其吉但得十之七矣。寅申巳亥为绝冲，纵旺相，静不能为暗动，空不能为全实，盖绝冲与克冲同也。克冲有三，子酉之日为克冲少轻；申亥之日克冲，绝而又克，故重也；寅巳之日绝冲，又重于胎克冲尔。）

其暗动，或临于元神，或临于忌神，或临于用神，各随其处而用之，若仇忌两发，而元神值暗动，犹得绵续生生也。然为吉凶之力则半，迟速之报则缓，灾祥之应则暗，如萌如窟，若启若击，

用而喜之，忌而恶之，其机如此。

（暗动之力，不及动爻之力。）

岁时之冲则不然，盖年用远而不言冲，时用近而不言破，是以日月之冲，非远近之比尔。

## 遇时章第二十八

吾闻用神得令则吉，失令则凶，理之常也，然有当时后时之用，岂可执一而论哉。

（得令失令，言其常也，事在后期，则勿执时令。）

故占于此月之得，此日之得，则用神当时为吉；若彼月之得，彼日之得，则用神当于彼时之令吉焉。盖夏月出而冬月入，水用为嘉，亥日问而巳日求，火用为善。

（补遗曰：冬藏夏货，宜巳午之财爻；秋放春收，喜卯寅之妻位。如寅建辛亥日占丁巳摇会，得节之中孚，巳财绝于亥日，兄动夺之，理不应得，然丁巳财当以丁巳日求之，而甲寅旬子兄值空，是日果应得会，可见遇时为卜筮之要。）

夫用神得于此时之令，则失于彼时之司，得于彼时之司，则失于此时之令，吉凶相胜，可不深辩乎？若随常之问，恒远之求，即当以占时用神得令失令而定灾祥，以其无时之可据也。

## 独发章第二十九

吉凶之应，鬼神之情，必兆以动而告我也，是以卜筮之道，求用象为枢机，而察动爻为情状。

惟一爻动而五爻之不动者，五爻动而一爻之不动者，事应之来，不验于用神，而验于卦象也。是以一爻独发，其占九六，一爻独静，其占七八，则由志动而鬼神知，鬼神知而吉凶生，吉凶之生由于动，所以重于动而轻于用也。

（大吉大凶，虽不系于独发独静之爻，然鬼神之情，常显机于此。）

夫占事之法，不可舍用神而求动爻，间有事验于动爻者，如占行人得甲子爻动而甲子日至，占病人得丙子爻发而丙子日亡，避火，遇甲午官兴而是日遭回禄，求名，遇丙戌父动而是岁反登科。

（酉建甲子日卜子归期，得夬之大过，月建子孙，是月应至，卯冲酉子，宜在丁卯日到，而当日甲子即归。午建己巳日卜妻病，得大畜之小畜，月破妻爻化绝，应在当日即亡，后待丙子日而死。未建戊午日占家宅，得乾之小畜，本应火灾，庚午壬午不应，至甲午日而回禄，以夏至后先壬而后甲也明。壬午年巳建甲戌日占功名得剥之晋，常法以子午卯酉乡举，后因鼎革，改丙戌而发乡科。以上皆验于独发，故虽不离用爻，而亦不执用爻也。）

如求财遇否之临而占八，乙卯日而得财。访友遇遁之节而占七，壬申日而会友。尚有己巳之静

而应于他卯日者，亦或验之也。静而独发，以值以合，动而独静，以值以冲，然必杂取用神忌神而当其爻象者则信无失矣。独动独静之法，则犹古昔之占验云。

（如寅建己亥日占求财，得否之临，卯财长生，兄破不克妻爻，主应有财，不得于癸卯而得于乙卯者，日值干支财也；未建丙午日占访友，得遁之节，应爻在壬申，是以壬申日遇；巳建乙丑日占子归，得睽之咸，而应丁卯日至。盖一爻之静，不惟验于相值，亦验相冲；一爻之动，不惟应于相值，尤应相合，决日之秘，仍看用爻。）

或曰，独发独静，止为吉凶告兆也。如求财遇财旺而有财，求官遇官旺而有官，行人遇用神生克而定其迟速，病人遇用神衰旺而决其死生，然后以独发独静之爻定其时，则每有验，此为论之中也。

（独发独静可以定时日、察事应，若遂以定吉凶，则须审用爻，不可执也。）

## 两现章第三十

夫用神之两现，将何主焉？必以其有伤无伤而定取舍也，舍其有伤，取其无伤，则可得一其主也。法所谓用得其用则吉，不得其用则凶，是故舍其无用而取其有用也，若两求之，则吉凶不定矣。

（伤谓旬空月破冲散克伤之类。）

然一动一静之用，犹有别焉，舍静取动，以动为事之兆也。不能得用神于飞爻，而求用神于伏象者，舍飞从伏，必以日月动爻之扶挈用之。

（飞用被伤，当索伏用，日月动与配，相生而从，相克而舍。）

后时生旺死绝，亦以不伤之神为论，是故未丑为用，而丑空未实，而败于丑月者，谓未实而丑破之也。

（后来日期，取配无伤用神，不可并索，如亥建戊午日占脱货，得大过，遇子月价贵，遇丑月价贱，是论丑破未，而不论建丑也。）

夫鬼神之于蓍不妄动、不徒现，必有所告也，是以卜男婚而两官者，竞相求也，卜女婚而两财者，交相与也；词讼两官，则非一狱之事，失脱两鬼，则是三同之偷；仕路两官而再加署敕，考场两父而复试文章。官主也，父头也，营谋重之而系两头两主；妻财也，子福也，身命逢之而多福多财；忧患二鬼而戒内外之惊，理财二妻而得往来之息；子孙两现而占嗣者，膝下有真假之嗣，弟兄两现而占交者，座前有名实之友。

（卦中用爻两现，推之人事，必有其象，用则喜而忌宜称也。）

卜居官遇乃二氏之同居，营葬鬼遇乃二亡之合葬也；所以戒文书者，父重而有交章之论也，忧

官鬼者，鬼重而有连绵之祸也，恶兄弟者，兄重而有繁兴之费也；鬼伏鬼为新旧之病，官化官为起倒之词。

（两现之象，最不易明，故详列于此，因事求之。）

盖两现于飞伏者，则取较之，两现于变互者，则勿取较也。其升观二分之卦，八纯二土之象，皆有成格，故无烦别论，亦以两现之法为用云尔。

（二分八纯，卦有一定，及得于变互者，皆不同两现之论。）

## 易冒卷之四

### 长生章第三十一

天地万物，始于无明，绝后而胎也。

（无明，即释氏所谓无明缘行，行缘识，识缘名色，十二因缘之类也；绝则无物，犹无明也；胎则有形，犹缘名色也。）

三位而生，七位而旺，十位而死，十二位而终始焉。

（法不以胎为始，而以长生为始者，以其未现形象也。长生法：金生巳，木生亥，火生寅，水土生申，以掌上顺数可晓。）

其所取用者，莫重于生绝，故金遇巳而不克，土遇巳而不生。

（十二位取用，最重生绝二端，即五行生克，不及生绝，故金遇巳而得生，土遇巳而言绝也。）

临官帝旺，用神乃昌，是故临官则食禄，天元禄之所授也；帝旺则位中，将星之所立也。长生曰日辰，帝旺曰正旺，二者孰能胜之。

（天元禄法：四位临官，即为禄位，如甲木生于亥，顺行四位，临官在寅，是甲禄在寅？矣；乙木生于午，逆行四位，临官在卯，是乙禄在卯矣；丙戊生寅，顺行临巳，是丙戊禄巳矣，余仿此。将星之法，以中神为主，子午卯酉，正中位也，申子辰，子为将星，余仿此。）

若沐浴冠带衰病胎养，则不胜五行之生克，病渐及于不神，养将需于有力，盖见生吉而见克凶，是故水败于酉为假败，火胎于子为伪胎，木胎在酉，论克不论胎，金衰在戌，论生不论衰也。

（此言十二位，唯长生临官帝旺为重，余位稍轻，还以五行生克为断。）

死墓之法，临死无救，则邻死矣，临死又克，则过死矣。绝亦如之。墓而有刑，如击如发，墓而无冲，为匿为藏。

（爻神投死日月变爻之上，或日月变爻内有一生之，则死而未死，绝而未绝也；既死又克，则为已死；无生无克，准克之半。凡用入墓，喜刑喜冲。）

盖用爻生绝于日辰之上者特重，生绝于月建之上者有分，夫月令也，日天也，轻重缓急不侔矣。

（生绝月建，须兼论当生、所生、生我、克我、我克之法，日重而月轻也。）

伏爻生绝于飞，动爻生绝于变，其法犹类日也，然有真伪之辩焉。本卦动爻，难言生绝，故曰动伤金而生土，亥发火熄而木荣，有同体之观焉。

（动爻化出之变爻，伏神本位之飞爻，如空如破，则非生非绝矣，故曰真伪。卦爻一本专论生克，不当参以长生十二法也，故曰同体。）

卜筮之道，归重支神，不分阴阳，同其生死，此其准也。若五行之家，析干支，分阴阳，则阳生阴死，阴死阳生，而长生亦异，盖五行阴阳，皆投胎于母而后养焉。

（丙为日，丁为月，皆投胎于子，自天开于子，而日月昭焉。日月即人物之仰依也，故先以火胎于子为法，养丑而生寅也。日出而作，日入而息，丙既生寅，人亦生寅也。阴阳不可同立，男女不可无别，丁寄生于酉，故下言祖母族抚之。盖阳干有十二位之用，阴干惟重死生，必欲分求，但以阳顺阴逆为法。）

既分男女，男顺而长生，女逆而寄生，以至临官食禄之地，乃见其功。

（盖阴阳干支，至临官而成功。丙临官于巳，巳既有丙也，丁临官在午，午即有丁也。）

男既长大，应合婚姻，惟寅丙远赘子辛之妻而养戊己者，戊之长生于寅，己之寄生于酉，皆曰祖母抚之，独此附其姑，然五行或同位、或相间，穷理反经而道尽矣。

（丙既生寅而长大，理合择配，丙合于辛，宜配辛女，当卯无辛，远逆寄生于子之辛女，赘为夫妇，天之造物，非定有常。火生土而土胎于子也，养于丑，故戊土生于寅，己土寄生于父娣丁长酉之姑，而各自成也。戊既长大，宜合癸配，卯中癸水娶之。土生金而金胎于卯也，养于辰，庚金长生于巳，辛金寄生于子，则祖母之族而抚焉。庚既长大，合午乙为妻，金生水而水胎于午也，养于未，壬水长生于申，癸水寄生于卯。壬既长大，合酉丁为妻，水生木而木胎于酉也，养于戌，甲木长生于亥，乙木寄生于午。甲既长大，合子己为妻，木生火而火胎于子也，亥天地之终，子天地之始，己辛之女，皆是子而嫁赘，盖男女皆自天生，五行或同位、或相间，穷其理而返诸常，可曲尽阴阳之道。法曰：子中癸己更加辛，丑中己癸复阴金，寅品甲木兼丙戊，卯中乙木癸水临，辰中戊土藏乙癸，巳中丙火戊加庚，午中丁火连乙己，未中己土亦逢丁，申内庚金坤壬水，酉内辛金丁己寻，戌中戊土辛丁位，亥中壬水甲木生，地支内有天干伏，天地人元仔细分。）

唯土之长生不一者，以地王起甲申，申中有坤，故土生于申，若分阴阳，则戊生于寅，己生于酉，而金木水火之内，皆不可以无土，始知土德之用，接续五行，分寄而旺，无往而不生者哉。

（土神之生，不一其所，土神之位，相杂而处，所以五行不可无土也。）

## 无鬼章第三十二

或曰阳为官，阴为鬼，复曰旺为官，衰为鬼，又曰官鬼为系（击？）爻，为制爻，大凡喜之为官，恶之为鬼，用之阳则官，用之阴则鬼，名异而用同也，卦不应无，亦不宜动。

（官鬼不必以旺衰阴阳分，但用则为官，忌则为鬼，然官亦可凶，鬼亦可吉。）

动而逢冲，动而有制，动而无助，犹不动也。有而空，冲而散，化而冲，犹不有也。卦中虽无而伏于世爻动爻之下，变而临于日建月建之上，则无犹不无也。

（此辩其虚实强弱之分也。）

空而动者，谓之半空，动而破者，谓之全凶。有云吉则不吉，凶则更凶，则以大白虎所临也。

（破本无为，因大白虎煞临之，其凶愈甚。）

其象在天为鬼神、为雷霆，在地为庙宇、社稷、厅衙、尸骨、妖邪、虫蚁，在身为主张、权柄、魂魄、识见、疾病，在家为香火、主宰、宗祖、魔倒，在国为仇敌、乱臣，在任为爵级，在事为讼非、为祈祷、为夫媚、为阻滞束缚。

（六亲惟鬼爻为象最多，所谓体物不遗也。）

故身命无鬼，谋望失主，处世无恒；功名无鬼，进取无成，升迁未遂；家宅无鬼，主无君德，耗散多端；谋望无鬼，事无主断，关说徒劳也。

（此言用鬼，鬼不宜无也。）

疾病无鬼，须看用爻，用伤则祈祷无灵，用强则不禳而愈；婚姻无鬼，须分男女，女占有少寡之嫌，男占则我非其匹；求财无鬼，须分主客，同本而权落他人，空拳而我无遭遇也；自逃则易以潜身，捕逃则难于觅迹，失物则勿以诬人，祷告而神不降，请托而言不从，事以类推也。

（此言无鬼，各有吉凶之辩也。）

故官鬼者，事之主也，祸之端也，出行行藏，贵乎静而勿动，兴词构难，畏其动而即成。盖凡防害及身，喜其无鬼，求事益己，利在有官，学者辩之。

## 绝生章第三十三

用爻属木，申日占而绝，水爻动而生，因名绝生，犹穷地而遇援也。

盖绝生之法有五：用神受日月之克，遇动爻之生，一也；受动爻之克，遇变爻之生，一也；受变爻之克，遇动爻之生，一也；伏用受日月之克，遇飞爻动爻之生，一也；伏用受飞爻动爻之克，遇日月之生，一也。此五者皆谓之绝处逢生也。

其不能生者有三：用神自受破散，不能生者一；飞爻动爻生我者受破散，不能生者二；变爻生我者受破绝，不能生者三。忌神亦以此参之。

身命世绝而逢生，虽困必亨，虽夭必寿；文科重父，武试重官，遇之者几落孙山，终登龙虎；男婚用财，女姻用鬼，遇之者后成泰晋，始则参辰。

鬼为我病，病退复进，用乃病身，危而得安；讼而又讼，官鬼遇日月之生，忧而不忧，子孙逢动变之助；出行世遇者安，行人应遇者还；占仁宦因众罚而增秩，占货财将亏折而居赢；捕逃而应逢，如鱼脱网，修道而世值，如龙飞天。

（名，谓官爻遇之；利，谓财爻遇之。）

内卦遇之，家宅衰而将旺，外卦遇之，人口减而复增。内为邦畿，外为政事，盖国犹家占。

其为吉也，犹旱遇雨；其为凶也，如火复炎。然唯日月之绝为真绝，日月之生为真生，又不可不知也。

## 合冲章第三十四

闻之和则合，击则冲，合主事之成，冲主事之败，吉则宜合，凶则宜冲。

筮得六冲，其名卦冲，无往而不散也，言多乱，事多变，行多违，谋多阻也。筮化六冲，其名变冲，占事主无后也，约婚而不终，结义而不信，营求而不遂也。卦冲谓之前冲，变冲谓之后冲，倘前六合而后六冲，又其甚已。

（卦冲有三：正卦冲，之卦冲，合处逢冲也。）

前合后冲，始繁华而终憔悴；前冲后合，初更张而卒和调；前合后合，伙伴契而讼狱缠，始终结而不解；前冲后冲，谋望难而官非散，亲疏背而不从。

爻冲有五：日冲则动，空冲则实，动冲则散，化冲则失，自冲则败也。爻合有四：静合为起，动合为绊，化合为援，自合为好也。

（化冲，巳动化亥也；自冲，卦中子午两动也，亦论强弱。化合自合，反是而推。）

独夫六合遇日辰冲害于世应之上者，其名合冲，犹功之几成而败，财之既得而失，婚之几从而违，谋之几就而变，不可居也。不言冲合者，既败不可成，既解不可交，既失不可得也，即得之亦他应也。

（如午建丙子日，占婚得兑之节，卦虽六冲，其日月合世应，变成六合，以为始悖而终就，及后二家皆得偕，此占不成，故不贵也。）

且有爻之合处逢冲者，财鬼冲害忌婚姻，父官冲害忌功名，子妻冲害忌谋生，然而视世应冲害

者则稍轻矣，故合处逢冲，前贤专主世应也。

## 随墓章第三十五

夫随墓有五：一曰命墓，二曰世墓，三曰化爻墓，四曰卦身墓，五曰世身墓，此五者有轻重之分也。

（本命临鬼而墓于日为命墓，世爻临鬼而墓于日为世墓，或命世、及卦身世身临鬼而化入墓爻为化爻墓，卦身临鬼墓于日，世身临鬼墓于日为身墓也。）

命之随鬼入墓，乃为大凶，谓鬼命并现也，若现于日月变伏之位而非矣。

（命墓必命乘鬼同现一爻始真，若临日月变伏，皆非也。）

世之随鬼入墓，自占者凶，代占者忌，视命墓少间尔。

（世墓自占代占皆忌，如巳建癸未日占寅命妻病，得大畜之蒙，乃妻命墓而世亦随墓，后五月妻亡，夫亦继亡，所谓代占者忌尔。）

化爻随鬼入墓，与命墓世墓无差等，而有真伪，火官戌墓，辰日冲而成伪，戌月实而作真，戌空自伪，戌破非真。

（化爻墓须分真伪。）

卦身之墓，现于卦者是，世身之墓，空于世者非，此二者惟占讼词、狱禁、疾病、忧疑、户役、动作、潜逃、投充、斋戒之事忌之，然遇鬼旺则凶，官衰则减，视世墓化墓则轻尔。

（卦身因卦而成，故有身则是，世身因世而起，故世空则非，盖大小身墓，有忌有无忌也。）

且夫月破旬空之鬼，而临本命世爻之墓，官非灾病，见空破而垂毙，毙而又墓，故为凶占；若避患、忧害、防非，见空破而祸消，祸消而随墓何凶也。

（事已及身，空破随墓最忌；事未及身而先事忧防，则空破随墓非忌。）

夫身命逢之，一世应多灾疾；婚姻遇此，中途定见刑伤，占分男女命墓也。

（不论世鬼，不拘空破，女命墓戒娶，男命墓戒嫁。）

求官履仕途而不反，出行登平道而遭屯，行人病于他乡，产妇厄于暗室，公役有桎梏之辱，兴造有妨犯之凶，偷关逾险而蹈网罗，出族谋差而受羁继。

（随墓统忌，若兴造偷逾，空破稍可。）

求财被溺于狭邪之地，占穴或犯夫古塚之尸。

（二者只言世墓。）

盖凡以官鬼为忌神者，遇之不祥，空破稍轻；以身命为先务者，遇之亦不祥，而空破反重。此

皆以日辰化爻之墓为法，他不同论云。

## 助伤章第三十六

助鬼伤身，以世爻受鬼克，而鬼长生于日，是为引祸以自害。世亦称身，实世而非身也。

夫世爻，卦之宰也，占之主也，问者之身也，故曰伤身。然官鬼遇空破者弗能伤，世爻逢旺相者弗能伤。

虽曰长生，临于岁月动变之位者则非；虽长生于日，而已日之巽，申日之革则非；虽曰助鬼，而午日之坎，酉日之离则非。是以前贤举申日之离，寅日之咸，亥日之泰者为法。

（五行大生谓之真生，巽鬼革鬼非大生，坎鬼离鬼非长生，所以有间。）

占身命者认祸为福，比匪为良，因财丧身，贪色亡命，妻妾不贤而归夫咎，奴仆肆逆而累主殃。

（以财为利，以鬼为害，天下之害皆伏于利，理固然也。）

国占为奸臣聚敛，为宦官专恣；师占为将病防刺，及自兵之叛；占家者主人贪利忘害，求益遭损，鬼临雀起非，临武被劫，临虎见丧，临蛇而惊；娶妇则主妇不贤；收仆则主仆怀叛。若女占夫而官星为用者，遇之反吉也；占官骤升，占武即发。

（大抵用官吉而用财凶，世爻尤凶也。）

占讼有重责之忧，占失有再偷之虑；投军脱役，鱼为饵钩，昧事修方，步遭荆棘；求财有妄求之害，出行有行险之虞；离尘修戒，障业未除，公役参房，杖笞难免；占监狱图圉之灾未满，占疾病枕席之患未离；奉神神怒，安灵灵哭，占怪怪真，占梦梦实；避祸祸必临，防害害必至。

总之以鬼为忌者，助伤固凶，即以官为用者，亦嫌其克世，静迟动速，旺大衰小，惟空破散则吉也。

## 局会章第三十七

何谓之局？物有始终，故谓之局也；何谓之会？物必有丽，故谓之会也。

（生乃物之始，藏乃物之终，既成始终，故谓之局，如卯木生亥墓未，为木局是也，若亥卯未而会，物必有丽也。）

夫局会有成不成之分，当明化不化之义，然后得局会之秘也。中神主也，失其主则不能会，伤其中则不能局。是以火神局会，以午为要，午不失伤，即寅戌失一而亦局会也。伤其始者，局会之力小，伤其终者，局会之力存，终始不伤。局会之力大矣。

（始失长生故力小，终失墓藏故力犹存，得三位皆全，其力更大。午会为火，寅戌虽会，而土

木本质，则不随火变也。)

局会有三：一曰动会，二曰变会，三曰伏会，则必由日月而悬之也。动会者，周流六虚而皆会也；变会者，交重一爻而相会也；伏会者，发动飞爻而相挈也。

(凡局必得日月有一在局，始成动会，如寅建戊戌日，用官得乾之既济是也；变会如戌建甲寅日，用官得遁之乾是也；伏会如卯建戊寅日，用父得大畜之离是也。)

变失始者其局假，伏得生者其局真。是故子变辰者非，午伏寅者是也。日月悬之，悬始吉而悬终凶也。是故申月悬子则是，戌月悬午则非也。

(如戌建己酉日，用官得谦之泰，以戌月午变寅爻当成火局，然寅值空，乃失其始，戌月悬午，是墓非生，则此火局休囚，不成会矣。如申建甲辰日，用财得履之睽，子伏申下，财乃长生，申为月建，谓之悬始，则水局旺相，故成会尔，余仿此。)

盖局会之道虽纷，而生克之理若一，故失中乃失主，失始乃失生，失终乃失墓，则轻重昭矣。

## 刑害章第三十八

拟议之三而后刑，故曰三刑，非实有三也。夫刑同杀，故曰西曹，由西而始也。

三刑之法，以金局之神，而巡西方之位，所谓巳酉丑而乘申酉戌也。金木水火，五行之顺也，西北东南，四方之次也，以金木火水之正，而刑西北东南之邪，则亥卯未而乘亥子丑，申子辰而乘寅卯辰，寅午戌而乘巳午未矣。乘则刑之，上下相对，循环相加，此三刑之立法也。孟党孟刑，仲党仲刑，季党季刑，以故有寅巳申、丑戌未、卯子、子卯、辰午酉亥之名也。于是乎，有金刚火强，自刑其方，水局刑木，木局刑水之议。苟曰必三始刑，则卯子子卯之无礼刑，辰午酉亥之自刑，岂必三也？是故三刑之名，不可以三泥也。

(孟党寅巳申亥，仲党卯午酉子，季党辰未戌丑。)

三刑之法，墓亦赖之，刑则墓开，刑而兼冲，其力更大。

(夫墓得刑冲，犹锁得钥，故曰墓开，然不及冲，故刑而不冲者轻，刑而兼冲者重，酉建庚申日，用财得困之兑是谓真刑。)

夫刑之为象，于物若毙，于心若忧，于事若漓，犹退神之例，而不及旬空月破之凶也。身命遇之，恐骨肉之相残；婚姻遇之，惧门第之相压；宦忧内丧，病防带疾；官克世而问讼，五克世而问疏，若世刑而大凶也。

(身命，谓世及用爻遇之，男娶谓财、女嫁谓官遇之。)

夫害者，夺吾之好为害也，上下四方曰六，故名六害，举天地之内而言也。相合曰好，相冲曰

夺，相恶曰害，是故冲吾之合，则犹夺吾之好，吾故恶之，而与相害也。故子合丑而未冲，所以子未为害尔，六合则有六冲，六冲则有六害，此六害之立法也。

（古亦称穿心六害。）

然有生害、有克害，其为象也，心恶而面好，外悦而内仇，此相生之害也。我克彼者，我强而彼弱，志相恶尔；彼克我者，彼刚而我柔，力被制尔。然亦不及六冲之甚也，然亦必兼合冲生克而考之。三刑六害，当别用爻，非以卦象云尔。

（大抵六害重克害，克害重用爻世爻，及应克世，若姤恒小畜益卦，虽存六害之名，当察其用而权之。）

## 诸星章第三十九

神宿之法，灾祥非一，吉凶之验，别演乃殊。有以天象列星而入易者，有以人事占星而入易者，然要无不出乎干支阴阳生克衰旺之情，或年或季或月或日或时或局之例，以辩其有用无用，轻力重力焉。其有星之名，而无所本者不敢列也。

（天象，如角亢房，二十八经星也，如木火土金水，五纬星也，如贪狼巨门，九曜星也；人事，如天喜天医天厨天狱之类是也。虽星煞杂陈，各有所本，否则俗传无验也。）

如经星入易，乾之上九降参，又降镇星，唯岁时身命之占用之；九曜之立，曰贪狼，曰巨门，曰禄存，曰文昌，曰廉贞，曰武曲，曰破军，曰左辅，曰右弼是也，唯婚姻才貌坟茔屋宅之占用之。

（法曰：月月常加戌，时时起破军，破军前两位，世俗少知闻。两位，即左辅右弼也，斗柄即破军。如寅建午时占，以戌加寅起至午时在戌，以戌上为破军，亥是左辅，子是右弼也。）

紫微垣以危室之分起子也，天市垣以尾箕之分起寅也，太微垣以翼轸之分起巳也，唯造化之占用之，此天象立星之略也。

（三垣皆以正月起顺行。）

天德之星，正月起亥而顺行，盖天之德泽，从天门而降，亥为天门，因以名之。天干天德寅建在丁，卯建在申，盖人事天功，阴阳相助也。

（天德正月起亥顺行，干德法曰：正丁二申宫，三壬四辛同，五亥六甲上，七癸八寅从，九丙十居乙，子巳丑庚逢。天德即天道，阴阳两互，抚祐八荒，孟季保生墓之人元，四正用阳贵之协力。故寅内人元丙，天与丁助之，卯内人元癸，天与阳贵坤中壬水助之，辰内人元癸，天与壬助之，巳内庚，天与辛，午内乙，天与阳贵乾中甲木助之，未内乙，天与甲也，余六位仿此。历日所载，坤乾艮巽，即申亥寅巳尔，其土德周遍，故不列天德也，此法用天干，如寅建丁亥子孙发动，以丁为

天德也，利用防非。)

月德自未而顺行，未为广寒宫，太阴之府，是以始之。天干月德寅午戌建而举丙，亥卯未建而举甲，巳酉丑月德在庚，申子辰月德在壬，太阴之德，亦其助也，盖以午丁而丙助，卯乙而甲扶焉。

(古法以子为帝座，午为端门，卯为雷门，酉为佛境，亥为天门，巳为地户，申为神门，寅为鬼路，辰为天罗，戌为地网，丑为黄泉杀，未为广寒宫也，四德俱主福荫，能逃刑免难。)

天乙贵人，有阴阳之别，阳贵始自天王立甲子而顺求之，阴贵始自地王起甲申而逆求之。贵人之用，不犯对于君王，贵人之行，不践入于罗网。甲合己而在子，己以子为阳贵；乙合庚而在丑，庚以丑为阳贵；丙合辛而在寅，辛以寅为阳贵；丁合壬而在卯，壬以卯为阳贵；辰为天罗，逾而不入；戊合癸而在巳，癸以巳为阳贵；午为端门，越而弗对；己合甲而在未，甲以未为阳贵；庚合乙而在申，乙以申为阳贵；辛合丙而在酉，丙以酉为阳贵；配为地网弗履；壬合丁而在亥，丁以亥为阳贵；子为帝座弗犯；癸合戊而在丑，戊以丑为阳贵，阴贵亦然。

(法曰：甲羊戊庚牛，乙猴巳鼠头，丙鸡丁猪走，壬兔癸蛇游，六辛骑猛虎，阳贵用斯求。甲牛戊庚羊，乙鼠巳猴乡，丙鸡丁猪位，壬蛇癸兔藏，六辛乘骏马，阴贵用心详。六壬数，巳至戌用阳，亥至辰用阴，未当。当以子至巳用阳，午至亥用阴，易筮不分阴阳。)

福星贵人，即食神星也。甲之五遁，丙为食神，故寅为福；乙之五遁，丁为食神，丑亥为福星也。

(法曰：甲虎乙猪牛，丙同犬鼠游，丁鸡戊猴走，己羊庚马头，辛蛇癸逐兔，壬日占龙楼。)

天厨贵人，禄上生禄，是为天厨。甲之五遁，禄于丙寅，寅上之丙，复禄于巳，故甲以巳为天厨；癸之五遁，禄于壬子，子上之壬，复禄于亥，故癸以亥为天厨也。

(法曰：甲丁蛇位号天厨，丙鼠壬鸡癸伴猪，乙戊辛干皆向马，己猴庚虎福神殊。右二星主禄食。)

天元禄者，临官则食禄。甲木生亥，临官于寅，乙木生午，临官于卯，丙戊生于寅，临官于巳，丁己生于酉，临官在午，阴阳顺逆，各以类推。

(天元禄法：从临官而得，四位临官，即名禄位，如甲木生亥，顺行四位，临官在寅，故甲禄在寅；如乙木生午，逆行四位，临官在卯，故乙禄在卯之类。)

天地财，遁甲以戊己为五马六财，而戊己坐辰巳之上，故正月以辰为天财，巳为地财，顺而终之，乃天地财也。

(马，即财也，法曰：正七起龙蛇，二八马羊家，三九循申酉，四十犬豕牙，子午鼠牛索，丑未寅卯查，遁甲因戊己，问利自当沙。)

文章德业，必临官设政，三岁后而吾道始昌，因曰文昌。甲禄在寅，逾三位而已是也。辛则不然，逾三位而当子，子为帝座，弗敢犯之，物不可盈，藏于文库，是以辛以戌为文昌也。

（法曰：甲蛇乙马号文昌，丁己寻鸡辛犬方，庚猪癸兔壬从虎，丙戌扬猴最吉祥。盖火墓在戌，离为文明，故曰文库；金墓于丑，金为兵革，故曰武库也。）

位中居尊，谓之将星，故亥卯未，将星在卯，而攀辰鞍，驾巳马，马前六害，以警蹕也，害前华盖，备旌幡也，将后七煞，甲士后劲也，而劫煞灾煞天煞地煞年煞月煞亡人煞，以名焉。是以华盖为首星，劫煞为尾星，而将卫在中也。

（将星法起中神，子午卯酉，正中位也，故亥卯未，将星在卯，辰为攀鞍，巳为驾马，马前为六害午也，害前为华盖未也，将后为七煞，自申至寅七位是也。）

天马，即乾马也，正月午始，循环行之，此星惟利升迁之卜。驿马亦从将星而推也，如寅午戌，将星在午，则以未为攀鞍，申为驾马矣，行人要星也。

（正月用乾四爻为天马，二月五爻申，循环用之。法曰：正七还骑马，二八向猴申，三九须从犬，四十鼠相侵，五十一当寅上，六十二定归辰。天马文人用上，丧病者嗔，盖病者马向天游，是上丧服也。驿马法曰：寅午戌马居申，亥卯未马在巳，申子辰成居寅，巳酉丑马在亥。）

且天喜之为星也，孟春建寅，则喜在戌，仲春建卯，则喜在亥，季春建辰，则喜在子，盖以成为喜也。喜神之用，遁甲所专。遁甲者，拒庚而藏甲也。惟丙丁制之，故甲己五遁得丙寅，则喜神在寅也，乙庚五遁得丙戌，则喜神在戌矣。

（成喜之法，寅到戌而成，卯至亥而成，辰至子而成也，余可类推。法曰：春戌夏丑为天喜，秋辰冬未三三指。喜神法曰：甲己东北乙庚乾，丙辛独位向坤言，丁壬二日离宫上，戊癸东南喜事连。若喜神位值子孙动者，出行顺利，其他动止亦宜向之也。）

天赦，与人更新也。作历之初，首于冬至？？甲子，故冬至甲子为天赦；春首戊寅，夏至甲午，秋首戊申，刑罪之占，得逢解网也。天解春以寅，夏以巳，秋以申，冬以亥。盖水绝于申，寅能破之，是为天解。

（先王以二至及春秋首日，大赦天下，故后世以是日为天赦。天解，凡以绝为我难，冲则天去我难也。）

月解，太阴也，自戌而辉，行南周天之半，以照北极，故九十月在午，正二月在申也。剪刈根萌，则息非宜。喝散，春木根萌在亥，巳能刈之，是为喝散。

（月解法，九十月午，子丑月末，正二月申，三四月酉，五六月戌，七八月亥。两月一位，谓上施下仰，九十月午者，午施子仰也。午自亥极，施仰乃见。冲断生根为喝散，夏火生寅，用申冲

寅，秋多生巳，用亥冲巳。法曰：春巳夏居申，秋猪冬到寅是也。）

天医，上帝之司，救疗之神也。本在遁甲，相丙而御庚，即丁神也。好生为心，故不践于寂灭之地，乃更位焉。周岁而复命，始岁而复化。活曜，上帝命司生之神也，因随帝而出于震焉，为胎育子息之占。

（以五虎遁，正月甲遁觅丁神，得丁卯丁丑，故正月以丁卯为天医，余丁丑；二月乙遁得丁亥，三月丙遁得丁酉，乃弗居而易丑，故三月则以丁丑为天医。夫酉为佛境，乃寂灭日沉之地，故弗居；四月丁遁得丁未，五月戊遁得丁巳，六月己遁复得丁卯，余丁丑，七月庚遁复得丁亥，八月辛遁复得丁酉，违酉从丑，九月壬遁复得丁未，十月癸遁复得丁巳，十一月甲遁复得丁卯，十二月乙遁复得丁亥终焉，还命上帝，岁复如是也。发微通书，以天喜为天医误矣。法曰：天医正卯二猪临，三月随牛四未寻，五蛇六兔七居亥，八丑九羊十巳存，十一再来寻卯上，十二亥上作医人。活曜法，正月从卯顺行。）

雷火之煞，大利功名，盖雷能动物，即长生也。寅午戌月起于寅，申子辰月起于申，是以立之，震为旌旗煞，故起卯，逆征四围是谓旌旗。

（草木萌生，雷霆动惊，盖震之德，能普化万物也。其法正寅二亥，三申四巳，循环三复是焉。然网罗同之。上天之为心，惟惟以生道杀物，是名网罗万物也，独捕叛用之。旌旗春卯夏子秋酉冬子。）

天耳天目，以子坎为耳垂，以午离为目眚，目视上，故始天门，从亥申巳寅为次。耳听下，故始地户，从巳寅亥申为次。耳目司视听，故动而音信当至。耳目本吉宿，以用则将迎而成，故逆行焉。

（以四季行四位，春巳夏寅秋亥冬申天耳也，春亥夏申秋巳冬寅天目也。）

天罡煞，寅卯辰巳之谓也，因生求生，谓生作而得生息，亦渔猎之吉神也。天犬吉而顺戌，犬猎益宜之。天猪天鼠天牛，凶而逆亥子丑，牧养忌之。

（以寅午戌月为火局，火生于寅，是谓生而起也，二卯三辰四巳，巳酉丑为金局金生于巳，是得生而已也，复寅而三重之，则周一岁矣。天犬正月从戌顺行，猪鼠牛正月从亥子丑逆行也，猪忌畜豕，鼠忌养蚕，牛忌牧犊，嫌值鬼同发。）

大螣蛇之别号曰勾陈煞，以其将相冲中王也。暗金以每季藏金局，故巳酉丑为暗金。破碎谓金库在丑，以金局自悖逆而出之，四轮复数之，则失藏聚，是名破碎，为家国之多耗也。

（正月自辰起逆行，专务惊滞暗金以巳酉丑，自正月四轮复数是也，亦名红纱，产妇之忌。破碎以丑酉巳，自丑月起四轮复灵乃破碎也。丑为金库，故始之。法曰：辰戌丑未月在丑，寅申巳亥

月在酉，子午卯酉月在蛇，逆破如何财顺有。)

月破曰耗，大耗而小耗随之，季废为荒芜，月废为月空，空衰为月煞。

(正月起申顺行为大耗，起未顺行为小耗，荒芜之法，春巳酉丑，夏辰申子，秋卯未亥，冬寅午戌。月空之法，寅午戌月壬废为月空。月煞之法，壬水衰于丑，故丑为月煞，亥卯未月庚废戌煞，申子辰月丙废未煞，巳酉丑月甲废辰煞，历日可考。)

物满而破，破而后开，天贼之义也；随贼而吠，天狗也，其义欲除之、执之、收之。春之天贼，辰满酉破寅开也，秋之天贼，戌满卯破申开也。未坤之府，丑能击之，故地贼出丑而逆行焉。巳为双女宫，本荧惑之神也，天烛由此而顺行焉。天火即火所胎也，盖火神顺鉴四域，岁三复焉。

(法曰：正龙二鸡三虎乡，四羊五鼠六蛇藏，七犬八兔九猴位，十牛子马丑猪忙，是天贼也。天狗随之冲击也。地贼，谓穿窬之辈也。法曰：天烛正月起蛇宫，荡荡顺行数至龙，主火灾也。天火，以寅午戌月火局胎于子。四域，子午卯酉四正也，五九月又起子，故一岁三复。)

天官符即临官之位也，以年局临官于中宫起寅巳申亥，进三位而复退起中宫，顺行九宫，若与鬼动，则成词讼之凶。阳生日生气，阴生日死气，以阳主生而阴主杀也。五子遁七位之庚午，上庚克甲为官符，是以从午起官符，随死气顺行为死气官符也。春寅岁之始也，法艮卦寅官持世，乃为锤门官符，下而反复是也。

(以相指一节起坎宫一白，二节坤宫二黑，三节震宫三碧，四节巽宫四绿，君指四节为中宫五黄，无名指四节为乾宫六白，三节兑宫七赤，二节艮宫八白，一节离宫九紫，乃外九宫也。如子年乃水局临官于亥入中宫，即十月在中宫顺行，即十一月在乾，十二月在兑，进三复退，即是本年，正月入中宫，二月乾，三月兑，四月艮，五月离，六坎，七坤，八震，九巽，乃终。设如七月占，若鬼动坤宫，为天官符也，此从年起，生气正月从子顺行，死气及官符从午顺行，岁始若苏未起，有锤门之意。用艮卦自上而下，法曰：正七虑行村，二八鼠当门，三九居戌位，四十弄猴孙，五十一骑马走，六十二跳龙门。)

绝止足履，则忧禁怕天狱，寅午戌月绝于亥，巳酉丑月绝于寅，是为天狱。逆践于地网，为地獄煞也。坎为血卦，丑为刃库，血因刃上，故正三五七九鼠月，以丑寅卯辰巳午为血刃，刃相对，偶袭奇，复名血忌，血因忌上，故二四六八十腊月，以未申酉戌亥子为血忌。羊刃纵前之利器，势同荷戈，禄前一位，妻奴所畏。

(绝为天狱，如申子辰水局绝巳之类，法曰：正月逢亥二月申，三月随蛇四月寅，五月循环绝于亥，周而复始定其神。戌为地网，故地獄自正月起戌逆行，法曰：正牛二未三寅虎，四猴五兔六鸡灾，七辰八戌九月巳，十猪子马丑鼠来。血忌之星同血刃。针灸占之定不偕，禄前一位为羊刃，

如甲禄在寅，则右顺卯为羊刃，乙禄到卯，则左逆寅为羊刃，丙戊禄巳，则右顺午为羊刃，丁己禄午，则左逆巳为羊刃。法曰：乙逢寅动当为刃，辛见申摇岂不凶，丁己忌巳癸忧亥，兄弟相加偶必重。近世不分阴阳顺逆，概以禄前一位为刃，至有误认乙禄到卯，辰为羊刃之说，特为正之。）

阳陷于阴曰阴煞，正月起坎之初爻，循环上下，是避害之要也。死而折之，名曰折煞，故寅午戌以酉为折，申子辰以卯为折也。方养未几，即受暴折，春木养戌，而辰折之，是名浴盆煞。咸池煞者，别名桃花，盖以沐浴为桃花，沐浴败垢，淫污败德，因以名之。

（君子为小人之陷曰阴煞，若带鬼动，当防害也。法以正七寅、二八辰、三九午、四十申、五十一戌、六十二子，即习重坎之象也。以火局死于酉，水局死于卯，如二六十月午为折煞，巳酉丑月子为看煞，如火养在丑，为未暴折是也。法曰：春辰夏未秋逢戌，冬季推来在丑神，盖以摧尸煞同，亦暴折之义也，小儿忌之。咸池煞以寅午戌月火局沐浴于卯，亥卯未月木局沐浴于子，求曰：寅午戌，兔从卯里出，亥卯未，鼠子当头忌，申子辰，鸡叫乱人偷，巳酉丑，跃马南方来。）

衰而憔悴，反复悲泣，是名天哭，当墓曰丧门，扣墓曰吊客丧车，以绝位为亡人，所乘者，乃丧车也。盖冬水以巳绝，乘午为丧车。五墓者，即墓神也，故春木墓未，夏火墓戌。三坵者，叠土墓上，故春以丑为坵，取第三位之土，故曰三；五者，五行墓也。

（憔悴谓衰也，寅午戌月，火局衰在未，巳酉丑月，金局衰在戌，三复悲泣，故正未二申三酉四戌，五复未而再三，因名天哭。以寅午戌月墓戌，亥卯未月墓未，申子辰月墓辰，巳酉丑月墓丑，如正月戌为丧门，则辰为吊客。冲象扣也，法曰：丧车春鸡夏鼠来，秋卯冬午好安排，二法皆忌疾病。以土冲土曰叠，自未戌数丑日第三，法曰：丑辰未戌三坵煞，羊犬牛龙五墓寻。）

近前曰孤，近后曰寡，而孤寡之煞以传，寅卯辰月，巳孤丑寡也。前阻曰关，后绝曰锁，而关锁之法以立，申酉戌月，亥关锁也。

（失聚失类，如无依倚，巳丑，前后非类也。法曰：寅卯辰，巳孤丑寡，巳午未，申孤辰寡，申酉戌，亥孤未寡，亥子丑，寅孤戌寡，若男前女后之意。阻绝其前后曰关锁，法曰：春关牛与蛇，夏锁龙猴嗟，秋忌羊猪位，冬犬虎交加。）

自春建而妄行，不由径，不从道，游行四方，往必败矣，故名往亡。夫寅而卯，径也，不从而巳，非道也；自卯而辰，自辰而巳，径也，不从而午，而未，非道也，行者之戒也。以子丑寅，而归孟仲季，非时也。非时而归，所以忌也，故归忌名之。绝路空，遇水则路绝，甲己五遁，壬癸加申酉，故申酉为绝路。震仰孟像舟，木绝于申为覆舟煞，舟绝则覆，故自申起而顺为覆舟，冲舟为浪，故自寅起而顺为白浪。

（正月起寅顺行，则二月当行于卯，乃越径妄行，直游巳申亥而返卯，复不由径，直游午酉子

而返辰，复不由径，直游未戌丑而穷焉。往亡法曰：正寅二巳三申位，四猪五兔六马悲，七鸡八鼠九辰忌，十羊子犬丑牛危。子丑寅，是天地人三才，盖子月当子而反孟寅，丑月当丑而反仲子，寅月当寅而反季丑，为非时归忌，后三巡亦然。法曰：寅申巳亥牛相犯，子午卯酉虎相攻，辰戌丑未须防鼠，爻逢归忌路途凶。绝路空法曰：甲己申酉最为愁，乙庚午未不须筹，丙辛辰巳何劳问，丁壬寅卯一场忧，戊癸子丑高堂坐，如犯空亡莫远游。木绝申为覆舟，正月从申顺行，寅冲申为白浪，正月从寅顺行。）

鹤神自天而降，始践于艮，奇门甲子坎局，巳酉艮局，因从巳酉下地，循环八方，四维六日而更，四正五日而迁，第四十五日上天而居于房北，复五日而入房中，合衍母之数也；复二日迁南，先阴后阳，合少阴之数也；复三日而迁西，合少阳之数也；复一日而迁东，合太阳之数也；复四日而迁中宫，合太阴之数也；戊申居中，然后甲子周矣，若鬼摇是宫出行是戒。

（鹤神，即游神也。）

五符者，即天符也，设政而受天符，天符之前十一神，天曹地符风伯雷公雨师风云堂符国印天关地匣天贼也。

（以阴阳禄起五符，阳顺阴逆，周行十二位，盖以甲禄在寅为法，寅乃五符，墓前陈部曲，部曲即天曹也。未及三位，而复锡符焉，故天符为金舆，地符为玉辇，风伯乃巽位，雷雨云神骢驱之。未九位而锡大命，乃堂符国印也。亥为天关，子为地匣，置武库以征不仁，故终天贼，又名陀罗星，弗误于满破开之天贼也。此从日起。）

罡魁之将有十二，体辰戌而用巳亥，天罡太乙胜光小吉传送从魁河魁登明神后大吉功曹太冲也。罡魁临鬼动，祸患暴作，罡主讼而魁主盗也。

（天罡正月起巳顺行，河魁正月起亥顺行，余十将不司卦内吉凶，故不详注。）

太岁之神，始作甲子，阴阳相扶，吉星居焉，偏党好恶凶星立焉。寅为鬼路，故十二年丧门以寅为始。申为神门，故十二年白虎以申为始焉，飞廉附之。盖克我者为官鬼，子受辰克，故十二年以辰起官符，且居五位，五鬼附之。岁之冲曰岁破，栏杆附之。戌亦克子，三合丧门，故名吊客，天狗附之。巳为六阳之终，亥为六阴之极，故巳始死符，亥始病符也。阴之扶阳，天之造物，故三元四利，十二年以丑起太阳，卯起太阴，未起龙德，酉起福德，顺行为法也。

（四利三元法：一太岁，二太阳，三丧门，四太阴，五官符，六死符，七岁破，八龙德，九白虎，十福德，十一吊客，十二病符，此从年起也。三元谓上元中元下元也。四利谓四吉星，太阳、太阴、龙德、福德也。巳亥宫无吉宿，以阳终阴极也，其附四凶，非在三元旧序。又有月上飞廉，正月从申逆行，月上五鬼，正月从寅逆行之法，飞廉因白虎亦起申，五鬼因鬼路亦起寅。）

古人名星之始，或因事而著，或依义而成，或像象而立，必有所本，其无本而妄传者，于吉凶无验，虽多不述也。大凡吉星之行多顺，凶星之行多逆，地支之星以月为凭，天干之星以日为主，年星虽列，远而较轻，时星间陈，叟而易逝，唯日月之用尊焉。占星之法，多视其类，非类则弗亲也，各伺其动，不动则不伺也。然必以用神为主而星辅之，吉以益其吉，凶以甚其凶，而后无偏泥之诮焉，学者辨之。

## 卦验章第四十

以爻而取占应者，谓之用神；以卦而取占应者，谓之卦验，卦验专于卦而不专于爻也。

（以卦名而断吉凶，昔贤所讥，然古又有以卦义断而验者，不可违也。）

婚姻忌三冲，则不索用神之衰旺；邦畿征伐忌内反伏吟，而不凭子宫；迁居忌外反伏吟，而不凭鬼静；占病主属化墓绝者，虽用旺而凶，此皆先卦而后爻也。

（五者尤为专忌，卜者常泥于用神而失之。）

是故筮晴雨者，得乾离则晴，得坎兑则雨；非此，然后察父母子孙以为晦霁也。筮坟茔者，遇巽风坎水，乃为大凶，以其犯风水而冲也；独秋后占地得坤，春前占山得艮，反为吉兆；蛊有虫蚁，井有水泉，明夷有伏尸；非此，然后索世爻福神以为凶吉也。

（风水最忌六冲，若卜平地，秋后三气得坤卦，卜山地，春前一气得艮卦，反吉，弗论六冲。）

出师征伐，遇明夷有覆军之败，遇坎蹇困防汜地之囿，若此者，不复论子宫也；求财遇萃曰亏本；出行遇节艮坎明夷曰不吉；狱讼遇大壮与夬曰得理，遇坎蹇明夷曰有图囿；筮病，遇明夷既济丰节而土鬼独发曰死。

（推之京房萃为缺数，余卦皆昔贤所验。）

筮婚姻咸恒节泰者吉，变冲不吉，睽革解离者凶，化合亦凶。后嗣有无，昔筮大畜而得子，筮蒙而得子，筮涣而得孕，曰腹内怀人也，筮大有同人，及乾与剥而有双胎，曰丙戊两胎于子也。

（昔商瞿将如齐，四十未嗣，夫子蓍之，得大畜九三，后有五丈夫子；周易蒙训为童蒙，补遗云涣腹中怀人。以上诸卦，皆凭卦断而不及爻用，前贤往有成验。）

且有因卦象而取义，因卦义而利用者。如筮国得否泰，则君子小人可知，得损益，则丰荒可见；筮道业，得艮复咸无妄而成心学；筮儒业，得贲旅坤离而焕文章；筮科第，得乾震而魁黄甲；上疏，岂宜屯蹇，面圣，最喜晋升。

（夫子自筮得旅，筮贲而忧文胜，坤离为文章，震乾得第，皆旧传也。）

如噬嗑之日中为市，而宜于贾肆，涣之木在水上，而利于江河；离以佃鱼，随以驾马，益以农

田，睽以锄乱；如艮离咸蛊，占蚕而有收，噬嗑鼎颐，占畜而主烹；占起造以大壮为吉，占父母病以大过为凶；防火得离，防盗得坎，防非得噬嗑与讼，防害得明夷小过与损，皆卦忌所列也。

（右卦亦旧传所载，时有征验，然兼察用象更确。）

且有古史所记占验者，如观之否，而妨育嗣于姜，归妹之睽，而晋依秦婚而复国。

（陈敬仲奔齐，后大为田氏，晋公女为秦穆夫人，后依秦而复晋。）

困之大过而夫陨，不利室家；出师遇复而射目，不利应敌。

（陈文子言夫从风，风陨，不利娶妇；崔氏后败，射目，晋伐楚也。）

屯之比而得名，屯之豫而得国，遇蛊而敌败，遇泰而谋成。

（毕万筮仕于晋，得屯之比，见左传。晋公子重耳，筮适秦而得屯之豫，秦伯伐晋得蛊，晋公子复国得泰，右卦聊述旧闻，然与金钱筮义，断亦少殊，不宜执一而断也。）

又有以德以位 配蓍而昌 失德逆天 得吉而亡者。子仪应乾五之大人 晦庵守天山之肥遁（？），宋祖筮离而违方，明宗得乾而复国，南蒯得坤之六五而反败，志逆天也；穆姜筮艮之八二而兆凶，戒失德也。

（古人亦有筮吉得凶之事，德不足以配蓍也。先师星元，于出妻者得泰而言凶，劝之终合；瞽于健讼者得豫，戒勿终讼，不听而凶，泰豫本吉，而筮者志凶，则吉凶反应，此亦足为占者之戒也。）

## 易冒卷之五

### 类总章第四十一

卜筮之道，因象以见吉凶；吉凶之见，因事以兆趋避；趋避之兆，乃系用神；用神所系，殊途而同归，万变而一致。辨之不详，而吉凶趋避，不得其正矣。

（此言卜筮大法，以用神为本。）

用神之法，或以卦，或以爻，或以内外，或以世应，或以五行六亲而考，或以八卦六神而占，然后以年月日時经之，飞伏互变纬之，旺相建生空破散绝进退刑害消息之，大抵舍静求动，舍衰求旺，舍病而求不病，而吉凶之轻重迟速应矣。

（此言用神不一，止执六亲者不广也。）

其法先辨卦后辨爻，卦有卦用，爻有爻用。卦用有八：一内外，二冲合，三反伏，四墓绝，五归游，六卦候，七卦义，八卦验。何谓内外？如占家而内为人，外为宅，内宜守，外宜迁也。何谓冲合？如三冲之卦，天人不交，始终不协，六合之卦，贤亲夹辅，人事顺成也。何谓反伏？反吟而心反事悖，伏吟而神忒气分，唯国占师占人宅之忌也。何谓墓绝？如震化坤，木墓未而绝申，离化

乾，火墓戌而绝亥，唯国占师占身命住基疾病之凶也。何谓归游？归魂主不出，游魂主无定也。何谓卦候？候逢旺相，不以日冲为破，卦值死囚，不以日建而兴，唯邦畿人宅之占也。何谓卦义？如筮晴雨喜乾离之晴，占坟茔畏风水之卦也。何谓卦验？如筮渙而言腹内怀人，噬嗑而言日中为市也，此卦用也。故用有取于卦者，先卦而后爻也。

（此专重卦体论也。卦候所司者远，故不以日为兴废，如震当旺相，虽值酉日而震不破，坎当死囚，虽遇子日而坎仍死也。）

次辨爻，爻用有六：一世应，二两身，三六亲，四六神，五爻位，六变互。何谓世应？世本应末，世主应人，成卦之主宰也。何谓两身？一卦身，二世身，卦身较重也。何谓六亲？财官父兄子，用之各有主也。何谓六神？龙雀勾蛇虎武，忌之各有司也。何谓爻位？如初为地，上为天，五为君，二为臣，因事有属也。何谓变互？动则观其变，静则占其互，因用而求也，此爻用也。故用有取于爻者，舍卦而从爻也。

（此专重爻象论也。）

然成卦之主，世应为重，其忌亦有十：有空、有破、有绝、有散、有墓、有动、有合冲、有随墓、有助伤、有升降进退，空则无成，破则多败，绝则多困，散则全失，墓则难举，动则多变，合冲则将成而败，随墓讼病之恶地，助伤灾患之凶征，进升如火之始燃，退降如木之方落，此其象也。故事须我成必以世，官以官成，文以文成，而世空则不成；事因人得必以应，财以财得，文以文得，而应空则不得。故用有取于世应者，舍卦爻用象而从世应也。

（此言世应为卦主，故又详其所忌。）

若万类之求，六亲为用，用不可胜纪也，各以其类求之，有用神则必有忌神，忌则喜静、喜衰、喜制；有用神必有元神，元则喜动、喜旺、喜生。故六亲之中，官鬼多凶，然有无鬼无气之嫌，父母为劳，然有无父无头之喻；六亲之中，财福为吉，亦为求名之恶客，兄弟无功，亦为子福之元神，此六亲用也。故用有取于六亲者，亦略世应而从六亲也。

（此言六亲为用主，故须明其元忌。）

是以察鬼神之情，莫亲于动变，变能克动象，动不能生变象，动能生本卦之静爻，变不能克本卦之静爻。变爻空破死绝，动爻不受其生克矣；动爻空破死绝，变爻生则救而克愈凶矣。唯一爻独发，尤贵知微。此动变之当察也。

（此言用爻之后，动变为重，变爻止与本动爻为生克，近泛及本卦静爻者非。）

搜用神之方，莫备于飞伏。伏克飞者出，飞生伏者得，飞克伏者灭，伏生飞者没，飞伏比和者拔，飞神空者易推，伏神空破死绝者不举，而出不出分焉。是以伏神灭没者虽临日月而不取也，飞

神破散，伏神虽生旺而无功也。先用世下伏，次动下伏，次静下伏，此飞伏之当搜也。

（此言用爻之求，飞伏为详，虽临日月不取，止用虚悬日月也。此灭没破散，言其静也。）

定旺衰之权，莫专于日月。日月之象，为君主、为将令，爻神孰能忤之，故虽旺动世应之爻，莫不咸服其化。日月克之，动变生之，云贪生而忘克；动变克之，日月生之，如被溺而得援。日建不受三旬之破，月建不落一旬之空，化克破而无伤，化空退而不碍。故月建以旺相休囚死之法为主，须知金生之内有克，土绝之内有生也；日将以长生十二法参之。月冲破，日冲散，月重克，日重绝，日有随墓助伤，而月则无也，故日尤亲。此日月之当权也。

（此言旺衰专凭日月，月重旺相休囚死五法，日重长生帝旺墓绝也。）

于是而辨其合冲，有卦爻之分，卦六冲，始即冲也；合处逢冲，冲其中也；合处变冲，冲其后也。若爻合而冲，成而解也，爻冲而合，战而和也，动合而绊，静合而起也。故合法有三：有生合、克合、刑合，盖生合吉而克合凶，刑次之。冲法有五：相扶而冲者谓之暗动，一也；相绝而冲者谓之散，不及暗动，二也；相胎而冲者，我克为动，克我为散，三也；胎绝之冲，旺相为动，休囚为散，四也；暗冲之散，胜动冲之散，动散无暗散散，五也。暗动之象，吉凶祸福，隐然而来；暗散之象，吉凶祸福，默然而去也。自冲有三：谓卦内动爻自相冲也，力相敌者皆散，一也；临日月不散，二也；一旺一衰，则衰散而旺动，三也。此合冲之当分也。

（此言合冲轻重，冲法尤详日冲本篇。）

于是而辨其月破旬空。旬空之法有八：月破而空，谓之坏空，一也；月克而空，谓之全空，二也；月生日克，日生日克，谓之克空，三也；无生无克，谓之安空，四也；日月独生，谓之半空，五也；日月生扶，谓之旺相空，旬内空而旬外实，六也；日冲则实，动空则实，月建临之则实，皆谓之填实空，七也；动空而遭破，纵动无功，空冲而遇绝散，虽冲不力，八也。若伏藏之空，阴阳之空，旬首旬尾之空，数学所有，然非所深论也。月破之法有三：破临鬼动而凶，破临动冲而无，一也；临日不破，二也；遇时不破，三也。此空破之当分也。

（此言空破深浅，遇时月破之爻，及后值月而不破也。）

于是而参之刑害局化。刑害之法，仍权于五行之生克为轻重，子卯之刑，刑轻而生重也；酉戌之害，生深而害浅也。盖刑为耻辱，害为怨离也。局化之法，局用其中支，化重其日干，故我遇破空绝散，是云徒合，有寅戌而无午，是名假局。六气用常，五运用特，爻干不发，则无运本，日干不合，则无化因。此刑害局化之难执也。

（此言刑害局化四法，参用而不可执也。）

于是而参之六神星煞。六神之用，必以六亲为本，子孙驾青龙而称庆，玄武失官鬼而非偷。星

煞吉凶，必以爻神为本，贵人见而官文两陷，未遂凌云，子孙空而天喜乍临，岂皆梦日。此六神星煞之难泥也。

（此言六神星煞，参看而不当泥也。）

合而论之，则用神为独重，尝总其吉凶轻重而辨之，盖十有八法焉：一曰日神，二日月将，言用临日月也；三曰旺，日月之扶也；四曰相，日月之生也；五曰生，生言贪生忘克，转转来生也；六曰变生，七曰动生，变生亲而动生疏也；八曰安，无伤而无泄也；八者用神全吉之象也。九曰有玷，或日克而月生，或月克而日生，吉之半也；十曰旺相空，吉之又半也；十一曰安空，有生无克，求多不得而未至丧也，此用神半吉之象也。十二曰泄气，谓日月动爻皆泄用神之气，物不生矣，重于安空，有生仅全，有克乃没；十三曰死气，虽不遇空破，而日月动爻或一再克之，而无明暗之生，亦重于安空也；十四曰日破，日月克伤，时令休囚，爻神被冲，破其半矣，又重于死气也；十五曰月破，破而尚存其质也；十六曰克空，日月动爻克之且空，是无救也；十七曰竟无，谓日月飞伏变互，皆不得其用神，又重于克空矣；十八曰散，谓动逢日神变动之冲而散，虽救之无从，是谓大凶，此用神凶陷之象也。本此而精研之，而后吉凶之轻重无惑矣。

（此看用神十八法，最为卜筮之要，唯竟无若当时相，及一象来生，犹胜于死气。）

明于此而吉凶之占，刻期而定矣。刻期之法，卦无用而值日成，爻忌动而填用灭，主象空而冲可获，用爻旺而墓乃收，绝逢生而出焉，衰遇扶而成矣。

（此定日刻期之秘。忌神动而用避之，佳其避也，后用值填实，反宜慎之。）

明于此而先圣之旨，无遁情矣。先圣之旨，未索其善而先索其不善，未搜其利而先搜其不利。盖既无其不善，而后索其善而善之，既无其不利，而后搜其利而利之，此卜筮之秘也。瞽以凉德，不幸而盲于目，幸从师友得闻圣贤之遗书，竭神明之通变，敢自惜其一得，而使微言遂成绝学乎？唯后之学易者，毋以小道忽也。

（此总看卦爻用象大法也。）

## 国事章第四十二

（内详迁都、建庙、择后、立储、改制、享国诸问）

为国之要，必以进忠良，为万民之福，故福爻不可失也；必以退奸宄，去四海之疾，故鬼象不可动也。

（凡国占皆喜福临，而恶鬼动，此其大象也。）

是以内为邦畿，外为人民，卦宫安旺而国祚长，爻象合和而宗社久；冲莫见于正之，合莫被于

破害，则天下和平，而国家奠安矣。

（次观旺衰动静合冲。）

皇陛亲占，以世爻为主象，宜临日月生扶；臣下筮国，以九五当尊位，忌随墓空破。亲占而应合世者，后德著于樛木；臣占而二持福者，母仪冠于掖庭。

（臣子占五为君，二为后，故云。）

推之爻位，初为国本，二为士人，三乃万方之守牧，四为九州之屏藩，上为宗庙之爻，俱恶鬼而喜福，喜安旺而恶动摇。推之六亲，鬼者，国之患也，又为巨寇；福者，国之储也，又为良臣；财者，国之赋也，又为阍寺；兄弟者，国之聚敛也，又为宗支；父母者，山川城郭也，又为诏令。

（观其所临所属，如鬼动乾宫，西北有事，福临三位，守牧得人之类。）

是以鬼空内而无内衅，鬼发外而有外攘，近五而防佞（？）臣，附三而戒酷吏，患在二而士横，患在初而民困。虎官不发于金乡，则无干戈，武鬼不扬于水地，则无泛潦；如火鬼螣蛇，岁忧火患，土官朱雀，年虑蝗灾。

（凡鬼发内外、何宫、何位、何属，皆宜慎之，干蛊防奸，庙算当豫也。）

子孙遇木而旺相，岁稔桑麻，妻财遇土而兴隆，年丰田野，父母值巳午而见，当启文明；子在青龙，则文士彬彬，子临白虎，则武功烈烈；动朱雀，善弹劾之章，摇元武，懿宫闱之德；勾陈得田峻之喜，螣蛇籍使臣之力。

（凡福临五行六亲六神，俱是祲应，故福摇元武，亦为后宫之美。）

如问迁都，犹迁居也，当以外旺为凭，鬼兴为忌。如问建庙，犹奉灵也，当以三冲六坏鬼动鬼疾鬼克为忌。

（迁都建庙，皆忌贞冲、悔冲、合处逢冲之例。六爻太庙所属，故不可破散，鬼为太灵，故不可鬼动、鬼空、鬼散，及鬼克世也。）

择后犹婚姻也，财在何宫，当应何所。

（如财在中爻，当得晋女，财在内卦，当应本乡。）

立储喜子孙跨于日月，改制忧官鬼发于强梁。若占享国几何，以岁为纪，有岁则一位一元，再之亦一位一元，然必考其本宫之旺衰、鬼象之动静，方可推而定也。

（岁司年历国祚，如己亥年，得丁亥太岁，有六元之运，又以内卦参之，鬼动权之，方可推也。）

闻之先贤曰：以正得国，以德守国者常；以力得国，以暴守国者不常。天命之矣，宁俟筮哉？且天授之学者仁知，人授之学者象数，安能以人授之学，测天命之微？唯述旧闻，以备昭格，占者慎之。

## 军机章第四十三

(内详立营、攻守、水陆迟速、遣将用计、拜将、用间、问守、问战、问款、问降时日，防守、防刺、行刺、内应、火攻、因粮讨战沿剿，求援、求济、救援、守城、敌来被困等问)

国事之大，莫大于用兵，古圣王慎之，盖尽人力以应天功，亦尝谋于蓍而作外也。出师之要，先分彼我，形成主客，专以世应为凭。统论安攘，则以福鬼而断，世为我，应为敌，喜世强而制应；福为兵，鬼为寇，宜于旺而克官，庙算胜负于是见矣。

(兵占先观世应，世克应则胜，应克世则负，世应比和则胜岁等；世生应者我怯，应生世者彼让。复考子孙为我兵，旺相发动则勇往，休囚空破则不捩(?)；鬼为彼贼，旺相强梁，休囚披靡。如世坏，虽克应动子孙，亦曳甲而归；若应坏，虽克世动官鬼，亦夺旗而返。)

如问立营下寨，安危凭鬼，而内外毋墓绝反伏空破，犯则麾幕不安；两象毋冲击，犯则将士离心，不可次舍。

(筮兵次舍，最忌鬼摇，恐为敌人劫掠。最恶内卦犯疾，及六冲，上下乖离。)

问城攻守，兵行水陆，战利迟速，及遣将用计，意在必胜，皆以世应占之。若朝廷拜将，及择人用间者，乃三军之大任，必仁勇达变，当以宾应辨也。

(六占皆论胜负，惟忌世坏及应克世，而随官入墓、助鬼伤身，主有覆军之败。惟用间不同，类于嘱托，应爻空破散绝，机谋泄漏；应爻克冲世位，乃反奸之徒。君蓍任将，亦如用间之法。盖古之用兵，莫大于求将，莫难于用间，或内结骨肉，或谊兼师友，故用宾应也。)

问守问战，当以胜负分彼我；问款问降，当以忠奸察应爻。时日利战，得时而我利，防守无虞，鬼动而来侵。应克世为蚕食也。

(得应坏世克应，则成百战百胜之功，世坏应克世，则忍三战三怯之耻。敌降于己，己款于敌，皆察应爻真伪，忌应克世。若卜日時之占，如用兵于秋时，则利金爻持世，出师于亥日，则利火爻属应也。)

防刺鬼为刺客也，恶其动；行刺应为所刺也，好其疾。

(若随墓助伤，防刺大凶，鬼动鬼克世亦凶，惟空破为吉。行刺应坏敌人数尽，可以得志，或世坏随墓助伤，敌人虽灭，我亦随亡，或鬼兴而世旺，敌虽刺我，我数未终也。吉内藏凶，凶中有吉，辨之。)

用应如用间，用火如用计，鬼动则谋败焉。因粮于敌，截饷于途，财旺则计得焉。

(内应可任，法如用间，但不可鬼动，则功未成而先败；用火法如用计，务在胜负，然水火为

民害之大者，亦忌鬼动，或谋泄流祸。)

盖或寇有地而用应，寇无地而用鬼。是以两军对迎，法世应之克生，四野剿除，度鬼福之强弱也。

(若据城郭，成两军之势，则考世应生克虚实以为胜负。如流寇无定，必四向剿灭之，则论福鬼强弱。)

飞檄求援，应疾则为不援，克世则为不轨。上书求济，六冲五疑，君象冲克世爻，则不允济。同仇相援，则如用师也。

(应空破散，则无周急之情；应克世爻，非惟不援，尚有他奸也。五爻空破散绝，谓之五疑，盖五爻为君，克冲世爻，恐逆耳不允。彼困我救，断如用师。)

筮城虑破，鬼动鬼克则危。筮敌来期，应克应动则速。筮军被困，世墓世伤则凶也。

(若患破城，不拘父母，反专官鬼，发动克世则危。)

故兵法不一，象理非二，凡主帅空而中军折，贼首空而敌人逃。生我之动爻，喜有援兵，克我之动爻，恶其助敌。犹有彼虽败而不能胜彼，谓其有生也，己虽伤而不能害己，谓我有扶也。全盛而衰，将靡而起，进退反复，存乎神尔。

(主帅谓世，贼首谓应，全盛而衰，谓动冲，将靡而起，谓绝生。)

惟鬼不可得时势，恐其害成，不可遇长生，恐其难灭，不可临胎养，恐其方兴，不可暗动，兼伏鬼克世，恐其谋刺，不可上下克世，恐其内应外通。

(上下鬼克世，即内外鬼也。)

欲视贼人之布何策，用何兵，进何道，我将何以应之，何以克之，何以取之，俱验五行八卦消息而已。故鬼动内而防间谍，鬼发外而虑野战，鬼动乾宫，伏兵于庙，官兴巽卦，匿从于林，坤鬼是戒纳降，震鬼非当却叛，艮忌冈陵之困，离忧市井之攻，兑毋信其说口，坎毋听其诱语也。

(此言八卦取象，盖鬼之所现，即敌之所谋，坤顺鬼动，其降非真，震振鬼摇，却叛必变，兑为口、为悦，则说言必诈，坎为耳、为陷，则卑辞必谋也。其余类推。)

火鬼动，非劫寨而谋于纵火，水鬼动，非水淹而计于囊沙；金为流矢之凶，木为胶舟之诈，款为平原之战；起于离而南来，发于坎而北犯；艮坤敌出于山阜，震巽寇自于丰木；乾以老弱骗吾军士之心，兑以子女惑吾兵卒之志也。

(复言八卦及五行取义，或云木有生兵，土有坑陷。夫敌进退布策，惟深心测度官鬼情形，取象取义，可得之矣。)

子孙动水，则利于水战，福神动火，则利于火攻，土以炮石胜，金以弓矢胜，木以舟车胜也。

子动坤宫，屯兵相助，福兴震卦，壮士来归，乾为丈人之良谋，艮为少年之秘计，坎当外示其弱，离当内示其虚，兑当饬以卑词，巽当勇于趋进，皆发子孙，而取胜也。

（兵占福临皆吉，或属五行，或现何宫，各以象推。）

然父母为彼我之机关，妻财为彼我之兵甲，弟兄为彼我之埋伏，鬼为贼众，子为将士，考生克衰旺以分美恶也。

（兵占六亲之分如此，父母为计策，亦为军师。）

是以鬼临吉神，纵吉而不吉，福居凶煞，纵凶而不凶。且有子化官者叛，官化子者降，飞伏官而随减随起，内外子而屡战屡捷。阳为正兵，阴为奇兵，子孙官鬼以别其利也。合则结，冲则绝，静应守，动应攻。常问决策在人，成谋在天。盖筮蓍之从，鬼神之情，喜直而恶曲，辅仁而伐暴，占者鉴之。

## 天时章第四十四

（内详占雷、占风、占雾、占雪、占水、占冰六问）

晴雨之占，不可以自试其术而轻渎鬼神，如亢旱而求雨，霖雨而祈晴，心切民瘼，圣贤来告矣。

凡有所占，发宜分请，卜晴者，法以子孙为日月，盖日月照临万宝以成，故取财元也，或当于发动、现于旺相、值于日月，则天将霁矣。

（分请谓意在祈晴，意在祈雨，晴以子孙为用，雨以父母为用，则易辩也。）

卜雨者，法以父母为天地，盖天地闭而日月掩，父动子伤，故取子忌也。父母旺动而雨速，衰动而雨小，冲散将雨复晴，暗动雨将作，月破作而无雨，化克将止，化子孙雨中日月，化兄弟雨后风生，化鬼则雷雨并至，化父则霖霖更作也。

（祈晴察子象，亦同此推之，不出旺衰动静合冲而断也。）

古人常以水为雨，火为日，阴为晦，阳为霁，世为地，应为天，未为尽善，必察子父临水火阴阳世应之位，而后定焉。若执而言之，则夏必多晴，冬必多雨，甲申午空不晴，甲寅子空不雨哉？是以夏火父动而雨霖，冬水子兴而日出，不可惑也。

（此言父母子孙为重，水火阴阳不能泥也。如午建辛卯日占晴，得睽之未济，雨至己酉日方霁，则可法矣。）

虽云父雨子晴，而有卦象合冲之法，则不拘于二者。是故得乾离者，日月照于九天，得坎兑者，滂沱遍于四野，此从卦断也。夫六合则云迎而雨降，六冲则晦散而日升；先冲后合，昼晴而夜雨，先合后冲，朝晦而午霁，此从合冲断也。故从合冲断，则用神为轻，从卦象断，则合冲又轻，不可

不知也。

（此言卦象及冲合为重，父母子孙不能执也。如申建甲寅日，占雨得旅，次日大雨，卦虽无父，因六合而乙卯值父故也。）

天地之鬼神曰雷霆，以官鬼像之；天地之呼吸曰风云，以兄弟像之；生育我者天地，以父母像之；滋百果草木之生者日月，以子孙像之；收天地之阴晦者虹霓，以妻财像之。

（鬼神为雷霆，则雷同推，兄弟为风云，则风同推。）

筮风有无，惟以兄弟之衰旺；筮风顺逆，当以比肩之克生。雾以比肩，雪以父母，喜而求诸有，忌而求诸无，兼摄他事，又以义起。

（如子建丙申日，客来忧雪，得无妄之否，是日不雪，客至。乃用卜行人，应克世故来也，若以父动为雪则惑。大抵用神在占者意之所重。）

冰与水，驾舟者常占，若父旺动，水平行而长驱；如父破空，冰连结而不进，盖舟车以父为用也。

（冰水无阻，舟车易进，冰水有阻，舟车难前，故反以父母为用。如占久晴害田，久雨害蚕，则财福为用，余以类推。）

叩天何日雨者，父母逢生遇冲所值之期也；何日晴者，子孙当见之神也。而占法或以月卜，或以日卜，或以旬卜，或以时卜，不可溷也。如巳爻子孙，巳日晴，而后巳日雨者，故宜分请，问天道者，当如是也。

（当见，谓干支皆值也。如庚辰年，瞽初游武林，霉雨不止，午建甲申日，顾观察忧民禾，命占晴，得渐之涣，申动子孙，当日不霁，及丙申日子孙当见，而后大晴。然卦内无财，秋成应饥，盖其属意占晴，意在秋成，故无财亦验尔。天道渺茫，晴雨非遍，常有河北霁而河南晦者，是以占所占之地，祷所祷之期，分请之法，宜如是也。）

## 岁事章第四十五

（内详丰荒、田蚕、兵凶、疾疫、水旱、分野诸事）

岁之成熟为丰，时之安平为泰，夫丰所谓天施地育、物阜民饶，故取用以财，盖万物以财为象也。是以财有气而五谷登，财无病而百果结。

（占丰歉以财，占治乱以鬼，此岁占大象也。）

财实火木，利春夏之耕，财值水金，宜秋冬之树植。子空则蚕妇徒劳，财陷则农夫失望。

（以时以象言之，子为蚕，田为财也。）

夫鬼为时之祸患也，宜静不宜动，动则四方多难；最不利于金官，恐干戈满地；亦不宜于土鬼，防瘟疫流行。水为淹没之灾，木为桑麻之难，火为焦枯之患，及炎火之忧也。

动兼螣蛇，非妖兴闾里，则痘损婴儿；动兼勾陈，非螟蝗害稼，则土地多荒；动兼白虎，非兵革顿起，则虎豹来游；动兼青龙，寒曝失时，而花果谢实；动兼朱雀，主流言横议，而民口难防；动兼元武，主雀耗鼠损，而弭盗无术。是以五行六神，皆不可值鬼动也。

（龙本属吉，鬼扰起凶也。）

财化鬼者，薄于西成；鬼化财者，难于东作；官化子者，则有致治之政；子化官者，则有兆乱之机。

（鬼化财，虽难于东作而有收，不如化鬼之甚也。）

若筮天下则丰歉不均，所以动于巳而楚荒，摇于震而东乱也。

（乾分冀州，坎分幽州，艮分青州，震分兖州，巽分徐州，离分扬州，坤分荆州，兑分雍州，中为豫州也。盖中宫附入坤分，如九星天禽，附入天芮之意也。子分齐，丑分吴，寅分燕，卯分宋，辰分郑，巳分楚，午分周，未分秦，申分晋，酉分赵，戌分鲁，亥分魏也。盖鬼动是分，则是地多难，其所在所临之官爻，亦有小厄，但静则不甚尔。）

是以鬼从初而物杀，鬼从二而民瘼，鬼从上而天怒，鬼从三而吏苛，于五君忧，于四臣辱，其法惟以财实为丰穰，鬼动为荒乱，其义如此。

（鬼动是位，妖作是处，虽静不凶，亦有小疾。）

## 身命章第四十六

（谓我身受命于天也，此宜有专问，则授命如响。内详寿夭、富贵、道业、妻子、趋避、大限小限之法）

告圣贤曰：我生成败得失亨困何如，即世爻不可病也。世爻不病，则成而不败，得而不失，亨而不困矣，故曰：世乃平生之本也。

（一生成败，独世主张，无休囚伤退，谓之无疾，有空破散绝谓之有病，若父子夫妇弟兄请占，当分用神。）

随官入墓、助鬼伤身，常防病患；伏吟反吟，化居墓绝，难免迍邅；正冲悔冲，合处逢冲，终多得失，此平生之概也。若有专筮，则有特告焉。

筮曰：寿夭何如，则破散空冲定之夭，日月旺相定之寿。旬空限绝，天克地冲，是其考终也；推而深之，虽日月可知也。自占凭世，六亲凭用，旧专执父母为寿者非也。

（旬空，谓后来年旬空，限绝，谓后来行绝限。如戊子生人，丁丑寅建辛亥日，占自寿得师，世爻绝亥生寅，其寿未已，及戊子年孟秋令寝，乃甲申旬空午，子岁破午，十年后行午限绝亥，庚申又破寅生，是以终也。余仿此。）

筮曰：我能贵乎，官父贵之本也。以学而得名者，必父爻之高明；以功而得名者，必官象之昌隆；以位而卜其禄之尊卑，以会而卜其成之岁月，以八卦为方隅，以五行为司属，以六神为班列。金为兵刑，水主河海，土主税赋，火主礼仪，木主考工；乾为西北，巽为东南；三为守牧，五为台省；龙为文翰，虎为武卫，雀为言路，元为水利，陈为地土，蛇为使节，生旺则得，死墓则失，而官制代更，则随义而起也。

（以文章取进，则专用父母，贡举亦然；以事例擢拔，专用官鬼，从武袭爵亦然。官立四五之位则显，文临当现之年则第，官值生旺之岁则拜，五行为司，八宫为方，六神为职，六爻为级。）

筮曰：我能富乎，财福富之本也。生平之挥霍者财，旺则有余；生平之安乐者福，强则多庆，惟有财而无福者富而忧，有福而无财者贫而乐，然必以身受之，故世爻不可伤也。

（问富贵先看世象生旺，世空无成，世破不享，世散绝则不终也。）

且问道而忌六冲，问妻而忌财陷，皆不可以世空也。问子而忌子虚，旺相则多，休囚则少，空散则刑，克冲则暴，带吉神而贤良，加凶神而顽劣，跨身世而迈种，登日月而昌荣，占弟兄者亦如之。

（若世爻被子孙冲克，则男女忤逆。凡问父母更有兄弟否，则视兄弟，其他皆卜子孙。）

如问趋避，则福为我所趋，鬼为我所避。官鬼克世者不以贵言也，火鬼克身而忧焚，水官伤世而患溺，带白虎则避兵凶，加元武则防盗贼，虽青龙亦恐惑于酒色也。所以鬼属之物不可食，鬼发之宫不可适。丑鬼戒牛，卯鬼戒兔，戌为疯犬，午为狂驴；鬼发兑而毋妮少妇，鬼发乾而毋老僧，鬼发雀符而防官非之扰，鬼发陈蛇而招轻诺之凶；发于离而目翳，发于震而足跂，于金则病肺，于火则病血；鬼发游魂而莫近于新所，鬼发归魂而莫还于旧乡。生合世之方宜往，克冲世之方宜回，生合之人可交，克冲之人宜远也。

（以五行六神八宫诸星及十二支所属鬼动，近取诸身，远取诸物，而趋避得矣。）

夫艮发子爻，利修身于山谷，乾兴福象，宜砥节于朝堂。巽求花果之财，震觅舟航之息，兑以酒食之资，坤以庄田之益。动于木上，应守业于桑麻，摇于水中，宜治生于江海，火向炉煨之肆，金趋玉石之门，而土惟诚信耕耘可也。常谓虎财宜屠，雀财宜优，龙财宜乐，麟财宜技，蛇财宜商，武财宜肆。无财而有官者，技善巫医，无官而有财者，运宜商贾。

（福乃财之源，财乃利之主，故财福所适八宫六神五属，皆为资生之处、功业之乡。如子发乾

官，殿折庭诤，亦无祸也，不可以子动伤官为言，若专问仕途，仍复为忌。）

世临子孙者，恬澹宽和，宜僧宜道；世临官鬼者，英雄勇悍，宜武宜文；世临父母者，是谓生我于劳；世临妻财者，是谓溺我以豫；世临兄弟者，是谓义利相胜也。

（父母为劳碌之神，故像操持；妻财为饶豫之像，故戒骄溺；弟兄以义相亲，以利相疏，占者义利持中，否则主贫也。）

世折于木者，修仁以植之；世崩于土者，立信以培之；世空而安者，莫若离尘；世空而动者，莫若奋志；动而冲散戒骄盈，动而生扶善结纳。

（此勉人迁善之法。盖五行具五常，木仁金义火礼水智土信是也。设如木爻持世，或遇空破散绝，谓于仁有亏，非天即疾，苟能修仁以植其木，则天疾可延也。其他类推。）

无父母曰孤而依，无子孙曰独而继，无妻财而有子孙者孕于他妇，无父母而有弟兄者胞于异母。官坐世者夫纲整，财坐应者妻德备，卦空破而出寒微，官旺相而产豪富，官父伏而有气者，成名于暮年，财福藏而无伤者，起家于晚岁。

（无六亲，此言其大象，或伤于前，或损于后，不可执也。）

两官者兼御之官，两父者再试之第，两身者再立之基，两财者再婚之约，两子孙者男女嫡庶，两弟兄者手足同异也。

（其详备两现章中。）

变官而登日月之上，则是意外之官，变财而入旺相之中，则非望内之财也。动克世而多尤，动生世而多助；进神则祸福愈彰，退神则吉凶渐已；用神遇绝生者，先困后亨，用神遇有无者，始华终悴。

（此言吉凶征胜之道，卦无官鬼，非善求名，若变有日月官爻，当应特遇爵禄；世财逢绝，生平失利，如或长生，则先败而后成。盖动生世，好我者多，动克世，恶我者众。）

犹有犯六害而手足参商，犯三刑而骨肉仇敌；贵人文昌天喜天禄及诸星有吉，亦必因吉而后求之，羊刃天贼官符天狱及诸星有凶，亦必因凶而后索之。语云：八卦成例，五行先之，六亲随之，六神象之，诸星辅相之。吉凶相称，扶阳抑阴，遏恶扬善，而后可以筮趋避之验也。

（此言星煞吉凶，若用神得地，然后以吉星符之，用神失位，然后以凶星象之。如丙戌子建戊申日，戊午生人，占身得小过之艮，世命投墓，本主寿夭，其午上有天贼元武羊刃大白虎之临，后戊子季秋为贼所杀，可见因其凶而像之也。倘或身命求贵，官临日月，而同白虎羊刃，则应太阿可握，兵衡可操矣。故曰：六神像之，诸星辅相之，法宜如此。）

大限自贞之初爻，以顺巡乎悔之初爻，悔之初爻以顺巡至乎伏之初爻，伏之初爻以顺巡乎贞之

初爻，阴阳之数，九变乃还，故九十复归贞初，三世再始；无变从互，去闰从时。有言胎元体骨之别，乃谓初生，筮而以告也。年五十而筮之，则所往成败利钝以历，吉凶何求？易云占事知来，则必以所筮日时而始推初爻也，其吉凶以空破为危，冲散为戒，遇用为得，会忌为失，生合则顺，克冲则逆。五年中加以小限齐之，是筮之日而始发于世爻，顺而上下，周而循环，一年一位，其吉凶亦法式于大限。而再以岁齐之，其吉凶以虚而喜实，绝而喜生，无而喜见如此。

（法曰：大限五年一位，始自初爻，小限一载一位，起自世爻，弥月婴儿，筮用此例，其余少壮，皆以所筮之日时，起大限小限于初爻世爻也。无变用互，从时，以占时节气为准，如今占惊蛰，则以来年惊蛰为一年也，闰不算。易之所谓占事知来，不占往也。大限以小限参之，小限以岁月参之，虚宜实，绝宜生，无宜见而已。大小之限，俱忌空破散绝克冲及忌神之地，宜日月旺相生合及元神之乡。如己丑寅建庚午日，己巳命占贵，得损之剥，卯官发见，当第辛卯，然大限巳文书化未兄弟，小限三年在子，是岁失利；后甲午榜，大限在卯，小限亦在卯，乃元神之乡，其年中式，余仿此。盖大限、小限、流年，必先考流年之用忌，次详大限之休咎，复索小限之吉凶，其轻重有等级，占者审之。）

盖其限同也，其占殊也，是以筮上而用于父母，伯叔同焉；筮下而用于子孙，甥侄同焉；筮室家而用于妻财，仆妾同焉；筮手足而用于弟兄，宗娣同焉。丈夫用官，良朋用应，而不可错审也。用神是定，造化乃分，然筮者无侥幸之心，无固必之意，而后神告之矣。

## 年运章第四十七

圣人作易，以前民用，使天下知吉凶，而为趋避也。故虽圣哲，不废蓍龟，然占者须分远近，或筮三年，或筮今岁，皆以世爻为本，故世爻旺者身安，鬼爻静者灾息，随官入墓、助鬼伤身，则讼起而疾作也，反吟伏吟、化居墓绝，大病将至也。此年运之要也。

（反吟伏吟墓绝，当察主属，若身系长男，伏吟则恶，身属中女，反吟则凶之类，非是皆不忌也。）

且世空有谋而虚望，世破无故而致灾，动则劳，静则逸，冲为行未举而先疑，散为事未成而随败，旺相则事每顺成，休囚则往多淹滞。

（年运占法，实系世爻，若日月生扶，旺相安静则吉，空破散绝，休囚发动则少安也。）

犹有得坎艮而忌出行，得屯蹇而忌拜疏，得井而难迁，得遁而不进，得姤而毋耽女色，得无妄而毋事妄求，得小过而毋留怨于小人，得兑而毋纵其口，则占者之戒也，然必因鬼动而推之。

（此以卦象趋避，然必兼鬼爻发动，若鬼静则莫将卦名推祸福也。盖官鬼为年运之忌神，谓不

宜老，世爻为年运之用神，谓不宜病。)

然鬼发之官，及鬼发之爻，亦有戒也。动于坤，则老母、土田、文章、坟墓、大舆，而缘于祸；动于坎，则江河、丛棘、盗贼、酒食、心病、耳痛，而兆诸殃；动于震，则舟车、旌旗、仙道、长子、尚武、宿怒，而生其咎；乾常应朝庭、寺院、西北、乘马、折舆之忧；巽常应风姨、悍妇、园林、利赂、鸡鹅之病；艮为童稚、坟塚、阉寺、狗啖、虎惊之由；是以目昏、腹大、戈兵、甲冑、南行而受患者，起之离；花柳、轻狂、师尼邪惑、以言而取怨者，起之兑也。伸八卦之象，像万类之形，而趋避兆矣。

(此以广八卦为祸福趋避之象，余可引而申之。)

以六神而分龙喜、虎丧、雀非、武盗、蛇惊、勾滞之别，以六爻而分老长幼之等。盖鬼动于五，父不安，动于初，子不宁也。

(龙曰喜，虎曰丧，雀曰非，武曰盗，螣蛇虚浮，勾陈迟滞也。初子二妻三弟兄，四母五父上祖也。)

以六亲之化，而分父母、兄弟、妻子之疾，及为我难。盖弟兄化鬼而鹳鸽飞，鬼化子孙而麟趾戚，鬼化财而牝鸡鸣晨，财化鬼而孤雄啼夜也。

(子孙化鬼，卑幼兆灾，鬼化弟兄，手足召祸，鬼化父母，忧及尊长，父母化鬼，患发文书也。此重独发。)

以世应分彼我，以傍间为连勾，以阴阳为现在将来，以旺衰为大小，以星煞为事端，此避凶之道也。

(世鬼自己之祸，应鬼他累之祸，傍间鬼勾连之祸，阳现阴隐，旺大衰小，星煞以符其事，如桃花，则妇人之祸，若天贼，则穿窬之害也。他以类推。)

夫官文静旺，宜以求名，财福生扶，宜以问利，子旺贵人，诞儿跨灶，应财生世，得妇齐眉。盖爻神得地，鬼象不兴，此趋吉之道也。

(世既旺矣，鬼既静矣，然后索卦爻上下，或何象持世应、临日月、居发动、分生克，以为吉可趋也。)

大抵年运之占，避凶为先，趋吉为次，故吉欲其自无而有，则必年运之生旺用神也；凶欲其自有而无，则必年运之制伏忌神也。以吉忌推衰旺，以岁月合世爻，已世逢亥月而遭迍，酉世逢辰年而得济，乃其法也。审此，而吉凶趋避之道，思过半矣。

(如时下乏嗣，年运内逢子生，当岁即孕；时下构讼，年运内逢官鬼墓绝，其词乃灭；如卦中有元官之发，年运内值岁而方见；如世爻落空，年运少利，后值太岁，是年诸事可图也。先求避凶，

后求趋吉，一动一静，不可忽也。)

## 卜居章第四十八

(内详新旧居、还旧合新、共居、创造兴修年月、匠工、庙宇道场、公署馆地、蚕室、仓栈贾肆等问)

日之所作，夜之所息，出入无不由中，当先求其安，后择其利，故官鬼于居为殃害、为妖孽、为火盗、为官丧，动则有其事也。

已住之居卜内卦，未住之居卜外卦，不遇正冲悔冲合冲、反吟伏吟、墓绝空破，而逢旺相胎没之卦则吉。卦司气象，气象旺而家业昌，鬼司祸殃，祸殃作而门户警。

(卜居之法，先察卦临旺相，后问福财。)

如鬼动于火，天垂荧惑之殃，鬼动于水，地受横流之害；雀非武盗，蛇怪虎丧。在世则主人少安，在应则宅母失利。盖以鬼动何爻，而兆祸之报也。

(五行所司，木鬼主风波，土鬼主瘟疫，金鬼主兵丧。六神所司，青龙鬼为喜伪，勾陈鬼为田荒。六爻所司，初井二灶三床席，四为门户，五为路为人，六为栋宇墙壁。鬼若动此，祸则从之。)

卜基之形，父母旺而房屋宽，官鬼实而厅堂整，妻财丰而仓厨盈，子孙破而廊廂损，兄弟陷而墙垣倾，世应空而邨乡冷。

(父母覆庇，屋之象也；官鬼宾客，厅之象也；妻财饮食，厨之象也；子孙卑小，披之象也；兄弟护卫，厮之象也。)

旧居久否，三冲及游魂、世动世空而难为长策；新居吉否，三冲鬼动、外卦病伤而未是乔迁。复还旧居，虽未并而占内卦，会合新居，虽已就而卜外爻。

(冲则不长，游则不定，空则不处，动则不留也。外卦病伤，如反伏吟、卦墓绝也。旧居重还，亦占内卦，新居虽得，亦察外卦。)

与人共居，应空破而不我顾，应冲克而非我从，贞悔合冲，朝入室而暮操戈之人也。

(亲人共居，属在用神，他人共居，属在应爻。)

卜创造，利在安久，亦忌三冲。内衰而鬼动也，卜兴修防有妨碍，官克世而犯阴阳，鬼值动而起灾咎。选择年月，鬼动以为忌，克世以为凶。匠工，应坏为拙，克世为诈，六冲则不终也。

(造作兴修，皆忌鬼发。)

卜居庙宇，专忌鬼发；占建道场，专喜福兴；占兴公署，官旺而爵迁，世空而解仕。

卜馆地重文书，鬼动不可；占蚕室重子孙，官空是宜；占仓栈、优场、浴室、贾肆者，专务于

财，无他求也。是故居求安，事求顺，谋求济，所以鬼发则不安，卦反则不顺，用失则不济，此卜居之法也。

（卦反者，如三冲反伏墓绝空破之类。用失者，如心之所求，为财用财，为官用官之类。）

## 茔葬章第四十九

（内详地师觅地、定穴、寿地、停厝、安灵、合附买地卖地、托守修培选日诸问）

古之卜地，以安亲之遗体，而非有他求，然一体之感，安危亦应后裔，所以子孙为祭祀，而不可衰也，世为主穴，而不可虚也。斯二者，地理之要也。

（喜子孙遇日月旺相则喜，逢空破散绝则凶。复以世爻实而不虚，旺而不病，始可言善。盖空非真，散是风、蚁、沙、水，破为伤损，冲经开凿？，临鬼为古墓也。）

是故巽为风，坎为水，乾为石，兑为沙，离为蚁，蛊为虫，井为泉，明夷为伏尸，此八者，风水之卦忌也，虽世与子孙皆旺，不能为吉。且坟以久为利，墓以安为臧，所以贞悔遇冲，合处逢冲，大则洪泛陵夷，小则迁移更改，随官入墓，忌有古塚，皆不用也。

（以世随鬼入墓，属土尤甚，右卦忌、爻忌，虽世实子旺不用也。）

是故卜地之秘，不遇卦忌，不遇三冲，不遇世墓，世爻实而子孙旺者，尽善矣、尽美矣。子孙旺而官文得地者贵，子孙旺而财得地者富，子孙旺而遇帝旺者多男，子孙旺而遇长生者多寿，子孙旺而遇羊刃白虎者出武夫，子孙破者出残疾，子孙空者出僧道，子孙绝者覆宗嗣，子孙散者主生离，子孙休囚，而带孤神寡宿者出四犛，子孙休囚，而带元武咸池者出淫奔，子孙受伤于外卦及游魂者，主暴死他乡，子孙坏而带刃虎及金鬼独发者主戮，坏而及水火独发者，主水灾火厄，坏而带符狱武贼者主盗讼。

（此专察子孙衰旺，定其吉凶。）

卜地之形，青龙空而左凹，白虎动而右凸，元武陷而后虚，朱雀冲而前杂，间爻旺而明堂宽，上爻空而水口缺，勾陈实而来龙端，螣蛇冲而去路裂，应克世而案山高，应值空而印心侧。

（以六神、六爻、世应分形势，以旺崇、衰卑、空虚、破碎、散乱、绝伤、冲损、动昂、合和、生世为助、克世为欺、坐鬼为尸。）

旧传二为穴，乃地中爻也，蛇为穴，处穴之物也，此非通论，故专以世为主穴者，则变而不穷，于是乎。金官持世，穴碍石岗，水官持世，穴入泉渠，木官持世，穴发竹木，火官持世，穴伏蛇虫，土官持世，穴乱坟塚，必此以子孙失位而云也，旺则不泥，虽临亦轻。盖以六兽六爻占其形，世占其穴，子占其福定矣。

（二爻为穴，只有寅辰午亥丑巳卯，而十二支不全，巳日蛇必在初爻，惟其不化，故法以世为穴，以其能变通也。鬼在世为穴病，若子孙日月旺相，则不拘焉，谓其可修补尔。大抵神与爻，考其形势，世与福，考其真伪。）

卜地师美恶，先重其学，应不可破空，后重其心，应不可克世。父母旺而应爻虚，博览长而眼力短也。

卜得地有无，有父母而有，无父母而无，及世不可空，空则有而不遇也。卜在何方，察所属之方，火南而水北；在何处，察所居之宫，艮山坤野，巽园坎沼；在何时，父母实而世合之期也。

（觅地以世陷父空为戒，何方何所何时皆宜分卜。设或并祝，如瞽丁亥寅建丁未日，为父母觅地得否，世空不遇，及后辛卯五月始得，九月葬于朱村，验其卯岁实世，未附西南，五月合未得之，建戌葬之，互渐内得艮，未在坤，山足平原之所也。复如癸巳岁戌建癸丑日，筮有地遇大畜，本岁不得，至来春正月，就地于南山，亦午父居艮，实寅世之征。）

占穴上下，当以世爻推之，占穴吉凶，亦以子孙为断。

（世在初二地穴宜下，世在三四人穴宜中，世在五六月穴宜上。）

占六亲寿地，各以用爻，旺相为吉，而恶鬼动。若占地之臧否，仍以世爻子孙断之。

厝柩于地，寄棺于庙，安灵于家，并灵喜怒，其法一也，惟亡者安而生者乐，则官鬼忌动空破，喜宁静生合，不可克世，而为吾灾害也。助鬼伤身，随官入墓，及正冲合冲变冲者，则不问官鬼如何，而直言不吉。若合葬傍埋，吉凶取用，同于地理。

买地同谋望，卖地同脱货，托守同用人，改作衰益。选择年月，意在得吉，则世旺子兴，意在避凶，则官克鬼动。

（买地，遇正冲合冲，及卦无官鬼、空世应者不就。卖地以财为用，托守以应为凭。改作修方，如值助伤随墓，官克世爻动者毋修。）

且夫坤艮之占，随时而凶吉，用爻之法，随事而变迁。故常以茔墓为千百年之大事，男女命之相关，卜者以诚，断者宜慎，若谋人之成穴，破人之吉地，地理得而天心怒，鬼神所不告也。

（风水以六冲为戒，然春前占山之艮，秋后占地之坤，不可例言凶也。）

## 易冒卷之六

### 家宅章第五十

家宅，一家之趋避也，莫不以安为乐，以顺为道，故官鬼戒其动也。夫克我为鬼为难，动则难作，所以象像而为祸也。

是以水鬼动而远河川，土鬼动而莫堵宅，金鬼动而慎刀针，木鬼动而徒种植，火鬼动而防回禄；武鬼发而戒亡财，白虎为丧服之忧，朱雀为讼词之虑，螣蛇现怪异之端，勾陈起土田之衅。惟青龙利爵级文章，不利胎产，及进丁口也。

（青龙吉神，以同鬼发故不利，恐害生于喜尔。）

动于坤艮，坟墓有疑，摇于兑乾，天神弗喜，震巽祸育于舟楫，官停停家，坎离患生于耳目，并灶失所。

（此言鬼动八宫之象。震为棺，巽为椁，鬼动是宫，则应停棺寄椁之不安；坎为井，离为灶，鬼动是宫，则应井灶之不利，余可类推。）

丑丧耕牛，午失良马，巳酉为蛇鸡之怪，人常齿目之灾；卯申为丧柩之凶，家主肝肺之病；子为鼯鼠舞庭堂，而家不祥；亥为神浆耽、口腹，而主亡德；雀飞戌上，有狂犬啮足之虑；武入未中，有烹羊亡赂之叹；寅戒山林，有惊狼虎；辰休动作，恐犯社坛。

（此言十二支鬼动之象，申为凶丧，卯为灵柩，鬼动是爻，则丧柩之碍；雀乃是非，武乃失脱，临鬼动于戌未之爻，则犬羊缘祸也。）

又有鬼动于二老六子，而定其灾也。

（乾为父，坤为母，震为长男，巽为长女，坎为中男，离为中女，艮为少男，兑为少女，如鬼动、鬼化及变爻鬼现，在坤为老母之灾，在震为长男之疾，变爻如革之咸，丙辰鬼入少男，当病幼子也。）

又有乾首、坤腹、震足、巽股而定其病所也，有乾马、坤牛而定其亡畜也。

（近取诸身，远取诸物，鬼动是宫，乃为是厄，坎耳离目、艮手兑口，身之象也；震龙巽鸡，豕坎离雉，艮狗兑羊，物之象也，若能引申，亦犹如是。）

又有离南坎北，而定其凶方也。

（鬼动乾宫，莫行西北，官兴巽卦，毋往东南，兑鬼凶西，震鬼祸东，坤西南，艮东北之谓，鬼摇是宫，则为是方之咎。）

又有上老下幼、五父二妻、四母三弟，而六爻分其不利也。

（如上爻鬼，老者不安；初爻鬼，少者不宁；五为父，四为母，动鬼多灾；二为妻妾之未康，三为手足之致疾尔。）

又有世五为宅长，应二为宅母，而宣其灾祥也。此五行、六神、八宫、十二支及六爻之义也。

（世为夫，应为妇，五为宅长，二为宅母，鬼若临而动之，及空破散绝，则知其灾；福若居而摇之，及日月旺相，则知其庆。）

随官入墓、助鬼伤身，谓其主难；伏吟、反吟、墓绝，谓其所属人之难。何命临鬼，何命随墓，何爻空破，何象动散，何命化对，何用伤害，则其为之灾。

（凡随墓助伤，皆世爻之病，故曰主人有难；反伏墓绝，巽化反吟，长女之灾，乾化伏吟，老父之病，故曰所属之人有难。临鬼，如巳鬼蛇命者有难；命墓，如寅卯鬼墓未，则虎兔命者有殃；空破，如五爻空为父病，二爻破为妻厄；动散，如子爻动鼠命不祥，六爻散仆丁不利；化对，如未爻化鬼，羊命者厄，寅鬼冲申，猴命者疾；伤害，如子孙受伤，则卑幼违遭，父母被害，则尊长忧厄，或断其何人之咎，而使知趋避。）

子孙化鬼而卑幼病，妻财化鬼而妻妾灾，父母化鬼为长上之忧，弟兄化鬼为手足之忌，自筮而世爻化鬼、代占而应爻化鬼，皆所戒也。岂惟鬼动，化鬼亦戒焉；岂惟鬼化，而鬼入之宫亦戒焉。所以艮鬼由离，而少男抱恙，乾鬼入巽，而长女生殃。

岂惟鬼入之宫如此，而鬼临之爻亦戒焉，所以龙乐虎丧、雀非武失、勾田腾怪，及世爻位，虽不鬼动，若鬼临之，遇生旺时，则其祸亦见，但不及动与持世之力尔。夫六神之为将，虽不鬼临，若发动持世，遇生旺之时，亦兆吉凶。月建六神力参之。

（大小六神，吉凶类应，不惟值鬼，若发动，若持世，后遇生旺之时，乃见其事端。而大六神与相殊者，谓事端应于值月合月之时，兆祸福大而缓，不可执一而失权。如大元武在戌动，当应卯丑之盗。）

岂惟六神，亦稽星煞，天火天烛主火，天贼地贼主盗，官符天狱主讼狱，丧门主丧，天喜主喜，贵人主贵，文昌主文，天厨主禄，咸池主酒色，血刃主血疾，折煞主跌蹶，驿马主行，怪爻主怪之等。故吉事之星宜其动，宜其持世，宜其附用爻；凶事之星忌其动，忌其持世，忌其临鬼爻，事见当月，而吉凶可推也。

（当月，如酉动天贼，是卯酉之期，法曰：怪爻季是两头居，仲月还须二五知，四孟谓当从人起，动为有也静无之。左传怪由人兴，故孟月始人爻，并发则应。）

卦无父母，不免堂上之忧，卦无子孙，不免膝下之戚，卦无妻财，不免臣妾之患，卦无弟兄，不免手足之寒，卦无官鬼，则不免谋事无成，而临财多耗也。而六亲空破散，世应空破散同推尔。

（用神无位，犹用神有病也，故与空破散同，即空破散皆谓有病，所以世应有病，则宅父宅母之患。大抵筮家宅者，用为诸人，因其有病而言疾，鬼为诸祸，因其有动而言殃。）

有或为功名而筮家宅，当戒世空以索官爻，盖家宅恶鬼，功名喜官，又参之人事也。故为兴作而筮家宅，则以修方占之，为兵寇而筮家宅，则以避兵占之，为妖怪而筮家宅，则以巫祟占之，为盗逃而筮家宅，则以逃亡占之，为迁徙而筮家宅，则以卜居占之，为疾病而筮家宅，则以用神占之，

为子而筮，则以子言，为贫而筮，则以财言，为出入而筮，则以出入言，为育植而筮，则以财福言，为不孝而筮，则以孝悌言，事类固纷，头绪非一，随其所事而参之。

有言家宅，将以阴阳二居，并筮于其中，则以内为宅，外为人，初为基，上为墓，其卦爻戒反伏墓绝空破，及鬼动摇于宫象，然基墓之占，终当专筮也。

（鬼爻动内，宅室之灾，鬼爻动外，人丁之咎，发初基不安，发六墓不宁也。）

家之所概，井灶、门户、道路、屋宇、厅堂、仓库、厢廊、墙廨之属，空可实之，破可补之，动可改之，冲可合之，此趋避之小也。

（父母屋宇，官鬼厅堂，弟兄墙廨，妻财仓库，子孙廊厢，盖空可以实其处，破可以补其所，动可以改其方，冲可以连其间，凡人事可挽回者，皆吉凶之小。若夫吉凶之大，丁口、消长，利名、官灾、火盗、忧喜、育植，与求等事，皆以子为福，鬼为祸，则顺天命之祥休也。）

家之所概，内外旺相，而生者兴，内外休囚，而克者败，反伏空破墓绝者灭门，世应日月旺相生合而带吉神者昌，子孙旺而后裔贤，妻财旺而生业起，官鬼空而香火微，父动勤劳，兄动累比，贞悔合冲及游魂归魂，而往返之念多，世身动空，而行止之志惑。

（人克宅吉，宅克人凶。空，如甲申旬空离是也；破，如夏至月破坎是也。贞悔六冲，合处逢冲，及游魂归魂五者，心憧憧也。世身空动，怀进退不果也。盖空主退，动主进尔。）

木逢鬼虎发，而有寄丧；逢金克世，而有飞讼；雀武交加，而有讼盗踵至；发于兑巽，而妇女生言；勾陈财陷恐退田；螣蛇兄动恐博戏；元武咸池摇阴宫与官鬼持世者，溺妓亡家；青龙天喜父母文昌，与贵人动生世者，崇文华国；福德持世动乾加华盖者，积善之室；父母旺相带青龙持世者，堂构之隆也。

（木为棺槨，鬼为亡，虎为丧，三者相并而动，故云有枢停家，若鬼虎雀并金而动克世者，亦云凶横词讼相干也。）

财，家之业也，木司织，火司冶，水司渔，土司耕，金司釜也。

子孙跨世子孝，克世子逆；妻财驾世妻能，克世妻悍；父母克冲，孝而不豫；弟兄生合，友而且恭；六爻伐世，则臣尊而主卑；一四前后来侵，里邻不睦；同白虎来攻，常加暴事，应与兄来击我，或朋侪之累；应与财来欺我，或戚党之嫌；内鬼外鬼并起，有开门揖盗之人；暗鬼伏鬼齐彰，有同舟敌国之事；惟卦宁世实，或生世爻发，而有人援天祐也。

（四爻为左邻前邻，一爻为右邻后邻，又有世前爻为前左邻，世后爻为后右邻，若来克世，主不悦于己，如同虎鬼克世，主横逆加身。暗鬼，谓暗动克世；伏鬼，谓鬼伏露克世；世实，谓世逢日月旺相。）

世投他外，我附于人，应归亲内，人趋于我。两官一家二宰，两父一宅二居，两财有异业，两弟有良朋，两福有成才养子也。虎吼应象而妻党丧，龙跃傍爻而庶房喜，世财应官为赘妻，世子应鬼为赘婿，应财外现为远娶，应子内财为他继。

鸡犬猪羊牛马，锄犁釜甑舟车，畜宜有气，物宜无坏。鹅鸭附于鸡，猿猫附于犬，鱼猪鹿羊，骆牛骡马也。动而生则增，破而克则减，空则无，遇旺则胎也。巳子利育蚕之室，午财利贩马之家，父母旺而舟车固，木财旺而犁锄新，金爻克而釜甑破，火爻二而灶非一，水爻塞而读未疏，金爻发而闻钟鼓之声，木袭（龙？）兴而有台榭之起，土化土而有凿辟之工，父化父而有经文之典。

且夫合于财为柜，合于世应为门，合于间为窗，冲于父为梯，父化父为楼，居六为园，居三为圻，鬼墓为灵，初爻财墓为藏金，鬼墓为伏尸，水克火而灶基湿，金克木而神座裂，土克水而地窖泥，木克土而墙堵缺也。

（财为物，合包财之爻者为柜，如节申爻乃柜也。世应为主宰若门，门锁合之爻乃为门门，如大有酉爻乃门也。间爻之合乃窗，如泰子寅爻为窗也。若日辰冲合本象即是，不必求他，如巳日乾卦，午间申爻为窗之类。凡父爻之冲为梯，如坎寅爻是也。父母所居，六为郊野，乃象园，三为壺，乃象圻，化父乃象楼也。鬼墓，如姤戌爻为灵也。财墓，初爻否之未象是也。鬼墓，升之丑象是也。若未日贲之鬼墓，戌日节之财墓皆然。）

大抵家宅之要，务丁口之宁休，官灾火盗之情形，气象消长，利名得失，忧喜育植与求，及男女长幼。日有时行之事，则子福宜近，鬼祸宜远，此卜筮之大法也，斯为得其旨矣。

## 婚姻章第五十一

（内详赘婿、配仆、请媒纳妾、冲喜、去留就姻、择地成否、聘仪妨害、年地杂婚十三问）

克我为官，像夫为男子，我克为财，像妇为女人，官男财女，定理也。

男占女婚，妻财为要，女占男姻，官鬼为先，虽父母弟兄朋友为之卜，亦以财妇而官夫也。所以官爻旺相，女家之吉占，财象兴隆，男子之良配；官空绝，而妇择夫者多寡，财破散，而夫择妇者终鰥。

贞卦逢冲，初已难成；悔冲合冲，后终分拆。三冲之象，离散悖逆，虽财官备而非吉占。随官入墓，谓之不久；助鬼伤身，谓之不贤。

（如男家占女，女命随墓，女家占男，男命随墓是也，其他不论。）

若咸恒节泰为吉，惟合冲变冲而不宜，睽革解离为凶，虽用备化合而不吉。

（如咸恒节泰，若不遇合冲变冲，虽财官衰陷，随鬼助伤，皆不为凶，所谓用神未胜于卦验也。）

以应定其门间，以间分其媒妁。

（男占则以应为女家，女占则以应为男家，坐青龙积善之室，居贵人游宦之家；旺相富豪，休囚贫乏，空散有疑惑而无主张，破绝少殷勤而多冷落。阴爻发动，画断自于女人，阳象交重，孚信从于男子。生世者亲亲相悦，克世者彼彼相索也。近世间爻，为我信之媒，近应间爻，为彼信之妁，空散则不得力，破绝则不为情，生助克欺，彼我皆然也。独发动有变更难易之作尔。）

以八卦而推容貌。

（男占女，以财所居之卦宫，如财在乾，仪容端正，质性聪明，有丈夫之风，谓配天德也；财在坤，体貌稳重，气度含洪，有母后之贤，谓符地德也；震雷之性，动而有威，巽风之体，变而好胜；坎多志巧，离多激烈；艮为端笃，工于针缕，兑为悦柔，善于言语。女占男，以官所居之卦宫，若官居乾，其人从容敬慎，性直而貌壮；用神在坤，其人和悦卑谦，言实而行朴；震好激扬，常抱英雄之志，巽好贪慕，屡专货利之求；坎之智识藏乎内，官疾者短于忠信，离之聪明现乎外，官实者长于文章；艮有技才，其行戒于转石，兑有异巧，其言流于悬河。盖六子之性有短长，二老之德无偏倚，更以用爻衰旺参之，旺从其长，衰见其短也。）

以六神而察才情。

（补遗曰：财值青龙，形骸秀丽，蛇临妻位，情性虚浮，白虎乃悖逆之星，元武是风流之宿，朱雀巧辞饶舌，勾陈持重寡言，此言男占女也。官位青龙，情性文巧，蛇临鬼象，言行虚讹，白虎乃武勇之夫，元武为奸雄之性，勾陈敦纯多技，朱雀辞辨能书，此言女占男也。然亦必考用神为先，而后系焉。如官旺临元武，则为杰士，官绝临玄武，则为奸人，余仿此。）

以五行而观德行，诸宿而验行藏，则用象无遗矣。

（金偏刚杀，木遂慈祥，水务智勇，火好文章，土持诚信。用神实者，备是五常，用神损者，反是五德也，诸宿亦然。用神登马，旺相勤趋，休囚游荡也；用神随羊，日月英雄，空破暴横也；破军为疾，文昌为美，廉贞为戾，贪狼为巧，武曲为丑，巨门禄存庸，左辅右弼为纯，咸池为淫，天触为癡，天喜为贤，陀罗为悍，盖皆以用神虚实为言也。大抵嫁娶吉凶，主于财官，男女妍娇，主于卦象神宿，其用如此。）

然父母不可论也，子孙不可溺也，妻财不可摇也，官鬼不可没也，世应不可空也，比福不可动也，夫妇不可二也，阴阳不可悖也。

（父母为主婚人，男占女无父母，则叔伯主婚，女占男无父母，则礼文澹薄；子孙陷则艰嗣，官鬼空则难成，妻财动公姑参差，男女皆同也。世空我有退心，应空彼无从志，破散动冲亦主变。男占女逢二官，或疑复许；女占男遇二财，或恐再求。财化财，官化官，俱为夫妇有二。男占女，

宜世阳应阳，世升应降；女占男，宜世阴应阳，世降应升，反之则为阴阳相背。以上诸义，虽非婚姻吉凶之主，然见此象，亦应人事。）

夫赘婿，同于断嗣，则用于子孙，空散非衰老之托，破绝非成立之人，旺实为贤，动冲不定也。配仆，同于取奴，则用于妻财，是以拱合生扶，忠诚效力，散空破绝，偷情难亲，命墓三冲，皆不我助也。倩媒，同于托人，则用于应，而冲不能合，克世则有所私也。

（以应爻为所托，故空则不力，破则不专，旺相为我则重，休囚助己则轻，冲世为误事，克世为存欲，合处逢冲，成而复解。此数者，央媒之戒也。）

若纳妾，视其所重，重贤用财，重嗣用子。冲喜则兼详六亲，为长用父，为幼用子。或不谐而问去留，生合可留，克世宜去，命随鬼墓者天，贞冲合冲者散。

（人心去而不留，势同覆水，留则变生，筮者宜正告也。）

就婚是家，卦冲应坏，不可相依，克世游魂，岂为久处。择是地结婚，则同婚姻占，若问安宁，则忌鬼发。婚姻从违犹谋望，不可失财官。礼仪厚薄犹馈资，不可忽财应。

（若男占女，无财不成，女占男，无官不就。贞合冲，世应空，谋事所忌也。应旺财旺，其礼则丰，应敝财敝，其仪则菲。）

娶疑妨害，用神旺相，则我人之福，财神空破，则此妇之刑。

（占用有二，如娶妇为父母病，疑妇妨害，得父母旺，则父母之福，非其妨也；娶媳为夫妻病，疑媳妨害，得妻财旺，则媳妇之良，非其刑也。）

何地，男官女财，卦宫为远近。何年，生合年月为迟速。来求乎，应病则不来。来辞乎，应实则不辞。

（用神在内则近，在外则远，坎北离南，震东兑西，亲宫本处，他卦别乡之类，用神长生帝旺，空填破实之期。若吉凶之大，仍看财官。）

娶离妇，谋强婚，妇妓女，虽曰同占，而以害患为忧。欲再适、遂私约，虽曰同占，而以阻拦为戒，俱忌鬼应克世，以及随、助、动官也。

（此同避患，以官鬼为忌。）

是故婚姻为人道之始，正家之本，筮者以敬，告者以诚，一言而关吉凶离合，吾尝慎之。

## 胎产章第五十二

（内详虚实、胎安、母安、防堕、产期、男女、稳婆、乳母、寄乳、产地、易育、求嗣诸问）

胎产人道之大，子孙继世之本，故以子孙为用。筮胎虚实，专重子孙，唯卜母孕，则凭弟兄，

其他长幼尊卑，代身而祝者，皆以子孙为用也。未胎而占孕，重青龙天喜之动；间月而占，则独求子孙，旺相生扶则成胎，空破散绝则非孕。

（未间月而筮，如青龙天喜动，虽子孙伏，亦断有孕；已间月而筮，若子孙空，虽青龙天喜动，亦断无孕，盖子孙但以有为喜，神宿必以动为喜。总言未间专重龙喜，已间独重子孙。）

或筮胎安，亦重子孙，不空不破则成人，若绝若冲难足月。筮产母身安，鬼动则灾生，用伤则病作，临官入墓，须防抱病猝亡，助鬼伤身，惟恐带胎同丧。如出游求身安，用旺鬼静则喜，求胎安，则忌卦冲胎空虎动也。

（胎安重子爻，母安忌鬼发，及用旺为喜。如占母孕，则父母为用，他人代求，则妻财为用，皆忌本命随官入墓。产母自问，并忌助鬼伤身。出游，有为身为胎两义。）

如问堕胎，合冲、前冲、后冲、胎空、胎破、虎动必犯其厄，然亦察之子象，子孙坚固，虽遇此而不伤，子孙破克，虽不遇此而难保。

（卦冲则不缔结，胎坏则不坚固，虎动乃为血神，三者有一，当应堕漏，若子孙日月旺相，虽见其兆，终不丧胎，如申建辛亥日，占孕得兑之困，败血三日后复完胎。故子孙为要。）

故占产期迟速，卦冲、胎破、虎摇，日当产矣。胎值旬空之时，世值胎养之日，子遇长生之辰，如子无而遇有，空而遇补，破而遇实，墓而遇冲，较量轻重，以定其期，定时亦然，此概占也。如限期而卜产，则但以卦冲胎冲虎摇者，定其当产。

（或以月分，或以旬分，但卦冲胎疾虎动，则是月是旬当产。复以日时定之，倘概筮何时，则以卦冲胎疾虎动为近，否则为远；而以世爻胎养、空补、破实、绝生、墓冲、无有之日时定之，及胎值旬空者，否则为远之考也。如申建丁未日，占产得艮，三日巳酉戌时则育，此世胎养之应也。人占夫占，皆从此论。唯产母自占，则以子孙为重，如午建甲寅日，自筮身孕得大过，后庚午日产，应子孙值日，此以子孙为法也。墓而遇冲，火子戌日，逢辰而诞是焉。或曰产妇以财分，婴儿以子分，日时以世分，概占如此，若独筮期，当专用子。）

如定男女，先以卦之阴包阳者为男，阳包阴者为女，坎离自包同焉；其次以动爻阴变阳者为男，阳变阴者为女，子为宰主，爻分等次；其三非包非动而安静者，则以子孙属阳为男，属阴为女，阴阳并现，轻重相持，飞伏皆空，单拆定义。盖有出外而家内已生者独举子孙属阴阳而定之，不以卦包动变言也。占母以弟兄而言，代身亦举子孙而决之。

（欲定男女，其法有三：一曰卦包，二曰动变，三曰子属，如坎大过小过咸恒，谓之阴包阳，离颐中孚益损，谓之阳包阴，谦豫履小畜升萃无妄大畜则非。卦包之后，则考动爻，变阳为男，变阴为女，若二爻动则主上爻，三爻动则主中爻，四五爻皆动，则主阴阳属多之爻，六爻动及阴阳等

动，则主内卦变爻，或中有子动者，竟取子孙变，以定男女也。动变之后，卦静则考子孙，阳男阴女定之；如或两现，舍其疾而用其不疾；如或飞无而伏复空，则以伏神子孙单拆而分男女，不可因空破而他求也。如戊建戊辰日，占男女得归妹，亥子属阳值空，后应生男不育。常有两现子孙，皆属旺相，及大有乾剥同人，乃应双胎。海底眼：两爻旺相喜神扶，必是双胎天赐与。夫阴阳相包，男女成胎之时也，动变者，磨荡化育之功也，故先泥子孙者非是。出外而家内已生，专务子孙属阴阳，盖物既生成，当考形体，岂以卦包动变而言之哉。）

稳婆好恶，察应与财，空破无能，旺生得力，然切戒应爻克子，恐妨我之儿，应爻克财，恐害我之妻，不独占而带观之。夫占近应之间爻，自占近世之间爻，及或五爻，亦不可克妻克子，而空破也。

（财为妇人，应为所用之人，盖收生以护子妻，应爻不宜值父兄也；产内兼问，若间五破空，冲克财子，则曰化婆有犯。）

乳母好恶，察财与应，空破多病，生旺无殃，最忌合冲卦冲，不能终始其哺，应爻克冲子位，不免妨犯其儿，卦无亥子，后乳将少，而儿缺食也，坤艮宫之无亥子者，尤甚焉。然应克世而有难意，应值鬼而有机谋，应咸池而好酒色，应元武而喜窃偷，然所占若吉，未为大害。寄乳于人，当以子身为重，喜其生扶旺相，不宜空破绝冲，命随鬼墓，子丧他家，卦遇鬼摇，儿病外室，不可寄乳也。寄乳而问乳母之吉凶，如择乳母之法。

（问乳母则论财应，问寄乳则重子孙，来乳去乳，好恶同义。）

产地安危，最嫌鬼动，财福两象，不宜一伤。

（卜地而产，惟用旺鬼宁为善，命随鬼墓大忌之。）

若生后而问易育，喜子孙旺相，防疾忌官鬼交重，及命随鬼墓也。

（用旺稚子有根，鬼静则婴儿无疾。）

若乏嗣而求子，独索子孙，旺相生扶，得之速也，伏藏安静，得之迟也，空破散绝，未之有焉；然不可世空，乃吾身之不能，问妻应空，问妾财空，是妻妾之身不育也。何年可得子，子孙胎养生时兆萌矣。何妇可生，弟兄所属命姓，子现于外者，利于外生，子伏于内者，利于内育，子现元武咸池，及非世应之位，应于侍嫖外遇。盖子嗣有无，虽有定命，惟盛德能立命焉，占者勉之。

（楚中商人王氏者，四十乏嗣，癸未卯建辛未日，卜嗣得否，言其无子，以阴功劝之，后果轻财好施；及乙酉鼎革，有感力行善事，丁亥仲春甲申日来杭复卜后嗣得萃，子遇长生，许得二子，彼曰：前言无后言有何也？予曰：公必树德矣，彼颌之而去；及子寅年连生二男，岂非盛德格天之报，如影随形乎？学易者，当勉人为善，求嗣者，当法之以造命也。）

## 抚养章第五十三

（内详继养、抚养、收养、投养、入继诸问）

抚养有二：我有子而欲继养于人，最忌三冲，为有初鲜终之象，非长幼之寡恩，是上下之逆德；命随鬼墓，往必病焉；子孙爻坏，去必丧焉。此三者，不可继也。

（继是家者，子孙旺为康宁，卦爻合为孝慈。）

我无子而欲抚人之子，则以子孙为用，福神之旺，能慎终于华首，子爻生我，善养老于衰颜，三冲则无始终，空散则无成立，命墓则有夭折，此三者不可抚也。僧道受徒，朋友立孤，亦同此义。

尚有衰老无倚，弱幼无归，雌单无养，壮贫无赖，我欲收养者，皆以应克世爻为戒。妇女用财，长上用父，卑幼用子，远宗近表，亦用于应，皆莫克世，及用遭空破散，是其自濡于溺，而我济无功也。三冲者，先胶漆而后冰炭，助伤者，朝琴瑟而暮干戈，所以戒也。应动多南北之心，应退多去来之志，归魂常思旧所，游魂每念新乡。

（应克世，则恩多成怨，用被坏，则劳而无功。）

夫应克世，而驾鬼动者为甚。武鬼动而揖盗，雀鬼动而戒非，螣蛇生连蔓之忧，白虎兆亡命之祸，天烛以火失事，咸池以淫乱心。因害而避，因利而趋，在生克之间也。

（应爻带鬼克世，其凶尤甚，复视其与何神何宿来克来生，如官文龙贵生世，益我以荣，财福生世，益我以利，克世反视，纵青龙亦以奸昧为。）

又有我孤贫而筮投养于人者，用神克世，而莫我顾也，三冲无久惜之情，四病有兴尽之憎，则不可归也。

（凡言四病，即空破散绝，占投养者，当戒是三也。）

又有彼乏嗣，而入继于人者，有义继利继之分。继义世旺我往而昌，世坏我入而困也；继利则财坏无得，应空无望也。三冲不睦，游魂不一，鬼动而讼。继成若谋事，继争如夺缺，是以卦冲合冲，世空应空，鬼失财失，不能成也，应爻克世，不胜夺也。

## 痘疹章第五十四

（内详见痘、趋避、疏密、出期、何人、大象六问）

夫痘疹亦天灾也，是名天花，亦名圣疮，动关童命，敢忽神筮？

未花而问，以鬼为信，盖鬼空根芽未萌，鬼静气机未动，鬼散虽流行而不及也。破静而甲不拆，破动而病或殊，鬼绝则未生花也。

（以鬼为病，问痘即痘也。月破非应有痘，鬼动是当有病，乃或癍麻疮毒，未为正痘，故曰病殊。）

鬼动将见，鬼冲将开，鬼旺将起，当月当日，则是月是日而出也。

（官鬼值日月当见，如丑建乙卯日，占有花得履之同人，当日见标，复一人亦占履之睽，及次年二月始痘，盖卯鬼发动故应速，卯鬼安静故应迟。）

当岁而索鬼象之得失，有二而考一爻之虚实。

（官鬼若值太岁，或遇空破休囚，则言未出，后虽日月会同，亦未可言有，如己亥年辰建辛未日，占有痘得同人，亥鬼旬空，终岁康宁，则不可以太岁为鬼而当年应痘也。如卦有两鬼，一空一动，则以其动，一强一弱，则以其强，皆应当出，乃谓考一爻虚实尔。）

世由己招，应由人召，内为本乡之行灾，外为他处之流祸。往避而得痘，游魂鬼摇，来归而不得痘，归魂鬼静。伏鬼有气者亦见也。

（官鬼动，而天花开矣，在世则为特发，在应则为缠染，在六爻童仆起根，在三爻弟兄继种，内为本境，外为他乡，游魂为往，归魂为来。盖鬼空于内，本境无事，鬼空于外，他乡可避；鬼动归魂，回家有痘，鬼空游魂，往外得免也。大抵鬼爻旺相，虽伏亦萌，鬼爻休囚，虽现亦息。）

占花疏密，询鬼旺衰，以八卦而分手足，以六爻而定身形，以五行而著颜色，乾首坤腹，五膺二腓，金白火赤可类也。

（盖鬼为痘，若临日月旺相生扶，花必稠密，如值空破休囚死绝，痘必疏朗。凡鬼动何宫，则定花丛何处，如不动，审旺何爻，如发艮宫手臂密，如动兑宫口颊多，坎离上身，震巽下身；旺在初爻，先有于足，旺在六爻，始发于面，五爻胸背，二爻腿膝，三四腰股心腹。火鬼发其色红紫，金鬼动其色虚白，水鬼发其色黑陷，木为杂细，土为肿大。然必论用神生死，而后定之吉凶，故水鬼动而主象旺者，痘见黑钉，后复收功。然痘症多变，设遇用象破空，或值何鬼发动，则变此症而丧，如未建甲辰日，占子痘得屯之革，于戊申日乃变脾病而不治，余仿此。）

如问痘见何人，鬼当本命，鬼化卦宫者应之。考六亲之化鬼，及鬼化之六亲，则痘是人也，然亦必鬼旺动而发焉。

（一家之内，以官鬼值何人本命，则曰是有痘。又鬼动艮宫，则曰少男，鬼化离象，则曰中女，财爻化鬼，则曰奴仆，鬼象化子，则曰孩提，大抵务于鬼爻旺动而言也。）

如问孩童何时见痘，当官鬼之年月日，及生旺官鬼之年月日则痘也。上下鬼而填其虚，变伏鬼而实其质。

（远近分卜，问何岁则以年计，问何时则以月计，先以填实，次以生旺年月断之。若卦有两鬼，

或一空一实，反以填补空鬼为期；卦无一官，或伏爻变爻有者，当以变伏之鬼所值为期也。）

既痘而筮大象之吉凶，七日之内，三冲是戒，谓花未开而先谢也。卦属反伏墓绝，与命随鬼墓，虽用旺难治，四忌之外，再考用神。

盖鬼旺而用旺花丛而根固，乃吉，鬼坏而用坏，花悴而根枯，乃凶。生旺用神之日，为有成时，当冲鬼象之辰，为有变期也。大抵感不感务乎鬼，害不害务乎用，鬼化鬼者痘后痍，交加动者，瘡痘相参也。

（此专务用爻而言吉凶，不复论鬼衰旺。若用爻有生扶救助，鬼旺无非花密，鬼爻填实冲动，无非防变，鬼化鬼及用化鬼，无非痘后余毒，交加鬼发，或别病相乘而已，未至大害也。）

## 疾病章第五十五

（内详症候、防疫、真假、成疾、养病、避暑六问）

夫死生有命，不可祷也，疾病在人，不可忽也，慎于未病，君子之道也。既疾，可不筮其吉凶而调剂之？命随鬼墓，不治之疾也。

（如戌建甲辰日占子病，生年己亥，得同人，卦中子孙旺相，六爻安静，病应不死，然亥命随官入墓，法主大凶。后其疾不死，未半年溺水而亡。）

卦属反伏墓绝，亦不治也，即能治亦成疾矣。病未久者，三冲而愈，病已久者，三冲而亡，此三者不论用神衰旺也。外此，则专重用神矣，如遇动散、月破、克空、日破、受伤无援、脱气者危，遇日月动变有一能救者，危而复安。

（动散，如卯建丙寅日，占子病得渐之观是也；月破，如癸卯岁卯建壬子日，占予妻病得离，遂亡本月是也；克空，如酉建丁未日，占父病得未济是也；日破，如戌建辛酉日，占夫病得渐是也；受伤无援，如子建戊子日，占弟兄得鼎之旅，一占弟兄得离，皆为受伤无援；脱气，如戌建戊辰日，占己病得萃之讼，乃为脱气。以上七法系大凶，得日月动变有一能救者，则反观之。）

考之占验，四灭没不死，十卦不死，无鬼无财不死，身空命空不死，凶煞不死，则其所以死者，必用神死则死，用神生则生尔。

（灭没，春需蒙，夏观蛊，秋剥节，冬旅临是也。十卦，明夷观贲大畜丰同人蛊夬需临是也。凶煞，三垢五墓丧车之类。如占父病，六月得观，何从而死？用居日月，卦无财鬼，何凶？盖用坏无鬼，虽祷不祐，用旺无鬼，不祈亦康，无财用绝，天禄已终，无财用旺，饮食少进尔。甲子旬空亥，则亥命不可问病，寅月破申，则申命不可占疾乎。故应不为戒，身空，有世爻卦身可凭，本命不现，有变卦伏爻可取。大抵专务用爻，以定生死安危，诚得易旨也。神煞尤轻。）

常试土鬼独发，而祷于疾病者，九死一生，或日用有气，则祷土以回生，用无援，则开墓以葬死，良可信也。

（天元赋曰：土煞俱兴，定作黄泉之客；补遗云：夏论土爻临鬼动，多凶少吉祸难禳。大抵东南土薄，有犯土忌，禳土得生者，十有六七，西北土厚，不畏土禁，所以祈而无功也。）

游魂归魂，保于旅而不保于家，震巽坤艮，危于老而不危于少，女终男穷，非宜壮年之问也。

（游往归来，病于客旅，道途不忌；震为棺，巽为椁，艮为塚，坤为墓，衰年大忌，有备更凶；未济归妹，壮岁非宜。然亦兼用神而参。）

忌神摇矣，元神动焉，谓之二生也；元神动矣，仇神摇焉，谓之两病也；忌仇动矣，元神暗摇，生之道也；无忌动矣，用神明坏，死之途也。

（如未建丙申日，占母病得同人之噬嗑，申乃忌神，本来克卯，亥乃元神，动泄忌神之气，而生卯木用爻，是为二生；卯建乙卯日，占妻病得同人之咸，子动生财，本谓元神助我，卯木仇神相克戌爻，更多一病也；如未建壬寅日，占夫病得同人之既济，兄子皆动，伤官应筮，寅申冲财，暗发生亥，后病得起；如卯建丙寅日，占子身得坤之损，卦有父兄发动，木来救子，然酉金明受日绝月破，所以不能救也。余仿此。）

飞爻之用神绝，伏爻之用神生，非危也；内卦之用神亡，外卦之用神存，非危也；卦爻之用神无，日月之用神有，非危也。

（如寅建丙寅日，占弟兄得乾之需，申飞用爻，日破月破，而不知酉伏戌下，火生土而土生金，故曰非危也；如辰建辛卯日，占子身得未济，外未虽旬空，内辰当月建，后愈；如午建戊寅日，占妻身得既济，卦内虽无用爻，月午日寅，元用并现，当月病愈。）

犹有日月动爻克用，是谓不救，而用爻得化生扶，非危也。日月动爻，与用神不生不克，而用神化克则危矣。故曰用神有一生则生，有一死则死。

（此言用神化生化克为最要法，然变爻亦宜无病，乃真有救，如未建甲辰日，占子身得咸之蹇，日月克用大凶，而用化兄弟长生，是乃不死；戌建戊申日，占父身得艮之蛊，用爻独发当生，以化绝于亥遂不救。）

卦无用神，云谓凶兆，然得元神动则不死，以其趋生也。忌神动而用神伏反吉，以其避克也，虽然，亦必得日月之救焉。

（如酉建戊申日，占妻身得睽之损，卦无用爻，本非吉兆，喜得子孙发动，及冬病愈，是谓趋生也；如亥建甲申日，亦占妻身，得姤之升，忌神发动，本是凶兆，喜用神不现，伏于月建之下，后交子月壬辰日，病势渐解。盖申子辰会水局，忌神合为元神，是谓避克也。）

如问危时，其法有三：当鬼之日月其休乎，占父母则非，一也；忌仇之神跃，用神之爻潜，见用神则休，二也；用神月破，危于是月，用神日破，危于是日，用神失气，危于是时，用神亡援，危于是期，三也。

（凡病遇官鬼所值之日月当凶，惟占父母不论者，盖以官鬼为元神也。忌神仇神皆动，用神潜伏避克，遇用神值日月之时，出而受仇忌之伤，所以当凶。日破月破，越是月日而解，用神失气，谓用神受克绝之时，用神亡援，谓元神遭破散之际，皆所以当凶尔。如寅建庚子日，占子病得夬之革，酉金绝寅死子，其疾不疗，后壬寅日症变，甲寅日乃绝，谓值独发甲寅鬼也。巳建戊午日，占子病得小过之大壮，及癸亥日而亡，因亥月破更凶，是谓忌仇动用神潜伏，及亥日出现，则受伤矣，假或申月占此，过亥子日后，所伏用神得月长生，其病可痊。子建甲寅日，占父身得乾之同人，忌动当凶，次日节变小寒，丑月土旺，至下岁孟春方绝，木旺土虚，用神失气尔。子建己未日，占自身得未济之睽，世遇月破，其病不治，寅动生午似可救，而不知次日庚申，冲散元神，是夕遂卒。大抵破坏元神之日，生助忌神之期皆凶。）

如问安日，其法有六：用神困矣，得生而病康；用神空矣，得实而病愈；用神破散，逾日月而可保；墓开而疾退；鬼制而患消；用现而身起也。此六者，病安之辰也。

（凡用休囚，病退于生扶之日，用爻空陷，病退于填补之期，用爻破散，病退于逾是破散之时，用爻墓，病退于开墓，用爻潜，病退于现起，子孙值日，疾患渐安，惟占夫占官不论。大抵子孙值日，医药效而祷祈灵，官鬼司辰，灾患变而神思困也。）

夫筮己疾，世乃用神，随墓助伤，墓绝反伏，虽旺，而遇一则凶；筮人疾，应乃用神，随墓反伏墓绝，虽生，而一不可遇也。

用神之法，主虽少而用父母，仆虽老而用妻财，宗虽五服而用尊卑，表虽三党而用宾应，仕虽密而用官，师虽疏而用父。

（宗姓虽五服之远，称叔用父，称侄用子也；表姓虽以三党之近，占必以应为用，惟岳父母、舅父母，则用父爻也；凡占现任虽密，不用应而用官；凡占师傅虽疏，不用应而用父。）

卜妇人者，姑姨姊妹之外，皆推同类，用妻财也；卜同辈者，宗弟兄之外，皆为异本，用应爻也。

（凡妇人称类多，姑姨之亲，亦看父母，姊妹之从，同推弟兄，此外皆用财爻；称弟兄而非宗服者，是不同本，皆用应也。）

臣占其君，用九五，宗人之臣，代君而用也；君占其臣，用应爻，为吾辅也。于阉寺则用财矣，将占其卒用子孙，以制鬼也，于师友谊用子矣。用神之法，卜筮屡误，告于圣贤，不可不审也。

（凡臣占君，不分贵戚异姓黎庶，皆以九五为用；宗人之官，占其本主，则从朝廷长幼为用，如太子臣占太子，则以朝廷之储君用子，皇弟兄之臣占皇弟兄，以朝廷枝叶用弟兄，太后臣占太后，以朝廷占用父母也，余仿此。筮家用神，常有两惑，致吉凶不验，故详之，他用亦推此。）

夫鬼者，病之源也，祟之状也，是以鬼旺而重，鬼衰而轻，鬼动患骤而变，鬼合灾染而缠，鬼散而疴将解，鬼空而病未真。

日破月破，以分其半成也，在内在外，以分其表里也，居变居伏，以分其新旧也。

（问有，病半成，问无，病半解，内里外表，变新伏旧之义。）

流于六爻，以分其一身也，摇于八宫，以分其四体也，属于五行，以分其五脏也，现于六神，以分其七情也。

（卜筮元龟：鬼在初爻两足伤，二爻双腿患非常，三爻腰股常轻软，四爻心腹及胸堂，五爻脏腑司喉咽，六爻头上患为算钺（？）。黄金策：乾为头兮坤为腹，巽为腰兮震为足，兑为口兮艮为背，坎为耳兮离为目。海底眼：喉病金兮木四枝，风邪疼痛起黄形，辰戌胃胸生呕逆，丑为肚腹未为脾，火动热极三焦咳，血腥眼目及疮痍，水鬼发寒因冷得，泄泻虚劳耳肾衰。有为火鬼病于心、小肠命三焦，水鬼病于肾膀胱，金鬼病于肺大肠，木鬼病于肝胆，土鬼病于脾胃也。解云：虎自兵丧哀痛由，龙贪酒色爱风流，忧愁思虑居元武，夹带怀胎谓值勾，脑（恼）怒焦烦朱雀噪，惊惶恐怖伴蛇游。）

来于世者病由己，来于应者病由人，来于间者中内之病也。鬼伏何神，缘何事而萌病，何神化鬼，因何事而兆疾。盖父母劬劳也，妻财饮食也，子孙淫乐也，兄弟气怒也，官鬼邪妖也。

初筮之防疾也，用坏病起，鬼发病作。时灾之行，专用于鬼，发动疫扰其室，惟修省以俟。何命犯鬼，是天祸也，何神化鬼，是人作也，鬼化何人，是流灾也。随墓助伤，大凶可畏。

病从何起，盖吉凶生乎动者也，鬼从爻动，乃察其鬼，盖鬼为祸也；鬼爻独发，乃考其官，盖独发有专也。卦象安静，乃察其外，盖祟孽由外入也；卦如无鬼，乃考伏鬼之飞爻。

（动爻为起病之方，如离卦卯动，病自东来；若鬼同爻动，则以鬼爻为起病之方，如离卦亥卯皆动，病由西北来也。若鬼独发，索其动于何宫，则是方招祸，如离亥独发，病自南始。若六爻俱静，当考外卦，如离象之静，从南地缠染。惟卦无官鬼，则以伏鬼上飞爻为方，如补遗言：家人西北蒙灾之由或卦有官，而动爻多者，先索忌爻之方，无忌则考外卦也。）

是以乾兑鬼兴，而祸因寺庙，艮坤官发，而患系丘陵；坎离南北，震巽园林；木鬼砍伐之由，金鬼刀兵之恐，土鬼开辟之妨，水为江河，而火为城市也；武因酒色风寒，龙为讴吟歌舞，雀为斗争气怒，虎为哭泣哀丧，蛇自惊来，而勾自跌起也。

（如未建癸卯日，占身病得乾之小畜，世旺日克，但难愈而不死；鬼发乾宫，其人入市谒亲不遇，路见僧友聚语，陡值马触而践其股乃病，盖乾为僧，勾陈为跌，午官为马，若执于寺院，则未然也。如寅建丁卯日，占己病得节之临，世遇长生，卯月病愈；武鬼动于坎宫，其人捕鱼致疾，若必曰坎为江河，则未然也。酉建己酉日，占父病得归妹之解，鬼爻独发，是父母元神，亥日即愈；而火鬼螣蛇，在馆闻火大惊致疾，若必曰火鬼城市，乾兑寺庙，则未然也。是日有占子病，亦得归妹之师，子爻伏，得日月生，虽危不死，及冬而愈；己午两鬼皆动，上鬼值青龙咸池，病由酒色而犯，若必曰震巽园林，则亦未然。毋执一，唯理之当，及人心之灵善推尔。）

有问症发是真，盖鬼实则是，鬼虚则非也。有筮患其成疾，随墓助伤，已成疾矣；用神若坏，其疾奚能疗乎？卜养病于外者，随墓助伤，世折鬼动不可也。避暑于此者，亦由是也。

（官鬼空破散绝谓之虚，旺相生扶谓之实，用神空破散绝则成疾，旺相生扶则不成疾。）

故鬼动为致祸之由，福动为远灾之要，福神可趋，祸神可避。是以发坎则莫贪于酒食，发兑则莫迷于欲色，震忌登舟，巽忌入园，乾不可以好僧室，艮不可以悦山居，坤弗食牛，离因嗜炙也。

（若子孙发动于是宫，则此处利福，与前反视。乾利僧堂坤利田，坎宜江海艮宜山，离乐文章兑嗜酒，震喜舟车巽囿园。）

犹有占父病而鬼动于坤，其母随之而疾，占子病而鬼化于巽，其女继之而灾，则爻变之鬼亦然也。所以疾病之章，不离乎用爻鬼象。

（何宫鬼动，及鬼变何宫，则言其人亦防灾病。如寅建辛酉日，占女身得巽之涣，子遇长生，其女不死；然鬼动化入坎宫，甲寅旬中坎空，中男相继而病，及甲申旬化午子空，中男反亡；卯建丙辰日，占次女痘，得革之咸，月建子孙，次女无事；然内化艮，丙辰官鬼居少男宫，其后少男亦痘。盖占疾病，生死凭于用爻，趋避变易救治之门，皆系鬼爻详察。）

## 医药章第五十六

（内详占药、占医、治病、用药、往医、行道六问）

闻之称贤曰：达则愿为良相，不达则愿为良医。君子以之行志，人子教其须知，吉凶从违，可不慎与？

凡占医药，以子孙为用，临日月为上，旺相次之，休囚为下，空破散绝为庸医也。

无子而药不良，强官而病不治；子强官弱，烈日销冰，子弱官强，铅刀攻玉，财动鬼静，子动无功也。伏鬼根不除，化鬼病传（转？）变，空鬼老医药。世鬼兴隆，则吾病曲折，应鬼旺相，则彼药跷蹊。

（当审子宫强弱，如鬼值日月，虽子遇生扶，亦未尽善，必较子可服鬼，方是吉占。鬼空避子，药不中病，故云老也。世鬼病难速愈，应鬼医诈难信。）

夫应指医人，非占克效，是故应空不得遇，应破不得专，应散则识见反感，应克世则好利多诈，世应冲则绝续不终也。

占药水子旺宜汤，土子旺宜丸，火灸、金针、木末、以为像。火鬼喜凉药，木鬼喜风药，土脾、金肺、水肾，以为像。占医也，考子孙之属，木东金西，乾僧坤妇，以为像。

（子为药而鬼为病，卜用何药，卜是何病，则用此法，若卜是药吉凶，用子孙衰旺，无执子孙属土，宜用丸药。如卯建辛酉日，占医得离之贲，未土子爻，真空四败，焉能丸药有功？卜筮宜用何方何人，则用此法，若独占则用子孙，设问僧医，得乾而子空，岂可言吉？）

医问疾可疗乎，以应为先务，盖应为病人，应坏随墓，其病不治；若占六亲，仍以用神为断。医问是药奏功乎，亦以子孙为用，福强鬼弱而奏效也，子虚鬼实而无功。

（亦如占药。）

医问往医利乎，则以世应而推，应克世者寡情，爻无财者薄赠，空有欺志，破无专心，散、冲无终。

医问道行，财官强而利名遂，故医药不精，不足以利物，求医不慎，不足以疗生，己弗误人，亦弗自误也。

## 鬼神章第五十七

古之祀祭，非其主不尸，鬼非其类不馨，故无越祭、无渎祀也。后世乃以有崇而禳福而祈者，而鬼神繁兴矣，虽然，吉有神相，凶有鬼凭，史传所载，非尽诬也。欲知鬼神情状，则亦以筮而得之。

夫天神地祇，则以官鬼而类其象，象而像之，其不外乎二仪、四象、五行、八卦，及六神、诸星以形之，有无以度之，上下以位之。

索其鬼神之性，鬼神之司，及鬼神所由成，而可推矣。

（性，索其鬼神生前偏好之性；司，索其鬼神上帝命司何事；成，索其以何因缘而成鬼神也。）

夫官鬼之爻属阳，则阳神也，属阴，则阴神也。

（官鬼属阴，如王母、大悲、水母、太山、天妃、陈周、圣妃、蚕母、子母、催生、太君、娘娘之属，亦当因地、因人、因事而考之，此则举其略尔。盖有神同而名异，曰因地，如在北为子母娘娘，在南为太君娘娘；男女相别曰因神，为何事曰因事，如问蚕，得阴官乃蚕母也。）

属金，则武神也。

（官鬼属金，如天将、关帝、伍公、岳王、元坛、总官、七煞、金刚、伤司、丧煞之属，盖方隅有称元帅将军金甲之神，及威武斗勇成神者，皆可类推。）

属水，则河海江神也。

（官鬼属水，如普陀、真武、云台、北斗、海神、龙王、河神、大王、杨将、施相、天妃、晏公、祠山、周王、汪公、水母、水圣、井神、池神、水伤神之属，及由水成神可类。盖九河百川，方隅各有所司之神，黎庶尊称，各有相别，随占人之民俗土风，以五行八卦、六神诸星，象而像之，则射的矣。大抵水火之神，灵显者多，无能细陈，方隅各异，犹若漕河尊大王，东海尊天妃，南河尊周王，洞庭尊湘妃，鄱阳小姑，长江杨四将军，各有所分也。）

属木，则文神也，及倚草附木之妖也。

（官鬼属木，如东岳、家堂、山神、树神、五圣、园神、九良、茶筵、三茅、九天、鲁班、花神、三郎、道君、文昌、南木神之属，及方隅有凭依山木、树木、器皿成神者，皆可类推。）

属火，则火神也，生育雷电之司也。

（官鬼属火，如离神、电神、南斗、火雷、韦陀、元坛、华光、五神、五赫、三煞、灶神、旗纛、炉神、炮神、香火、南堂、利市、生育神之属，及由火成神可类。）

属土，则土神也，及山川社稷之司也。

（官鬼属土，如地祇、太岁、城隍、社稷、土神、庙神、宅神、伽蓝、皮肠、当境、本家土地之属，及由地方功勳为神俱是。盖土部神灵、圣号、曹名非一，有飞游、作犯、斫伐、坟墓、坑廐、金神、吟神、伏尸、螣蛇、天曹土诸称，当以八宫、六神、诸星，配合辨别，若白虎土官，乃断金神七煞。大凡西北土厚，惟知有地祇，东南土薄，故多土曹之号也。所以因人、因地、因事、通变多端尔。）

生前好勇之鬼，言其性故属金，或亡于干戈锋镝之下，及病丧于喉、肺、义、利，言其成鬼，故金类之。成鬼而能有善，上帝命其所司，若位于西方，权于秋令，主于兵事，则金象而考也。

（此察鬼神所由来。金鬼，其鬼必生前好勇，以性言之，其鬼亡于刀兵；以成鬼神言之，其神所司何事，或水或火或土或金或木；以所司属言之，如关岳神勇义属金，七煞丧煞，体金司煞属金也。遁甲七煞乃庚，是谓体金。）

生前谋利于水，或亡于江海风波汤卤之中，及病丧于腰、肾、茶、酒，凡司河泊舟楫，则水象而考也。

（凡出身显圣，亦可推之，则变化无穷矣。大慈显道南海，三官生受龙神，仿此。）

生前陶情花乡，立业桑麻，或亡于笞杖树木之下，丧于捆缚、疯癫，凡司栽植砍伐，则木象而考也。

（凡两可不能一见，当审累重，如南木神应水官者，体木司水也。）

生为炉煅之事，死于烈焰疮痍，血衄胎产，凡司鼎釜孕育，则火象而考也。

（宜推而广之，五行六神诸星配之。）

生前土技农耕，死于瘟疫脾胃土石之难，凡司动作，则土象而考也。

（惟灵显东南。）

法有以动为鬼，阳男阴女之分，午南子北之来，一动一鬼，三动三鬼，爻以鬼皆动，则以鬼属之方为方，鬼属之数为数也。

（鬼静爻动考动爻，鬼动爻动考鬼爻，动与爻计，鬼与数计，如鬼动值土，断五鬼也。）

鬼爻发动，考之官也，卦爻俱静，求之外也，无鬼索伏，考之飞爻，伏鬼若空，务之修德也。

（鬼爻独发，以八宫考鬼，爻与鬼皆静，以外卦考鬼，鬼爻隐伏，以鬼上飞爻考鬼，鬼伏复空，乃无鬼祟，惟修德而已。此专考鬼，非断神也。）

夫一官鬼而专于五行，二官鬼而专于六神，动官鬼而专八卦，乱官鬼而专诸星，世官鬼而专六爻也。

（卦有一官，以五行像之。卦有二官，以六神像之，如下临白虎，则曰武神，上临青龙，则曰树神也。卦有动鬼，以八官像之，如鬼动乾，则曰天神，如鬼动坤，则曰地祇也。卦爻乱动，或中有官动，以何星临官像之。此专断神也。）

神鬼有殊，考求无二，是故官动乎乾，谓干天神，谓冲寺庙，父老僧人之鬼，王侯都厦之灵也。动乎坤，谓读地祇，谓妨坟墓，母嫗之鬼，后妃之神也。震东方也，九天之神，道之宗，蚕桑舟车之司也，辱身折足之鬼，雷火部之威灵也。巽东南也，其司风波镇海之神也，花果园林之祟，长妇女之魄也。坎北方也，在天为北斗，在地为北极，百川四海恒河之灵，其广大也；盖天下水火之神，确乎其不可易也。离火德也，于星荧惑，于土庶曰香火，于家曰灶，于骨肉曰中女之鬼也。艮为山神，为五岳，为荒塚，及童儿之鬼也。兑为西方，释之宗也，咒咀之孽，尸祝之诳，师尼之鬼，酒色之邪也。

（言官鬼独发，卦爻皆静，以八宫象断如此。）

初爻井祟，井中之鬼，司居之神也；二爻灶祟，灶下之亡，司境邑之神也；三爻家堂之祟，闺壶之鬼，司都郡桥埠之神也；四爻门户之祟，关隘之神；五爻道路之祟，王侯之神；六爻坟墓之祟，慈悲之尊，奴仆之亡也。世于初者，家神也，世于二者，土神也，世于三，为园神，世于四，为五

神，世于上，为山神也。

（言卦得一鬼，现在何爻，及世鬼居何象，以六爻象断如此。）

青龙之为象也，司喜庆财利之神，东方圣贤，文班之师相，为桃李之妖，胎产之鬼也。朱雀亦离神也，司词讼、糾善恶，掌交易，主生育，狩端门，权中鼎，或言语之干天曹，或图圉之妄冤鬼也。勾陈一土神也，司禾黍，主社稷，为工巧之亡，折跌之鬼也。螣蛇属火，黄帝之左右也，为妖邪怪异之扰，飞游砍伐之神，绳结惊狂之鬼也。白虎为金甲之神，为丧服之祟，兵凶虎横，称呼元帅者像焉。北方元武，强梁之神，盗贼之鬼，河井之亡，妓女之魄也。

（卦得二鬼，上临何神，下临何神，以六神像断如此。）

父母为祖先，妻财为臣妾，兄弟为手足之缠，子孙为儿女之孽，世是本宗，应是异姓。

（六亲有动，则以六亲像断如此。惟化鬼及独发者尤甚。世，本家鬼也，应，他姓亡也。）

犯亥子，则天将斗神可祷也；犯巳午，则火德财神可禳也；树神东岳，乃寅卯之官，佛氏丧车，乃申酉之象；辰戌为处处之土神，丑未为家家之地鬼。

（十二支神值鬼，则以十二支像断如此。）

犹有官鬼现于贵人者，冠冕之神也；天喜者，利市吉庆之神也；丧门，丧服神也；天火、火德，天触、灶司、天贼，强梁劫夺之亡；天狱，笞杖徒流之鬼；官符主讼，羊刃司兵，驿马为商旅之冤，天河为觉溺之屈；华盖，僧道也，咸池，娼妓也，暗金，产妇也，血衄，血鬼也；太岁，土德；刀针，斩绞伤也，坟墓，坟莹之咎，丧车，棺槨之殃，折煞，折跌之鬼；飞廉，游神，将星，武神，天医，医神，天马，马踏；浴盆，婴童之溺，摧尸，伏尸之祸，孤神，绝嗣之鬼；太阴月德，受福于王母，太阳天德，赖祐于上帝也。

（鬼值何宿，则以诸星像断如此。天河水库，乃天之浩府，故正自辰逐月顺行，刀针金宿，正月当自乾起，故始亥顺行也。余详诸星章内。）

夫四穹之内，无处而非鬼神，然有方隅风俗之所尊，地水火风之所司，或显一乡，或征一国，难以繁陈。语谓千古而上，未有之神何所知，千古而下，再成之神何所拟。察鬼神者，但以五行八宫，变化而像之，以为后学之范，虽今古可通也。必实指鬼神而泥之，则诬矣。

大抵神多为祐，鬼多为祟，盖灾病之来，多因自孽，若不洗心悔过，以除孽本，徒聚巫陈牲以媚鬼神，鬼神未必享也。况煞杀生命，以祈我之命，是益重其孽也。故曰：祭祀莫善于解禳，解禳莫善于修身，此之谓也。吾于鬼神章，兽三致戒云。

## 易冒卷之七

## 学业章第五十八

（内详九流、百工、何业、成业、执役、业牙、丹炉、符咒、修养九问）

君子以习其学，百工以肄其业，学儒者，文爻实而声名振，世体空而德业迂。从九流者，官鬼备而人慕，妻财旺而利丰，从百工者，以财为用也。

（学能庇身，故父母为文书，官鬼为声誉道望，妻财为利息，财官两备，其业必丰。）

如百工未业而筮何从，得金财而利金玉之工，水财而利水泽之技，火财为机织裁剪陶镕，土财为农田泥土砂石，木财为花园樵采桑麻。

财发坎而利于豕酒，妻突离而宜于陶炉，震巽为舟车转运之谋，乾兑为玩好敲槌之事，艮喜樵夫，坤乐农父也。

（以财值何属、财动何宫断之，玩好为宝贝金玉，敲槌为铜铁工也。）

天医为医，驿马为商，贵人为役，天罡为渔，朱雀为优，白虎为屠，青龙为翰，螣蛇为戏，勾陈为匠，元武为幕，以财旺宜趋，财衰宜避也。

（以财值诸星六神符之，役，隶卒也，幕，幕宾也。旺财所值，是业能兴，衰财所临，此业不发，倘卦无财爻，则以子孙为财元神，动离宜陶，并雀宜优也。）

成业者，世空则无成，卦六冲而有半途之废。执役者，财官旺则利归其室，官克世而有朴作之忧。业牙者，财官旺则客集其门，应象空而有张罗之叹。

学丹炉而用财，学符咒而用官，学修养而用世，此则有别，其他百艺，皆以财为用也。

（符咒求灵通，故用官，修养求长生，故用世，其他工巧技能，专以资身立家，故执妻财为用。）

盖问业在于趋利，因业之利而辨诸用，则用神随业而移，吉凶昭焉。

## 治经章第五十九

（内详性经、专经、著书、诗画、参禅、明传、演法、修谱八问）

古人受书，经学尚焉，此义理之源，亦科名之藉，故官文两旺，而名荣经术，世空而白首无成。

概问何经，则以五行分之，金为春秋，以其义也，土为易，以其信也，火为礼，以其文明也，木为诗，以其被乐也，水为书，以其出雒也。虽然，概问不如专筮之明，考其官文旺实，并临岁月，而遇擢可期。

（概筮，以文书属何爻，旺则宜趋，衰则宜避。专筮，惟官文喜旺，世爻忌空。）

夫筮改经，犹卜求名，父官旺而名成，世爻空而不遇。治经经成，著书书成，文与世象，不宜一空。笔耕书佣、卖文卖画，父与财爻，喜其两得。

欲参宗禅之奥，戒六冲而世空。欲述古今之文，明圣贤之传，忌世空而文陷。欲演天书之秘，亦戒世空六冲，文陷而道伪，官旺而名高。欲修祖宗之谱，父旺而流芳，世空六冲不成也。

盖学而求道，在乎成身，则六冲世空为戒；学而求进，在于成名，则象文爻宜旺。占者审之。

## 延师章第六十

（内详附学、相资、同坐、馆安、蒙读、寄读、成师、邀游、访遇九问）

亲师择友，学业所尚，故以文书为用爻，不宜休囚，休囚有伴食之讥；不宜空破，空破无师资之益；不宜散绝，散绝多作彻之嫌。且三冲来往，难收一岁之功，游魂改移，定有二家之志。

是以文书居日月之上，则师严而道尊，成人有德。临旺相生扶，则循循而善诱，名实兼收。动衰变旺，先惰而后勤，动旺变衰，先严而后敝。父化退而倦劝，父化进而克振，父化父而殊经，父化财而贾儒也。父化官则有显贵之交，父化兄则有追随之友，父化子孙则高闲好道，多物外之心，旺而克世，学问有责成之功，衰而克世，馆餐有求全之意。兄弟动多争主，子孙动多附从，官动高名，财动重利。

唯父为子而延师，然后以应为西席，以世为东家。应生世者，主宾相成，应克世者，游从不易，应空其意不留，应动其心不一，应破散其体不宁，而世动世空，则吾心先倦。然进德修业，必系文书，故父母之爻，不可一病，故应爻旺而父爻衰，不受切磋之益。

（自占场父为用，父占兼应为详。盖应乃师之身体，父乃师之德业也。）

父母为师，尊其道也，世应主宾，言其体也，贤愚优劣，专察父爻，若百工学艺，技而非道，专凭应象，唯六合及应旺生世为吉。是故应空其技不精，应破散其制作不备，应墓绝其艺不巧也。应克世而多役使需求，三冲而不能久处。

（道贵博学专用文，技贵异巧专用应。）

卜附学者，以学为先，亦看文书，忌三冲父陷；兄动克世，则学友轻狂，应爻克世，则主家重利。卜相资者，友而非师，则看应象，喜六合生身，恶三冲克世，喜生扶旺相，忌空破散绝。

若同坐有功，馆地有益，又看文书。馆地之安，世爻毋空破散绝，而鬼象莫之交重，则安宁可居，而随墓助伤，亦有灾咎也。

若蒙读之安，惟取子孙旺相，而鬼动命墓不宜也。附亲远学，离乡寄读，及入学谒吉，皆同此占，兼看文书之旺衰也。延师成否，贞冲合冲，世空应空，及无官而不成。邀师远游，父占应坏而不从，子占父坏而师不诺也。访师遇乎，指其人也，应空六冲，则不得其门也。生我者亲，成我者师，可不慎乎？

## 卜馆章第六十一

（内详何地、何时、就馆、开馆、附学、代馆、辞馆、荐馆、攘馆、选刻、卜徒、幕馆、商馆十三问）

问馆有无成否，喜六合生世，恶三冲应空。

问馆何地，以应方为方，在坎兑而近水，在震巽而入林，在坤艮为山野，在离为城市，在乾为大都灵宫也。应居父母，则诗书礼乐之家，应居官鬼，则仕宦史胥之宅，居妻财为商贾，居兄弟为同侪，居子孙则清闲道德之门也。以阴阳而分男女之延，以内外而分远近之请，以游魂归魂而分本土他境，以六神分景色，诸星为人事也。问得馆何时，实世生世合世，则其期也。

（应带青龙，其地在长林丰草，元武其家在水畔池傍，朱雀闹市烟村，白虎荒乡僻境，勾陈近于田野故茔，螣蛇依于往来工艺舟车也。贵人为宦，驿马为商，华盖为僧，天财为贾，天猪为屠，余以类求。）

既延而问就馆之吉，三冲则砚席难终，财陷则束修未腆，应空无尊道之志，克世有慢师之嫌，应破散绝有怠学之心，唯六合财旺应生为吉。馆已定矣，如我处而身安心定乎，则随墓助伤，不可犯也，世用空破散绝，不可遇也，官鬼不可动也，动则以五行八宫、六神诸星详之。游魂不久，三冲不定。

（鬼静无戒，鬼动有忌，艮由童仆产祸，兑由妇女生言，乾坤防老翁嫗之憎，震巽慎小工技之谗，坎惊盗，离惊火，八宫之约举也。金丧，火非，土病，水失，木折，咸池淫，天贼盗，官符讼，驿马迁，五行诸星之约举也。六神亦然，元武遗亡，朱雀毁谤，龙败事于嗜酒，虎失利于兵丧，勾陈趋咨遁闷，螣蛇浮燥惊惶。）

设帐来从乎，应空则负笈无徒，财虚则馆穀不盛。问附来者，同于设帐。问代席者，同于成馆。若筮辞馆，以应为主人，应克世而不从，应空散破绝而不遂；主不从虽六冲不能解，主不遂虽游魂安可辞，惟应实及不克世者，可以去也。

筮荐馆，类于仗托，贞冲应坏则不力，克世则不忠。筮攘馆，犹于夺婚，应破散空，彼谋不遂，克世而为其所夺也。

有问选文刻书，其用有二：名用父母，利用妻财。卜徒好恶，其用亦二：三教谊同父子，故用子孙；百工业以求利，故凭应象；然执贽之后，有子孙应象之分，束修未行，则皆从应象，此三教百工同也；应克世而其人矫罔，应空破散而其人下劣，三冲而无恒心，财空而无礼币。

若筮馆于衙幕，及同业于富豪，财官世应，喜其生合，忌彼空冲。若筮遇于何地，则不以应而

财，财生之方，财动之官，乃可图也，财属五行，乃其象也。六神诸星参之。

（财动论官，如财动乾宫，宜趋西北；财静论生，如财属金爻，利涉东南；妻财临水，遇鱼盐之业、江海之滨，妻财临木，遇花果之行、山林之所，土觅田野，火觅城市，金觅玉石；武水龙木，虎兵雀市，蛇商勾医；天医医使，华盖僧从，皆以财考也。纳人之请，世应为先，服人之事，财利为务。）

## 功名章第六十二

（内详发年、考时、发案、收试、补廩、廷试、武试、封荫、投麾、从军、委署、草野、求名、仕途大象、升信、升时、是期、升方、是地、是官、筮官、补官、援例、久任身安、荐奖、开复、上书、献策、条陈、虑参、防后、大计、告养、履危、揭参、交代、杂职、裁缺、公议、国务四十问）

国家以文章取士，则凡大小试，皆以文书为用，故父母喜日月旺相，恶破散绝空，飞而无助，虚抱经纶，伏而有填，定升廊庙，安乡遇克，将飞而坠，绝处逢生，已弃复收，象凶而吉者遇其时，象得而失者违其令也。唯文书临建临破，不同此例。得名在我，世不可空，主试在公，官不可失。

（求名者，以父母为用爻，官备世实则吉。飞而无助，如未建辛日，得渐是也；伏而有填，如午建戊午日，得大畜是也；安乡受克，如亥建甲寅日，得乾是也；绝处逢生，如申建乙巳日，得震之随是也；遇其时，如卯建丁亥日，占秋试得大过之井是也；违其令，如寅建辛亥日，占春试得师之坤是也。遇时，谓考期官文值月建，违令，谓考期官文值月破。若文书以象学业，今值月建，后逢月破不坏，今值月破，后值月建不全。）

有谓六冲不吉，曰否，或应阻其考也。有谓合处逢冲不吉，曰否，或临试而值变也。有谓悔冲不吉，曰否，或虑得名而有事也。有谓随墓助伤不吉，曰否，或名成而疾病惊惶相缠也。有谓二分不吉，曰否，或求名而两适两就也。有谓兄动不吉，无非夺标之嫌，子动伤官，无非嘱托之辈，财动克父，无非贿赂之夫，唯在官文两强，仍可得志。科举古占，得乾震则吉，乾天震雷，以应元首声名，然皆凭于父摇官发，化变飞腾，若父失官空，宁辞渝落也。

（已以八者，求名虽不宜见，若得官文旺备，或先阻碍，而后成名。）

是故拔元拔首，父母建于日月，补增补廩，妻财并于丰隆。世居父旺，曾经揣摩之成，应坐父兴，当赖风簪（？）之助。动衰变旺，喜后劲之文，动旺变衰，惜强弩之末。进神则上其名，退神则下其等。爻爻相助，文章粲于斗牛，象象来生，姓氏悬如日月。两官两父，旺则连登，衰则再试也。猝病怀忧，诚是随官入墓，越规受恐，宁非助鬼伤身。父坏而带螣蛇，近忧降辱，财动而临白

虎，远应丁忧。衰居龙雀，长诗字而短文章，废坐勾元，隳诵读而耽酒色。世投月破，恐病阻试期，身犯旬空，忌心慵尘务。有气有伤，小有瑕疵之戾，无根无倚，大嫌荒谬之篇。

如筮发迹何年，官衰补助其官，父衰补助其父，两现而强其弱，一伏而露其藏，实世而是其时也。

（如父旺官衰，以助官之岁为期，官旺父衰，以补文之年为发。官文两现，若有一衰，则生助所弱之爻，如酉建壬戌日得革，丑年发甲是也。官文一伏，后遇露其藏，如亥建乙卯日得旅，而辛卯发科是也。既问第而复问年，或世空当应实世爻之岁。）

筮考何时，维司官鬼，发案何时，兼详父爻，收试遗生，专依系象，空散无怜才之心，破绝少广罗之量，最忌克世，虑有杀刑。

（凡按考独视官，发案挂榜，并视官文。系象即官爻也，带病不收，克世即怒。）

有粮可补，世空财坏嫌无，允廩可帮，鬼克官亡嫌驳。成乎，同于谋事，攘乎，类于夺物也。

（官空破而及克世爻，是文宗不允，指是缺而能成，贞合冲、世应空、财官失，则不就。忧人来攘、顶名寄籍同类，应不克世，无相夺也。）

廷试擢第，专以官鬼旺相为要，日月并见而抡元，时令旺相而高第。世不宜空，文不宜陷，官爻旺而岁五生，利见召对之荣，文鬼坏而随三墓，忧有不测之辱也。最嫌子动，为卑我品秩，复忌兄摇，为夺吾上第。官伏动扶，疑得位而未任，卦冲世破，恐临试而不前，官绝遇生，偶逢新例之擢，父衰得助，复有考选之荣。

（此以官鬼为甲第，父母为对策，岁五，即岁群五爻，三墓，即命墓世墓身墓也。）

武试贵乎官，英雄得录用也，世不空而父不陷，便利虎闰。请荫请封，戒五爻之伤世，及官鬼之克身。父乃玉牒，不可破空，世是谋躬，不可虚陷。

（如为父母子妻，则世空不忌。）

投麾效力，贞冲鬼动则不录，官爻空破散绝则不用，为名则官旺为佳，为利则财官并重，世不可病，官不可克。入伍从军，以身命为要，世象强良，冒锋镝而成功，官爻旺相，拔行伍而拜爵，官爻克世、助伤随墓，弗宜见之。署篆委镇者，筮成类谋差，世应空、贞合冲，及官不可病，筮利同服役，官坏财虚，徒劳驰骤，官来克世，且虑？衅生。

匹夫好勇而筮曰：吾生平功名何如？若官旺则有特授之官，世空则成妄想之咎，随官入墓，助鬼伤身，则戒覆家亡躯之祸，当勉于守正也。

（后世用才无方，亦备此占。）

既食禄于天家，而筮仕途，皆以官为用神，喜居日月，人仰照临，喜居旺相，物沾时雨，喜值

生扶拱合，如倚长城而驰康庄，忌值破空散绝，空则失职，破则败事，绝则解任，散则削籍矣。子孙动而防公议，别衰旺以定重轻，兄弟发而减俸粮，分喜忌以言凶吉。长生官而知宦境之远达，帝旺临官而知仕路之升迁，衰墓死绝，而知官道之否，进神则升爵升阶，退神则降禄降级。变墓绝而动生扶，日月克而动变生，皆为安象。泄气动而元神静，升信杳然，元神发而用象摇，迁音乃至。

（子乃官之忌神，动则克官，若官旺子衰，或有小过；或子旺官衰，乃受其祸。兄弟非官鬼所忌，但嫌克官之元神，应见罚俸降级之忧。爻得官鬼独旺，不用元神，亦当顺利升擢。卦中或遇子财皆动，官得三象贪生，反属大吉。）

自占世爻，盖不可空，空则当升而未迁，有位而无司，在任而居闲，带罪而立功也，他占则否。随官入墓，助鬼伤身，仕宦之所忌也，衰旺皆凶。六合六冲，非仕宦之所忌，冲而旺相，三月之淹，合而休囚，五年之滞。犹有晋升为吉，屯蹇为凶，亦不可遗也。

（凡占晋升屯蹇四象，值言吉凶，无论官鬼。）

问升迁，卜得日月之官，则超迁也，得旺相之官，则平升也，得休囚之官，则未转也。旺相而动尤速也，休囚而静更迟也。遇空失望，遇破阻谋，遇散枉求，遇绝难始，遇世空而弗遂其占也。毋谓官伏，得助亦升，毋谓子动，得日月亦升，毋谓冲合，得交重亦升，毋谓随助，得旺相亦升。

（专考官爻，代占不忌世空。）

其升何时，值月为法，逢生旺而会推，遇扶助而高擢。再筮是期，世实官崇，非复他日也。

（如两官一强一弱，其弱值月则升，如亥建壬戌日，占迁得丰，季冬始升是也。一官必求值月，可以占验，如长生临官，得官有气，亦可升迁，生助之月亦然，而不若值月为最，长生次之。）

其升何方，官属为法，属金而当升任于西土，属木而当治事于东方，属水而当齐民于北海，属土而当秉政于中央，属火而当为化于南隅也。

（不拘官爻衰旺，及十二支神，大略以五行分之多验，如戌建戊申日，占何方得革，以支神言，则以丑官东北，未官西南，后应擢河南中土，其他仿此。）

若独发离官，关南柱石，单摇坎卦，塞北屏藩。其在巽也，兴教化于东南，其在乾也，立功名于西北。兑当陇蜀，震偏齐鲁，艮行辽蓟之漠，坤来秦晋之疆也。

（凡独发，则以八宫断方数，其他则以五行断地利也，举天下而言之，弗拘乡、任。）

一世官则以禽宿为分野，一伏官则以飞神为地方，然占官而不占世也，既仕以官为象，而不执世。

（卦中一爻官鬼复居世上，当用演禽二十八宿分属、何处、禄仕是也，如亥建戊寅日，卜升方得同人，亥官居世，京房降宿危星，后擢齐地分野。卦内无官，当求伏官之上飞神，以为任所是也，

如酉建乙巳日，占升方得颐，丙戌世伏己酉官，后擢西北，余仿此。)

归魂屡复旧任，游魂尝履新途。六冲伏藏则远，六合出现则近，内近地而外远方，初接壤而六边鄙也。

(凡卦中只一官爻，在内为近，在外为远，初爻近，六爻远，余爻类推之。若遇内外两官，则考其卦，游魂六冲伏藏应远，归魂六合出现应近。盖一官以内外分远近，两官以卦象分遐迩。)

有指而筮得是地乎，贞冲合冲、官坏世空，则非食禄之方。有卜考选升调，而筮得是官乎，世实官旺，则为应拜之职。

(考职选官，升任调缺，或指是地是官，而筮同此法。)

概占当得何官，则专察官爻，以八卦而别其属之部曹。

(乾为天官，古称冢宰，木天之臣，属朝廷禁内杂职，及厩马之司。坎为冬官，古称司空，总河总漕之务，司台谏，属天下之水利者。艮为闾寺，司晨门之吏，防御备卫之僚，治狱禁，属矿藏宝库钱局之类也。震为春官，古称宗伯，师傅太子东宫，或总试总裁，及司宗庙祭祀礼乐文章之官也。巽为天使，及司上林，奉命申四方者，上差之僚佐也。离为夏官，古称司马，专耳目之权、纠弹之事，一为端门之辅，修史之文明也。坤为地官，古称司徒，司天下农事，有土之官也，疆场社稷之任，母后之内臣尔。兑为秋官，古称司寇，司言语，职刑罚，通章疏，主上膳之事也。)

以六爻而辨其位之高卑。

(凡官在初爻为散缺，一为本乡官守。在二爻为县邑，一为谏议大臣、相国学士。在三爻为守牧，一为三司首领，及大衙门随从之官。在四爻为司道，一为九卿六曹，及近君之臣也。五乃君象，非臣所居，惟代天巡狩之官，及钦命钦差者当之。六爻为贵戚之乡，及宗庙功勳之臣、高尚之士、辅相王府之官、四围之股肱也。武途封职，其义相类。)

以五行而分其官之职掌。

(凡金官必司兵事，或执刑衡。木官必司工务、礼乐苑囿、车舆舟楫，及桑麻、制造之事。水官必司江淮河海，及水利盐务、税饷漕储。火官必司文章、参劾、祭祀，及冶铸、喉舌之权。土官必司土地农田、社稷边疆，及陵寝、屯守之柄也。)

以六神诸监，而参考其官之政事。

(青龙则其政清耀，文章诗赋清花之府也。朱雀则其政剖断，谏议善恶，折辨是非，言路之官也。勾陈则其政田土，兴教劝农，治寇保民，一方之牧也。螣蛇则其政传宣，往来驰骤，浮沉体察，差遣之利也。白虎则其政威武，掌生杀之权，秉军旅之事，刑罚之宰也。元武则其政水利，司捕司谋之象也。文昌为翰林，官符为有司，天马为钦差，天狱为禁吏，斗木獬，巡方之官也，尾火虎，

兵权之主也，星日为马，圣传之司也，亢金龙，文章之相也。大抵五行六爻八宫为经，六神诸星为纬以参之。）

日月以像之，世应以度之，君臣以位之，是故独发论官，一爻论位，两现而求诸属，俱无而考诸伏与变，伏占飞神，变占八宫，伏变这法，亦可离位属也。欲知当世之官守，以象求之，虽代有更名，理不远矣。

（凡官临日月建，若非社稷之臣，定是直节科道之官。官爻持世为正印，临应为左右之职。五爻为君，非御史而当宠幸之臣；二爻为大臣，为宰相，而为国家之仪表。官爻独发，但论八宫，官爻一位，但论六爻，官爻两现，但论所属，卦无官鬼，则求伏上飞神，以位属辨之，卦有动象，则求所变官爻，以八宫别之。）

补官起服、援例纳粟，戒世空而反遁也。图差代役、选缺参房，问成乎，冲不利谋也，世不利空也，官不利坏也，问财则不利财虚，问辱则不利官克世也。

或筮久任乎，三冲游魂则不久，官坏而罢职，世空而解组，官克世而参谪。或筮履任身安乎，随墓助伤，及任乃病，世破鬼发，临政抱灾也。

（久任以官为官，身安以官为病，卜筮用爻，妙在变尔。）

求荐奖，而遇官文破坏，恐荐贤之不力，鬼象克世，虑奖饬之非真。世值空亡，求荣不遂，望擢难迁。谪官开复，亦同此推。

（民间坊匾、旌表、冠带、衣巾、乡贤、乡饮等事同类。）

面圣上书，叩阍献策，遁不可遇也。见六冲而上下睽隔，受五克而披君逆鳞，五位伤而忠言逆耳。若条陈于将相，喜官兴而忌克世也。

（五克谓五爻克世，五位，谓五爻空破绝散也。）

夫在任而防参罚，恶子动而好官兴，世空则离任。离任而虑后患，好子动而恶官兴，世空则无事。大计之问，求官鬼之无瑕，索世爻之有气，官临日月生扶，定膺卓意廉能之选，子孙动而有降职之忧，兄弟摇而有罚俸之议，兼逢官破，致仕还乡。养亲给假，告病休官，若官克世而被恶，官爻破绝空散，谁明高蹈之怀，世象随墓助伤，反受风尘之缚。任乱地而求身安，随墓助伤、世穷鬼发非祥，任危邦而求爵显，官隆世实则吉。

（设如治河防决，忌鬼动鬼克，抽税征商，忌应空财坏。考卷有瑕用父母，征徭无用妻财，在占者志此用此，志彼用彼也。）

凡公揭参疏，犹词讼也，先占上意从违，次考应爻生克。何时交代，官鬼墓绝、子孙生值以为期；何时官来，毋拘士庶僚役，官鬼生旺以为实。觅人代署，应空谁为代之，或从官，或从人，用

爻当晰也。

（官来，指其爵也，人代，指其人也，用爻微细如此。）

太医、僧纲、道纪，所喜惟官旺财备，所戒乃鬼克世空，以及随助也。）

（凡占杂职皆同此。）

衙门裁革，止察官爻，公议短长，惟求鬼象，国务行止，专从五位也。

（官旺则不裁。公议将行之事，鬼破则中止。兴革损益，得君命为行止，五爻克世，则不行也。）

## 用人章第六十三

古之治国者，莫难于知人，知人善任，而庶事有济，况于营家治生者乎？

任仆以财为用，任人以应为尊，三冲则鲜克有终，克世则中怀不利。

任长以父，任幼以子，任士以福，任臣以应，因其任而为用也。以生世为忠良，克世为奸恶，空则无能，或不为我力，散则无心，或不从我用，破不一向，绝不先劳也，纵生世而不得其力。任文以父，任贾以财，任畜牧以子孙，任交游以兄弟，而应象皆不可病。盖应为根本，艺为枝叶，应空破，虽父旺而不文。

六亲之推，父母为才能，弟兄为诡诈，子孙为善良，妻财为术技，官鬼为强梁也。先忠后佞者，子化官，先奸后义者，鬼化财也。

（必因生克，而后言吉凶。）

六神之推，带青龙而生，则得弹铗之贤，随青龙而克，则惟藏刀之诈。虎生世者，刚而直，虎克世者，勇而暴。雀生世者，辩而忠，雀克世者，佞而奸。武生世者，智而敏，武克世者，巧而贼。螣蛇生克，分损益之虚浮，勾陈克生，分善不善之迟滞也。

（若来生世，虽凶亦吉，如来克世，虽吉为凶。）

动于八宫，则察八宫之情，坐于五行，则推五行之性，星煞详之，衰旺考之，则人之贤不肖，可藉蓍而得也。

（八宫专论独发，五行六神诸星，惟论用爻所值，如动于乾，生世为刚健，克世为骄傲；发于坤，生世为柔顺，克世为阿逢；在震，生世为正直，克世为暴戾；在巽，生世为伶俐，克世为风从；在坎，生世为智巧，克世为奸险；在离，生世为明识，克世为浮躁；在艮，生世为笃实，克世为疑滞；在兑，生世为和悦，克世为谄佞。水之为贤曰智，为不肖曰贼；火之为贤曰急，为不肖曰纵；木之为贤曰慈，为不肖曰懦；金之为贤曰刚毅，为不肖曰强横；土之为贤曰敦信，为不肖曰愚蠢也。驿马之生也，勤于趋走，克也，数于往来；天财之生也，善于生息，克也，善于贪攘；官符之生也，

长于智谋，克也，长于讼斗；咸池之生也，能于工技，克也，溺于酒色。生世，则有益于己而为贤，克世，则有损于己而为不肖。

## 测隐章第六十四

（内详喜怒、害助、测物）

事多蒙昧，迹涉嫌疑，人心之诚伪喜怒，物象之有无完缺，善筮者，亦可以意得之。

故筮诚伪者，专察用象，疏则用应，亲察六亲。用空则不实，用破散则非真，用绝则其习不坚，用动则其操不笃。化于生扶子孙，善而可亲，化于克冲官鬼，恶而宜避。测人喜怒，用神冲克世爻，则怨恶相加，空散破绝，则忧喜无实；居白虎而生世，怒而不迁，居青龙而克世，喜不相及；卦冲而爻生，外怒而内悦，卦合而爻克，先喜而后嗔。喜怒之占，生克为重，冲合为轻。

筮为我害乎，克世者是，筮为我助乎，生世者是，然逢空破散绝，则损益咸虚。

测物有象，父像文书，财像珍宝，鬼像妖孽，子孙像飞走之物，兄弟像工力之事。有无完缺，以用神衰旺、虚实、破散断之，则物无遁情矣。

## 收雇章第六十五

（内详雇工、请人、去恶、防夺、防非、防病诸问）

凡占收雇，三冲不久。收仆备驱役之使，财为用神，是以财神空，身虽从而心不向，财神破散，轻疾病而重丧亡，财神绝衰，不得其用，财神旺而生合世身者，此手足以奉腹心，财神旺而克冲世者，此干仆而加弱主。故未收而占臧否，止忌三冲财病，虽克不嫌；已收而占去留，亦忌三冲财动，克世当去。

（未收之时，财疲生世，吉而不吉，财健克世，凶而不凶。已收之后，如问忠奸去留，克世则负己，生世则尽公，岂能执吉神克世不凶乎？）

察其性情，专于用象，金刚、火强、水智、木仁、土信也。青龙能文，朱雀能言，白虎暴戾而元武奸，勾陈迟钝而螣蛇浮也。八宫辨之，诸星配之。

（用爻独发而论也，在乾志高，在坤性顺，震直巽奸，坎暗离明，艮讷兑佞也。角有蛟志，尾有虎性，奎有狼心，星有驥德也。随生克衰旺，而言吉凶。）

游魂用空者，则有逃亡之变，归魂用破者，则有回赎之嫌。二父二官，事或两头之系，三刑三破，身常四体之灾。世空我疑，间动防阻也。

（三破，谓岁月日之破。）

雇倩人工，则应为用神，应破绝则不能美其终，应空散而不能谋其始，三冲无定，克世无良。倩蚕织之妇，妇女从财，财不可坏，雇倩从应，应不可病。应来克世，恐害吾事，合冲变冲，不可久留，八纯六冲，不可暂用也。

欲其去，应克世而不去，欲其来，应受阻而弗来。人可信矣，不为夺乎，应克世而被争；人可用矣，不受非乎，官动官克而被讼；人可用矣，不有病乎，命墓、应坏、鬼动而患病。

## 易冒卷之八

### 理财章第六十六

（内详干谒、囤积、贾肆、托本、寄货、公门、博戏、借贷、觅物、订会、巫医优娼工技缘募迎客、脱产、行险、索逋、夺报发伏造作、脱置诸问）

凡趋利之占，皆以妻财为用，因事而求，偶兼他象，是故干谒宜官，财官不可丧气，商旅忌鬼，官鬼岂宜交重。

（行商若财爻旺相，或鬼动不值雀武蛇虎，亦为有利，倘妻财空破，即应讼盗惊灾。）

囤积审脱时衰旺，养育种植类之。脱于春者，宜木象之乘财，售于冬者，恶火爻之为用。

（当考所筮之时，亦宜财神有生扶，无破坏，后复遇时，方得厚利，倘占时原属破散，失救援，纵后遇时，亦利薄也。）

财审有蒂，遇时则芳，财神无根，遇时亦常。脱地有定则考时，脱时无定则随占。

（如贾肆之业，止论时下占财衰旺，不可以后来日时为应。）

贾肆之问，亦利久长；托本寄货之问，又利始终。故三冲有始而无终，应爻破散，先忠而后佞，应爻空绝，先亲而后疏，应爻克世，怀叵测而侵没也。四者有一，纵财无克破，亦弗用之。

（凡占业得财神旺相，如无伙伴，虽遇三冲，但不久而亦有利可为，惟托寄遇冲，断无终始，财虽旺相，不可行也。）

趋利公门，当控官心喜怒，求财博戏，须详应象克生。

（官鬼空破，乃官不重也，若克世主有刑责，故财虽旺不吉。应爻克世，乃彼胜我也，财虽旺必先赢后输。）

借贷戒应空，是谓虚诺；觅物忌世空，是谓难得也。畋猎如之。

（买货若遇世空，妻财虽有在卦，亦主难买。）

复观所求，当分其用，飞走之灵，不用财而用子孙，衣服舟车之具，不用财而用父母。

订会类于谋事，贞合冲则不聚，世应空则不会，财官陷则不成也，为人说合亦然。若筮得会，

财当日月可获也；若筮有终，三冲应坏克世非良也。

（财当日月，如酉建丁酉日，占庚子日摇会，得水地比，果获之是也。再如寅建乙卯日，占何时得会，遇丰之离，其后午月方获，是财当月也。余仿此。）

巫医之利也贵名誉，官鬼为专；优娼之利也贵鼓舞，亦官鬼为务。工技之于人事也贵情好，忌应克世；僧道之于缘募也贵悦从，恶应爻空。行次迎客，彼空谁来；脱产求交，应空谁与也，交有所指，则同谋事矣。

（或兼用官，或兼用应，而财神不可脱也。）

若行险求财，此非营生之本，未言其利，行明其害也。动伤随墓而害大，应克世而途遇强梁，官克世而路遭罗网，鬼爻发动，虎卧当道。欲往何哉，加元武为寇盗之凶，加朱雀为斗争之患，勾陈为拦阻之人，螣蛇为风波之骇，白虎为灾疾之危，惟青龙可以凶而吉也。

（非分之求，凶多吉少，常身家俱殉，故有戒词。）

索逋者，应克世为负心，夺报者，兄爻动为攘光。

脱者宜动，留者宜静，发伏藏者宜伏而现，假造作者宜变而建。

（发伏，如开矿淘沙取藏之类。假造作，如木匠土工针线机织之类。财临变爻，复值日月建为吉。）

财逢合而当遇，财逢冲而当起，货人宜衰则易买，货出宜旺则得价，财逢生旺当征贵，财逢衰病当征贱也。

（此言货价贵贱，收发之宜。）

财爻绝，得生则脱，财爻空，得填则获，财爻破，得补则复，财爻无，见时而得，财爻旺，墓库而收，财爻衰，得旺则长也。化进神者日增，化退神者日减，利厚者财化生，利薄者妻化克也。

（此言财爻生克补救之法。）

游魂财旺宜行，归魂财衰宜止，六冲宜改图而得利，六合宜需守而生财。坐世遂本地之求，居应称他乡之脱，现于间爻，中途反生息也。

（此言脱货之利。）

财衰于内，买宜近乡，财休于外，置宜远所。衰而旺，其价先屈而后伸，旺而变衰，其物先金而后土也。卦无财而财且衰，价贱而不得买，卦无财而财且旺，价贵而不能买，惟现而衰，满心得置，叠而旺，遂意得脱。

（此言置货之宜。）

脱货何为吉方，财生之处也，独发求官，重见求属。置货何为吉方，世生之所而已。

（此言置脱吉方。）

问何货为善，无是法也，当分类占之，间有筮焉。财旺则以妻财所属，财病则以子孙所属，五行六神而考也。类金者玉石像焉，类水者鱼盐像焉，类火者陶冶像焉，类木者百果像焉，类土者五谷像焉。青龙木利，喜庆为用也，白虎金利，丧屠为用也，玄武水利，酒食为用也，朱雀火利，市肆为用也，螣蛇土利，出入为用也，勾陈人事之利，农田为用也。有指而求，无自妄也。

（问者意属何类，然后以象像之，万弗自逞聪明，以妄言语而误趋避也。）

夫子孙生我财，喜有而有喜无，官鬼耗我财，吉安而不喜摇，兄弟克我财，喜静而不喜动，父母为辛劳，喜抑而不喜扬。凡益财者宜其动，损财者宜其静也。

（此言六亲喜忌。）

传言得萃，而经营折本，当为占者之戒云。

（京子传，以萃数缺无补，因戒占求财，兴贩尤忌。）

## 桑田章第六十七

（内详种植、召耕、佃田、耕牛、蚕利、叶价诸问）

田之用财，言其耕得也，桑之用子，言其育利也，是故占西成之稔，财实则丰，财虚则荒也。所以五谷熟，为财爻之有助，百果成，为妻象之无伤。卦验得丰，古称大有。

夫官鬼天殃也，殃不宜作，作则为稼穡之害矣。是故火鬼动，而司亢旱，水鬼发，而司淹没，土司蚁，金司蝗，木司风，而及菱秕也。

初爻田也，二爻种也，三爻为秧，四爻为苗，五为谷子，上为耕夫，鬼发于是，则为是灾。鬼发初而田原瘠，鬼发二而种复植，三爻鬼动而莠稗欺，四爻鬼发而虫蠹疾；风雨阻其结也，五象鬼兴，病厄困其力也，六爻鬼作。

若夫稻宜早晚，种宜蔬果麻豆，皆察财象逢时。春树而秋收者，金财之宜，夏植而冬遂者，水财之利也。

召人之耕，应为彼，财为息也。应爻空破散绝，则荒吾田，财爻空破散绝，则薄我息，克世则负己，三冲而无恒，惟应生合而财旺相，则得上农之助。若耘人之田，惟以财为利。

筮耕牛，五爻、子爻不可病也，鬼爻不可动也，爻属、生属不可入鬼也。

（病谓破空，生属即丑爻也，爻属，五为牛也，值鬼有病。）

是故蚕以子为用，实则多获，虚则少成，盖子孙空破，而忧筐簇之虚，福德生扶，而喜结缡之实。筮坎兑者，虽子旺而徒劳，筮艮离蛊咸者，虽子衰而倍常也。

官鬼蚕之病也，病不可发，或现于卦，或现于爻，或现于五属，或现于六神，因事以趋，随事以避。是以坤艮之鬼，其室不宜，乾兑之鬼，其釜不利，巽震惊风雷之暴，坎离恐水火之殃也。

初爻之鬼，病在种也，上爻之鬼，病在茧也，二为箱，蚕细之时也，五为筐，蚕大之日也，鬼发于是，岂无变乎？三爻人也，四爻叶，鬼发于是，岂非人困而叶悴乎？

（何官何爻，鬼动益甚。）

水伤湿曰青，金伤饥曰白，火伤热曰焦，木伤风曰折，土伤气曰黄，鬼发于是，则有是病。

（此释鬼限五行之义，青谓湿青，白谓亮白，焦谓细小，折谓软死，黄谓痿黄也。）

龙不可以闻歌唱，雀不可以见喧哗，虎不可以动悲泣，武不可以触秽污，勾陈不可以徒箱筐，螣蛇不可以历倾覆。

（此释鬼现六神之义，如鬼现支神，则已有蛇游，子有鼠舞，午为蚁食，酉为鸡啄，亦以戒焉。）

复求得利者，专用妻财，复求同育、更种、买蚕、育所，专用子孙。

（蚕财，以财为用，同育、更种、买蚕、育处，皆以子孙为用。）

夫桑叶货物也，是故财爻旺相，其贵如金，财爻休囚，其贱如土。盖金土之贵贱，亦随日月时而移也，月以月计，日以日计，时以時計，亦随其占而考也，财旺于内，贵卖于近，财旺于变，贵于后也。

（概占何时贵贱，以财旺之时为贵，财衰之时为贱。若计限时日月而卜，直以财旺为贵，财衰为贱也。迟早贵贱，以财旺之日月为贵，财衰之日月为贱。）

叶可尽与，子孙旺而叶尽，叶可余与，妻财丰而叶余。

（问叶可能尽，盖子旺蚕好，则叶可能食尽。蚕食外尚有叶多乎，财旺则是年桑叶茂盛，故应有余也。）

## 畜养章第六十八

夫禽兽之物，以子孙为属者，以其蓄利之源也。或用于财，或用于子，其法有二：盖求物身命则用子，以物取利则用财。

卦属爻属生属，而载于五行者察之，官鬼之神，是为物之灾也，白虎之煞，是为物之屠也，畜养之筮忌之。

（官鬼为疾，白虎为刀砧，并忌。）

是故牧马牧牛，鬼不可动于乾坤之宫，鬼不可入于五六之爻，鬼不可现于丑午之位，然后考子孙之衰旺，而白虎无拘，盖耕牛厩马，纵病而弗屠也。

鸡鸭鸟鹅之属，则以子孙为物身，旺肥衰瘠，空散则亡，破绝则死也。初爻是其位也，酉是其命也，皆忌鬼犯；虎为其宰，鬼为其疾，皆不可动。

（此言畜禽消长肥瘠。若贩鸡哺鸭，求财当以财神为用。）

猫犬彘豕羊鹿者，莫不以鬼依二三四爻、寅午未戌亥之位为凶，发于坎兑艮之宫为不利，而子孙喜旺、白虎喜宁也。

（二爻猫犬，三爻彘豕，四爻羊鹿，寅猫午鹿之属是也。）

夫鬼守于亥者鱼必消，困于申者猴死，所以养鱼而信以财考，养黄鸟斗虫而信以利求，畜牧而今以息问也，当复计其时尔。

（不惟以财为用，复当考其获利之时，如夏畜秋斗则喜金财。）

是故卜禽兽之肥瘠死生者，专物之身而言也，务用子孙；若以禽兽之畜养而待趋利者，专人之得而言也，因曰务用妻财。

## 丁产章第六十九

（内详寄户、投图、归甲、清漏、交纳、散派、违限诸问）

立户成丁，置业归产，止畏征科之累也，故官鬼为徭役，不可动、不可克，动烦而克累也；不可随墓助伤，随助有飞差突派也。惟鬼静福兴，而安居乐业。

或筮寄户，或筮投图，专察应象，应空不容，克世多累，世空无成，三冲不久。

并分丁产，收回图甲，清漏粮赋，皆以助伤随墓为恶，鬼动克世为凶。

交纳易乎，官克世而难也，散派难乎，世克应而易也，违限安乎，鬼动官克而危也。

## 户役章第七十

（内详谋差、顶役、脱役、助役、卸役、讼役、避役、防患诸问）

役有不同，有我求之役，有官派之役，有利之役，有不利之役，皆役于官也。故喜忌皆用官爻，求而有利者以役为利，则财旺官备为吉，以官坏克世为凶。

凡盐漕河赋之差，吏胥吏卒之辈，官能荣之，故官不可空也，官能辱之，故官不可克也，官能利之，故财不可无也。随官入墓，助鬼伤身，为公门之大忌焉。

筮谋差之成，贞冲、合冲、世空、官失，为不就也。顶役之成，世空、应空、贞冲、合冲、官失，而不偕也。

派而不利者，以役为害，是以问役轻重，官克世而役加，官持日月旺相，役必多、徭必苛也，

休囚则少，空散则免也。破分动静，动有而静无也；随墓助伤，亦应大凶，得逢空破，反为得免。

脱役除名，官克而不宥，官空破散，嫌释我无主，官临旺相，忌制我方疆。故凡官不可克、不可极、不可没也。

（极，谓极旺，没，谓失没。补遗云：官鬼克身难脱役，子孙持世易除名。）

若求人助役，须应生世，如应空破散者无助。若觅人卸役，须世克应，如应空官克者无门。若讼官得理，克世非宜，如官空破散者无益。盖公以官，而私以应也。

（私处求应生，公断戒官克，应空谁相怜，应克孰为力。）

卜潜踪避役乎，鬼旺则役来，鬼克世则捕我矣。卜当役防患乎，官动官克则多累矣，唯卦静而子动，二占之吉也。

（避役防患，皆喜子忌官。）

大抵役而趋利好财官，役而免害恶鬼旺，及动官克世。避役而喜失其鬼，谋役脱役，而不喜失其鬼，用神无执一也。

（谋役脱役，无鬼难为主焉。）

## 合分章第七十一

人事分合，或以义合，或以势分，已分而欲合，向合而求分。主于自为，皆以世为用，主于为人，则以所主之人为用，旺相生扶则吉，破空散绝无成。以世为主者，忌助伤，以人为主者，忌命墓，此其大象也。

（专务用旺。）

是以为己而分合，则世为之主，为手足而分合，则弟兄为之主，为卑幼而分合，则子孙为之主，为臣妾而分合，则妻财为之主，以主象无伤，财福生旺，而为启家之吉。

既分合而占所事之利钝，则各以用象占之，如居则同宅占，如业则同财占。

大抵分事求胜，胜无忌动，合事欲和，和则戒变，所以变于朱雀阴官，而言生中蓍，变于元武阳官，而隙开暗欺，故君子宜广其心也。

## 出纳章第七十二

出纳之交，兼参人己，我与人曰出，我受人曰纳，问彼弃亦为出，问彼受亦为纳也。

是以我业当出，卦冲财坏而毋留，我屋当出，卦冲鬼动内坏而非我居，其货当出，卦冲财旺而及时，当纳而反是。

筮彼屋脱否，应实父完则脱。彼业与货脱否，应实财完则脱。筮彼纳否，贞冲、应动、应坏则不纳也。

欲纳其物而无祸者，类防讼也，欲纳其物而无争者，戒应克也。

（随墓助伤、鬼动官克谓有祸，应克世谓有争。）

欲脱其产，而图更置者，世空父坏则不得也，欲脱其货而财不耗者，财实则不散也。

筮送物求纳，六冲、应动、应坏则不纳也，财化退而不纳财货，子化退而不纳牲禽，若应克世者，空破则怒麾，静实则罄，收而不报也。

（父母退不受书文，官鬼退不受图像，兄弟退不受双对物也。）

大抵出利交重，不嫌用坏，纳利用变，卦喜静生，此出纳之分也。

### 取质章第七十三

（内详劫质存亡、还期诸问）

有质而取，何用揲筮，事在季世，物情难测，则卜吉而往，先审用爻。

人以六亲，物随用象，凡舟车房屋服御之物多用父，凡土田货贝宝玩之具多用财，凡禽兽生动之类多用子孙。平交取质，应克世而有攘心，贞合冲、世应空而无成事，官虚、用坏岂得全归。

若驱掳劫质，又异平交，先考用象，安危，后察官应生克。鬼兴而难脱虎穴，随助而或陷泥犁，故人物存亡察用神而可见，来归时日，用生扶而有期。

大抵信质情兼交与，故忌克世，劫质势比蒙难，最喜官空，此其分也。

### 备物章第七十四

（内详井灶床寿具，杂物奉公托人诸问）

器用之设，成家所需，而备物之大有三：一曰井，二曰灶，三曰床，此饮食居处所关，不可忽也。故筮之者，以爻位为用，以官鬼为灾，以三冲为不久。

井之位曰初爻，以其穴地也；灶之位曰二爻，以其中馈也；床之位曰三爻，以其人事也。皆不可克世，谓其犯吾，皆不可受伤，谓其失利，皆不可依鬼，谓其生难，皆不可动官，谓其作祸也，井之开闭，灶之修作，床之安造，犯此而凶，值福而吉。

若置寿具占喜忌，宜用旺鬼安。占妨犯魔倒，忌鬼克鬼动、随墓助伤。

如筮舟车，喜久喜利喜安，而忌卦冲财坏也。置锄犁网罟者，惟以利也，专之以财。占戏具者，备美用父，取利用财。置炮矢者，意在伤人，专之以世应。备物置用以物而推，衣衾多用父母，仪

像则用官爻。

奉公置造，官坏世空，及鬼克世者，不善其功。托人置造，应坏财虚，及应克世者，不得其用也。

## 营谋章第七十五

（内附嘱托）

夫谋事在人，营求不一，皆物交物而成也。故六冲则不交，合而冲，则将交而，应空散，则彼心不附，世空散，则我意先慵，唯世应破绝，犹得其半，官鬼失而谋无主，此五者之忌也。

（破绝有形，空散无迹。）

故自力可成，莫观其应，因人成事，莫观其世。止问成否，但忌空冲，兼问吉凶，并求用旺，谋文用父，谋利用财，释患用子。

（占己谋不论应，占彼谋不论世。问成占谋，问吉凶占用。）

筮嘱托者，随所用神，或用官，或用应，或用六亲，皆忌空，空则不力，皆忌破，破则无功，皆忌六冲克世，则疑阻生衅，随墓助鬼，则不利公廷。旺衰以分其力之大小，合冲以定其情之向背，化进则勇于事，化退则倦于行，五行六神以断其情性，然勿主吉凶也。

（金坚直，木从容，水曲折，火燥烈，土诚信，龙和，虎勇，雀再三，武婉转，勾端实，蛇缠绵，此五行六神从生旺言也，空破反之。）

盖凡谋事之来者，法以谋望而并求用神，谋事之去者，法以谋望而不求用神。求于己者世，求于人者应，有交忌冲，无交不忌冲，惟官鬼乃谋之主也，俱不可失焉。

盖凡专问嘱托则重体，专问所谋则重用，问嘱托而兼求用神者，体用两全，事无不吉。然嘱托体病，虽用得位无成。故本占为得，不可贰也。

## 易冒卷之九

### 出行章第七十六

（内详同行、成行、求事、利方、筮风、关隘、旅寓诸问）

不虞之备，君子所戒，行路之难，自 纪之，是故风波盗贼、疾病讼非之患，皆以官鬼为大忌，鬼爻安静，利四海之翱翔，官鬼交重，几半途之颠簸。

武鬼发而忧盗贼，雀鬼发而备讼非；虎鬼动生疾病，蛇鬼动惊风波；勾陈鬼发，而不可刻期，青龙鬼发，而不可溺豫也。车马之祸者，鬼发乾震也，风波之患者，鬼发巽坎也；艮鬼防患于山间，

坤鬼避凶于野外，离鬼戒心于市肆，兑鬼留意于庵祠。

水鬼不宜舟楫，木鬼不宜车舆，土鬼不宜步担，金不宜兵，火不宜爨。午驴，酉酒，木东，金西也。咸池为妇女之患，劫煞为谗骗之欺，耳目为音信之讹，天贼为窃偷之害也。凡动一鬼，主应一祸，所以出行无鬼，而言永臧也。

（鬼动五行，则有五行之忌，鬼动支神，则有方属之凶。故午官为驴马之跌，木鬼为舟船之风，鬼动诸星，亦有是戒也，惟无鬼无虑尔。）

于是而察用象，自筮世不可病，卜人用不可伤，空则诸谋无成，破则一身染疾，绝则愆期，散则他适，世墓者不出，化退者不行，静而冲者，被邀而游，动而合者，被绊而留，游魂多不定之游，归魂难越境之步也。

（投墓、化退、静冲、动合，皆指世爻。游魂行远，归魂行近，或以心志言也。）

世随官墓，则阻滞之事生，世持弟兄，则伴侣之朋至，世畜妻财，而有资粮，世会父母，而有裹囊，世坐子孙，而远近亨途。昔传明夷节艮坎四卦，为出行之戒，今列随墓助伤，二象为伤外之忧，虽用疆鬼静亦忌焉。

（释六亲持世之义，并四卦二象，慎不可犯。）

于是而筮同行之良者，以应为用，来克来冲，不可与同；且空散无顾我之情，破绝有悖谋之恶，同于亲属，则求用象，同而筮安，骛世索鬼。

于是而筮我出成否，坏世不出，虚鬼不出，墓退、归魂不出；筮同行之出成否，贞合冲则不偕，世应病则不偕，官鬼失则不偕。筮行时，则用为出行之身，动则逢生，静则逢冲，坏则逢补，其期可定也。

于是而筮求事者，亦察用爻，求事于科第，则考诸文书；求事于升迁，则考诸官鬼，而毋世空也；求事于寻访，考诸用爻；求事于货利，考诸财象，盖耑于事而不耑于出行也。

于是求事，而筮方隅之利者，则察子孙当生旺之方。出行而筮趋避之时者，则避官鬼当日月之期。

于是而筮遇风，则察兄弟，克世则逆，生世则顺，实而大，强而狂，弱而小，虚而息也；夫日，天也，日生则天顺，兄克则风逆。筮有风不戒乎，则察鬼象，动有覆舟之祸，静无折帆之殃，而世爻生旺者无咎。

（顺逆务于弟兄而日参之，兄生日克，其风横顺，兄克日生，其风横逆。）

于是而筮关隘，亦察鬼爻，应克世者，定多阻隔，官克世者，必犯羁征；子旺官空，游行如意，越境贩挟，皆同此占。

于是而筮旅寓之安，世坏疾生，鬼动寇至；世身生旺，即次之宁，龙福合扶，遭逢之庆。

## 行人章第七十七

（内详旅约、途会、安危存亡、利钝、音信诸问）

行者未还，卜筮偕至，亲用六亲，疏用应象，用爻无病而来归，用爻克世而速至，此其大象也。若用逢空破散绝，不特归期杳然，亦主行人灾病；若别见无伤之用，则从无伤断之。

（用爻遇此四者，行人必阻，若他爻飞伏之间，别有用神得令，亦可言归。如戌建癸酉日，占弟兄得夬，三爻兄弟月破，因有阻事，而未爻兄弟无病，后遇丁丑，冲动未爻，其弟乃还。又如子建庚寅日，妻占夫得困之兑，午官空破，应夫未还，然巳官伏寅下长生于日，独发足爻，是日乃至。故别有用爻在飞伏间，亦可取验。）

故用逢暗动，而乡心发矣，用值交重，而舟车发矣，动临日月，是日月当返矣；动化退神，班马而不进，动化进神，望云而疾驰；静逢合有结伴之还，动逢合有攀辕之阻；冲化冲者，心改易于别途，游魂化游魂者，志徘徊于他国也。

如概筮归期，先求用象无伤，世克用而未来，用克世而速至，比和云缓，相生云迟；用虚以实至，破以补至，绝以生至，无以有至，衰以旺至也。

（巳建己酉日，概占仆来何辰，得剥之旅，世生用不能即到，卯财发动，寅财旬空，后及甲寅日乃至，是空以实来也。辰建甲辰日，占弟兄得大有，世生用主来迟，后应乙卯日到，乃静以冲来也。辰建戊寅日，占弟兄得困，用克世当速，然酉爻旬空，当应申酉日到，然而次日乙卯，冲实用神，是辰乃至，此又以生克辨迟速也。）

用之动者，三合而来，用之暗兴，六合而返，用处静者，遇冲而旋，用之墓者，得开而晤也。地发，彼方就道，足发，当日乃还，门户动，此处逢迎也。动速静迟，古今之大义，冲疏合亲，卜筮之常理，游魂出，归魂入，卦爻之定象也。卦身合月合日，是欢迎之会，卦爻独发独静，亦突见之期。

（凡得归象，先要用爻无病则验。不拘旅卜家卜，凡归人则准归魂，游人则准游魂。独发者，如坤之复，未日行人乃至，独静者，如巽之噬嗑，卯日行人乃至，若临用神，更为验占。）

如限期而筮，或以年，或以月，或以旬，或以日，世克用而迟，世用相生而缓，世应比和、用克世而速也。限期之筮，神告尤亲。

（限期而占，用神破空散绝则不至，世克用则不至。用神坚固，然后以克世为速，比和次之，半限可至；用生世则次之，世生用又次之，及限方来。）

行旅之约，应坏而爽信也，惟不空不散、不破不绝，必如期而至。问迟速，则如行人之断焉。中途之会，六冲而不见也；应空不信，纵信而殊途；世空不待，纵待而背路。如卜日时来，以实应为法，见以实世为法，卦身合时为法。

（以六冲世应空为戒，世应不病，则卦身合日相遇，世应病，则实世应之日相遇。）

盖筮行者之来否，则以虚实言，行者之迟速，则以生克言，行者之安危，则以用象言，而官鬼为之害也。随鬼反伏墓绝，旅人之凶兆也，各以用象定之。水鬼动者，风浪惊心，金鬼发者，兵戈夺气，火为飞延之事，木为舟楫之累，土为步担之欺、济用之阻也。元武细人也，螣蛇匪朋也，青龙良伴也，白虎为灾，勾陈为阻，朱雀为非也。

用化鬼者，恐涉于非径，鬼化用者，恐陷于泥途。兑鬼咸池，乐酒色而忘返，坎官驿马，飘江海而难归；乾鬼惑于琳宫，巽官耽于逐利，离淹市井，震病舟舆，坤艮阻山野之象也。

若筮久客之存亡，专用而不专鬼也。用神存则存，用神亡则亡，存谓有本，亡谓无根，三忌果真，乃作他乡之鬼。

（犯三忌则亡，一曰命墓，二曰反伏墓绝，三曰空破绝散是也。）

筮行者在是地乎，求用爻之有也，动则他趋，空则别处，散犹空，冲犹动也。行者仕乎，官旺则仕，官空未仕也。行者娶乎，财现则娶，用病未婚也。行者得利乎，喜财神之旺也。行者他适乎，忌用象之囚也，受阻不他如，受病不更往。曾有遇乎，六冲不遂其求，用空不称其志也。

如筮音信，专察父爻，父病无书，旺动将至，受冲被拆，化空乃遗；并于朱雀则速，并于勾陈则迟，并于青龙则吉，并于白虎则凶，螣蛇为泛愕之词，元武为幽秘之语。占彼寄书乎，先用而后父，用殆不书，父虚无信。书寄有财乎，先用而后财，用空无寄，财空无物也。信之有无，以空以动，书之到日，以合以生。

大凡行者之吉凶，疏以应象，亲以用象。行者之得失，得以用爻，求以事爻。

## 舟车章第七十八

（内详雇觅夫占及舟楫宜忌）

舟车致远，筮有戒心，故欲其有利，先求无患。凡舟车之误、灾疾之扰、盗贼之虞，莫不以鬼动为戒，助伤世病，不宜自身之适，命墓用坏，岂利他人之行。

（先忌鬼兴，次察用象。）

木鬼交重，弗恃舟车之利，午官发动，无乐驴马之驰。跌也，折煞并之而兴；劫也，贼武因之而动；争也，朱雀与之而翔；惊也，螣蛇同之而张。惟官鬼安宁，用神旺相，则舟车骡马，所适而

安。

（释鬼动之义，纵鬼动青龙，恐致祸于旅舍，鬼动勾陈，恐遇阻于道途，鬼动白虎，恐受惊于兵革也。）

故觅舟车，世空父坏则少，觅骡马，世空子坏则难。舟车完善欤，父坏而敝，骡马壮健欤，子旺而良。卜舟车之来载，应坏父破则无期，卜骡成之来迎，应动子兴而疾至。

（舟车属父，骡马驴属子，应为舟子仆夫，旺良衰敝，静迟动速。）

若舟子仆夫之筮，官差用官，私雇用应，最宜生世旺财，岂宜克身应陷。如筮水陆平安，亦唯凭官福动静。

（关津留难，官差搔扰，盗贼窃发，均察鬼爻，衰静则无事。）

大抵所乘之利钝，考父母与子孙，所历之安危，察用神与官鬼二者而已。

（此宦游作客，舟子仆夫，所同占也。）

唯舟楫之用广，则加详焉。父母，船体也，兄弟，船之跳篙也，妻财，船之物用也，官鬼，船之魔倒也，子孙，船之辅从也。自初至上，船之段落也。世，船之主也，应，船之宰也，间，船之役也，皆不可并于鬼而动焉，亦不可从于鬼而化焉，犯则征凶。

（此言六亲、六位、世应、间爻之象，并于鬼动，是何爻神，即为有忌，从于鬼化，是何象位，即为有灾。）

火鬼有红光之患，水鬼有白浪之殃，金鬼触峻峭之石，病在钉锚，木鬼犯家堂之神，疾在蓬橹，土鬼搁壅浅之河，患在灰泥也。

（此言五行临鬼发如此。）

朱雀前神也，司之于头，有词讼则飞，元武后神也，司之于尾，有盗贼则摆；风从虎，司之于帆，有灾祸而后动，云从龙，司之于舵，有喜庆而后扬；螣蛇绳索，报惊恐之灾祥，勾陈房仓，兆迟留之得失。

（此言六神临鬼发如此。）

附舟寄货，以应为用，克世则侵渔多费，六冲有半道之变，应坏无一力之倚，君子避之。

（附舟类交与，忌应病克世。）

是以买舟而居，犹占宅也，船主用人，犹雇倩也，役夫投船，犹事人也，投麾荫庇，犹公役也，防犯差役，犹避讼也，问何鬼神，犹求祟也。

（各推其类断而断。）

考魔倒以官鬼当临之处，求趋避以官鬼当月之期，越江海慎坎艮之戒，而称利涉矣。

（官鬼在六，其魔在头，官鬼在初，其魔在稍，官鬼在间，其魔在中，三四爻亦中仓也，官鬼当日，安以危戒，子孙当日，险以夷戒，唯艮坎二义，江海大凶。

## 治筑章第七十九

（内详杂修及差委雇工）

横流之害，古传所纪，故防河而治筑，同于防患，？不泥水象，专察官爻。故鬼旺、鬼克、鬼动、随墓、助伤，筮水患则未决当决，已决未息也；筮堤防，则未成难筑，已成当溃也。

故堤岸之筮，父母为用，旺相则固，空破则倾。经始而何时成功，喜实世实父之期。刻期而筮是时成功，忌六冲世空父坏之象，此其概也。若大官奉勅、小官奉命、吏民奉差，官爻不可病，并冲克世位。

若官吏因河工而筮利钝，则反以官为重，官旺世实则纪录升荐，官伤世空，及随墓助伤，则罪戾降责。

若民夫苦役而筮吉凶，则以官为忌，旺动克世，劳苦无期，命墓助伤，忧虞不测。

故凡修塘、修坪、修闸、修圩，及治路、治水、兴营城堡者，皆以父为用爻，世实父旺面成。如忧妨犯，及苦徭役者，皆以鬼为忌象，旺动克世，及随助而凶。凡筮差委雇工，皆以应为用，应旺实则有成，克世则无良，六冲则难成也。

## 捕逃章第八十

（内详遁地、成捕、人诱、同游、不遗、讼逃许觅、责人、丧节反噬、私害将逃、逃安存亡、为僧、求名、自归、恩抚十八问）

女子小人，古称难养，若其盗逃，同于叛主，法所难宽也。捕逃之占，唯世克应则易获，应空则深涧之逃，应克世则负隅之逝，六冲则交臂而失，世空则裹足不前，此四者，未知能获也。

（六冲、世空、应空，及应克世，四者如一不犯，则可擒矣。）

逃人悖内而向外也，故以外卦为所逃之方。坎水为外，则在北方，或江河之侧、渔父之家、盗贼之林；离火在外，则在南方，或炉冶之傍、市肆之中，文学艺术之舆。震于树木舟船车舆砍伐之属，巽于花园薪草桑麻妇女之类，艮是山岳岩石樵猎之所依，兑以池沼庵尼酒食之所赖。乾为寺庙都下城垣之近，驴马驱驰，坤为社稷坟墓郊野田园之迓，耕牧追随也。

（此言八卦居外之象，言之所传者浅，象之所示者深，然因其象而测之，亦难执一也。如子建辛丑日，有占婢逃得节，外坎宜匿水侧酒家，而不知已堕于井。如巳建甲辰日，卜子亡得泰，外坤

宜藏寡妇之室，而不知相遇于岳家。夫井，水也，岳家，亦外姻也，其可实指乎？然亦不离其象尔。学易者，当以己之灵机，而深研极索也。）

盖六爻静而求外卦，一爻动而求独发，言逃人之心，成谋于是也。故官鬼动而投士宦，子孙动而投僧道，妻财动而投妇女，或佣于商贾，兄弟动而党间游，或逐行伍，父母动而栖技艺，或附舟车；青龙迹于良善书礼喜庆之家，朱雀践于优伶字画闹谊之次，螣蛇乐于赌博浮荡跳梁之场，白虎匿于屠宰哀丧行伍之内，元武迷于盗贼酒食花柳之门，勾陈藏于乡庄坟墓之间，及修砌穿凿之群，而进退傍徨、淹留恐惧，卜捕叛，则触公差也。

（此以独发之爻为方，临于六亲、六神？之象如此。盖元武之神，利逃不利捕，勾陈之将，利捕不利逃，故曰触见公差。）

盖乱动而求用爻之在何宫，杂用而求用爻之在何卦，用伏而求飞，用二而求亲，伏无而求应也。

（自占外卦以下，皆陈逃人之方，设如卦爻乱动，当求用爻居于何宫，在乾以乾断，在坤以坤断，若用神杂于爻神乱动，当求用神化入何宫，化坎以坎断，化离以离断也。苟或乱动而卦爻无用神，当求所伏用爻之上飞神之方是也，倘或伏无用爻，然后以应象占其所居之宫，在震巽则以震巽断，在艮兑则以艮兑断是也。其有用爻两现，一用动则以其所化之宫，两用皆动皆静，则以其出现为亲伏藏为疏也，偶皆伏藏，则以外卦之用占方，庶几乎得有归一之法。）

世亡应逃，内亡外逃，盖不可主而可兼也。亲人之逃，专之于用，他人之逃，专之于应，故父子兄弟夫妇男女以亲合，虽悖亲而务用，友朋师徒奴仆邻交以义合，已背义而务应，不可惑也。

（传云：世为亡兮应为失，外为逃失内为亡。所以宜世克应、内克外也，然亦非主断，如世克应而应空，其何从而得获也？常占主仆之讼，用世应而验，则友朋以下，用应可推。）

间有遇诸于途者，六冲是也；间有不意而擒者，六合是也；间有自还者，归魂是也；间有去久而来者，化合是也；间有来而复去者，化冲是也；游而归者心收，归而游者志荡。然亦必其用神不克世、不空亡，而后可也。

（用实生世，终有会期，用爻克世，卒无见日。）

卜遁此地，专索用爻，用如动冲，则非留于是处，用若空破，则未及于是方，弗往求之。占成捕何时，世生应克之期，若六亲之逃而归，则反以用神生旺而现，世爻旺合而见，卦身合而遇也。盖我仇，用败，我亲，用旺，不同论也。

（为仇恶于己，则俟彼败之时而可获，故喜应克；为亲于我，则求用神生旺，与世身相合而来也。）

是人诱与，应克世而被诱也，彼同游与，应用备而比行也。

（即应克世，而空破散绝亦非，应用一病亦非，如卯建丙辰日，占仆与友同行，得否，卯财持世，戌应暗兴，后果同行都下。）

盗逃不遗，财爻失所而不可复有也。讼逃有益，官鬼莫无，盖空散不为我而遽求，破绝不终事而停息，随墓助伤，及官克世者，犹抱薪而救火也；非是，然后以捕逃之法断焉。

（详见词讼篇内，关犯章断。）

许为我觅，则以应象虚实言之。若责人觅逃，则用捕逃之法。

（责成是人寻还逃者，戒世应空、应克世，及六冲也。）

妇逃丧节与，财实未苟也。不群匪党而反噬与，随墓助伤、官克鬼动，后必罗其害也。不生私害与，助鬼伤身，及应克世者，卒有犯上弑长之逆也。未逃而筮其将逃与，用克世而萌叛心，用空破而无实事。

（专问其将逃，忌用实克世，则逃，用空破不成，若兼问挽留为益，又喜用实。）

亲人逃而安乎，命墓鬼动，有穷途日暮之忧，用实卦安，有即次无虞之好；卜其存亡，独以用神生坏而断也。为僧道乎，用病而无成。求名利乎，用实而有得。

不寻自归者，用坏而忘归，用克世而终身之叛也。逃归复留，同于收雇，回心恩抚，同于用人。

（用爻克世，叛恨不归，用象破空，飘流难返，惟用实生世，终得自来，复留恩抚，忌三冲财坏。）

故捕逃者，以世克应为主，以世生应克之期而得。捕盗者，以子克官为法，以子孙当日月之期而获。盖逃以应为象，盗以鬼为象，此次辨也。

## 斗胜章第八十一

（内详斗讼、斗获、夺人、擒人、来斗诸问）

私斗角胜，善良所戒，或不得已而应之。彼我之势，止凭世应，不从六亲。

（世已应人，胜负察世应强弱而已，事至讼斗，骨肉如仇讐，即六亲皆用世应。）

应克世而逢败，彼胜而折，世克应而逢败，我胜而亏，应生世而人伏，世生应而已降，比和两释，出师一理。

（败谓空破散绝及受日月克制。）

斗而涉讼乎，鬼爻是司。斗而有获乎，财爻以辩。斗以夺人，应克难归。斗以擒人，用现可得。

筮彼来斗乎，应空应破而不前。占何日利斗乎，世生应克而得胜。

应发五而要于路，应发三而斗于门。

（应动何爻，则从此地相击，初为乡党，六为郊野，二为庭内，四为户外也。）

动坎而斗于泽畔，动离而斗于市井，乾兑寺庙，坤艮山野，震巽林木之下；元武暗刺，朱雀明诤，青龙笑刀之谋，白虎怒戈之取，勾结其怨，蛇连其党；子孙有少助，父母有老随，兄以群队，财以妇女，鬼以法术之诈。

兵者，不得已而用，况于乡邻之斗乎？筮者慎之。

## 词讼章第八十二

（内详审期、终讼、兴词、忧讼、讼师、用人、允驳、回关、遯讼、请卷、夤缘、禁责、离狱、息讼、杂问五事、官问二事）

人有窒于中，因忿而讼，讼则受命于上，故以官爻生克为胜负，不以世应强弱分曲折焉。官来生世，易雪我冤，鬼来克世，难伸我屈，不生不克，无辱无荣。然我讼而喜官旺相，忌值破空，彼讼而好鬼破空，恶居旺相，亦以生克参之也。

（胜负专察官爻，莫执世应。结讼分彼己，则官爻分喜忌，然生世衰旺俱吉，克世衰旺俱凶。）

先发者，不忧官之在世，而喜官之在应；后发者，不喜官之在应，而忧官之在世，相生尤吉，相克愈凶，此世应之辨生克也。

（以世应生克分胜负者，此则论之，如世爻值鬼，本不为胜，若克应爻，是官为我而责彼乃吉；应爻坐鬼，理应我赢，倘克世位，是官悦彼而攘己乃凶。总言生克，先官鬼而后世应也。）

官鬼生应，彼得理也，官鬼克应，彼失利也，官鬼空散，讼不成也，官鬼破绝，词不终也，官生世应，两宥之宽，官克世应，两败之辱也。

（既论官爻生世克世，此言生应克应，胜负明矣。）

鬼位三传，事干台宪，官兴二间，情属牵连。长生为经年之讼，帝旺乃折狱之期。动鬼变鬼，而权案更三，上官下官，而衙门非一。摇于世应，而忿志未休，伏于主宾，而领根不息。化进神者，下而上，小而大也，化退神者，急而缓，重而轻也。

（此章专言官鬼，若官在年月日之上，其讼或干三法及上司；官在间爻发动，恐囚牵连，或傍观相累。官爻倘遇日月长生，则事必经年屡月，临官帝旺，即得三尺剖断，旬空月破，则终两姓交和。鬼动化鬼，非一官审问，官复见官，是叠举讼词。官动应爻，彼有再控之心，官动世爻，我有重告之志。鬼伏世应动爻生扶之下，则讼根未断，惟灭没之伏，则无兴也。）

大壮为得理，明夷为禁，坎为狱，无问生克，占讼之忌也。六冲曰战斗，得官空而冰释，六合曰处和，见官旺而株牵也。

（三卦为讼宜忌。官空六冲，反易散息，官旺六合，反难调停，盖先官鬼而后冲合也，即合冲变冲同义。）

随官入墓为图圉桎梏之刑，助鬼伤身乃罪罚鞭笞之辱，二者与官鬼克世，凡有干于公门之役者皆忌也。

（不特词讼，凡事干衙门官长，悉忌此三者。）

骨肉忿争，主仆构逆，六亲之谊已绝，故从应不从亲。然既讼于官，亦先论官而后论应。

（有云内肉相讼，止占世应，然既讼于官，则胜负又系于官，不系于应。）

夫子孙为解释之神，喜其持世，则刑罚何加，罗网自脱，当于交重，罪罚蠲除，当于日月，冤情昭雪，孰比其吉焉。父母为词状关提之用，不可坏，坏则不从，不可再，再则不一，不可破，破则无始，不可空，空则无终，我举宜动，彼举宜静。妻财为贿赂之神，喜其持世，则情夺理而居胜，惟动有行贿之费。弟兄为党证干连之象，独发而多费，间发而多人，持世则干众，动应则鼓谋，克世则有私击之虞，傍摇有公举之论，是象一无益于讼，不现仍（？）伤。独官鬼为狱讼之用神也，是非曲直与夺胜负总司之，小大之狱，皆生吉而克凶，不可忽也。是故六神，因官生克而别喜怒，诸星亦因官生克而辨吉凶，皆不可离于是矣。

（此言六亲之象，各有所司，大抵子财持世而吉，官鬼独重。凡六神诸星，非以动为凶也，若临官鬼发动，然后形其凶吉，其来生世，虽凶弗凶，如白虎螣蛇、天牛地狱皆不为忌；其来克世，则朱雀为申详，勾陈为图圉，白虎为杖责，螣蛇为枷锁，青龙为罚赎之善，元武为详判之重，天狱为图圉之厄，驿马为流徒之愆，羊刃为刺配之属。）

是故世应察彼己之情，亦不可真而弗论也。应空彼不欲争，或将遁也，世空我不好竞，或怀怯也。官克应而应空，如荷弓而射鱼，官生世而世空，如操筭而搏狸。应破彼有天殃之降，世破我忧人疾之缠。求衰旺则强弱可称，考生克则刚柔可较，其为用如此，此其大象也。

（官克应当应彼输，然应空彼避其锋，官生世当应我赢，然世空我失其机。应若月破，彼必有他祸相报，世如月破，我有别事之累。旺为疆，衰为弱，以力言之，应克世为彼刚，世生应为我柔，惟世克应、应生世是反之，所谓世应为用如此。）

何日断狱，当于日月之官。何时终讼，当于墓绝之鬼。别胜何日，则以世生应克为良，释免何时，则以子孙填值为宥。

（以官长生为讼始，临官帝旺为审决，死墓绝为散讼时也。凡问见官何日为胜，则以世爻逢生、应爻遇克为胜，世爻遇克、应爻逢生为不胜。欲官释免，则以子孙填值之日、官鬼制伏之辰，定能赦宥。）

有问兴词胜负吉凶，亦属于官。兴词准行，喜官动实而恶其破空也，官克世者，控告无门，父爻空破，批行失意。忧讼来侵，占同防戒，惟官不作，及不克世，弗遇随助，何患相加，纵应克世，有谋亦已也。

（问准词，官爻空破散绝，及克世不准，执行不论文书。若上告批下衙门，父母如遇空破，虽官鬼动实，纵准而不批是衙门也。如告亲提，官克世为不从，或有两官，常有批下僚者。）

讼师美恶，询诸父母，日月旺相，善移生死之文，发动生扶，能转是非之笔；若值破空，安能取胜，随助官克，乃以自戕。干证保歇，趋使抱告，皆以应爻为用，克世为忌，破绝不忠，空散不力，六冲生背叛之心，而随助官伤，反为我害。

（讼师用文书，奔走用应，应视其有用，故不可破空，无欺为良，故不可克世，一心为美，故不可六冲，用于公所取胜，故不可随墓助伤、官克世尔。）

招详允乎，官病不允，官动不纳，六冲上下不信，乌能允乎。招详能驳乎，官克世而不从驳，破绝则已，空散则消，乌能驳乎。惟官动实，则驳矣，复部允驳，亦犹是也，复疏允驳，易官用五也。

（此就筮者之意为断，复疏，则以五爻为用，如上占法。）

住提回关停词遏讼，喜官之无，而恶官之有也，鬼发则不能停遏，鬼克则不能住回，惟子动而鬼静，则受无事之福矣。鼠牙复举，祇缘助鬼伤身，株蔓重牵，端恶随官入墓，不可不戒也。

（大抵以官鬼安静破空为吉，发动克世为凶。）

请卷者，文书为用也。上下请提，破绝不允请，空散不从提，制爻克世，提请俱违。

（请提文卷，皆系父母，考其虚实以定吉凶，复以官爻不克世，及无破空，方得顺尔请提。）

夤缘嘱托，意在听从，六冲则逆其意，而或见嗔，官克则逆其耳，而或有欲，若空若破，无力无功，如旺如生，有情有意。如托私人，应不可坏，不可六冲，克世有损无成，若问官情，亦同前断。

（问官从否看官象，问人可托看应象，俱忌克世六冲。）

忧禁忧责，官旺动而克世为难免。离狱息讼，皆忌官爻克世，息讼官不可动，离狱官不可无，求六亲离狱，则兼用无伤。

（离狱鬼坏鬼空，亦不能出。求六亲，兼看六亲生旺则出。）

远关人犯，事系于官，而亦兼捕逃也。

（关犯若官克鬼坏，为彼地官吏不我用情，六冲世应空，及应克世，其犯难捕，皆不能来。）

伸讼夺婚，亦系于官，而兼防夺婚也。

（索婚官克鬼坏，公论不允，应克世为彼夺去，财坏不能归来，俱莫能成就。）

以讼取财，仗官为力，而兼用索逋也。

（取财官克鬼坏，官不相为也，即为矣，若财坏亦难求。）

力绵扳役，仗官为力，而兼用彼助也。

（扳役官克鬼坏，官不听也，即听矣，若应克世及应空财坏，则亦莫能助我。）

招雪复名，仗官为力，而兼用我得也，所以用爻相兼为法者，有是五也。

（复缺，官克鬼克，官不从也，即从矣，如遇世空则莫亦能复。）

大罪不死，在用神之旺相，大害不绝，在主象之生扶。若行险陷人，鬼神所怒，虽鬼静爻安，当直告其凶。

（或有既定重罪，占其生死，刑定不复论官，专看用神，有救无事。六亲困狱，防有欲害者，若主象生扶，大数未尽，奚能害哉。或占行险陷人，以官鬼发动克世为戒，倘有卜者，当直言其凶，虽得鬼静，或天夺其鉴，而故益其疾，必致大祸，占者宁不戒之。）

居官缘事，占官占讼二分，在宦忧议，部覆部议一理，伸诉里甲，私评用应，涉讼用官也。

（凡有当仕心怀事累，占法有二：一曰无累官乎，则官旺世实为吉；一曰不累我乎，则官克鬼动为凶。或占有事及部，问曰部议重轻，则官克鬼动为忌；问曰部议与官无害，则以官旺世实为喜，复疏亦然。斯二者常或相背，当详其问神之旨，祝云为官，祝云为累，其吉凶乃定矣。伸里甲，一谓其公处，故应克世有曲，应坏无断，六冲不终；一谓其成讼，故官克鬼动，定干有司，二者亦随其占而断也。）

大凡讼内之用爻，莫离于官鬼，官鬼之取舍，则因事而求之。是故行喜动，止喜静，避喜空，解喜衰，息喜绝也。求为我力，则不可无，忧为我难，则不可有，事事恶其伤己，一一好其生世，以像形事，以事配义，吉凶得矣。然健讼破家，不可长也，易曰不永所事，圣人之戒深矣。

（词讼同用官爻，而有喜忌之分，明于事义，而吉凶不爽矣。然三褫其服，众讼成师，不祥之气，由此而长也，占者戒之。）

## 失物章第八十三

（内详覆露、见获、是彼是我、起赃讼盗诸问）

失物之占，各以用象，货物用财，禽兽用子，舟车衣服用父母，仪像用官鬼，此用象当分也。

（失物各以用爻像之，或衣服匿珍宝于中，则用财不用父，又当以轻重权之，余以类推。）

筮盗者，则察鬼象，伏鬼为隐贼，动鬼为明贼，阳男阴女，内为内而外为外也，暗动暗人而明

出，旺多衰少，完巧而缺拙也，内外鬼而连结，贞悔鬼而交通。

（贞悔，指世应也。凡遇世应内外之鬼，有连结交通之谋。）

以五行之属，而度其情形。

（金鬼乃穿凿添（？）挤而入，木鬼乃锄挖钻缩而进，火鬼乃飞腾跳跃而来，水鬼乃隐伏暗昧而至，土鬼乃杂酒筵匿池塘而偷也。）

以八宫之鬼，而别其方隅。

（动于何宫，则以何方来也，暗动亦然。如鬼爻安静，则水鬼为北，火鬼为南，两鬼论外，伏鬼论飞方也。鬼生之方，则窝赃之处，财伏何地，是藏物之所。）

以六神之司，而别其状貌。

（青龙为少俊，白虎为狂勇，朱雀为巧辨之夫，元武为计谋之贼，勾陈似端笃而不良，螣蛇竟虚浮而不实，踪迹莫可测也。）

何时覆露，鬼爻败绝之期。何日见获，财爻生旺之辰也。物匿何处，审其方也，用伏而察飞爻，用飞而察亲官，用悔而察贞爻，用二而察主爻也。

（财伏论飞神之方，财现论本宫之方，变财论动爻之方，两财论世爻、卦身、世身、内卦为主爻。飞伏变象无财，是无踪也，何复方其方哉。）

分其所也，用在初爻地与井，用在上爻坟与野，二索于灶，三索于房。四索于门，五索于道，在应索闺阁之中，在世索近身之器，在内索内，在外索外也。

（财爻出现安静，然后以世应内外及六爻考之。）

化父变父，及飞是父者，当觅以筐柜，是财者，当觅以货物，是兄者，当觅以墙垣，是鬼者，当觅以香火，是子者，当觅以廊厢庵寺之所也。

（此必以用伏之飞、用化之爻、化用之象则论，其他则否也。）

是彼盗与，应克世而是盗。是我遗与，世受衰败而自遗也。

（应不克世，非此人也，世不受损，非干我误也。）

起赃擒盗，子旺有制，鬼动为凶，助伤官克随墓，则贼横而反噬也。讼官索物，务用其鬼，生世而理，官病财空官克世，则徒劳而自辱也。大易慢藏有戒，击柝致严，君子贵先事而慎也。

（擒盗喜子旺克鬼，讼盗喜官实财旺，反是而凶。）

## 易冒卷之十

### 神听章第八十四

（内详彼报、彼诅、誓神、防蛊诸问）

怨毒于人甚矣，不能伸于人，而求伸于神，亦人情之常也。鬼神之告，专用官爻。

官克应者，将行罚恶之诛，官克世者，不受不臣之诉，随官入墓，戢火年焚，助鬼伤身，倒戈自灭，是以神聪不我聪，为空散故，神明不我明，为破绝故，非神听之或违，多肤诉之不实。

报之速者，六九也，报之迟者，七八也，报之暗者，冲击也，报之轻者，休囚也。应受月破，天将亡之，应受旬空，神夺其魄，应受散绝，恶贯之盈，应随鬼墓，天网之密。

（应克破受其罚，鬼临生旺是其期。）

筮彼咒诅，犹避祸之占也，鬼动神怒，官克害成，随墓助伤，而天亡我。惟子孙旺而官鬼衰，则直在我，而神鉴之。

筮誓庙，鬼静乃安，官动克世、随墓助伤，定受背盟之罚。筮防蛊，子世无忧，官动世病、随墓助伤，应遭埋蛊之毒，鬼祸奸人，神无曲庇，筮者审之。

## 侍神章第八十五

（内详停厝、举殡、奉神、撤像、辨塚、辨骸六问）

侍神者，谓安神于家，奉先于庙，以安神灵，而庇人宅。奉而安，犹人事之宁休，奉而感应，犹人事之遂求。

故侍神之筮，大忌三冲鬼动，主神不安，亦嫌克世，主人不宁，空则无降格之诚，破则有怨恫之虑，散绝则精爽难凭，随墓助伤，则灾害并至。

故鬼爻既安，而后征祥，福兴而人丁盛，财旺而积贮饶，临禄贵而有官爵之庆。

鬼爻不安，即以致戾，白虎动而病丧，螣蛇动而惊扰，雀武动而有讼盗之虞也。

世空缺我躬之礼，应空疏人事之虔，内外官，而有人已之圣像，变伏鬼，而有新旧之神仪，游魂自此迁彼，归魂自彼迁此也。

犹有六爻克鬼，仆役慢神，鬼生二爻，神祐妾妇也。欲其神之神者，莫神于克诚，欲其先之安者，莫安于克孝。

推之停棺厝柩，必求其亡魄之安，亦以官鬼为用。是以卦象三冲，则死者不宁，而生者不福；鬼动亡魄摇而人心荡，克世福机息而祸兆萌，空则先灵不欲，破则先灵不悦，散则先灵不集于是也。惟卦合官静，始为尽善，若随墓助伤，乃为大凶。

举殡何如，不戒冲也，惟以亡灵之悦，故弗宜克世鬼动，年命顺利，故弗宜随墓助伤。故鬼病虽财神福神，动而不吉，鬼安，虽父兄忌象，动而不凶也。故未奉而筮当奉，已奉而筮当撤，亦犹

是也。

（举殡出宅，是离其亲，故冲不戒，出而安，父兄动不凶，出而不安，财福动不吉。）

若迷而筮塚墓骸骨之真伪者，则以六亲之用爻辨，不以官鬼辨也。

## 师巫章第八十六

（内详神降、卜祟、卜鬼、求福诸问）

凡延高僧懺诵道术禳灾，下至巫祝之用，所占无指，则用子象，所占有指，皆察应爻。

空破散绝，则浮伪难亲，生扶安旺，则真诚可仗；进勤而退怠，动则心多往来。

故应临父母则道高，临子孙则德备，临财而具威仪，临官而格鬼神，临兄弟而左右助法；临龙善而虎恶，勾重而蛇轻，雀辨而武讷；上卦为高，下卦为卑，喜其庇身，岂宜克也。

卜曰明神降乎，鬼空则不降，鬼破则不喜，鬼散则不留，鬼动则鉴，鬼克则罚，随墓助伤则祸也，惟鬼静为善。

卜其为祟乎，鬼动则是。卜其是是鬼乎，空破散绝则非。

求神邀福，子象旺而福来。求神祐病，用爻旺而病去。祈寿祈名，祈财祈子，各以用爻而推。

夫卜道行之真系于应象，察鬼神之应，系于官爻。

淫祀谄神，有道所戒，况妖巫鬼史，妄言祸福哉，君子慎之。

## 机兆章第八十七

（内详何怪、驱置、怪息、有妖、是怪五问）

祸福之来，机必先兆，或征于梦寐，或见于物变，筮之者，莫不以子孙为福，官鬼为祸。然吉凶悔吝生乎动，鬼动而祸随，若空散则非真，破绝则无害；若动，虽破亦凶，若随助，虽静亦凶，若旺相犹动，若克世犹动，而终不及动也。

（以随助、鬼动为首戒，鬼克鬼旺次之，而鬼遇空散绝，或怪或梦，皆不成凶也。）

然则动其凶乎，主何应也，青龙为哀乐之计，朱雀为词讼之牵，白虎为丁口之丧，元武为盗贼之警，勾陈为土田之祸、坟墓之干，螣蛇为连累之殃、惊忧之恐。木因树艺而机灾，金缘刀斧而生疾，火有焚烧之难，水为波浪之沉，土有瘟疫之眚也。以八宫而分所避之方，以诸星而分所趋之事。

（乾兑不可以西行，震巽不可以东去，坎离蒙水火之厄，坤艮招产业之非也。驿成不可以途行，咸池不可以女色，天喜戒游婚娶之家，丧门忌投缟素之室，天狱鬼动，猝防刑狱之殃，地贼官兴，忽犯穿窬之盗，浴盆忧损婴儿，丧车虑妨骨肉也，其他类推。）

以六亲而分所属之迺，是以化父母，而堂上少康，变妻财，而闺中多故，入子孙，而丁幼疮痍，之兄弟，而门楣琐括，化官鬼，而灾祸相乘也。持世，祸由己召，临应，患自人招，游魂不可出，归魂不可入，内为内祸，外为外殃。

（八宫诸星六亲由鬼动而言。）

其应祥也，父母贵人动，主进文章，子孙青龙动，主进金帛，妻财天喜动，主进臣妾，兄弟六合动，主得良朋也。

（若鬼爻静休，遇有此动，始征其祥。）

独点何怪，则用鬼爻，阳为物怪，阴为鬼怪。鬼生何方，从斯现也，鬼属何云，从斯象也，鬼属何神，从斯物也，鬼化化鬼，从斯类也，而吉凶不属焉。

（凡问是何怪，此则不占怪爻，当占鬼象，若鬼属阳，于象有形为物怪，乃精妖也；若鬼属阴，于象无形为鬼怪，乃障孽也。如金鬼长生在巳，或起东南，或从土出，木鬼或出没自水，水鬼或搬弄其金，火鬼其怪属火，或常显红光，土鬼其怪属土，或常飞沙石；鬼居龙蛇，常如龙蛇变化，鬼居朱雀，空虚若有声，鬼居勾陈，墙垣若有人，白虎血光，元武秽气也。父母化鬼，先灵不安，鬼化父母，樑栋不吉，子孙变化，儿童之鬼，禽兽之精，妻财变化，臣妾之亡、宝藏之祟，兄弟为壁堵匿妖，官鬼为香火怀怒也，其吉凶弗系于此。）

驱之何如，官动鬼旺克世，不可驱也。置之何如，鬼静无克，置之可也。何时怪息，鬼墓绝之期也。此室有妖乎、有鬼乎，鬼虚则无，鬼实则有，随墓助伤则害人，官动鬼克则暴厉也，筮是妖是鬼，亦同此占。

（所占不一，皆以鬼辨。）

吾闻日明星晦，邪不胜正，占者正心修德，而妖孽自消矣，何惑于怪与梦哉。

## 戒防章第八十八

（内详防讼、防火、防盗、防疫、防毒诸问）

吾闻祸福相倚伏者也，先机之戒，君子所慎，故应为人也，鬼为害也。应克鬼克，殃必作焉，随墓助伤，祸之大者，惟子动而有排难之人，世空而无受祸之地，察其虚实而定之。

（以鬼为害，动则害作，旺大衰小，如应克世，及官克世，本为害将切我，若得破空绝散，谓之无实害也，故曰虚实而定。）

忧患而有指，则兼应爻，忧患而无指，则专鬼象，出往而忧患，鬼应克世，皆不可往也。

（无所指，则不必论应爻，私行苟免，而鬼应俱不可克世也。）

概言防害，以鬼为端。以言语音信而产祸者，朱雀之鬼发也；以婚姻淫乐而兆殃者，青龙之鬼发也；勾陈为工巧之由，螣蛇为虚诬之害，元武为真盗之谋，白虎为假命之连也；木鬼者，戒入深木，地鬼者，防立岩墙；金母往来于行伍，火母行坐于窑圻，水母跳跃于舟船也；坎为水难，毋执弓轮，离为火灾，毋食蟹螯，震有舟车之寇，巽有妇女之奸；乾兑为僧室庵堂，或重宝旨酒而淫心，坤艮为郊野山林，或以老嫗妖童而惑意也。

（此专言鬼临六神、五行、八宫如此。）

若夫防讼之占，专务官鬼，或云应克世而有讼心，如官爻空，而无主讼也。鬼克谓之讼侵，鬼动谓之讼起。

（应克世为挟怨怀仇，若官不克世，鬼爻安静，亦无讼也。）

防火、防盗，皆为人之害也，子动则吉，鬼动则凶，然亦必以官鬼为先务也。暗动者，火非天灾，而盗非大寇；动而冲者安，破而动者凶，鬼动而克世者，有焦烂网罗之厄也。始自何方，八卦求之，发于何时，生旺考之，息于何时，墓绝司之。

（坎北离南，震东兑西之谓。如火鬼，寅午戌月为生旺，如水鬼，辰巳月为墓绝。）

夫忧灾疫之流，世旺鬼安，天灾不及。忧药毒之虑，世实鬼静，则彼计难行。

（若占人毒我虚实，则忌应克世、官克世、随墓助伤，则彼欲密谋也。）

## 潜避章第八十九

（内详避地、兵侵、兵来、避荒、讼避、人害、兵害、谋害诸问）

明哲保身，贤者避地，况涉末流，可不审处。大抵福神得位，则随地桃源，鬼象繁兴，则弥天荆棘，随官入墓，仰干城而罹兔置，助鬼伤身，轻同舟而逢敌国，鬼空鬼散，王道荡平，鬼破鬼休，天心厌乱。故鬼旺而能静，虽崑火已逼，而玉石能全。唯鬼破而动，谓虎煞相随，而豺狼当道，此大象也。

（唯大白虎与月破同位，盖官鬼为兵，白虎为煞，故虽月破更兆其凶。）

筮何方趋避，专忌鬼方，喜临子地。筮是地避兵，唯以鬼静为良，尤忌世爻化鬼。

（忌鬼方，喜子地，如巳午子孙宜南方，申酉官忌西也。世化鬼爻，此地将来恐生不测，若所化之鬼，得空破散绝无事，若卦中无鬼，最为宁静。）

兵来侵乎，无鬼元侵，鬼静无害，或随墓，或助伤，或发动克世，如火之燎原，当求早避；若旺相安静，震邻之恐，随助空散，履危而安。兵由是来乎，无鬼无兵，旺多衰少，破或分行，散来复去，动来则速，暗动悄行。

（当审其虚实动静生克而断之，盖吉内有凶，凶内有吉，凡筮皆然也。）

如因荒而避，则察财爻，避荒投熟，以财旺则可安生，不以官鬼言也。如因讼而避，因盗而避，因罗网而避，因计陷而避，皆以鬼为祸，而子为福也。空与静，正离涂炭之危，动而克，反入虎狼之穴，世空我无受祸之地，子发天有降祐之方，唯助伤随墓者，则莫逃于数也。

（鬼忌克世，子喜持世，鬼宜静，子宜动。）

避居此地，有人害否，应克世而起谋心，助伤身而陷不测，鬼动而犯群凶，福摇而多善侣。避从是路，有人害否，亦同此占。

（二者卦静福兴，所履而安。）

有问兵之为何害也，鬼克以属，鬼动以化而言之。盖变父母而毁房屋，变子孙而掳子弟，变妻财而淫妇女，变官鬼而召群凶，变兄弟而斥财货也。火鬼焚烧，水鬼淹溺，金鬼恣杀戮之惨，木鬼扰桑麻之务，土鬼屯山岳之毒。

（以鬼居五行之属，化六亲之分而推之。）

有问人之生何谋也，以应察其情，以鬼察其害焉。青龙为舟敌之险，朱雀为文巧之辞，白虎以武勇而怯人，元武以淫邪而诱己，螣蛇以邀结，勾陈以牵累也。鬼内内害，鬼外外害。乾鬼以僧害，坎鬼以盗害，兑鬼以酒害，震鬼以杖害，离鬼以火害，艮狗巽鸡，坤将姬为害也。

（应得彼情，鬼察我害，以六神临应察其奸，以八卦动鬼见其害，鬼居六爻为郊野害，五爻为道路害，三四为门户害，初二为邻里害。）

## 道业章第九十

（内详择师传法、主持纲纪、募缘法会、斋戒七问）

孔孟之道，以五伦为体，以经世为用，困亨夷险，有各尽之道，何以筮为。若弃家入道，拔俗修真，爱网难除，至人难遇，自是大丈夫事，岂同流俗人之筮？然道有道缘，业有业障，亦常于筮而得之。

（割爱离尘，一念万年，何用筮耶？然所处安危，择师邪正，亦赖圣贤告我。）

何名道缘，福神是也。何名业缘，系爻是也，故子孙持世而道成，官鬼交重而障重。而世不可病也，病于破，多疾多灾，修落傍门；病于散绝，自暴自弃，心慵半路；随墓助伤，则身陷泥犁之地。世生世旺，则心开日月之光，此其大象也。

（专忌鬼动，及世爻破、散、绝为三戒，世动亦主不宁。）

然世空有喜恶之辨也，三冲有宜忌之分也，出家而三冲世空，为超然物外，如孤鹤横空。求道

而三冲世空为尘务撓心，如困鱼失水。

（卜出世，三冲谓解网，世空谓无挂碍，若卜入道，则空无成也。）

何年道成，世临日月之期。何地法隆，世临生合之地，乱动非清修之象，游魂无戒定之心。

（道业成身，专凭世位，世病、乱动、游魂俱忌。）

刻期取证，指日还丹，世空则无成，六冲则多阻，世病则九仞并弃，鬼发则一丈魔高。唯世旺福兴，而丹成悟徹。

（止问求道，世空、世病、六冲、鬼动为四戒。）

故择师，同师占也，父临日月为名师，世空恐吾不能受教。受徒传法，同继嗣也，子逢生旺为法器，命墓恐彼不能传持。

（云游同出行，然有访道求利之别，各兼用象。）

过此以往，应缘倡道，遂多名利之求矣。住持如占宅也，三冲鬼动而当退。纲纪如筮仕也，世空官坏而无成。募缘同求财也，应空财陷而徒往。法会如设馆也，应空鬼动而多损。

筮持斋戒，专务用神，自占以世为本，用旺鬼静则始终不渝，三冲用坏，则半途改辙。

（若筮开斋破戒，当无吉占，世坏鬼动尤凶，戒之而已。）

夫金木，释道也，升降，成败也。

（西方属金，乃肃杀之地，故以释氏像之，况自西来，当属乾兑申酉，所以金爻及乾兑之宫，福动则吉，鬼动则凶。东方属木，乃化育之所，故以道宗像之，且行东土，当属震巽寅卯，故以木爻及震巽之宫，官动为恶，子动为善也。卦有升降之爻，如八月得升，则世是升爻，八月得泰，则世是降爻，秋分后四阴升而三阳降之由也。世居升爻，可以入圣谓之成，世居降爻，不能超凡谓之败，然无病则吉，有病则凶。）

子官，善恶也，父母摇而得典策之誉，兄弟动而犯贪嗔之戒，妻财发而有萦家之心。

（子孙动，夙有善恨，或因缘福德之隆，或高贤徒众之侍。官鬼动，原有恶孽，或灾障之缠，或调达之扰。父母带吉神动，则我书文后得名誉；带凶神动，主法嗣多聚散也。弟兄吉动，当遇良朋善友，但道风清苦；凶动，常多贪嗔之累。妻财吉动，道供盈余；凶动，妇女缠绊。）

螣蛇尘障不除，勾陈夙缘不断，白虎元武，灾盗之由，朱雀青龙，才名之士，盖必因鬼动而云凶，福动而云吉也。

（如朱雀摇鬼为是非，动福为名誉之类。）

惟得复咸艮无妄而安宁者，修行之吉占也。孔孟之学，几功名之捷径，自姚江而后，道风妙然，若有豪豪杰之士，起继绝学明圣道，亦以此章占之。

( 四易专释心学，大抵三教必以正心为根，筮修行得此者，不拘福鬼冲合，直言其吉也，然安静如之变动复非尔。圣学无求道者，故道业止详二氏，三教道同占同也。)

## 易冒十卷

国朝程良玉撰。良玉字元如，歙县人。是书所论，皆以钱代蓍之法。自序称五岁丧明，究心卜筮，初作筮类五十篇，康熙己卯适楚，遇枯匏老人得其秘旨，因增定为九十章。然皆术家常论，无他妙旨，至家宅章以六爻兼断六亲荣枯得丧，如兄弟旺则劫财，父母旺则克子，官爻旺则灾病，其说谬固难通，所论鬼神诸星两章，穿凿支离，尤无理解，婚姻章内不根五行生克，不究用神衰旺，惟据卦名之美恶而论，则更乖谬矣。

## 《易隐》

[清]曹九锡/著

易隐序 .....	1255
启蒙节要篇 .....	1255
八卦象例 .....	1255
五行生克 .....	1255
天干所属 .....	1255
地支所属 .....	1255
六神所属 .....	1256
六亲生克 .....	1256
刘伯温先生总断 .....	1256
张星元先生总断 .....	1257
海底眼初爻动变断 .....	1258
周仲高期日捷诀 .....	1259
习卜先读易说 .....	1259
取易辞断法 .....	1260
身命凶卦 .....	1260
化墓绝卦 .....	1260
反吟卦 .....	1260
十六变卦 .....	1261
八宫六十四卦名 .....	1261
定六亲法 .....	1262
纳甲法 .....	1262
安世应法 .....	1262
日辰伤世应卦 .....	1262
安身诀 .....	1262
起月卦身法 .....	1263
定飞伏神法 .....	1263
起六神法 .....	1263

年上起月法 .....	1263
日上起时法 .....	1263
五行纳音法 .....	1264
先天八卦序 .....	1264
范围先天数 .....	1264
河图五行数 .....	1264
逐月气候辅卦用事旺相定局图 .....	1264
阴阳升降生克之图 .....	1265
长生定局 .....	1265
年月日时起神杀例 .....	1266
岁月日同用神煞 .....	1274
时下白虎 .....	1275
进神退神 .....	1275
太岁歌 .....	1275
天中煞 .....	1275
附刃星辨 .....	1276
附贵马德合辨 .....	1276
刑害破空辨 .....	1277
以钱代蓍说 .....	1278
卦命诀 .....	1278
以钱代蓍说 .....	1278
制太极丸法 .....	1279
八卦方辰之图 .....	1279
占戒 .....	1280
<b>身命占 .....</b>	<b>1280</b>
一、祖业 .....	1281
二、世位 .....	1281
三、阴阳 .....	1282
四、六亲 .....	1283

六亲取用式 .....	1283
内卦本宫六亲 .....	1283
外卦本宫六亲 .....	1283
六亲取飞宫法 .....	1283
黄金策分爻 .....	1284
世属土爻 .....	1284
世属木爻 .....	1284
世属水爻 .....	1285
世属金爻 .....	1285
世属火爻 .....	1285
断高曾祖 .....	1285
断亡祖行位第几物故何年 .....	1286
附六十甲子纳音例 .....	1286
断父母 .....	1286
断兄弟 .....	1287
断兄弟真假长幼 .....	1288
断妻妾 .....	1288
断子孙 .....	1290
附占女婿 .....	1291
附占丈夫 .....	1292
六亲分属例 .....	1292
五、贵贱贫富 .....	1293
断贵贱 .....	1293
六神断贵贱 .....	1294
断贫富 .....	1296
六、祸福 .....	1297
七、三限 .....	1298
身命取三限法 .....	1298
大限行运法 .....	1299

小限行运法 .....	1299
推流年月建法 .....	1299
三限飞行式 .....	1299
三限论 .....	1300
八、岁君 .....	1301
断带疾延年 .....	1301
九、辩性情 .....	1302
十、辨身体容貌 .....	1303
鬼谷分爻 .....	1303
一、形体 .....	1303
二、头 .....	1303
三、发 .....	1303
四、面 .....	1304
五、相貌 .....	1304
六、目 .....	1304
七、耳 .....	1304
八、鼻 .....	1304
九、人中 .....	1305
十、口 .....	1305
十一、须 .....	1305
十二、手 .....	1305
十三、胸 .....	1306
十四、背 .....	1306
十五、乳 .....	1306
十六、腹 .....	1306
十七、小肚 .....	1306
十八、腰 .....	1306
十九、臀 .....	1307
二十、肛门 .....	1307

二十一、小便 .....	1307
二十二、股 .....	1307
二十三、膝 .....	1307
二十四、足 .....	1307
十一、占断寿数 .....	1308
寿数经验断例 .....	1308
十二、陈希夷安命宫法 .....	1309
排十二宫法 .....	1309
阳世顺行法 .....	1309
阴世逆行法 .....	1309
十二宫断 .....	1310
<b>僧道占 .....</b>	<b>1310</b>
<b>家宅占 .....</b>	<b>1312</b>
鬼谷分爻 .....	1312
一、宅基 .....	1312
二、井 .....	1313
三、住宅 .....	1314
四、厨灶 .....	1320
五、床 .....	1321
六、碓 .....	1322
七、门户 .....	1323
八、坑厕 .....	1324
九、香火 .....	1324
十、人口 .....	1325
十一、家长 .....	1326
十二、道路 .....	1327
十三、栋梁 .....	1327
十四、墙垣 .....	1328
十五、篱落 .....	1328

十六、屋守 .....	1329
十七、明堂 .....	1329
十八、窗户 .....	1329
十九、巷 .....	1329
二十、仓廩 .....	1329
二十一、比邻 .....	1329
二十二、坟墓 .....	1330
<b>迁移占 .....</b>	<b>1330</b>
鬼谷分爻 .....	1331
论吉凶 .....	1331
附断例 .....	1331
<b>树艺占 .....</b>	<b>1332</b>
一、天时 .....	1332
二、田亩 .....	1332
三、人事稼穡丰歉 .....	1333
鬼谷分爻 .....	1333
<b>育蚕占 .....</b>	<b>1333</b>
一、蚕妇 .....	1333
二、蚕命 .....	1334
三、蚕事始终利害 .....	1334
鬼谷分爻 .....	1334
四、叶价 .....	1334
<b>六畜占 .....</b>	<b>1335</b>
鬼谷分爻 .....	1335
附断例 .....	1336
<b>纳奴婢占 .....</b>	<b>1336</b>
一、贤否 .....	1336
二、协助有终否 .....	1337
三、讨奴婢成否 .....	1337

<b>脱祸占 .....</b>	<b>1337</b>
一、祸端.....	1337
二、可脱否 .....	1338
三、避地.....	1338
四、遗累.....	1338
附断例.....	1338
<b>征战占 .....</b>	<b>1339</b>
一、方向.....	1339
二、彼己.....	1339
三、六亲.....	1340
四、五行.....	1341
五、日辰.....	1341
<b>坟墓占 .....</b>	<b>1342</b>
一、买地成否 .....	1342
二、六亲坟墓定位 .....	1342
鬼谷分爻 .....	1342
三、山局山运 .....	1342
四、形势 .....	1343
五、坐山.....	1343
六、辨穴墓向 .....	1343
七、穴向.....	1344
八、前后妨害 .....	1344
九、人地论.....	1344
十、已葬之穴.....	1345
十一、未葬之穴 .....	1345
十二、穴高低 .....	1345
十三、案山 .....	1346
十四、明堂.....	1346
十五、龙虎.....	1346

十六、后山 .....	1347
十七、龙祖 .....	1347
十八、水口 .....	1347
十九、辨土色 .....	1348
二十、辨穴中物 .....	1348
二十一、辨何物伤穴 .....	1348
二十二、辨棺槨 .....	1348
二十三、辨葬法 .....	1348
二十四、辨坟多少 .....	1349
二十五、侵地为坟 .....	1349
二十六、出殡 .....	1349
二十七、迁坟 .....	1349
二十八、客死客葬 .....	1349
二十九、辨凶亡少鬼 .....	1349
三十、劫塚开棺 .....	1350
三十一、补遗 .....	1350
附耶律氏断例 .....	1350
<b>晴雨占 .....</b>	<b>1351</b>
鬼谷分爻 .....	1351
占晴 .....	1351
一、五行 .....	1352
二、六亲 .....	1352
三、六神 .....	1353
四、天干 .....	1353
五、内外世应 .....	1353
六、八卦 .....	1353
七、期日 .....	1354
<b>朝廷占 .....</b>	<b>1354</b>
一、大象 .....	1354

二、国君.....	1355
三、后妃.....	1355
四、青宫.....	1355
五、谏官.....	1355
六、城池.....	1356
七、帑藏.....	1356
八、奸贼.....	1356
九、分官.....	1356
十、爻象.....	1357
十一、卜世卜年.....	1357
附古占验.....	1357
<b>年时占 .....</b>	<b>1358</b>
总论.....	1358
附断例.....	1358
<b>婚姻占 .....</b>	<b>1359</b>
鬼谷分爻.....	1359
一、门第.....	1359
二、子息.....	1359
三、入门.....	1360
四、聘奁.....	1360
五、成否.....	1360
六、媒约.....	1361
附断例.....	1361
<b>胎产占 .....</b>	<b>1362</b>
鬼谷分爻.....	1362
一、有无.....	1362
二、受胎.....	1363
三、男女.....	1363
四、生期.....	1363

五、产难易 .....	1363
六、稳婆 .....	1364
七、乳母 .....	1364
<b>痘疹占 .....</b>	<b>1364</b>
<b>求嗣占 .....</b>	<b>1364</b>
<b>延师占 .....</b>	<b>1365</b>
一、童蒙 .....	1365
二、师尊 .....	1365
三、宾主 .....	1365
附觅馆占 .....	1365
附投师占 .....	1366
<b>小试占 .....</b>	<b>1366</b>
鬼谷分爻 .....	1366
一、题目 .....	1367
二、文字 .....	1367
三、考官 .....	1367
四、名次高下 .....	1367
<b>乡会试占 .....</b>	<b>1368</b>
鬼谷分爻 .....	1368
一、考官 .....	1368
二、名次高下 .....	1369
<b>殿试占 .....</b>	<b>1369</b>
<b>武试占 .....</b>	<b>1369</b>
鬼谷分爻 .....	1369
<b>官禄占 .....</b>	<b>1370</b>
鬼谷分爻 .....	1370
一、何官 .....	1370
二、候选 .....	1371
三、领凭 .....	1371

四、任所.....	1371
五、赴任.....	1372
鬼谷分爻.....	1372
六、在任.....	1373
七、升迁.....	1373
八、替代.....	1373
九、贪廉.....	1373
十、官职退复.....	1374
十一、丁忧起复.....	1374
附断例.....	1374
<b>文书占.....</b>	<b>1375</b>
附断例.....	1375
<b>谒贵占.....</b>	<b>1376</b>
鬼谷分爻.....	1376
一、见否.....	1376
二、相见喜怒.....	1377
<b>行人占.....</b>	<b>1377</b>
鬼谷分爻.....	1377
一、来情.....	1378
二、安危.....	1378
三、囊橐.....	1378
四、所在.....	1379
五、归期.....	1379
六、音信.....	1379
七、在外占家人来否.....	1380
附断例.....	1380
<b>出行占.....</b>	<b>1380</b>
鬼谷分爻.....	1380
一、方向.....	1381

二、行否.....	1381
三、通塞.....	1381
四、图谋.....	1382
<b>舟行占 .....</b>	<b>1382</b>
鬼谷分爻.....	1382
一、行否.....	1382
二、舟具.....	1383
三、舟子.....	1383
四、风色.....	1383
五、舟居安否 .....	1383
六、财利.....	1384
<b>谋望占 .....</b>	<b>1384</b>
鬼谷分爻.....	1384
一、可否成败 .....	1384
二、迟速.....	1385
<b>求财占 .....</b>	<b>1385</b>
鬼谷分爻.....	1386
一、有无.....	1386
二、难易.....	1386
三、多少.....	1386
四、得于何人 .....	1387
五、得何财 .....	1387
六、何日得.....	1388
七、仗托吹嘘 .....	1388
附断例.....	1388
<b>空手求财占.....</b>	<b>1388</b>
<b>贸易占 .....</b>	<b>1391</b>
鬼谷分爻.....	1391
一、买卖.....	1391

二、牙行.....	1391
三、脱货.....	1391
附断例.....	1392
<b>开店占 .....</b>	<b>1392</b>
管辂分爻.....	1392
一、可开否 .....	1392
二、本利.....	1393
三、合伙.....	1393
四、店面货物 .....	1393
五、收放.....	1394
<b>寄物占 .....</b>	<b>1394</b>
<b>疾病占 .....</b>	<b>1394</b>
鬼谷分爻.....	1394
一、用爻.....	1394
二、生死.....	1395
三、病症.....	1395
四、病因.....	1396
五、饮食.....	1397
六、医药.....	1397
七、鬼祟.....	1398
八、病起何方 .....	1399
九、病起何年月日 .....	1399
附断例.....	1399
<b>讼狱占 .....</b>	<b>1400</b>
鬼谷分爻.....	1400
一、讼因.....	1401
二、准否.....	1401
三、胜负.....	1401
四、和息.....	1402

五、罪责.....	1402
六、审问.....	1403
七、批评.....	1403
附断例.....	1403
<b>逃亡占 .....</b>	<b>1404</b>
鬼谷分爻.....	1404
一、远近.....	1405
二、向方.....	1405
三、里数.....	1405
四、匿何家.....	1405
五、匿何地.....	1405
六、见否.....	1405
附断例.....	1406
<b>遗失占 .....</b>	<b>1406</b>
鬼谷分爻.....	1406
一、取用.....	1406
二、遗处.....	1407
三、拾者.....	1407
四、知情.....	1407
五、见否.....	1408
<b>盗贼占 .....</b>	<b>1408</b>
鬼谷分爻.....	1408
一、贼来日.....	1408
二、贼进处.....	1409
三、惊觉.....	1409
四、何贼.....	1409
五、何方去.....	1409
六、知情.....	1410
七、财藏贼隐.....	1410

八、何日追获 .....	1410
附断例.....	1411

## 易隐序

卜筮者，隐君子之所托也，昔严君平卖卜成都市，与人子言依于孝，与人弟言依于顺，与人臣言依于忠，君子以为得作者之意，不啻登太皞氏之堂，而耳提面命焉，古之圣人，所可与人言者，未尝不竭其辞，而有不可以正告天下者，则必有所托以行之，后之君子，不察其意，而以是为吉凶悔吝之末数，非正道明谊者之所究心，则惑矣，吾友曹横琴氏，得其家君游南子之传，概群迷之不但，悼筮法之中衰，于是上究连藏，下逮京焦，傍通壬甲，广采占歌，作为易隐，凡十万余言，噫，可为博矣，夫象数变而理不变，九六殊而旨不殊，一也，四十九也，三百六十也，四千九十六也，由是而之万亿也，一而已矣，即由是而之天地之赜也，万物之众也，典坟丘索之浩渺也，亦一而已矣，传曰，变化云为，吉事有祥，象事知器，占事知来，又曰，天地设位，圣人成能，人谋鬼谋，百姓与能，夫圣人之所以能若此者，岂有他哉，统之理而已矣，由是观之，安知李子之乐卜，赵孟之时卜，襄仲之言卜，子游子夏之威仪卜，沈尹氏之政卜，孔成子之礼卜，不统于横琴氏之蓍卜哉，吾于是而知曹氏之为隐君子也。

句章老氏谢三宝撰

## 启蒙节要篇

### 八卦象例

乾三连，坤六断，震仰盂，艮覆碗，  
离中虚，坎中满，兑上缺，巽下断。

### 五行生克

金生水，水生木，木生火，火生土，土生金，  
金克木，木克土，土克水，水克火，火克金。

### 天干所属

甲乙东方木，丙丁南方火，戊己中央土，庚辛西方金，壬癸北方水。

### 地支所属

子水鼠，丑土牛，寅木虎，卯木兔，辰土龙，巳火蛇，午火马，未土羊，申金猴，酉金鸡，戌土狗，亥水猪。

## 六神所属

青龙属木，白虎属金，玄武属水，勾陈属土，朱雀属火，螣蛇虽附土，本原属火，遇水难伤，逢木不克。

## 六亲生克

子孙生妻财，妻财生官鬼，官鬼生父母，父母生兄弟，兄弟生子孙。（生我者为元辰，如子孙为妻财之元辰也。）

子孙克官鬼，官鬼克兄弟，兄弟克妻财，妻财克父母，父母克子孙。（克我者为忌神，如子孙为官鬼之忌神也。）

元神动能生，忌辰动能克，我生者动，谓之贪生，又谓之泄气，喜忌俱减矣。

## 刘伯温先生总断

夫人有贤不肖之殊，卦有过不及之异，太过者损之斯成，不及者益之则利。生扶拱合，时雨滋苗，克害刑冲，秋霜杀草，长生帝旺，争如金谷之园。死墓绝空，乃是犁泥之地。日辰为六爻之主宰，喜其灭项以安刘。月建乃万卦之提纲，岂可助桀而为虐。最恶者岁君，宜静不宜动。最要者身位，喜扶不喜伤。世为己应为人，大宜契合，动为始变为终，最怕交争。应位遭伤，不利他人之事。世爻受制，岂宜自己之谋。世应具空，人无准实。内外竞发，事必翻腾。世或交重，两目顾瞻于马首。应如发动，一心似托于猿攀。用爻有气无他故，所作皆成。主象徒存更被伤，凡谋不遂。有伤须救，无故勿空，空逢冲而有用。合遭破以无功，自空化空，必成凶咎。刑合克合，终见乖淫。动值合而绊住，静得冲而暗兴。入墓难克，带旺匪空。有助有扶，衰弱休囚亦吉。贪生贪合，刑冲克害皆忘。别衰旺以明克合，辨动静以定刑冲。并不并，冲不冲，因多字眼。刑非刑，合非合，为少支神。爻遇令星，物难害我。伏居空地，事于心违。伏无提挈终徒尔。飞不推开亦枉然。空下伏神，易于引拔。制中弱主，难以维持。日伤爻，真罹其祸。爻伤日，徒受其名。墓中人不冲不发，身上鬼不去不安。德入卦而无谋不遂，忌临身而多阻无成。卦遇凶星，避之则吉。爻逢忌杀，敌之无伤。主象休囚，怕见刑冲克害。用爻变动，忌逢死墓绝空。用化用，有用无用。空化空，虽空弗空。养主狐疑，墓多暗昧。化病兮伤损，化胎兮勾连。凶化长生，炽而未散。吉连沐浴，败而不成。戒回头之克我，勿反德以扶人。恶曜孤寒，怕日辰之并起。用爻重叠，喜墓库之收藏。事阻隔兮间发，心退悔兮世空。卦爻发动，须看交重。动变比和，当明进退。杀生身，莫将吉断。用克世，勿作凶

看。盖生中有刑害之两端，而合处有克伤之一虑。刑害不宜临用，死绝岂可持身。动逢冲而事散，绝逢生而事成。如逢合住，须冲破以成功。若遇休囚，必生旺而成事。速则动而克世，缓则静而生身。疾病大宜天喜，若临凶杀必生悲。出行最怕往亡，如执吉神终获利。是故吉凶神杀之多端，何如生克制化之一理。

## 张星元先生总断

吉凶由八卦变通，须察吉变凶而凶变吉。飞伏在二仪交换，定然阳伏阴而阴伏阳。爻爻有伏有飞，伏无不用。卦卦有动有静，动无不之。变出他宫，但取金木水火土，还归本卦，配成兄父子财官。水化金，则坎增其势。火化土，则离减其威。亥变子曰进神，水得生而火被制。戌变未云退度，火不助而水无伤。卦之墓绝非宜，还究伪真之辩。爻变生扶最利，更详喜忌之分。爻有伏吟不吉，卦有反吟最凶。归妹变随为例，小畜之姤皆同。但识六爻战克，那知二卦交冲。变能生克于动爻，动不制于变象。静受动伤，静难制动。柔遭刚克，柔岂伐刚。日月善会克爻神，爻神谁敢伤日月。日为君主，旺衰之象尽能伤。月乃提纲，动静之爻皆可克。本卦为贞为始，之卦为悔为终。亲宫云出现之爻，远年可取。他卦曰伏藏之象，近日堪推。内为己，外为人，喜生喜合。应为宾，世为主，兼克兼冲。我生人而半吉，人克我以全凶。世应齐空，两下目前退悔。主宾皆动，二边日后更张。两间之爻，动则起居多阻。一身之位，空则祸福咸虚。凡欲久长，用宜安静。如求脱卸，主利交重。用木金来，从吉而不吉。用土火到，虽凶而不凶。元神却要生扶，忌客最宜伏制。用神旺相，事必亨通。主象休囚，理当愁闷。卦无凶而用爻失位，后查值日方成。爻有吉而主象逢空，但看冲时可就。忌象交重，用象无主象，他时逢受害，用神衰弱元神绝，忌神异日遇遭伤，一神独发，此象匪轻。五位交重，静爻最重。世与卦身专主，非可轻言。动兴旺象司权，当为重论。吉内藏凶非是吉，凶中有吉不为凶。太岁主历年之事，时辰掌即日之权。日主宣威于一日，累月能拘。月将出令于三旬，经年可摄。身卦者，作事之身。官鬼者，求谋之主。卦内无身，百种事情无定向。爻中无鬼，千般谋作总空虚。卦动二身，事来叠叠。爻兴两鬼，祸至重重。官爻不动不空，称心之喜。身象不冲不陷，如意之权。日带凶神发动，长者之殃。时临恶煞交重，少丁之厄。阳动男忧，阴兴女祸。父动子孙僧道，克蚕畜无收。父空尊长屋船亏，文书不就。兄动妻灾奴婢患，资财耗散事无成。兄空友绝弟兄亡，家业清安儿少育。子动夫伤官职退，民间有庆无殃。子空男损畜蚕虚，朝内少贤多佞。财动椿萱受害，文字难图。财空妻仆遭迍，利资绝望。官动有伤雁序，病讼将萌。官空有犯蒿砧，功名未遂。既道六亲空兴发，次陈六兽动和冲。龙为良善清高，喜气利名之兆。蛇主虚浮惊恐，忧疑怪梦相干。朱雀宜音信文书，又作祝融词讼。白虎利武官胎产，能招丧服血光。勾陈是田土公

差，坟茔迟滞。玄武乃阴人盗贼，水利奸邪。龙往西山，半为吉断。虎行南地，稍作凶推。土中玄武贼无虞，木内勾陈田欠熟。雀堕江河，官司易解。蛇游草木，怪梦翻成。勾陈陷而田非永远，玄武空而盗不侵欺。蛇空闲梦解妖邪，龙陷虚胎非喜庆。雀避则讼非不起，虎潜则丧孝无干。旺相则吉凶来速，休囚则祸福应迟。动则有变更，空则无忧无喜。长生与帝旺，远日兴隆。冠带与临官，近时昌盛。衰病半凶之兆，受克全凶。胎养半吉之祥，得生全吉。墓库但逢冲破，若动若兴。死绝不遇生扶，如无如陷。土到酉中金到午，遇败而无成。火临卯上水临鸡，反生而有力。土逢巳绝，不可言生。金遇巳生，终难言克。此凭日月变爻而断，非因世应动象而推。巳爻持世必伤金，巳象动兴能助土。墓库曰藏，有刑破冲开之法。空亡曰陷，有补虚填实之方。陷叨月将来生，非为全陷。空被提纲克去，乃是真空。旺相之爻，过旬方用。休囚之象，到底无功。伏藏值此犹轻，出现临之更恶。陷元神而最多坎坷，亡忌客而永没迍遭。男空则远行不利，女空则近日生殃。财空富不厚，官空贵不荣。子空儿女主伶仃，父空屋室还衰败。兄空则弟兄少力，间空则媒保无能。内象若空，家宅休居旧地。外官如限，迁移勿往他图。不测之灾，遇陷身还可救。绵延之疾，逢空命不回生。空世则己心疏懒，空应则他意徘徊。空中动出不为空，墓内推开非入墓。凡值旬空，或临月破，吉不能生合于物，凶不能克制于人。凶者旬中之煞，当辨兴衰。恶者月破之神，无分生克。事事喜空中之有气，般般忌合处之逢冲。逢合难凶而易就，遇冲纵吉以难成。合被冲开，无织毫之力。绝逢生起，有数倍之功。三合三刑，亦有真假之论。六穿六合，岂无生克之分。子会申辰，少鼠牙而不取。木连亥卯，无羊角以何妨。寅巳申三全为煞，丑戌未一缺非刑。用辰卯害本为殃，用亥申穿非作祸。用戌卯合，被克而反凶。用酉辰谐，叨生而果吉。合处带生，百事见之皆喜悦。害中带克，千般犯此见忧迍。刑则骨肉伤残，穿则亲邻不睦。六合咸称吉象，问遣人出狱以非宜。六冲各骇凶神，占散讼脱灾而反利。青龙财福为祥，破之不吉。白虎凶鬼为咎，用之不凶。日建岂为月破，月建非作旬空。卦静逢冲为动，爻安遇合为和。动处见冲，为征战而散。动中加合，因羁绊而迟。用旺有维持，虽遇凶星难作祸。主衰无救助，纵逢吉曜那为佳。身后世后及重爻，皆为已往。身前世前兼交位，各主未来。游魂宜出外，归魂利返乡。内为体，外为用，逢生云吉克云凶。动为速，静为迟，见合曰成冲曰散。生主发墓主藏，伏断将来飞断往。阴主邪阳主正，衰详稀少旺详多。事有大小始终缓急，各审其因。卦开前后，飞伏正之。既详其理，初求内外三爻，为飞为正为前卦。次看阴阳二象，为伏为之为后卦。卦静无之方取互，世空无主却凭身。之卦内之盈亏，变爻已定。互卦中之悔吝，体用为先。细观伏象之兴衰，当察飞神之动静。远推年月，近看日時。

## 海底眼初爻动变断

父母当头克子孙，病人无药主沉昏。亲姻子息应难得，买卖劳心利不存。远望行人书信动，论官下状理先分。士人科举登黄榜，失物逃亡要诉讼。父化父兮文不实，举动艰难事非一。父化子兮宜退散，纵然忧病还为吉。父化同人多口舌，用求宛转须重叠。父化财兮交易利，家长不宁求事拙。父化官兮家损失，求官必得迁高职。卦无父母事无头，更在休囚空费力。

子孙发动伤官鬼，占病求医身便痊。行人买卖身康泰，婚姻喜美是前缘。产妇当生子易养，词诉空论事不全。谒贵求名休进步，守旧常占可自然。子化子兮阴小凶，举讼兴官理不同。子化官兮防祸患，占病忧疑尽不中。子化父兮防产妇，无中生有多头绪。子化兄兮事不圆，脱诈人情疑莫去。

财爻立用克文书，应举求官总是虚。买卖交官财利好，亲姻如意乐无虞。行人在外身将动，产妇求神患脱除。失物静安家未出，病人伤胃更伤脾。子化财兮好望财，财化财兮妇主灾。财化官兮防走失，财化文书用可谐。财化兄兮财少成，相知掇赚勿交亲。财化子兮宜守旧，托用人情不如心。

兄弟同人克了财，病人占者哭哀哉。应举雷同文不一，若是常占定破财。有害虚词应累众，行人出路未回来。货物经商皆折本，求妻买婢事难谐。兄化兄兮家不足，兄化财兮财反覆。兄化官兮休下状，占病难医须见哭。兄化文书和改救，人情复喜主无忧。兄化子兮忧可散，若问行人信有头。

官鬼从来克兄弟，婚姻未就生疑滞。病困门庭祸崇来，更改动身皆不吉。出外逃亡定见灾，词讼伤身有囚繫。买卖财轻赌博输，失物难寻多暗昧。官化官兮病未安，见贵求官事尽难。官化文书官未顺，交加争竞鬼相干。官化子兮忧自除，常占小口必灾危。官化兄兮朋友诈，委托人心不似初。官化财兮财自得，赌博抽拈却必输。卦中无鬼休谋事，官员不见总空虚。

此京房断法，试罔不验，若卦有两爻动，便不准矣。

## 周仲高期日捷诀

金喜巳酉忌在寅，木喜亥子忌在巳，水喜申酉忌在午，火喜寅卯忌在申，土喜午申忌在亥。

金取巳申酉，寅午须有害，木到亥寅卯，申酉即难安，水喜申酉子，巳午定有愆，火取寅巳午，亥子便为灾，土用在午申，亥卯巳为害。

## 习卜先读易说

游南子曰，余阅胡双湖所载汉晋至宋杂记占验，及吴甘泉元明占验录，皆就彖辞爻辞直断，应若桴鼓。后之占者，但得易辞，既合所占之事，即不可拘泥京管，而弁视四大圣人之至训也，故习卜之功先须读易。

耶律楚材曰，易之初，其以六十四卦示人占例，亦浩繁矣。求君父之道于乾，求臣子之道于坤，

婚姻于咸、恒、渐、归妹。待于需，进于晋，升于升，改于革，行师于师，争讼于讼，聚于萃，散于涣，以至退于遁，守于困，安于泰、鼎，厄于夷、蹇，盈于大有、丰，坏于损、蛊，家人之在室，旅之在途，既未济，大小过，大小畜，得失进退之义。虽卦名仅七十九字，而文义坦白，颇足决断矣。此文王未有卦辞之前已然，况又有三百八十四爻，示之以变乎，故人苟积诚而筮，则神之告之。卦辞爻辞，应合所问，如占婚而与之咸恒，曰纳妇吉，曰勿用取女，曰女归吉，曰归妹征凶。占家宅，曰富家大吉，曰闲有家，悔亡，曰夫妻反目，曰家人嗃嗃，妇子嘻嘻，曰入于其宫，不见其妻。占出行，曰利涉大川，利有攸往，曰不利涉大川，勿用有攸往。占士进，曰不家食吉，曰不事王侯，高尚其事。占求嗣，曰有子，考无咎，曰得妾以其子，曰妇孕不育，曰妇三岁不孕。占征伐，曰利用侵伐，曰不利行师。占田猎，曰田获三品，曰田无禽。诸如此类，皆神鉴其诚而显告之也。更不必揣摹臆度，别生论断。若夫彖辞爻辞，不应所占之事。然后取动变初爻，各配生克，及长生十二之宫，断其休咎也。刘伯温曰，爻神吉而易辞凶，先吉后凶。爻神凶而易辞吉，先凶后吉。

## 取易辞断法

六爻安静者，以本卦彖辞断之。初爻动，以动爻之辞断。两爻动，取阴爻为断，阴主未来故也。若同阴同阳，取上动之爻辞断。三爻动以中爻之辞断，四爻动，取下静之爻辞断，五爻动，取静爻之辞断，六爻动，乾坤二卦，以用九用六之辞断，余卦则以变卦彖辞断也。（按从亡录所载，程济惊占皆初爻动者，具取变卦爻辞断之，无不奇中者，附参。）

## 身命凶卦

周景昉曰，遁卦刑伤多，姤咸贫贱老。屯井皆是否，无端生灾祸。秋蛊冬蒙凶，有病难脱过。春逢晋小过，即便哀号苦。官符怕丰井，大过难脱狱。贲象多官司，占此遭凶破。遇萃财折本，逢临口舌多。八纯与壮妄，图谋百不安。

## 化墓绝卦

墓绝离化乾，坎艮坤之巽，乾兑变入艮，震巽化为坤。

## 反吟卦

（变卦与本卦倒置）

反吟谦（地山）共剥（山地），归妹（雷泽）与随（泽雷）同，小畜（风天）之为姤（天风），既（水火）

之未济(火水)宫。

## 十六变卦

京房曰，自初至五不动复下飞四往复用飞，上飞下飞还本体，便是十六变卦例。如乾宫一变姤，至五变剥，上爻为宗庙，永不变。复下飞四晋为游魂，下飞三旅为外戒，下飞二鼎为内戒，下飞初大有为归魂。复上飞二离为绝命，复上飞三噬嗑为血脉，上飞四颐为肌肉，上飞五益为骸骨，复下飞四无妄为棺槨，下飞三同人为坟墓，下飞二乾复还本体。凡十六变八宫皆仿此，占者遇变入本宫卦者，灾福应十分。外戒卦，吉凶从外来。内戒卦，祸福从内起。骸骨卦，生则羸瘦，死不葬埋。棺槨卦，病必死亡。血脉卦，主血疾漏下。绝命卦，事多反复，为人孤独，不谐于俗。游魂肌肉卦，精神恍惚，如梦如痴。归魂冢墓卦，坟墓吉，而事可成也。

	外戒	内戒	绝命	血脉	肌肉	骸骨	棺槨	坟墓
乾宫变卦	旅	鼎	离	噬嗑	颐	益	无妄	同人
坎宫变卦	复	临	坤	谦	小过	咸	蹇	比
艮宫变卦	小畜	家人	巽	涣	讼	未济	蒙	蛊
震宫变卦	困	萃	兑	夬	需	泰	大壮	归妹
巽宫变卦	贲	大畜	艮	剥	晋	否	观	渐
离宫变卦	姤	遁	乾	履	中孚	损	睽	大有
坤宫变卦	节	屯	坎	井	大过	恒	升	师
兑宫变卦	豫	解	震	丰	明夷	既济	革	随

## 八宫六十四卦名

**乾宫八卦俱属金**；乾为天，天风姤，天山遯，天地否，风地观，山地剥，火地晋，火天大有。

**坎宫八卦俱属水**；坎为水，水泽节，水雷屯，水火既济，泽火革，雷火丰，地火明夷，地水师。

**艮宫八卦俱属土**；艮为山，山火贲，山天大畜，山泽损，火泽睽，天泽履，风泽中孚，风山渐。

**震宫八卦俱属木**；震为雷，雷地豫，雷水解，雷风恒，地风升，水风井，泽风大过，泽雷随。

**巽宫八卦俱属木**；巽为风，风天小畜，风火家人，风雷益，天雷无妄，火雷噬嗑，山雷颐，山风蛊。

**离宫八卦俱属火**；离为火，火山旅，火风鼎，水火未济，山水蒙，风水涣，天水讼，天火同人。

**坤宫八卦俱属土**；坤为地，地雷复，地泽临，地天泰，雷天大壮，泽天夬，水天需，水地比。

兑宫八卦俱属金；兑为泽，泽水困，泽地萃，泽山咸，水山蹇，地山谦，雷山小过，雷泽归妹。

## 定六亲法

以八宫所属为主，生我者为父母，我生者为子孙，克我者为官鬼，我克者为妻财，比和者为兄弟也。

## 纳甲法

其法皆自下而上，阳甲隔位顺轮，阴甲隔位逆轮。

乾卦	坎卦	艮卦	震卦	巽卦	离卦	坤卦	兑卦
壬戌	戊子	丙寅	庚戌	辛卯	巳巳	癸酉	丁未
壬申	戊戌	丙子	庚申	辛巳	巳未	癸亥	丁酉
壬午	戊申	丙戌	庚午	辛未	巳酉	癸丑	丁亥
甲辰	戊午	丙申	庚辰	辛酉	巳亥	乙卯	丁丑
甲寅	戊辰	丙午	庚寅	辛亥	巳丑	乙巳	丁卯
甲子	戊寅	丙辰	庚子	辛丑	巳卯	乙未	丁巳

## 安世应法

八卦之首世六当，八纯卦世在六爻。巳下初爻轮上扬，各宫二卦世在初爻。游魂之卦四爻立，各宫七卦谓之游魂世在四爻。归魂之卦三爻详，各宫八卦谓之归魂，世在三爻世初应、四世二应、五世三应、六世四应、初世五应、二世六应三是也。

## 日辰伤世应卦

子日观、豫、未济伤；丑日观、鼎伤；寅日大有、节、丰、震、咸、蹇伤；卯日晋、震、小畜、旅、泰伤；辰日乾、贲、井伤；巳日艮伤；午日姤、坎、无妄、大壮、需伤；未日升、大过、复、未济伤；申日革、困伤；酉日否、屯、贲、恒、蒙、坤、夬伤；戌日巽、泰、兑伤；亥日遁、离、未济、谦伤。

## 安身诀

子午持世身居初，丑未持世身居二，寅申持世身居三，卯酉持世身居四，辰戌持世身居五，巳

亥持世身居六。

凡卦之身用之为重，世之身司事还轻，世若不空不破，不须论身，世或空破，祸福方凭身象，盖取身以代世之劳耳。

## 起月卦身法

阴世则从五月起，阳世则从十一月起，俱从初爻上，数至世便知何月卦，即是卦身也。吉凶俱与世爻同断，又须究论进退。假如正月卜卦，月卦属二三四月为进度，属十二十一十月为退度。进则诸事进益，退则百事退沮也。

## 定飞伏神法

八卦阴阳互伏，故乾卦伏坤，坤伏卦乾，震巽互伏，坎离互伏，艮兑互伏。如乾宫姤、遁、否卦，外卦伏坤，内卦伏乾。观、剥、晋卦，皆伏乾，惟大有卦，伏外乾内坤也，余仿此。

范畴曰，飞伏者往来隐显之神也。飞为已往，伏为将来。若卦内用神不空不破，不必更取伏神。惟六爻不见用象者，方取伏神推之，伏克飞为出暴，飞克伏则伤身。伏生飞曰泄气，飞生伏而叨生。飞伏比和，则相助而吉也。郭景纯曰，飞伏神以世爻为准，卦卦宜详审之，盖飞神如形，伏神如影，射鬼魔并见其物。如益卦世下伏酉金鬼，巽为鸡酉亦为鸡。在阴宫阴金，必有牝鸡为怪也。又如复之谦卦，世下伏未土兄弟，化入辰墓，是欲寻兄弟也。古人探幽测隐，但仿伏神而断，则鬼神无所遁形影矣。

## 起六神法

甲乙起青龙，丙丁起朱雀，戊日起勾陈，巳日起螣蛇，庚辛起白虎，壬癸起玄武。六位轮转俱从下起至上。

## 年上起月法

甲巳之年丙作首，乙庚之岁戊为头，丙辛便向庚寅起，丁壬壬上顺行流，更有戊癸起何处，正月还从甲上求。

## 日上起时法

甲巳还加甲，乙庚丙作初，丙辛从戊起，丁壬庚子居，戊癸何方法，当从壬子求。

## 五行纳音法

先布大衍四十九数在地，次将甲巳子午九，乙庚丑未八，丙辛寅申七，丁壬卯酉六，戊癸辰戌五，己亥单四数。依数除之，除减不尽，又按五行之数除之，余者，一水，二火，三木，四金，五土。相生取用，便是纳音也。相生者余一生木，余二生土，余三生火，余四生水，余五生金。且如甲子乙丑四字，干支共除去三十四数，外有十五数，以二五除去一十，余得五，属土，土生金，是甲子乙丑金也。又如丙寅丁卯四字，干支共除去二十六数，外有二十三数，以四五除去二十，余得三，属木，木生火，是丙寅丁卯火也。余仿此。歌曰，六旬甲子妙幽玄，七七抽除地与天，五减零求生数理，纳音得此几人传，可抹杀金在海中，火在炉中之说。

## 先天八卦序

乾一，兑二，离三，震四，巽五，坎六，艮七，坤八。

## 范围先天数

甲己子午九，乙庚丑未八，丙辛寅申七，丁壬卯酉六，戊癸辰戌五，巳亥当属四。

## 河图五行数

一水，二火，三木，四金，五土。

## 逐月气候辅卦用事旺相定局图

立春正月节艮旺震相	雨水正月中寅木用事	惊蛰二月节甲木用事
春分二月中震旺巽相	清明三月节乙木用事	谷雨三月中辰土用事
立夏四月节巽旺离相	小满四月中巳火用事	芒种五月节丙火用事
夏至五月中离旺坤相	小暑六月节丁火用事	大暑六月中未土用事
立秋七月节坤旺兑相	处暑七月中申金用事	白露八月节庚金用事
秋分八月中兑旺乾相	寒露九月节辛金用事	霜降九月中戌土用事
立冬十月节乾旺坎相	小雪十月中亥水用事	大雪十一月节壬水用事
冬至十一月中坎旺艮相	小寒十二月节癸水用事	大寒十二月中丑土用事

## 阴阳升降生克之图

冬至	大寒	雨水	春分	谷雨	小满	夏至	大暑	处暑	秋分	霜降	小雪
六爻	六爻	六爻	六爻	六爻	六爻	六爻	六爻	六爻	六爻	六爻	六爻
降阴					升阳	降阳					升阴
五爻	五爻	五爻	五爻	五爻	五爻	五爻	五爻	五爻	五爻	五爻	五爻
	降阴			升阳			降阳			升阴	
四爻	四爻	四爻	四爻	四爻	四爻	四爻	四爻	四爻	四爻	四爻	四爻
		降阴	升阳					降阳	升阴		
三爻	三爻	三爻	三爻	三爻	三爻	三爻	三爻	三爻	三爻	三爻	三爻
		升阳	降阴					升阴	降阳		
二爻	二爻	二爻	二爻	二爻	二爻	二爻	二爻	二爻	二爻	二爻	二爻
	升阳			降阴			升阴			降阳	
初爻	初爻	初爻	初爻	初爻	初爻	初爻	初爻	初爻	初爻	初爻	初爻
升阳					降阴	升阴					降阳

凡升阳之月，得阳世，升阴之月，得阴世，或升阳爻，得少阳，升阴爻，得少阴，诸事主有进益。如阳升之月，得阴世，阴升之月，得阳世，或升阳爻得阴，升阴爻得阳，是谓阴阳反度，主作事颠倒，退损不利也。

又升阳升阴断法，如小满卜得鼎之旅，升阳巳火，受世爻亥水动来冲克，主四月有丧身之祸。又如大暑卜得渐之观，升阴午火，得申金动，为驿马，主午申月间有进益，此俱以动爻为断也。

## 长生定局

	长生	沐浴	冠带	临官	帝旺	衰	病	死	墓	绝	胎	养
金	巳	午	未	申	酉	戌	亥	子	丑	寅	卯	辰
木	亥	子	丑	寅	卯	辰	巳	午	未	申	酉	戌
水土	申	酉	戌	亥	子	丑	寅	卯	辰	巳	午	未
火	寅	卯	辰	巳	午	未	申	酉	戌	亥	子	丑

黄士培曰：长生诀，亦分衰旺。如旺静方可言之，若为日月动爻所伤，不可断为生旺也。汤通玄曰，长生诀，以六爻自变出者为真，今人但知金为主象，傍爻巳火动，便云长生，遇酉日，便云当旺，遇丑日，便言入墓，祸福所以有验有不验也。

## 年月日时起神杀例

(司天氏王政秘传)

干	甲乙丙丁戊己庚辛壬癸	
干德	甲庚丙壬戊甲庚丙壬戊	
干德合	己乙辛丁癸己乙辛丁癸	
干合	己庚辛壬癸甲乙丙丁戊	
干支合	寅辰巳未巳未申戌亥丑	
干禄	寅卯巳午巳午申酉亥子	
天乙贵人	丑子亥亥丑子丑午巳巳 未申酉酉未申未寅卯卯	
天福贵人	酉申子亥卯寅午巳午巳	主一生福禄
福星贵人	寅丑(亥)子(戌)酉申未午巳辰卯	主中科甲被光宠
文昌	巳子申卯申卯亥午寅酉	主少年科甲
武曲	亥午寅酉寅酉巳子申卯	主武途出身
学堂贵人	巳巳丙丙戊戊辛辛甲甲 亥亥寅寅申申巳巳申申	
科名	木木火火土土金金水水	主发科甲
天厨	巳午巳午申酉亥子寅卯	主贵食天禄
天赦	卯亥酉未巳卯亥酉未巳	主解百忧
干官	辛庚癸壬乙甲丁丙己戊	
干鬼	庚辛壬癸甲乙丙丁戊己	
天财	午辰辰寅寅戌戌申申午 未巳巳卯卯亥亥酉酉未	
地财	未(丑)戌(辰)酉申子亥卯寅午巳	
唐符	酉申子亥子亥卯寅午巳	主士子科名
国印	戌未丑戌丑戌辰丑未辰	主文武贵职
刃星	乙甲丁丙己戊辛庚癸壬 卯寅午巳午巳酉申子亥	主破财伤妻

七杀	庚辛壬癸甲乙丙丁戊己	
年	子丑寅卯辰巳午未申酉戌亥	
太岁	子丑寅卯辰巳午未申酉戌亥	
太阳	丑寅卯辰巳午未申酉戌亥子	主化凶为吉
丧门	寅卯辰巳午未申酉戌亥子丑	主丧孝损血财
太阴	卯辰巳午未申酉戌亥子丑寅	主得女人荫
官符	辰巳午未申酉戌亥子丑寅卯	主官灾横事
死符	巳午未申酉戌亥子丑寅卯辰	主病讼
岁破	午未申酉戌亥子丑寅卯辰巳	
龙德	未申酉戌亥子丑寅卯辰巳午	
白虎	申酉戌亥子丑寅卯辰巳午未	
福德	酉戌亥子丑寅卯辰巳午未申	
吊客	戌亥子丑寅卯辰巳午未申酉	占病凶
病符	亥子丑寅卯辰巳午未申酉戌	主病讼
驿马	午未申酉戌亥子丑寅卯辰巳	
六害	未申酉戌亥子丑寅卯辰巳午	后十二星为马前神煞
华盖	申酉戌亥子丑寅卯辰巳午未	带贵为翰苑逢空为僧尼
劫杀	酉戌亥子丑寅卯辰巳午未申	
天杀	戌亥子丑寅卯辰巳午未申酉	主水火盗贼疾病
地杀	亥子丑寅卯辰巳午未申酉戌	主官非丧孝
年杀	子丑寅卯辰巳午未申酉戌亥	年月日三杀
月杀	丑寅卯辰巳午未申酉戌亥子	主非灾横事
日杀	寅卯辰巳午未申酉戌亥子丑	
亡神	卯辰巳午未申酉戌亥子丑寅	主死亡哭泣
将星	辰巳午未申酉戌亥子丑寅卯	武为干城将
攀鞍	巳午未申酉戌亥子丑寅卯辰	主少年腾达

右马前神煞月日俱同。

按马前神煞起例，以太岁对宫上加驿马，逐位顺去，马有十二位，今人只用四马，非也，马即

冲破是也。如申子辰马居寅午戌，寅午戌马居申子辰，亥卯未马居巳酉丑，巳酉丑马居亥卯未也。

（司天氏王政秘录）

年	子丑寅卯辰巳午未申酉戌亥	
天德	酉戌亥子丑寅卯辰巳午未申	百事吉
月德	巳午未申酉戌亥子丑寅卯辰	百事吉
支德	月德同	
福德贵人	天德同	
福星贵人	天德同与天乙贵人同	主福禄
紫薇	龙德同	主发贵近君
三台	辰巳午未申酉戌亥子丑寅卯	主科甲贵显
八座	戌酉申未午巳辰卯寅丑子亥	主贵为九卿
玉堂	丑子亥戌酉申未午巳辰卯寅	文武俱显贵
天喜	酉申未午巳辰卯寅丑子亥戌	主得彩添丁
天马	午申戌子寅辰午申戌子寅辰	求官赴任吉
驿马	寅亥申巳寅亥申巳寅亥申巳	
唐符	巳子丑寅卯辰巳子丑寅卯辰	
国印	亥午未申酉戌亥午未申酉戌	
天解	戌酉申未午巳辰卯寅丑子亥	
地解	未未申申酉酉戌戌亥亥午午	
神解	天解同	三星俱主脱罪散灾化忧为喜
支合	丑子亥戌酉申未午巳辰卯寅	月日同
支官	丑（未）寅酉申卯子亥寅巳午卯辰（戌）	月日同
支鬼	辰（戌）卯申酉寅亥子卯午巳寅丑（未）	月日同
支刑	卯戌巳子辰申午丑寅酉未亥	月日同
支害	未午巳辰卯寅丑子亥戌酉申	月日同
魁元		
红惊	卯寅丑子亥戌酉申未午巳辰	见喜免脓血灾
生气	戌亥子丑寅卯辰巳午未申酉	百事成美吉

死气	辰巳午未申酉戌亥子丑寅卯	病危百事凶
黄幡	华盖同	主灾缠绵
豹尾	戌未辰丑戌未辰丑戌未辰丑	主损畜破财
陌越	亥子丑寅亥子丑寅亥子丑寅	
月空	午未申酉戌亥子丑寅卯辰巳	主化凶为吉
指背	申巳寅亥申巳寅亥申巳寅亥	主招人嫉妒，为人无功
飞廉	白虎同	主男遭重辟女犯奸淫颠狂
大杀	白虎同	主损宅长家道消乏病者十死一生
阴杀	丑戌未辰丑戌未辰丑戌未辰	主暗耗产厄
岁杀	未辰丑戌未辰丑戌未辰丑戌	主非灾横事
灾杀	午卯子酉午卯子酉午卯子酉	主丧讼破财
的杀	巳酉丑巳酉丑巳酉丑巳酉丑	主丧讼破财
破碎	岁破同	主官非破财
天哭	午巳辰卯寅丑子亥戌酉申未	主损小口
栏杆	岁破同	主受罪破财伤残自缢
大耗	岁破同	主灾祸伤丁官非火盗
小耗	巳午未申酉戌亥子丑寅卯辰	主损畜伤奴失盗
天厄	未申酉戌亥子丑寅卯辰巳午	
暴败	天厄同	主官讼破家
卒暴	卯辰巳午未申酉戌亥子丑寅	主猝然灾祸
贯索	卒暴同	主官灾刑罪
勾绞	卒暴同	讼主刑罪
飞符	官符同	主官灾横事
天官符	亥申巳寅亥申巳寅亥申巳寅	主官灾横事
囚狱	午卯子酉午卯子酉午卯子酉	占讼凶
卷舌	酉戌亥子丑寅卯辰巳午未申	主是非横事有子不育
披麻	卷舌同	主丧孝不宁幼失怙恃
披头	辰卯寅丑子亥戌酉申未午巳	
五鬼	官符同	主生暗眼

伏尸	子丑寅卯辰巳午未申酉戌亥	主脓血落胎
剑锋	伏尸同	主恶死
吞刃	戌寅丑戌辰卯寅寅戌戌寅寅	主妨害六亲骨肉无情
天空	丑寅卯辰巳午未申酉戌亥子	主破财刑子
晦气	天空同	
血刃	戌酉申未午巳辰卯寅丑子亥	主血光产难
浮沉	血刃同	舟行防水厄
地丧	丧门同	主孝服损血财
吊客	戌亥子丑寅卯辰巳午未申酉	病凶
天狗	吊客同	主无子刀斧血光
咸池	酉午卯子酉午卯子酉午卯子	占婚忌主淫乱
三杀	巳丑酉巳丑酉巳丑酉巳丑酉	
孤神	寅寅巳巳巳申申申亥亥亥寅	男刑妻子
寡宿	戌戌丑丑丑辰辰辰未未未戌	女克夫男
月	正二三四五六七八九十十一十二	
青龙	寅卯辰巳午未申酉戌亥子丑	
朱雀	巳午未申酉戌亥子丑寅卯辰	
勾陈	丑寅卯辰巳午未申酉戌亥子	
螣蛇	辰巳午未申酉戌亥子丑寅卯	
白虎	申酉戌亥子丑寅卯辰巳午未	
玄武	亥子丑寅卯辰巳午未申酉戌	
勾陈杀	螣蛇同	
天德	丁申壬辛亥甲癸寅丙乙巳庚	百事吉
天德合	壬巳丁丙寅巳戊亥辛庚申乙	百事和合
月德	丙甲壬庚丙甲壬庚丙甲壬庚	百事吉
月德合	辛己乙丁辛己乙丁辛己乙丁	诸事和谐
天月恩	丙丁庚己戊辛壬癸庚乙甲辛	化凶为吉
六合	亥戌酉申未午巳辰卯寅丑子	
三合	午亥申酉寅卯子巳寅卯申巳	

	戌未子丑戌亥辰丑午未辰酉	
文昌	青龙同	
天皇书	寅寅寅巳巳巳申申申亥亥亥	功名求仕吉
皇恩	申未巳午子亥申未巳午子亥	功名求仕吉
天印	未申酉戌亥子丑寅卯辰巳午	求仕吉
天恩	亥子丑寅卯辰巳午未申酉戌	主蒙恩宠
天旺	巳申亥寅巳申亥寅巳申亥寅	主手创基业
天赦	戌丑辰未戌丑辰未戌丑辰未	重罪得释诸
恩赦	戌丑寅巳酉卯子午亥辰申未	事皆吉
赦文	戌丑辰未酉卯子午寅巳申亥	
天喜	戌亥子丑寅卯辰巳午未申酉	百事皆吉占产动尤吉
生气	子丑寅卯辰巳午未申酉戌亥	百事和合
天嗣	水水水木木木土土土金金金	动则生产
天巫	巳申亥寅巳申亥寅巳申亥寅	求官吉病宜祈祷
少阴	辰卯寅丑子亥戌酉申未午巳	求官百事吉
雷火杀	寅丑子亥戌酉申未午巳辰卯	讼散求官吉
天解	申戌子寅辰午申戌子寅辰午	恶事解
地解	申申酉酉戌戌亥亥午午未未	病者安
月解	子巳辰申子巳辰申子巳辰申	灾病消除
天医	卯辰巳午未申酉戌亥子丑寅	药效病痊
地医	子丑寅卯辰巳午未申酉戌亥	
天合	生气同	主无中生有得财得喜
喝散	巳巳巳申申申亥亥亥寅寅寅	主讼散灾消
活曜	卯辰巳午未申酉戌亥子丑寅	动则病痊产生
天耳目	巳巳巳申申申亥亥亥寅寅寅	
	亥亥亥寅寅寅巳巳巳申申申	寻人耳动有信目动见面
成神	巳申亥寅巳申亥寅巳申亥寅	动主谋干成
会神	未戌寅亥酉子丑午巳卯申辰	动主行人回
飞杀	酉子卯午酉子卯午酉子卯午	主病祸猝至

阴杀	寅子戌申午辰寅子戌申午辰	主阴谋冤积病患
阳杀	寅辰午申戌子寅辰午申戌子	主产难
天杀	戌巳午未寅卯辰亥子丑申酉	十死一生凶
小杀	辰亥子丑申酉戌巳午未寅卯	损小口婢仆
天祸	巳辰卯寅丑子亥戌酉申寅卯	主天火横事
天瘟	未戌辰寅午子酉申巳亥丑卯	主疾病牵延
飞廉	申未午巳辰卯寅丑子亥戌酉	主人猝死讼凶
浴盆	辰辰辰未未未戌戌戌丑丑丑	主溺死病凶
三丘	丑丑丑辰辰辰未未未戌戌戌	病凶
五墓	未未未戌戌戌丑丑丑辰辰辰	病凶
沐浴	卯子酉午卯子酉午卯子酉午	病凶
死气	午未申酉戌亥子丑寅卯辰巳	主伤丁破财病者死
天咒	子子酉酉午午申酉戌亥卯子	咒诅誓愿凶
四废	酉巳丑酉巳丑酉巳丑酉巳丑	主破家损丁
它罗	青龙同	主孤刑恶疾口念弥陀
毛头	子寅辰午申戌子寅辰午申戌	主官刑火盗破家损寿
荒燕	巳酉丑申子辰亥卯未寅午戌	主生子不肖家园破败
井杀	未午巳辰卯寅丑子亥戌酉申	主人落井
独火	酉戌亥子丑寅卯辰巳午未申	主火灾
天烛	朱雀同	主火灾
天火	子午卯酉子午卯酉子午卯酉	主火灾
天诛	甲甲甲丙丙丙庚庚庚壬壬壬 寅寅寅申申申申申申子子子	主雷震死
雷公	青龙同	主雷震死忌逢雀蛇虎鬼动
霹雳	死气同	主火灾雷殛
木狼	卯寅申丑戌辰子未戌申寅申	加蛇动主自缢
受死	戌辰亥巳子午丑未寅申卯酉	行兵诸事凶
红纱	荒燕同	占嫁娶疾病出行凶占起造主火灾
天河	辰巳午未申酉戌亥子丑寅卯	主失水

覆舟	白虎同	出行主覆舟
白浪	青龙同	舟行有惊
风波	生气同	加玄武鬼动主投水
归忌	丑寅子丑寅子丑寅子丑寅子	行师出行凶
往亡	寅巳申亥卯午酉子辰未戌丑	行师出行凶
天贼	辰酉寅未子巳戌卯申丑午亥	占出行求财
地贼	丑子亥戌酉申未午巳辰卯寅	家宅忌
大盗	青龙同	主失盗
大败	沐浴杀同	占行师忌动
折伤	酉午卯子酉午卯子酉午卯子	出行防跌扑
天讼	朱雀同	占讼凶
槌门官符	寅子戌申午辰寅子戌申午辰	主官讼猝至
关神	丑丑丑辰辰辰未未未戌戌戌	世在艮宫者
锁神	巳巳巳申申申亥亥亥寅寅寅	愈凶主入狱
天牢	丑寅卯辰巳午未申酉戌亥子	讼主囚禁
天狱	亥申巳寅亥申巳寅亥申巳寅	讼主囚禁
地狱	戌酉申未午巳辰卯寅丑子亥	讼主囚禁
入狱	三丘同	占讼凶
出狱	天皇书同	占囚禁得出
天刑	朱雀同	病讼大凶
月奸	丑辰未戌丑辰未戌丑辰未戌	主阴贼侵算
旌旗	卯卯卯子子子酉酉酉午午午	病直
土瘟	辰巳午未申酉戌亥子丑寅卯	主灾病牵延
天罡	辰巳辰巳寅卯辰巳寅卯寅卯	主渔猎得财
死神	朱雀同	病者死
白衣杀	辰未丑辰未丑辰未丑辰未丑	主丁忧病死
飞魂	玄武同	病凶
丧车	酉酉酉子子子卯卯卯午午午	病凶
鰥寡	入狱杀同	占婚姻忌

刀砧	玄武同	占六畜忌
隔神	亥酉未巳卯午亥酉未巳卯午	主事多阻隔失物难寻
退悔	未未未丑丑丑巳巳巳戌戌戌	主退悔不成
暗金	巳酉丑巳酉丑巳酉丑巳酉丑	占产忌
天地神杀	卯卯卯午午午酉酉酉子子子	占难产喜动
血忌	丑未寅申卯酉辰戌巳亥午子	主产难针灸忌
血支	勾陈同	岁月日同主产厄
月厌	地狱同	占产行师忌
负结	亥亥丑丑卯卯巳巳未未酉酉	负鬼神食凶忌逼索苛求
天猪	亥戌酉申未午巳辰卯寅丑子	主猪畜恠病
天牛	地贼同	主牛畜病损
孤神	生气同	
天哑	申酉辰未亥卯寅巳戌丑子午	忌加鬼动
云聋	白虎同	

## 岁月日同用神煞

太阳	太阴	天杀	地杀	五鬼	官符	病符	驿马
咸池	天狗	二耗	丧门	吊客	天哭	亡神	劫杀
日	甲乙丙丁戊己庚辛壬癸						
天赦	卯亥酉未巳卯亥酉未巳						
日解	巳申寅丑酉巳申寅丑酉						
内解	巳巳申申寅寅酉酉卯卯						
喝散	寅申巳亥巳寅申巳亥巳						
日下大杀	亥亥未未戌戌寅寅巳巳						
墓门开杀	金金水水木木火火土土						
地蹇	午午酉酉卯巳寅寅巳戌						
月盲	申申未未寅寅午午辰辰						
火乡	子亥卯未寅卯午巳丑未						
红艳	午申寅未辰辰戌酉子申						

百事无忧  
讼散事宁  
讼散病痊  
公私皆散占婚忌  
占家宅凶百事不吉  
主病死破财  
忌与孤惊并动  
加马动主极淫

卦中吉凶神煞，有气叠带者，若不犯旬空灾福应重，只一重者，灾福应轻，而无气空亡者不应。

## 时下白虎

子 丑 寅 卯 辰 巳 午 未 申 酉 戌 亥  
寅 辰 午 申 戌 子 寅 辰 午 申 戌 子

## 进神退神

甲子甲午为阳进神，巳卯巳酉为阴进神。又亥化子，丑化辰，寅化卯，巳化午，未化戌，申化酉，俱是遇进神，则吉盛凶多也。壬辰壬戌曰阳退神，丁丑丁未曰阴退神。又子变亥，辰变丑，卯变寅，午变巳，戌变未，酉变申，俱是遇退神，则凶衰吉灭也。

## 太岁歌

太岁神中此独尊，生持万恶不能侵。若来冲克身和世，灾孽交加御不成。太岁居阳持世应，并持贵煞配官爻，更兼得位逢生旺，爵禄荣高神鬼钦。入岁临官持世身，仕途迁转得高升。庶人身世逢冲克，狱讼徒流灾难侵。太岁兄持世与身，财妻两获讼终赢。如来冲克应遭盗，失产伤财妻命倾。太岁父母临身世，营谋动作皆如意。冲克幼丁当损失，六畜田蚕皆不利。太岁子孙持身世，后嗣荣昌财帛利。官方不扰病灾消，偃蹇功名难遂意。太岁妻财持身世，富比陶朱仓廩备。因妻仕宦荷光荣，克害双亲祸难避。（出唐一行）

子房筮法曰，太岁为天子之尊，占命，主一生之荣枯。占年管一载之休咎，若加贵马德合福禄龙喜生气，升爻在官印阳爻，旺相得位者，主极富贵终始无亏，威德声名，遐迩具瞻，神鬼奸邪，不敢侵犯，不忌日旬空亡，月日刑破，虽居死墓绝胎四凶之爻，亦不降祸。如占一年者，则仕宦一岁安荣，庶人一载顺利。若太岁加忌神、兄、鬼、蛇、虎、亡、劫、毛头、天祸、天杀、死气，降爻，并刑刃破害空动者，主凶灾叠至，一世无成。如占一年者，则损丁破财，灾祸接迹，终岁不宁也。

## 天中煞

甲子中旬空戌亥，甲戌旬中空申酉，甲申旬中空午未，甲午旬中空辰巳，甲辰旬中空寅卯，甲寅旬中空子丑。

## 附刃星辨

刃星者，即劫财也，如甲以卯为刃，卯中有乙木之财，故为阳刃，乙以寅为刃，寅中有甲木，劫乙木之财，故为阴刃。丙以午为刃，午中有丁火，丁以巳为刃，巳中有丙火，戊以午为刃，午中有己土，己以巳为刃，巳中有戊土。庚以酉为刃，酉中有辛金，辛以申为刃，申中有庚金。壬以子为刃，子中有癸水，癸以亥为刃，亥中有壬水，为劫财也，故阳干为阳刃，阴干为阴刃。今人不明阴阳生死之义，误作羊刃，又说无阴刃，错以禄前一位用之，刃星所以不验也。不知乙以辰为刃，辰中藏乙木，乙见乙为比和，安能劫我之财乎。

## 附贵马德合辨

天乙贵人，为众杀之主。主持极为贵要，乘马则贵超伦类，扶德则声振环区，并官爻者，职任阿衡，值太岁者，权膺方面。在乾宫名金阙，在亥爻，为登天门，在丑未爻，为入宫阙，尤称奇特。在壬申爻，曰玉堂，主词林清要，声名熠熠。在壬戌爻，为降官，虽不及玉堂之福，亦主尊高好学，清雅博识。在坤曰黄宫，生有至德。惟在巽宫，名曰地极，在辛卯爻，名励德，亦名涉难，在辛巳爻，名升华，皆灭其贵气。若乃贵人偏历六爻，更世爻旺相得位，而无刑破，则文居台阁。武镇边疆，而为非凡之福也。抑四直之贵，年之力大如月，月之力大如日，日之力大如时，仍须分昼夜所治。世属卯辰巳午未申，则取昼贵。世属酉戌亥子丑寅，则取夜贵，定昼夜贵人例甲戌庚，丑为昼贵，未为夜贵，乙己子为昼贵，申为夜贵，丙丁亥为昼贵，酉为夜贵，壬癸巳为昼贵，卯为夜贵，六辛，午为昼贵，寅为夜贵也。阳贵宜旦昼，冬至后，阴贵宜暮夜，夏至后。

驿马于四直支神取之，若得四马聚于初爻，为福非浅。若与官贵并立，当出将入相，富贵殊绝。然而马亦有辨，寅申属阳，牡马也，力健而疾速。巳亥属阴，牝马也，驽钝而不可致远。又马为火畜，寅则长生，（火长生在寅），巳为临官，此二马为福最多。申乃病乡，亥为绝地，斯则赐恩减半。又宜在世之后，不宜在世之前。世逐马者，一生劳碌。马逐世者，安享荣华。马走旺官，仕宦超凡。马行衰地，士民拮据。马值空亡，定居尘市。又申年寅马，是岁刑马也。寅年申马，是马刑岁也。若马临世爻，又配官鬼，更犯岁月日破克刑官，虽主贵有重禄，遇限爻刑害破克死绝墓胎之年，必遭刑戮而死，或服毒药而死也。

德有四，有天德，月德，干德，支德。一德可以让百恶，解百忧，无求不得，无欲不遂。德在阳爻，尊崇贵达。德居阴位，勤俭恭庄。德并贵煞，富贵康宁。匿刑胜德，不免死亡。如甲寅年月日卜，世居己木，甲与己合，寅德在未，谓之德合相见。庚申年月日世在乙丑亦同。若乙丑卜，世在庚申，己未卜，世在甲寅，名曰阳德，如此之类。尤加喜庆，更得四直来相生合，不犯刑破空亡，

则五福备而百禄遒矣。其次者，三传在丙辰，世在辛酉，辰德在酉。丙与辛合，亦名德合相扶。三传在壬戌，世在丁卯，戌德在卯。丁与壬合，又名德合相扶，但以卯酉二爻，干德不临，故名孤德。辰戌二爻，贵人驿马不临，故名弱德。又辰酉二爻为匿刑，纵遇其德，亦为刑德相合也。故辰戌卯酉四爻，纵遇岁月日德，犹不能致大福。虽有官爵，不得显达。或犯刑伤，反为殃咎。又子午巳亥四爻，凶德互处。午亥二爻为匿刑，惟丙午年月日卜者，世在辛亥爻，丙与辛合，午德在亥，方可有福。辛丑年月日卜，世在丙午者亦然。但许依尊附贵而求仕，若犯刑害克破，则淹抑难进也。子巳二爻，惟壬子年月日卜者，世居丁巳爻，丁与壬合，尽贵在巳，子德在己。己巳年月日卜，世得甲子爻者亦然，俱名贵人扶德合，却无匿刑之凶。若居阳爻，得位旺财，必主绵长之福也，大抵德犯匿刑，尚不能致福，况有刑无德者乎又凡克中遇德者，其祸稍轻。如卯克戌，子克巳，寅克未，申克卯，亥克午，酉克寅，辰克亥是也。

合以六合为上，三合次之。凡合我为顺为助，其于成事也速。若合处逢冲则散，动中带合则迟。然而合亦有辨，如卯合戌，子合丑，合中带克，还成半凶。戌来合卯，我必欺他，当为吉也。辰合酉，午合未，亥合寅，合处带生，必获全福。如未来合午，寅来合亥，酉来合辰，终嫌泄我之气，乃为半吉。巳来合申，金生在巳，不可言克，一见寅动，乃是三刑之煞，毫无合气，此祸大凶。申来合巳，刑处带生，半作吉祥。又有合被变爻刑冲之而不合者，有无合化出有合者，又有干支俱合者，名为天地合德，见伤不伤也。三合以中一字为主，前一字生而主发，后一字墓而主藏，三字俱全，为真三合。且以巳酉丑金局论之，酉为主也，有巳酉而无丑，虽成金局，而少收藏，事主有始而无终。有酉丑而无巳，亦成金局，嫌少根源，事必先难而后易。若有巳丑而无酉者，金象既无，焉能成局。寅午戌火局，亥卯未木局，申子辰水局，仿此。又刑杀不宜带合，盖刑杀本凶，带合尤甚也。

## 刑害破空辩

阳气为德，阴气为刑，故刑为杀气，为殃祸，刑合凶神，必主忧危死折也。刑居阴，则奸险贪残。刑居阳，则刚暴强横。三刑者，寅刑巳，巳刑申，不逊之刑也。丑刑戌，戌刑未，恃势之刑也。（三字不全者不成刑）。子刑卯，卯刑子，无礼之刑也。辰、午、酉、亥，为自刑也。（不必再见辰酉亥来刑）。凡世爻带刑，得月日，与动爻，或变爻临旺福来冲克，庶几先凶后吉。惟辰午酉亥为匿刑，纵有贵杀，亦不可解。

六害者，未以旺土害，各恃临官之才，而争进相害也。卯以旺木凌辰之死土，此少害长也。戌以墓火，害酉之旺金，名为鬼害也。凡世爻受害者各以其类断之。

冲破之爻，岁破之祸大于月，月破之祸大于日，日破之祸大于时。逢生不受，遇祸能招。又静逢冲为动，动逢冲为破。旺相逢冲则发，休囚逢冲则散也。又黄金策总断注曰，如子日卜，子日冲午爻，若卦有两午爻，则不能冲矣。他如二丑则子不能合，二卯则子不能刑，二巳则子不能克，二子则日不能并，亦然，余仿此。

空亡之爻，凶空则为天赦，吉空则为天废，福不能为喜庆，祸亦不致死亡。世爻逢之，但主沉滞不快耳。六亲逢之，旺相祸轻，休囚祸重也。二月金，八月木，子月火，为真空也。又曰，旺相空中过一句。又曰，伏藏不论空亡。又曰空逢冲则实。惟月破之爻，永不可救。又曰空中动出不为空。五星秘要曰，土空，谓之土陷山崩，主退败，会火动，则为补缺填凹。金动，则为山耀宝山，又主名成利遂。木空谓之枯枝落叶，会金动，则斩削成材。火动则焚毁成烬，水动，则漂槎泛筏，不免漂荡之祸。水空，谓之长江流荡，退败无余，会金动，则洪水泛滥。主灾生不测，金空，谓之烂铁锈斧。会火动，则熔炼成器，主名利有成，火空谓之离中火虚，燭火大明，反主发达。

## 以钱代蓍说

以钱三文，熏于炉上，致敬而祝曰，高苍不言，叩之即应，列圣有灵，感而自通，某姓虔诚，有事关心，狐疑犹豫，不能自决，吉得凶失，惟卦是凭，仰望圣慈，明彰昭报，祝毕，掷钱一背为单画一横，二背为拆画两短横，三背为重画○，纯字为交画X，自下而上，三卦成，再祝曰，某宫二象，吉凶未判，再求某象三爻，以成一卦，以决忧疑，祝毕复三掷，合成一卦。

## 卦命诀

卯酉持世命居初， 辰未持世命居二；

巳午持世命居三， 子卯持世命居四；

丑戌持世命居五， 寅申持世命居六。

## 以钱代蓍说


焦延寿曰，今人以蓍草难得，用金钱代之。法固简易，非其类矣。求蓍之代者，太极丸其庶几乎。考诸阴阳老少之数则合，质诸成爻成卦之变则符。合二三得五，是五行之数也。计一丸得十五，是河图中宫十五之数，洛书纵横十五之数也。刑同六合，道备三才，甚矣，木丸之似蓍草也。则犹从其类也，金钱简易云乎哉。

制太极丸法

（汉焦氏遗法，宋程朱邵子遵之，详载三儒理数集）

用霹雳枣木，如无霹雳枣木，则可用香木玉牙，制极圆弹三丸，走盘不定者，方取面务要平匀。如骰子形，但骰面大，而此弹面小，取其圆滚之义也。每面上刻三星，底面刻二星，三面刻三，三面刻二，六面共刻十五星，三丸俱如式制。

八卦方辰之图



## 占戒

昏德不占，凡占须齐心漱沐，始能感格，苟或不尔，难为响应。一随日可占，诚则必应，不拘子不问卜，及六戊不占之说，此条在后。

渎言不占，凡卜后吉凶，悉凭爻象，毋率己意，吉处虑某，凶中求吉，再覆再占，致渎先圣。

烦琐不占，每人止卜一二事，诗曰，我龟既厌，不我告劳，易曰，再三渎，渎则不告。

阴邪不占，先圣有灵，但能扶正，决不党邪。

躁急不占，凡卜异详休咎，可用避趋，卜后须从某推某始从卦爻直断，理必探玄，谭何庸易。

## 身命占

游南子曰，凡占身命，有三重焉，世爻，身爻，（月卦），与本命爻，是也。先看命爻，如甲子年生人，本命属子，最喜命爻上卦。命爻与世身二爻相生相合，主衣禄安享，或禄马德贵临扶世身命爻，主荣华发达。如世持财禄龙喜，则田庄之乐也。如逢禄空财没，会岁月日刑冲克害世身命爻者，必衣食不丰，分苦劳碌也。若世身命爻逢官鬼，带破碎煞者，必破相。加劫杀羊刃、天刑、大煞者，必带疾。伏鬼、化鬼、与鬼动来刑冲克害世身命爻者，亦然也。详现于后。流年太岁，与大限，小限，生合身世命爻吉，刑冲克害身世命爻凶。占时四直生合世身命爻吉，刑冲克害凶。（管公口诀以干支同论）。世身命爻伏财福，化财福吉。伏兄鬼，化兄鬼，则家业冰消也。伏父化父，则财源进退，心力焦劳也。亡神并墓，则立见悲凄也。随官入墓，则灾祸牵缠也。助鬼伤身，则财色受累也。月破世爻，必犯殇夭也。岁冲身位，定生疾厄也。又金命畏水火鬼，不畏木土鬼。木命畏金火鬼，不畏水土鬼。水命畏木土鬼，不畏金火鬼。火命畏水土鬼，不畏木金鬼。土命畏木金鬼，不畏水火鬼也。

管公运限口诀曰，老宜入墓，少则不宜。死墓之年，多惹官非孝服。胎养之岁，必见六畜成群。帝旺大宜进步。沐浴必起讼端。冠带吉神，不宜冲克，临官凶曜，最喜相扶。衰则逢旺而达，病则遇生而安。绝处逢生者发，墓中值破者兴。生官一旺，便可荣身。太岁与命，喜合嫌冲，太岁与运，爱生忌克，克冲相合，定见刑伤也。

按管公身命口诀，命以纳音为主，如甲子乙丑生人纳音属金，则为金命，其与运限及流年太岁相配处，而论长生诀以定灾福，与诸书以生年支神为命爻者异，附添。

## 鬼谷分爻

六爻 乐隐

五爻 谋为

四爻 发达

三爻 竖立

二爻 成童

初爻 胎养

凡分爻带吉神而旺相无伤，与身世命爻生合者，便是得意处。若休囚带凶杀，或受伤，及与身世命爻刑冲克害者，便是失意时也。又管公口诀曰，初爻二爻旺相，落地发财。三爻四爻休囚，中年蹭蹬。五爻六爻兴隆，老景荣华。

## 身命八要

游南子曰，占身命者，其要有八。祖业看大象，高卑看世位，刚柔看阴阳，六亲看用神，贵贱贫富看神煞，祸福看六神，吉凶看三限，发用看流年太岁也。

## 一、祖业

大象为生时之基本，大象旺相，生时家道荣昌。大象休囚，此际资囊萧索。故伏藏之卦无本宫大象者，必无祖业也。若象旺而爻亦旺者，为全备之福也。

### 附八卦配节气旺衰式

旺相胎没死囚休废		旺相胎没死囚休废	
立冬	乾坎艮震巽离坤兑	冬至	坎艮震巽离坤兑乾
立春	艮震巽离坤兑乾坎	春分	震巽离坤兑乾坎艮
立夏	巽离坤兑乾坎艮震	夏至	离坤兑乾坎艮震巽
立秋	坤兑乾坎艮震巽离	秋分	兑乾坎艮震巽离坤

## 二、世位

凡世带贵马德合，（于四直上取之），加龙喜旺相得位者，富贵也。临亡劫刑刃白虎，被刑害冲克，更死墓绝胎者，若无福德解神救之，必贫贱无成也。世则有难，旺则病而衰则死也。得日辰动爻冲克，庶几免死，终身作事，百不一成也。身命要略曰世怕休囚，身宜旺相。喜生中更合，畏合处又冲。富贵者，他来生我，贫贱者，我去生他，显达者官星得地，荣华者印曜归垣。库积万金，

只是财星得所。家徒四壁，盖因兄旺当先。世入墓乡，到老求谋多戾。卦身两动，一生起倒无恒。世克休财，虽富不厚。身伤衰鬼，虽官不高。龙鬼扶身，功名得志。蛇孙值世，势业如心。未龙世动得子，初年当早达。金虎财空，伤妻青景运来迟。官旺无财，仅一时之富贵。财兴鬼缺，只瞬息之荣华。内卦有财外卦无，先富后贫。内卦无财外卦有，先贫后富。旺相官爻化墓胎，（胎为小墓），初贵后贱。死绝官爻化生旺，初贱后荣。六冲则诸事虚花。六合则百般稳实。正变六冲，没齿不成一事。后先六合，终身享尽荣华。世强无助，自己支持。世弱得扶，因人竖立。欲知谁氏欺凌，但看何爻克世。要识何人庇覆，只观何象生身。日時扶合，偏得力于小人。岁月克冲，每见嗔于上位，进一步，兄弟化财，退一步，财爻化弟。年安一年，惟见子孙逢禄马。月安一月，定然福德值青龙。土空而无田地，父空而无住场。世冲父母，幼失双亲。世合文书，长得一命。子空者绝，财空者鰥。鬼空者寡，兄空者主只力也，此终身之占也。若问一年之灾福，但以岁月日時之生合冲克断之。如四直，带财生合世，必增财进禄。带福生合，有婚姻孕育喜庆事。带兄生合，有朋友兄弟扶持。带父生合，得尊长提拔。带鬼生合，必有贵人荐举，或公门中有得意之事。带财刑冲克害世，必因贪财好色致祸。带福伤世，世旺，则因酒色致病。世衰，则因酒色亡身也。或福动化鬼，鬼动化福伤世，更与文书同动，必因酒色致讼。要分酒色，但遇龙为酒，遇武为色也。带兄伤世，主兄弟朋友争讼破财。带父伤世，主尊长屋产，坟墓，船车，衣服，起祸。带鬼伤世，或世持静鬼，四直冲并动者，主有不测灾来。以六神定其何事。巳上吉凶，在太岁，则岁内事。在月将，则月内事。在日辰，则本日事。在时建，则时下事。如不带四直，而动爻生合刑冲克害世者，当分衰旺。旺相能生克休囚，休囚不能生克旺相。其益我伤我之期，以动爻生旺月日定之。如卦静无动来生克者，即将一岁分四季。如木带吉神，春季见喜。火鬼见煞，夏季生灾。金值妻财，秋宜得利。水逢兄弟，冬必破财。土爻若带吉凶，各随司令决断。辰三月，未六月，戌九月，丑十二月也。若值空亡，吉空则凶，凶空反吉也。又值子孙月日，吉旺，则朋侪讲习。凶衰则争竞失财也。值妻财月日，吉旺则饮食宴乐。凶衰则破伤印绶。此流年之占也。

归藏易曰，六为朝廷五天子，四是侯伯三公卿，二应五爻为大夫，初体最卑象民庶。六爻惟初最下，世如居此，发必后期，多为市井而困于里巷。虽贵马临之，亦有福德而难显达。六位最高，世如值之，恒成高岗而匿影于林泉。三为公卿，内卦之太过也，动与时逢，故多凶。四乃侯伯，外卦之不及也。淹抑稽迟，故多惧。惟二爻、五爻，为中正之位。得位者，在上而治人。失位者，在下而治于人也。一世四世，同居下体，然初体尤居最下也。（出管公照心神鉴经）。

### 三、阴阳

世在阳宫，谋为显达。身居阴象，行事卑汙。故阳主慧明，阴主拙暗。得阳刚，可以当九五之尊。若阴柔而窃尊位，亦羊质而虎皮耳。至阴柔而当三六之凶爻，鲜不倾覆败亡者。是以五行在世，各不同科。阴金刑伤狠戾，阳金正直坚刚。阴木贪残克剥，阳木华藻文词。阴水谲诈猖狂，阳水材能聪敏。阴火执滞固陋，阳火强敏文明。阴土愚鲁拙钝，阳土忠信质诚。此刚柔之所分也。

## 四、六亲

游南子曰，卦中六亲，有有者，有无者，有真者，有假者，有真中之假，有假中之假者。如纯乾卦，六亲皆有也，皆真也。如乾宫风地观卦，六亲皆假也。有官鬼父母妻财，无兄弟子孙也。又如山地剥卦，外艮丙戌土为父母，丙子水为子孙，丙寅木为妻财，乾宫有戌子寅三爻，乃真中之假。内坤乙未土为父母，乙巳火为官鬼，乙卯木为妻财，乾宫无未巳卯三爻，乃假中之假。据此而推，则一本九族，别于内外矣。为亲为疏，别于真假矣。父母之亲晚，兄弟之真义，夫妇之偏正，子孙之嫡庶，别于真中之假，假中之假矣。然则宅居之或有或无，属人属己，岂外是而推也哉。

### 六亲取用式

内亲以内卦本宫出现者为真，如内卦不现，则看内卦之伏神。如不现，又无伏者，则取飞宫论之。外亲以外卦本宫出现者为真，如外卦不现，则看外卦之伏神，更若无伏神，亦取飞宫论之。

### 内卦本宫六亲

阳宫祖也，阴宫祖妣也。阳父，父也。阴父，母也。阳兄，兄也。阴兄，弟与姐妹也。阳子，男也。阴子，女与媳也。阳财，妻也。阴财妾也。

### 外卦本宫六亲

阳宫，外祖也。阴宫，外祖母也。阳父，岳父，母舅，姑夫也。阴父，岳母，舅母，姑娘，母姨也。阳兄，表兄弟也。阴兄，表姐妹也。阳子，女婿，表侄，外甥也。阴子，表侄女甥女了也。阳财，表嫂也。阴财，表弟妇，或表兄弟之妾也。

### 六亲取飞宫法

飞位以世为主而推之。生世为父，父克为母。生父为祖，祖克为祖妣。父比为伯叔，伯克为姆，叔克为婶。世比为兄弟，兄克为嫂，弟克为弟妇。世克为妻，妻克为妾，妻生为女，克女为婿，婿

生为甥，女生为甥女。世生为子，长子之前爻为次子，次子之前爻为三子，子克为媳，子生为孙，媳生为孙女，孙克为孙媳，孙生为玄孙。以此推之，罔不周悉。入生乡者吉，入忌乡者凶。（如父入财方，兄入鬼爻也）。休空者必远离，鬼杀者必带疾。大问小从世前一位数上去，小问大从世下一位数下去。俱以一水二火三木四金五土之数，数到之爻即取为用也。刘青田曰，数定之六亲，显而有准，此法熟玩，祸福自真是也。

### 黄金策分爻

六爻 曾祖

五爻 父

四爻 祖妻 妻

三爻 曾祖妣 伯叔 兄弟

二爻 母

初爻 祖 姐 子

按飞数之法，以分宫为主。如问高祖，从曾祖位起飞数。问伯祖叔祖，从祖位起飞数。问堂兄弟，从伯叔位起飞数。各随大小，分上下，依五行生数轮飞，以定用爻，余仿此，此推缙功远亲之法。

### 世属土爻

高祖属金，曾祖属水，祖属木，伯祖叔祖属木，高祖妣木，曾祖妣火，祖妣土，伯叔祖母属土，伯叔堂伯叔火，父属火，兄弟堂兄弟属土，子侄属金，姆婢堂姆婢金，母属金，妻嫂弟妇嫂妹妻妾属火，媳侄妇女属水，孙属水，孙媳孙女火，曾孙属木。（已上内亲）

外祖属木，母舅岳父姑夫属火，表兄内弟姐妹夫属土，外祖母土，舅母岳母姑娘属金，表嫂表姨表姐妹属水，表侄外甥属金，表侄妇甥媳甥女属木。（已上外亲）

### 世属木爻

高祖属火，曾祖属土，祖属金，伯祖叔祖属金，高祖妣金，曾祖妣木，祖妣木，伯叔祖母属木，伯叔堂伯叔属水，父属水，兄弟堂兄弟属木，子侄火，姆婢堂姆婢属火，母属火，妻嫂弟妇姐妹土，妾属水，媳侄妇女属金，孙属土，孙女孙媳属水，曾孙金。（已上内亲）

外祖属金，母舅岳父姑夫属水，表兄内弟姐妹夫属木，外祖妣木，舅母岳母姑娘属火，表嫂妻

姨表姐妹属土，表侄外甥属金，表侄妇甥女甥媳属木。（已上外亲）

### 世属水爻

高祖属木，曾祖属火，祖属土，伯祖叔祖属土，高祖妣土，曾祖妣金，祖妣土，伯叔祖母属水，伯叔堂伯叔属金，父属金，兄弟堂兄弟属水，子侄木，母婢堂姆婢属木，母属木，妻姐妹嫂弟妇火，妾属金，媳侄妇女属土，孙属火，孙女孙媳金，曾孙属土。（已上内亲）

外祖属土，母舅岳父姑夫属金，内兄表兄弟姐妹夫属水，外祖母水，舅母岳母姑娘属木，表嫂妻姨表姐妹属火，表侄外甥属木，表侄妇甥女甥媳属土。（已上外亲）

### 世属金爻

高祖属水，曾祖属木，祖属火，伯祖叔祖属火，高祖妣火，曾祖妣土，祖妣金，伯叔祖母属金，伯叔堂伯叔属土，父属土，兄弟堂兄弟属金，子侄木，姆婢堂姆婢属水，母属水，妻嫂弟妇姐妹木，妾属土，女媳侄妇火，孙属木，孙女孙媳属土，曾孙属火。（已上内亲）

外祖属火，母舅岳母姑夫属土，表弟内兄姐妹夫属金，外祖妣金，舅母岳母姑娘属水，表嫂妻姨表姐妹属木，表外侄甥属水，甥女甥媳表侄妇火。（已上外亲）

### 世属火爻

高祖属土，曾祖属金，祖属水，伯祖叔祖属水，高祖妣水，曾祖妣木，祖妣火，伯叔祖母属火，伯叔堂伯叔属木，父属木，兄弟堂兄弟属火，子侄土，姆婢堂姆婢属土，母属土，妻嫂弟妇姐妹金，妾属木，女媳侄妇水，孙属金，孙女孙媳属木，曾孙属水。（已上内亲）

外祖属水，母舅岳父姑夫属木，内兄表兄弟姐妹夫属火，外祖母火，舅母岳母姑娘属土，表嫂表弟妇妻姨属金，表侄外甥属土，甥媳甥女表侄妇属水。（已上外亲）

### 断高曾祖

高祖从曾祖位下飞，曾祖从祖位下飞。如祖位值旬空月破，则看曾祖分宫祖看内卦本宫官鬼爻。如内卦鬼不现，看内卦伏神。如不现，又不伏，取父下一位起数飞之，飞位既定。后看某爻带吉生旺，则知某祖起家。看某祖来生合世身，则知承某祖基业。如某祖爻衰空，带破碎二耗暴败等杀，则知祖业飘零，必须自成自立也。祖宗富贵贫贱详见于后，故不载。再看某祖之子孙，逢刑害克破空亡，带破碎二耗暴败煞者，便知某枝子孙破败家业。如子孙爻带禄马，官鬼德合，旺相得仕者，

便知是枝子孙发达。如值空亡墓绝而带白虎刑刃，又被四直动爻克破者，则知是枝绝也。但逢衰败破耗，不见财禄，持兄伏兄者，则不绝而贫也。燃犀集曰，本宫鬼空者无祖业也，鬼旺父衰者，祖兴父败也。鬼衰父旺者，祖败父兴也。鬼在外爻遇煞，祖亡他郡也。鬼临五六煞墓，（丁未戊戌），客葬外邦也。

### 断亡祖行位第几物故何年

以本宫官鬼为用也，如庚寅年，卜得火风鼎卦，本宫己亥鬼伏三爻酉金之下，（不现则看伏鬼），己亥逆数至本旬甲午，乃第六位也，再从庚寅年，逆数至己亥，便知某祖死五十年矣。（出袁客师占验日录）

### 附六十甲子纳音例

甲子乙丑金，丙寅丁卯火，戊辰己巳木，庚午辛未土，壬申癸酉金，戌亥空。

甲戌乙亥火，丙子丁丑水，戊寅己卯土，庚辰辛巳金，壬午癸未木，申酉空。

甲申乙酉水，丙戌丁亥土，戊子己丑火，庚寅辛卯木，壬辰癸巳水，午未空。

甲午乙未金，丙申丁酉火，戊戌己亥木，庚子辛丑土，壬寅癸卯金，辰巳空。

甲辰乙巳火，丙午丁未水，戊申己酉土，庚戌辛亥金，壬子癸丑木，寅卯空。

甲寅乙卯水，丙辰丁巳土，戊午己未火，庚申辛酉木，壬戌癸亥水，子丑空。

### 断父母

看内卦出现父母爻，不论外卦，如无，看伏。若旺静而不受二传动爻刑害克冲，与衰静而遇三传（岁月日），动爻生合者，俱主双寿。以爻静者不必论阴阳真假也，若逢死墓绝胎旬空死气，被三传动爻刑害克冲者，决主有失。又财爻持世动，或财爻独发，或卦有财无父者，俱主少年伤克，否亦离祖过房。如财爻旁动，或持世不动，而父母不空绝者，惟主父子不睦耳。若问父母何人先亡，须以真假论之，阳宫阳爻为真父，阳宫阴爻为继父。阴宫阴爻为真母，阴宫阳爻为继母。傍爻带天杀，并虎刑，动伤真阳爻者失父。带地杀并虎刑动伤真阴爻者失母。真阳爻带天煞动者，失父。真阴爻带地杀动者，失母。（继父母生死仿此断）。天纲曰，若动爻来冲并，则反断。阴动伤阳，阳动伤阴，并阳伤母，并阴伤父也。客师曰，何谓也，天纲曰，此非汝所知。如本宫父母不出现，即取内卦伏神，若又无伏，则取生世之爻为父，父克之爻为母。从世下一位，分一水二火三木四金五土之数飞之，亦分阴阳真假断之。如前法，凡飞爻父母入财乡，带死墓绝胎，被三传及世爻刑克者，

已故。看在何限内，并看刑克之爻，是何支神，即知是限中是年亡也。如子刑卯限，子克巳午，即知卯限中子年刑克也。（六亲仿此）。若父母爻持鬼，伏鬼，化鬼，与日月大杀羊刃合者，衰则带疾，旺必丧身。或父母爻空，或受刑害克冲，得月日会兄鬼动来合住者，主带疾延年。加孤寡杀动来生合，主孤苦延年。如太岁动来冲刑，年内有灾。月将动来冲刑，月中见灾。得龙福动来解救，庶免大咎也。凡父母富贵，贫贱，带疾祸福俱与世爻断法相同也。

前知集论继父母曰。阳父众，继父成家。阴父众，继母管活。父化父，母化母，生合世爻者，在本宫内卦，伯叔姆婢继也。在本宫外卦，姑夫母舅母姨表叔继也。父母化鬼生合世者，祖辈继也。父母化兄生合世者，兄嫂表姐妹继也。父母化福生合世者，僧尼继也。父母化财生合世者，得绝户应继产业也。内亲，外亲，各以本宫内外卦，分亲疏尊卑断之。若他宫内卦，父母化出六亲来生合世者，乡里继也。他宫外卦，父母化出六亲来生合世者，远方人继也。以变卦定其何方，以神煞分其贵贱富贫也。又曰，父下伏子者，绝嗣也。否亦离祖过房入赘也。父下伏财并玄武咸池者，必父有偏房宠妾也。伏生飞吉，飞生伏凶。（此论飞宫）。鬼谷百问篇曰，人有几母，看本宫阴爻父母，在变卦互卦，伏卦，内爻中者，其有几位，即知其有几重。若飞数，则看父克之爻，共有几位，即知其有几母也。如乾宫土为父，父克者水，为母也。看本宫飞伏化爻，共有几水，即知其几母也。年月日时上见水者，为庶母也。若爻逢旬空死墓绝胎者，则不依此断。

## 断兄弟

先看内卦出现兄弟爻，不论外卦，不见则取伏，多少之数，以一水二火三木四金五土推之。旺相加倍，休如数，囚死减半，空绝者无也。兄爻旺相，而与三传生合者，必连枝茂盛，雍和友爱也。旺而遇三传冲克者，则减福也。兄爻衰而逢冲并刑克者，只身也。兄爻虽旺，而逢旁爻，伏爻，化爻，刑害克冲者，有而无情也。鬼持世动，与鬼爻独发，或卦内有鬼无兄者，俱主刑克也，否亦分离也。若鬼爻旁动，或持世不动，亦主不睦也。又兄动生合世身者，多恩义。刑冲克害身世者，必不睦也。如内卦兄弟爻，不现，又不伏，方取与世比肩之爻为兄弟。从世上飞数之，兄世后一位逆起，弟世前一位顺起。兄位退一为次兄，退二为三兄。弟位前一为二弟，前二为三弟，皆分阴阳真假论之。带禄马德贵者贵，加财子福禄者富，加沐浴咸池者贱，带破碎耗败者贫，休空受伤者死，若休空受伤，得月日父福动来合住者，主带疾延年也。兄爻持鬼伏鬼，化鬼者灾病，空则无妨也。岁动刑冲，其年有灾。月动刑冲，月内有灾。得龙福解神动来冲克，庶免大咎也。若问兄弟孰存孰亡，须分真假论之。阳宫阳爻为真兄，阴宫阴爻为真弟。阳宫阴爻为女兄，阴宫阳爻为女弟。真阳爻起兄，后一位为次兄，后二次为三兄。真阴爻起弟，前一位为次弟，前二位为三弟。阳空兄失，

阴空弟亡也。旁爻带月杀亡神动，劫杀动来刑并真阳爻者，兄失。刑并真阴爻者，弟亡也。若真阳真阴爻，带月杀匿刑（辰午酉亥），亡劫，动者亦主兄弟死也。如动爻来冲并，则反断，阴动伤阳，阳动伤阴。并阴伤兄，并阳伤弟也。凡兄弟富贵，贫贱，带疾，祸福，俱与世爻同断，详见于后。

### 断兄弟真假长幼

纯艮纯坤卦，有两爻兄弟，皆系本宫，乃真兄真弟也。大壮，蹇，亦有两爻兄弟，皆非本宫，乃假兄假弟也。泰，渐，各有两爻兄弟，乃真兄假弟也。（泰卦丑真辰假，渐卦辰真未假）。旅咸各有两爻兄弟，乃假兄真弟也。（旅卦午假巳真，咸卦申假酉真）。解卦，戌寅兄弟，震宫原有寅爻，乃真中之假。豫卦乙卯兄弟震宫无此卯爻，乃假中之假也。又如姤卦，申酉为兄弟，应爻隔断申酉，是两姓兄弟，兄真而弟假也。谦卦，申酉为兄弟，世爻隔断申酉，亦是两姓兄弟，申是兑宫所无，兄乃假中之假，酉为兑宫所有，弟则真中之假也（诸卦仿此）。又日辰并兄弟旺动合世者，必有继义兄弟也。陆德明指掌诀曰，兄不伏财，隔母所生。兄动化财，移桃接李。兄下伏父，各父共娘。兄居养位，定是螟蛉也。若问兄弟孰长孰幼，世临兄弟在阳爻者，己居长。在阴爻者，己卑幼也。又辰戌丑未为长（四墓），子午卯酉为次（四正），寅申巳亥为季（四生）。又本宫内卦，子寅辰午申戌为兄，丑亥酉未巳卯为弟，又阳爻为兄弟，阴爻为姐妹妯娌。本宫外卦，为姑表兄弟，他宫内外卦，为远近朋侪也。

耶律氏曰，若占兄弟畏三刑，旺相逢刑一二人，更复休囚同气少，旺加亡劫渐凋零。皮台峰曰，父爻生合兄弟，父当偏爱。母爻冲克兄弟，与母不协。妻子官鬼，（公姑），生合冲克亦然。旺相则甚，休囚则减也。又兄克之爻为嫂，弟克之爻为弟妇。临旺宫旺爻者，必多奩资而美姿容。加龙喜德贵者，必材德备而相夫子。若在门户爻动，（三爻门，四爻户），必把持门户。女作家公，若爻值衰空，非无妇，则贫穷也。

### 断妻妾

以本宫内卦出现妻财为主，不现，则看内卦伏神，如不现，又无伏，则取飞宫论之。以世克之爻为妻，妻克之爻为妾。又自占以应爻为正妻，即以应克之爻为妾，亦可也。如临阳宫阳爻，旺相带吉神者，必貌都丽而行贞洁，善主中馈也。临阴宫阴爻，衰墓带刑刃亡劫者，必丑陋无能而夭折也。若兄持世动，及兄爻独发，或卦有兄无财，或财爻无故自空者，俱主克妻也，否则分离。或财爻旺相自刑（财持辰午酉亥），主夫妻不睦，终见生离，以旺者不死离也。或兄爻旁动，及持世不动，而财爻不空者，亦主不睦也。或财动冲克世，与世应相刑害者，俱主夫妇无情也。世动，夫凌妻，

应动，妻欺夫，世应俱动，必常争斗，化爻相刑害者，亦然也。如财临死墓绝胎，加刑刃，兼兄动克者，主刑克三妻。若得月日生合，或可带疾延年也。飞爻财入兄乡，或应持兄动，遇月日刑害克破者，死也。若得旺相无伤，亦主妻不贤，好生是非，与妯娌不和，或不与夫主一心，多偷财物，私藏匿己，漏去他家也。妻爻生合父母者，敬事公姑也。生合兄弟者，妯娌和好也。生合子孙者，善抚卑幼也。冲克父母兄弟子孙者，反是。若妻居五爻尊位，生合世爻者，必掌管家事。女作家公，如冲克世爻及带岁月日破，与二耗暴败破碎杀者，必凌夫破家也。妻爻带玄武咸池红艳杀，加驿马动者，必恣意贪淫也。妻如合应爻旁爻，必与外人私通。会进神动来生合，则淫继无度。会退神动来合制，只眼去眉来，欲淫无实也，合逢空亦然。合若逢冲，被人撞见，虽淫不滥也。妻如暗动，合应爻旁爻，防有私奔之事也。兄弟合财者，兄私弟妇也。父母合财者，翁妇相通也。子孙合财者，义男共枕也。福动化鬼合财，财动化鬼合福亦然。（带咸池红艳杀者方可断之）。应爻与妻爻，如临兄弟，动化财来合世者，必姨妹同腔也。黄金策曰，合多而刑杀临身，女必为娼。涯泉摘锦曰，贵多则舞裙歌扇，合多则暗约偷期是也。（按中媾丑秽之行，本不欲载，只因暗室亏心者，自谓神人莫觉，殊不知卜筮能烛其奸也，故特志此以垂戒云）。若问人有几妻，几妾，但看正卦，伏卦，变卦，互卦中，有内卦妻财，执本宫者，与应爻持世，伏财化财者，不问旺衰德合有无，即断几妻几妾也。子寅辰午申戌阳爻者，为妻。丑亥酉未巳卯阴爻者，为妾也。一财一位，二财二位，三财三位也。又如内卦本宫一财，应爻又一财，二财并旺者，必两妻营活也。一空一旺者，会续一弦。二空一旺者，会续二弦。三空一旺者，会续三弦也。如两财俱旺，而一财带咸池杀者，必一偏一正也。看何爻与日月世爻生合，便知何人得宠操权也。

若问妻为闺女，为再醮，但看卦中一财不见鬼者闺女也。或财鬼相合，或财下伏鬼者，已见一夫。一财而二鬼相合，或财下伏鬼，又化鬼者，已见二夫。又卦有二鬼，一空一旺者，必再醮也。二鬼旺，而日月动爻刑冲克害财爻者，主生离改嫁也。黄金策曰，妻克世身重合应，妻必重婚。世应妻爻三合，当招偏正之夫。官众而诸凶不犯，妇当再醮。明睿抄本曰，男取身生为床帐（卦身所生之爻），女取身克为香闺。（卦身所克之爻）。香闺墓绝未谐配，床帐空亡未娶妻，此法神验，莫传匪人。

若问妻妾德色何如，妻临金色白净，身瘦小，性刚烈也。临木色青，身长，妖娆多态，性宽慢也。临火赤颜，身矮，性躁急也。临土色黄，身肥矮，性温和，为事迟慢也。临水色紫黑，身活动便捷，性和宽，衰急，动多机变，冲无主心，合无知觉也。妻持父寿高，伶俐，为掌家，能书算，为事分明也。妻持兄性损物，耗财，不招奴婢，旺相，破家好赌，妯娌不和也。妻持子性善，多识见，旺相，能掌家，生贵子，带雀，常诵经也。妻持财貌美，性安和，能掌家开铺，旺相益夫，有

财帛也。妻持官貌丑，性狠毒，旺相，好杀，带贵，有封荫也。财伏父下，为人尊重不苟也。财伏子下，性善不损物，喜打扮也。财伏兄下，貌丑，贪淫好赌也。财伏官下，性酷劣，有病，夫妻大吉也。阳卦阳爻，工巧无双也。阴卦阴爻，丑拙第一也。阳化入阴，幼巧而长拙也。阴化入阳，小陋而大姣也，详见性情容貌篇。

若问妻之富贵贫贱，未娶，则从父断，出嫁则从夫断，未娶之时，但看外卦本宫父母爻。如外卦父母不现，则看伏爻，若不现，又不伏，则以生妻之爻为妻母，克妻母之爻为岳父，并同本生父母分阴阳真假断之。妻父妻母爻，带禄马贵人，宦家女也。带财禄德福生气，富家女也。带咸池沐浴玄武休囚死气者，贫贱家女也。带虎贵，武职之女。带虎刃劫杀，军匠之女。带勾土旺相，田家女。带雀火旺财，牙人女。带玄武红艳，淫家女。带刑害亡劫无气，贱人女。加金虎刑刃，乃不务农业，而逐末者之女。蛇逢生旺，乃九流人之女。蛇逢冲并墓合，乃艺术人之女，以五行定其为何艺术也。衰败则贫，空绝则绝，生合世，则得其荫，刑害冲克世，则被其欺凌也。归藏易曰，妻临克位号重财，还是金爻入震来，贵煞会同当旺相，因妻受禄比三台。如震宫财爻，带白虎，白虎属金，又克震木，故谓重财。又如坤艮宫财爻，带青龙，青龙属木，又克坤艮土，亦为重财。乾兑宫财爻，带雀，离宫财爻带武，坎宫财爻，带勾蛇，皆是。若四直贵马德合，聚于初爻，更旺相居二五爻上，又得太岁相扶，而无刑破者，必为驸马仪宾也。若出嫁之后，妇人之贵贱贫富从夫，俱与世爻同断。

若问妻家远近娶妻迟早妻年长幼但妻财持世与出现，必住近而娶早也。伏藏不现者，住远而娶迟也。财与世爻同居一卦，近亲之女也。财与世爻被月日动爻变爻隔断者，必外郡人之女也。如乾卦戌世，寅财，或申爻午爻辰爻动，或月日并动申午辰爻，俱为隔断也。以八卦定其何方，以二十八宿定其何郡。如卦空爻空，则以财爻长生方定之也。凡财在二爻，（二为宅爻），谓之坐宅，必养媳妇，否亦贴邻女子也。又财合世身命爻者，娶妻必早也。至于妻阳世阴者，妻年长也。世阳妻阴者，妻年幼也。妻居辰戌丑未，长女也。居子午卯酉，中女也，居寅申巳亥，少女也。

## 断子孙

以内卦出现子孙爻为主，如内卦不现，则看伏神，若内卦不现，又无伏，方看飞宫。以世生之爻为长子，长子前初爻为次子，次子前初爻为三子，依一水，二火，三木，四金，五土之数推之。子生之爻为孙，阳爻多男，阴爻多女。生旺加龙喜者，才貌过人。加禄马贵人德合，旺相得位者，主有贵子。休囚加刑刃荒芜杀者，顽蠢不遵父命，不务生理，终必破家夭折。飞宫子入父乡，遇月日刑冲克害者，必死也。卦中父持世动，与父母独发，或有父无子，或子爻空墓死绝，或天狗白虎

相刑克并者，主无子，否亦移桃接李之脉也。如子临天狗白虎，得日月生合，主招迟而不孤也。若绝处无救，更带孤寡杀，鼓盆杀，（白虎），埋儿杀，（父母），动，断主无子送终也。如兄弟带亡劫动来刑并，谓之有子不送终。如得贵人禄马同乡，旺则凶杀不敢侵，主有贵子也。子爻逢贵人禄马旺动，化出文书者，文职。化出财福者异途。化出天医，太阴，并太岁相扶者，主当路显贵。分长幼挨次推之。便知何子发达。又论子孙出身，以学堂为主。看身位所属何爻，取长生为学堂。如身爻属火，火生寅，寅为学堂。身属水土，申为学堂。身属木，亥为学堂。身属金，巳为学堂也。若旺相无伤，加禄马龙贵德合，必学问渊源，才名盖代也。穿壬透易曰，贵人居丑名宫阙，驿马当寅号学堂。又曰，寅为学堂宫逢丙，志大才高禄万钟。若艮宫丙寅爻，得四直贵马聚于初爻，必进发疾骤，平地登云也。如子孙爻休囚，又带地蹇，天哑，云龙，衰盲，火朔，五杀动者，必带疾。子孙旺相生合世者，孝顺，衰囚冲克世者，忤逆也。带贵马德合吉神，生合世者，不惟仁孝，而且受子封。带虎刃亡劫凶神来刑冲克害世者，不惟忤逆，抑且亡身及亲，破家荡产也。若问子之嫡庶以内卦本宫出现伏藏子孙为嫡，以年月日时他宫见者，为庶也。如内卦子孙不现不伏，又无兄弟爻者，必庶出也。又六爻动化子孙，主有奸生子。福临应上在他宫二爻者，主有螟蛉子。子化子合世，主有继子义男也。管公口诀曰，福临土静，只主单传，动则螟蛉之子，空则抱养之子也。极验。凡子孙贫富、贵贱、祸福、俱与世爻同断。

### 附占女婿

以本宫出现官鬼爻为主，不论内外卦，（以婿为半子有家人之义）不现，则看本宫伏神。如不现，又无伏，则取克女之爻为婿。但以本宫官鬼为正婿，年月日时他宫出者，为旁婿也。如正宫有两鬼，则以阳爻得位者为正婿，阴爻失位者为旁婿也。若正鬼在巳午，则火命者吉，女命属土者吉。（火能生土）。鬼伏父下，为人伶俐尊重也。鬼伏子下，性善，不损物，好容纳也。鬼伏兄下，贪淫好赌，不诚实也。鬼伏财下，能掌财帛，为事分明，夫妻好合也。（若财鬼带辰午酉亥匿刑者主先奸后娶）。鬼化鬼，男家未定也，或停妻再娶也。兄化鬼，斗狠贪淫也。（鬼带刑刃亦然）。财化鬼，克妻损财也。子化鬼，带龙喜德合，夫妇和谐也，带华盖刑刃，僧道还俗也。鬼化子，与妻相益也。鬼化兄，伤妻嫖赌也。鬼化财，能设施也。飞爻入父，寿高，通文墨，旺相，则宅宇华盛也。入兄旺相，好赌博争讼。衰则稍轻，耗财帛，少奴婢也。入福，好善，能成物，值雀，好诵经。值龙，临三爻，持三官齐，临五爻，持观音齐也。入财性温和，能主家司出纳。有财帛，旺相，则多材识也。入马酷毒好杀，自身带疾。旺相加贵马，则为官，衰乃下流之辈也。其余贫、富、贵、贱、带疾、祸福俱与世爻同断。又凡占女婿者，遇男女临世爻，与应鬼居二爻，（二为宅爻），或应鬼合内

财者，俱主入养也。

## 附占丈夫

自占以应爻为夫，代占以鬼爻为夫。本宫出现者，为正夫。（不分内外）。年月日时他宫见者，为偏夫也。如卦有两鬼出现，以阳爻得位为正夫，阴爻失位为偏夫。（成婚曰正，空言而不成者曰偏）。如正鬼在寅卯爻旺相，则木命者吉，女命属午酉戌亥者吉。（午生在寅，卯与戌合，寅与亥合）。如鬼临空墓绝胎，加虎蛇刑刃亡劫，旺动者死也。子孙旺动，带虎蛇刑刃亡劫，来克鬼者，鬼旺则有灾病，衰则死也。若夫病者，宜鬼衰不宜鬼旺也。又鬼下伏鬼与鬼下伏兄者，必两姓贴夫营活也。凡丈夫贫富、贵贱、带疾、祸福俱与世爻同断。

## 六亲分属例

六亲之属，各有取义。因彼而有我者，父母也。故父母之属，多与其爻之干支同类。如父得甲寅爻，母得乙卯爻，若不犯刑破空克，则父必属虎，母必属兔。若犯四直刑破空克，然后以三合六合推其所属。如父母爻得甲寅，则甲与己合，己年生。三合在午戌当属犬马。六合在亥，当属猪是也。因我而有彼者，子孙也，故子孙之属，以纳音取之。如子孙临甲子乙丑爻，其纳音属金，必申酉年生，乃属猴与鸡也。又须看大限小限，流年太岁。正值子孙位，或在生合子孙之位，更得太岁贵马德喜聚于子孙爻上，又不犯刑破空克，则得子孙之正属，方可决其生此金命之子。若子爻自刑，（辰午酉亥），又被四直刑害克破者，往往于合处。如子孙爻纳音得水，则六合在丑寅，属牛属虎。寅合亥，子丑合也，三合在申辰卯未，属猴龙，属兔羊。申子辰三合，亥卯未三合也。又凡四直干支，与子孙爻相生合者，必天性和顺，聪明起家之子。若四直干支，刑害克破子孙爻，与子孙爻刑害克破四直者，俱主天性忤逆，自生此子之后，家道式微，父子失恩，难相保守。又凡子孙值阴爻，尤忌自刑，亥酉是也。不问衰旺，皆于子孙不利，妻妾因我而有者，为性体相异之伦，吉凶之极，各归正属。如雷火丰卦，本宫内卦戊午妻财为匿刑，伏三爻己亥兄弟下，若带凶杀来克庚申世爻，其妻必属马。又如地山谦卦，癸亥爻持世，本宫内卦丁卯财，伏二爻丙午官下来生合世，若带贵马德禄，其妻必属兔。又如雷风恒卦，世持辛酉金，鬼伏下庚辰主财，俱为匿刑，应爻庚戌妻财为正妻，来害酉世，主其人别有宠妾嬖婢，淫纵无礼，为妻所嗔也。凡妻财之爻，有德合贵马会聚，主财货丰盈，德色殊美。若值空亡刑破无气者，必贫苦乖难，更带凶杀来刑害身世者，终有阴谋之害，或祸起妻妾，累及其身也。兄弟为同类之亲，奇为兄弟，偶为姐妹，兄与姐生在己身之前，其属与父母同论，若其爻不犯四直刑破空克，带贵马德合者，则兄姐之属，与爻同体。若犯刑破空克，则

属一六合也。弟与妹生在己身之后，其属与子孙同论，亦以纳音取之，以小限大限，与流年太岁，到生合兄弟之位，或临兄弟之位，生弟与妹也。奇生弟，偶生妹，以兄弟长生之月，断其生期，此惟流年太岁干支，与兄弟爻三六合，再得岁中贵马德禄相聚，不犯刑破空克，故得纳音之正属也。如兄弟爻自刑，更犯岁月日时空破，必归纳音之三六合也。大都身命卦中，贵马德合，最喜聚于子孙鬼妾官鬼，三爻上主荣贵己身，庆流后裔，若父母兄弟爻贵煞临之，主富贵在其父母兄弟，己不过受其恩荫，福亦渺矣。（出神鉴经）

## 五、贵贱贫富

归藏约论曰，刑胜德者亡，德胜刑者昌。故世犯三刑两破（岁破月破），壮年必死于兵刑。身逢四德（天德月德干德支德）三合，没齿犹臻乎余庆。世鬼空亡，利禄莫求于朝市。德贵相扶，养道好栖于云水。贵人乃吉福之先，驿马为官权之主，贵人聚于初爻，禄位巍巍，四马会于官位，功名奕奕。德星喜贵人相扶，刑杀畏墓神相并。神就其刑者，为祸最重。煞会其德者，降福匪轻。天马则自下而升高，劫杀则从劳而至逸。大杀则权倾中外，亡神则憔悴身心。华盖慈悲，荣敷三代。将星威猛，勇冠千军。福神旺而伴将星，名镇华夷。贵刃兴而加龙德，职隆将帅。官星佩印居玉堂，乃食天禄。贵刃加刑跨宝马，必帅三军。贵坐桃花并玄武，罗绮丛中为活计。孤临华盖坐白虎，烟霞深处作间身。阴爻值福，怕遇匿刑，贵煞无官，惧逢刑破。详细推之，织微可究。

### 断贵贱

占己看世，占人看应，占六亲九族，看内卦外卦，与飞位之用神，占官宦看鬼，占婢看财，占佣奴僧道看福，占朋友看兄弟，俱一例推之，富贫带疾，祸福皆同。

凡四值贵马聚于用爻，更德合相扶，旺相得位，在官印阳爻者，必位极人臣，富贵殊绝，五福全享也。值禄马贵人龙德会于初爻，无刑破克害者贵。加白虎刑刃大杀者，为将帅。阳爻金旺，必掌兵刑。阴爻金衰，亦为司理。阳爻木旺，必作冬官。阴爻木衰，亦理赋税。阳爻水旺，必任监漕。阴爻水休，亦职水利。阳爻火旺，督学词林，在午爻必为司马。阴爻火衰，文学炉场。阳爻土旺，司农方伯。阴爻土衰，郡守邑宰，太岁临官贵生世，带福禄在四五爻者，朝仕也。月将临官贵生世带驿马在二爻者，州郡之守也。日辰临官贵生世带驿马在二爻者，县宰之属也。太岁生持官印爻，带禄马岁贵者，甲也。月将生持官印爻，带禄马月日者，科也。日建生持官印爻，带禄马日贵者，明经也。官贵加巳午有气者，正途出身也。官贵加辰戌有气者，异路出身也。世持官贵，禄马，而四直动变无文书来生合者，吏员出身也。世持金，加官贵，得日辰，动爻，化爻，生财来生合者，

乃仓场库狱驿典之官也。有官贵禄而无印者，旺则佐贰，衰则恩生也。贵遇金刃者，旺则把总，衰则总旗之类也。（详见官禄占内）。又禄马贵人持世而无气者，富贵退田之人也。旺动变衰空，先贵后贱也。休败化生旺，先寂后荣也。官生禄死者，不显也。爻旺身衰者，不荣也。禄贵长生者，义寿之官也。贵官衰逢冲克者，公门中人也。带鬼为吏，带父为书，带财为差役，财入勾玄为应补，带福为门子，带兄弟，为掌管头领也。官临贯索者，衙役也。带马前六害者，胥卒也。贵官空旺，非清修道士，必玄门掌教者也。父加龙德雀喜者，文名盖代也。父旺带禄伏子者，非幕宾，必舌耕者也。福旺身空，与父休伏子者，穷措大也。父伏财下，株守者也。父伏兄下，贫寒者也。旺静无伤，安闲一世也。空世逢冲，奔走东西也。杀动无刑无制，到老孤贫也。禄绝逢刑逢冲，终身偃蹇也。匿刑带孤寡，悖之流也。兄动带桃花，酒色之徒也。飞官财下伏兄，薄艺聊生也。财加劫煞，孤寒贫困也。土财月建，店业营生也。父空旺者，星相也。鬼空旺者，医卜也。木下伏水者，舟子也。父加劫杀者，裁缝也。木财空旺者，樵夫担卖也。土福旺者，农夫也。金木火三合者，陶冶也。水财生旺，带天罡杀者，渔父也。金财生旺，带天罡杀者，猎户也。财入离火生旺者，牙行市侩也。财加刑刃者，屠刽也。带禄马墓于外卦者，江湖散人也。福加华盖孤辰者，僧道也。木财带合者箍桶也。木财逢冲者，称店也。金财带龙逢冲者，天平戥子店也。父加劫杀，在乾宫六爻者，巾帽铺也。加龙贵则官帽铺也。在震宫初爻者，鞋铺也。水财带咸池，在坎宫动者，开染店也。福加酉动，下伏财者，荤素酒店也。马蛇加金财动者，断磨也。马蛇加木财动者箍枕也。坤宫马加金财动，并破碎杀者，开磨坊也。用在内卦临旺财或外财，来生合用，加胎养者，坐贾也。用居外卦临旺财，加长生者，行商也。若值三传刑冲，必微利贩卖之人也。又凡世身居五六爻休废，或带马，逢兄子乱动者，必贱人，出祖离宗者也。子世伏父，老必孤也。财世伏兄，一生贫也。兄世伏鬼，多劳苦也。父世伏财，百不成也。财世伏父，多寿促也。（寿以父母为用）。

## 六神断贵贱

青龙入震巽宫，遇贵马德合，临官印阳爻，旺相得位者，必为馆阁清要之官。在震宫名助威，在坎宫名乘云，主骤进蚤达。在午爻，则多财宝，在戌爻，则有权衡，在寅爻，则有贤子孙，在申爻，名潜蛰，又名折足，在乙未爻，名隐伏，在酉爻，名丧身，在癸酉爻，名制锁，皆减其威力，不为厚福也。若庶人之家，龙入木，姻礼义也。入土，值里役也。旺则富，衰则先富后贫也。入水火，灶户也，入金，军匠也。

朱雀入离宫，遇贵马德合，临官印阳爻，旺相得位者，必为词林督学之官。入震宫庚寅爻，名学堂。并贵马德合有气，必文章名世，富贵早达。在坎宫，名泣险，若犯刑破，主生平多忧苦危厄。

庶民之家，雀空墓，陶冶也，雀空旺，术士师巫也，雀福旺，梨园也，雀入巳父无气，词讼起灭人也，雀入火临禄贵，读书好名人也，入金刃，军卒也，加大杀，杀劫杀日月建者，工匠也，入水，监宠户也，入阳爻寅木者，巫也，入阴爻卯木者，祝也。

勾陈入坤艮宫，同贵马德合，临官印阳爻，旺相得位者，必司农，京兆，方伯，屯田，巡城之官。在乾宫名登天，入壬申爻，名生德。若见贵马德合旺相者，主有战伐功勋，或捕获寇盗，因得爵禄，有威武之名。在震宫庚寅爻，为执雠。庚辰爻为刑墓。更犯休囚刑害克破，其人必好斗好讼。多遭刑狱。庶民之家，勾入土生旺，值里役也。入土休囚，躬稼穡也。入金，刀工针艺也。入木斧伐漆织也。入火，衙役也。旺则倾销窑匠也。入水，泥水匠也。

螣蛇入巽宫，并贵马德合，居官印阳爻旺相得位者，必词林，衡文，风宪之职。入艮宫，名在山，在丙辰爻，名入穴，又名带角，主为人淑善，虽刑不凶。入乾宫寅申爻，名变化，见德合贵马旺相，主骤发。得贵人提携。入乾宫癸亥爻，坎宫父子爻，名破首，更无气犯刑害克破，主为怪物惊死，或食恶物而死。但看卦中来刑害克破之神，是何物类，则知为何物所伤也。庶人之中，遇蛇，主不务农业而逐末者。如逢生旺，乃九流之人。遇刑冲并墓，必艺术之人。分金木水火土而别言之，带禄，坐贾也。带马，行商也。入金，铜铁猎匠也。金旺带德贵，金银珠宝铺也。金衰带德贵，在离宫者，段绢铺也。日并金动，刀针类也。入火，倾销织纆也。入水，漂洗淘沙也，或蓑笠，伞铺也。入木，兴修漆画也。寅木加华盖，桩塑佛像也。入卯木，梳掠、香盒、花草铺也。入辰土，磁器，缸瓷铺也。入戌土，锁匙、靴履铺也。入丑土，轿铺鞵铺也。入未土，镌印章，酒馆也。又入土为礲砌墁也。入巳火，画工、砖瓦匠也。入午火，书纸铺也。入火加财，织锦攀花也。临丑午财，贩牛马也。临亥未财，贩猪羊也。临酉财，贩鸡鸭鹅也。临酉福，贩酒也。又蛇加刃，轻贱人也。

白虎入乾兑宫，同贵马德合，临官印阳爻旺相得位者，必为将帅司马之官。入坎宫，名陷井。在戊寅爻名中机，纵有贵煞，亦减其威。若加刑破克害，为灾尤甚。在巽宫，名从(此处空一字)。遇贵煞，主腾达疾速。在辛酉爻，必因兵革奏凯，得食天禄。在辛卯辛巳爻，犯刑破克害而无气者，主其人疯病恶疾，与相冲流年，或爻逢三合之年，发出病来。白屋之家，虎入火，文章之士，加官贵，刑宪之官。入水，竈户也。入土民籍。(此处空一字)入金，旺相带刃贵，把总之类。衰则哨长之类，休囚不见(此处空一字)。则屠宰之流，或爪牙之属。入木，民壮也。临刃加大杀，非(此处空一字)兵必猎户也。

玄武临坎宫水爻，并贵马德合，居官印阳爻旺相得位者，必为漕监、河道水利之职，衰则缉捕之官，或因巢寇获盗而得官爵。入艮宫丙辰爻，名抵刑入墓，更无气，主贫病夭折。入兑宫丁巳爻，

更同亡神劫杀者，其人必为盗贼，而死于极刑也。庶民之中，逢武鬼，加天贼，必为贼，加天盗，必为盗，加金刃劫杀，必劫盗也。加兄刃，必不良人也。入火，爪牙之属，火加禄，煎烧之属。入水，舟子、网罟、淘沙之人。入土，乃设合之人。入木兄，赌博压群之辈。玄武会咸池花街柳陌，（此处空三字）则乞丐也。

## 断贫富

财投旺库者富禄，财聚旺者富。龙德财福旺持者富，财福带月日动变来生合世身者富。财居辰戌丑未四库旺相者 农工商贾致富 财居寅申巳亥四生旺相看他乡致富 财居子午卯酉四正生旺者，九流艺术致富。太岁加财扶世，富繇祖业。月将加财扶世，富繇父兄。月建加财扶世，富繇妻子。他宫外卦，财来生合世，外者，获利成家，本宫内卦，财来生合世，本境贸易起家。本宫内卦六亲，动爻、化爻、财来生合，得内亲财起家。本宫外卦六亲动爻、化爻、财来生合，得外亲财起家。外卦他宫，动变财来生合，得远方人财起家。内卦他宫，动变财来生合，得邻里财起家。官加贵旺，化财来生合，得仕宦之财起家。官加劫刃玄武三刑，化财来生合，得凶恶之财起家。在五爻者（五为道路），乃拾得盗贼道弃之财起家也。财化财来生合，放债贸易起家。加玄武咸池者，必私通外妇，因得其财也。兄加武动化财，以克剥吝啬起家。兄加雀动化财，以赌博起家。福德化财来生合，得牲贩蚕畜僧道财起家。父母化财来生合，得卖屋宅之资起家。勾陈土化财来生合，得卖田产之资起家。财临旺马，则江湖竟利也。财临衰马，则劳碌成家也。财逢空马，则市井经营也。禄财旺相，遇刑冲者，阴处成家也。贵刃旺相刑财禄者，凶中得业也。若旺财加虎刃者，必浊富也。正卦无财变卦有，或世财死绝，化生旺者，先贫后富也。正卦有财变卦无，或世财生旺化死绝空破者，先富后贫也。至于世兄空动，财子无气者，本宫休空，世被日冲，带兄鬼二耗破碎杀者，用财死绝者，用财化空绝死破官鬼兄弟者，六爻无财者，财伏鬼下者，皆主贫也。欲知何事破家，但看用加兄动也。兄加龙动，喜悦而破也，文雅风骚，结交仕宦，婚嫁谋官买妾建造是也。兄加雀动，是非而破也，言语冲撞结交书吏，出入公门，用财胜讼是也。兄加勾动，心高而破也，奢架房屋，贪买田产，重叠不明，或托借银两，被人卷去是也。兄加蛇动，疑惑而破也，倾信妖妄，求神赛愿，演戏设醮，中保牵连是也。兄加虎动，凶横而破也，丧孝重叠，争斗夺继，诬赖人命，杀伤谋害是也。兄加武动，不谨而破也，盗贼攀害，被人拖欠，赌博嫖饮，小人妇女，生端抗害是也，此贫富之占也。若乃家资之多少，则取财爻之纳甲，周先天甲己子午九，乙庚丑未八，丙辛寅申七，丁壬卯酉六，戊癸辰戌五，巳亥常加四之数推之。俱以本宫出现之财爻为主，不现则取伏财。如卦有二财出现，则兼取之。又有大象为本宫之财者，亦取其卦之干支兼论之。如壬申戌亥乾，乙癸未申坤，丙丑寅艮，

辛辰己巽，戊子在坎，巳午在离，庚卯在震，丁酉在兑是也。如纯乾卦，二爻甲寅为财，甲九数，寅七数，共十六数，大富，则十进千，六进百，为一万六千也。中富，则十进百，六进十，为一千六百也，下富则十进十，六亦进十，为一百六十也。如小户，则但以一水、二火、三木、四金、五土之数推之。如乾宫寅木财，木三数，则一进十，乃三十两也。己上并旺相加倍，休如数，囚死减半。若太岁贵马福禄聚于财爻者，更益其一倍。月建贵马福禄，聚于财爻者，更益其半。太岁刑破财爻者减其半，月建刑破财爻者，减其三分之一。若贵煞合益，刑破合损，更不增损，止得常数。又有爻与宫俱空破死绝者，如甲申年，壬申月，甲子旬，庚午日，卜得纯乾卦，财爻刑破绝于岁月申中，死于日建午中，本宫戌亥又空于甲子旬中，虽有石崇之富，不旋踵而倾荡无余也。又如天风姤卦，六爻无财，巽为木，亦乾宫之财，巽宫二爻下，伏本宫甲寅财，巽卦天干辛，地支辰巳，辛七数辰五数己四数，共十六，又加伏爻甲寅亦十六，共三十二数，大富则三十进三千，二进二百，为三万二千，中富，则三十进三百，二进二十，为三千二百也，小富，则十进十，二进二，为三百二十也，各以十倍之法增之，小户，亦以五行之数，一进十而推之，如前法。旺相加倍，休如数，囚死减半。岁月贵煞，与岁月刑破俱照例益损也（出占灯法）。

凡断贵贱贫富，不拘远祖近宗，一本九族之亲，远方乡里之人，官宦下贱之辈，俱依此法断之，又须知吉者，遇死墓绝胎，刑害克破，则减其福，凶者逢贵马德喜龙福生合，则减其祸，不可一概言之。

## 六、祸福

王灵经曰，人生所遇祸福不常，胥以六神取之，六神生合，各应其福，六神伤克，各应其灾。然六神又以占时太岁临爻者为上，月建大六神次之，日建小六神又次之。凡六神喜逢恩要归垣，克忌神，生用神者吉，克用神，生忌神者凶。何谓逢恩，龙入水，雀入木，勾入火，蛇入木，虎入土，武入金，是也。何谓归垣，春龙，夏雀，秋虎，冬武，三九月勾，六十二月蛇，为当权之归垣。龙入木，雀入火，勾入辰戌，蛇入丑未，虎入金，武入水，为本象之归垣也。

青龙临太岁外动，岁内加官进财进禄。会天马，同众喜事，加驿马，自己喜事。内动，加德合福喜者，主孕育婚姻喜庆。遇凶鬼刑害克破，主喜处招殃。或因花酒，或作保为媒，或行善愿，或往喜庆之家致祸。仕宦公门，以升迁，荐举，朝贺，问馈，之失致祸也。

朱雀临太岁外动，有加官进职应举文书之喜。内动有分离，火惊，口舌官非事。加兄鬼刑害克破主因怒气生灾。或文书，或寄信，或喧哗，词讼，或往火场，铙炮流星之类致祸。仕宦，则或以宣勅，给由文移表章，申详之失，或因讥讽弹劾致祸也。

勾陈临太岁，并贵马财禄外动，主加官禄进田产喜事。内动，主灾患缠扰，不能摆脱。加官符必有田产婚姻之讼，加凶鬼刑害克破，主扑跌瘟疫，或改造，或安葬，或因田产，或往墓前致祸。仕宦，则或以城郭，封疆，田土，钱谷之失，致祸也。

螣蛇临太岁，外动主求谋多戾，外事牵连。内动，主虚惊妖怪，梦寐不安。加凶鬼刑害克破主以动土起讼。官吏需索不已，或以惊惶患病，或见妖怪或病，或梦中魔倒。仕宦，则或以己有虚诈，人有牵连致祸也。

白虎临太岁，外动，主武职升迁，诸行吉利，经营称心。内动，主血光，孝服，刀兵横祸。加凶鬼刑害克破，主往丧家，或战斗宰杀之所，或虎狼之窟致祸。仕宦，则以刀兵，丧乱，杀戮征巢致祸也。

玄武临太岁，外动，主舟行有盗贼之变，会吉神，则斩获贼盗，或进舟船鱼盐酒醋之财。内动，主家下阴私失脱，孕妇灾咎，加鬼杀刑害克破，主以水利坑厕，阴人，酒馆花街，或往江湖飘洋致祸。仕宦，则有渡江涉海，遭逢盗贼，淫宠侍妾，痔漏之灾（月日六神同断）。

## 七、三限

周易玄悟曰，凡大限小限生旺，带贵马德合福禄龙喜财子者吉。遇死墓胎绝，加刑害克破，虎蛇亡劫吊丧羊刃大杀者凶。生合身世者吉，冲刑克害世身者凶。限凶，则宜见德合以救，限吉，则恶见刑害相残。吉逢冲克，吉中有凶，凶逢解救，凶中有吉。吉多凶少为半吉，吉少凶多为半凶。其或吉凶相半，则忧喜俱无也。又曰限爻动，灾殃易惹，限爻空，身若飘蓬，限值天罗辰，地网戌，加鬼杀者，数年之间，作事昏迷如梦也。穿王透易曰，限旺则胎福，限弱则孕祸，是犹怀孕在腹，乘时而生育也。故祸福之应，遇太岁触之而动发。若问限中是何祸福，则以限神之性言之。贵人为福，则尊贵扶擢，朝廷徵召，驿马为福，则驰骋四方，致身云路。德为庆会，合乃成期。鬼主伤残，墓多蒙昧。破须倾损，害必侵争。刑则克伤，冲多摇动。龙为婚姻孕育，雀见火烛官非，勾乃斗争讼狱，武则奸宄阴私，虎为疾病死亡，蛇有惊惶怪异，依此而断万无一失。

### 身命取三限法

正卦管三十年，变卦管三十年，互卦管三十年。每爻五年为一限，共九十年。如卦值六爻安静，而无变卦者，则正卦管三十年，互卦管三十年，再从升降取卦管三十年。取之何如，凡在子寅辰午申戌阳时卜者，升初爻于上作卦，如正卦得天风姤，作泽天夬卦断之。又如乾坤二卦，无互，不可升降者，动则正卦管三十年，变卦管三十年，复以变卦，随阴阳时，取升降作卦。如前法，管三十

年，若乾坤二卦，又逢静而无变者，则正卦管三十年，再以占人生命起卦。如甲子年，五月，十八日，酉时生人，即从子上起正月，则五月在辰上，又于辰上起初一日，则十八日在酉上，又于酉上起子时，则酉时在午上，酉属兑，午属离，即以酉临午，得泽火革卦，管三十年，再以来占年月日时起卦，如甲子年，正月，下十五日，卯时占，便从子上起正月，则正月即在子上，又于子上起初一日，则十五日在寅上，又于寅上起子时，则卯时到巳上，卯属震，巳属巽，即以卯临巳，得雷风恒卦，管三十年，共九十年。若年高至九旬已外者，再从正卦，世爻，一年一位，在阴阳顺逆行之，以定吉凶。

按此式，出自庞眉道人易学空青抄本，言此式见于八神筮法，及李淳风占灯法，耶律氏锦囊集三书，世人鲜得其传，故至坤乾无互，与不动不变之乾，则不能通，惟此式为全备也。

### 大限行运法

大限五年一度，行运世应兼取，单论天干。如天山遁卦，世丙火，应壬水，火数二，水数一，共三数，则三行运也，即于世上起三岁，至七岁，五年为一限，阳世顺行，阴世逆行（甲丙戊庚壬为阳，乙丁巳辛癸为阴）。如遁卦二爻阳世，则运宜顺行，八岁至十二岁轮在三爻，十三岁至十八岁，轮在四爻，余仿此。如孩提未起运已前，即于世上起一岁断之（出管公口诀，管公曰，运，故从天干）。

### 小限行运法

小限一载一宫，亦世爻起数，阳顺阴逆，亦正卦值三十年，变卦值三十年，互卦值三十年，其无互不变之卦俱从前式取之。

### 推流年月建法

阳世初爻起十一月，阴世初爻起五月，正变二卦并取，共成期年之运

### 三限飞行式

正卦，变卦，互卦，各从世爻起。如卜得泽天夬卦，化雷天大壮卦，互纯乾卦为例。正卦世爻丁火二数，应爻甲木三数，五行运也。

正卦	变卦	互卦
十岁至十四岁	四十五至四十九	六十五至六十九

世	丁酉	大限起五岁至九岁	四十岁至四十四	九十至九十四
		二十岁至三十四	三十五至三十九	八十五至八十九
		廿五岁至廿九	六十岁至六十四	八十至八十四
应	甲寅	二十岁至廿四	五十五至五十九	七十五至七十九
		十五岁至十九	五十至五十四	七十至七十四

小限每卦管三十年，亦各从世爻起一岁，不如前论五起运。

### 三限论

人生贵贱贫富不恒，或先荣后落，或先寂后响，皆以其时也。夫时者，旺衰刑德之所主也。旺相贵马德合之爻，虽大象休囚，根基不厚，限逢旺爻吉神，亦主所为得意。凶克刑破无气之爻，纵大象旺相，根基殷厚，亦主蹇滞灾危，起自衰限也。故大限小限，遇衰空刑破者凶，遇贵德合马者吉。或限爻原有贵马德合，临生旺之位，适其爻动，变为死墓绝胎，或变为克破刑害空亡，退神，则吉化为凶。炎炎之际，忽尔寂寂，且有不测之祸。如刑冲克害，空死墓绝胎之爻，化出贵马德合，生旺，生扶，退神者，是为有救，祸虽发而可解也。按长生诀，于日辰取之（管公口诀）。如寅日卜得坎宫革卦，四爻丁亥持世，为兄弟，坎卦属水，亥又水爻，寅日大象爻神，俱入病乡，故其人必多病，而气禀虚弱也。至于死墓绝胎四爻，凶尤甚，若贵马德合扶之，犹不免于太岁衰败刑破之年，有重病灾厄。若有刑破而无救，则将死之期也。盖限之吉凶，必遇岁君相触而始发。凡流年太岁与二限生合比和，更遇流年太岁贵马入限旺相，则主奋扬发福，凶限祸亦可轻。若限在死墓绝胎四凶之爻，更遇流年太岁临限衰处，立便为灾，更看流年太岁到处之限，与世爻刑破之有无，有刑破而无贵马德合救之，不可度也。如大限在寅，太岁在亥，限爻至长生处，其世虽处衰刑，亦主无事。若世在生旺贵马德合之爻，更流年太岁贵马德合入限，其年必大发财禄。如限在申爻，其爻属四凶，流年太岁在戌，又值申金衰处，若世在辰未二位，戌年冲辰刑未，是有刑破也，其人主四月有病，为四月建巳，刑申限也。世爻属土，四月土绝，故有灾病。又限在申爻，居四凶之位，看其爻是何亲属，有气无气。如值太岁无气之年，又被太岁刑害克破者，或爻属父母，或爻属兄弟妻子，则其年先有父母兄弟妻子之忧，后有自身之灾难也。若限逢太岁旺相之年，更有流年贵马德合入其爻上，则其年先须父母兄弟子孙发达，妻妾得喜，然后福泽得及其身也（看限爻上是何亲好）。傍要与世不相刑害克破，乃为吉耳。又如丁酉年戊申月，甲申日，卜得雷天大壮卦，庚午持世，甲子临应，庚金四数，甲木三数，共七数，乃七行运也。阳世顺行，即从世上起七岁，乃午限也。申日火值病乡，又午为匿刑，此人必多病。若飞宫六亲同居此爻，即断其亲属有病也。十二岁申限，十七岁戌限，

廿二岁子限，俱生旺之爻为吉。廿七岁交寅限，寅木绝于日建申中，又申日刑冲克寅爻，且临官鬼，名伏刑之鬼，其人若遇太岁巳午之年，必有灾迍。（木病于巳，死于午也）。寅德在未，未年稍可，申年酉年，限入太岁绝胎处，若不逢流年太岁，贵马德合解救，死更无疑。此命所以不死者，为申年驿马在寅，酉年岁德在寅，故虽有极危之厄，濒死而不至于死也。又如限在午，其爻无气，又为匿刑，其人自入此限，必多忧危灾病。如太岁在寅（火生）卯（沐浴）辰（冠带）巳（临官）午（火旺）未（火衰）申（火病）年，此数年，虽行衰限，无甚危险。惟每年七月（火病）八月（火死）十月（火绝）十一月（火胎）有小灾耳。（九月午戌合虽墓不凶）。为流年太岁与限爻生合，未到四凶之处。若遇酉年子年，而限中本无贵马德合相扶者，必不可度。为午死于酉，胎于子也。戌亥之年，尤可度者，以午戌三合，午德在亥，此为勅助耳。更看流年太岁之前后，有何凶杀临于世上，与限上或丧门吊客官符病符二耗亡劫之类，诸杀各随其凶性，言其祸福，察其限爻，是何亲属，即知祸福临于何人也。如限爻在午，太岁在申，吊客在岁后二辰，正值午上，申为火之病乡，看午爻是何亲属，必其人七月后有亲属之灾，后有己身之灾也。又如限在己，居四凶之爻，流年太岁在未，乃火限始衰处，流年吊客在岁后二辰，正值己上，看己爻是何亲属，必其人正月前，先有亲属之忧，后有自身之忧也。归藏易曰，限带休气，必多疾病，限带囚气，必多狱讼，吉神主限，凶灾自轻，凶神主限，祸来难免，察其临限之六神，则知祸福何自而起。

## 八、岁君

太岁之流年，祸福之吏神也。盖身命之卦限，爻之吉凶，俱于占时四值上取之，以为异日祸福之验。福伏于吉爻之中，祸伏于凶爻之中，伏者不触则不发，故知祸福之发触，以流年之太岁也。如限爻本吉旺，而流年太岁，又值限之吉旺处，则吉与吉会，而应其吉也。限爻本凶衰，而流年太岁，又值限之凶衰处，则凶与凶会，而应其凶也。

### 断带疾延年

官鬼持身世爻，或持用爻，名贴身鬼。如带破碎杀主有破相。在乾宫主头而咳嗽之疾。坎主雨耳，肾家之疾。艮主两臂，鼻背之疾，带四废，则腰曲背驼。巽主股膝疝气之疾。震主气促惊悸之疾。离主眼目心经之疾。坤主肚腹胸胃之疾。兑主牙齿缺唇之疾，又本命爻，带官鬼，加天刑四废杀刑害克冲身世者，必带疾也。凶杀属木主疯癫。属水主冷瘟。属火主心目疾。属土逢绝气，主麻疯。属金逢绝气，主瘫痪。又用爻，世身爻伏鬼，被日辰并起者，主带疾。坎宫金下伏土鬼，主耳聋。震巽宫木下伏金鬼，主四肢带疾。离宫，火下伏水鬼，主心目之疾，加羊刃，必青盲。坤艮宫

土下伏木鬼，主蛊胀脾伤。乾宫水下伏火鬼，血竭容憔。兑宫金下伏火鬼，主口疮唇缺，动爻化鬼亦然。又用爻，世身爻，伏鬼者，为胎里宿疾。用爻世身化鬼，与鬼克世身用爻者，则后来新染之疾也。又五杀歌曰，跷哑盲聋（此字：上朔下首）五端，但愁并起值孤惊，旺则必危衰则减，生扶合处一般般，五杀中惟地跷杀，旺则跷，衰则廉疮，其余四杀不分衰旺也。以上鬼杀，若遇天医天解月解伏福化福者，不可泥此而论也。

## 九、辩性情

以八卦论用爻与世爻，在乾直好高，有德有威也。在坤性厚重，寡言笑，宽大能容也。在坎心情委曲，巉峻多威，凶则狡诈心乱，事多更变也。在离明白刚烈，爽直有气节，无气则性暴，作事有头无尾也。在震志大言高，驰骛声名，凶则心多叵测，胸无定见，心急事滞也。在巽性和柔，好卑奉，无气则随波逐流也。在艮吉则安静有执持，凶则事多退缩不前也。在兑性和悦饶舌，见物多感，好声音酒色，无气则奴颜婢膝也。

以五行论申金，主重义，驰骋声誉，无气则好勇好杀，好音乐也。酉金，主刚明不苟，无气，则多贪欲，嗜酒色也。寅木，主雍和，有文章才艺，无气，则执拗散乱也。卯木，主力健骋雄，刚直不阿，无气，则心毒多机械也。子水，主清高正直，不好奸污，智谋深沉，无气，则浮浪不实，作事有初无终也。亥水，主性圆通，与物和同，无气，则谲诈轻淫也，又水旺则性缓，衰则性急，发动，冲动，心多机变，若动逢合住，或临死墓绝胎，必无知觉。如动逢冲散，则搏激之水，必是立志无恒，疑惑不定者也。巳火，主好华美修容，性快，不隐匿，无气性暴慢，生平饶为起灭也。午火，主强敏无私，好胜，为事急疾，无气，刚暴无终，急终有慢也。辰戌土主厚重有威望，聪明正直，不信神物，不畏鬼怪，无气，赋性酷毒也。丑未土，主宽宏廉直，耿介无私，多仁多义（木库为仁，金库为义），无气，则拙钝无能而已。

以六亲论，动财则好奢不好学也。化父则忧道不忧贫也。子世逢空，羊质而虎皮也。兄持入世，酒囊而饭袋也。世持鬼杀，笑里藏刀也。鬼杀逢空，怒中无毒也。

以六神论，青龙则慈和乐易，明敏从容也。朱雀则快言语，多口舌，带杀则喜生是非，多招诽谤也。勾陈则厚重有规矩，行事迟钝。不动，则无转变也。螣蛇则多心机疑虑，虚浮诈伪也。白虎则性急不仁，好勇斗狠也。玄武则阴谋秘算，狡谲多端。同兄弟，则贪吝。加咸池，则淫邪也。龙逢蛇克，媚而不忠也。虎逢龙克，勇而有礼也。雀受克伤者，多谤。蛇逢合制者，多智也。财合玄，贪财好色也。子合玄，嗜酒多情也。兄合勾者鲁钝，福合龙者清和也。龙衰静，乐饥自得也。虎加兄，小人跨霸也。玄加刃，量怪见小也。

燃犀录曰。逢冲者伶俐，入墓者呆痴，临刑害者多嗜杀，居胎养者欠老成。空动而无生无克者，率意猖狂，旺静而无克无冲者，抗怀高洁，衰值时辰，器局卑偏，旺临月将，度量渊宏，冲多好斗，刑多好讼。带贵，则有威德而不狂佞。带马，则志四方而遨游。带德则恭俭温良。带合，则从容和雅。八纯性宜躁急，六合性必宽和也。

## 十、辨身体容貌

### 鬼谷分爻

六爻 头发

五爻 耳目口 面须手 鼻人中

四爻 胸 背 乳

三爻 腹小腹 臀肛门 腰小便

二爻 股膝

初爻 足

### 一、形体

以卦身为用，金瘦小，火形尖，木形长，土形矮。水柔而刚且多汗，木旺胖长，衰则瘦长。土旺矮胖，衰则短小。勾兄来刑克，必矮子。金木临死绝，更被刑害克冲，瘦不可言，化出水木鬼，身多湿气酸疼。土金逢合，行坐从容也。

### 二、头

以六爻乾宫父母为用，辰戌鬼带刑害动，或遇勾兄合住者，主缩头。临金，头有异骨突出。以六神定其骨在何处，雀前，武后，龙左，虎右，勾蛇居中，或在四隅。带刑头有角，金福动必癫头。木化火鬼，必白癞，或发有节疤。土头缩，木头长，火头尖，水头多汗。化木水鬼主头疯，化火鬼主头疼。乾圆，坤方，震长，巽直。合则正，克则歪，冲则摇。六爻带火(此处字：上朔下首)杀，头必带疾，忌临鬼爻。

### 三、发

以六爻震巽宫木财为用，旺发多，衰发少，木发长，金沙发，水白发，土发短，戌土发稀。六爻与初二爻合，发长垂地。临雀者赤，临武者黑，临虎者白。少年则发刚硬，临勾者黄，临龙者滋

润整齐，临蛇者卷曲而蓬松也。

#### 四、面

以五爻父母为用，乾面圆，坤面方，临寅申巳亥，面尖。临子午卯酉，面圆。临辰戌丑未面方厚。父面大，财面秀美，子面福相，兄鬼面丑劣，或破相麻痣。水浮肿，金瘦骨脸，火尖削枯燥，土丰额高准，木面青长。鬼加蛇，面多皱纹，玄鬼，面有黑斑痣，火鬼动逢合，面有疤绉，卯鬼动，面主麻也。

#### 五、相貌

以五爻为用，龙貌腻润，虎粗丑，勾局促，眉目攒聚。雀带笑容，逢冲，则疾言遽色。武带忧容，受刑克，必是哭形。凡带螣蛇者，相必古怪，以来冲者断之。武来冲，地角尖，雀来冲，眼必露，龙冲，左耳异常，虎冲，右耳异常，勾冲鼻古怪。如无冲，即以五行断之，水为口，火为目，木左耳，金右耳，土为鼻是也。又如五爻不临蛇，而蛇动来冲克五爻者，则以五类断之。加兄，项必结喉，加父，面有麻痣，加财，两发蓬松，发卷曲，加鬼，必麻或有破相，加福，耳目口鼻破相，亦以水口火目，土鼻，金右耳，木左耳分之。

#### 六、目

以五爻离宫火福为用，临龙，睛点漆黑。临虎，或虎旺动来克，必白眼。临勾雀，眼突出。临武泪眼。临龙武而被虎冲克，眸子中有白点。临蛇必害眼，蛇衰，乃鼠眼，衰蛇加鬼，或蛇鬼动来冲合五爻，是吊眼，逢月日冲，睛转不定，动又逢冲，是频睫眼。离宫，火鬼，带刑害动来伤土，主瞎。木主花，或吊眼。金主眇，水主烂，火主露，或赤眼，旺空，一目带疾，衰空，或合性，微小近视。火旺动，目光如电，金鬼动，主带疾，鬼带月盲杀动，亦带疾也。

#### 七、耳

以五爻坎宫子孙为用，木聋左耳，金虎右耳也。土鬼带刑害动，或勾蛇动来合住者，耳必聋，旺空，一边疾，金鬼，耳响，水鬼，耳出脓，金木化水鬼，亦流脓。木鬼，阳则耳痒，阴则耳痛。火鬼，耳生疮，加白虎，带刑害者，耳必缺，鬼带云聋杀动者，耳聋。

#### 八、鼻

以五爻艮宫土福为用，旺大，休小，化金木有气，鼻息如雷。化水多鼻涕，化土鬼，带刑害，鼻塌。化火鬼，有鼻衄疾。化木财，多毫毛。

## 九、人中

以五爻兑宫土福动合四爻者，为用。旺相深，休囚浅。龙深，虎浅，蛇勾短，雀赤，武黑，或鼻气濡湿也。

## 十、口

以五爻兑宫水福为用。乾口圆，坤口方，兑宫丑未鬼，带刑害动，阴则结舌，缩舌。阳则齟齿，缺唇。化金露齿，化木多须。阳土逢冲，掀唇。阴土逢冲，好谈笑。临勾遇合，懒言语。临雀旺空，多诳语。化财，饮食粗。财遇冲，饮食速。遇合，饮食缓。财加龙贵，爱食嘉旨。水财蛇冲，必如猪食。土财虎冲，定是狼餐。木鬼舌大，火鬼声炆短，水鬼言语多涎，金鬼缺齿，土鬼缺唇。土鬼逢冲者，结舌。如兑宫金爻被伤，或勾蛇动来合住者，决然音哑（兑为口，金为声），然必四直皆无金。而朱雀又空绝者，方可断之。不然，只结舌，非哑也。金旺动，声响亮。空动愈响，动逢合，声则低微，鬼加天哑杀动者，主音哑也。

## 十一、须

以五爻震巽宫木财为用。火雀须赤，水玄须黑，土勾旺黑短，衰黄短，金虎须白，或髯如戟，木须长，木财旺动，须多，蛇长而曲，龙长直而不乱，木龙逢死墓空绝，必无须，值死气而逢胎养，微有须，旺则多，而衰必小，又五爻亥鬼动，必须嘴人也。

## 十二、手

以艮宫兄弟为用。六爻兄弟为肩为大臂，五爻兄弟为小臂。勾加金，肩必耸。虎加金，臂有力。化出火土二鬼，必患搭手。化出水木二鬼，或被水木鬼刑冲，必患湿气酸疼。化木臂长，化木而生世克应，必精拳棍。蛇鬼手曲，虎鬼加刑及艮宫兄弟无故自空者，必折臂。玄鬼加金，臂必刺字。金鬼加刃，主刀伤。木鬼加财，臂酸疼。木化木，臂多青筋。木动逢合，臂筋必牵，手难缩伸。更化兄弟，饮食不便。化土，臂必短。四爻兄弟为手掌，水润泽，火枯燥，手心热。金洁白，土肥厚，或指短。木多毫毛，或指长。加龙肌细润泽。加虎，手粗硬。加蛇，掌多乱纹。加玄鬼，或带刑害，掌多逆裂。加勾，掌厚。加雀，掌心热也。

### 十三、胸

以五爻火父为用(又曰间爻阳为胸阴为背)。旺胸阔，休胸狭，合饱满，克凹进。火化鬼，或动化火鬼，及持火鬼，俱主心气痛，或有灸疮。水化鬼，或持水鬼，兴化水鬼，胸有汗斑。加虎白癍疯，加雀勾蛇，赤紫癍疯。金化金，胸骨露。水鬼化水鬼，常呕血。化出金父，必患癆瘵。

### 十四、背

以五爻艮宫阴土父母为用。土勾旺，背丰厚。土蛇旺，脊有深坑。金虎旺，背露骨。临水兄，或水化兄，及化水兄，食多背汗。化火鬼，或火鬼来刑克，曾患背疽，衰是灸疮。值阴土鬼，背跢。加勾蛇，跢甚。

### 十五、乳

以四爻水福为用。旺乳大，休乳小。金水乳多，火土乳少，木乳长，木财，上有毫毛，被鬼刑害，曾患乳癰。

### 十六、腹

以四爻坤宫土父为用。旺腹大，休腹小。勾高蛇凹，逢龙见合，腹必下满。逢玄化鬼，腹常冷痛。坤宫玄水鬼动，腹有黑斑。雀火鬼动，红斑。金虎鬼动，白斑。化出金土鬼，腹有痞块。化火鬼，曾生腹癰。否则针灸，或生疮痍。

### 十七、小肚

以三爻妻财为用。值土，脐必深。值金，筋骨露。值木财，丹田上有毫毛。若二爻上有子孙来作合，必与阴毛相连。若女人化出子孙，在坤宫者，必怀胎孕。子孙逢冲，将分娩。临胎爻动，亦然。

### 十八、腰

以三爻木财为用。值鬼动，腰常痛，或腰软。衰绝遇合，或无故自空者，主腰软。值火鬼，常患腰疽。金刃来刑害，必经刀斧伤。再加蛇，其痕尚在。若木带蛇动，女必腰细善舞。

## 十九、臀

以三爻土父为用。土加勾，臀厚大。土加蛇，臀尖削。加冲必凸。化火带合臀有节疤。阳左，阴右。合爻在下，疤在下边。合爻在上，疤在上边。合爻是福，疤近小便。合爻是土财，疤近肛门。动化木鬼，或木鬼来刑克，曾加杖责，加蛇疤痕尚在也。

## 二十、肛门

以三爻妻财为用。财化火鬼，或火鬼动来刑害财爻，必有疮毒血症。化金鬼，则有痔漏。化水鬼有脾泄症，财带刑冲有脱肛。

## 二十一、小便

以二爻子孙为用。持鬼，伏鬼，主白浊，尿血，疝气，淋带之病。化鬼，为遗精，蛀干疽疮天泡之病。如巽宫鬼动来刑害，必患疝气。土鬼化福，必是偏坠。女人三爻为阴，若持官兄或化官兄者，非是女身。如子孙逢空墓绝，而四址俱不带子孙者，必石瘕也。

## 二十二、股

以二爻巽宫兄弟为用。旺腿肥大，衰腿瘦劣。逢冲善走，旺动，行急耐远。土行迟，金行稳。水步小而急，火行急而摇。值蛇，蛇行，值雀，雀步，值龙，行止端详，值虎，阔步。金土逢勾，徐行缓步。动逢土合，懒于趋跄。父克，腿瘦。临木化财，腿多毫毛。官与日并，腿有疮。化官伏官者，亦然也。

## 二十三、膝

以二爻震宫兄弟为用。持鬼，伏鬼，化鬼或鬼动来刑克害者，膝有病，或鹤膝疯，水湿气。金木酸疼，火火丹土一足大，阳左阴右。金鬼加羊刃来刑克，主刀伤。鬼动逢合，膝难屈伸。鬼化土财，有筋牵病也。

## 二十四、足

以初爻震宫兄弟为用。阳土脚背厚，阴土脚底厚。火尖削，金骨突出，木脚板长，水多脚汗。旺大休小，木鬼动，脚气。火鬼动，灸疤。水土鬼动脚烂。如加蛇虎，又被刑害，及在震害无故自空者，主折足。水化木鬼，木鬼化水，俱主湿气酸疼，不便行走。若木鬼化木鬼，或两木鬼来刑克，

必经夹棍。蛇土逢阴鬼，足底凹。兄弟空动，或爻旺空动，遇四直冲者，脚跟不着地。兄弟化子孙，为足指，刑则尖，合则正，或缠足。值金，为脚指甲。化土，头指相平。化木，脚长过指。化火值虎，指甲尖利。化鬼必损伤。又初爻鬼加地蹠杀动者，空则脚蹠，衰亦痒疮也。女人初爻单则足小，折则足大。重则先缠后放，交则先大后缠小也。初爻受刑冲克害，亦主先缠后放。值父，足大，值子，足小，值财，半缠脚。兄鬼持克，非歪脚，必有足疾也。

## 十一、占断寿数

以父母爻为寿算。凡世爻，用爻，父母爻，旺静而无刑害克破者，必高遐龄。虽衰而动变生旺，又无克制者，或衰而得月日动爻生合者，俱主多寿。若持空死墓绝胎，又逢月日动爻，刑害克破者，或用本衰，又动变出空死墓绝胎，与刑害克破，而元神不现者，或元神现而被伤者（生用者为元神），并主殒夭也。终寿之年，必用临流年太岁旬空之内，或不犯岁旬空亡，而值流年天克地冲者，亦死也。以流年月日会局克世之辰，定其死期，或流年太岁，带亡神劫杀丧门吊客羊刃大杀兄鬼，来刑冲克害世，而世又死墓绝胎于流年月日中者，则知命尽于此年此月此日也。

### 寿数经验断例

丙辰年丙申月己丑日庚午时，子占父寿，得节卦，安静。此卦用爻正旺，更得辰年丑日来生，理宜多寿，直至戊寅年，甲子月，癸卯日故。此年正值甲戌旬，父临岁旬空内，又绝于岁建，死于月建，胎于日建，元神又被寅年卯日相伤，故当终命也。

戊寅年，己未月，戊戌日，戊午时，夫占妻寿，得师卦，安静。财爻有气，年月日俱克兄，故今无咎，直至丙子年丙申月，庚辰日故，财虽不值岁旬空亡，以遇流年天克地冲，又被岁月日，会而成水局，克制火财，所以终命也。

庚寅年，庚辰月，丁卯日，甲辰时，卜自己寿命，得颐之复。世动化丑来刑，太岁并寅兄动克戌世，又流年神，飞廉大杀，白虎，在戌，会月虎，日虎，时虎，俱在戌，名为四虎改牙，此极凶之卦，决难免死，故其人病起正月，至四月癸卯日故也。谓世爻病于寅，绝于巳，死于卯也。何以不于辛卯，而在癸卯，谓癸水克丙火，卯木克戌土，故应于此日也。

丙寅年，丙申月，丁巳日，丙午时，卜自己寿，得（此处缺一字）之大壮世爻有气。元神长生，忌神不现，故今无咎，直至戊寅年，戊午月，壬戌日故。世爻正值岁旬空亡，又被年月日，会成火局克世，且世爻绝于岁建，败于月建，衰于日建，故当终也。

## 十二、陈希夷安命宫法

安命不论男女，正月起寅，顺数至生月止，即于生月上起子，逆数至本人生时安命，先轮定命宫，后排十二宫。

一命宫 二兄弟 三夫妻 四子息 五财帛 六疾厄  
七迁移 八奴婢 九官禄 十田宅 十一福德 十二父母

先将正变互三卦，排定十二支神，阳世初爻起子顺行，阴世初爻起午逆行。轮定命宫，命宫既定，遂从阳世阴世顺逆数之。假如阳世子爻值命宫，即从主卦初爻起数，阴世子爻值命宫，即从变卦五爻起数。凡正变互三卦，连环而数十二宫，过而复始。

### 排十二宫法

正卦	变卦	互卦
六宫		
五宫	十宫	
四宫	九宫	十二宫
三宫	八宫	十一宫
二宫	七宫	
一宫		

### 阳世顺行法

正卦	变卦	互卦
六巳		
五辰	十酉	
四卯	九申	十二亥
三寅	八未	十一戌
二丑	七午	
初子起		

### 阴世逆行法

正卦	变卦	互卦

二未

三申 七子

四酉 八丑 十一辰

五戌 九寅 十二巳

六亥 十卯

初午起

## 十二宫断

黄金策曰，首论命宫宜旺相，贵人禄马福难量，若值休空多患难，一生顺倒惹灾殃。兄弟宫中喜旺强，合生身世棣华芳，衰空带鬼无同气，冲克身爻定不良。夫妇宫中喜旺生，财临子值助吾身，杀刃临爻多怪疾，衰空难保百年姻。子媳宫中吉曜临，子孙岐嶷有精神，冲克身世多忤逆，衰空杀刃嗣伶仃。财帛宫中忌破空，旺临财位福无穷，最怕耗神兄武劫，一生得失小人侵，疾厄休空反称心，生身合世必相侵，身克世冲总不犯，最嫌帝旺与长生。迁移身世坐其爻，迁徙无恒祖业抛，吉曜临之迁则吉，凶星如值枉奔劳。奴婢宫中喜旺兴，生身合世必多情，福德养奴财养婢，吉神会遇似陈琳。官禄宫中要吉星，吉星生旺必荣身，休衰恶杀兼兄子，皓首依然一白丁。田宅宫中喜土金，子孙奕业得相承，水火木星多进退，休空到老素寒人，福德旺兴生世象，一生长得吉人钦，衰空终岁身勤动，凶曜奔忙也是贫。父母宫宜生旺临，合生身世荫垂深，衰空受克无瞻依，伤世冲身定不仁。

## 僧道占

游南子曰，僧道之占，亦有别焉。如其甫欲出家而来占也，但看华盖孤辰，临于世身命爻，而卦中子空财绝者，是宜为僧道者也。若子财旺动者，卦六冲者，今虽出家，后必还俗也。其已出家来占者，以子孙为用也，又自占用世，代占用应也。用爻旺静，带龙喜德合者，吉也。内外世应旺相生合比和，不受刑害克破者，吉也。用逢财子福禄生旺者富也。用逢官贵长生者，僧道之官也。用逢官贵禄马德合值空者，在玄门，则为法师。在空门，则为掌教者也。又卦逢六合者，六爻安静者，世旺身空者，身空不动，而元神旺，忌神衰者，皆安享清福，寿考绵长也。世应俱空者，身心不定也。二父克身者，俗家牵累也。二鬼克身者，灾病缠身也。世持兄动者，贪财好色也。勾持身动者，系念家乡也。虎加身动者，官讼累身也。雀加世动者，多招舌也。蛇加身动者，卒暴虚惊也。武加身动者，被贼冤牵也。龙加身动者，贵客相扶也。或候曰，子孙空亡者僧道见之，谓身落空亡，

当有大难。得日辰动爻冲，庶几不死也。管公口诀曰，金遇木而逢官，必得当朝之宠命。金遇木而逢福，定为常住之高入。金遇木而逢兄，兄弟来缠。金遇木而逢财，得财还俗。火见火而得子，一定当归也。又有建造梵宫道院者。木见木，寺观重重也。金见金，楼台叠叠也。水见水，佛殿宜修也。土见土，僧房宜整也。火见火，必遇火殃也。父见父，当蒙勅赐也。父旺生世者，殿宇巍峨也。父动化父，与父衰化旺者，必重建乾坤也。父入乾，宜通都大郡也。父入坤，宜田野村郊也。父入震离，宜闹市也。父入艮巽，宜山林也。父入坎兑，宜襟江河而依泉涧也。又鬼动生合世者，宜谒贵也。财旺生合世者，宜化缘也。财鬼空绝或卦无财鬼者，乏斋粮也。应爻空绝者，无施主也。世财空绝者，不宜买产也。又贵临父母者，本师得道也。父母克身者，蒙师接引也。世绝逢生者，得人点化也。世墓逢冲者，得人开豁也。兄旺化兄者，从众如云也。岁临火父，持世生合世者，宠锡忽颁也。又若招徒，以子孙为用也。子旺生合世者，徒得力也。子临死墓绝胎，而刑冲克害世者，愚痴而背逆也。子临空破者，从有灾也。子伏鬼化鬼者，从带疾也。卦值游魂归魂六冲者，不久遁去也。又有云游访道者，但得日龙与月虎，动临身世命，或日虎与月龙，动临身世命者，是谓龙虎交驰，宜访道也。游魂卦而世带劫刃者，世在五爻带亡劫者，道路灾迺也。世应相随者，不返家乡也。身世命值龙马者，江湖得志也。值福合鬼者，四海驰名也。值兄合勾者，身填沟壑也。值武临财者，没命波寿也。值鬼合虎者，途遇强徒也。值父合虎者，荣归故里也。又有密地修证者，但世持福德生旺，在既济未济卦者，或在壬午癸巳丙子丁亥四爻者，或世持火子，伏水化水者，或世持水子，伏火化火者，俱为坎离既济，宜参禅坐关打坐运气也。子孙旺动，生合临持身世命者，成功行满也。身世命爻，值空死墓绝胎，及被四直与动爻，刑害克破者，难守戒行也。身冲世动，与六爻乱动者，心摇惑也。兄动克者，谤讪兴也。鬼动克者，灾讼作也。卦中上爻（六爻为天），与父母爻，动来生合身世命者，必天祐而人护也。又有修真炼性者，缁衣以金为主，世身命居乾兑而值申酉者，吉也。羽士以木为主，世身命居震巽而值寅卯者吉也。世身命爻安旺者吉。卦无身者，难成正果，世空破者，不登道岸。鬼化子者，先难后易。子化鬼者，有始无终。日龙与月虎，或月龙与日虎，同临身世命爻者，是谓降龙伏虎，必炼丹而得道也。卦值内水外火（未济），或内火外水（既济），是谓火降水升，必面壁而成功也。世值升爻，登上界也。身居降象，堕阿鼻也。世持水福，而伏火化火，或持火福，而伏水化水者，必飞升也。世持水鬼而伏火化火，或持火鬼，而伏水化水者，必坐化也。世持水福，加龙动者，羽化而登仙也。世持火福，加虎合者，遗蜕而不坏也（管公曰，身空遇火，得火燃身）。又有僧道还俗者，子财两动者，宜也。游魂化归魂者，宜也。财子生旺持世，生身，合命者，宜也。官动克世身命者，多灾讼也。兄动克世身命者，用耗失也。身世命临空死墓绝胎，又被刑害克破者，还俗开斋之后，灾痼薦臻，寿元损坏也。随官入墓者，若祸难逃

也。助鬼伤身者，贪淫受累也。

## 家宅占

游南子曰，凡占家宅分二种焉。有安居来卜者，先看内外卦象，内为宅，外为人，旺相者，人宅兴隆。休囚死者，住居无气，丁畜消损，家庭不发。内外生合比和者吉，相刑冲克害者凶，空亡尤凶。如卦象衰空者，方看爻神，以二爻为宅，五爻为人，人克宅，则造创整齐，宅克人，则住宅不兴，人眷灾迺。二爻旺，屋多。五爻旺，人多。休囚死凶，相生合吉，相刑冲克害凶。如爻神再空，是空而又空也，必有灭门之祸。次看六亲，世为己，应为妻，阳父为父，阴父为母，阳兄为兄弟，阴兄为姐妹，阳财为妻，阴财为妾婢仆，阳子为男，阴子为女，阳鬼为祖，阴鬼为祖妣，用爻上卦吉，用爻旺相，带吉神，得太岁月日生合者吉。用爻休囚死空亡伏藏者凶，带凶杀动，被三传刑害克破者凶。用爻持鬼，伏鬼，化鬼煞，阳鬼主官讼，阴鬼，必有灾病也。凡用爻伏于官下者，必有病讼，每事多阻，出入有碍也，三将一岁分四季。如木带吉神，春季见喜，火鬼带杀，夏季生灾，金值妻财，秋宜得利，水逢兄弟，冬必破财，土爻若带吉凶，各随司令决断（辰三月，未六月，戌九月，丑十二月也）。若遇空亡，吉空则凶，凶空反吉。除此大节之外，后将并窗床厕门户道路香火栋梁坟墓六畜，分察吉凶也。又有临事来卜者，便搜目下有何吉凶，遇父动，则子伤畜损。兄动，则妻伤财损。鬼动，伤兄，大小不安，官非事发。子动，克夫，削职。龙鬼持克，喜处生灾。雀鬼雀兄持克，口舌破耗。蛇鬼持克，虚惊常有。玄鬼持克，非阴私盗贼，必奴婢走失。勾鬼持克，必田土交加，契券不明。虎鬼持克，主丧孝刀兵斗伤蹠跌。二爻凶，窗神不安。三爻凶，床席不安。五爻凶，香火不安。此察六爻，厠碓门路坟墓六畜，逐位推详也。

### 鬼谷分爻

祖妣	奴婢	宗	栋柱	墙篱	马
父	宅长	香火	道路	人口	牛
妻	坑厕		外户		羊
伯叔	兄弟	正门	阁房	床碓	猪
母	宅母		学堂	厨灶	猫犬
子孙	基址		沟	井	鸡鸭

## 一、宅基

以卦身为用也，身旺相，基宽大。休囚，基狭小。属阳基方，属阴基圆也。入卦身临乾基高，坤临坎基卑下，近湖沼溪塘也。临艮傍山陵近坟墓也，临震近闹市林木，临巽近竹木花果菜园也。临离，乾亢向阳，近窑冶也。临坤近平郊旷野坟墓也。临兑近池塘藪泽也。十二支神，身临子基两尖中阔。临亥基湾水曲也。临寅远树椿基。临卯两家基址相连也。临巳被人包后。临午前大后尖也。临申石砌中宽。临酉四方不开也。临辰基高。戌基横。丑基前小后大。未基长，后如钥匙勾转也。身逢重基曲圆，逢交，基方直也。逢刑冲，基高低破缺也。逢生合，基方圆齐整也。逢三合，而遇日辰动爻刑冲克害者，基即有一方缺处也。（如子日，或子爻动伤身爻，即北方有缺之例）。身遇三刑，基在尖角上也。身遇六害，崩败处朔屋基也。卦逢六合，中央地基。卦值六冲，街头巷口地基也。身临父，基有旧屋。身临兄，半为己产。身空伏鬼全是人基也。身下伏官，非官基必绝地也。身下伏子，道官僧房之基也。（动为观，静为庵）。身不现，又不伏，或身临空绝者，非绝户之地，必他人之基也。父化鬼者，绝户官基也。身衰值木者，旧为茅径也。身金，化金者，折屋开基也。身土化金者，移高塞低也。身土化土者，填高塞低也。龙父旺动克身者，东屋偏基也。虎父动克身者，右边已卖也。水鬼克身者，地基水湿也。雀财化父者，火后地基也。二爻克身者，基狭也。身克二爻者，基不方正也。三四克身者，门户冲基也。五爻克身，有路冲。六爻克身，有墙栋冲也。初爻与应爻，带土来生合卦身者，并入基地也。兄临子水动克身者，北方有人争基也。兄临午火动克身者，南方有人争基也。东西仿此。

## 二、井

以初爻为用也，又以白虎子孙申金为用也。初爻庚子水屋下井，甲子水门前井也。日父母生合初爻坡下井。初加勾逢三合，井在墙角也。内卦坎化离，初爻水化火，二爻火化水者，俱井灶相连也。初合三爻，房井相连也。龙旺逢冲，新井也。虎逢衰死，旧井也。初空动穿井未完也，空逢冲，穿井未久也。初鬼空，废井也。初水逢死气，井室常闭也。土杀动来刑冲克初爻，井闭塞也。初临龙水遇墓绝，枯井宜开也。初父化兄，相承留下井。初兄化兄，与人合并也。初持父母，有井亭，或肋下井也。初临月日二虎，虎眼井。水化水，双眼井。初爻，伏爻，化爻同三眼井。初与三传并合，四眼井也。初临财福青龙，水清盈溢，福及百家也。初加鬼虎，灾生十室也。初加勾土，官符叠叠也。初加雀火，一向干枯也。初加雀水，福禄悠长也。初金蛇动，井埋尸骨也。初巳蛇动，井有蛇怪。加大杀，有毒蛇也。初武水雀旺动，泉不竭也。武大杀动，水黑也。壬戌癸亥动合初，水味咸也。丙午动合初，水味淡也。大杀丙丁动，无水。初壬癸动，泉多也。水值长生。水常泛滥也。合动生合初，水清溢也。水动不积也，土动水浊也，土空是池也。土加咸池杀，水秽气，不可食也。

初属木，井边有树也。庚寅辛卯松柏也。庚申辛酉，石榴也。巳未桂也，戊辰竹也，壬午癸未，杨柳也。若木鬼带杀动，井上有枯树为精。旺相树大，休囚树小。若逢刑冲，树必损坏。日辰刑冲，其木方碍。月建刑冲，其树斫伐也。初爻土动化木者，井中有树宜去也。兄动合初，一旱无泉也。官动合初，久旱得水也。二爻父母空，无井栏也。父母被刑冲，井栏损也。二爻虎金合，石井栏。辰卯旺合，竹箩为井栏。庚寅旺合，木井栏。戊寅旺合，竹井栏。二爻武旺空，或武动逢冲者，井栏盗去也。初爻勾逢刑破，井下栅颓也。初受土克，水漏也。初临丑土加勾，井边有半片磨也。金虎动合初勾，井旁有顽石也。初临辛丑，逢勾金动来合，旁有旧缸底也。初加旺虎在艮宫，旁有灰堆也。初加天河、天井、小杀动者，有小儿堕井也。初下伏鬼，井有枯骨也。初下伏卯，井中有竹物也。金动冲合初爻，瓦罐堕井也。初加勾杀动，窑器堕井也。庚戌辛亥冲初爻，首饰堕井也。初持金蛇动，铁钩堕井也。壬申癸酉冲初爻者，剑堕井也。虎加土煞动，石块堕井也。酉金冲合初，鸡飞落井也。初加寅虎动，猫落井也。丙辰加龙德动，井有鱼龙也。金虎加大杀动，井有铁器为精也。初加光影杀动，井有怪异也。初加天烛杀动，及雀临丁巳动，而受刑者，井有火光为妖也。又宅为母，（二爻），井为子（初爻）相生合吉。相刑克凶，也又凡卜开井者，但逢玄武水旺动，与申金旺动，者其泉易至也。又日辰，与水动合之爻，其下有泉也。（以支神定其何方）。又耶律氏以卦中申金爻旺动者有井（水生申故）申金死墓空绝者，枯井也。申下伏鬼者，无栏也，申下伏杀者，水恶也。申下伏财者，水清也。申下伏父簷前井。伏子，路边井，伏兄，与人合并也。卦有两申双井也。如日辰合住，只一眼汲水也。卦无申爻者，无井。有申无水，亦无井。虽玄武旺动，亦枯井也。玄武旺，遇勾，井合者，枯井可开也。又井爻不动不发，试之极验。

### 三、住宅

以二爻为用，又以父母为用也。又以父母为堂，官鬼为厅，妻财为仓灶、厨房。子孙为廊，夏厢房披屋道路。兄弟为门户，墙壁。值玄武水爻，为坑厕也。旺相得四直生合，带贵马龙喜德禄财福动者，新创整齐也。休囚空死墓绝胎，逢四直刑冲克害，加蛇虎亡劫刃杀动者，旧居破败也。宅动必伤财也。宅空必见灾也。宅空动，其方主绝也。宅旺动，重建造也。宅旺相，必荣昌也。宅休，宜迁也。宅囚，人亡也。宅死，屋卖也。宅水逢火者，发也。（干支合论）。木遇土者，相资也。火值金者，鼎新也。土值木者，斜损也。木见木者，楼阁重重也。加木命人占，则五门一统也。贵人福德临宅，世代名家也。华盖文昌临宅，当今名宦也。火火无水，贫乏之居也。水水无金，穷寒之舍也。二水二金，宪台霜肃也。一木二土，台阁流芳也。水见火，临兄弟，和合之门也。水逢金值父母，雍穆之家也。鬼临宅空动，主有大难也。太岁临宅空动，人口必伤也。白虎临宅空动，人死

马倒也。(已上出管公口诀)。父空，无正堂也。父囚死，堂屋崩颓也。父化父，非有二堂，必楼房也，或折旧屋起大屋也。父化子，折旧屋起小屋也。父化财，折旧屋为厨灶、闺房、仓库也。父化官，改堂为厅也。凶衰，则没人为官房也。父化兄安门立厕也。父伏子下，偏屋作正屋也。父伏财下，与灶同间也。父下伏兄，两姓合门出入也。父下伏子，从屋高正屋低也。父下伏官，非宦家，必住官房也。伏鬼带合，停殡在堂也。父下伏木鬼，带火逢空者，草屋也。伏火鬼，逢衰死者，草屋也。火水鬼者，屋下湿漏也。伏土鬼旺相，当簷有教埂。伏鬼逢死墓，下有伏尸也。伏金鬼生旺，有城塔出现。衰是草舍也。雀在前，武在后，龙左虎右，勾居辰戌之方，蛇乃丑未之地也。鬼空无厅也。鬼化鬼，有二厅也。带杀则宅地不祥。夜多怪梦。如刑冲克害身世，主重重灾讼也。鬼化兄，损财招盗也。鬼化父伏父，非官家，必官房，或没人官房，或家有病人鬼祟，多招是非口舌，贵官则不妨也。兄化兄，重门相对，也主人口啾唧之灾也。兄化鬼，有官符口舌，损妻妾财帛也。财化财，连廐重灶也。带凶杀则妻妾不宁，加婢走失。财化鬼者，亦然也。财化父，居地窄，小口灾也。财化兄，不利财帛也。财化鬼贵人升级迁也。财世动，主卖屋，或毁折房屋，克双亲，生鬼祟，财物不能停留也。子化子，侧屋多，幼口灾也。子化兄住居不安也。子化官幼口损也。又禄马官贵临宅，出贵也。财禄福喜临宅，发富也。咸池，玄武临宅，出淫人贱人也。福空华盖，临宅，出僧道也。虎福加天赋临宅，出不良乞丐也。虎杀加刑害临宅，出凶恶也。龙德福喜临宅，出良善也。雀福动，出看经念佛人也。披头杀加白虎临宅，出疯癲人。木狼杀加蛇鬼，临宅，出雉颈人。风波杀带玄武鬼临宅，出溺水人。雷火霹雳杀，带雀鬼临宅，出雷击火焚人。金火鬼加天刑羊刃临宅，出刎颈刀伤人也。(爻动者验)。宅爻临鬼动，加伏尸，天刑飞廉病符者，与鬼加众杀动克宅爻者，主出带疾之人也。金动阴爻者，出麻面妇人，足上生毒也。火动阴爻者，出跛足妇女，手中疯气也。阳爻木冲者，手足疯，而阴生怪疾也。阳爻火合者，遍身疤，而鼻内涕流也。金多，则露齿无须。土多，则囊大口疔也。水多则男女咳嗽。木多，则男女疯魔也。(出管公口诀)。木鬼克宅，主出疯癲，瘫痪，燥痒麻疯也。水鬼克宅，主出冷瘟湿气崩淋也。火鬼克宅，主出白目，癲痢疾也。土鬼克宅，主出蛊胀黄肿喘急也。金鬼克宅，主出癆瘵瘫痪哑聋喘嗽也。然必宅爻逢绝气者，方可断之。但遇日辰动爻生合者，不可既论。宅爻带鬼杀动，克世身命爻者，亦然也。欲知何人有疾，但看鬼刑害克冲何位。木爻人，与刑害克冲爻人，得病也。若鬼属子属鼠人。子冲午，属马人。子克巳，属蛇人。子刑卯，属兔人是也。毕法赋曰病符克宅全家患，值月之生气者，尤合家病也。值月之死气者，必死也。人口爻带虎鬼动者，尤验。定宅向者，以世爻为坐宅，以相冲者为向道也。世前二爻为宅前，世后二爻为宅后。惟归魂卦为往外复内之象。独以二爻初爻为前，四爻五爻为后。如世值子向朝午之例，然惟世爻旺静，日辰生扶，则依此断。如世动或日辰冲克，则将世前初爻相生者

定向。如世前初爻为寅，向在申也。若前之爻，又与世克，则以前为后，以后为前，取持世对冲爻定向道。如世本属子，反言坐午向子也。向以龙德贵喜财福生旺，与四值生合之方为吉也。以虎煞亡劫刑刃兄鬼空死墓绝，四直刑害克破之方，为兄也。欲知宅前宅后妨犯，凡前后之爻，遇日辰带父冲克世爻者，屋宇相妨也。日辰带福冲克世爻者，旺则道路妨，衰则私街冷路妨也。日辰带财冲克世者，阳则楼屋户女墙乔木妨，阴则厨灶闺房仓库妨也。日辰带兄冲克世者，旺则门户冲，衰则坑厕簷角冲也。日辰带鬼冲克世者，旺则街坊厅廊冲，衰则庙社冲也。世下伏鬼，坟墓妨也。日带金火鬼冲克世者，石敢当相妨也。金鬼遇长生冲克世者，巷牌影射也。金鬼衰墓并克，来冲克世者，败社枯基妨也。金鬼受刑冲，来冲克世者，坛馆妨也。金鬼旺动遇日冲并，来冲克世者，石冈妨也。火雀鬼遇长生，动来冲克世者，窑灶相妨也。玄水鬼遇生旺来冲克世者，瓦流妨也。玄水鬼遇死墓绝胎，来冲克世者，枯池竭井妨也。木龙鬼遇长生来冲克世者，松柏妨也。死绝为篁竹，带墓，则坟木也。木鬼冲克世者，桥道妨也。生旺，则墩埂城角妨也。土鬼旺动冲克世者，神庙妨也。衰动冲克世，伏尸古墓妨也。（出子耶律氏锦囊集）。

欲知起造，但震巽宫宅爻旺动，与初六爻两木旺动，要构新居也。旺而静，则造成矣。欲知起造修改因何，应冲世者，为阴阳妨碍也。世旺动者，因富贵营建也。动遇合者，有人阻隔也。静逢冲者，有人吹嘘也。日带父克世，因风雨而修也。世临父逢空，为妻身而起也。金木齐兴，修整必速也。（一动一静稍迟）。木旺金衰者，功已告成也。土金旺动者凿井、穿池、叠砌堆山也。衰动，则改门换壁也。金旺木空者，欲兴工而未能。遇日辰生合，其功必成也。遇日辰刑冲，枉劳心力也。若强成，决损人财。遇太岁冲克者，立见悲惶也。修造兴丁以间爻为匠也。又兄为人工，莫伤财位，财为工本，怕遇绝爻。子旺，则酒食丰余。应空，则工程退缓。辰戌兴隆，砖瓦已备。寅卯空伏，料木尚无。土鬼动者灰恶。金爻空者钉缺。世合间生，事未兴而局已备。间空父动，料已具而匠休工。福临应，则匠巧。（单占以应为匠）。兄入应，则匠拙。雀必多言，勾终迟钝。遇龙而才高精巧，逢虎而性浊猖狂。玄官防其窃取，蛇鬼虑乎倾颓也。

宅式，乾圆坤方艮重兑缺离虚坎实震长巽直也。勾加父半边破相之屋。蛇加父，牵连之屋。玄加父，披搭之屋。雀加父，间口之屋。虎加父，破损之屋。龙加父长短之屋。蛇加水父休囚，乃茆簷草合也。虎加父动，有搭角屋也。宅爻土化土，拖前带后也。木化木，横屋重楼也。火化火，屋有龟头也。雀克玄者，前高后低也。龙克虎者，左高右低也。金遇勾生者，中突四低也。龙死虎生者，西高东低也。动衰化旺者，前窄后宽也。土旺木衰者，必平屋也。

宅之大小，但宅爻旺相逢生气者，财动生合宅爻，或财旺动化父，与父爻旺相，重重出现者，必大宅也。父衰逢蛇虎者，茅屋。旺相者，带瓦。父旺雀休者，前面黄瓦，或草盖也。（逢子北方，

丑东北方，余仿此。)

宅之新旧，父爻宅爻旺相新，休囚死旧也。父衰宅旺者，半新旧也。爻旺六神衰者，新旧相接也。旺化衰，前新后旧。衰化旺，前旧后新也。财动化父，折旧换新也。

宅之倾倒。但父衰而财旺动者，主倾倒也。以年月日时克冲之支神，定其倾倒之日也。又世爻，宅爻，父爻，逢空破墓绝，宅必倾倒破败。如临财虎动者，亦破折房屋也。又父爻宅爻世爻三空者，主三迁，或逃亡绝户之屋也。

宅近何处。临乾兑宫逢子动者，近庵堂寺观。临金虎鬼者，近屠猎军匠人家。逢虎兄动，近赌坊。父动化官，近公馆也。管公口诀云，初二爻，鬼墓动，屋后有坟。三四爻，虎杀墓动，两肋有坟。五六爻，土鬼动，开门见坟也。又寅申巳亥，坟在四角。子午卯酉，坟在四旁。辰戌丑未，坟在两肋也。

宅典与人住者。但内卦，父爻宅爻合应爻，或应爻克内卦宅爻父爻，或应居二爻，或应爻支神，与宅爻支神同者，俱主屋与人住。应带日辰，则为寄居也。又应临玄刃虎杀来克宅，住屋人奸恶也。应加龙德福喜生合者，住屋人循良也。

住人宅者。但宅爻带父逢空，或父不现，或身世与外卦父母爻相合者，供租赁之宅也。得需颐二卦主店居也。管公口诀曰，土空者，赁屋住也。

离祖过房者。凡世空，与世逢冲，或身世临五六爻动，主离祖过房，或出远方也。又世临外卦之爻，与宅爻同支神者，谓世临外宅，动则离祖分居，静亦主住偏宅也。又指掌诀云，住冲六位，变祖迁移。两鬼两财，两承宗祀。二父当权，重拜双亲也。

分别住宅吉凶者。管公口诀曰，金爻动正西西北，西南皆逃流。东可住，留子孙。水爻空，东北寡，西南孤，西北出烂足，正南可住。火爻动，东方灾困多年，一床快烧，西北两代孤寡，西南逃，东南可住。土爻不空不动，正西难住，主荫三代老寡，两房幼寡，留孙不绝，东北正东可居。木爻动，正东西北东北有子，东南正西主孤，正西不可安床，西南有祸。又曰，木泄无聚，正东难居，木旺有生，正东发福，取天干以合地支五行，同以此法推之也。问宅分合者，但宅爻逢合则合，逢冲则分也。兄弟动者分，官鬼动者合。世身静而居库，合住必久。如逢日辰合出，则出祖之命也。世身临兄动，亦主分眷。如逢日辰合进，主前分后合也。若世身遇白虎凶神冲克，得日神合出者，必然改故鼎新也。或世身带金木暗动，意欲重新更改，然后分析也。如二爻空亡带杀，分必不利也。衰化生扶，先贫后富也。旺之冲克，先富后贫也。前卦无财后卦有，分后兴隆也。前卦有财后卦无，分后萧条也。

问宅荫者。但木居外卦，旺动合宅爻父爻者，必有大树庇荫也。如日刑木爻，其木方碍。有月

建刑克，木已斫久。若木鬼带螣蛇光影杀动者，宅边有枯树为精也。

问宅饰者。宅爻天干，逢甲为板阁架，乙为板栅，丙丁为彩画，戊己为尘土，庚辛为画饰，壬癸为油漆，或屋下水池也。金子动来生合父，或金子动化父者，有玉砌雕栏也。火子动来生合父，屋内必悬图画。父下伏鬼，是神佛像也。

宅有魔魅者。凡官鬼加虎玄金爻暗动，来刑冲克害父爻，世爻宅爻者，俱屋有暗算也。鬼初爻暗动，在后金柱也。二爻动，在中栏柱也。三爻动，在大金柱也。四爻动，在前金柱也。五爻动，在前小金柱也。六爻动，在前步柱也。（阳在左，阴在右）。金鬼，铜铁器物。木鬼，竹木雕刻物。土鬼，砖瓦琢成物，或泥土物。水鬼，纸画形像。火鬼，乃骨物也。鬼加虎，乃走兽须防疾病也。鬼加雀，乃飞禽，当虑官非也。蛇多魔梦虚惊也，玄主奸淫窃盗也，勾则田蚕损耗也，龙则胎产成虚也。鬼临月日，木刻人形，灾生小口也。鬼若逢冲，家人常见。鬼动遇合，灾害不成也。（秦人邹道岸，客游燕卫间，专为人取厌魅，获利万金，用此十法也。）宅有伏尸藏物者，但财墓于二爻，有财宝埋藏也。鬼墓于二爻，有伏尸也。子入墓，下埋小儿和尚也。阴财入墓，下埋阴人奴婢也。父入墓，下埋老人衣冠文书也。兄入墓，下有孔窍坑井填筑也。加龙在左，加虎在右，雀前武后，勾中蛇侧角也。

宅有怪异者。以鬼爻动为用也，（静则无怪），孟月三四为怪爻，仲月二五为怪爻，季月初六为怪爻也。凡怪爻，加鬼煞持身世动，或带鬼杀动，来刑害冲克身世，或逢财动助鬼来伤身世者，或身世随鬼入墓者，皆主灾难脱也。怪爻在乾，西北方现也，入艮，东北方现也。入巽，东南方现。入坤，西南方现。离南坎北震东兑西也。鬼爻伏父动，怪在堂也。伏鬼动，怪在厅也。伏财动，怪在厨灶卧房仓库也。伏福动，怪在廊庑厢房也。伏兄动，怪在门户坑厕也。鬼属金怪从土中出也。属木，怪从水中出也。属水，怪从五金中出也。属火，怪从木中出也。属土，怪从火中出也。如加龙，怪青黑色，长嘴，微声，有足有尾，善变化也。加雀，怪赤黄色，尖小有嘴口能快飞，或鸟怪也。加勾，怪黄黑色，形矮扁，或山魃野魅也。加蛇，怪红黄色，善走动，或蛇与狐狸也。加虎，怪白色，有须无项，或伏尸为祟也。加武怪黑色活动不定，或獭怪也。

神杀 寅月 卯月 辰月 巳月 午月 未月 申月 酉月 戌月 亥月 子月 丑月

犬怪杀

蛇怪杀 戌 未 辰 丑 戌 未 辰 丑 戌 未 辰 丑

鸟怪杀 未 午 巳 辰 卯 寅 丑 子 亥 戌 酉 申

宅进田产者。但土财生合世身，或勾喜生合世身，与勾克世财者，住主进产。旺多，衰少。惟空则有名无实也。在外卦他宫来生合，得外家分授之产。内卦本宫来生合，乃自己续置田产也。得

于何人，六亲定之。得于何方，八卦定之。得于何时，生旺月日定之。凡勾值太岁动，与世克动勾，或财动克勾，或勾临木鬼动，住主退卖田产也。要知因何退卖，以六亲六神推之，雀鬼克世因讼退也。虎鬼克世，丧葬退也。龙鬼克世，婚嫁退也。蛇鬼克世，求签信佛退也。玄鬼克世，奸淫盗贼退也。又宅爻临土空动者，无田地。动而不空，有些产存也。

宅得财者，但之宫内卦财动生合身世者，主得至亲财，本宫外卦，远亲财。他宫内卦，邻里财，他宫外卦，远方爻财。旺多衰少。以五行定其何物，以八卦定其何方，以六亲定其何人。如卦中无财，厅上变出财来生合身世者，主不意中得直来之物（详见身命贫富占中）。

宅嫁娶者。但卦中财鬼二爻同动，来生合世爻宅爻者，或卦有财，而日辰是鬼相生合，或卦有鬼，而日辰是财相生合，或财鬼二爻动，变来生合世爻宅爻，皆主婚姻之喜。宅爻世爻逢空，则不成也。

宅怀孕者。以胎爻为主也。如乾卦以水为子孙，水胎于午，卦中午爻动，或化出午爻者，皆有怀胎之喜也。要知何人受胎，以六亲断之，胎临父母，是叔伯母。临财，则妻妾婢。临兄，则嫂与弟妇姐妹。临子，则女与媳。临鬼，或鬼化出胎者是鬼胎。主虚喜也。胎爻动，生其目下，不动，尚迟也。

宅添丁口者。但应临财福，生合宅爻世爻者，必进入丁。如世爻动，克应上财福，则有通卖人口之事，应临财福空亡者，谋事难成也。

宅遭回禄者。但人宅相冲。（初爻五爻）加烛火天烛天火天祸杀，或杀带鬼动，持克世爻宅爻，或世爻宅爻持雀火，动化鬼爻，或雀动，化日辰火鬼，或日辰带雀火鬼，冲克世爻宅爻或日雀，与月雀，并动，或月雀带鬼，遇日辰冲并动者，俱主失火也。要知何处起火，以八卦推其方所。又世则家下，应乃对门。内为本宅，外则乡邻也。又蛇加巳火。在二爻，或六爻，空动者，遭回禄过，不空，十日内有火灾。巳在东南，巳冲亥，在西北也。若火鬼暗动来克宅爻世爻身爻或六爻无鬼，而动化火鬼，刑克宅爻世爻，身爻，或应带雀火鬼杀动来刑克宅身世爻者，俱主讐人放火也。如鬼杀不动，或空死墓绝胎，及水爻旺动持世者，皆无火灾。即鬼杀动，而不克宅身世爻者，祈祷可免也。郭雍曰，月破之爻临火杀，岁君冲鬼朱雀发，刑身克宅宅逢空，百计祈祷难解豁。

宅失贼者。但坎宫水鬼动，或兄化鬼，鬼化兄，或玄鬼带天贼杀动，或玄下伏鬼暗动，或日辰带玄鬼暗动，来伤宅世身者，皆主失贼也。（暗动者尤验，应在对冲之月）。若不伤身世，而克宅爻者，足私房小伙有失。鬼爻休囚，是嬉偷白撞贼也。玄鬼带天盗劫杀旺动，来克身世，是大伙盗也。财化财，加玄武者，防剪缕贼也。又玄临财动者，但查天贼何月值此爻神，遂以爻神六合之日，断其失贼极验。

宅有官讼者。但雀鬼持克宅爻世爻者，旺则官司，衰亦口舌。父化官官化父，或雀鬼冲克三爻四爻（三为门四为户）。不拘阴阳，皆有户役官讼也。雀父动，文书尊长之讼。雀福动，少年僧道之讼。雀财动，阴人钱帛之讼。雀兄动，手足朋友之讼。雀伏鬼化鬼，牵连飞来之讼。雀鬼动，化鬼，病讼交加。或一事未了，又惹一事也。本宫，在家事。外宫他处事。若加太岁讼必经年。又鬼伏兄下，暗动克世身者，必牵连之讼。鬼伏财下，临阴爻，与用爻相合者，必妇人干连之讼。临阳爻相合，则财帛干连之讼也。

宅有琐碎者。但宅爻安静，破日辰并起冲起者，在官爻即忧官。在兄爻，即有兄弟相识事。在财爻即有阴人钱帛事。在父爻，即有尊长文书事。在福爻，即有子孙僧道事。（克世身者尤验）。又日辰并冲官爻者，子官休渡海。亥鬼莫临河。酉官香醪少饮。丑官牛肉莫餐。午官忌乘骡马。卯官莫上车舆。申休舞剑。未弗牵羊。巳被蛇伤。戌防犬啮。寅当虎噬。辰被龙惊也。

#### 四、厨灶

以二爻妻财为用也。二爻旺相，新灶。休囚，旧灶。逢冲，破灶也。旺动，厨灶闹热。休静墓绝，灶头冷澹也。临父，楼房重建。临福增进产业。临兄必分爨。临妻必寡居。鬼动，必见灾殃。鬼空人口瘟疫也。值龙木年见喜。值雀累月官符。值勾不动生财。值蛇虎动有祸。值玄武，静者吉，而动失贼也。值太岁动，阴人小口灾也。太岁空，宅长宅母灾也。旺宜守旧，空须更迁也。水动明净，空则失业也。木动烟迷，空则无牕也。土动伤猪畜，空则乖张也。火动簾梁蹊，空则贫寒也。金动锅损，二金动，中锅损，土金动，大锅损，休则小汤锅损，囚则小尺者损也。金空锅缺也。三金并见，五锅之家。（干支皆金，本命又金）。干支二火动，重重口舌也。火鬼动，主汤火之灾。看刑克何人命爻，知其何人被灾也。坤宫乙巳火动，四月十月，防火灾也。（四月巳，巳冲亥）。艮宫丙午火动，五月十一月防火灾也。（五月午，午冲子）。二木动，楼阁重重。二金动，必见孤寡。二水动，势业难留。二爻戊辰巳丑动，灶前有怪石。休囚必土堆也。二爻甲寅，三爻乙卯动，有横梁灶上。不动者居中，空动者不跨灶也。又灶左为门，灶右为路。左见二木，（坤宫乙卯）两门相冲。右见二土，（艮宫丙辰），一路相犯也。（出管公口诀）。二爻加咸池杀动，灶前有泥土砖石堆，主人口脓血之灾。加天火天烛火杀，防灶下火起也。二火空，灶无烟楼，或无大灶，或有废灶也。火鬼动灶必漏烟，火鬼空灶神不安也。火化水，灶前湿漏也。土空欠土修茸也。值勾鬼，泥打灶，勾临金，半泥半砖也。土鬼动，礅砖为灶也。灶墓同宫，下有伏尸也。木旺动灶上有横梁。木逢死气受刑冲者，旁有横木也。木死绝，乏柴米也。木生旺，多薪谷也。寅空，无提桶。卯辰空，无笼箠。水木空，无钩桶也。日辰克水库，（辰土），水缸损。日辰克水库，（戌土），火缸破也。财动化财，

又伏财者，有三灶也。财下伏鬼者，灶必坏也。逢金，砖灶。金虎空，无灶梁。金化火锅损。金虎带杀空动，灶锅崩破也。雀加金鬼动，火烧锅裂也。金动冲二爻，锅破也。水动冲二爻，瓶罐破也。酉金冲雀，木杓碎也。雀加土杀动，灶多虫蚁也。鬼加咸池杀动，临亥，近猪圈也。兄加咸池杀动，近坑厕也。玄武水动，近水池坑。武水鬼逢冲，灶下屋漏也。玄武加兄，带咸池动，秽污交加也。玄武空，他人之灶也。勾陈动，近墙壁也。蛇鬼空，无烟（此字左火右忽）。蛇鬼加水动，烟柜漏烟也。雀加兄鬼动，灶下有呪咀也。虎加鬼动，人有脓血灾也。雀兄并立，与人合灶也。鬼逢蛇合，不供灶君也。初爻，与申爻动，来合二爻者，并灶相连也。三爻合爻，房灶相连也。临父旺，大屋下灶。临福旺，两厢下灶。四爻兄，加咸池动克二爻，厕欺灶，或灶下有坑砖。二爻，临兄鬼，加土杀勾陈杀动者，灶间先年是坑基也。三动冲二，房门对灶也。三四动冲克二，两门朝灶也。主有门户官非，且不聚财也。三加虎，冲克二，碓妨灶也。加金蛇马动来冲克，磨妨灶。加木财，福蛇马动来冲克，杙妨灶也。五冲克二路冲灶，阳前阴后也。二冲克五，香火下不宜安灶也。六冲克二，栋冲灶。二冲克六，栋下不宜安灶也。二爻得生扶二眼灶，逢生合，三眼灶。临四直四眼灶。休囚无生，独脚灶。木旺动，合二爻初爻又空者，乃行灶也。虎金动合，二爻逢冲者，缸灶也。二临勾逢空冲克者，冷灶。雀逢空冲克者，灶无烟出也。世爻生合二，主人执爨也。财爻，生合二，奴婢司炊也。二合正财，灶下有鬘卧榻。二合五福，灶下有小厮眠床，宜徒也。二爻与金爻冲合，在乾宫者，或乾宫金蛇动，冲二爻者，烟柜歪也。二爻合六爻子孙者，灶前挂腌腊味也。子居巽，为薰鸡。艮为野兽，及狗肉。坎为风鱼火腿。兑为薰羊肉。坤为腌牛肉。震为蹄肉野味。离为薰雉。乾为马肉，连头带骨，乾燥珍味也。

## 五、床

以三爻逢交折者为床也。旺新，休旧。冲则破也。逢财福吉，遇兄鬼凶也。值龙喜而迁稳处，临虎煞则安恶方也。勾鬼动而婴孩夭折。虎福动而老父孤眠也。蛇鬼动，阳人年损。雀财动，阴人寿促也。财空三妻一定也。福空五子皆虚也。兄空，孤身独立也。父空，借床卧寝也。官空速用迁移也，官旺阴人失，官衰小口失也。金动则多魔，金空主孤独。酉金动，主利妻也。木动后嗣荣昌，木空，自己无根也。木财生旺，床席端然。二木冲床，孤辰少子。正南者凶，若居正东，可留一二承嗣也。木财逢冲，床席破损。木财逢空，上无屏风。火金见鬼，刀刃交加。水木见鬼，笔书堆积也。水动渗滴席穿，阴人有痔。火动生灾，火空动主二三妻。火空，下无蹈凳。土动，床不安，宜移干净处。土空则无父，孤儿也。土旺，难为子息。动则应继子，空则抱养子也。又三爻持木伏木更化木者，或四直带木来生合者，房内有三四张床也。三爻第一张，四爻第二张，五爻第三张，六

爻第四张，初爻第五张，二爻第六张。但直申金空动，即断此床无子也。干支皆土，一张地榻。干支皆木，八面深床。水火同爻，床席端正。干金支水，房屋渗漏也。金金无水，东有刀斧，南有大缸古甕，旧书堆积也。木木无金，东有古桶作怪，壁上有大鹿角，空则无物挂也。火火无水，床厅床足烧损。春夏灾苦，东西宜移，更有高阁床，宜铺旧处也。水水无火，主阴人胎产淋带咳嗽腹症，小儿脐大，男子疯热，目染飞丝也。土土无木，乃亲舍之床，主克妻害子，腹胀足烂，不聚财也，又三爻木旺，东南方多子，木衰，东北方孤独也。火旺巳午方多子，火衰正南正北灾困孤独也。金旺，西南多子，金衰西北绝也。水旺，正西正南吉，值子孙动，尤多男也。水衰，正北，东北，东南，孤寡也。土旺，则艰嗣，临兄动，应继子孙绳绳也。正东，东南，东北，不宜安床也。日辰冲穿三爻，有日月光照床也。日辰刑克三爻，屏风妖魔声响也。床爻属日，东鸣，金西鸣。水北火南，土四隅鸣也。太岁刑冲克害床，爻阳，则男灾，阴则女痿也。如太岁庚午，庚冲甲，午冲子，午刑午，午害丑，则属人鼠牛马命人受伤也。余仿此，（天干甲庚冲，乙辛冲，丙壬冲，丁癸冲。）又都太岁合床，（谓戊己土）其年家破人亡也。（已上杂见管公口诀）。三爻逢生，新床。逢旺，好床。沐浴，是破床，或其人裸淫纵也。衰是接脚床，病有病人，死曾死人。阳男，阴女。墓则下有伏尸，或有坟砖插床。空在阳爻，刑破柱礎插床脚。在金财爻，则有金银珍宝埋床下也。绝是绝户人家床。胎有怀胎妇。养当孕育时也。（长生诀于日辰取之）。龙喜持三爻动，主孕育坐喜也。福值长生，多孙子也。三旺初空，无踏脚也。三旺四空，无帐架也。四爻父空，无帐幔也。六木冲三，房有横木也。六火合三，房有天窗也。五冲三，房门对路也。三冲二，房灶相对也。三合二，灶在房内也。三持父，房在正堂。三持鬼，房在厅。三持财，房近灶。三持福，房在廊庑。三持兄，房近厕也。三动合阴爻，床背铺也。三持旺木火父，加龙德来生合者，花床也。三持财伏财，化财，或干支二财，四直财来生合者，俱多妾媵也。木动床脚跷。木被刑冲，床框损。金加大杀动，床框钉铍。光影杀临三爻动，床有怪异。加蛇，有蛇怪。加戌，犬上床也。蛇临三爻动，床有绳缚。加鬼杀，床多怪梦。天干金，夜有呻吟之声。地支金，夜有爆裂之声。由匠人魔鬼也。金蛇动，床头有铃铎声也。酉金动化水，床头有酒缸。加雀鬼，必酸酒也。金福旺，房有明镜。动化火者，镜昏暗也。金鬼旺，有锡夜壶。旺新休旧，冲则破也。卯木动刑子水，屋有木猫。父临水受冲，床有破被。木受动刑，有折木梳。三动冲福，房有破窗。艮宫子水动冲三爻，床下有鼠穴凶也。龙鬼带杀动克三爻，床有产病妇也。雀火鬼持三爻动，有外来床，多生疥癬也。又凡卦中寅卯带鬼动，或逢冲动者，主木器厢桶绝户家来者送灾，宜速去，断之无差也。

## 六、碓

以三爻为用也。碓与床同宫，动则床冲碓，空则碓冲床。床碓相冲，灾符不免也。木动冲金，官非不息也。水动克火，灾患长存也。二木逢龙，寅方吉也。二金遇虎，申方吉也。二水遇龙，二方吉也。二火遇雀，南方灾也。金入乾，煞中加煞也。水入坎，空而又空也。土入坤艮，虚惊不免也。未加震巽，造化安然也。火入离，逢水克而多魔。金入兑，遇火攻而为杀也。水空碓无木。金空碓无钳。火空家寒窘。水空碓生尘。生空不发财也。又碓冲栋宇，（六爻），留子亡妻也。（出管公口诀）。

## 七、门户

以三爻单重者为正门，四爻才兄者，为外户也。旺新，休旧，冲则破也。龙宜正出也，虎利斜行也。四直生合门户爻，向利而丁畜盛，八节安也。四直刑冲克害门户爻，向凶而人财破耗也。三四爻带龙喜德贵禄马财福生合世爻宅爻者，在内，有婚姻孕育之喜。在外，仕宦加官禄，庶民进钱谷也。日青龙，会月青龙临门户动者，必重重喜庆也。若遇日辰冲破，时下见喜，终为不美。仕进婚姻进入求财俱有初鲜终。若生男，临盆即死也。鬼临门户动，为门户鬼，占家宅大忌。更遇财动生扶，及三传来克世克身克宅爻者，必有横祸也。雀鬼，官符口舌也。加天火，独火天烛杀动，必遭回禄。空则已往，不空将来也。蛇鬼牵连不了事也。虎鬼，疾病丧亡也。（空动者尤验）。勾鬼，户婚田产争斗之讼也。玄武鬼，内防走失。外谨穿窬也。玄武鬼会咸池，主淫乱之事。动来合世，家主不正。动来合应，主母不正。动来合父母兄弟妻子，即断其人不正也。六爻动合，主奴婢有阴私之扰。（六爻为奴婢）。生旺则事露，休囚，犹可隐匿。如逢冲，必被人撞破也。兄弟临门户动，必破耗财帛也。（群见身命断贫富内）。又旺金逢火而大富。旺水逢土而贫寒。金见木，巽门吉也。木见金，兑门利也。火见木，离门发也。火见金，兑门利也。金见金，正西宜闭，恐伤手足也。水见水，西南宜闭，恐伤母寿也。水逢火，北处财门也。木见土，艮宫鬼窟也。太岁值门，灾符不免也。喝散值户，口舌潜消也。贵人福德临爻，潭潭相府也。华盖文昌值位，凛凛候门也。逢太岁而灾魔，遇旬空而殃祸也（以上见管公口诀）。三四爻兄弟相冲，肋下有门对冲，不聚财，阴人灾也。五克三四爻，必分门割户也。或路直冲门也。（五为人口，又为道路）。六克三四爻，栋冲门也，三四爻木兄动，门一路出入也。两父动，门两家出入也。三四克五爻，开门动香火，（五爻又为香火），人眷生灾也。三四克六爻，栋下开门不吉也。初冲三爻，当门一井也。勾鬼带咸池动，克三四爻当门有厕也。勾临三四持世，正门闭，旁门出入也。三四相刑害，二门相穿，不凑合也。五六逢鬼墓，开门见坟也。木旺动来合三四，门外树茂也。土旺静来合，门外有田园也。虎兄动来合，门外有灰堆也。土杀加空雀来合，门外有火烧空地也。蛇加土杀来冲，门外有漕堰也。金虎旺动来冲，或土

杀带日虎来合，门外有石敢当也。绝木动来冲，门外有柱也。坤宫金财，加勾马破碎杀动来冲合，门前有牛磨也。玄水动来合木，门前有桥也。勾加木动来生扶，门外有屏风也。玄水冲，门朝水也。四爻土雀旺动，鸟巢当户也。雀临初木兄动，后门作前门。玄临六爻水兄动，前门作后门也。三四临金鬼，门无环，或环脚动而重钉，否必刀伤门也。临水鬼，户枢活落。蛇抱木动，门户空自开闭。金蛇空动，门有妖声不祥也。木动来合，修补之门。木兄动逢死废，侧斜之门也。临火鬼，门被火烧。临土鬼门上有土书泥涂也。逢岁月日破，与破军（午爻）破碎杀动者，门必破坏。吉神动来生合，门新修也。逢墓绝，门闭塞也。动逢合，门阻不通也。动逢冲，关锁不固也。合逢冲，窗楞不全也。玄动来冲克，门盗去也。四爻空，外户不闭也。卦无兄而三四爻受伤，无门也。父化父，两样门。兄化兄，双扇门也。临子午卯酉，正门也。临辰戌丑未，横门也。临寅申巳亥，石角门也。临蛇鬼在巽宫者，绳缚门扇也。卯动来合，芦门也。辰动来合，竹门也，空亡遇合，亮榻门也。鬼空，无门神。值午鬼，骑马门神。金鬼，波狮门神。虎鬼旺加将星，将军门神。鬼加贵禄，如冠进禄门神。值福德临胎养，童子门神。值华盖福德，善人门神。值虎鬼大杀刑刀，钟馗门神也。值福禄旺相，有福禄字贴门上也。

## 八、坑厕

以四爻玄武水兄为用也。旺新休旧，冲则破，空则无也。金动，缸破，长男有痿也。火动，生瘟疫，宅母灾。木动，壁无泥。水动，湿衣。刑土旺动，壁光辉也。金木空，是高缸。火空，无壁。土空，主绝嗣而坑废也。木受生，坑房洁净。木见木，板铺齐整。（木宫木爻亦然）。水见水，泥湿无时。水旺加咸池动，秽湿不堪也。兄带金神动，口舌官非也。兄遭太岁冲，瘟疫痢疾也。龙动而多喜庆，虎动而起灾迟。蛇加父母，事业元亨。玄值文书，小人陷害。雀兄独发，财散妻灾。龙值财空，无妻丧子。勾临福动有讼无拘也。兄入寅申巳亥，外坑也。兄入子午卯酉，簷下坑。兄入辰丑戌未，屋下坑也。龙左，虎右，雀前，武后，勾中央，蛇侧角也。兄动化兄，与兄下伏兄，及卦有两阴水克兄，俱有两厕也。兄下伏火鬼，无厕所。伏水鬼亦然。天缸伏蛇鬼，草苫盖。伏勾金鬼，缸半缺。伏虎金鬼，坑无壁也。勾见勾（月勾日勾）肋下外姓枯坑也。兄下伏财，坑灶相连。水兄化金鬼，虎蛇马者，碓磨相连也。兄伏丑鬼下，近牛栏。伏未鬼下，近羊栏。伏亥鬼下，坑连猪圈。伏酉鬼下，坑连鸡埘。伏午鬼下，坑连马厩也。（出管公口诀）。

## 九、香火

（六爻宗庙，以官鬼为用，与香火同断）

以五爻福德为用也。临龙福德贵生旺，与四值生合，不犯刑害克破者，则神佑助，而丁畜安利也。五爻值父，多子孙。值兄出农工商贾。值子，主有前无后。值鬼，旺则富厚。值财旺则富，衰则贫也。土动，尘埃积案。木动，栋梁伤损。金动，香炉破损。火动，瘟疫多魔，烧屋无存。水旺，光明净室。水动，则神堂湿漏也。又二金无火，典屋立火也。二木无金，自手更新也。二金无木，赁屋安身也。二土无木，草舍茆簷也。二水无火，孤灯独坐也。（以上出管公口诀）。五爻福下伏兄，与福动来合五爻者，俱有两家香火也。父下伏父，另营家庙。兄下伏兄，共合祠堂也。勾鬼动家堂，土地为祸。若克世者，家破人灾也。雀兄加大杀动，香火下有呪咀，主人眷不安，田土口舌也。福下伏爻，谓之食虎伤人，香火不利，主上世出孤寡，下代出游荡之人。遇禄马贵人，不作此断也。子下伏财，旺富衰贫。得日辰助之，则吉也。子下伏子，为相并，香火不安也。子下伏官，动用忧攒也。日辰带木鬼动冲福者，前有台阁相犯，主丁畜消损也。日辰带金鬼动冲福，前有破头朱雀，或近石冈，而神宅不宁也。日带水鬼冲，前有凶水朝，遇刑冲并墓，则沼沚相冲，衰则当门屋漏也。日带火鬼冲，正屋必崩颓。衰则正堂安灶相妨，或牌位火烧也。日带土鬼冲，主兴工动土相妨。衰则修作石攒改门攒壁相妨。并墓，则凿井穿池相妨，主宅长损而丁畜消也（出锦囊集）。五爻火福动化火，加堂火灾，空则已往，不空将来也。金鬼化火，香炉破损。木鬼化金，神堂钉钯也。鬼旺动，夜有鬼神出现也。虎财逢空绝，旛盖供器不完也。雀鬼旺动，供器焚烧也。勾鬼旺动，尘垢交加也。武鬼旺动，神堂湿漏也。虎鬼加杀动，神像不安。蛇鬼加杀动，神像破损也。蛇鬼动逢合，有卷起神像也。子下伏鬼或子动化鬼者，佛像神图混杂也。子属木非木牌，则木雕像也。子属金非观音，则金妆像也。子属火乃绯衣牙骨像也。子属水是真武纸绘像也。子属土，是土地泥塑像也。六爻无子，与子空死墓绝胎者，非无香火，必不敬香火也。世冲克五爻，家主不敬。应克冲五爻，主母不敬。官鬼冲克，公姑不敬。父母兄弟妻子冲克五爻各以用爻断其不敬香火也。又五爻子孙动，香火主分也。水鬼空合，水盂破也。木鬼空合，阴则花瓶损，阳则烛台牌位损也。木官受克，神龕破也。木官逢冲烛台花瓶不成对也。金官逢冲，香炉破损也。五爻水鬼，会玄武咸池动，厌秽逼神也。虎加子动，或雀父动化鬼，或鬼下伏子临重动，或子伏岁杀下动者，皆主旧愿不还也。子伏水火鬼下，佛愿。子带凶杀，伏火鬼下，神愿。子伏省父下，经愿。子伏财下，福礼愿。子伏龙父下，素愿。鬼化亥未，猪一愿。子化申辰，灯油愿也。

## 十、人口

以五爻为用也。五爻动，人口生灾。五爻空，人口散失散亡也。土旺，人口无多，主艰嗣也。土动，其方主绝，而有继子。土空，则有抱养子。土持福静，只主单传也。木旺，人财拔萃。金旺，

蚤发易彫。如申金动者，必克子。水旺，晚发悠久。火旺，人口灾瘴。木多无火，人丁耗损。金多无土，夭折子孙。火多无水，财源不聚。土多无火，钱谷耗散。水多无金，贫困无资。火旺土衰，田园不失。火多土旺，家业无穷也。（管公口诀）。五爻遇刑冲克害者，在子则小口灾。在父则父母灾。在兄则兄弟灾。在财则妻妾奴婢灾。在鬼则公姑灾也。（俱分阴阳以别男女）。五爻持父动，子孙灾。子动，公姑灾。兄动，妻妾奴婢灾。财动父母灾。鬼动，兄弟灾也，或子爻带鬼安静，被日辰冲并动者，即知人口有灾也。要知何灾，以六神定之。如鬼属土，则火生土，五月，或午日见灾。土生申，则七月，或申日见灾。又三六九十二月，与辰戌丑未日见灾也。（金木水火仿此）。五爻持鬼墓，家有病人。鬼墓加虎杀动，克五爻者，目下家染瘟疫也。太岁临五爻动，阳爻，阳人灾。阴爻，阴人灾。冲动，小口灾也（刑害克冲本命者凶）。五爻持父动者无子，继有克过也。六神，龙临五爻动入水土者，主少年谐婚，妇人孕育，庶民进财，官人得禄也。龙入土，主进财喜。入金主克妻，阴人灾。入火，主父母虑子孙灾惊。入巳火，主子孙不和也。雀持五爻动，入火，主在官迁升，在家官灾也。入水，阴人灾病。入金主口舌，因得财起讼。入土，有公门文书事。入木，主得小利，家有不祥事，防之可免。雀入鬼空动，家出师巫也。勾持五爻动，入木，主退田产。入金，病药无效，又主口舌。入水，主脓血疥疮灾。入火，主妇人齿痛。入土主文书争讼。带鬼，则人眷不宁也。加三传，主田产十分，多勾连琐碎事也。蛇持五爻动，入木主人口有灾，迁移不定。入土主人口梦魇，家多妖怪，土杀为祸。入火，主小口痘疹，兼汤火血光灾。入水，主孕妇灾，防水厄。入金，主女人卒暴，饮食中得病，家长目疾。入福，主养外儿。入财，必作经商也。虎持五爻动，入火，不能为祸。入金，主脚痛，刀斧血光，扑跌。入水，不利小口，主瘟疫瘴。入土，主宅母灾。入木，主有横祸丧服血光事。虎加鬼动，带丧门吊客死符病符，主疾病丧亡。各随五爻之亲属，断之无差也。白虎空动，决生死亡，得日辰福动来冲克，或止重病，免于倾命也。武持五爻动，入水，主盗贼阴谋，小人侵侮，及水厄，六甲灾。入火失财，入水产妇灾，及汤火之厄。入金，阴人口舌，火土奴婢走失，病痛盗贼也。（六神临世爻宅爻俱同断）。论人口多少，但五爻阳男多，五爻阴女多。生旺，丁多，衰死墓绝，丁少也。四直生合者多，刑害克冲者少也。如五爻旺相，而卦中六亲不全者，必亲丁寡而假丁众也。欲知家有几丁，大户，则将甲己子午九，乙庚丑未八，丙辛寅申七，丁壬卯酉六，戊癸辰戌五，巳亥常加四，先干后支数之。小户，则将一水，二火，三木，四金，五土，之数推之，俱旺相加倍，休得本数，囚死减半言之也。

## 十一、家长

以五爻为用也，旺相，少年家长。休囚，老年家长。阳日阴爻，阴人家长。阴日阳爻，阳人家

长。父化父，伯叔当家。父化官外姓同居当家，或女婿当家。父化兄，兄弟当家。父化子，子侄当家。父化财，阴人当家。五爻空，无家主也。世居五爻，当家蚤也。八纯六冲，家长不和也。

## 十二、道路

以五爻螣蛇子孙为用也，从青龙财福方出入吉，从蛇虎兄鬼方出入，凶也。五爻遇德贵禄马喜神喝散，与四直生合，道必利。而丁畜茂盛，四时纳祉也。遇亡劫破耗大杀持克，与四直刑害冲并，路不利，而丁畜消衰，八节违蹇也。带大杀并冲身世者，家长带疾也。子加亡劫耗杀羊刃刑并身世者，必有孤孀带疾，或生浪荡之子也。加虎杀克身世必白虎头上往来，主退人丁也。持虎福，遇衰死墓绝胎，必浪荡无情，不利出入，丁畜消损也。持龙福生合身世，必委曲有情，有来龙之脉也（出囊囊集）。五爻火福空，宅主生灾。木福空，宅母有瘳。水福空，人财进退。金福空，阴人冤讼。土福空，田土空张。喝散值路，口舌潜消。三杀值路，必产凶强。道路逢囚，人亡可必。太岁冲路，灾符竟起。（出管公口诀）。五爻子孙逢合，或子动化子，与子下伏子者，俱有两路可进也。福加龙，左来。加虎右来。雀前来，武后来，勾辰戌方来，蛇丑未方来也。福加蛇必屈曲而来。巽宫，东南来。艮宫，东北来。乾宫西北来。坤宫，西南来。坎离震兑宫，则南北东西来也。福蛇遇六冲，必四路俱通也。寅申巳亥冲，斜行路也。子午卯酉冲，中心路也。辰戌丑未冲，两肋路也。五受刑，三曲路也。五三合，盘旋路也。合丁己，丁己路也。日辰合五爻，穿心路也。五冲身世爻，直来路也，加驿马，官塘路。卯来合，草塞路。五临勾，圆转三叉路也。旺相，新路，大路。休囚旧路，小路。衰败，败路。绝乃断头路。临鬼墓，近坟路。逢长生鬼，乃古路也。逢暗冲暗箭路也。临土在艮，近山路。临土在坤，田暗路也。临金砖砌石铺路，或路傍有石也。临木，路傍有树也。临子水，路傍有汪洋之派。亥水，乃屈曲之流，水静。与动逢合者，路傍有死水，或闸断之水。动逢冲者，急水。木动合水者，水上有木与桥也。又子水加蛇动，路傍有阳沟。亥水加蛇动，路傍有阴沟也。五临旺父，遇日冲者，有骑路屋也。福被日辰刑冲者，路破损也。五合初爻水者，路傍有井也。旺加龙父，上有井亭也。五冲兄世，路冲门也。五福加华盖，路傍有庙也。五临父，路傍有正屋也。临虎兄，路有灰堆。虎金动合五，路傍有石碑。临火鬼，路近化人坛也。

## 十三、栋梁

以六爻木父为用也。阳为栋柱，阴为栋梁也。加贵马龙德禄喜，与四直生合者，新创整齐也。加虎杀破军午爻破碎与四直刑害克冲者，破败倾冲也。（雉新剝亦当崩损墙篱屋（此处字：上面是尸下面是彡）同断）。三木并见，（木宫木爻木合），楼阁重重也。三土并见，创造将兴而子亡也。三金

并见，中堂欲改而妻亡也。三杀如逢，官符不免。碓(三爻)冲栋宇，留子亡妻。水见水者圯漏。(卦水爻水或干支皆水)。火见火者倾斜。子旺动，则孕育麒麟。鬼旺动，则音和琴瑟。衰水加财，去而不返。旺火遇兄，求而得成。火动屡见官符，木动再修栋宇(出管公口诀)。父加蛇水动，栋下漏也。父加蛇，带破碎杀动，与父下伏鬼，或六爻鬼空者，俱主梁栋崩摧也。父下伏水鬼，栋必漏也。木父加虎动，与日雀日虎，动冲木父者阴爻，栋蛀。阳爻，柱蛀也。父下伏土鬼，墩礅下有怪异也。金鬼暗动，刑冲木父或蛇虎鬼暗动，来刑害克冲，或鬼伏六爻暗动者，主有魇魅在梁斗上也(用邹道岸法推之极验)。日辰带兄来冲，主风雨摧倒也。木鬼冲动六爻父母去刑克世身，或六爻木父化鬼刑害身世者，俱有折梁倾压之患也。父临死绝者，宜增梁换柱改接也。六爻空土合木，用茆接屋也。父下伏火鬼暗动，与雀鬼加天火，独火天烛杀，动来克冲六爻，及身世者，有火灾也。(动已往静将来)。初克六爻，冲门有井，或空地也。二克六爻，栋下作灶不安也，五克六爻，香火高搁，或栋下有路也。四冲六爻，栋下有门，不吉也。勾加木父，栋梁多节也。六临勾土，梁有污泥也。六金旺动，梁上有铜环也。金冲木父，梁柱有刀斧痕也。火冲木父，有火伤痕也。木父衰败逢冲，栋梁欲折也。旺相逢冲，栋柱有眼也。临龙福，梁上画藻也。金官衰，梁有宝钞也。火福加蛇，梁上有各富也。卯木动来合，梁上有稻秧也。木蛇带福禄，上有福禄字也。虎加喜动，上有蟾蜍也。雀土旺动上有燕巢也。光影杀带蛇入巳动，梁上见蛇也。龙加金动逢日冲栋有虚声也。木龙鬼逢破，有云梯在上为崇也。

## 十四、墙垣

以六爻土兄为用也，旺相者坚固，死绝者倾圯。墓胎者低下被刑害克破者，崩倒也。勾逢六合，四围周匝也。日辰动克土兄所克之方有缺。(按支神断之)。三爻冲六，主墙有一缺出入，走失奴婢也。又床克墙垣孤辰少子也。(三为床爻)土鬼动冲六爻兄弟，去刑害克破身世，或六爻土兄动化鬼伤身世，或身世持兄弟动化土鬼回头来克者，俱防墙壁倾压之祸也。土旺加勾，泥墙也。金旺加虎，石萧墙也。土旺加虎，砖墙也。己虎旺，粉墙或画麒麟也。虎土旺合门爻，照墙也。虎土旺，壁画虎。龙土旺，壁画龙。土加禄，壁画鹿。酉虎旺，画鹤。酉雀旺，画凤与孔雀也。雀带喜，画鹊。酉加勾，画鹰。木加武，画松柏也。龙父旺，壁上题诗也。土兄空逢冲，四边无墙也。土鬼加蛇暗动，匠人魇镇也。

## 十五、篱落

以六爻木兄为用也。旺新衰旧。冲则破暴，胎则低也。衰加破军，破碎杀动者，藩篱破损也。

兄下伏兄，离坚固也。兄下伏财，木蓊郁也。兄下伏子，篁竹茂也。兄下伏鬼，多罅隙也。

## 十六、屋宇

以六爻木鬼为用也。鬼下伏子，与木下伏金鬼，或伏鬼空亡者，俱主屋（此处之字，上尸下彡）颓落也。火雀鬼与金鬼福动者，屋（此处之字，上尸下彡）必草苫盖也。

## 十七、明堂

以间爻为用也。旺相，宽阔。休囚，狭窄。空绝，无明堂。旺加官贵，为甬道也。合逢冲散，明堂两开也。龙福旺相，开爽洁净也。金虎旺，石铺也。土虎旺，砖砌也。木财旺相，庭栽花卉也。癸亥旺动，庭养金鱼也。壬午旺动，庭养麋鹿也。加玄武咸池垢秽不净也。

## 十八、窗户

以间爻木子为用也。木子旺动，与父下伏木子，及爻动化木子者，俱明窗净户也。衰则旧，冲则破，空绝则无户也，合处逢冲者，户楞不全也。

## 十九、巷

二爻为宅，以穿二爻者为巷也。寅巳相害左一巷。申亥相害，右一巷。午害丑，未害子，宅中有穿心巷。戌害酉，亦右巷也。

## 二十、仓廩

以伏父下，与财化财，财化父者，必营仓库也。又财加龙，临庚申、丁酉、癸酉相生有气，为仓廩。动变则非也。

## 二十一、比邻

管公以初爻六爻为邻也。初爻六爻值空者，即知此处无邻也。（如遇卦初爻子木空北无邻，若六爻戌土空西北无邻，余仿此）。耶律先生以世爻为主。如世属子水，午动来冲，前邻凌我。日子来并，后户助侵也。（旺比则助逢刑则侵）。酉金来生，西舍绸缪。卯木未刑，东家嫉妒。己巳为墓绝之乡，观面无情。未申为生养之地，姻亲可托。又（与子为三合未与子为六害不可与己丑同论）丑动为合，寅动为泄，东北之淑慝攸分。戌兴则克，亥兴则和，西北之疏密已判。（余仿此）旺相者

富，休囚者贫。木遇虎而罄废。金加雀而散逃。水逢勾则衰败。土临龙而凋零。火若遭玄，先炎后寂。龙旺则邻家闹热。龙空则败宅重新。四直土木遇勾雀，邻家万户。蛇虎休空逢金鬼，只火孤烟。带禄马官贵者，仕宦。加财福禄喜者，富豪。加龙德者忠厚。值虎杀者，凶狂。玄武咸池同位，淫乱之家。兄鬼四废并临，荒凉之室。玄武动加天贼，邻有穿窬。天烛动克内世，火沿我宅也。

## 二十二、坟墓

管公口诀，以世爻为主。世上初爻为祖墓，祖上初爻为曾祖坟，曾祖上初爻为高祖墓。世下初爻为父母坟，父母下初爻为兄弟坟。生合世爻者吉，刑冲克害世爻者凶。六兽静来生合穴者吉，动来冲克穴者凶。坟爻带月虎月勾空动者，绝也。木加龙，下代兴隆。金见虎，出入强暴。水加龙，职在当朝。虎加福，当居山野。合中再合，水绕沙回。空动又冲，气飞风播。水鬼动，奇形怪穴。木父动，蹊路绕山。火见金而岩岩出现。水合火而水水相朝。木空，有死木也。木旺，有大木盖坟也。木见，木休囚，有亭破多年也。金动，有白石也。水囚，水法破裂也。金见金临玄武，傍有岩泉也。土见土有横路交加也。水冲克刑害，坟有斜水相冲也。坟爻逢官贵禄马者，发贵。逢财福德禄生气旺相者，发富。逢空休死败及四直刑冲克害者，出贫贱。逢孤辰华盖羊刃者，出僧道。逢旺福，发丁。福逢刑害克冲，出子孙不肖，且多残疾。福逢空绝者，绝也。坟爻属木，下初爻又是木者，坟下有小坟。主阴人腹灾杂症，幼口惊嗽，年月小祈小祷不绝也。坟爻属水，下初爻又是水者，主穴下有水，出恶毒妇人淋漓产伤，幼口失水也。坟爻属金，下初爻又是金者，主穴下有石，远年雷伤，目下（此处之字上广下去）症，祖宗牌位破裂，有人发肺癰而死也。坟爻属土，下初爻又是土者，主横路交加，出大肥胖体人，后有虫亡水死，日伤者，不死亦有争田夺地之官符也。坟爻属火，下初爻又是火者，主加遭回禄，出忤逆妇人为非，子孙横暴，刀伤人命之事也。又凡穴爻受伤者，以八卦定其何方受伤，以五行定其何物所伤，以六亲定其被何人伤也。若问子孙何房盛衰，何房发，何房绝者，但以坟爻为主也。坟上初爻为长房，坟爻为次房，坟下初爻为三房，坟上二爻为四房，坟下二爻为五房，坟上三爻为六房也。上下轮飞，切勿错乱。看其盛衰发绝，如坟爻旺上下二爻衰，则中房发达。坟上初爻旺，长房兴。坟下初爻旺，三房兴。若见外爻旺，则四五六房发达也。（杂见易学空青管公口诀）

## 迁移占

游南子曰，人之移居，或避凶而趋吉，或舍旧而图新，凡以求其吉康也。尽有迁徙之后，祯祥未观，而灾祸荐臻者，乃聚族而悔去之不如守也。然而晚矣，故不可不慎厥始也。

## 鬼谷分爻

省道 山林

州府

县郭

场镇

市井

乡村

凡分官旺相。带财福龙喜，遇四直生合者，即知此地吉利，可移居也。若临空死墓绝胎，带兄鬼蛇虎勾雀武动，遇四直刑害克冲者，即知此地不宜居也。

## 论吉凶

未住者以外卦五爻为宅，内卦二爻为人也。外卦旺相者吉，胎没次之，死囚休废者凶也。内卦旺相者，不宜迁，胎没可守，死囚休废者，宜逃移也。人克宅可迁。宅克人，不可迁。人宅俱旺，去住皆安。人宅皆空，去住皆凶也。又世克应，新不如旧，应克世旧不如新。世应生合比和，可迁可守。世应俱空，新旧皆凶也。龙值财福临宅旺动者，宜迁。蛇虎雀勾武兄，鬼临宅动者，宜守也。卦逢六冲，与八纯，游魂，及世居五爻者，宜迁也。卦逢六合归魂与六爻安静，六爻乱动者，俱宜守也。二爻世爻动，化财福生旺合扶者，迁吉。化兄鬼金死墓绝胎，及刑害克冲者迁凶也。卦冲化合，迁后吉也。卦合化冲，迁居不稳也。卦旺化衰者凶，卦衰化旺者吉。（内卦）。世空动者，迁移未决也。世墓胎者，欲迁未能也。世动逢合者，欲移被阻也。世动逢冲者，欲移又止也。游魂化归魂者，未迁则犹豫两端，已迁则怀旧不置也。

## 附断例

庚寅年戊寅月甲寅旬癸亥日，占迁移，得夬之大过。世居酉福，正西吉也。火能克金，南方大忌。鬼临寅上，东北莫居。土虽生金，终嫌兄弟。况丑为世墓，戌为世害，西北东北，尤不宜居。北虽财方，化兄受克，总不吉也。

庚寅年庚辰月甲寅旬丁巳日，占迁移，得豫之小过。木来克世，不利东迁。土赖火生，宜居巳上。岂知土绝在巳，东南不宜。戌财刑未，西北难居。鬼在申方，西南尤忌。止喜福居午上，宜徙正南也。

## 树艺占

游南子曰，占树艺五谷者，先观天时，次察田亩，而后考人事之勤怠，和苗之旺衰，与收成之丰歉，而树艺之占备矣。

### 一、天时

木鬼旺动克世者，涝也。火鬼旺动克世者，旱也。水鬼化火鬼，火鬼化水鬼者，旱涝不常也。水火生合世者，雨暘若时也。木官旺动克世者，和遭风败也。木鬼化水鬼，水鬼化木鬼者，风潮不一也。金官旺动克世者，蝗灾也。土鬼旺动克世者，天多阴晦，水旱不调也。卦无水，或水爻空墓绝胎者，旱也。卦无火，或火爻空墓绝胎者，涝也。六爻纯阴不生，纯阳不长也。阴阳相半者，丰年也。太岁临龙喜财福出现，旺动生合世者，年丰。太岁临虎杀兄鬼，冲克刑害世者，年饥也。（占年以太岁为主）。世持龙喜财福旺相，与木财旺静持世者，丰年也。世临岁破月破者，无收也。财临二耗动者，半收也。财福化空者，谷多秕也。凡五行临鬼动，带大杀者无收，带喜神者，半收也。鬼动逢空墓绝胎及受刑害克冲者，无害也。

### 二、田亩

世为田，父母为田，应为天也。父持世，己田也。应父生合世者，佃人田也。世下伏兄，或世动化兄，或父化兄兄化父者，与人合田也。世上化鬼，与世父化鬼者，官田也。月日动爻冲世父者，有人争田也。世合逢冲，一田两分。世冲逢合，两田合一。世动逢合，人争不去也。世父旺相者田阔。休囚者，窄狭。临财福旺相者，田肥。临兄鬼休囚者，田瘠。金旺，田多石。土旺田高。水旺，田低下。火旺，沙田。水旺动，田畔有禽。卯木旺田多蒿菜也。丑动来冲克，牛扰田。未动来冲克，羊蹊田。子动来冲克，田鼠伤。酉旺动者，多田鸡。世父受刑害克者，田塍被侵也。欲知田之形状，世父属子，两尖中阔。属亥，水曲田湾。属寅，形如鼓，或有树绕。卯，则两田相连。巳，则形如靴脚。午，则前大后尖。申，则两尖中阔。酉，则形如响板。辰高，戌横，未长，丑前狭后阔也。武克雀者，后高前低。龙克虎者，左高右低。勾蛇生旺者，中凸四低。勾蛇休死受伤者，中凹四高。龙旺虎衰者，东高西低。雀旺武衰者，前高后低。勾蛇持鬼墓者，田中有坟。雀武龙虎持鬼墓者，前后左右有坟也。欲知田之亩数，则以甲己子午九，乙庚丑未八，丙辛寅申七，丁壬卯酉六，戊癸辰戌五，巳亥常加四之数取之。如世值甲子爻，则二九一十八亩。旺相加倍，休如数，囚死减半也。如世空，则取父母爻定之。

### 三、人事稼穡丰歉

#### 鬼谷分爻

田夫	晚禾	水
收成	早禾	天
秋苗	大麦 豆	牛
夏苗	小麦 棉花	人工
苗秧		
谷种		

初爻临鬼，种不树，或不出。逢空，则无种也。二爻临鬼，秧揭伤，或再种。逢空，则秧少也。三爻临鬼，夏苗损，难耘，加虎动工人病。逢空，则无人工，或人力不到，而苗损也，又棉花小麦损也。四爻临鬼，秋苗损，牛有灾，鬼化鬼，或兄化鬼，乃与人合，牛不便工作也。逢空，则缺壅料，或无牛，又荳与大麦损也。五爻临鬼，天意不顺，难收割。逢空，谷多秕无实，又早禾伤也。六爻临鬼，田夫灾病，非水灾，则水缺。逢空，无家主，又晚禾伤也。（玉灵经，以甲乙为种，丙丁为秧，戊己为田，庚辛为秋收，壬癸为冬藏）。又子孙为苗禾，财为谷，兄为耗神，鬼为灾神。父母动，耘耔费力。财化鬼者，无收。鬼化财者，宜晚种。财龙内动，宜早栽。财龙外动，宜迟种。蛇生武动者，宜速锄。龙合虎冲者，后有灾。雀虎世动，与应加雀虎动克世者，蝗灾也。（金鬼持世亦然）。武鬼动克世者，未获，防人偷窃。已刈只可输粮也。世持勾土动克应者，水少也。财临二耗动者半收也。鬼现动者，宜还神愿也。

### 育蚕占

游南子曰，蚕桑之务，女红任之，故先观蚕妇之宜蚕不宜蚕，而后推蚕命之吉凶，蚕命吉矣，则夫种也，苗也，在筐与上簇，结而为茧，缕而为丝，孰利孰害，又宜次第而推也，然而桑叶之贵贱，尤不可以不占焉。

#### 一、蚕妇

外卦与应爻，蚕也。内卦与世爻，蚕妇也。内外世应生合比和者，吉也。刑害克冲者，凶也。蚕妇本命与巳午蚕命及应爻相冲者凶也。世命持龙喜财福生旺，无刑害克冲者吉。四直与动爻，带龙喜财福动来生合世命者吉。鬼临应，蚕损。鬼持克世，蚕妇病，宜祈祷。世鬼空衰，则蚕妇损也。

内卦世爻旺者，人多。外卦应爻旺者，蚕多也。

## 二、蚕命

巳午二爻，及子孙为蚕命也。命爻上卦者吉，旺动带龙喜财福者吉，四直与动爻带龙喜财福生合命爻者吉。刑害鬼冲命爻者，凶也。命爻临耗杀兄鬼值空死墓绝者，凶也。卦身值四五月者，吉也。

## 三、蚕事始终利害

### 鬼谷分爻

茧

簇

筐

人叶

苗

种

分爻旺相，带龙喜财福者吉。遇死墓绝空或受刑害克冲，或带耗杀动者，凶也。初爻临鬼，子不出，逢空，无蚕子。二爻临鬼，苗受殃，逢空，苗耗失。三爻临鬼，叶贵，蚕娘病，逢空，叶少乏人力。四爻临鬼，筐上损。水鬼，湿死也。子水鬼，鼠耗也。金鬼，吃叶多白僵也。木鬼，三眠伤。火鬼，头黄不生壳。土鬼蚕沙热蒸，多黄肿也。四爻逢空，筐不足也。五爻临鬼，上簇损，逢空，簇上暗耗也。六爻临鬼，蚕丝薄，逢空，缕不出也。（玉灵经，以龙为一眠，雀为二眠，勾为三眠，蛇为四眠，玄武为丝，白虎为茧）。龙鬼旺动者，孕育鼓歌妨也。雀鬼旺动者，喧打争闹妨也。加天火，天烛，独火杀，防回禄也。勾鬼旺动者，起造动土，妨蚕黄肿也。勾财旺，黄茧多也。蛇鬼旺动者，惊吓妨。蛇入水，蚕受寒，难缕丝也。虎鬼旺动者，丧家妨，蚕白僵也。武鬼旺动者，秽气触也。加咸池，女人秽压，蚕多水湿也。鬼动而子丝不受伤者，祈祷有收也。鬼空鬼无者，吉也。鬼化财福者，倍利也。鬼化兄者，半收也。鬼化父者，晚丝吉也。父安静者，吉也。财伏鬼下，鬼伏财下者，损也。财加二耗动，与财伏父下旺相者，半收也。月日值财者，倍利也。

## 四、叶价

以火为用也。叶乃受财取用，故财逢木火则贵，逢水金土则贱也。财旺生克世者贵，财衰受世克者贱也。财值火者价日增，值水者价日减。财逢生旺日，价必高。财逢空败死墓绝胎，价必轻。财化兄鬼，子化父者，价前重而后轻。财化子，鬼化财者，价前轻而后重。内财旺而外财衰，正卦有财，而变卦无财者，他乡贱而迟买价轻也。内财衰，而外财旺，正卦无财，而变卦有财者，本处贱，而先买价轻也。

## 六畜占

### 鬼谷分爻

马	主人
牛	人力
羊	马牛
猪	水草
猫犬	犁鞍
鸡鹅鸭	栏厩

游南子曰，凡占六畜产者，以本命所属以为用。如牛用丑，马用午，猪用亥，羊用未，狗用戌，猫用寅，鸡用酉，是也。如卦无生肖爻，则有伏神，若伏神又无者，则取分宫断之。如远年之畜，即以乾马，坤牛，坎豕，艮狗，巽鸡，兑羊，之类推之也。凡用爻与分宫得其冲与动爻带吉神，来生合者吉，带凶杀来刑害克冲者凶也。持财福生旺者吉，持兄鬼休囚者灾也。财福加二耗动者，有益有损也。虎加鬼杀，逢刑害克冲者，前损后益也。父动者，宜改栈。父化父者，频易主也。兄乱动者失群。子化鬼者，偷去。鬼化子者，窃来。财化鬼者，无利息也。子临刑害者羸瘦。金官动值者，啮人。雀官动值者，招讼。武官动值者，走失。勾官动值者，灾病。蛇官动值者，作怪。虎官动值者，狸虎伤也。龙福旺持者，盛也。刑刀及刀砧杀动值者，必屠宰也。四直胎养动，来生合者，旺盛。来刑害克冲者，衰死也。福临胎爻生旺者，必怀胎抱卵也。临空死墓绝者，病死也。卦六合，可畜。六冲不可畜也。合逢冲，畜不久也。动带吉神，畜驯良。动逢凶煞者，顽劣。旺则肥，而衰则瘦也。动加劫杀，多羯牛，羯羊，羯鸡。猫善捕鼠，猪方割，犬马狠劣也。财福生世命者得利，财福化空破死绝者折本，休空者无，旺空者病，鬼空者伤也。寅克丑未戌者，虎伤牛羊犬。戌克二爻，犬伤猫。寅克初爻，猫狸伤鸡鹅鸭。巳克酉，蛇伤鸡也。值四墓，老畜。生旺，方壮。胎养，小畜也。兄化兄，与人合养也。值阳者，多雄牡。值阴者，多雌牝也。金鬼空动，非时夜鸣。木鬼败肚，木鬼脚伤。土鬼时瘡。火鬼喘热疮疽也。父官衰绝有制者，病可医也。管公口诀云。虎加丑

逢月杀，牛畜遭殃。蛇加午遇日杀，马畜当灾。月杀加寅伤牛位(五爻)，牛惧虎殃。日杀加寅伤马位(六爻)马惊虎难。又虎动鸭难养，蛇动猪难养也。淳风云占马，看乘人本命。占猪看内助本命，占牛羊犬猫鸡鹅鸭俱看主人本命。与六畜爻生合吉，刑冲克害者，凶也。困颐噬嗑明夷，猪羊鸡犬所忌也。遇鬼煞动者，必宰割也。得龙动救助，亦旺赢也。泰益咸需谦剥坎离大过无妄，牛马所忌也。遇鬼杀动者，必宰剥也。得中孚大壮夬者，吉也。又别六畜之颜色，用爻所临为本色也。龙与武，黑也。雀勾蛇，黄也。虎，白也。安静无冲破生克者，一色也。动爻来生克者，杂色也。如用临玄武，被虎动来生克者，黑白相间也。武旺黑多，虎旺白多，衰旺相均，则黑白半也。再加勾来生克，则黑白黄色相间，乃玳瑁斑也。虎在乾宫来生克，头白也。虎在坤，腹白。虎在坎，耳白。虎在离，目白。虎在兑，口尾白。虎在艮，前足与背鼻白。虎在震，后足白。虎在巽，腰白也(余仿此)。又有六畜走失者，但看生肖爻，与子孙爻。空绝者，难寻。胎墓者，关拦住也。带生气者，尚活。带死气，及刀砧杀者，必烹宰也。但从用爻生旺方隅寻之，可见，或至用爻生用日时可得也。

## 附断例

庚寅年辛巳月甲辰旬戊申日占六畜。得蒙之师卦。子孙持世，又投长生于申日，但嫌太岁寅木动来克世，喜其为旬空日绝，变出酉财克之，不能为害，故许十分之利也。以本命生肖爻推之，寅为猫，正值旬空，惟上九爻动出，不为空，临太岁父母，又居阳爻，主其家有一大雄猫，喜走人家，化出财来克之，不能捕鼠也。戌为犬，临福德持世，伏下是财，又长生于申，更属阴爻，知有母狗，多生育而吉也。午为马，临兄弟爻，又嫌亥鬼伏其下，火绝子亥，主无马也，或有马而病死也。亥为猪，临白虎官鬼伏兄弟下，值日刑月破，主瘟死也。未为羊，伏官鬼下，此戌刑之，主不吉。丑为牛，临子孙，又伏子孙之下，更值申日长生，主有子母牛也。酉为鸡，属妻财伏世下，飞神生之，巳月长生，申日帮扶，主种类繁多，惟鹅鸭分宫在初爻，既犯旬空，又绝于申日，畜之断不利也。

## 纳奴婢占

游南子曰，纳婢仆者，将以得其力也，故先问其人之贤否，次观其心之服否，再推其人之事我，有始有卒否，而后占今日之事之成与否也。

## 一、贤否

读书皆以财为用，卦无财则取伏财。如伏下，又无财，则取应爻为用也(管公以子孙为奴，妻财为婢)。用爻生旺带龙喜德合者，贤也。四直动爻生合用爻者贤也。用临死墓绝胎破者，劣也。

逢四直动爻刑害克冲者，劣也。临龙和牙秀气，工巧晓能也。临雀多言，喜生是非也。加勾迟钝带吉，有规矩，入土则遇痴也。加蛇多心机，虚浮少诚实也。加虎性强，好勇斗狠也。加武奴则阴谋诡谲，婢多暧昧阴私。加咸池，必淫邪无度也。用爻持空化空者，少诚实而懈怠也。财伏父下或化父者，伶俐学好，为人厚重，能书算也。财伏子下，或化子者，性善不损物，好打扮也。财伏兄下，或化兄者，貌丑性贪淫，好赌也。财伏鬼下，或化鬼者，性酷烈带疾也。财伏财下，或化财者貌美，性安和有材识，能掌管财帛也。财下伏鬼者，有疾也，财下伏父者寿促，财下伏兄者，多灾，财下伏子者，好善不猜忌也。

## 二、协助有终否

外卦生合内卦，应爻财爻生合世身者，得其力也。外卦与应爻财爻，刑害克冲内卦及世身者，难服其心也。世克用者，服我使也。世生用者，蒙主眷也。世合用者，得主心也。用空破者无能。用动冲者，心变也。卦值游魂用动者，有去志也。卦逢六合用静者，无贰心也。卦值六冲用动者，情意离也。合逢冲者，先服后变也。冲化合者，先变后服也。用加马动者，欲遁逃也。加玄武窃物而逃也。更带咸池，拐婢随奴而逃也。财加武动化兄者，防阴私也。财加龙动化福者，堪付托也。

## 三、讨奴婢成否

世应两空者，不成。世应空合者，虚约也。财生合世，而日辰合财者，有人争讨也。应财动生合世，而月日与动爻冲应冲财者，被人破也。应财动生合世，或带退悔杀，或化退神者，初尤而后欲也。间爻兄鬼两动者，牙人作祟也。间动伤世者，牙人局骗也。鬼兄空动者，卖主争财也。六爻乱动者，多变更也。六爻安静者，无欺诈也。父化兄者，虚契。父化父者，改契也。父空绝者，无人执笔也。父化胎墓者，押契不发也。

## 脱祸占

游南子曰，人之占脱祸也，惟其有所歉也，是以有所疑，疑者宜示之以信，则必先告以祸之所由起，而后徐谕之曰，若可脱也，若不可脱也，知其可脱矣，则又示之曰，此地可脱也，彼地不可脱也，或有己身幸免，而遗累亲属者，亦何容隐而不发也。

## 一、祸端

凡卦静者，遇日辰冲并起鬼爻，即有祸到也。以六神定其何祸也。兄动化鬼克世，与鬼伏而动兄冲并起者，祸由兄弟姐妹朋友也。财动化鬼克世，与鬼伏，而动财冲并起者，祸由妻妾奴婢买卖借贷也。福动化鬼克世，与鬼伏而福动冲并起者，祸由子孙僧道医药六畜饮食也。父动化鬼克世，与鬼伏而动，父冲并起者，祸由尊长文书房屋坟墓舟车衣服也。

## 二、可脱否

身世空亡，与子孙持身世，子旺动生世身，或世旺应衰，或鬼静财空，或卦无财鬼，或月日制鬼，或世鬼动化子化空，或官逢死墓绝胎，或官动化死墓绝胎，或世持龙喜喝散解神动，或外卦逢震巽无气者，皆无虞也。若外卦克内，应爻伤世，日月临鬼世官化财，或身世持官，伏官，化官，或鬼旺动刑害克破身世，或世身随鬼入墓，或财动助鬼伤身世，或鬼与世身三六合，或用临月破者，皆难脱也。世持官动，复化官者，必蓄祸重重，全家受累也。

## 三、避地

鬼临子午卯酉勿往北南东西也。鬼临乾坤巽艮，勿往西北西南东南东北也。水鬼动，勿入江海混堂。火鬼动，勿入炉冶闹市。木鬼动，勿入山林树场。金鬼动，勿入占争杀地。土鬼动，勿入田园山岭坟墓也。龙鬼动，勿作保为媒。雀鬼动，勿添言寄信。勾鬼动，勿兴工动土。蛇鬼动，勿光棍交游。虎鬼动勿屠宰而吊丧。武鬼动，虑阴私盗贼也。又凡子孙生旺临值之方，居之吉也。

## 四、遗累

日克子孙与子孙伏鬼化鬼者，遗累子孙也。日克父母，与父母伏鬼化鬼者，遗累二人也。日克兄弟妻财，与兄财伏鬼化鬼者，遗累兄弟妻孥也。本宫内卦，则家亲。本宫外卦，则外亲。他宫内卦则近邻，他宫外卦则远住也。

## 附断例

庚寅年己卯月甲申旬庚寅日，用有虑火灾者，卜得萃之困，世临乙巳鬼动，岁日刑之，乃自身有祸也。不合克应上兄弟，则遗祸及他人矣。卦内两重父母，皆值旬空，父母为房屋，必是火起，延烧及邻家也。又不宜化出辰土父母，伤克子孙，后果小儿烧死也。

庚寅年庚辰月甲子旬戊辰日，有恐盗拔者，卜得井之节，三爻门户鬼动，初爻，化爻，二财助鬼刑世，又初爻化出巳火，子孙刑克，世下伏官，后果为盗累也。

庚寅年庚辰月甲戌旬辛巳日，有恐讼累者，卜得需之蹇，寅兄发动冲世，更逢财动助鬼伤世，日辰又刑世，祸不可支。喜世空，已得避脱，而兄弟反遭伤克矣。两爻兄弟俱系他宫，鬼又动化文书，后果因官捕捉，自身逃匿，累及内兄弟也。

庚寅年巳卯月甲辰日有拐人女子者，卜得井之临。鬼居门户动，初爻化爻二财助鬼刑世，初爻又化出子孙克世，下伏鬼，而世财伏官，动化文书，后果被其缉着，讼官而受刑罚也。

庚寅年己卯月甲申日，有欲避难，投托一人者，卜得大畜之损，应持子水，生世上寅木，人皆云吉，不知子水与动爻辰兄作合，其伏下申金子孙，暗中刑克世上飞神，子辰又会水局，克世下午火伏神，后果为投托之人所发，而反受其累也。

## 征战占

游南子曰，兵凶战危，古人慎之，谓其关人命之生死，系宗稷之安危也。故观八卦，以知方向。观世应以知彼己，观六亲以知师徒，观五行以知器具，观日辰，以知我兵之淑慝。盖绳绳乎其慎之也。

### 一、方向

内卦为我寨，外卦为彼营也。内卦，旺相者，吉也，胎没次之，死囚伏废者，凶也。立春后艮旺震相巽胎离没坤死兑囚乾休坎废也。春分后震旺巽相离胎坤没兑死乾囚坎休艮废也。立夏后巽旺离相坤胎兑没乾死坎囚艮休震废也。夏至后离旺坤相兑胎乾没坎死艮囚震休巽废也。立秋后坤旺兑相乾胎坎没艮死震囚巽休离废也。秋分后兑旺乾相坎胎艮没震死巽囚离休坤废也。立冬后乾旺坎相艮胎震没巽死离囚坤休兑废也。冬至后坎旺艮相震胎巽没离死坤囚兑休乾废也。又青龙财福旺动之宫可居也。白虎足鬼飞廉大杀凶神劫杀旺动之宫，不可居也。日辰与动爻刑害克破，及旬空月破与动化死墓绝胎之宫，不可居。世爻死墓绝胎之宫，不可居也。又凡出战者，内旺外衰者，可战。内衰外旺者，宜守。内克外者，可战。外克内者，宜守也。内宫之方，可战可攻。世爻生旺之方，可遁可避也。又应爻鬼爻生旺之方，宜避其锐。败死绝之方宜击其懈。墓胎之方，宜防其伏也。

### 二、彼己

世为我帅，应为彼将也。世空，则取子为用，应空则取鬼为用也。世旺应衰者，我强彼弱，宜攻也。世衰应旺者，我弱彼强，宜守也。世克应者，可战。应克世者，宜守，且宜防贼来也。世阳而动者，宜出师。世阴而静者，宜坚壁也。世空，我有难。应空，彼必伤。世应俱空，两将休兵也。

世入墓胎者，宜退也。世应皆旺，或相生合比和者，必不交锋，战亦胜负难决也。世应持金火鬼旺动者，两败俱伤也。世持虎福旺相者，决胜千里也。加日辰生扶者，百战百胜也。世临龙福，加将星动者，良将也。临虎福者，猛将也。临勾福者，密遣擒贼也。临雀福者，号令严明也。临蛇福者，变幻不测也。临武福者，善用囊沙背水之术，或巧于偷营劫寨也。世加往亡归忌，受死大败四废月厌飞廉大杀亡神劫杀动者，宜坚壁不出，出则必败也。鬼克世者彼胜。鬼克应者，他欲退也。鬼持世者，防围困也。鬼暗动，加大杀劫杀刑刃克世者，防刺客也。若遇福动，刺客必擒也。日辰冲克世爻伏鬼，刑害飞神者，防下人谋我也。无子动来救，鬼生旺日必见祸也。世衰而鬼杀旺动者，军机泄露也。内外两鬼动克世者，防内应外合也，世被日辰动爻刑害克冲者，防奇兵冲突也。世化空死墓绝胎者，将不遁即死也。世应皆旺者，看日辰生合刑害克破何爻，以决胜负也。

### 三、六亲

父为军师，为旌旗。财为粮草，子为先锋，兄为埋伏，鬼为敌人也。父下伏子，众将慑服，擒纵如意也。父下伏财，备器足饷，智无遗算，但左右防伏戎也。父下伏兄，贪财好色，狎侮私人也。父下伏鬼，智短计拙，动见疏虞也。父临衰墓，军师老髦也。父临生旺，军师少壮也。父临胎养不威重也。父临刑害，不恤众也。父旺外动，彼兴兵也。父旺内动，我出师也。父带虎杀外动，战失利也。父外动克世，他来侵也。父外动克应，他自退也。世持父动者，将不惜士也。加大杀劫杀动，不惜士而防兵变也。又父旺相，则旗帜新。带龙雀，则画彩鲜丽也。父衰墓则旧，加勾蛇虎武，则敝垢无色也。卦无父，或父空绝者，乃帜不备也。父被刑害克破者，宜改旗帜也。父静财动者，功成拔帜也。内财动克外父者，我夺彼帜也。外财动克内父者，彼夺我帜也。又财旺相，粮草丰足也。财衰败，粮草无余也。财墓胎，粮草不发也。财空绝，或卦无财者，粮草缺绝也。子化财者，呼庚邻国也。财加武动者，下人偷窃也。内兄动克财者，督饷侵渔也。外兄动克财者，敌人劫掠也。子旺相，先锋谋勇也。子衰墓，懦弱无能也。子空绝，先锋有难也。子化败死墓绝胎，必败续也。子带大杀动克应爻者，先锋无突取胜也。子旺受刑害克冲者，勿轻出也。子衰而得日辰动爻生合者，用多取胜也。子旺而动克众官者，用少取胜也。子化兄者，将弱而功成也。子化父者，兵骄而致败也。世下伏子合应者，先锋降敌也。加日辰生子者，必被人唆赞而降仇也。兄旺动，有埋伏也。若来冲世冲子者，防劫营也。兄如暗动来冲者，防奸细也。欲知何日来犯，则在兄爻，生旺日时也。鬼衰静，敌胆怯。鬼旺动，敌势盛也。更加财动助之者，则诡计多端，变诈百出也。鬼空者，敌必灭。内外无鬼，与鬼墓绝胎者，敌必遁去也。鬼衰得扶，勿穷追也。鬼带亡神劫杀在内卦动者，防奸细也。如得世爻旺动伤克鬼，奸细必擒也。世鬼动，而生合应者，以无援而降也。卦无财，而应

克世者，以食尽而毙也。

## 四、五行

木为舟楫，火为营寨，土为炮石，金为刀刃，水为水泉也。木旺动，利舟师也。木旺，舟大。木衰，舟小。木空绝，无舟也。又青龙为船舵，为左也。白虎为橦帆锚链，为右也。勾陈为平基跳板，为中仓也。螣蛇为索缆也。朱雀为烟灶，为船头也。玄武为挠头挡浪，为后稍也。旺相新，休囚旧，空则无，冲则破漏，受刑害克，及木持动鬼，与木下伏鬼者，必损伤也。伏土鬼者，舟湊浅也。伏火鬼者，舟燥裂也。伏金鬼者，钉眼处损也。又木带鬼者，贼船也。火动生合世者，立营得地利也。火动冲克刑害世者，立营失地利也。火鬼持世动者，被贼围也。火鬼贴世者，贼寨相近也。火旺，营大。火衰，营小。火空，营危险。火绝，无出路也。火动，利迁营。火鬼伤世，防劫营也。加龙，贼左来。加虎，贼右来。雀前来，武后来，勾蛇，四隅来也。阳土鬼旺动，带大杀来刑害克冲世者，防炮石也。阴土鬼旺动，带阴杀来冲刑克害世者，防陷井也。世爻子爻临阳土，伤应伤鬼者，利用炮石也。临阴土，伤应与鬼者，利用机井也。当于应爻鬼爻死墓绝胎之右设伏也。金旺，兵甲新。加龙雀虎者，光明耀日也。金衰，兵甲旧。加勾蛇武者，钝敝无色也。金胎墓，弓囊戈戟也。金动，将战斗也。金动带刑刃，战必伤人也。金空动，征鼓齐鸣，兵刃既接也。水旺则盈，衰绝则竭也。申爻旺动者，有水。以八卦定其何方，初爻旺动者，有井。以十二支神定其何方也（申爻水源，初爻为井）。初爻庚子水，屋下有井。甲子水，门前有井也。初木动树下有井。初值土水浊。初值火，井干。初土空，有一池也。水鬼旺动克世者，敌将灌水也。水子旺动克应者，我可囊沙也，或用背水阵也。阴水兄旺动克应者，渡冰踏雪，夜晦擒贼也。

## 五、日辰

日辰为我兵也，日辰生合世爻子爻者，士卒用命也。冲克世爻子爻者，兵骄难制也。世爻子爻克日辰者，上不惜下也。加龙德喜神动者，将帅御下严肃也。日辰克应克鬼者，我兵胜也。应爻鬼爻，克日辰者，敌兵强也。日加龙动生世者，在内卦，则兵守纪律。在外卦，则作止听令也。日加雀喜动者，善间谍也。加日雀鬼动逢空者，在内则造言兴谤。在外，则探听无实也。日加勾土鬼动者，在内，则阻令不遵。在外则退缩不进也。日加蛇鬼动者，在内，则诡譎多端。在外，则兴妖惑众也。日加虎鬼动者，在内，则偏强难驯。在外，则轻敌僨事也。日加武鬼动者，在内，则瞩目窃听。在外，则攫功利己也。日加武鬼，带天贼天盗劫杀旺动克世者，内则窃符盗印，外则掠妇劫财也。

## 坟墓占

游南子曰，占风水者，首观山局之完亏，二推山运之否泰，三察形势之壮丽，四考坐向之吉凶，五详人地之生克，六看穴情之真假，然后案山，明堂龙虎，靠山，来龙，水口，次第以审其为顺为逆，孰识孰伤，而堪舆之事毕矣。

### 一、买地成否

以世爻身爻为主。世有生扶而身空者，地虽称意，事恐不成。身无伤损，而世空者，风水无破，而主意不欲。（卦身无藏则不必论）。

### 二、六亲坟墓定位

#### 鬼谷分爻

祖坟	曾祖坟
父坟	父坟
妻坟	祖坟
叔伯兄弟坟	曾祖妣坟
母坟	母坟
子坟	祖妣坟

分宫看何爻伤克身世，又看何爻空死败绝，及被四直动爻刑害克冲，即知此坟无气，不利于我也。若分宫旺相无伤，而生合身世，便是佳城，此祖宗坟墓大概之占也。又已葬之穴，以鬼为尸，鬼旺生合身世者吉，冲伤身世者凶。鬼无气，而世有气，已非此地所荫也。世无气而鬼有气，坟必荫在他枝也。

### 三、山局山运

占坟先以局数为主。大象有情，方可断其山明水秀，人杰家肥。如本局值三传刑破克空，断主人财雕落。欲知何年兴败，当以局上所主爻起运，又将占人本命合推。如世局属木，本命属土，即土命子孙不利。倘运值财福旺相，带进神者，即地运发而财丁盛。运值父兄，加刑害破空败绝退神者，则地运退而人财消。值财禄德合，旺生者，发富。官贵禄马生旺者，发贵。若鬼加羊刃，天刑

亡劫孤寡二耗大杀者，必遭祸重重，出孤寡败绝也。如占得既济卦，世爻属水，三合论之。亥卯未，乃木局也。又世爻亥水一数，应爻子水，亦一数，其二数，乃二行运也。即干世上起二数，随阴阳顺逆行之。每限管二十年，小限五年。一官以世爻相生之数论之。如既济卦。世属亥水，水生木，木数三，亦从世上起数，随阴阳顺逆行之。则大限在四爻，小限在五爻也。兴败荣枯，依神杀断。（出郭璞八神筮法）。高鹤沧曰，三合之局，取始生中旺后墓也，惟世持子午卯酉，得四直动爻又来会局，则主富贵绵远，绳绳不绝也。若有生而无墓者，先发后衰。有墓而无生者，先衰后发。如世不居于四正，（子午卯酉），而在生墓之乡，亦得四直动爻来会局者，则但得此山之余气而发福，非真龙正穴也。至卦中但见生墓而无主象者，特假局耳。安冀其繁衍螽斯。奋扬鹏翮也哉。

#### 四、形势

以卦身断。身在乾势如龙马奔骤。坤如牛眠平坦。坎如豕临溪涧。离如飞鸟伏龟。震如龙蛇蟠曲。巽如锦鸡振羽。艮如伏虎眠犬。兑如羊队粉纭也。隗炤形势歌曰，子身直陇地横簪。丑是横山华盖心。寅似鼓形安侧顶。卯为旗翼带腰裙。辰为钗插名姝首，又似飞禽与落鸿。巳乃簸箕中一丛。午如龟背后参成。未乃钥匙湾（此处之字上車下衣字去掉点）穴。申为荷叶背中陈。酉似弯刀并响板。戌似鸳鸯定藕心。亥乃莲心边外立。细分凶吉假和真。郭璞曰，戌似老人扶拄杖，亥如带笠一仙人。

#### 五、坐山

以世爻断。世爻生旺，山高厚。死墓绝胎，山低小微薄。世持寅申巳亥，山雄地壮。持子午卯酉，正大开朗。持辰戌丑未，平洋宽阔。逢生合，而夹辅有情。带杀冲则欹斜破相。（带破军破碎杀亦然）。临贵喜龙德，坐山尊严。临福坐山秀气。加龙形状巍峨也。临财，山尖奇。加龙，山两脉来也。世临长生木，在震巽宫者，必近繁林。衰则凋落也。世会金局，在艮宫旺相者，四边石岭重重也。土局在坤宫旺相者，近田舍也。火局在离宫旺相者，山无树木近窑靠炉冶闹市也。水局在坎兑宫，旺相者，近溪潭也。

#### 六、辨穴墓向

内为穴，世是也。外为墓，世墓之支神是也。世冲者为穴向，墓合者为墓向也。向爻，墓爻卦中不必明见。如姤卦丑爻持世，丑冲未为穴向。丑土墓于辰，辰合酉，酉为墓向。若被日辰动爻属申，隔断未酉二向者，主金井与墓门向道各别也。又墓穴之向本不相异，但不隔断，便言内外同向，不可拘泥。（出入神筮法）

## 七、穴向

世为穴，世冲之支为穴向。世前二爻为穴前，世后二爻为穴后。惟归魂卦，为往外复内之象，独以二爻初爻为前，四爻五爻为后。如世值子，向在午也。然惟世爻旺静，日辰生扶，则依此断。如世动，或日建冲克世，则将世前初爻相生者定向道。若前之爻又与世克，则以前为后，以后为前，取持世对冲者定向道。如世本属子，反言坐午向子也。（出耶律先生锦囊集）。凡向道与四直生合，或带贵福德禄生旺，必是迎官就禄，其向吉利。如向逢四直刑害克破，或临空败死绝，加亡劫杀刃者，必向凶方。二十四向中，惟辰戌二向，为天罡河魁，天罗地网，贵人不临之地，向之不吉也。

## 八、前后妨害

凡前后爻，日辰临父动来刑害克破世爻者，有屋宇妨坟也。临福动伤世，有道路妨坟也。日临财动伤世，有楼阁乔木妨坟也。日临兄动伤世，水口门户妨坟也。日临鬼动伤世，阳则庙社妨，阴则坟墓妨也。木鬼动伤世，遇长生，松柏妨，遇死绝，篁竹妨，遇墓坟木妨也，加龙，桥妨也。火雀鬼动伤世，遇长生，窑灶妨也。土勾鬼动伤世，旺则古庙城郭妨，衰则古墓妨也。火蛇鬼动伤世，道路妨也。金虎鬼动伤世，石岗相妨，或山峰如刀刃者相妨也。玄水鬼动伤世，生旺，则溪涧流泉相妨，死墓绝胎，则枯池竭泽相妨也。其妨害之方，以八卦断之。

## 九、人地论

阴宅以内卦为地，外卦为人。若内外俱旺相，即知地灵人杰。内外俱衰空者，即知坟茔无气，财丁消损也。内克外，人丁损失。外克内，便作吉祥。内生外，子孙繁衍。外生内，后代平常。要知何枝荣谢，但看外为何卦。乾坤为父母，包举众房。如外属乾坤，受内卦之生者，众房皆吉也。外属震巽，为长房，如受内卦之生者，长房吉也。外属坎离为二房，艮兑为三房，如受内卦之克者，中房三房不利也。其祸福之应，俱以神煞之性言之。（见家宅占）。欲知应于何年，但以一坎，二坤，三震，四巽，五寄坤，六乾，七兑，八艮，九离，断之，即知其几年后应也。此大象之说也。若大象休空，则取二爻为地，五爻为人，二爻旺相，吉地兴隆。五爻旺相，人丁茂盛。二爻休囚，地不发福。五爻衰则丁少，空则丁绝。人克地，主修改培植。地克人，主人眷灾迺。惟二五比和生合者吉也。欲知何枝兴败，但以坟爻为主。（看分宫）。坟上初爻为长房，上二爻为四房，上三爻为六房。坟爻为二房，坟下初爻为三房，下二爻为五房，其祸福之应，亦以神煞之性断之。欲知应于几年，则以一水二火三木四金五土之数断之。旺相加倍，休如数，囚死减半也。（详见家宅坟墓）

## 十、已葬之穴

已葬之地，以世为穴，鬼为亡人，父为家长，兄为卑幼，财为家业，子为祭主也。世空，穴不正，世持水鬼，与坎宫水世者，穴中有水也。世持辰巳带勾陈杀，与巽宫木兄持世动者，穴有地风也。（巽为风，兄主风，又木动为风也。）。世持空虎，穴生白蚁，或猫狸穴冢也。（空空亦然）。世持龙德贵喜，穴干净，值长生中有寿域。阴世阴宫，寒冷之地。阳世阳宫，高爽之区。鬼空，尸腐毁也。鬼败绝，荒坟无气。鬼空旺，穴破骨存也。卦无鬼与游魂卦鬼动者，魂不入墓也。卦无子，或子空绝，或世父旺动者出独夫。卦无财或财空绝或世兄旺动者，出鳏夫。卦无鬼或鬼空绝，或子世旺动者，出寡妇。卦无父，或父空绝，或财世旺动者，出孤子。卦无兄，或兄空绝，或鬼世旺动者，主只影也。三传生合子者，多男。生旺者聪俊。衰逢合生者，丁少而不绝。加官贵者，发科甲。加龙贵者，多财艺。加刑刃者，出凶徒。加德喜者，出善良。子逢冲动，离祖过房。空子扶世，假枝兴旺。阴子下伏鬼，与阴子化阳子者，招婿成家也。财带禄旺静者，发富。财化鬼兄空破败绝者，贫也。子逢劫墓，子息伤也。父空带劫杀动，阳损父，阴损母也。财墓带阴杀动，阳伤妻，阴损妾也。世临财带勾杀动，主发掘也。子化子，小口灾厄。财化财，妻奴逃散。父化父，改旧葬新。鬼化鬼，葬地不祥。兄化兄，门户荒凉，家多争竞也。鬼旺静，亡人吉。太岁与五爻生子者，子孙贵。（太岁五爻，俱为天子）。世旺身生，官入墓者，阳发而阴泰也。（富贵贫贱带疾详见身命占）。

## 十一、未葬之穴

未葬之地，以世为主山，二爻为正穴，螣蛇为旁穴，父母又为坟地也。二爻空破绝者，无正穴，螣蛇空破绝者，并无旁穴也。卦无子，风水散乱也。无兄地势不住，无脉也。无父穴不结，无鬼穴无气，无财山无木，子孙贫不出贵也。穴临月破白虎，有古塚也。穴临空鬼，必废穴也。穴持鬼墓，有旧坟也。穴爻左右空，有风吹穴也。穴临四废，主废弃不用也。

## 十二、穴高低

以世为用，世逢生合，葬低，逢冲，葬高。初二世葬低，三四世，葬半山。五六世，葬高也。世旺者，依此断之。如世值死墓绝胎，或三传刑害克冲，则又平洋也。卦逢八纯，游魂言主阴阳反背，葬于背陇石岗也。凡六冲之卦，水走沙飞。纯阴不生，纯阳不化。无因获福，虽安静，不宜也。又世化水冲者，主为洪浸漂没也。

### 十三、案山

以应爻及朱雀为案也。应爻带雀，案山两重。应雀旺而世衰，坐山低，案山高。应雀死墓绝胎，而世生旺，坐山高案山低也。雀应生合世，端正有情，空动则案山不正。带杀逢冲，则欹斜破相。带有禄生旺，案山丛秀，金案员秀，或如覆釜。在艮宫者，前有石也。木案头圆身尖，旺则如文笔，衰则书笔也。水案低曲而动，有波浪起伏也。火案尖秀有颖锬，旺则笔架峰也。土案方平雍肿，旺如御屏，衰如横几也。应如雀火旺动，山必火烧四边偏窄，朝高而坐低，得水动制之乃吉。火雀静气色峥嵘。火雀带父出现，必文笔案。雀加土动，逢月日刑冲，朱雀开口也。又雀动者，案山有人行路也。应临龙，盘龙案。龙加贵，文峰秀杰。值武，回龙顾祖，衰则探头侧面也。加勾，四山环聚。加蛇，案如蜈蚣蜒蚰。加虎案峰如刀剑，且有石也。应临鬼墓，对山吉地累累也。

### 十四、明堂

以间爻为用，间爻旺相，明堂宽阔。休囚者狭窄也。应生世者开洋，应冲世者逼迫。间空墓绝胎者局促，静者聚窝，动则泄泻。临月建者，明堂容万马也。水加贵禄龙喜动来生合间者，四水归堂也。间值庚寅辛卯旺相，松柏蓊郁也。戌辰竹也，巳未桂也。乾宫午爻旺，有石马也。寅爻旺，有石虎。加贵禄，有石朝官也。兑宫未爻旺，有石羊。金虎加父旺，有石碑。金化金旺相，有华表柱也。应爻土见土，明堂关锁也。

### 十五、龙虎

以青龙白虎爻为用。旺相高大，囚死低远。空则缺凹，动则路遥，绝则无龙虎。遇财福吉神，端圆尖秀。逢兄鬼恶杀，头欹无情。龙在寅卯辰者，为真龙。虎在未申酉者，为正虎。龙入辰，虎入寅，与财化财，福化福，或日建龙虎，会月建龙虎，俱重龙重虎也。（阳为雄，阴为雌）。龙虎生合世，就身起龙虎为案，拱抱有情也。在世前者为逆龙逆虎，在世后者，为顺也。龙逢冲，虎生世者，龙去虎回也。虎逢冲龙生世者，虎去龙回也。龙虎比和世者，左右齐到也。龙虎相冲者，斗也。龙克虎，龙强虎弱也。虎克龙，虎过明堂也。持世者，龙虎紧抱也。贴世者近，克世者偏穴也。持世旺相者，左右山高压也。旺相逢冲，龙虎昂头也。世克龙虎，沙走窜也。龙虎动，左右有人行路也。鬼墓临龙虎，左右臂上有坟也。鬼墓逢空，穴已破也。木加龙虎穴动，左右有折树也。武带金刃克木，树被盗斫也。值水则近水。生旺者活派，囚死者池塘也。水逢月日克合者，死水。得金动生之，则水死而流长也。又如子水在北，遇午日冲之，断为东西。余仿此。（见锦囊集）。值金，旺则带石嵯峨。衰则为城堪也。值水，加财福旺相，则林木蓊郁。加兄鬼囚死，则落箝凋林也。值火，

生旺，则左右有人家。死墓绝胎，则有冷屋。带鬼，则为庵庙也。火空动，山焚烧也。火加龙动，为摆尾。火加虎动，有绝坟也。值土，旺则山峰壮丽，衰则低小凹缺。土旺逢生，左右有人家烟火。衰逢鬼，非古墓，必冷庙也。管公口诀曰，二木在震，回转青龙。二金居兑，昂头白虎。木见木青龙重重包裹，主发福绵长也。木见火双龙加护，外龙不转，而本龙转也。木见土，龙在东住也。逢空，则长房绝。不空，则长房吉也。木见水，龙龙相护，主出善人，而无嫉妒也。木见金，春占不绝，秋占主绝也。（此言青龙）。金见金，主有头无尾，三房绝也。金见火，主发财。子孙为杂职官也。金见水，主伏，龙重重，后代出贤能也。金见木，主白虎藏头缩足，中断漏风，宜补种松竹也。金见土，主白虎三层，回转到穴，世代出英杰也。（此言白虎）。

## 十六、后山

以玄武为用。临金圆秀，木高耸，水湾曲，火尖锐，土方平也。武空，龙掘断。武动，山后有路。武空动，来山不正。武上空，后背寒冷。武土动，后有池潭。武加水入坎宫，北方有水。动则水走无情。武加水动冲世，常有贼水也。

## 十七、龙祖

以勾陈为用。勾持世者，来龙必远。一起一伏，如活龙也。勾入子，状如巨浸滔流层波叠浪也。勾入丑，状如怒牛脱鞮，且奔且顾也。勾入寅，状如虎走，足跃尾摇也。勾入卯，状如脱兔，跳跃忙奔也。勾入辰，状如龙行，蛇蜒起伏也。勾入巳，状如惊蛇，盘旋屈曲也。勾入午或加天马驿马，状如马骤逆上斜转也。勾入未，状如羊队纷纭，踊跃争先也。勾入申，状如瓜藤延引，蔓蔓不绝也。勾入酉，状如惊凤翔舞，群雀相随也。勾入戌，状如步兵荷戈，且战且却也。勾入亥，关状如河流九曲，委折生情也。勾逢冲克，来脉受伤也。勾生合世，来脉有情也。勾空动者，依山浅葬也，勾带禄马官贵，得四直生扶者，龙必贵也。带亡劫刑刃大杀，被四直克伤者，龙必凶也。勾带勾陈杀，在坤艮宫，加鬼动者，地龙下有邪崇潜藏也。

## 十八、水口

以六爻为用。六爻生合世，水口有情。加贵马龙德财子者，水口重关锁也。六爻刑害克世，水口无情，或割脚也。冲世则水射心肋也。日辰带贵禄龙德来冲，或罗星塞水口也。火见水合勾陈，一针水口也。水加父动，为邱浮水面也。水加鬼动，鬼把城门也。六爻寅木，五爻伏亥水者，水口有桥。旺高，衰低也。（寅为人马之宫，故云桥道。）寅下伏子水，水口有船舫也。又水旺木衰为桥，

水衰木旺为船舫水阁也。蛇加福动，水口有路。雀加财动，水口有烟火人家。虎加鬼动，水口有庙也。鬼属火，赵玄坛五福祠也。属水观音三官玄帝，龙王祠也。属土土谷祠。属木，东岳帝祠。属金，关帝，释迦，及金妆像也。六爻带亡劫刑刃，大杀来冲克世者，行至山运衰处，必被祸也。坎宫蛇水世动者，水环绕也。（水动何爻，即知何方。）间爻动水，动有腰带水也。临卦无水爻者，但从玄武断之。玄武生旺，水汪洋也。空绝墓胎，干流也。旺空，水散漫也。休则浅近，囚死则停蓄死水也。

## 十九、辨土色

以世爻为用。土黄，木青，水黑，火赤，金白。又龙青，雀蛇赤，勾黄，虎白，武黑也。若龙加土，则青黄二色。雀蛇加木，则红青二色。勾加水，则黄黑二色。虎加水，则黑白二色。（余仿此）。世逢六合，五色备也。逢三合，有三色也。土之深者，看世下伏神。

## 二十、辨穴中物

以世持墓爻，世下伏爻为用。世持财墓，穴中有财物也。临金，有五金物。旺则金银。衰乃铜铁也。临木逢死绝，下有朽木。伏下木爻刑害冲克世者，下有树根侵棺也。临巳蛇下有蚓蛇。临寅虎，下有蚁穴。临玄武，世在离宫者，下有龟蟹也。世持鬼墓，下有伏尸古塚。世持兄墓，下有孔窍。世持金伏金，值月日长生者，下有石也。

## 二十一、辨何物伤穴

寅爻带劫杀冲害穴爻，旺则狸猫穿穴，衰有白蚁也。临子鼠也，临卯兔也，辰巳蛇蚓也，戌为獾狗，亥为獾猪也，临丑未牛羊践踏，临申酉，石角侵伤也。

## 二十二、辨棺槨

世财值辰戌丑未者，土槨。寅申巳亥者，石槨。子午卯酉者，火化骨葬也。财鬼不见，棺槨俱无。鬼伤财空，棺槨粗恶也。

## 二十三、辨葬法

已葬之坟，看鬼伏处。鬼下伏金火，骨葬也。鬼下伏水木土，棺埋也。未葬之穴，看鬼生方。鬼生金火，宜骨葬也。鬼生水木土，宜棺埋也。

## 二十四、辨坟多少

世爻穴爻持旺鬼者，即以一水，二火，三木，四金，五土，之数断之。休减三分之一，囚死减半也。（鬼化鬼亦同断）。又世爻穴爻值辰土，则凡年月日时，及旁爻，伏爻，化爻，属水土者，同墓于辰也。三四位，三四墓。五六位，五六墓也。阳男墓，阴女墓也。（金墓丑，木墓未，火墓戌，同断）。加龙旺相，新坟。加虎休囚，旧葬。动逢合者，新坟。冲又空者，旧葬也。值空绝者，绝坟。值胎养者，有小儿坟也。世鬼同墓者，家人共葬。应鬼同墓者，外人共葬也。

## 二十五、侵地为坟

世并日辰克应者，我侵人地作坟也。动爻与应爻，并日辰克世爻穴爻者，人侵我地为坟也。

## 二十六、出殡

世持衰空，出殡零落。世逢生旺，击鼓鸣铙。咸池羊刃克世，葬日凶徒挠阻。贵人禄马生世，埋时贵客送迎。乾离宫火雀加福动，葬日天晴。坎兑宫水玄加父动，埋时雨湿。巽宫木兄动，须防风暴。坤艮宫土兄动，必起阴云。震宫木鬼动，风雷交作。财动者，久雨得晴。父摇者，久晴忽雨。火化水而子化父，先晴后雨。内水父而外火福，先雨后晴也。

## 二十七、迁坟

凡葬而复迁者，以内卦与二爻为尸，外卦及五爻为地也。龙外动宜迁，虎外动宜守。内衰空宜迁，内生旺宜守。鬼化福宜迁，财化鬼宜守。刑害变生合者，迁后亨通。财禄化破败者，迁后消耗。鬼动者可迁，父动者必迁。财化财，父化父，鬼化鬼，兄化兄者，宜迁。四直动爻来冲者，宜迁。游魂八纯卦，逢世动者必迁也。游魂化归魂，六冲化六合者，犹豫不决也。鬼动逢空逢合者，有人阻止也。鬼动而遇日辰冲克者，欲迁而无资也。

## 二十八、客死客葬

游魂卦，逢鬼外动者，穴逢空，而墓于外卦应爻者，鬼动墓于外卦应爻者，皆主死葬他乡也。鬼空，穴空，墓空者，主倒路死，而无埋葬之地也。否亦招魂附葬也。

## 二十九、辨凶亡少鬼

以鬼杀克亡命者断之。日辰带火鬼克亡命者，瘟疫死。日辰带金鬼克亡命者，刀兵死。日辰带水鬼加浮沉，风波，浴盆杀，克亡命者，溺水死。日辰带木蛇鬼加勾绞木狼杀，克亡命者，雉颈死。日辰带金虎鬼加吞叨杀，克亡命者虎咬死。日带金虎鬼，加病符克者，痲瘵死。日带土官，加病符克者，咽喉脾胃黄肿死。亡命冲土鬼者，主压死。日带火鬼，加雷火，霹雳杀克者，雷击死。日带火鬼，加天火独火，天烛杀克者，火烧死。衰则热病死，或火葬也。日带木鬼加大杀，天刑羊刃，刑冲亡命者，打死。加跌蹠杀者，跌蹠死。金木鬼，加刑刃朱雀官符克者，刑杖死。金虎鬼，加刑刃大杀，临亡命者，自刎死。玄武鬼，加天贼，天盗劫杀刑刃，临亡命者，为盗致死。玄武鬼加咸池，红艳杀，克亡命者，因奸致死。玄武加暗金，阴杀，血刃，克者，产难死也。

### 三十、劫塚开棺

应加玄武天贼天盗劫杀，并月日冲破世爻穴爻者，劫发坟墓也。冲克亡命者，暴露骸骨也。世爻冲破穴爻者，自己移葬也。克伤亡命者，暴露不埋也。黄金策曰，犯天地四大空亡之杀，骸骨不明。（甲午，甲申，甲戌，壬子，壬寅，壬辰，乙丑，乙亥，乙酉，癸未，癸巳，癸卯，为天地四大空亡）

### 三十一、补遗

郭璞八神筮法曰。凡占生坟，要本命得穴爻，与山运，生旺之气，忌穴爻山运，与本命相刑害克冲，亦忌穴爻与山运，自相伤克，空亦忌之。耶律氏锦囊集曰，乾宫福旺，百子千孙。坤象福刚，三男二女。震坎艮强男子盛。巽离兑旺女人多。若游魂八纯卦世临兄鬼动被月日合出者，必主为商。出继入赘，衰则九流艺术之人也。归魂卦，为外游失位而复返之象。故占为失地也。坎卦愈凶，余卦亦主子孙消废而无福也。易学空青，福德旺空歌曰，木若逢时枝叶茂，水如旺处愈洋洋，土若旺时生万物，金如旺处定销镕（金为杀气，旺则生意潜然，得火制之，乃有用也。）火位旺衰应有数，焰高顿见霎时空，金若逢空必有声，木空则绝杳无人，水空流绝人无种，火焰腾空必化尘，土堪脱空人未绝，断他屡屡必灾迍。

### 附耶律氏断例

丙辰年丙子月甲子旬丁卯日，占坟茔，得睽之归妹。鬼为亡人，子为后嗣，财为产业，父为棺槨。占坟喜官鬼旺静，今有气而动，非吉也。旁爻火父，衰而又空，是坟决在古塚之畔，坐下无穴，地气不荫。寅属虎，棺中非有白蚁，必猫狸入塚。本宫子孙，被寅动一冲，又扶丑土下，金墓于丑，

子孙入墓，主损少丁。本宫水财虽旺，但嫌伏于兄劫之下。葬此地后，必退财，旁爻子孙临世自刑，有过房子孙，及赘婿之属，俱不利。然此却非绝地，盖本宫中金子孙，伏丑土下受生，但不旺人丁与财禄耳。亡人不安，子孙贫乏而不绝也。（此伏藏卦，故取本官伏神断之）。

## 晴雨占

游南子曰，时久晴则欲雨，久雨则欲晴，而天道不可测也。于是有晴雨之占焉，而诸说纷纷，未有定论。有以分宫生克决晴雨者，有以五行动静决晴雨者，有以六亲动静决晴雨者，或以六神，或以天干，或以内外世应，或以八卦，各有徵验。大都从其旺相无伤者，断之，为不爽也。

## 鬼谷分爻

占雨

天

雨

雷

风

电

云

初旺，浓云，衰则薄雾也。二旺，电光，衰则热闷也。三旺，大风，衰则微风也。四旺，大雷，衰则轻雷也。五旺，大雨，衰则微雨也。六旺，动，翻江倒海，衰则阴天也。三动克初，风卷云散也。三动生初，风送行云也。二四相生，雷电交作也。三五相生，风雨骤至也。三动克五，风发雨止也。六爻逢冲者，大雨。日合六爻者，无雨也。

## 占晴

天

日

月

虹

霞

露

云

初旺，天晴云密，衰则薄云将散也。二旺，露浓，衰则薄露也。三旺，朝霞，衰则晚霞也。四旺，虹截雨，衰则浮云也。五阳旺，皎日，阳衰，淡日也。五阴旺，月明，阴衰，月淡也。六旺，天朗，衰则天阴也。初动生二，云散露收也。初动克五，云掩日月也。五动克二，日出露晞也。五动生二，月冷露零也。五动生合三，霞随日出也。四动克五，虹贯日也。初动克六，云蔽天也。

## 一、五行

占目前晴雨，以水火为凭。水动雨也，火动晴也。木动，风也。土动，阴也。金动，雨也。水静逢冲者雨，水旺动者骤雨，衰则细雨也。水动，而遇日辰动爻，刑害克破者，虽雨不多也。水土俱动者，雨不多也。火衰水旺者，雨也。卦无火，与火逢空墓，绝胎者，雨也。水火两空，或水火俱无，或水静土动也，阴也。火旺动者午晴，衰则缓晴也。火静逢冲者晴，水衰火旺者晴。卦无水，与水逢空墓绝胎者，晴也。火动，而遇日辰动爻，刑害克破者晴也。水火俱动者，如水内火外，则朝雨暮晴。如火内水外，则朝晴暮雨也。水化火者，先雨后晴，或虹截雨也。火化水者，先晴后雨也。管公口诀曰，水爻生旺日有雨，火爻生旺日开晴。久雨者，水动而反晴。久晴者，火动而反雨也。磨镜药曰，子为云，又为江湖水神也。丑雨师也，寅风伯也，卯雷震也，辰务也，巳虹也，午电母也，未风伯也，申水母也，酉为阴，戌为阴也，亥为雨水，又为天河也，逢旺动者，则各以其类应之也。严君平曰，箕主风，寅是也。毕主雨，酉是也。寅酉两动者，风雨骤至也。木空动则无风而晴也。（木朽则焚）。金空动，则不雨而风也。（金空则鸣）。土空动，则不阴，而雨也。（土崩则金现也）。

## 二、六亲

占晴以子孙为用，占雨以父母为用也。子孙日月也，父母雨也，妻财云雾也，兄弟风露也，官鬼雷也。子孙持身世，不空墓绝胎，而无刑害克破者，虽安静亦晴也。旺动则久晴，衰动亦暂晴也。值日则一日晴，值月，则一月晴也。父旺子衰者雨，子旺父衰者晴，父兄子兼动者，主不晴，且多风也。子动化子化兄者久晴，子动化父者，晴变雨也。父持身世不空死墓绝胎，而无刑害克破者，虽安静亦雨也。旺动则大雨，衰动亦小雨也。值日一日雨，值月一月雨也。父衰财旺者，雨少。父旺财衰者，雨多。父财鬼兼动者，久雨，且多雷也。父化父者，雨连绵也。父化兄者，风雨交作也。父化鬼者，雨后雷发也。父化财子者，雨变而晴也。父化空墓绝胎者，雨中得晴也。财被刑冲克害者，晴不可期也。日辰动爻合父，被鬼冲开者，见雷则雨也。日辰动爻合财，被兄冲开者，见风则

晴也。父财同动者，半晴半雨也。财鬼同动者，多雾多烟也。父静逢冲者，天变。化财化鬼，鬼化财者，阴晴未定也。兄化父者，风雨不常也。兄坐长生者，狂风浹日也。火鬼动者，烟雾起。水福动者，电虹现。土鬼动持世者，落黄沙也。

### 三、六神

占目前晴雨，又以雀武为凭。磨镜药曰，青龙雨师也，朱雀行火招风之神也。勾陈，兴云之神。蛇为电母，虎为电雷，为冻，为大风也。玄武为水神也，逢旺动者，则各以其类应之也。龙临水动者雨，龙临木动者阴。雀入火动者晴，雀入水动者阴，雀入勾动者，云中见日。勾临土动者阴雾，勾加木动者，云雾渐开。蛇加金动者，雨中有电。虎持木动者，烈风拔木也。虎加水动者雨，虎持金动者，旺则雪雹，衰则水霰也。虎持水动者大雨，武持土动者，阴雾。雀飞龙潜者晴。（龙居内，雀居外）。龙升雀伏者雨。（龙居外，雀居内）。雀居巢者风徵。（雀入午也，巢居知风）。武入穴者，雨徵也。（武入亥也，穴居知雨）。

### 四、天干

甲乙动者风，丙丁动者晴，戊己动者阴，庚辛动者雷电，壬癸动者雨也。东方朔曰，丙辛化水者雨，戊癸化火者晴，甲己化土者阴，乙庚化金者微雨，丁壬化木者风也。

### 五、内外世应

占久远晴雨。以内外世应为凭，外卦，应爻为天。内卦，世爻为地也。外克内，应克世者晴。内克外，世克应者雨。外卦乾离，加火雀爻动者，久晴。外卦坎兑，加水武动者，久雨。外卦坤艮，加兄虎动者，烟雾腾空。外卦巽，加兄虎动者，狂风拔木也。外卦震，加虎鬼动者，疾雷伤人。如冬月无雷，主大风怒号，林木振响也。外坎化离，雨变晴也。外离化坎，晴变雨也。外坎化兑，兑化坎，雨雪连绵也。外坎化巽，风雨交作也。外震化坎，雷震交作也。外离化乾，天朗气清也。外坎化坤艮，阴雾朦胧也。世空者，无雨也。应空者，祈雨不雨，祈晴不晴也。应生世者，天泽下降而雨也。世生应者，地气上升为云也。久雨久晴者，应空则止也。应克父世者，应爻值日则晴。应克子世者，应爻值日则雨也。世应三合财局者，不雨。三合父局者，不晴也。

### 六、八卦

纯乾纯离晴，纯坤纯坎雨也。纯震纯巽，飞砂走石，霾山蔽日也。纯艮，久雨久晴皆止也。纯

兑，雨也。晋，大有，同人晴也。小畜，小过密云不雨也。既济，未济日出雨下，乍晴乍雨也。随，临即雨也。屯，解雷雨也。明夷，天晦也。泰，需，比昏暗也。噬嗑，雷电也。观，升风发也。中孚，大过雨雪也。蒙，咸，蹇雨也。涣风后雨也。井雨后风也。萃细雨也。否不雨也。旅晴也。讼，大壮雨也。寅午日晴也。

## 七、期日

用动，则以六合之日为期也。用静，则以冲动之日为期也。用伏藏旺相，则以用爻值日为期。用出现休囚，则以生旺之日为期也。

神杀	正月	二月	三月	四月	五月	六月	七月	八月	九月	十月	十一月	十二月
八妖	午	未	申	酉	戌	亥	子	丑	寅	卯	辰	巳
晴朗	午	未	申	酉	戌	亥	子	丑	寅	卯	辰	巳
风杀	申	未	午	巳	辰	卯	寅	丑	子	亥	戌	酉
雨杀	子	卯	午	酉	子	卯	午	酉	子	卯	午	酉
雷杀	巳	申	亥	寅	巳	申	亥	寅	巳	申	亥	寅
月符	辰	辰	辰	未	未	未	戌	戌	戌	丑	丑	丑

## 朝廷占

游南子曰。朝廷之占，与臣庶异。以世爻所居之卦为国也。世爻为君，五爻亦为君也。主上自占，以世爻为用，臣庶代卜，以五爻为用也。应为后，二爻亦为后也。子孙为国储，妻财为妃嫔，亦为帑藏。父母为城池，兄弟为劫神，官鬼为奸贼也。又初爻民，二爻士，三爻大夫，四爻公卿，五爻天子，六爻宗庙朝廷也。察各爻之生克旺衰，而国家之利弊兴替已了若指掌也。若乃卜世卜年，又自有一法焉。

## 一、大象

世爻所居之卦为国。旺相，则国治，而天下平也。胎没次之，死囚休废，则国祚陵夷也。空亡，则巡游无度也。冲破则疆围不固也。刑克，则奸宄窃发也。受害，则臣庶离心也。岁生旺官者，国运炎隆也。岁克衰卦者，宗社将倾也。鬼带亡劫在内卦动者，防奸细也。鬼带亡劫，暗动伤身世者，有阴谋也。金鬼带大杀，临旺宫动者，兵革兴也。水鬼带大杀，临旺宫动者，洪浸灾也。火鬼带大杀，临旺宫动者，旱魃虐也。木鬼带大杀，临旺宫动者，稼穡痒也。土鬼带大杀，临旺宫动者，疫

疴作也。鬼空动者，虽凶无害也。欲知何方，以八卦定之也。又鬼杀值胎养长生者，乱方始也。值临官帝旺者，乱正炽也。值死墓绝者，乱将止也。离动化坎，将北狩也。兑动化震，思东迁也。坎动化离，欲南渡也。震动化兑，必西征也。卦逢六合，安静者太平，逢六冲乱动者，则多变故也。

## 二、国君

世与五爻旺相，居阳宫阳爻者，明君。旺静则福主也，带龙喜德合福贵动者，仁主。加刑杀则威震臣邻也，带虎鬼大杀刑刃旺动者暴虐不道肆情诛夷也。带玄武咸池动者，荒淫无度也。带兄耗羊刃动者，多靡不节也。带虎鬼死符病符动者，体常倦勤也。休囚而被太岁冲克，与随鬼入墓者，殒落不久也。土鬼旺动伤世者，贼攻城也。财带阴贵大杀动伤世爻五爻者，妇寺专权蠹国也。父带禄贵大杀，动伤世爻五爻者，勋戚尾大不掉也。兄带阴贵大杀，动伤世爻五爻者，贵戚怙宠骄恣也。子带华盖大杀，动伤世爻五爻者，妖僧方士蛊惑君心也。

## 三、后妃

应爻二爻与世爻五爻生合比和者好逑也。应爻克世，二爻克五者，脱环进规也。应爻二爻带龙喜德合福贵旺相者，女中尧舜也。带玄武咸池者，艳妻嬖处也。带父母旺相者，攻书史也。带子孙旺相者，繁螽斯也。子动生财者，能逮下也。应居五爻阳位加太岁，紫微华盖贵马，旺相聚于初爻者，垂帘听政也。

## 四、青宫

以子孙为用。凡三传动爻生合子孙，或子孙带龙德贵马福禄旺相者，贤而有德也。福临木爻生旺者，储德必厚也。（青宫属木）。世生合子孙者，得主眷也。世冲克刑害子孙者，忤主心也。子临劫杀大杀动者，必更立也。子被四爻刑害克破者，防篡逆也。四爻带龙德生合子者，保传贤也。四爻带武鬼咸池，合福者，保传邪佞也。子带咸池者，偏宫出也。

## 五、谏官

以子孙为用。子动克世者，直臣匡救也。子动刑冲世者，直臣撻鳞也。子动合世者，谀臣将顺也。子临岁月动克四爻，生合五爻者，子生旺日，必有直臣纠劾权臣也。子动，克四五爻，与日辰生合者，可其奏也。与日辰刑害克冲者，疏既不允，反遭贬责也。

## 六、城池

以父母为用。旺相逢生合，则坚固。休囚遇伤克，则疏虞也。父下伏鬼，或父动化鬼者，须防奸细临城也。

## 七、帑藏

以妻财为用。旺相逢生合，则丰盈缄固。败死绝空，逢刑害克破，则匱之漏卮也。兄爻旺动，则多侵蚀。鬼爻旺动，则多耗费也。

## 八、奸贼

以官鬼为用。鬼带杀刃动，在乾坤卦，则祸起官中。在坎离震兑，则祸起四方也。又木鬼，东寇也。金鬼，西贼也。火鬼，南盗也。水鬼，北酋也。土鬼，四方散起也。

## 九、分官

初爻临鬼，黔首灾。空则民有离心也，生旺则民安物阜也，衰而受伤，则民遭涂炭也。二爻临鬼，士子灾也。空则士不豫附也。金空动则士多横议也。生旺加文昌，则文运盛。衰而受伤，则士多屈抑也。三爻持兄鬼，吏多贪酷。空则无良吏也。生旺带龙喜贵马进神动者，多善政上闻，晋秩超迁也。衰而受伤，加虎蛇刃劫退神动者，多簠簋不饰，贬秩褫职也。四爻持鬼，公卿多奸伪。空则鰥旷，不称任也。临子则多忠义。子空动，则忠义挂冠也。生旺，带贵马龙德遇四直生扶者，老成镇重，夷夏慑服也。休囚，遇蛇虎鬼凶亡劫，被四直刑害克破者，模稜伴食，朝野失望也。（五爻天子，见前）。六爻旺逢生合，则宗庙奠安，朝廷肃靖也。动衰受伤，则鬼神震恫，王纲顿弛也。空则饗祀不举，朝观失废也。万金赋穿断法曰。五动生初，君忧民也。三动生初，吏恤民也。四动生初，相动民也。初爻生五，民戴君也。初合三四，民服官也。三四五带虎杀动克初者，民受害也。初冲克三四五者，民胥谗也。五生合二者，君礼士也。三四生合二者，臣下贤也。三四合二生五者，臣荐贤于上也。二生三四者，上景从也。二临父克五者，书生进牒也。四生克三者，大臣能任百官，陟贤黜奸也。三持财动生世者，下赂上也。五生合三者，人主奖资良吏也。五生合四者，委心执政也。四生合五者，摅诚报主也。四持蛇虎兄鬼亡劫刑刃，而五动克之者，黜远奸佞也。四持凶杀而五动生合之者，信任谗邪也。四持金虎鬼杀，动克五者，大臣谋主也。得日辰动爻合制之，庶无大咎。四带玄武生合五，阿谀取容也。五持父动克四者，忠言逆耳也。四加福德将星，被五爻刑害克破者，良将冤死也。

## 十、爻象

鄱阳汪所性占例曰。比屯豫利封建也，涣萃利告庙也，益随利郊天也，升利封禅也，晋宜受朝观也，屯豫利立君也，豫既济师离谦利征伐也，乾利即位也，师解巽利田猎也，比屯恒不利田猎也，涣利发号施令也，革利改朔也，夬利去小人也，师利赏战功也，家人宜纳后也，归妹宜嫁妹也，蛊利求嗣，井利改邑也，剥遁宜选宫嫔寺人也，鼎利正位号也，姤巽宜颁抚恤之诏也，大有丰泰天下平也，否国步艰也，大过国祚危也。

## 十一、卜世卜年

易学主青曰。凡天子自占，以世为主也。如世爻动变者，则日世爻数至变爻，以定其世与年也。如纯乾卦世爻壬戌动化泽天夬卦，丁未爻，则从壬戌数至丁未，乃四十六世。卜年，则四十六年也。如卦变，而世不动者，则以正变，二世爻数之。如乾之姤，自壬戌至辛丑世，则四十世，年则四十年也。如六爻安静者，则自所卜之年，数至世爻。如庚寅年卜，则自庚寅数至壬戌，乃三十三世也，年则三十三年也。若臣民代占者，以五爻为主也。如甲子年卜得乾卦，五爻壬申，自甲子至壬申，卜世则九世卜年则九年也。（余仿此）。

## 附古占验

明正统己巳，英宗既北狩，命全寅筮之，得乾之巽。寅曰，乾若象龙，变化之物也，初四之应，龙潜跃必以秋，应以庚午，浹岁而更。庚者，更也。庚午中秋，车驾其旋乎。还则必幽，弗用故也。或跃应焉，或之者，疑之也。后七八年，必复辟，午火正丁壬合也。岁丁丑，月壬寅，日壬子，其合乎。岁更九跃则必飞，九者究也，乾之用也。南面，子冲午也，必正南面，故大吉也。后英宗南旋及锢南内，最后夺门复辟，年月日悉符其占。

庚申年戊子月甲子日，宋太祖即位，召陈抟问享国长短，得离之明夷。抟曰，陛下得国中原，而逢南方，火盛之卦，非吉也。太祖曰，朕寿几何。丙子年庚子月日子日，陛下终于火日之下。离为火日，陛下之子孙尽矣。（太祖讳灵）。太祖曰，孰敢为之，抟指离九三及明夷之九三曰，此人为之。其人在西北，陛下之亲也。太祖又问后复若有。抟曰，后一百九岁，南方有妖气入中国，中国用之，天下自此多事矣。太祖又问宋之子孙。抟曰甲午之岁，有金字者出，己酉金为妻财，子孙生之，其祸滋甚。又六年而通于中国，又六年丙午螣蛇。宋其危乎，有二君者，实受其祸，宋火德也。火德犹盛，宋之子孙，当有兴于东北，终于东南，有近君者，实窃其位。明夷之六四曰，获明夷之心，

于出门庭，东北之位也。出涕沱若，兴复之志也，近君者虽窃其位，火德也。丁巳岁其危乎。太祖又问中原可复得乎。曰，陛下得国之初，而卜得东南旺卦，亦终而已矣。岁在癸巳，灭我者其衰乎。甲午宋当复兴，有贤人扶之，则可复占。如非其人，虽能复之，亦旋失之。岁在庚申，宋之祚其衰矣。自辛酉至庚申，已三百年，过此以往，未之或知也。

## 年时占

游南子曰，古君相之于岁旦也，必命太人豫占一岁之吉凶，以前知九有之安危。兆姓之灾福，非迂也。盖居上而忧民忧，乐民乐，意合如此之击且深也，何可废岁时之占。

## 总论

占年时者，以太岁为用也。岁临财子龙喜贵赦生合身世者，四方戢宁也。临兄鬼蛇虎大煞劫煞，动伤身世者，九围灾变也。又内卦世爻为地，外卦应爻为天也。外应克内世者，天心不顺也。外应生世内者，天泽下施也。内卦世爻，空死墓绝胎者，人物灾遁也。内卦世爻生旺者，人物安阜也。世持太岁加财福者，年丰民泰也。世持太岁加兄鬼者，岁饥年凶也。爻象阳多，雀火旺动，或父母空绝，或妻财独发者，旱魃为虐也。爻象阴多，武水旺动，或子孙空绝，或父母独发者，洪浸为灾也。风波杀动玄武鬼，动伤身世者，民多淹死也。金虎鬼，加大煞旺动者，干戈扰攘也。雀火鬼加天火，天烛独火，天祸杀，旺动者，回禄炎炽也。勾土鬼，加伏尸病符，旺动者，疫疠渐染也。勾上空亡，带荒芜杀动者，地白田荒也。蛇火鬼旺动，加小杀刑害子孙者，痘疹为殃也。蛇金鬼，旺动克木世者，螽蝗为灾也。蛇金鬼带天怪杀，旺动克身世者，妖魅书见也。武鬼，加天贼，天盗，劫杀，旺动克身世者，盗贼蜂起也。玄武鬼旺动，岁多阴雨也。木兄鬼旺动，岁多烈风也。虎鬼带雷火，霹雳杀旺动，岁多雷电也。克世身者，民多雷殛死也。虎鬼入寅爻，旺动伤身世者，虎狼当道也。蛇鬼入巳爻，旺动伤身世者，虺蛇载涂也。又金鬼动，民多咳嗽。木鬼动，民多疯症。火鬼动，民多热虐，疮痍，目疾。土鬼动，民多时疫，肚腹之疾。水鬼动，民多寒虐，痢疾也。又初爻为物，二爻为民，遇鬼者灾，逢空者损，加天瘟杀者，人畜必染瘟疫也。又财绝兄兴者，民饥。子空鬼动者，蚕损。天猪杀入亥爻旺动，猪畜灾。天牛杀入丑爻旺动，牛畜灾也。卜一方者，以十二支神定其何方。卜天下者，以八卦定其向方也。

## 附断例

戊寅月甲寅日，卜一方年时，得咸卦，安静。兄居申酉正西，西南荒歉，申犯月日刑破克，西

南尤甚。子在亥爻，月日合之，正北丰稔。父在辰未，东南西南蚕畜不利。鬼居午位，南方多灾。午鬼加雀，月日生合之，东北正南，尤防西南灾歉。武兄动，而盗贼繁。应在未地，西南方蚕蓄不起，宜居丑地。父爻属酉，正西一隅蚕禾荒歉，西南尤甚。子居坎兴隆，正北丰安，雀福动而尊崇神鬼，祷宜早也。蛇火摇而痘疹沿传，宜多南国。辰临勾鬼，东南病疫也，禾尤为不利。

## 婚姻占

游南子曰，婚姻人道之始事，是不可不慎其占也。然婚姻之求，必先于男，故择妇之占，尤当慎之。占其门第，占其德行，占其性情容貌，及子嗣之有无。入门之吉凶，聘奁之厚薄，而后占其婚姻之成否也。然而匪媒不得，则月老亦不可以不占也。

## 鬼谷分爻

祖宗

父母

外氏

婿妇

媒妁

自身

## 一、门第

内卦世爻旺，男家富。外卦应爻旺，女家富。应临贵马德合，不空破克伤者贵。逢月旺日衰者，近年退也。应爻财爻衰，而外卦旺，富止虚名。应爻财爻旺，而外卦衰，家窘而女有德色也。凡富贵贫贱，俱见身命占。德行性情容貌，俱见妻妾类中，故不复赘。

## 二、子息

卦无子孙，与子孙逢空绝破，财爻带孤寡，天狗杀动，或卦值纯阳纯阴者，俱主不生育而无子也。子孙胎爻两备者，有子。子化鬼，与胎爻临父者，有子难招。有胎无子者，孕而不育。有子无胎者，庶出螟蛉。子值阳多男，值阴多女。水子化鬼，头胎难招。火子化鬼，二胎难招。木子化鬼，三胎难招。金子化鬼，四胎难招。土子化鬼，五胎难招。子之多少，以一水二火三木四金五土推之。旺相加倍，休如数，囚死减半。

### 三、入门

财空绝者伤妻，鬼空绝者伤夫。财遇刑刃劫杀者妻灾，鬼遇刑刃劫杀者夫厄。财化鬼破者，妻带病。官化鬼破者，夫带疾。财动，则公姑不协。父动则卑幼不睦。兄动妻灾，子动夫灾。鬼动则妯娌姑嫂不和。（丑未相冲亦然）。子带龙喜德贵持世动，妻夺夫权。子世旺静，妻必嫌夫。子世旺动，夫必遭伤。财世旺动者克公姑，兄世旺静者，夫嫌妻。兄世旺动者，妻遭伤也。两鬼旺相，而月日与动爻刑冲克害财爻者，必生离改嫁也。世应财鬼带刑刃鰥寡杀动，夫妻不久。世应生合，而财官空绝，半世夫妻。合而又生者，偕老。冲而又克者，生离。前卦冲而变合，初乖后睦。前卦合而化冲，先睦后睽。世应财鬼生合，而被日辰动爻冲克，因入门而不睦。世应财鬼冲克，而日辰与动爻类合局者，得人劝而复和。阳鬼阴财其卦旺静者，必亲上成亲，齐眉偕老也。动爻冲克父，尊长不全也。动爻冲克财，主分离耗财帛，奴婢无力也。动爻冲克子，主无子，有亦不多也。动爻冲克兄，姑嫂妯娌兄弟不睦也。动爻冲克鬼，不利丈夫也。鬼动化财者，女不妨夫必再嫁。财动化鬼者，男不妨妻必再婚。卜娶而遇两财者，停妻再娶。卜嫁而逢两鬼者，抛夫改嫁。官鬼动者，夫必朝东而暮西也。游魂，主离别。八纯，主反目。咸恒节泰者和谐。睽革解离者乖忤。女得坎离者再嫁，男得震巽者重婚。坤化坎者，男破体。乾化离者，女非真。夫阳壮而伤妻，妇阴强而欺夫。蒙则不有其躬，渐则夫征不复。内卦乾坤受伤，舅姑不睦。坎艮震受伤，丈夫叔伯不睦。巽离兑受伤，姑嫂妯娌不睦。外卦乾坤生内，舅姑悦也。坎艮震生内，丈夫叔伯悦也。巽离兑生内，姑嫂妯娌悦也。（择婿见身命占）。

### 四、聘奁

卦无父者，无雁币，或无婚书也。财旺币厚，财衰币薄。无财，及财化空绝，无币礼也。金财生合应，聘金厚。木财生合应，果核盛。火财生合应，缎疋多。水财生合应，珠玉鱼酒丰。土财生合应，以田产代币。未财旺，则羊肥。亥财旺，则猪硕。龙财旺相，奁具精巧。虎财旺相，奁具粗恶。财衰则奁薄。卦无财，或财化空绝，无奁也。金财生合世，多宝玉五金器。木财生合世，多木器。火财生合世，多锦绣绫罗。土财生合世，多奁产。水财生合世，多珍珠布帛衣饰。应财伏财，有媵婢也。应财化子，有仆从也。

### 五、成否

世应财鬼生合比和者，成也。阴世，女家许配。阳世男子求婚。世生应，男求女。应生世，女

求男。世克应用强劫娶，世应日辰三全合，因人成事。世应父母动合，两亲家杯酒而成。世应子孙动合，两男女割襟而成。官化父，男家尊长成合。财化父，女家尊长成合。世与财爻生合，女家亲人成合。世与鬼爻生合，男家亲人成合。卦六合者成，卦六冲者不成。前卦合而变冲，成后复退。前卦冲而化合，退后复成。卦六冲或世应动，而被日辰合住者，欲退而不得。世应财鬼冲克，逢日辰动爻生合者不成，而得人赞成。世应财鬼生合，逢日辰动爻冲克者，成而被破。世应财鬼虽相生合，或临死墓绝胎，被刑冲克害，或动化死墓绝胎，刑冲克害者，在世爻鬼爻，则男家不允。在应爻财爻，主女家不允。父化官，男家尊长阻隔。父化财，女家尊长阻隔。父空无主婚之人，苟合成也。父克世应，父母阻。兄冲世应，兄弟阻。兄加杀动，必争竞。鬼化鬼，男家反覆。兄化兄，见阻方成。两父齐兴，主婚非一。财官动合，先奸后娶。（自刑者验）。二官并动，两家求娶。两鬼克应，女许二家。卦值纯阳纯阴者不成。龙动生世应者成，虎动克世应者不成。蛇动克，牵缠不允。雀动克，口舌非常。武动克者，阴人破。勾动克者，小人挠。又世临外卦财爻动，身世命爻去合应财或命爻鬼爻伏墓应财之下者，俱主入赘。鬼居应财居世，与世鬼属阴，应财属阳者，蜚入赘，必夫妇相凌也。

## 六、媒约

以间爻为用。世生合间，男家之亲，应生合间，女家之亲。世应俱生合间，两家皆亲。间阳男媒，间阴女媒。衰墓，老媒。生旺少媒。间阴化阳，女人先说。间空化空，更人为媒。间兄两动，二人争媒。蛇武兄动，冰人诡诈。朱雀旺空，媒多诳语。白虎间动，媒来损害。龙喜间摇，赖其吹嘘。勾陈间动，必多阻隔。间临贵马，仕宦为媒。二间俱空，必无月老。间生合世应，善于调停。间刑冲克害世应，心怀欺骗。世应冲克间，两家相怨。日辰动爻带虎雀刑冲克害间者，群口交谪也。欲知过聘下定之月，则以月卦临直为期也。又单占媒人贤奸者，则以应爻为用也。

## 附断例

己丑年丁卯月甲戌旬戊寅日，女占姻，得剥之观。本宫寅财，伏巳火鬼干，又居应上，乃有夫之妇。寅巳相刑，必夫妻不睦，而欲改嫁也。又本宫寅财，与午鬼相生合，决是与人私通，而欲嫁之也。但世上申兄动冲寅财，必有人破其妇。世上傍爻，子孙动冲午鬼，必有人破其夫。况午鬼伏墓戌土之下，世应相冲刑克，必不成也。

己丑年丙子月甲子旬丁卯日，男占婚，得睽之归妹。本宫子水财，正值月建，离卦无气，而财爻有气，家虽贫而貌则美。但性急贪淫，色黑而面圆耳。奈财伏兄下，世应化爻俱兄，克财者多，

决有人互相把持。应又冲世，化爻又冲应，本宫父母真空，是无主婚之人，故不成也。细看财官同居外卦，惟西北方亲上做亲者，是其姻缘也。

己丑年丙子月甲寅旬戊午日，男占婚，得困之解。世应生合，本宜成就，却被酉兄动冲卯财，化出申兄，又刑冲克世上寅财，必被人破也。

庚寅年戊寅月甲寅旬癸亥日，男占婚，得复之颐。六爻酉子动化寅官与亥财合，月日又值财官世应又合，两家俱肯，婚大吉也。但五爻亥财自刑，妇性峭刻，貌美，面尖微黑，初爻单，则足小也。

## 胎产占

游南子曰，占胎产者，始焉占其孕之有无，既焉占其孕之男女，既焉占其孕之生期，与夫临盆之吉凶而已。

## 鬼谷分爻

公姑

收生

夫身

看生

胞胎

产母

初临鬼母灾，空则母损。二临鬼子灾，空则胎堕。三临鬼难生，空则无人看生。四临鬼，损夫，空则背爹落地。五临鬼，化婆有力，空则无人收生。六临鬼，损公姑，空则不见公姑也。

## 一、有无

凡占俱以子孙为用。惟子占母孕者，以兄弟为用也。用爻出现，或用爻与二爻，带龙喜旺相者有也。胎爻出现者有也。（子孙属水土，午为胎爻。子孙属金，卯为胎爻。子孙属木，酉为胎爻。子孙属火，子为胎爻）。卦得大畜与涣者有也。用爻胎爻不上卦，与逢空绝者无也。二爻与胎爻带鬼者，母怀胎而有病。带鬼而又逢日辰动爻，刑害克破者，不足月而堕胎也。龙福空，而二爻胎爻动者，或福喜空，而虎鬼临二爻胎爻动者堕胎也。虎临二爻胎爻动者，漏胎也。子爻二爻胎爻动化刑害克破空者，堕胎也。子空动者，胎损也。子爻二爻胎爻，逢冲暗动者，曾转胎也。卦六合者，

月足胎全也。卦六冲者，月前小产也。勾土旺临二爻胎爻者，孕彰露也。龙动合二爻胎爻者，孕隐藏也。欲知小产之期，待虎动龙空日，或冲动子爻三爻，胎爻之日也。或父官临值之时，或子孙遇空败死绝之时也。

## 二、受胎

受胎之月日，但看卦中子孙爻，与化出子孙之动爻。若子孙爻衰者，则取子孙长生，月日受孕。如子孙爻属水土，则申月戊申日受孕之类。子孙爻旺者，则取子孙胎月胎日受孕。如子孙爻属水土，则午月或午日受孕之类。如卦无子孙，而动爻化出子孙者，则取动爻月日受孕。如金动化福，则申酉月日受孕之类。又凡占安胎者，但取子孙生旺临值之日，则制鬼安财也，或生合胎爻之日安也。

## 三、男女

先取子孙动变之爻断之。变爻属阳为男，阴为女。变卦为阳生男，阴生女也。如卦有两子旺动，一变阳官阳爻，一变阴官阴爻，则断为双生，一男一女也。内阳外阴，先兄后妹。内阴外阳，先姐后弟。如变为二阳，则两男。二阴，则两女也。如子孙安静者，则取大象阴阳相包者断之。如天泽履卦，乃阳包阴生女也。雷地豫卦，乃阴包阳，生男也。如阴阳不相包者，后取子孙爻断之。阳男，阴女也。若卦又无子孙者，则取伏卦子孙之阴阳断之。如伏卦又无子孙者，方取互卦大象之子孙，随阴阳而断其男女。若互卦大象，又不见子孙，此孕必为虚喜也。卦得八纯旺相，及胎爻两见而有气者，俱双生也。

## 四、生期

远则取胎爻遇空之旬生也，如卦无胎爻者，则于二爻取之。近则取冲龙冲虎冲胎爻之日，或兄弟临值之日生也。子孙居内卦旺动者，则世爻胎养之日生。衰动则子孙长生之日生。卦无子孙而伏下见子孙者，则子孙临值之日生。子孙居空墓者，逢冲之日生。子孙逢绝者长生之日生。又胎爻属勾土者，过月方生。值武水者，不出月而生也。

## 五、产难易

世为母，应为子。世生应，子吉，应生世，母吉。世克应，子凶，应克世，母凶。世应比和，母子俱吉也。世应俱空者，母子皆全。世动应空者，虚喜。世空应动者，即生。内卦乾兑坎离者，顺生。（乾首兑口坎耳离目）。内卦坤震巽者，逆生。（坤腹艮指震足巽股）。太岁临兄弟，加暗金杀

动者，母灾。太岁临父母，加阴杀动者，儿灾。财子动，而父兄发来刑害者，母子俱危。财子带阴杀动，胎难出。财子死绝，而月日动爻来生扶者，将危有救。子爻胎爻俱动，而父鬼动来合住者，难产。虎空者难产。胎爻值鬼，加阴杀飞廉大杀动者，难产。财动化鬼空墓绝者，母死。子动化鬼空墓绝者，子死。胎爻不见，而子值空墓绝者，胎里死。鬼化子者，母去子留。财化子者，易生。子动者易生。鬼动者胎易落。父兄逢空死墓绝胎败，与受刑害克破者，产必无处。龙虎临财子动者，易产。蛇加阴杀动，玄临身世，加浴盆杀动者，难产。又玄临财动者，胎冷稽迟也。

## 六、稳婆

应爻财爻为用。应爻财爻生世生身生初爻二爻子爻胎爻者，可用。刑冲克害世身初爻二爻胎爻子爻，不可用也。临空墓死绝胎者无能，受刑害克冲者，招怨也。

## 七、乳母

应爻财爻为用。应爻财爻生合世身子孙者，可用。刑害克冲身世子孙者，不可用也。临金水旺动者，乳多。衰静者，乳少。卦无金水，及金水空绝者，无乳也。应持父动者，不善护恤婴儿也。应爻持鬼伏鬼化鬼或财爻伏鬼化鬼者，必多灾病。持雀鬼动，易惹是非。持蛇鬼动，儿多惊吓。持勾鬼动儿防跌扑。持虎鬼动，儿常哭泣。持龙鬼动，乳哺无节，寒燠不调。持武鬼动，防其偷窃。武加咸池合世，与主私通。武加咸池动来刑克克破世者，因与私而堕其计也。应持兄动，耗损必多。又福动化财者，食乳粗，儿易养也。

## 痘疹占

以官鬼为用。鬼不上卦，与鬼化死墓绝胎空，及被刑害克破者，皆不出也。若鬼虽衰死受伤，而化出生旺，无鬼而月建临官，鬼静而日当生旺，与火鬼加蛇旺动者，皆出也。欲知出痘疹之期，以官鬼生旺之年月日断之。欲知痘疹之稀密，但鬼衰子旺，与子持身世者必稀朗。鬼旺子衰，与鬼持身世者，必稠密。父动者重，兄动者轻。福临空死墓绝胎，与受刑害克冲者，命必难保也。

## 求嗣占

问子有无，以胎爻福爻为用。有胎无福者虚孕，有福无胎者螟蛉。胎福俱无者无子，胎福俱全者有子。福德上卦者有子，伏藏衰静者迟招。出现旺动者早得，子旺则胎养之年有，子衰则兄弟临值之年有。子衰而又化空死墓绝者，虽有子而不育也。世爻空者男子精气衰弱，宜医便也。应爻空

者，妻之命不招儿，宜纳妾也。世应不空而子孙空绝者，乃命中无子，难强求也。

## 延师占

游南子曰，弟承师训，不可无资，师道尊严，所尚在学。宾主贵乎投合，训导期于尽心，而后可计其终岁之损益也。若夫舌耕有觅馆，得失难凭。手艺者投师，授受有数，亦师弟之附占也。

### 一、童蒙

以子孙为用。子孙加龙者聪俊，加雀者智慧，加勾者鲁愚，加蛇者虚浮，加虎者顽劣，加武者佻达。八纯卦逢子动者，心不专。六合卦，值子静者志必笃。游魂卦而子加马动者，必好闲游。归魂卦而子马加动者，常恋家室也。子加病符或伏鬼，化鬼者，多灾病。子入墓胎者，书懒读。子入阳宫阳爻者聪敏。入阴宫阴爻者痴蠢也。

### 二、师尊

以应爻为用。父母为文学，应爻生旺，带龙喜德贵者，名师。临死墓绝胎，受刑害克破者，庸师。应临岁月日破，与随官入墓者，非灾即讼。应持父雀生旺，不犯刑伤者，制艺精妙也。应入乾坤离三卦者，八斗之才也。又应入乾刚果严肃也。入坤含容有度也。入震好动易怒也。入坎信实有成也。入艮沉静谦卑也。入巽心毒无恒也。入离虚惊明哲也。入兑讲习和易也。应持鬼动谲诈也。父动，苛刻也。子动和易也。兄动，贪黷妄。财动，阅文不恕也。应生合子孙，师兄弟去。子孙生合应，弟出从师也。问专何经，父属金春秋。土易，木诗，水书，火礼记也。

### 三、宾主

世为己应为师。世应生合比和者，宾主相得。刑冲克害者，彼此猜嫌。世空，则主慢师应空，则师嫉主。世应俱动，两家心变。世应俱空，两情惘然。六冲者彼此无缘。六合者始终如一。合化冲者，有初鲜终。冲化合者，始离后合。游魂应动，师朝东而幕西。归魂应动，师晨定而昏省也。

### 附觅馆占

世为己，应为东主。父为书馆，子为生徒。财为东修，鬼为荐人。兄为谋夺之人。世爻应爻父爻空绝者，无馆。父值墓胎，无好馆。财空墓绝胎者，修薄。子空墓绝胎者，徒少。鬼空墓绝胎者，无荐人。兄空墓绝胎者，无谋夺人也。游魂卦，宜别图。归魂卦，宜仍旧。六冲卦无馆，六合卦有

馆。合逢冲者，被人破。合变冲者，初尤而终拒也。官加贵三合世应者，贵人荐也。兄动克世者，有人争夺。财动化兄者，荐人分脩。世动化鬼者，诌人转荐。鬼动化兄者，先索谢仪。子合逢冲者，从聚复散。子衰得助者，徒少后增也。欲知关约之来，以父母为用也。卦无父者，死值之日来。父母旺，则合日来。父母衰，则生旺日来。父母空墓，逢冲之日来。又父母生世合世之日，亦可成关得关也。

## 附投师占

儒释道之师，以父母为用。百工之师，以兄弟为用。又俱以应爻为师，世爻为己。世空破者，己意更变。用爻应爻空破者，师不传授。旺相生合世，必获其传。刑害克破世，难精其业。卦值六冲，彼此不尽其心。卦逢六合，授受相成其美也。

## 小试占

游南子曰，凡应童子试，及科举者，俱以父母为用。父母乃文章，官鬼则试官也。但父母旺相，得官鬼动来生合之，或得四值生合之，或月建合官，生身世爻，或三传值文书，加雷火杀临身世爻，决然高掇。纵财子动，亦无害。或父母空亡，得旺用动生官爻或子动化官生世父者，俱许中选。最忌父官衰空刑害克破，或身世爻临兄子财动。兄动主雷同，子动为剥官杀，财动为阻滞神，有制不妨。岁月持福德动者，决不取。身世临二耗动者，多费资财。若身世犯三刑劫杀，或刑劫动克身世者，必求荣得辱也。

又曰，占小试者，一看分官之吉凶，二推命题之难易，三观文字之优劣，四察衡文之愉愠，五定名次之高下而已。因而推之乡试，会试，殿试，武试，何独不然。

## 鬼谷分爻

考场 搜检

试官 覆试

膳录 道考

三篇 府考

二篇 县考

一篇

分官看何爻，刑害克冲身世，又看何爻，受四直动爻刑害克冲，即知此处（此处之字左足字旁

右繁体字的东)虞，不嫌意也。若分爻生扶身世，而又旺相无伤者，便是得意处也。

## 一、题目

以父母为用。父伏墓下，未尝经目之题。父伏空下向虽讲究，今已忘之。父伏兄下，枯涩题。父伏子下，小巧题。父伏父下，旺则连章，衰则巧搭照应题。父伏财下，枯窘棘手题，或不完篇。父旺相出现，冠冕大题。父合世，做过题也。

## 二、文字

以父母为用。父旺，加龙喜，佳文得旨。父衰加虎杀，文失旨。父化父，文多杂犯。父化鬼，意思未奇。父冲父，题目生疎。父克月日，主文不喜。父合月日，称主司意。父入巳文藻丽典则，衰则鄙俚无收拾。父入午文笔刚劲捷速，多用典故。衰则美中多暇，前紧后弛。父入申文快利，有气势，衰则多滞句。父入酉文笔矫劲，运局周匝，衰则浮蔓无断制。父入寅文雍和雅致，衰则葛藤。父入卯文爽恺而气雄锐，衰则散漫无纪。父入子文清真不靡，衰则泛滥不根。父入亥文圆转深沉，多颖句逸致，衰则意识词险。父入辰戌文气古朴坚劲。父入丑未文致淹雅浩落，衰则拙钝重实而已。雀加火父动化水，文防点污。父带玄咸动，受刑害冲克者，文必涂抹。月日克父，违式不录。大象父爻世爻三空，卷必遗失。父空绝者，或遽白卷。父衰而得日辰动爻变爻，带官贵来生合者，须求情而得名也。

## 三、考官

月建为督学，取四时巡环之象。日建为府县官，取朝旦临民之象。遇生合世身者，入彀。刑冲克害者，孙山。父旺官衰者，见遗。父衰官旺者，姑取。

## 四、名次高下

父官并旺，或加四直临身世者，名必高。父临月建，官值日建者，批首。世父生旺，带贵马德禄龙喜，居五爻者批首。二爻第二，六爻第三，三爻第四，四爻第五，初爻第六。（出穿壬透易）。父官两旺，生持身世，财又旺静，兄弟不动者，必补粮。若兄动财空者，只二等。父官相气无伤者，二等。父衰逢冲克，得鬼动生合，在子水爻者，三等。（子为海水三等为入海也）。月建克身，木官刑世在二爻者四等。（三爻为臀木刑为责）。世持子动，化鬼生身者，其祸减半，故为青衣。（五等）。若世父被伤，身官又化空死墓绝，月日又持财子者，六等。其他名次，以世上纳甲取之。甲己子午

九，乙庚丑未八，丙辛寅申七，丁卯壬酉六，戊癸辰戌五，巳亥常加四。世动则合变卦纳甲取之，或占时四直，有与世同干支者，亦合取之，积算至几十几名是也。此断一二四等法也。若三等旺则看世上支神。以一水二火三木四金五土断之。相则以世上纳甲之干支取之，休则取干支而倍之。如一十三，作二十六是也。囚死则取干支而进之，如一十进一百，三进三十是也。（出前知集）。又凡雀喜临门户爻动者，（三爻门四爻户），捷音即至也。

## 乡会试占

游南子曰，此亦以文书为主，官鬼为用也。文书遇贵官旺生之者，或禄马德贵临月将合官生世者，三传加官印持身世者，或官印旺动三合身世，或卦无官印，而伏出变出官印临三传者，皆中式也。如身世伤官克印，或官印衰，而被刑害克破，或卦有官无印，或财爻兄爻子爻旺动独发而无制，或三传临兄财子，与刑劫临官印动者，俱不中也。世衰伏旺鬼，中后必病。劫杀临官克世身，中后必死。父官旺相，而逢财子，白虎俱动，或带白衣杀动者，中后丁忧。官值升阴升阳之爻，衰而受克者，今科偃蹇，下科必中。官加贵马，在外卦，他宫六爻动，世上文书生旺者，冒籍外省而中。父母无气，得日辰旁爻变爻，带贵马生父合官者，请托而中也。

## 鬼谷分爻

棘闱 终场

主考 试官

房考 监察

三场 同年

二场 伴人

一场 己身

凡分官带官印贵马禄喜龙德，生合身世，而又旺相无伤者，便是吉处。若受四直动爻变爻伏爻刑害克冲，或带凶神克世身官印爻者，便是疏虞处也。

## 一、考官

以岁破爻为试官，取外省宪臣遥对天子之象。又取帘幕贵人为用，如书占得夜贵是也。甲戌庚

日见未贵，乙巳日见申贵，丙丁日见酉贵，壬癸日见卯贵，六辛日见寅贵，为帘幕贵人。凡乡会试，遇岁破爻，及帘幕贵人爻，生合身世上官印者，必高中。刑害克冲身世官印爻者，不中。身世临雀父，动克岁破爻，与帘幕官爻者，其文不当主司意。若卦内无此二用者，以分宫四五爻，及官鬼爻为用也。（出毕法赋磨镜药二书）。

## 二、名次高下

父加雀火持世旺相，又得四直生合，更贵马德合聚于初爻，无刑害克破者，中元也。又丑未二贵，同临身世者，中魁。丑中有斗，未中有鬼，合而为魁也。酉贵临身世爻者，中亚魁，以酉为从魁也。其他名次，依小试之法断之。

## 殿试占

廷试主文，以太岁为用，取天子之象。如太岁不上卦，则以五爻为用也。太岁临扶身世，更官贵禄马龙喜皇恩聚于初爻，在五位二位者状元，在三爻六爻者榜眼，在初爻四爻者探花。月建带诸吉神临扶世身上官印者二甲。月建带诸吉神临扶世上官印者三甲也。其二三甲名次，亦以小试之法推之。毕法赋注曰，德加亥临身世官贵爻者必登高甲，德者得也，亥为天门。

## 武试占

### 鬼谷分爻

终场

主考

监察

策论

步射

马射

乡场以月建为主考，日建为监察。会场以太岁为主文，岁破为监察。如卦无岁月日爻，则看分宫。又巳为弓，申为箭，午为马，巳申午爻生旺，无刑害克破者，或带贵马财禄龙喜，旺生身世者，马步两场决中。又身世带官贵禄马，加大杀月杀羊刃白虎旺动者决中。看中箭之法，世为己，应为垛。世应合生者，箭中。世克应者亦中，世合克应午者中红心。（午为红心）。世合克应爻，寅申巳

亥者中四角。世合克应爻子午卯酉者，中当中。世爻败死墓绝胎于应爻中者，脱塚也。（申爻亦然）。中数以一水二火三木四金五土，凭世上支神断之。旺相加倍，休加数，囚死减半也。三场策论，以父母为用，中式与元鬼名次，皆与文举一例推之。（参六壬磨镜药）

## 官禄占

游南子曰官禄之占，其未仕也。占其仕为何官，选在何月，领凭于何日，任所在何方也，其既仕也。占其赴任之吉凶，在任之休咎，升除于何日，替代于何时也。若乃为官之贫廉，与夫为官而失职，而补任，而丁制，而起复，亦官禄之附占也。

## 鬼谷分爻

执政

朝仕

监司

长官

曹官

吏人

但看所占是何官职，各于分爻取用，断其吉凶也。

## 一、何官

凡四直贵马聚于身世爻，更德合相扶，在官印阳爻者，必职在阿衡助和鼎味也。加刑刃大杀者，出将入相也。加太岁或五爻生合之者，必荣膺燕赐，后荫前卦也。又太岁与五爻生合世身者，朝仕也。冲克世身者，外任也。世爻官爻在内卦动者，外任也。在外卦动者，朝仕也。（五为君位四六皆近君者）。官贵持世，在阳官阳爻者，文职。阴官阴爻者，武弁也。世持岁破者朝仕，则六部通都在大也。外任则布按都司也。（太岁为天子，风岁破取重臣遥对天子之象）。世持月建者，巡方安抚行人也。（取四时巡环之象）。世持日建者，郡邑之宰也。（取朝夕蔽民之象）。世持官贵禄马，又得岁月文书来生合，威权风宪之职也。世持官印旺相，而旁爻带贵人禄马来扶者，但为正官，而不风宪也。又世持官贵禄马，不空刑克破者，其在金爻旺相，京官则司马司寇大理中丞也。衰则尚宝乡武选车驾职方武库郎也，武则五府衣使也。在外任者，旺则总制抚按，观察，总兵也，衰则恤刑司理，参游，把总也。木爻旺相京官则司空，衰则营缮，虞衡司也，在外任者，旺则关津主税，衰

亦税课茶水之职也。水爻旺相京官则家宰也。（取其铨衡如水之平）。衰则文选稽勋封验都水郎也。在外任者，旺则盐漕河道操江也。衰则水利盐运粮运之职也。火爻旺相京官则宗伯宫詹学士司成司业太常翰林之官也，衰则中书也。旺加雀，则科道。衰则鸿臚也。在午爻者，旺则司马，衰亦苑马也。在外任者，带文昌驿马加月建者，非典试之官，必督学之官也。衰则文学炉冶坑场之职也。上爻旺相，京官则司农京兆巡城仓院也，加龙德则光禄也。在外任者，旺则方伯，屯田督运督粮也。衰则郡守邑宰开矿取石垦辟之使也。世持官贵禄而无印绶者，佐贰也。世持衰官得日辰动财来生合，或伏财化财者，仓场府库驿典之官也。世持官印，而无财者，非正选而差委之官也。（筮诀曰卦若无财必非正选）。官衰印旺者，署印官也。

## 二、候选

官临身世，与财爻独发，或世官加书贵，带龙雀动，或岁月带官印生合世身者，选也。世下伏官，或伏驿马印绶者，迟选。世持官贵值升爻，而休囚受克者，下选。世加夜贵带龙雀动者，方催选陪点也。卦无官印，与官印空绝，或身世空绝，或子持世旺动，或子孙独发者，俱不得选也。鬼化鬼者，事多反覆也。鬼动而财空绝者，选司无力也。官绝逢生者，事虽有沮，终得贵人力而成也。身世随鬼入墓者选不成，成亦不如意也。若值丁未戊戌二杀墓者，虽选官到任，而旅亲回乡也。鬼带亡劫大杀克世身者，虽选官而不得赴任也。卦有官无父，或父值空死墓绝胎者，无在所也。欲知何日得官，官旺动者，远则以值年合月为期，近则以值月合日为期也。官旺静者，以冲动之年月日为期也。官伏藏者，以临值之年月日为期也。官临火动，选速，水动选迟也。又看卦宫，宫居艮，立春后选。宫居震，春分后选。宫居巽，立夏后选。宫居离，夏至后选。宫居坤，立秋后选。宫居兑，秋分后选。宫居乾，立冬后选。宫居坎，冬至后选也。

## 三、领凭

以文书为用。旺则墓日可领，衰则生旺日可领，伏藏则临值之日领也。卦无父，与父临空死墓绝胎者，候久而不得也。又父化父者，文凭不实也。

## 四、任所

一二世者近，三四世者远，五六世者愈远也。六合近，而六冲远也。世属子，则坎宫女虚危三宿之分野。今山东济南、东昌、青州、登州、莱州五府之地也。世属丑，则艮宫牛斗二宿之分野，今南京应天扬州、徽州、宁国池州、太平、安庆、苏州、松江、常州、镇江等府，与浙江杭州、嘉

兴、湖州、宁波、绍兴、台州、金华、卫州、严州、温州、处州等府，与江西南昌、瑞州、饶州、抚州、建昌、吉安、南安、临江、赣州、南康、九江、广信等府，与福建福州、泉州、兴化、福宁州、邵武、延平、建宁、汀州、漳州等府，及广东广州、南雄、惠州、潮州、肇庆、高州、琼州之地也。世属寅，则艮宫尾箕二宿分野，今北京顺天、昌平、永平、保定、河间等府，与辽东、沈阳等处地也。世属卯，则震宫氏房心三宿之分野，今南京徐州、淮安之地也。世属辰，则巽宫角亢二宿之分野，今山东兖州府之地也。世属巳，则巽宫翼轸二宿之分野，今湖广荆州、岳州、长沙、宝庆、辰州、常德衡州、永州、武昌、黄州、承天等府，与四川夔州府、贵州、铜仁、黎平府、广东廉州府、广西桂林、梧州、浔州、南宁太平、思明、柳州、庆远、思恩、镇安等府之地也。世属午，则离宫柳星张三宿之分野，今河南河南府、南阳府、湖广郢阳、襄阳、德安三府之地也。世属未，则坤宫井鬼二宿之分野，今陕西西安、汉中、凤翔、平凉、临洮、巩昌、庆阳、延安等府，甘州、潼关、榆林、宁夏、甘肃等处，与四川成都、龙安、顺庆、保宁、重庆、叙州、马湖等府，卢州、嘉定州、卯州、眉州、雅州等处，与云南云南府、临安、广西、楚雄、姚安、武定、景东、顺宁、大理、蒙化、永宁、永昌等府，北胜州、云州、丽江府、鹤庆府与贵州、贵阳、都匀思州、石阡铜仁等府之地也。世属申，则坤宫毕觜参三宿之分野，今山西太原、平阳、潞安府、沁州、泽州、汾州、渣州之地也。世属酉，则兑宫，胃昂二宿之分野，今北直真定、顺德二府，山西大同府之地也。世属戌，则乾宫奎娄二宿之分野，今南京凤阳、卢州二府，徐州之地也。世属亥，则乾宫室壁二宿之分野，今河南开封、彰德、卫辉、怀庆、汝宁等府与北直大名府之地也。

## 五、赴任

### 鬼谷分爻

任所

道路 宾师

车马

家眷

伴侣

行李

分爻值旺相而逢生合者吉，遇鬼值空，而被刑害克破者，必有灾难也。又世为官，应为任所。世克应，道途无阻。应克世，到任不利。世生应，因官耗损。应生世，因官进益也。世空必有灾难。陆行忧跌扑，舟行忧风浪。若旺空，惟病而已，或得日辰动爻来冲克，庶几免咎也。

## 六、在任

官加贵禄临扶身世者，到任操权也。父加贵马临扶身世者，临庭掌印也。官加龙贵，在阳宫阳爻旺相者，政声籍甚也。父受伤而财空绝者，地瘠民贫也。父身动而兄世动者，政繁赋缺也。日并兄动伤世者，吏多舞文也。兄化子孙克世者，民多梗化也。道路爻空，巡方之使多惊。子孙旺动，剿捕之官奏凯。太岁伤官，朝仕必黜。月日生世，外任可升。官化财，非奖，则荐也。官贵旺动生合世者，目下蒙荐也。岁月带父旺动者，朝有宣勅也。太岁与五爻动来生合世者，徵召入朝也。官爻世爻临五爻或临太岁，得父动来生合者，名书御榻也。三传加财动生合世者，受赐赍也。太岁与五爻生合父母，椿萱受赠。生合妻财，室人受诰。生合子孙，儿孙得荫。生合官鬼，祖妣恩荣也。财化福者，加俸秩。财化兄者，罚俸粮也。月日刑害克破官爻世爻，或贵官动伤身世者，被人弹劾也。官父逢空死墓绝胎，与被刑害克破，或官父动化福，化空死墓绝胎，或化刑害克破者，俱降职也。世官空动者，将失职也。官化退神。（丁丑丁未壬辰壬戌）。游魂化归魂者，宜致仕也。世空杀动者，宜避罪也。世持官，加大杀动，或鬼带亡劫动伤衰世，或世爻身爻命爻俱空死墓绝者，皆死于任所也。

## 七、升迁

世为臣，应为君。世应生合比和者，升。世生应我求进，应生世人荐举。应冲克世外除，应生合世内除也。世官旺动者升，财子同动者升，财爻独发者升，岁月生扶身世者升，官临唐符国印动者升，鬼加雀带雷火杀动者升，官化财者平升，鬼化鬼逢进神（甲子甲午己卯己酉）则超迁。逢退神则调简。归魂卦，官爻旺静者必复任。游魂卦，官爻旺动者，必远升。游魂化游魂，升后再升，远处也。卦有两父两官旺动者，鸳鸯求仕也。内旺外衰，宜守旧。内衰外旺，宜图新。内外俱旺，彼此如意也。雀临门户爻动者，吉报至也。若世空官空或官爻安静伏藏，与身动刑岁月者，皆不升也。

## 八、替代

官旺者，官逢死墓绝日代也。子旺动者，即时可代。卦无官者，绝日可代。外卦阳者代速，阴者替迟也。占代官来者，以应爻生旺世爻墓绝之日为期，或官爻生旺月日为期也。

## 九、贪廉

官印皆旺，财爻不见者廉。世持兄旺动者，贪也。世下伏兄化兄者，贪也。世持虎鬼，加刑刃

劫杀动者，酷也。世持鬼，加玄武咸池荒芜四废杀动者，罢软也。世持虎鬼，加雷火卒暴杀动者，浮躁也。世加天解天赦喝散动者，昭雪滞狱也。财空鬼旺者，廉名振而囊橐空也。父空官旺者，爵位高而琴鹤随也。（父母为行李）。又初爻为吏民，初爻克官克世者，主贤明，吏民亲迓也。世爻官爻克初者，主苛刻，吏民畏避。生初爻者，主慈爱吏民也。

## 十、官职退复

子旺动，父休空，官墓绝者，必退職也。欲知退職岁时，但以卦身为主。如丑月来卜，得噬嗑卦，身在戌也，则戌亥子，退度三位，乃失职三月也。又如午月来卜，得艮卦，身在巳也。退度一位，乃失职一月也。又如辰月来卜，得蛊卦，身在寅也，退度二位，乃失职二月也。（余仿此）。又官遇三传生扶者，必起复也。世下伏官，与伏印马者，必官印临值之年月日起官也。官父持身世旺静者，必冲动官印之年月日起官也。旁爻带贵马旺动来生身世上官印者，必得贵人提拔。以相生之年月日起官也。若旁爻兄弟旺动，带亡劫隔神来刑冲克害身世上官印者，必有匪人相隔坏事也。

## 十一、丁忧起复

凡财爻带白衣杀，或财加虎杀，会月建动来刑克父母爻者，阳丁父艰，阴丁母艰也。又二爻五爻（二为母五为父）带白衣杀旺动伤世克官者，二爻则母忧，五爻则父忧也。后遇生合官印之年月必起复，或官印生旺之年月起官也。

## 附断例

己丑年壬申月甲子旬乙丑日，占求官，得震之豫。此卦己事不成，代占则成也。但费心力多用财耳，盖子水动化未土，文书受伤，又应财亦克文书，所云克我者，他来就我易，我克者，我去就他难也。所喜日辰丑土，冲未合子，子水又长生于月建申中，故只损心神，行财贿，终必成也。若夫世爻旬空，丑日又刑之，己事必不可成也。

己丑年癸酉月甲子旬丁酉日，婿占岳翁，在京选官否，得晋之噬嗑。此卦父临岁破，巳官旬空，又初爻动化福来伤官，木官午官伏酉兄之下，火死于酉，且月日冲动卯财，克伏下辰土父母，戌土父母，虽伏巳官下受生，奈巳火空亡，土又败于酉也，毫无生气，故今岁恐选不成，待次年庚寅，火官长生，正月可选，五月可到任也。

己丑年丙子月甲子旬丁卯日，占求官，得睽之归妹。本官寅官，动合世下戌兄，所托贵人得力，父母属火，文书难立时空，得日辰生扶，必可成也，但本官午火自刑，求仕文书，字眼必有踈驳处。

得旁爻卯官相生，又得官府主张成就，本宫寅官，又伏傍爻巳火文书下，必另有贵人保举，或别经勘验，方得完备，乃经两三衙门之事也。毕竟火空无气，须待立春后官现，方准。立夏后文书旺，方完备。官动六爻，地方远，外离化震，必选东方也。

庚寅年庚辰月甲戌旬戊寅日，占为官安否，得剥之观。本宫午官，伏墓戌土下，午为自刑，傍爻子动冲官伤官，必曾冒犯官长，官不蒞事。本宫父母，又值旬空季空，此因文书不明，而忤上台也，问之果然。

庚寅年辛巳月甲申旬壬辰日，占求官，得需卦安静。本宫巳火文书，临月建，伏在官鬼之下，又巳火生世丁丑土，求官必得。所嫌旁爻申金持世，与月建六合来克官，日辰又生之，主暂时阻节，终是夏金逢时空，不能为祸。本宫卯木官，伏辰土兄弟下，日辰又是兄弟，为劫财之神，无旁爻寅鬼与本宫巳父相刑，乃所掌官吏，有求索之意，若与之贿，事必谐矣。

庚寅年辛巳月甲子旬丁酉日，占求官，得乾之离。二五爻辞，俱有利见大人本吉，但六冲化六冲，又寅财动克文书中，兄动多阻隔，目下不成。直待辰戌印绶年可求，午火官鬼年，可得官也。

庚寅年壬午月甲戌日，占在任安否，得归妹之泰。午得化入戌墓，丑印化入辰墓，主灾死，惟致仕可免也。

是月是日有占起官者，得剥之晋。世临子水，伏申金，金生水为印绶。又寅年午月戌日，马聚于申，世下伏印马，后必起官。但嫌本宫午官伏戌墓下，须待壬辰年冲开戌墓，透出午官，又辰年与世爻飞伏申子三合，故其年上寅月，可用财求谋，官生在寅也。丙午月得官，官旺于午也。近则未月到任，远则戌月到任也。土为印绶，未与午官六合，戌与午官三合也。

## 文书占

游南子曰，文书之占，有公私之辨焉。虽俱以父母为用，然公占则以官旺为助，私占则以子旺为助也。三传刑害克破父母者，不成。卦无官父或官父临空绝，与化空绝者，非不发，则遗失。父值墓胎，与化墓胎，或加勾土旺动者，必阻滞耽隔逗留月日也。若乃在官而占，文凭诰勅，与夫公文差劄者，但身世坐禄马贵官印绶，或三传值官印动来生合身世者，必可得也。为商而占盐引钞文，与私居而占契券田贴者，但父母旺动生合世身，而财子旺静者，有也。应爻空绝墓胎，与世持财加武动者，无也。（财克文书，武克朱雀）。至问文书何时可得者，旺则待入墓之月日，衰则候生旺之月日，旺动则逢合之月日，旺静则冲动之月日也。若文书伏藏者，待文书临值之月日得也。

## 附断例

庚寅年戊寅月乙卯日，代占求文书，得剥之观。傍爻巳官临应，受岁月日生，人多云吉，终是被岁月刑巳，又世上旁爻子动伤官，本官辰戌文书，皆值时空，三传克之，且世应相克，人事不和，决主徒劳无成也。

庚寅年庚辰月己巳日，占托人求文书，得丰之复。主文书却在，其人必死也。缘申金文书，与月辰巳火六合，而动爻亥水兄弟，化入辰墓，又犯月破，况病于岁建寅，申墓于月建辰，申绝于日建巳中，故知其必死也。

庚寅年甲申月庚辰日，求占文书，得升之小过。二爻亥水文书，动化午火子孙，水胎于午，是为文收化入胎爻，乃小墓也，主事难成。却喜申月旺生，文书化胎不能为害，后于子日成就，盖文书旺于子，且冲破午胎也。

寅年丁亥月丁酉日，日占托人求文书，得大壮安静。主本月可成，出月则不成也。盖世持午火文书，生本宫世下丑土，应上飞神，子与世下丑合，应下伏神未，与世上午合，故可成也。若出月，则十一月建子，并动应爻，冲脱文书，所以不成也。

## 谒贵占

游南子曰，人之谒贵，必有所求，必有所托也，故始焉恐其不得见也。见矣，恐其不如所请也，是不可以无占也。

## 鬼谷分爻

大贵

中贵

朝贵

州郡省贵

县贵

乡贵

占者，但看所谒之贵，是何分爻出现，旺动生合身世者，往必得见，见必如吾所请也。如逢伏藏空死墓绝胎，而刑害克冲世身者，往必不见，见必不遂吾求也。

## 一、见否

外卦与应爻官爻属阴者，在家也。属阳者，出外也。阳变阴者，外方回也。阴变阳者，方出外

也。应爻官爻出现者，在家也。伏藏者不在也。动者难见，空者不见。空而旺者，过旬乃见。出现旺动而不带土者，不见也。阴爻化阳者，而见而遇。阳爻化阴者，再见而拒也。占六合者见，六冲者不见也。卦无身，或无鬼，或世应俱空，世应俱鬼者，不必往见也。凡世应内外官鬼，生合比和者，待应爻官爻生世合世之日可见，或应爻官爻生旺之日相见也。

## 二、相见喜怒

外卦与应爻官爻，生合世身内卦者，见而悦也。刑害克冲世身内卦者，见而嗔也。应爻官爻虽生合身世，而变爻刑害克冲者，先悦后嗔也。先刑害克冲身世，而变来生合者，先怒后善也。应爻官爻受日辰动爻刑害克破，或化死墓绝胎者，彼有灾病祸事也。加龙动者，和蔼多情。加雀动者，多言易怒。加勾动者，率直无文。加蛇动者，多疑寡信。加虎动者，狠毒无恩。加武动者，狡诈多端也。凡寅援与兴讼，及上书献策而谒贵者，以官鬼为用也。鬼爻旺动生合世身者，吉也。鬼逢空死墓绝胎者，无力也。鬼动来刑害克冲身世者，不允也。加虎杀来伤者，非惟不允，反遭罪谪也。为息讼释罪，而谒贵者，子孙为用也。应爻持子旺动，带喝散解神生合世者，或世持子孙，或月日是子孙来生合世者，吉也。应爻子孙逢空死墓绝胎，或被刑害克冲者，无力也。为求书恳荐，而谒贵者，以父母为用也。鬼旺动生合父，与父旺动生合身世者，有也。父逢空死墓绝胎者，无也。父被刑害克破者，有而若无也。财持世旺动，与财爻独发者，求必不得，得亦无力也。有馈送而谒贵者，以应爻为用也。应逢空死墓绝胎者，人不遇遇亦不投也。财带退神动，（丁丑丁未壬辰壬戌），与财动化退神者，物不纳也。应财旺动生合世者，馈薄而答厚也。应动刑害克冲世，而间爻又动者，被间而情疎也。

## 行人占

游南子曰，行人之占，占其来情，占其安危，占其囊橐，占其所在，占其归期而已。亦有羁旅他乡，而鱼雁杳绝者，又将占其音信之有无也。

## 鬼谷分爻

地头

路车

门马

同伴

## 身 足

初爻二爻动者，行人起身在途。用爻应爻墓日归也，动持兄鬼者，行人有不吉之事。身足羁绊，未即到也。初临鬼，足有疾。二临鬼，身有疾。三临鬼，同伴灾。四临鬼，马病劣。五临鬼，车损伤也。用爻应爻，带财福驿马，临门户爻动者，即至也。临道路爻动者，在途也。动逢空，与动带退神，或动化退神者，（丁丑丁未壬辰壬戌为退神），登程复返也。看在何位动，即知何地转去也。要知行几里转去，以动爻支神，用一水二火三木四金五土之数推之，旺相加倍，休如数，囚死减半也。用爻（此处空一字）爻居六爻，加财福驿马动者，起身也。静则尚未动身，带（此处空一字）动者，失意而回。带鬼静者，病于彼地也。

## 一、来情

用爻应爻，生世合世克世者，欲归也。刑冲害世者，不欲归也。静而生克世者，心怀归也。待逢冲动日月起身，生旺月日到家也。逢冲暗动者，心方怀归，而身未动也。用爻应爻带马动生世者，即回也。带马在外卦动，来刑冲世者，远去也。游魂六冲卦，应动用动者，远去也。归魂，六合卦，应动用动者，即归也。用爻应爻休囚，或遇退神动，或带马空动者，久年不返也。带玄武咸池，遇日辰合住者，行人恋私交也。

## 二、安危

用爻应爻，逢空死墓绝胎，或化空死墓绝胎者，重则死，轻则病也。被刑害克破，或动化刑害克破者，非受侮，必生灾也。加龙动者，必得意。加雀动者，先附信。加蛇动者，有惊恐。加虎动者，防掠夺。加武动者，遇小人。加勾动者，主淹留。勾土旺动，克应克用者，卒急难来也。用伏父下，文书阻滞也。用伏财下，买卖牵连也。用伏子下，僧道羁留也。用伏兄下，同伴耽隔也。用伏官下，阳为讼，阴有灾也。鬼加龙，喜处招殃。鬼加雀，怒言致祸。鬼加勾，争斗生灾。鬼加蛇，惊惶患病。鬼加虎，丧家惹祸。鬼加武，酒色启衅也。用伏应爻财下者，身赘他乡也。用入应爻财库者，踪羁富室也。用应衰空，受四直动克者，丧身异域也。应马内卦空动，与应马外动墓于内卦者，到家损命也。用应加折伤杀动者，在外跌伤也。虎鬼加大杀动克应用者，有病难也。

## 三、囊橐

应爻用爻临青龙财福动者，获利而归也。旺多衰少，财受生者倍得，财受克者，减半也。要知是何财物，以五行定之。财加武动，与财化兄鬼者，中途被骗也。财化财者，谓之化去，若加武，克应克用者，防剪绺贼也。三爻鬼临龙贵动者，谓之宅神有气，必满载而归也。应临兄旺动者，必伴侣众，多费盘缠也。

## 四、所在

行人何方居止，随用爻应爻之支神断之。子北方，丑寅东北，卯东方，辰巳东南，午南方，未申西南，酉西方，戌亥西北也。行人何家居止，以卦身所生之爻断之。爻属父，父母尊长家。爻属兄，兄弟朋友家。爻属财妻妾，妇人富翁家。爻属子，僧道医人捕役家。爻属鬼，官吏军卒牙人家也。行人久出，不知其程，则视用爻应爻，干支之神，以甲己子午九，乙庚丑未八，丙辛寅申七，丁壬卯酉六，戊癸辰戌五，巳亥常加四，之数推之。如用值丁卯，丁六数，卯六数，共十二，近则十二里，远则一百二十里，再远，则一千二百里，旺相加倍，休如数，囚死减半也。

## 五、归期

凡用爻应爻动者，三合日到，或六合日到也。静取冲动月日起程，旺生月日到也。衰取旺日到，旺取墓日到也。用爻伏藏者，取用爻临值之年月与六合之月日到也。世动克应克用者，身世两空者，日辰刑克应用者，日辰并动忌神者，财动化空墓绝胎者，皆不至也。（耶律氏以财为行李）。管公口诀曰，世应俱空也，行人归等间，（试之少验）。世应俱动与身世持水火动，或身临用爻动，或身爻应爻临财旺动，或世空，财旺动，或日辰生用生应，或父雀动克世，或用加龙动，或用带天耳天目动，或卦乱动者，皆到也。世动克雀父者，来迟也。应爻用爻，动逢合，住者，待冲开合日方归也。动带水爻者，雨中归也。动世克动应者，行人往他乡也。用绝逢生者，遇故人带回也。应墓逢冲者，有人催逼起身也。世爻冲合用爻应爻者，须遣人寻觅也。外卦应爻用爻持阴鬼加蛇动者，行人梦回家。在内卦世爻动者，家人梦彼回家也。阳在已往，阴则未来，其梦在鬼爻生旺之日得也。又耶律先生以八卦定归否，如行人本在北方，而应爻用爻入离宫动者，必回南也。入坎宫动者，方动身也。在坎宫静者，无归心也，余仿此。

## 六、音信

以应爻父母为用也。应爻与父母动来生合克世者，但逢父母生旺临值之日有信也。外动内静应动世静者，有也。外静内动应静世动者，无也，或本家付信去也。世应俱空者，家信不去，彼信不

来也。应爻父爻，临空墓绝胎，无信也。父化空者遗失。化胎墓者，沉匿。化冲逢冲者，偷拆也。父动逢合者，被人留住。父加勾动者，途中耽搁。父加雀空动者，人匿书也。世持财动，与世武克应雀者，或财爻独发者，俱无信也。父带雀动者，有书。父空雀动者，有口信。龙父动者，喜信。虎化动者，凶信。父动化福化喜者，吉信。化鬼化刑害克者，凶信。父化父者，书不一也。

## 七、在外占家人来否

以用爻应爻为主。用爻应爻与身爻动者，已扬鞭也。逢空墓绝胎者，尚留家也。受刑害克冲者，为事阻也。以六亲定其何人所留，以六神定其何事所阻也。归魂卦应爻用爻静者，不出户也。游魂卦应爻用爻动者，已登程也。六冲六静卦，不至。六合乱动卦，至也。

## 附断例

庚寅年辛巳月乙未日，妻卜夫远行。年内何月到，得小畜安静。六爻无官，喜本宫酉官，伏辰土之下，官赖财生，年内必到。但嫌用爻不现，直待酉月丙辰日，官临月建，又待日辰天地合德，其夫果到也。此月此日又有妻因夫出外多年，亦得小畜，当在丁酉年，甲辰月回家也。

庚寅年己卯月癸卯日，父卜子回，得艮之蛊。二爻午父独发，得三传生之，申金子孙，又绝于岁建，胎于月日建，不能当此旺父，子果本年壬午月甲戌日，客死他乡。以寅年午月戌日，会成火局，克申金子孙也。

庚寅年癸未月乙巳日，父占子被盗捉去，何日归，得乾之鼎。初爻子孙带龙动，理宜即归，奈月建害之，又绝子巳日，喜五爻申金旺动，生合子孙，所云绝处逢生也，又嫌子化丑土合住用爻，待丁未日冲破丑合，果回家也。

庚寅年丁亥月甲辰日，妻占夫回，得家人之益。此卦忌神不动，仇神又空，元神正临身世，独嫌酉宫伏亥水下，名为泄气，故日下未来，直待用爻直日，方到。果于己酉日回也。

## 出行占

游南子曰，占出行者，先问方向之吉凶，次察启行之果否，后推道途之通塞，与夫所图之遂意否也。

## 鬼谷分爻

地头

旅店  
门户  
伴侣  
己身  
足

初爻值鬼，足伤，空则无脚子也。二爻值鬼身灾，空则身有阻也。三爻值鬼，伴灾，空则无伴侣也。四爻值鬼，去后家有讼事，空则难出门也。五爻值鬼，道路阻，空则旅店凄凉也。五爻空，行李失。鬼空，遇拐子。福空，遇恶伴。兄空，同伴灾。财空，货物失也，或陆行有扑跌，舟行遇风浪也。六爻值鬼，到彼不如意，空则地头萧索也。

## 一、方向

世爻为用。世居乾兑，化离受克，则不宜南行。化艮为墓绝，不宜东北。化子为死地，不宜北行。化震为财方，化巽为生方，化坤为冠带临官之方。乾为兑，为旺方，皆利有修往也。兑化乾，为衰病之方，亦不宜往也。（余卦仿此）。又金世不利南行，木世不利西行，火世不利北行，土世不利东行，水世不利乾坤艮巽方行也。又世爻死墓绝胎之方，不可往也。官临马动者，不可往也。卦得归魂，八纯明夷节坎艮，与六爻乱动者，俱不宜行也。

## 二、行否

身世动者，即行，静则行期未定也。静逢冲者，同伴催行。动遇合者，因人留住。身世逢月破者，无的期。勾土动克身世者，因事羁绊。世临土鬼，未得起身。带大杀动者，有祸。世鬼加鬼，贵人留滞。加官符朱雀，讼事牵连。加丧门吊客病符死符者，为死丧疾病之事留也。父母克身者，父母留。兄弟妻子克身者，兄弟妻子留也。身世逢空死墓绝胎者，去不成也，去亦失意而返。世身空动者，半途而返也。

## 三、通塞

内克外，世克应者，出行得意也。外克内，应克世者，出行有祸也。内生外，世生应者，有破耗也。外生内，应生世者，有外财也。内外应世比和者，所行快利也。身世同爻者，出行有阻也。卦身值鬼者，出仕则吉，否则生灾也。龙福生持身世者，好去好回也。间爻两动者，中途有梗也。

间爻两空者，中道多虞也。鬼动克世，途遇凶人。虎动克身，与人争斗。虎加大杀，必有病厄。雀动克身，与人争讼。蛇动克身，路上忧惊。勾动克身，途中阻滞。勾加水动，遇雨而阻。武动克世，须防盗贼。午官动克世，堕马而伤。木官动克世，舟车所伤。折伤杀临世动，须防扑跌。往亡杀临世动，必有险厄。华盖鬼克身，祸起僧道。财动刑克世，贪财受累。阴财动合世，而化鬼化父者，因奸致讼。子孙刑害克冲旺世者，因酒色致病。世衰者，因酒色亡身。（加龙为酒，加武为色）。子动化鬼克世，更与文书同发者，必因酒色致讼也。父兄加劫杀动克身世者，防失脱。又父动克者，遇雨。兄动克者，遭风也。艮宫寅鬼动者，出行避虎豹也。震宫蛇鬼动者，途中防光棍也。坎宫木鬼加虎动者，防舟倾也。坤宫马居龙福动者，道路安也。又父母为行李，旺多，衰少。父化财，化空，化刑害克破者，行李失也。父化兄，与人合铺盖。兄化财，与人合借资本也。

## 四、图谋

世身旺相，临龙喜财福者，满载而归。临官贵禄马者，簪组荣归。财福旺动，生身合世者，得意而归。卦无鬼，与鬼空墓绝胎者，到彼谋干不成。身世随鬼入墓者，旺则灾祸稽迟，衰则命倾他境也。

## 舟行占

游南子曰，凡舟行者，先问起行之果否，次观舟具之完亏，再详舟子之贤奸，更考风色之顺逆，后察舟居之安否，与夫财利之旺衰，此其大凡也。

## 鬼谷分爻

梢棚

夹节

火仓

中仓

头仓

船头

## 一、行否

自占看世，代占看用。世爻，用爻，持鬼，伏鬼，化鬼空墓绝胎，或卦无财，或无卦身，或得

归魂卦世逢静者，俱去不成也。又本宫内卦五属克世，家人留也。本宫外卦五属克世，外亲留也。（详见身命六亲中）。他宫内卦五属克世，邻里留。他宫外卦五属克世，远方人留。带贵人禄马，仕宦留。带青龙德喜，庆贺事留。带白虎，丧吊，凶丧事留。带朱雀，官符，讼事留。带勾陈，病符，因疾病留。世身加马动者，即行。动逢合者，冲日方行。父母为舟，父母动，船即行。卦无父母，必无船也。

## 二、舟具

六亲以父为船蓬，又为簑笠，子为水底，鬼为橈舵，兄为篙子，财为装载。六神以龙为船舵，为左。虎为橈帆鉋链，为右。勾为平基跳板，为中仓。螣蛇为索缆，朱雀为烟灶，为船头。玄武为橈头挡浪，为后梢。已上旺新衰旧，冲则破，空则无。如被刑害克，及持鬼伏鬼化鬼者，此物必损，此处必漏也。水鬼动者漏，火鬼动者燥裂，金鬼动者钉眼漏，土鬼动者灰缝损，木鬼动者有缝。木父空无舟，木父受冲舟漏，木父受克，舟难行，木父旺动，舟行顺利。卦无水者，舟湊浅。卦无火者，舟不粉饰。蛇鬼加木暗动，舟有魘魅。惟六爻皆吉，不伤身世者，为安利也。

## 三、舟子

世为船主，应为船梢，俱忌空破死墓绝胎。应生合世，舟人善周旋。应冲克刑害世，舟人多忤逆侵侮。应旺相，有力多能。应休空克破，无才懦弱，或非惯熟，或有不测灾来。加雀鬼，口多詈骂。加虎鬼，恃才多争。加勾鬼，愚痴无礼。加蛇鬼兄，狡猾诬诈。加武鬼，明偷暗窃。应属阴财，加咸池合世者，梢妇私通也。

## 四、风色

以兄弟日辰为用。如兄并日动生合世者，必顺风相送。兄并日动刑冲克害世者，必狂飈骤发。更加木动，舟必覆也。如兄生合世，而日来冲伤世者，乃横顺之风，犹可行也。兄冲伤世，而日来生合世者，乃横逆之风，不可行也。兄弟空破墓胎死绝，与水木二爻俱静，或鬼休囚，而无白浪、风波、浴盆、浮沉煞动者，俱风息浪平也。

## 五、舟居安否

父母为舟，世为船主。父旺，而逢日辰动变来生合者，安也。父逢空墓绝胎，又被刑害克破者，不惟险阻，反有灾祸也。世临贵马龙德喜合财福者，安也。四墓带虎鬼大杀持世伤世者，病也。若

临应上动来克世，或世动去生合应爻凶杀者，必舟中传染之病。兄弟动克，同伴相欺。福德动合，酒食丰美。官鬼动，舟人咕咕。水官克世，防风浪。火官克世，防火灾。土官克世，防湊浅。金官克世，防石撞。逢木世官，防舟撞。坎宫木虎动，与巽宫木兄动，防舟覆。卦阳包阴者安，阴包阳者危。艮内外卦克者危。白浪煞动者虚惊。风波煞动者风浪。覆舟煞动者覆船。浴盆浮沉杀动者失水。折伤煞动者跌扑也。

## 六、财利

子孙乃生财之神，若持世生合世者，得利。旺财持世，主合世者，利多财旺，动装载多。财临空死墓绝，或化空死墓绝，或被刑害克破，俱主失财。财伏兄鬼下，或化兄鬼，俱主损失。财化水兄水鬼，在乾宫，防上湿。在坤宫，防下漏。（财临水动亦然）。财空，资本失。父空，行李失。福空，小厮失。兄空，同伴失。鬼空动，遇拐子。若武加劫刃天贼天盗动，来刑害克破世身者，舟行防盗贼。得子孙旺动，则有人解救也。如外卦他宫财动生合世身，或动爻化财生合世身者，俱主得意外之物。旺相多，囚死少。以五行定其何物，以八卦定其何方，以六亲定其何人也。若财爻动克世身，或财化鬼，鬼化财，来刑伤身世，俱主以贪财受祸也。

## 谋望占

游南子曰，凡人欲为而不敢遽为，则有谋。欲得而不可必得，则有望。故始焉占其可否，既可矣。占其成败，既成矣。占其迟速，此大都也。

## 鬼谷分爻

国事  
官事  
人事  
家事  
身事  
心事

## 一、可否成败

以世应为主。内卦为谋事之人。内克外，世克应，外应生内世者，内外世应俱旺相比和者，事

可图，图亦易就。月日合世应，心虽不欲，亦得允成。间动鬼动生合世应，得人劝成。谋官逢官旺生合世身，而子衰静者成。谋财逢财旺生合世身，而兄衰静者成。谋文书，逢父旺生合世身，而财衰静者成。凡事皆嫌兄动，若并贵禄生世，又为吹嘘之人。凡事皆喜福动，求名则忌之，此可谋而成之占也。若内外世应身爻，逢空死墓绝胎，被刑害克破者，或卦六冲者，或世应俱动者，或外克内，应克世者，或鬼兄临间爻带隔神退神退悔杀动者，俱不可谋，谋亦不成。又合中犯刑害克破者，事多恩中变怨，成而后毁，虽是已事，亦被旁人阻隔。又用神不上卦者，如求官无官爻，或官爻空绝。求财，求文书，无财印爻，或财印爻空绝，俱谋不成也。又凡卦中无官，与官逢空绝者，诸事不成。故经曰，卦中无鬼伏谋事，父动终当费力成也。此不可谋而难成之占也。然有宜公而不宜私者，内外纯阳，用爻旺相出现也。有宜私而不宜公者，内外纯阴，用爻休囚伏藏也。内生外，世生应，我去求人也。外生内，应生世，人来就我也。主卦冲而变卦合，动克世而变生世，先难后易也。主卦合而变卦冲，动合世而变刑世，先易后难也。欲知事成败于何人，则以六亲定之。本宫内卦，至亲也。本宫外卦，远亲也。他宫内卦，邻里也。他宫外卦，远方人也。鬼加贵，缙绅也，否则牙人保人媒人也。欲知何方人，以八卦定之。又有托人图事者，外人看应，家亲看用爻。凡应爻用爻犯日破月破旬空者，皆主无能赞勸，空死墓绝胎亦然。若生旺化空死墓绝胎，必有始无终。冲克刑害世者，必怀欺难托。六冲之卦，终成反目。虎动者损害，蛇动者心变，勾动者愚钝，武动者，诈欺，雀旺空动者，多诳语。惟旺相带龙喜成神，动来生合世身者，则赖其扶持以成事也。又有托贵人图事者，但官贵受刑害克破，不可告贵人事，缘贵人自受克制，不能成就我也。如官贵刑冲克害身世爻者，求情难蒙许诺，后被别人搀越，有始无终，反有所费也。毕法赋曰，凡书占得夜贵，日脱气，凡事被贵人掇赚也，此谋望可否成败之附占也。

## 二、迟速

以用爻为主。动速静迟，旺相出现速，囚死伏藏迟。阳变阴速，阴变阳迟。动临震巽速，动临坎艮迟。用临卯酉速。（卯酉为日月之门户），用临辰戌迟。（辰戌为天罗地网，为天涯海角）。初二爻动速，三四爻动，犹豫迟疑。五动迟，六动更迟。用临太岁，不出一年。用临月将，不出一月。用临日辰，则本日。临日建，则本时也。尹逢头断法曰，用旺还须墓日定，用休生旺日当成，用伏但看用值日，动逢合住待冲辰。

## 求财占

游南子曰，占求财者，求其求之有无，占其得之难易，占其数之多寡，与夫得于何人，得为何

财，得于何日而已。若乃吹嘘成就，全藉乎人，亦不可以不占也。

## 鬼谷分爻

店舍

道路

车马

行李

伴侣

己身

## 一、有无

得六合者有，六冲者无。外生内，应生世者有。内克外，世克应者无。内外世应比和旺相不空破者有，卦本无财，而月日是财，来生合世，或世不伏财，得日辰并起，或应动化财生合世，或子孙旺相，兄动生之者，或日辰世应三合财局者，或应财衰而临日建长生者，皆有财也。应爻与财爻值空破，或财动化鬼，化空破绝，或财动去合应爻兄爻旁爻，或身克动财者，皆无财也。财旺子空绝者，一得难再也。

## 二、难易

财旺临身世，财旺动生合克身世，与子化财生合身世者，易也。鬼化财生合世，从空而得也。鬼化子生合身，儿送财来也。父化财生合世，先难后获也。父旺财衰者，力多财少也。父衰财旺者，力少财多也。兄化财生合身，费口舌而得也。子化子生合身，两处得财也。财动复化财，则化去而难得也。财动生合世，复化兄弟者，非得而复失，则与人分析也。财合逢冲者，成而后变也。财旺动生合世，或被月日动爻变爻冲刑克害者，求难而得薄也。财逢冲破而世遇生扶者，身安财散也。世逢虎鬼大杀，又或持墓化墓，而财爻生旺，得月日动爻合住者，财存人亡也。世遇虎鬼刃劫动来克伤，而财又空绝破者，人财两失也。

## 三、多少

意其多者，取财爻之纳甲，以甲己子午九，乙庚丑未八，丙辛寅申七，丁壬卯酉六，戊癸辰戌五，巳亥常加四之数，加減之。如卦有二财，世下伏财，变爻是财，四直又是财，卦宫又是财者，

并取纳甲积算，旺相加倍，休如数，囚死减半，以定其数。意其少者，取财爻之支神，以一水二火三木四金五土之数，随旺衰增损之是也。

#### 四、得于何人

内卦本宫六亲，化财生合世者，阳官，祖也。阴官，祖妣也。阳父，父也。阴父，母也。阳兄，伯叔与兄弟也。阴兄，姆婢与姐妹也。（黄金策降伯叔与兄弟同位）。阳子男，阴子女。阳财妻，阴财妾也。外卦本宫六亲，化财生合身者。阳官，外祖也。阴官，外祖母也。阳父，岳父。阴母，岳母也。阳兄，母舅表伯叔表兄弟也。阴兄，舅母母姨表姐妹也。阳子，女婿表侄外甥。阴子，表侄女甥女也。阳财，表嫂。阴财，表弟妇，洎表兄弟之妾也。在内卦他宫者，邻里之财也。在外卦他宫者，远方人之财也。临父，尊长也。临鬼，仕宦牙人军卒也。临兄，朋友也。临子，僧道医士捕人也。临财，阴人也。财属子，妇人姬妾之财。属丑，贵人尊人之财。属寅，公门贵客道路之财。属卯，士夫术士沙门商贾之财。属辰，二千石或鱼盐与恶人之财。属巳，妇人窗灶之财。属午，使臣亭长官妃，或神僧骚人墨客之财。属未，贵人老者女亲之财。属申，兵卒僧医行人市贾之财。属酉，妇女婢妾阴贵卖酒人之财。属戌，朝士善人狱吏役隸仆从之财。属亥，小儿牙人盗贼之财。财入乾，君父名宦尊长公门人之财。入坤，母后老妇农夫大腹人之财。入震，长男武人商客有声名人之财。入巽，长女命妇秀士山林僧道匠人寡发人之财。入坎，中男蛮夷盗贼舟子江湖人之财。入离，中女文士介胄人目疾大腹火性人之财。入艮，少男道土地师法术山人之财。入兑，少妇歌妓姬妾伶人译使巫师之财也。

#### 五、得何财

财入乾，金玉珠宝首饰骡马之财。入坤，田土布帛丝绵五谷牛畜之财。入震，竹木茶叶之财。入巽，山林蔬圃花园之财。入坎，池沼鱼盐酒醋豕畜之财。入离，窗灶罐冶书吏之财。入艮，坟石山径路之财。入兑，姬妾婢女缸瓷羊畜五金之财。财属子，池荡石灰布帛大豆酒醋衣饰珠玉也。属丑，田园坟池桥梁珍宝牛畜也。属寅，山林树木柴薪棺槨书籍钱帛也。属卯，舟车竹木帅货也。属辰，田园坟地麦地文书印信宝货磁器缸坛水物也。属巳，赏赐图画磁器砖瓦花叶炉冶管箫弓弩也。属午，宫室书籍字画窗灶马畜也。属未，坟地酒坊衣服段疋婚定药材羊畜也。属申，田园池荡绢帛大麦金银纸布丧具也。属酉，金珠钗钏炉鼎刀剑小麦五谷也。属戌，宅舍坟地矿穴田蚕碓磨印信狱具也。属亥，楼台仓库絀绢酹酢鳞介豕畜也。（出然犀集）。

## 六、何日得

旺相生合世身之财，六合日得也。财多太旺者，墓日得也。死绝之财，生旺日得。空墓之财，逢冲日得。福旺无财者，财值(此处缺一字)日得也。

## 七、仗托吹嘘

间爻死绝，被刑害克破者，中保无能，生合世者，善成全。刑害克破世者，多欺骗。加兄鬼玄武冲伤者，奸宄阻隔也。加贵初生合者，贵人主张也。应克间者，彼生疑。世伤间者，我怀怨。间两兄动者，争为中。雀兄旁动，伤世克间者，有人破。间爻空者，无中保也。

## 附断例

己丑年丙子月丁卯日占求财，得睽之归妹。此卦六爻无财，只本宫丙子财，伏未土下受害受克，兼以卯日刑之故，必被人阻隔，而不可求，所赖月建并起财爻果至，丙子日得也。

庚寅年己卯月甲申旬丁亥日，卜求财，得谦之小过。六爻无财，只本宫卯财，伏午火官鬼下，名为耗鬼，岂知午火旬空，透出卯财，况投长生于亥日，后至辛卯日，财值巳辰，果得财也。

庚寅年庚辰月壬申日，卜求财，得屯卦安静。六爻无财，惟本宫午火财，伏辰宫下，飞来耗财，又辰午皆为匿刑，此必不义之财，为小人欺骗而不得也。

庚寅年己卯月丁酉日，占求财，得临之中孚。亥财动来生合世，只因化绝在巳，虽有酉日，不能生绝水，故当日不得，次日戊申，财爻绝处逢生，方入手也。(绝惟贞也，己亥能生)。

庚寅年辛巳月丙戌日，占求财，得随之屯。此卦辰财持世，戌日冲之，未财持应，化丑冲之，此为四财，自相冲脱，又财绝于月建巳中，不可云世应是财求易得，日建世应，比和吉也，后果求之不得。

庚寅年甲戌月癸亥日，问月内何日得财，遇涣卦安静。六爻无财，惟本宫酉财，伏未土下受生，终必得财。但嫌用爻不透，直待癸酉日得。若问本日何时得财，则于己酉时得也。

庚寅年己丑月甲午旬癸卯日，占求财，得噬嗑安静。此卦辰财旬空，未财月破，喜本宫丑财，正值月建，又伏子水下，伏克飞神为出暴。又土旺于子，稍嫌卯日克丑，故当日未得，次日甲辰，寅卯兄弟又空，内财帮比而得也。

## 空手求财占

凡百工九流之人，与任所抽丰之客，皆空拳求利者，但以官鬼为主。官爻旺动生合身世者吉，

则爻旺动助鬼生合身世者，尤吉也。子旺动伤官，或兄持世动，与兄弟独发者，或官动刑害克破身世者，或官爻，财爻，逢空破死墓绝胎，与化空破死墓绝胎者，少利也。问往何方求，则世爻所克是财方也。世爻生旺之方利，死墓绝胎，刑害克破之方凶也。

借贷求财者，但财爻持世生合世，不空破绝者，财生财合之日有也。应生合世，而兄静财伏者，或财伏而兄子两动者，皆财值之日有也。父空者无券，父化父者改契。世应空合者，虚约难凭。应被刑伤者，往求不值，应生合世，而财空绝，彼欲与而囊空。财生合世，而应冲克世，彼虽与而意拂。财动生世，而日辰合财者，有人把住而稽迟。应动合世，而日辰冲应者，有人说破而不果也。

纠会求财者，但财爻应爻，生合世者，易成。财爻空破死绝，应持空破绝，或动来刑害克冲世者，不成。应空者，彼却我。世空者，我意倦。应空合世者，虚诺。世空动者，有名而无实，或财难入手。世应俱空者，必不成。应生合世，带退悔杀动，或动化退神者，初允而终却也。财生合世而带破碎杀动者，零星陆续交财也。应爻财化财来生合，一人两脚也。应持兄动化财来生合，两人合脚也。卦六合成六冲，不成也。摇会求财者，财旺动助官生合世者得。兄持世动与兄弟独发，或卦无财鬼，或世爻财爻值空破死绝，与受刑害克者，失也。六合得，而六冲失也。财合世而兄克财，已得而复失也。财合应而生世，彼得而让我也。财爻生世复生应者，世衰伤则人得，应衰伤则我得。世应俱旺，两人分得也。赌博求财者，内克外世克应，或财子旺持生合世者，胜也。旺世克衰应者，小胜。旺应生衰世者，大胜也。外克内，应克世，或财鬼两无，或世逢空破墓绝者，输也。世空动者，缺管头。应空者，无对手。世应比和，两无胜负。世应俱空，两无所得。世子化父，以骄取败。世子化兄，得助而赢。世居阴卦阴爻，宜退守也。世入阳爻阳卦，宜争先也。内外两鬼动伤世者，彼此合局来骗也。间爻动者，多撞来。间兄动者，抽头多。应带龙喜生世，得人提拔。应加虎刃克世，与人斗殴。应加玄兄伤世，被人局骗，或轮筹窃马。应加勾鬼伤世，主牵连不明白也。应加蛇火鬼伤世，被药骰骗也。应加雀兄伤世，因财争斗也。应加雀兄动化鬼伤世，同伴出首。旁爻雀兄动化鬼伤世，他人出首。世持雀鬼化父，或雀父化鬼者，皆因赌成讼。若加太岁，讼必经年也。

捕鱼求财者，内卦世爻为人，外卦应爻为物。内世克外应，财鬼旺动生合世，鬼化财克世，水财旺持世生合身世鬼临天罡煞动者，多获也。外应克内世，财鬼空无破克，财化鬼空破绝，俱无得也。世持兄动，与兄弟独发，难得也。兄动克世，同伴欺也。又世为船，应为人，船合人，出游顺便。人合船，得利无算。日克世，世克财，徒劳空返。日合世，世合财，满载而回也。又火财鳖蟹龟蚌赤鲤也。土财鳗鳢鳅及黄鲢也。水财（此处之字左边鱼右边匚）鱧江豚也。木财青鱼也，金财白鲦白鲢石首也。又演禽法，癸亥为鱼，但看何爻旺动来生合世，不犯空破死墓绝胎刑害克者，即知

所获，多此类也。白浪杀动，有虚惊也。风波杀动，多风浪也。覆舟杀动，防覆船也。沐盆浮沉杀动，防失水也。管公口诀曰，初爻船主，二爻伴侣，三爻行李雨具，四爻网（此处之字上边门里面八下面古），五爻道路，六爻渔所，逢空破者不吉也。

亩猎求财者，金财旺动生合世，世临天罡煞动，与临虎杀动，克旺财者，获也。世临虎杀动，而财逢空破绝者，无也。月日动来刑者，金财合世者，利也。财旺而虎杀不动者，鹰犬倦也。刑刀虎杀动来冲伤身世者，防狐狸野物也。子财，黄鼠也。卯财，兔也。未财，山羊也。申财，猴也。戌财，獾狗也。亥财，野猪也。又演禽法，丁亥为豕，丁酉为鸡，己酉为雉，癸酉为鸦，戊午为獐，壬午为鹿，丙寅为虎，壬寅为豹，戊寅为猫。凡遇财物动来生合世者，即知得此物也。其余内外世应生合克冲，皆与捕鱼同断也。

开矿探珠淘金取藏求财者，但取伏下金财。生合世，又得上动生之者吉也。伏财旺相者多，休囚者少，空绝者无也。财入胎墓，难取采也。财逢冲动，不一处也。又世为己，应为所用工匠也。世逢生旺持财福者吉。逢空死墓绝胎，被刑害克破者凶。应生合世者，得其力。刑害克破世者，被其欺也。应持财子，有力而能。应持兄鬼，无才而诈。应临父母，则为众匠之班头也。应加雀，多言招讪。勾则拙钝，虎则刚狠，龙则精巧，蛇则虚浮，武防偷取也。

索债求财者，外甥内，应生世，与内外世应比和者还。外克内，应克冲刑害世者，不还。应生合世而无财，欲还而力不逮。应冲伤世而财旺，能还而心不肯。应持兄鬼动伤世，口甜而心歹。应持兄动，而财逢空破绝者，被其骗也。应空者，非贫乏，则逃避也。应入墓胎者，人不见也。财化空破绝者，全无也。财动助应，鬼伤身世者，假虎图赖也。鬼动化财者，告状乃还也。世持财子旺相，而兄衰静者，子母俱全也。应持兄鬼安静不伤世，或持勾父不伤世者，不过迟延而已。蜀市日记曰，凡世下伏财者，彼先有物，欲抵此债。以八卦与十二支神，推其何物也。如庚寅年辛巳月丙午日，卜得小畜卦。世下伏辛丑土为财，巽为长女，为鸡，为竹木器，为花果菜园。丑为牛，为坟地，菜圃，随本刊之多少断之知他欲卖何物来偿债也。若财在乾则为马，金银杯盘镜冠玉环珠也。财在兑则为羊，少女，五金器缸坛有口物也。财在离则为中女，罗段丝绵书画簾屏盘盒赤色中虚之物也。财在震则为长男，鼓竹本茶笋也。财在坎则为次男，池荡酒醋鱼盐豕有核物也。财在艮则为少男，狗山石磁器瓜叶土中物也。财在坤则为牛牝马田土五谷布帛釜也。财属子池荡大荳衣饰珠玉也。财属寅，山林树木棺猫也。财属卯，草木竹舟车盘盒也。财属辰，缸瓷碓碾磁器坟地田园也。财属巳，花果书画砖瓦磁器也。财属午，马书画甌衣架也。财属未，山（此处之字是寐字下面的左边）羊女衣也。财属申，刀剑五金器大麦碓猿也。财属酉，鸡酒小麦金银钗钏五金物也。财属戌，坟地穴坑砖瓦碓磨旧衣狗也。财必属亥，猪伞笠笔墨发酱酢盛水物也。（出六三金口诀）

## 贸易占

游南子曰，凡买卖者，先占时价之贵贱，与后价之旺衰，次考牙行之淑慝，并究脱货之难易，此其大略也。

## 鬼谷分爻

店舍  
道路  
舟车马  
行李  
伴侣  
己身

凡分爻生旺，带财福龙德贵禄，临扶身世爻，便知吉祥如意也。又看何爻持鬼，伏鬼，化鬼，刑冲克害身世爻，更看何爻临空死墓绝胎，受四直动爻冲伤，便知疏虞处也。

## 一、买卖

官鬼旺静，兄弟无气者，吉也。冬收夏化货，火财者吉。春收秋货，金财者吉。秋收春货，木财者吉。夏收冬货，水财者吉。收四季所卖之货，各从辰戌丑未之时者，吉也。旺财生克世者贵，衰财世克之者贱。财旺生者贵，财死败者贱，财值火者价日增。财值水者价日减。财变兄官子变父者，先贵后贱。财化子孙鬼化财者，先贱后贵。内财旺而外财衰，他乡贱也。外财旺而内财衰，后价贵也。正卦有财后卦无，迟买者贱。正卦财旺，变财衰，先卖者贵也。内财空者，可卖。外财空者，难买。外财生合世者，易买。应合内财者易卖。世临财墓者，难卖也。

## 二、牙行

应爻官爻旺相生合世者，千金可托也。休空冲伤世者，百货难依也。应爻动克世，与应财化兄者，侵渔不免也。应财动来生合世，与应财化子，应鬼化财者，作事周旋也。

## 三、脱货

以财爻生旺月日为脱卸之期。应动合财，财动合应者，易脱。应居空破，必无买主。财持勾土，货必难脱。财化水，防上漏下湿。财化火，防枯干回禄，财化木，防微烂。财化土，防朽腐。财化金加蛇，防生虫。财持辰午酉亥自刑，货恶难脱也。世应相冲，加退悔杀动，或应动合财，化退神者，多中止也。应动合财，被日辰动爻冲破者，有人破也。日合动财者，旁人把持也。鬼动伤世者，牙人挠阻也。卦无官鬼者，买卖不成也。财动生世生应，而官鬼入墓者，待冲开墓日成交也。

## 附断例

庚寅年辛巳月甲辰日，占脱货，得需卦安静。申金子孙持世，人皆云吉。岂知四月金空，不能生财。经云，用爻最怕立时空也。本宫亥财，伏辰土兄下，本宫世应俱持兄弟，日辰又是兄弟，必有对主承买。但因亥财自刑，其货必背时不佳，买主见货散去也。盖兄弟绝于月建巳中，墓于日建辰中，又飞伏辰戌丑未，四位兄弟，自相冲脱，故不买而去也。

## 开店占

游南子曰，凡开张店业者，先问可开否，次论本之多少，利之厚薄，合伙之贤否，店面之大小，更看店中之货物，复推收放之可否，此其大略也。

## 管辖分爻

财路

主人

店屋

基业

伴侣

心事

## 一、可开否

本宫，与世爻财爻带福禄龙喜旺相者，财子持世旺相，不犯刑害克破者，应财旺动生合世，与四直临财生合世者，可开也。本宫与世爻，财爻逢死墓绝胎，空破刑害者，四直与应爻，临兄鬼旺动克世者，不可开也。若四直皆兄，则兄弟受制，倘世持旺相，开张安稳无破也。卦六冲者，开不成，成亦不久也。太岁生合世，逢动爻冲太岁者，开不及年也。月生合世，而动冲月者，开不逾月

也。财化子者，宜守旧也。

## 二、本利

卦旺财旺本多也，卦衰财衰本少也。财胎墓，本少。财空绝，乏本也。世持旺财，或财持旺雀，或财生库旺，或财绝逢生，或外财生合内世，或财临门户旺动（三爻门，四爻户），或三传临财，动生合世，或财伏世下，财伏子下，生旺，或财动化子，化生，化旺，子动化财，化生，化旺，皆得利也。若财不上卦，或财逢空破死绝，或三传临兄劫动，或兄旺动克世，或父动助兄克世，或应爻刑害克破世者，折本也。财伏父下，一半失也。财伏鬼下，多耗失也。财伏兄下，谨口舌也。

## 三、合伙

应生合世者，益我。应刑冲克害世者，损我。世生应，内生外，成人之美。世克应，内克外，得人之助力。世应比和，二人同心。世应六冲，两情不协。世应六合，两意相投。应静逢冲，心多变更。世空己心疏懒，应空他意懒弛。世应俱空，两家退悔也。应遭刑害克破者，多灾病也。应持龙喜，交易和雅也。应临虎兄，交易刻傲也。蛇兄琐屑，武兄欺诈，勾兄拙钝，雀兄多招是非也。应财伏鬼下，与应财动化兄者，必侵牟也。游魂应临马动，不守店也。归魂应临马动，常顾家也。福雀加咸池动，好吹好饮也。应合财，加咸池，有私情也。离宫火应，带月盲杀，克金财者，不辨银色也。应旺，则勤俭多能。应衰，则（此处之字上艹下爾）弱无才也。应合化冲，有始无终也。卦无兄弟，店无掌管也。兄以旺静为吉也。又凡与内外亲属合本者，以用爻为凭也。

## 四、店面货物

父母为店，妻财为货。父旺静者，闹热平安。财旺动者，货物流行也。父旺大店，父衰小店。父逢冲开不久，父遇生合，开张永远也。有财无父，有货无店，有父无财，有店无货。父旺财衰，店大利微。父衰财旺，店小利厚。卦有两财，内冲外旺者，本少利多。内旺外冲者，本多利少也。身世随官入墓者，徒劳而利归他人也。财爻逢冲暗动者，带龙喜，则暗中得利。带武劫，则被骗失财也。官临财库动者，非讼即灾也。父临杀刃亡劫动，或日雀会月雀动者，主招争讼也。又宝珠古董杂货店，以财为用。书纸巾帽衣服店，以父为用。酒肴牲畜店，以子为用。用旺财衰者，货多利薄也。又郭雍曰，开书籍纸贴古董店，财旺而父母受克者，吉也。开当铺者，父旺而财受克者，吉也。

## 五、收放

管公口诀曰，六爻为东西财路，生合世者，可放帐。若临空破死绝，及动来刑害克冲世者，主有放无收也。

## 寄物占

游南子曰，吾之寄物，必托其人之可托，而后以物付之也，然而人情叵测，睹物怀欺者有之，谩藏诲盗者有之，安置失所，致物败坏者有之，是不可以不慎厥始也。故卦六合者，可寄。六冲者，不可寄也。月日与动爻合财合世应者，可寄。冲财冲世应者，不可寄也。财旺静，与财动化子，化生化旺者，无失。财衰动，与动化兄鬼空破绝者，有失也。财化土者朽腐。财化木者微黧。财化火者回禄。财化水者湿漏。财化金者，封识拆开也。世应空破者失，世应随鬼入墓者失，兄鬼动伤应爻者失，应爻动化兄鬼空破绝者失也。应爻动者，他心变也。应动助鬼伤身世财爻者，与人合计劫骗也。应临武动者偷窃。应临雀动者口舌。应临勾动者牵连。应临蛇动者惊恐。应临虎动者吞噬。应临龙动者，善保护也。

## 疾病占

游南子曰，夫人不幸有疾而占之，不可不慎而详也。然大端有四，占其死生，占其病症，占其医药，占其鬼祟而已。若乃病何日起，病何处得，亦疾病之附占也。

## 鬼谷分爻

头脑	黄泉
心肺	棺槨
脾脏	福德
肝肾	哭声
腿股	吊客
足	丧门

## 一、用爻

自占以世爻身爻命爻为用，代占以应爻为用。占家亲，祖妣用官鬼，父兄妻子，以各属为用。如五属不上卦者，则从黄金策分爻取用。若奴丁占家主，以五爻为用。占主母，以二爻为用也。

## 二、生死

用爻遇龙福月解天医天喜临持生合者，即愈也。鬼伤用者，子孙生旺临值之日愈也，子孙生合用爻之日愈也，鬼被刑害克冲之日愈也。用入胎墓者，刑冲胎墓之日愈也。用爻死绝者，生用之日愈也。用爻值病者，生旺之日愈也。用爻伏藏而元神旺，忌神衰者，用爻临值之日愈也。用墓逢空，用绝逢生，用鬼逢克者，可救也，待鬼衰身旺世生之日愈也。用爻逢虎鬼天刑飞廉大杀三垢五墓丧门吊客死炁死符丧车浴盆，动持动克者，必死也。忌神动者，遇生忌之日死也。忌神静者，遇忌值之日死也。用爻随鬼入墓者死。财动助鬼伤用者死。世应双空者死。财旺用空者死。鬼生命绝者死。鬼动化墓者死。月卦化墓者死。用化墓绝者死。用逢月绝者死。卦身墓于世者死也（损卦）。本宫外卦墓于内卦者死（遁豫升蛊井大有咸）。世坐本宫墓者，死也（噬嗑蒙泰归妹）。世坐鬼墓者死也（乾丰中孚升家人旅）。世坐财墓者死也（财为禄命，忌刑冲墓绝，观解随益泰兑卦）。卦化墓绝者死也（乾兑化艮坎，艮坤化巽离，化乾震巽化坤）。用逢月破者死。又忌神长生之日死（土用亥日死，木用巳日死，火用申日死，水用巳午日死，金用寅日死）。土鬼动者，鬼爻长生之日死。卦六冲者，用爻败死墓绝之日死。用空无气者，元神绝而忌神生之日死。又用逢空冲者，初病即愈而久病难痊也。土旺动持克用者，克用爻之日死也。卦有三无救者，无火无财无子也。黄泉杀者，春则大畜小畜履井复也。夏则遁睽临也。秋则明夷蛊旅也。冬则遁既济明夷归妹也。四灭卦者，春蒙夏蛊秋剥冬旅也。四没卦者，春需夏观秋节冬临也。棺槨杀者，恒与益也（已上诸卦占病者死）。又僧一行占病法，从八卦取用也。父用乾，母用坤，长男用震，次男用坎，三男用艮，长女用巽，次女用离，三女用兑也。若用卦不出现者与代他人占者，一岁至二十，男用艮，女用兑也。二十一岁至四十，男用坎，女用离也。四十一岁至六十，男用震，女用巽也。六十以上者，男用乾，女用坤也。若正卦无用象者，则取伏卦。若主象化死墓绝，化克破者，皆主死也。又男忌官鬼长生日得病，女忌官鬼沐浴日得病。若无龙福月解天医动来生合用爻者，鬼爻墓绝日必死也。又晁以道曰，用爻命爻不上卦者死。更男忌鬼空，女忌财空，少年卦忌死囚休废，老人卦忌旺相也。

## 三、病症

以官鬼为凭。如鬼爻持身世，命爻用爻或鬼动来刑害克冲身世命用爻者，或官鬼伏于身世命用爻下者，或身世命用动化官鬼者，各随五行断之也。鬼属阴，在内卦，则金为肺，木为肝胆，水为肾，子膀胱，火为心小肠，土为脾胃大肠也。鬼属阳，在外卦，则金为四肢骨节牙齿右耳小便也，木为筋骨左耳也，水为口嘴皮溺痰涎血汗也，土为鼻准腹背肌肉也，火为目胸手心脚底也，又辰戌

为顶门，丑未为肩背也。又八卦乾为首，坤为腹，震为足，巽为股，坎为耳，离为目，艮为背指，兑为口舌也。又分宫，初爻，足也。二爻，股膝也。三爻，腹小腹腰臀肛门小便也。四爻，胸胃乳也。五爻，面项手。水为口，火为目，土为鼻，水左耳，金右耳也。六爻头脑也。凡遇鬼伏鬼化鬼，或鬼动来伤者，必带疾也。用逢金鬼者，阴则肺腑之疾，阳则骨节疼痛，脓血淋漓也。又金鬼旺，泻中带（此处之字上广下去）。金鬼衰，血内生脓也。用逢木鬼者，阴则肝胆之疾，阳则四肢疯气酸疼，口眼歪斜，头疼口燥也。又木动者，阳痒而阴疼。木官旺，疯中带热，木鬼衰（此处之字上广下去）上生疯也。用逢水鬼者，阴则遗精盗汗，肾竭，女为血枯经闭，阳则呕吐泄泻也。又水鬼旺，呕中带嗽。水鬼衰，寒泄兼虚也。用逢火鬼者，阴则心目之疾，阳则疮疡疔毒，虐热吟呻也。又火鬼旺，先寒后热，火鬼衰先热后寒也。用逢土鬼者，阴则虚浮气喘，水蛊脾泄，阳则瘟疫时气也。又辰鬼，则咽喉肿塞。戌鬼，则腹痛胃伤。丑鬼，则气促痿痺。未鬼则翻胃噎膈癆嗽也。水鬼化火，火鬼化水者，往来寒热也。内鬼冲外，外鬼冲内者，内外感伤也。鬼内动，下元之症。鬼外动，上焦之症。世鬼出现，阳症。世鬼伏藏，阴症。阴鬼化阳，阴症变阳。阳鬼化阴，阳症变阴。鬼属阴者，日轻夜重。鬼属阳者，日重夜轻。外鬼旺而内鬼衰，先轻后重。动爻克而变爻生，先重后轻。游魂鬼用，言语恍惚。归魂鬼用，昏闷不语。鬼伏藏者，病来不觉。鬼化鬼者膏肓之疾。又鬼伏鬼，与鬼化鬼者，非变症，则两病交作也。用下伏鬼，鬼旺复发也。世持子伏鬼者，子旺日病退，鬼旺日病重也。又鬼生旺日病重，鬼墓胎日病困，鬼死绝日病轻也。元神值日必轻，忌神值日必重也。又财爻墓绝日重也。卦六冲乱动者，重也。用持龙福，而被动爻伤者，虽重不死。鬼动伤用，而月日冲鬼者，临凶得免也。

#### 四、病因

鬼加龙动，男则酒色过度，或探贵问亲，因财而得。女则因喜得疾。逢空，堕胎也。鬼加雀动，怒气口舌，或被咒咀得病。在二爻者，灶下咒咀。在三爻者，当门咒咀。在五爻者，香火下道路上咒咀。金鬼加雀动者，敲锅咒咀也。鬼加勾动，跌打伤，失饥伤饱，脾胃病也。勾鬼加木动，因修造得病也。鬼加蛇动，忧愁惊怖，思虑伤神，或遇妖邪得病也。鬼加虎动，斗殴损伤，或从丧葬，刀兵宰杀之场得病也。鬼加武动，因色欲过度，忍饥冒雨，或失物被盗，得病也。又鬼伏父下，与父动化鬼者，忧心得病，或衣服寒暖失时得病也。鬼伏兄下，与兄动化鬼者，因赌博争财得病也。鬼伏财下，与财动化鬼者，饮食不节而起也。财在阳宫动，主吐。在阴宫动，主泻。财加土动者吐，财加水动者泻也。鬼伏子下，与子动化鬼者，因外情牵引，或酒色致病也（加龙则嗜酒，加武则好色）。子爻空绝者，调理无资也。间爻鬼动者，胸膈不宽也。鬼旺动伤用者，急症也。鬼临日辰动

者，暴病也。临月建，经月之病。衰临太岁，经年之病。又衰鬼持用动者，久病难除也。

## 五、饮食

卦内无财，或财空绝，或四墓持用者，饮食不纳也。禄入绝乡者，不进食而死也。鬼动化财者，饮食仍进也。财化鬼兄者，因食增病也。应动合用，而化财伤用者，忌食馈来之物也。又丑鬼忌牛肉，卯鬼忌兔肉，未鬼忌羊肉，酉鬼忌鸡肉，戌鬼忌犬肉，亥鬼忌猪肉。又水鬼忌鱼腥冷物咸物，木鬼忌果核酸物，金鬼忌葱蒜姜辣辛物，火鬼忌燂炙煎炒香味苦物，土鬼忌米面茄芋瓜蔬甘物也。

## 六、医药

内卦世爻用爻为病人，外卦应爻子孙为医药。外克内应与子孙克世克用者，药效也。内克外，世爻用爻克应克子孙者，药不效也。外生合内，应与子孙生合世者，药对症而效迟也。外应克内世，卦无子孙者，不遇良医也。父兄俱动者，子叨生而医善也。父官双静，而子临应动者，良医到也。应加子动克世者，药有效也。世克应子者，名医而药不效也。子克世，而外应不克内世者，药不效而无害也。应加鬼动刑害克冲世者，误药伤人也。子孙值辰午酉亥自刑者，用药差误也。日辰动爻冲伤子孙者，药不效也。子化父鬼者，药不收功也。子化子者，杂药不精也。子加虎杀动者，庸医误人也。世下伏官，逢子动者，药虽好而病根不除也。世持衰鬼者，病虽轻而药难疗也。世应比而卦无子，或子空绝者，宜换药医。子孙两动者，换医而愈也。鬼子俱空者，不治自愈也。鬼子俱动者，医药兼用也。子财两动，则鬼得助而病难治也。法法赋曰，天医生世者，良医。天医克世者，庸医。日辰克医者，医学不精。医克日辰者，用药不当也。世爻用爻属金，天医在巳者效也。属木，天医在亥者效也。属火，天医在寅者效。属水土，天医在申者效也。董和筮秘曰，脉宜细察，身爻为主。月卦临金，脉必弦紧代革也。临木，脉必洪长虚动也。临水，脉必芤滑濡动也。值火，脉必数大促短也。值土，脉必沉实滞涩也。又推医是何人，子孙为用。子孙属金，宜西方，金傍姓氏人也。属木，宜东方，草木傍姓氏也。属水，宜北方，点水傍姓氏人也。属火，宜南方，日火傍姓氏人也。属土，宜土傍姓氏，及丹散医人也。子孙带贵人，宜有官职人。子孙带华盖，宜僧道也。至于君臣佐使药莫轻投。官鬼属金，宜灸，不宜丸药也（火可克金，土则生金）。鬼属木，宜针，不宜汤药也（金能克木，水则生木）。鬼属水，宜温药，丸药，不宜针也（土克水，金生水）。鬼属火，宜凉药，汤药，不宜草头药，与饮片也（以水克火，而木生火）。鬼属土，宜咬咀，不宜灸也（以木克土，而火生土）。他若鬼伤二间者，宜宽胸膈也。世旺有扶者，不妨再补也。财外动合用者，宜吐。财内动合用者，宜泻。用爻鬼爻出现，与在外卦者，宜外表。伏藏在内卦者，宜内表也。周杰曰，

有受病在此，所治在彼者。如金虎鬼冲伤用，乃肝经受病（金来克木）。然可治肺，不可治肝也（所云去其害我者，余仿此）。木虎鬼冲伤用，乃脾经受病（木来伤土）。然可治肝，不可治脾也。水虎鬼冲伤用，乃心经受病（水来伤火）。然可治肾，不可治心也。火虎鬼冲伤用，乃肺经受病（火来伤金）。然可治心，不可治肺也。土虎鬼冲伤用，乃肾经受病（土来伤水）。然可治脾，不可治肾也（出松径玄谈）。颛师曰，子孙动者误服药。

## 七、鬼崇

以官鬼为用，如卦无鬼及鬼逢空绝者，则无鬼崇也。官鬼生合世用者，宜祈祷也。官持世用者，先祷后医也。鬼动刑害克冲世用，得福动来救助者，宜禳保也。世用持财，逢火鬼动者，宜众保也。问祈禳是何神鬼，则阳鬼为神，阴官为鬼也。又鬼带书贵者，为神也。阳金鬼，庵堂关圣，在虎七煞也。阴金鬼，则刀伤自刎瘡瘵喘嗽虎伤之魂也。阳木鬼，束岳五圣家先香火也。阴木鬼，则自缢疯疾跌扑刑杖死之魂也。阳水鬼，观音真武三官水神张神河泊水官也。阴水鬼，则投河服毒呕血之魂也。阳火鬼，玄坛五福火神灶司香火也。阴火鬼，则疮毒瘡（此处之字上广下去）疫瘟带血心疼烧死之魂也。阳土鬼，城隍土谷太岁皮场大王土神也。阴土鬼，则瘟疫咽喉膨胀黄疸压死之魂也。又鬼加金虎刑杀者，死于非命也。鬼居游魂外卦者，客死他乡也。鬼加天火天烛独火杀者，烧死也。鬼加天贼天盗劫杀者，因盗致死也。鬼加沐浴咸池杀者，奸淫娼妓也。鬼加木狼，天缢杀者，缢死也。鬼加风波浴盆浮沉杀者，溺死也。鬼加羊刃刀砧杀者，屠刽鬼也。鬼带暗金血刃杀者，产亡鬼也。鬼带天刑天狱地狱牢狱入狱杀者，牢狱鬼也。鬼加刀砧羊刃劫杀者，自刎鬼也。鬼带华盖孤神者，僧道绝嗣鬼也。鬼加螣蛇天怪杀者，精怪妖邪也。鬼居太岁者，当年岁君也。鬼居月日時上者，游野神也。又父母伏鬼化鬼者，阳父阴母也。兄弟伏鬼化鬼者，阳兄弟，阴姐妹也。妻财伏鬼化鬼者，阳妻奴阴妾婢也。子孙伏鬼化鬼者，阳男阴女也。鬼在本宫内卦，同姓鬼也。鬼在他宫外卦，异姓鬼也。交重，大鬼。单拆，小鬼。衰墓，老年旧鬼。生旺，壮年新鬼。胎养，孩童鬼，阳男阴女也。又八卦乾宫鬼，祖宗与父。坤宫鬼，祖妣与母也。震坎艮宫鬼，男也。巽离兑宫鬼，女也。问有几鬼，以一水二火三木四金五土之数推之。旺相加倍，休如数，囚死减半也。曹子虚曰，祈禳用何祭礼，则视鬼之食神也。如鬼属甲，则食在丙而禄居巳也。宜用炒鸡煎腐酒礼财马送之也。鬼属乙，则食在丁而禄居午也，宜用干脯炒荳酒礼财马送之也。鬼属丙，则食在戊而禄居巳也，宜用炒鸡煎腐酒礼财马送之也。鬼属丁，则食在己而禄居午也，宜用干脯炒荳酒礼财马送之也。鬼属戊，则食在庚而禄居申也，宜用三牲馒首果饼酒礼财马送之也。鬼属己，则食在辛而禄居酉也，宜用鸡肉鱼馄饨酒礼财马送之也。鬼属庚，则食在壬而禄居亥也，宜用猪首三牲酒礼财马送之也。鬼属辛，

则食在癸而禄居子也，宜用池鱼血羹麦面酒礼财马送之也。鬼属壬，则食在甲而禄居寅也，宜用三牲时果新蔬酒礼财马送之也。鬼属癸，则食在乙而禄居卯也，宜用鸡鹅鸭蔬果鸭蛋酒礼财马送之也。若夫送于何方，则以鬼爻之支神定之也。其在于神，则祈祷之礼，以子孙为福神也。子带龙雀者，宜素祭。子带勾蛇虎武者，宜荤盘。子伏水鬼水父下，或化水鬼水父者，宜佛经。子伏火鬼火父下，或化火鬼火父者，宜道醮。子化财伏财者，宜福礼，子化兄伏兄者，宜演戏众保也。此祈禳之占也。又有旧愿未还者，但子孙伏鬼下动克世用，或子孙伏岁杀下动伤世用者，必有旧愿未还也。旺相愿大，休囚愿小也。至问因何许愿，以官鬼为用也。鬼伏世下用下者，因自己许也，鬼伏父母财子下，因父母妻子许，鬼伏鬼下因病讼许，鬼伏兄下因兄弟朋友争斗赌博许也。六亲化出鬼者亦然（出源髓诀）。

## 八、病起何方

以卦中动爻断之。火南水北木东金西，不论鬼之有无也。如卦有鬼而不动者，则取外卦断之。乾在西北，坤在西南，巽在东南，艮在东北，离南，坎北，震东，兑西，是也。如卦安静，而无鬼者，则看鬼伏何爻之下，以鬼上飞神，定其灾处也。如鬼伏子下，则云北方。伏丑寅下，则云东北方。伏卯下，则东方。伏辰巳下，则云东南方。伏午下，则云南方。伏未申下，则西南方。伏酉下，则西方。伏戌亥下，则西北方也。若卦乱动而鬼动者，亦以鬼所居之卦断之也。若官鬼独发者，又以鬼爻所值之支神断之也。又鬼在本宫内卦，则言本地得病。在他宫外卦，则言他方得病也。

## 九、病起何年月日

以鬼爻长生之年月日定之也。又如土鬼动，火生土，在午年五月午日得病也。土长生在申，或申年七月申日得病也。鬼临辰戌丑未上，或辰戌丑未年月日得病也。其他金木水火鬼，皆仿此推之。

## 附断例

庚寅年戊寅月己巳日，代占人病，得坎之蹇。应爻相气，岁月生之，日辰比之，但嫌化出申金，冲刑寅木子孙，服药不效。辰宫化午财，刑应上午，是以多进食而受伤也。官属土，脾胃病。子旺官衰，卦虽六冲，新病不死，只是难痊耳。

庚寅年戊寅月辛未日，子占父病，得解之困。本宫子水父母，伏寅木之下，虽云泄气，喜申金，元神独发，又化进神，更得日辰生之，决能生父。惟不宜土财持世，喜岁月与伏下寅木克之，果于申酉日愈也。

庚寅年戊寅月丁卯日，父占子病，得临之损。六爻酉金，子孙独发，化绝于寅，又绝于岁月建中，更加卯日冲破，果于木日死也。

庚寅年戊寅月戊寅日，妻占夫病，得剥之观。官爻受三传生合，人皆云吉。不知本宫午官自刑，伏墓戌土下，傍爻子动冲克官，极凶。子动，误服药。子又化绝于巳，必始因药不投而后不延医也。只有三传生合官鬼，不过暂时少甦，至甲申日，元神绝而忌神生，果死也。

庚寅年庚辰月丁卯日，妻占夫病，得涣之姤。鬼伏三爻下，值旬空，子为忌神，兄为讐神，二爻并发，独喜用爻伏藏耳。至乙亥日，透出用爻，才受忌伤，而夫死也。

庚寅年癸未月戊戌日，妻占夫病，得革之困。土用为神，丑土月破，化入辰墓，兄生子而子克官，人皆云凶。岂知本宫辰土，得寅木动生午火相扶，后至戊申日，忌神逢绝，官遇长生而愈也。

庚寅年甲申月乙丑日，夫占妻病，得震之豫。世下戌财，正值旬空，日辰丑又刑戌，应爻辰财又自刑，初下子水动，化未土，与世下戌土又相刑，用爻受制，病必重也，子孙为药，午为自刑，用药差误，所以病剧也。逢巳午日，子旺生财，始病退。若至日病加重，必难疗也。

庚寅年甲申月癸酉日，夫占妻病，得履之小畜。五爻财伏世下，飞上申金生之，三爻兄弟虽动，喜五爻子动，兄乃贪生忘克，而子得生气，生财愈有力矣。后至甲申日，财遇长生而愈然也。

## 讼狱占

游南子曰，占讼狱者，先占起讼之因，次占告诉之准否。而后占其讼之胜负，讼之和息，罪之轻重也。至于审断何日也，解报何如也，亦理之所可前知者也。

## 鬼谷分爻

圣驾	捶杖
部台	枷锁
监司	牢狱
州郡	曹官
县	官吏
耆保	县门

看文书持何爻动，即知讼经何处。又看鬼临何爻动来生合，刑害克冲世爻，应爻，即知彼己之胜与负也。

## 一、讼因

雀临父动，或父动化鬼者，因尊长文书房屋舟车袍服坟墓起讼也。雀临子动，或子动化鬼者，因男女僧道六畜善愿酒筵起讼也。雀临财动，或财动化鬼者，因阴人妻妾奴婢买卖借贷财帛起讼也。雀临兄动，或兄动化鬼者，因兄弟姨妹朋友媒妁中保争斗赌博起讼也。本宫，在家事。他宫，别家事。内卦，近邻事。外卦，远方事也。又龙鬼动来刑克世应，婚姻酒色致讼。蛇土鬼动克世应，户役牵连之讼。虎金鬼动克世应，丧家孝服屠宰合棺谋者争斗之讼。又伏鬼暗动伤世应者，必他人牵连之讼。看鬼伏何爻之下，即知其为何人，何事干连也。官动化官者，事起旧讼，或一状两情，或二衙门，或结后再告也。官化空，则不依此断也。卦无官印，而应爻又空，或官印应爻三空者，乃无头逆名状也。卦身空者，状多虚词也。

## 二、准否

世克应，我起讼。应克世，他兴词也。文书旺动者，可告。官鬼旺动者，可告。官居内卦，宜告府县。官居外卦，宜告上司。鬼化父，持世应，带马旺动冲克五爻，及太岁爻者，必进本也。卦无父，或父逢空墓绝胎，与化空墓绝胎者，状难告，告亦不准也。卦无官，或官逢空墓绝胎，与化空墓绝胎者，告不准，准亦不结也。官印两旺动来生合者，皆准也。子财同动者，不准也。官绝逢生者，代禀而准也。鬼衰财动者，求情而告，持鬼生旺之日准也。父绝逢生者，有人唆告也。父动而官化子者，逢人劝阻也。父空而官动刑克世，或父空而虎刃刑劫临世动者，未准先责也。

## 三、胜负

内克外，世克应，我胜。外克内，应克世，彼胜。世内旺而外应衰，我胜。外应旺而内世衰，彼胜。内世生外应者，因讼有损，且失理也。外应生内世者，因讼进益，且得理也。世应和合者，有人和解也。若鬼动伤世应者，欲私和而官不允也。日辰生合世，或日辰刑害克冲应者，我胜也。日辰刑害克冲世，或日辰生合应者，彼胜也。应加雀虎鬼，并刑劫动来伤克世者，私被殴辱，官受刑杖也。衰应克旺世者，彼不能害我也。旺世克衰应而日辰动爻生扶应者，彼得人扶助也。静世克动应者，彼起波澜也。世逢旺生者，我有帮助也。贵人生世者，仕宦来扶也。应衰无助者，彼势孤弱也。财持世动者，事可调停也。财喜加贵动者，求情取胜也。财世加喜动者，托人讲和也。世持喜解喝散雷火龙福者，事必散也。世应持亡劫大煞刑害血忌者，必输也。官克世，我输。官克应，彼输。官生合世应，两造持平。官刑害克冲世应，彼此皆伤也。应下伏财，彼将求情取胜也。世持

生官，宜赂上也。鬼化兄克世应，上索下也。世空者，我理屈而心隳也。应空者，彼情虚而欲退也。世应俱空者，彼此懊悔也。世应皆旺者，但以日辰生合刑害克冲决胜负也。官父俱空者，公私尽释也。

#### 四、和息

六合卦易息，六冲卦难和。世应相生合比和者，易息。相刑害克冲者，难和。世应持龙子喜解喝散雷火杀者，易散。日辰冲官者，即日散也。鬼动化子者，可息。鬼爻三合世应，得日辰动爻冲散者，可息。官持辰戌丑未者，难散。财多而子受伤者，难散。日辰生官，官生日辰者，事延迟也。子动化鬼，与鬼伏世应下者，待鬼时生月日，讼复发也。

#### 五、罪责

日辰刑克世应，或鬼动刑克世应，与世应动化刑害克破者，皆主杖责罚罪也。世应带禄马德贵喜解喝散，与生旺而无刑害克破者，无罪也。世应衰而带刑刃劫杀大杀动者，必有罪责也。世应持金虎鬼动，与金虎鬼动伤世应，或世应持财，木鬼旺动来合者，皆杖罪也。责之多少，以一水二火三木四金五土之数推之。旺相加倍，休如数，囚死减半也。罪之轻重，以鬼之衰旺定之也。龙兄动克世应，罚而不责。虎兄动克世应，责而又罚。世应居六爻，受寅木鬼刑伤者，枷号也（寅木为枷，五爻为头）。世应居三爻，受卯木鬼刑伤者，杖责也（卯为竹板，三爻为臀）。世应居初爻，持木鬼，动化木鬼者，夹棍也（初足）。世应持蛇兄居五爻动者，徒罪也（五为道路）。世应居武兄，居六爻动者，流罪也（六为边塞）。世应持兄，加金虎刑刃大杀，动逢死绝者，死罪也。鬼谷百问篇曰，卦无子孙，而鬼临世应在外动见二亡神，在归魂卦者，徒罪。见三亡神，在游魂卦者，流罪（景纯云，亡神重叠刑冲，徒流千里）。见四亡神，加刑刃大杀虎鬼克身世命者，死罪也（四直皆有亡神）。又噬嗑明夷卦，杖责也。屯蒙大壮卦，囚击也。涣解卦，事散也。又世应在巽宫，带蛇鬼蛇兄动者，必遭縲紲也。又世应遇朱雀天刑来并合，或世应随官入墓，或世应持兄加天狱地狱牢狱入狱杀动者，俱主监禁也。黄萝菴曰，欲知何日囚禁，但世应在艮宫，受何日害者，即知此日入狱也（艮为狱门）。如世应属申亥害，申亥日入，世应属子未害，子未日入也。又凡动爻刑害身世者，遇刑害日入狱。如动爻是午，午刑午害丑，俱午日入也。如动爻是卯，卯刑子，卯害辰，俱卯日入也。又如八月卦，戌爻动，戌害酉，戌日入。酉爻动，酉刑酉，酉日入也。十二月卦，未爻动，未刑丑，未日入也（余仿此）。欲知何日出狱，世应入墓者，刑冲墓爻之日出也。世应衰病者，生旺之日出也。世应死绝者，逢生之日出也。世应旺相者，值日之日出也。鬼克世应者，鬼衰绝，而世应生旺之日出也。欲

知囚禁因何得出，太岁冲克官，而生合世应者，遇恩赦而出也。月建冲克官，而生合世应者，上司有释而出也。日建冲克官，而生合世应者，宜求当道也。日辰动克天刑者，宜求郡守也。时建冲克天刑者，宜求县令也。日辰带大杀动克天刑者，宜求监司也（监司掌生杀之柄）。又求情脱罪者，以官鬼为用也。官鬼不空墓绝胎破，而生合世应者，终赖其力也。诤人求情者，以应爻为用，应生世合者，吉也。

## 六、审问

世旺应衰日，可审也。克应生世日，可审也。世临死墓绝胎日，不利审也。官现动，即审也。卦无官，则官值之日审也。官旺则墓绝之日结也。官衰，则生旺之日结也。官空墓胎，逢冲之日结也。官逢冲者，官有事而未审也。加龙喜，因喜事停留也。加病符，因疾病停留也。在游魂卦，加马动者，有远出参谒之事而未审也。官加虎劫动伤世应者，官必叵测，不遽审也。日辰加兄动克世应者，吏人索诈而稽迟也。勾临初六爻动者，取邻里公结而审也。日辰刑鬼者，上司有言责事稍缓也。卦无父，无案卷也。父旺空，文书未就也。应带父动克世者，彼心随招再诉也。世持旺鬼冲克应者，我欲讼后再告也。

## 七、批评

官爻不空不动，与父爻不冲不动，或虎子动伤鬼者，俱依拟也。卦六合者依拟，卦六冲者，驳回问也。父官两动者，驳问也。父加岁月动者，上司弔卷也。父逢岁月冲者，上司驳问也。鬼克世者，批我罪重也。鬼生应者，批彼罪轻也。父龙动，批辞平恕。父虎动，批语加刑。父勾蛇动，语多牵累。父化父，官化官者，另批衙门也。兄化兄来伤世应者，更多欲也。

## 附断例

己丑年癸酉月甲申旬戊子日，占讼事，得观之艮。世应俱值旬空，两家皆宜退悔。但问官有欲耳，盖卯财动生，巳官又犯月破，化爻申兄，又克财合官，必有人代官府索贿者。木三数衰空减半，进一百五十金，则可散矣，后果然。

庚寅年戊寅月甲戌旬己卯日，占讼事，得观之剥。若自己讼未到官即散。盖世下伏兄虽动，喜值旬空，又被日冲，旁爻子孙持世，子动伤官，又助岁月刑官，此讼决然罪归他人，不干于己。又况经曰，世动自消，不成凶象乎。若已出官者，则子动伤官，决然归犯官吏，罪可立待。纵财伏官下，多进金银，不过轻减尔。

庚寅年己卯月甲午旬戊戌日，占讼事，得豫之小过，世坐未土财，勾陈为田土，岁月克之，日辰刑之，间爻兄弟又动克之，此讼当经三四番费用，囊橐告匮。至于鬻田而后已，然应爻生世，卯兄化绝于中，五爻申官，带贵马龙德解神，不成凶象。破财之后，终得调息，不成大祸也。

庚寅年辛巳月甲申旬壬辰日，占讼，得需卦安静。本宫卯官，克世下丑土，卯官伏辰兄下，辰土兄弟自刑，日辰并起，此决争婚夺财之事。盖兄弟为劫财之神也，又况亥财自刑更伏兄下，此讼沾身，不得脱也。然官鬼克世，世上金子，虽值时空，犹得辰日生气，本宫酉子，虽为自刑，犹与辰日六合，故未到官者，可散也。已到官者，理决难伸，反能生祸，以子孙伤官故也。

庚寅年，甲申月甲子旬乙丑日，占讼，得震之豫。值金宫正旺，初爻水父，动遇长生，世应辰戌又冲，其讼紧急。喜子水变未土财回头克之，若能用财贿于吏书差役之属，买得宽缓，此讼可和，以世应比和故也。

庚寅年戊子月甲子旬丁卯日，占讼，得睽之归妹。六爻寅官动，十一月水旺木相，卯日占，木又旺，况寅官与卯日，共克世下戌土，为三合六合，故目下事急也。父母为文案，本宫寅官，伏巳火文书下，冬月火空，而日辰生之，最急。动爻寅官，又生巳火，复刑巳火，此决官要行文书，吏欲阻而未能也。又木宫午火文书，合世下戌土，又火墓戌中，故午虽自刑，不可以文书有伤断。然此文书伏卯官下受生，却是紧急。盖本宫官伏文书下，本宫文书伏官下，此讼必经上司衙门方得遣断。占者曰，讼者已禁县狱，密行贿赂，可说乎，曰不可。旁爻酉子，持世自刑，又被卯日一冲，若使人乞禀，其官愈怒也。本宫申子，又伏墓丑土下，人亦敢去说，此事必解上司，罪重难免也，后果然。

## 逃亡占

游南子曰，逃亡之人亦有辩。有君子而逃亡者，或以诬误，或以遂性，或以全身而远害也。有小人而逃亡者，或因事败，或避刑宪，或以背义而党恶也，在他人则视应爻也，在一本九族，则视五属也。在仕宦，则用官鬼。僧道，则用子孙。奴视子孙，婢视妻财，朋友视兄弟。其有所窃而盗者，则视玄武与官鬼也。

## 鬼谷分爻

外省

州府

在县

在镇

在市

在乡

## 一、远近

用居外卦则远，用居内卦则近也。用出现者近，伏藏者远也。本宫化本宫者，不远。归魂卦而应爻静者，不远。游魂卦而应爻马动者，渐远也。

## 二、向方

用居乾西北，坤西南，巽东南，艮东北，坎北，离南，震东，兑西也。用值子北方，丑寅东北方，卯东方，辰巳东南方，午南方，未申西南方，酉西方，戌亥西北方也(卦空则看支神)。

## 三、里数

用甲己子午九，乙庚丑未八，丙辛寅申七，丁壬卯酉六，戊癸辰戌五，巳亥常加四之数推之。如用临甲子，近则二九一十八里，远则九九八十一里，旺相加倍，休如数，囚死减半言之也。

## 四、匿何家

用加雀贵，官吏之家。雀加金刃，军匠之家。入木，巫祝之家也。用加虎贵，武弁之家。虎加金刃，屠刽之家。加丧门吊客，死丧之家也。用加武劫天盗天贼，盗贼之家。带咸池红艳杀，娼妓之家。入水，舟子网罟之家也。用加勾，里役耕种，公差之家。用加龙，礼义豪富之家。龙加喜，婚姻庆贺之家。龙加官贵，仕宦之家。用加蛇，不务农业，九流艺术之家(群见身命章内)。用与间爻动合，原中媒保之家也。林开曰，看世下伏神，伏官加贵，则仕宦。加刑刃，则军匠屠宰之家。伏子，僧道寺观。伏财，妇女娼家。伏兄，同伴朋友家。伏父，亲戚尊长家也。

## 五、匿何地

用水动，船舫水阁。用木动，上船登楼。用金动，瓦屋夹壁。用火动，开市窑冶。用土动，坟墓城塔也。又君平占逃亡，得纯乾，六爻俱动，见纸上六圈，抚几曰，必在六层塔上，索之果得。

## 六、见否

用动难见，而静易寻也。外生合内，应生合世，有归心也。外冲伤内，应冲伤世，无回意也。旺世克衰应，飞神克伏神，可觅也。伏克飞，或用临空绝墓胎，或用加马旺动者，难觅也。用居五爻动，带退神，或化退神者，半途而返也。用居六爻，旺静无冲破，一去不返也。用爻动化用爻者，归亦难留也。日辰，动爻变爻，生合用爻者，纠伴同去也。日辰动变刑害克破用爻者，为人所阻也。应爻用爻生合世爻而安静者，心本怀归，但逢冲动应用月日起程，生旺月日必到也。卦六合者，彼深藏而宜细访也。卦六冲者，彼出游而遇诸途也。

## 附断例

庚寅年壬午月甲戌旬辛巳日，占婢，走失，得无妄之履。财伏世下，飞神生之，终必得见。二爻木兄独发，化出兄爻，且临玄武，必从后门出。有东方草木姓氏人家兄弟二人收留之。而兄生世子，必自送来。但嫌财伏应下合住，待次日壬午，冲开子合，生起伏财，果有东门蒋姓兄弟，送归此婢也。

## 遗失占

游南子曰，物之得失，洵有数焉。有失而不可复得者，有初失而终得者。先察其为何物也，次推其遗于何所也，次审其为何人所得也，次究其何人共闻也，然后定其何时可见，与夫终不可见而已。

## 鬼谷分爻

珠玉

金银

铜铁

绫罗

絀绢

布帛

## 一、取用

珍珠大豆布帛石灰，子财为用也。锁钥斗斛靴履牛驴，丑财为用也。神像花衣棺槨竹木织机猫，寅财为用也。门窗藤芦花草幡旗香盒床榻，卯财为用也。碓碾磁器缸埕，辰财为用也。字画花果砖

瓦飞鸟，巳财为用也。书史炉鼎旌旗衣架文书马，午财为用也。笙簧酒食印信药饵羊，未财为用也。刀剑经文羽毛死尸姜蒜大麦纸猿，申财为用也。五金玉石器小麦皮毛门锁石仔玉佛鸡，酉财为用也。枷杻碓磨旧服犬，戌财为用也。小儿醉人帐幔笔墨伞笠醋酱猪，亥财为用也。衣服印绶舟车器皿，父母为用也。禽兽鳞介生气之物，子孙为用也。绫罗缎疋丝绵，火财为用也。如用爻不现，又不伏者，则取分爻为用也。初爻网罟履踏棺椁校械也。二爻耒耜台桌盘盂简册碓碾也。三爻算节笔砚舟车弓矢镜奁也。四爻铜铁规矩准绳尺丈斗斛也。五爻金银琴瑟文书圭璧印节轮磨也。六爻珍宝门窗梯棚筐筥斧钺权衡也（参洪范皇极杂象图）。

## 二、遗处

财居内卦，家中失。财居外卦，他处失也。近处求之者，初爻井侧也。二爻，灶下也。三爻，闺房也。四爻，门厕下也。五爻，道路香火下也。六爻，栋柱墙篱亭阁宗庙中也。财伏水下，沼沚中也。财伏木下，柴薪内也。财伏金下，砖石中也。财伏火下，炉灶间也。财伏土下，泥坎中也。亥福化财，当检猪栏。丑财化福，宜探牛圈也。未在羊牢，午为马厩，戌则狗囤，寅乃猫笼，酉为鸡垛，子是鼠窠，巳为蛇穴也。财伏父下，衣笈书箱也。财伏子下，窗前牖下也。财伏财下，仓库厨灶。财伏鬼下，厅堂坟庙也。财伏兄下，坑厕门墙也。远处求之者。财在乾西北，寺观高楼城垛也。财在坤西南，坟墓荒郊大舆也。财在震东方，船枋木行造作砍伐场中也。财在巽东南，鸡鹅市竹木花园菜圃也。财在坎北方，盐场鱼市池井沟坑江湖边也。财在离南方，炉冶窑灶闹市也。财在艮东北，山林骨塚打石樵柴处也。财在兑西方，庵堂酒肆废井缺坑羊市中也。

## 三、拾者

兄鬼外卦动，外人拾去也。兄鬼内卦动，家人拾得也。财伏父下，内则父母伯叔，外则亲戚尊长也。财伏兄下，内则兄弟，外则朋友也。财伏财下，内则妻妾妯娌婢仆，外则妇女六婆也。财伏子下，内则子孙卑幼，外则僧道医士捕人也。财伏鬼下，内则公姑病人，外则职官役吏军匠牙中媒妁无良小人也。

## 四、知情

以福德动为主也，福临子水动，问黑衣秃头男子，及钓鱼人也。福临丑动，问耕夫牧牛人也。福临寅动，问青衣童子草木姓氏人。福临卯动，问青衣属兔妇人。福临辰动，问黄衣属龙男子，及锄麦地拜坟肩竹木人。福临巳动，问红衣人，衰墓老年，生旺壮年，胎养幼小，带杀则屈脚妇人也。

福临午动，问红衣男子，旺相，问铜铁匠，休囚问挑柴炭人，带马，问骑马人也。福临未动，问土傍姓氏，属羊贩羊牧羊人。福临申动，问白衣男子，及军匠弄猢猻人。福临酉动，问白衣女人，及卖酒贩鸡驱鸡人。福临戌动，问狱吏扶杖荷戈荷锄牵犬引犬人。福临亥动，问黑衣女人，执伞着簑笠人，或挑水洗衣贩猪驱猪人也。

## 五、见否

外财旺动者，远去也。内财无气，与财逢亡劫，及财动化鬼，或财爻伏藏，或财空死墓胎绝，或财被刑害克破，或财墓旺者，皆难见也。财爻出现旺静，与财化福，鬼化财，生合世者，皆可见也。又失物而物有气者，用爻生旺日时，可寻。用爻生旺方所，可寻也。如财带亡劫者，必被人窃去也。视兄鬼生旺墓方见之也。

## 盗贼占

游南子曰，占盗贼者。先占其来于何日也，进于何地也，偷时有何惊觉也。又推贼为何如人也，所窃为何财物也，从何方去，何人知情也。然后究其财藏何所，贼匿何家，何日出赃而获贼也，而盗贼之占备矣。

## 鬼谷分爻

省道

州府

县道

市镇

邻里

家贼

## 一、贼来日

凡坎宫水鬼动，或兄化鬼，鬼化兄者，或鬼临玄武，带天贼，动克世身，而又财动来助鬼者，皆主官爻生旺临值之月日失贼也。若不伤身世，是私房小伙有失也。鬼旺，大伙贼。鬼衰，是嬉偷小贼也。玄鬼旺动，带天盗劫杀克身世者，防劫盗也。日并武鬼暗动，或武下伏鬼暗动者，必应在

相冲月日。明动者不忌也。又武加天贼临财动者，但逢天贼临值之月，与爻神六合之日失贼也。

## 二、贼进处

木鬼动克六爻，穿穴跃垣而入也。金鬼动伤三四爻，挖门破户而入也。火鬼动伤二爻，厨灶下，劈开锁而入也。水鬼动克三爻，灌水灭灯，而入卧室也。子水鬼假作鼠鸣。寅木鬼假作猫跳也。土鬼动克五爻，涉溪越涧，从路傍入也。

## 三、惊觉

日辰冲克鬼者，贼被主惊也。日冲克金鬼，见灯复隐也。日冲克木鬼，铜铁器响而贼惊也。日冲克火鬼，追急而堕水也。日冲克土鬼，贼畏门户坚也。若见木动克鬼者，必开门响而贼惊也。日冲克水鬼，墙垣坚固而贼惧也。火动冲克金鬼者，灯外见贼也，或钻壁穿垣而主人觉也。水动冲克火鬼者，见亮头而主人惊起也。木动克土鬼者，风吹门响而贼惊也。金空动克冲木鬼者，闻人声而贼惊。阳金，男人声，阴金，女人声。值胎养，鬼啼也。值墓，老人嗽难下手也。土动冲克水鬼，壁倾墙倒，而主人惊起也。

## 四、何贼

世爻持鬼伏鬼者，贴身贼也。鬼加龙旺动，吏人也。衰动，则退职之吏人及牙人也。兄加玄武动，伏鬼化鬼者，输赌人也。财加玄武动，伏鬼化鬼者，非妻妾之亲，必奴丁也。在内，则家奴，在外，则他姓之奴也。子加玄武动，伏鬼化鬼者，内则子侄，外则僧道也。父加武动，伏官化官者，内则尊长，外则流落之文人也。鬼加玄武动，伏官化官者，远年积贼也。玄武动带刃劫者，强盗也。木玄武动化火者，明灯执棍也。鬼属阳，男子，或日来也。鬼属阴，妇人，或夜来也。鬼阳化阴，日至夜方偷，或男偷而藏女人处也。鬼阴化阳，夜至，日方退，或女偷而男人将去也。鬼旺，壮年贼。鬼墓，老年贼。鬼胎养长生者，童子也。阴鬼临胎者，孕妇也。囚在囚徒，病乃抱病人也。玄武刑冲克害身世者，有旧仇夙怨者也。鬼化福者，僧道同谋也。内外两鬼，动克世身者，内外两人合谋也，或家人勾引外贼也。外鬼动而内鬼静者，家内有人知情也。内外两鬼俱静者，但看何爻带玄武天贼天盗劫杀者，为正贼也。日辰，生合玄武，有惯贼做脚，防再来也，或有窝主，难获也。至问偷去是财物，详见求财占内。

## 五、何方去

以鬼所临之卦，定其何方去也。卦空则以鬼所值之支神定之。又水鬼外动，渡河去也。木鬼外动，乘舟去也。土鬼外动，陆行去也。火鬼外动，依官附势而去也。金鬼外动，扮作行乞人去也。

## 六、知情

以福德动为主。现前走失，占内动爻冲鬼者，有人报称也。雀父动生世者，有人传信也。兄动化鬼伤应，生合世者，同伴出首也。世下伏神带勾陈动者，贼自首也。

## 七、财藏贼隐

寻赃捕贼，看财爻鬼爻墓处也。金墓丑，东北方寻捕也。木墓未，西南方寻捕也。火墓戌，西北方寻捕也。水土墓辰，东南方寻捕也。财爻鬼爻，加龙动，隐藏在儒馆斋堂喜庆之门也。加虎动，隐藏于军兵屠刽死丧之家也。加勾动，隐藏于泥水土作田家也。加蛇动，隐藏于闲游无赖之家也。加雀动，隐藏于火场书纸铺与词讼之家。若伏兄化兄，则赌博之场。再逢兑卦，必梨园之所也。加武动，隐藏于窝主积贼之家。加咸池杀，则娼妓之家也。财爻鬼爻，在乾，隐藏寺观楼台城塔马厰也。在坤，隐藏坟墓仓库农牧老嫗家也。在震，隐藏船舫樵夫木客家也。在巽，隐藏草木菜圃竹林也。在坎，隐藏酒醋鱼盐沟渎井沼江湖之畔也。在离，隐藏炉灶明窗孔穴烟火文书之处，术士陶冶丝店经络之家也。在艮，隐藏山林路石土穴之傍，少男仵客之家也。在兑，隐藏于败垣缺瓦废井瓦砾之内，庵堂酒肆鱼池水阁之中也。又财内动，去不远。财外动，出外方也。财加勾土，藏土中也。财爻出现，逢生合而不空破，与鬼伏财静者，可寻也。财化鬼兄，或财墓旺，或财逢空绝，刑害克破者，难寻也。鬼逢冲克，而日扶合财者，财未失也。日合财动，与财化入墓胎者，藏于器皿，未入贼手也。下伏兄，或动化兄者，偷物被人捉去也。卦无财者，其物已曾变去也。子动克鬼，日時克鬼（日为官，时为吏），勾陈克玄武，飞神克伏神者（世下伏神为贼），可擒也。鬼冲动者远去，鬼静伏，不空破者，潜本地也。卦无子孙，与伏克飞神，鬼克日時玄克勾者，难捉也。子空鬼不空，彼虽在而不获也。鬼动子不动，贼已见而难擒也。飞伏相生化和者，难擒。伏带劫刃大杀克飞者，急追而反被贼伤也。卦无财而鬼空者，自遗失也。卦无鬼而兄加龙动化鬼者，人借去而已忘之也。鬼静而财带亡神动者，自失被人拾去也。

## 八、何日追获

财鬼入墓者，刑冲墓日可追获也。静则冲动之日追获，动则合日追获也。鬼旺财衰者，鬼败财生之日追获也。飞神刑克伏，子动刑克鬼，勾动刑克武，动爻刑害鬼者，遇子孙，飞神勾陈动爻生

旺之日可追获也。日时刑冲鬼，动爻又生鬼者，必有人救护，待动爻受制日可获也。

### 附断例

己丑年壬申月甲子旬乙丑日，卜捕贼，得震之豫。申官出现，必可捕，但嫌墓于丑日，不免潜伏，况世财旬空，丑巳刑之，动爻子水，及金官，又与应下辰财三合，其贼有伴藏护也。然终必可提者，以应财辰土自刑，其赃决破捉获。子孙为捕人，临午自刑，被父鬼应爻三合水局克子孙，即捕捉中人，有与贼相通，使不得捕也。喜子水化未财制父合子，次日丙寅，必有妇人露机，因得捕获。盖丙寅为子孙长生之日，妇人者，未财来合午子者也。

## 《火珠林》

[宋]麻衣道人/著

简介 .....	1417
火珠林 .....	1417
火珠林序 .....	1417
火珠林跋 .....	1417
1. 易中明义 .....	1418
2. 六亲根源 .....	1419
3. 财官辅助 .....	1419
4. 独发乱动 .....	1420
5. 世应相克 .....	1420
6. 公私用事 .....	1421
7. 出现伏藏 .....	1421
8. 占财伏鬼 .....	1421
9. 占财伏兄 .....	1422
10. 财伏父子 .....	1422
11. 占鬼伏兄 .....	1422
12. 占鬼伏财 .....	1422
13. 官伏父母 .....	1423
14. 官伏子孙 .....	1423
15. 官鬼伏官 .....	1423
16. 出现重迭 .....	1424
17. 子孙独发 .....	1424
18. 兄弟独发 .....	1424
19. 父母独发 .....	1425
20. 官鬼独发 .....	1425
21. 妻财独发 .....	1425
22. 占身命 .....	1425
23. 占形性 .....	1426

24 . 占运限 .....	1427
25 . 占婚姻 .....	1427
26 . 占孕产 .....	1428
27 . 占科举 .....	1429
28 . 占谒贵 .....	1429
29 . 占买卖 .....	1429
30 . 占求财 .....	1430
31 . 占博戏 .....	1430
32 . 占出行 .....	1431
33 . 占行人 .....	1431
34 . 占逃亡 .....	1432
35 . 占逃亡方位 .....	1432
36 . 占失物鬼祟 .....	1433
37 . 占贼盗 .....	1433
38 . 占鬼神 .....	1434
39 . 占词讼 .....	1435
40 . 占脱事散忧 .....	1436
41 . 占疾病 .....	1436
42 . 病忌官鬼 .....	1437
43 . 病忌父兄 .....	1437
44 . 占医药 .....	1438
45 . 占家宅 .....	1438
46 . 占人口 .....	1439
47 . 占起造迁移 附：阳宅 .....	1439
48 . 占耕种 .....	1440
49 . 占蚕桑 .....	1440
50 . 占畜养 .....	1440
51 . 占渔猎 .....	1441
52 . 占坟墓 .....	1441

53 . 占朝国 .....	1442
54 . 占征战 .....	1442
55 . 占天时 .....	1443
56 . 占天道晴雨 .....	1443
57 . 占射覆 .....	1444
58 . 覆射物色 .....	1444
59 . 占来情 .....	1446
60 . 达人事 .....	1446
61 . 占姓字 .....	1447
62 . 占法卦数 .....	1449
63 . 易道心性 .....	1452
64 . 邵尧夫诗 .....	1452
<b>通玄妙论 .....</b>	<b>1452</b>
1 . 无鬼无气 .....	1452
2 . 绝处逢生 .....	1452
3 . 合处逢冲 .....	1453
4 . 随官入墓 .....	1453
5 . 逢冲暗动 .....	1453
6 . 助鬼伤身 .....	1454
7 . 六亲取用 .....	1454
8 . 断易总论 .....	1455
<b>阐奥歌章 .....</b>	<b>1455</b>
1 . 碎金赋 .....	1455
2 . 断易通玄赋 .....	1457
3 . 卜筮歌诀 .....	1459
4 . 神杀断例 .....	1464
5 . 阴暗雨晦章 .....	1464
6 . 禾苗田地章 .....	1465
7 . 住居宅第章 附风水 .....	1466

8 . 移徙章.....	1471
9 . 坟墓章.....	1471
10 . 身命章.....	1472
11 . 六亲章.....	1472
12 . 婚姻章.....	1473
13 . 胎孕章.....	1474
14 . 蒙童章.....	1474
15 . 教授章.....	1474
16 . 儒业科举章.....	1475
17 . 仕宦章.....	1475
18 . 国事章.....	1478
19 . 僧道章.....	1478
20 . 求财买卖章 附人口交易.....	1479
21 . 出行章 附关津.....	1480
22 . 行人章 附音信、健否.....	1481
23 . 六畜章.....	1482
24 . 蚕桑章.....	1483
25 . 舟车章.....	1483
26 . 疾病章.....	1483
27 . 医药章.....	1484
28 . 词讼章.....	1485
29 . 盗贼章.....	1486
30 . 断易总诀.....	1486
<b>天玄赋.....</b>	<b>1486</b>
1、总论提纲.....	1486
2、身命章.....	1487
3、伉俪章.....	1490
4、六甲章.....	1493
5、求仕章.....	1494

6、词讼章.....	1496
7、盗贼章.....	1498
8、求财章.....	1500
9、出行章.....	1502
10、行人章.....	1503
11、家宅章.....	1505
12、香火章.....	1507
13、六畜章.....	1507
14、田蚕章.....	1508
15、雨晴章.....	1509
16、国朝章.....	1510
17、疾病章.....	1513
18、地理章.....	1516

## 简介

《火珠林》是火珠林卦法的代表作。有两种本子，一是明《永乐大典》引用的本子只存一些片段。一个是清刊印的本子。本书收录的是清印本。《火珠林》成书年代当在唐末宋初。麻衣道者是唐末宋初人，相传为陈抟的老师，善相术，为中国历史上术数名人。《火珠林》是否就出于麻衣道者之手，尚不能定论。

《火珠林》提出了“卦定根源，六亲为主”，主张用五行生克刑害，合墓旺空等进行断卦，继承了京房易的理论，又为后来卜筮的传播打下了坚实的基础。后人称这种筮法为“火珠林”法，原因就在于此。

《通玄妙论》未题撰人，可能为宋元时期作品，所论皆为火珠林法断卦总则。

《阐奥歌章》，未题撰人。本书前半部分记录了断卦歌诀二十五条，都是火珠林卦法总则。明清以来江湖术士皆能背诵，有很大的实用价值。后半部分分专题论述具体断法，较《火珠林》更为细微。

《天玄赋》未题撰者，考其内容，当为宋元之间作品。

## 火珠林

### 火珠林序

易以卜筮尚其占，该括万变，神矣妙矣。继自四圣人后，卜以钱代蓍，法后天八宫卦变以致用，实补前人未备之一端，见京房易传，未详始自何人。先贤云：后天八宫卦变六十四卦即火珠林法，则是书当为钱卜所宗仰也，特派衍支分人争述，炫奇标异，原旨反晦，今得麻衣道者钞本，反复详究，其论六亲财官辅助，合世应日月飞伏动静，并克害刑合墓旺空冲以定断，与时传易卜，同中有异，古法可参，如所云卦定根源，六亲为主爻，究傍通五行而取，即京君明海底眼，不离元宫五行向推之旨也。又云：惟以财官伏五乡而定吉凶，以世下伏爻为的，即郭景纯飞伏神，以世爻为准，卦卦宜详审之之诀也。中间条解详明，圆机触握，盖易贵通变，尤贵玄微，是书洁净精微，真易卜之正义也。至神而明之，存乎其人，是在善于学易者。

古歆吴智临序。

### 火珠林跋

案火珠林见于宋马端临通考经籍志者一卷，陈氏曰无名氏金卖卜掷钱占卦，悉用此书，宋史艺文志，载六十四卦火珠林一卷注，不知作者。朱子语类曰：今人以三钱当揲蓍，乃汉焦贛京房之学，

又云：卜卦之钱，用甲子起卦，始于京房，项平甫亦云，以京房考之，世所传火珠林即其遗法。火珠林即雕单重拆也。荆溪任钓台，婺源江慎修诸儒亦以后天卦变六十四卦，即今火珠林法，则火珠林为自宋流传之书，信矣。顾通考宋志，俱不知撰人名氏，是本题麻衣道者，考麻衣唐末宋初人，苟其所著，宋人何以不知，且《卜筮元龟》系宋以后之书，篇中何由援引篇末问答，不应自称名而系邵子之诗，岂古有是书，后世术家假名而附益之欤，然其论断以财官伏五乡而定吉凶，以世爻飞伏为准，以干占天，支占人，纳甲占地，公私两事，专取财官，微而显，简而赅，一滴真金，源流天造，非挾易传洞林之秘钥者不能也。今卜师筮人惟知俗传《易冒》《易林》《易隐》及《增删卜易》《卜筮正宗》诸书，占事十无九验，若读刻而精研之，出而垂帘都市，常必有诧管辂复生，严遵再出者矣。然则世固有能作是书者乎，虽非脉衣，是即脉衣之□也已。

大清道光四年，岁在甲申仲春月上浣白岳麋生程芝云识于洲湖之小输廖馆

## 1. 易中明义

**四营成易，八卦为体；**

**三才变化，六爻为义。**

注云：书有三而异用，卦皆八以为经。一曰《连山》，二曰《归藏》，三曰《周易》。自秦焚书坑儒，《连山》、《归藏》不传于世矣。又云：一曰治天下，二曰论长生，三曰卜吉凶。夫三才者，天干为上，能占九天之外，日月星辰，风雷云雨明晴之事；地支为中，能占九地之上，山川草木，人伦吉凶，否泰存亡之事；纳四象，四象生八卦，所谓四营成易也。

又问：纳音为下，能占九泉、六道、四生、虚无等事？答曰：六十甲子生成，变化而行鬼神，是故天干管天文，地支管人事，纳音管地理。如乾卦初爻甲子动，占天文主风；占人事主子孙，六畜、花木、酒饌、忧喜等事；占地理，六穴中有石之类。如占葬地，得姤之鼎卦，掘地五尺土中有石，其色大赤，离穴四十步，西南近柳树，当有伏尸，葬出刀伤之人，并主火灾。问曰：如何断之？答曰：世持辛丑，土伏甲子金，世下伏金，是土中有石也。巽下伏乾，是乾为大赤也，第五爻壬申化己未火，火克本宫为鬼，是伏尸鬼，申化未是西南方也。掘下五尺见石者，土类五也。离穴四十步有伏尸者，壬申金，重数四，加丑未土类五，二五成十，并申金四是四十步也。出刀伤人者，壬申乃剑锋金也；主火灾者，己未化火，未克辛丑世也。树旁者，己未火鬼，与壬午木合住，壬午乃杨柳木也。

又请占崇例为式，答曰：如遁之姤卦，此卦是子孙鬼，一男一女为钗钏等事物来沉滞，男儿赤，性燥，女儿洁白，性刚；其坟墓现在西北，恐有动犯，告之则吉。问曰：何以知之？曰：二爻丙午

火是鬼，化辛亥水是子孙，丙午纳音属水，化辛亥又属水，如二乾宫子孙，故曰子孙鬼也；一男丙午，一女辛亥也；火主赤，金主白，火燥金刚，皆以五行之性言之也；为钗钏者，辛亥乃钗钏金也；言坟墓在西北者，水墓在戌，又火绝在亥，亥，西北也；墓有犯者，艮属土，化巽为木，木去克土山。

## 2. 六亲根源

**卦定根源，六亲为主；**

**又究旁通，五行而取。**

注云：根源者，八卦之宫主也。而原有六亲旁通者，六爻之飞象也，而上下相乘。五行者，金水木火土也。而定四时六亲者，主宫也。六爻，父、子、兄弟、妻财、官鬼，定一宫管八卦，七卦皆从一宫出。旁通者，上下宫飞象六五也。盖本宫在下为伏之六亲，旁宫在上为飞之六亲，如六壬课有天盘、地盘。先看六亲之下，后看六亲之上，所乘得何爻，而辨吉凶存亡也。

或问：六亲为主，父母、兄弟、妻财、子孙、官鬼，只有五件，而曰六亲何也？答曰：卦身当一亲。问曰：如何为卦身？曰：阳世则从子月起，阴世还当午月生，此即卦身也。而《元龟》以月卦言之，所以吉凶不应。问：卦身亦主甚吉凶？曰：如本卦世空，却去看身，岂为无用？

又问：何谓旁通？曰：本宫之六亲在飞象之下，为之亲王，为之伏神。旁宫之飞象加伏神之上，为飞象，亲爻世下之爻为伏。知飞伏二爻之来历，然后可与言八卦、六亲矣。

注：《元龟》指《卜筮元龟》，宋代著名卜筮用书。

## 3. 财官辅助

**财官异路，可辨五乡；**

**用有辅助，类可忖量。**

注云：财者，妻财；官者，官鬼。是故至柔者财，至刚者鬼。而有辅体，辅体者，用官鬼以父母辅之，用妻财以子孙辅之；值旺相为有气，休囚为无气，得生扶为吉，克破为凶。

春，寅卯木旺，巳午火相，亥子水休，申酉金囚，辰戌丑未土死。

夏，巳午火旺，辰戌丑未土相，寅卯木休，亥子水囚，申酉金死。

秋，申酉金旺，亥子水相，辰戌丑未土休，巳午火囚，寅卯木死。

冬，亥子水旺，寅卯木相，申酉金休，辰戌丑未土囚，巳午火死。

## 4 . 独发乱动

**独发易取，乱动难寻；**

**先看世应，后审浅深。**

注云：乱动之法，思之最难。一看世上旁爻生财旺相，忌应爻克世；二看世下亲爻财官喜静；三看何爻最旺为用神，如发动，动要生世；四看独发之爻，旺相最急，休囚事慢。

官用，官鬼为主。伏旺动生世者出现发动，看变得何爻。父母为辅，喜生现发动者。

私用，妻财为主。伏旺动生世者，忌伏鬼下，并出现发动。子孙为辅，喜旺相发动者。

凡财官乘旺相，俱动，公私两用皆可成。

或问：世上旁爻生财旺相，下面注云忌应动克世，不知克世上何爻？又问：忽有乱动卦，世上与财官持世，如何断？答曰：岂不见又言二看世下亲爻，财官喜静，盖旁爻无财，官便去搜寻伏神之财官。

又问：既言世上财官是伏藏者，本静，何故言喜静？曰：汝看误矣！世下亲爻本静，或有冲克，即非静，故曰喜静，盖不欲乱动之爻去冲克之也。

又问：三看何爻最旺为用神，而注云发动要生世，何为用神？何为发动？曰：乱动之卦只取旺爻，旺爻即用神也。生克吉凶皆在此爻。若伏藏安静要旺相，若发动，却要生世之爻为用神，又不专泥旺相爻也。

又问：何谓伏旺生世者？曰：用此已发明，人自不察耳。伏爻要旺相、动爻要生世、官用取官、私用取私，如上篇却要辅助之爻发动，时人并作一句读之，所以失其义也。

## 5 . 世应相克

**旁爻持世，旺相得地；**

**应与动爻，不克方是。**

占财，子孙旺相，妻财持世；

占官，父母旺相，官鬼持世。

以上皆可许，忌应爻、动爻克之。世爻乃我家情由，应爻为彼之事理。

或问：应与动爻不克方是，竟不知克什爻？答曰：汝道不知克什爻？不克辅爻耳。

又问：忌动爻应爻墓克之如何？曰：占财要财爻持世，占官要官爻持世，若应又是世之墓，动又是世之墓，皆不中矣。墓是自墓，克是自克。

## 6. 公私用事

**阴阳男女，次策推排；**

**官用取官，私用取财。**

占病鬼祟，占失看贼，占求官事，占官词讼，占婚问夫，以上皆看官爻。占买卖财，占家事，占婚婢事，占求财事，占婚姻事，以上皆看财爻。

或问：言公私用事，只言财官，而不及父子兄弟，何也？答曰：天下之事，散而言之，纷若物色；总而言之，不出财官二字。占官必用父母，占财必用子孙。兄弟是破财之人，不为主、不为辅，何必看也？

凡卜筮者，但用心于财官，则括天下之理，此法简而最捷，若分支劈脉、琐碎求之，则万物纷然，无以折衷，用心多，功力少《元龟》“六神”之类是也。故吾捷法，惟以财官伏五乡而定吉凶，自然神妙。

## 7. 出现伏藏

**出现旺相，为久为远；**

**伏藏有气，只利暂时。**

现为重迭，为再用，为两事，财官两事出现旺相，可宜久远，若持世忌动。伏藏旺相，更看日辰透出，或伏世下，可取，虽成只利暂时，不能久远也。

或问：出现为重迭，为再用、为两事，何也？答曰：且如乾卦为主，后七卦皆从乾坤中来，其出现财是伏藏中而又出现也，岂不是重迭乎？故取占事为再用、为两事。

又问：伏藏有气，只利暂时？答曰：本宫财官伏世下，方可取，不伏世下，则不取也。旁爻财官非也，必要细看，不可忽□。

## 8. 占财伏鬼

**财伏鬼乡，买卖遭伤；**

**日辰福德，方始荣昌。**

财爻伏官鬼之下，乃财爻泄鬼无气，须是子孙旺相，透出日辰，或持世上方有，盖子孙能克官鬼也。

或问：兄弟能克财，官鬼不伤财，官鬼克兄弟，何故买卖遭伤？答曰：不晓其理，则断卦不灵。财伏鬼乡，财则去生官，财又泄气，况用财以子孙为辅，官鬼生你，父去克子，财爻内外受伤，故

买卖不能获利，反能伤财。若日辰是子孙，子能生财，克去官鬼；日辰是财，财能克父，使得出现，亦有财也。

## 9 . 占财伏兄

**用财伏兄，口舌相侵；**

**若在世下，旺相可成。**

财伏兄弟之下，本无气无财，却喜财爻旺相，贴世下透出，值日辰方有。

或问：用财伏兄，口舌相侵矣，缘何在世下又旺相可成？答曰：财伏在兄弟爻下，是财被他人把住，故生口舌。若伏世下，世持兄弟，我去克财，财又旺相，岂得不成乎？

## 10 . 财伏父子

**财伏父母，旺相得半；**

**财伏子孙，有气必满。**

财爻旺相，伏父母爻下，求财有一半。财伏子孙之下，世应不克，终是有财。若子孙旺相，父母爻持世应，亦不能克子孙，求财亦有。

或问：财伏父母旺相得半，不审何故？答曰：用财须子能辅财，财伏父下，则子不能生财矣。只有本等财，故曰一半。

又问：财伏子孙、世应不克，久必有财，是不克何爻？曰：不克子孙爻也。故下云，若子孙旺相，纵父母持世应，亦不能克子孙，求财亦有也。

## 11 . 占鬼伏兄

**用鬼伏兄，同类欺凌；**

**若不虚诈，人不一心。**

官鬼伏兄之下，为同类欺凌、不忠。若官鬼旺相，喜持也，透出日辰吉。

或问：用鬼伏兄？答曰：兄为虚诈，为口舌，又与同类为劫财。占官事而鬼伏兄，主同类欺凌，官府多诈、吏贴赚钱，所谋之事，到底脱空。若旁多官鬼旺相，持世、日辰是官鬼，方可用，盖官鬼能克兄也。

## 12 . 占鬼伏财

**鬼伏财乡，因财有伤；**

**官吏阻节，独发乖张。**

鬼伏财下，因财不吉，官吏阻节，须是官鬼旺相，伏世下，或与父爻俱透出，直日辰方许，又忌独发。

或问：财能生官，何故因财有伤？答曰：财固生官，但用官为主，必有辅之。父母为文书，官伏财下，财去克了文书，主官人要钱，文书有阻。

若官爻伏财，是世下，或父母透出，直日辰，如此可用。若父母持世独发，则重迭艰辛，事不济矣。

### 13 . 官伏父母

**鬼伏父母，举状经官；**

**若财世上，求之不难。**

鬼伏父下为官化文书，要贴世，或官鬼旺相，或文书直日，利经官下状及补名目之事。

或问：鬼伏父母如何处用？答曰：鬼伏父母，若在世下，方利下状赆补名目事；若在他处，则亦艰辛矣，盖父母为重迭神也。

### 14 . 官伏子孙

**鬼伏子孙，去路无门；**

**官乘旺相，透出可分。**

鬼伏子孙，只宜散忧，若用官，须是官鬼旺相，透出直日辰方可。

若子孙旺相，占看夫病即死。

或问：官伏子孙去路无门？答曰：羝羊触藩，不能进退，若官爻旺相在世下，世上旁爻子孙无气落空，则不如此断。倘子孙旺相，官爻无气落空，亦不如此看，可断有人关节，或官吏阻滞而已。

### 15 . 官鬼伏官

**官鬼伏官，小人作难；**

**若亲见贵，方许开颜。**

若官伏鬼下，乃关隔之象，又主小人作难，若得旺相相扶，亲见贵人可就。

或问：鬼伏官下乃关隔之象，主小人作难，何也？答曰：亲爻官鬼是贵人也，旁爻官鬼是吏贴

也，官人被吏贴遮蔽，不能出现，此所以小人作难也。

又问：若亲见贵人，如何又得开颜？曰：凡用官伏官，皆被旁爻所隔，若用官伏官之卦，但世爻动化官鬼父母。故宜动身亲去见官，官则用爻之神，父则辅助之物，于官有益，不至相伤，所以开颜也。

## 16 . 出现重迭

**出现重迭，还须旺相；**

**若乘土爻，更看勾现。**

世爻出现，乘父母官鬼，子孙妻财旺相可取，休囚不可取。若乘辰戌丑未，更看勾合何爻也。假令大有卦，甲辰父母持世，为杂气，能勾申子辰化水局，子孙不宜官用。

问：更看勾象，如何看？答曰：如火天大有，能勾申子辰水局，伤官者，以甲辰土父墓持世也。若不乘土爻，便不看勾象矣。

又如随卦，世持庚辰，能勾申子辰合水局，利干文书之事。

若中孚卦，世持辛未官墓，不能勾亥卯未官局，以艮宫亲爻寅木是官，卯木非官也。

## 17 . 子孙独发

**子孙独发，为退为散；**

**若乘旺相，亦可求财。**

子孙为伤官之神，发动利脱事，若乘旺相，亦可求财，出现更看变爻。子孙又为九流、中贵、福德、医药、蚕禽。乾和尚，震道士，兑尼姑，巽道姑，坎医药、离小士，艮法术，坤师巫。

或问：乾和尚等如何说？曰：乾为圆、为首、和尚圆顶象天也。

又问：子为和尚？曰：子孙在乾宫，其类神，乃为和尚也，余以类推之。

## 18 . 兄弟独发

**兄弟独发，为诈为虚；**

**若乘旺相，财破嗟吁。**

兄弟为劫财之神，大忌隐伏。动发主虚诈不实之事，凶不凶、吉不吉，若旺相，主口舌忧疑破财，如出现发动，更看变得何如，大怕化鬼爻，凶。

或问：兄弟为劫财之神，大忌隐伏发动，何也？答曰：隐伏看兄弟伏在世爻下也，不伏世爻下，

非为隐伏。动发者，兄弟独发也。

## 19 . 父母独发

**父母独发，重迭艰辛；**

**若乘旺相，文书可成。**

父母为重迭之神，大忌出现发动。若赍补名缺，求书札、取契，得旺相动发可成；若坐休囚，不可凭准矣。

或问：父母为重迭之神，何故为重迭？答曰：凡六亲只有一重，惟父母有两重，如祖父母、父母也，故父母发动，重迭艰辛。又问：如坐休囚，不可凭准？曰：父母发动，旺相尚自重迭艰辛，若休囚岂可凭乎？

### **附：动止章**

凡占官上马，看文书爻入墓绝日去，墓，藏也；绝，止也。占自身，或占父在外欲回家，看世又绝墓日动身。又看世持什爻，待日辰冲便归。如卦中化出爻来生合世爻，或去刑克冲害世爻，便是此事搭住，如财又是妇人类。

## 20 . 官鬼独发

**官鬼独发，为欺为盗；**

**若临吉神，功名可望。**

官鬼为官史，若求名遇吉神，必主立身清高，若临凶神，必主兴讼，贼盗弄魅害人之事。

## 21 . 妻财独发

**妻财独发，生鬼伤父；**

**问病难瘳，占亲无路。**

大抵财动克父，亦能生鬼；然财爻宜旺，不宜空；宜静、不宜动。惟占脱货，要财爻发动。如占婚姻，财动必克翁姑；占讼，主克文书，若财鬼俱动者，父有元神而翁姑不克，文书有成。

以上专论五乡公私两用，为卜易者提纲捷诀也。

## 22 . 占身命

**世爻为命，月卦为身；**

**得则富贵，失则贱贫。**

人之身命，冬至后占得阳卦阳爻为吉。假如正月占得二月卦为进，更加旺相禄马，有子有财，居于有德之位，诚为有福贵人，如冬至后占得阴卦阴爻不吉。正月占得十二月卦为退，兼以相刑相克、休囚又无财无子坐于不吉之爻，则为贫贱下命，俱以得时为吉，失时为凶也。

## 23 . 占形性

**外卦为形，内卦为性；**

**若占其人，以用而定。**

以外卦为形貌，内卦为性情。

乾在外，头大面圆，逢克则破相；在内，心宽量大。

兑在外，则和悦多言；在内则心小胆大。

离在外，文彩；在内聪明。

震在外，身长有须；在内心暴不定。

巽在外，身长有须；在内心毒而忍，安身不稳。

坎在外，形黑活动；在内心险多智。

艮在外，其头上尖下大；在内心志固执。

坤在外，厚重；在内主静，逢凶则鲁钝。

**再以五行随卦之金木水火土通论：**

金为人洁白贞廉、骨细肉腻，声音响亮。为性不受激触，处事多能，好学，好酒，好歌唱，如带煞重乃武夫，或多武艺。

木主人物修长，声音畅快、须发美、眉目秀，坐立身多欹侧，为事窒塞，无通变之谋。如死绝则人物瘦小，发黄眉结，柔语细声，不能自立人也。

水为人背小团面，色或焦，行动摇摆。为性大宽小急，处事无定见，喜淫、好酒，少诚实。若带吉神贵福者，乃志量广大，包含宇宙之才也。

火人面貌上尖下阔、印堂窄、鼻露窍、精神闪烁、语言急速。性躁、声焦，其色赤或青不定。坐须摇膝，立不移时，临事敏速，旺乃聪明文章之士。

土人头圆、面方、背方、腹阔。为性持重，处事沉详，语言简默，动止不轻。如遇墓绝，乃块然一物，无智无谋无能之愚人也。

**论女人性形：**

金财端正德贞洁，美貌团圆似明月，心性聪明针指高，肌肤一片阳春雪。  
木财妖态胜仙娃，能梳云鬓似堆鸦，身体修长眉眼秀，金莲慢把翠台遮。  
水性为人多变更，未有风来浪自生，若加玄武咸池并，巧似杨妃体态轻。  
火财为人心性急，未有事时言便出，鬓发焦黄骨肉枯，夫妇和谐难两立。  
土财不短亦不长，绝美人才面色黄，若逢吉曜生佳子，性慢言悒福寿昌。

## 24 . 占运限

**大小二限，从初世起；**

**阳顺阴逆，六位周流。**

卦之大限，以阳世为顺，阴世为逆。阳顺则自世而上，阴逆则自世而下。每一爻管五年，周而复始。逢生令则吉，遇刑伤则凶。

其小限一年一位周流而已。

假如丁酉年七月甲午巳巳时，占得大壮，自一岁在世上，至六岁与十岁在六五，至十一岁在上六，至十六在初九，二十一在九二，二十六在九三，甲辰比肩但二十七岁小限在上六，故曰大小二限并兄弟，必先伤妻而后破财，余仿此。

又有以本体为初，互体为中，化体为末者。

又有以本卦管三十年，每爻五年，以之卦管三十年，每爻五年，学者亦可参之。

## 25 . 占婚姻

**喜合婚姻，世应宜静；**

**财官旺相，婚姻可成。**

世应有动便不成，男家娶妻看财爻，代占同。女家嫁夫用鬼爻。忌动出现，怕冲，若旺相可成，世应相克不久。世夫应妇。又看何人占之，占夫忌子孙发动，子孙持世不成，占妻忌兄弟发动，兄弟持世不成。间爻为媒，父母为三堂，子孙为嗣，宜静。卦无子孙不欢喜。

或问：世应有动便不成何也？答曰：世动男家进退，应动女家不肯，世应有空亦然。

问：忌二字动，忌何爻动也？曰：财官二字。

何为三堂？父母、兄弟、子孙也。

凡财爻与兄弟合，此妇不廉；五爻持鬼，此妇貌丑；财伏墓下，主生离死别；财伏鬼下，主妇人带疾，兄伏鬼亦然。财伏兄下，主妇人淫荡；鬼伏兄下，主男子赌博；身爻值鬼，主带暗疾，此

又不传之妙。

占妻看财爻，宜静；占夫看官爻，宜静。阳宫端正、阴宫丑陋，在飞上应头面四肢，在飞下应拙不稳。男占得震巽主再婚；女占得坎离主再嫁。妻在间爻，女有亲为主婚；夫在间爻、男有亲为主婚，但得时旺相，皆许成。出现忌日冲，世动，男不肯，应动，女生疑。用神如发动，成也见分离。间动有阻隔，或是媒人作鬼，如占女人妍丑。第五爻为面部，如财福旺相持之，绝色。父母次之，兄弟持之，貌丑陋不妍。上六爻为头发，如火坐之，主鬓发焦黄色。看大脚小脚，专看初爻，初爻是阳，主大脚，初爻是阴，主小脚，重化拆半扎脚。变化单先缠后放。

### 附：占婢妾

专以财爻为主象，财爻旺相便吉，若动出官来，主生病招讼，动出兄来，主口舌；若兄爻财爻合住，主有外情不良。如有爻象与财爻三刑六害，必主因此成讼；财化子性善；财化官带疾；财化兄主淫荡不良；财化父老成；财化子，性迟缓不管事。

定妇人、女子，看财福二爻，生身世无冲克是女子，财福生官兄，或官兄旺动是妇人。

凡占雇取仆从亦用财爻为主象。财不可太过，又不可无财并空亡，若如此，慵懒不向前。子化财，为人纯善；鬼化财、带疾；兄化财不诚实，多说谎瞒骗人家；父化财，性重作事稳，财化兄，多淫荡难托财。又看身爻，身是鬼主有疾；身是父，主识字；身是兄，多说谎，身是子，主慈善。身是财最好。如化出鬼，主生病、招口舌；化出兄，主口舌不稳。

## 26 . 占孕产

**孕看财爻，胎加龙喜；**

**旺相为男，休囚是女。**

产孕须寻龙喜胎神。白虎临于妻财旺相，为男；休囚女。

乾兑坎离在下卦，主顺生；震巽艮坤在下卦，主逆产。盖乾首、兑口、坎耳、离目在下为顺，以震足、巽股、艮手、坤腹在下为逆也。

假令乾宫子孙以水长生在申，到午为胎爻，三合寅午戌三日内生也。

要知男女，胎爻属阳生男，胎爻属阴生女，坤卦六爻安静生男，此乃阴极动而生阳，又不可专泥也。

凡占老娘看间爻，持财子老娘手段高，持父兄官手段低。占奶子，看财爻旺相有乳食，财爻地气或空，乳少。

## 27 . 占科举

**科举功名，于求进职；**

**皆取官多，旺相必得。**

凡占赴试、谒贵、面君、参官、到部谋干事，看世上有无文书。若父母旺相，可许。但官爻旺相，便吉。忌子孙持世，不中。占赴任，子孙持世或独发，必不满任也。

或问：看世上有无文书，何也？答曰：此专用官为主，用爻为辅，所以要父母在世上也。以文书为主，要文书持世无刑克太岁贴身，必作状元。

凡占试，以鬼为主，看伏在何爻下，要日辰生扶合出。且如春占剥卦，官在文书爻下，有气，日辰合出，主试中试。求职请判，宜官鬼出现，忌动发，在任宜鬼静，鬼发有动，子动有替。

若六爻中只有一爻动最吉。兄动，事不实，难成。若现有气，可速成，怕落空。易云：动爻急如火。次或出现文书与贵人。但卦中原无或不入卦，或落空，其事难。官与文书俱旺相，亦要持世方可成。应又不克，事体分明。乾兑坎官，谋事不一，见官用动，其人多出，见亦生嗔。

## 28 . 占谒贵

**官鬼为主，世我应彼；**

**世应相生，得遇和喜。**

凡占谒贵，以外卦取，外阳爻可见，外阴爻不见。阴鬼阳世再见，阳鬼阴世已外出。

出现在家，忌外卦独发。伏藏应动，皆不见。看财爻旺相出现，忌动用官，看官爻，忌世应坐鬼，又须问见何人，看用爻为主。

谒见，用支出现旺相不动，在家；若空、冲、散，不在。世应相生合则吉，相克必凶。

世克应，或克用爻、皆致怨之象。当俯仰小心。应克世、或用爻克世，皆愿见，亦忧刑。应用相克不及相生也。卦有身，相见更看用爻，用爻生身尤好；卦无身又无用爻，或用爻空亡，终不见。

## 29 . 占买卖

**财福出现，买卖必利；**

**世应相生，交易可成。**

卦占买卖，惟要财福出现，如无不利。若是兄官发动于上爻，必知地头不吉。凶杀泊四五，途路坎坷多。

财支持世克身得利，发动克身亦利。外克内，应克世，易得财；内克外，世克应难得利。

内旺相，外无气，其物先贵后贱。

财旺相，主贵、宜卖；财休囚主贱，宜买。

兄财不利，鬼动贱发，月建临财则吉，官鬼临库，公财吉，私财凶。

卦有二身三身者，财当与人分共，本宫鬼化财可求，本宫财化鬼防失。

### 30 . 占求财

**财来扶世，求之不难；**

**财空鬼旺，千水万山。**

合吉神并世应，而六位有财可得。白虎临财已先嗔、临应也先嗔，比和则无关，鬼动则必经营也。应生世，虽无财亦可求，外生内、应生世，或比和不落空者，虽未有，尚有还财。子爻动彼自不还。死气财必长生日得。外克内卦宜出财、内克外卦宜入财。

将本求利，须要财爻持世，应旺相，有气，乃大吉。财爻无气，虽有亦无多。财爻空亡。其财决无，尤防破失。财爻生旺可倍加，休囚减半。逢冲，将入手有阻。

空手求财，虽有财爻，却要鬼旺方为全吉。如财爻旺相，卦中无鬼，虽财可求，实无可得。若有鬼无财，虽有高术，亦不得财。二者必用二全，方为大吉。父母化财，先难后易，财化父母，先易后难。财化兄弟，先聚后散，兄弟化财，先散后聚。

前卦有财，后卦无财，速谋有得，迟则无。前卦无财，后卦有财，迟取方有，目下未值。财之多寡，须凭爻之衰旺决之。

子孙为财之源，若加青龙发动，不问财爻衰旺，决可求谋，乃大吉之兆。父母动则子受伤，不能生财。财源已绝，若遇白虎同登，凶。纵其财旺生合世爻，只许一度，不可再图。

世为我，若财来生我，克我皆吉，乃易得之象；若我克财爻，谓之克退，财静犹可，若动，如入下逐高，不能及也。若世安静，财爻发动，生我、克我，此财来逐我之象，决主易求。

看得财日，须与日辰合方得入手。若旺相之财，墓日可得；无气之财，生旺日乃得也。

### 31 . 占博戏

**博戏斗禽，福旺物真；**

**财为利息，鬼动不赢。**

世应见鬼爻皆败，乃彼我不得地，世旺克应，我胜；应旺克也，彼胜。子孙妻财喜扶世，我胜。子孙旺相喜动。

或问：妻为我物，鬼为彼虫，如何取用？答曰：此言斗禽虫也。若转变之事，则不一同专，要子孙持世旺相，或独发便赢，若鬼兄财爻动便输。要知当日，俱以时辰取福德言之。

## 32．占出行

**远行出入，财旺大吉；**

**鬼旺多凶，持身最吉。**

财为行李，子为喜悦。凡鬼又持世，兄弟独发，鬼爻旺相，鬼墓贴身。游魂八纯，皆不可出行。

或问：游魂、八纯皆不可出行，如何？答曰：游魂主忘返，八纯主宾不和，故不利出入也。

动官行。世应俱动，宜速行，旁爻动，利行迟，八纯，不宜远行。世墓方大忌。

要看第五爻持世为紧，但宜财爻、子孙持世，或旺相动便好。

只怕鬼兄动。世爻化入墓，化出兄鬼，主有口舌，或主病。世空去不成，或动爻冲克世爻，便断此人伤我。如鬼爻，鬼贼官事。兄爻，口舌是非。父爻，船事不便，或文书等事。财爻动，当有财物之喜，子孙动，或化子孙，去有财喜。

## 33．占行人

**行人用财，鬼动必灾；**

**应爻坐鬼，无透不来。**

以财为用，亲爻为行人，旁爻为音信，持世立至，远三日，近、当日。财爻出现，旺相来速，休囚来迟。财爻伏藏，旺相，直日便至；旺相不值日未来。财爻出现，旺相宜墓月分方归。大忌应爻坐鬼，兄弟须是日，日辰透出安静，以财生旺日到，乱动以父母生旺日到。

初爻为足，二爻为身，身足俱动来速，第三爻动，难得来。父母为信。

或问：亲爻为行人，何为亲爻？答曰：财爻也，乃本宫之财，非旁爻财也。旁爻之财，但为信，而本宫之财为行人。

又问：三爻动如何难得便来？答曰：第三爻化出财爻，乘旺相动，便到；世空，行人便至；应空未有归期。

占家亲，在外以墓为归，若爻神出现，无日辰刑克，行人对待，若在远路，看用爻值月何建，以审行人，应空，过一旬，归魂卦世动，不来，或去别处。

凡占，必用爻三合日归，如子爻为用神，取辰日回，如不回，申日回，申子辰三合也。遇空不取。

若用入世墓，亦主回。应空有阻未至；世空便到。应持鬼去远。子孙、财爻持世，远三日、近二日便回。第五爻动出财爻或子孙爻，行人已在路上。

应动，行人发身了，亦看动出何爻。官鬼主有病；兄弟主口舌，或无盘费；父母动船中有事，主有信；财动便至；鬼爻旺相官事担任。

## 34 . 占逃亡

**逃亡看世，失物看财；**

**财动物出，世动难来。**

凡占人逃去，归魂自归，八纯卦在亲友家。一二三世易寻，四五世难寻。内动近，外动远。

占六畜、小儿，看子孙；失物，看财。应不动、财不动，兄不动，财不空。鬼不发或伏藏，可见之象。以上虽可寻，若卜得坤艮宫，财在大路，亦不能寻矣。

更问失何物，若失文书牌号，当以父母爻取。

或问：世爻动如何难来？卜八纯卦何故在亲友家？答曰：外卦是六亲出现也。

又问：一二三世易寻，何也？曰：一二三世，下爻去冲应，又外卦出现，故曰易寻也。

又问：世在五六爻难寻者？曰：外卦伏藏也，游魂主去远，归魂主自归。

## 35 . 占逃亡方位

**世宫为方，应宫为所；**

**归魂八纯，互换宫取。**

世爻之宫为方，一爻独发方可取方。归魂八纯以换卦宫取，乾互坤，坎互离，艮互兑。乾艮宫在山，坎近水，兑奴婢家。大怕鬼爻持世，应变出现鬼爻，乘旺相凶。

或问：世宫为方，何也？曰：如天风姤卦辛丑持世，巽宫乃东南方也。

又问：应宫为所，何如？曰：天风姤卦，应在壬午，宫在东南巽方，官人家也。

又问：归魂八纯，互换宫取，如何互换？曰：如占得纯乾去，看空，逃亡人在西南坤方也。又如兑卦，往东北艮方寻，艮卦往西方寻，此互换官方取。又问：震巽离出外必无归？答曰：震、巽属木，离属火，皆非藏之处者。下文乾坤艮兑而不及震、巽、离者，此也震，芦苇中或舟船中；巽，匠人处竹木中处；离，窑冶处，古庙里。

世与内动在近，应与外动在远。用神出现，以旺为方；用神伏藏，以生为方。丑东北，辰东南，未西南，戌西北。

又断应与用同，应是兄弟，本贯相识之家；应是官鬼。有勾引入出去，或官司去处；应是父母，投亲戚家，或入手艺人人家；应是妻财，奴婢、妓、弟人家；应是子孙，在寺观庙宇里。

## 36．占失物鬼祟

**阳鬼为男，阴鬼为女；**

**若是伏藏，返对而取。**

占贼占祟，以鬼阴阳为用，占主女男看得何官。如占贼，阳宫鬼出现，主男鬼；伏藏主女。阴宫鬼出现，主女鬼，伏藏主男。占祟，鬼无正形，但以支干取之。鬼动以单为少阳，拆为少阴，重为太阳，交为太阴。如分老少何人，但看应爻最切。

或问：若是伏藏，返对而取，何谓返对？答曰：用返对颠倒也。阳取阴，阴取阳之义。

又问：返卦时，何以知贼之巢？曰：但向鬼生方寻之。问：何以知鬼生方？曰：但看财爻伏何爻之下，如姤卦，财伏子孙下，在西北方，僧道小儿处也。

又问：何以定获贼之日？曰：看子孙旺日是也。

## 37．占贼盗

**若有两爻，可别单拆；**

**忽有独发，邻中可测。**

卦有两爻鬼者，以单拆分取之。六爻中一爻独发，亦可取父母为老，子孙为幼，兄弟为男，妻财为女，官鬼横恶，占贼过犯人。

或问：若有两爻，可别单拆，如何别之？曰：一卦两爻鬼，以单为阳人，拆为阴人。如俱为拆，只是阴人，鬼化鬼，乃过犯人也。

以应爻为主，财为财，鬼为鬼，出现最急，旁爻为次。凡财出现于五爻之下，不动可见。

非鬼为贼，独发爻亦可取，若有鬼为贼，更取日干为主，分辨老少。

凡占六畜，只以子孙为用，父母动则休矣。

凡失物专看财爻，本象要旺相不空不动，可见；如财爻空了、动了，是出屋也。更无气决不可见。

官鬼为贼，子孙为捕捉，兄弟为众，父母为衣服、文书，财为失物。

如子孙旺相，其贼必获：子孙无气或空，难获。鬼爻空，决寻不见。

六爻无鬼安静，非贼偷去，乃自失也。

财在内卦安静，旺相，物不失，必在家中；内外俱有鬼，偷与外人；鬼克世爻，主蓦然瞥见贼赃；鬼刑世，主贼再来，必有所损，宜防之。财化鬼，妇人为贼；子化鬼，小儿或出家（人）偷盗；鬼化鬼，过犯人拿；父化鬼，掌文书或老人为盗；兄化鬼，相识昆仲为盗，有多伴。

## 38 . 占鬼神

**休囚为鬼，旺相为神；**

**本象家亲，他宫外人。**

**(1) 六爻定体：**

六爻 公婆 家亲 佛道

五爻 父母 口愿 土神

四爻 叔伯 土神 半天

三爻 兄弟 门户 境神

二爻 夫妻 土地 家神

初爻 小口 灶君 司命

**(2) 五行鬼：**

金木，横死；土，时疫；火，劳血；水，落水。

**(3) 八纯卦：**

艮，五圣；震，天神；巽，木神；离，火神；乾，功德；坤，家将；坎，落水；兑，口愿。

**(4) 五乡独发，克日克世取之，各有两义：**

父母家先，子孙小儿，妻财奴婢，兄弟阳人，官鬼横恶，以上随爻。

或问：本象家先，他官外人，何也？答曰：本象鬼动是家亲，旁爻鬼动是外人。假如乾卦壬午鬼动是家亲；大有卦己巳鬼动，是外人也。

问：土鬼何也？曰：此乃当处灵验之鬼，俗谓之神者也，旺相为神，休囚为鬼，动爻克世克日，亦可取祟。

《易林》云：察祸推其鬼处，还将身配六亲，相克招生，便见祸之端的。

### 附：六神

青龙：善恶、经文、蘸祀、庙香。无气带刑，自缢死。

朱雀：花幡、口愿、符命、灶神。无气带刑，劳死鬼。

勾陈：天曹、勅士。无气带刑，黄病路死鬼。

螣蛇：夜梦、惊恐、上许下保福。无气带刑，夜梦见鬼。

白虎：金刘神、作犯白虎、刀伤鬼。无气带刑，刀伤鬼。

玄武：上真、北阴神。无气带刑，落水阴鬼。

凡祭赛有三，如祀上帝，即取藏爻中鬼神祇，当用月建；神堂家庙，当用日辰。皆要生合卦身，不宜刑冲，亦不要动爻克害刑冲。如合生，福利而吉；若带刑冲，反招祸。卦爻中鬼自化入墓，必有不了再牵之患。

## 39 . 占词讼

**举讼兴词，要官有气；**

**若是被论，休囚却利。**

凡下状论人，官爻旺相出现，必赢；若占被论，官爻休囚，鬼爻持应，世爻克应，子孙持世，反得理，吉。若代占人坐狱，忌世下坐鬼，鬼墓持世，凶。但鬼爻动，便不可与人争，财动折理，亦不可讼。

或问：代人占坐狱，忌世下坐鬼，代占看应，何故反看世也？

答曰：此理最微，人所不测，宜，于是疑，唯世下坐鬼便去冲应合应，故主离脱，汝若不信，请以六十四卦取之。

又问：如何财动折理？曰：财为理，财动便主理亏，盖财能伤文书，文书既被伤，安得有理？

又问：财化财如何？曰：虽有理而不胜。

问：官化官如何？曰：推移主有诈伪事在后。

问：父化父如何？曰：事重迭，迟迟未决。

问：子化子如何？曰：主干连小口。

问：兄化兄如何？曰：主对头争执。

凡外有客鬼持世，主必遭亏，更有罪名；父动克世，因勾惹之事，世空自散宜和解，应空词讼没期程。

见世持鬼、鬼动入墓，卦中无财，必在狱中死。

凡卦爻变鬼，刑冲家身世，主徒流之罪。

如金又是鬼，刑克身世，化死墓绝，必主死罪官事。不宜官鬼动，动则看来生合冲克世应，以定彼此吉凶。

## 40 . 占脱事散忧

**脱事散忧，子孙旺相；**

**世动自消，不成凶象。**

凡占脱事散忧，要子孙旺相出现，或子孙独发，世爻动亦自散。忌应爻克世，鬼爻旺相，独发凶。

或问：世动自消，不成凶象，何也？答曰：只是世动，我可脱，如财动，利乾货之义。

又问：世动出官鬼，如何？曰：世动只是迟滞难脱，主亦无事，若占论何日出禁？须要得日辰冲散六害，方出。如世爻持未，得丑爻动，或日辰是丑，当是丑日出狱也。身爻世爻被太岁冲、生、合，有赦也。

假令有人占推役与人，要世空，子托独发，旺相，又要官鬼空，或官入墓绝，应持鬼好。若世生官凶，难脱破财，官鬼动化出，同。

且如疑一人阻我事，要占是他否？专看应爻持财，子父并安静，不是，空亦然；应是官鬼，或化出兄弟，是此人也。

## 41 . 占疾病

**凡占疾病，应药世身；**

**若坐墓鬼，病主昏沉。**

封有三墓：官墓、鬼墓，以世为身，忌生鬼爻。本官墓鬼得之者，主自身合灾，暴病未可，久病必死。

以应为药，忌坐鬼爻，旺相凶。本官墓鬼得之，主无药，服药不效，大怕申酉爻持世，占病重大忌，木爻独发，鬼爻旺相、伏世下，旺又动克世。

或问：卦有三墓，何谓三墓？答曰：如天风姤卦，旁爻丑持世，乾宫属金墓在丑，此是官墓。如中孚封，世持辛未，艮宫属土，以寅木为鬼，木墓在未，此是鬼墓。如泰卦，甲辰持世，坤宫属土，以亥水为财，水墓在辰，此是财墓。问：何谓得之？曰：得之者，世爻上逢之也。世为我身也，凡墓爻故主自身合灾也。暴病未可者，墓滞也，故未可。久病必死者，病久气衰，而又入墓，岂得不死？

又问：何不言财墓？曰：财墓吉兆，故以财言之，若占妇人，逢此须大忌。

又问：鬼爻旺相伏世下何也？曰：世为我身，鬼伏世下，是病随我，所以忌之。

看鬼伏何爻下，于金木水火土分辨之，伏父母，忧心得，或动土得，或往修造处得。鬼伏兄弟

动，失饥伤饱得，或因口舌气上得。鬼伏子孙动，因牵惹得，或欲事太过得。鬼伏财，饮食得，或买物件得。官鬼出现，惊恐怪异，或寺观宙宇中得。土下伏土，疮肿；火下火，手足；金见金，闷乱；木下木，寒热；水下水，冷疾；金下火，喘满；阳宫财动主吐；阴宫财动主泻。鬼爻现外，金鬼爻伏里，主心腹病。鬼在内地，下受病。鬼在外动，上受病。用爻同。

土动主泻，木动发寒，金动四肢或满闷，火动发热。木主足，金主头、土主胸腹，火主手目，水主耳肾。飞伏俱旺相，飞为化因，以伏为受病。又世为动爻，在内下受病，应为动爻，在外上受病，间爻动，主胸膈病症。

《易镜》云：且如长男受病，宜纯震之不摇，小女染病，则兑卦之不动。大忌申酉持世，木爻独发者，申为丧车，酉为丧服，木为棺槨耳。

## 42 . 病忌官鬼

**以财为禄，以鬼为祟；**

**鬼爻旺相，独发大忌。**

凡占妇人病，喜子孙旺相，持世，安静；忌财伏鬼下，兄弟持世，兄弟独发。世克应，内克外，主吐；应克世，外克内，主泻。

或问：妇人病占喜子孙旺相、世安何也？答曰：此即用财以子孙辅之义。忌财伏鬼、兄弟持世，即用财伏兄之义。

又问：内克外何故主吐？曰：内为腹、外为口也，外克内主泻。

## 43 . 病忌父兄

**主爻伏鬼，或伏兄弟；**

**或伏父母，旺相大忌。**

乱动之卦，只取主爻，大抵休囚、伏兄弟、父母、官鬼之下，克世者死。盖兄无食，父母无药，官鬼真病。凡得八纯、游魂卦，病者决主沉重，占小儿主死。

或问：主爻伏鬼，伏兄、伏父之下？曰：此即财伏兄，财伏父母，官伏兄之义，举一隅，则三隅反矣。

又问：八纯、游魂、归魂卦，占病沉重，占小儿主死，何也？曰：此三卦，世持父母，官鬼，兄弟，或子孙伏父母下，占大人病重，占小儿病死。

## 44 . 占医药

**以应为医，以子为药；**

**鬼爻旺相，大忌独发。**

夫卦之疾病，以用为主，以鬼为病。

金鬼，肺腑疾、喘嗽、气急、虚怯、瘦瘠、或疮疥、血光，或筋骨病。

木鬼，四肢不遂。肝胆主病、右痪左瘫、口眼歪斜。

水鬼，沉寒、痼冷、腰痛、肾气淋漓、遗精、白浊、吐泻。

火鬼，头痛发热、心胸焦渴、加朱雀狂言谵语、阳症、伤寒、嘔逆。

土鬼，脾胃发胀；黄肿虚浮、瘟疫时气。

凡占病，必察用爻，占父母，必要父母有气。纵遇凶卦，但主沉重，不致丧亡，若用爻空亡及不上卦，更逢凶杀，决主不起。用爻无气，若得旁爻动来生扶，此同生旺，决无咎处。若凶杀临父母，或父母空，便可言双亲有病，诸爻皆然。鬼爻持世，沉重，绝日轻可。鬼化鬼，其病进退，或有变病，或旧病再发，或症候驳杂，一卦二鬼亦然。鬼爻持世，病难除根，鬼带杀持世，为瘵病难脱体，乃养老病矣。

青龙临用爻或福德爻，其病虽重终可疗。青龙空亡卦无吉解，病凶。

白虎临父母当损，若值财上妻遭伤。子孙际遇终成否，兄弟逢之亦不昌。更并官爻临世上，自身须忌有灾殃。

金鬼不宜针，木鬼不宜草木，水鬼不宜汤饮汤洗之类，火鬼不宜灸熨，土鬼不宜服丸药。

金鬼可灸，木鬼药方，火鬼带服鬼剂，水鬼宜服热剂，土鬼宜服木药。

金鬼利南方，木鬼利西方，水鬼利土值，火鬼利北方，土鬼利东方求请医者。

又，丑鬼不可(食)牛肉，未子孙当食羊。

鬼爻在内，病自内生，鬼又在外，灾自外至。火鬼必在南方；金鬼必在西方，道路生灾，又为主胸，金鬼则病在肺家，逢火作脓，见木生风，遇蛇虚闷。

## 45 . 占家宅

**家宅吉占，专用财福；**

**财旺子空，岂无嗣续。**

卦之家宅，专用财福，上卦如无财福，便是平常之宅。无刑冲克制，有青龙龙德临宅，乃是大吉之家。以内三爻为家，逢乾强盛，遇坎则陷，逢艮则止，遇震则动，逢巽则摇，遇离则丽，逢坤

则静。遇兑则说。若阳长则吉，阴长则消。

以印绶为堂屋，妻财为厨灶，子孙为廊庙，官鬼为前厅，合亦为门，冲乃为路，五为梁柱，上为栋墙。旺相为新，休因为旧，青龙为左，白虎为右，朱雀论前，玄武为后，螣蛇为论中。

水爻有水，木爻有木，遇艮有山，逢震有路，父母为桥道坟墓，子孙为寺观庙宇。官鬼旺，则讼庭官族；休囚，则军匠客墓；妻带财吉，则富室豪门；伏官则赘夫招婿之家。逢吉生合身世则吉，逢凶刑克身世则凶。

父母持世承祖居；父母化财，必出赘；财爻空或动，难享现成；父母空或身动，难招遗业。

## 46 . 占人口

**福应生世，为我后裔；**

**兄动财空。断不可继。**

卦之人口，阳多则男多、阴多则女多。以父母为家主，以官鬼为丈夫，以妻财为妇人，以子孙为小口，以兄弟为同气。财动伤尊，父动子忧，子动官伤，官动兄弟愁苦，兄弟独发又为克妻之兆。

妻在内则住近，卦有二财，必主兄弟。子在外招迟，爻属水当主数一。

卦无父母，占人寿命弗延，爻无妻财，兄伯贫穷是准，有子孙龙喜而无父母者，具家有游子，白虎临，而出僧道巫覡。有财而无官者，钱财必耗散，朱雀临，而习呼唱赌博。有鬼无子，多怪梦而绝嗣，有鬼无财，主疾病以多端。父祖有官，必逢禄马贵人；本身有艺，定是亲神全木。

## 47 . 占起造迁移 附：阳宅

**起造迁移，财静人安；**

**鬼发招祸，迁动俱难。**

起造移屋，要子孙，财爻旺相，出现持世，忌官鬼、父母、妻、子、兄弟独发，凶。父母为尊长，兄弟为六亲，妻财为妻奴，子孙为鬼女，官鬼为凶殃，以上独发，论之看克何爻取之。如占住屋居第二爻动，住不久远。若脱屋求财，利二爻动，官在第二五动，必可脱也，不动难得脱也。

或问：财静人安，则动便不安，何也？答曰：盖父母为宅，财动便克父母，所以不安也。

又问：第二爻动，住不久远，何也？曰：第二爻为宅，宜静不宜动也。

**附：阳宅**

鬼墓方为圣堂，子墓方为牲畜，财墓方为仓库，绝为厕，兄墓得直方水生旺处为井，应为屋，鬼为厅，福为廊，财为房屋橱柜，兄为门。身持兄得，五事俱全，不可空，无刑冲克，上等屋也。

内有一爻被冲克，主有损坏，得空为妙。

如父在初爻，一层屋，二三爻阔远，四五爻楼阔远，上爻者，深远，重迭屋也。如他爻变出父，屋分两处，父空二地；地变鬼或伏鬼下，非公吏舍必是官房，不然有病人，有此象当招口舌，或招官司。父在上，未住，在下，现住。凡卦身或空，未住；身并，现住。身值鬼，屋下有伏尸。将屋脱钱，要财旺身衰，喜父空，要冲克财合身为妙。不喜化出财爻，克害为凶。

内卦二爻为宅，看动：金动公事至，木动风水恶，土动生瘟气，水动傍河不吉，火动于闹路中，口舌，静吉。

外卦六爻看动：兄动夫妇不团圆。父动上人多忧，阴小六畜，子功爻旺喜事重重。官动灾祸难言，财动难为大人，女人不正。

## 48 . 占耕种

**父衰财旺，收成有望；**

**又值福乡，花利千仓。**

卦之耕种，专要财福上卦，最忌鬼值五位，收成不利。世克应，仓廩实；外克内，仓廩虚。又，初爻为田，鬼克，田瘦薄，难植作。二爻为种，鬼克主再种。三爻为生长，鬼克主不茂。四爻为秀实，鬼旺多草费功夫。五爻为收成，鬼克主不利。以上推土鬼克不妨。六爻为农夫，鬼克主有疾病。

金鬼旱蝗，火鬼大旱，水鬼水灾，木鬼耗损。一卦两鬼，两家合种。年丰必须官鬼空亡，大抵财爻宜旺，不宜落空则吉。金财旺相，早禾倍收。土财旺相，晚禾丰稔。金土二爻虽不临财，但遇吉神，亦准可论吉。

## 49 . 占蚕桑

**财旺福兴，占蚕大吉；**

**爻鬼交重，不赛终失。**

卦占蚕事，先看定值。鬼爻持世不吉，有财有子为佳。鬼动当远赛，兄动则有损，子孙木火大吉，亥子湿死，金上白福，土乃半收。安静则吉，发动不利。

## 50 . 占畜养

**旺财相福，牲畜有益；**

**虎动鬼兴；必防损失。**

卦之畜养，须论定体。端要财福上卦，如无不利。鬼持初爻，鸡鸭不吉，官坐五爻，牛马难安，参合六神论断。

诸爻最忌兄弟、官鬼。如鬼值上爻或曰五爻为主：金鬼牛极瘦，木鬼脚疼或腹风，水鬼散，火鬼触热，土鬼发痒瘟黄。

逢所属本命爻临财福，无伤则吉。且如兄鬼临三爻，本为不佳，却有亥爻本命临财福，吉，亦不为害，余仿此推。

## 51 . 占渔猎

**福兴财旺，前程可望；**

**财鬼虚临，山枯海旷。**

卦之渔猎，以世为主，以财为物，财子俱见旺相大吉。财值四爻，兔豕堪遇，鬼临六爻，虎豹须防。震棒、器弓、离网、艮犬，克财者宜用之。若财爻值断，如巽鸡、艮豹、震兔、坎狐、野豕、兑羊、乾虎、离雉、坤羊之类。

内克外，内旺相，世克应，得青龙财爻动，不空亡，物可得。恶杀临财旺相，发动、克世，主有兽伤，凶。

## 52 . 占坟墓

**安坟立陵，福旺家兴；**

**鬼旺宜火，葬防后人。**

以鬼为尸，要无气；父母为坟，皆宜静。以财为禄，以子为祀，要旺相、出现、持世。世为风水，应为棺槨，皆宜静。

或问：旺相宜火之说？曰：鬼旺只是不利，故宜火化，不宜葬也。阴宅先论墓地，次论卦身，要有财福世应，有气相生为妙。未葬时，外亡内塚，相克吉。不要官鬼旺。已葬后，内亡外塚，相生，鬼旺亡人安。鬼为亡身、为塚，若定塚穴高低，如卦身在初二爻，葬在低处；在三、四爻；葬在平处，在五六爻，葬在高处。若地位方向，以卦宫长生定之。如坎宫地在北方，坎水长生居申，其穴宜在申上，余仿此。

占葬年，如身在卯，酉年占，卯数至酉成七年，不七年，或卯酉二七十四年，或用月数，如变爻冲卯爻，必地既狭窄，无气同。

## 53 . 占朝国

**世应相得，君臣用心；**

**六位无克，万国咸宁。**

世为帝王，应为功臣，本宫为都。内外比和、旺相，天生圣主，刚柔动静有常，地出奇材，最宜吉神，切忌大杀。

金为兵戈忌动，土为城垒宜安，水为泛滥，火为炎晴，木爻风恶，吉神为瑞。震离坎兑为四方，艮坤二卦为中土。

五爻为至尊，加吉神太岁，仁慈之主也。带杀白虎，暴虐之君也。与吉神生合，必亲贤任能，远佞去奸。

初爻安静，吉神持世或生世，万民悦服。

本象二爻为侍臣，带吉神左右必得贤人，加凶杀者，多奸邪便佞。

四爻会吉神克世生世，必上忠君，下安黎庶。

子孙为储君郡主，宜旺相不空，若大杀动刑冲克，恐有废立之患。子孙在初爻动克三爻或世者，士庶民有上书直言利害；在二爻动，必有才德舌辨之臣入上封事；在三爻动，有贤能诸侯谓门直谏；在四爻动，左右近臣必尽忠死谏也。

## 54 . 占征战

**出兵交战，鬼贼财粮；**

**鬼旺彼胜，子旺我强。**

以鬼为彼贼，以子为我军，子孙旺相，必获全胜，出现宜先，伏藏宜后，内凡鬼父旺相或是独发，或持世身，大败之兆。若六爻安静世旺克应，必胜。

父母、城池、壕寨、雄旗；子孙为兵将军马；兄弟为辕门惊恐伏兵；官鬼为敌兵刀剑。

世应空亡，主和；世空我军弱；应空征兵退；世爻被鬼冲克，我军不利；兄弟独发凶。

鬼去爻中，兄弟化出官鬼来合世爻身，主有奸人在军中，世下伏鬼亦然。

凡变爻冲克子孙，主损名将。冲克财爻，并财持世落空，主粮受困。刑克父母，主战船城寨有失，指挥号令大不宜。冲克官爻，彼贼必败。

凡卦中动火刑父母、克父母，必然火烧宫室，火冲克财，主火焚粮草。又，财有仓库，如近子近我军，近父近壕堑，近鬼近贼所。又父母塞位方，如坤宫西南方也。

## 55 . 占天时

**若问天时，须详内外；**

**互换干合，方明定体。**

仰观天象者，干；俯察地理者，支。先看内卦有合无合，次看外卦定体。甲己化土，阴云；丁壬化木，生风；乙庚化金，作雨；丙辛化水，必雨；戊癸化火，主晴。内外无合，次明定体。定体者，看外卦取，独发论变。乾日月星，坤沙石雾，震雷霆电，巽风、离晴、坎雨、艮阴、兑甘泽。

或问：互换干合，如何互换？答曰：甲日占得离卦，甲己合，则主阻云也；壬日占得兑卦，丁壬作合木，木主生风，此化气也。若内外卦不与日干合，看外卦以十干求之，以日干落在何宫，假如己未日占得大有卦，日干落在离宫，主晴，己日占得既晴，则日干无所落，便可断阴云矣。

## 56 . 占天道晴雨

**每日之事，十干要精；**

**壬癸动雨，丙丁管晴。**

庚辛雨后晴，或次日便晴；壬癸连雨难晴，有风方止；甲乙作雨不妨；丙丁日月晴明；戊己阴云不定。辰丑动雨、未戌动晴。内动速，主昼，外动迟，主夜。

或问：十干动，阴晴如何看？答曰：如火火既济，己亥持世，便断阴晴不定。财为晴，午火财却伏在己亥水下，水旺则主雨。火旺或支辰透出午，则便断晴。但要机变，取时言之。配以六亲，百发百中，若不精熟，则不能通应矣。

又问：如何取时日？曰：假如乙日占震卦，则遇辰巳时方晴，乙庚化金作雨，却缘戌土财持世，又庚辛雨后晴，缘辰巳时天干见庚辛，此两个时，不能雨止，过辰巳时，主午时方晴。如丙日占震卦，虽庚戌持世，不能作雨，缘日干丙字克去庚，不能生水也。

又问：辰丑动雨，未戌动晴？曰：辰是水库，丑中有癸，故此二字动，值戊己不为阴云，而必阴雨。未戌动晴者，未中有丁，戌是火库，故此二字动，值戊己，不为阴云而化晴矣。又问：内动主昼，外动主夜？曰：内为阳，外为阴，昼夜之道也。

又问：未戌动主晴，而癸日占得坎宫地水师，如何入雨？曰：未戌动晴，以其中有丁火也，今戊戌化癸亥，癸字克了丁火，日后又逢是癸，并去伤了，岂得不雨？

又问：癸亥日占得坎之蒙，亦是癸日，如何却晴？曰：未戌动晴，以其有火也，今戊戌化丙子，是戊之火已透出来，日辰癸亥与上戊寅合住，不能伤丙，所以晴也。

又问：壬癸动雨要言克日定时取验，何如？曰：如六月甲辰日占雨得乾之大壮，当日申时雷雨

骤至，此壬癸克日定时，何以知之？乾为天，震为雷，外卦震，内卦乾，岂得无雨？第五爻申亲爻动，日值甲辰，夜半生甲子，脯时壬申透出本宫动爻，故应在申时也。

又问：丙申日占得乾卦，壬戌持世，如何壬癸不得雨？曰：戊申有火，透出丙字，如何得雨？

又问：丁酉日占阴晴，得坤卦，此癸酉持世，如何亦不得雨？曰：本主雨，却缘日辰丁酉，贵人在酉，故丁日见世爻五癸，世在酉，是败财之内，癸水退让于丁火，岂得不晴？

鬼动雨，变出子孙，晴。应落空，晴不久。应克世财，晴。父母生世雨，又动克子，亦有雨。

财为晴，父为雨，兄为风，子为云雾，在冬为雪，官鬼为雷，冬春为雪，夏为热。专看本象要旺，持世本宫。

要知何日雨？曰：父母长生日，帝旺或值日便有雨。何日雨止？绝日空便止，余仿此。

要知何日风？假如兄属寅为东北风，亦要看当时日辰天干为紧，外卦有动，看变出者，若是水爻出现，便有雨。

## 57 . 占射覆

**覆射万物，表里各异；**

**以财为体，以鬼为类。**

财为表，鬼为里，财鬼出现，表里皆有，有表无里，外实内虚；有里无表，外虚内实，财鬼俱藏，轻虚之物。

或问：表里各异，何也？答曰：以财为表，以鬼为里，有表里皆有者，有里无表者，此所谓异也。

又问：方圆、长短，新旧如何定之？曰：阳卦主圆，阴卦主方，应旺主新，应衰主旧，世应被克空虚，世应相合圆物，世应比合和长物，世应相生方物，相刑克尖物，相克冲损物。

鬼值八卦

官鬼在兑乾，金、玉；在震巽，竹、木；在坤艮，土、石；在坎，鱼、绵水货；在离，丝绵绢；在坤离，又为文书、布帛、专数之物。

## 58 . 覆射物色

**以官为物，为色为形；**

**若居四土，可分轻重。**

以官为色，出现正色，伏藏旁色。伏财能食，伏子能用，伏父能盖载，伏兄不中，更以金木水

火土分之，动亦可取。

或问：“以官为色，出现正色，伏藏旁色，如何？”答曰：“即官鬼出现是男、伏藏是女，反对取之。官鬼为正物，随五行取之。应为表，为皮毛；世为里，为形状。阳为天，主圆；阴为地，主方。应在外，主长；应在内，主短。应旺相，主新；应休囚，主旧。子孙为色，财旺能食。表受刑克、月破、落空，则无。里受刑克则无，及表里受刑克、月破、日破，不圆。方受刑克、月破、日破，不方。

子孙动，物有足，兄动有皮，财动物可食，父动物有生气，官动不中。五乡一乡不入，亦可取物色。

合则圆，扶则长，生则方，克则损，刑则失。

以内卦为地，外卦为天。青龙论左，白虎论右，朱雀观前，玄武看后，勾陈世爻管中。

覆射者，须定服色事理。

如金爻动在乾者，内赤外白而方圆。见火则软，逢水则坚。有缘则聚实散则象钱。若非金银，必是铜钱。若乾象在外，或世身俱值乾，必具金银、首饰、钗钏。旺相金银，休囚铜铁，团圆之象，外实内虚，福空物必空，虚福不空，其物坚实，或丙明等物，又能鉴容。

若金爻动在兑宫，刚柔曲折，铅金而泽柔也，内光彩而见火，外圆而象口。旺为金银、刀铁；衰为雉、羊、通之器物，应是接续缺口文物也。

木爻动在震宫，内白者鬼象，外青朱纯圆，能壮能盛，如蚕作茧，如兽作身，随时变易，复死而生，其色苍苍然，青变赤，随时变，上不侵天，下不着地，如非果实，即是鱼筌，鱼筌为竹之器也。若震象在外，或身世值震，即为鞍辔、靴鞋、竹木之物也。

若木爻动在巽宫，声如琴韵，香气氤氲，谓乘远听，馨香象也。形体如彩影，似蜻蜓羽翼之象，在上为飞，在下绳索。若巽象在外，或身世在巽，或为颜色、絮麻、绵线、文书、绳索之物也。

水爻动在坎宫，旺相乘风飘流转蓬，外黄而黑，水八为坎，隐土黑暗藏而不识，乃为熊罴也。若坎象在外，或身世值坎，麻豆鱼盐，水中所生之物也。

火爻动在离宫，先白后赤，水土圆藏，盖火先见白烟，后见赤焰也。离为雉尾，而色赤，内柔外刚，雕镂五色中应之器也。若离象在外，或身世值离，或颜色、絮麻、绳索、绵缎、布帛之物也。

土爻动在坤宫，坤本外黄内苍，土实内圆外方，形如瓦砾，复能软，若非玉器，必是一囊，旺相则坚，休囚则软，非古器土具之物，即袋也。除此之类，为马牛。若坤象在外，或身世值坤，为五谷、布帛、衣被、瓦瓮之物。

若土爻动在艮宫，青山之形，内虚外实，遇合旺相则实，无气则虚。物形团圆不动，形如覆盖，

春秋不改，冬夏长存；若飞白，春则龟文也。若艮象在外，或身世在艮，是衣被、絮帛、土器之物也。

此乃究五行动爻身世之法，定克应未来之理，可研究而推究，不可谬意取用。

六爻安静，先看世应，有无生合刑冲害，又要观发动之爻，次究伏爻在何位下，后审卦身有无吉凶，然后定休咎。法曰：“彼来生合我者，顺也；我去生合彼者，逆也。”此为吉凶之源，是故生生之谓易，通变之谓事也。

以财为皮，以鬼为正色，若有财有鬼，表里俱备；若空伏，则轻虚之象。有鬼无财，则有里有财；无鬼，则有表也。旺相重大，休囚轻小，须以同类八卦详之。若生旺，则生气之物；休囚，则无气之物也，以类推之。

## 59 . 占来情

**思虑未起，鬼神莫知；**

**不由乎我，更由乎谁？**

夫易本无八卦，只有乾坤，本无乾坤，只有太易（太极），太易者，在天为日月，在地为水火，在人为耳目。炼其耳而耳自聪，修其目而目自明。易曰：圣人以此洗心，退藏于密。

## 60 . 达人事

**先达人事，后敷卦爻；**

**人事亨通，卦爻自晓。**

真喜合宅母，必问孕事。

隔角克青龙，无气动是死事。

鬼伏临酉冲宅长本命，主官非牢狱公事。

玄武临门勾陈动，是失脱事。

世应合五爻、水土动，风水事。

卦内克鬼、冲全生财，犯刀砧六畜事。

天财带天火，必占失火事。

怪合见月鬼，为惊恐怪异事。

丧车临怪动，人口死不明事。

鬼克冲基，为宅不安事。

鬼克冲基或合太岁，为起造事。

禄马合月鬼动，占谋望事。

卦内驿马旺克门，问出门事。

迁移临旺冲动，问移居事。

月鬼阴喜动，为妇人妊娠事。

世应和合、禄马带财，问代某谋事。

文书乘朱动五爻重隔角，为代名告状事。

时鬼动冲人口，问住宅不安事。

来意俱不上封，凭变断之，重主过去，交主未来。

#### 附 1 五行生克诀

假如木旺能克土，若遇休囚火便生，旺相能生祸与福，休囚受制不能行。

#### 附 2 五行类数

金四九，木三八，水一六，火二七，土五十。

酉四申九，寅三卯八，子一亥六，巳二午七，辰戌五，丑未十。

## 61 . 占姓字

**以日配用，四象谁胜？**

**若无象用，姓字何证？**

卦之克字，以日配用爻，兼内外互卦，正化体象，取胜为主，然后合成字象。

如甲乙日占贼姓得纯艮卦土爻体见寅，寅属木，木鬼配甲乙日，亦属木，三体相兼，为林字姓也。他仿此。

但以干配姓，以支配合，以纳音配字，取象度量，尽其妙理，当慎思之。

乾为圆象、为点、为马、为金、玉、言旁、为头。

坎为雨头、为点水，为水目，为小，弓旁为内实外虚屈曲之象。

艮为横画、为口、手，为门、人，为己、田，为山、水。易旁，上尖下大，上实下虚。

震为木象，为二七、为竹、木，为立画。偏拔、上大下尖、下虚上实。

巽为甘头、为捷服、为长举，为绞丝，上长下短，为下点。

离为日旁，外实内虚、为中、为戈、为日、为心、为火。

坤为横画、为土、为方、为木旁。

兑为金、为日、为钩、为八字、为巫、为微细。

### 天干类

甲为木、为田、为日、为方圆、为有脚、为果头。

乙为草头、为反文、为弓、为曲。

丙为火、为撇、为捺、上尖下大。

丁为一、为钩、为未出头字。

戊为土、为戈、为中开之类。

己为挑土、为半口、为巳头、为曲。

庚为金、为庚。

辛为金旁、为辛。

壬为水、为曲、为壬字。

癸为水、为水旁、为双头。

### 地支类

子为水旁、子旁、为鼠。

丑为土、为丑、为横画、为牛。

寅为木、为山、为宗、为寅字、为虎。

卯为木、为安头、为卯字、为兔。

辰为土、为艮字、为长意、为龙。

巳为火旁、为巳字、为屈曲、为蛇。

午为火、为日、为干字、为不字、为矢字头、为马。

未为土、为来字、为多画、为木旁、为羊。

申为金、为车旁、为猴。

酉为金、为而旁、为目旁、为坚洞旁、为鸡。

戌为土、为戌字、为成字、为犬。

亥为水、为绞丝、为猪。

### 五行类

水为点水、为曲、为一六数。

火为火旁、为上尖下阔、为二七数。

木为木旁、为步头、为竹头、为人、十字象、为三八数。

金为金旁、为合字、为横画，为四九数。

土为土旁、为横画，为五十数。

## 62 . 占法卦数

假如乙丑年辛巳月丁酉日丁未时占得乾之离卦：

正卦乾			变卦离		
父母	、	戌 世	官鬼	巳	青龙
兄弟	○	申	父母	未	玄武
官鬼	、	午	兄弟	酉	白虎
父母	、	辰 应	子孙	亥	螣蛇
妻财	○	寅	父母	丑	勾陈
子孙	、	子	妻财	卯	朱雀

### （一）占来情

以心易数于有易卦，我触以干禄之机甚吉，反施乾之九五“飞龙在天，利见大人”，而下兆有“见龙在田”，统思卦象，干健化离，“出涕沱若，戚嗟若，吉，黄离，元吉”，复以六亲法，卦中多者取来情，惟此印绶爻多，即知来者占求官也。

### （二）占家宅

卦中两重父母，及年与时两重，初夏占，其土绝，当知其屋旧象，可存四重或三重房。其三爻甲辰之屋在内，却乃日旬空，兼以“君子终日乾乾，夕惕若，厉无咎”，离之九三“日昃之离”，之父为鬼，必此一重非言坏则火焚。其上九壬戌之屋，高值青龙修旧之屋，可住，奈九二甲寅财动青龙，修中有克，乾之上九“亢龙有悔”，离之上九“有嘉折首”，兼以鬼库在戌，虽有寅爻相合，亦岁君丑刑戌，此屋必因女人或财事破毁。只有年时及化离丑未四屋零屋冲散复成之象，否则弃其原而重整其屋，且此土爻为屋是前一代，子水生来子水是前四代，申金生来其申金，乾代离卦，申金受克，及其丑年为墓，巳月火令为杀，当知此代消散，幸有化出己未及占时丁未生扶，易辞又吉，后复成无妨。

### （三）占祖父

属火官四月占，当主加四，但火未盛止，以水数二派为吉。

### （四）占夫妻

寅木发动，及申金兄弟爻动，初夏木病金生，主克木，数三当减，则二个吉。

### （五）占子

初爻甲子水，初夏水绝，主一个吉。

### （六）占孙

爻属木，主三，初夏虽盛将衰终减一数。

### （七）占灶

宜财子爻方，此卦东北西北才子，地吉碓厠，以兄弟爻论，安静吉，随才子爻利。

### （八）占六畜

官鬼持世处不吉，壬干鬼在四，位其四爻，以羊为论，则当损羊，其余畜养宜财子方吉。

### （九）占官符

壬午九四安静，兼合戌世为吉。

### （十）占火盗

元武临申，兄弟劫财，七月忌盗，朱雀临，甲子福德，火沉水底，无事。

### （十一）占坟墓

随用位而言九五，壬申是父位之坟，兄弟发动，必主迁移。若问父坟，以干爻墓，辰九三爻是乃知不高不低之所，可以类推，生世吉，刑冲破害凶。今辰戌巳亥冲克父坟，不利。

### （十二）占时

下灾福当以干金为主，见亥子水子孙，有生旺吉扶，主亲喜，作乐逢空，则见僧道，□午日为吉，鬼主客至值凶杀，主见恶人；遇吉神则喜客至。逢辰戌月日为印绶临，龙德喜神有文书交易，值凶神主词讼交争，逢申酉比肩之月日，凶则失财、口舌；吉则朋友讲习。逢寅卯妻财，吉则饮食宴乐，凶祸破伤印绶。

### （十三）占大小限

五岁行一爻，初从世爻起，阳顺阴逆，此卦世在上九，五岁至世，青龙持世，喜中小滞。六岁至十岁行初九，逢福德，虽曰潜龙，亦吉。十一岁至十五行九二甲寅，虽云寅午戌相合，终是合中有克世之嫌，况其爻动，命在须臾。余仿此。

### （十四）占婚姻

兄动克妻，财动伤翁，不吉。

### （十五）占形色

内卦为心，外卦为貌。此卦占人，头大貌圆，心事宽大。若占子爻，貌爻属水，貌水临于朱雀，其子必是贪酒多口。占女，徙水之貌清秀，朱雀则红润。余则类推。

### （十六）占求官

易辞本吉，甲寅财动伤文，壬申兄动有阻，直待午火官，辰土印绶年可求，吉。

### （十七）占蚕

初为蚕种，子孙临克九二，财爻发动，蚕苗大壮。九三辰爻平平。九四火官出翼，火时火鬼旺不吉。九五上临比肩，爻动劫财不利

### （十八）占疾病

壬午火鬼，正值九四爻，火鬼主热。若占父母，其九二木财发动必伤，幸九五金一制，其病可痊，但牵连未脱。余类推。

### （十九）占姓字

水一、火二、木三、金四、土五，随时加减，其占卦之日丁酉，以金配火鬼，酉四、火二，其名则六，又为四为二之名，以酉日合干离，火鬼重离，却成昌字，若发动克日克世，同鬼论之。

### （二十）占求财

九二财动、求之必有；九五比肩爻动，阻而未得也。买卖同此推之。

### （二十一）占行人归期

本甲寅日或寅日到，因兄弟动有阻，遇旬方来。

### （二十二）占怪异

螣蛇临于九三，猪獭之怪，主子孙不安，财动主失财，兄动反成惊恐。

### （二十三）占迁居

财动兄发，尊破妻克。

### （二十四）占覆射

财官两见，内外俱实，乾离本圆，其辰戌相冲则破，春末夏初，财鬼两旺，则铜钱之象。

### （二十五）占失走

其卦世在上九，走远。其世为方，在戌地。其应为所值父母，在父母之家。若占人走，兄动不见。

### （二十六）占产育

乾在内化离，本易生，奈兄鬼财动，难产之兆。

### （二十七）占晴雨

木财动而风多，壬水发而雨动，只为乾化离，不久当晴。

## 63 . 易道心性

**易道逐心，出于混元；**

**大道逐性，出于神仙。**

易本逐心，天地合体，阴阳假神，出于混元。一得一失，皆在日月盈亏，一离一合，皆从无而立有，故易本逐心，人灵神辅，显明在乎信，吉凶在乎人。

或问：“易道逐心何也？”，答曰：“必要至虚至灵，以诚信为主。凡占卜，存心道性，不可一毫私念起于中。取用爻象在乎果决，不要狐疑，妙处当以心会神领，有不可言传者也。如此则神灵辅助，随吾取舍而用之，自然灵验矣。故曰易道逐心。”

又曰：“麻衣六亲，各有为主，以世、应、日、月、飞、伏、动、静，晓此道理，刻期而应。复以克、合、刑、害、墓、旺、空、冲，知此八宗，与神奥通。

## 64 . 邵尧夫诗

吉凶只在面前决，

祸福无劳日后知。

从此敢开天地口，

老夫非是爱吟诗。

## 通玄妙论

### 1 . 无鬼无气

鬼者，无形而有用，卦中不可无。宜静不宜动，带吉神动，亦能为福；加凶煞动，无不为殃。占身无鬼，资财聚散无常，多招兄弟嫉妒。占婚无鬼，婚难成；纵成，夫当天折。占官无鬼，兄弟必争权，主在他人手下趁财，财亦薄。宅无鬼，谓之无气。鬼者，财之主也，财虽旺，必有主张，然后能聚，无鬼无主也，必主破耗多端、资财不聚。占病无鬼，必无叩告之门，乃天命年尽也，其病难疗。惟有占产、出行、行人、田蚕无鬼方为大吉之兆也。

### 2 . 绝处逢生

且如申日占卦，遇用爻属木，木见申则绝，木爻无用矣。若得水爻发动来相生，木爻仍复有用。譬人当困穷之际，得遇贵人扶持，必有寒谷回春之象，此乃绝处逢生也。占婚，遇世应绝处逢生，事将解而后成，意久淡而后浓。或可断其贫乏无力，得人扶策其事亦可成。占产，遇子孙绝处逢生，

子将死而复生。妻财绝处逢生，妻将危而有救，财几失而仍得，先难后获，其利反厚非比，旺相之财有限，资生之财无穷也。占官遇父母绝处逢生，文书虽有阻节，终有贵人主张，其事必成。占讼遇官鬼绝处逢生，讼必有理，若见财动相生，须用资财嘱托，出行遇世爻绝处逢生，本意已懒，被人纠合。行人，若应爻绝处逢生，必遇故人同回家宅。吉神绝处逢生，复有兴隆之象；凶神绝处逢生，灾欲退而祸复来，病治瘥而官事至。占病、用爻与吉神绝处逢生，病将死而复活；鬼爻与忌神绝处逢生，病欲安而复作。

### 3 . 合处逢冲

且如占得雷地豫卦，世应相生，六爻相合，吉无不利，乃事事可成之象也。却在子日占得，子冲应上午、害世上未，此乃合处逢冲也。占婚遇之，必然被人毁谤，当见将成而解。占官遇官鬼文书暗冲，其中尚有反复变动。占财遇之，财将入手而不得。谋事遇之，必因人阻滞，将成而有变。惟有占讼与病喜遇合处逢冲，合则事必成，逢冲灾必散，决然事将危而有救、病欲死而复生。吉神合处不可冲，凶神合处喜逢冲也。

### 4 . 随官入墓

随官入墓，其目有三：有身随鬼入墓，有世随鬼入墓，有命随鬼入墓。且如丑日占得雷水解卦，身鬼俱在五爻，乃身随鬼入墓也。若未日占得山天大畜，世在二爻属木，乃世随鬼入墓也。又如未日寅生人占得地雷复，卯生人占得火泽睽，本命皆在鬼爻，此乃命随鬼入墓也。以上三墓，不问占何事，意皆非吉兆。占身遇之，须防目下有灾，终身不能显达。占婚，遇世随鬼入墓，男家贫乏，女财不备。占产遇命随鬼入墓，须防妻命入黄泉。求官遇之，事体难成，虽成终不能振。若入杀墓，更为大凶。（杀墓者，丁未、戊戌是也。）占讼遇之，有牢狱禁系之忧，或讼散身危，或讼中有病。求财遇之，勤劳备历，终归他人。出行遇之，多是去不成，若去愈为不美，必主去后有病。家宅遇之，宅长有忧。占病遇之，十占九死。略举一二卦为例，其余各以类推。

### 5 . 逢冲暗动

且如六爻安静，不遇冲则不动。若日辰相冲，名曰暗动。暗动者，有吉有凶，各有所用，不可一概而论。若遇凶煞暗动伤身克世，件件皆非所宜。吉神暗动，合世生身，事事无不为吉，余推其义，暗者心非明也，乃隐私潜伏也。福来而不知，祸来而未觉。爻吉则暗中有补；爻凶则暗中有伤。占婚遇之，吉则暗中有入纲维，凶则暗中有入破败。占产遇胎爻或子孙暗动，必曾转胎。求官遇之，

吉则有无心之机会，凶则阴中有人损害。占讼遇之，吉则有人解救，凶则被人暗算。失脱遇之，吉则暗中捕捉可获，凶则暗味难寻。求财遇之，吉则隐然求之，利益殊厚，凶则被人劫骗，利不可得。行人遇之，吉则心欲动而未发，凶则暗中有阻未能起身。家宅遇之，吉则暗中有补，福已至而不知，凶则暗中有害，祸欲萌而未觉。占病亦随其所遇之神而定其吉凶也。

## 6. 助鬼伤身

生助官鬼者，不过妻财也，不宜发动，动则衰鬼变成旺鬼，旺鬼遇之，其势愈凶。且如申日占得离卦，鬼临应爻克世，本非佳兆，更兼妻财发动，生助鬼爻，其凶愈不可当，此乃助鬼伤身也。凡卦鬼克身世者，无财凶有限。若有两财皆动，其祸不可胜言。倘得子孙发动，福神来解，庶可反凶成吉，转祸为祥。

## 7. 六亲取用

### 父母

生我者谓之父母也。能为凶，能为吉，各有所用。遇财则有伤本体，逢鬼则增长光辉。发动则克伤子孙，生扶兄弟。审其动静衰旺，各有所宜，学者自宜详玩。

### 兄弟

比和者谓之兄弟也。大抵不能为福，亦不能为大凶，无非破败，克剥、阻滞之神也。怕逢官鬼发动则受制，喜遇父母兴隆则有依。动则伤克妻财、扶持福德，此理弘深，自宜推测。

### 子孙

我生者谓之子孙也。逢之者无不为佳，背之者莫能为福。卦无父母则无克，又有兄弟则有依，动则生财伤克官鬼。妻财我克者谓之妻财也。诸事逢之无不为吉。惟占父母及文书不宜见之。值兄弟则有损，遇福德则愈佳。逢官鬼则泄气。动、静皆吉，虽然动则生鬼，亦不宜发动也。后之学者，自当通变。

### 妻财

我克者谓之妻财也。诸事逢之无不为吉。惟占父母及文书不宜见之。值兄弟则有损，遇福德则愈佳。逢官鬼则泄气。动、静皆吉，虽然动则生鬼，亦不宜发动也。后之学者，自当通变。

### 官鬼

克我者谓之官鬼也。大抵为凶处多，福处少。所畏者福德，所恃者妻财。动则克伤兄弟，生扶父母，然卦中虽凶而不可无，但宜静而不宜动耳。占身命，带贵人当为贵用，加凶煞仍作鬼推。遇

吉必进禄加官，逢凶必丧亡疾病。占婚姻，为夫旺相；带青龙者，必聪明俊雅之人；加贵人必有勾当，不然亦是宦家子弟；若在胎养沐浴爻上，今虽未仕，他日必贵；最宜持世，或临阳象，皆名得地。其余所占，不及尽述，详具《天玄赋》总论中。

## 8. 断易总论

且如四时之旺相，实专八卦之吉凶。春木旺而夏火炎，秋金坚而冬水盛。木火兼用于春天，火土用事于夏月，金水专三秋之令，水木主一冬之权。临用爻为福不浅，临忌爻为祸非轻。先定财官出现伏藏，次论支神休囚旺相。父母辅位于官鬼；子孙辅佐于妻财。父母于官鬼同气相求，子孙于妻财同声相应。私用以妻财为主，公用以官鬼为尊。最忌动摇，大宜安静。出现旺相可为远日之图，有气伏藏只利暂时之用。用神无气伏藏急要日辰生合。日辰旺相方能生合相扶，用爻休囚最怕逢空冲克。旺相能克休囚，休囚难克旺相；交重能克单拆，单拆难克交重。伏藏不论旬空（旬空者甲子旬中戌亥空之类）出现怕临月破。（假如正月建寅，用爻是申为月破。）用官忌子孙持世，求财忌兄弟临身。财官若遇生扶，谋望并无阻滞，身世若无救助，所为必主参商。兄弟动摇，买婢求财空费力；子孙兴发，求官应举枉劳心。父母为饕餮之神，兄弟为克剥之鬼。寻常占卜不宜父母交重，一应谋为切忌兄爻发作。鬼动祸起，切莫与人交争；财劫耗财，甚勿与人争讼。父母动，劳心劳力；兄弟兴，为诈为虚。用官宜伏父母，用财宜伏子孙。官伏子孙，用官必无成就；财伏父母，用财一半亏伤。用财伏官，怕侵匿之扰；用官伏兄，怕阻隔之挠；用父伏财皆为患，用财伏兄总不中。用神要拱合生扶，忌神须刑冲克破。散官治病，全赖子孙；兴讼求名，须凭官鬼。口舌是非争竞，为缘兄弟爻兴；谋为重迭艰辛，皆因父母爻动。应动事变，托人相反不相；世动理亏，凡事改求宜改作。世应相生人扶助，世应相克事迟疑。应空吉凶不成，问动谋为我阻。月建临于用爻，求官必定迁高职；月破临于用爻，作事无成病不痊。八纯克世克用，作事有始无终；五墓临世临身，问病一生九死。明用爻之得失、定事体之吉凶，求安求乐求长久，最宜爻象安宁；图借图赊图脱卸，看取用爻兴旺。休囚独发事体迟疑，旺相若兴事情急速。世临五墓如醉如痴，用占八卦决百事之策。洞烛纤毫，包含万象，上能人事，下应天时。

## 阐奥歌章

### 1. 碎金赋

子动生财，不宜父摆。

（卦有变爻，为动，摆也是动，子动即子孙爻是变爻。子动可以生财，如同时又有父母爻动，

父动克子，子则不能生财，因此说不宜父摆。)

兄动克财，子动能解。

(兄弟爻动能克财，如卦中子孙爻也动。兄贪于生子，不能去克财，这种情况叫“贪生忘克”，这是处理生克关系的重要原则。“贪生忘克”可以从五行生克顺序图上得到合理的解释。邻位相生，隔位相克，当把自己的力量用于邻位相生之后，就没有力量去克隔位了。)

财动生鬼。切忌兄摇。

(财受动能生官鬼，若卦中又有兄弟爻动，兄弟爻克制财爻，财不能生官。所以“切忌兄摇”。摇即是动。)

子动克鬼，财动能消。

(子贪生财而忘克鬼。)

父动生兄，忌财相克。

(财克父不能去生兄。)

鬼动克兄，父动能泄。

(官鬼贪生父忘克兄，泄，指由于贪生而耗费了官鬼的力量。)

鬼动生父，忌子交重。

(变为X，重为O，变爻，动的另一种说法。子动克制官鬼，则不能生父。)

财动克父，鬼动能中。

(财贪生官鬼，忘克父母。)

兄动生子，忌鬼摇扬。

(摇，扬，都是动。官克兄，兄不能生子。)

父动克子，兄动无妨。

(父贪生兄而忘去克子，所以对子来说兄动无妨。)

子兴克鬼，父动无妨，若然兄动，鬼必遭伤。

(兴，动。子动克官，如果有父动，父动克子，子不能克官，但如果是兄动，兄生子，子的力量更大，则官鬼必然遭伤。)

父兴克子，财动无事，若是鬼兴，其子必死。

(死，指伤害，此是比喻伤害严重。理由同上。)

鬼兴克兄，子动可救，财若交重，兄弟不久。

兄兴克财，鬼兴无碍，若是父兴，财遭克害。

（理同上，注略。）

碎金赋指出动爻能生克动爻，而且先于动爻生克静爻。并且指出六亲生克是有条件的。概括说有三条：一、甲去生克乙，不能有克甲者。二、甲克乙，甲有生助者，力量增强。三、贪生忘克。

## 2. 断易通玄赋

易卦不妄成，神爻岂乱发。

（易是探索天地人玄机奥秘的事，又是神灵的体现，对易卦应持郑重的态度，不能视为儿戏。）

体象或既成，无者形忧色。

（卦一经摇出，卦象即出现。如果用神不上卦，实可忧疑。）

始须论天喜，次看贵人方，三合百事吉，禄马最为良。

（天喜、贵人、三合，禄和驿马，都是吉神。先看卦中有没有这些吉神。）

爻动始为定，

（看卦中动爻确定吉凶）

次吉论空亡。

（次，坏。还要以空亡论吉凶，吉神忌空，凶煞喜空。）

彭城有秘诀，切记不可忘。

（记住彭城关于空亡的秘诀：子落空亡忧远行，病值空亡宜作福。久病空亡身下亡，财落空亡难把握。鬼遇空亡官事停，妻值空亡妻有厄。室女空亡外有情，宅值空亡急作福。父母空亡忧病生，兄弟空亡不得力。子孙空亡主伶仃。）

四冲主冲并。

（戌丑未为四冲，纵然占吉也成凶。）

刑极俱主伤。

（寅申巳亥为四刑，凡作十事无一成，婚姻官事俱不吉，纵得主也不真。）

世应俱发动，必然有改张。

（世应俱动，定见不宁之兆。）

龙动家有喜。

（青龙动，主家有喜庆。）

虎动主有丧。

（白虎动，定有凶丧。）

勾陈朱雀动，须忌有文章。

（文章指文书。勾陈朱雀动，主文书立至。）

日动忧尊长。

（看卜日与卦中何爻同，如该爻发动为日动，主尊长有灾咎。）

辰动损儿郎。

（看卜之时辰与卦中何爻同，如该爻发动，主损小儿。）

阳动男人滞。

（问病事，如遇阳爻发动，主男人有病。）

阴动女人殃。

（阴爻动主女人有灾。）

出行宜世动。

（占出行，世若动则吉，且无阻隔。）

归魂不出疆。

（占得归魂卦，不利出行。）

应动值三合，行人立回庄。

（应爻若动，主行人在三合日到家。）

占宅青龙旺，豪宅冠一乡。

（占宅若见青龙爻旺相，定主富贵。）

父母爻兴旺，为官至侯王。

（父母爻又为印，印旺主大贵。）

天喜若持世，公事定无妨。

（天喜持世，讼必有理。）

勾陈克玄武，捕贼不须忙。

（捕盗易获。）

父病嫌大杀。

（大杀为天哭杀，凶神，占病大杀爻上卦定死。）

空亡母不长。

（占病若遇空亡，主丧。）

无鬼病难疗。

（占病如卦中无官鬼，主不治。）

鬼旺主发狂。

（占病如鬼旺财兴，难保命。）

请看考鬼历，褥谢得安康。

（不注）

占婚嫌财死，占产看阴阳。

（占婚看财爻，财爻生旺为吉，财爻死墓于婚事不利。占孕育，看子爻，阳爻为男，阴爻为女。）

若要问风水，三四世吉昌。

（占葬，如得三世卦，四世卦为大吉。）

长生沐浴诀，卦卦要审详。

（长生、沐浴指十二宫，此赋主张看十二宫，与一般卜书不同，如《增删卜易》、《卜筮正宗》都主张看生、旺、墓、绝四项。）

分别各有类，无物不包藏。

（以上是从总体上论断卦的方法，具体的还有分类占断。易卦是无所不包的。）

### 3. 卜筮歌诀

#### 诸爻持世诀

世爻旺相主安康，作事亨通大吉昌；谋望诸般皆遂意，纵他刑害不能伤。  
父母持世事忧否，身带文书及官鬼；夫妻相克不和同，到老用求他姓子。  
子孙持世事无忧，官鬼从今了便休；求失此时应易得，营生作事有来由。  
鬼爻持世事难安，占身不病也遭官；财物时时忧失脱，骨肉分离会合难。  
财爻持世宜财荣，若问求财定称心；更得子孙临应上，官鬼从他断不成。  
兄弟持世克妻财，忧官未了事还来；鬼旺正当防口舌，身强必定损其财。

#### 六亲持世歌

父母持世及身官，旺相文书喜信逢；田宅禾苗皆遂意，占胎问病却成凶。  
子孙持世为福神，事成忧散谷财盈；占胎问病重重喜，遇贵求官反不亨。  
官鬼持世必得官，文书印信两相看；占婚问病俱凶兆，破宅伤财身不安。  
阴为妻妾阳为财，持世持身总称怀；商贾田蚕收百倍，若占病产鬼为胎。

阳为兄弟阴姊妹，所问所求皆退悔；又使凶神同位临，到头不遂空劳费。

### 世应生克动静空亡诀

世应相生则吉，世应相克则凶，世应比和事却中，作事谋为可用。

应动他人反变，应空他意难同，世空世动我心慵，只恐自家懒动。

### 世应间爻诀

世应当中两间爻，发动所求多阻隔，假若有气事分明，必定叨叨方始得。

世应当中两间爻，忌神发动莫相交。元神与用当中动，事到酝酿始得梢。

### 身爻喜忌诀

身上临官不见官，所忧毕竟变成欢，目前凶事始须吉，紧急还来渐渐宽。

身临天喜与青龙，定期喜事入门中。若逢驿马身临动，出路求谋事事通。

身爻切忌入空亡，作事难成且守常，化入空亡尤要忌，劝君安分守家邦。

### 飞伏生克吉凶歌

伏克飞神为出暴，飞来克伏反伤身；伏去生飞名泄气，飞来生伏得长生。

爻逢伏克飞无事，用见飞伤坏不宁；飞伏比和为有助，伏藏出现审来因。

### 断易勿泥神杀歌

易卦阴阳在变通，五行生克妙无穷；

时人不辨阴阳理，神杀将来定吉凶。

### 忌神歌

看卦先须看忌神，忌神宜静不宜兴；

忌神急要逢冲克，若遇生扶用受刑。

### 元辰歌

元辰出现志扬扬，用伏藏今也不妨。

须要生扶兼旺相，最嫌冲克及刑伤。

（元辰即原神）

### 用爻泄气歌

用逢泄气动摇摇，作事消疏不遂头，

最喜原神相救助，忌神发动切须愁。

（我生者能泄我之气，如子生财，财动泄子孙之气；财生官，官鬼动泄妻财之气；官生父，父动泄官鬼之气等。）

### 六爻安静诀

卦遇六爻安静，须看用与日辰，日辰克用及冲刑，其事最为谨慎。

更在世应推究，忌神切莫加临，世应临用及元辰，做事断然昌盛。

### 六爻乱动诀

六爻乱动事难明，须向亲宫看用神。

用若休囚遭克害，须知此事费精神。

### 用爻不上卦或落空亡诀

用象如无或落空，就将本卦六亲攻，

动爻生用终须吉，若遇交重克用凶。

### 用爻伏藏诀

用在旁宫号伏藏，若遇刑克定非祥，

纵然生旺无刑克，作事平平不久长。

### 用爻出现诀

用爻出现在亲宫，纵值休囚亦不凶，

更得生扶兼旺相，管教作事永亨通。

### 用爻空亡诀

空在旁宫不断空，空如出现却为空；  
忌神最喜逢空吉，用与元辰不可空。  
春土夏金秋见木，三冬逢火是真空；  
旬中占得真空卦，纵吉须知到底凶。

### 日辰诀

问卦先须问日辰，日辰克用不堪亲，  
日辰与用相生合，作事何愁不称心。

### 六神空亡诀

青龙空亡家虚喜，朱雀空亡讼得理。  
勾陈空亡无勾连，螣蛇空亡怪异已。  
白虎空亡病可痊，玄武空亡盗贼死。

### 六神吉凶诀

青龙百事尽和谐，朱雀文书公事来。  
勾陈克世争田土，螣蛇入梦十分乖。  
白虎主多惊与厄，若言玄武失其财。

### 六亲发动诀

父动当头克子孙，病人无药主昏沉。姻亲子息应难得，买卖劳心利不存。  
观望行人书信动，论官下状理先分。上人登科举金榜，失物逃亡要诉讼。  
子孙发动伤官鬼，占病求医身便痊。行人买卖身康泰，婚姻喜美是前缘。  
产妇当生子易养，词讼私和不到官。谒贵求名休进用，劝君守分听乎天。  
官鬼发动克兄弟，婚姻未就生滞疑。病因门庭祸祟来，耕种蚕桑皆不利。  
出外逃亡定见灾，词讼官非有囚系。买卖财轻赌博输，失脱难寻多暗昧。  
财爻发动克文书，应举求名总是虚。将本经营为大吉，亲姻如意乐无虞。  
行人在外身将动，产妇求神易脱除。失物静安家未出，病人伤胃更伤脾。

兄弟交重克了财，病人难愈未离灾。应举雷同为大忌，官非阴贼耗钱财。  
若带吉神为有助，出路行人尚未来。货物经商消折本，买婢求妻事不谐。

### 六亲变化歌

父母化父母，文书定不许；化子进入丁，  
化鬼身遂举；化财宅长忧，兄弟本身取。  
子孙化子孙，人财两称情；化父田蚕旺，  
化财加倍荣；化鬼忧病产，兄弟必相争。  
官化官为禄，求官宜疾速；化财占病凶，  
化父文书逐；化子必伤官，化兄家不睦。  
妻财化妻财，钱龙入宅来；化官忧戚戚，  
化子笑哈哈；化父宜家宅，化兄当破财。  
兄弟化兄弟，凡占无所利；化父父忧惊，  
化财财未遂；化官身有灾，化子却如意。

### 六神歌断

发动青龙万事通，进财进禄福无穷。临凶遇杀都无碍，惟忌临金与落空。  
朱雀交重文印旺，杀神相并谩劳功。是非口舌皆因此，持水临空却利公。  
勾陈发动忧田土，累岁迍邅与杀逢。持水落空方脱洒，纵绕安静也迷蒙。  
螣蛇发动忧萦绊，怪梦阴魔暗里攻。持木落空方始吉，交重旺相必然凶。  
白虎交重丧事恶，官司病患必成凶。持金坐事妨人口，遇火临空便不同。  
玄武动摇多暗昧，若指旺相贼交攻。土爻相并邪无犯，带杀依然咎在躬。

### 年建天符

（即太岁爻。子年即看子爻，主管一年之事。）

天符青龙木，发动加官禄；在外益资财，内摇生眷属。  
天符朱雀火，文书非小可；杀并是非生，内摇家事琐。  
天符勾陈土，田蚕十分许；杀并事勾连，螣蛇同类取。  
天符白虎金，经营必称心；杀神如并者，祸患定来侵。

天符玄武水，阴私并贼鬼；若于吉神交，变忧而成喜。

### 月建直符

（正月寅爻，二月卯爻例。主管一月之事。）

月建为青龙，动则不雷同；内摇人口旺，外动禄财丰。  
前三为朱雀，文书不待约；吉助有升迁，杀交遭系缚。  
后三为玄武，所谋皆不许；在外损钱财，在家忧宅主。  
对宫为白虎，凡占当忌取；外动有忧惊，内摇生疾苦。  
后一为勾陈，连连碎事侵；旺相尤为咎，休囚福祸深。  
螣蛇正辰起，逐月逆流行；内外皆有咎，空亡却称情。

### 日建传符

（子日子爻动管一日之事。）

日建加青龙，则禄喜重重；朱雀宜施用，勾陈事未通。  
螣蛇多怪异，白虎破财凶；玄武阴私挠，应在日辰中。

## 4 . 神杀断例

闻喜宜天喜，消愁天解星，大杀休施用，咸池莫向婚。  
病遇天医瘥，囚因血忌刑；求雨占雷杀，占身忌杀神。  
往亡休出入，负结好饶人。三丘并五墓，飞帘及浴盆，  
四般休问病，占孕亦忧惊。公讼忌刑害，亡劫事难伸。  
天德与财德，万事得圆成。吉凶随例断，慎勿顺人情。  
凶处忌有气，吉处忌凶神。子旬无戌亥，六甲细推论。

## 5 . 阴暗雨晦章

乾为天象震雷龙，坎兑为阴巽起风。坤艮往来无雨象，火山交动日和融。  
乍雨乍晴隔坎并，半阴半晦兑离重。杀临未济终须济，既济虽阴雨不充。  
巽入坎来风后雨，兑临坤位细蒙蒙。畜过密云终不雨，随临沾渥岁时丰。  
天地不交膏不降，阴阳相并荷天公。八纯火动游魂木，火伞炎炎张太空。

地火明夷天色晦，火雷噬嗑电光红。离爻带杀晴明断，朱雀飞扬事一同。  
 大有不重天朗朗，同人安静日烘烘。晋有龙爻终雨少，屯无雷杀只云浓。  
 龙动泽山咸大吉，虎交天水讼无功。勾陈带土来持世，纵有阴云不济农。  
 玄武水爻霖大作，青龙木德泽无穷。坎宫雷杀交重并，大雨倾盆霹雷攻。  
 最喜子辰来坎位，却嫌戌午到离宫。阳重阴现明须准，阴变阳爻阳不从。  
 壬丙电光禾谷润，乙庚雷雨岁丰隆。应身白虎成虚设，克世勾陈更不中。  
 玄武克身收稻谷，火神伤世损田公。纯阳安静多应旱，发动纯阴四海通。  
 内外相生奇偶合，滂沱如注听淙淙。雷杀水神双入坎，不忧无雨却忧洪。  
 火神变水加龙虎，东畔才明西见虹。不动龙爻玄武水，徒劳举目望苍穹。  
 欲占雨信期何日？水旺龙生身对冲。龙水身雷俱不动，九江四渎被天封。  
 艮火相交可决晴，水衰火旺日光明。占晴但看庚交甲，卜雨休教甲变庚。  
 庚甲互交龙虎助，狂风猛雨听雷声。火神摇动加离位，校校金乌漾赤轮。  
 凡人占卦问阴晴，水动雨兮火动晴。木动风生土阴晦，金爻发动雨沉沉。  
 财兴云雨鬼兴雷，子动红霞霁色开，父动乍晴还乍雨，兄兴风雹雪霜摧。

（占雨，以初爻为云、二为电、三为风、四为雷、五为雨、六为天。初动云奔铁骑，二动电掣金蛇，三动狂风拔木，四动雷撼山川，五动大雨倾盆，六动翻江倒海。占晴，以初爻为云、二为露、三为霞、四为虹、五为日月、六为天。初动云归岩穴，二动露滴花梢，三动霞明锦绣，四动虹架津梁，五动日张火伞，六动天浸冰壶。水化火骤雨晴明，火化水晴天变雨，六爻无水火逢空，不晴不雨阴天气。）

## 6. 禾苗田地章

应为种子世为田，世应相生获万全。种子克田还小吉，世来克应俭时年。  
 财爻旺相禾丰足，子孙发动为天福。更得青龙天喜重，高低远近皆成熟。  
 子孙发动合天符，财与龙爻出现扶。无杀无冲仓廩实，若逢二耗却成虚。  
 交重官鬼应难断，金鬼蝗虫火鬼旱。大杀同官总不收，发动喜神犹减半。  
 鬼爻无水水来伤，土木同空却不妨。鬼化为财宜晚种，财交父母两重样。  
 官爻旺相浑无望，鬼落空亡事反常。财在外兴迟下种，龙来内发早栽秧。  
 六爻安静禾平吉，乱动青苗必受殃。妻财二耗同爻动，虽熟应知半入仓。  
 财兴内外收千倍，财落空亡必有伤。龙与子孙同类取，克身克世谷无疆。

若逢朱雀交重恶，白虎张牙总不良。玄武更加官鬼并，虽收只好办官粮。  
火天大有都成熟，地火明夷遍处荒。天地不交休指望，阴阳和合好收藏。  
吉凶悔吝分明断，六位旁通更审详。  
六爻不可鬼相临，若值空亡逐一寻。

（六爻无鬼最吉，若鬼临牛位主牛损，余仿此。六爻皆怕空亡，若不空最吉。）

金世生虫火世熟。

（若世爻属金，主生虫；属火则大熟。）

木与土世主丰谷。

（若世爻属木土，其年十分收成。）

若无诸杀相冲克，定许其年十倍盈。

（诸杀，即大耗、小耗等凶神。如无可许十倍收成。）

若值震离相配合，自然丰稔动欢声。

（雷火丰卦主大熟之兆。）

凡人占卦问耕田，子旺财明大有年。兄位交重防损坏，父兴诚恐不周全。  
世贞为年为田地，应悔为种为荒芜。世克应兮仓廩积，外克内兮仓廩虚。  
初爻为田二为种，三为主长四苗秀，五爻为禾主收成，六是田夫主灾咎。  
初爻鬼克田瘦瘠，二爻鬼克重耕植，三爻鬼克多秽草，四爻鬼克费耘力，  
五爻鬼克阻收成，六爻鬼克忧病疾。金爻为鬼旱虫多，火爻大早年荒饥，  
水鬼水灾木鬼耗，土爻为鬼总非宜。大抵水空财旺相，丰年稔岁乐无虞。

## 7. 住居宅第章 附风水

住宅休占火泽睽，鬼临人口定分离。龙交大壮人财旺，虎并同人宅舍衰。  
二畜见龙财帛进，杀交雨过栋梁摧。贵持震巽生财本，喜入风雷立福基。  
离坎交重宜谨慎，艮坤安静莫迁移。户无徭役占逢贵，家有余粮卜得颐。  
田宅兴隆因大有，血伤财损为明夷。乾坤旺相增人口，泽地生成聚宝资。  
革鼎长男能干事，晋升宅长有操持。妻财内旺为财断，官鬼爻兴作怪推。  
木鬼寿棺停有日，金官硬物畜多时。休囚铜铁皆先定，旺相金银尽预知。  
水鬼井池中出现，土官墙壁内偷窥。火官内动无他事，古器多年再发辉。  
克世克身都不用，生身生世始堪为。水财内旺宜穿井，内发土财堪作池。

金旺妻财金玉进，火财内发火光飞。木财到底宜营建，若犯空亡总是非。

子若空亡家绝后，父母空亡宅必危。父子妻爻都旺相，丰盈财货莫猜疑。

更兼天喜青龙助，富贵康宁天赐伊。

凡占家宅之凶吉，初井二灶三床席。

（井乃在内之物，故初爻见之。灶又在井之处，故二爻见之。床席又在灶之外，故三爻见之）

四为门户五为人。

（门户又在床席之外，故四爻见之。人乃屋之主，故五爻见之）

六为栋宇兼墙壁。

（栋宇墙壁至外之物，故六爻见之）

六爻俱静人宅安。

（占家宅，若得主爻安静，未论其他吉凶，居住定然安稳）

好与随爻仔细看。

（若值卦中有一爻变动，随其所动而推详之，则吉凶不逃藻鉴矣）

鬼临门户家不宁。

（若官鬼在第四爻，主有官非口舌之事）

螣蛇妖怪梦魂惊。

（螣蛇本主怪异邪魔之事，若在四爻发动，主妖怪出现，人口梦魇也）

杀爻旺相官灾起。

（占宅，最怕勾陈动。鬼谷起勾陈杀例云：正月起辰二月卯，每月逆行一位，如正月占宅，辰爻动，便是杀旺，主官灾起也）

杀遇休囚疾病生。

（旺主官非，衰主疾病）

六爻动多带土木，若非起造即修营。

（卦中土木多爻动，虽不建造，亦当修理墙垣）

六爻动多带水火，水火之灾不暂停。

（卦中水火爻动，主有水火灾厄也）

更被空亡并杀害，狼籍破败少人丁。

（空亡杀害，俱非吉兆，主人家人丁损失、衰微破耗）

初为小口二妻妾。

（小口至卑，故在初爻。妻妾处小口之上，故在二爻）

三为次长弟连兄。

（次长乃伯叔兄弟也，位在三爻）

四为母位五为父。

（五爻至尊之位，母本从父而行，故以四爻为母，而五爻为父也）

六为祖宅及坟茔。

（六爻又在尊位之上，舍祖宅坟茔之外，他非所尊，故六爻见之）

五行亲属更取用。

（五行，金木水火土也。以亲戚本命所属，合卦浑天甲所属取用也）

一家祸福自然明。

（若依上法取用，则一家内外亲眷祸福了然可知也）

大凡欲要论血财，卦中仔细与推排。

（血财乃六畜也。卦中造化，当仔细与推详也）

一爻数至四五六，鸡犬猪羊牛马畜。

（若问六畜，亦当次第论之。初鸡二犬、三猪四羊五牛六马，看所占何畜，以其爻有气无气断之）

有形无气即伤残。

（当看所属爻分有无形气。形即畜之本命，气即看其衰旺耳）

有气无形即生育。

（虽无本肖，假如占羊第四爻是财，有气无形为吉兆也）

仍于十二肖中求。

（六畜各有生肖，当与求之，依前法断）

未为羊兮丑为牛。

（未羊丑牛，他可类推）

坤牛乾马卦中求。

（《说卦》坤为牛乾为马，此但举其大概，若以《说卦》考之，虽万殊可知）

更论旺相与休囚。

（论其衰旺，以断凶吉）

乾兑休囚鼎铛破。

（乾兑二卦皆属金，若遇休囚，主鼎铛破碎不全）

卦如死气分明课。

（大凡卦值死气，岂能为好？当分明与占也）

坎衰古井及枯池。

（坎本水象，休囚主人家有涸井枯池）

离衰灶鬼将兴祸。

（离为火，若值休囚，主人家灶神欲为祸患）。

震巽伤兮梁栋摧，坤艮伤兮土动来。

（震巽属木，若杀神伤克及休囚死绝，必主梁崩柱坏。坤艮属土，若被冲克及休囚，必主墙坍土陷也。）

卦中震巽重重旺。

（两宫旺相乃木象兴隆也）

兴工欲创新楼台。

（木爻大发，宜其建造宏丽也）

卦中坤艮杀兼鬼。

（丙丁日得地山谦卦，二爻是鬼，是勾陈杀，则是坤艮杀兼鬼也）

因知坟墓欲为灾

（若鬼杀蕴于坤艮，主人家坟墓不安，兴灾作祸也）

内卦为宅外为人。

（先有宅后有人，故以宅为内，人为外。又一说云：若占宅未住，以外为人；若住以外为宅。其说亦有理，姑两存之）

内外相生宅可亲。

（若内卦生外卦，则其宅可相亲，如山天大畜是也）。

宅若克人居不稳。

（若内克外，则人口连遭是非疾病，如火泽睽卦是也）

人能克宅住无屯。

（若外克内则吉，乃能整旧鼎新，修营创造，如风泽中孚卦是也）。

灾衰鬼杀交重恶。

（鬼杀动，故人家凌替灾伤也）。

祸患游魂及八纯。

（占宅得游魂及纯卦，主有连年祸患也。）

世在二三为大吉。

（占主二世三世大吉）

身居三四守常伦。

（若身在三四爻，正可安常守静）

世辰克应那能好，世应相生福可臻。

（若世克应为不吉，世应相生，福庆绵远）

本宫旺相宅堪居。

（立春则震旺艮相，占得二宫，宅可住也）

卦内休囚祸未除。

（立春坤休兑囚，占宅得二宫卦，祸未除也。）

财若动时妻有疾。

（若值妻财发动，则妻宫有悔也）

空亡死气主儿孤。

（空亡死气，子息必孤）

忽逢白虎家防哭。

（白虎杀例，正月起申、二月酉，顺行十二位。若遇此爻动，其家主有哭声）

更值丧门暴病殂。

（丧门杀例，正月未二月辰，三月丑四月戌，只此四位轮十二月。若遇此杀在内三爻更发动，主其家必有暴病死也）

阴化为阳忧女子，阳化为阴损丈夫。

（阴变阳，女子疾；阳变阴，丈夫灾）

世间占卜能推类，天地神明可感孚。

（占卜不可一言以尽，但当融通活变。一切事机以例而推，通一而万事结。既能类推，则天地神明自然可以感格也）

凡人占卦问家宅，五事俱全不可克。子兴有喜没官非，更无灾病与盗贼。

财动田园多进退，音书不就家长厄。兄动耗财妻妾病，是非谋望多阻隔。

父兴小口不安宁，屋庐摇动滋牲没。鬼动官非灾悔来，户门不利弟兄厄。

人能审实此章歌，卦象吉凶无差忒。凡占家宅起盖同，先寻父母在何宫。  
最要财爻无损害，子孙出现得荣丰。官鬼交重灾祸至，动爻克世主大凶。  
父动自家多恼聒，绝命游魂最不通。

（六爻无水者，其家沟不流而水不决。无土者，离平地而在高楼。无火者，香火冷而灶不修。  
无金者家资乏而人不居。无木者，床榻破而椅桌损。火多则人事烦。木多则人清秀。水多则阴人旺。  
金多则妇女众。土多则财帛盛）

### 附风水

凡占风水要推详，五件俱全不可伤。财动田园多进退，不然尊长有灾殃。  
父兴必是还魂地，小口孳牲总不昌。鬼动弟兄多忤逆，户门不利惹官妨。  
兄兴财物多消耗，或是阴人主少亡。子动虽然无讼事，儿孙不贵外人殃。  
但得子孙无损害，枝枝叶叶永无疆。

## 8. 移徙章

迁居先以动爻求，动爻旺相决无忧。初爻旺相乡村吉，二爻旺相好居州。  
三爻市井四坊镇，五近京师住最优。上爻好向山林住，龙扶子动获祥休。  
白虎当头休妄动，螣蛇缠足莫狂谋。朱雀交重防口舌，玄武迁移被贼偷。  
朱雀又临官鬼位，官司口舌有来由，那堪更克兼持世，病遭危困论遭囚。  
六爻安静休搬动，乱动移居又不周。

外克内今应克世，旧宅不如新宅利。内克外兮世克应，迁徙不如居旧地。  
世应相生内外和，守旧迁居总如意。若教动处落空亡，不利迁移利守常。  
五世游魂搬则吉，内爻旺相位无妨。若然内外俱衰败，守又灾危搬又殃。  
此是命途多舛错，何须怨恨费商量。鬼化子孙移富贵，财爻化鬼住安康。  
移居须忌鬼交重，世值空亡不可逢。卦入墓中难起离，若逢动处路头通。  
内休外旺移终吉，内旺外休行必凶。内外若然俱有气，纵横去住任西东。  
迁徙先将父母推，财兴克父必生灾。子孙发动须兴旺，兄鬼交重祸患来。

## 9. 坟墓章

若占坟墓静为强，发动之时便反常。初世出官为大吉，二五持世次为良。  
 三爻主世平平稳，四爻半吉保安康。五六两爻惧不吉，游魂后代必为商。  
 归魂犹自三分好，坎卦占来定不昌。为甚乾坤无忌讳，高低无物不包藏。  
 未葬之前亡在外，既葬须知内是亡。内外相生为上吉，比和决定福难量，  
 杀爻内外还相克，损宅伤财祸几场。青龙旺相来持世，管取存亡获吉祥。  
 乾坤不动坟安稳，龙喜交重家道昌。五墓劫神伤子息，三丘阴杀损妻房。  
 世旺身生官入墓，子孙代代入朝堂。杀临父母忧家长，劫犯阴爻宅母当。  
 鬼爻不动亡人吉，身位安宁祭主康。破家只为财为鬼，发福多因阴变阳。  
 冲破临身发有碍，合神持世却无妨。

## 10 . 身命章

占身身世要先知，神杀交重次第推。身旺龙持多吉庆，身衰虎并定忧疑。  
 子孙持世明而喜，兄弟临身悔足危。切忌勾陈临鬼旺，却宜天喜与财依。  
 财临福动财源广，阴位妻交妻妾宜。禄马贵人三合并，临身妙义福根基。  
 子孙发动添人口，父母交重官可期。内卦为身外为命，身命比和任意为。  
 世为身兮应为命，世应相生更是奇。世命应身刑又克，不伤自己即伤妻。  
 妻财不现财无聚，卦没子孙难立儿。更将八卦推心属，内坎机圆心满足。  
 内兑柔和有主张，内乾果断无私曲。离明坤厚性融通，巽顺艮卑谦自牧。  
 身命但能依此推，青龙天喜皆为福。

## 11 . 六亲章

立命先推父母乡，青龙同位最为祥。螣蛇白虎忧尊长，玄武勾陈宅母当。  
 父母休囚离祖早，两重父母过亲房。杀神朱雀同时并，重病如何得起床。  
 子孙发动为全吉，若值青龙子异常。子坐勾陈多朴实，孙临朱雀擅文章。  
 螣蛇犯子愚而浊，白虎持孙智与刚。玄武子孙同位发，男为盗贼女猖狂。  
 子孙逢马爻不静，有子生来好远方。阳化阴爻端正女，阴交阳化好男郎。  
 妻财发动青龙助，因妻致富妙难量。财临朱雀妻智慧，妻犯勾陈妻病殃。  
 螣蛇共位妻应拙，白虎同行妻性刚。妻临玄武多阴暗，心意瞒人必不良。  
 两位妻财俱旺相，一妻一妾美容光。卦若无妻常独自，妻财安静保安康。

妻财合世夫妻顺，妻位生身家道昌。官鬼青龙同一位，家荣子贵寿延长。  
 朱雀并官多讼事，勾陈带鬼损田庄。螣蛇犯鬼多萦绊，白虎交官大害伤。  
 玄武当官奸与盗，两重官鬼必忧丧。若占官府反为吉，福厚官高名誉扬。  
 兄弟加龙犹且可，若同朱雀必相妨。螣蛇白虎皆凶兆，玄武勾陈总不祥。  
 吉处只宜常旺相，凶爻却要落空亡。

## 12. 婚姻章

内身阳鬼丈夫持，外应财阴总是妻。世应相生婚大吉，比和世应配相宜。  
 青龙六合扶为美，三合子孙临更奇。应动三刑刑莫问，外交六害害无疑。  
 三爻并偶生成少，六位纯阳养育稀。男女合同咸泰益，夫妻反目革睽离。  
 夫宫阳壮妻难保，姤卦阴强家不齐。不有其躬蒙里断，夫征不复渐中推。  
 一奇一偶成亲顺，双鬼双财匹配违。杀遇妻财妻子厄，杀临官鬼丈夫哀。  
 妻财官鬼青龙助，富贵男儿福德妻。官鬼两重相克应，女人曾许两家期。  
 白虎临财莫问婚，勾加官位克夫身。杀临兄弟多争竞，朱雀临身公讼因。  
 勾陈阴杀休求女，玄武加财休问亲。龙并子孙全吉兆，喜重父母福相邻。  
 坤变坎宫男破体，乾来离位女非真。欲知女子如何性，坎主心聪艮沉静。  
 兑必和柔巽必恭，坤爻宽厚乾刚正。文明女子为逢离，智慧男儿因见震。  
 乾宫面部大而宽，坤主魁肥莫小看。艮卦决然身体小，坎爻定是脸团圆。  
 兑家女子莹而白，震位妻儿奇且端。巽体容颜如瑞雪，离宫和润可人观。  
 有亡有劫都无用，无子无财总不堪。

阴阳得位俱称吉，纯阴枉使心和力，纯阳退悔不成婚，纵使强成终郁郁。  
 金爻主妻好容光，木爻瘦小更修长。土主形骸肥且矮，火爻定是发稀黄。  
 水爻心性多聪慧，六合发动最为昌。青龙旺相临财位，娶妻万倍有资妆。  
 若逢天寡天鰥杀，夫妇应知不久长。

凡人占卦问婚姻，财鬼双全便可成。鬼是夫爻愁子动，财为妻也怕兄兴。  
 鬼爻持动女妨害，妇意嫌夫不相爱。财爻持动夫妨妻，此则终身应不泰。  
 鬼旺克财妻不就，子旺伤夫事可疑。八纯动者生离别，五世游魂损小儿。

占婚本要阴与阳，动时皆动且为良。阳阳不动一财鬼，应阴世阳最吉祥。  
更得世爻居内卦、团圆男女百年昌。本宫无气财有气，妇舍虽贫女容媚。  
本宫旺相财囚死，妇舍虽贫女不美。

### 13 . 胎孕章

占产先须看子孙，子孙旺相吉堪论。母宫无杀为祥兆，子上加龙是善根。  
易产好占离与兑，难生休卜艮和坤。坎乾龙动身无虑，震兑勾陈命不存。  
父母莫教临白虎，子孙切忌坐勾陈。螣蛇持世忧阴杀，玄武临身忌浴盆。  
最忌土爻埋子位，更嫌刑杀克儿孙。子孙发动忌空亡，白虎勾陈并不祥。  
子变为官胎里死，官爻为子产而亡。母动子摇俱难保，母静子安皆吉祥。  
子母两爻都旺相，有龙有喜复安康。阴中阳现奇男子，阳变阴爻好女娘。  
子与母爻虽变动，青龙持世亦无妨。子孙重见龙交喜，决定齐生子一双。  
欲叩孩儿分娩日，胎神冲破子生方。凡人占卦问六甲，子怕休囚母怕发。  
财为产母怕兄兴，男女阴阳衰旺察。生产未知临几时，日月长生子当乳。  
兄爻旺相母生难，子孙受克儿遭苦。飞去克伏子不收，阳卦男兮阴是女。  
两爻旺相喜神临，必是双胎天赐与。

### 14 . 蒙童章

蒙童幼学子先推，子会青龙为上奇。朱雀克身多智慧，勾陈持世大愚痴。  
卦无父母难垂训，身犯六神争禁持。朱雀空亡无学分，青龙旺相有根基。  
龙生身世攻书子，马旺游魂逃学儿。父母喜神同位动，断然博学广闻知。  
两重父母多移学，乱动无常不守规。朱雀入离能写字，青龙入兑会吟诗。  
坤中变动能修德，乾上交重善滑稽。乾震交重成事早，艮坤安静立身迟。  
姤屯蹇因灾须准，渐晋需升吉可推。地水火风能主事，前程定作贵人师。

### 15 . 教授章

欲求教授训童儿，情性先将八卦推。离体中虚明且智，坎宫内实信而威。  
震雷主动常游学，巽顺无常镇改移。兑泽和柔能讲习，艮山沉静好谦卑。  
乾金刚果多严厉，坤土包容足礼仪。父子空亡都莫用，世身衰败总休推。

## 16 . 儒业科举章

凡占儒业究诸身，身世相生艺必精。父母生身文可立，子孙克世学无成。  
 父爻旺相加朱雀，雄辩高言大有声。兄动妻交身不旺，却因聪慧误前程。  
 阴阳互旺宜参请，内外比和足讲明。子旺身空穷措大，财因世害困书生。  
 弟兄若犯螣蛇上，纵有文章不显名。玄武克身休合伴，勾陈伤世莫亲朋。  
 青龙持世功名大，天喜同宫道业亨。朱雀并财宜作馆。勾陈同鬼莫游行。  
 世应既和身又旺，上书献策必成名。日辰龙德俱生旺，县宰州官照福星。  
 禄马贵人临月建，公侯责任职非轻。天符值土应多阻，月建持金必有惊。  
 父母最宜逢六合，世身切忌犯三刑，刑杀克身兼克世，陷身取辱误平生。  
 朝君不可逢屯蹇，面圣偏宜见晋升。那更天符持木德，高迁重任禄光荣。  
 凡占科举事如何，子动兄摇榜下过。父发鬼兴财又旺，断然一举便登科。  
 要问举人荣达时，先将六爻为根基。主司之位任月建，天子之爻太岁推。  
 一带喜神来合卦，今秋荣达定无疑。

若占南省事如何，六爻旺相始登科。父母发时为印绶，妻财动处必磋跎。  
 空亡入鬼忧空返，劫杀临官节节蹉。更看子孙如发动，此人平昔枉吟哦。  
 应举求官问后先，官旺文书有气前。父作文书为直事，月建扶官作状元。

## 17 . 仕宦章

凡占进职与升官，父动为先鬼次看。父鬼旺兴须有分，兄财子动枉心欢。  
 求官鬼吏克身贤。

（初爻是吏，若鬼临初爻，来克本身，却主为廉察慈惠贤明官员）

驿马相扶官职迁。

（若驿马扶身，或临官位，定主升迁也）

坎离二卦冬三月。

（坎阳离阴水火既济，宜于冬三月也）

震巽明知申酉年。

（震巽木得申酉金，官旺也）

世应野马相合吉。

（世应与驿马合，求官大利也）

坎咸复卦定狐疑。

（此三卦主心中疑惑）

申酉辰戌持世吉，任官遇禄好施为。

（申酉持世及得禄，最吉也）

鬼临身世得官真，卦爻旺相为欢忻。

驿马空亡徒费力，卦遭胎没枉劳神。

（若卦遇胎没，定枉劳神。立春后巽胎离没，若得家人卦之类是也）

旺爻克应是不良，应入墓时忧死亡。

世爻受克遭贬谪，若克他爻倍俸粮。

（世受克遭贬罚，世克他爻主倍得俸粮）

人吏空亡难立脚。

（初为人吏，爻若值空亡，纵使这官清正，吏人无气，谁与奉行？如树无枝，所以难立。）

内外纯阴名不扬。

（阴柔不立之象，若内外卦俱阴，安能振作？是以名不扬也）

子爻克鬼无官禄，福德爻交反不昌。

（子动克伤官鬼，故不昌也）

卦克世身职不安。

（若卦身所属克世爻并身位，定主不能安职。如乾官遁卦本属金遇世属火是也）

身克人吏百忧攒。

（太刚则折，若身世克初人吏爻，定主吏皆退避。凡百事业，主有忧攒之兆）

白虎动时惊恐至。

（若白虎旺动，惊恐立至也）

子孙持世必隳官。

（子动乃求官大忌，必至隳坏也）

若问文官并武职，唐符国印求端的。

（唐符国印，求官必须用之）

寅申之年巳亥为。

（寅申之年，巳为唐符，亥为国印，以下类推）

巳亥之年寅申觅，子午之年卯酉求，卯酉之年子午出。

辰戌之年丑未方，丑未之年在辰戌。

鬼临符印最为佳，当作朝中资辅翼。宜静而动必升迁，宜动而静多掩抑。

巽象摇时东与南，乾位交重出西北。君臣世应上下交。

（世为君应为臣，上为君下为臣。若上下相生，主君臣赓歌吁[口+弗]一堂也）

练行宜往兴功绩。

（练者，训练士府也。遇卦中世应相生有命训练之，行往之，必建功也）

欲知卦内作何官，先向身中仔细看，火是文章喉舌位。

（火乃文明之象，故主翰苑之官）

土为守令渐盘桓。

（盘桓者，修理城垒。土爻持世，故应此职也）

水是江滨巡守职，金带兵刑生杀权，木主工科司建创，大小皆随衰旺言。

（随动爻之休囚旺相，而定其官爵之尊卑也）

喜神驿马临官鬼，美削重重有知己。

（美削者，举纸笺也。因有喜神驿马临于官鬼，故美削重重得知己之多也）

就多符印两爻权

（更以唐符国印二爻推之，若果上卦发动，定主符印入手。符印爻所系重，故再言）

早晚当随诏书起。

（符印既动，诏书立至）

卦无太岁只升迁。

（太岁上卦，则主入朝，若无，但能迁改）

太岁合时见天子。

（太岁若与世爻合，身位合，主入朝而见天子也）

更得雷火杀重重。

（雷火寅猪申巳求，四孟从之岁一周。即时冲破为天后，便见求官驿马流。其法正月起寅二月丑，逆数十二

位是也。不欲赘言，故以四孟提起，遇动大吉之兆，应如下文）

看看名位至王公，天乙贵人更相合。

（天乙贵人，正月在巳二月申，三月在亥四月寅。五九依然居巳上，未月至丑三位轮。若还遇动定为吉，子孙代代作公卿。其法只以巳申亥寅四位，周而复始轮行十二位，正月巳，二月申，余仿此）

代代为官受赠封。

（雷火贵人即合，非惟己身享禄。主代代受封赠也）

此是天纲玄妙诀，劝君细绎莫匆匆。

## 18 . 国事章

若筮国家占天子，卦从本宫世上取，本宫为国世为君。

（本宫者，看所占之卦，在何宫即为国，世爻即为君王也）。

旺相比和得圣主，初民二士三大夫，四作公侯君在五，

六为宗庙社稷神，动静刚柔宜得所。

（六爻各要生合旺相，苟一位不得其所，则一国不宁矣）。

大杀为灾金主兵

（大杀，正戌、二巳、三午、四未、五寅、六卯、七辰、八亥、九子、十丑、十一申、十二酉是也）。

水为昏垫土攻城。

（水动主有洪水之灾，土动主有修澡城垒之事）。

震离坎兑四方见。

（若遇此四宫，应在边方也）

坤艮宫中事未宁，六爻不动卦无杀，天下人民歌太平。

出兵交战子当强，鬼旺他赢我必亡。财是草粮兄莫克，父为旗帜忌摇扬。

水爻带鬼来克我，须防劫寨及攻营。却看有气并无气，方断兵机输与赢。

（若决胜负，以世应日辰官鬼论之。世为我将，应为彼军，日辰为我卒，官鬼为彼兵。我克他我胜，他克我我负，若财兴克父必斩将夺旗，兄弟交重必夺粮劫草）

## 19 . 僧道章

羽士缁流来问占，身安世静最为先。身爻克世堪谋用，世应比和乐自然。

世若克身当退守，财来克世好求缘。六爻不动为清福，一位交重事变迁。

财旺正宜收布施，鬼交偏好谒官员。世临白虎官司绕，身遇勾陈心事缠。  
 父母克身师接引，青龙持世贵周全。勾陈带杀遭魔障，玄武临财被贼冤。  
 兄弟勾陈同位动，谨防法眷外勾连。贵临父母师通圣，福德龙交弟子贤。  
 父母重重身受克，断然身被俗家牵。财空注疏徒劳力，鬼旺营谋枉费钱。  
 乱动坐关为大忌，八纯却好去参玄。艮坤只可栖岩壑，离巽偏宜隐市廛。  
 龙凤交驰宜访道，坎离辐辏好安禅。游魂带杀休云水，一世休囚莫置田。  
 子动妻交还俗汉，世空身旺地行仙。身空不动头头道，应旺无魔处处禅。  
 应偶世奇生又合，神清身静寿绵绵。忽然负结财身动，未免填还俗债缘。  
 世应不和身妄动。了身达命待驴年。木神太岁临身命，即日逢神得正传。  
 太岁火神加父母，天边恩命定来宣。问予末后天机事，拈笔书将一个缘。

## 20 . 求财买卖章 附人口交易

求财交易财为主，发动临身财必取。卦若无财及落空，一切营谋不堪许。  
 财爻持世及克世，一买二卖利百倍。克身又得青龙扶，积玉堆金何算计。  
 财爻外动较艰难，财在内兮人送至。外生内兮应生世，假使财轻也容易。  
 应克世兮世克身，有财到底难成遂。世应比和身又安，资财平稳无忧滞。  
 财生库旺聚钱财，子动龙交应称意。财爻若值废休囚，货贱如尘应措置。  
 财爻旺相贵如金，有货必须乘早弃。财爻不动财平安，遇杀逢空终破费。  
 外鬼牵将玄武来，官灾盗贼重重悔。劫杀临身兼克身，暗昧阴私须切忌。  
 财爻驿马木神扶，买卖成交还遇贵。兄弟螣蛇是悔神，财忧散失身忧否。  
 莫将朱雀爻当头，官司口舌相连系。兄弟化财虽有财，切须忌落人圈套。  
 折本伤财因甚么？只为妻财化兄弟。子孙化财宜利多，财化子孙更非细。  
 却又青龙水上来，登山涉海多饶利。

勾陈交鬼必淹留，行货临官被贼偷。忽尔妻财化官鬼，虽然获利被官收。  
 行商坐贾营财赋，切忌官爻临本库。不是官司送祸来，寂然被贼偷将去。  
 地头克身世未周，阴爻必是女人留。满船载宝荣归者，盖为身爻克地头。  
 欲问钱财何日得？应在身财生旺日。假令乾用木为财，亥卯日辰为准则。  
 世应是财求易得，卦若无财少准凭。财爻化鬼成凶象，鬼化为财定吉神。

财落空亡难把捉，若逢二杀贼相侵。

（二杀乃劫杀、天贼杀。）

难求外怕财爻动，易觅财时在内兴。世若克财休启齿，财来克世得千金。  
诸爻若总无财象，子动龙交亦可寻。世应若合最为吉，子孙合时为福德。  
月德月建要相扶，求财数倍终须得。

内为人兮外地头，人克地头有淹留，地头克人兼旺相，若遇求财数倍收。  
日辰克身货出手，财克地头贼相守。青龙发动最为佳，阴阳得位财须有。  
外爻无气应克身，若值空亡忧病生。土爻持世如何离，阴爻持世主阴人。  
（土爻持世，主有阻隔，阴爻持世，主有女人淹滞。）

凡人占卦问求财，父动艰难鬼动灾，子旺财明须得利，兄兴迟滞是非来。

#### 附：添人口

添人进口要财明，子旺财兴便可成。父发兄摇难永远，鬼爻发动祸相亲。

#### 附：交易

凡占买卖与交易，子动财明为大吉。兄鬼爻摇合不成，父兴费尽千钧力。

## 21. 出行章 附关津

凡卜出行先看身，身爻发动是行人。子孙外动克身世，决定前途获宝珍。  
出去当头忧白虎，归来足下忌勾陈。内克外兮世克应，临行有阻去无因。  
外克内兮应克世，打迭行装在即辰。身宫见鬼因官去，若不因官定有违。  
父母克身父母留，兄弟克身兄弟忧。青龙子孙克身位，一路无虞到地头。  
乾宫旺相乘肥马，坎卦克身乘巨舟。震卦克身身便动，坤卦克身徒步游。  
艮卦克身行必止，巽卦克身去又休。白虎克身行有厄，青龙克身为大吉。  
朱雀克身文字摧，玄武克身必遭贼。若见勾陈来克身，事绪勾留行未得。  
出行谒贵及寻人，兄鬼交重不可亲。子旺财兴须吉利，父兴既去又回程。

**附：关津**

关津把隘苦难过，且看其中鬼若何，父鬼兄摇休进步，子孙发动莫蹉跎。

**22 . 行人章 附音信、健否**

欲卜行人何日回，父克子孙为定期。初爻发动足下动，二爻身动定无疑，三四发动临门户，五爻在路较迟迟。上爻心动身犹住，安静行人定未归。虽动动临玄武方，中途定有小人伤。交重白虎多惊恐，发动青龙大吉昌。朱雀爻交先有信，子孙发动喜非常。鬼兄并发多应病，官化为官更不祥。子落空亡身入墓，行人准定不归乡。

子来占父几时回？父鬼兴隆一定来。兄弟摇摇多阻隔，父兴子动定无归。子回财动定迟留，父发无归更可忧。若是子兴兄弟动，双亲顿解倚门愁。手足情深久别离，兄兴父动是归期，鬼摇财动无回日，子若兴隆定是迟。妻掷金钱问藁砧，鬼财内发即回程，子兴兄动他乡客，父发归迟却有音。主因奴婢特来求，子助财兴即转头，父发兄摇归未得，鬼摇阻滞更淹留。凡占家人子墓期，他人来者合为时。震宫子爻言在戊，六合他人言未知。欲知行人何日到？月卦合神年月告。假令丙子水为身，辛丑之辰以时道。

（若占家亲，以子长生有消息。子墓日方到。他人则取六跌蹠杀，正月从酉上合为推起，逆行十二位是也。）

凡占行人在何处，子变应爻父母拟。变作本宫兄弟边，若变财爻贱人处。子又若是本宫子，行人出家寺观止。行人子孙处鬼爻，必是官僚人吏矣。

（归忌杀，正月丑、二月寅、三月巳，只此三位，周而复始。凡占行人若世在震宫，及二四爻动，可立候而至。）

**附：音信**

约定人来何不来，只因兄鬼发如雷。财兴子旺须爽到，父动中间书信回。内外之间辨信音，内爻旺相望盈盈。外爻发动相空内，一纸家书抵万金。若占音信看应父，应父合处是归期。外阴内阳书即到，外阳内阴书未回。父母生克应爻动，须臾路上信如飞。

**附：健否**

旺相不入墓爻活，囚死空亡随水沫。又看上下卦如何，旺相相生行泼泼。  
卦爻不化入墓中，皆为平善得安隆。反之必死不须望，但去招魂作殡宫。

**23. 六畜章**

凡占六畜畜为身，假使占牛丑是真。喜见子孙并父母，怕逢劫杀及亡神。  
卦内若无所肖者，却将八卦象来轮。乾马坤牛艮狗当，巽鸡离雉兑为羊。  
震龙艮马一般断，坎豕离鸟细审祥。巽兑白兮离又赤，乾玄震翠艮坤黄。  
更有旁通推本位，次推所属身宫义。本身旺相保无虞，若值死囚灾立至。  
本身发动子孙持，正是生财长育时。更得青龙相助吉，杀神相并虑倾危。  
本肖空亡分外愁，交重白虎血财忧。午爻带杀当忧马，未虑羊兄丑虑牛。  
更须推究本宫卦，坤旺牛兮乾旺马。遇子加龙旺主人，玄武同宫防盗者。  
死绝休囚本位持，牛不耕兮马不骑。更遇杀来应病死，十占八九定无疑。  
青龙旺相生财厚，六爻安静无殃咎。若逢羊刃及三刑，决定遭他屠子手。  
财值青龙化子孙，猪羊鸡鸭密如林。牛强马壮无他事，外旺乾刚内旺坤。  
父母重重化父母，一畜经年三换主。大杀来伤本肖爻，今朝换主明朝死。  
困颐噬嗑及明夷，鬼杀交重定剥皮。纵得青龙来救助，虽无残害也尪羸。  
凡人占卦问六畜，有财有子皆为福。父爻旺动不能全，兄鬼交重多不足。  
但占牛马泰成殃，坤腹乾头是倒装。

（占牛马遇泰卦，定主空亡。若值坤乾二卦，所畜牛马倒装。无用之物，大抵遇泰卦则是。）

夬是力强宁畏热，

（若值夬卦，牛马纵遇热暑，亦主壮健。）

若逢益卦怕刀伤。

（若卜得益卦，牛马必被刀斧伤。）

离为虚市遭屠杀，

（若离卦，主虚市屠家宰杀也。）

坎卦重爻入镬汤。

（若值坎卦重爻，主有汤火之厄。）

噬磕颐需咸入鼎，

（若值此五卦，亦主遭烹宰。）

怕逢坤艮被分张。

（怕坤艮二卦，主牛马各散，如地山谦卦是也。）

更以刀砧分上下，若无诸杀始为昌。

（乾兑属金为刀，震巽属木为砧，刀在砧上则死，刀在砧下则生。若料大过无妄之类则死，大壮中孚之类则生。）

买牛买马只求财，大怕兄兴鬼发灾。若是父摇空费力，子孙发动却佳哉。

## 24 . 蚕桑章

应为蚕子世为人，世应相生福得臻。财是蚕官身是主，身财和合获珠珍。  
主若生蚕我遂意，蚕儿受克枉劳辛。六爻安静为平稳，一位交重验六亲。  
有子有财全吉兆，见凶见鬼大凶征。交重父母平平断，旺相休囚逐位轮。  
财爻若也持身世，管取丝绵千万斤。更得青龙同位助，获财百倍大光荣。  
本宫见子为生气，财世逢官是耗神。鬼财初爻苗不出，二爻蚕子有灾迍。  
三四鬼爻无桑叶，最上官兴茧不成。金爻是鬼二眠亡，木鬼三眠定受殃。  
水鬼定是遭风雨，土鬼多应病肿黄。鬼落空亡翻作吉，鬼爻休废反为良。  
鬼化子孙财帛厚，鬼化妻财大吉昌。鬼化弟兄收一半，鬼化父母晚丝强。  
青龙发动丝绵绵，白虎交重蚕白殭。玄武克蚕忧水厄，勾陈带杀为虫伤。  
水财到底无多利，金土为财些小偿。木财旺相财无数，火旺财爻更倍昌。  
天喜青龙财子合，生身生世获嘉祥。凡人占卦问蚕桑，子旺财明甚是强。  
兄鬼交重防损坏，父摇一半落空亡。

（大率占蚕须要巳午上卦为吉，发动乃大吉。艮离吉，坎兑凶。）

## 25 . 舟车章

船车原以父为尊，父动船车不久存。兄鬼动摇防盗贼，子孙出现免灾迍。

## 26 . 疾病章

疾病先将身命看，逢龙见子放心宽。妻财入命多沉重，官鬼临身更不堪。

身犯勾陈凶有准，命加玄武瘥应难。螣蛇白虎忧丧事，身命空亡定入棺。  
 金鬼值身伤骨节，身临水鬼血浓攒。贴身火鬼疮痍恼，木鬼身宫百骨酸。  
 土鬼在身身肿胀，杀刑加命命摧残。水为腰肾金为肺，火主心经木主肝。  
 土爻脾胃休逢杀，发动交重仔细观。虎鬼同兴应哭泣，龙孙并旺保平安。  
 乾为首兮坤为腹，巽为手兮震为足。兑为口兮艮为鼻，坎主耳分离主目。  
 一官杀旺一般灾，子动龙兴保平复。丰兼蛊困及明夷，夬与同人一例推。  
 冬旅春需都困重，夏观秋剥并倾危。六爻安静尤难瘥，杀鬼交重便莫医。  
 财旺身空身必丧，官生命死命应衰。两重官鬼因劳复，鬼化为兄病不宜。  
 鬼化为财凶有准。鬼爻化子瘥无疑。凡若有人占疾病，先从卦中寻本命。  
 仍看来者是何人，克者是何加世应。福德持世鬼暂退，官旺之日又加进。  
 卦中无鬼病难医，鬼旺财兴难保命。鬼杀临身五墓侵，鬼神不应药无灵。  
 一为五脏二皮肉，三为体骨腰并足，甲肺心经五六头，游魂恍惚如神烛。  
 惟有归魂渐向安，吉凶细细为君嘱。占病若先问六亲，吉凶须要讨分明。  
 父母空亡防父母，财爻无气损妻身。子孙化鬼须遭死，兄弟杀临定不贞。  
 明夷蛊䷑剥丰同，六卦哪堪占病凶。财鬼二爻俱发动，丧门吊客闹丛丛。  
 丰观需节旅贲临，明夷蛊夬及同人。占病若还逢此卦，归家急急办前程。  
 子占亲病几时痊，子要兴隆父要安。兄动缠绵难脱体，子兴财发入黄泉。  
 子病亲来问卦灵，兄兴子动死还生。鬼摇父动终难保，财动缠绵病转增。  
 夫问其妻疾病煎，财明子动便安然。鬼爻发动还沉重，父发兄摇定断弦。  
 妻占夫病未安宁，鬼动财兴可放心。兄子交重恩义绝，父摇难愈病沉沉。  
 兄弟来占疾病缠，父兴兄静自安全。鬼摇财动黄泉客，子动留连数日眠。  
 奴婢淹延疾病缠，鬼摇疾病更连绵。财安子发无他事，父动兄兴不得痊。

## 27 . 医药章

子孙出现是医人，生身生世药必灵。两个子孙齐发动，换医困厄即时平。  
 子囚医拙无功效，子旺医明有准绳。无子病人难服药，子空患者便归程。  
 子孙值土宜丸散，值火须当艾火蒸。通木䷊咀方应病，逢金针刺保亨贞。  
 子孙值水宜汤药，天喜扶持妙莫评。青龙独发最为良，持世生身便离床。  
 那更子孙同位发，不须服药保安康。鬼财安贴无忧虑，身世比和大吉祥。

欲问病人何日瘥？鬼衰身旺世生方。夫病欲医须卦静，爻须旺相子扶身。  
应爻及外为医者，内卦身爻是病人。医来克病人方愈，病若克医药不灵。  
鬼爻持世人难保，吉曜加临大利贞。

## 28 . 词讼章

公讼先推身杀鬼，身克杀爻应有理。劫杀克身理不明，身旺杀空忧散矣。  
告人切要杀扶身，被诉却忧刑克世。身旺杀空诉者输，身衰杀旺身遭捶。  
杀身俱旺事迁延，身杀俱空公事止。劫杀临官官事兴，财加劫杀因财起。  
三刑持世莫兴词，六害临身休后悔。父母勾陈与劫并，决定争差田屋契。  
外来克内被渠伤，内克外因渠不是。弟兄化鬼卒难休，鬼化弟兄多暗昧。  
玄武临官防小人，螣蛇犯鬼多淹滞。青龙入鬼遇贵人，白虎临官受刑制。  
鬼共勾陈牢狱灾，鬼临朱雀文书累。太岁克官赦解由，月建冲官官恕罪。  
日辰克鬼脱应难，鬼克日辰尤不易。身世克刑日下和，相并相冲还又至。  
噬嗑明夷被杖笞，屯蒙大壮遭囚系。虽云涣解保无忧，也要世身爻有气。  
天喜贵人要生身，大杀亡神莫持世。世应相生内外和，决定两头都没事。  
劫杀官爻是祸根，空亡却是相和义。妻财持世喜神扶，却宜托个人调议。  
青龙子孙是解星，主世生身谢天地。世旺身生命合神，是日官司当脱离。  
更有常赢决胜方，诉人被诉都当记。讼心克己最为良，挫锐解纷为至贵。  
赢尽世间多少人，省财又不伤和气。禁系忧官两未萌，应为对主世为身。  
鬼旺墓乡须下狱，官临岁动达朝廷。鬼爻出现催公判，卦若伤财理不明。  
应爻坐鬼他遭责，世下藏官我不赢。卦值两官因旧事，兄爻发动起同人。  
财多损子灾难脱，轻者徒流重死刑。脱事遇官寻福德，父兴财发事关身。  
动爻克世人来损，兄动虚忧假作真。日辰克鬼我身赢，鬼克日辰他身旺。  
日辰生鬼事迟延，鬼生日辰事摇漾。日辰与鬼不相克，此事终须有比和。  
日辰或与鬼冲并，两边相见自消磨。若值解神官事散，更逢天喜乐淘淘。  
世前为锁后为关，鬼旺克身主脊杖。身克宗庙有刑宪，宗庙克身道理强。  
身衰怕被日辰克，死绝年年狱里藏。宗庙死绝事当宁，大壮知他理不明。  
子孙临身官事散，鬼来克世是输名。明夷卦主幽囚禁，父母爻交事未亨。  
事在伏中难解脱，财居飞位易调停。众阳在外无输象，刑杀临身自杀刑。

我欲兴词去告人，兄财子动状难成。父兴鬼发须成讼，财动文书断不成。  
 他人告我果何如？子动兄摇定是虚。父鬼旺兴成大讼，财兴必定克文书。  
 是非官讼几时休？父鬼摇扬最可忧。子动旺时容易散，兄兴财发事悠悠。  
 青龙动主和，朱雀官偏拗。勾陈公差来，白虎杖比较。  
 螣蛇铁锁拘，玄武吏典狡。若依此诀推，百试无不效。

## 29 . 盗贼章

占盗先推财鬼乡，财爻安静便无妨。内摇不离无安处，外动多因出远方。  
 鬼化为财须有望，财化为鬼莫思量。妻财入墓无踪迹，导犯勾陈在土藏。  
 捉贼提防亡劫害，寻财切虑刃刑伤。子孙旺相终寻见，官鬼休囚必捉将。  
 玄武鬼爻家里动，原来家贼最难防。两重官鬼勾连至，鬼落空亡自失忘。  
 一世二世亲邻盗，三世四世□离乡，五世六世他方贼，鬼若生身必见赃。  
 木鬼东方人是贼，金西水北细推详。火官本是南方盗，土鬼原来只在房。  
 欲问贼人藏物处，鬼家父母处推详。譬如火鬼木为父，木竹堆中及树旁。  
 不惧五行无准则，只愁财物落空亡。捕盗先推飞伏神，飞伏相生贼不真。  
 飞克伏神须捉住，伏伤飞者反伤身。伏神带杀休追赶，伏入勾陈贼自陈。  
 内外世身依此例，内还克外定无因。应爻又是偷财者，若来克世屈难伸。  
 欲知捕获当何日？鬼败财生定日辰。卜筮遗亡皆准此，身衰财发不由人。  
 凡人占卦问失物，官鬼交重必是贼。父兴兄动恐难寻，子发财安必易获。  
 若是逃亡兼走失，用鬼为贼财为物。财爻在内不空亡，子位交重物终得。  
 鬼在二三邻里偷，若在初爻未将出。八纯奔走他方去，归魂物不离亲戚。  
 世应相生内外和，家中自匿虚啾唧。游魂内外且追寻，木鬼东方人是实。

## 30 . 断易总诀

占卦须占用是谁，却将出现伏藏推。凶中得吉逢生救，吉里成凶被克欺。  
 若被克欺宜制伏，如逢生救要扶持。有人会得其中意，卦理虽深可尽知。

## 天玄赋

### 1、总论提纲

吾人问卜必因动静吉凶，学者谁占要识浅深高下。秘旨虽传于人口，奥妙实出乎天然。事有万殊，理无二致。须识静中有动，当明吉处藏凶。静者动之机，吉者凶之本。如逢卦静，专寻暗动及空亡；若见爻兴，便察吉凶分造化。诸爻并吉，更防吉处藏凶；大象皆凶，须识凶中有吉。若逢乱动，先观用爻。用爻有彼我之分，得失从衰旺而决。六爻上下吉凶，全系乎日辰；一卦中间主宰，莫逃乎世应。细察生旺墓绝；精详克害刑冲。吉凶繇此而分，祸福从兹而定。贵人乘禄马，纵非吉庆也无凶；天喜会青龙，虽遇悲哀终有喜。白虎动本非佳况，惟孕育反作吉神；子孙兴总曰祯祥，问功名偏为恶客。官鬼不宜持世，求名婚娶两相宜；妻财仅喜扶身，父母文书偏畏忌。玄武阴私兼失脱，螣蛇怪异及虚惊。朱雀本主官，非仕宦当生喜美；勾陈职专田土，行人终见迟留。

## 2、身命章

凡占身命先察用爻。

（首章先言身命，未可便将卦名妄断。剖决高低，必须参究用爻动静、兴衰、刑冲、克害及空亡等象，取其端的，方可决吉凶、祸福、贵贱、贤愚、伯子公侯从兹定矣。）

刑克害冲，断一生之得失。

（刑者，三刑：子刑卯，卯刑子；寅刑巳，巳刑申，申刑寅；丑刑戌，戌刑未，未刑丑；辰午酉亥自刑，以上所言刑者为阴阳反德。凡占有日辰刑，动爻刑。若刑父母，则双亲损。刑财爻则妻妾伤。骨肉逢刑，无不伤残；却看在何限中，便知何年刑克，余仿此推详。克者，阴阳不和，故相克也。凡遇财福吉神克我仍吉，鬼杀凶神克我大凶。害者，穿心六害也。乃恩未结，怨已生也。子冲午、午冲合未，是谓子未六害；寅冲申、申会巳，是谓寅巳六害。卯冲酉合辰，是谓卯辰六害。余皆仿此。六害见之骨肉情疏，六亲分薄，夫妻不协，子息难招。冲者，子午、卯酉、辰戌、丑未、寅申、巳亥对冲是也。有年月冲、日辰冲、世应冲。凡财福逢冲则凶，鬼杀逢冲则吉。爻虽安静，见冲则为暗动，动爻遇冲则散，空亡遇冲则不空。冲则动，动则战，战则争矣。）

兴衰动静，决三限之荣枯。

（有大象旺衰，有爻象旺衰。凡卜身命得大象旺，亦是好处，称是壮实根基；更得爻象吉利，乃十全之造化。大抵卦旺不如爻旺。人之根源系于卦，不系于爻；命之吉凶在乎爻，不在乎象。更看动静吉凶，三限荣枯实决于此。）

遇财福则富贵荣华；

（妻财子孙二者虽为吉神。若旺相有气或带贵人并进神临于卦中得地之处，却来生合世爻，贵则加官是禄，富则发福生财；更得日辰、月建青龙同位，乃大发大旺；纵临螣蛇白虎，亦不为凶；

小有盘折，不能伤害大体。但怕冲破并受克方为无用。凡占须看立于何限中。便知何时发达。若临正卦外三爻，支卦内三爻，称为得地。临于正卦内三爻，名为落陷。若在支卦外三爻称为晚景之福。）

遇兄鬼则贫穷破败。

（兄弟官鬼二者皆非吉神。卦中若遇兄弟发动，争讼是非、分门割户，或破耗资财，或生涯冷淡，皆因此也。官鬼主疾病患难，加朱雀官符，主有口舌官灾；加玄武天贼，有逃亡失脱；加白虎丧门，主丧亡孝服。凡占遇之，无气不动犹可，旺相发动最凶。若冲散受克及落空亡，此等限中以平为福。若正卦外三爻，支卦内三爻，遇之最为不佳。正当成立之时，遭此凶恶之辈，安有发福之象，若在早岁，颠沛灾迍，或当暮年，终无结果。）

世是平生之本，应为百岁之妻。

（人生一世，贵贱高低合为何等人物，但将世爻为主，若得天贵禄马并立，又有吉神生扶，无凶杀冲克，乃富贵根基，清高品格。若与凶杀并立，或被恶杀刑冲，别无吉神救解，乃贫贱之征，无成之兆。若遇世空最不美，当有大难。唯有九流术士之人及僧道之辈，反为吉兆，是空手求财，财去财来，终无积聚。世应二爻乃一卦之主。凡占，以世为已应为妻，若与青龙吉神并立，其妻必贤；咸池玄武并立，其妻必淫；世爻无气受应克，必然妻夺夫权。应爻若落空亡，妻宫有损。）

相生相合必然偕老齐眉，相克相冲决定终朝反目。

（世应二爻若得相生相合，一生如鱼得水，如逢相克相冲，百岁似水投炭。生合之处逢冲，始谐和其后被人搬弄。若应来克世，本不为佳，却得动爻克应，或被日辰冲破，则始虽不和，以后得人解劝，终归好合。若世应比和，自然两无高下。）

财动则父母刑伤，兄弟兴则妻宫重迭。

（财爻持世或动，则父母受克，其人或早失怙恃，或过房离祖，重拜爹娘，若兄弟交重或临世位，其人妻宫受伤，必主断弦再续，晚岁重婚。父母动则难为子息，官鬼兴则损害弟兄。惟有子孙持世，财爻有气，一生衣禄，自然亲贤近贵，永年和合。）

若临旁位稍减灾殃。

（言前妻财兄弟之类，不临世上在他爻发动，其灾殃稍减，以是推之，学者自当通变。）

咸池凶杀临身，出处必然微贱。

（咸池杀，见后神杀章内。此杀若临世爻，或临父母爻，皆主出身微贱之家，更看卦无贵人吉神，必非高尚之士。）

禄马贵人持世，立身须主清高。

（贵人，天乙贵人，见后神杀章。凡占得贵人持世，禄马同乡必然立身清高，不可断曰庸人。）

卦值六冲，半世求谋蹭蹬。

（子午卯酉之类为六冲。凡占得之，其人作事有始无终，少成多败。前卦六冲，三十年前生涯冷淡；后卦六冲，三十年后渐觉萧条；前后皆值六冲，一世不能成就。爻中纵有吉神为事，亦当蹭蹬。）

爻逢六合。一生动用和谐。

（六合，子兴丑合之类。凡占卦逢六合，其人和悦秀气，善兴入交，谋事多成，行藏无阻。前卦六合，三十年前步步春风，后卦六合，三十年后滔滔发福；前后皆逢六合，一生遂意，到老荣华。）

男带合则俊秀聪明，喜见青龙财福。

（卦中吉凶不可以概论，亦有浅深之分。且如卦逢六合，爻象皆凶，难以吉断，然须参究浅深，剖分高下。若占男子命，卦中带合，必须青龙财福旺相得地，方可断曰聪明秀俊之士，依此推之，庶无差忒。）

女带合则浇浮淫佚，怕逢玄武咸池。

（女人得六合却不为佳，若有吉神贵人在位，则无虞，反主秀气聪明，仪容端正，若见玄武咸池在位，必主浇浮淫佚，放荡无端，行多不正之妇矣。）

遇进神则吉盛凶多，遇退神则吉衰凶减。

（进神者，甲子甲午己卯己酉。退神者，壬戌壬辰丁丑丁未。凡遇进财福吉神则吉，遇鬼杀凶神则凶。大凡进神通吉则吉盛，逢凶则凶多。退神遇吉则吉少，逢凶则凶减矣。）

玄武持世，为人慳吝奸雄。白虎扶身，赋性刚强狠毒。

（青龙持世为慈祥恺梯，见人和颜悦色；朱雀持世，急于言词，多招诽谤；勾陈持世，为人稳重，行事迟钝；螣蛇持世，为人多心机无信实，虚浮诈伪；白虎持世，为人刚强好勇，狠戾心毒；玄武持世，为人阴谋暗算，狡诈多端，若与兄弟同居，其人贪财吝嗇。）

此则一生之祸福，须言三限之荣枯。

（以上所言吉凶休咎，总论一生祸福，犹未及于三限。此从分别三限，以证前言，得失荣枯从兹定矣。初爻管五年，二爻管五年，三爻管五年，共十五年，后三爻亦管十五年，共三十年。支卦亦管三十年，却看爻上无阻，一年一位数至寿终。）

内三爻管十五年，遇吉神则大人荫庇。

（吉神贵人禄马，幼年荫庇之下，享现成之福，不可便断发福发财。若动爻临于鬼杀，自幼多灾多患。）

外三爻管十五年，遇凶神则小辈欺凌。

（十六至三十正当成立之初，未免为人所欺负。若见官鬼凶神发动，多因小人侵侮，大则官府逼胁，当究浅深，断其凶吉。若是吉神发动，从此享福无穷。）

要知发福发财，支卦内三爻为主宰。

（人生世间，成家立业皆在三旬以上，五旬以下，未至此其力未加；若过此，光阴已错。凡占论成立，专看支卦内三爻，若财福兼全者，有成之造化，晚景纵不佳，终须有根底。若遇鬼杀空亡，一生虚负心机，徒劳奔走，终无结果收成也。）

若欲断生断死，支卦外三象为提纲。

（支卦外三爻管十五年。自四十五年至六十称为晚景，乃结局之时。无毁无誉不过论寿，凡观至此，紧著眼看凶神恶杀，若有克战，须忌倾危。）

遇吉神则见险无危，遇凶神则逢屯即死。

（如遇吉神，则虽经阴阻之处，亦可转祸成祥，不至危殆；若遇凶杀，则稍有坎坷便成大咎，以至绝地。）

后卦如无凶杀，前爻世上重寻，一年一位细推详，万死万生从此决。

（后一卦如无凶杀，其寿在六旬之上，却从前卦世上重寻，一年一位数至寿终。若步步遇吉神，其寿绵远，若逢凶恶杀，即便丧黄泉，万死万生，从兹定矣。）

莫将紧节亦比常占。

（占人之命，关乎大造，非可轻断，必须潜究根源，察其衰旺、动静、克害、刑冲，自家把捉得定，方可与人决断吉凶，部分得失。若不察其浅深高下，妄行决断，而无误差未之有也。）

### 3、伉俪章

天命稟有生之初，非今可易。

（死生有命，富贵在天，命稟有生之初，非今可易。莫之为而为，非我所能，必但当顺受而已。）

夫妇乃人伦之大，自古为先。

（有夫妇然后有父子，故五伦之中首先夫妇。）

世为婚应为姻，须要相生相合。

（世为男家，应为女家，相生相合，定有成就之象。生合处，须防冲克，恐将成而被破阻。冲克处若得生扶，不成之际得人赞协矣。）

鬼为夫，财为妇，最嫌相害相刑。

（财鬼皆要旺相为吉，最嫌三刑六害发动成凶。）

阴阳得位为佳，夫妇俱全协吉。

（阴阳得位有两端，有封象外阴内阳，有应阴世阳，二者皆为得位。一阴一阳之谓道，纯阴纯阳谓之鬼。纯阴不生，纯阳不化，一阴一阳，为夫为妇。又曰：占婚用爻首要财鬼，二者俱全称为大吉。一云男占妇以财为主，女占夫以鬼为主，其理仿此。设或财鬼不上卦或落空亡，其婚难成，纵成亦为不吉。）

世生应乃男求女，应生世乃女贪男。

（且如应虽生世，奈应逢墓绝，虽然相贪，尚在踌躇之际。若得动爻相生，必赖媒妁之力。如世爻生应，奈世被日辰冲克，男意虽浓，被人间阻，事体又在难成也。）

世位逢空，当见男心退悔，应爻有动，或然女意更张。

（世空男悔，应空女悔，纵有吉神亦难成。若世应俱发动，必然事有改张。动处若逢日辰合，任君不愿也须成。）

世应比和，功全资于媒约；阴阳交错，事亦系乎因缘。

（世应比和，本无成就之理。若得媒爻动合世应其事亦成。阴阳交错，乃事应不得位也。若大象可成，亦当入赘，不然夫妇相凌也。）

应旺则女室丰隆，世墓乃男家贫乏。

（夫占妇，若应位月建旺乃素封之家，若月建虽旺，日下休囚，必近年稍退资财。若妇占夫，要世爻旺相，则男家豪富；入墓休囚，必主贫乏，本官虽旺，而世鬼俱衰，止是虚名而已。）

子孙发动，中途必见伤夫；兄弟交重，异日终须失妇。

（子孙为福德，卦中不可无，宜静不宜动。若带贵临吉神动，乃妻夺夫权；或鬼旺受克。若加天寡及凶杀，必主伤夫。旺相则急，休囚则缓。兄弟为克财；若发动必丧其偶，若得鬼动，及日辰冲破，庶可解。）

财空妻失，鬼空夫亡。

（财鬼空亡，占婚大忌，本非成就之象。若干支相合，世应相生，半世夫妻也。）

男子两财，逢二姓丝萝之好；阴人两鬼，再一番桃李之鲜。

（男占女，见两财一旺一空，曾作两度新郎；若两财不空，惟带桃花，必一正一偏。女占男，见两鬼一旺一空，定主重婚再醮；若两鬼旺不空，日辰刑冲财爻，或动爻克财，是必生离改嫁。）

财动则伤克翁姑，父兴则难为子息。

（财爻持世必不能奉事翁姑，安静犹可，若发动则主刑伤也。父母发动，主难于子嗣，若带凶

杀，主生后有损，遇救犹可，逢冲则无害。)

财鬼同居一卦，必然亲上成亲。前后皆值六冲，当见退后还退。财鬼共一卦中，此易成之兆。若世应财鬼相生相合，必然亲上成亲。

(前卦值六冲，必会许聘复退。后卦又六冲，成后又当见退，若被日辰合住，虽欲退悔，不可得也。前卦冲而后卦合，当见退后还就。)

日辰合世，须逢贵客维持；恶杀冲身，必被他人说破。

(日辰临天喜，或贵人合世应，必有权贵之人前来维持说合。若日辰恶杀冲克身世，必有小人破阻，若得动爻来救则无害也。)

卦无父母，应无雁币迎门；财值青龙，会见鸾妆耀目。

(父母为主婚又为聘义，卦中无父母必无雁币之礼。财与青龙会合，必妆奁之资茂盛，绚彩夺目。)

鬼化鬼终须反复，兄化兄见阻方成。

(鬼本动爻，不宜变动，静化犹可，动化非宜，必主事体反复迟滞。兄弟乃阻隔之神。兄又化兄，若大象不吉，婚难成。)

世应三合咸池，拟定先通后娶；财鬼一临玄武，定知眼去眉来。

(应与财若加咸池，临玄武与世并鬼合，必是先通后娶。若与旁爻合，必与外人有情。应加咸池玄武，妇淫；世爻夫淫。咸池若逢日辰冲，虽淫不滥。若见贵人动来克却不淫，主其人容仪美丽，多情好欢，逢旺更甚，死绝稍轻。若咸池会进神动来生合，其人淫心荡漾，恣意非为，若会退神或退神来克，虽有欲心，未尝有实，不过眼去眉来。)

要知女貌妍媸，推究财临九曜。

(推九曜以别妍丑，若财带贪狼俊好；财带巨门，其面貌团圆，颜色紫黑；禄存，主有色；廉贞主形貌美；武曲洁白中貌；破军必有破相；文曲形貌瘦长，为人柔弱，左辅右弼同以上好者。忌冲，恶者怕扶。)

欲识男材长短，参详鬼值五行。

(凡人禀五行而生，其形象亦不离于五行，当用推详。)

若穷两处精微，更互六神推究。

(若遇青龙，为人和气俊秀，工巧晓事能家。朱雀快言语多口舌，加杀多招诽谤，喜生是非；勾陈为人纯厚稳重、有规矩，不动则无转变；螣蛇，有心机多疑虑；白虎，性急狠毒不仁；玄武，私曲奸邪，若有吉神临制，则反主聪明伶俐。)

咸恒节泰，百年如鱼水之相投。

（咸恒节泰四卦，但取其阴阳得位，世单应拆，不相夺伦，若论财鬼俱全，咸卦未得尽美也。以上四卦，若又有日辰生合吉神发动者，欢谐到底如鱼得水也。若见用爻落空、凶神冲克，又不可以一概断为吉也。）

睽革解离，一见如炭水之相遇。

（睽者，乖也，上火下泽，金火同居，岂无伤克？故不利。革者，变也。革故鼎新之象，占婚遇之，当有争婚改嫁。解者，散也，占婚宜合不宜分。离者，六冲之卦，纯阴之象，故云不吉。）

间爻旺相，须知月老英豪。

（世应中间爻象，为媒的，若旺相，主冰人豪侠有力。）

兄位交重，定是冰人诡譎。

（兄弟动，主作伐之人从中诈伪也。）

与世应相生相合，必然一处沾亲。

（间爻与世应生合，必主亲朋结契。）

如雀虎相克相冲，拟定两家相怨。

（朱雀白虎临于世应冲克，虽联姻眷，终结两边怨恶。）

欲知退步，须察空亡。

（此说上文世应相生合及雀虎相冲克，若值空亡一，即当退步，不可如彼断。）

#### 4、六甲章

既已论于婚姻，次合占其孕育。子孙旺相若临阳象，定生男；福德休囚更值阴爻，当是女。

（子孙在单重爻为男；拆交爻为女。或子孙虽属阴爻，得日辰及动爻天喜扶持，亦主男；子孙虽属阳爻，被日辰刑冲及动爻克泄，亦主女。）

阴包阳则挂庭添秀，阳包阴则桃洞得仙。

（若子孙爻属阳，初爻六爻属阴，此阴包阳也，主生男；子孙爻属阴，初爻六爻属阳，此阳包阴也，主生女。）

发动青龙，当见临盆有庆。

（青龙为孕育之神，最宜旺相当权发动必生贵子。）

交重白虎，乃知坐草无虞。

（白虎为血刃，他事不宜，唯临产最喜，若辅于庚申辛酉爻上发动更快，缘白虎为破胎，为催

生故也。)

定吉凶于内一卦之中，乾离坎兑则易产。

(乾为首，离为目，坎为耳，兑为口，此四卦在内象则易产。言其头目耳口先出，是顺行，故产为易也。)

决祸福于外三爻之下，坤艮震巽则难生。

(坤为腹，艮为手，震为足，巽为股，此四卦若在内象必是难生，逢旺愈难，有解救半吉。)

兄弟空，则妻位无伤；父母兴，则子宫有损。

(克妻财乃兄弟也，兄弟空其妻无伤。子孙所制者父母，若父母独发，子孙必不全矣。)

若加凶杀立见刑伤。

(以上兄弟父母带吉神发动，虽凶弗咎；若加凶杀，必定伤胎害母。)

天喜若值螣蛇，定叶麒麟之梦。

(螣蛇者，乃虚幻恍惚之神，临阳鬼日主虚惊，临阴鬼夜生怪梦。更加天喜，必曾感应吉梦而生麟凤之子。)

咸池倘临玄武，必生汗血之驹。

(咸池玄武皆淫佚之神，若二神相会合，必生汗血之驹。汗血者，婢妾所生之子。)

六爻最怕空亡，诸位皆嫌鬼值。

(六爻之中初产母，二胞胎，至上皆有关系，故不宜空。鬼为占产所忌，故六爻皆恶之。)

鬼临初位必然产母当灾，鬼入二爻当见胞胎不稳。

(初爻，产母。鬼在初爻，故产母有灾；二为胞胎，鬼若临之，主胞胎不实。)

空亡必堕胎虚喜，带杀则临产艰难。

(子孙空及二爻空，主堕胎，若带杀神，主分娩时受苦。)

若逢鬼值五爻，始得福生万汇。

(五爻为收生婆，官鬼临之则吉。)

## 5、求仕章

有子万事足，当如仪俨侃称喜；无官一身轻，谁佐禹汤及文武。欲作大廷之宰辅，须凭易卦以推详。谋望利名，先要鬼爻旺相；斟量宣敕，但观父母兴衰。

(凡卜求官，官鬼是用爻，宜旺不宜衰。喜日辰扶拱，怕刑害克冲。宣敕者，父母是也。卦中不可无，最宜旺相扶世，不加凶杀则吉，若被刑冲，根脚不正，加临大耗广费资财。若太岁月建，

旺者多是宣也。若贵人禄马同乡不过是敕也。若虽有吉神，散漫而不当权者，无过是吏掾文书，冲世凶，生世吉，若不落空亡，纵有艰辛费力，终当成就。）

印绶旺则职守弥高，官鬼衰则声名卑小。

（父母官鬼乃占官之根本，缺一则事难成。二者若逢生旺，必然官职高大；若值休囚，只是卑小职分。若父母强旺而官鬼无气，职虽平等，身居镇静冷淡衙门，无威耀权柄。若遇进神声名益大；如逢退神，必减前任政声。此举大纲，后仿此推之。）

欲知品秩，无倦推详。

（以上两带只言大体，精妙之理具陈于后。）

禄马扶身，万里风云际会。

（禄者，十干五行，譬之人生一世，幼壮老死也。于长生为学堂，甲乙生亥，丙丁生寅，戊己生申，庚辛生巳，皆学堂，喻人之幼而学也。以旺为禄，则甲禄在寅之类，在临官帝旺之处，喻人之长而食禄也，马者驿马，如寅午戌马居申，乃长生，谓之绎马。若临身世，或临官鬼父母及动来生扶身世，乃大吉，唾手成名之象，大忌空亡与刑害也。）

贵人持世，九天雨露承恩。

（贵人有二，有天乙贵人，有福星贵人，宜旺相，怕刑冲，若临官鬼及文书，主官职高迁必登相位。福贵持世，主人有福德，一生见险无虞，临凶无咎也。）

青龙动则事业易成，朱雀空而文书难就。

（青龙者，吉庆福德之喜神，其动有三，年建青龙、月建青龙、日建青龙。若见发动，必加官进禄。与天马并立，自有升腾进益之喜；不宜落空，必主虚喜，若得兴隆，事事称心，吉无不利。朱雀，占官之用爻，宜旺不宜衰，若见空亡，文书必难成就，或被刑克，文书必遭伤坏。）

子孙发动，纵然在任也休官；

（子孙乃剥官之神，若发动，虽在任所亦当休致，其求仕者，不必言也。）

劫杀交重，当见承恩方损己。

（劫杀见后神杀章内，若官鬼临之发动，必因官损命。）

妻财持世，诰牒岂得如心？兄弟扶身，俸禄安能称意？

（妻财持世克文书，纵成，不如意。兄弟为克剥之神，俸资必非厚也。）

父化父，文书不实；官化官，事体翻腾。

（父母为文书。父化父，文书虚而不实也。官化官，事体翻腾反复也。）

卦中两父两官；必是鸳鸯求仕。

（卦中遇之必有两意，干事此失彼得之兆，此乃鸳鸯求仕。若前鬼旺后鬼空，只宜守旧不可改谋；前鬼衰而后鬼旺，宜舍旧图新；前后皆旺所求遂意。）

又上月德月建，须逢獬豸为冠。

（月德、月建皆清正之吉神，诸杀莫敢仰视。若见加临贵人扶持官鬼及世爻，必非州县之官，乃风宪之职，更看日下衰旺，便可断其擢官赴任。此又不忌凶杀，逢杀则威风凛凛。动止惊人，操权轰烈。）

太岁动则在任有除，劫杀空前逢凶无咎。

（太岁，地杀之主宰，诸神不敢当。若值青龙、月建加临父官发动，虽见居任所又当升擢美职也。若加劫杀，则当贬责；如落空亡，逢凶无咎。）

鬼爻持世应知到任把权，印绶扶身必定临庭掌案。

（持世扶身，卦之主宰，若见用爻加临，定主到任把权，临庭掌案也。）

卦无父母，终无所任之邦，爻隐妻财，未得养廉之俸。

（父母为任所之地，若不出现或落空，恐无所任之处。妻财隐伏及落空，养廉之未足也。）

一世二世任所非遥，五世八纯仕途远涉。

（一二三世在内卦，故曰非遥；四、五、八纯在外卦，故曰远涉也。）

要识宦情好恶，须凭卦象推详。

（假如隔手未占，要知本官为人及形貌性情。但将鬼又论之，看在何宫，论其形体并六兽之形貌性情了然可见，奥义开列于后。）

世在离宫，眼露聪明性急；身居乾象，面圆正大仁慈。

（离属火为目，乾属金为首，各取其体德而言之也。）

金为武职之官，掌生杀之重柄；火乃文章之士，探礼义之根源。

（金有断制之义，故取为武职；火乃文明之象，必职司儒业。）

## 6、词讼章

伟哉行事有功，广播声名于天下；必也使民无讼，须存正值于心中。大争则兵革交征，小竞则文词相诉。欲分胜负，先将世应推详。

（凡争讼曲直，世克应者我胜，应克世者他胜。然应虽克世，而世旺被虽害我而不能深伤。世静而克应，而应发动，被有通变之谋，终于不受克。若有吉神扶持，必有贵人倚靠，终不能侵，若世应皆旺，胜负之机未可决，但究日辰生合何爻并刑克那爻，便知端的。）

要决因依，但把鬼爻推究。

（占讼以鬼爻为主，更以六神参究，来历因依，了然在目矣。青龙鬼，婚姻讼。朱雀鬼，骂詈口舌、文书契约，吏人争斗、喧闹是非。勾陈鬼，田土屋宅、山林树木讼。若兄化鬼，房族致争。螣蛇鬼，被人连累。白虎鬼，与人斗殴杀伤，若带凶杀动事属刑名。玄武鬼奸淫盗贼讼。）

官克应，他人受责；鬼伤世，自己逢屯。

（凡占讼，世应相克以决输赢。一说，世克应我讼他，应克世他讼我，输赢从官断。鬼克世，官事不顺我费资财；鬼克应，他人遭责彼亏我胜。应空不受克，他人亦无妨。世空同断。又云：世应俱空，两家退悔，官司将有解散之意。）

一卦两官，权柄何曾归一，六爻无父，文书终久难成。

（一卦之中不宜见两鬼出现，权不归一，事休反复，若一鬼旺动，即取其方向，便知那一官执权。父母为文书案卷，卦无父母案卷未成。父母旺空，文书未就，休囚空亡，其事不成。或父母逢太岁、月建冲，上司必有驳，父母加太岁动，主上司提案卷。父母带吉神，终无大咎，凶神同位则事凶。）

他诉讼，看鬼位休囚；我兴词，怕财爻旺相。

（凡他讼我，要鬼位休囚不宜旺相，不然其讼必成。妻财本克父母，若我兴词不宜见之，若逢动或持世，状词终不准。若得日辰冲散财爻，我事庶几可振。又云，他兴诉，须要官鬼休囚墓绝，则无大害。）

官鬼空亡墓绝，须知无贵主张。

（凡占，不问原告被告，若官鬼空亡墓绝，或卦无官鬼，决无官府主张其事。鬼虽墓绝，而财爻旺动相生，此之谓绝处逢生，须用资财嘱托，姑待官鬼旺相月日，方可成讼，更值子孙发动，仍复无气，纵然费尽资财，亦无益于事。）

世应带合比和，终久有人和会。

（若世应带合，事体本要成。若但比和而不相害，两家有和会之心。若子孙动，当劝和。公事世应比和，而官鬼旺动克伤世应，两家欲休，官府不放。若遇解神，庶几可散。）

鬼化鬼，移权更案；兄化兄，荡产倾家。

（若遇鬼化鬼，其事反复或移权更案，事干两司或旧事再发，前卦鬼衰，后卦鬼旺，昔日之事虽小，今日反成大事；前鬼旺后鬼衰，其事先重后轻，虎头蛇尾。兄弟乃克财之神，若旺动不免广费资财，休囚稍可。若又化出兄弟，必主使两重财或两处使钱，更加大耗，主荡产倾家。若加劫杀及咸池，必被小人阴私趁势劫骗。若逢鬼动，终久必知之也。）

太岁鬼临、其事必干台宪；天狱杀动、此身须入牢房。

（占讼，若鬼加太岁及月建，必干台宪，鬼衰难用此断，自宜通变，取人事决之，庶无失矣。天狱杀关锁杀，俱见后神杀章内，若动则有锁禁。）

官旺日，则面折庭诤；鬼休时，则停囚长智。

（占讼，欲知何日兴，何日息，但把鬼爻推究。鬼旺日，其事必兴，当见临庭折证；若值鬼衰，其事必停；鬼值冲，官司有冗，未及究问；鬼值日辰刑，上司有言责，其事稍缓。）

欲识何时结断，鬼爻墓绝推详。

（占讼，始终成败，皆从鬼断，其事有定限，庶可推详。夫结绝决断，实为难事，其或动经一年半载，必须先达人事，度其轻重，知其时务，复取其占之卦爻。子孙发动，官鬼空亡，无气入墓，穷其鬼绝月日，然后方可雍容推其意而言之。）

要知不受刑伤，子位兴隆剖决。

（子孙为福德之神，官讼牵连狱囚，禁系杖责临身，此爻发动，一概可免。）

## 7、盗贼章

世上论官诉讼，多因性气资财，其中暗昧明私，莫出奸淫盗窃。用鬼为贼，须寻来处之踪由。

（以鬼为贼，若见持世乃贴身之贼，在初爻是家贼，二三爻邻里贼。在外是外贼，在六爻是远处贼。鬼带羊刃劫杀悬针，是强盗贼。贼来须捕鬼生方，且如鬼属金，乃西方贼，从东南方上来，看在何爻，却详微细之处，其余仿此。鬼属阳，日间来；鬼属阴，夜间来。阴鬼化阳，夜至日方退；阳鬼化阴，日至夜方偷。男贼女贼，亦不出于阴阳推断。）

推物凭财，当捕墓中之方向。

（推物当以财属五行辨之，欲知其藏匿何方，但寻财墓处便是。且如金财在丑艮方，木财在未坤方，水土财在辰巽方，火财在戌乾方，凡占欲知何处失财，但看财绝方向是也。财在内家中失落，居外在外失落。若五爻动，路上遗失。若鬼空亡无气，日辰扶合财爻，财爻化入墓中，此乃未经贼手不会失脱，藏于器皿之中。）

财化鬼必无寻路，鬼化财终可获贼。

（凡卦中财化鬼，其物已变化了，后无踪迹影响。鬼若逢冲而日辰扶合财爻，其物未散，若非子孙发动，亦未可知。如鬼动化财，物虽偷去，尚未出藪，终可捕获，但看子孙旺、官鬼受制时，自然败露。）

妻财最怕空亡，官鬼岂宜扶合。

（财在内卦，不落空伤，其物可见；财在外动，物已去远，终难得见。鬼若日辰扶合乃真贼，惯得其中滋味，必有人做脚，须防再来。且日辰合住鬼爻，必有窝顿之家，深藏固闭，贼不易败也。）

金爻带鬼，便言割壁穿窃；木位逢官，定是锄泥掘洞。

（金爻带鬼，用刀铁撬开门户，控毁墙垣；木爻属鬼，锄泥掘洞，过屋悬梁，其他当以类推。）

看在那爻发动，便知何处归来。

（如金爻发动，贼向西方来；木爻发动，贼在东方来。）

子动伤官，目下须当捉获。

（子孙为捉贼之人，旺动，必当时下便能捉获。偷时被人撞见，要知踪迹，但寻子孙方位，便知着落。如卯爻子孙动，见穿青妇人，便知消息。属寅，乃穿青男子或遇草头及木字旁姓人说消息。若遇巳爻子孙动，必见红衣女子方知，带杀乃曲脚妇人，胎养乃小女子，午乃穿红男子，旺相是银铁等匠，休囚乃挑柴炭人，问之可知。申乃穿白衣人，或弄猴针匠。酉乃卖酒人、持酒人，可知消息。亥乃穿黑衣人，或守田土之人，或挑水之人，或洗衣之人，皆可问消息。子是穿黑衣不顶帽男子及捕鱼人，静中看见，问其消息。辰乃竹木林中墓边人家，可问。戌有黄犬吠人家或牵引犬人，可问。丑是守牛人或是耕夫。未是牧羊人，可知其的。以上当别旺相休囚，可知少壮老弱。若鬼化子孙，必须告官，方能捉获。勾陈乃捕贼之人，若克玄武，其贼必擒。）

日辰克鬼，当时曾被惊疑。

（凡日辰冲克官爻上，盗时被主家惊觉，如金鬼畏火，若遇日辰冲上盗时见灯明复退隐。若火爻动来冲克，其时有人从灯外窥见形迹。木鬼值日辰冲克，行窃时会触铜铁器皿作声，贼心惊恐，或金爻空动克鬼，乃人之声，胎养小儿啼，库墓老人嗽，未敢下手。水鬼值日辰冲克，畏墙壁坚固，路径高低，其贼疑惧，终无十分偷掠，若戌土动来克，多是大吠，带杀被犬伤。火鬼被日辰冲克，主贼人被迫落水。土鬼被日辰冲克，畏门户牢紧，若见木来克，必开门户声惊疑。以上数端皆以类而推，唯占者至诚至敬，自然灵验也。）

一卦两官，内外二人谋计。

（若两鬼俱动，必是内外勾连。二人同窃，若外鬼动内鬼不动，不过知情。若两鬼皆不动，但取其临玄武劫杀当权者为正贼。）

六爻无鬼，中间恐自遗亡。

（六爻无鬼，财不空亡，乃自遗失，非人偷也。财旺可寻，若财带亡神动，鬼爻不动，亦是自失，被人获去，终不可见。若无鬼而兄弟化鬼，或加青龙动者，非人偷或曾有人借去。遗亡在彼。若鬼虽动又兼兄弟旺动，物虽贼盗，非能入已，又被他人将去。）

财立内爻，珍宝不离于井灶；财居外卦，金珠岂远于栋梁。

（财爻在内，其物必在家之井灶间；财爻在外未动，或藏匿于栋梁上。）

须教仔细参详，方可雍容断决。要占轻微之失脱，更加玄妙之功夫。鬼属阳，男子偷，细察休囚旺相；鬼属阴，女子窃，精详库墓胞胎。

（小可失脱，不可一概论。但当分别阴阳，较量衰旺，方知的实；若阳鬼男子偷，阴鬼女人窃，鬼旺后生偷，墓库老人偷，胎养童稚偷，若阴化阳，妇人偷，男子将去；阳化阴，男子偷，藏女入处。不然，日间见物夜间偷，或夜间窃，日中将去，此亦举其大纲，更宜详审。）

定人行以五行推，决面目以六神断。

（人形面目，大抵以婚姻内面貌参看。）

财逢生气，必亡走兽飞禽。

（凡论生气，正月子上顺行，一月一位数至岁终。卦中财临生气，必是能走动之物，子与丑合皆言牛，寅与亥合皆言猪，卯与戌合皆言犬，辰与酉合皆言鸡。凡遇生气，其物未曾杀害，若化为死气库墓，必被烹宰。死气者，正月起午上顺行，不问是何物，遇之皆不吉。）

墓值刑冲，徒有坚墙固壁。

（占失脱，最忌财墓逢冲。假如辰日占得震卦，世上财入墓正被日辰冲散，库中之财最为不吉，纵有恶犬藩篱，亦难防御。）

若见卦无财位，便当推究鬼爻。

（凡占失物，当究财爻。若是财不上卦，当以鬼爻衰旺决之。）

水鬼兴隆，无出绫罗锦绣；火官衰死，不过钢铁锅铛。

（若卦里无财，当考鬼之所属。水鬼兴隆，必是绫罗锦绣缎匹之类。若休囚，不过丝锦绢帛，余鬼仿此推之。火鬼加贵兴隆，必是金银，无气铜铁，若在二爻，必是锅铛之类。）

欲知何日亡财，但看鬼逢生旺；要决何时捉获，精详官被刑冲。

（凡占家宅，若鬼临玄武发动，当有盗贼起心。要知何时，但看官鬼生旺，远以月断，近以日推。如特占失脱，不可用月，但鬼爻生旺日是也。若卦逢六合，鬼值动爻刑克，便可断其动爻生旺日捉捕。凡日辰刑冲最急，若旁爻动来相生，必有人救。若大象可获，亦待旁爻受制日可捉获。）

## 8、求财章

饥寒起盗心，亦为困穷而至此；富贵享遐福，莫非营运而后能。赍财于蛟龙背上行舟，负命于虎狼丛中取路。欲决心中之疑虑，端详爻上之吉凶。

（求财之言艰险，于斯可见。但能信占卜，必无不测之祸，若出外求财，须言祸福之分。在家求财，亦有得失之别，学者不可究哉。卜以决疑，不疑何卜？凡来占者，必有疑虑之事，当详吉凶衰旺。见财福如值故人，遇兄鬼如逢仇敌。）

将本求财，妻位偏宜旺相；空拳问利，官爻喜遇兴隆。

（凡占求财，先达人事，然后决断。若将本求财，必要财爻旺相，克世生世则吉，世克财则凶。若卦有两财，外财旺而内财冲，本虽少而利则多。若内财旺而外财冲，利息淡薄，但可正本。若内外财爻俱死绝，将本生涯敛手折。财不上卦及空亡，买卖经商连本灭。财爻绝处又逢生，利息依然动欢悦。妻财虽旺不克世，劫向爻中看亡劫，先生若也问求财，请看天仙玄妙诀。空手求财者，不过是百工技艺之人，以鬼爻为用，鬼旺则财丰厚。）

鬼化为财，克世须云大吉；财爻化鬼，逢空可谓全凶。

（鬼化财，从空而至，且来克世，是利追我而走，故云大吉；财化鬼，自有化无，又落空亡，是消磨殆尽，故曰全凶。）

父化妻爻，当涉艰辛始得，财连兄位，纵然积聚当分。

（凡父化财，必先难后获。父旺财衰，财艰辛多而财少；父衰财旺，则用力少而财多；财化弟兄，将有侵夺之患，虽有积蓄，亦当分散也。）

凶神冲散财爻，切忌风波险阻；劫杀加临兄位，须防盗贼相侵。

（凡凶神来冲克财爻，行船便见风波之患。世爻若值吉神，身虽无咎，财必飘零。凶神若遇虎蛇，鬼劫，财命不可保全。若就家中求，却不如此断，必是凶人搅乱，或因财引惹公事。若值解神，却得无事。劫杀乃求财之大忌，若临财位，必不可得；若临兄弟发动，得财之后，防有失脱；若更玄武加临，必有盗贼劫掠之祸；若得贵人临鬼持世，虽有贼来无伤于我；如逢鬼动，兄弟受制，纵有凶神，亦无大患。鬼爻无气则无权，兄弟依然来作祸。）

子动会青龙，乃生财之大道；父兴临白虎，为绝利之根源。

（若卦内无财而子孙旺动，亦可求谋。更临青龙比同，有财之卦；若值休囚，更宜斟酌；若鬼化子孙，谓之鬼运财来付好人。苍屏有歌曰：鬼化为财及子孙，求财最利称心情。更逢福德来生性，安坐高堂也获珍。若子孙化子孙，财从两处生，财既是两处生，宜两处求，或与人同求大吉。子孙乃生财之神，如水之有源，源头受克则泉竭，泉水旺盛则流长。若财位逢长生、福德、临官，此等求财绵绵不绝，或财虽旺子孙死绝，只许一度，后再难求，子孙虽旺父母来克，谓之绝生财之源，虽有钱财，亦无接济。若遇日辰相合，庶几不被克伤。）

世克动财，若赶沙场之马；财生静世，如逢涸泽之鱼。

（大凡求财，财来生世克世则易。财来逐我，如涸泽取鱼，伸手便得。若世克动财，是我去逐利，如沙丘劣马，愈赶愈奔，终难上手。）

克害刑冲迫兄鬼，则灾殃消散；

（兄鬼皆求财之忌神，今彼受制，不惟求财有望，抑且灾散祸消矣。）

生扶拱合辅财福，则货宝丰盈。

（妻财子孙，生涯紧要，且有生扶拱合，岂不财货盈溢，珍宝满箱？）

前卦有财后卦无，不利于后；前卦无财后卦有，艰难在前。

（前卦有财后卦无，宜速求，迟则难得；前卦无财后卦有，宜待时行事，或看财爻旺相年月方可谋望。）

财合日辰，方能入手；财逢墓库，便可归怀。

（财与日辰合，财爻入墓日，主可断其上手。）

## 9、出行章

坐贾行商，皆为厌贫求富贵；晓行夜算，只因图利起经营。欲财溢于千箱，须奔驰于万里。未卜其中之得失，便言路上之行藏。世克应爻，直到地头无阻节，鬼临飞位，未离门户费趑趄。

（凡占出行，以世为主。旺相吉，无气凶，世克应坦然，一路无凶兆，应克世或旁爻发动来相克，当有吉凶之辨。若逢财福克我则吉，鬼杀克我则凶。若当世墓凶方，决不可行，鬼持世上，多是去不成。若子孙发动来解，庶几可行。如或鬼爻带贵，必因贵人迟滞，未得起身。鬼加官符朱雀，必因官事牵连。鬼加白虎、丧门、吊客、死符、病符，恐有丧亡疾病之事。鬼若临应，到彼谋事终难成就。）

世爻更值空亡，出往终难成就。

（世若逢空，多是去不成，纵然强去，终是不得意而归。凡占，必须看何人。若本身出，最忌世空，因经商出行可谓大凶，必主陷本他乡，徒劳奔走。若九流艺术及公家勾当人占，反为吉，但空手得财不能聚也。）

子孙动则路逢好侣，官鬼兴则途遇凶人。

（子孙持世，吉无不利，必主善去吉回，若发动必逢好侣。官鬼为凶人，发动克世，为害非轻，休囚受制终无大事。）

父母休囚，背负一琴登蜀道；妻财持世，腰缠十万上扬州。

（父母为行李，旺相则多，休囚则少，一琴一剑，言其少也；妻财为钱钞，财爻旺相，则腰缠

千万贯，言其多也。)

马爻发动，坤宫遇吉神，则驿程安逸；木位交重，坎位加白虎，则舟楫倾危。

(马在坤象动，必陆路行，更加青龙，一路自然安逸；木在水上动，必是水程，若加白虎，恐遭风浪颠覆之忧。)

五位逢空，路上凄凉无旅店；六爻临鬼，地头寂寞有忧愁。

(初爻空亡无脚子，二爻空亡身有阻，三爻空亡伴侣稀，四爻空亡难出户，五爻若也值空亡，旅店荒凉受辛苦，更看六五若逢空，地头寂寞无人住。六爻俱不落空亡，任意挥鞭千里去。以上论空亡者，不可一概论，必从吉凶分别。凡吉神空则凶，凶神空则吉，依此推之，万无一失。占出行不宜见官鬼，六爻遇之皆不利。初爻主脚痛，二爻身有灾，三爻伴侣有疾，四爻去后户庭有官事相缠，五爻道路梗塞，六爻地头不利，不得意而归。)

参详一卦吉凶，推究六神持克。

(青龙临财发动，满载而回；朱雀官爻发动，必有是非口舌；勾陈临水动，必有雨水；螣蛇带鬼，必有忧惊怪异；白虎带杀，必有疾病；玄武临财，必有失脱。以上凶神持世克世，最忌旺相，亦忌休囚，受制庶无大事。)

金爻持世岂宜远涉南方；木位安身唯利高登北阙。

(南方属火，金畏之，故不宜往；北方属水，水生木，故宜去。余仿此例。)

## 10、行人章

秋风飒飒，动行人塞北之悲；夜月沉沉，兴游客江南之梦。剔银灯喜占音候；当金钗为卜归期。若问子孙，须要福神生旺，或占父母，不宜印绶空亡。

(父母出行看父母，子孙出行看子孙，兄弟朋友皆看兄弟，奴仆亦看子孙，吉神临之吉，凶神临之凶。)

应动青龙克世，行人立至；父临朱雀爻交，音信须来。

(应动克世即来，世动克应未来。青龙临应动，行人立至，世克动应，行人则往他处，若世应俱静，但看生克制化，若世生应克应，决未来；应生世克世，身虽未动已有归意，但看冲动月日起程，生旺日必到。父母、朱雀皆为音信，若见发动，必有信至，克世来速，世克来迟；若当五爻动，有信在路，带天喜、吉神克世是喜信，加大杀凶神克世，是凶信。若父母朱雀动处逢空，音信虽有，被人沉匿；父母并勾陈发动，音信虽有，带书有耽搁稽迟未到也。)

欲知车马将回，须看门户；要卜舟船未发，但看地头。

(初爻足，二爻身，身足俱动则来。三四为门户，动则速至。五爻动在途。六爻动在地头。凡旺动则来速，动无气则来迟，或用爻或应爻于门户上动，行人即到。凡动爻亦有凶，若动爻克应克用，虽当门户、亦有迟滞。)

阴宫际遇螣蛇，当有还乡之梦；咸池若临玄武，恐逢觅水之欢。

(阳鬼会螣蛇；当有虚惊；阴鬼会螣蛇，当有夜梦。若在内动，此是家人梦见人回；在外动，必行人有还乡之梦。其梦决于鬼生旺日，重动已往，交动未来，用爻若加咸池玄武，行人主有外情牵惹不归。)

兄弟动则多费盘缠，官鬼兴则不谐同侣。

(兄弟若当权，旺动决虽多费盘缠，若更化兄弟，不免有两倍之费。不然有分争之患，休囚无气稍轻。兄化为鬼，行李至中途必有变，不可托人。若财化兄弟或加玄武，多是被人诓欺。兄弟若逢刑克，无害。若官鬼旺或兄弟空，必路无伴侣，可自登程。)

更被凶神持克，须防世墓空亡，若有吉曜来临，庶免身遭否塞。

(若作出行人本名占，最忌官鬼、白虎、大杀动来克世，及怕世墓世空，自有身疾，患难有险。若占他人，怕鬼伤克用爻，及用爻入墓空亡，须防危难，若得子孙旺动，贵人及解神来相解，或日辰刑冲凶，庶免身遭否塞。)

动爻值退，登程复返他乡；应位逢冲，触景方思故里。

(丁丑、丁未、壬辰、壬戌，四者为退神，凡用爻及动爻逢退神，行人登途，仍复返去。若动爻逢空，亦作返去断，看在那位爻上空，便知何地转去。要知行几里回去，但依生成数推断，生旺倍加，死绝减半。六爻不动，本无归意。若日辰冲动应爻，必是睹物思归。)

勾陈发动，若逢位上便淹留；折杀交重，须向途中防跌扑。

(勾陈发动，必主淹留，若在地头，未能起离；若在五爻动，半路人留。勾陈旺动；克持用爻，行人卒急难来。折伤煞云：折伤四体要君知，正月鸡栖逆向离，生伯高枝防跌扑，此又发动恐颠危。谓正月从酉上逆行也。)

妻财旺动加玄武，则杳绝音书；福德兴隆遇青龙，则丰盈财宝。

(财兴克父，玄武动伤朱雀，若相并而动，主音书杳绝。望信须看世应中，信来两处起交重，他与我静鱼传信；我动他安雁绝踪。子孙乃福德之神，遇青龙则满载而回。)

欲详物数，五行妻位兴衰；要决归期，六合动爻生旺。

(要知物数，但看财临五行，旺相多，休囚少，逢生倍加，受克减半。数目照河图数采水一、火二、木三、金四、土五，动爻属金，期在巳日并申酉日可到，余仿此例。)

锦城虽云乐，不如早还家；茆屋未为贫，但愿安乐业。

## 11、家宅章

要察卦爻内外，可知人宅兴衰。

（内三爻为宅，外三爻为人。宅去克人，主病患连年，击括多端；人去克宅，主修居创屋，整旧更新。内卦旺，屋宅多；外卦旺，人丁伙。）

初观住宅之根基，相连井位；次睹华堂之境界，兼接灶司。

（初爻住宅基址，带财福吉。井亦相连，初爻属土，则浑浊；水则清冷盈溢；木则井上有树；火则泉水常干；金则沉莹香洁；带鬼逢空，必废井。二爻为堂屋，生旺则深沉广阔，元气则窄狭低猥，带青龙龙德贵人，必新创整齐；加白虎刑冲克害，必旧居破败。二爻灶亦兼焉，生旺则灶修饔饩，休囚则灶冷无烟。朱雀带官定有灶前咒咀，鬼连白虎，须防脓血淋漓。）

三门若值官爻，不离五行分割；四户倘临鬼杀，须加六兽参详。

（三爻为大门，与太岁日辰生合，其向大利。与太岁日辰刑冲，其向不吉。带财福、青龙、吉神动者，决主门庭清吉，人口康宁。加官鬼白虎凶神动者，多招口舌官非，迺遭恼聒。加兄弟者，主破耗多端，资财不聚。加父化父者，一合两样门扇。逢刑冲或加破军，必有破坏。以上动者甚，静者轻。若三四爻相冲，有两门相穿不生财。第四爻为户，即中门带吉神动吉，连凶煞动凶。）

五为道路之爻，六为栋梁之位。

（五爻为路，与世合则委曲有情，与世冲则直长带杀。六爻为栋梁墙壁，带青龙则新创整齐，加白虎则崩颓破败。）

虽辨其中之奥妙，须详就里之精微，搜索六爻总是家庭小事，推明一语可惊王公大人。月建会青龙，当主婚姻妊喜；丧门加白虎，须忧疾病丧亡。

（月建即正月建寅之类，与青龙会合一处发动，主重重喜庆，士夫当加官进禄，庶民则增进钱财，婚姻孕育无不吉也。丧门白虎谓之四利三元，乃凶神，见后凶煞内。若见此爻动者，则有病患连绵丧亡迭至，种种不祥，自当细审。）

朱雀空则门绝官灾，勾陈旺则户增田业。

（月建朱雀正月从巳上顺行，在内动主是非口舌，在外中贵人动，主有文书音信之喜。若带官符官鬼动者，月内必有口舌官事。又云，月建朱雀即天烛杀，若与日辰朱雀并动，须防火烛。若朱雀空亡，官事无妨，是非潜伏，火烛消燹。月建勾陈正月从丑上起顺行，带鬼杀，内动主宅神不安，人口不宁，在外动谋事多见迟滞。若临财多旺动，克世其月内必有增进产业之象。更加日建青龙，

必然广置田园，横发钱谷，大利田土之事。)

玄武须防盗贼，加咸池必有私情；螣蛇本主虚惊，遇阴鬼多生怪梦。

(月建玄武，正月从亥上顺行，在内动主有奴婢走失，在外加鬼杀动，主有穿窬割壁之贼。若玄武与咸池同乡，主阴私淫乱之事；动来合世，宅长必然不正，若临财爻，其妻必淫；若临父母，出处插贱。或临福德及第六爻，皆主奴仆有阴私之事。若逢生旺，其事张扬；或值休囚，犹可隐匿。如逢冲散，必然被人说破，不复作矣。凡此章皆是是非之端，古人所以具述此事者，既造精微之地，不得不言，后学不可妄谈。暗藏胸中，以为观人邪正之法，不宜轻泄，月建螣蛇，正月从辰上逆行，若动，主有牵连事至。遇阴鬼，主夜生怪梦，克世临世，宅长夜梦不安；克应临应，宅母梦寐不宁。)

卦列六十四象，怪分一十二宫。

(六十四卦之中，其怪不过十二宫。分子动鼠怪、寅卯申狐狸怪、巳动蛇怪、午动火光怪、酉是鸡怪、戌是犬怪、辰丑未是虚响怪，见怪爻动处，逢冲则无害也。)

推占六爻全凭四季。

(诀曰：怪爻季是两头居，仲月逢之二五随。三四怪爻当孟月，动成骇怪静无之。杀神在世灾应实，鬼杀伤身祸不虚。更被官爻持世上，怕逢衰病患难除。以上所言怪爻，须凭四季取。季月初爻六爻动为怪，仲月二五爻动为怪，孟月三四爻动为怪，其余发动不可乱言。)

既有浅深之辩，莫辞祸福之分。

(凡有怪异，亦有浅深。怪浅祸亦浅，怪深祸亦深，祸福于斯可辨。)

世在游魂常有迁移之意，身居墓库终无起离之时。

(占宅得游魂卦，主居处不定，常有迁移之意。占移居怕见世爻入墓，虽言移终不能动身。)

外卦兴隆，徙舍须云大吉；内爻旺相，移居必见灾殃。

(立春，艮旺震相巽胎离没坤死兑囚乾休坎废。春分，震旺巽相离胎坤没兑死乾囚坎休艮废。立夏，巽旺离相坤胎兑没乾死坎囚艮休震废。夏至，离旺坤相兑胎乾没坎死艮囚震休巽废。立秋，坤旺兑相乾胎坎没艮死震囚巽休离废。秋分，兑旺乾相坎胎艮没震死巽囚离休坤废。立冬，乾旺坎相艮胎震没巽死离囚坤休兑废。冬至，坎旺艮相震胎巽没离死坤囚兑休乾废。以上八卦之休旺，凡占移居，外卦旺宜迁，内卦旺宜守，反之必见灾殃。)

青龙外动宜迁，白虎外动宜静。

(大抵青龙吉，白虎为凶，守旧迁移，随其变动而作趋避。)

刑害翻成六合，挈家去后亨通；游魂化入归魂，返舍回来大吉。

(占移居，得三刑六害卦，本非吉兆，若变得六合卦，去后必亨。游魂化归魂，必当仍还旧地，

乃为大吉。)

欲遂迁居之导，须求分烛之邻。

(初爻为左邻后邻，四为右邻前邻。加财福吉神，必慈祥恺悌之家，带鬼杀凶神，乃无籍凶狠之辈。)

## 12、香火章

欲究治家之本，莫过敬鬼为先。

卦中三爻，总论天神地鬼；其中六兽，可知作福兴灾。

单拆须辨阴阳，衰旺可推新旧。

要察神前之供器，更详卦内之鬼爻。

鬼位逢金，必主香炉破损，官爻遇木，决然牌位崩摧。

## 13、六畜章

若问家先，内宫看鬼。崇奉百神安妥，自然六畜兴隆。鸡鸭原在初爻，遇青龙则四时旺盛，猫犬端居二位，加白虎则两件难全。

(初爻鸡鸭位，带鬼或空亡，难为鸡鸭。加大小耗，必有狐狸黄鼠所伤，若临青龙，大吉。二爻为猫犬，寅爻旁动克戌爻，虎伤犬，戌爻克二爻，犬伤猫。猫爻若加吉杀，必善捕鼠。杀带鬼家有恶犬，逢空不利，旺空有犬无猫，有猫无犬，不能两全。加白虎必然有伤，带青龙必然旺相。)

三四猪羊，怕见官杀兄弟；五六牛马，喜逢福德妻财。

(三爻为猪，带子孙妻财必旺；带兄弟猪不长；带官逢空，猪有损失；带子孙胎爻，其家猪有胎；若见申酉二爻动或克三爻，猪决有损失。四爻为羊，带财福则旺；带鬼杀则损失；逢空无羊；胎养临爻则羊母旺；劫杀临爻则羯羊多。朱雀临大杀在兑宫，乾宫动，羊生臊口；遇青龙动则吉；白虎动则凶。五爻为牛，带子孙其家有子母牛，带胎爻其家牛有胎。凡遇青龙财福则吉，鬼杀白虎则凶。青龙临爻多是水牛；勾陈螣蛇多是黄牛；若五爻带金鬼，主牛夜啼；水鬼败肚；木鬼脚痛；火鬼因触热；土鬼时气发瘡。兄弟化兄弟，与人相合牛只；旺相墓库老牛胎养小牛。六爻为驴马，带财福则吉，带鬼杀则凶。如子日冲午爻，主走热饮水，火动则无妨，此一爻依牛爻断之。)

最嫌本命逢冲，须忌分宫受克。

(丑爻为牛，寅爻为虎，亦作猫爻断。午爻为马，未爻为羊，酉爻为鸡，戌爻为犬，亥爻为猪，以上六畜之本命，怕逢鬼杀大小耗相刑相克，又嫌本命空亡，皆主损折狸伤。一云：初鸡鸭，二猫

犬，三猪四羊，五牛六马及驴骡，以上乃分宫也。如本命上卦，当看分宫为主，若吉神动来相生则吉，凶杀动来克害则凶。更得日辰扶拱亦吉，若日辰刑冲则凶。能依此断，万无一失。）

命逢生旺，当别吉凶；

（生旺若逢本命，本为吉兆，却看临财福旺相则吉，临鬼杀大小耗则凶，反不如不旺。凡吉神扶命，旺处六畜必盛，若加鬼杀得是休囚，庶几损折亦轻。凡本命旺临财福却加大小杀于其上，孳生难盛，损失亦多，得失相半之兆，不可概论而断吉凶。）

爻值刑冲，须分表里。

（分宫若日辰刑冲，或动爻刑冲，当有吉凶之辨，表里之分。凡分宫会财福、青龙，若逢刑冲则凶；若临鬼杀白虎，逢刑冲反吉，必主前虽损失，以后必然旺盛。大凡旺处逢冲则损，绝处逢冲则散，空处逢冲则不空。）

六兽可知颜色，斟酌相克相生；八宫细论身形，定夺居中居外。

（欲知颜色，不过是猪犬牛马，凡遇六神所临，六爻安静别无冲破，但言一样颜色。若动相生相克，方可言杂色。假如玄武临用爻被白虎动来克，此乃黑白相间，玄武旺则黑多，白虎衰则白少，两爻衰旺相停，黑白相半。且如青龙临用爻白虎动来克，又加勾陈动来生，此乃三色花黄白黑相间，即玳瑁色。乾首、坤腹、离目、坎耳、兑口及尾、艮前足、震后足、巽腰。凡用爻临玄武在乾象，更无别爻相克相生乃是通身黑色。若逢坤象白虎动来生克，必是黑头白腹。若遇休囚，其白少。若逢生旺通腹白。又如勾陈临用爻，在坤象被震宫或艮宫白虎动来相克，乃黄身白脚。震言前脚，艮言后脚，以上略举一二以为法，其余分宫仿此推详。凡占，须以用爻所临为本身颜色，若遇别爻冲克及生扶，方可看其在脚言脚，在腰言腰。）

## 14、田蚕章

家有千钟，皆出田中之玉粒；库藏百宝，安如筐内之银丝。先言农力之勤劳，熟稻岂辜于八月；次论育蚕之节目，植桑不负于三春。

（凡占农田，以世为田，以应为天。应爻临水生世及加青龙玄武生合世爻，丰稔之岁可卜矣。若见应加朱雀动克世爻，田禾必祸。或世临勾陈动克应爻，主缺水。若应爻相合比和，看卦中何爻发动，水动生克世吉，火动生克世凶。内卦为蚕，外卦为养蚕人。内生外吉，外克内凶。内生旺蚕旺，外兴隆人多。内外相生吉，相克凶。凡占须要巳午上卦为吉，巳午发动乃大吉。艮卦离卦大吉，坎卦兑卦大凶，逢四五月卦大吉。）

剖分内外三爻，总合农桑二事。

（凡占农，以初爻为重，二爻为秧，三爻为人力，四爻为牛，五爻为天，六爻为水。若占蚕桑，以初爻为种，二为苗，三为人，四为桑，五为箔，六为茧，以上六爻旺相者吉，休囚库墓者凶，若逢大杀、大耗、小耗，皆为凶兆。）

六卦遭逢鬼杀可谓全凶，五行弗遇官爻方为大吉。

（农田若见鬼在初爻，种不对或不萌。鬼在二爻必欠秧。鬼在三爻农力不到，若加凶杀田夫有病。鬼在四爻欠牛力或牛有损，空亡无牛。鬼化兄或兄化鬼，与人合牛，工作不利。鬼在五爻天意不顺。鬼在六爻必缺水。占蚕鬼在初爻种不出。在二爻出后不能旺盛。在三爻蚕娘有病。在四爻叶必贵。在五爻上箔有损。在六爻财微薄必无好蚕，亦无好丝。六爻无鬼，田蚕自然兴旺。凡遇鬼爻，须看五行所属及观衰旺动静，鬼爻属金发动持克世爻，主蝗虫之灾。水爻动带鬼，狂霖损稼。火鬼必主亢旱，土鬼里社兴灾。占蚕，水鬼防鼠耗，木鬼二眼有伤，金鬼多白僵，其年吃叶多，火鬼头黄壳不生，土鬼蚕沙发热蒸伤。）

阳阴相半须加四兽参详，财福俱全更互六神推究。

（田蚕皆宜阴阳相和，水火相半庶能昌盛。纯阴不生，纯阳不化，阴阳交合，然后万物生。凡占得阳阴相半，外阴内阳，内外相生大吉之兆。占蚕须看六神持克，**仓屏云：“青龙旺相入财福，春蚕盈盈满筐簇，管取竿头白雪香，会看箱内银丝足。朱雀旺相入兄弟，必定桑铨食不济，若当离象动凶神，蚕室须防火灾至。勾陈带鬼多黄死，若遇财爻黄茧多，卦中发动并迟滞，若值凶神可奈何！螣蛇水鬼害头蚕，正要烘时却受寒，纵得丝来筐筐内，明朝絺绤也应难。白虎若临财福中，箔中多是白头公，更逢兄弟交重恶，急急祈求一半空。玄武若临咸池动，多是女人带厌来，急求蚕福来扶救，庶免春蚕目下灾。”**田蚕皆以财爻为主，生旺全收，无气半收，空亡大折。鬼空财旺必称心，有鬼无财主大损，若遇子孙持世旺，六爻有鬼亦无妨。）

兴衰得位，方能保其丰穰；动静有常，庶可明其得失。

（凡占，先看空亡，次看财鬼衰旺。若鬼财衰，荒歉之征，财旺鬼衰，丰捻可卜。田蚕二卦，相去不运，其中所主，各有分辨。占田以世为主，水火不可相胜，水动生世，春有滋育，夏多时雨。水旺克世，淫淋不止，巨侵飘泊。卦中有水火爻生世，水火即济丰登可拟。占蚕以巳午为蚕命，发动旺相皆大吉之象，旁爻动来生有利，来克主有大损。）

## 15、雨晴章

既言地利之广博，必假天时以发荣，若问阴晴全凭水火。

（若占晴雨，水火二爻乃一卦之主宰。六爻无水必无雨，六爻无火不开晴。若见水爻动来克世，

骤雨忽然至，生世乃细雨。又云：水爻旺动，是骤雨，无气是细雨。若水动土亦动，虽雨亦无多，卦中虽有水，若逢土动，决是无雨，只是雨意，苦水化水，冬可言冰雪。若火动克世，必遭亢旱。苦水火兼动，乃雨顺风调之象。水化火，骤雨晴明。火化水，晴天变雨。六爻无水火，逢空不晴不雨阴天气，故曰：若问阴晴全凭水火。）

动静生克测天上之风云，旺相休囚决人间之祸福。

（苍屏云：世为地，应为天。应克世无雨，世克应大雨，动则急，静则缓。初旺浓云密布，无气谈烟薄雾；二旺飞电扬光，无气云中虚闪；三旺大风卷屋，无气布暖微风；四旺轰雷大震，无气隐隐轻雷；五旺滂沱大雨，无气细雨沾濡。占晴，初旺天虽晴云尚密，无气薄云将散；二旺草缀露珠，无气微施薄露；三旺朝霞散漫，无气日落霞明；四旺长虹截雨，无气半扫浮云；五旺大明中照，无气日色淡泊。五爻属阴旺，月转冰轮，无气，如纱罩镜。）

三冲六位，伫看掣电腾空；四克五爻，会见长虹贯日。

（三爻动克初爻，风卷残云散九霄；三爻动生初爻，风送浓云六合包；二四爻相生，电掣雷轰尽吃惊；三六爻相冲，骤雨倾盆搅六龙。卦中遇晴，却是初爻动生二爻，或二爻动克初爻，必主云散雾收。五爻动生三爻，或合三爻，日照霞明。四爻克五爻，长虹贯日。五爻属阴，被初爻动来克，月当明也，被云遮。略举大纲余当推究。）

推究六神际会，须知五属参详。

（青龙临水动，甘雨即沾濡，若值木爻动，阴云亦不舒。朱雀入火动，必然启大明，飞入土爻发，云中光射人。勾陈临土动，阴雾接天涯，若遇卯辰动，光中云渐开。螣蛇申酉动，掣电走金蛇。纵使天无雨，阴云尽日遮。白虎临木动，须防折木风，走入坎宫发，滔滔水接空。玄武临水动，连朝雨不休，更值鬼爻发，阴云暗九州。）

卦值六冲，云虽凝而复散；爻逢六合，雨未至而可期。

（卦值纯阳并六冲，雨未可望。云烟纵合，亦必解散。若阴化为阳，虽有云意而雨不至，纵有亦少。凡占，水爻虽动，被日辰并冲动爻刑害，虽雨亦微。水爻安静，见冲则有雨。凡遇阴阳相半，故能六合，更看水爻有气，雨虽未至，可以预期。若阳变为阴，虽晴亦当变雨。纵有火动，亦无久晴。若遇纯阴卦，静则有雨，动则生阳，雨未可望，水动则可许，加大杀白虎，则有暴雨而至。）

但逢雨顺及风调，自然民安而国泰。

## 16、国朝章

五爻为天子，近亲贤而远去奸邪；

（凡占国家，以本宫为国，世为君。又云：五爻为天子，若带财福青龙贵人者，仁君也。临太岁、月建、勾陈者，威震天下守正之君。加大杀、白虎，暴虐之君。带咸池，淫乱之君。加劫杀，居位不久，若与吉神相生相合，必能视近贤者。若吉神来克，必有贤臣相辅。若动克凶神，必能远小人去奸邪。或与凶杀相生相合及凶杀动来相克，辅相不得其人，皆奸侯相辅。君爻纵遇吉神，亦不能去奸佞。）

四位列公侯，上忠君而下安黎庶。

（三公九卿之位，皆在四爻，若临吉神旺相克世，乃是敢言敢谏社稷之臣也。若加鬼杀旺相克世，乃是欺君僭上，昧主把权之辈也。若世值吉神，庶无大害。四爻若与世相生，阿谀之臣也，纵带吉神，亦不能规君之过，正君之失；带凶神，亦不能害君之正，丧君之德。四爻动生初爻，必有忧民之心；初爻生四爻，民有仰慕之意。四爻加凶杀克初爻，民受无辜之害；初爻动克四爻，民视之如仇讎。四爻生合二爻，必能招贤纳士；二爻生四爻，士有景羨之心。四爻生克三爻，必能任用百官进贤退不肖。以上细心详察，无不应验。）

子孙临大杀，秦扶苏中赵相之谋；君位合咸池，唐玄宗受杨妃之祸。

（占国家，以子孙为国嗣，若得日辰扶合或动爻相生。或临月建旺相及加青龙贵人者，若东宫已立，他日拟登宝位，更无改易。子孙若带咸池，非正宫所生，福德临劫杀大杀，恐有变易。更被四爻伤克，必有赵高谋扶苏之事。卦无子孙，无国嗣。世爻与五爻若带咸池玄武，上必荒淫。卦有咸池却被君爻相克，虽有西施之美，无害于国政。应爻加咸池飞入五爻旺相，又兼世爻空亡，必有武氏乱唐之患，后必当见女主治天下。若加吉神，天下庶几安定。更带凶神，四海必乱。君位若合咸池带杀旺相，必有女祸，如唐皇之于杨贵妃故事也。）

福神克世，重观折槛之朱云；将曜加刑，再睹登坛之韩信。

（子孙发动伤克世爻，主有值臣奏事，颇类朱云折槛之风。若与日辰相生合，上必允其奏，与日辰刑冲，龙颜大怒，终遭贬责。子孙临太岁，月建动克四爻而生五爻，子孙旺日必有御史劾权臣，四爻鬼杀旺相不受克，须防有变。寅午戌午是将星，巳酉丑酉是将星。申子辰子是将星，亥卯未卯是将星，若将加白虎羊刃生世，必得强将。将星若带贵人青龙生世，当得忠良之将。将星若加劫杀动来克世，须防弑君之祸。此爻将星名为刺客，以上三节，皆在旺相，年月日可见也。）

金爻带鬼，一方有兵革之兴；土位逢凶，四海尽干戈之难。

（大杀若临，金鬼旺动，必兴兵革，世克庶无大事，克世必凶。若土鬼带杀发动旺相，四海皆乱，克世必有攻城之贼。卦中有杀无鬼，克世亦凶；有鬼无杀，虽凶弗咎。有神制杀，鬼动无妨；鬼位休囚，财兴有害。鬼空杀旺，纵乱无成；鬼旺杀空，虽凶无害。若鬼带劫杀或化为兄弟，无过

是劫财之贼；若加玄武，是阴私暗害之贼。卦中蛇虎不动，纵有大杀，不为急迫。若并官鬼恶杀动，实为大害，却以生旺克害何方，方可决断。）

以遏寇贼，全凭将帅专征；要决输赢，先察世辰相克。

（以世为我将，应为彼帅。又云：以子孙为我将，及先锋。子孙得地旺相将军必胜，若加青龙乃忠良之将，若加白虎乃勇悍威猛之将。若得持世虽有鬼亦无伤害，若得旺相发动，决胜千里。更日辰扶拱，有百战百胜之功。所嫌者，父母发动，虽有子孙，不可当其锋，若入墓无气，虽动无伤。凡专征伐，以世为我，应为彼。世克应，我胜，应克世，彼胜。世墓只宜坚壁自守，不可妄动。若世旺相应入墓，彼必折人丁。世空我有难，应空彼有伤。世在阴宫，不宜先动；世在阳象，不利后兴。世动克应，我必进；应动克世，他欲来。鬼爻克世，他胜我。鬼爻克应，他欲退。鬼持世，须妨围困，金火持世应，两家流血交征。世应比和皆旺相，此两强敌手胜败未可决，但以所长断之。世应相生相合，将帅有允和之心，士卒无攻战之意。）

妻财发动，当成易帜之功；兄弟交重，须御夺粮之患。

（父母为旗帜，旺相发动必然兴兵，若在内动，我欲兴兵，外动他行军马。克世欲来侵我，克应乃回头之旗帜，他必自退。凡父母不动妻财动，当有夺旗易帜之事，财在内动，克外之父母，我必夺彼之旗帜；妻财外动，克内之父母，彼将夺我旗旆。财为粮草，卦若无财必绝粮，财空粮欲缺，财无气粮不多，财动送粮与贼。若兄弟交重，须防劫粮夺草。）

听轰雷之战鼓，金爻发动逢空；看如雨之炮砖，土位交重逢旺。

（土为炮石，旺相临未上发动，方可言之，若带大杀，必遭伤害，如遇退神，须防自损。金空则鸣，动处逢冲愈鸣，若发动必然金鼓轰雷，须防战斗。金爻发动不空亡，刀刃森森明似雪，内动，我器械俱具；外动，彼之兵刃整齐。以上细细搜求，自然有准。）

木乃济川之舟楫，火为系马之军营。

（征战不免登山涉水，若无舟船之便，五月安可渡泸？凡占以木为舟楫，发动旺相，必有济川之利。木爻受冲，舟必破漏，木爻受克，船车难行。卦无水爻恐无水，木爻逢空必无船。木爻带鬼乃贼船。凡战于野，不召安营下寨，虽处山谷之险，亦宜占其吉凶。凡占以世为主将，火爻为营寨，与世爻相生相合，其地得利，与世爻相克相冲不吉。火爻若带鬼，贼寨必相近，火爻旺相宜宽阔，无气宜小结构。苍屏云：“水爻带鬼来克我，须防劫寨及攻营，却看有气并无气，方可斟量道败赢”，假如火爻旺相水无气，纵来克世亦无伤。）

父加虎杀外兴，莫纵军兵来出阵；鬼带劫亡内动，须防奸细暗临城。

（子孙为我卒兵，官鬼为彼贼徒。子衰兵卒怯，鬼旺贼军强。鬼空他必灭，子旺我必昌。怕父

母带白虎，外动必克子孙，宜守不宜战，战则必伤军卒。父母若持世动，主将不能养士卒，上下有相离心未相安之道。若带凶神须防自变。亡神杀，正月从亥起顺行，劫杀见后，若鬼带二杀于内动，须防奸细之人在城池之内；若被世克，须探事情不至漏泄。世爻无气鬼杀旺，军机透漏祸终来。内外鬼爻俱发动克世，必有内应外合之患，子动必无妨。鬼爻不带杀，为害亦不凶。）

若逢暗动伤身，须遇阴谋刺客。

（凡鬼爻暗动，更加劫杀大杀，刑克世爻，主将须防刺客。卦内若得子孙发动来救，刺客决然被擒，比同燕太子丹使荆珂刺秦王之类。若日辰冲动伏鬼伤飞爻，须防自己手下有人谋己，卦中无救，祸将及身，鬼旺日决见应验也。）

虎蛇皆动，正当离乱之时；世应俱空，宜见升平之乐。

（大杀若动，加白虎螣蛇，必是大乱，卒难休息。大杀若当胎养长生位上，乃丧乱发萌之时。若在临官帝旺之地，正当大乱，过此渐息。若当墓绝位上，将次太平。离乱已经历过，要知何年离乱最甚，何年稍息，依长生法断之。六爻无鬼，卦无杀，世应俱空即太平。）

## 17、疾病章

国家治乱，莫非风俗纪纲；人寿天长，岂论尪羸壮盛？养生非道，终有疾病存焉；请祷能占，便见死生决矣。杀临父母，当忧堂上之亲；空及妻财，灾虑闺中之妇。

（凡占疾病，看来者何人，子占父母，要父母上卦，妻占夫看鬼，夫占妻看财，父占子看子，占兄弟看兄弟，占朋友亦看兄弟，占奴仆亦看子孙。凡用爻不上卦或空亡者，则多凶少吉。凡占何爻空亡，何爻受克，吉凶依此而断之。）

决轻重存亡之兆，专察鬼爻；定金木水火之乡，可分证候。

（鬼爻旺日沉重，库日困迍，绝日轻可。鬼化鬼，其病进退，或有变证。或旧病发，或证候驳杂。鬼持世，病难除根，鬼爻带杀持世，此乃瘵疾。卦中鬼爻日辰旺，乃暴病。月建旺，乃经月之疾。鬼爻无气临身者，乃久病卒难痊可。卦中无鬼，病难安。鬼动伤身，证候急。凡占，旺鬼不死则易愈，衰鬼不死其病难疗。欲定证候。须看鬼临之五行：若金鬼，肺腑病，咳嗽或疮疥、血光或筋骨疼痛。木鬼四肢不利，风气肝胆，左瘫右痪，口眼喎斜，头疼发热，三焦口渴。加朱雀狂言乱语，阳证伤寒。水鬼，沉寒痼冷，遗精白浊，小便淋沥，吐泻呕逆。火鬼，寒热往来、脾寒疟疾。土鬼乃脾胃发胀、水肿、虚浮、瘟疫时气，若前卦火鬼，后卦水鬼，必前之证候为阳，服冷药过多变为阴证。若午前占遇此两鬼，当言勿服药，过后当必有变化。火鬼于火旺月日占是也。）

青龙得位，终见安康；白虎伤身，必成凶咎。

（青龙若临子孙克世，期日痊愈，或临应克世，服药有效。若临用爻发动，纵有凶险，亦不伤也。若带鬼爻亦非凶恶发狂之病。若在三爻动，香火为福。苍屏云：青龙空亡并福德，病人平日无阴鹭。若逢土动虎伤身，管取其年有悲泣。君来占病决存亡，白虎加临主哭丧。临克父爻当有咎，并财妻位必遭伤。子孙际会终成否，兄弟相逢更不昌。更值官爻持世上，己身须恐有灾殃。凡遇白虎交重，乃占病之大咎，无气犹可，旺相大凶。若临丧门、吊客、死符、丧车、持克用爻者，决主不起之兆。若得子孙旺动，月解兴隆，庶可回生。）

月解交重灾渐退，天医发动便回生。

（月解天医见后吉神章。若得发动持世或持克用爻者，虽重病不死，旺相最吉，日下即愈。墓绝稍慢，直待旺日方安。若值空亡，其病难疗。）

明夷、观、贲、需、临，切忌世身入墓；大畜、丰、同、蛊、夬，莫逢财鬼俱兴。

（占病怕身世随鬼入墓，决不痊愈也。如风地观二爻，乙巳鬼身亦在二爻，设或入墓，乃身随鬼入墓也。山火贲初爻己卯鬼，世亦在初爻，倘入墓乃世随鬼入墓也。举此为例，余仿此。苍屏云：“乾化入艮父忧丧，坤化入巽母忧亡，震化入坤长男厄，巽化入坤长女当，坎化巽中中男厄，离化入乾中女卒，艮化风内少男倾，兑化山中少女卒，此是八宫来入墓，十人得疾九人故。”以上所言卦墓，不可以乾化入墓。艮只忧父亡，但看病皆不吉。设若子占父，遇乾化艮，谓之应题，乃大凶。大畜等六卦占病大忌，财鬼不动未必丧亡，财鬼空亡，虽病不死。必须把其条贯，方可断曰全凶。上文所言财鬼发动，亦有吉凶之分，且如雷火丰卦，鬼动忌占兄弟，财动忌占父母及本身，妻占夫终无凶，余卦仿此。）

男怕长生兼怕未来之节，女嫌沐浴最嫌过去之辰。

（男子怕鬼爻长生日得病，与鬼同衰旺。卦无子孙、青龙、天医发动，鬼爻墓绝日却死。又云：寅日遇火鬼，巳日遇金鬼，申日水土鬼，亥日木鬼，谓之长生鬼，占者遇之大凶，在后沉重方来。凡决安危，先以鬼爻衰旺推断，次以节气论之。凡男怕未来节，近节必重，过节无伤，节前不重者必无妨，若是久病，当以四时节候论之。且如木鬼忌秋间节气，遇节不重，过节必安，女人最忌鬼爻沐浴日得病。又云：卯日遇火鬼，午日遇金鬼，酉日遇水土鬼，子日遇木鬼，谓之沐浴鬼，遇之难痊，至后反加沉重。次看节后必重，不重无伤，女人极怕过后之节。）

不宜丘墓同宫，安可雷风合卦。

（三丘五墓俱见后。二杀俱动，病人作福也难留。雷风者，棺槨杀也。震为棺，巽为槨，坤为墓，艮为坟，占病若全必死。）

既论染灾之表里，须言得病之因由。

（凡占病，先断证候端的，然后议论病因。更能明此一章，诚可谓通神之卜矣。）

六兽临官当分内外，八宫值鬼宜别阴阳。

（但逢鬼临六神，看在何爻，在内则在家得病，在外则他处招殃。青龙鬼是酒色过度，或因财有伤，妇人因喜有疾，青龙鬼空，堕胎有患。朱雀鬼口舌及咒咀在二爻灶下咒咀，在三爻当门咒咀，或家堂神前咒咀。如朱雀临金鬼动，敲锅铛咒咀。勾陈鬼饮食不节，伤饥失饱，脾胃不调。临木鬼，因修造动土处得病。肠蛇鬼，事务萦心，忧愁思虑，或虚惊怪异，因而染病。此爻多是心家受病。白虎鬼，斗殴跌扑，伤筋损骨，或寒酸冲肺。玄武鬼，色欲过度，伤饥冒雨。卦若无鬼，其病难医，证候难决，但以克杀动爻断之。不动以克用爻者断，又以伏鬼断。若鬼伏父母下，忧心得病，或穿衣服得病，过与不及，冬言衣单，夏言衣重。鬼伏兄弟下，赌博争财。鬼伏子孙下，外情牵惹。鬼伏财下，饮食太过。鬼伏杀下，旧病再发，亦难除根。老人卦忌生旺，小儿卦忌休囚，最宜病人本命上卦，大吉也。值阴鬼，夜重日轻，阳鬼夜轻日重，阴阳各依爻上看。世人有疾病者，亦有贤愚之分，贤者以医药为重，患者以祷告为先。占者不可不察其情状，一览其人可知高下，庶几贤愚皆可共语其道，方能流行。鬼神者儒家本不言此，今为患者占，不得不据理推详，以为阴功默佑。木主东岳天齐圣帝，七十二司。三十六案之神，并自吊伤亡。水是河泊水府，沿江七十二庙之神，并溺水伤亡。土是瘟蝗疫疠，中央土府之神，并饥饿绝食伤亡。金是衔刀、五道、飞廉、白虎、金神、七杀、吟呻、三杀、九良星杀、丧殃、丧杀之神，并自刎、被刑、阵亡一应伤亡。火是南方火部赤睛朱发鹤神、毛头毒火之神、并赴汤蹈火伤亡，若二爻鬼为灶神，三爻鬼为香火神，子孙动为福神。依此推之，万无一失。）

伏克飞爻，药奏通神之效；子临应位，医逢济世之才。

（世为病人，应及外卦为医药。药如克病，病即愈，病者克药，药无灵。外卦及应生世，药虽对证作效迟。世动克应，若是水鬼，服药不纳；金鬼无气，久病犯其服药无效；木鬼，其病必犯条贯，虽药亦无益；火鬼旺相其证必刚，虽药不能止其热；土鬼其病沉重，药不对证，不能疗病。应爻加鬼克世，则误药损人矣。占病以子孙为医药，临应动克世必遇良医，其病即愈。卦无子孙，服药无效。世应比和卦无子孙，宜换医人。子孙临应被世克，虽遇良医病未瘳。外卦及应虽克世，卦无福德亦难安。可言有药须当疗，但恐良医未有缘。子孙虽克世，外爻及应却不克，虽有良医，药饵不中，终无大害。虎杀若临子孙动，须防医者不精详。）

必须参究五行，方可攻医万病。

（火鬼宜凉剂，水鬼宜温剂或丸药，木鬼宜针，金鬼宜灸，土鬼宜锉散，火鬼月建旺，宜大寒之剂，无气不过清凉之药，余仿此推。金鬼利南方医人，木鬼利西方医人，水鬼利四散医人，火鬼

利北方医人、土鬼利东方医人。若前卦水鬼后火鬼，先须四散医治，终于北方医人收功。)

卦爻安静，重为济世之人，土杀俱兴，定作黄泉之客。

(凡占病，六爻安静为吉，其病可治。一卦中凶杀常多，而吉神常少，吉凶悔吝皆出乎动。动则成咎，且如六亲之中，不过子孙动者吉；六神之中，不过青龙动者吉，余者未必皆凶，亦不能为福，发动何益于我哉！此乃吉少凶多，不如卦爻安静，虽有凶杀，终未遭伤，若有吉神当权，自能为福。土杀者，即辰戌丑未，是交相换易，行乎四时之间，占病逢之多凶少吉。所有诸杀俱见后凶杀章内，若有一件动，便成凶咎。)

## 18、地理章

生死禀修于前定，寿夭各尽其天年。阴阳荫庇于后人，理义合凭其地理。

(天地之间，纯阴不生，纯阳不化，一阴一阳，二气交感，化生万物。且如天欲降生人才，必假地之气脉，阴阳融结必有贤者出。故凡人子，须当以亲之体，安居得所，则亡者安而生者庇。)

凡占风水，漫求玄妙与玄微，且把卦爻端详，是地不是地。六合则风藏气聚，六冲则水走沙飞。

(夫六合者，阴阳相配而不相离，初四、二五、三六更相朝顾，是为有情。凡地理不过山环水抱，四兽朝迎，拱卫有情，罗城无缺，似此卦中六合之义也，大吉之地。若卦无六合，世在内象四兽有情者，乃次吉之地也。世爻虽在外象，却得宾主有情，左右回顾，明堂宽广，水口关闸，乃小结局，亦可用也。若遇六冲卦，乃山飞水走之地，不必更详。)

龙因地势详观，即得天玄妙理。

(此二句乃一章之要旨。)

入山寻水口，不宜六位空亡；到穴看明堂，喜见间爻旺相。

(第六爻为水口，与世相生相合，是为有情，若加青龙、贵人、财福者。水口重重关锁，必有奇峰秀岭拱照回环。第六爻与世相冲克，山直无情，地枯无气。六爻若值空亡，水口散漫不能聚气。间爻者，世应中之二爻也。旺相临月建，谓之万马明堂。有云：明堂容万骑，水口不通风，大吉之地。明堂众水所聚，宜静不宜动，静则聚高，动则倾泻，水带吉神生克间爻，乃四水入明堂也。)

世乃主山之骨，当明九曜之规模；应为宾对之峰，须察五行之定体。

(世为坐下之山，又云：初爻二爻为坐山。生旺、坐山高厚；休囚、空亡坐山微薄。世持巳亥寅申，必定山雄地壮。世持辰戌丑未，必居广阔平洋。世持亥子，穴中出水。世持辰巳带杀，主有地风。白虎带杀逢空，主有白蚁。若临诸吉神，则坐山尊严，穴中洁净。属木必林茂，属水必近流泉，当类而推之也。九曜详婚姻章内，旺相则吉。案山带子孙贵人旺相，其山耸拔秀丽。若生世合



世，端正有情。空亡向山不正。带杀逢冲乃欹斜破相之山。若应临墓绝，必是案山低小。应若属金，即言金星，属水即言水星之类是也。）

向列二十四位，事分百千万端。

（木爻持世，主东震寅甲卯乙。金多持世，主西兑申庚酉辛。火爻持世，主南离午丙巳丁。水爻持世，主北坎亥癸子壬辰戌丑未。却言艮乾巽坤，各有所宜。）

发动青龙克世，须防嫉主；刚强白虎逢冲，切忌昂头。

（山间之龙虎，即卦中之龙虎。青龙虽吉，亦忌克世，相生乃妙。白虎大旺，便是昂首刚强，皆为不吉。）

青龙断左畔之峰，白虎言右边之嶂。所喜者相生相合，所忌者相克相冲。

（青龙旺，带木主林木葱蔚，带土则山岭崔巍，其秀气从左而来。白虎盛，临水主流泉脉远，加金则岩石奇丽，其秀气从右而至，皆喜相生，最恶相克。）

鬼在局中，必有伏尸古墓；空临左右，岂无凹缺招风。

（若世下有本宫官鬼伏藏，必有旧穴在下。左右者龙与虎也，若见何爻空亡，便知有凹缺招风之处，主墓穴不安为不吉也。）

勾陈若在世中，一路来龙振起；朱雀加临应上，两重对案相迎。

（勾陈乃龙之祖，若在木爻或临世上，来龙必远也。朱雀为案山，若临应上，必有两重对案。）

若问螣蛇当为穴法，旺相与台神共位，乃是真龙空亡或墓绝问乡，当为绝穴。

（卦中以螣蛇为定，旺相真龙休囚为绝穴。）

论山既备，于水合言，寻亥子方知有无，观动静可分死活。

（卦中无亥子，必无池塘溪涧，虽有水爻却逢墓绝，乃是干流之地。但看水爻，动者活水，静者死水而已。）

要识根源远近，但看水位兴衰；欲推缠绕多情，且察水爻生合。

（水爻旺相，流派绵长；水位休囚，根源浅少。有水爻相生相合，主委曲有情；相克相冲，主值来无气。）

若见卦无水位，便当推究玄爻。

（倘六爻无水，竟将玄武爻推看。）

遇吉则吉，逢凶则凶。

（玄武临吉神，是水于我有益有情，大吉；若临凶杀，则无益无气，主凶。）